








IGNAT. IAC. MADER HALA' TIROL.

















Digitized by the Internet Archive  
in 2016

<https://archive.org/details/cornelijansenii00jans>









CORN. JANSENII  
LEERDAMENSIS,  
S. Th. Doct. & Prof. Lovaniensis,  
EPISCOPI IPRENSIS,  
TETRATEUCHUS  
S I V E  
COMMENTARIUS  
IN SANCTA JESU CHRISTI  
EVANGELIA,

EDITIO NOVA

Cui accessit in margine Sacer Textus.



LOVANI.

Typis GUILIELMI STRYCKWANT sub aureâ Lampade 1699.

Cum gratia & Privilegio.

THE NEW YORK  
LIBRARY

OF THE CITY OF NEW YORK

ASTOR LENOX TILDEN FOUNDATION

1215 Broadway New York City



## AD LECTOREM.

**T**RATEUCHUM Evangelicum Reverendissimi D. CORNELII JANSENII, quem Deus nuper ineffabili consilio, ut terris eum tantum ostenderet, ad Episcopatum Iprensem evexit, & subito retraxit, tibi, Lector, damus.

Opus, fateor, non in typos ab Authore destinatum, sed Scholasticis tantum dictatis concinnatum. Verum discipulorum ardor, & incomparabilis Viri eruditio, tot aliis jam scriptis probata, & hinc sibi par, expressit, ut typis evulgarem. Aliorum Commentarii mole fortassis ampliores, sed fallor, si doctrinâ & veræ pietatis fructu: quem illi cum cortice suo, multisque ad ornatum magis quàm ad gustum foliis, totamque arborem præbent, noster purum putum nucleum, sine putaminum supervacuis. Inspice, ipse etiam mecum dices, & astrictam brevitate tam opulentam, & (quod rarissimum) luculentam admiraberis.

## APPROBATIO CENSORIS.

**C**ommentarius hic Reverendissimi & Eximii Domini CORNELII JANSENII in Sancta JESU Christi Evangelia genuinum Scripturæ Sacræ sensum exponit, & summam eruditionem, doctrinamque solidissimam, ex Sanctorum Patrum scriptis potissimum depromptam complectitur. Quamobrem prælo dignissimum censeo. Datum Lovanii die 10. Maii anno 1639.

JACOBUS PONTANUS, S. Theol. Doctor,  
Apostol. ac Regius Librorum Censor.



REVERENDISSIMI ET EXIMII

D. CORNELII JANSENII

S. T. D. EPISCOPI IPRENSIS

E L O G I U M,

Ex Bibliotheca Belgica Clar. V. VALERII ANDREÆ,  
Dessellii, J. U. D. & Profess. Regii Lovanii.



CORNELIUS JANSENIUS, Leerdamensis apud Batavos honestis Catholicisque natus parentibus anno Domini 1585. die SS. Simonis & Judæ sacro, ab ipsa propè infantia specimen memoriæ atque ingenii singularis exhibuit. Nam Ultrajecti iis dans operam artibus, quibus erudiri atque informari ad humanitatem puerilis ætas solet, cæteros longo post se relinquens intervallo, eorum velut dux ac præceptor ad summa quæque properabat. Missusque inde Lovanium ad Gymnasium, quod ab insigni domus nomen Falconis retinuit, disciplinis Philosophicis ita gnaviter feliciterque incubuit, ut studii biennalis decurso stadio, cæteris commilitonibus, in Academico quatuor Pædagogiorum concursu, ingenii palmam ac prærogativam loci facile præripuerit. Pari felicitate palæstræ deinde Theologicæ nomen dedit, hæsitque lateri JACOBI JANSONII, gentilis sui, viri in omni pietatis ac scientiæ genere verè eximii, quem ut parentem observabat, & apud quem penè filii loco erat. Hinc visendæ Galliæ cupido incessit, ingenii amplius excolendi ac linguarum potissimum causâ & Lutetiæ Parisiorum in celeberrimo illo scientiarum Artiumque omnium theatro, aliisque Galliæ Academiis annos ipsos duodecim versatus fuit, vimque illam ingenii sui omnibus palam notam fecit, omniumque præsertim eruditorum, atque adeò ipsius Sorbonæ, in se studia animosque convertit, mirantium, & quærentium identidem, undè, quis, qualisve Theologus ille esset JANSENIUS. Eoque factum est, ut Lovanium velut postliminio reversus sæpius de gra-

gravissimis fori interioris quæstionibus è media Gallia consuleretur. Hic enim supremo in Theologia Magisterii titulo an. 1617. donatus, Professorque Ordinarius, brevi quoque tempore eam de se opinionem apud Academicos omnes excitavit, ut præ JANSENIO alius magis idoneus non fuerit judicatus, qui nomine ejusdem Academiæ bis legatus in Hispanias mitteretur. Ubi quâ prudentiâ ac dexteritate sese gesserit, tum apud Regem Catholicum, tum in Academiis Salmanticensi ac Vallisole-tana, felicissimus utriusque legationis eventus docuit. Anno 1630. ad Sacrarum Litterarum Professionem Regiis auspiciis promotus fuit, annoque post quinto ad Cathedram Iprensensem nominatus, eodem nimirum die, quo natus, ac vertente anno, eodem similiter die, in Episcopum consecratus, annum tunc agens primum supra quinquagesimum. Verùm, ut sunt fluxæ ac caducæ res humanæ, vix anno cum dimidio in ea dignitate exacto, dignissimus ille vitâ longiori Præsul cum summa omnium consternatione ac mœrore extinguitur anno 1638. pridie Nonas Maii. Vir certè fuit, ut de cæteris ejus virtutibus, de pietate ac religione in Deum, de vitæ modestia morumque disciplina, comitate atque affabilitate nihil dicam, vel maximè prudentiâ conspicuus, quippe qui hoc unum in primis cavebat, ne quid ageret vel loqueretur, quod aut reprehensum aut revocatum optaret. Certabat in fæcundissimo illo scientiæ omnifariæ pectore ingenium cum judicio, labor cum industria constantiaque; ut qui nullum sibi labi aut perire tempus pateretur, quo non aut legeret, aut notaret, aut disceret aliquid, ut summum quinas aut quaternas, sæpè etiam pauciores horas somno indulgere solitus. Unum ferè è SS. Patribus vitæ suæ ducem, studiorumque magistrum delegerat Augustinum; cujus opera omnia ferè decies, libros verò de Gratia, divina & libero arbitrio plusquam tricies à capite ad calcem, decerpitis & in adversaria per classes distributis, quæ in rem videbantur, evolverat, attestante hoc de eo LIBERTO FROMONDO S. T. Doctore, & JANSENII in Cathedra Lovanienfi successore, dum præfatur ad Crisostomum suam, quam reposuit Causæ desperatæ Gisb. Voëtii, pro eodem JANSENIO Scripsit verò JANSENIUS

*Orationem de interioris hominis reformatione.*

*Alexipharacum, civitas Silva-ducensibus propinatum adversus  
Ministrorum suorum fascinum.*

*Spongiam Notarum, quibus Alexipharacum aspersit Gisb. Voëtius.*


*Tetrateuchum, sive Comment. in IV. Evangelia.*

*Pentateuchum; sive Comment. in V. libros Moysis.*

*Analectâ, sive Comment. in Proverbia &c.*



# CORNELII JANSENII IN SANCTA JESU CHRISTI EVANGELIA COMMENTARIUS.



## P R Æ F A T I O.



*Evangelium Græca vox est, latum faustumque nuntium significans. Apud Homerum, & alios etiam pro præmio, quod latum adferenti nuntium dari solet, usurpatur: apud Xenophontem pro sacrificio ob latum nuntium oblato. Verùm significationis istius primæ generalitas usu Ecclesiastico ita contracta est, ut per excellentiam tantum usurpetur pro illo nuntio, quo nullum latius, optabilius, ac jucundius humano generi adferri potuit, de incarnato Dei Filio & nato Salvatore mundi, qui damnatam humanam naturam ab æterna morte liberando, salutem æternam ei suâ morte procuravit. Sæpe tamen non pro ipsa re, sed pro doctrina seu historia, tale nuntium complectente, sumitur: quæ usurpatio huic loco propria est. Ut meritiò Eusebius, l. I. Preparat. Evangel. cap. I. dixerit, Evangelium vocari, quod faustam celestium, maximorumque bonorum, amicitia scilicet divinæ omniumque cæterorum inde dependentium præsentiam per Christum allatam humani generis universitati annuntiat. Unde suavissimis epithetis passim dicitur Evangelium regni, Matth. 4. v. 23. Evangelium gratiæ, Act. 20. v. 24. Evangelium pacis, ad Rom. 10. v. 15. Evangelium gloriæ beati Dei, I. ad Tim. 1. v. 11.*

*EVANGELISTA verò quamvis dicatur ab Evangelio, usus tamen Ecclesiasticus obtinuit, ut qui in Scripturis Evangelistæ dicantur, ii vulgò nunquam, & contrà, qui in Scripturis nunquam, ii vulgò semper Evangelistæ nomi-*



# P R Æ F A T I O.

nominentur. Scriptura quippe Evangelistas vocat eos, qui Evangelium istud supradictum predicando nuntiârunt : unde Act. 21. v. 8. Philippus Evangelista dicitur, & Paulus hortatur Timotheum 2. Tim. 4. v. 5. opus fac Evangelistæ. Vulgò verò eos Evangelistas tantum vocamus, qui Evangelicam historiam, Spiritu Sancto calamum dirigente, scripserunt.

Multi quidem, ut Lucas initio Evangelii sui testis est, olim conati sunt res à Christo Domino gestas, & Evangelium istud scripto hominibus patefacere : hinc est enim Evangelium secundum Apostolos apud Aug. lib. 1. cont. Adimantum c. 17. Manichæis familiare, & aliud Nazaraeorum, secundum Petrum, apud Theodoret. l. 2. Hæretic. fabularum : itemque secundum Andream, secundum Jacobum, secundum Thomam, secundum Matthiam, de quibus Innocentius Epist. 3. & Ambros. Præf. in Lucam : nec non secundum Ægyptios, quo Clemens Alexandrinus usus est, ut ipsemet testatur lib. 3. Stromat. c. 6. item secundum Hebraeos, apud Theodoretum supra : secundum Judam Iscariotem, apud eundem lib. 1. Hæreticar. fabul. denique secundum Philipppum, secundum Bartholomæum, &c. Scripsit & Basilides Evangelium, apud Ambros. supra. Sed ex tanto Evangeliorum numero Ecclesia non nisi quatuor probavit, quia non nisi quatuor divino spiritu scripta reperit : nam, ut Aug. ait lib. 1. de consensu Evangelist. cap. 1. Scriptores illi suis temporibus non tales erant, quibus narrantibus credi oporteret. Quædam etiam scriptis suis fallaciter indiderunt, quæ Catholica atque Apostolica regula fidei & sana doctrina condemnat. Ut idcirco meritò dixerit Ambros. Ecclesia, cum quatuor Evangelii libros habeat, per universum mundum Evangelis redundat : hærefes, cum multa habeant, unum non habent.

Atque hujus quidem quaternarii numeri ratio tametsi à divina voluntate precipuè pendeat, quia tamen naturas ipsas rerum in mysteriorum dispensatione solet attendere, hinc est, quod appositè numerum istum observatum fuisse notet Irenæus lib. 3. c. 11. & post ipsum Aug. c. 2. lib. citat. Cum enim quatuor sint partes orbis terræ, per hujus universitatem Evangelii gloriam & Christi Ecclesiam dilatandam esse ipso sui numeri Sacramento quodammodo declararunt. Hinc est, quod illustris ille currus gloriæ Dei, quo divina Majestas apud Ezechielem vehebatur, à quatuor animalibus tractus fuit, & ab iisdem illis quatuor animalibus Dei gloria Apoc. c. 4. celebratur. Quæ ad hoc ipsum à Deo ostensa & adhibita fuisse, ut quatuor istos Evangelistas, tanquam quadrigam Dei, Verbi incarnati gloriam per universum orbem vecturos esse significarent, à plerisque antiquis Patribus unanimi consensu animadversum est, ut videre licet apud Irenæum, loco cit. Aug. lib. 1. de consensu Evangel. c. 6. Hieron. Prolog. in Matth. Gregorium Homil. 3. in Ezech. & alios.

Et quamvis ferè Græci per aquilam velint significatum esse Marcum ; & per

# P R Æ F A T I O.

per leonem, Joannem, quia hæreticis timorem incutit: verisimilior tamen Gregorii & aliorum sensus est, qui hominem tribuunt Matthæo, quia ab humana Christi generatione capit; leonem Marco, quia per clamorem Joannis in deserto rugientis exorsus est; Luca vitulum, quia à sacrificio Zacharia; aquilam Joanni, quia à divinitate Verbi. Merito tamen Aug. lib. I. de consensu Evan. c. 6. notat, in hac animalium & Evangelistarum comparatione non tam initia librorum, sicut hîc factum cernimus, quàm totam scribentium intentionem ac scopum fuisse ponderandum. Itaque longè rectiùs ipse sentit, per leonem, tanquam regia dignitatis indicem, Matthæum significatum esse, quia regiam Christi personam maximè commendavit; nam & leonis de tribu Juda statim generationem texit, & Magi eum tanquam Regem quaesierunt, & Herodes tanquam Regem occidere voluit: per vitulum, Lucam; nam à sacerdote Zacharia incipit, & cognationem Maria atque Elisabeth commemorat, & sacerdotii primi Sacramenta, circa infantem impleta describit: per hominem, Marcum, quia cum neque stirpem regiam, neque Sacerdotalem operationem, cognationem, aut consecrationem enarraverit, tamen in humanis Christi operibus recensendis occupatus fuit: per aquilam, Joannem, quia totus pane in inculcanda Christi divinitate versatur, & super nubila, inquit, humana infirmitatis volans, lucem incommutabilis veritatis acutissimis ac firmissimis oculis intuetur.

Ex his duo tantùm fuerunt Apostoli, primus & ultimus, qui scripserunt ea, quæ viderunt; duo Apostolorum discipuli, & ideo tanquam filii amplectendi, ut velut in medio constituti utroque ab iis luterè munirentur, ut Aug. ibid. c. 2. qui eis propterea scribendi Evangelii auctoritatem divinâ providentiâ tributam esse notat, cum non nisi audita scripserint; ut intelligeremus, ad percipiendum, annuntiandumque Evangelium nihil interesse, utrum Dominum in carne apparentem discipulatu fumulante secuti sint, an ex aliis comperta crediderint.

Causas autem scribendi alias alii habuerunt. Generales fuerunt omnibus. Una, ut auditoribus esset quasi commonitorium eorum, quæ vivâ voce perceperant, ne vel à bonis oblivioni traderentur, vel à malis corrumperebantur, aut secùs quàm dicta fuerant exponerentur. Hanc adfert Lucas c. I. v. 4. Ut cognoscas eorum verborum, de quibus eruditus es, veritatem. Nam sicut necesse fuit ad confirmationem fidei Evangelium predicari, ita contra hæreticos scribi, inquit D. Thom. in Praef. Catena. Altera fuit, ut non tantum presentibus vivi, sed & absentibus mortui, maximèque posteris, scripto predicarent. Singulorum proprias causas in singulis daturi sumus, sicut & annos quibus scripserunt. Hic nosse satis est, eos scripsisse eo ordine temporis, quo collocati sunt, primùm Matthæum, mox Marcum, inde Lucam, ultimò Joannem.


I N

NOTA. Ubi asteriscus \* ponitur, ibi designari verba Textûs:





I N  
EVANGELIUM  
JESU CHRISTI  
SECUNDUM MATTHÆUM.



P R Æ F A T I O.



Matthæus, ex Publicano Apostolus, Evangelium scripsit sermone Hebræico ; sic enim tradit Papias, Apostolicis temporibus vicinissimus, apud Euseb. lib. 3. Hist. Eccl. cap. ult. & mox Irenæus lib. 3. cap. 1. & post illos plerique alii, Athanas. in Synopsi, Cyrillus Catechesi 14. August. lib. 1. De conf. Evang. cap. 2. Hieron. multis in locis : nam lib. de Scriptoribus Eccles. post Euseb. lib. 5. c. 10. testatur Pantænum, Stoicæ sectæ Philosophum, in Indiam prædicandi causâ profectum, reperisse Evangelium secundum Matthæum, Hebræicis litteris scriptum, & Alexandriam secum detulisse : & ibidem, in Matthæo, asserit ipsum Hebræicum haberi usque ad suam ætatem in Cæsariensi Bibliotheca, quam Pamphilus Martyr studiosissimè confecerat, & sibi ipsi à Nazaræis, qui in Berœa urbe Syriæ hoc volumine utuntur, describendi facultatem fuisse concessam. De quibus Nazaræis & Epiphanius in fine Hæresis




## P R Æ F A T I O.

29. *Est, inquit, penes Nazareos Evangelium secundum Matthæum Hebraicè scriptum, & quidem absolutissimum: hoc enim certissimè, prout Hebraicus litteris initio scriptum est, in hodiernum tempus usque conservant.* Hæc Epiphanius. Ex qua constanti Veterum sententia constat, quàm immeritò hoc nonnulli Recentiores in dubium revocent, eo potissimùm argumento nixi, quòd ipsa nomina Hebraïca hîc exponantur, ut *Emmanuel*, id est, *nobiscum Deus: Eli, Eli, lama sabachtani*, id est, *Deus meus, &c.* Idem enim videmus factum in veteri Testamento, ut Genesis 35. v. 18. & Exodi 15. v. 16. nec tamen propterea negandum est, illa scripta Hebraicè: nam non auctoris scribentis, sed interpretis, hujusmodi inrerpretationes esse solent; nec ullum absurdum est, unum verbum obscurum aliis clarioribus etiam in eadem lingua explicari. Prodiit præcedenti sæculo idem Evangelium Hebraicè à Sebastiano Munstero, tamquam à Judæis acceptum, itemque aliud à Joan. Tilio, Episc. Briocensi; sed apud peritos meritò suspecta sunt. Tertium edidit Elias Hutterus in suo novo Testamento dodecaglotto; sed ab ipsomet ex Græco versum fuit, sicut & Evangelium secundum Marcum. Quis autem Evangelium Matthæi in Græcam linguam verterit, non constat. Athanasius in Synopsi putat Apostolum Jacobum versionis illius auctorem. Theophylactus Præfat. in Matth. auctorem facit Joannem; sed August. lib. 1. de consensu cap. 2. rectiùs istud incertum esse tradit.

Scriptit illud Matthæus ante omnes alios Evangelistas, ut apud omnes in confesso est, suis potissimùm popularibus, Judæis videlicet; non solùm exposcentibus, ut Chrysost. in Matthæum tradit, sed etiam injungentibus eidem idipsum Apostolis, ut Epiphan. Hæresi 51. cùm scilicet jam brevi profecturus esset ad gentes Evangelio imbuendas: quod annò octavo post Christi ascensionem contigisse volunt.



CORNELII JANSENII  
IN SANCTA  
JESU CHRISTI  
EVANGELIA  
COMMENTARIUS.



CAPUT PRIMUM.

**E** *Vangelium* JESU CHRISTI secundum Matthæum. Id est, Historia Evangelica, seu de Evangelio per Christum annuntiato, prout à Matthæo scripta est. Non enim per hujusmodi verba significatur, aliud esse Evangelium quod à Matthæo; aliud, quod à Marco scriptum est: sed alium scriptionis seu contextûs historici auctorem ejusdem Evangelii. Deus enim à pluribus rem tanti momenti scribi voluit, ut hoc ipsum, quod plures diversis temporibus atque locis, non congregati neque mutuò colloquentes, uno quasi ore cuncta pronuntiant, sit maxima veritatis demonstratio, ut ait Chrysost. Homil. 1. in Matth. Neque eam impedit nonnulla in parvis quasi dissonantia, sed maximè juvat. Nam si ex toto & in omnibus consonarent, & cum nimia diligentia atque cura, usque ad tempus & locum, & singula æqualiter verba concurrerent, nemo inimicus credidisset unquam, quin communi ad decipiendum consilio congregati, Evangelium quasi ex humana quadam conspiratione condidissent. Porro titulos istos non ab authoribus, sed ab Ecclesia appositos esse, indicat tum similitudo titulorum in omnibus quatuor, tum dissimilitudo in lingua



lingua Græca ac Latina, tum quoddam sacri Scriptores non soleant extra textum titulos apponere, sed textui subinde per modum præfationis aliquid simile affigere, ut videmus factum in Isaia, Marco, & Apocalypsi: præter quæ tamen alii tituli adjecti sunt. Nec vero hoc auctoritatem Evangelii detrahit: nam neque scribentibus se hoc divinitus scripsisse crederemus, nisi nos Ecclesiæ attestantis moverte auctoritas, de quo videte Augusti. adversus Manichæos lib. contra Epistolam Fundamenti cap. 3. & 4. & de utilitate credendi cap. 14.

✧ 1. \* *Liber generationis*, id est, catalogus, seu enarratio genealogiæ aut seriei Majorum Christi. *Liber* enim Hebræis generaliter significat Scripturam, quâ quid enarratur. Unde tribuitur epistolis, 3. Reg. 21. ✧ 8. libello repudii, Deuteron. 24. 1. & instrumento emptionis, Jerem. 10. quorum nullum est liber. Est itaque hæc brevis epigraphe seu inscriptio non totius Evangelii, quasi ab initio historiæ totum librum ita nominasset, sed ejus tantum, quod proximè dicturus est, præfatiuncula, cui similis est Gen 5. ✧ 1.

Jesu: est proprium nomen Verbi incarnati: CHRISTI Cognomen est, non dignitatis, Græcè idem planè significans quod Hebraicè מָשִׁיחַ, *Messias*, & latinè *Unctus*: quo cognomine vocatus est, tum ut distingueretur ab aliis eodem nomine *Jesu* olim vocatis; tum ut significaretur esse ille antonomasticè *Christus* dictus, seu *Unctus*, quem & Reges & Sacerdotes & nonnulli Prophetæ suâ unctione, veluti quâdam dedicatione, ad sua officia; tanquam summum Regem, Sacerdotem atque Prophetam præfigurarunt. Unde factum est, ut illud cognomen *Christi* nostro *Jesu*, qui oleo justitiæ & Spiritu S. præ omnibus participibus suis singulariter unctus est, ita soli competat, ut nemo nisi ille intelligatur, quando nudè exprimitur.

\* *Filii David, Filii Abraham*. Id est, nepotis, Hebraismo usitatissimo. Maluit tamen *filium* quam *nepotem* dicere, quia propter David & Abraham Christus ex aliis natus est, non contrà. Unde etiam illorum duorum dumtaxat meminit, quod his potissimum duobus promissio esset facta de Christo ex ipsis nascituro. Davidem præposuit quod recentior, & honorificentior, celebrior, Judæisque gravior esset Davidicæ promissionis memoria, ut Chrysostomus & ejus discipuli. Regni enim perpetuitas Christo, tanquam successori Davidis, erat addicta. Unde passim, & cæcorum & vulgi & puerorum acclamantium more, Filius David vocabatur, ut patet Matth. 12. & 21. & alibi: Illud autem *Filii* secundo loco referri potest vel ad Christum, ut significetur utriusque esse filius; vel ad Davi-

1. Liber generationis JESU CHRISTI filii David, filii Abraham.

Davidem, ut significetur David, & consequenter etiam Christus, esse filius Abrahæ. Quod posterius Hebræorum consuetudini congruit, qui in texendis genealogiis solent nomen *filii* ad proximum referre. Vide 1. Reg. 1. v. 1. & passim.

2. \* *Abraham genuit Isaac.* Ab Abraham incepit, præter missis anterioribus, quia Abrahæ primò promissiones de posteritate gentis Israëlitiæ, & de Christo datæ sunt. Unde prætermittit Ismaël, cæterosque filios Abrahæ, sicut & Esau, filium Isaac: & tamen dicit Jacob genuisse \* *Judam & fratres ejus*, quia fratres erant simul parentes totius populi Israëlitici, & capita populi Dei, & columnæ regni Christi.

2. Abraham genuit Isaac, Isaac autem genuit Jacob. Jacob autem genuit Judam & fratres ejus.

3. \* *Judas genuit Phares & Zaram.* Meminit utriusque, eo quòd illustriorem duorum populorum figuram gererent, Judaici & gentilis ex quibus regnum Christi coalesceret, de quo vide dicta ad cap. 38. Genes. Quod in Esau locum non habuit: nam ille venditis primo genitis se ultrò à populo Dei segregavit, & potius carnalium ac reproborum figuram gessit.

3. Judas autem genuit Phares, & Zaram de Thamar Phares autem genuit Esaron. Esau autem genuit Aram.

4. \* *De Thamar.* Exceptâ Mariâ Virgine, quæ prætermitti non poterat, quatuor tantum fæminas intexuit huic genealogiæ, quæ vel meretrices, vel adulteræ, vel incestæ, vel alienigenæ erant: idque tum ne populus gentilis & peccatores cuiquam contemnendi & à Christi populo alieni viderentur, ex quibus ipse nasci voluisset; tum quia illas tantum tangendas judicavit, quæ novo accidente ideoque figurâ ad assumptionem populi gentilis & peccatores pertinente, viris suis fuissent conjunctæ, omissis matrimoniis ordinariis: quas figuras breviter explicatas vide apud Theophylactum.

4. Aram autem genuit Aminadab. Aminadab autem genuit Naasson. Naasson autem genuit Salmon.

5. \* *Salmon autem genuit Booz de Rahab.* Illa ipsa scilicet quæ antè meretrix fuerat, etsi tum desinisset. Nam quòd quidam Rabbini, quos etiam aliqui novatores studio contradictionis imitati sunt, pro meretrice vertunt hospitam seu cauponarium, contra proprietatem linguæ Hebræicæ faciunt ubi זנוה *Zonah* semper meretricem significat: & ita verterunt LXX. & Apostolus ad Heb. 11. v. 31.

5. Salmon autem genuit Booz de Rahab. Booz autem genuit Obed ex Ruth. Obed autem genuit Jesse. Jesse autem genuit David Regem.

\* *Obed genuit Jesse*: alias, *Isai*, ut alibi vocatur; est enim idem nomen. Ita abjectæ conditionis fuit; ut David filius ejus ex contemptu vocaretur à Saùle filius Isai 1. Reg. 28.

\* *Jesse genuit David Regem.* Emphaticè bis consequenter regem vocat, & quidem inter omnes solum, quia scopus ejus erat ostendere Christum, juxta promissa Prophetarum & Gabriëlis Archangeli, esse hæredem regni illius perpetui, quod primò omnium Davidi promissum

missum



missum fuerat. Porro inter Salmonem & David non intercedunt nisi tres personæ, Booz, Obed, Jesse: sic enim numerantur quoque lib. Ruth. cap. ult. & 1. Paralip. 2. ac denique Luc. 3. Ut meritò reprehendendus videatur Lyranus, qui hîc interfert tres Booz ejusdem nominis, eo motus argumento, quod à capta Jericho usque ad nativitatem Davidis fluxerint anni 366. ut liquet ex 3. Reg. 3. v. 1. ubi dicuntur fluxisse quadringenti octoginta anni ab egressu ex Ægypto usque ad quartum annum Salomonis. Detrahe enim ab initio quadraginta annos vagationis in deserto, & quatuor annos regni Salomonis, & septuaginta vitæ David, restabunt 366. anni, quos putat Lyranus nimis multos esse, quàm ut à quatuor illis viris conficerentur. Sed in ista longævitate, quoniam Moyse, Aaron, Maria vivebant usque 120. annos, Caleb anno octogesimo vitæ ita vegetus erat, ut in juventute; nihil mirum, eos serò generare potuisse.

6. David autem rex genuit Salomonem ex ea quæ fuit Uriæ.

7. Salomon autem genuit Roboam. Roboam autem genuit Abiam. Abias autem genuit Asa.

8. Asa autem genuit Josaphat. Josaphat autem genuit Joram. Joram autem genuit Oziam.

9. Ozias autem genuit Joatham. Joatham autem genuit Achaz.

Achaz autem genuit Ezechiam.

10. Ezechias autem genuit Manasse. Manasse autem genuit Amos. Amos autem genuit Josiam.

6. \* *David autem Rex genuit Salomonem, ex ea quæ fuit Uriæ.* Fuerat antè Uriæ uxor, tunc autem sua. Quod quidem ita duabus de causis expressit: unâ, ne Salomon ex adulterio natus crederetur: alterâ, ne propter adulterium Davidis & homicidium Uriæ suspicaretur quis rescissam esse promissionem Davidi factam.

\* *Joram genuit Oziam:* qui *Ozias* & *Azarias* dictus est. Verum istud quidem est, sed eo sensu, quo Christus dicitur filius David, multis scilicet interjectis. Nam iste Joram genuit immediatè Ochoziam, Ochozias Joam, Joas Amaziam, Amazias denique genuit hunc Oziam, seu Azariam, ut ex diversis locis lib. 4. Reg. patet, & breviter 1. Paralipom. 3. v. 11. & seqq. Tres itaque prætermissi sunt, non quod cæteros hîc expressos impietate superaverint; pejores enim fuerunt Salomon & Manasse, imò Joas & Amazias inter bonos numerantur: sed partim quod Evangelistæ certi mysterii causâ propositum fuerit tres generationum tessera decades texere, ut Hieron. & Auctor operis imperfecti apud Chrysost. tetigerunt; partim quod Joram uxorem duxisset, filiam Achab, cui Deus per Eliam prædixerat omnem ejus posteritatem esse delendam. Unde filii ejus ex semine Achab nati, usque ad quartam generationem, non quidem morte naturali; sed civili condemnati, ex serie parentum Christi ejiciuntur. Purgatâ verò labe familiæ gentilis & maledictæ ad interitum, inquit Hilarius, in quarta generatione consequenter origo numeratur.

II. \* *Josias genuit Jechoniam*. Confusio aliqua est in nominibus hujus *Jechonia* & fratrum ejus. Sciendum igitur, *Jechoniam* istum vocatum fuisse vero nomine à pareetibus *Eliacim*; sed cùm Pharaò Nechao Josiam patrem ejus in Mageddo occidisset, & reperisset Joachaz fratrem juniorem hujus *Eliacim*, esse à populo constitutum Regem loco Josiæ, deposuit eum, & loco illius constituit Regem hunc *Eliacim*, tamquam seniore, & vocavit nomen ejus *Joakim* (per P K & M) ut hæc patent 4. Reg. 23. in fine, & 2. Paralip. 36. in principio. Habuit itaque varia nomina, *Eliacim*, *Joakim*, & *Jechonias*, quod tamen non potest inveniri nisi hoc loco. Hic igitur *Eliacim*, *Joakim* seu *Jechonias* (rectius *Jekonias*) habuit filium nomine *Joachin* per (H & N) qui patri undecim annos successit in regnum. Quod cùm ipse tenuisset per tres menses ac decem dies, abductus est à Nabuchodonosor in Babylonem. Hic vocatur etiam *Jekonias*, 1. Paralipom. 3. v. 16. & aliquoties in *Jeremia*.

\* *Et fratres ejus*. Fratres istius primi *Jechoniæ* seu *Eliacim* fuerunt *Joachaz*, qui alio nomine dictus est *Sellum*, ut Hieron. in trad. Hebraicis super Paralip. ac ductus est à Pharaone captivus in Ægyptum: regnavitque, ut diximus, pro Josia patre suo. Alter fuit *Mathanias*, qui 4. Reg. 24. v. 17. vocatus est *Sedecias*, ac regnavit post *Eliacim* seu *Joakim*, & filium ejus *Joachin*. Tertius denique omnium primo genitus *Johanan*, qui videtur esse mortuus ante Josiam, Patrem omnium, & non regnasse, de quo 1. Paralip. 3. v. 15.

\* *In transmigratione*, id est sub, seu circiter transmigrationem \* *Babylonis*. Nam omnes ante transmigrationem nati sunt & adulti, sive primam intelligas, post occisum *Joakim*; sive secundam sub filio ejus *Joachin*, tribus mensibus post; sive tertiam, sub *Sedecia* post undecim annos: quæ tres transmigrationes indicantur 2. Paralip. 36. v. 6. 10. & 18.

12. \* *Et post transmigrationem Babylonis*, id est, postquam transmigrassent, \* *Jechonias genuit Salathiel*. *Salathiel* enim in ipsa captivitate, non post illam solutam, genitus est. Porro *Jechonias*, qui hîc secundo loco nominatur, non est idem ille, qui primo loco sed filius prioris, ut sentit Ambros. in Lucam, & Hieron. Vocatusque fuit, ut diximus, *Joachin*, ac per tres menses tantum ante transmigrationem regnavit: sed abductus in Babylonem post annos triginta septem ex carcere eductus & honorificè habitus est, teste *Jeremiâ* cap. ult. v. 21. quo tempore *Salathielem* gignere

11. *Josias* autem genuit *Jechoniam*, & fratres ejus in transmigratione Babylonis.

12. Et post transmigrationem Babylonis *Jechonias* genuit *Salathiel*. *Salathiel* autem genuit *Zorobabel*.

13. *Zorobabel* autem genuit *Abiud*. *Abiud* autem genuit *Eliacim*. *Eliacim* autem genuit *Azor*,  
potuit,



14. Azor autem genuit Sadoe. Sadoe autem genuit Achim. Achim autem genuit Eliud.

15. Eliud autem genuit Eleazar. Eleazar autem genuit Mathan. Mathan autem genuit Jacob.

16. Jacob autem genuit Joseph virum Mariæ, de qua natus est Jesus, qui vocatur Christus.

potuit. Ex his constat suppressam hîc esse unam generationem : debuisset enim interferi, Jechonias, vel rectius Jekonias ( id est, Eliacim seu Joakim ) genuit Jechoniam ( id est Joachin , quod Epiphanius Hæresi 3. quæ est Epicureorum, Num. 8. putat esse factum Scriptorum vitio, August. verò lib. 2. de consensu Evang. cap. 4. certi mysterii causâ.

\* *Salathiel autem genuit Zorobabel.* Idem asseritur Esdræ 3. v. 2. & 8. itemque Aggiæ 1. v. 1. & 12. Unde quod 1. Paralip. 3. v. 19. Zorobabel dicitur esse natus ex Phadaia, fratre Salathiëlis, de alio Zorobabel intelligi debet, qui ibidem habet alios & patrem, & filios, quàm ille, de quo hîc agitur. Quod sanè verius est quàm id, quod Hieronymus in tradit. super Paralip. dicit Phadaia & Salathiel ibi esse idem nomen : nam Phadaia expressè numeratur, tamquam persona distincta à Salathiële. Unde non est mirum, quòd uterque habuerit filium nomine Zorobabel.

16. \* *Jacob genuit Joseph, virum Mariæ* : id est maritum, non concubitu, sed nexu matrimonii, seu affectu, ut August. 23. contra Faustum cap. 8. \* *de qua*, seu ex qua, \* *natus est Jesus, qui vocatur*, seu cognominatur, \* *Christus*, seu Messias : nempè non quilibet, sed qui antonomasticè & simpliciter Messias seu Christus dicitur, tamquam proprio cognomine.

Sed hinc emergit gravis difficultas, quomodo rectè executus sit Evangelista id, quod sibi proposuerat, librum seu catalogum generationis Christi, cùm genealogia Joseph ad ipsum non pertineat, sed *Mariæ*. Respondet Hieron. hîc & Ambros. initio libri 3. in Lucam, & ferè omnes veteres, eo ipso, quo Josephi genealogia texitur, etiam beatæ Mariæ Virginis stirpem, & consequenter Christi, sufficienter indicari : cogeatur enim ex lege viro de eadem Tribu nubere. Quod intelligendum est non de lege generali conjugii in populo Judaico ; manifestum est enim viros etiam justos sæpius duxisse uxores alterius Tribus, quomodo David duxit Michol, filiam Saul, de Tribu Benjamin & Jojada Pontifex duxit Josabeth filiam regis Joram de Tribu Juda. 2. Paralip. 22. & omnes Tribus Israël jurârunt Judic. 21. se non daturus filias suas Benjaminitis, quasi antè fuisset hoc usitatum : sed intelligendum est de speciali lege, quæ statuit Num. ult. ut feminæ hæredes, hoc est, quæ carent fratribus, de eadem Tribu maritos accipiant, ut sic hæreditates Tribuum non permiscerentur. Jam verò B. Virginem caruisse fratribus, & hæredem patris fuisse, etsi ex nulla Canonica Scriptura con-



stet, tunc tamen notum vulgatumque esse potuit. Cui quidem responsioni multi acquiescunt; sed revera non plenè solvit nodum. Esto enim non potuerit extra suam tribum virgo nubere, hinc non concluditur, eam vel prolem ejus Christum esse filium David, quod sibi Matthæus initio proposuerat: nam potuit nubere in eadem quidem tribu, sed in alia familia, quàm David. Itaque dicendum est beatam Virginem vi legis, Num. ult. nubere coactam fuisse viro non tantùm ejusdem tribûs, sed & familiæ, hoc est cognato ejusdem tribûs: sic enim lex ista expressa est in textu Hebr. Num. ult. v. 7. *Omnis filia hæreditans hæreditatem*, id est, hæres patris, propter defectum fratrum *uni de familia tribûs patris sui erit in uxorem*. Ratio quoque legis adjuncta v. 8. *ut hæreditas permaneant in familiis*, idem apertè conficit. Nam in prima terræ promissæ distributione, quam Josue fecit, hæreditates non solùm secundùm tribûs, sed etiam secundùm familias distributæ fuerunt. Hinc enim toties repetitur in lib. Josue, quòd hæc sit possessio cujusque tribûs per cognationes & familias suas, ut videre licet c. 15. v. 1. 2. & seq. capitib. passim. Unde & filiæ Saipha adnupserunt filiis patris sui, id est, propinquissimis cognatis, & mansit, inquit Scriptura. *possessio quæ erat illis attributa, in tribu & familia patris earum*. Cùm ergo Matthæus profitetur se catalogum generationis Jesu texere & perducit eam usque ad Joseph, eumque nominat virum Mariæ, de qua natus est Jesus & non tamen ex Joseph satis insinuat Josephum jure propinquitatis fuisse maritum virginis; adeoque cognatum ex eadem tribu atque familia David, prout apertè asserit Theophylactus: imo se non amplius recedere à majoribus Jesu, quàm necesse sit, ad hoc, ut ex justis causis loco Mariæ recenseat Joseph, hoc est solum patrem Joseph, scilicet Jacob, esse diversum. Neque enim poterant Joseph & Maria esse frater & soror, lege vetante tale matrimonium: avum autem Mathan eundem esse utriusque, hoc est esse cognatos proximos seu patruales, nepotem & neptem.

Cur ergò, inquires, non recensuit apertè majores matris ejus, cùm propter ipsam solam Christus dicendus sit ex semine David? Causæ justæ fuerunt: una quia, ut Hieron. ait non est consuetudinis Scripturarum, ut mulierum in generationibus ordo texatur: unde, ut August. 23. cont. Faust. c. 8. propter virilem sexum erat mariti honoranda persona. Sed quia extant exempla, etsi rara in contrarium, ut patet 1. Paral. 2. v. 15. & 16. de genealogia Joab & fratrum ejus, hinc alia ratio fuit, ne justa daretur causa rejiciendi Christum, dum putarent eum, quem publicâ opinione patrem ejus credebant, non esse de familia

milia David, ex qua Christus erat nasciturus. Denique ut constaret Jesum non solum Dei promissione aut donatione, sed jure successionis esse legitimum regni Davidici hæredem. Christus enim erat proles Joseph, non quidem ex eo genita, vel adoptata, vel solâ vulgi opinione, sed revera, utpote ex propria uxore, tamquam carne suâ & proprio fundo, virtute Spiritûs S. nata.

17. Omnes itaque generationes Abraham usque ad David generationes quatuordecim: & à David usque ad transmigrationem Babylonis, generationes quatuordecim: & à transmigratione Babylonis usque ad Christum, generationes quatuordecim.

17. \* *Omnes itaque generationes*, id est, omnes personæ generantes ac gentes, \* *ab Abraham usque ad David* inclusivè \* *quatuordecim*. Nam generationes seu actus generandi non sunt nisi tredecim, ut ex repetitione verbi *genuit* patet. \* *Et à David*, exclusivè jam enim semel numeratus fuerat) \* *usque ad transmigrationem Babylonis*, id est, Jechoniam patrem, seu Joakim, inclusivè, \* *generationes* seu personæ \* *quatuordecim*: & à *transmigratione Babylonis*, id est, à Jechonia filio, seu Joachin, patre Salathiëlis (nam pater ejus jam numeratus fuerat in 2. tesseradecade) \* *usque ad Christum*, inclusivè, \* *generationes* seu personæ \* *quatuordecim*. Subdit tam accuratè summam generationum, ut significet se non oblivione, sed destinato consilio aliquos exclusisse ex istâ serie neque quidquam à quoquam esse addendum vel detrahendum, simulque juxta Chrysost. Homil. 4. initio, & Theophylactum, ut triplicem populi Judaici statum indicaret, sub Judicibus, sub Regibus, & sub Ducibus seu Sacerdotibus: sub quibus omnibus cum nihil profecerit in virtute, opportunè post omnes Filium Dei venisse, ad alium populi statum inchoandum; idque congruenter ad ipsas naturas rerum decimâ quartâ generatione, quia decimus quartus dies est Medicis maximè criticus, ad magnas mutationes indicandas.

18. Christi autem generatio sic erat: Cum esset desponsata mater ejus Maria Joseph, antequam convenirent, inventa est in utero habens de Spiritu S.

18. \* *Christi autem generatio*, seu conceptio, \* *sic erat*: Non est epilogus præcedentium, ut quidam, sed præfatio sequentium, ne quis, ratione Joseph, putaret Christum esse filium David.

\* *Cum esset desponsata mater ejus*: id est, promissa tamquam sponsa, inquit quidam, quibus faver proprietas verbi Græci *ἐγγυημένης*, & acceptio conjugis de qua v. 20. Sed rectius *desponsata* dicitur, tamquam sponsa tradita & recenter nupta: nam & Luc. 2. v. 5. dicitur Joseph ivisse cum *Maria desponsata sibi uxore* in Bethleem, & hîc v. 20. vocatur *conjux* prout hoc urget Aug. l. 1. De nup. c. 11. Et sanè nisi eo tempore, quo jam gravida nosci poterat, fuisset vera conjux, atque ita tradita viro, ut sine infamiæ nota cognosci potuisset, non satis fuisset consultum honori & famæ Virginis, ne stupri



indomo patris perpetrati rea putaretur, & juxta legem Deut. 22. v. 12. lapidaretur; nec authoritati Christi, ne tanquam spurius à Judæis rejiceretur; nec Joseph idoneus fuisset custos, ac testis integritatis Virginis, cui tanquam marito, adeoque zelotypo in causis istis, pro uxore maximè creditur. Nam præter adjutorium in educanda prole, istæ præcipuæ erant illius conjugii causæ, ab Hieron. & Ambros. initio lib. 2. in Lucam, & aliis passim, notatæ. Unde pulchrè Ambros. Maluit Christus, inquit, aliquas de suo ortu, quàm de matris pudore, dubitare: sciebat enim teneram esse Virginis & lubricam famam, nec putavit ortus sui fidem matris injuriis adstruendam. Satius quippe erat Josephi filium, quàm inhonestæ mulieris, videri. Alia ab iisdem causa & pene ab omnibus tangitur, Orig. Homil. 1. in diversos, Basil. Hom. de humana Christi generat. Ut mysterium conceptus & partus diabolum lateret: quæ desumpta est ex Ignatio Epist. ad Ephes. Quomodo autem vera sit. non satis liquet.

\* *Antequam convenirent*: non in domum, propter causas jam dictas, sed conventionem maritali, quæ sic honestè & verecundè denotata est. Datur enim ratio, cur dimittere voluerit. Ergo, inquit Helvidius apud Hieron. postea convenerunt, & hinc illi, qui dicuntur fratres Christi; sed imperitè. Nihil enim aliud significat Evangelista, quàm gravidam fuisse ante conventionem seu concubitum, qui more naturali præcedere solet: ut sic indicaret novitatem mysterii, intactum interim relinquens, quid postea consecutum sit. Ita rectè dicitur virga Aaronis ante plantationem floruisse, cum tamen postea plantata non fuerit. Nam, ut Ambros. lib. De instit. virginis c. 5. consuetudo Scripturæ est, ut causam, quæ suscepta est, adstruat, incidentem differat.

\* *Inventa est*. id est, inopinatè reperta est à Josepho, qui maritali curâ omnia observabat.

\* *In utero habens*, id est, esse gravida, Græca phrasi: quod cum observari non possit, nisi aliquot mensibus post conceptum, omnino manifestum est, post reditum ex domo Elisabeth hoc contigisse.

\* *De Spiritu Sancto*, id est, non viri, sed Spiritus S. operâ. Quod referendum est ad solum verbum, *habens*, non ad, *inventa est*: nondum enim Joseph hoc invenerat. Tribuitur autem Spiritui S. ille conceptus non Patri aut Filio, etsi non minus operati fuerint, quia fuit ingens bonitatis, beneficentiæ. & fecunditatis, seu vivificationis opus, cujusmodi Spiritui S. appropriari solent.

19. \* *Joseph autem vir ejus cum esset justus: id est, quia erat justus* 19. Joseph autem vir ejus.



cum esset iustus,  
& nollet eam  
traducere, voluit  
occulte dimittere  
eam.

justus, non illa iustitiâ vulgari quæ quarta virtus est cardinalis; nam illâ salvâ traducere potuisset: sed illâ iustitiâ, quæ virtutes omnes maxime quæ charitatem, benignitatem, & mansuetudinem comprehendit.

\* *Et nollet eam traducere*, non è parentum domo in suam, ut quidam; hoc enim suprâ rejecimus, sed *traducere*, græcè *παράδειγμα*, id est, exemplum statuere, publicæ scilicet infamiæ per accusationem, vel criminis divulgationem.

\* *Voluit occulte dimittere eam*, id est, à suo consortio ac domo ablegare. Causam reddunt Orig. Homil. 1. in diversos Basil. & alii nonnulli post illos, quod se ejus consortio cenferet indignum, quam de Spiritu S. concepisse invenerat. Rectius dicerent, dimittere voluisse, quod hinc propter sanctissimos Virginis mores, inde propter indubitata prægnantis indicia hæsitaret de re, cujus mysterium nesciebat, ut insinuat Hieron. & apertè docet Auctor Operis imperfecti. Sed longè verius est dimittere voluisse, quod nihil aliud quàm adulteram crederet, vel certè oppressam, cui se noverat non esse commixtum, ut loquitur Aug. Epist. 45. & repetit Serm. 10. de verb. Domini: quod idem apertè sentit Chrysost. Dimittere ergo talem voluit, ne fortè adulteram fovendo, vel criminis particeps vel certè nimis stultè patiens videretur: occultè tamen, ut ejus famæ consuleret: quamvis enim accusare licuisset, non tamen tenebatur. Nam, ut Ambros. Ser. 7. in Psal. 118. etiam ab accusationis severitate iusti persona aliena est: & ideo commendatur ejus iustitia, quod nihil penitus ex furiosa illa passione zelotypiæ tentaverit, ut pulchrè expendit Chrysostomus.

20. Hæc autem  
eo cogitante, ec-  
ce Angelus Do-  
mini apparuit in  
somnia ei, dicens:  
Ioseph filii  
David, noli timere  
accipere  
Mariam con-  
jugem tuam: quod  
enim in ea na-  
tum est, de Spi-  
ritu Sancto est.

20. \* *Hæc autem eo cogitante* id est cùm hæc animo solum volveret curarum pleno: quo ipso indicatur magnitudo virtutis ejus, quod ne quidem cuiquam mœroris causam indicaverit, nec adversus uxorem in verba, querelasque, vel facta proruperit. Nec verò Virgo ipsa suspicionem dissipat, quia quis maritus de tali innocentia uxoris, nisi Deo monente, credidisset? Itaque *ecce*, rem scilicet novam; quod ferè illa voce in Scripturis indicari solet *Angelus Domini apparuit*: significari videtur per species imaginationi impressas quasi modo corporeo colloquentem, aparuisse. *In somnis*: tunc enim mens ab externarum rerum tumultu ac distractione, libera magis idonea est ad cælestes revelationes accipiendas. Hoc autem Deus ita facit, ut simul homo intelligat. esse non satagentis animi cogitationem, sed divinam illuminationem, quod sopore quodam, qui verbis explicari non potest, discerni testatur S. Monica lib. 6. Confess. c. 13.

*Dicens*

\* *Dicens*, colloquendo scilicet cum eo more hominum, inquit August. in Enchir. c. 59. hoc est, non vocibus in aure, sed vocum similitudinibus in imaginatione formatis.

\* *Joseph filii David*. Blandientis est & consolantis, quia suspicio iusta fuerat; & simul Davidis meminit, ut attentior fieret ad id, quod de Messia ex familia David nascituro diceretur. \* *Noli timere*. Timuerat enim, ne adulteram retinendo, Deum vel sapientum iudicia offenderet.

\* *Accipere Mariam conjugem*. Græcè παραλαβῆν, assumere, scilicet constanter, ac retinere in vitæ societate: jam enim, ut Chrysost. ait, eam mente repudiaverat.

\* *Quod enim in ea natum est*, id est, quod conceptum atque formatum est. Per id tamen, quod *natum* dicit Basiliius insinuatum putat, quod Christi caro non, ut cæterorum, paulatim fingendo formata, sed statim absoluta fuerit.

\* *De Spiritu sancto est*. Græcè, *ex Spiritu sancto est*, id est, non de substantia Spiritûs S. sed ex operatione potestatis ejus: qui proinde non ejus pater, sed creator est, ut latius Aug. in Enchir. cap. 38. & 39. Et propterea cum *natum in ea* dicit, virginem id egisse in ordine naturæ significat, quod matris est: cum *de*, vel, *ex Spiritu sancto*, miraculo suppletum esse, quod patris est, atque adeo non timendum sibi esse, sed gratulandum. Et hæc de præteritis: mox autem prædicat futura, ut ex eorum eventu præterita vera esse credat.

21. \* *Pariet autem filium*. Ut vera Mater, non ut canalis, per quem transeat, sicuti aliqui hæretici nostri, & olim Valentinus apud Tertul. lib. de carne Christi cap. 20. ex eo colligebant, quod diceretur in eâ natus. Sed nasci in aliqua significat veram conceptionem; ex aliqua, verum partum.

\* *Et vocabis nomen ejus Jesum*: cælitus impositum ut etiam cælitus conceptum & mirabilem futurum intelligas, inquit Chrysost. Nam quibus à Deo nomen ante nativitatem impositum fuit, semper admirabiles inventi sunt, ut Isaac, Salomon, Cyrus, Baptista.

\* *Ipse enim salvum faciet populum suum*: nempe omnes prædestinatos in vitam æternam, seu omnes filios promissionis, qui ipsum fide & charitate tamquam Regem ac Dominum complexuri sunt. Salvabit autem non ab imperio gentium, & ab hostibus visibilibus, sed \* à peccatis eorum tam quæ fecerant, quam quæ facturi essent, ne faciant, & consequenter ab omnibus causis peccatorum, diabolo & concupiscentiâ eis dominante, & effectis eorum, morte,

21. Pariet autem filium: & vocabis nomen ejus Jesum: ipse enim salvum faciet populum suum à peccatis eorum.

mortalitate, omnique miserâ. Per hæc ergò verba significat filium istum non tantum hominem, sed & Deum futurum, qui solus talem salutem à peccatis adferre potest. Ex qua nominis istius *Jesus* etymologia, quam ipse Angelus tradit, manifestum est, nomen illud significare salutem vel *salvationem*, ac proinde falsum esse commentum Osiandri, qui voluit nomen *Jesus* esse idem cum nomine Dei tetragrammato, insertâ litterâ *Wschin*, & scribendum יהוה *Jeheschou*: nomen enim istud fictitium est, neque prorsus quidquam significat. Nomen ergò *Jesus* idem est cum nomine יהושע *Jehoschuagh*, quod Græci, *Lxx.* Philo, Josephus per *Jesus* tradiderunt, Latini *Josue*, & salvatorem significat. Sed post Babylonicam captivitatem, quando lingua Hebraica in usu vulgari esse desiit, & Syriaca inolevit, pronuntiatio ejus mutata fuit, & loco יהושע Hebraicè, dici vulgò cæpit ישוע. Quod ex eo apertissimum est, quod *Jesus* ille, filius Josedech, typus veri nostri *Jesu*, cum ab Aggæo c. 1. v. 1. & à Zacharia semper vocetur יהושע, tamen in lib. Esdræ & Nehemiæ, qui eodem vixerunt sæculo, semper vocatur ישוע, ut patet Esdræ 2. v. 2. & c. 3. v. 2. 8. & 9. item Nehemiæ 7. v. 1. & in eodem libro sæpius. Imò & Josue, filius Nun, alter clarissimus typus Salvatoris, qui sexcenties vocatur in Scriptura יהושע, tamen Nehemiæ 8. v. 17. dicitur יושוע. Nimirum hi libri post captivitatem Babylonicam scripti sunt. Ex quo usu Syriaco factum est, ut Salvator noster etiam vulgò non יהושע sed ישוע vocaretur: sic enim etiam in titulo Crucis, qui Romæ adservatur, etiamnum scriptum est, ut oculatus testis Pagninus tradit. Quod ergo Judæi Salvatorem nostrum nominant ישוע sine *Y* in fine, duabus ex causis fit; partim ex contemptu, ne Salvatorem ipso nomine fateantur, ut declarat Elias in Thisbi: partim ex usu linguæ Thalmudicæ, in qua, *Y*, pronuntiatio difficillima, sæpè facilitatis causâ absorbetur: partim denique fit à recentioribus Judæis ad blasphemandum Salvatorem. Nam isti tres characteres ישוע per abbreviationem apud ipsos significant ימה שמו וצברו, *jimmach schemò vezichrò*, Deleatur nomen ejus & memoria ejus.

22. Hoc autem totum factum est, ut adimpleretur quod dictum est à Domino per Prophetam, dicentem:

22. \* Hoc autem totum factum est. Verba sunt non Angeli, ut vult Schola Græcorum, sed Evangelistæ. \* Ut adimpleretur quod &c. non quasi res istæ contigerint propter prophetias, cum prophetiæ potiùs præmissæ fuerint, quia Deus res istas facere constituerat, sed quia, postquam Deus easdem res per Prophetas prædixerat, simul fidem suam ipso rerum eventu volebat liberare.

23. Ecce Virgo in utero habet-

23. \* Ecce virgo in utero habebit, id est, uterum geret, seu concipiet. Virgo



Virgo autem hîc in Hebreo vocatur emphaticè duplici titulo, tum quòd **עַלְמָא** significet non solam virginitatem, sed simul ætatem, quæ scilicet & virgo sit & viris abscondita, & non modò corpore, sed & aspectu casta sit, ut latius ostendit Hieron. in Tradit. Hebr. super G. nesl. & in cap. 7. Isaïæ, tum quòd **א** demonstrativum præfixum gerat, quò significetur illa singularis virgo, quam universæ generationes respiciunt. Conantur quidem hunc locum illudere Judæi, quòd scilicet virgo ex viri congressu conceptura dicatur & quòd loquatur de filio Achaz nascituro, Ezechia scilicet; sed absurdè. Cum enim Propheta signum liberationis Achaz se daturum promittat, adeoque novum & inauditum, hinc tamquam ridiculum hoc exploserunt antiqui Patres Hieron. & Chrysost. tum hîc, tum in Isaïam. Ezechias autem filius Achaz jam tum natus erat, cum Isaïas hoc prædiceret, ut ex ætate, quâ regnare cœpit, & annis, quibus regnavit pater, facilè colligitur 4. Reg. 16. v. 2. & ibid. c. 18. v. 2. Prædicat ergo promittitque Isaïas non tam soli Achaz, quàm domui David, quæ hoc expertura erat suo tempore, & tunc, tamquam à Deo veracissimo & immutabili promissum, certum tenere & credere debebat, non minùs ac si signum fuisset oculis præsens virginem scilicet manendo virginem esse concepturam filium.

Et vocabunt Hebraicè **וְקָרָא**, & vocabis, ut scilicet virgo, vel domus David: quæ quia universam Christi Ecclesiam comprehendit, meritò mutavit Matthæus numerum: nam ut ibidem Hieron. non tam verborum ordinem, quàm sensum, Scriptores sacri in citando sequi solent.

\* *Nomen ejus Emmanuel, id est nobiscum Deus*: quò significatur, filium istum non solum benevolum nobis & propitium futurum peccatis nostris, neque etiam in umbris tantum arcæ ac tabernaculi aut templi adfuturum, ut olim; sed per Incarnationis mysterium Deum in humana carne appariturum, & cum hominibus conversaturum, ut notat Chrysost. Vocari ergo usitatâ Scripturæ phrasi usurpatur pro esse: quo modo Isaïæ 9. v. 6. dicitur: *vocabitur nomen ejus admirabilis, consiliarius, Deus, &c.* ut significet quòd re verâ erit talis. Et de Ecclesia dicitur Isaïæ 62. v. 4. *Non vocaberis derelicta, sed vocaberis voluntas mea in ea.*

24. \* *Exurgens autem Joseph, &c. id est mox paruit Angelo. Significatur ergo directè prompta Josephi obedientia, ad solam monitionem in somnis factam; indirectè magnitudo virtutis Virginis, de quâ tam citò crederet rem tam incredibilem, quòd concepisset ex Deo*

bit, & pariet filium: & vocabunt nomen ejus Emmanuel: quod est interpretatum, Nobiscum Deus,

24. Exurgens autem Joseph à somno, fecit sicut præcepit ei Angelus Domini, & accepit

conjugem suam.  
25. Et non co-  
gnoscebat eam  
donec peperit  
filium suum pri-  
mogenitum: &  
vocavit nomen  
ejus JESUM.

25. \* *Et non cognoscebat eam.* Hebraica est & honesta phrasid ; carnalem commixtionem ab eis removens , cujusmodi est Gen. 4. v. 1. 17. 25. & alibi passim. Ut alienor sit expositio Epiphaniî hæresi 78. rejecta à D. Hieron. qui putavit , quod non cognoscebat sanctitatem Virginis.

\* *Donec peperit filium suum.* Ergò , inquit Helvidius , cognovit eam , postquam peperit : sed bene & ex professo ostendit Hieron. lib. adversus eum condito , & Chrysostomus hîc , hujusmodi adverbia *donec usque* , & similia , id quod dubium est exprimere ; id quod certum , relinquere , quia ad propositum non pertinet. Dubium enim esse poterat , utrùm cognovisset statim à desponsatione , quando conjugum fervet amor. Hoc negat per illud insinuans multò minùs postea virum justum attigisse templum Dei , Spiritus S. sedem , Domini sui matrem. Sic Isaïæ 46. v. 4. *Usque ad canos ego portabo* : & cap. 22. v. 14. *Si hoc est , non dimittetur iniquitas hæc vobis donec moriamini* Vide ad Corinth. 5. & 2. Reg. 6. v. ult. \* *Primogenitum* id est qui primò ei natus fuit , seu ante quem nullus alius ; etsi simul sit unigenitus , id est , etsi nulli alii subnascantur : nam ex primò genito non sequitur alios esse secundò aut tertio genitos , ut volebat idem Helvidius , & manifestum est ex lege primogenitis Deo offerendis : nec enim usque ad secundò genitos expectabatur : de quo latius ibidem Hieron. Primogenitum autem dicere maluit quàm unigenitum , ut ex hoc ipso consecratus esse Deo intelligeretur.

## CAPUT SECUNDUM.

1. Cum ergo I. \*  
natus esset Jesus  
in Bethleem Ju-  
da in diebus He-  
rodes regis , ecce  
Magi ab Oriente  
venerunt Jero-  
solyman ,

\* *Cum ergo natus esset Jesus in Bethleem Juda.* Græcè ὅτι ἰσθαιῶς Judææ Utrumque accipiendum propriè & strictè sicut v. 22. est enim & alia Bethleem in tribu Zabulon , Josue 19. v. 15.

\* *In diebus Herodis* : illius , qui dictus est Herodes primus , magnus , Ascalonita , Antipatri scilicet filius , natione Idumæus , religione Profelytus.

\* *Regis* : fuit enim & alius Herodes , non Rex , sed Tetracha Galilææ , hujus filius , Antipas dictus , occisor Baptistæ & irrisor Christi in passione , de quo & infrà c. 13. v. 1. & Lucæ 3. v. 1. Vocat autem absolutè Regem , scilicet non solum Judææ , sed & omnium regionum ei adjacentium ; quia fuit & tertius Herodes , Agrippa dictus , nepos hujus , Rex tantum Traconitidis , Galilææ & Iturææ. qui Jacobum Apostolum



Apostolum occidit, Actor. 13. Accuratè igitur loci nativitatis Christi ac temporis meminit, ut indicet impletas esse prophetias Micheæ de loco, de quo v.6. & Patriarchæ Jacob de tempore, cùm scilicet ablatum esset sceptrum de Juda, & translatum ad Herodem alienigenam, de quo diximus Genes. 49.

\* *Ecce Magi venerunt*: quâ connexionē & voce, \* *ecce* indicat statim ab ortu Salvatoris Magos advenisse: unde etiam adhuc in Bethleem eum invenerunt. Ut mirum sit, Epiphanium hæresi 30. n. 29. statuere adventum eorum post biennium à natali. Porro *Magus* ex propria vocabuli significatione distinguitur à *Malefico*. *Magi* enim sunt, ut Hieron. in cap. 2. Daniëlis, qui de singulis philosophantur. *Malefici*, qui sanguine utuntur, & victimis, & sæpè contingunt corpora mortuorum. Qui igitur naturalis Philosophiæ apicem affecuti erant, *Magi* dicebantur. Sed paulatim gliscente curiositate, & ad vanitates superstitionesque delabente, nomen *Magi* in malam partem accipi cœpit: sicut etiam contigit in nomine Sophistæ, Astrologi, Tyranni. Fuit autem sapientibus Persiæ peculiare, ut *Magi* dicerentur; sicut apud Græcos dicebantur *Philosophi*; apud Indos *Brachmanes* aut *Gymnosophistæ*; apud Babylonios *Chaldaei*; apud Ægyptios *Hierophanta*; apud Gallos *Druidæ*. Hinc teste Cicerone lib. 1. de divinatione, apud Persas Rex esse nemo poterat, nisi qui Magorum disciplinam, scientiamque antè percepisset. Quia igitur stellâ duce usi sunt, & honoris causâ videntur Magi vocari, hinc verius est, non fuisse ex infami illo maleficorum genere, ut videntur voluisse quidam: sed ut Hieron. sup. suæ gentis Philosophiæ maximèque Astrologiæ dediti.

Unde autem venerint, magna disceptatio est. Evangelium dicit venisse *ex Oriente*. Hinc tota Græcorum Schola, Clemens Alexandr. lib. 1. Stromat. Basiliius homil. de humana Christi generat. Chrysostomus & Theophilactus hîc, Cyrillus lib. 4. in Isaiam, & alii, sentiunt ex Perside venisse; quibus favet nomen *Magi*, quod Persis proprium, & modus adorandi cum muneribus: valde autem repugnat regionis distantia ad trecenta circiter milliaria, & temporis brevitās. Hinc alii verisimilius tradunt ex Arabia venisse, Justin. contra Triphonem, Tertull. contra Judæos cap. 9. & Epiphan. in doctrina compendiarîa: quidquid rideat hîc Calvinus, qui dicit eos ex Occidente & Meridie fecisse Orientem. Nam Tacitus & Chronographi passim statuerunt Judæam ab oriente respicere Arabiam: & Scriptura testis est Genes. 25. Abraham separasse filios concubinarum ad plagam Orientalem, qui tamen in Arabia habitaverunt.



Nec multum abierunt ab hac sententia, qui ex Chaldaea venisse volunt. Moti sunt partim loci propinquitate, & muneribus illis thure, myrrha & auro, quibus abundat Arabia, partim loco Psalmi: *Reges Arabum, & Saba dona adducent.* Ubi Reges Arabum videntur indicare Orientem, Insulae Occidentem, Aethiopes Meridiem, Tharsis Septentrionem. Ex quo eodem loco videtur manasse communis multorum Patrum sententia, quod Reges, hoc est, Reguli seu Principes, & Primores gentis suae fuerint. Ita enim sentiunt Theophil. Basil. locis citatis & alii posteriores multi. Quod faciunt thesauri & adoratio novi Regis, quasi legatio ad ipsum; haec enim Principum tantum esse solent.

2. Dicentes: Ubi est qui natus est Rex Judaeorum? vidimus enim stellam ejus in Oriente, & venimus adorare eum.

2. \* *Ubi est qui natus est Rex Judaeorum?* Id est, qui non factitius ex hominum electione, sed nativitate ipsa Rex est. Ita multi. Simplicius videtur: ubi est ille celeberrimus & ex vaticiniis expectatus Messias Rex (ut patet ex v. 4.) qui jam natus est? Non enim ut dubii, sed de re certa loquuntur: neque ignarum hoc nuntium fore suspicabantur.

Causam autem suae scientiae indicant: \* *Vidimus enim stellam ejus*, hoc est, certum indicem nativitatis ejus. Cum ergo ex ea jam natum esse colligant, certe non apparuit, nisi ipso natali ejus die. Cumque non dicant, *vidimus stellam quandam novam, &c.* sed, *vidimus stellam ejus*, colligitur eos loqui de astro aliquo noto, quod ex antiqua traditione Judaici Regis nascituri vel nati esset insigne. Unde Graece significantissime est *αὐτῆς τῶν ἀστέρα*, *istud astrum ejus*: quod videtur supponere, non esse Judaeis ignotum, quod sibi innotuerat. Itaque merito plerique veteres senserunt, eos fuisse instructos ex prophetia Balaam, quae non solum in Judaea, sed in Oriente, unde ipse oriundus erat, traditione percrebuerat, imo, ut Orig. etiam scripto ab ipso tradita perseveraverat. Praedixerat enim Num. 24. v. 17. *Orietur stella ex Jacob, &c.* Ita docet Origenes hom. 13. & 15. in Num. Ambr. l. 2. in Luc. Euseb. lib. 9. de demonst. Evang. cap. 1. Basil. sup. & alii non pauci. Cum ergo astrorum contemplationi, tamquam Philosophi, essent dediti, stellaque, ut ait Leo serm. 1. de Epiphania, illustrior caeteris, pulchriorque sideribus, intuentium in se oculos animosque converteret, & quemadmodum supra Bethlehem, ita tunc juxta Eusebium, perpendiculariter Judaeae immineret, Deo intellectum juvante intellexerunt hanc esse stellam illam celebrem, quam praedicari audiverant.

\* *In Oriente*: non quod stella fuisset fixa in Oriente, sed nos in Oriente constituti vidimus eam, & propterea de nativitate certissimi,

veni-

*venimus adorare eum*, id est, ut honoremus eum cum gratulatione, submissione, muneribus, sicut erga tantum Regem decet, qui juxta prophetiam de ista stella, salvabit omnes filios Seth, id est, universum orbem.

3. \* *Audiens autem Herodes*, talem adventus causam, \* *turbatus est*, suspicatus regnum à se invasum periclitari. Fuit enim zelosissimus pro regno suæ familiæ servando; ut quem Josephus testatur, omnes de stirpe regia, id est, Machabæorum sustulisse. \* *Et omnis Hierosolyma*, maxima scilicet pars, \* *cum illo*. Quo indicari videtur, eam non lætitiâ, ut par erat, aut rei tantum novitate turbatam, sed simili turbatione atque Herodes, ut scilicet carnali adulatione ei complacerent, quia recenter eum in legitimum Regem acceptaverant.

4. \* *Et congregans omnes Principes Sacerdotum*. Ita vocantur etiam 2. Paralip. 36. v. 14. qui tamen 1. Paralip. 24. vocantur *Principes sanctorum*, & *Principes familiarum sacerdotalium*, scilicet viginti quatuor, secundum numerum familiarum: & Num. 3. v. 32. Eleazar simplex Sacerdos vocatur *Princeps Principum Levitarum*. Quod signum est, non ideò hic vocari Principes Sacerdotum, quòd tempore Herodis penè annui essent Pontifices, & ita essent plures functi summo Pontificatu.

5. \* *Et Scribas*. Istos subinde vocare solent Legis peritos: nam quem Marcus 12. v. 28. *Scribam* nominat, Matthæus 22. v. 35. vocat *Legis Doctorem*, seu Legis peritum, Græcè νομικόν. Et Esdras, qui sæpissimè dicitur Scriba, idem lib. 1. c. 7. v. 6. vocatur *Scriba velox*, id est, exercitatus & promptus in lege Dei: & v. 11. *Scriba eruditus in sermonibus & præceptis Domini, & caeremoniis ejus in Israël*, adeoque *Scriba legis Dei cali doctissimus*. Ex quo patet, *Scribas* istos dictos esse non à scribendo, quòd essent Scriptores, seu Notarii publici, sed potius à Scripturis sacris, quòd eorum esset professio Scripturas, aliaque scripta Ecclesiastica adservare, scrutari, populo lætitare, exponere, dubia solvere. Unde Esdræ Scribæ officium ibidem explicatur v. 10. quòd parasset cor suum ut faceret & doceret in Israël præceptum & judicium: & Matth. 17. v. 20. ac Mar. 12. v. 35. attribuitur Scribis, quòd docerent Eliam venturum, & Christum esse filium David; Christusque ipse ad eorum officium alludens, vocat Matth. 13. v. 52. *Scribam doctum in regno calorum*. Ex quo liquet, cur dicat hic *Scribas populi*; quia populum docebant legem Dei. Unde eadem de causa Herodes \* *sciscitabatur ab eis, ubi Christus nasceretur*, id est, nasci deberet juxta Scripturarum oracula: & ipsi respondent, \* *in Bethlehem Juda*, eo quòd Michæas Prophetia diceret:

3. Audiens autem Herodes rex, turbatus est, & omnis Hierosolyma cum illo.

4. Et congregans omnes principes Sacerdotum, & Scribas populi, sciscitabatur ab eis, ubi Christus nasceretur.

5. At illi dixerunt ei: In Bethlehem Juda: Sic enim scriptum est per Prophetam.



6. Et tu Beth-  
leem terra Juda,  
nequaquam mi-  
nima es in prin-  
cipibus Juda: ex  
te enim exiet  
dux, qui regat  
populum meum  
Israël.

6. \* *Et tu Bethlehem &c.* Magna est dissensio Prophetæ & Evangelistæ in hoc testimonio recitando. Quam enim Prophetæ vocat *Bethleem Ephrata & parvulam*, Matthæus nominat *terram Juda & nequaquam minimam* inter duces, quos ille non nominat. Hieron. in Michæam accusat ignorantiam & negligentiam Scribarum, & Evangelistam vult posuisse, ut illi recitarent. Alii volunt, memoriâ lapsos esse subinde Evangelistas in testimoniis allegandis. Sed Evangelistæ accusatio impia est, Scribarum supervacanea. Itaque rectius dixerimus, quod Evangelista Scribarum verba recitet, qui Regi imperito non verba Prophetæ obscuriuscula protulerint, sed sensum. Prophetæ enim dixit, *& tu Bethlehem Ephrata*, quia alio nomine Ephrata vocabatur, ut clarè dicitur Gen. 48. v. 7. Scribæ verò explicationis causâ, \* *& tu Bethlehem in terra Juda*, quia erat & alia Bethlehem in tribu Zabulon, ut supra. Prophetæ dixit, *parvula* seu *minima es*, quod Scribæ intelligentes vel per interrogationem esse dictum, vel per ironiam, clarissimo sensu expresserunt, \* *nequaquam minima es*. Pro *in millibus*, hoc est chiliadibus, in quas divisa erat quæque tribus jam à temporibus Moysis, juxta consilium Jethro, Exod. 18. Scribæ posuerunt, \* *in principibus*, quia vox Hebraica utrumque significat, inquit Jansenius & Maldonatus. Sed uterque fallitur: numquam enim **אלף** Eleph, id est Mille, significat Principem, sed **אליף** Alluph. Alii Principes civitatis intelligunt, sed genus masculinum in Græco repugnat. Itaque Scribæ reddiderunt Principes seu Chiliarchas pro chiliadibus, seu millibus, quibus præsunt, claritatis scilicet causâ per metonymiam, ut ita tangerent radicem, cur non sit minima, nempe natalibus Principum seu Chiliarcharum, qui jam ex ipsa prodierant multi, Abesan, Booz, Isai, David, sed maximè ipse Messias. Unde hoc explicant Prophetæ & Scribæ, addunt, \* *ex te enim exiet dux*, ille videlicet expectatus, quem Messiam expressit Chaldæus, \* *qui regat*, Græcè *ποιμενῆ*; nempe uti Pastor gregem, non modò cum benignitate, sed & potestate: quod Prophetæ dixerat **מושל** Moschel, dominator, seu qui dominetur. \* *Populum meum Israël* scilicet universum, non tantum carnalem Israël, sed maximè spiritualem, seu omnes electos.

7. Tunc Herodes clam vocatis Magis, diligenter didicit ab eis tempus stellæ, quæ apparuit.

7. \* *Tunc Herodes clam vocatis Magis*: clam, ne quisquam conscius esset, quid ex eis quæreret, & sic insidiæ patescerent, ac puer absconderetur.

\* *Diligenter didicit ab eis tempus stellæ, quæ apparuit*, id est, perquisivit, quo tempore apparere cœpisset, ut Syrus explicat, ut scilicet ita ex notitia tam loci, quàm temporis puerum deprehenderet, si fortè à Magis falleretur.



8. \* *Et mittens ipsos in Bethlehẽm.* Comites è suis nullos addidit, tum quòd perfectè Magorum sinceritati simplicitatiquè fideret : tum ne qua fraudis suspicio oriretur parentibus pueri ( passim enim tamquam tyrannus timebatur ) & fidentiùs eum peregrinis proderent.

9. \* *Et ecce stella, quam viderant in Oriente :* id est, quam ipsi in Oriente constituti viderant. Ex quo colligitur, in reliquo itinere non apparuisse, multò minùs itineris fuisse ducem ; hoc enim in primis fuisset vel suprà Herodi vel hìc lectori insinuat. Chrysost. tamen & Basilus, locis suprà citatis, & plures veteres, stellam toto itinere præcessisse volunt, & Hierosolymis disparuisse, ut Judæos consulere cogerentur, & consulendo res publicè innotesceret.

\* *Antecedebat eos :* tamquam viæ dux, à Septentrione in Austrum progrediendo.

\* *Usque dum veniens staret supra, ubi erat puer :* loco nativitatis innuens, & immobili suo statu eum indicans, ne in ipso loco operosè inquirere, & rem omnibus propalare cogerentur. Ex quibus apertè sequitur, non fuisse astrum istud unum ex cæteris astris, in cælo constitutis contra Nyssen. hom. 1. de Christi incarnat. non fuisse cometam communem : fuisse terræ valde vicinum, habuisse motum valde irregularem. Unde Theophylactus stellam vocat virtutem divinam : alii Angelum fuisse putant. Credibile est habuisse formam stellæ, & ab Angelo motum & statum ei inditum.

10. \* *Itaque gavisi sunt gaudio magno valde, id est maximo, quòd repenè desperatà itineris labor non esset irritus.*

11. \* *Et intrantes domum :* nempe speluncam seu stabulum. Nam in eodem illo terræ foramine, ut Hieron. epist. 17. cælorum conditor natus est, visus à pastoribus, demonstratus à stella, adoratus à Magis : & hæc communior est antiquorum doctrina, etsi Theophyl. dissentiat.

\* *Invenierunt puerum cum Maria matre ejus.* Quo indicari videtur, nullos præterea adfuisse, neque Joseph quidem, ne fortè eum Christi patrem putarent, Christum omni satellitio fuisse destitutum Virginemque, tamquam quæ sine infirmitate pepererat, nutricis aut alterius ope domi non indiguisset. Itaque, non obstante tantà omnium rerum abjectione & solitudine, \* *procidentes*, id est, humi prostrati, ut mos est Orientalibus, \* *adoraverunt eum.* Neque hoc honore contenti, \* *aperitis thesauris suis*, seu thesaurorum thecis, quos de industria hanc ob causam secum tulerant, \* *obtrulerunt ei munera*, quia Orientales sine muneribus accedere aut adorare Reges non solent, sicut etiam nunc apud nonnullas gentes in usu est : \* *aurum, thus, & myrrham.* Singuli omnia,

3. Et mittens illos in Bethlehẽm, dixit : sic & interrogate diligenter de puero : & cum inveneritis, renunciate mihi, ut ego veniens adorem eum.

9. Qui cum audissent regem, abierunt : & ecce stella quam viderant in Oriente, antecede-  
bat eos, usque dum veniens, staret supra, ubi erat puer.

10. Videntes autem stellam gavisi sunt gaudio magno valde.

11. Et intrantes domum, invenerunt puerum cum Maria matre ejus, & procidentes adoraverunt eum : & aperitis thesauris suis obtulerunt ei munera, aurum, thus, & myrrham.

quidem dona, quibus patria eorum affluebat : nam, ut Poëta Georgic. c. 2.

*Solis est thurea virga Sabais.*

Idem testatur Plinius lib. 12. natur. hist. qui tantam in Arabia aromatum ubertatem tradit, ut vix alia ibi ligni genera in usu sint, quàm odorata, quibus & ignem vulgò foveant. De auri argentiq̃ue copias notissima est: quæ confirmantur ab Ezech. 27. v. 22. Non sine mysterio tamen ista munera fuisse oblata, quidquid rideat solitâ impudentiâ hoc loco Calvinus, unanimi consensu à veteribus omnibus animadversum est, siue Magi hoc divinitus illustrati intellexerint, ut verisimile est, siue non. Breviter id expressit Juvencus à S. Hieron. commendatus :

*Thus, aurum, myrrham Regique, hominique, Deoque  
Dona ferant.*

Aurum enim, quod Regibus tributum penditur, Regiæ dignitati convenit : *Thus* apud omnes gentes ( exceptis hæreticis nostris ) adoletur Deo : *Myrrhâ* condiantur corpora mortuorum, ne putrescant : unde humanitatem mortis participem, corruptionis expertem indicabat. Tropologicè, *Aurum* offerimus, opes omnes pro Christo calcando, *Myrrham* membra, passionesq̃ue mortificando ; *Thus*, ea quæ sursum sunt, sapiendo, ut Bernardus serm. 3. de Ephiphan. Gregorius verò hom. 10. in Evang. *auro* sapientiam, *thure* orationem, *myrrhâ* mortificationem significari tradit.

12. Et responso  
accepto in som-  
nis ne redirent  
ad Herodem, per  
aliam viam re-  
versi sunt in re-  
gionem suam.

12. \* *Et responso accepto* ; nempè divino oraculo, ut ex Græco patet. Neque enim ex responso sequi putes, quòd Magi antè dubitantes simile quid petierint. Undè pulchro ordine paulatim ad altiora provecti sunt. Nam dum spectandis sideribus vacabant, fidere ad cognitionem Christi manu ducti sunt : mox Prophetarum instructi vaticiniis per homines ; denique, post oblata munera, eruditi sunt ab ipso Deo. \* *Ne redirent ad Herodem* ; ut & seiplos & puerum periculo eximerent. \* *Per aliam viam reversi sunt in regionem suam*. Non enim propter itineris commoditatem, sed ex promisso rediissent Jerosolymam. Ubi plerique veteres significatum notant ; per aliam disciplinam, quàm quâ venimus, redeundum esse ad patriam cælestem : de quo Gregor. hom. citatâ. Latè verò & appositè ad mores differit de tota hac historia Adamus Sasboldus in quadam Homilia seu Concione de hac re.

13. Qui cum  
recessissent, ecce  
Angelus Domini.

13. \* *Qui cum recessissent, ecce Angelus Domini*, &c. Non statim à discessu apparuit, sed interjectâ totâ historiâ purificationis, imò re-  
ver-



versionis in Nazareth, ut videtur indicare Lucas 2. v. 39. Unde rectè notat D. August. lib. 2. de conf. Evang. c. 5. sic unumquemque Evangelistam contexere narrationem suam, ut tamquam nihil præmittentis series digesta videatur. Tacitis enim iis, quæ non vult dicere, sic ea, quæ vult dicere, illis, quæ dicebat, adjungit, ut continuè sequi videantur. Non tamen negat alia intercessisse.

\* *Surge & fuge in Ægyptum*: ut ibi esset extra Herodis imperium, & ut per Christi præsentiam Ægyptus, diis falsis deditissima, & in ea tota gentilitas, jam tum ad veram pietatem præpararetur. Et sic intelligendum videtur, quod ait Cyril. Catechesi 10. & Athanas. ser. contra omnes Hæreses, Christum in Ægypto idola manu facta dissolvissè, & demolitum idololatriam: non autem quòd idola casu corrue- rint, ut multi fabulantur: de quo Hieron. initio cap. 19. in Isaiam. Significatur autem hanc fugam, regnum Dei à Judæis ad gentes transferendum, & in fine mundi à gentibus ad Judæos reversurum. \* *Futurum est enim, &c.* Fugam igitur periculum declinari vult, non omnipotentiâ dissipare, ut sic ostenderetur assumptæ naturæ veritas, ut servaretur decretæ dispensationis ordo, quo venerat cedere, non resistere malo: ut exemplum & auctoritatem fugæ præberet justis. Fugit itaque, inquit Fulgentius serm. 5. non formidine humanâ, sed dispensatione divinâ; non necessitate, sed potestate, ut cedat tempori, non Herodi.

14. \* *Qui surgens accepit puerum nocte*: eadem scilicet, quâ oraculum acceperat. Ut ex eo doceretur, quanta promptitudo & obedientia ac simplicitas divinis mandatis, cum de illis constat, præstanda sit: & quanta paupertas eorum fuerit, quibus nec sarcinæ multæ componendæ, nec repetendâ debita, nec opes aut res familiaris committenda, utpotè qui omnibus istis oneribus erant liberi.

15. \* *Et erat ibi*: habitans, ut traditur, intra Heliopolim, & Babylonem Ægyptiam, hoc est Cairum: ubi locus etiamnum apud Saracenos celebris est. De cujus fonte & arbusculis balsami, & cæteris, vide Crocardum in fine descript. Terræ sanctæ & Adrichomium fol. 47. in descript. Engaddi.

\* *Usque ad obitum Herodis*. Quot annos, valde incertum, aliis quinque, aliis sex, aliis novem, aut pænè decem tribuentibus: sed hæc pendent ab anno nativitatis ejus, de quo alibi.

\* *Ut adimpleretur*. Ut, eventum, non causam significat: nec enim in Ægyptum fugit, ut prophetia impleretur, sed ex fuga evenit, ut impleretur prophetia Osæ 11.

ni apparuit in somnis Joseph, dicens: Surge & accipe puerum, & matrem ejus, & fuge in Ægyptum, & esto ibi usque dum dicam tibi. Futurum est enim ut Herodes querat puerum ad pericidendum eum.

14. Qui confusus, accepit puerum & matrem ejus nocte, & secessit in Ægyptum:

15. Et erat ibi usque ad obitum Herodis: ut adimpleretur quod dictum est à Domino per Prophetam dicentem: Ex Ægypto vocavi meum,



\* *Ex Ægypto vocavi filium meum.* Tribus modis prophetia impleri dicitur; Primò, cùm fit id, quod ad litteram, significatur, qui modus non habet hîc locum: certum est enim Prophetam litteraliter loqui de populo Israël, quem Deus eduxit ex Ægypto. Secundò, quando fit id, quod sensu mystico per litteram seu historiam figuratur: sicut ea, quæ litteraliter dicuntur de Salomone 2. Reg. 7. v. 14. & de agno Exodi 12. *Os non comminuetis, &c.* implentur verè in Christo, allegoricè per illa significato. Tertiò, quando fit aliquid planè simile de quo non minùs aptè prophetia dicitur, quàm de quo revera dicta fuit: sicut diceremus in patre filium diligente, impleri illud Maronis:

*Omnis in Ascanio chari stat cura parentis.*

Hunc ultimùm modum putant aliqui hîc maximè locum habere: sed revera secundus non minùs propriè locum habet, ut Hieron. latè in illum locum Osee. Fuit enim populus Israël, tamquam filius primogenitus dilectus à Deo, verus typus filii naturalis Christi Domini, non solum filiatione, patrisque dilectione, sed & nativitate in terra Canaan, fuga in Ægyptum, peregrinatione & educatione in Ægypto, reditu in Judæam: ut immerito Julianus Augustus fraudis arguerit Evangelistam, quasi Christo tribuentem, quòd de Israël dictum fuerat.

16. Tunc Herodes videns quoniam illusus esset à Magis, iratus est valdè, & mittens occidit omnes pueros, qui erant in Bethlechem, & in omnibus finibus ejus, à bimatu & infra, secundum tempus quod exquisierat à Magis.

16. \* *Tunc Herodes*, post purificationem & fugam in Ægyptum, \* *videns, quoniam illusus esset à Magis*: per novos scilicet rumores de nato Messia, & iis, quæ in die purificationis Hierosolymis contigerant, forsitan excitatus. Ante enim non advertit sibi impositum, sive quòd aliis implicaretur negotiis, sive quod huc usque credidisset, ipsos spe frustratos, præ pudore non fuisse ausos regredi. Itaque fraude depressa, simulata pietas in apertam erupit crudelitatem. \* *Occiditque omnes pueros*, nempe masculos: neque omnes omninò, sed \* *à bimatu*, id est, à pueris duorum annorum, ut Syrus transfert, incipiendo, \* *& infra*, qui scilicet minoris essent ætatis, quàm duorum annorum; eosque non omnes iterum, sed, \* *secundum tempus quod exquisierat à Magis*; hoc est, natos usque ad diem apparitionis stellæ, quam Magi expresserant. Quo indicat, non esse occisos illos, qui recenter à triginta vel quadraginta diebus essent nati. Stella enim indicium erat Messie jam nati, ut etiam Magi dixerant, non nascituri. Itaque per hanc expositionem evanescit difficultas, quæ multos torfit. Putaverunt enim illud, ( *secundum tempus* ) referendum esse ad bimatum, & inde compulsi sunt dicere, stellam ante biennium circiter apparuisse Magis, vel Magos post biennium à Christo nato venisse, quod videtur placuisse Epiphanio. Sed utrumque est inconveniens: referendum est enim ad verba, & *infra*.

Cur

Cur ergo, inquires, occidit bimulos, si stella à quinque aut sex septimanis tantum apparuerat? Resp. majoris cautionis & severitatis causâ tempus extendit, ne fortè ante exortum stellæ esset natus Messias, vel grandior esset cæteris. Nam eadem de causa etiam locum extendit, occidendo omnes, qui erant \* *in omnibus finibus Bethlehem.*

17. \* *Tunc adimpletum est, quod dictum est, &c.* Multi hoc impletum volunt juxta tertium modum suprâ positum, scilicet quia tunc hoc aptè dici potuit de istis pueris, quod ad litteram dictum erat de decem tribubus, vel certè de duabus Judæ & Benjamin, in captivitatem abducendis. Sed rectius dixerimus secundum adimpletionis modum hîc indicari, quia calamitas illa figura fuerit illius calamitatis, quæ pueris istis, imo quæ omnibus Christi Martyribus evenit, quos Rachel, id est, Ecclesia mater, deplorat. Itaque

18. \* *Vox, scilicet ploratus & ululatus magni, \* audita est in Rama.* 17. Tunc adimpletum est quod dictum est per Jeremiam Prophetam dicentem:  
Interpres Græcus & Latinus juxta Septuaginta accepit, ut nomen proprium: est enim civitas in tribu Benjamin juxta Gabaa, in confinio tribus Judæ & Benjamin, Judic. 16. v. 13. ut significetur luctum utriusque tribui, quæ postea confusæ fuerunt, fuisse communem, & eo usque auditum ululatum. Hieronymus accepit ut appellativum, significans *in excelso*, id est, vox alta audita est, sicut clamor ire in cælum dicitur.

\* *Rachel plorans filios suos.* Rachel mater fuit Benjamin, & in Bethlehem sepulta, termini autem tribus Judæ & Benjamin circa Bethlehem concurrunt, & utraque illa tribus post captivitatem mixtim habitavit, ut patet 2. Esdræ c. 11. Itaque metonymicè per Rachel, prolium suarum amantissimam, significatur tota regio Bethlehem, seu matres Bethlehemiticæ & Benjamiticæ. Quod autem mortua mater plorans inducitur prosopopœia est, Prophetis & Poëtis familiaris, & ad effectus movendos efficacissima, qui in Tragœdiis suis mortuorum, aut diversarum urbium manes lamentantes inducunt.

\* *Et noluit consolari*, id est, consolationem accipere super filiis suis, propter doloris magnitudinem: \* *quia non sunt*, id est, quia non inveniuntur, hinc scilicet sive captivitate in exterarum regiones, sive morte translati in sinum Abraham. Nam veteres omnes, qui de istis infantibus tractant, summo consensu eos Martyres Christi faciunt, Ireneus lib. 3. c. 18. Gregor. hom. 4. in psalm. 36. circa med. & hom. 3. in diversos, Hilar. Theophyl. & alii, in Commentariis: & ita sentit Ecclesia, quæ eos *flores Martyrum* nuncupat. Fuisse numero quatuordecim millia legunt Æthiopes in Missa, quam sibi re-



lictam à Matthæo dicunt, & Græci notant in Calendario.

19. Defuncto, autem Herode ecce Angelus Domini apparuit in somnis Joseph in Ægypto,

19. \* *Defuncto autem Herode*, internâ febris, voracitate, intestinorum exulceratione, prurigne corporis intolerabili, colicâ, podagrâ, ventericuli inflammatione, verendorum putredine, vermibus, fœdissimâ tentigine, nervorum contractione, asthmate, fœtore denique intolerando, ut testis est Josephus lib. 1. de bello Judaic. c. 21. & maximè 17. Antiquit. c. 18. \* *Apparuit Angelus*: aliquot mensibus tamen à morte Herodis. Nam Archelaus, qui hîc dicitur regnasse in Judæa, non obtinuit Judææ præfecturam, nisi postquam Cæsar de testamento Herodis constituisset, & ipse Româ esset reversus.

20. Dicens: Surge, & accipe puerum, & matrem ejus, & vade in terram Israël: defuncti sunt enim, qui quærebant animam pueri.

21 Qui consurgens accepit puerum, & matrem ejus, & venit in terram Israël.

22. Audiens autem quod Archelaus regnaret in Judæa pro Herode patre suo, timuit illi ire: & admonitus in somnis, secessit in partes Galilææ.

20. \* *Defuncti sunt enim*. Pluralis pro singulari: nam de solo Herode loquitur, ut patet ex vers. 19. \* *Qui quærebant animam pueri*, id est, vitam ejus auferre. Itaque Joseph, accepto puero & matre ejus, 21. \* *Venit in terram Israël*: in ejus scilicet limites, seu in fines tribûs Simeonis ac Dan, qui Ægypto proximi sunt.

22. \* *Audiens autem quod Archelaus regnaret in Judæa*, id est, in sorte tribûs Juda & Benjamin, in qua est Bethlehem: distinguitur enim à Galilæa & à terra Israël. Regnasse porrò dicitur, id est, præfuisse regiâ potestate, non tamen regio nomine, & quia statim à morte Herodis à militibus saltem Rex salutatus fuit. Nam Herodes, testamento quidem reliquerat Archelao regnum, sed Cæsar Augustus, cujus beneplacito testamentum subjecerat, constituit eum Ethnarcham (id est gentis Principem) dimidiæ partis regni Herodis, hoc est Judææ, Idumææ, & Samariæ, regnum etiam pollicitus, quàm primum tali honore se dignum redderet. Alterum dimidium regni in reliquos duos filios Herodis partitus est, Antipam scilicet qui & postea Herodes cognominatus est, creans Tetrarcham Galilææ & Pereæ: Philippum verò Batanæ, Traconitidis, & Auranitidis, cum parte domus Zenodori, ut vocabatur, quemadmodum horum testis est Josephus 17. Antiq. cap. 3. Itaque Joseph.

\* *Timuit eo ire*: in Judæam scilicet ac Bethlehem, territus, ut videtur, regio nomine, quod Archelaus affectabat, & crudelitate ejus, propter quam Viennam Galliæ à Cæsare relegatus fuit, ut Joseph ibid. cap. ult. denique ne ex habitatione Bethlehem refricaretur Archelao facti memoria. Itaque \* *secessit in partes Galilææ*, inferioris, in qua est Nazareth, quia Antipas, cui illa cesserat, mitioris erat ingenii.

23. Et veniens habitavit in civitate, quæ vocatur Nazareth: ut adimpleretur

23. \* *Et veniens habitavit*. Pleonasmus sunt, Hebræis familiares, ut cum dicunt, *surgens abiit, respondit dicens*, & similia. \* *In Nazareth*. Oppidum in monte situm, Lucæ 4. v. 29. in tribu Zabulon prope montem



montem Thabor, ad Occidentem, ubi Christus conceptus, & educatus est. \* *Ut adimpleretur, id est, ex quo factum est, ut adimpleretur.* \* *Quod dictum est per Prophetas.* Pluraliter loquitur, ut Hieron. observat, quia apud nullum Prophetam reperitur hoc testimonium, \* *quoniam Nazareus vocabitur*; sed tantum res illo testimonio significata, hoc est, sicut idem Hieron. hoc nomen exponit, quia sanctus Dominus futurus, & ab omni pollutione separatus, prædictus est, quod significatur nomine *Nazari* seu *Nazir*, ut exposuimus Num. 6. Sed difficultatem adfert, quod Christus *Nazareus* vulgò dictus est, prout in medio scribitur, per *Ἰ Τζαδε*, non per *Ἰ Ζαϊν*, hoc est, *נִצְרִי* *Nitzeri*, ut testatum facit titulus Crucis, teste Pagnino, & ita nomen *Nazareth* debere scribi ex veterum Hebræorum Commentariis probat: unde & Græcè scribitur *Ναζαρεῖος*, non *Ναζαρεῦς*. Itaque rectius dixerimus *Nazareum* vocandum Christum, quia prædictus est ab Isaia futurus flos seu germen, c. I. I. v. I. Hebraicè *נִצְרִי* *Nétzer*, unde civitas vocatur *נִצְרֶת* *Netzáreth*, Syriacè *נַצְרַת* *Natzeráth*. Ex quo loco Isaia, teste Hieron. ibidem, eruditi Hebræorum testimonium illud desumptum putant: vel etiam quia Christus passim humani generis custos, & servator prædictus est, à *נִצְרִי*, *Natzar*, custodire. Unde & illud *נִצְרִי*, *Nétzer*, de quo suprà, id est, flos seu germen aut planta tenera ita vocatur, quod accuratè ab injuriis custodiatur. Itaque Evangelista voluit odium istius nominis, propter quod Christus, Joan. I. v. 46. & Joan. 7. v. 41. & Christiani postea contempti sunt, in honorem convertere, nec impedire debere, quò minùs Messias crederetur, etiamsi Galilæa & Nazareth, tamquam habitationis loco venerit, eo quòd hoc ipsum sit Prophetiis maximè consonum.

quod dictum est  
per Prophetas:  
Quoniam Naza-  
reus vocabitur.

## CAPUT TERTIUM.

1. **I**N diebus autem illis, quibus habitabat adhuc Christus in Nazareth. Contigit autem hoc faciliè viginti, & amplius annis post historiam proximè narratam, reditum scilicet ex Ægypto. \* *Venit Joannes Baptista*: ita dictus ab officio divinitus delegato baptizandi pœnitentes, & præparandi ad Christum Dominum, ut esset ejus præcursor, ne, si subito Christus & inexpectatus populo imparato se objecisset, faciliè repudiaretur. \* *Prædicans*, pœnitentiam scilicet & baptismum: \* *in deserto Judææ*, id est, in regione saltuosa, in qua habitabat Zacharias, inquit Beza in hunc locum, ut ita odio Eremitarum desertum Joannis in locum habitatum convertat. Sed errat: tum quia desertum hoc erat circa Jordanem, ut Evangelistæ indicant: ha-

1. In diebus autem illis venit Joannes Baptista prædicans in deserto Judææ.

bitatio autem Zachariæ erat in montanis, in civitate Judæ, Lucæ 1. quæ montana à Jordane remotissima sunt. Unde Jerem. 33. v. 13. opponuntur montana Judææ campestribus, scilicet circa Jordanem, ut occidens orienti: tum quia tota antiquitas tradidit, Joannem in vera eremo solitariam duxisse vitam, & prædicasse, ideoque Eremitarum esse Principem, de quo Chrysost. hom. de Joanne Baptista, & Hom. 1. in Marcum, & Hieron. epist. ad Eustoch. & ex solo victu ac vestitu ejus satis manifestum est.

2. Et dicens:  
Pœnitentiam  
agite: appropin-  
quavit enim re-  
gnum cœlorum.

2. \* *Et dicens*, id est, componens prædicationem suam in hanc summam totius Evangelii secuturi: unde & Christus idem prædicavit. \* *Pœnitentiam agite*. Græcè *μετανοεῖτε*, quod Beza vertit *resipiscite*, ut significet dolorem tantum, quo corrigatur, quod perperam factum est, & excludatur omnis pœnalis actio pro delendis omnibus peccatis. Sed contrarium indicat passim Scriptura, ut infra c. 11. v. 21. in cinere & cilicio *pœnitentiam egisset*. Vide 1. ad Corinth. 9. v. 10. & 11. Jonæ 2. Unde & hîc, præter dolorem & vitæ mutationem, etiam confitentur peccata & baptizantur.

\* *Appropinquavit enim regnum cœlorum*, id est, in proximo jam est non regnum terrenum, quod hætenus affectatis & expectatis, sed felicissimum regnum cœlorum seu cæleste, cujus nemo sine pœnitentia particeps fit. Hoc regnum est idem, quod regnum Dei, seu Christi vel Messiae in homines: nec est aliud, quàm quo Deus seu Messias per doctrinam Evangelii, & Spiritum sanctum cordibus infusum, hoc est per cognitionem & amorem destructo diaboli dominio, perfectè regnat in animis omnium electorum. Itaque unum & idem est hujus vitæ & futuræ, sed ibi per felicitatem æternam completur, quod hîc inchoatum est. Nova igitur atque hætenus inaudita fuit hæc prædicatione, & prædicationi veteris Testamenti prorsus opposita. Ibi enim vestimentorum mutatione & lotione jubentur se præparare, Exodi 19. hîc animi mutatione, & pœnitentiâ: ibi omnia terrorem, mortisque comminationem spirant, hîc amorem & rei felicissimæ promissionem: ibi bona carnalia, regnumque terrenum, hîc spiritualia & regnum cæleste. Nam quamvis & vetus Scriptura præceptis morum sanctissimis plena sit, finis tamen, quod referantur, occultus est, inquit Aug. 19. contra Faustum c. ult. hoc est, ut ibidem explicat, quamvis & ibi non solum sanctitatis, sed & præmii ejus, resurrectionis scilicet mortuorum, & æternæ vitæ fiat mentio, hoc tamen non solum non fuit præmium veteris Testamenti, sed potius novi. Quod etiam non fuit apertè revelatum & prædicatum, nisi in novo: nam ori illius, & præ-  
cursoris



cursoris ejus, nominandum servabatur, quem Regem ad regendos, & Sacerdotem ad sanctificandos, fideles suos universus ille apparatus veteris Testamenti parturiebat esse venturum, ut ibidem Aug. Idem apertè docet Hieron. epist. 129. ad Dardanum & Chrysost. hîc.

3. \* *Hic est enim*, cui non suo pte impetu, & præsumptione ad prædicationem illam profiliit, sed, \* *qui dictus est*, seu prædictus, \* *per Isaiam dicentem: Vox clamantis*, scilicet Dei, auditur \* *in deserto*: ita scilicet, ut Joannes sit ipsa vox clamantis Dei. Nam ipse Joan. 1. v. 23. dicit: *Ego vox clamantis*, &c. Et ita communiter observant antiqui, Joannem esse vocem Dei, Verbi scilicet prænuntiam, sicut ipse Christus est Verbum Dei, ut Epiphan. hæresi 69. & Ambros. in Lucam. Posset tamen intelligi *vox clamantis*, scilicet præconis, auditur, vel etiam juxta Hebræa, *vox clamans*, palàm scilicet & liberrimè auditur. Adfert hoc Isaias velut probationem, ad signum, quòd tempus consolationis Jerusalem jam advenisset, quia scilicet jam auditur vox præconis, quia Regem consolatorem præcedit. \* *Parate viam Domini*, id est, expeditam reddite, omnia tollendo impedimenta, ne quid adventum ejus impediatur. \* *Rectas facite semitas ejus*, viarum scilicet obliquitates, & asperitates ad rectitudinem, æqualitatemque redigendo, ut Regibus adventantibus fieri solet. Est enim continua metaphora, ab humano more sumpta, quo sicut paratur Regibus via, auferendo saltus, & impedimenta, & sordes, & ornando tapetibus, ita Christo paranda dicitur, tollendo veteris vitæ peccata, ac vitia, & novæ vitæ virtutibus absque hypocrisis animum imbuendo. Eò enim tendit tota prædicatio Joannis: Pœnitentiam agite, & facite fructus dignos pœnitentiæ, tamquam quibus paretur via Christo venienti. Quòd & non solum voce, sed & factis, totaque vitæ compositione prædicaret, ut verum Christi præconem decet.

4. \* *Habebat vestimentum*, non pellem cameli, sed \* *de pilis camelorum* contextam, adeoque vilem, asperam & rudem, pœnitentiæ congruam: quam Anselmus hîc vocat *cilicium camelinum*. A quo, sicut ab omni austerioris vitæ instituto, cum hæretici tamquam à colubro abhorreant, nolunt hîc aliquid particulare Joanni adscribi: sed Magdeburgeneses volunt fuisse usitatum vestimenti genus hominis montani; David Chytræus fuisse undulatam vestem, similem ei, quam dicimus à camelis *Camelot*. Sed eos refutat Christus ipse, minimè delicatum & mollem vestitum ejus commendans, Matth. 11. v. 89. \* *Et zonam pelliceam*, id est, non pretiosam, sed coriaceam, ut spiritu ita & habitu Eliam referens. \* *Circa lumbos suos*. Quo significatur partim

3 Hic est enim qui dictus est per Isaiam prophetam dicentem: Vox clamantis in deserto: Parate viam Domini: rectas facite semitas ejus.

4 Ipse autem Joannes habebat vestimentum de pilis camelorum, & Zonam pelliceam circa lumbos suos: esca autem ejus erat locustæ & mel silvestre.



libidinis refrænatio, partim accinctio, seu præparatio ad opus, juxta illud, *sint lumbi vestri præcincti*. Unde & apud Ethnicos discinctum esse, mollis, ignavi, solutique hominis indicium erat.

\* *Esca autem ejus locusta*. Græcè ἀψίδες; quas aliqui olim apud Theophylactum nuces, aut poma silvestria esse voluerunt: probabilius alii eise summitates herbarum, Græcis etiam ἀψίδες dictas, quod acriter tuetur Isidorus Pelusiota lib. 1. epist. 132. Sed longè est verius id, quod veteres tradunt, fuisse veras locustas, scilicet insecta illa nota, quæ nisi fuissent in cibos usurpata, non ponerentur inter animalia munda, Levit. c. 11. Unde Hieron. lib. 2. contra Jovinianum, *Orientales*, inquit, *& Lybia populus, quia per desertum & calidam eremi vastitatem locustarum nubes reperiuntur, locustis vesci moris est*. Et Plinius lib. 6. c. 30. addit Æthiopes quosdam locustis tantum vivere, fumo & sale duratis in annua alimenta. Ut absurda meritò videri debeat quorundam hæreticorum audacia, qui ex locustis cancos marinos fabricant, quibus, licet contra legem, Evangelicâ libertate uteretur.

\* *Et mel silvestre*, id est, quod in sylvis, in arborum truncis, & rupibus ab apibus agrestibus fieri solet, & satis magna fuisse Samsonis & Jonathæ exempla, Judic. 14. v. 8. & 1. Reg. 14. v. 26. probant. Amarissimum fuisse tradit Isidorus loco citato; sed qui probaverunt, verisimiliter hoc negant: est enim insipidius quidem, dulce tamen ut mel. Vestitus ergo asperissimus, & victus erat vilissimus, pœnitentiæ, cælestisque regni prædicatori congruus.

5. Tunc exibat ad eum Jerosolyma, & omnis Judæa, & omnis regio circa Jordaniem;

6. Et baptizabantur ab eo in Jordane, confitentes peccata sua.

5. \* *Tunc exibat ad eum Jerosolyma*; mirâ istâ vitæ sanctitate, pœnitentiæ exemplo, promissionis novitate, & miraculis nativitate ejus in memoriam revocatis, excitata: plus enim, ut Chrysost. resonabat ejus conversatio, quàm vox. \* *Et omnis*, id est tota, *Judæa*, magna scilicet ejus pars. \* *Et baptizabantur ab eo*, tamquam profitentes hoc signo se similiter intus à peccatis ablui velle per pœnitentiam, quam prædicabat. Unde disponebantur hoc signo quodam præcursorio ad baptismum Christi facile recipiendum. \* *Confitentes peccata sua*, id est, non tantum confitentes se esse peccatores, ut ferè hæretici volunt, sed exponentes sigillatim peccata sua: hoc est enim confiteri peccata, sicut & Act. 19. v. 18. fecisse leguntur, nempe in signum veræ pœnitentiæ, quæ sigillatim damnat crimen, & damnando quasi exspuit, & animum relevat. Unde ritus ille particularis hujusmodi confessionis fuit etiam in veteri Lege usitatus, ut clarè colligitur ex Num. 5. v. 7. & Levit. 5. v. 5. & 18. ut illis locis notavimus.

7. Videns autem multos Phariseorum & Sadduceorum.

7. \* *Videns autem multos Phariseorum & Sadduceorum*. Tres erant præci-

præcipuæ sectæ apud Judæos, ut Josephus lib. 2. de bello Jud. c. 7. *Esseni*, omnium probissimi, *Pharisæi* & *Sadducæi*. *Pharisæos* dictos quidam volunt quasi פֶּרִישִׁים, *Perescim*, id est, Interpretes legis. Sed illi potius dicuntur Scribæ, qui non omnes erant *Pharisæi*. Dicuntur ergo *Pharisæi*, quasi divisi à cæteris, propter vitæ sanctimoniam ascititiam & superstitionem, sive hoc deducas פָּרָאִז, *Paráz*, ut Hieron. in quæst. Hebraicis in cap. 38. Gen. sive potius פָּרָשִׁיב, ut Epiphan. initio Panarii, dicuntur enim Hebraicè פֶּרִישִׁים, *Peruscim*, Hieron. in cap. 8. v. 11. Isaïæ auctorem *Pharisæorum* facit Hillel, sicut Scribarum Sammai, qui, inquit, non multò priùs quàm Christus Dominus nasceretur, orti sunt in Judæa. Sed de Scribis res certa est, longè fuisse antiquiores, imò jam ab Esdræ temporibus viguisse, ut supra dictum est. *Pharisæos* autem & *Sadducæos* constat jam inde à tempore Machabæorum fuisse sectas formatas, ex Josepho 13. Antiq. c. 9. & 18. Dicti sunt autem sive à Tsadoc, sectæ principe, sive quasi צַדִּיקִים, *Tzaddikim*, id est *justi*, quòd de justitiæ perfectione gloriarentur. Inter eos hæc erat differentia, teste Josepho, locis cit. & 18. Antiq. c. 2. quòd *Pharisæi* certiorum legalium rituum notitiam profiterentur, traditionibus viverent, fatum admitterent, ita tamen, ut libertatem in plerisque non destruerent: animam sentirent esse immortalem: bonas in alia migrare corpora, malas perpetuis plecti pœnis. *Sadducæi* contra nihil fato tribuebant, omnia hominis libertati: animarum præmia & pœnas, corporum resurrectionem, ac spiritus omnes, itemque traditiones negabant. Sadducæi pauci erant, sed ferè ditiores. Unde & divites Sadducæis adhærebant; populus *Pharisæis*, apud quem tanta erat eorum autoritas, ut quamvis obloquerentur Pontifici aut Regi, fidem tamen iis haberet. Nam quidquid ad solemnes preces & cultum divinum pertinebat, juxta eorum præscriptum fieri solebat: usque aded, ut cùm Sadducæi magistratum, licet inviti, susciperent, mox *Pharisæorum* decretis assentirentur; nisi facerent, non ferendi à populo. Istæ igitur sectæ confluebant ad baptismum Joannis; magis fortassè, ut populo suum sanctitatis studium probarent, quàm Deo. Ita enim solent hypocritæ se sanctis adjungere: quibus proinde Joannes dicebat.

\* *Progenies viperarum*. Vipera serpentum nocentissima est, ut ex Act. 28. liquet, de cujus natura multi multa philosophantur. Plinius lib. 10. c. 62. Aristot. lib. 5. c. ult. Hist. animal. miscent & fabulosa quædam: Ambros. lib. 5. in Hexaem. c. 7. ex Basil. hom. 17. in Hexaem. Unde alii respiciunt ad invidiam, & calliditatem, ut Aug.

*saorum, & Sadducæorum, venientes ad baptismum suum, dixit eis: Progenies viperarum, quis demonstravit vobis fugere à ventura ira?*



& Gregor. alii ad animum homicidam, eo quòd viperæ fœtus matres suas, uterum perumpendo, occidant, ut faciunt mali Doctores, maxime hæretici. Generaliter itaque *progeniem viperarum* vocat Hieron. in c. 30. Isaïæ pessimorum parentum pessimos filios, homicidarum scilicet homicidas, invidorum invidos. Non enim est hæc laus à pœnitenti prudentiâ petita, ut putavit Ambros. lib. 2. in Lucam; sed gravissima est increpatio. \* *Quis demonstravit vobis &c.* id est, quomodo fieri potest cum viperæ potius quàm homines sitis, justorumque persecutores, & justitiæ simulatores, ut aliquis vobis monstraverit, seu persuaserit, ad remedium à pœnis æternis, quas vel non creditis, vel justitiæ præsumptione non timetis, huc esse vobis recurrendum? Admirantis enim verba sunt reinovitatem ac difficultatem. Sed si tamen vero pœnitentiæ dolore tacti sitis,

8. Facite ergo fructum dignum pœnitentiæ.

8. \* *Facite fructum dignum pœnitentiæ*, seu *pœnitentiâ* hoc est qui decet veram pœnitentiam, seu animi resipiscentiam. Fructus illi sunt peccatorum detestatio, lachrymæ ex corde expressæ, affectuum malorum, morumque correctio, & in primis virtutum studia peccatis contraria, ut Greg. Hom. 20. in Evang.

9. Et ne velitis dicere intra vos: Patrem habemus Abraham. Dico enim vobis quoniam potens est Deus de lapidibus istis suscitare filios Abraham.

9. \* *Et ne velitis dicere intra vos*, id est, nolite cogitare & stultâ istâ cogitatione ac fiduciâ vos seducere: \* *Patrem habemus Abraham*, id est, ut Joan. 8. dicunt, v. 32. *Semen Abraham sumus*: & v. 39. *Pater noster Abraham est*; cui scilicet à Deo promissio facta est, & hereditas salutis filiis danda; hoc enim adfertur velut causa securitatis contra venturam iram, cum Deus non frangat fidem suam. Errabant, eo quod de carnalibus filiis hoc intelligerent, cum filii Abraham fiant imitatione fidei: contra cujusmodi cogitationes etiam agit Apost. ad Rom. 9. vers. 6. & sequentibus.

\* *Dico enim vobis, quoniam Deus est potens de lapidibus istis*, quos coram cernitis, *suscitare filios*: sicut olim Adamum ex terra, Evam ex ejus latere, Isaac ex emortuis corporibus Abraham & Saræ, qui ratione sterilitatis, Isaïæ 51. v. 1. comparantur petræ, unde Judæi excisi sint: \* *Abraham*. Dativus est, id est, quos Abraham promisit, ut iis conferendo promissam benedictionem, liberet fidem suam vobis pereuntibus. Verisimile tamen est alludi simul ad vocationem gentium, quæ duræ erant instar lapidum, & colendo lapides lapidibus factæ erant similes: sic enim intellexerunt magno consensu veteres, Hier. Ambr. Theoph. in hunc locum, post Iren. lib. 4. c. 16. Clem. Alex. serm. ad Gentes, Orig. Hom. 6. in Exod. & 4. in Jerem.

10. Jam enim securis ad radicem.

10. \* *Jam enim securis*. Securim intelligit Hieron. prædicationem Evan-



Evangelicam, Greg. Christum, qui constat ex humanitate, velut manubrio; divinitate, ut ferro. Sed cum tota oratio sit tropica, totus potius contextus intueendus est, quam singulæ partes. Itaque concludit alterum emendationis impedimentum, spem scilicet differendi supplicii. Jam enim securis posita est, non ad ramos, ut superflua decidendo levius castigentur, sed \* ad ipsam radicem arborum, ut funditus excidantur & pereant. Significat enim jam imminere cervicibus extremum & irreparabile excidium, non solum Judæis inferendum per Titum & Vespasianum, vel per translationem Evangelii ad Gentes ut quidam intelligunt, sed etiam singulis hominibus infligendum per æternam damnationem. Hoc enim est, quod sequitur:

\* *Omnis ergo arbor*, seu homo, etiam si nepos, aut filius carnalis fuerit Abraham, si sterilis bonorum operum, \* *excidetur*, jam jam (Græcè est ἐκκόπεται, *exciditur*) ex hac vita scilicet per mortem. \* *Et in ignem mittetur* inextinguibilem, v. 12. seu supplicii æterni. Dicitur hoc jam post adventum Christi fieri magis, quam ante; quia nunc palam coepit in toto mundo prædicari. Scripturæ autem phrasi res tunc fieri dicitur, cum palam innotescit. Hinc antea ignorantia & infirmitas magis veniam, suppliciique diminutionem ac dilationem merebantur.

II. \* *Ego quidem baptizo*, &c. Non cohærent hæc immediate præcedentibus, sed dicta sunt à Joanne, ut responderet populo, cogitanti eum esse Christum, ut patet Lucæ 3. v. 15. & 16. negat enim hic se esse Christum, asserendo se tantum esse præcursores ejus, qui ei pareret viam.

\* *Ego enim baptizo vos in aqua*: id est, nudo elemento tango corpus, nec ad animum penetro, ut remissionem peccatorum conferam: non tamen profanâ lotionem, sed, \* *in pœnitentiam*, id est, in professionem pœnitentiæ, quod scilicet pœnitementi de peccatis vestris & ablutionem eorum desideratis.

\* *Qui autem post me venturus est*. Græcè ἐρχόμενος, venit, tempore præsentis, ut etiam est Latine apud Marcum: id est, Ille, cui ut Lucifer orienti soli viam paro, & qui jam jam post me in proximo adest, \* *fortior me est*; id est, virtute & efficaciâ me longè præstantior, utpotè qui ipsa corda penetrabit, & auferendo peccata salutem dabit. Distantiæ verò magnitudinem indicans, addit: \* *cujus non sum dignus*, si scilicet naturæ conditionem spectes, \* *calceamenta portare*. Sanctiorem enim locum ingressuri solebant Judæi calceamenta deponere. Exodi 3. v. 5. & Josué 3. v. 15. sicut hodie Turcæ; Græcè est ὑποδήματα, quod multi *sandalia*, seu *soleas* interpretantur plantis subligari solitas.

cem arborum posita est. Omnis ergo arbor, quæ non facit fructum horum: excidetur & in ignem mittetur.

I. Ego quidem baptizo vos in aqua in pœnitentiâ: qui autem post me venturus est, fortior me est, cujus non sum dignus calceamenta portare: ipse vos baptizabit in Spiritu sancto, & igni.

tas. Alii Evangelistæ dixerunt *corrigiam calceamentorum solvere*. Sed idem exprimunt diversa comparatione; nempe indignum esse, cui vel extremum & vilissimum ministerium ejus committatur. Nam, ut sæpissimè inculcat August. in libris de consensu Evangelist. apicibus verborum non est liganda veritas, quasi iisdem omninò verbis, quo res dicta fuerit, narrari debeat; cum in omnibus signis verborum non sit nisi ipse animus inquirendus. Nam ex hac ipsa Evangelistarum diversitate salubriter discimus, nihil aliud esse quærendum, quàm quid velit ille, qui loquitur, ut ait lib. 2. c. 12.

\* *Ipse vos baptizabit*: id est, tinget largiter, non solum corpus, sed animam; nec solâ aquâ, sed \* *ipso Spiritu sancto*, cordibus infuso. Cum autem sit bonorum omnium fons Spiritus sanctus, hoc nomine, ut Chryf. hic notat, insinuantur omnes illi magnifici effectus ejus, peccatorum remissio, regeneratio, renovatio, justificatio, adoptio, jus cælestis hæreditatis: ut ita intelligamus, quanta est differentia inter corpus & animam, aquam & Spiritum sanctum, apparatus rei & rem ipsam, tantum esse discrimen inter baptismum Joannis & Christi.

\* *Et igni*. Illud (☩) videtur esse exegeticum, seu explicativum, non copulativum, q. d. hoc est igni, sive Spiritu sancto, qui igni similis est vi & efficacîâ, consumens peccata, illuminans tenebras, accendens amore charitatis, & sursum rapiens. Unde Christus: *ignem veni mittere in terram, & quid volo, nisi ut accendatur?* Simul tamen alludit ad visibilem ejus apparitionem, in Pentecoste futuram, ut Cyril. Catech. 17. Hieron. hic, & alii communiter: imo ut satis indicat ipse Christus, Act. 1. v. 5. Proinde qui per *ignem* intelligunt ignem judicii, seu examinis divini, ut Hilarius, vel gehennæ futuræ, ut Theoph. Antioch. lib. 1. & Basil. lib. 5. contra Eunom. vel purgatorium, ut Hieron. hic & Greg. vel tribulationem, minùs videntur textui congruere.

12. \* *Cujus Ventilabrum in manu sua*. Promiserat Christum fore Salvatorem, nunc prædicit & Judicem. *Ventilabrum* est vannus. Aug. in Psal. 92. vocat *Palam*, instrumentum scilicet, quo, vi agitationis & venti, paleæ à frumentis secernuntur. Hinc Iren. lib. 3. c. 28. & Tertul. lib. de fuga in persecut. cap. 1. volunt significari persecutionem, quæ \* *aream* Dominicam, id est, Ecclesiam, seu confusum acervum fidelium eventilat & purgat, non faciens, sed indicans \* *paleas*, id est eos, qui instar pælearum leves sunt, & ex Ecclesia vi hujusmodi tempestatis evolant. Sed rectius per *ventilabrum* intelligas discretionem illam extremi judicii, ut Aug. in Psal. citat. & alibi sæpius, quâ separabuntur etiam corporali loco boni & mali. \* *Et congregabit triticum,*

12. Cujus ventilabrum in manu sua: & permundabit aream suam, & congregabit triticum suum in horreum, paleas autem comburet igni inextinguibili.



*ticum*, id est eos, qui fuerint humilitate depressi, sinceritate candidi, virtutibus fecundi, pietate & constantiâ contra ventos tentationum & persecutionum graves, \* *in horreum*, sive regnum cælorum. \* *Paleas autem*, id est, malos Ecclesiæ, ex eodem scilicet semine verbi & baptismo natos, eâdem pluvîa doctrinæ alitos, iisdem Sacramentis colligatos, sed virtutis inanes, operibus bonis steriles, quique, ut aptè Basil. in Reg. brevior. resp. 257. instar palearum non sibi, sed frumento Domini utiles sunt, \* *comburet igni inextinguibili*, hoc est æterno: quo indicat simul & pœnarum, & punitorum æternitatem.

13. \* *Tunc*, cum scilicet ita Joannes homines suâ prædicatione & baptismo ad pœnitentiam & ad ipsum Christum, jam jam propinquum, præparasset, \* *venit Jesus à Galilæa*, nimirum Nazareth, natali loco, ubi hætenus privatus vixerat, \* *in Jordanem*, id est, eam regionem Jordanis ac Judææ, ubi baptizabat Joannes: \* *ut baptizaretur ab eo*, & hac occasione ipse Christus manifestaretur in Israël, in tanta hominum affluencia (quam causam dat ipse Joannes sui baptismi, Joan. 1. v. 31.) & ut magisterium ejus erga genus humanum coram tanta turba cælesti voce declararetur.

14. \* *Joannes autem prohibebat eum*: id est arcebat, vel baptizare renuebat, idque tum propter personæ excellentiam, tum ne putaretur indigere pœnitentiâ, sicut cæteri. \* *Dicens, ego a te debeo baptizari* non debito præcepti, sed indigentia. Græcè est enim *χρῆταιχω*, id est, indigeo, opus est mihi baptizari, non baptismo aquæ, quem necdum temporis ratio postulabat, sed Spiritus sancti & ignis, quem supra prædicaverat, idque quia illo baptismo ab originali labe ablui indiguerat, & à quotidianis ablui indigebat. \* *Et tu venis ad me*. Emphaticè legendum, \* *tu ad me*? Nempè Dominus ad præcursores? Agnus sine macula ad peccatorem?

15. \* *Jesus autem dixit, &c. Sine modo*: id est, permitte me baptizari: quo verbo, *sine*, non tam improbat, quàm approbat recusationem Joannis; sed addens, *modo*, significat hoc fieri debere temporariâ quâdam dispensatione, ut observat Nazianzen. Orat. 39. Causam a item subjecit: \* *sic enim*, cedendo scilicet delatis honoribus, inferioribus nos submittendo, & in similitudine signorum similitudinem carnis peccati magis magisque adimplendo, \* *deceat nos*. Græcè *πρέπειον ἐσιν*, decorum est. seu convenit nobis justitiæ scilicet magistris (se enim & Joannem videtur comprehendere, nisi malis de se solo pluraliter loqui) \* *adimplere*, non solum docendo, sed in primis faciendo \* *omnem justitiam*, id est, quidquid justum, virtuti consentaneum, Deoque gratum,

13. Tunc venit Jesus à Galilæa in Jordanem ad Joannem, ut baptizaretur ab eo.

14. Joannes autem prohibebat eum, dicens: Ego a te debeo baptizari, & tu venis ad me?

15. Respondens autem Jesus dixit ei: Sine modo: sic enim deceat nos implere omnem justitiâ. Tunc dimisit eum.



etiam si non debeat, id est, non necesse sit fieri. Fuit autem hoc iustum; seu iustitiæ virtutique consentaneum, multis ex capitibus. Primum, ut sic exemplo suo humilitatem quam efficacissimè commendaret, quod passim à Patribus notatum est: ut aquas purificatione suâ purificaret, inquit Naz. Orat. 34. & eis vim regenerandi daret, ad baptismum scilicet eas destinando: ut medicus ægris similis factus, ægrotis eò esset gravior, quo familiarior: ut homines ad suum baptismum invitaret: ut Joannis baptisma tamquam à Deo institutum comprobaret: ut testimonium de cælo in baptismo ei redderetur: denique ut per descensum columbæ Spiritus S. adventum in baptismo fidelium significaret, inquit Hieron.

16 Baptizatus autem JESUS, confestim ascendit de aqua, & ecce aperti sunt ei cæli: & vidit spiritum Dei descendentem sicut columbam, & venientem super se.

16. \* *Baptizatus autem JESUS confestim ascendit de aqua.* Illud, *confestim*, referendum est magis ad illud, & *ecce aperti &c.* quam ad, *ascendit*: ut sit sensus, statim, cum à baptismo ascendit, vidit cælos apertos. Indicat id Marcus, cum dicit, *statim ascendens de aqua vidit.*

\* *Et ecce*, rem scilicet admiratione dignam, *aperti sunt ei cæli.* Ei, scilicet Christo, tum quia propter ipsum, tum quia ipse Christus est, qui vidit cælos apertos, ut apertè dicit Marcus. Ipse quoque est, qui vidit Spiritum descendentem, ut hîc Matth. juxta Interpretem nostrum, qui vertit, \* *super se*: nimirum ut ipse Christus redderetur certus signo externo de sua ad munus Evangelicum vocatione. Cæli ergo ei aperti sunt, id est, scissi, *σχιζόμενοι*, ut est Græcè apud Marcum, non revera, quia fuisset superfluum, nec solâ intellectuali visione, ut latè Origen. lib. contra Celsum, nec solâ imaginariâ, sicut, juxta Hieron. hîc, Ezechiel cælos apertos vidit, sed sensibili visione, sicut columba & vox fuerunt sensibiles, quia scilicet in supremo aère, vel æthere similitudo profundi hiatus visa est, idque ut è cælo omnia proficisci viderentur.

\* *Et vidit*, Christus scilicet, ut ex Marco diximus. Non tamen negatur etiam vidisse alios. Nam & Joannes vidit, quia hoc ei signum datum fuerat, Joan. 1. v. 33. & cæteri etiam adstantes, ut illo signo auctoritas Christi & magisterii ejus propalaretur. \* *Spiritum Dei descendentem sicut columbam*: id est, corporali specie columbæ, ut ait Lucas: Quid potius videtur significari corporalis similitudo columbæ, quantum ad figuram ac descensum, ut communiter auctores sentiunt, quam veram columbam, ut videtur putasse August. lib. de agone Christi cap. 22. tametsi aliis locis docere videatur fuisse columbæ speciem. Nam adhibita tantummodò fuit ad significandum (ad quod sufficit columbæ species) sicut & linguæ igneæ in Pentecoste. Unde simili phrasi dicuntur apparuisse non veræ linguæ igneæ, sed linguæ tamquam ignis. Descendit ergo Spiritus, sicut columba, non quod

loco motus fuerit, qui est ubique, vel Christum tunc tantum inhabitare cœperit, qui eo semper plenus fuit : sed ut eo symbolo præsencia Spiritûs sancti in Christo & in baptismo fidelium significaretur. Per columbam autem ad exprimendas columbinas proprietates ipsius Spiritûs sancti, quas in Christo & baptizatis operatur. Exprimit eas Cyrillus latè Catech. 17. breviter Tertul. lib. de baptismo cap. 8. quia animal est simplicitatis & innocentiae, quod etiam corporali, inquit, felle caret. Latius hæc deducit Cyprian. lib. de unitate Ecclesiæ. Adde quia mundum, benignum, mansuetum, fecundum, summo affectu pullos prosequens. Denique sicut in figura olim in aquis diluvii per columbam reconciliatio humano generi annuntiata est, ita & nunc in aquis baptismi eandem ob causam apparuit, ut observavit ibidem Tertull. & Ambros. hic.

17. \* *Et ecce vox de calis.* Unde & columba : ut utrumque symbolum alterius significationem juvaret : vox quidem indicando, quid sibi vellet columba ; columba verò, ad quem spectaret vox : unum oculis, alterum auribus, ut Filius Dei auditu conspectuque monstraretur (inquit Hilarius can. 2.) quia fide dignissimus, qui audivit & vidit. Adde, ut sic Trinitatis mysterium inciperet baptismo aperiri : Pater in voce, tamquam Verbi genitor, Filius in carne, Spiritus sanctus in columba, ut annotârunt Ambros. & alii, qui contra Arianos scripserunt.

\* *Dicens, hic est Filius meus dilectus* : Græcè per articulos emphaticos, ille filius meus, ille dilectus. Nam primò significat se loqui de filio, non quovis, sed naturali, unico, æterno, coæquali, ut expendit S. Leo serm. de transfigur. Secundò verò esse dilectum, tamquam unigenitum, hoc est, charissimum, ut vertitur Marci 9. v. 6. \* *In quo mihi complacui.* Græcè ἐν ᾧ ὁδοῦσα, in quo complacui. Phrasis est Scripturæ propria & frequens, ex Hebræo רצוה, *ratzah*, orta. Nec aliud significat quàm affectum benignum ac propensum erga alium : quasi dicat clariùs, qui mihi singulariter placet & acceptus est, in quo nihil displicet ; ita scilicet, ut amor meus ab ipso, & propter ipsum, etiam in alios diffundatur, utpote per quem mihi alii placere poterunt, & ego aliis placari.

17. Et ecce vox de calis dicens : Hic est filius meus dilectus, in quo mihi complacui.

## CAPUT QUARTUM.

<sup>1</sup> *Tunc* \* *Iesus ductus est.* Marcus expulsus, Lucas actum dicit, quo indicatur impetus & efficacia Spiritûs agentis Filios Dei.

\* *A Spiritu*, sancto scilicet, ut addit Syrus, quia ille præcesserat, & quia.

1. Tunc Iesus ductus est in desertum à Spiritu ut tentaretur à diabolo,



quia cum articulo & absolute Spiritus dicitur. \* *in desertum*, tamquam locum tentationi commodissimum ac destitutum humano subsidio, quo machinæ tentationum dissipentur. Fuit autem desertum Judææ, quod postea hinc *Quaremana* dictum est à Christianis. \* *Ut tentaretur a diabolo*. Tentare propriè est experiendi causâ explorare, ut sciat vel ipse, qui tentat, vel qui tentatur, vel alii. Ita tentare solet Deus, ut aliquoties ex August. diximus. Diabolus ulterius habet scopum inducendi ad peccatum; unde ipsius tentatio est sollicitatio ad peccandum. Utroque modo Christus tentari voluit, qui sciebat se superari non posse. Causæ non ipsum, sed nos spectabant. Primò, ut nobis diabolus vinceret, & discipulis conculcandum traderet, inquit Hieron. epist. 8. ad Demetriadem. Unde August. in Psalm. 90. p. 2. Ideo tentatus est Christus, ne vincatur à tentatore Christianus: & Christus ipse hac de causa dicit, *Confidite, ego vici mundum*. Secundò, ut modum vincendi traderet jejunio, oratione, Scripturarum meditatione. Tertiò, ut ostenderet, inquit Ambr. 4. in Lucam, diabolus ad meliora tendentibus invidere; & nunc magis est cavendum, ne mysterii gratiam deferat mentis infirmitas. Quartò, ut doceret, eos, qui alios debent instituerè, sibi a tumultu conversationis carnalis esse recedendum, & precibus vitæque paritati insistendum.

2. Et cum jejunasset quadraginta diebus, & quadraginta noctibus, postea esuriit.

2. \* *Et cum jejunasset quadraginta diebus & quadraginta noctibus*: hoc est, quadraginta dies integros & naturales. *Noctium* fit mentio, ut à Judæorum jejunio distingueret, qui illud noctu solvebant: *quadraginta* autem, ne novi Testamenti legislator Moyse, & reipublicæ collapsæ renovator Eliâ esset inferior, quorum uterque quadraginta dies jejunaverat. Non excessit quadragenarium numerum, eò quòd numerus ille serviat poenitentiae & afflictioni præsentis vitæ, ut declarat Aug. lib. 2. de consens. Evang. c. 4. & mysticum aliquid continere tradit Ambr. lib. 4. in Luc. Unde & quadraginta dies pluit sub Noë, quadraginta annos Israëlitarum poenas luerunt in deserto, quadraginta dies exploratur terra promissionis. Num. 13. quadraginta dies à resurrectione Christus in terra manet. Plura vide apud Ambr. Hinc est, quòd ex Apostolica traditione Ecclesia etiam hunc numerum jejunio consecravit, non quidem, ut totos quadraginta dies omni cibo abstineamus, sed juxta Nazian. Orat. in sanctum lavacrum, ad virtutum nostrarum modulum jejunium attemperando.

\* *Et postea esuriit*. Non igitur antea, divinitate naturæ humanæ infirmitatem sustentante. Postea verò esuriit, non necessitate, sed voluntate eadem, quâ & passus est: idque ut hominem verum & infirmum



firmum intelligamus, inquit Iren. lib. 5. c. 21. Deindè, inquit, esuriit, ut haberet diabolus, ubi congregaretur objectâ infirmitate naturæ. Sic enim & nos non solum per concupiscentias, sed per naturales necessitates tentare solet. Fames itaque Domini pia fraus fuit, ut in quo diabolus majora metuens jam cavebat, famis specie lactatus tentaret ut hominem, inquit Ambros. lib. 4. in Luc.

3. \* *Et accedens tentator.* Ille scilicet, cujus officium est tentare. Accessisse autem corporeâ formâ, eâque humanâ, suadent tum verbum *accedendi*, tum illa cum Christo colloquia. Indicatur consequenter foris non intus illas fuisse Christi tentationes, sicut & primi hominis.

\* *Dixit, si Filius Dei es.* Notant communiter antiqui, dubitasse diabolum, utrùm iste esset Christus Filius Dei. Chrysost. cum suis putat allusisse ad vocem, quam audisset suprâ in baptismo, *Hic est filius meus, &c.* Alii aliundè suspicatum hoc esse, ut ex vitæ sanctitate, ex prodigioso jejunio, Joannis testimonio, vocibus Prophetarum: sed quia superbissimus erat, quidquid de ejus divinitate opinatus fuerat ipso fastu superbiæ, in dubium venit ex tanta naturæ infirmitate. Itaque quasi consulens ejus necessitati, & simul adulando pungens, \* *Si filius Dei es*, cur sic tamen affligeris, cùm sit remedium ad malum? \* *Dic*, id est, jube solo imperio tuo omnipotenti, non precibus, \* *ut lapides isti panes fiant*; convertendo eos scilicet non in cibum delicatum, sed in panes, ut necessitati succurras. Quod si fecisset, certum putabat indicium, eum esse Deum: si in tanta necessitate non fecisset, sive nolendo, sive quia non posset, non esse Deum. Ubi pulchrè Ambr. Artificem diaboli disce astutiam: sic tentat, ut exploret; sic explorat, ut tentet. Econtrâ Dominus sic fallit, ut vincat; sic vincit, ut fallat. Nam si convertisset creaturam, proderet creatorem, & simul in varia peccata laberetur. Nam propter famem diffidere divinæ providentiæ, & ita morem gerere diabolo, ut potentiam suam intempestivè ostenderet, nullâ Dei gloriâ vel proximi utilitate id postulante, gulæ simul & vanitatis vitium est. Nihil enim, inquit Ambr. pro diaboli arbitrio nec contemplatione panis faciendum est. Quod Christus significare volens respondit:

4. \* *Scriptum est*: nempe in Scriptura illa divinitus inspirata, quæ per excellentiam intelligitur in similibus locutionibus. \* *Non in solo pane vivit homo*: id est, non solo pane vitam sustinere potest homo quilibet, multòque magis Filius Dei. \* *Sed in omni verbo*, quod procedit de ore Dei, id est, sed quâcumque tandem re Deus eum voluerit ac jusserit sustentari, utpotè cujus voluntate & jussu etiam ipse panis alit. Alii

3. Et accedens  
tentator dixit ei:  
Si filius Dei es,  
dic ut lapides isti  
panes fiant.

4. Qui respondens dixit: Scriptum est: Non in solo pane vivit homo sed in omni verbo, quod procedit de ore Dei.

enim

enim sine pane, ut Moyſes & Eliás; alii novo cibo, ut mannâ; alii aliter à Deo ſuſtentati ſunt. Itaque his verbis Chriſtus eludit dæmonem, neque aſſerens neque negans ſe Filium Dei, vincitque eum non potentiâ ſed prudentiâ; non ut Filius Dei, ſibi ſuccurrendo, ſed ut homo infirmus, fiduciam in Deo collocando: tentationi non cedens, ſed ei velut clypeum Scripturas obijciens. Simulque docet ita domitam eſſe oportere cupiditatem voluptatis, ut nec fami cedendum ſit, inquit Aug. lib. de vera Relig. c. 38.

5. Tunc aſſumpſit enim diabolus in ſanctam civitatem, & ſtatuit eum ſuper pinnaculum templi.

5. \* *Tunc aſſumpſit eum diabolus in ſanctam civitatem*: id eſt, Jeruſalem, ut Lucas, quæ propter templum, & olim arcam, & verum Dei cultum ibi vigentem *ſancta* dicitur.

\* *Et ſtatuit eum ſuper pinnaculum templi*: id eſt, ſuper faſtigium, quod erat peribolus quidam, ſeu lorica circumdans tectum ſuperius planum, ne quis decideret, quemadmodum de omnibus tectis præſcribitur Deuteron. 22. v. 8. Græcè dicitur *πτερόεν*, id eſt, pinna ſeu ala, quia ab ædificiis extabat inſtar alæ.

6. Et dixit ei: Si filius Dei es, mitte te deorſum. Scriptum eſt enim: Quia angelis tuis mandavit de te, & in manibus tollent te, ne forte offendas ad lapidem pedem tuum.

6. \* *Et dixit ei, ſi Filius Dei es, mitte te deorſum*: ut ſcilicet non ſolum ſic pateat te eſſe Filium Dei, ſed etiam in populosa civitate homines, te videntes ſine caſu volare, credant eſſe Filium Dei ſibi promiſſum. Ubi obſervant Hieron. & Ambroſ. ſemper diaboli voces eò tandem tendere, ut ſicut ipſe ſuperbiâ cecidit, etiam homo deorſum præcipitetur. *Scriptum enim eſt*: Quia Scripturis & fiduciâ in Deum ſe Chriſtus defenderat, ex utroque capite laqueum ei ſtruit: qu. d. quia ita pendes à Dei providentiâ, ex Scripturis conceptâ, ut ne fame quidem urgente te adjuvandum dubites ſine pane, ecce præcipita te hinc, ut ostendas te Dei providentiæ & verbis fidere. Ipſe enim dixit: \* *Quia Angelis tuis mandavit de te*, id eſt, præcepit cuſtodiam tui. \* *Et in manibus tollent te*: quaſi geſtando manibus, quemadmodum res charas ſolemus, ne fortè impingas in aliquem lapidem & cadas. Abutitur Scripturâ: promittit enim Spiritus ſanctus ſecuritatem & cuſtodiam à malo juſtis, hoc eſt, in juſtitia ambulantibus, non autem tentantibus Deum, & ipſa mala ſibi accerſentibus. Itaque ruruſum Chriſtus, diſſimulans ſe eſſe Filium Dei, perverſamque Scripturæ interpretationem (quam, ut Ambr. lib. 4. in Lucam, Auguſt. & alii Patres paſſim notant, hæretici à diabolo didicerunt) verâ redarguens, ait:

7. Alit illi Jeſus: tu ſolum ſcriptum eſt: non tentabis Dominum Deum tuum.

7. \* *Non tentabis Dominum Deum tuum*: Experimentum volendo capere potentiæ, bonitatis, fidelitatis, ſapientiæ, aut alterius attributi divini, non ut in neceſſitate proſis alicui, ſed inde ut ſcias. Contingit hoc, cum quis ſine neceſſitate, præſumendo de Dei auxilio, ſe periculo



culo exponit, vel ex periculo per miraculum educi cupit, quando aliter potest. Oritur hoc peccatum ex radice curiositatis: tentare enim est velle experiri seu cognoscere, quamvis simul possit adesse affectus vanæ gloriæ vel alius malus finis. Unde hæc secunda tentatio Christi non fuit propriæ vanitatis, aut ostentationis, aut ambitionis, tametsi multi recentiores hoc velint, sed curiositatis, ut Aug. lib. de vera Relig. c. 38. Non enim, inquit, ut se de fastigio templi præcipitaret, urgebat, nisi causâ tantum aliquid experiendi, scilicet an Deus esset habiturus curam ejus.

8. \* *Iterum assumpsit eum diabolus in montem excelsum valde.* Montem Quarentanæ, non multum à Jerosolymis distitum, nonnulli fuisse asserunt, qui inde *Mons diaboli* dictus sit. Porro Auctor serm. de tentationibus Christi & jejunio apud Cyprian. putat hanc assumptionem, sicut & secundam, contigisse in spiritu, sicut Ezechiël fuit in Jerusalem: sed verius alii communiter volunt corporaliter contigisse, non quasi pedibus Christus iverit, ut nonnulli sentiunt, sed quod verè corporaliter translatus fuerit, ad eum modum, quo Habacuc in Chaldæam, Philippus in Azotum. Qui enim se crucifigi voluit à membris diaboli, non est mirum, si se ab ipso diabolo permisit transferri, ut Greg. hom. 16. in Evang. Et hoc postulat verbum *assumendi & statuendi*.

8. Iterum assumpsit eum diabolus in montem excelsum valde: & ostendit ei omnia regna mundi, & gloriam eorum.

\* *Et ostendit ei omnia regna mundi:* non in imaginaria visione, indignum enim videtur, quod diabolus sensus internos Christi commoverit: sed visione corporali, ad hoc enim delectus fuit mons excelsus valdè, ut latissimè pateret prospectus. Ostendit ergo digito demonstrando pleraque regna & singulas mundi plagas, ut Auctor operis imperfecti. Et quia Lucas addit: *In momento temporis*, videtur indicari simul fuisse modum ostendendi diabolo proprium, ut scilicet arte quâdam species distantissimarum rerum apparere fecerit, quod & homines instrumentis quibusdam faciunt, vel præstigio oculis repræsentaverit. Nam simul etiam ostendit \* *gloriam eorum*: id est, quâ re unumquodque regnum excelleret, obijciendo scilicet quasi in theatro opes & magnificentiam uniuscujusque, vires, populorum frequentiam, regum pompas & fastum, adorantium obsequia, & similia.

9. \* *Et dixit ei: hæc omnia tibi dabo.* Addit Lucas, *quia mihi tradita sunt, & cui volo do illa.* Qui enim extorquere non poterat, an esset Filius Dei, seipsum fingit Filium Dei, ideòque tamquam hominem jam utcumque deprehensum impudentius tentat. Unde nec addit apertè, *si Filius Dei es*; tametsi occultè eodem tendat, nempe ut, si fortè Filius Dei sit, rei absurditate percussus se prodat; sin autem non sit, gravissimâ omnium tentatione superbix ad peccatum gravissimum

9. Et dixit ei: hæc omnia tibi dabo, si cadens adoraveris me.



idololatriæ perducatur. \* *Si cadens*, in faciem scilicet, adorantis ritu,

\* *adoraveris me*, veluti tantorum regnorum & gloriæ largitorem.

10. Tunc dicit ei

Je Deo Vade Satana

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

et

10. \* *Tunc*, cum apertè divinitatem cum Dei Patris injuria affectaret, ei: *Vade Satana*; id est, apage hinc adversarie omnis justitiæ: simul enim imperat & increpat, declarando apertè, quis sit. Est autem Hebraicè *שטן*, *Satan*, Syriacè *ܫܬܢܐ*, *Satana*, Græcè *Σατανᾶ*, idem quod adversarius: quo nomine antouomasticè vocatur spiritus malignus, quando palàm oppugnat; quando autem fraude ac dolis, ferè vocatur *diabolus*.

\* *Scriptum est enim: Dominum Deum tuum adorabis*: nempe curvatione, vel calu corporis, sicuti petis. Hoc enim sibi propriè vult hæc adoratio verbo Hebraico: sed quando Deo tribuitur, involvit simul interiorē adorationem Deo dignam. In Deut. c. 6. v. 3. est *תירא*, *tira*, *timebis*: unde sensum, non verba citat, quia postulabat Satanæ petitio. Adde, quod timoris & reverentiæ pars magna sit adoratio: & in Scripturis sub timore Dei omnis ejus cultus comprehenditur. \* *Et illi soli servies*: Græcè *λατρεύεις*, servitute scilicet, quâ Deus solus colitur, & quam tu flagitas: hoc enim significat Græca vox, si non significatione saltem usu Scripturæ, ut notavit Aug. 15. contra Faust. c. 9. & lib. 10. de civ. cap. 1.

11. Tunc reliquit eum diabolus: & ecce Angeli acceperunt & ministrabant ei.

11. \* *Tunc reliquit eum diabolus*: repulsus illo imperio, & detectis insidiis cognitus tamquam Satan. Reliquit autem, magis ambiguus ex illa responsionum moderatione, quàm antè.

\* *Et ecce Angeli acceperunt*, visibili specie, \* *& ministrabant ei*; cibum suppeditando, aliaque exhibendo ministeria, quæ à servis domino, in magna rerum necessitate & locis inviis constituto, adferri poterant. *Angeli* autem dicit, non *Angelus*, qui ministerio suffecisset, ad excellentiam Christi indicandam, cui Angeli serviunt.

Porro in hisce Christi tentationibus notanda sunt. Primò, illas eo ordine contigisse, quo Matthæus recenset, non quo Lucas, qui tentationem præcipitii ponit tertiam. Nam Matth. utitur particulis ordinem indicantibus, iterum, & *tunc reliquit eum*: & ipse ordo tentationum diaboli talis esse solet, ut levioribus graviores succedant; iisque verbis, *Vade Satana*, verisimile est diabolum discessisse, quæ tamen non nisi in monte dicta sunt. Secundò, tribus istis tentationibus omnium criminum fontes, hoc est, omne tentationum genus comprehendi. Unde Lucas ait, consummatam fuisse omnem tentationem, ut notavit Ambrosius: fines enim tentationum sunt fines cupiditatum, quia causæ tentationum, inquit, causæ cupiditatum sunt. Sed non omnes eodem modo hoc explicant. Ambr. lib. 4. in Lucam putat his tribus tenta-

tentationibus indicari concupiscentiam carnis, jactantiam & ambitionem, alii comunius concupiscentiam carnis, ambitionem & avaritiam. Sed rectius August. lib. de vera Relig. cap. 38. & alibi sæpius, vult indicari tres vitiorum omnium fontes, concupiscentiam carnis, id est, quæ in carne, seu quinque sensibus carnis perficitur, curiositatem, quæ in intelligentia, & superbiam, quæ in voluntate: quibus iisdem & primi Parentes tentati & dejecti sunt; & indicantur breviter ab Apostolo Joanne, dum illam generalitatem exprimens dicit: *Omne quod est in mundo aut concupiscentia carnis est, aut concupiscentia oculorum* (qui principatum habent in cognoscendo) *aut superbia vitæ.* Teritiò, datur hic in capite typus tentationum & modi resistendi membris: nam, juxta Apostolum, Jacobi 4. si resistunt diabolo, fugiet ab eis, ut mox asperis læta succedant. Ne autem torpescant securitate, rectè addit Lucas, *\* recessit usque ad tempus*, quia diabolus semel victus, instauratâ pugnâ redire solet.

12. \* *Cum autem audisset Jesus, quod Joannes traditus esset*: non ab Herode in carcerem, sed ipsi Herodi à Pharisæis. Signum hujus est, quod Christus hac causâ *\* secessit*, scilicet ex Judæa, ubi Pharisæi magnâ præstabant auctoritate *\* in Galilaam*; quæ erat ditionis Herodis, tam superior scil. Galilæa, quàm inferior, ut ex Josepho constat. Non ergò fugit Herodem, cum potius ad ipsum magis accesserit, sed Pharisæos. Illi enim invidiâ stimulatî gloriæ ejus, videntur suggestisse Herodi, jam contra Joannem exacerbato, ut eum extra ditionem suam caperet, prætextu perturbationis Reipublicæ, ut Josephus 18. Antiq. c. 7. Nam Pharisæos cooperatos esse neci Joannis indicat clarè Christus infra c. 17. v. 12.

12. Cum autem audisset Jesus quod Joannes traditus esset, recessit in Galilæam:

13. \* *Et habitavit in Capharnaum*: sæpius ibi conversando. Fuit autem *Caphernaum* emporium celeberrimum, ab Oriente cinctum Jordane, à Meridie mari seu lacu Genesaret; unde vocatur *\* maritima*: hominibus affluentissimum, luxu diffuens; *\* in finibus Zabulon & Nephtalim.* Non quòd pertineret ad utramque tribum, sed quia apud mare illud Galilææ concurrebat terminus Meridionalis tribus Nephtalim, in qua sita erat Caphernaum, & Orientalis tribus Zabulon.

13. Et relicta civitate Nazareth, venit, & habitavit in Capharnaum maritima, in finibus Zabulon & Nephtalim:

14. \* *Ut adimpleretur*, per prædicationem ejus, *\* prophetia Isaie.*

14. Ut adimpleretur quod dictum est per Isaiam prophetam.

15. \* *Terra Zabulon & terra Nephtalim via maris*: id est, quæ est via, seu in qua est via, juxta mare Galilææ, & versus mare Mediterraneum. Refertur enim hoc ad tribum Zabulon, quæ tota terminabatur, ab Oriente mari Galilææ, & ab Occidente Mediterraneo. *\* Trans Jordanem*: respectu scilicet Orientalium populorum Arabum & Chaldæorum, adeoque respectu tribus Ruben & Gad: nam respectu Pa-

15. Terra Zabulon, & terra Nephtalim, via maris trans Jordanem, Galilæagenium,



lestinæ potius erat cis Jordanem. \* *Galilæa gentium*. Refertur hoc ad tribum Nephtalim, quæ Galilæa Superior, itemque Gentium dicta fuit, quia in ea Hiram Regi Tyri Salomon viginti civitates dederat: sive, ut indicat Iosephus lib. 3. de bello Judaico c. 2. quod multis alienigenis Gentibus esset cincta, tamquam extrema terræ Promissæ.

16. Populus qui sedebat in tenebris, vidit lucem magnam: & tenebris in regione umbræ mortis, lux orta est eis.

16. \* *Populus*, scilicet ille jam dictus utriusque Galilææ, superioris & inferioris; omnia enim ista per appositionem tamquam unus nominativus sunt: \* *qui sedebat in tenebris*, ignorantia rerum divinarum & peccatorum: \* *Vidit lucem magnam*, ipsum Deum in carne versantem, & prædicationem Evangelii, inde radios incipientem spargere per totam Judæam, ut Judæi conqueruntur Luc. 23. v. 5. Idem autem Hebraico more repetit sequenti hemistichio, in quo \* *umbra mortis*, Hebraicè uno verbo מָוֶת, *ghalmaveth*, significat tristissimam rerum & quasi impendentis mortis imaginem.

17. Exinde cœpit Jesus prædicare, & dicere: Pœnitentiam agite: appropinquavit enim regnum celorum.

17. \* *Exinde*, à tempore scilicet Joannis traditi, cum præcursor jam suo esset functus officio, \* *cœpit Iesus prædicare*, palam scilicet, assidue, ubique: nam & ante per intervalla non nihil prædicaverat. \* *Pœnitentiam agite*, &c. de quo supra. Utitur autem eadem formulâ, ut confirmaret prædicationem Joannis, utpotè qui tamquam legatus non suo, sed alieno nomine prædicaverat.

18. Ambulans autem Iesus juxta mare Galilææ, vidit duos fratres, Simonem qui vocatur Petrus, & Andream fratrem ejus, mittentes rete in mare, (erant enim piscatores)

18. \* *Ambulans autem Iesus &c. vidit duos fratres*. Ter vocatos esse Petrum & Andream nonnulli volunt: primò quidem Joan. 1. v. 39. & 42. Ubi non ad inhærendum Christo, sed tantum ad videndum ubi habitaret, vocati sunt, ut August. Tract. 7. in Joannem. Deinde vocati sunt Lucæ 5. v. 10. & 11. ubi tamen nolunt aliqui esse vocatos propriè, sed tantum eos, *relictis omnibus*, id est, non abdicatis sed desertis, quemadmodum mulier Samaritana reliquit hydriam, postea reditura, secutos fuisse Christum reverentiæ causâ ad certum spatium. Sed hoc durius videtur: unde rectius dixerimus, hanc tertiam vocationem Matthæi esse eandem cum ea, quam describit Lucas; sic tamen, ut Matthæus, itemque Marcus omittant miraculum captorum piscium, Petrumque & Andream attonitos vocaverit Christus post discessum filiorum Zebedæi. Itaque Iesus \* *vidit eos mittentes rete in mare*. Non vidit inter ambulandum, sed postquam in navi Petri docuisset, ut narrat Lucas. Pro *Reti* autem Græcè est ῥῆμα, *rhema*, quod est rete jaculum, seu jaculatorium, quod scilicet se in jactu circumquaque in rotundum spargit.

19. Et ait illis: venite post me, & faciam vos fieri Pisces hominum.

19. \* *Et ait illis*, attonitis de captura piscium: \* *venite post me*, id est, sequimini me, ita scilicet, ut relicto piscationis officio, ad quod subinde reverti soletis, ad sustentationem vitæ, indivulsè disciplinatur meo

meo inhæreatis. Jam enim antè crediderant, Joan. 1. sed in Apostolos formandi erant.

\* *Et faciam vos fieri piscatores hominum*: id est, formabo vos quantumvis rudes & impolitos, ut idonei sitis piscandis hominibus, ut scilicet è mundo, procelloso veluti mari, qui per affectus immersi sunt, doctrinâ velut reti, in Ecclesiam velut navem, & inde in cælum custodiendi transferantur, ut latius explicat hanc allegoriam Christus Mat. 13. v. 43. Solet enim salvator, occasione captatâ à corporalibus rebus ad spirituales, à terrenis ad cælestia sermonem & mentes hominum attollere, ut in Samaritana quoque contigit.

20. \* *At illi continuò*: ad auditam vocantis vocem. Nam antè miracula quidem viderant, docentem audiverant, sed non vocantem, \* *relictis retibus*, sub quibus comprehenduntur omnia, quæ officii sunt piscatorii, utpotè ad quæ & quorum usum reliqua omnia instrumenta referuntur, \* *secuti sunt eum*; indivulsè ei adhærendo, ut ex ejus præscripto viverent.

20. At illi continuò relictis retibus secuti sunt eum.

21. \* *Et procedens inde*, pusillum scilicet ut Marcus: nam paululum Jacobus & Joannes discesserant à Petro & Andrea, à quibus vocati fuerant ad adjuvandum, ut narrat Lucas: \* *vidit alios duos fratres reficientes retia sua*, vel usu trita, vel ex illa quoque captura piscium rupta: quamquam illa potiùs videantur fuisse retia Petri. Quia autem allegorica fuit ista piscatio, sic & hæc refectio retium: significatur enim, primùm quidem fuisse missum rete Evangelicum in mare à Petro, ut totus orbis fide Christi caperetur: sed quia ex piscium copia hæreses & scissuræ erant secuturæ alios fuisse necessarios, qui retia reficerent, & contra hæreses Ecclesiam defenderent. Unde & Joannes ad sarciendam Ecclesiæ integritatem Evangelium suum scripsit.

21 Et procedens inde, vidit alios duos Fratres, Jacobum Zebedæi, & Joannem fratrem ejus, in navi cum Zebedæo Patre eorum, reficientes retia sua: & vocavit eos.

22. Illi autem statim relictis retibus & patre, secuti sunt eum.

23. \* *Et circuibat Jhesus totam Galilæam*: quia hominibus frequentissima erat, ut Josephus lib. 3. de bello Judaico cap. 2. dicat: Civitates in Galilæa crebræ sunt, ubique multitudo vicorum propter opulentiam populosa, ut, qui sit minimus, supra quindecim millia colonorum habeat. \* *Docens in Synagogis eorum*, id est, locis ad circumcissionem, legis explanationem, concionem, precesque destinatis. Unde distinguuntur à Templo, quod sacrificiis dedicatum, & unicum tantum erat Jerosolymis; *Synagoga* verò in singulis civitatibus, ut est Act. 15. v. 21. Imò in una erant plures, ita ut quidam dicant Jerosolymis, propter populi affluentiam, fuisse quadringentas octoginta. Hinc Judæi, destructo Templo, & consequenter ablatis sacrificiis, nunc non habent nisi Synagogas, sicut & hæretici.

23. Et circuibat Jhesus totam Galilæam, docens in Synagogis eorum, &c.



Prædicans Evangelium Regni : & sanans omnem languorem & omnem infirmitatem in populo.

\* *Prædicans Evangelium regni*, tamquam faustum appropinquantis Regni nuntium, ut dictum est c. 3. v. 2. \* *Et sanans omnem languorem & omnem infirmitatem* : Græcè est πάντων νόσων καὶ πάντων μαλακίαν, hoc est, omnem morbum & languorem : μαλακία enim, quam noster vertit infirmitatem, significat ægitudinem, quâ aliquis subinfirmus est, languendo potius quam decumbendo. Sanavit igitur omnia Christus, ut ita simul corporibus & animis mederetur, & maximè ut quemadmodum Chrysost. ait, Evangelium & legem novam adferens auctoritatem sibi legationique suæ conciliaret claritate signorum. Hinc igitur,

24. Et abiit opinio ejus in totam Syriam, & obrulerunt ei omnes malè habentes, variis languoribus, & tormentis comprehensos, & qui dæmonia habebant, & lunaticos, & paralyticos, & curavit eos :

24. \* *Abiit opinio ejus*. Græcè ἡ ἀκοή, auditio seu fama ejus, vulgata est. \* *In totam Syriam*, quæ comprehendit multas vastas regiones, Idumæam, Palestinam, Cælesyriam, Phœniciam, Syriam Damasci, Syriam Antiochiæ, Mesopotamiam, & alias, ut latius Plinius. Nam termini ejus sunt ab Orientè Babylonia, ab Occidente mare Mediterraneum, ab Aquilone Cilicia, à Meridie Ægyptus. Unde \* *obtulerunt ei* undique scilicet ex tota Syria, exciti famâ, \* *tormentis comprehensos*, id est, torminibus seu maximis cruciatibus obnoxios : unde indicant sævissimos illos morbos, qui maximis affligunt doloribus : \* *& lunaticos*, id est, qui certis Lunæ mutationibus malè habent, quales ferè epileptici, cui morbo subinde se dæmones miscunt : \* *Et paralyticos*, id est, qui membrorum paralyti seu dissolutione laborant. Tangit Evangelium non omnes morbos sigillatim, sed aliquos eorum, qui ferè incurabiles sunt. Itaque

25. Et secute sunt eum turbae multæ de Galilæa, & Decapoli, & de Jerosolymis, & de Judæa, & de trans Jordanem.

25. \* *Sequebantur eum turbae de Galilæa & Decapoli*. Regio est decem comprehensens civitates, quarum maximam vocat Josephus lib. 3. de bello Jud. cap. 10. Scythopolin seu Bethsan. Partim autem ultra, & maximè cis Jordanem sita erat, quia præcipuæ ejus urbes erant in Galilæa. \* *Et de Judæa*, strictè accepta, prout comprehendit terram tribus Judæ & Benjamin : \* *Et de trans Jordanem*, regionibus scilicet tribus Ruben, Gad, & dimidiæ tribus Manassis trans Jordanem sitis. Itaque enumeratione designat universam terram, quæ filiis Israël à Josue tradita fuit.

## CAPUT QUINTUM.

videns autem Iesus turbas, ascendit in montem, & cum sedisset, accesserunt ad eum discipuli ejus,

I. **V**idens \* *autem Iesus turbas, ascendit in montem*. Multi putant diversum esse sermonem istum ab eo, quem cap. 6. describit Lucas propter apparentem multarum circumstantiarum differentiam : sed rectius Ambrosius in Lucam, Chrysostomus, Theophylactus, & alii, eundem fuisse putant, à quo non abhorret Augustinus lib. 2. de consensu Evangelist. cap. 19. in fine. Itaque hic videtur ordo fuisse rei gestæ,

gestæ, ut scilicet juxta Matth. Christus videns turbas, ut eas declinaret, in montem ascenderit, & ibi noctem orando trans egerit; mane verò facto multos discipulos ad se vocaverit, & ex eis duodecim Apostolos constituerit; prout narrat hæc Lucas dicto c. 6. v. 12. & seqq. Deinde descendens cum illis è vertice montis, stetit in loco ejusdem montis *campestri*, ut Lucas, hoc est, aliquanto inferiori & magis æquabili, turbarum capaci, ubi post edita rursus signa curationum quidem sedit, ut Matth. & partim ad discipulos, ut hic initio dicitur, partim ad turbas concionem istam habuit, ut ex c. 7. v. 28. patet. Itaque \* *ascendit in montem*, turbas vitandi, orandi, Apostolos creandi causâ, ac denique ut altissimam perfectionem vitæ Christianæ traderet. \* *Et cum sedisset*, pro dignitate magistri, \* *acceperunt ad eum discipuli*, id est, propius cinxerunt, quàm cæteri.

2. \* *Et aperiens os suum*, quasi reclusis sapientiæ cælestis fontibus, <sup>2. & aperiens os suum docebat eos, dicens :</sup> tamquam magna & seria, & divina mysteria, quæ hætenus tacuerat, prolixè traditurus. Hæc enim omnia insinuat ista phrasis. \* *Docebat eos*, quidquid scilicet ad perfectum Christianæ vitæ modum pertinet, ut August. lib. 1. de sermone Domini in monte. Est enim hic sermo summa perfectionis Evangelicæ seu novæ Legis.

3. \* *Beati*. Aptissimum exordium Doctori sapientiæ, tradere, in quo sita sit beatitudo. Hanc enim velut finem omnium omnes omninò appetunt, sed in quo sit sita, & quibus mediis obtineatur, miserimè hallucinantur. Porro beati hîc infrà pronuntiantur, non quare ipsâ, sed spe beati sunt, quia rectissimâ viâ ad beatitudinem tendunt. Quâ de causâ ratio singulis subiecta futuram vitam spectat : quamvis verum sit, quòd præmia singularum beatitudinum etiam in hac vita inchoentur.

\* *Pauperes spiritu*. Dux interpretationes hîc celebres sunt. Una per *Pauperes spiritu* intelligit humiles, qui non habent inflatum spiritum, quasi vacui & inopes præsumptione atque inflatione superbi enim dicuntur inflati, quasi vento seu spiritu distenti. Ita Aug. lib. 1. de serm. Dom. in monte c. 2. & alibi sæpius, & ante ipsum Tertul. lib. de patientia c. 11. Hilar. can. 2. Chrysost. Theophyl. in Matth. & alii non pauci. Secunda exponit *Pauperes*, ut sonant, inopes scilicet divitiarum non tamen quoslibet; non enim pauperes solâ necessitate, vel etiam qualibet voluntate, quâ & Crates Philosophus abjecit divitias : sed *Spiritu*, id est, voluntate à S. Spiritu afflatâ, seu voluntate spirituali, non carnali. Ita S. Bernard. serm. de festo omnium Sanct. Unde Basil. in Regulis breviorib. resp. 205. *Pauperes spiritu* dicit esse, qui pauperes facti sunt propter doctrinam Domini dicentis : *Vade, vende omnia*,



*nia, &c.* vel qui paupertatem quomodocumque oblatam ex voluntate Dei moderantur. Quibus addi potest & tertium genus pauperum, qui, etsi affluant divitiæ, cor iis non apponunt: sed affectu pauperes divitias non amant sed administrant, parati omnibus exui propter Dominum. Hæc interpretatio magis textui congruit, tum quia vox Greca *πτωχοι* propriè Mendicos significat; tum quia Lucas eis opponit *divites habentes consolationem suam*. Utraque tamen sibi valdè vicina est: nam, ut Aug. proprius vermis divitiarum est superbia, quæ ex iis ferè oriri solet. Ex quo fit, ut meritò tales pauperes Spiritu, etiam simul humiles esse intelligantur. Et hinc est, quòd Hieron. & Hilar. utramque expositionem conjunxerunt. Qui enim ex animo & profundè imbibit se pauperem esse, hoc est, ut Hilarius, nihil penitus, non solum externas divitias, sed nec corpus nec animum esse suum, sed Dei, ille profectò simul spiritu pauper seu humilis est. \* *Quoniam ipsorum est*, scilicet etiam nunc in præsentì, eo quòd certa spe iure quodammodo ac debito mox persolvendo possident, \* *Regnum Cælorum*: quod præter divitias quandam eminentiam gloriosam omnium & abundantiam complectitur: & ideo rectè opponitur depreSSIONI & paupertati. Nam quamvis regnum cælorum comprehendat præmia omnium beatitudinum, diversis tamen nominibus exprimitur pro exigentiâ cuiusque beatitudinis.

4. Beati mites: quoniam ipsi possidebunt terram.

4. \* *Beati mites*: id est, mansueti seu alieni à vindicta, rixis, & contentionibus, quæ ex jactura bonorum hujus mundi concitari solent. Beati ergò pronuntiantur mites, ita scilicet, ut in judiciis divinis sustinendis non obmurmurent Deo, & placitâ morum suavitatem hominum improbitatibus cedant, ut Augustinus. \* *Quoniam ipsi possidebunt terram*, Chrysost. terram hujus vitæ intelligit, quæ contentionibus amitti solet: sed quia futuram vitam spectant hæc omnia, rectius intelligas cum Aug. stabilitatem hæreditatis perpetuæ, seu terram novam futuræ vitæ: quæ quidem eadem est cum regno cælorum, sed hîc *terra* vocatur varietatis causâ, & quia congruit mitibus, qui hâc terrâ excludi solent. Terra verò cælestis non est bellatorum spoliū, sed longanimitè & mansuetè omnia tolerantium sperata hæreditas, ut Basil. in Psalm. 33.

5. Beati, qui lugent: quoniam ipsi consolabuntur.

5. \* *Beati qui lugent* Possent & hîc addi *spiritu*, id est, luctu sancto, non carnali, deslendo sua & aliena peccata, contemptum Dei, fratrum periculum, ut Basil. in Regulis brevior. resp. 194. vel etiam & maximè \* *qui lugent*, id est, qui non in prosperis vel voluptatibus, sed in calamitatibus hujus mundi patienter vivunt, egentes, angustiiati, afflictii, quemadmodum Paulus se vixisse dicit *in labore & arumna, in vigiliis*

gillis multis, in frigore, & nuditate, &c. \* Quoniam ipsi consolabuntur, nempe in futuro, quando absterget Deus omnem lacrymam ab oculis eorum, & fugiet dolor ac gemitus. Luctuosus enim ille rerum præstantium status non tam est beatitudo, quam via ad beatitudinem, quia prosperis plures quàm adversis franguntur.

6. \* *Beati qui esuriunt & sitiunt iustitiam.* Lucas dicit simpliciter: *Beati qui tunc esuritis, & mox: Va vobis qui saturati estis.* Quæ omninò intelligenda videntur de esurie & satietate corporali. Et tamen Matthæus addendo \* *Iustitiam*, intelligit esuriem metaphoricam, id est, ardens desiderium omnis iustitiæ & virtutis. Et ita intelligunt Matth. omnes veteres Interpretes hujus loci Hilar. Ambros. Hieron. August. Unde vero sensu videtur utrumque posse conjungi, ut Lucas esuriem, Matth. causam ejus exprefferit, quasi Christus dixisset: *Beati, qui propter iustitiam veram famem & sitim tolerant, sive voluntariis se jejuniis macerando, sive ab aliis illatam amore iustitiæ tolerando.* Unde Paulus 2. ad Cor. 11. v. 12. de fame, & siti, & jejuniis multis se commendat, sicut & 1. ad Cor. 4. v. 11. \* *Quoniam ipsi* in futuro, \* *saturabuntur*, expletâ fame ac siti corporali, quam passi sunt, & expletâ illâ esurie ac siti iustitiæ, propter quam passi sunt, quia in cælo plenâ ex omni parte iustitiâ donabuntur. Hanc saturitatem pulchrè describit Isaias c. 65. v. 17.

7. \* *Beati misericordes:* id est, qui ex animo miseriis alienis, sive corporalibus, sive spiritualibus, condolent & subveniunt: q. d. Contra mundi opinionem beatius est magis dare, quàm accipere. \* *Quoniam ipsi misericordiam consequentur:* gratuita scilicet Dei bonitate, ab omnibus vicissim miseriis ac malis in cælo liberati.

8. \* *Beati mundo corde:* Græci, Chrysost. ac Theophyl. & alii ferè intelligunt commendari puritatem à venereis, quæ cor maximè hebetant & inquinant: Hilar. & August. aptius omnem ab omnibus vitiis puritatem, atque simplicitatem, utpote quibus purgatur oculus cordis seu mentis, ut purissimum illud lumen æternæ veritatis contemplari possit. Hoc enim tamquam præmium promittitur. \* *Quia ipsi Deum videbunt.* Undè August. tam in hanc quàm sequentem beatitudinem putat esse effectum virtutum præcedentium, quia & mundant cor ad vivendum Deum, & tumultus concupiscentiarum sedando reddunt pacificum.

9. \* *Beati pacifici:* Græcè, εἰρηνοφύλοι, id est, *pacem facientes*, non solum in seipsis, qui scilicet omnes animi motus rationi subiectos habent, & edomitæ carnales concupiscentias, ut exponit August. sed etiam, & in primis aliis, hoc est qui eos, qui à se vel inter se vel a Deo



disfident, sibi, aliis, Deo conciliare student : q. d. qui paci conciliandæ operam dant. \* *Quoniam filii Dei vocabuntur*. Non est enim Deus diffensionis, sed pacis, utpotè qui per Christum pacificavit sibi omnia. Uadè peculiariter Deus dicitur ab Apostolo *Deus pacis*, Christus ab Isaia, *Princeps pacis*. Duplex autem Hebraismus est, *filii*, pro, *similes*, ut patet infra v. 5. & *vocabuntur*, pro, *erunt* : non tamen simpliciter erunt, sed ita manifestè, ut hoc etiam ab omnibus cognoscatur & prædicetur, quod propriè est futuri sæculi. Sumus enim nunc quidem Filii Dei, sed nondum apparuit quid erimus, Joan. 3. v. 2. Quia verò is, qui moribus ita dissimilis est aliis, hoc est mundo, ferè in eorum offensionem incidit, hinc ultimò addit Christus :

10. Beati, qui persecutionem patiuntur propter justitiam : quoniam ipsorum est regnum cælorum.

10. \* *Beati qui persecutionem patiuntur* : non quomodolibet; nam & latrones & hæretici gravissimam patiuntur : sed \* *propter justitiam*. Cum enim faciat Martyrem non pœna, sed causa, mors sceleratorum non est fidei gloria, sed pœna perfidiæ, ut August. Præcedentes itaque beatitudines in actionè, hæc in passione consistit, ideoque perfectissima est. Facilius est quippe justa agere, quàm propter justitiam etiam persecutionem pati. Hoc enim præter malorum tolerantiam etiam constantissimam justitiæ persecutionem denotat. \* *Quoniam ipsorum est regnum cælorum*. Nihil enim aptius, quàm ut iis, qui instar peripsematis conculcati sunt, detur regni & quidem cælestis exaltatio. Idem autem regnum promittitur primis & ultimis : sed primis, hoc est, pauperibus, propter divitias regni; ultimis, propter exaltationem & gloriam. August. autem idcirco in octava beatitudine ad caput rediri putat per iteratam promissionem regni cælestis, quia persecutio consummatum perfectumque ostendit & probat. Breviter itaque & clarè omnes istæ beatitudines ita in summam contrahi possent : Beati, qui spretis mundi divitiis, honoribus, voluptatibus, atque commoditatibus mundi, justitiam, misericordiam, cordis munditiam, ac pacem cum Deo & hominibus sectantur & faciunt, tanto animi ardore, ut omnes persecutiones hæc de causâ toleratas æquanimiter ferant : consequenter enim ac jure hæreditatis stabiliter possidebunt regnum cælorum, perfusi gaudio, pleni ac saturi omnibus bonis, liberi ab omnibus malis, facie ad faciem videntes Deum, tamquam filii ejus cum Patre suo regnantes. Ex his patet, sicut paulatim crescunt virtutes beatitudinibus designatæ, ita & crescere præmia : omnes esse concatenatas, omnes quoque ad salutem necessarias; atque ita esse omnes in certo gradu præcepti, & non tantum consilii : idem denique præmium pro diversis gradibus variè nominari. Quo modo autem respondeant donis Spiritus S. vide latè August. lib. 1. de serm. in monte c. 3. & 4.

11. \* *Beati estis*. Non est nova hic beatitudo, sed applicatio superiorum ad præsentes discipulos. \* *Cum maledixerint*: Græcè *ὀνειδισαὶν*, id est, probris, convitiis, & contumeliâ præsentes affecerint. \* *Et persecuti vos fuerint*: non verbis, sed factis inferendo vim. \* *Et dixerint omne malum adversum vos*: absentium famæ & honori detrahendo. Ita hæc tria membra distinguit Aug. l. 1. c. 5. \* *mentientes*: si enim vera dicantur, non sunt beati, sed dupliciter miseri. \* *Propter me*: referendum est non ad *mentientes*, sed ad tria persecutionum genera jam dicta. Utrumque autem & *mentientes*, & *propter me*, addi propter hæreticos, notat ibid. August. utpote qui volunt de persecutionibus & famæ turpitudine gloriari, cum & vera dicantur, quando de illorum errore dicuntur, nec propter Christum ista patiantur: non enim, inquit, sequitur Christum, qui non secundum veram fidem & Catholicam disciplinam Christianus vocatur.

12. \* *Gaudete & exultate &c.* id est, non solum animo non frangamini, sed etiam ita gaudete, ut etiam exterius per exultationem erumpat. \* *Quoniam merces vestra copiosa est*: quia sicut fides omnem rationem superat, ita merces pro persecutionibus fidei reddenda omnem capitulum rationis excedit. Sic enim, tribus scilicet modis supra dictis, \* *persecuti sunt Prophetas, qui fuerunt ante vos*. Hoc addit, ut ne novum quid sibi accidere putent: ut se talibus viris præmio, sicut & persecutione, æquandos intelligant: ac denique ut in eorum locum se successuros in prædicanda veritate sciant: quorum officium ut proinde explicet, adjungit:

13. \* *Vos estis*, seu esse debetis, quemadmodum Prophetæ, \* *sal terra*, id est, vice salis toti orbi. Salis autem est rebus insipidis saporem dare, & à corruptione servare, absumendo humores noxios. Unde est symbolum sapientiæ, quæ partim in intelligentia, partim in affectu seu moribus sita est. Itaque significat eos totius orbis insulsam corruptissimamque vitam condire debere doctrinæ, sapientiæ, & maxime morum exemplo. \* *Quod si sal*, cujus est condire omnia, \* *evanuerit*, id est, fatuum factum fuerit, amissâ illâ acrimoniâ, \* *in quo salietur*? Id est, quo alio sale sal condietur? Non enim datur sal salis; q. d. Si vos totius humani generis magistri erroribus mundi & cupiditatibus rerum sæcularium infatuati fueritis, amissâ illâ igneâ sapientiæ & charitatis vi, quâ instar salis urere debetis, per quos tandem alios poterit vobis doctrinæ veritas & morum integritas reparari? \* *Ad nihilum valet ultra*, hoc est, ut clarius Lucas, nec in terram nec in sterquilinum utile est; quia sal corrumpit sterquilinum, & terram reddit sterilem, cum aliæ res corruptæ ad ultimum valere soleant. \* *Nisi ut*

11. Beati estis cum maledixerint vobis, &c. secum vos testantur, & dicunt omne malum adversum vos, &c. mentientes, propter me:

12. Gaudete, & exultate, quoniam merces vestra copiosa est in calis, sic enim persecuti sunt Prophetas, qui fuerunt ante vos,

13. Vos estis sal terra. Quod si sal evanuerit, in quo salietur? ad nihilum valet ultra, nisi ut mittatur foras, & conculetur ab hominibus.



mittatur foras, scilicet in plateas: \* & conculcetur ab hominibus, quibus vis prætereuntibus. Optimi enim corruptio pessima, prout optimè & simili sensu declaratur Ezech. 15. de ligno vitis. Unde Aug. doctores hæreticos, qui maxime omnium sunt salinfatuatum, cimicibus comparat, quia vivi pungunt, mortui foetent.

14. Vos estis lux mundi. Non potest civitas abscondi supra montem posita,

14. \* *Vos estis lux mundi.* Eodem tendit comparatio *Lucis & Salis.* More enim Syrorum, ut à S. Hieron. in c. 18. Matth. notatur, & ex c. 13. Matth. manifestius est, multas ejusdem rei similitudines congerit. Utraque verò respicit doctrinam & mores: *sal* tamen præcipuè mores, *Lux* doctrinam. Vos ergò \* *estis lux mundi*: ad dispellendas, ut Hilar. ignorantie tenebras, & ad scientiæ divinæque cognitionis lumen invehendum. *Lux* autem *estis*, non naturâ suâ lucens; quomodo Christus se *Lucem mundi* vocat, Joan. 8. v. 13. & Joannes negatur esse lux. Joan. 1. v. 8. sed lux ab alio accensa, instar lucernæ, ut hic statim sequitur.

\* *Non potest civitas abscondi supra montem posita.* Tertia similitudo, Scripturis frequens, quâ Ecclesia, cujus præcipua & lucidissima pars Apostoli sunt & præpositi ejus, comparatur civitati constructæ in monte: de qua vide Isaïe 60. v. 14. & maxime Ezech. 40. v. 2. & seq. Itaque deest hîc prima pars similitudinis, videlicet, Vos estis, seu esse debetis, similes civitati supra montem positæ. \* *Quæ abscondi non potest*: hoc est, quæ occultari non debet: imò etiamsi velit, non potest. Non enim tam laudat discipulos hisce comparationibus, quàm eos sui officii admonet, ut declarat Hilar. in Psal. 118. Significat itaque eos non debere, sive desidiâ, sive persecutionum metu, suo deesse officio, veritatis prædicationem subtrahendo tenebris hujus mundi, sed doctrinâ, prædicatione, & morum exemplo hominibus ita debere præluce, ut ab eis doctrinæ veritatem & morum integritatem hauriant: propterea quodd eo fine in tam alto statu collocati sint, ut omnium oculi in eos conjiciantur. Explicant & applicant istas similitudines accuratius duo versus sequentes.

15. Neque accendunt lucernam, & ponunt eam sub modio, sed super candelabrum, ut lucant omnibus qui in domo sunt.

15. \* *Neque accendunt lucernam.* Declarat hîc, cujusmodi lux sint. Sancti enim maximeque prædicatores *Lucerna* dicuntur, quia non ex seipsis lucent, uti Deus, sed aliunde à Deo scilicet, accenduntur, & extingui possunt, inquit August. epist. 120. c. 3. Non accendunt autem lucernam, & \* *ponunt eam*: id est, ut ponatur \* *sub modio*, seu vase occultanda, & nemini luceat, \* *sed potius super candelabrum*, in edito scilicet loco, ut omnibus lucem præbeat. Proinde cum vos hujusmodi lux mundi & lucerna sitis, & hujusmodi civitas in monte conspicua:

16. \* *Sic luceat lux vestra*, doctrinâ scilicet Evangelii à vobis divulgandâ, ut non tantummodò voces sonantes audiant, sed \* *ut videant opera vestra bona*: doctrinæ consona, id est, ut cernant vos sibi præluere non tantum verbo & linguâ, sed opère & veritate. Proindè illud, *ut*, eventum vel consequentiam, non finem intentionis significat: vel si finem, certè non ultimum (hoc enim vetatur c. 6. v. 11.) sed per quem transeat ulterius. Nam ne videretur finem constituisse in laudibus hominum, ut gloriâ ab eis captent, addit ulterius, \* *& glorificent Patrem vestrum &c.* ut hoc ipsum, inquit Aug. quòd homo per bona opera placeat hominibus, non ibi finem constituat, ut hominibus placeat, sed referat hoc ad laudem Dei: ut propterea placeat hominibus, ut in illo glorificetur Deus, qui auctor est bonorum operum. Itaque hisce duobus versibus condemnantur tria hominum genera: primò otiosi, qui abscondunt talentum suum: secundò qui verbis, non factis prædicant: denique, qui suam ex prædicatione gloriâ quærunt. Ut autem eos doceat, quid debeant docere, & quomodo moribus præluere, superando scilicet Scribas & Phariseos tam legis observatione, ut vers. 20. & passim toto capite, quàm interpretatione, ut v. 21. 27. & 31. & alibi, hinc utitur aptâ præoccupatione exempli sui.

16. Sic luceat lux vestra coram hominibus, ut videant opera vestra bona, & glorificent patrem vestrum, qui in celis est.

17. \* *Nolite putare, quoniam veni solvere legem aut Prophetas*: id est, ut eas solvam, sive transgrediendo mandata, sive prorsus abolendo doctrinam legis. Sumitur autem lex pro quinque libris Moysis, maximeque pro lege morali, quam toto hoc capite explicat. \* *Non veni solvere, sed adimplere.* Adimplevit autem eam quadrupliciter. Primò non solum eam docendo ut Pharisei, sed etiam faciendo. Tangitur hic modus v. 19. Secundò, legem interpretando, & quod min. habet addendo: unde toties dicit, *Ego autem dico vobis &c.* Utrumque modum adimplendi tradit hic Aug. & Basil. in Moral. reg. 43. Tertiò, adimplevit legem, gratiam adimplendi legem hominibus dando: plenitudo enim legis est dilectio, sine qua impleri nullò modo potest. Dilectionem autem seu charitatem Christus diffudit per Spiritum S. in cordibus nostris. Tradit hunc modum sæpius Aug. maximè lib. 17. cont. Faust. c. ult. Quartò, adimplevit legem & Prophetas, exhibendo per adventum suum, ea quæ per utrosque figurata & prophetata fuerant. Lex enim ceremonialis tota erat figura futurorum: unde futura exhibendò, præsentia non tam abolevit quàm implevit. Ita hic Hilar. & Aug. lib. 19. cont. Faust. c. 7. & 8. Utrèque hic adimplendi modus breviter indicatur à Christo, Joan. 1. *Gratia & veritas per Christum facta est.* Gratia enim pertinet ad charitatem, veritas ad prophetiarum impletionem.

17. Nolite putare quoniam veni solvere legem, aut prophetas: non veni solvere, sed adimplere.



19. Amen quippe dico vobis, donec transeat calum & terra, iota unum, aut unus apex non prateribit à lege, donec omnia fiant.

18. \* *Amen quippe dico vobis* : id est, verè seu in veritate dico. *Amen* enim est vox hebræa, significans *verè*, hoc est, non jurationem, sed affirmationem simplicem, seu asseverationem eorum, quæ dicenda sunt, quando præponitur orationi, sicut hîc & alibi frequentissimè; vel confirmationem eorum, quæ dicta sunt, quando postponitur, idque sive simpliciter, sive per modum optantis, ut c. 6. v. 13. Unde LXX. pro eo dicunt subindè *γένοιτο*, id est, *fiat*. Evangelistæ Græcè scribentes, & omnes Interpretes, Syriacus, Latinus, Arabs eam vocem retinuerunt. Ob sanctiorem enim auctoritatem servata est antiquitas, inquit Aug. lib. 2. de doctr. Christiana c. 11. Vide plura in c. 27. Deut. v. 15. ex Hier. epist. 137. \* *Donec transeat*, id est, pereant seu dissolvantur in consummatione sæculi firmissimæ orbis partes, \* *calum & terra. Iota unum*, quæ minima est alphabeti littera, \* *aut unus apex*, id est, unum punctum seu etiam summum litteræ alicujus fastigium, \* *non prateribit à lege*, id est, neglectum & infectum non peribit ex lege, \* *donec*, id est, quin, \* *omnia fiant*, & impleantur, quæ scilicet ante mundi consummationem adimpleri debent. Quo tropico loquendi modo ostendit, inquit Aug. ad effectum etiam minima quæque perducì, sive promissa, sive prædicta, sive figurata, sive præcepta. Et quod de lege, idem de Prophetis intelligi debet.

19. Qui ergo solverit unum de mandatis istis minimis, & docuerit sic homines, minimus vocabitur in regno cælorum; qui autem fecerit, & docuerit hîc magnus vocabitur in regno cælorum.

19. \* *Qui ergo solverit*, id est, transgressus fuerit perfectâ transgressionem mandati, \* *unum de mandatis istis minimis*, id est, etiam si minimum fuerit. Aug. refert ad superiora mandata, scilicet legis: Chrysof. & alii commodius ad inferiora, quæ scilicet mox ex lege traditurus & perfecturus est: hoc enim probat ratio v. 20. subjecta: sub illis tamen & alia similia intelligi debent. \* *Et docuerit sic homines*, sicut ipse solvit, inquit hîc Aug. hoc est, qui solvendum docuerit, exemplo scilicet & verbo alios transgressionem docens, quemadmodum Pharisei docebant; \* *minimus vocabitur in regno cælorum*: id est, nullius pretii erit in Ecclesia, sive potius in cælo, quia ab eo excludendus est. \* *Qui autem fecerit*: non addit *unum de istis minimis*, sed *fecerit*, mandata scilicet, omnia, quæ traditurus sum, \* *& simul ea docuerit*: hic non solum in regno erit, sed in eo \* *magnus vocabitur*: seu erit, quia major eo, qui docet, & non facit, vel qui facit & non docet, vel qui nec facit nec docet.

20. Dico enim vobis, quia nisi abundaverit justitia vestra plus quam Scribarum, & Phariseorum, non intrabitis in regnum cælorum.

20. \* *Dico enim vobis, quia nisi abundaverit justitia vestra*: id est, nisi vestra mandatorum observatio accuratior fuerit eâ, quam sive docent sive præstant Scribæ & Pharisei, etsi habeantur illi doctores peritissimi legisque observantissimi, non poteritis esse salvi. Excessus autem iste justitiæ ad tria ferè capita revocari potest: Primò, ut non tantum

tantum opus externum sed & affectus internus conformetur legi. Nam, ut Iren. lib. 4. c. 27. lex per corporalia erudiebat animam, consequenter scilicet docens etiam interna reformanda: Christus autem contra, per interna etiam corpus emendari docuit: Secundò, ut etiam ea, quæ lex necessitate permisit, v.g. repudium, caveamus: Tertiò, ut lex non tantum secundum verborum corticem, sed secundum legislatoris intentionem observetur: quæ tria ex subjecta Christi interpretatione colliguntur.

21. \* *Audistis quia dictum est*, id est, quod præceptum fuerit, \* *anti-* quis Patribus, legem accipientibus à Deo: \* *non occides*, quo nihil amplius vetari intelligebant Pharisei, quam verum externumque homicidium; & hæc erat Scribarum & Phariseorum iustitia.

21. Audistis quia dictum est Anti- quis: non occides, qui autem occiderit, reus erit iudicio.

\* *Qui autem occiderit, reus erit iudicio.* Ut totus hic locus plenè intelligatur, sciendum est, tria genera iudiciorum seu tribunalium fuisse apud Hebræos: unum trium-virum seu trium Judicum, alterum viginti trium, tertium septuaginta virorum, quod hîc dicitur græcè *Synedrion*, & voce in Syriacam deflexâ *Sanedrin*. Primum de causis minoribus iudicabat, ut de furtis, rapinis, &c. secundum de capitalibus: tertium de rebus gravissimis, ut de Republ. de falsâ doctrinâ, de summo Pontifice. Ita distinguunt Judæi in lib. Sanedrin c. 1. atque ejus rei vestigia extant apud Joseph. 14. Antiquit. c. 17. & alibi. Ad hæc duo postrema membra iudiciorum Christum alludere manifestum est. Itaque \* *reus erit iudicio*, id est, reus erit, ut in iudicio causa ejus discutatur, inquit multi, utrum scilicet sciens, an casu perpetraverit. Illi enim volunt hanc esse differentiam *iudicii*, & *Concilii*, & *Gehenna*, quòd in Iudicio daretur locus defensionì, ideoque incerta esset tam damnatio, quam damnati pœna: in Concilio, quia majoribus causis reservatur, certam volunt significari damnationem; etsi incertum adhuc supplicium: in Gehenna verò damnationem & supplicium esse certa. Ita ferè August. & multipost ipsum. Sed certum est hæc tribunalia non fuisse distincta certitudine reatûs aut pœnarum, sed utriusque gravitate. In omnibus siquidem tribunalibus discussio criminis necessaria est, eoque accuratior, quo causa est major: non enim accusatio damnando reo sufficit. Rectius ergò, *reus erit iudicio*, id est, reus erit, ut iudicetur seu condemnetur. Pœna quippè mortis certissima multis legibus homicidæ, Exodi 21. & Levit. 24. constituta est, quæ à iudicibus mutari non poterat.

22. *Ego autem dico vobis.* Non minori auctoritate quam Moyses dico vobis, tamquam legislator novæ legis, & verus Interpretes veteris. Non enim se opponit hîc vel Moyfi, vel Deo, sed Scribis & Phariseis,

22. Ego autem dico vobis: quia omnis, qui irascitur fratri suo, reus erit iudicio. Qui autem dixe-

legem



ait fratri suo, Ra-  
ca, reus erit con-  
cilio. Qui autem  
dixerit, fatue-  
reus erit ghen-  
naz ignis.

legem interpretantibus, quorum interpretationem hîc rejicit non tamquam falsam, sed tamquam imperfectam. Nam, ut Aug. 19. lib. cont. Faust. c. 23; quia non intelligebant homicidium nisi peremptione corporis humani, per quam vitâ privaretur, aperuit Dominus, omnem iniquum motum ad nocendum fratri, in homicidii genere putari, quod clarè patet ex v. 27. & 28. ubi simili planè modo declarat etiam concupiscentiam mulieris esse mœchiam. Itaque ego dico vobis: *Quia omnis*, siue læsus siue non læsus; \* *qui irascitur fratri suo*, irâ scilicet illâ vulgari, quæ nudè tendit in vindictam, ex malevolentia expetendam, \* *reus erit judicio*, id est, capitis erit reus, judicio non humano, sed divino. Vult enim significare, etiam iram seu solam voluntatem nocendi seu occidendi esse tantum crimen, tantâque dignum poenâ, quantâ Pharisei putabant homicidium. Itaque nihil opus est addere id, quod Græcus & multi Interpretes addunt ad *irascitur*, scilicet *ἐκ*; id est, *sine causa*. Nam quantacumque fuerit irascendi causa seu injuria, numquam licet irasci fratri seu homini, hoc est ei malè velle; sicut nec licet unaquam velle mœchari. Non enim agitur hîc, vel de primis motibus iræ, sed de deliberata, vel de ira, quâ quis irascitur vitio fratris: hæc enim dilectionis est, non acerbitalis, ad corrigendum, non ad nocendum ab hominibus Sanctis, Apostolis, ipsoque Christo adhibita,

\* *Qui autem dixerit*, supple iratus irâ jam dictâ. Explicat enim Christus gradus iræ seu motuum tendentium ad homicidium. \* *Raca*: nonnulli apud August. putant deduci à Græco *πάρα*, id est, *pannus*, ut significet pannosum. Ipse August. verisimilius putat esse interjectionem, quâ indignantis animi motus exprimitur. Sed *Raca* vox est Syriaca, quæ in Thalmud scribitur per Jod & pronuntiatur, *רָקָא*, *Rica* vel *Reca*, deducta ab Hebraico *רֵיקָא*, *Rick*, id est, *vacuus*, inanis scilicet fortunarum vel cerebri. Unde est genus convitiî levioris, quo exprobratur alicui vel inanitas, seu levitas morum, ut vult Basil. in Regulis brevioribus 51. vel potius fortunarum. Et ided Judic. c. 11. v. 3. *רֵיקָא*. *Recim*, vocantur inopes, & 2. Reg. c. 6. v. 20. scurræ. Ita sentit Angelus Caninius & Hieron. hîc. Hanc vocem Evangelistæ noluerunt vertere, non tam quod esset interjectio, quàm quod vel esset usitatissima, vel gratiam vertendo amitteret. \* *Reus erit concilio*. Græcè *τῷ συνέδριῳ*, id est, Concilio Sanedrîn, septuaginta scilicet Senatorum seu maximo. Loquitur accommodatè ad consuetudinem juris Judaici & Scribarum, significans tantum esse crimen divino judicio, ut à tribunali gravissimo & poenâ in eo usitatâ castigari mereatur.

\* *Qui autem dixerit, iratus*, \* *fatue fatuitate illâ naturali*, sed maxime morali:

inorali : quo modo in Scripturis omnes peccatores vocantur *fatui*, & *sal* supra dicitur *infatuari*. Et hoc magis propriè est esse fatuum, & Græcè *μειρόν*, ut patet 1. Corinth. 1. 20. Significatur ergò convivium gravissimum in moribus. \* *Reus erit*, divino iudicio, \* *gehenna ignis*, id est, supplicii æterni, cui pœnæ nullam æqualem infligit ullum Cõcilium humanum. Porrò *Gehenna* dicitur hebraicè גֵּהֶנְנוֹם *Ge Hin-nòm*, vel plenè, ut est Josue 15. v. 8. & ibid c. 18. v. 16. גֵּי-בֶן-הִנְנוֹם, *Ge ben Hin-nòm*, id est, *Vallis filii Ennon*, à possessore scilicet, contractè verò *Gehenna*. Vallis enim erat, ut scribit Hieron. in v. 28. c. 10. Matth. propè Jerusalem, ad radicēs montis Moria, aquis Siloë irrigua, & nemorosa, in qua erat idolum Baal, seu Moloch, cui filios suos comburendo immolabant. Ne autem vagitus exaudiretur, pulsabant tympanum, quod Hebraicè dicitur תֹּפֹף, *Thoph*, unde locus est etiam dictus *Topher*, Isaïæ 30. v. ult. Hinc propter dirum illud puerorum supplicium, & quia locus erat abominabilis, & jam à temporibus Josiæ contaminatus, ut est 4. Reg. 23. v. 10. pro pœnis æternis usurpàri cœpit, vel primùm à Christo Domino, ut videtur velle Hieron. vel potiùs etiam antè : jam enim tempore Christi videtur appellatio ista fuisse usitata. Ex hac ergò peccatorum pœnarumque gradatione manifestum relinquit Christus, quantum delictum sit, quantàque pœnà dignum homicidium re ipsà perpetratum, verbera & minæ : & quantopere Christianorum justitia plusquam justitia Scribarum & Pharisæorum abundare debeat. Hoc ut plenius exequatur, non solum non irascendum fratri, sed nec ullam animi ægritudinem adversus fratrem, id est, proximum, servandum tradit, idque ex vi ejusdem præcepti, *Non occides*. Addit itaque.

23. \* *Si ergo offers munus tuum* : q. d. Cum tanta sit habenda cura fraternæ dilectionis, ut neque verbulo neque ullo interno motu violanda sit, si contigat te esse offerendo sacrificio accinctum (neque enim sacrificium jam inchoatum abrumpi jubet) \* & ibi, etiam stans coram Deo, & proximus alteri, \* *recordatus fueris, quia frater tuus habet aliquid adversum te*, causam scilicet justam conquerendi & exposulandi tecum, hoc est, quòd fratrem in aliquo offenderis, dicendo ei vel *Raca*, vel *fatue*, vel simile quid : nam si ipse te offendit, jam non frater habet aliquid adversum te, sed tu aliquid habes adversus fratrem, ubi non est opus ab eo veniam postulare, sed tantum dimittere. Ita Aug.

24. \* *Relinque ibi munus tuum ante altare* : id est, abrumpe omnem moram, etiam ante oblationem sacrificii, multò magis ante omnia alia negotia. \* *Vade prius reconciliari*, &c. id est, cura, ut prius in gratiam cum fratre redeas, & eo facto offer sacrificium tuum Deo, quia jam ei

23. Si ergo offers munus tuum ad altare, & ibi recordatus fueris quia frater tuus habet aliquid adversum te :

24. Relinque ibi munus tuum ante altare, & vade prius reconciliari fratri tuo : & tunc veniens offers munus tuum.



gratum erit. Intellige hæc quidem præstanda re ipsâ, sed juxta naturam præcepti affirmativi, cum scilicet prudentiæ ratio, tempus & locus ita permittunt. Alioquin cum ita fieri vel non expedit, vel non potest, tunc animi præparatione scilicet non motu corporis, sed dilectionis affectu id ipsum præstandum est, ut latius Augustinus.

25. Esto consentiens adversario tuo citò, dum es in via cum eo: ne forte tradat te adversarius judici & judex tradat te ministro, & in carcerem mittaris.

25. \* *Esto consentiens adversario tuo.* Adversarius iste multis modis exponitur. Plerique antiqui, ut Clemens Alexandrinus 4. Stromat. Tertull. lib. de anima cap. 25. & alii intelligunt diabolum: idem Tertull. ibid. ethnicum, Basil. in Reg. brevior. resp. 222. eum, qui nobis conatur aliquid tollere: alii conscientiam, alii carnem, alii Deum, alii legem Dei, quod Augustini est & multorum aliorum. Spectando scopum præsentis loci, verisimillimè videtur dici cum S. Hilar. & Hieron. quòd Christus pergat in inculcando concordia studio, adhibendo parabolam hominum coram judice litigantium. Ubi expeditissimum est, maximeque consultum, ut, qui offendit alterum, cum eo statim etiam in via ad judicem pergendo transigat, antequam ad eum veniat: nam ille ex officio nullâ est usus misericordiâ, sed tantum justitiâ. Itaque *esto consentiens*, seu compone, transige, *cum adversario*, Græcè ἀντίδικω, id est, cum colligatore tuo, quem offendisti, & qui habet aliquid adversum te, \* *dum es in via cum eo*, id est, dum res adhuc in hac vita pendet: \* *ne forte*, vitæ scilicet cursu finito, \* *tradat te adversarius judici*, Deo scilicet, hoc est, ne propter ipsum in manus Dei viventis incidas: \* *& judex tradat te ministro*, executori sententiæ diabolo, & angelis ejus, \* *& in carcerem mittaris*, locum supplicii; sive infernum sive purgatorium, pro qualitate delicti.

26. Amen dico tibi, non exies inde, donec reddas novissimum quadrantem.

26. \* *Non exies inde donec solvas novissimum quadrantem.* Quadrans dicitur quarta pars assis: Lucas autem c. 12. v. ult. vocat *novissimum minutum*, cum tamen minutum sit dimidia pars quadrantis, quia quadrans continet duo minuta, ut est Marci 12. v. 42. Sensus tamen eodem redit: Parabolicè enim significat, quòd ibi summo juris rigore sit agendum, &, ut August. quod nihil relinquetur impunitum, sive culpa illa pœnas æternas postulet, de quibus explicat hoc August. sive tantum temporales, de quibus Cyprian. epist. 52. Neque enim asserit Christus ultimum illum quadrantem umquam persolvi posse, nec etiam negat.

27. Audistis quia dictum est antiquis: Non mœchaberis,

27. \* *Audistis &c. Non mœchaberis.* Quo præcepto mœchiam, hoc est, illegitimum concubitum tantum opere perpetratum vetari, non desiderium ejus, putabant Scribæ & Pharisei. Apertè enim dicit Josephus 12. Antiquit. c. 13. loquens de Antiocho Ephiphane: Voluisse tantum, ac non etiam perfecisse sacrilegium, non videtur res digna sup-

supplicio. Hæc ergo erat iustitia Phariseorum minor : perfecit eam Christus, declarando etiam internos motus eo præcepto prohiberi.

28. \* *Quia omnis, qui viderit mulierem, quamcumque non suam, sive uxorem alterius, sive non. Sub visu autem, tamquam frequentiore peccati illius porta* (quia, ut Græcè *ἐκ τοῦ ὁρᾶν τὸ ἐπαῖν*) *omnis sensus intelligitur. Nam, ut Clemens Alexan. lib. 3. Pædag. c. 111. ante totum corpus corrumpuntur oculi. Lascivis enim aspectibus & versatilibus, ac tamquam conniventibus oculis intueri nihil est aliud, quam oculis mœchari, cum per eos cupiditas prima ineat pugnae præludia. Nec tamen simpliciter vidisse culpa est, sed* \* *ad concupiscendam eam, id est, inquit August. hoc fine, hoc animo, ut eam concupiscat : quod jam non est vel videre, vel titilari delectatione carnis, sive in anima sive etiam in corpore, sed plenè consentire libidini : talis enim concupiscentia deliberata, affectata, & procurata est. Unde* \* *jam mœchatus est eam in corde suo, id est, jam animo commisit adulterium seu flagitium* (species enim pro genere ponitur) *& coram Deo, ubi voluisse est fecisse, stupri reus est. Et quasi auditor quæreret, quid de oculis faciendum, quorum aspectu tam facilis ad concupiscendum lapsus est ? Respondet Christus :*

29. \* *Quod si oculus tuus dexter, eoque carior, magisque necessarius, scandalizat te, id est, offendiculo tibi fuerit, seu occasio, ut impingas & cadas in peccatum ; scandalum enim est propriè impedimentum in via, quo impingitur :* \* *erue eum, id est, etiam erue, si necesse fuerit, potius, quàm te in peccatum pertrahat. Est enim elegans exaggeratio à Chirurgis desumpta, qui unum membrum malunt præscindere, quàm totum corpus perire. Sed scandalum aliter semper vitari potest, membra scilicet non eruendo vel abscindendo, sed à suis operibus continendo. Hæc igitur parabolicâ exaggeratione docet, nihil homini ita delectabile, carum ac necessarium esse debere, quin, si occasio ruinæ fuerit, abjici & contemni debeat, sive fuerint ipsi usus oculorum ac manus dexteræ, ut quidam recentiores significari volunt, sive consiliarius monstrans iter in rebus divinis, tamquam oculus, & adjuvans, tamquam manus, ut August. sive quicumque nos arctissimâ familiaritate contingunt, quamvis utilissimi & maximè necessarii, amici, parentes, liberi, uxor, &c. ut Hieron in comment. Hilar. can. 4. in Matth. Athanas. & alii communiter : cujus abscissionis doctrina pulchrè traditur Deut. 13. v. 9. & seq.*

31. \* *Dictum est autem : Non addit, antiquis, quia in eodem præcepto mœchiæ explicando pergit, quatenus respicit etiam uxorem propriam. Quicumque dimiserit uxorem. Quo loquendi modo indicat,*

28. Ego autem dico vobis : quia omnis, qui viderit mulierem ad concupiscendum eam, jam mœchatus est eam in corde suo.

29. Quod si oculus tuus dexter scandalizat te, erue eum, & projice abs te : expediat enim tibi ut pereat unum membrorum tuorum, quàm totum corpus tuum mittatur in gehennam. 30. Et si dextera manus tua scandalizat te, abscinde eam, & projice abs te : expediat enim tibi ut pereat unum membrorum tuorum, quàm totum corpus tuum eat in gehennam.

31. Dictum est autem : Quicumque dimiserit uxorem suam, det ei libellam repudii,



legem nemini præcepisse, sed potius permisisse dimissionem. Præcepit autem, ut in illo casu \* *det illi libellum repudii*, id est, scedulam seu instrumentum, quo testetur se eam repudiasse seu dimisisse, ut consequenter alteri posset nubere. Formula apud Romanos erat, *Res tuas tibi habeto, res tuas tibi agito, conditione tuâ non utar*. Apud Judæos ferè talis, *Ego N. ex animi mei consensu & sine ulla coactione repudiavi, ut fiat libera & Domina sui ipsius ad abeundum & nubendum omni viro, cui voluerit, &c.* Causa permittendi hanc dimissionem erat, ne aliquin uxores occiderent: libelli verò, ut in dissidium animus præceps libelli conscriptione refractus abisteret. Hæc enim mora temperabat furorem viri, dum cogitaret, eam jam liberè posse alteri nubere, nec ad se posse reverti. Deinde ut hæc occasione illi, qui libellum scriberent, concordiam suaderet: quas causas dat Aug. contra Faustum c. 26. & lib. 1. de serm. Dom. in monte. Alia causa fuit, ut petulantia mulierum frænaretur, & libertas virorum, ne vel illæ fugientes se dimissas dicerent, vel hi passim dimitterent, & mox reciperent.

32. Ego autem dico vobis: Quia omnis, qui dimiserit uxorem suam excepta fornicationis causa, facit eam mœcham: & qui dimissa duxerit, adulterat

32. \* *Ego autem dico: quia omnis, qui dimiserit uxorem*, id est, à toro & habitatione in perpetuum separaverit, sive aliam duxerit, sive non, \* *facit eam mœcham*. Non ait *mœchatur*, quia nuda talis dimissio non est mœchia, sed est uxori causa, quantum in se est, ut mœchetur, eo quòd dimissæ sit facilis in mœchiam lapsus, quia manet uxor dimittentis. \* *Excepta fornicationis causâ*. Nam fornicariam dimittens, non facit eam mœcham, sed ipsa se fecit mœcham, & privavit jure conjugii. Et quamvis aliæ nonnullæ repudii causæ sint, rectè tamen Christus solam excepit fornicationis causam, quia illa est propria causa divortii respectu matrimonii: reliquæ sunt generales, & Christianum à quavis societate liberant. Illa semel perpetrata causa perpetua est etiam post poenitentiam; (fit enim repudium in poenam, & non tantum in correctionem uxoris: ) hæc sunt tantum temporales, quamdiu durant.

\* *Et qui dimissam duxerit*. Respondendum hîc putant id, quod præcessit, *excepta fornicationis causâ*: quasi illa, quæ justè propter fornicationem dimissa fuerit, possit ab altero viro duci. Sed absurdum hoc est: sic enim ejus conditio esset melior, quàm quæ injustè esset dimissa. Itaque hoc nullo modò repetendum est, sed generaliter sensus est: Qui quacumque ex causa, sive justa, sive injusta duxerit dimissam, \* *adulterat*, quia permanet uxor illius, qui dimisit. Hæc ergò lege perfecit Christus veterem; primò, quòd omni tempore repudium, quo sive potestas sive permissio nubendi alteri traditur, prorsus tollat: secundò, quòd uxorem adulteram non occidi jubeat, ut lex vetus, sed dimitti sinat: tertio, quòd dimissio permittatur non qualibet vulgari ex causa, si quoquo modo displiceret viro, ut olim, sed solâ causâ fornicationis,

33. \* *Iterum audistis &c. Non perjurabis* ; sive falsum jurando , sive non complendo quod juraveris. Aliud præceptum perficit, quod illis verbis in Decalogo non habetur, sed videtur respicere ad v. 12. c. 19. Levitici. Ad sensum verò etiam in Decalogo comprehensum est, ubi generaliter vetatur, ne assumant nomen Domini Dei sui in vanum: quo præcepto videntur Scribæ censuisse, quod nihil nisi perjurium vetaretur. \* *Reddes autem Domino juramenta tua* : id est, id, quod juramento promiseris sive homini sive Deo, \* *reddes Domino*, id est, in honorem Domini, tamquam Domino debitum, cui fidem tuam obstrinxisti. Putant aliqui esse deuterofin Scribarum & Phariseorum, sed satis apertè habetur sensus hujus mandati Num. 3. v. 3.

34. \* *Ego autem dico vobis, Non jurare omnino*, nempe neque falsum neque verum; supple, quantum in te fuerit, seu sine necessitate, assumendo scilicet nomen Dei per juramentum in vanum. Videtur enim explicare sensum istius secundi præcepti Decalogi, declarando per illud non solum perjurium, sed & superfluum juramentum prohiberi. Et ita præcepti est ipsa explicatio: non enim est juramentum aliquod ex se bonum, quasi ad honorandum Deum, sed assumendo dumtaxat, ut necessarium, ut August. hoc loco. Unde idem lib. de mendac. cap. 5. Intelligendum est, inquit, illud, quod positum est, *omnino*, ad hoc positum, ut, quantum in te est, non affectes, non ames, ut quasi pro bono cum aliqua delectatione appetas jusjurandum, scilicet nullis aliis circumstantiis id vestiendo. Sic enim nudè per se jurare velle, etiam verum, malum est. Rationem idem reddit hoc loco, & alibi sæpius, ne assiduitate jurandi ad perjurium per consuetudinem delabaris. Ita & Ambros. serm. 14. in Psal. 118. Voluit te non jurare, ne perjures; & Basil. in Psal. 14. Sed hæc ratio cautelæ convincit potius esse consilii quàm præcepti. Quomodo autem etiam præceptum sit, & tamen non incidatur in errorem Anabaptistarum & Pelagii apud August. epist. 88. & 89. qui juramentum omnino illicitum putabant, jam supra indicavimus.

\* *Neque per calum*; supple, *juraveris*, ut sequitur. Hæc est explicatio illius *omnino*, scilicet nullo genere juramenti, non tantum per Deum, sed neque per creaturas. Unde Hilarius can. 4. Hieron. Theophil. & alii hoc loco, putant etiam præcedentibus verbis juramenta per creaturas, tamquam superstitiosa ac Deo injuriosa, prohiberi: sed oppositio v. 37. aliud postulat. Itaque verius est, aliam Phariseorum corruptelam hîc referri, contemnentium juramenta per creaturas, ut patet infra cap. 23. v. 16. 18. & 22. & ex rationibus, quæ tum hîc tum illo capite adferuntur à Christo: omnes enim eò tendunt, ut ostend-

33. Iterum audistis, quia dictum est antiquis: non perjurabis: red-des autem Domino juramenta tua.

34. Ego autem dico vobis: non jurare omnino, neque per calum, quia thronus Dei est.



ostendant non superstitionem talium juramentorum, sed potius religionem eorum, quod scilicet jurando per creaturas etiam per Deum juretur. Itaque \* *neque per cælum, quia thronus Dei est*, id est, veluti thronus gloriæ ejus, \* *Et terra scabellum*, id est, veluti scabellum ejus. Atque ita refertur ad Deum juramentum, & per Deum illi insidentem fit, quod declarat Christus infrà citat. cap. 23. Locus autem, quem hîc citat Christus, est Isaïæ 66. v. 1. quo significatur non sessio Dei corporalis, sed metaphoricâ istâ locutione significatur immensa ejus & incomprehensibilis magnitudo ac præsentia, implens cælum & terram, & regens omnia.

35. Neque per terram, quia scabellum est pedis ejus: neque per Jerosolimā, quia civitas est magni Regis:

36. Neque per caput tuum juraveris, quia non potes unum capillum album facere, aut nigrum.

35. \* *Neque per Jerosolimam, quia civitas est magni Regis*, qui illam sibi peculiariter in locum adorationis & cultus sui delegit.

36. \* *Neque per caput tuum juraveris*: quasi hoc magis esset tuum, quam cælum & terra, aut Jerosolyma. Hoc juramenti genus forsan à Latinis & Græcis, inter quos versabantur Judæi, didicerant: nam apud hos usitatissima jurandi formula est, per caput, *Νῆ τὴν κεφαλὴν*. *Per caput hoc juro*--- ut est apud Virgil. *Æneid.* 9. Quibus formulis caput in pignus fidei deponitur, in quod Deus vindictam exerceat, si fallat, tamquam in rem quæ maximè sit ipsius jurantis. Hanc falsam opinionem tollit, dicendo: \* *Quia non potes unum capillum facere album aut nigrum*; producendo scilicet capillum album aut nigrum, vel rectius, ut Hilarius & Chrysostomus mutando album in nigrum, aut contrà. Hoc enim quamvis artificio & applicando activa passivis ab homine fieri possit, non tamen nudâ hominis potestate aut arbitrio, sed subsidio creaturarum, & maximè ipsius Dei: quasi diceret, quia caput nullo modo tuum est, sed Dei, utpote qui summam in eo habet potestatem creandi, vivificandi, mutandi colores capillorum per ætates: unde rem alienam in pignus deponere & devovere non potes.

37. Sit autem sermo vester, est, non, non: quod autem his abundantius est, à malo est.

37. \* *Sit autem sermo vester, Est, est; Non non*. Multis modis hæc verba exponuntur. Alii enim volunt hîc commendari, ut semper vera loquamur, ut August. in *Enchir.* cap. 17. & 22. nimirum ut sic non jurantibus credatur: q. d. Sermo vester \* *Est*, id est, affirmativus, sit \* *Est*, seu verus, & negativus sit, \* *non*, seu talis, qualis negatur. Alii intelligunt de promissionibus: q. d. Cum aliquid affirmaveritis, non fiat: & sic dedocetur, vel mendacium vel inconstantia. Sed certum est, improbari hîc juramenta. Itaque verisimilius est præscribi, ut, cum aliquid asserendum est, simpliciter dicatur, *Est, est*, id est, etiam, etiam; & cum negandum, *Non, non*, sine adjectione ullius juramenti; & duplicatio serviat solum pro majori assertionis vel negationis fide. Vel certè juxta Apostolum Jacobum c. 5. v. 12. hæc verba intel-

intelligenda sunt. Ille enim hanc Christi doctrinam iisdem penè verbis inculcat, sed hoc modo, juxta textum Græcum : *Sit vestrum Etiam, etiam, & vestrum, non, non*; hoc est, vester sermo affirmativus sit seu exprimatur simpliciter sine juramento per *etiam*, & vester negativus per, *non* : ut sic, quemadmodum ait August. hic, se non jurationibus crebris, sed morum probitate commendet, & sermo noster omni juramento credibilior habeatur.

\* *Quod autem his abundantius est* : id est, juramentum, quod simplici affirmationi & negationi adjicitur. Non enim agit hîc de verbis ferè æquivalentibus, *verè, certè, in veritate, amen, &c.* \* *A malo est.* Non dicit, *malum est*; quia, ut August. notat juramenti bonus usus esse potest : sed *à malo*, scilicet infirmitate ejus, cui cogimur jurare; vel generalius, *à malo*, id est, à vitiis hominum originem habet, qui mendaces experti, vel sine juratione non credunt, vel jurandi consuetudine se volunt fide dignos reddere. Si enim defuissent mendacia & fallaciæ, nullo opus esset juramento in hominibus. Per hoc ergò, quod *à malo est* juramentum, insinuatum voluit, ne quisquam, inquit August. sicut bonum (seu per se) appetat juramentum, sed refrænet se, quantum potest, ut non eo utatur nisi necessitate. Itaque legem hîc Christus non solvit, sed adimplet, quia admonitio non jurandi, conservatio est à peccato perjurii, inquit idem 19. contra Faust. c. 25.

38. \* *Audistis, quia dictum est, Oculum pro oculo*; supple, *erues &c.* Lex talionis hæc est, omnium gentium judicio æquâ, quia per eam statuitur justa vindicta. Fuit enim, ut August. ibid. lex ista non formes, sed limes furoris, ne quis scilicet ampliorem vindictam expeteret, quàm jure deberetur : ita ut sensus quodammodò legis esset : Non injustè vindicabis. Itaque Phariseorum justitia minor erat, & pacis quædam inchoatio, non excedere vindictæ modum, ut plerumque fieri solet. Sive autem Pharisei hoc ita intellexerint, ut quidam volunt, quasi liceret cuique privato homini hujusmodi vindictam lege moderatam animo ulciscendi se expetere (cùm tamen prohibitum esset, Levit. 19. v. 18.) sive quod nihil de pacifica injuriarum perpeffione docerent; perficit hanc legem Christus ipsas radices omnis omninò vindictæ, & dissolvendæ concordie excindendo.

39. \* *Ego autem dico vobis, non resistere malo* : id est, animo tam esse alieno à vindicta etiam justa expetenda, ut ne quidem resistatis malo, scilicet homini inferenti injuriam, vel, ut August. malo, quod inferatur, quo minùs aliud irrogetur. Hoc est enim, quod sequitur, ut idem notat : \* *Sed si quis te percusserit, Græcè παλῆστι*, id est, palmâ seu apertâ

38. Audistis quia dictum est : Oculum pro oculo, & dentem pro dente,

39. Ego autem dico vobis, non resistere malo : sed si quis te percusserit in dexteram maxillam tuam, præbe illi & alteram;



apertâ manu percusserit. \* *In dexteram maxillam*, id est, *in alteram*, ut habet Lucas : nulla est enim vis in dextera , nisi quod sequatur consuetudinem loquendi, non cædendi, cum sinistra sit magis ictui expositâ. Nisi fortè per dexteram, quæ ictu averso , ideoque magis contemptibili percuti solet, majorem injuriæ gravitatem indicet. \* *Præbe illi & alteram*, id est, animo paratus sis etiam alteram potius obvertere, quàm alapam reddere aut vindicare. Ita legem patientiæ legi talionis opponit , ut hæc injuriam pro injuria illata reddat , illa accipiat.

40. Et ei, qui vult tecum iudicio contendere, & tunicam tuam tollere, dimitte ei & pallium.

40. \* *Et ei, qui vult tecum iudicio contendere, & tunicam tuam tollere* : id est, qui tibi litem intendit, ut vestem interiorem tollat. \* *Dimitte ei & pallium*, id est, exteriorem. Lucas commodiori ordine dicit : *Qui auferat tibi vestimentum* (Græcè pallium) *etiam tunicam noli prohibere*. Quo indicatur, sensum hîc & ibi esse , qui unam vestem tibi vult tollere , dimitte ei & alteram. Sub quo membro intelliguntur omnia, de quibus iudicio contendere potest , ut à nostro jure in jus illius transeant , qui contendit. Docet enim, ut quilibet temporale, etiam necessarium, ut sunt vestes, potius auferri nobis sinamus, quàm pro eo lite contendamus. Quod idem tradidit apertissimè Paulus 1. ad Cor. 6. v. 7. *Quare non magis injuriam accipitis ? Quare non magis patimini ?* Ratio est, quia jactura temporis, tranquillitatis animi, pacis & charitatis, quæ litibus amarissimis amitti solet , omni detrimento temporali gravior est.

41. Et quicumque te angariaverit mille passus, vade cum illo & alia duo.

41. \* *Et quicumque te angariaverit mille passus* : id est, qui coëgerit te ire secum unum milliare. *Angariare* enim à Persis manasse dicitur, apud quos Postæ seu Cursores *Angari* dicebantur, quibus jus erat, sicut & nunc Turcis , quoslibet sive equos, sive homines ad cursum rapere, persolutâ mercede. Unde *Angariare* est cogere ad currendum, vel ferendum. \* *Vade cum illo & alia duo*, scilicet millia passuum, seu milliaria , duplum nimirum pro simplo reddendo. Nam ut observat August. Christus in his exemplis gradatim videtur progredi. Minus est enim in sinistra quàm dextera percuti : æquale, unam vestem tollenti alteram dimittere : gravius, cum cogente ad unum milliare, duplum ire. Quo indicatur, sive aliquanto minus quàm jam fuit, sive tantundem, sive amplius quisque improbus in te esse voluerit, æquo animo esse tolerandum.

Porro sub his tribus injuriæ generibus omnes omninò comprehenduntur. Sub primo omnia, quæ corpori ignominiosè inferuntur, adeoque etiam omnes contumeliæ, & honorum jacturæ : sub secundo omnia opum dispendia : sub tertio omne genus tyrannicæ coactionis & servitutis. Ex his quædam restitui possunt, quæ Christus negligenda præscripsit ; alia non possunt, sed in his vindictæ solatium

quæri

quæri solet. Alapam enim reddendo nihil homini restituitur, sed, ut hîc August. tumidus animus talia fomenta desiderat; sanum autem firmumque ista non juvant. Itaque hâc doctrinâ suâ vult Christus animum hominis esse infractum, & omnibus incommodis temporalibus superiorem: idque eo fine, ut in dilectione fraterna immobilis manens nullis injuriis vel jacturis ab ea divellatur. Ex hac ergo regula metienda sunt exempla hîc prolata, ut videlicet hæc præcepta patientiæ semper in præparatione cordis serventur, non semper in facto. Sic enim animo præparati & compositi esse debemus, ut non solum nullam vindictam expetamus, sed hæc omnia, imò longè graviora æquanimiter patiamur, si proximi tamquam infirmi salutis ita postulet: exterius autem id fiat, quod eis videtur prolesse posse, quibus bene velle debemus, ad operandam in eis correctionem atque concordiam, ut loquitur, & latius docet Aug. epist. 5. ad Marcellin. Hinc nec Christus, nec Paulus in maxilla percussi præbuerunt alteram, sed potius prohibuerunt. Servarunt enim ista præcepta in corde, non opere; eorum scopum, non litteram: sicut & servat pater castigans filium, & Respublica occidens malos. Multi enim mali benigna asperitate plectendi sunt, ut fiant boni, & velut ægroti etiam inviti dolore sanandi sunt. Unde hîc locum habere possit generaliter illud August. Dilige, & fac quod vis. Et hæctenus quidem præcepta innocentia: nunc sequuntur beneficentia. Nam, ut Aug. lib. de morib. Eccles. c. 6. iustitia erga proximum duobus perficitur, si nemini noceas, & quibuscumque potueris, consulas. Itaque

42. \* *Qui petit à te da ei*: hoc est, quisquis ille fuerit, qui petit, ut patet ex Luca, quid dicit: *Omni petenti te tribue*, id est, omni verè indigenti, sive amicus fuerit, sive inimicus; sive cognatus, sive alienus, sine studio scrutandi, ut est apud Clementem Romanum in Constitut. Apostolicis lib. 3. c. 4. Vetat itaque personarum, non vetat paupertatis & charitatis haberi rationem: nam & charitas non est inordinata. Unde & hoc præceptum ex scopo charitatis, cujus promptitudo petitur, metiendum est, ut scilicet detur, cum vel necessarium proximo vel expediens fuerit, & iustum id, quod petitur. Unde August. *Omni petenti te dabis*, quamvis non semper id, quod petit, dabis, sed aliquando aliquid melius dabis, cum petentem injustè correxeris. \* *Et volenti mutuari à te*, id est, à volente mutuum petere, etsi fortè præ verecundia nondum audeat petere. \* *Ne avertaris*, id est, ne te avertas, voluntate aut vultu retricum aut difficilem te exhibendo: benignitatem enim saltem & facilitatem postulat, si fortè re ipsâ mutuum dare non possis.

42. Qui petit à te, da ei: & volenti mutuari à te, ne avertaris.



43. Audistis  
quia dictum est :  
Diliges proximu  
m tuum , & odio  
habebis inimi-  
cum tuum.

43. \* *Audistis quia dictum est , diliges proximum tuum.* Præceptum hoc habetur Levit. 19. ubi Hebraicè **וְאָהַבְתָּ**, *Reagh*, transfertur *amicus*. Unde Judæi videntur sub eo solum intellexisse Judæum, tanquam sanguine proximum, & cum quo ei erat ejusdem Republicæ legum & religionis communicatio, & esse debet amicitia. Hinc à contrario inferebant, \* *& odio habebis inimicum tuum.* Sub quo vel quemlibet inimicum intelligebant, vel, ut aliqui malunt, alienigenam, eò quòd inimicos Judæos satis expresse juberentur diligere, Exodi 23. v. 4. Unde & hic v. 47. indicatur eos fratribus, id est, Judæis, signa dilectionis exhibuisse. Utrovis modo Pharisei hoc intelligerent, hoc nusquam lex dicit, inimicos generaliter, vel etiam alienigenas, esse habendos odio, tametsi erga illos nominatim signa amicitiae non postulare. Corrigit itaque intellectum Christus, præscribens etiam inimicos quoscumque diligendos : & Lucæ 10. 29. & 37. declarat etiam alienigenas sub proximis comprehendere, de quo vide dicta Levit. 19. v. 18. August. tamen passim vult etiam posteriorem partem, de habendis odio inimicis, verè in lege contineri. Et juxta hunc sensum dicendum erit, hanc esse vocem non jubentis justo, sed permittentis infirmo, ut respondet lib. 1. de serm. Domini in monte cap. 21. Et ita Christus adimplet legem, addendo præceptum de diligendis inimicis : vel potius dicitur tunc, sicut & nunc præceptum fuisse, ut imitando Deum, cui quidam odibiles sunt, odio habeamus inimicos, nempe quatenus tales, hoc est, odio habeamus id, quod in eis malum est & inimicum, seu iniquitatem ejus. Hoc cum Pharisei malè intelligerent, ferebantur in odium hominis, non vitii. Unde Christus intulit id, quod omninò non noverant.

44. Ego autem  
dico vobis : Diligite inimicos vestros, benefacite his qui oderunt vos : & orate pro persequentibus, & calumniantibus vos.

44. \* *Ego autem dico vobis, diligite inimicos vestros* : ut scilicet sic eos cogeret intelligere, quomodo possent unum eundemque hominem & odisse, propter culpam, & diligere propter naturam : ut scilicet illud, quod in eo rectè odimus, arguamus, id est, vitium, quo possit illud, quod in eo rectè diligimus, id est, humana natura, emendato vitio liberari, ut latius Aug. lib. 19. cont. Faust. c. 24. Et hoc est, quod Psal. 138. v. 22. dicit, *Perfèctò odio oderam illos* : quod odium est, inquit ibid. Aug. ut nec propter vitia homines oderis, nec vitia propter homines diligas. Tali ergo dilectione, *Diligite inimicos vestros*, nempe quia & illi proximi sunt, ejusdem scilicet naturæ rationalis societate, & beatitudine seu societatis æternæ capacitate. Nec satis est animo diligere, sed \* *benefacite his qui oderunt vos* : opere ea beneficia præstando, quæ in vestra sunt potestate. Neque hoc satis adhuc, sed \* *orate pro persequentibus & calumniantibus vos* : linguâ scilicet & precibus conferrando

rendo ea beneficia, quæ in aliena sunt potestate. Ita perfectè implebitur illud 1. Joan. 3. *Non diligamus verbo neque linguâ, tantum scilicet sed opere & veritate.*

45. \* *Ut sitis filii Patris vestri* : id est, ut hîc operibus declaretis, vos esse filios, non degeneres : nemo enim inimicos diligit, nisi jam adoptione sit filius ; vel certè Hebraismus est, *ut sitis filii*, id est, ut sitis similes operibus, sicut statim declaratur. Et hæc est filiatio imitationis, quâ & nos dicimur filii Abrahæ. \* *Qui solem suum oriri facit super bonos & malos, & pluit super justos & injustos* : id est, amicos & inimicos suos maximis illis afficit beneficiis, quæ omnium temporalium beneficiorum fontes sunt. Ut hinc admoneamur, inquit hîc Aug. quantâ liberalitate inimicis ex præcepto ejus ea præstare debeamus, quæ nos non creavimus, sicut ipse, sed de muneribus ejus accepimus.

45. Ut sitis filii patris vestri, qui in cælis est : qui solem suum oriri facit super bonos & malos : & pluit super justos & injustos.

46. \* *Si enim diligitis eos, qui vos diligunt* : id est, amicos tantum quæ particula exprimitur versu sequenti : \* *Quam mercedem habebitis ?* Id est, quid præclari facitis, ut mercedem habeatis ? Scilicet apud Deum ; ille enim utrosque diligendos præcipit. Unde qui inimicos excipit, declarat se non genuino charitatis amore diligere etiam amicos, sed sicut Publicani se diligunt, ex naturali scilicet indolentes propensione, vel propter seipsos, quia se sentiunt ab iis diligi. Unde addit : \* *Nonne & Publicani hoc faciunt ?* Genus hominum lucri propriique commodi ita studiosum, ut omnem exuisse videatur humanitatem, adeoque à promerenda, scilicet à Deo, mercede omnium judicio alienissimum. Erant autem Publicani conductores publicorum vectigalium : apud Romanos similes equitum Romanorum, & ornamentum Reipublicæ ut loquitur Cicero Oration. pro Plantio ; apud Judæos verò infames, avari, populo invisi, & pro publicis perditisque peccatoribus passim habiti, eo quod nullâ religionis habitâ ratione suam operam locarent alienigenis Romanis, non tam conducendo ab eis vectigalia, quàm colligendo ea, quæ Romani conduxerant : atque ita tyrannicæ illius oppressionis erant adjuutores, cum Judæi se liberos prorsus putarent. Unde Christo proposuerunt odiosissimam illam quæstionem, utrùmliceret Cæsari tributum solvere.

46 Si enim diligitis eos qui vos diligunt, quam mercedem habebitis ? nonne & publicani hoc faciunt ?

47. \* *Et si salutaveritis* ; verbo, complexu, osculo, ut erat moris : quæ omnia verbo Græco ἀσπασμὲς significantur, & sub illis synecdochicè omnia officiosæ humanitatis signa comprehenduntur. \* *Fratres vestros tantum*, id est, consanguineos : nam Fratrum nomine omnes Hebræos vocabant, ut patet Rom. 9. v. 3. \* *Quid ampliùs facitis ?*

47. Et si salutaveritis fratres vestros tantum, quid ampliùs facitis ? nonne & Ethnici hoc faciunt ?



Quam scilicet cæteri, quibus præstare debetis, vel quid amplius, id est, quid eximium præstatis? \* *Nonne & Ethnici*, Gentes à Dei cultu & legibus alienæ, \* *Hoc faciunt*? Non charitatis quidem, sed ex naturæ bonæ nondum extinctæ penitus reliquis: per quæ indicat, legem Dei à filiis Dei aliquid amplius postulare.

48. Estote ergo vos perfecti, sicut & pater vester cælestis perfectus est.

48. \* *Estote ergo vos*, à Gentibus scilicet à Deo selecti, ut sitis Gens sancta, & qui Publicanis virtute & mercede præstare debetis, \* *perfecti*, istâ dilectionis & beneficentiæ amplitudine, quæ amicos & inimicos, gratos & ingratos, fratres & alienos, complectitur. Non enim agit de consiliis Evangelicis, sed de illa perfectione charitatis jam dicta, quæ magna ex parte præcepti est. \* *Sicut & pater vester perfectus est*. *Sicut*, similitudinem significat, non æqualitatem. Neque enim Dei perfectio præscribitur homini, sed tanta, quantam meditatione & exercitatione bonorum operum assequi possunt homines, inquit Basil. lib. 1. contra Eunomium.

## CAPUT SEXTUM.

**H**Actenus de ipsis operibus justitiæ: nunc de fine operum, ut in utroque abundet justitia discipulorum Christi, plusquam justitia Phariseorum, qui peste humanæ laudis corrupti, omnium bonorum operum fructum & mercedem amittebant. Itaque

1. Attendite ne justitiam vestram faciatis coram hominibus, ut videamini ab eis: alioquin mercedem non habebitis apud patrem vestrum qui in cælis est.

1. \* *Attendite*, id est, meritò attendite, quia homini jam bene viventi difficile est, inquit hîc Aug. non surrepere sordes aliquas de his rebus, quæ ipsas nostras bonas actiones comitari solent, veluti est laus humana. \* *Ne justitiam vestram faciatis*, id est, opera justitiæ: Græcè *eleëmofynam*. Sed rectius cum Aug. lib. de perfect. justitiæ c. 17. acceperis generaliter, ut deinde tres justitiæ illius generalis partes, Jejunium, eleëmofynam & orationem exequatur. \* *Coram hominibus ut videamini ab eis*; id est, hoc animo, hoc fine, ut ab eis videamini, seu ut hominibus placeatis, ibi scilicet finem propositi vestri collocando. Nam benè vivere, ut homines videant opera nostra bona, & inde glorificent Patrem nostrum, qui in cælis est, ipsemet Christus præcepit cap. præcedenti v. 16. Quo sensu & Paulus, qui dixerat; *Si adhuc hominibus placerem, Christi servus non essem*: Idem 1. ad Corint. 16. dicit: *Ego per omnia omnibus placeo, sed ut salvi fiant*, hoc est, inquit Aug. loco cit. in hac opera, quâ hominibus placeo, non hominibus, sed Deo placeo: quia hoc non appeto, ut hominibus placeam, sed ad id refero, ut me imitentur, quos salvos fieri volo. Nam ipse Deo placere non posset, qui non se sibi, quos salvos fieri vellet, præberet imitandum. Imitari autem illum, qui sibi non pla-

placuerit, nullo pacto quisquam potest. Itaque vetat hic, ne humanam laudem, velut finem, seu velut pro operum nostrorum mercede quæramus. Hinc enim addit, \* *Alioquin mercedem non habebitis apud Patrem*: tum quia Patri non placet nisi vera iustitia. Iustitia autem tali inanitate vitiata non est iustitia, sed vanitas: tum quia propter illum non laborastis: æquum est autem, ut cui quisque laborat, ab eo mercedem accipiat. Itaque huiusmodi opera non dicit esse damnatione plectenda, seu fructu caritura, quia, ut August. alia quæcumque iniquitas in malis operibus exercetur, ut fiant: superbia verò etiam bonis operibus insidiatur, ut pereant.

2. \* *Cum ergo facis eleëmofynam*. Sub qua comprehendit omnem benevolentiam vel dandi vel cognoscendi; sicut sub Jejunio universam corporis castigationem, & sub Oratione omnes regulas sancti desiderii, ut August. lib. de perfect. iust. cap. 8. \* *Noli tuba canere ante te*: id est, noli sic velle innotescere. Sive quòd ille tunc esset mos Pharisæicus, tubâ pauperes convocare; quòd cum rectè fieri posset ipsi ostentationis causâ faciebant: sive quòd alludat generaliter ad morem congregandi tubis populum, cum aliquid publicè faciendum est, aut ad comœdias, cum in theatrum prodeundum. Unde addit, \* *sicut hypocrita faciunt*. Hypocrita enim dicuntur propriè, qui in theatro alienam personam simulando, exprimunt quod non sunt. Unde in vitâ humanâ, quisquis se vult videri id, quod non est, hypocrita est, inquit August. Simulat enim iustitiam, & non exhibet, histrioni similis. \* *In vicis*, seu plateis publicis, \* *Et Synagogis*. Intellige vel conventicula generaliter, vel Synagogas propriè dictas: sic tamen, ut non intelligatur tubâ in ipsis Synagogis cani, sed in areis quibus cingi solent. Notat enim tantum loca populi concursu frequentata. \* *Amen dico vobis, receperunt mercedem suam*, nempe quam spectaverunt laudem humanam. Illa enim non appetià rectè faciente, sed subsequi debet rectè facientem: ut illi proficiant, qui etiam imitari possunt, quod laudant, non ut hic putet aliquid eos sibi prodesse, quem laudant, inquit hic Aug. lib. 2. cap. 2. Quo pacto igitur facienda eleëmofyna, si non sic?

3. \* *Ut nesciat sinistra tua, quid faciat dextera tua*. Tropum esse manifestum est, sed diversissimè explicatur. Alii enim apud August. per *sinistram* intellexerunt infideles: alii inimicum, alii uxorem; quæ tenacior esse solet in dandis eleëmofynis. August. ipse intelligit appetitionem laudis humanæ, quæ non debeat se miscere *dextra*, id est, conatui implendi præceptum Dei. Satis enim indicat Christus, in operibus hypocritarum, qui laudem venabantur, *sinistram* fuisse

con-

2. Cum ergo facis eleëmofynā noli tuba canere ante te, sicut hypocrita faciunt in synagogis, & in vicis, ut honorificentur ab hominibus. Amen dico vobis receperunt mercedem suam.

3. Te autem faciente eleëmofynam, nesciat sinistra quid faciat dextera tua,



consciam operis dexteræ. Chrysostomi tamen expositio homil. 19. & Theophylacti videtur valde opportuna, ut non tam metaphorica, quàm hyperbolica sit locutio : q. d. usque adeò eleëmofynarum vestrarum testes effugite, ut, si sinistra manus haberet oculos, videre tamen non possit, quid dextera faceret. Cum qua convenit interpretatio Ambros. lib. 1. Offic. cap. 30. qui vetari tradit, ne etiam propinquissimi conscii sint, ne dum hic mercedem quæris jactantiæ, illic remunerationis fructum amittas.

4. Ut sit eleëmofyna tua in abscondito : & pater tuus, qui videt in abscondito, reddet tibi.

4. \* *Ut sit eleëmofyna tua in abscondito*, id est, prorsus occulta, Deo soli & conscientiæ tuæ cognita. Quo sensu cautela ista humanæ est infirmitatis, ut videlicet quantum in se est, homo secretum quærat, non publicum, ne titillatio humanæ laudis obrepit. Intellige tamen, nisi Dei gloria, fratrum ædificatio, aut necessitas aliud postulet. Præceptum est autem, ut numquam eleëmofynam, etiam quando fieri debet, aut nullum omninò opus beneficentiæ appetitu humanæ laudis operemur. Non enim est culpa, beneficientem videri, sed velle videri. \* *Et pater tuus, qui videt in abscondito, reddet tibi* : supple ex præcedentibus, *mercedem tuam* : ubi addunt Græca, *ὁ τὸ φανερόν, in propatulo*, seu *palam*, quod Lucas dicit, *in resurrectione mortuorum*, id est, in ultimo judicio. Ut hac oppositione indicet eos, qui humanam fugiunt gloriam, non solum cumulatissimam illam mercedem & gloriam à Deo, sed & humanam ab hominibus, quàm hypocritæ venantur, longè auctiorem, spectante totâ coronâ humani generis, consecuturos. Et hæc de primo justitiæ genere.

5. Et cum oratis, non eritis sicut hypocritæ, qui amant in synagogis & in angulis platearum stantes orare, ut videantur ab hominibus : amen dico vobis, receperunt mercedem suam.

5. \* *Et cum oratis*. Hoc est secundum justitiæ genus, quod spectat Deum. A quo similiter excludit appetitum laudis humanæ, quam affectant hypocritæ, qui \* *amant in synagogis*, quò populus maximè confluit, \* *Et in angulis platearum*, ubi propter platearum concursum à multis & à diversis partibus spectari possunt, \* *stantes orare*, quia iste situs magis spectabilis est : vel, *stantes*, quasi immobiles & mente rapti in Deum. \* *Ut videantur ab hominibus*. Nec enim videri nefas est, inquit August. sed ideò hoc agere, ut videaris, & consequenter lauderis. Nam & Apost. 1. ad Timot. 1. v. 3. vult nos orare in omni loco, multò magis in loco ad hoc dedicato ; & Publicanus orabat stans, & Salomon coram universo populo : sed amare ista, id est, affectato studio frequentiam quærere, idque, ut per hoc hominibus placeas, hoc vetatur, quia tales \* *receperunt mercedem suam*. Unde non est, quod de justitia Dei conquerantur, si non detur eis alia à Deo : hoc enim eis datum est, quod quæsi verunt. Quo pacto ergò orandum ?

6. \* *Tu autem cum oraveris, intra in cubiculum tuum, id est, locum secretiorem. Nam de corporali loco hîc agi, patet ex oppositione cûm Synagoga & angulis platearum. Qui tamen ipse locus ne hominum oculis pateat, \* clauso ostio ora Patrem in abscondito, id est, fuge omninò conspectum hominum inter orandum, idque animo & intentione magis quàm corpore. Non enim hîc damnari putes preces publicas, quas universa commendat Ecclesia & Scriptura; sed ex intentione Christi præceptum istud, sicut & præcedentia moderanda sunt. Quid enim juvat secretum quærere, si ideò quæras, ut hominibus secretò orare videaris? Itaque scopus orationis corrigitur, ne fiat inanis gloriæ ab hominibus assequendæ cupiditate, & ut ab illis videaris, sed & ut soli placeas Deo. Et hinc est, quod Aug. hic & Ambros. de institut. ad Virgines cap. 1. per cubiculum metaphoricè intelligunt secretum conscientiæ, quo homo jubetur coram Deo esse contentus, nihil ab hominibus ulteriùs affectando, etiam tunc, quando in publico orat. \* Et Pater tuus, qui videt in abscondito, reddet tibi, id scilicet, quod postulasti, inquit Ambros. in Psal. 40. in fine: sed rectiùs intelligas cum Chrysost. mercedem, quæ orationi rependitur in vita futura. Hoc enim postulat conformitas hujus locutionis cum v. 1. & maxime 4. Unde idem ipse notat, non dici, *donabit*, sed *reddet*. Debitorem se tibi quippe, inquit, constituit: merces enim ex justitia debetur merito, cujus correlativum est. Ex quo patet, quàm perperam Calvinus hoc loco, ex mercede precibus promissa colligat, quidquid mercedis passim Scriptura promittit, id non tamquam debitum solvi, sed gratuitum esse.*

7. \* *Orantes autem nolite multum loqui. Græcè βαττολογεῖν, quod est non simpliciter multum loqui, sed nugaciter & futiliter verba profundere, idem, quasi necdum dictum esset, sine causa repetendo, more Batti illius Poëtæ: quamquam hîc pro inani multiloquio usurpetur. \* Sicut Ethnici faciunt, tamquam utile scilicet ad exauditionem. Putabant enim, quòd affectatâ illâ verborum copiâ & cultu partim Deus velut ignarus instrueretur, ut indicat v. 8. partim ut tamquam judex homo verbis adduceretur in sententiam, ut inquit hîc Aug. Cûm enim Ethnici linguæ potiùs, quàm animo mundando studerent, nugatorii hoc studii genus etiam ad Deum prece flectendum transferre conabantur. Non ergò improbat preces quantumvis longas, cûm ipsemet in oratione pernoctaverit, & semper orare iusserit: nec quantumvis repetitas, cûm ipse ter eundem sermonem dixerit: sed fiduciam in ista inani Ethnicorum garrulitate: hoc est enim quod sequitur, \* Putant enim quod in multiloquio suo, id est, per istam*

6. Tu autem cum oraveris, intra in cubiculum tuum, & clauso ostio, ora patrem tuum in abscondito: & pater tuus qui videt in abscondito reddet tibi.

7. Orantes autem nolite multum loqui, sicut ethnici, putant enim quod in multiloquio suo, exaudiantur.



istam futilem affectatamque multiloquentiam, \* *Ex audiantur*: cum opus sit pietate, non verborum solitate, inquit Aug. serm. 48. de diversis, nec docendus Deus, sed fervido desiderantis ac diligenter affectu invadendus est: qui quo sapientius & prolixius in Deum sive gemitus sive verba, etiam eadem, & sapientissime repetita, eructaverit, tanto oratio fructuosior est.

8. Nolite ergo assimilari eis, scit enim pater vester quid opus sit vobis, antequam petatis eum.

8. \* *Nolite ergo &c. Scit enim Pater vester, quid opus sit vobis, antequam petatis eum*; id est, antequam explicetis: quibus verbis utrumque vitium Ethnicorum excludit. Nam & bonitate Pater noster est, ne putetur ut iudex multiloquio esse flectendus, ut velit; & scit omnia, antequam ipsi dicamus, imò sciamus, ne putetur docendus, ut sciat.

Cur igitur oramus, inquires, si Deus necessitatem nostram sciat? Ut te rogatorem esse memineris, inquit Hieron. non narratorem. Aliud est enim instruere ignorantem, aliud rogare scientem, sive solo gemitu cordis, sive etiam additis verbis.

Sed cur etiam rogatur, si tamquam Pater etiam dare velit? Respondet optimè Aug. quia oratio reddit hominem capacem ad accipiendum. Oratio enim est conversio mentis in Deum, quâ conversione serenatur & purgatur ab inclinatione & cupiditate rerum temporalium: & ita fit capacior spiritualium. Excitatur enim orando, & exercetur, & augetur animi desiderium. Tanto autem cælestia dona sumimus capacius, quanto & fidelius credimus, & speramus firmitus, & desideramus ardentius, inquit idem epist. 121. cap. 8. Atque hæc est causa, cur Deus nolit multa nisi rogatus & rogantibus dare. Postulando enim indigentia nostra suadet humilitatem; accipiendo Dei beneficentia gratitudinem.

9. Sic ergo vos orabitur: Pater noster qui es in calis, sanctificetur nomen tuum.

9. \* *Sic ergo vos orabitur*. Non ait, *his verbis*; nam nec Christus umquam his verbis orasse legitur, sed aliis, Matth. 26. Joan. 17. &c. & Apostoli Act. 1. 24. Act. 4. 24. & seqq. sed *sic*, id est, hæc formulâ; primò scilicet, quantum ad res petendas, quia omnia omninò petenda complectitur, ut Cyprian. lib. de orat. Dominica. Ut idcirco Tertull. lib. de orat. cap. 1. vocaverit *totius Evangelii Breviarium*. Hinc August. epist. cit. c. 12. Liberum est aliis verbis, eadem tamen orando, dicere, sed non debet esse liberum alia dicere. Secundò, quantum ad ordinem petendi: ordine enim pulcherrimo id quod supremum in affectu hominum esse debet, hoc præcedit, inferiora sequuntur. Tertiò, quia nulla in eo battologia, sed brevis incomparabilis, ut scilicet non agmine verborum, ut ibid. Tertull. Deum adeundum putemus, sicut Ethnici faciebant.

\* *Pater noster, qui es in calis*. Proœmium est, non petitio, in quo  
latet

latet divina quædam Rhetorica ad conciliandam Dei benevolentiam : est enim appellatio extremæ bonitatis , pietatis , & potestatis , ut Tertull. suprâ. Nam *Pater* vocatur , tamquam fons omnium beneficiorum , creationis , regenerationis & maximè adoptionis per Baptismum , quæ comprehendunt omnia reliqua. Est enim hæc oratio renatorum propria , non Judæorum aut Infidelium , ut notavit Tertull. & Cyprian. lib. de orat. Dominica , & August. serm. 48. de diversis. Et quamvis Christus ferè soleat Patrem vocare primam personam , nihil tamen incommodi est , si etiam tota Trinitas , utpotè æqualiter omnium beneficiorum fons , intelligatur à nobis. Undè virtute est summæ laudis , atque dignationis Dei , summæ gratiarum actionis , & summæ fiduciæ compellatio. Qua de causa Cyprian. Hoc nomine , inquit , nemo nostrum auderet attingere nisi dignationis ejus , & bonitatis ubertas id permisisset. Est enim hæc vox , *Pater* , Novi Testamenti & amoris Dei propria , sicut , *Dominus* , Testamenti veteris & timoris. Undè simul his verbis & charitas erga Deum excitatur ; quid enim carius filiis quàm Pater ? Et supplex affectus , & impetrandi præsumptio , & cura , ne tanto Patre indigni simus , quæ notavit Aug. hic. \* *Noster* dicitur , ut moneamur mutux fraternæque charitatis , in qua , ut Ambros. lib. 1. de Cain & Abel cap. 9. & humilitas major , & fructus uberior , dum dives & pauper se sub eodem Patre fratres esse cognoscunt : & qui singuli orant pro omnibus , etiam omnes orant pro singulis. \* *In cælis*. Non quòd non ubique sit , sed quòd ibi majestas ejus eluceat & gloria. Undè omnium gentium opinio quasi à natura insita est , quod Deus in cælo habiter , inquit Aristot. lib. 1. de cælo. Itaque cælis præsidens omnia etiam subjecta significatur suo imperio regere & providentiâ continere. Atque ita in verbis istis summam Patris potestatem refricat , ad præstandum postulata , reverentiam ingerit , mentemque à terrenis elevatam cælis affigit , inquit Chrysost. Per *calos* August. intelligit corda iustorum , sed sensu , ut videtur , mystico.

\* *Sanctificetur nomen tuum*. Prima petitio & filiorum cura est gloria Patris. Nam nomen Dei est Deus ipse , qui nominatur majestas & auctoritas ejus. Petimus , ut illud sanctificetur , non quasi in se ipso non sit semper sanctum , sed , inquit hic August. ut sanctum habeatur ab hominibus , hoc est , ut illis innotescat Deus ; ut non existiment aliquid sanctius , quod magis offendere timeant. Fit hoc autem non solum Deum cognoscendo , & voce celebrando , sed & vitæ integritate velut sanctum habendo. Sic enim è contrario nomen Dei blasphemari & pollui dicitur , cum sine reverentia tractatur , & velut



fordidum contemnitur sive vitâ sive voce. Suspendivâ autem enuntiatione non dicentes, sanctificetur in nobis, in omnibus dicimus, inquit Tertull. hoc est, petimus, illud, non à nobis vel Christianis tantum, sed in omnibus gentibus sanctificari, seu gloriam ejus in universo mundo clarescere & celebrari.

10. Adveniat  
regnum tuum.  
Fiat voluntas tua  
sicut in cælo &  
in terra.

10. \* *Adveniat regnum tuum*: non illud, quo dominatur Deus universæ creaturæ; hoc enim habuit à constitutione mundi: nec aliud regnum spirituale, quo in cordibus credentium & Sanctorum regnat in mundo, de quo Lucæ 17. dicitur, *Regnum Dei intra vos est*; nam hoc petitur petitione primâ, & ex parte etiam tertiâ: sed regnum intelligitur illud perfectissimum, de quo dicit: *Venite benedicti, percipite regnum &c.* quo scilicet post resurrectionem destructo peccato, morte, diabolo, omnibusque adversariis, Deus tranquillissimè in corpore & animo gloriosissimè regnaturus est. Itaque hic quasi apprecantur filii patri suo regnum pacificum, & victoriam adversus omnes inimicos. Et quamvis hoc omninò adventurum sit, voluit tamen Christus, ut istud peteremus: partim ut tamquam filii affectum nostrum ostenderemus, ut, quod semel venturum est, citò veniat, velut optantes maturius regnare, & quasi festinantes ad spei nostræ complexum, inquit Tertull. lib. de Orat. cap. 3. partim ut, desideria nostra ad illud excitando, nobis adveniat, atque in eo nos quoque regnare mereamur, ut Aug. epist. 121. Itaque sicut olim Sancti postulabant adventum Christi in carnem, ita nunc in regnum suum, & consequenter in judicium. Unde Tertull. ibid. Votum Christianorum confusio nationum; exultatio Angelorum. Tacitè itaque monemur tam sanctæ esse conversationis, ut digni simus stare ante conspectum Judicis Dei, venientis in regnum suum. Ut itaque non temerè hoc petiisse videremur, statim subjungitur modus parandi se adventui & regno ejus.

\* *Fiat voluntas tua*, non ea, quâ omnia, quæcumque voluit, Dominus fecit in cælo & in terra; hæc enim efficax voluntas Dei semper impletur: sed ea voluntas intelligitur, quæ in præceptis Dei ac consiliis declaratur. Fiat ergò illa voluntas tua, scilicet in, & à nobis, ut nos obediamus præceptis tuis, faciendo non voluntatem nostram, aut carnis, aut mundi, aut diaboli, sed tuam. Ita hîc Aug. & sæpè alibi. Petitur itaque hîc lux & gratia noscendi & adimplendi omnia præcepta Dei, sine qua fieri nullo modo possunt; & consequenter petitur id, quod Tertull. significatum putat, ut etiam voluntatem nostram divinæ voluntati conformare possimus in adversitatibus perferendis, quæ nobis à Divina voluntate accidunt: hoc est, enim  
unum

unum ex præceptis Dei. \* *Sicut in calo & in terra* ; id est quemadmodum ab Angelis in calo , ita etiam ab hominibus hîc in terra. Ita Chrysost. & August. hoc loco , qui tamen plures alios sensus adfert , ut scilicet petatur impleri illam voluntatem Dei , ita in carne nostra , quæ adhuc legi peccati servit , sicut jam fit in spiritu : vel ita à peccatoribus , sicut à Sanctis ; vel ita ab Ecclesia , sicut à Christo : quorum aliquos etiam tetigerunt Cyprian. & Tertull. sed videntur magis esse mystici , quàm litterales. Et hætenus petivimus ea , quæ spectant gloriam Dei , & consequenter nostram : nunc quæ directè spectant nos , tametsi consequenter gloriam Dei , tamquam finis ultimus , qui à nullis votis nostris excludi debeat.

II. \* *Panem nostrum supersubstantialem da nobis hodie.* Per *Panem* nonnulli veteres intellexerunt solum Christi corpus , quia supersubstantialis vocatur , ut Hieron. & ex professo Ambros. lib. 5. de Sacram. cap. ult. Sed non excludi cibum corporis , suadet tum genuina vocis significatio ; tum quòd corpus Christi nondum esset in Sacramento institutum , quando hæc oratio tradebatur. Unde alii volunt panem corporalem tantum peti : sed quia oratio ista perfectissima est , non est verisimile ea esse prætermissa , quæ animæ sustentandæ necessaria sunt. Itaque verisimilius videtur , nomine *Panis* Hebraicâ synecdoche primariò omnem cibum corpori necessarium significari , à parte , quæ excellit , inquit Aug. totum significando. Sed sicut sub cibo corporis intelliguntur omnia corpori sustentando necessaria , ut plerique notant , ita valde congruum videtur , ut sub eodem intelligatur omnis cibus , qui ad animam in hac peregrinatione sustentandam requiritur , maximèque corpus Christi , quia eodem *Panis* nomine usitatissimè vocatur , & speciebus ejus tegitur : ut ita sit quasi duplex sensus , unus literalis , & alter quasi mysticus , sed æquè principaliter intentus. Et hinc est , quòd vix ullus veterum corpus Christi excluderit , utpotè qui verè sit panis filiorum ; sicut & hæc oratio filiis propria est. Plerique autem utramque expositionem junxerunt , ut Tertull. lib. de Orat. Cyprian. de orat. Dominicâ , Theophilaët. hîc , Aug. sæpissimè ; ut sermone 9. de diversis , ubi dicit : Sanè duobus modis intelligenda est ista petitio , sive pro necessitate carnalis victûs , sive etiam pro necessitate spiritualis alimonix : item serm. 48. de diversis , epist. 121. c. 11. Libro verò 2. de sermone in monte c. 7. expressè dicit : si quis etiam de victu corporis necessario , vel Sacramento Dominici corporis istam sententiam vult accipere , oportet , ut conjunctè accipiantur omnia tria , ut scilicet quotidianum panem simul petamus & necessarium corpori , &

II. Panem nostrum supersubstantialem da nobis hodie.



Sacramentum visibile, & invisibile verbum Dei. Dicitur autem *nos*, id est, nobis necessarius, non solum pauperibus, sed & divitibus: illis, ut habeant; his, ut non amittant. Quod enim eis non deest, misericordiæ Dei est, non potentiæ ipsorum, inquit Aug. serm. 48. \* *Super substantialem*: Græcè *ἐπισημασμένης*, de quo verbo magna contentio est. Videtur autem derivari ab *οὐσία*, id est, *substantia*, sicut *ἐπισημασμένης*, & similes derivationes, ut sit panis *ἐν ἡ ἐνοσία ἐπισημασμένης*, id est, panis substantiæ nostræ conservandæ idoneus, vel sufficiens, vel necessarius, prout interpretati sunt plerique Græci, Suidas, Theophil. hic, & Basil. quæst. 252. inter breviores. Unde Syrus transtulit *panem sufficientiæ nostræ*, vel ut alii vertunt, *indigentia*, seu *necessitatis nostræ*, id est, panem non voluptatis aut luxus, sed necessitatis. Nam, ut Aug. citat. serm. 48. impudentia est, ut ab eo petas divitias; non est impudentia, ut petas panem quotidianum. Aliud est, unde superbias, aliud unde vivas. Et hinc est, quod ille panis vocatur Lucæ 11. *quotidianus*, id est, quo substantia nostra indiget quotidie; nam ejus explicatio est \* *Da nobis hodie*. Hoc autem Aug. solet exponere pro toto præsentis vitæ tempore: sed nihil obest, quin pro præsentī etiam die accipiatur, ut ita Christus doceat, inquit Cypr. diurnum cibum petere, nec in longum desideria petitionis extendere, juxta id, quod expressè infra c. ult. prohibet, sollicitum esse de crastino.

12. Et dimitte nobis debita nostra, sicut & nos dimittimus debitoribus nostris

12. \* *Et dimitte nobis debita nostra*. Peccata dixit Lucas. Unde & infra c. 18: v. 14: & seq. per debita illa pecuniaria significata sunt peccata seu offensæ, quia hominem apud Deum reum & pœnæ debitorem constituunt. Hæc ergo dimitti nobis petimus, hoc est, eorum culpas deleri, ita ut Deus nobis propter ea non amplius offensus maneat: sicut hoc patet ex conditione sequenti, quæ non de castigationis, sed offensarum remissione loquitur. Et ita exponit Aug. tum hic tum alibi passim: nam pro pœnæ remissione potius ultimâ petitione deprecamur.

Itaque hæc oratio est quotidiana quædam mundatio baptizatorum à peccatis levioribus: ut ita semper memores vivant & infirmitatis suæ, quâ peccatis obnoxii sunt, ne in superbiam efferantur; & paternæ misericordiæ, ne desperent.

\* *Sicut & nos dimittimus debitoribus nostris*: id est, illis, qui in nos peccando nos offenderunt: non enim agitur vel de pecuniæ vel pœnæ remissione, sed injuriarum. Nam qui dimissâ peccati offensâ, quâ læsus est, tamen emendat verberibus eum, in quem potestas datur, vel coercet aliquâ disciplinâ, eleemosynam præstat, non solum injuriam dimittendo, sed etiam eandem pœnâ plectendo, ut Aug. in Enchir.

Enchir. c. 72. Non enim ordo vel charitatis vel iustitiæ hac oratione tollitur, sed odium & vindictæ cupiditas; ut scilicet suavitas animi erga fratrem in quocumque & quantiscumque delictis semper salva maneat, sine vindictæ amaritudine, etiam adversus inimicos. Illud autem, *sicut*, non habet hic vim accuratæ similitudinis, nec est regula dimissionis (non enim Deus nos, sed nos Deum in dimittendo imitari debemus, cum nobis ille incomparabiliter plura dimittat, juxta parabolam Matth. 18.) sed est conditio quædam præparatoria, & æquissima, ut patet hic ex v. 14. Unde Lucas dixit: *Siquidem & nos dimittimus*, idest, quandoquidem & nos dimittimus, æquum est, ut & tu dimittas nobis. Unde Cypran. Certâ nos conditione & sponcione constrinxit, ut sciremus, impetrari non posse quod pro peccatis petimus, nisi & ipsi paria faciamus. Similia habet Aug. serm. 48. de diversis c. 9. Itaque statuit hanc legem Christus, ut, quia nos quotidianâ peccatorum remissione indigemus, esset quasi fortissimum quoddam vinculum, imò necessitas conservandæ fraternæ dilectionis, quandoquidem pro humana infirmitate prorsus sine offensis aliquibus intercurrentibus esse non posset. Unde qui non dimittunt, & mentiuntur Deo, & suam de se sententiam dicunt.

13. \* *Et ne nos inducas in tentationem*: id est, ne nos induci sinas efficiendo scilicet ne tentationi succumbamus. Non ergo petitur, ne tentemur, sed ne tentationi consentiamus. Tentari enim plerumque utile est, ut probemur, ut exerceamur, ut nos ipsos cognoscamus, ut in humilitate contineamur: *qui enim non est tentatus, quid scit?* Eccl. 34. 9. Efficit hoc Deus duobus modis: partim tentationes juxta vires hominis moderando, ut possit sustinere; partim suâ novâ gratiâ animum roborando, ut resistat. Inducit autem Deus in tentationem, id est, induci patitur eum, quem suo auxilio deseruerit. Itaque hoc petimus, inquit Aug. epist. 121. cap. 11. ne deserti Dei adjutorio alicui tentationi vel consentiamus decepti, vel cedamus afflicti, nempe aut luce carendo, quâ peccatum tentationisve fallaciam cognoscamus, aut dilectione iustitiæ, quâ peccati blanditiis aut cruciatibus resistamus: de quo Aug. l. 2. de peccat. mer. c. 19:

\* *Sed libera nos à malo*. eâdem illâ tentatione, inquit Aug. cit. serm. 48. c. 13. ut sic adversativa particula repetat idem affirmativè, quod præcesserat negativè; quo modo intellexit & Tertull. Et hoc sensu non erunt nisi sex petitiones. Sed Cyprian. & idem August. tum lib. 2. de serm. Dom. in monte, tum alibi sæpius, statuit septem petitiones. Nec enim ullo modo necesse est, ut adversativa semper idem repetat, quod præcessit.

13. Et ne nos inducas in tentationem. Sed libera nos à malo. Amen.



Porro malum restrictè alii intelligunt diabolum, velut præsidem & artificem tentationum, ut eum Tertull. vocat : incertum est enim, an *malum* sit neutrum, an masculinum. Aug. l. 2. de pecc. mer. c. 4. intelligit ipsam concupiscentiam ; internum omnium tentationum fontem : ubi pulchrè tres ultimas petitiones distinguit ; quasi diceremus, dimitte nobis eas, in quibus sumus abstracti à concupiscentia : adjuva, ne abstrahamur à concupiscentia : aufer à nobis concupiscentiam. Rectius cum eodem August. *malum* generaliter intellexerimus, sive diabolum, ne infestet; sive concupiscentiam, ne titillet; sive mortalitatem universam, ne nos affligat. Nam ut idem epist. illa 121. illud ultimum *libera nos &c.* tam latè tamque evidenter patet, ut homo Christianus in qualibet tribulatione constitutus in hoc gemitus edat, in hoc lachrymas fundat, hinc exordiat, in hoc immoretur, ad hoc terminet orationem. Comprehendimus enim, ut loquitur Cyprian. adversa cuncta, quæ contra nos in hoc mundo molitur inimicus: quod ubi diximus, nihil remanet, quod ultra adhuc debeat postulari. Unde non complebitur plenè hæc petitio, nisi in resurrectione mortuorum.

Ex his patet, cum oratio sit interpres desiderii, hæc oratione omnia omnino desideranda postulari, idque prorsus eo ordine, quo desideranda, non quo exequenda sunt. In desiderando autem primum est finis; deinde media. Finis omnium est Deus: in quem fertur affectus noster dupliciter, vel ipsius gloriam in seipsa diligendo, vel nos in ipso Deo. Primum itaque petitur sanctificatio nominis ejus, ut scilicet gloria ejus in universo mundo clarescat: deinde ut regnum ejus adveniat, id est, gloria ejus completa, & ad gloriam istam perveniendo nos in ipso, & cum ipso regnemus. Ad istum verò finem aptamur, per se quidem bonis velut mediis ad consecutionem ejus utilibus; per accidens verò carendo malis, velut à beatitudine nos prohibentibus. Itaque inter media primum & proximum est gratia Dei, & meritum hominis, quæ petuntur eo ipso quo petitur, ut fiat voluntas Dei: subserviunt illis omnia, quæ ad sustentationem sive corporis sive animæ pertinent, & in pane quotidiano postulantur. Mala verò, quæ nos à consecutione finis prohibent tria sunt: primum & maximè omnium peccatum; deinde peccati tentatio; denique universa vitæ præsentis pœnalitas, velut omnium tentationum & peccatorum seminarium. Hæc tria prohibentia eodem planè ordine removeri petimus tribus ultimis petitionibus. Nam in illis tribus deprecamur mala, sicut in quatuor primis precamur bona: ita tamen, ut ea tria, quæ in æternum permansura sunt, præmittantur, ultimum verò sit panis quotidianus,

dianus, qui soli temporali vitæ competit. Vide de illis Aug. lib. 2. de serm. in monte cap. 10. & D. Thom. 2. 2. q. 83. art. 9.

14. \* *Si enim dimiseritis hominibus*, id est, æqualibus, conservis, longè minora in vos peccantibus, \* *dimittet & vobis Pater*, nempe si adsint & cætera necessaria: sic enim affirmativæ promissiones & propositiones intelligi debent. Redditur autem istis verbis ratio istius modi orandi, *Sicut & nos dimittimus &c.* ut indicaret, nullum esse promptiorem dimissionis consequendæ modum, quàm dimittendo; & contrà, nullâ re arctius peccata retineri, quàm iræ atque odii reservatione. Imò, ut Aug. hîc, si in ista pactione mentimur, totius orationis nullus est fructus. Unde adjicit.

15. \* *Si autem non dimiseritis &c. nec Pater dimittet vobis peccata vestra.*

16. \* *Cum autem jejunatis.* Præmisit orationi eleëmofynam, nunc ei velut alteram alam, quâ in cælum volet, adjungit jejunium, sub quo omnem corporis afflictionem comprehendere. Excludit ab eo similiter omnem jactantiam, quæ in sordibus luctuosus eò periculosior est, quò sub nomine servitutis Dei decipit. Itaque \* *Nolite fletu tristes* id est, tetrici vultu, severitatis sanctitatisque simulatione scilicet, \* *Sicut hypocritæ*: qui videntur exterius agere, quæ temperantiæ sunt, cum tamen inani gloriæ studeant. \* *Exterminant enim facies suas.* Græcè ἀπαῖσσι, quod Chrysost. exponit *corrumpunt*, melius Syrus *deturpant*, Hilar. *conficiunt*, id est, nativum & vegetum colorem obsecurant ac perdunt affectato pallore tristisque vultus severitate. \* *Ut appareant hominibus jejunantes*: id est, ut omnibus conspicuum sit & constet eos jejunare. Non enim tam arguit hîc simulationem jejunii, quàm ostentationem. Hanc ergò ut caveas, cùm jejunas.

17. \* *Vnge caput tuum & faciem lava*: id est, studiosè dissimula te jejunare hilaritatem potius præferendo, quemadmodum qui se ungunt & lavant. Est enim locutio metaphorica ab usu Orientalium & Palestinarum sumpta: ubi, sicut hîc notat Hieron. diebus festis ungebant caput, in luctu verò unguentis & lotionibus abstinebant, cujus usus exempla videre licet in Ruth cap. 3. 3. & clarissimè in Judith cap. 10. 3. Unde David 2. Reg. 12. 20. post luctum lotus unctusque dicitur. Itaque qui per *unctionem* intelligunt Chrisma, per *lotionem* Baptismum, ut Basil. serm. 1. de jejun. vel unctionem Christi, qui caput est, & ablutionem à peccatis, ut Ambros. lib. de Elia & jejun. c. 10. mysticos sensus adferunt.

19. \* *Nolite thesaurizare vobis thesauros*, id est, opes terrenas congerere, \* *in terra*, seu super terram, scilicet in hoc mundo peritura: \* *ubi ærugo* (Græcè *comestura*, quæ latius patet ærugine) \* *& tinea demolitur,*

14. Si enim dimiseritis hominibus peccata eorum: dimittet & vobis pater vester cælestis delicta vestra.

15. Si autem non dimiseritis hominibus: nec pater vester dimittet vobis peccata vestra.

16. Cum autem jejunatis, nolite fieri sicut hypocritæ tristes, exterminant enim facies suas ut appareant hominibus jejunantes. Amen dico vobis, quia receperunt inæcedem suam.

17. Tu autem cum jejunas, unge caput tuum, & faciem tuam lava.

18. Ne videatis hominibus jejunans, sed Patri tuo, qui est in abscondito: & pater tuus qui videt in abscondito, reddet tibi.

19. Nolite thesaurizare vobis thesauros in terra, ubi ærugo, & tinea demolitur.



& ubi fures effodiunt, & furantur.

litur, quia illa erodit metalla, hæc absomit vestes, in quibus magna pars divitiarum posita est. Quod si quid forsan istas corruptiones evadat, tamen *\* fures effodiunt*, seu perfodiunt, terram & parietes, quibus occultantur, & *furantur*.

20. Thesaurizate autem vobis thesauros in celo: ubi neque arugo neque tinea demolitur; & ubi fures non effodiunt, nec furantur.

20. *\* Thesaurizate autem vobis thesauros*, non perituros vel periculis obnoxios, *\* in celo*, & apud Deum scil. per bonorum operum frequentationem, maximèque eleëmofynarum elargitionem. Dat enim hic rationem tutò collocandi & asservandi thesauros etiam terrenos, si quos habuerint, ne eos largiendo perdere viderentur.

21. Ubi enim est thesaurus tuus, ibi est & cor tuum.

21. *\* Ubi enim est thesaurus tuus*, id scilicet, quod maximè instar thesauri tibi charum est, *\* ibi est & cor tuum*: hoc est eò totus cordis affectus confluit, seu eo tota cordis cogitatio, omnis amor, timor, spes, metus, ira, tristitia occupabitur. Nam, ut Aug. 13. Confess. c. 9. Pondus meum amor meus, eo feror, quocumque feror. Quà proverbiali locutione significatum Christus voluit, indignum esse, ut cælestis animus, qui Patrem invocat Deum, ac cæli hæres est, curis terrenis in terram deprimatur, & cum auro ibi defosso etiam cor defodiatur, ut Basil. hom. in divites avaros.

22. Lucerna corporis tui est oculus tuus. Si oculus tuus fuerit simplex, totum corpus tuum lucidum erit.

*\* Lucerna corporis tui est oculus*: id est, oculus corporalis toti corpori est instar lucernæ, quâ illustratum corpus, omniaque membra ritè fungantur officio suo. *\* Si oculus fuerit simplex*, id est, purus & sanus, nullis humoribus perturbatus, *\* totum corpus tuum lucidum erit*; quia singula membra sua fruuntur luce, ut munia sua ritè peragant.

23. Si autem oculus tuus fuerit nequam, totum corpus tuum tenebrosum erit. Si ergo lumen quod in te est, tenebræ sunt: ipsæ tenebræ quantæ erunt?

23. *\* Si autem fuerit nequam*, (Græcè *πονηρός*, id est, malus seu vitiosus, cæcitate scil. lippitudine, aliisve sordibus obscuratus,) *\* totum corpus tuum tenebrosum erit*, quia singula membra, velut in tenebris palpantia, erunt erroribus obnoxia.

*Si ergo lumen, quod in te est*, scilicet ipse oculus, qui corpori est instar luminis, *\* tenebræ sunt*, seu in tenebras versus fuerit, *\* ipsæ tenebræ quantæ erunt*? Id est, quanta erit caligo reliqui totius corporis, omni omnino alio lumine destituti? Hic est cortex sermonis istius parabolici, in quo *oculus* significat, juxta Ambr. ser. 14. in Psal. 118. conscientiam: vel, quod ferè idem est, juxta Chrysost. mentem hominis, quam paulò antè cor vocaverat, ex intellectu scilicet & voluntate constantem. Quæ si munda fuerit, à terrenorum cupiditatibus libera, in cælum tantum erecta, totum corpus reliquorum affectuum & actionum erit justitiæ luce fulgens: sin fuerit avaritiâ, aliisve terrenis cupiditatibus excæcata, omnia tenebris peccatorum involventur. Aug. per *oculum* intelligit intentionem, quæ si simplex & recta fuerit, soli Deo, non temporalibus thesauris, aut bonis in-

tenta,

renta, quidquid ex ea & secundum eam operamur, bonum esse necesse est, & malum, si mala est. Intellige, si aliundè non sit defectus.

24. *Nemo potest duobus Dominis servire.* Proverbium est vulgò tritum, & experientiâ plerumque verum: quo indicatur, fieri non posse, ut quis pari affectu duobus dominis seruiat, quia ferè moribus & indole discrepant, & contraria imperare solent. Et hinc fit, quòd amor servi non possit in eos dividi: sed \* *unum ex his odio habebit, & alterum diligit*: & consequenter illi morosè, huic promptè obsequetur: aut, si neutrum istorum eligat, quemadmodum ferè servi seu mancipia solent, \* *unum eorum sustinet, id est, imperium ejus patienter feret, ei tamquam Domino adhærens, ut legunt Græca: & alterum contemnet.* Hâc ergò proverbiali locutione occurrit tacitæ & communi avarorum cogitationi, qui putant se cælum & terram simul posse lucrari, cordis partem in cælestia & terrena dividendo. Itaque applicans ad propositum Christus, \* *non potestis Deo servire & Mammonæ.* Vox est Syriaca, significans omnia, quæ ad rem pecuniariam pertinent, & nomine divitiarum continentur, ut Hieron. hîc & Epist. 22. ad Eustoch. Vox autem sine interpretatione relicta est, ut magis conveniret prosopopœia, quasi dominus esset aliquis, cui avari tamquam Deo suo serviunt, cujusmodi Poëtæ Plutum fingunt. Unde & Apostolus ad Eph. 5. v. 5. avaritiam *idolorum servitutem* vocat. Non dicit autem, Non potestis habere Deum & Mammonam seu divitias, sed non potestis utrisque servire. Habere enim divitias, si eis imperes ac domineris, utendo eis, ut Deus jubet, sine vitio est: sed servire eis, hoc est, eis cor apponere & toto affectu animi ita subiectum esse, ut, quidquid ad eas accumulandas & conservandas cupiditas jubeat, hoc fiat, istud verè vitiosum est, & impossibile ut cum Dei servitute consistat, quia hæc prorsus opposita jubet, ut scilicet erogentur & contemnantur.

25. \* *Ideo*, quia scilicet cor non est in thesauris figendum, Mammonæque serviendum, sed soli Deo: \* *Dico vobis, ne solliciti sitis animæ vestræ, quid manducetis*: non quasi anima manducet, sed quod manducando in corpore conservetur: vel certè *Anima* more Hebraico pro vita temporali sumitur, ut Job 2. v. 6. quæ scilicet manducando producit, & fame extinguitur. Itaque Christus cum servitutem divitiarum exclusisset, simul excludit sollicitudinem pro rebus necessariis, quâ avaritia plerumque velari solet, & cor terrenis curis implicari, atque à Dei servitute divelli, & ad avaritiam disponi. Non vetat autem laborem pro necessariis, vel etiam diligentiam, quæ laudabilia sunt, sed sollicitudinem. Græcè *μεριμνα*, id est, anxiam

24. Nemo potest duobus Dominis servire: aut enim unum odio habebit, & alterum diligit: aut unum sustinebit, & alterum contemnet. Non potestis Deo servire & mammonæ,

25. Ideo dico vobis, ne solliciti sitis animæ vestræ, quid manducetis, neque corpori vestro quid indumini. Nonne anima plus est quam esca: & corpus plus quàm vestimentum.



illam sollicitudinem, quâ animus in diversa distractus se vexat, & cum quodam metu non assequendi totus in eo positus est, ut sibi de necessariis prospiciat, nihil pendens à divina providentia. Talis sollicitudo plerumque plura congerit, quàm necesse sit, & præpostera est, tempus præoccupans, ut indicatur vers. ult. & soli sibi seu diligentiae atque industriæ suæ fidit, nihil Deo, ut v. 31. 32. Et quia hæc pro necessariis sollicitudo corruptis hominum moribus maximè usitata est, hinc in toto Evangelio nullus animi affectus tanto studio ac tot argumentorum machinis à Christo oppugnatur & evellitur.

\* *Nonne anima plus est quam esca* ? Hæc prima ratio est à majori : q. d. nonne vita est præstantior, quàm id, quo alitur vita ? & corpus, quàm id, quo tegitur corpus ? Supplendum est autem : Deus verò dedit illa majora, ergò dabit & minora, quibus ipsemet vitam sustentari & corpus tegi voluit.

26. Respicite volatilia cæli, quoniam non serunt, neque metunt, neque congregant in horrea : & Pater vester cælestis pascit illa. Nonne vos magis pluris estis illis ?

26. \* *Respicite volatilia* ; quæ longè minorem, quàm terrestria videntur victui quærendo diligentiam adhibere. Addit autem \* *cæli*, ut distinguat à domesticis, quæ ab hominibus aluntur, \* *quoniam non serunt, &c.* id est, non adhibent ne quidem illum laborem ac diligentiam, quam vos ex Dei instituto adhibetis, & tamen \* *Pater vester*, cum volatiliū non sit nisi creator & dominus, \* *cælestis*, qui scilicet omnia terrena, sicut & ipsum cælum ac terram, habet in potestate, \* *pascit illa*, providentiam suam ad illa etiam minuta protendens. \* *Nonne vos magis pluris estis illis* ? Id est, nonne vos, qui ad imaginem illius creati estis, in filios adoptati, & propter quos creavit reliqua, præcellitis volatilibus, & consequenter fidere debetis vos ab eo esse pascendos ? Cum ex instituto ejus seratis & metatis ? Est enim hæc secunda ratio efficacissima à minori.

27. Quis autem vestrum cogitans potest adjicere ad staturam suam cubitum unum ?

27. \* *Quis autem vestrum cogitans*, id est, anxia illa sollicitudine se excrucians ; est enim idem verbum Græcè quod supra verterat *sollicitum* esse ; \* *potest adjicere ad staturam suam cubitum unum* ? Cum potius sollicitudo staturam rodendo minuatur. Perficit argumentationem hanc Lucas, *Si ergò neque quod minimum est potestis, quid de cæteris solliciti estis* ? Ex quo patet tertiam hanc rationem peti à minori ad majus : & consequenter non posse referri ad id quod sequitur de vestimento, sicut Aug. retulit, quia vestimenta multò minora sunt. Sed potius referri debet ad id, quod præcessit vers. 25. de torius vitæ conservatione in corpore per victum : q. d. cum id, quòd minimum est, uno scilicet cubito majores fieri vestrâ anxietate non possitis, multò minùs vitam vestram sustentabitis tali vestrâ sollicitudine. Sic ergò à victu generatiū tractato descendit jam ad vestimenta.

28. \* *Et de vestimento quid solliciti estis?* Cùm longè minoris necessitatis sit quàm victus. Porro quemadmodum supra à volucribus, ita nunc à floribus exemplum divinæ sollicitudinis petit, ut istà quartâ ratione velut à minori ad majus efficacius eorum excutiat sollicitudinem. Itaque \* *considerate, lilia*, in quibus singularis est pulchritudo ac decor, & in primis foliorum ordinatissimè assurgentium quasi amictus, quo vestiuntur. Addit autem \* *agri* quia illa totum debent divinæ providentiæ, hortensia verò aliquid humanæ curæ. \* *Quomodo crescunt*: id est, quâ pulchritudine floris, quâ foliorum gratiâ velut vestium assurgunt? Non enim de incremento magnitudinis loquitur, quod potius victui responderet. \* *Non laborant*, ad assequendum indumentum, ut solent viri: \* *neque nent*, ut solent mulieres: hoc est, sollicitudine prorsus vacua sunt. Non enim, ut Chrysost. hom. 25. opus prohibuit, sed sollicitudinem, sicut & suprâ de satiatione.

28. Et de vestimento quid solliciti estis? Considerate lilia agri, quomodo crescunt: non laborant, neque nent.

29. \* *Dico autem vobis, quoniam nec Salomon*, pulchritudinis ac decoris studiosissimus, potentiâ, sapientiâ, opibus præcellens omnibus, quibus excogitantur ea, quæ ad vestitum pertinent. \* *In omni gloria sua*, id est, etiam tum, cùm in fastigio gloriæ suæ fuit, \* *cooperatus est*, seu amictus, \* *sicut unum ex istis*, tantâ scilicet vestium pulchritudine & gratiâ. Quod enim sericum, inquit Hieron. quæ Regum purpura, quæ pictura textricum potest floribus comparari? Quanta veritatis & falsitatis, tantâ vestimentorum & florum differentia est, inquit Chrysost. hom. cit. quia scilicet naturam divinæ providentiæ artificium hominum curâ & industriâ imitatur, & non assequitur.

29. Dico autem vobis, quoniam nec Salomon in omni gloria sua cooperatus est sicut unum ex istis.

30. \* *Si autem fenum agri*, id est, herbam agrestem, rem scilicet abjectissimam, \* *quod hodie est*, in rerum naturâ, \* *cras*, seu tantillo pôst, \* *in clibanum mittitur*, ad succendendum furnum, \* *Deus sic vestit*, tanto scilicet pulchritudinis excessu: \* *quanto magis vos* propter quos & flores, & mundum universum condidit, & quos in æternum secum vivere voluit, \* *modicæ fidei?* Qua increpatione radicem anxii illius sollicitudinis succidit: differentia enim ista ex parva fide oriri solet. Nam ut magna fiducia in Deum ex magna fide de providentia ipsius nascitur, ita dissidentia ex ejus defectu.

30. Si autem fenum agri, quod hodie est, & cras in clibanum mittitur, Deus sic vestit: quanto magis vos, modicæ fidei?

31. \* *Nolite ergo talium scilicet exemplorum cogitatione de divina providentia muniti ac stabiles*, \* *solliciti esse*, æstibus cogitationum discrucari & jactari, ita ut penuriæ timor in hujusmodi anxias cogitationes vos conjiciat, \* *dicentes: Quid manducabimus*, &c.

31. Nolite ergo solliciti esse, dicentes: quid manducabimus, aut quid bibemus, aut quo operietur?

32. \* *Hæc enim omnia gentes*, quæ vel Deum rebus humanis præesse non credunt, ideoque inquit Chrysost. meritò timent & desperant,

32. Hæc enim omnia gentes inquirunt, scilicet enim Pater vester, quia his omnibus indigetis.



rant, quasi neminem habeant gubernantem, vel sublimiora ejus bona nesciunt, \* *inquirunt* : id est, hoc unum agunt, ut tamquam propriâ industriâ toto animi studio & sollicitudine res isti vitæ necessarias parent. Hæc est ratio ab iis petita, à quorum moribus Dei filios convenit esse dissimillimos. \* *Scit enim* tamquam omniscius, \* *Pater vester*, ideoque benignissimus, & affectu in filios suos tenerrimo, \* *caelestis*, ideoque ad præstandum potentissimus. Tangit enim breviter tres causas, ex quarum defectu oriri solet dissidentia de aliquo, scientiam, voluntatem, & potestatem : \* *Quia his omnibus*, cibo, vestitu, potu, habitatione, & similibus, \* *indigetis*, ut ita juxta Chrysost. quam ob causam plerique maximè auxilii esse solent, vos è contrario magis sollicitudinem abjiciatis, quia nempe necessaria sunt, seu quia his indigetis.

33. Quarite ergo primum regnum Dei, & justitiam ejus: & hæc omnia adjicientur vobis.

33. \* *Quarite ergo*, Græcè *ζητετε δὲ*, *quarite autem*, quia est oppositio respectu illius, *Hæc enim omnia gentes inquirunt* : quare dicitur. Sed vos è contrario \* *quarite primum*, id est, ante omnia, ita scilicet ut illa prima cura sit, ibique finis constituatur, propter quem omnia faciamus, quæcumque facimus. Non enim vetat omnino quæri temporalia necessaria, cum ipsemet dici jusserit, *Panem nostrum quotidianum da nobis hodie* : sed potius dicendo, *primum* significavit, quod hæc posterius quærenda sint, non tempore, inquit Aug. sed dignitate, hoc est, propter aliud, nempe \* *regnum Dei* : illud scilicet, quod in Oratione Dominica petimus, ut adveniat : q. d. Illud unicum studete, ut participes possitis esse illius beatissimi regni Dei. \* *Et justitiam ejus*, non regni seu βασιλείας, quia est terminum, Græcè *δὲ αἰε*, id est, Dei; quærite justitiam, quâ non coram hominibus, sed coram Deo justi sitis per fidem & observationem mandatorum ejus : quam justitiam idcirco cum regno quærendam docet : quia non aliâ ratione regnum Dei quæri debet aut obtineri potest. \* *Et hæc omnia*, temporaliter necessaria, \* *adjicientur vobis*, sine vestra sollicitudine, non veluti merces, sed instar auctarii, quod rebus pretiosis, dum emuntur, adjici solet; sicut luculentè in Salomone patuit 3. Reg. 3. v. 13. Idcirco ergo non dixit, quærite secundò illa tametsi propter aliud quæri possint, sed dixit, *adjicientur*, ne, inquit August. cum ista quærimus, illinc avertamur : vel ne duos fines constituamus, ut & regnum & ista necessaria propter seipsa quæramus. Hoc enim propriè quæritur, quod propter se quæritur. Qui autem necessaria propter regnum quærit, non illa sed regnum quærit. Jubeat itaque, ut ista non quæras, isto sensu, non ut non accipias, sed potius ut abundantius accipias, quemadmodum observavit Chrysost.

34. \* *Nolite ergo solliciti esse.* Conclusio est ex omnibus præcedentibus : q. d. Propter hæc omnia , quæ dicta sunt , de cura Dei circa ista necessaria , nolite solliciti esse , \* *in crastinum* , seu de crastino. Per quod intelligit Chrysost. superflua : sed *crastinum* , ut notat Hieron. sumitur Hebraicâ phrasi pro futuro tempore. Non quasi vetaretur omnis provisio in futurum , sicut humano more fieri solet , ut hîc Aug. latius disputat ; nam & Christus loculos videlicet ad servandum in futurum , habuit , & Joseph frumenta in septennium providit : sed vetatur , ne præsentî tempore earum rerum curâ & sollicitudine torqueamur , quæ juxta rectam rationem in futurum differenda est. \* *Crastinus enim dies sollicitus erit sibi ipsi* , seu de seipso. Est prosopopœia , quâ diei tribuitur , quod hominibus convenit , ut observat Chrysost. hom. 23. Significat autem futurum tempus opportunum fore , ut ea , quæ pro illo curari debent , procurentur : vetat enim ne inutiliter miseri simus ante diem , & ideo bis miseri. Illa quippè præpostera cura ex eo nasci solet , quod homo non cogitet esse Deum , qui singula suis temporibus curet , ideoque vult suâ sollicitudine antevertere , totumque quasi ex industria sua suspendere , ut in iis clarè patuit , qui ex simili diffidentia manna servare volebant in aliquot sequentes dies , Exod. 16. v. 20. \* *Sufficit diei unicuique malitia sua* : id est , afflictio , quàm ultrò secum fert , & quæ ei in procurandis rebus necessariis debetur : ideoque non est opus eam anticipatis futuri temporis molestiis augere.

34. Nolite ergo solliciti esse in crastinum. Crastinus enim dies sollicitus erit sibi ipsi , scilicet diei malitia sua.

Ex quibus patet , nolle Christum hominibus excutere omnem diligentiam vel provisionem rerum futurarum , quasi vellet nos alitum more vivere. Nam Prov. 6. v. 6. mittit nos ad fornicas , ut de futuro discamus esse solliciti , & alioquin nec ferere nec plantare liceret : sed tantum tollit sollicitudinem illam timidam diffidentem Deo , ac discrutiantem animos , adeoque anticipatam ac præposteram , qualis est gentium & hominum , qui non credunt aut fidunt quicquam paternæ Dei providentiæ.

## CAPUT SEPTIMUM.

Post interpositam toto præcedenti Capite doctrinam de vitanda laudis humanæ cupiditate , rerumque terrenarum anxia sollicitudine , redit hîc ad doctrinam de dilectione proximi , & ad reselandum aliud vitium Pharisaicum , quo solent homines sinistrè interpretari dubia , calumniari recta , exaggerare levîa , sibi peccantibus parcere , alios severè condemnare , excolantes verè culicem & camelum glutientes. Itaque.



1. Nolite judicare, ut non judicemini.

1. \* *Nolite judicare.* Non prohibet quodlibet judicium, quo peccata aperta vel condemnantur, vel castigantur, vel corripiuntur, vel vituperantur. Hoc enim judicium & exercuit Petrus adversus Ananiam, & Paulus in fornicarium, & Christus erga Phariseos; dum toties eos objurgat, & vœ minatur, unde & Joan. 7. v. 14. dicit, \* *Iustum judicium judicate*: sed vetat judicium malignum ac temerarium. Unde Hieron. hic non prohibuit judicare, sed docuit. Itaque vetamur malignum, hoc est condemnationis judicium proferre de dubiis. *Judicium* enim pro sententia, & *Judicare* pro condemnare sumitur. Dubia autem illa Aug. revocat ad duo capita. Primum, cum incertum est, quo animo quidque factum est: sunt enim quædam facta media, quæ ignoramus quo animo fiant, cum bono & malo fieri possint: de quibus temerarium est judicare, maximè condemnando. Alterum, cum incertum est, qualis futurus sit, qui nunc malus apparet, & ita reprehendimus, quasi sanitatem ejus desperemus. Unde & Paulus simile judicium de rebus dubiis vetans ait: *Noli judicare ante tempus*: quia scilicet dubia suo tempore, quando erunt certa & manifestata, judicabuntur. \* *Ut non judicemini*, ab hominibus, inquit aliqui, id est, ut non contingat vobis idem ab aliis. Sic enim plerumque fieri solet, ut severiorum censorum severe ab aliis censeantur. \* *In quo enim judicio judicaveritis, &c.* Generalior tamen & etiâ verior erit sententia, si de judicio Dei intelligatur, ut ferè intelligunt veteres, Aug. Chrysost. & alii. Itaque, \* *ut non judicemini*, id est, ut non incidatis in severissimum judicium Dei.

2. In quo enim judicio judicaveritis, judicabimini. & in qua mensura mensi fueritis, remetietur vobis.

2. \* *In quo enim judicio judicaveritis, judicabimini.* An ergò temerè & inique judicabimur à Deo, si temerè & iniquè judicaverimus? Respondet Aug. tum hîc tum Epist. 49. q. 4. nos eodem judicio judicari, quia temeritas, quâ punimus alium, eadem ipsa nos punit, quia scilicet illa ipsa est causa punitionis. Sed quia Christus non tam identitatem causæ judicii nostri quàm comparisonem utriusque judicii instituit, vulgari loquendi modo ad vulgum usurpato magis congruere videtur, ut eodem judicio judicari dicamur, quo judicavimus, nempe vel excusationis vel condemnationis: ut scilicet si candidè benignèque alios censuerimus, Deus vicissim benignè de nobis judicet, sin severè condemnaverimus, Deus nos condemnet, & severè tractet. Unde similiter intellige, quod sequitur: \* *Et in qua mensura mensi fueritis, remetietur vobis.* Hinc Aug. l. 21. de Civit. c. 11. objicientibus pro peccato temporalis pœnam non debere esse æternam, respondet: eandem dictam esse mensuram, non propter æquale temporis spatium, sed propter vicissitudinem mali, hoc est, ut qui mala

mala fecerit, mala patiat. Significat enim quòd talem se Deus exhibebit, qualem se aliis exhibuerint, aut benignum, aut severum.

3. \* *Quid autem vides festucam, &c.?* *Festuca* minima ligni particula est, *Trabs* magna: unde *Festuca* minora vitia significat, *Trabs* ingentia. Tota enim locutio, sicut & præcedens, adagialis est, tempore Christi usitata; sicuti ex eo patet, quòd utraque crebrò in antiquorum Judæorum libris occurrat. Itaque reprehendit hic aliquod vitiosissimum iudicii & Judicum genus, qui occulatissimi sunt, ut in aliis delicta levia videant, gravissima in seipsis non videant: Neque tantum ea vident, sed etiam corrigere & corripere volunt, quibus ait:

4. \* *Aut quomodo*, id est, quâ fronte dicis: \* *Sine ejiciam festucam*, &c. id est, permitte à me sanari vitium tuum. Qui enim corripit alterum, similis est ejicienti festucam ex oculo: hic enim corpus, ille animum corrigere studet. \* *Et ecce trabs*, id est, cum tamen tu gravioribus labores. Quod genus hominum rectè vocat *Hypocritas*, id est, simulatores, sive quia prætextu emendationis condemnationem tantum & confusionem alterius quærunt (si enim ex dilectione correctionem quærerent, potius graviora in se corrigerent:) sive, ut Aug. quia accusare vitia, officium est bonorum virorum & benevolentium; quod cum mali faciunt, alienas partes agunt, sicut hypocritæ: sive denique quia ex aliena reprehensione sanctitatis opinionem venari student, cum minimè sancti sint.

5. \* *Ejice primum trabem de oculo tuo*, id est, corrige prius in te ipso graviora. \* *Et tunc videbis*, seu videre poteris, \* *ejicere festucam*, &c. id est, tunc purgatus omninò idoneus eris, qui aliorum peccata corripas, & corrigas, quia, ut Aug. videbis ea oculis columbæ, id est, cum animi simplicitate ac dilectione. Multa enim dissimulabis, bene interpretaberis, excusabis, tolerabis: denique ex propriæ infirmitatis consideratione cum humilitate & fructu argues. Sed ne quis putaret hoc dilectionis beneficium quibuslibet vitiosis esse præstandum, prudentiam simplicitati miscendam esse docet. Itaque

6. \* *Nolite dare sanctum canibus, &c.* Multi operosè distinguere conantur *sanctum* & *Margaritas*, *Canes* & *Porcos*: atque inde sententia ista in diversos sensus trahitur. Verior & simplicior videtur sensus Aug. lib. 2. de serm. Dom. in monte: ut una eademque res & *sanctum* & *Margarita* dicatur, doctrina scilicet Evangelica & celestium mysteriorum thesaurus: *sanctum* quidem, quia divina sunt, quæ non debent corrumpi, *Margarita* verò, quia pretiosa, quæ non debent contemni. Similiter iidem dicuntur *Canes* & *Porci*, immundi

3. Quid autem vides festucam in oculo fratris tui: & trabem in oculo tuo non vides.

4. Aut quomodo dicis fratri tuo: sine ejiciam festucam de oculo tuo: & ecce trabs est in oculo tuo?

5. Hypocrita, ejice primum trabem de oculo tuo, & tunc videbis ejicere festucam de oculo fratris tui.

6. Nolite dare sanctum canibus, neque margaritas vestras ante porcos, ne forte conculcent eas pedibus suis, & converti dicunt vos.



scilicet homines, non tamen quilibet, sed qui vel latrando, ut canes, oppugnant & lacerant veritatem, vel conculcando, ut porci, eam contemnunt. Canis enim præterquam quòd sit immundissimus, utpote etiam voracissimus puditissimorum cadaverum, turpissimè salax, resorbens vomitum suum, insuper præ coleræ magnitudine in quolibet latrat: porci verò, præter fordes, conculcant cibum, & invadunt eum, qui porrigit, nisi dederit.

\* *Nolite ergo Sanctum*, id est, cælestia Evangelicæ veritatis documenta & mysteria, maximè nuda, \* *dare canibus*, id est, hominibus immundis latratoribus & oppugnatoribus eorum, ut Clemens Alex. 2. Strom. c. 1. Ubi fit allusio ad ritum veteris legis, in qua vetitum erat carnes sanctas, seu Deo consecratas, immundis, maximè canibus dare. Idem autem Scripturæ more docet sequenti hemistichio: \* *Neque mittatis* seu projiciatis, \* *margaritas vestras*, id est, eundem illum cælestis sapientiæ thesaurum, instar margaritæ pretiosum, \* *ante porcos*, seu contemptores ejus. Hanc enim porcorum istorum conditionem mox explicat. \* *Ne forte conculcent eas pedibus*; quo contemptus & rei pretiosæ profanatio significatur, dum sacra, quæ eis non placent, adversantur, irrident, blasphemant. \* *Et conversi dirumpant vos*, convitiis lacerando, verbis, factisque persequendo. Solent enim hujusmodi convertere aversionem à doctrina in ipsum Doctorem. Duplex hîc ergo tangitur præcepti ratio, nempe ne doctrina exponatur profanationi, & Doctor persecutioni. Ubi meritò quæritur, An ergò Christus dederit Sanctum canibus, qui Judæis resistantibus & contemnentibus sæpè prædicavit? Respondet Aug. Christum non dedisse Sanctum canibus, sed eis, qui capere poterant, & simul aderant, quos propter immunditiam & malitiam, aliorum negligi non oportebat.

7. Petite, & dabitur vobis: quærite, & invenietis: pullate, & aperietur vobis.

7. \* *Petite & dabitur vobis*. Lucas c. 11. subjungit ista Orationi Dominicæ: unde videtur Christus hîc perficere orandi modum quem supra tradiderat. Chrysost. verò putat modum tradi, quo difficilia præcepta Christi hætenus tradita impleri possint, nempe petendo ad ea, quæ desunt nobis, adjutorium Dei. \* *Petite itaque & dabitur vobis*, id est, certissimè exaudiet vos. Intellige, si nec in rebus petendis, nec in modo petendi defecerimus: nam cum illa limitatione intelligendum est id, quod mox additur.

8. Omnis enim qui petit, accipit: & qui quærit, invenit: & pullanti aperietur.

8. \* *Omnis enim qui petit accipit* &c. Porro de rebus petendis dicitur 1. Joan. 2. 5. v. 15. *Quodcumque petierimus, secundum voluntatem ejus audit nos*: id est, si petamus & bona & ad salutem utilia. Si enim vel mala petimus, vel bona infima & fragilia, vel ut ea in concupis-

centias

centias nostras infumamus, non est mirum, si petimus & non accipimus, Jacobi 4. v. 3. Unde August. initio epist. 34. Bonus Dominus, qui non tribuit sæpè quod volumus, ut, quod malumus, tribuat. Modus petendi tangitur ab Aug. lib. de nat. & grat. c. 17. Deus dat omnibus affluenter, inquit, utique his omnibus, qui sic petunt, & tantum petunt, quomodo, & quantum res tanta (cælestis scilicet sapientia) petenda est. Ubi per, *sic petere*, Aug. intelligit ibi, quod Apostolus Jacobus c. 1. quem explicat, nempe ut postulet in fide nihil hæsitans, id est, magnâ & humili fiducia: per, *tantum petere*, orationis instantiam ac perseverantiam. Nam, ut idem ait serm. 5. de verbis Domini cap. 5. cum aliquando tardius dat Deus, commendat dona, non negat. Diu desiderata dulcius obtinentur; citò autem data vilescunt & contempnuntur. Hanc orationis instantiam quam maximè orantibus necessariam esse indicat hîc Christus illâ inculcatione, *petite, quarite, pulsate*. Nam quamvis Tertull. lib. de præscript. cap. 8. & Aug. lib. 2. de sermone Domini in monte cap. 21. illa tria operosè distinguant; alii quoque exponant, *petite* orando, *quarite* rectè vivendo, *pulsate* perseverando; alii, *petite* fide, *quarite* spe, *pulsate* charitate: idem tamen Aug. lib. 1. Retract. c. 19. tradit, longè melius ad instantissimam petitionem omnia referri. Hoc enim ostendit v. 11. ubi eodem verbo *petendi* cuncta concludit.

9. \* *Aut quis est ex vobis homo?* Græcè, *Num quis est ex vobis homo?* Nempe quamvis immitis & malus. Opponit enim hominem naturâ jam depravatum benignissimo & omnis malitiæ experti Deo, ut impetrandi facilitatem probet non solum à minori, sed etiam à contrario, ut ex v. 11. patet. \* *Quem si petierit filius suus panem*, sustentationi utilem, \* *numquid lapidem porriget ei?* Rem scilicet vitæ sustentandæ noxiam? Idem iudicium de pisce & serpente. Pulchrè autem lapidem pani, piscem serpenti opponit. Colore enim & figurâ nihil similis, naturâ & usu nihil dissimilius: & plus probat, quam propositum postulabat, nempe non solum Deum petentibus opem laturum, sed etiam bona daturum, sicut mox v. 11. concludit.

12. \* *Omnia ergo.* Unde hoc inferatur, non omninò patet. Lucas cap. 6. v. 31. subjungit hoc illi sententiæ, quæ præcessit hîc cap. 5. v. 42. *Qui petit à te, da ei*, & reliquis de dilectione proximi, cum quibus optimè cohæret: ut scilicet Lucas hîc ordinem dictorum Christi servaverit, non Matth. Augustinus verò vult hoc orationi subnecti, quasi Christus traderet modum impetrandi, nempe faciendo aliis, quod nobis fieri volumus. Posset tamen non ineptè dici cum Chrysost. & discipulis ejus, esse epilogum & compendium omnium, quæ hisce

9. Aut quis est ex vobis homo, quem si petierit filius suus panem nunquid lapidem porriget ei?

10. Aut si piscem petierit, nunquid serpentem porriget ei?

11. Si ergo vos, cum sitis mali, nostis bona dare filiis vestris: quanto magis pater vester qui in cælis est, dabit bona petentibus se?

12. Omnia ergo quaecumque vultis ut faciant vobis homines, & vos facite illis. Hæc est enim lex, & Prophetarum.



tribus capitibus dicta sunt. \* *Quaecumque vultis*. Propriè hic, *Velle*, accipiendum est, non vulgariter. *Voluntas* namque propriè, inquit Aug. lib. 2. c. 22. de serm. Domini in monte, non est nisi in bonis : nam in malis, flagitiosisque factis *Cupiditas* propriè dicitur, non *Voluntas*. Hoc ut significarent aliqui, addiderunt olim textui Latino, *bona*, sed non est opus. Sensus est enim : omnia, quæ rectâ & rationabili voluntate vultis ab aliis præstari, \* *Et vos facite illis* : quia hoc est diligere proximum, sicut seipsum. Græcè & Syriacè, *Sic & vos* : nam propter disparitatem personarum patris & filii, mariti & uxoris, &c. sæpè non eadem, sed similia cum proportionem aliis præstanda sunt. Hanc regulam in veteri lege Tobias c. 4. v. 16. præscribit filio : quam & Philosophi agnoverunt. Propter cujus observationem Alexander Imperator dicere solebat, sibi placere Christianos. Tradit eam Christus velut legis compendium, tum quia facillima est : quod enim erga se rectum & æquum sit, fieri homo facillimè videt ; quod verò erga alium, propter obscuracionem cupiditatum & philautiæ, non ita facillè videt ; tum verò, \* *Quia hæc est lex & Prophetæ*, id est, hæc est summa & velut compendium doctrinæ, quam lex Moysis & Prophetæ per valde varia præcepta de proximo diligendo tradunt. Quo sensu non repugnat ei, quodd infra cap. 22. v. 40. ad duo præcepta dilectionis Dei & proximi lex & Prophetæ referuntur, quia ibi additur, *universa lex*, quod hîc non additur, ut observat August.

13. Intrate per angustam portam : quia lata porta, & spatiosa via est, quæ ducit ad perditionem, & multi sunt qui intrant per eam.

13. \* *Intrate per angustam portam*. Hic sequuntur non tam præcepta nova, quàm exhortatio generalis ad servanda superiora præcepta, usque ad finem capitis. Per *portam* autem & *viam* idem intelligit, non quidem hanc vitam, ut Basil. q. 241. inter breviores, sed rationem instituendæ vitæ cujusque. Arcta quidem & angusta porta intelligitur via virtutis, tum quia terminis divinæ legis, maximæque Christianæ, hætenus traditæ circumscripta est, ita ut neque ad dexteram neque ad sinistram vagari hominem sinat, ut ulli omnino cupiditati satisfaciatur : tum quia incessu difficilis est, non propter se, cum sit maximè connaturalis, sed propter pronitatem corruptæ naturæ in omnia sensibilia, à quibus difficillimè refrænatur : tum denique quia unica omnino est, à qua nequidem latum unguem fas est deflectere. Quia verò omnes cupiditates per diversissima genera vitiorum in corruptelas feruntur, sive per excessum sive per defectum, hinc dicitur : \* *Lata porta & spatiosa via est, quæ ducit ad perditionem*, id est, via iniquitatis, \* *& multi sunt qui intrant per eam*, & consequenter tendunt ad perditionem æternam. Major enim hominum pars viæ facilitate capitur, & libentiùs facit id, quod lubet, quàm id, quod licet. Unde quasi admirabundus Salvator adjicit :

14. \* *Quam angusta porta & arcta via est, quæ ducit ad vitam, & pauci sunt qui inveniunt eam* : pauciores, qui ingrediuntur ; paucissimi, qui ingressu ad finemque perseverant, ut Hieron. notat tum hictum lib. 2. cont. Pelag. Nulli enim Philosophi, Hæretici, Turcæ, Ethnicieam inveniunt ; nulli mali Catholici ingrediuntur ; pauci boni ad finem usque perveniunt. Via verò spatiola inventu facillima est, quia non alio opus est ductore quàm errore & à via recta deflexu, qui infinitis modis fieri potest. Eandem doctrinam lumine naturæ viderunt Ethnici, & expresserunt partim per litteram Pythagoræ bicornem, partim per facilem descensum Averni,

*Sed revocare gradum, superasque evadere ad auras,*

*Hoc opus, hic labor.*

Quia verò viam illam inventu difficilem, & à paucis inveniri dixerat, ut meritò dux aliquis quæri deberet, aptissimè subjungit, non à quolibet eam esse quærendam.

15. \* *Attendite*, seu diligenter cavete, \* *à falsis Prophetis*, qui se duces angustæ viæ offerunt, &, ut Aug. qui promittunt sapientiam cognitionemque veritatis, quam non habent, & se plerumque paucitate commendant. Significantur autem præcipuè Hæretici, qui vocantur Pseudoprophetæ, nomine apud Judæos usitato : quia quòd apud gentem illam usurpabant Pseudoprophetæ, hoc Hæretici apud Christianos. Utrique enim se à Deo missos clamitant, cum à seipsis veniant : utrique venditant verba Dei, cum sua prædicent mendacia. Ad utramque fraudem indicandam addit : \* *Qui veniunt*, à seipsis scilicet, non missi à Deo, juxta illud Jerem. 23. v. 21. *Non mittebam Prophetas, & ipsi currebant* : \* *ad vos*, docendos viam veritatis, \* *in vestimentis ovium*, id est, ementitâ simplicitate & habitu veri doctoris veritatis, ut scilicet minus à veris ovibus timeantur, quemadmodum aliquando fecisse lupum tradit fabula. Hæc autem sunt ea, per quæ se esse oves simplicibus suadent, nempe nominis Christiani extrinsecus superficies, ut tertull. de præser. c. 4. pellis mansueta, ut Cyril. Catechesi 4. dulces sermones, Rom. 16. v. 13. spiritus justitiæ & sanctimonix, 2. Corint 11. v. 15. v. g. jejunia, eleemosynæ, orationes : rursus perpetua Christi & Evangelii inculcatio, densissima Scripturarum citatio, de quibus pulchrè Vinc. Lirinensis in suo Commonitorio c. 35. & 37. \* *Intrinsecus autem sunt lupi rapaces*. Quia reverà scopus eorum non est alius, quàm proprii compendii causâ gregem Domini lacerare, & à veritate abductos discipulos post se trahere, quò in æternum exitium præcipitentur, de quo

14. Quam angusta porta, & arcta via est, quæ ducit ad vitam, & pauci sunt qui inveniunt eam.

15. Attendite à falsis prophetis, qui veniunt ad vos in vestimentis ovium, intrinsecus autem sunt lupi rapaces :



vide Act. 20. v. 29. & seq. Quod ergò symbolum ad eos dignoscendos in tantâ similitudine ?

16. A fructibus eorum cognoscetis eos. Numquid colligunt de spinis uvas, aut de tribulis ficus ?

16. \* *A fructibus eorum cognoscetis eos* : id est, à doctrina, inquit hîc Calvinus, examinâtâ ad verbum Dei : sed absurdè. Agitur enim hîc de discernendis Pseudoprophetis, id est, de ipsa, quam docent, doctrina discernenda : absurdum autem doctrinam ex doctrina probari. Itaque Aug. hîc & omnes veteres unanimiter intelligunt opera; eaque non qualia & ab hypocritis fieri possunt, jejunium, eleëmofynæ, orationes, ut patuit sup. cap. 6. v. 1. & seqq. nam, ut idem Aug. talia opera sæpè ad vestitum ovium pertinent, quibus Pseudoprophetæ decipiunt simplices, sed maximè illa, de quibus Paulus ad Galat. 5. v. 19. & 22. Nam quamvis subinde etiam illa bona opera conantur simulando exprimere, plerumque tamen improbitas in verbis aut factis erumpit, si attentius observentur, ut notat hîc D. Thomas; & maximè, ut Theophil. produntur successu temporis : nam nemo diu potest fictam ferre personam. Hoc autem maximè apparet, cum cœperint aliquibus tentationibus ea ipsa vel subtrahi, vel negari, quæ isto velamine consecuti sunt, vel consequi cupierunt. Tunc enim necesse est, ut appareat, utrum lupo in ovina pelle sit, an ovis in sua, inquit Aug. 1. 2. c. 12. de serm. Dom. in monte.

17. Sic omnis arbor bona fructus bonos facit; mala autem arbor malos fructus facit.

18. Non potest arbor bona malos fructus facere neque arbor mala bonos fructus facere :

19. Omnis arbor quæ non facit fructum bonum, excidetur & in ignem mittetur.

20. Igitur ex fructibus eorum cognoscetis eos.

17. \* *Sic, quemadmodum scilicet de tribulo & ficu dictum est, omnis arbor bona* : intellige fructiferam, quædam enim arbor nec bonos nec malos fructus profert. Sub *arbore* etiam frutices accipiendi sunt Hebraico more, qui illa omnia uno nomine vocant : nam tribulus propriè non est arbor. Itaque omnis arbor bona non ex foliis, sed ex fructibus cognoscitur : quia si bona est, \* *Fructus bonos facit* ; si *mala, malos*. Nec enim aliter in rebus naturalibus fieri ullo modo potest, ut vel bona malos, vel mala bonos, vel utraque utrosque promiscuè ferat. Applicatio similitudinis istius difficilis est : si enim symbolicè per *arborem bonam* & *malam* intelligas hominem bonum & malum, potest bonus mala opera, malus bona proferre : sin doctorem verum & falsum, potest Hæreticus etiam docere vera. August. rem facile expedit plerumque per arborem bonam & malam intelligens voluntatem bonam & malam, à quibus opera tanquam fructus procedunt : nunquam enim illa malos, hæc bonos fructus facit. Ita ipse lib. de gratia Christi c. 10. lib. 2. de nuptiis & concupiscentia c. 26. lib. 1. contra Julian. c. 8. & latè lib. 4. c. 3. & sæpius alibi. Quibus locis ferè refutat Manichæos, qui arborem bonam & malam vocabant naturas bonas & malas : itemque Pelagianos, qui conjugium intelligebant arborem bonam, unde non posset homo nasci cum peccato

cato originali tamquam fructus malus. Quæ Augustini interpretatio, licet universaliter verissima sit, non tamen satis apparet, quomodo Christi propositum spectet, qui vult signum dare, unde cognoscantur, non voluntas bona aut mala, sed Pseudo-prophetæ à veris Prophetis, ut patet ex conclusione v. 20. tamen utrique possunt esse voluntatis malæ. Itaque sequendo filum sermonis Christi, *arbor bona* videtur esse Prophetæ seu Doctor verus, *mala* falsus. Dat ergò signum dignoscendi eos non mathematicum, sed vulgare, neque de singulis operibus, sed de plerisque loquitur. Nam propter duplicem in homine voluntatem non est in omnibus arborum & hominum quæranda similitudo, quod Christus ipse declaravit in Phariseis c. 23. v. 2. & 3. qui vera docebant, malè vivebant. Vel ergò significat, ita ferè fieri solere, ut falsi Prophetæ non diu sub ovina pelle lateant, sed fructibus sese prodant, contraque naturam fieri, si veri doctores malè vivant: vel certe intelligenda sunt hæc formaliter, ut loqui solent, hoc est de doctoribus veræ & falsæ doctrinæ, ut talibus. Nullo enim modo fieri potest, ut vera & casta doctrina malos fructus proferat, vel falsa bonos, sive in ipso prædicante, sive in auditoribus, si doctrinæ conformiter vivant. Monet ergò non ad folia, verborum ornatum, speciem sanctitatis &c. sed ad fructus, quos docendo & doctrinæ conformiter vivendo proferunt, esse respiciendum. Sic enim omnes hæreses, maximè nostri temporis, etiam à vulgo deprehendi poterunt.

Sed quasi quæreret aliquis, Qui sunt ergò illi fructus boni? Subjungit Christus:

21. \* *Non omnis, qui dicit mihi, Domine, Domine*, id est, qui me Dominum honorificè compellat, & verbis me & Evangelium meum crepat: nam ista sæpè ad arborum folia & ovium vestimenta pertinent. \* *Intrabit in regnum cælorum*, quia, ut Hilar. regnum cælorum solà verborum officia non obtinent. \* *Sed qui facit voluntatem Patris mei*, & consequenter meam, id est, qui observat mandata, quæ partim in recta fide, partim in operibus justitiæ posita sunt. Dicuntur ergò hæc adversus eos, qui nomen Christi habent, facta non habent, inquit Aug. sive rectè credant, sive non credant. Nunc contra eos, qui etiam in mirabilibus quibusdam factis fiduciam collocant.

22. \* *Multi dicent mihi in illa die*, singulari, terribili, & quæ nemini ignota erit, quâ scilicet erit intrandum in regnum cælorum. Significatur enim dies iudicii, quæ antonomastice *illa dies* vocari solet, ut patet 2. Timoth. i. v. 12. & ibid. c. 4. v. 8. \* *Domine, Domine*. Hic repetitio ista vehementiam significat ex terrore venientem, versu

21. Non omnia qui dicit mihi, Domine, Domine, intrabit in regnum cælorum: sed qui facit voluntatem Patris mei, qui in cælis est, ipse intrabit in regnum cælorum.

22. Multi dicent mihi in illa die: Domine, Domine, nonne in nomine tuo prophetavimus, & in nomine tuo damnomia eiecimus, & in nomine tuo virtutes multas fecimus.

verò



verò præcedenti tantum frequentiam. \* *Nonne in nomine tuo*, id est, auctoritate, commissione; & virtute tuâ, \* *Prophetavimus*, id est, docuimus, inquit aliqui: sic enim *prophetare* subinde sumitur. Unde tali sensu Hæretici vocantur falsi prophætæ. Sed hic videtur sumi propriè pro, futura prædiximus, vel ex afflatu spiritus tui mysteria protulimus. Nam adfertur hic tanquam miraculum, quod in nomine seu virtute Christi fieri solet, sicuti sunt & reliqua, quæ hic sequuntur, \* *Dæmonia ejicere, virtutes multas facere*, id est, multa effecta virtutis seu potestatis divinæ, quæ non sunt alia, quàm multiplicia miracula: quod enim per partes dixerat, generaliter concludit. Intelligi autem debent veræ prophetiæ, veræ dæmonum ejectiones, veræ virtutes, & miracula. Non enim necesse est, ut mentiri intelligantur, qui ista sive voce sive cogitatione dicturi sunt: nam omnia ista ab improbis fieri posse, exemplo Balaam & Caiphæ & filiorum Scevæ, & aliorum patuit. Unde Basil. in Moral. reg. 7. vocat ea dona spiritualia, quibus occulto Dei consilio ornari sinuntur improbi. Sed vanam istorum fiduciam esse; si fidei non adsit vita proba, declarat Christus.

23. Et tunc confitebor illis: quia nunquam novi vos, discedite à me, qui operamini iniquitatem

23. \* *Et tunc*, quod antè patientiâ dissimulaveram, \* *confitebor illis*, id est, disertè ac palam profitebor: \* *quia nunquam*, ne tunc quidem, cum illa signa faceretis, meamque causam agere videremini, \* *novi vos*, ut meos seu pro meis. Plerique enim veteres observant *Nescendi verbum* in Scripturis sæpè pro dilectione & approbatione usurpari: atque ita competit vel solis prædestinatis, quo pacto dicitur 2. ad Timoth. 2. v. 19. *Cognovit Dominus, qui sunt ejus*: vel omnibus justis, quos Deus ex regula suæ justitiæ justos facit, juxta illud Psalm. 1. *Quoniam novit Dominus viam justorum*, nempe qui approbat, diligit & facit eam. Unde Aug. serm. 23. de verbis Domini c. 10. Non novit illos, qui omnia novit? Quid est ergò, *Non novi vos*? Improbo vos, reprobos vos, in arte mea non vos agnosco, ars mea nescit vitia, & judicat vitia: nescit faciendo, judicat arguendo. \* *Discedite à me*, in ignem scilicet æternum, quibuscunque tandem gratiis & quantiscunque miraculis fulseritis. Est enim eadem sententia cum illa terribili voce, *Ite maledicti in ignem æternum*: quæ tamquam turbo Dominiæ indignationis, & veluti tempesta erumpens super caput impiorum veniet, Jer. 23. v. 20. & 29. \* *qui operamini iniquitatem*, id est, *operarii iniquitatis*, ut habet Lucas c. 13. qui scilicet in vita iniquitatibus addicti fuistis, & adhuc voluntatem addictam geritis. Non enim significat eos adhuc tunc iniquitatem operari. Hæc est ergò ratio, cur non noverit eos, quia avertatur eos.

24. \* *Omnis ergo* : q. d. Cùm ergò tanta sit necessitas fructuum , non foliorum ; factorum , non verborum , ut ab illa ultima tempestate illæsi esse possitis. Est enim velut epilogus totius concionis , apta nexaque ex præcedenti similitudine , exhortans ad præcepta sua facienda , non audienda vel credenda tantùm. \* *Omnis ergo , Qui audit & facit verba mea hæc* , id est , doctrinam hanc : quo significat istum sermonem omnibus præceptis , quibus Christiana vita formatur , esse perfectum , ut & Aug. observat initio lib. 1. de serm. Dom. in monte. \* *Similis est viro sapienti* , id est , prudenti , prudenterque rebus suis prospicienti , in eo , quòd \* *ædificat domum suam super petram* , id est , in solidissimo & immobili fundamento , ita ut inde domus etiam fiat immobilis contra omnis generis tempestates. quæ vel desuper irruant , ut \* *pluvia* , vel tentent fundamenta , ut \* *flumina* inundantia , vel inlatus ingruant , ut \* *venti* : à quibus impulsæ talis domus \* *non cecidit* , id est , everti tempestatibus istis non potuit. \* *Fundata enim erat super petram* , veluti super firmissimum fundamentum. Quæ similitudo sic reddenda est , ut *audire & facere* sit quasi ædificare super petram. Non enim , inquit Aug. quisque firmat quod audit , vel percipit , nisi faciendo. Nam per facta non auribus , aut labiis , aut intellectu tenus , sed mirabili modo profundissime ipsi animo incorporatur veritas & doctrina : ita ut postea homo adversus omnis generis tentationes ac tempestates undecunque irruentes sit insuperabilis. Audire verò (sub quo & credere tantùm intelligitur ) & non facere , seu non obedire mandatis Dei , est quasi ædificare domum \* *super arenam* , hoc est , fluxu fallacique fundamento niti : quod nullam homini stabilitatem dare potest adversus irruentes tentationes ac persecutiones , maximeque illam postremam novissimi diei tempestatem. Nam ad illam etiam respici suadet id , quod sequitur , \* *& fuit ruina illius magna* , quia æterna , & absque ulla spe redintegrationis. Hic videtur maxime obvius & simplex similitudinis istius sensus , quem eleganter & datè prosequitur homil. 25. Quamvis plerique alii antiqui magis particulatim , sed valde diversis modis , singulas parabolæ istius partes applicuerint. Nam Augustino *petra* est Christus ; *pluvia* caliginosæ superstitiones ; *venti* , rumores hominum ; *flumina* , carnales concupiscentiæ. Hilario *petra* similiter Christus est ; *pluvia* , blandæ voluptatum illecebræ , quibus primùm fides rimis patentibus immadescit ; *flumina* , graviorum cupiditatum motus ; *venti* , tota diabolicæ potestatis vis. Theophil. & alii aliter.

28. \* *Et factum est* , & c. *admirabantur turbæ* græcè ἐκπλήσσοντο : *obstupescabant* , \* *super doctrinam ejus* : tum quia doctrina tam nova , clara , subli-

24. Omnis ergo qui audit verba mea hæc , & facit ea , assimilabitur viro sapienti , qui ædificavit domum suam supra petram.

25. Et descendit pluvia , & venerunt flumina , & flaverunt venti , & irruerunt in domum illam , & non cecidit : fundata enim erat super petram.

26. Et omnis qui audit verba mea hæc , & non facit ea , similis erit viro stulto , qui ædificavit domum suam super arenam :

27. Et descendit pluvia , & venerunt flumina , & flaverunt venti , & irruerunt in domum illam , & cecidit , & fuit ruina illius magna ,

28. Et factum est : cum consummasset Jesus verba hæc , admirabantur turbæ super mis , doctrinæ ejus.



mis, divina, rationi consentanea, atque auditoribus satisfaciens: tum quia modus docendi tam inusitatus, ut sequitur.

29. Erat enim do-  
centis sicut po-  
testatem habens,  
& non sicut Scri-  
bz eorum, & Pha-  
risei.

29. \* *Erat enim docens eos sicut potestatem habens*, Græcè *ἐκουσίᾳ*, *auctoritatem*, id est, potestatem & jus dicendi. Non enim quasi ex alterius præscripto, sicut Moyses & Prophetæ loquebantur, \* *hæc dicit Dominus*, sed velut *ἀρχαῖος* legislator de pœnis & præmiis, de vita & morte decernebat, *ego dico vobis*. Ita Chrysost. Adde, quia intrepidè loquebatur, quia magnâ spiritûs efficacîâ dicendique gravitate pollebat, ut non tam dicere quàm dicta pectoribus, & cum dictis terrorem atque amorem imprimere videretur, \* *& non sicut Scriba eorum & Pharisei*: quorum doctrina erat de cultu tantum externo, non interno, de rebus minutissimis, plerumque supervacaneis, ut infra c. 23. & Marci 7. de quæstionibus scrupulosis & stultis, de genealogiis interminatis, de argumentis sæpè fabulosis. Modus docendi sine ulla majestate, sine spiritus efficacia, torpidus, elumbis, jejunos, ac frigidus, ita ut si quis etiamnum eorum dicta audiat, vel scripta legat, somniantes vel nugantes audire videatur, aut legere.

## CAPUT OCTAVUM.

1. Cum autem descendisset de monte, &c. ecce leprosus veniens. Com-  
descendisset de  
monte, securus  
sunt eum turbæ  
multæ:

1. *Cum autem descendisset de monte, &c. ecce leprosus veniens*. Com-  
modè post prædicationem ac doctrinam signorum offertur oc-  
casio, ut per virtutum miracula, præteritis apud audientes sermo  
firmaretur, ut notat Hieron. maximè quia dixerat Evangelista  
quòd erat docens, quasi potestatem habens: iste enim erat præcipuus  
miraculorum Christi scopus. Ut propterea præclare dixerit Aug. lib.  
De utilitate credendi c. 14. Ille adferens medicinam, quæ corruptissi-  
mos mores sanatura esset, miraculis reconciliavit auctoritatem, aucto-  
ritate meruit fidem, fide contraxit multitudinem, &c. Lepra au-  
tem pertinacissimæ scabiei genus est; sed Judaica in nonnullis erat di-  
stincta à lepra nostrate, de quibus diximus ad c. 13. Levit. \* *Ado-  
rabat eum*, accidendo scilicet ad genua, ut Marcus & Lucas notant:  
quamquam & Deum agnovisse Chrysost. & Auctor Operis imper-  
fecti velint, & satis clamant verba ejus:

2. Et ecce lepro-  
sus veniens, ado-  
rabat eum, di-  
cens: Domine, si  
vis, potes me  
mundare.

3. Et extendens  
Jesus manum te-  
nuit eum, dicens:  
volo, mundare.  
Et confestim  
mundata est le-  
pra ejus.

2. \* *Domine, si vis, petes me mundare*: id est non est opus, ut ro-  
ges, ut cujusquam sive hominis sive medicaminis opem adhibeas. Po-  
testas curandi in solâ tuâ voluntate sita est, cui totum negotium  
submitto. Quæ sanè oratio & brevissima est, & modestissima, &  
maximæ fidei; & ideò

3. \* *Extendens Jesus manum*, ut virtus vivificæ carnis ejus ostende-  
dere-

deretur : nam , ut ait Victor Antiochenus in Marcum , Verbum indivulsam cum carne societatem se habere persuasum volens , pleraque miracula & signa per corporis ministerium edidit : quam doctrinam & Cyrillus Alexand. & alii post ipsum tradiderunt. \* *Tegit eum* , ut ostenderet se tamquam legislatorem non esse subiectum legi , quæ leprosum tangi vetabat ; ut hom. 26. Chrysost. In hoc ipso tamen scopum legis , non litteram spectabat. Nam vetabat hoc lex , non ut leprosi non sanarentur , sed ut tangentes non inquinarentur. Ipse autem contactu suo non fiebat immundus à lepra , sed maculam abstergebat. Quia ergo dixerat leprosus , \* *si vis* , respondit Christus , \* *Volo* : quia dixerat , \* *potes me mundare* , respondet ei , \* *Mundare* , id est , esto mundus : est enim imperativus , ut ex Græco patet. \* *Et confestim* , quia nihil est medium inter opus Dei & Præceptum. Voluntas enim Dei potestas est , inquit Ambros. initio lib. 5. in Luc. qui pulchrè notat tres hæreses in paucis verbis refutari : *Volo* , enim dixit , propter Photinum , *Imperat* propter Arium , *Tangit* propter Manichæum.

4. \* *Et ait illi Jesus : Vide* , seu cave , \* *nemini dixeris*. Ita ostendens , inquit Chrysost. hom. 28. quàm esset alienus ab aura gloriæ , pompaque jactantiæ : simul docens nos , ut Ambros. loco cit. non vulganda nostra beneficia , sed premenda , ut non solum à mercede abstineamus pecuniæ , sed etiam gratiæ seu favoris. \* *Sed ostende te Sacerdoti* : ut per eum communioni hominum restituaris , juxta legem Levit. 14. v. 2. \* *Et offer munus , quod præcepit Moyses* : id est sacrificium , ibidem præscriptum , sub quo totus purificationis ritus comprehenditur , \* *In testimonium illis*. Jungendum videtur non cum præcepit , sed cum offer & ostende : q. d. ut hæc ostensio & oblatio illis testimonium dicant tum innocentiae meæ , quem calumniantur legis adversarium , tum potestatis meæ , quâ leprosus mudatus est : ut ita vel in me credant vel isto ipso testimonio sint inexcusabiles , munus velut mundati accipiendo , & tamen non credendo in eum , cujus miraculum probaverint : quas rationes tangit Hieron. & Chrysost.

5. \* *Cum autem introisset Capharnaum , accessit ad eum Centurio* : id est , centum militum Præfectus. Unde Gentilem fuisse vult Aug. ser. de verbis Domi. c. 2. quia jam erat Gens sub Romanis , quod & Auctor imperfecti sentit homil. 22. & satis colligitur ex v. 10. & magis Lucæ 7. v. 5. Quo pulchrè adumbratum fuit , gratiam ex Judæis , velut leprosis , id est , partim sanis , partim languidis , ad gentes paralyti decumbentes & morti proximas cumulatiore fructu esse transfere-  
rendam Christo corpore absente , majestate præsentem ut Aug. ibid. Nam

4. Et ait illi Jesus : vide , nemini dixeris : sed vade , ostende te Sacerdoti , & offer munus quod præcepit Moyses , in testimonium illis.

5. Cum autem introisset Capharnaum , accessit ad eum Centurio , rogans eum ,



quod hîc dicitur, *accesit, rogans, & dicens*, intellige non per seipsum, sed primò per seniores Judæorum, deindè per amicos, ut ex Lucæ 7. exponit Aug. lib. 2. de conf. Evang. c. 20. & lib. 33. contra Faust. c. 7. & 8.

6. Et dicens: Domine, puer meus jacet in domo paralyticus, & male torquetur.

6. \* *Domine puer meus*, id est servus, ut Lucas, ne filium intelligeremus, \* *jacet in domo paralyticus*, omnibus scilicet undique artibus fluidis, & ad consistendi officium agendique corruptis, ut solent esse paralytici. \* *Et male torquetur*, quod fieri solet in paralyfi subita, nam lenta dolore caret.

7. Et ait illi Jesus: Ego veniam & curabo eum.

7. \* *Et ait Jesus illis*, id est, Judæis, ejus nomine venientibus: \* *Ego veniam*, scilicet etiam ad servum, ut nos doceat non magnos colere & præterire mendicos. Cùm verò hoc fuisset renuntiatum Centurioni:

8. Et respondens Centurio ait: Domine, non sum dignus ut intres sub tectum meum: sed tantum dic verbo, & sanabitur puer meus.

8. \* *Respondens Centurio*, nempe rursum non per se, sed per amicos, quos submisit, cùm non longè abesset Christus à domo, ut clarum est ex Luca, ait: \* *Domine non sum dignus, ut intres sub tectum meum*, id est, vel domum intres. Dicendo autem se indignum, præstitit dignum, non in cujus parietes, sed in cujus cor Christus intraret, inquit Aug. serm. citat. \* *sed tantum dic verbo*, id est impera, dic unicum verbum. Quâ phrasi agnoscit summum ejus imperium, summamque solius jussus efficaciam, ut meritò putari possit, Christum non solum ut Messiam Judæorum, sed ut verum Deum agnovisse.

9. Nam & ego homo sum sub potestate constitutus, habens sub me milites, & dico huic: Vade, & vadit; & alii, Veni & venit; & servo meo, Fac hoc & facit.

9. \* *Nam & ego*, quamvis homo sum, non Deus, uti tu, & \* *sub potestate constitutus*, id est, alteri subjectus, Tribuno aut Cæsari, non omnibus imperans, sicut tu, tamen quia sum \* *habens sub me milites*, id est, quia non nullam in quosdam milites potestatem habeo, \* *Dico huic: vade, & vadit, &c.* id est, multa solo jussu facio. Argumentum enim petit a minori, quasi diceret, inquit Aug. loco cit. homo sub potestate, jubendi habeo potestatem, quid tu non possis, cui omnes serviunt potestates? Ex quibus verbis patet incomparabilis fides istius Gentilis, sicut profundissima humilitas ex v. 8. & humilitas erga servum, modestiaque supplicandi ex v. 6.

10. Audiens autem Jesus miratus est, & sequentibus se dixit: Amen dico vobis, non inveni tantam fidem in Israël.

10. \* *Audiens Jesus miratus est*, id est, in modum mirantis se vultu habuit, & locutus est: quemadmodum iratus dicitur Deus, effectu scilicet non affectu, quia tranquillo judicio facit id, quod irati solent. Nam, ut August. lib. 1. contra adversarium Legis & Prophetarum cap. 7. quisquis miratur, inopinatum atque improvisum sibi esse significat quod miratur: Jesu autem nihil erat inopinatum, utpote qui ipsam Centurionis fidem in ipso fecerat. Itaque, inquit Aug. id, quod mirandum aliis commendabat, mirando, (id est, mi-

rantis modo modo se habendo) laudabat. Nam, ut idem ait lib. 1. de Genesi contra Manichæos c. 8. tales motus ejus non perturbati animi sunt signa sed docentis magistri.

\* *Et dixit: Amen dico vobis, non inveni tantam fidem in Israël: ex quo scilicet & cui ego prædicavi.* Non enim agitur de Patriarchis, Joanne Baptista, Beata Virgine, sed de populo, in quo versabatur. Græcè expressius, *ὅδε ἐν τῷ Ἰσραὴλ*, nec in Israël, hoc est ne quidem in Israël, qui scilicet ab infantia Scripturas de Christo edoctus est, ideoque fide debet antecellere. Quæ oppositio apertè probat, Centurionem fuisse gentilem: unde ex tanta ejus fide, veluti specimine & præludio quodam, transit hic ad prænuntiandam vocationem Gentium.

II. \* *Dico autem vobis, quod multi, qui erant sine Christo hospites testamentorum, promissionis spem non habentes: Ab oriente & occidente venient*, id est, ab omnibus mundi plagis: sub præcipuis enim comprehendit reliquas. \* *Et recumbent*, scilicet ad mensam cælestem, ubi cibis justitia, ubi potus sapientia, inquit Aug. illo serm. 6. c. 4. Nam Christus more Scripturæ usitato quietem & gaudium æternæ beatitudinis sub convivii typo exprimit, ut clarè Lucæ 22. v. 29. & 30. \* *Cum Abraham, Isaac & Jacob*, quibus promissio regni cælestis sub typo terræ Chanaan facta est, \* *in regno calorū*: ut cum illis, tanquam Patribus suis ejusdem consortes fiant beatitudinis, quia fidei imitatio faciet eos filios.

11. Dico autem vobis, quod multi ab Oriente & Occidente venient & recumbent cum Abraham, & Isaac, & Jacob in regno calorū.

12. \* *Filii autem regni*: id est, indigenæ, quia in regno Judaico, quod erat typus regni cælestis, nati, & consequenter ad ipsum regnum cælorum primi vocati, & quodammodo destinati: quia, ut Apost. ad Rom. 9. v. 5. illorum adoptio erat filiorum, & gloria, & testamentum, & legislatio, & obsequium, & promissa. \* *Ejicientur*, seu expellentur, \* *in tenebras exteriores*. Infernum intelligi non est dubium. Vocatur Tenebræ, quia locus tenebrosissimus: tum respectu lucis corporalis, quia vel vis illuminandi ab igne inferni penitus abest, ut vult Basil. in Psal. 28. vel certè, si ad aliquid lucet, hoc eis tormento est, non solatio, ut Greg. 9. Mor. c. 39. aliàs 48. tum etiam respectu lucis spiritualis, quia, ut Aug. in Psal. 6. est ibi summa mentis cæcitas, in quam qui traditur, ab interiori Dei luce penitus secluditur: quod nondum fit, dum in hac vita est. Et hæc de causâ putat Aug. vocari infernum *tenebras exteriores*, quasi dicas extimas, seu extremas, id est, profundissimas, tanquam à regni cælestis luce remotissimas. Quanquam veri sit valde simile, simul ad hoc respici, quod passim in Scripturis cæleste regnum sub typo cœnæ describatur, Luc. 14. v. 16. Apoc. 19. v. 9. Cœna autem multo lumine celebrari solet:

12. Filii autem regni ejicientur in tenebras exteriores: ibi erit fletus & stridor dentium.



ut meritò inde pulsi, in tenebras exteriores pelli dicantur, tanquam extra cœnam regni positas, ut sic opponantur luci domesticæ, ex quaejiciuntur. Ne verò suaves aliquas veluti nocturnas tenebras suspicaremur, addit : \* *ibi erit fletus*, qui signum est summi doloris, tristitiæ & perturbationis : \* *Et stridor dentium*, signum maximi horroris, vel certè furoris & iracundiæ. Nam Græcum βρυγμοῦ, etiam fremitus transferri possit, ut patet Actor. 7. v. 54. ubi dicitur ἐβρυγον τοὺς ὀφθαλμούς, id est, stupebant seu frendebant dentibus, nempe ex rabie. Non desunt tamen, qui hîc duplex gehennæ tormentum indicari volunt : fletus ex calore ; stridoris dentium ex frigore, idque ex Job 29. v. 19. ubi Commentarius Hieronymo attributus hoc docet. Sed res ista incerta est.

13. Et dixit Jesus Centurioni : Vade & sicut credidisti, fiat tibi. Et sanatus est puer in illa hora.

13. \* *Et dixit Jesus Centurioni*, in amicis, quos ad Jesum miserat : \* *Vade*. Hebraïsmus est, quo conceditur id, quod petitur, Judic. 11. v. 38. 1. Reg. 17. v. 37. & alibi passim. \* *Et sicut credidisti me absentem solo verbo puerum sanare posse*, \* *fiat tibi. Et sanatus est puer in illa hora*, hoc est, protinus illo ipso temporis momento, ut clariùs expressit Syrus.

14. Et cum venisset Jesus in domum Petri, vidit socrum ejus, & febricitantem :

14. \* *Et cum venisset Jesus*. Non dicit *post hac*, &c. nam ista tota historia & cætera usque ad finem Cap. 9. contigisse videntur ante sermonem Domini in monte, utpote qui habitus fuit ad duodecim Apostolos jam electos, ut patet Lucæ 6. cum tamen Matthæus hîc tantum Cap. 9. eligatur. Est igitur omïssorum recapitulatio. Cum venisset ergò \* *in domum Petri*, quæ Marci 1. v. 29. dicitur *Simonis & Andrea* : vel quia eorum fuerat, jam enim reliquerant omnia; vel quia patris eorum erat; vel denique, quia spectaret ad socrum Petri, & in ea solerent hospitari. \* *Vidit socrum ejus jacentem & febricitantem*, id est, ita graviter febricitantem, ut decumberet. Et cum rogassent eum pro ea, ut narrant alii.

15. Et tetigit manum ejus, & dimisit eam febris, & surrexit, & ministrabat eis

15. \* *Tetigit manum ejus, & surrexit*, id est, ut Marcus, *elevavit eam, apprehensâ manu ejus* : \* *Et dimisit eam febris* : ipso scilicet carnis contactu vivificæ, & imperio, ut Lucas addit, fugata. \* *Et ministrabat eis* : prandium scilicet Jesu & discipulis à Synagoga redeuntibus. Quo significat non solum liberatam à febre, sed præter morem vulgaris medicinæ subito etiam vires ei fuisse restitutas.

16. Vespere autem facto, obtulerunt ei multos dæmonia habentes : & ejiciebat spiritus verbo : & omnes male habentes curavit :

16. \* *Vespere autem facto*. Addit Marcus c. 1. v. 32. *Cum occidisset sol*, videlicet quia erat sabbatum ibid. v. 2. ut ita indicaret eos ipso die abstinuisse à ferendis ægrotis, quod propter festivitatem non licere sibi crederent. Vespere autem sabbatum finiebatur, Levit. 23. v. 33. \* *Omnes male habentes curavit*, singulis scilicet imponens manus suas, ut Lucas adidit.

17. \* *U*

17. \* *Ut adimpleretur quod dictum est*, &c. id est, ita ut adimpleretur. Eventus enim ex sanatione consecutus, non finis sanandi indicatur. \* *Ipse infirmitates nostras accepit*, id est, abstulit. \* *Et agrotationes*, seu morbos nostros, \* *ipse portavit*, id est, asportavit. Plerique putant ea, quæ de peccatis dixit Isaias, tanquam quæ Christus in cruce tulit, Matthæum sensu accommodatitio ad corporis infirmitates transtulisse. Sed nihil obstat, quo minùs Isaias de utrisque, id est, tam de peccatis quàm corporis morbis, intelligatur, cum hi sint illorum effectus: ut hic sit Prophetæ sensus: *Ipse infirmitates nostras*, tam corporis quàm animi, totâ vitâ & maximè in cruce \* *tulit*, pro iis patiendò, & consequenter \* *abstulit & agrotationes*, seu dolores nostros, \* *ipse eodem modo* \* *portavit*, & consequenter asportavit. Neque enim aliâ de causâ satisfaciendo tulit, quàm ut auferret; quod plenissimè in Sanctis suis in ipsa etiam corporum resurrectione præstabit.

18. \* *Videns autem turbas multas*. Et tacitè causa trajectus redditur, ut nempe multitudinem humanamque laudem, tot miraculis adhærentem, fugeret. Cumque eum abire paratum videret Scriba quidam, ait:

19. \* *Sequar te, quocumque ieris*, id est, paratus sum instar discipuli tibi adhærere, & quocumque volueris sequi. Ad cuius non tam verba quàm animum, \* *Dicit Jesus: Vulpes*, animalia licet hominibus iurisa & noxia, \* *foveas habent*, in quibus commodè lateant, dormiant, foveantur ab aëris injuriis, & iisdem de causis \* *volucres calididos*; Græcè *κατακρυπτοί*, *umbracula*, propriè ex frondibus & ramis, ut sunt avium nidi. \* *Filius autem hominis*, id est, ego seu Christus, Græcè est *ὁ υἱὸς τοῦ ἀνθρώπου*, genere masculino. Undè apud Justinum q. 66. inferebant, Christum ex hominibus concubitu natum. Verùm est Hebraïsmus seu periphrasis Hebraïca, quâ simpliciter indicare solent hominem, ut patet Psal. 8. v. 5. & Job 25. v. 6. *Filius hominis vermis*. Sed tamen cum quadam efficaciore expressione humanæ miseriæ, utpote cui magis obnoxius est, qui longâ ferie ex homine misero miser nascitur. Et hâc de causâ nemo in Evangeliiis vocavit Christum Filium hominis, nisi ipse seipsum: commendans nobis, tum quid misericorditer dignatus sit esse pro nobis, inquit Aug. lib. 2. de consensu Evang. c. 1. nempe magnum illud incarnationis & exinanitionis suæ beneficium: tum etiam se esse illum, quem Prophetæ carnem assumpturum prædixerant, eoque ipso nomine, Dan. 7. v. 13. Filium hominis appellaverant, ut notat Theodoret. in illum locum & Epiphan. Hæresi 57. num. 8. \* *non habet, ne tantillum quidem*

17. Ut adimpleretur quod dictum est per Isaiam prophetam dicentem: ipse infirmitates nostras accepit: & agrotationes nostras portavit.

18. Videns autem Jesus turbas multas circum se jussit ire trans fretum.

19. Et accedens unus scriba, ait illi: Magister, sequar te, quocumque ieris.



20. Et dicit ei  
Jesús: Vulpes fo-  
veas habent, &  
volucres cæli ni-  
dos: filius autem  
hominis non ha-  
bet ubi caput re-  
clinat.

commodi aut proprii, \* *ubi caput reclinet*: ex itineribus lassus, aut somno oppressus: q. d. inquit Hieronymus. Quid me propter divitias & sæculi lucra sequi cupis, putans me miraculis quæstum facere, cum tantæ sim paupertatis, ut ne hospitium quidem habeam, nec proprio utar testeo? Augustinus tamen quæst. 5. in Matth. putat eum miraculis commotum voluisse sequi Christum, propter jactantiam, quam significavit Christus per volucres cæli: finxisse autem discipuli obsequium, quem dolum significaverint vulpes. Utrumvis verum sit, hæc responsione tacite eum taxat, & à proposito deterret, nempe ut se mutatis moribus sequeretur.

21. Alius autem  
de discipulis ejus  
ait illi: Domine,  
permittite me pri-  
mum ire, & sepe-  
lire patrem meum.

21. \* *Alius autem de discipulis*, id est, jam vocatus ad discipulatum ejus, \* *ait illi*: Permite me primum sepelire patrem meum: id est, senectuti ejus inservire usque ad sepulturam, inquiunt aliqui, quasi pater adhuc vixisset. Sed rectius Chrysost. & August. serm. 7. de verb. Dom. intelligunt verè mortuum fuisse, & à sepeliendo hunc prohibitum, quia Christus, inquit August. quando parat homines Evangelio, nullam excusationem vult interponi carnalis hujus temporalisque pietatis. Amandus est enim generator, sed præponendus creator. Nam idèò Lucas adjecit: \* *Tu autem vade, & annuntia regnum Dei*: quasi diceret Christus, Ego ad Evangelium te voco, quod majus est, quàm id, quod parentibus vis impendere, cum non desint alii, qui opportunius id, officium parenti impendent. Itaque

22. Jesús autem  
ait illi: Sequere  
me, & dimitte  
mortuos sepelire  
mortuos suos.

22. \* *Sequere me*, omnibus postpositis mihi individuus adhære, \* & *dimitte mortuos*, quantum ad animam, \* *sepelire mortuos suos*, id est, sibi similes, corpore scilicet mortuos: q. d. Tu cælesti vitæ dedicatus vitam annuntia, mortui animâ mortuorum curam gerant.

23. Et ascenden-  
te eo in navicu-  
lam, securi sunt  
eum discipuli  
ejus.

24. \* *Et ecce motus magnus factus est in mari*: id est, lacu Galilææ, idque non fortuito, sed ipso Christo faciente, ut ita discipuli compellerentur ad invocandam opem Dei, ad Christi potentiam, suæque fidei infirmitatem agnoscendam. His enim de causis solet Deus etiam tentationes justis probandi causâ excitare. \* *Ipse verò dormiebat*: vero quidem somno, ad probandam naturæ susceptæ veritatem, sed tamen voluntario: ne, si eo vigilante contigisset tempestas, vel non timerent discipuli; vel eo invito contigisse, vel ab eo non posse sedari suspiarentur. Ipsis verò immodicè trepidantibus dicit:

24. & ecce mo-  
tus magnus fa-  
ctus est in mari,  
ita ut navicula  
operiretur flucti-  
bus, ipse vero  
dormiebat.

25. Et accesserunt ad eum discipuli ejus, & suscitaverunt eum, dicentes: Domine, salva nos perimus.

26. \* *Quid timidi estis?* id est, Quid tantò timore consternati estis? Unde Marci 4. v. ult. additur Græcè, *quid sic*, vel *adèò timidi estis?* Arguit enim non quemlibet timorem, sed eum, qui fidem opprimit, pacem turbat, fiduciam in Deo minuit: ex quo clamabant, ut habet Lucas, Græcè, *Præceptor, Præceptor*, itemque, *perimus*, id est, actum

26. Et dicit eis  
Jesús: quid timi-  
di estis, modicæ  
fidei? Tunc sur-  
gens, imperavit  
ventis & mari, &  
facta est tranqui-  
litas magna,

est de nobis. Unde causam tanti timoris taxans, vocat eos \* *medice fidei*: quâ vel non crederent; vel non fiderent se à dormiente posse liberari. Fides enim hîc vel credulitatem vel fiduciam potest significare, & in utraque infirmi erant.

\* *Tunc surgens imperavit ventis & mari.* Græcum ἐπιταγήσας significat increpavit, ut est apud Luc. quod apud Marcum dicitur *comminatus est*: quæ omnia propriè in creaturis ratione præditis locum habent. Hîc autem tantum significant vocem ejus, quâ quasi imperando & increpando dixerat, *Tace & obmutescere*, fuisse efficacem, ita ut ventus & mare auctoritati & voluntati ejus obediverit, ut sequitur, non quidem sentiendo, sed motum ex imperio impressum suscipiendo & sequendo. \* *Et facta est tranquillitas magna*, ne vestigio quidemurbationis reliquo, ut post tempestatem fieri solet.

27. \* *Porro homines mirati sunt*, tam discipuli, ut Luc. quàm ii, qui erant in aliis navibus, quas Marc. adfuisse dicit c. 5. v. 36. \* *Dicentes: Qualis est hic?* q. d. Profectò longè alius est, & major, quàm hætenus eum existimavimus, nempe Dominus ventorum & marium, utpotè quæ arbitrio ejus subjacent. Præclarus typus est hæc historia rerum futurarum, quem August. tum alibi sæpius, tum in Psal. 25. exposuit. Tropologicè enim stagnum hæc vita est; tempestas, tentatio; Jesus dormiens, fides sopita; evigilatio, invocatio; tranquillitas, liberatio. Allegoricè Tertull. lib. de Baptismo c. 12. navicula est Ecclesia, mare sæculum, fluctus persecutiones & tentationes, somnus Domini patientia. In fine Sanctorum precibus excitatus sæculum compefcat, & suis reddet tranquillitatem.

28. \* *Et cum venisset in regionem Gerasenorum.* Græcus hic legit Γερουζων, id est, *Gergefenorum*, seu *Gergesaorum*, qui fuerunt populi à quinto filio Chanaam procreati, Gen. 10. v. 16. *Gergesa* verò, ut Hieron. de locis Hebraicis, civitas fuit trans Jordanem, juncta monti Galaad, quam tenuit tribus Manasse. Hæc, inquit, esse nunc dicitur *Gerasa*, urbs insignis Arabiæ, quam suo tempore dicit fuisse viculum supra mare Tiberiadis. Idem confirmat in Abdiam sub finem. Syrus hîc, & Græcus apud Marcum & Lucam legunt *Gadarenorum*, à civitate *Gadara*, quam propterea multi eandem cum *Garasa* esse putant. Sed falluntur: nam & Hieron. ibid. & Josephus lib. 2. de bel. Jud. cap. 19. apertè distinguunt. Utraque tamen erat trans amnem Jordanem, & non procul ab invicem dissita. Unde ab utraque eadem regio nunc *Garagenorum*, nunc *Garadenorum* dicitur. \* *Occurrerunt ei duo habentes demonia*, seu Dæmoniacy. Marcus & Lucas non nisi unius meminerunt, nempe quia unus erat vel sævior cæteris, vel, ut Aug. lib. 2.

27. Porro homines mirati sunt dicentes: qualis est hic, quia ventri & mare obediunt ei?

28. Et cum venisset trans fretum in regionem Gerasenorum, occurrerunt ei duo habentes demonia, de monumentis exeuntes, sævi nimis, ita ut nemo posset transire per viam illam.



de consensu Evang. c. 24. personæ alicujus famosioris, de quo facti hujus fama latius præclariusque fragaverat.

\* *De monumentis exeuntes* : in quibus habitabant. Monumenta enim Judæorum erant extra civitatem, ne præsentia eorum polluerentur, ac ferè in montibus & desertis locis, 4. Reg. 23. v. 16. Idque vel in speluncis, ut sepulchrum Abrahæ fuit; vel instar cubiculorum spatiosorum in rupibus excisa, ut Christi Domini. Eò loci dæmoniacos illos dæmones adegerant, ut scilicet dignum esset principe mortis habitaculum; ut tanto major esset horroris ac sævitæ species; ut denique errorem illum perniciosum hominibus persuaderet, animas hominum in dæmones commutari, ut notat Chrysost. hom. 28. Nam hoc sensit Plotinum & Platonicos tradit Aug. lib. 9. de civit. c. 11. & Origeni adscribit Hier. epist. 59. & Tertull. idem Aug. hæres. 86. \* *Sævinimis*, id est, valde. Sævitiæ eorum latius describit Luc. c. 8. & Marc. c. 5. Quomodo verò tropologicè peccatores in sepulcris habitent, & sæviant, vide latè tractantem Chrysostomum hom. 29. in fine.

29. Et ecce clamaverunt, dicentes: Quid nobis, & tibi, Jesu fili Dei? Venisti huc ante tempus torquere nos?

29. \* *Et ecce clamaverunt, dicentes: Quid nobis & tibi?* id est, Quid tibi molesti sumus, ut rebus nostris te interponas, aut nobis molestus sis? Sunt enim verba expostulantium & conquerentium, cum eo, quem non lædebant, sed venerabantur, quia præcipiebat eis exire, ut Luc. & Marc. Phrasis est usitata Hebræis, & Scripturis frequens, ut infrà c. 27. v. 19. & 2. Reg. 16. v. 10. & alibi. \* *Jesu fili Dei*. Nam, ut alibi dicit Lucas, c. 4. v. 41. Dæmones sciebant eum esse Christum, tametsi antea in deserto jejunantem non cognovissent. Sciebant autem cum per quædam temporalia divinæ virtutis effecta, & occultissimæ signa præsentia, quæ angelicis sensibus etiam malignorum spirituum potius, quàm infirmitati hominum possunt esse conspicua: quæ quando paululum suppressenda judicavit Christus, & aliquanto altius latuit, dubitavit de illo dæmonum princeps, ut explicat Aug. lib. 9. de civit. c. 21. Christus enim tantum eis innotuit, inquit, quantum voluit: tantum autem voluit, quantum oportuit. \* *Venisti huc ante tempus torquere nos?* Tum quia tormentum est dæmonibus, eos relinquere, quos affligunt: tum quia metuebant, ne in abyssum relegarentur, ut Lucas ait, ubi præter supplicium, quod ubique circumferunt, privarentur grassandi in homines licentiæ. Idedque dicunt, *ante tempus*, id est, magnum judicii diem, ut Aug. lib. 8. de Civit. c. 23. quo æternâ damnatione unà cum hominibus puniendi sunt.

30. Erat autem non longe ab illis grex multorum porcorum pascent.

30. \* *Erat autem non longe ab illis*, nempè partim circa montem, ut

Marcus,

Marcus, partim in ipso monte, ut Lucas, \* *grex multorum porcorum pascens* : sive spectaret ad Gentiles, erat enim Gadara urbs Græcanici instituti, ut testatur Joseph. 7. Antiquit. c. 13. sive etiam ad Judæos. Porcus autem & similia immunda animalia comedere quidem Judæis vetitum fuit, non autem alere, Gentibus vel exercitui Romano vendere, lardo ad unctiones plaustrorum &c. uti, sicut satis colligitur ex Deuteron. 14. v. 21. & in mulis atque asinis manifestum est.

31. \* *Dæmones autem rogabant eum*, ut constaret illos ne tantillum quidem posse, nisi permittente Deo : \* *Si ejicis nos hinc, mitte nos*, non extra regionem, ut Marc. hoc est, extra illum districtum, ubi hominibus, sibi longâ consuetudine notis, maximè nocere possent, nec etiam in abyssum, ut Luc. sed \* *in gregem porcorum* : tum ut vel sic odium ac rabiem suam in homines effunderent : tum verò ut homines porcorum jacturâ consternati, vel exasperati, ut colligitur ex v. ult. prædicationem Christi respuerunt.

31. Dæmones autem rogabant eum, dicentes : Si ejicis nos hinc mitte nos in gregem porcorum.

32. \* *Et ait illis* : *Ite*, sicut petitis. Est enim permittentis, ut ex Græco constat, quanquam alioquin & jubentis esse posset. Annuit itaque petitioni dæmonum, non ut pœnas homines darent neglectæ legis, quòd porcos alerent, ut putat Jansenius in Concordia; nam suprâ patuit esse falsum : sed ut esset testimonium, verè dæmones egressos esse : ut constaret ipsis liberatis beneficii magnitudo, tum liberationis ex tanta multitudine dæmonum, tum conservationis ex illo furore & strage, qui similem in se exercuissent, nisi Deus ventisset; ut fama miraculi latius spargeretur in gloriam Christi; ut convincerentur Sadducæi, negantes esse spiritus, quod Hilarius notavit; denique, ut August. tractat. 9. in epist. Joan. ut ostenderet diabolus in eis dominari, qui vitam porcorum gerunt. \* *Et ecce impetu abiit totus grex per præcep.* Græcè, *κατὰ τὴν κελευσίν*, è præcipitio, id est, ex abrupto loco se præcipitârunt: quem sensum Syrus indicat vertendo, *totus grex iste rectè contendit sursum in rupem, & corruerunt* \* *in mare*, videlicet ex scopulis, mari Genesareth imminentibus, se præcipitantes.

32. Et ait illis : Ite. At illi exeuntes abierunt in porcos : & ecce impetu abiit totus grex per præcep. in mare : & mortui sunt in aquis.

33. \* *Pastores autem fugerunt* : spectaculo territi, & ut rem Dominis & civitati nuntiarent, quò constaret se esse extra damni culpam.

33. Pastores autem fugerunt : & venientes in civitatem nuntiaverunt omnia, & d. eis qui dæmonia habuerant.

34. \* *Et ecce tota civitas*, miraculo & damno inspectato excita, \* *exiit obviam Jesu*, quem ex pastoribus intellexisse videntur versus civitatem tendere. Causa verò adjungitur, \* *Et viso eo rogabant eum*, ut transiret, seu discederet, \* *à finibus eorum*. Hujus petitionis rationem petit Hieron. ex humilitate, quâ se præsentia Domini indignos judicabant; sicut & Petrus, quando dixit, *Exi à me &c.* Sed veram

34. Et ecce tota civitas exiit obviam Jesu, & viso eo rogabant, ut transiret à finibus eorum.



causam indicat Lucas, *Quia magno timore tenebantur*, ne scilicet gravioribus forsan afficerentur damnis, sive aliorum animalium, sive etiam ipsius vitæ suæ, ad præsentiam tantæ sanctitatis & potestatis. Similem timorem indicabat Sareptana 3. Reg. 18. v. 18. Timor igitur iste etsi reverentiam quamdam & subinissionem erga Christum haberet conjunctam, carnalis tamen fuit, cui amor agnoscendæ ab eo veritatis prævalere debuisset. Mysticè tractat hanc historiam latè Hilar. can. 8. in Matth. & Ambros. lib. 6. in Luc. in fine.

## CAPUT NONUM.

1. Et ascendens in naviculam, transfretavit, & venit in civitatē suam.

**I.** *Et ascendens in naviculam transfretavit*, scilicet lacum Genesareth, rediens in oppositam ripam, unde venerat. Itaque Garasenis facile acquiescit, docens reipsa id, quod verbis præscribit cap. 10. non esse prædicandum invitis, & nolentibus prædicationem recipere. *\* Et venit in civitatem suam*: non Bethlehem, ut putavit Seditius, nec Nazareth, ut Hieron. sed Capharnaum, ubi Paralyticum istum sanatum fuisse clarè indicat Marc. c. 2. v. 1. & consentit Chrysost. quæ vocatur *\* sua*, quia in ea frequentius commoratus est.

2. Et ecce offerebant ei paralyticum jacentem in lecto. Et videns Jesus fidem illorum, dixit Paralytico: confide fili: remittuntur tibi peccata tua.

**2.** *\* Et ecce offerebant ei Paralyticum*. Causam & modum Matthæus tacet, sed exprimit Marcus. Cum enim non possent eum offerre illi, præ turba, quæ ad januam stabat, per tectum supernè apertum eum demiserunt. Itaque *\* videns Jesus*, ex isto conatu, & facto tam inutilato, *\* fidem illorum*, offerentium, ut Hieron. & ex narratione omnium Evangelistarum, maximè Lucæ, videtur colligi. Hæc enim tum ad plenam sanitatem corporalem, tum ad pœnitentiam peccatori impetrandam, prodesse potest. Fidem tamen ipsius paralytici etiam adfuisse colligit Chrysost. ex eo, quod ita sese offerri passus est. Porro Fides hîc videtur non solum assensum in id, quod de Christo credendum erat, sed simul fiduciam impetrandi, quæ ex Fidei firmitate solet nasci, comprehendere. Cui potius, quàm charitati offerentium, aut patientiæ paralytici, tribuitur hîc & alibi sanitas, non quod excludantur, sed partim quia Fides prima est ordine, partim quia ei proprium est impetrare id, quod credit & sperat, partim denique ut ita Fides in Christum commendaretur. *\* Dixit paralytico: Confide fili*, id est, bono animo & magnâ fiduciâ esto: id enim quod petis impetrabis. *\* Remittuntur tibi peccata tua*, hoc ipso dicto, quo ea remitti pronuntio. Unde Græcus dictum factum indicans legit ἀφίενται, *remissa sunt tibi peccata tua*, hoc est, causa sublata est, per quam morbus inflatus fuerat. Ex quo satis colligitur, paralyticum istum, cum sanitatem à Christo tamquam pœnitentiæ publico præcone ambiret, concepisse

cepisse simul antea & vitæ pœnitentiam, sive ei propter fidem offerentium aut propriam data fuerit, sive non.

3. \* *Et ecce quidam de Scribis*, de Legis & Scripturarum peritiâ sibi placentibus, quæ peccatorum remissionem passim Deo tribuunt, \* *dixerunt intra se*, in corde scilicet, id est, cogitabant: \* *Hic blasphemât*, nempè in Deum, contumeliosè in Deum loquitur, sibi arrogando, quod Deo proprium est, & idè ejus majestati derogando. Livor & malevolentia in deteriorem partem verba Christi rapiebant. Non enim dixerat, *remitto*, sed *remittuntur*; quod intelligi poterat, à Deo, ut esset non efficientis, sed afferentis.

4. \* *Et cum vidisset Jesus*: non conjecturis, sed quasi oculis perspexisset, \* *cogitationes eorum*; ita factò ipso suam divinitatem & se non blasphemare probans, \* *Dixit: Ut quid*, &c.

5. \* *Quid est facilius dicere*, &c. Si nuda verba spectes, æquè facile est utrumvis dicere: si rem, longè difficilius est dimittere peccata, quàm corpori etiam propriâ auctoritate sanitatem dare, juxta illud Aug. tract. 72. in Joan. Justificatio impii majus est opus, quàm cælum & terra. Itaque \* *quid facilius est dicere*, ita scilicet, ut dicentis auctoritas non periclitetur, neque mendacii argui possit. Nam dicere, \* *dimittuntur tibi peccata*, obscuræ veritatis est, quæ credi debeat, ut videri non possit, etiam tum quando verè dimittuntur. Dicere verò, \* *surgè & ambula*, mox palpabilem requirit probationem sanitatis consequentis: alioquin temeritatis ac mendacii confestim ex re ipsa arguetur. Non ergò Christus hîc asserit aut probat sanationem corporalem esse difficiliorem remissione peccatorum: sed ex veritate assertionis de re visibili, ubi effectus mox adesse debet, probat sibi etiam esse credendum, asserenti invisibilem remissionem, quam quisvis facilè jactare posset sine periculo convincendæ falsitatis. Nam, ut Chrysost. hom. 30. alterum horum latet, alterum patet. Quod quamvis minus sit in se, est tamen manifestius, ut illud majus ac invisibile reddatur certius & confirmatius. Hunc sensum postulat id, quod sequitur.

6. \* *Ut autem sciatis*, &c. id est, ut id, quod latet, ac temerè dictum à me arbitramini, ex eo quod oculis patet etiam verum esse intelligatis: \* *Tunc ait paralytico*. Verba sunt non Christi, sed Evangelistæ, quibus significat Christum subito, relictis quasi Scribis, ad paralyticum se convertisse. Unde quamvis deessent, sensus perfectè constaret. \* *Surgè & tolle lectum tuum*: ut quod erat testimonium infirmitatis, fiat probatio sanitatis: \* *& vade in domum tuam*, ne phantasticum putetur id quod factum est. Unde ad faciendam testatissimam fidem,

3. Et ecce quidam de scribis dixerunt intra se: hic blasphemât.

4. Et cum vidisset Jesus cogitationes eorum dixit: ut quid cogitatis mala in cordibus vestris?

5. Quid est facilius dicere: dimittuntur tibi peccata tua: an dicere: surge, & ambula?

6. Ut autem sciatis, quia filius hominis habet potestatem in terra dimittendi peccata, tunc ait paralytico: surge, tolle lectum tuum, & vade in domum tuam.



7. Et surrexit , & abiit in domum suam.

8. Videntes autem turbæ timuerunt, & glorificaverunt Deum, qui dedit potestatem talem hominibus.

7. \* Surrexit , & abiit in domum suam.

8. \* Videntes autem turbæ timuerunt, Græcè, θαύμασαν, *admirate sunt* sed admiratione timori adjunctâ. Nam, ut Lucas 5. 26. *Stupor apprehendit omnes, & repleti sunt timore*: quod fieri solet, quando subito maxima opinio & reverentia de aliquo concipitur, sicut simili de causa 3. Reg. c. 3. v. 28. dicuntur timuisse Salomonem. \* *Et glorificaverunt Deum*, ejus benignitatem laudibus celebrando, \* *Qui*, seu quia, \* *dedit potestatem talem*, remittendi scilicet peccata, & visibilibus istis miraculis confirmandi \* *hominibus*, homini, per enallogen numeri. Unde non videtur quicquam sublimius homine, seu occultum illud incarnationis Dei mysterium agnovisse.

9. Et cum transiret inde Jesus, vidit hominem sedentem in telonio, Matthæum nomine. Et ait illi: sequere me. Et surgens, secutus est eum.

9. \* *Et cum transiret inde Jesus*, versus mare scilicet, ut indicat Marcus 2. v. 34. \* *Vidit hominem sedentem in telonio*, id est, in domo, quod adferuntur vectigalia, occupatum scilicet negotiis officii Publicanorum. Nam τελώνης ad verbum significat emptorem, seu redemptorem publicorum vectigalium, & τελώνιον locum, vel etiam mensam, ubi colliguntur. \* *Matthæum nomine*. Marcus & Lucas vocant *Levi*, binominis enim fuit: sic tamen, ut post Christi discipulatum usitatius fuisse videatur *Matthæus*, antè *Levi*; illud fortasse à Christo impositum, hoc à parentibus. Unde Hieron. notat cæteros Evangelistas, propter verecundiam & honorem Matthæi, noluisse eum nomine appellare vulgato; quod Matthæus ipse ex humilitate fecit, sicut c. 10. se Publicanum vocat, ut nomen suum & infame officium indicando perpetuum relinqueret suæ gratitudinis, divinæque benignitatis, & gratiæ, ac potestatis monumentum. \* *Et ait illi*, cui jam tot miraculis innotuerat: \* *Sequere me*, meo discipulatu indivulsè inhærendo, qui, ut Chrysost. miraculorum jam famâ perdomitus, & ut Hieron. majestate divinitatis occultè in humana facie relucente tractus, potenti denique gratiâ persuasus, & proinde non irrationabiliter, sicut Julianus Augustus & Porphyrius calumniabantur. \* *Et surgens, secutus est eum*. spretis & lucris & periculis, quæ ipsi, totique familiæ imminiebant, quod rationes vectigalium non confectas relinqueret, inquit Basil. in Regulis fusiùs disputatis, resp. 8. Unde promptissimæ obedientiæ exemplum extollit Chrys. Et hæc quantum ad animum. Antequam tamen omnibus reipsâ se abdicaret, Christum domo & splendidis epulis excepit, quasi sic suis valediceret. Nam

10. Et factum est discumbente eo in domo, ecce multi publicani & peccatores venientes, discumbebant cum Jesu & discipulis ejus

10. \* *Discumbente eo in domo*, ipsius Matthæi, qui, ut Lucas, fecit ei convivium magnum, quod modestiæ causâ Matthæus tacet. Hoc autem sicuti de bonis suis fecit, ita & potuit rationes admini-

stra-

strationis suæ Domino permittente reddere. \* *Ecce multi Publicani & peccatores discumbabant cum Jesu*, sive invitati à Matthæo, sive ultrò exemplo sequentis Matthæi & Christi humanitate tracti, quia Marcus ait: *Erant enim multi qui sequebantur*. Peccatores autem quia distinguuntur à Publicanis, videntur homines fuisse vitæ apertè improbæ & infamis.

11. \* *Et videntes Pharisei*, id est, cùm intellexissent post convivium (patet enim Phariseos non interfuisse) \* *dicebant discipulis ejus*, tamquam minùs instructis ad subornandam accusationis malitiam, reddendamque sui facti & magistri rationem. Accusandi enim non admonendi causâ istâ dicebant, non ad instruendos, sed alienandos à Magistro discipulos. \* *Quare cum Publicanis & peccatoribus manducat Magister vester?* Et vos cum illo? Hoc enim addit Lucas. Magistrum tamen præcipuè impetebant, tamquam qui perperam suos verbis & factis instrueret, nec habendum esse virum sanctum, qui peccatorum consortio gauderet. Quos ipsi Pharisei videntur vitasse, non eo animo, quo vitari debent, nimirum ne communicans superbo induat superbiam, & tangens picem inquinetur ab ea, hoc est, ne mores eorum familiaritate addiscantur, vel etiam ne ipsi peccatores in improbitate roborentur: sed ex fastu & errore, ne sicuti juxta legem contactu rei immundæ, ita etiam peccatis inquinarentur. Unde Dominus veram conversationis suæ cum illis causam aperiens,

12. \* *Non est opus*, inquit, \* *valentibus medicus*, quatenus scilicet rectè valent; & ideo vos, tamquam qui sanos vos esse creditis, non frequento: q. d. Medicus sum peccatorum, non socius; non ut fovream peccata, sed sanem; atque ita laude, non reprehensione dignus. Nisi fortè quis eo nomine medicum accuset, inquit Nazianz. Orat. 36. quòd morbo se inclinet, foetoremque sustineat, ut ægrotis sanitatem donet. Unde ex Scripturâ factum suum probans,

13. \* *Euntes discite*, id est, ite, ac discite, non tam scientiâ quàm affectu & opere, quid sibi velit illa Dei per Prophetam sententia, & tunc scilicet accusate me. \* *Misericordiam volo, & non Sacrificium*: id est, magis volo, quàm sacrificium, ut legit Aug. lib. 20. contra Faust. c. 16. Patet ex eo, quod sequitur, & *scientiam Dei plusquam holocausta*. Ex quo etiam patet per *Sacrificium* intelligi holocausta, id est, externa sacrificia. Nam, ut Aug. lib. 10. de civit. c. 5. nihil aliud hîc, nisi sacrificio sacrificium prælatum oportet intelligi, scilicet externo Religionis sacrificio internum misericordiæ, juxta illud Apost. ad Hebr. 13. v. 16. *Talibus enim hostiis promeretur*, id est, placatur, aut delectatur, *Deus*. \* *Non enim veni*. Ratio datur versûs

11. Et videntes Pharisei; dicebant discipulis ejus: quare cum publicanis & peccatoribus manducat Magister vester?

12. At Jesus audiens, ait non est opus valentibus medicus, sed male habentibus.

13. Euntes autem discite quid est: misericordia volo, & non sacrificium. Non enim veni vocare justos, sed peccatores.



duodecimi, non decimi tertii : q. d. Proprium officium meum est, esse medicum : non ergò miremini, si cum ægrotis verſer. Non enim in mundum miſſus ſum, ac \* *veni vocare juſtos, ſed peccatores*, ubi exponit ut antè, juſtos utique ſanos, peccatores autem appellavit ægrotos, inquit Aug. de nat. & grat. c. 19. Græcus hîc atque etiam Latinus apud Lucam addit *ad pœnitentiam* : quod tamen ſatis indicatur per verbum, *vocare*, ſi propriè ſumatur. Vocatio enim juxta Apoſt. ad Rom. 8. v. 30. præcedit ad juſtificationem. Eſtque illud primum beneficium, quo homo invitatur à tenebris ad lucem, à peccatis ad Deum, id eſt, ab ægritudine ad ſanitatē, propter quòd Chriſtus in mundum venit, aliàs non venturus, & quo jam juſti non indigent.

14. Tunc acceſſerunt ad eum diſcipuli Joannis dicentes : quare nos & phariſæi, jejunamus frequenter, diſcipuli autem tui non jejunant ?

14. \* *Tunc acceſſerunt ad eum diſcipuli Joannis*, à Phariſæis ſubornati, ut per os eorum, jam æmulatiunculâ aliquâ adverſus Chriſti diſcipulos laborantium, reſponſum Chriſti reſellerent : nam Marcus & Lucas indicant Phariſæos ſimul acceſſiſſe. \* *Dicentes : Quare nos & Phariſæi jejunamus frequenter ?* Jejunii non ipſius Legis, quæ ab omnibus obſervabantur, ſed ſpecialibus, magiſtrorum juffu vel inſtituto ſuſceptis. Unde Phariſæus ille : *Jejuno bis in ſabbato*, id eſt, quâcumque hebdomadâ. \* *Diſcipuli autem tui non jejunant ?* Plus ſignificare volunt, quàm dicunt, quod Lucas expreſſit, cùm eos dixiſſe notat, *Diſcipuli tui edunt, & bibunt*, id eſt, indulgent genio, cum Publicanis & peccatoribus manducando. Nam hæc de cauſâ vocatus fuit ipſe Chriſtus *homo vorax, & potator vini*, infrâ c. 11. v. 19. Itaque ſenſus calumniæ eſt : Convivia tua cum peccatoribus excuſas, prætextu miſericordiæ ; cur ſaltem diſcipulos tuos non doces perfectionem, quam nos proſitemur ? Sperabant enim Phariſæi ſic fore, ut vel diſciplinam Joannis omnibus probatam damnare cogeretur, vel ſuam, quibus urbaniffimè reſpondet :

15. Et ait illis Jeſus : numquid poſſunt filii iſroſi lugere quandiu cum illis eſt ſponſus ? Veniet autem dies cum auferetur ab eis ſponſus : & tunc jejunabunt.

15. \* *Numquid poſſunt filii ſponſi lugere ?* Sponſum ſe opportunè vocat, quia ſic ab eorum magiſtro vocatus fuerat, Joan. 3. v. 29. Filii autem Sponſi, Græcè *υἱοὶ τοῦ νυμφῶνος*, filii thalami nuptialis, dicuntur phraſi Hætraicâ ( ſicut filii lucis, tenebrarum, regni, &c. ) qui ad Thalamum nuptialem pertinent, id eſt, qui Sponſo velut comites honoris gratiâ dati familiariffimè adhærent, cujuſmodi triginta dati fuerunt Samſoni, Judic. 14. & vocantur amici, ac pronubi, v. ult. Hi ergò non poſſunt \* *lugere*, id eſt, indecens eſt, ut in ſordibus ac luctu, ſeu in actionibus triftitiæ verſentur, quamdiu durant tempora nuptialia, quæ lætitiæ plena ſunt : q. d. hæc indulgentia diſcipulorum meorum tempori congruit.

\* *Venient autem dies, cum auferetur ab eis Sponsus*, per mortem scilicet vel assumptionem in cælos: \* *et tunc jejunabunt*, id est, lugerunt, seu luctuosius incumbunt actionibus, sicut factum indicant Acta Apostolorum. Et hinc est, quod commodè ante dies ablationis Sponsi nostri Quadragesimam jejunamus, ut notat Aug. serm. 74. de diversis c. 3. Eademque de causa Feria 6. & Sabbato olim jejunare solebant, ut idem epist. 86. & Clem. Rom. lib. 5. constit. Apostolicar. c. 17. Ut autem non solum ex temporis ratione, sed etiam ex magno artificio sic cum suis discipulis agendum intelligerent, duas addit similitudines ex veste & utribus.

16. \* *Nemo autem*, nisi insipienter agere velit, \* *immittit commissuram panni rudis*, id est, insuit frustum panni adhuc impexi, & impoliti, prout à fullonibus prodit, \* *in vestimentum vetus*, id est, ad reparandam detritam vestem ac laceram. Nam illa talis commissura seu pannus ille rudis \* *tollit plenitudinem à vestimento*, scilicet veteri, id est, tollit integritatem, sed id, quod adhuc plenum, & integrum erat in veste veteri, \* *& pejor*, seu major ac restauratu difficilior, \* *scissura fit*. Cum enim pannus ille rudis sit durus, ac fortis, vestimentum autem vetus tritum ac penè putridum, mox laceratur. Addit Lucas aliud incommodum, *Alioquin & novum rumpit*, scilicet vestimentum, quia Lucas præmiserat, hanc commissuram, seu hoc frustum panni novi vulsum fuisse ex vestimento novo. Hinc omninò similis est comparatio de vino, & utribus: nam vini novi & bullientis violentia dirumpit utres vetustate infirmos, & penè putridos, & utraque pereunt. Iste est cortex utriusque parabolæ, quæ significat juxta Chrysost. homil. 30. & Theophil. etiam se imprudenter facturum, si discipulis suis adhuc infirmis, & veteri assuetis homini, grave & rigidum vitæ genus imponeret: periculum enim fore, ne & hujusmodi institutum sine fructu periret, & tyrones novæ vitæ austeritate territi desperatione quâdam resilerent à virtutis perfectioris via, quam sectari ceperant, & ita pejores fierent ex eo ipso, quo meliores fieri debuerant.

17. \* *Sed vinum novum in utres novos mittunt*, qui vim vini ferant, ne fervescente musto rumpantur. \* *Et ambo conservantur*, vinum & utres: q. d. Simili modo cum innovati fuerint discipuli mei Spiritus sancti gratiâ, vis rigidioris disciplinæ eis committenda erit, eamque cum fructu ferent: nam, ut Aug. serm. 186. de tempore, carnalitas vetustas est: gratia novitas, spiritualia non capit carnalis, quanto homo melius fuerit innovatus, tanto ampliùs capit quod verum sapit.

18. \* *Hac eo loquente ad eos, Ecce princeps unus accessit*. Marcus Ar-

16. Nemo autem immittit commissuram panni rudis in vestimentum vetus: tollit enim plenitudinem ejus à vestimento & pejor scissura fit.

17. Neque mittunt vinum novum in utres veteres, alioquin rumpuntur utres & vinum effunditur, & utres pereunt. Sed vinum novum in utres novos mittunt, & ambo conservantur.

18. Hæc illo loquente ad eos



ecce princeps  
unus accessit, &  
adorabat eum  
didens, Domine,  
filia mea modo  
defuncta est: sed  
veni, impone  
manum tuam su-  
per eam, & viver  
19. Et surgens  
Jesús, sequeba-  
tur eum, & disci-  
puli ejus,

*chisynagogum*, Lucas c. 8. *Principem synagoga*, quod idem est, vocat, nomine Jairum. Erant hujusmodi Præfecti Synagogæ, ad quos spectabat populi convenientis lectionis Scripturarum, prædicationis, &c. moderatio, ut patet Actor. 13. v. 15. & Lucæ 13. v. 14. \* *Et adorabat eum*, genuflexione, vel corporis prostratione, ut Marcus & Lucas. \* *Dicens: Domine filia mea modo defuncta est*. Marcus ait, *in extremis est*; Lucas, *& hac moriebatur*, id est, animam agebat: quo significat uterque nondum fuisse modò defunctam, postea enim defuncta nuntiabatur. Itaque vel utrumque dixit Jairus sub disjunctione, & Matth. solum alterum expressit, vel, ut Aug. l. 2. de consens. Evang. c. 28. alii posuerint, quid dixerit Jairus, Matthæus verò brevitatis causâ quid voluerit, atque cogitaverit: illi verba, hic voluntatem, cui debent verba servire, eò quòd certum sit, eum saltem audito suorum nuntio de morte ejus hoc cogitasse & voluisse.

20. Et ecce mul-  
lier, quæ sangui-  
nis fluxum pae-  
batur duodecim  
annis, accessit re-  
tro, & tetigit  
fimbriam vesti-  
menti ejus.

20. \* *Et ecce*. Interponitur hic alia historia, quâ confirmaretur fides vacillantis Jairo, & ostenderetur, numquam à benefaciendo otio- sum fuisse Christum, quæ quia accuratius tractatur à Marco, eò ex- plicationem ejus remittimus.

21. Dicebat  
enim intra se:  
Si tetigerò tan-  
tum vestimentū  
ejus, salva ero.

23. \* *Et cum vidisset Jesus tibicines*, quia ut Ambr. lib. 8. in Luc. mos erat Gentium ad luctum tibicines adhibere, ad quorum modos histriones canebant funebria carmina, tunde- bant pectora, & ejulabant, ut Lucanus in dialogo de luctu. Unde Ovid. 4. Fast.

22. At Jesus  
conversus, & vi-  
dens eam, dixit:  
Confide, filia, fi-  
des tua te salvam  
fecit. Et salva fa-  
cta est mulier ex  
illa hora.

*Cantabat mæstis tibia funeribus.*

Hoc autem à Gentibus ad Judæos videtur fluxisse: vide Jerem. 9. v. 17. & 18. Unde hic addit, \* *& turbam tumultuantem*, id est, multi- tudinem miserabili lamentatione deplorantem puellæ mortem. Nam Marcus dicit *tumultum*, & (hoc est) *flentes*, & *ejulantes multum*: & Luc. *Flebant autem omnes*, & *plangebant illam*. Turbis igitur istis \* *di-*

23. Et cum ve-  
nisset Jesus in  
domum princi-  
pis, & vidisset  
tibicines & tur-  
bam tumultuan-  
tem, dicebat:

*cebat:*

24. Recedite:  
non est enim  
mortua puella.  
sed dormit. Et  
deridebant eum.

24. \* *Recedite*, cum toto illo luctûs & planctûs apparatu: \* *Non est enim mortua puella*: scilicet sicut vos putatis, ut in morte maneat, sicut cæteri mortui, neque sit spes reviviscendi: \* *Sed dormit*, quia mox expergefactam videbitis, quam lugetis ut mortuam: somnus igitur est, non mors. Unde quod multi dicunt, *Non est mortua*, quia omnia vivunt Deo, non videtur huic loco convenire: sic enim nullus mortuus diceretur, cum tamen aliquid peculiare videatur Christus de hac puella dicere, quod non de omnibus. Unde nec illo modo dici- tur hic puella *dormire*, quo omnes mortui, Dan. 12. v. 2. vel pecu- liariter Sancti dicantur in morte dormientes, propter spem futuræ resurrectionis; sed potius ad illum planè modum, quo Joan. 11. v. 11.

dicat

dicat Christus : *Lazarus amicus noster dormit, sed vado, ut à somno excitem eum.* Quod cum non intellexissent, addit, *mortuus est*, indicans se eum à mortuis velle suscitare. Usus est autem hic isto loquendi modo eadem de causa, quā mox præcepit, ut nemo sciret, videlicet ut hanc urbanā ambiguitate minus miraculum turbis innotesceret : \* *Et deridebant eum*; quia ignari istius consilii divini, & apud quos de vera morte puellæ nulla erat dubitatio.

25. \* *Et cum ejecta esset turba.* Ut pompam & inanem gloriam declinaret apud turbam, secreti continendi nesciam, patrem tamen & matrem puellæ, ut Marc. & eos, qui secum erant, id est, ut explicat Luc. Petrum & Jacobum & Joannem tanquam testes assumpsit secum. \* *Et tenuit manum ejus.* Addunt alii, cum dixisset, *Puella surge*, ut ipso quodammodo gestu, & voce ageret tanquam cum dormiente, quem manu & voce excitare solemus. Unde eadem facilitate, quā è somno excitata \* *surrexit*, ut Marcus, *ambulabat*, & *jussit illi dari manducare*, ne phantasma putaretur. Quamvis autem, eodem teste, vehementer illis præciperet, ut nemo id sciret, calcandæ scilicet inanis gloriæ studio, & documento; tamen quia fugientes sequi solet,

26. \* *Exiit fama hac in universam terram illam.* Galilæam scilicet ubi contigit, omnibus rem tam stupendam & inexpectatam eo magis certatim divulgantibus. Addit hoc, ne quis à se miraculum confictum putet, cujus testis fuit tota regio.

27. \* *Et transeunte inde Jesu, secuti sunt eum duo cæci*, accepto miraculi istius rumore in spem sanitatis erecti, \* *dicentes* : *Miserere nostri* : quā voce indicant se de potestate ejus non dubitare, sed tantum gratuitam poscere voluntatem : q. d. Velis tantum, quia potes, \* *Fili David*, ille scilicet Davidi ex Davide promissus & expectatus. Nam quamvis eo tempore multi essent ex Davide procreati, hoc tamen peculiariter Messix cognomen & periphrasis fuit : atque ita est hæc luculenta fidei & fiduciæ professio. Distulit eos tamen, donec

28. \* *Venisset domum*, scilicet in Capharnaum, ubi domicilium elegerat : idque tum, ut fides eorum augetur, vel probaretur, tum ut ostentationem fugeret, doceretque fugiendam. \* *Et dicit eis*, ut examinaret naturam fidei illorum, & imitandam proponeret tanquam sanitatis eorum causam, quā magis quàm eorum miseriam per motus fuisset : \* *Creditis quia hoc possum*, non precibus meis impetrare, ut Prophetæ, sed \* *facere vobis* ? Id est meâ auctoritate & potestate præstare ? Hanc enim penes se esse significat. Fides igitur, quam postulat, non est de voluntate faciendi, multò minùs de facto jam ex-

25. Et cum ejecta esset turba, intravit & tenuit manum ejus. Et surrexit puella,

26. Et exiit fama hac in universam terram illam.

27. Et transeunte inde Jesu, secuti sunt eum duo cæci, clamantes, & dicentes: Miserere nostri, fili David.

28. Cum autem venisset domum, accesserunt ad eum cæci. Et dicit eis Jesus: Creditis quia hoc possum facere vobis? Dicunt ei: Urique, Domine.



hibito : non enim dicit : Creditis me hoc velle facere, vel me facturum, vel me fecisse ? Qualem fidem Hæretici postulant de remissione peccatorum : sed, Creditis, quia hoc possum facere ? Est enim fides de divina virtute sua, quæ fides non est fiducia, sed verus mentis assensus, qui tamen per fiduciam conjunctam solet operari. Unde cum dixisset, \* *utique*, id est, indubitanter credimus, respondit eis :

29. Tunc tergit oculos eorum, dicens : Secundum fidem vestram fiat vobis.

29. \* *Secundum fidem vestram fiat vobis* : id est, Si sic creditis, habeat hæc fides per fiduciam, quam clamando & sequendo professi estis, effectum suum.

30. Et aperti sunt oculi eorum : & comminatus est illis Jesus, dicens : Videte ne quis sciat.

30. \* *Et aperti sunt oculi eorum* : quantum ad effectum videndi, hoc est, viderunt. Periphrasis est videndi Hebræis familiaris, etiam cum oculi non solum patent, sed neque visu carent : sic enim primorum parentum, & Agar, Gen. 20. v. 19. oculi aperti dicuntur, quando adverterunt. Vide infra c. 20. v. 33. & Joan. 9. v. 10. & seqq. sæpius. Sic & aures dicuntur aperiri, vel patere, quando surdi audiunt, ut Marci 7. v. 35. Utriusque exemplum Isaia 35. v. 5. \* *Et comminatus est illis, dicens : Videte ne quis sciat* : Græcè *εὐεργιστάς*, acriter & cum fremitu quodam interminatus est. Unde Joan. 11. v. 33. exponitur *infremuit*.

31. Illi autem exeuntes, diffamaverunt eum in tota terra illa.

31. \* *Illi autem exeuntes diffamaverunt eum in tota terra illa*, id est, factum divulgaverunt, & famam sparserunt. Ubi observat S. Greg. 19. Moral. c. 14. aliàs 18. hac in re Christum servis se sequentibus exemplum præbuisse, ut ipsi quidem virtutes suas occultare desiderent, & tamen, ut alii proficiant, prodantur inviti. Occulentur ergo bono studio, inquit, necessitate publicentur : ut eorum occultatio sit custodia propria ; publicatio sit utilitas aliena. Hujusmodi igitur præcepta Christi non videntur fuisse vera præcepta, ad seriò obligandum imposita, sed efficacis tantum desiderii sui declaratio, quòd scilicet nullo inanis gloriæ studio teneretur. Unde alii non peccaverunt, virtutem ejus ex gratitudine debitâ laude prosequendo.

32. Egressis autem illis, ecce obtulerunt ei hominem mutum, dæmonium habentem.

32. \* *Egressis autem illis, ecce obtulerunt ei hominem mutum, dæmonium habentem* : id est, mutum à Dæmone possessum. Non enim illud, *mutum*, referendum est, ad dæmonium, sed ad hominem, cujus lingua non naturaliter, sed dæmonis maleficio ligata significatur ex eo, quòd ejecto dæmone loquebatur. Lucas tamen ipsum dæmonium vocat mutum c. 11. v. 14. scilicet effectivè, quia faciebat mutum : nam varii dæmones tardis nocumentis, & vitiis delectantur. Loco *mutum*, Græcè est *καπὸς*, quod vulgò magis surdum, quàm mutum significare notat Hieron. sed in Scripturis indifferenter usurpari. Hic mutus ab aliis offertur, quia mutus eum verbis orare non poterat,

ut Chrysoſt. nec ab eo fidem exigit , quia muti ſimul & ſurdi eſſe ſolent. Tractat allegoricè quatuor iſta miracula S. Hilar. can. 9. juxta quem Filia Principis ſignificat Synagogam , Hæmorroiſſa Gentes , ſicut intelligit & Hieron. Rurſum alià figurà duo cæci ſignificant Scribas & Pharifæos , inquit Hilar. dæmoniacus Gentes. Vide eum latiùs. Senſu tropologico Hæmorroiſſa eſt anima , multo tempore concupiſcentiis & vitiis diſfluens , quam ſanare non poſſunt Medici , Lex Moyſis , aut Philoſophi , ſed tactus ſimbriæ , ſeu fides Incarnationis. Filia Principis duodennis eſt anima initio converſionis peccans , quæ facilè ſanatur , ſi Princeps , id eſt, Paſtor Eccleſiæ , pro ea ſatagat. Duo cæci & mutus totius humani generis ſignificant ſtatutum , cui primò oculi per fidem aperiri debent , ut deinde in Deilaudes lingua ſolvatur.

33. \* *Et mirata ſunt turba* , quia videlicet \* *numquam apparuit ſic in Iſraël* , id eſt, nemo unquam in Iſraël fuit , qui tantâ imperandi auctoritate , tantâ celeritate & facilitate tam varia & immedicabilia morborum genera ſanaret : non enim ad ſolum ejeſti Dæmonii miraculum , ſed ad præcedentia reſpiciunt. Atque hæc erat ſimplex & candida turbæ , nullis invidiæ ſtimulis agitata , confeſſio.

34. \* *Phariſai autem* , livore cæci , cùm facta negare non poſſent , malitioſè calumniando , \* *dicebant : In principe dæmoniorum* , id eſt, ope Principis , ac præcipui dæmonum , hoc eſt, non divinâ virtute , ſed pacto & arte magi à cum ſummo dæmone , \* *ejecit dæmones* , inferiores. Calumniam iſtam acerbiffimam accuratè refellit Chriſtus cap. 12. Nunc autem eâ contemptâ pertransit benefaciendo & exercendo legationem Evangelicam ſuſceptam , circuitque \* *omnes civitates & caſtella* , Græcè *κόμης* , *Pagos* , id eſt , erga magnos & parvos nemine neglecto. In quo circuitu

36. \* *Videns turbas* , id eſt , miſeriam turbæ non modò corporalem , ſed maximè ſpiritualem , \* *miſertus eſt eis* ; Græcè *ἰσπλαγίζον* , id eſt , internis viſceribus ſummo affectu & commiſeratione ſuper malis eorum indoluit , \* *quia erant vexati* , id eſt , variis afflicti malis : \* *Et jacentes ſicut oves , non habentes paſtorem* : quæ hac illac oberrando temerè vagantur , nec paſtorem , nec cauſam , nec gregem ſciunt quærere. Significat ergò Judaicum populum per diverſa vitiorum & errorum genera oberraffe , ideoque diverſis malis à Dæmonibus afflictum , nemine curam gerente ſalutis eorum. Itaque

37. \* *Tunc dicit diſcipulis : Meſſis quidem multa* , ſcilicet populi Judaici : nam in illis à Prophetis ſeminatum fuerat , inquit Aug. ſerm. 42. de Sanctis c. 1. Unde Joan. 4. v. 35. de eodem populo dicit , *Re-*

33. Et ejeſto dæmonio , locutus eſt mutus , & mirata ſunt turbæ , dicentes : Numquam apparuit ſic in Iſraël.

34. Phariſai autem dicebant : In principe dæmoniorum ejecit dæmones.

35. Et circubar Jeſus omnes civitates , & caſtella , docens in ſynagogis eorum , & prædicans Evangelium regni , & curans omnem languorem , & omnem infirmitatem.

36. Videns autem turbas , miſertus eſt eis : quia erant vexati , & jacentes ſicut oves non habentes paſtorem ,

37. Tunc dicit diſcipulis ſuis : Meſſis quidem multa , operarii autem pauci.



giones jam albas esse ad messem, id est, eos maturos esse, quia doctrinam salutis & Evangelicam accipiendo, incorporarentur Christo, & ex Synagoga in Ecclesiam velut horreum transferrentur, quia finis legis Christus. Et hinc est, quod respectu Judæorum non dicuntur Apostoli seminare (utpote quod respectu Gentium eis magis competeat) sed metere Joan. 4. v. 38. \* *Operarii autem pauci*: id est, messores, qui operam suam collocent, ut messis in aream Ecclesiæ devehatur, id est, qui eis Evangelium regni, à Lege adumbratum, prædicent: solus enim erat Christus & Joannes, quia necdum Apostoli missi erant.

38. Rogate ergo Dominum messis, ut mittat operarios in messem suam.

38. \* *Rogate ergo dominum messis*. Seipsum tacite indicat, inquit Chrysost. quanquam verisimilius est indicari Patrem, cui sua Christus transcribere solet. \* *Ut mittat*. Ipsi est enim mittere: nam cui se ingerunt, non legitime ab ipso missi, falcem in alienam messem mittunt, & sacrilegii rei sunt, ut omnes Hæretici. \* *Operarios in messem suam*, qui re ipsâ scilicet non nomine tenus, tales sint, fideles & idoneos, quia ipse tales non solum mittit, sed & facit.

## CAPUT DECIMUM.

**Q**UOD igitur Dominum rogandum esse dixerat, mox Christus ultro, non expectatis precibus, ex profusione ingenitæ pietatis ipse facit, mittendo scilicet operarios in messem suam. Nam

1. Et convocatis duodecim discipulis suis, dedit illis potestatem spirituum immundorum, ut ejicerent eos, & curarent omnem languorem, & omnem infirmitatem.

1. \* *Et convocatis duodecim discipulis*, qui hætenus non nisi discipuli fuerant, continui auditores doctrinæ, & spectatores operum, nunc eos mittere incipit ad colligendam messem, ad quod verbo & exemplo formaverat, atque ita hæc missione eos Apostolos fecit, & ut Luc. cap. 6. v. 13. etiam Apostolos nominavit; q. d. Missos, quia generaliter in universum missi sunt: quamvis ex etymologia etiam aliis competat, sicut cæteris Septuaginta duobus discipulis hoc tribuunt nonnumquam veteres. Ut autem hæc missio non esset potestate vacua, veleurum doctrina novitate contemptibilis, vel prædicationis, tanquam legationis divinæ, potestas arrogata videretur, miracula velut sigilla commissionis & auctoritatis appendit. Nam \* *dedit illis potestatem spirituum immundorum*, id est, super spiritus immundos, nempe \* *ut ejicerent eos*. Vocantur *immundi*, non naturâ, sed vitiis, quia omni immunditiâ delectantur: horrent & infectantur sanctimoniam, ex quo à divina puritate ceciderunt. Hæc autem potestas ejiciendi spiritus, curandique infirmitates non erat inhærens Apostolis, sicut Christo, sed stabiliter addicta, & assistens ex divina voluntate, quod conciliaretur eis, tanquam Legatis, reverentia, auctoritas,

ritas, Fides ex miraculis, quæ deerat ex ingenio, eloquentiâ, opibus, pompâ, comitatu.

2. \* *Duodecim autem Apostolorum.* Duodecim non casu, sed Divino consilio electi sunt, ut satis indicatur Act. 1. v. 26. 21. & ult. Rationes tangunt veteres: primam, ut, quia duodecim tribus typus erant Ecclesiæ, ex omnibus Gentibus colligendæ, duodecim etiam Apostoli, quasi alii duodecim Patriarchæ, & Patres eam generarent, ut indicat Iren. lib. 4. c. 38. & Theophil. hic, imò ipse Christus infra c. 19. v. 28. Alteram sæpius tangit Aug. ut in Psalm. 59. & alibi, quia duodenarius constat ternario, in quaternarium ducto: Apostoli autem Trinitatem in quatuor orbis partes erant prædicaturi. \* *Nomina hæc sunt.* Nominatim recensentur, ut constaret tum Divinæ electionis ratio infirma mundi eligentis, tum firmitas testimonii ipsorum, quod de rebus maximis toti orbi reddere debebant.

\* *Primus Simon:* non ætate, quia senior erat Andreas, ut Epiphanius. Hæresi 51. numer. 19. nec vocatione, quia idem Andreas imperfectâ vocatione, scilicet ad credendum, prior vocatus fuit, Joan. 1. v. 40. & 41. perfectâ verò ad Apostolatam simul cum Petro, Matth. 4. v. 18. Nec etiam solâ necessitate numerandi primus ponitur; sic enim qui sequitur, secundus dici debuisset: neque casu, quia utique ponitur Petrus in Evangeliiis primus, cæterorum verò ordo mutatur. Itaque primus autoritate, & electionis dignitate, sicut Judas semper collocatur ultimus: quasi diceret, & omnium Apostolorum primus, id est, præcipuus & quasi vertex Simon, inquit Chrysost. in cap. 1. Act. Et ex hoc loco desumpta videtur vox *Primatus Petri*, quam usurpat Aug. tractat. ult. in Joan. & alii Veteres. Unde Beza, cæteris impudentior, hac voce perstrictus, audent suspicari ab aliquo Primatus Papæ fautore vocem *Primus* fuisse additam, \* *Qui dicitur Petrus*, ut distinguatur à Simone Chananæo, \* & *Andreas frater ejus.* Matth. Apostolos recensendo sex binarios per copulativam efficit: unde videtur eos ita binos enumerare, sicut à Christo conjugati & bini missi fuerant ad prædicandum, Marci 6. v. 7. Hinc fratres conjungit, ad significationem concordie.

3. \* *Jacobus Zebedæi:* supple filius, ut ab alio Jacobo distinguatur. Dicitur etiam *Major*, propter ætatem; occisus est ab Herode Act. 12. \* *Et Joannes frater ejus, Philippus*, nomen Græcum, sicut & *Andreas*, à Judæis usurpatum fuit, eo quòd Gentibus per multas annorum centurias fuissent mixti: \* & *Bartholomæus*, quasi dicas *filius Ptholomai*, vel potius *Pholmai*, quod habetur 2. Regum 3. v. 3. \* *Thomas*, Syriacum est ab Hebraica radice, significante gemellum, nam **דון**

2. Duodecim autem Apostolorum nomina sunt hæc: Primus, Simon, qui dicitur Petrus, & Andreas frater ejus,

3. Jacobus Zebedæi, & Joannes frater ejus, Philippus & Bartholomæus, Thomas, & Matthæus publicanus, Jacobus Alphæi & Thadæus,

Tām



Tam significat *geminare* : Græcè dicitur *Didymus*, Joan. 20. v. 24.  
 \* *Et Matthæus Publicanus*, quondam scilicet : nam humilitatis causâ  
 superabundantem Christi gratiam prædicat, uti peccatum abunda-  
 verat. Eadem de causa se Thomæ postposuit, cum alii præponant,  
 \* *Jacobus Alphaï*, scilicet filius. Dicitur est *Minor*, Marci 15. v. 40.  
 quia junior, cujus mater erat, ut ibidem, & Joan. 19. v. 25. Maria  
 Cleophæ, soror matris Domini; unde & à Paulo ad Galat. 1. *Frater*  
*Domini* vocatur. Vitâ fuit sanctissimus; Jerosolymorum Episcopus,  
 auctor unius ex Epistolis Catholicis. Hujus frater \* *Thadaeus*  
 vocatus est etiam proprio nomine *Iudas*, ut utrumque constat ex  
 initio Epistolæ, quam scripsit : unde à Luca vocatur *Iudas Iacobi*. Di-  
 ctus est etiam à Græcis hîc *Lebbeus*, quasi dicas corculum, ita ut tri-  
 nominis fuerit juxta Hieronymum.

4. Simon Chana-  
 naus, & Judas  
 Iscariotes, qui &  
 tradidit eum.

4. \* *Simon Chananeus* : non à terra *Chanaan*, seu *Chananaa*, repug-  
 nat etiam orthographia, tam Latina, Hebraica, quam Syriaca; sed  
 à *Cana*, oppido vel vico Galilææ, ut Hieron. unde rectius fortasse  
*Cannæus* diceretur. Hoc autem nomen quia secundum etymologiam  
 Hebraicam denotat zelum, nam כנע *Kannè* significat *zelari* : hinc  
 à Luca c. 6. & Act. 1. vocatur *Simon Zelotes* : quamvis Scaliger velit  
 Zelotem esse dictum, quia à secta Zelatarum, de quibus apud Jose-  
 phum, ad Christum conversus fuit. \* *Et Iudas Iscariotes*. Ita voca-  
 tum volunt Hebraicè, alii à marsupio, alii à mercede venditi Chri-  
 sti, alii à strangulatione per anticipationem, alii à tribu Issachar; sed  
 horum pleraque meræ chimeræ sunt. Verissima videtur illa & sim-  
 plicissima opinio, quæ ut Hieron. ab urbe deducit, nempe Carioth,  
 in tribu Juda, Josue 15. v. 25. & Jerem. 48. v. 24. & 41. quasi di-  
 cas, יִשְׁכָּרְיֹתָן *Isch Kerioth*, *virum Carioth*, id est, Cariothensem:  
 nam hanc formâ exprimunt Hebræi sæpè sua patronymica, ut *viri Beth-*  
*lehem*, *Anathoth*, pro Bethleemitis, Anathotitis, 1. Esdræ 2. v. 26. & seq.

5. Hos duode-  
 cim misit Jesus,  
 præcipiens eis,  
 dicens : In viam  
 gentium ne abje-  
 ritis, & in civi-  
 tates Samarita-  
 norum ne intra-  
 veritis.

5. \* *Hos duodecim misit Iesus*, tanquam Legatos altissimæ legationis  
 annuntiandi regni cælorum, \* *præcipiens eis*, dicens, hoc est, &  
 mandata, tanquam instructionem legationis, dedit in hæc verba :  
 \* *In viam gentium*, id est, ad Gentes ducentem, \* *ne abieritis*, præ-  
 dicandi scilicet causâ, quia nondum salutis omnibus publicandæ tem-  
 pus erat; quod tamen post resurrectionem eis præceptum est, infrâ  
 c. 28. v. 19. quia juxta sapientissimam Dei ordinationem oportebat  
 Judæis, tanquam filiis regni, & ad quos Messia promissio facta erat,  
 primum loqui Verbum Dei : cum verò repellerent illud, & se in-  
 dignos judicarent æternæ vitæ justissimo judicio, oportebat converti  
 ad Gentes, ut explicat Paulus Act. 13. v. 46. \* *Et in civitates Sama-*

*ritano-*

*ritanorum ne intraveritis* : eadem de causa. Nam & illi verè Gentiles erant, utpote in Judæam ex Chaldæa translati, ut patet 4. Reg. 17. v. 24. & seqq. sed quia propter cultum nonnullum veri Dei, & Messiae expectationem, Joan. 4. v. 20. & 25. medii videbantur inter Judæos & Gentes, hinc distincta fit eorum mentio.

6. \* *Sed potius ite ad oves, quæ perierunt domus Israël* : id est, Gentis Israëliticæ, sub qua totam illam nationem comprehendit; quæ vocantur *oves pascuæ Dei*, Psal. 73. v. 1. quia populus à Deo peculiariter electus : *perdita* autem, quia universum genus humanum in Adam perditum fuit, & sicut ovis erraverat, Isaïæ 53. & peculiariter illo tempore Judæi erant vexati & jacentes, sicut oves non habentes Pastorem, ut sup. c. 9. Hic ergò districtus figitur isti legationi. Unde eadem ex causa & sensu Christus à Paulo ad Rom. 13. v. 8. vocatur *minister circumcisionis* : & ipsemet infra c. 15. v. 24. se non venisse proficitur, nisi ad oves domus Israël.

6. Sed potius ite ad oves, quæ perierunt domus Israël.

7. \* *Euntes autem predicare*. Hic explicatur summa legationis, \* *quia appropinquavit regnum calorum*, ut scilicet per poenitentiam ad illud vos præparetis, ut supplet Marcus c. 6. v. 12. Hoc autem comprehendit veteris vitæ detestationem, & assumptionem novæ. Vide de hac suprâ dicta c. 3. v. 2.

7. Euntes autem predicare, dicens : Quia appropinquavit regnum calorum.

8. \* *Infirmos curate*, &c. His verbis actum jubendo, simul dat potestatem confirmandi miraculis, tanquam sigillis, legationem seu missionem suam : nec non ipsa quoque mandata legationis, hoc est, prædicationem suam ; utraque enim erat valde nova. Simul autem indicat, miracula esse debere non tam curiosa vel terribilia, ut Moyses, quàm beneficia : ut ita prædicatio eorum fieret non tremenda, vel onerosa, sed beneficiis tam spiritualibus quàm corporalibus gratissima. Itaque \* *gratis*, id est, nullis meritis vestris aut pretio, sed merâ Dei gratiâ, \* *accepistis*, potestatem illam, ideoque \* *gratis date* : non potestatem ipsam, quæ ab eis dari non poterat, sed effectus illius potestatis, sanitatem, &c. His ergò verbis jactantiam simul & avaritiam convellit, simulque tangit radicem, cur spiritualium istorum donorum venditio sit illicita, quia scilicet potestas illa talis est, quæ nullo humano labore, sed solâ Dei gratiâ haberi potest. Ideoque magna ei sit irreverentia, si ad vile pretium, contractusque humanos depressatur. Quamquam hisce verbis etiam acceptio munerum, quæ ex gratitudine Apostolis offerrentur, vetari videatur, quia indecora est, & gratia Dei sic ad quæstum videtur verti : unde Giesæa de causa reprehensus est. Porro sententia generalis est, ideoque tum ad alia spiritualia Dei dona, tum peculiariter ad ipsam prædicationem Apo-

8. Infirmos curate, mortuos suscite, leprosos mundate, demones ejicite : gratis accepistis, gratis date.



stolorum referri potest, ut refert Basil. in c. 8. Isaïæ. Non enim, inquit, sermo Evangelii venialis est, ut verba Pythonum. Unde præcidens omnem venditionis & negotiationis causam ac prætextum,

9. Nolite possidere aurum, neque argentum, neque pecuniam in zonis vestris:

9. \* *Nolite, inquit, possidere.* Græcum κηρύσσειν, & Syriacum נִסְבִּין *Tekem* verti potest *comparare*, scilicet in viaticum; & hoc magis cum Luca & Marco convenit, qui dicunt, *Ne tuleritis in via* & quia sequitur, \* *in zonis vestris*, id est, loculis, ex zona itinerantium & militum pendere solitis. \* *Aurum, neque argentum, neque pecuniam.* Græcè χαλκόν, *as*: tres enim pecuniæ species, etiam vilissimam ex ære, vetat

10. Non peram in via, neque duas tunicas, neque calceamenta, neque virgam: dignus enim est operarius cibo suo

10. \* *Non peram in via*, Græcè πέραν εἰς ὁδόν, *peram in viam*, id est, peram viatoriam, ad recondendum cibum, continens pro contento; & sub *pera* etiam poculum intelligitur, \* *neque duas tunicas*, id est, vestimenta: unum, quo induti sitis, & aliud futurorum timore, ne fortè sit opus, ut notat Hieron. hîc, & Aug. libro de consensu Evang. c. 30. Nam si necessitas postulare, duobus vestimentis indui potuisse, patet exemplo Christi, 'qui duobus indutus fuit, Joan. 19. v. 23. \* *Neque calceamenta*, nempè duplicia, sicut de tunicis dictum est. Ita Cajet. & Maldon. & olim cecinit Juvencus Poëta: vel veriùs fortassis vetat non calceamentis indui, sed non possideri seu portare calceamenta in viam; curam scilicet prohibens, inquit Augustinus, quâ idè portanda cogitantur, ut non desint. Et hoc videtur esse, quod Lucæ cap. 22. dicitur, eos missos *sine sacculo, & pera, & calceamentis*, id est, sine provisione in futurum, & tamen nihil eis defuisse. Hinc Marci 6. v. 9. permittuntur non portare, sed *indui sandaliis*, id est, soleis, quæ solas plantas tegerent: quibus & Petrus indutus fuisse indicatur Græcè, Actor. 12. v. 8. Quamquam ἐποδήμια, quæ hîc *calceamenta* vocantur, reverà nihil aliud sonent Græcè, quàm quasi subligacula, quia subligantur. Multi tamen putant hîc vetari calceos, qui totum pedem tegant, tamquam mollitiei vel curæ carnis testimonium; permitti verò sandalia, quæ solas plantas. Cujus diversitatis mysticam dat rationem Aug. ut scilicet nec occultaretur Evangelium, nec terrenis commodis inniteretur: & per duas tunicas intelligit vetari duplicitem. \* *Neque virgam.* Marcus ait, *nisi virgam tantum*: Sed Matth. per *Virgam* intelligit arma defensiva, aut offensiva, juxta illud, *reges eos in virga ferrea*: nam Divinæ providentiæ ac tutelæ prædicatoribus armorum usus non convenit. Unde Ambros. *Virgam* vocat ulciscendi instrumentum doloris, & in verbis humilitatem doceri tradit, lib. 6. in Lucam. Marcus verò permittit baculum itinerantium, quo se sustentent, qui Hebraicè propriè

prie dicitur מִשְׁגֶּנֶת, *misgenéth*, vel מִשְׁגָּנָן, *misghnan*. Aug. putat Marcum intelligere *Virgam* metaphoricè, pro potestate sumendi necessaria à discipulis seu auditoribus: Matthæum verò propriè, q. d. Ne minimas quidem res in futurum necessarias providete. Nam omnium datur una generalis ratio: \* *Dignus est enim operarius cibo suo*, id est, alimento, quo sustentetur in opere gratis administrato. Unde *Cibus* pro omnibus sustentationi vitæ necessariis, tamquam pars pro toto, sumitur, quorum provisionem prohibuerat. Atque ita satis clarè indicat, cur eos omnia ista possidere ac ferre noluerit, non quasi non essent necessaria, inquit Aug. loco citato, sed quia sic eos mittebat, ut demonstraret, ab eis ista sibi deberi, quibus Evangelium annuntiarent, tamquam stipendia militantibus, tamquam fructum vineæ plantantibus, tamquam lac gregis pastoribus, ut scilicet ita essent & expediti ab impedimentis omnibus ad prædicationem, & securi de sustentatione. Lucas pro cibo *Mercedem* ponit, non ut significet sustentationem esse adæquatum pretium operis, sed esse operi gratis factò debitam, eoque magis, quo opus est nobilius & magis gratuito exhibetur: sic enim & majoris meriti est, & magis debetur sustentatio, utpote ex justitia & ex gratitudine, nempe ut operarius in opere, nullius rei temporalis consideratione maculato, vel pretio compensabili possit subsistere. Unde Aug. libro de Pastoribus c. 2. Non ergò est, inquit, venale Evangelium, ut pro temporalibus prædicetur; si enim sic vendunt, magnam rem vili vendunt. Accipiunt ergò sustentationem necessitatis à populo: mercedem dispensationis à Deo. Non enim redditur quasi merces illis, qui sibi in charitate serviunt, sed tamquam stipendium, quo, ut possint laborare, pascantur. Hæc ille. Itaque hoc agebat Christus cum discipulis, quod Apostolus apertiùs dixit, 1. ad Cor. 9. v. 14. *Dominus ordinavit iis, qui Evangelium annuntiant, de Evangelio vivere*. Ubi tamen mox adjiciens: *Ego autem nullo horum usus sum*, utique ostendit potestatem datam, non impositam necessitatem. Atque ita facilè intelligitur, & præcepta ista non isti unicæ legationi Apostolorum fuisse posita, ut quidam putant, sed perpetua; & tamen sine eorum violatione Paulum potuisse manuum labore vivere, & Apostolos à mulieribus ali, ne gravarent populum, & Christum Dominum oculos circumferre, in quibus id, quod populus dabat, asservaretur. Ex iis, quæ hætenus diximus, satis intelligitur, hæc Christi præcepta non ad istam unicam & primam missionem Apostolorum pertinere, ut multi recentiores volunt, sed etiam ad illam universalem in totum orbem. Nam veteres penè omnes non aliter intelligunt, quàm hîc informari



virum Apostolicum & perfectè à Divina providentia suspensum.

Quia igitur sic institutis occurrere poterat, an quivis promiscuè sustentationis causâ esset adeundus, præoccupat Christus:

-11. In quamcumque autem civitatem aut castellum intraveritis, interrogate, quis in ea dignus sit: & ibi manete donec exeatis.

11. \* *In quamcumque civitatem aut castellum*, id est, vicum aut pagum, \* *intraveritis*, prædicandi causâ, non inquirendum vobis de hospitio meritorio, aut quis dives aut opulentus, sed \* *quis in ea dignus sit*, hospitio vestro, qui scilicet morum integritate, beneficentiaque spem præbeat promptæ hospitalitatis. Famâ hoc inquiri vult, inquit Hieron. ne prædicatoris dignitas suscipientis infamiâ deturpetur, atque ita; ut Ambros. lib. 6. in Lucam, mutandi hospitii necessitudinisque violandæ causa non suppetat. \* *Et ibi manete, donec exeatis*, scilicet illâ civitate aut castello; quod Lucas clariùs dicit, *Nolite transire de domo in domum*. Alienum est enim, ut idem Ambr. à prædicatore regni cælestis, cursitare per domos, & inviolabilis hospitii jura mutare: nam levitatis vel appetentiæ mensæ lautioris speciem habet, & hospes primus contristari aut offendi solet.

12. Intrantes autem in domum, salutate eam, dicentes: Pax huic domui.

12. \* *Intrantes autem &c. salutate eam*, ut humanitate hospitis animum præveniat, \* *dicentes: Pax huic domui*. Formula salutandi est Hebræis usitata, inquit Hieron. *Pax tecum*: quæ subinde significat adventum esse pacificum, sine animo bellandi aut nocendi, ut patet Gen. 43. v. 23. & Judic. 6. v. 23. Plerumque verò per eam omnia læta prosperaque imprecantur, sicut Latini dicendo *Ave & salve*. Pax enim est omnium desideriorum finis: Christus autem vulgi verbis intelligi cupit Evangelicam, quam prædicabat, & æternæ vitæ pacem.

13. Et si quidem fuerit domus illa digna, veniet pax vestra super eam: si autem non fuerit digna, pax vestra revertetur ad vos.

13. \* *Et si quidem fuerit domus illa digna*, pace Evangelicâ, quam fueritis apprecati. Lucas ait, *si fuerit ibi filius pacis*, id est, dignus pace, sicut dicitur *filius mortis*, id est, morte & supplicio dignus. Dignum autem intelligit Aug. lib. de correct. & gratia cap. 15. per prædestinationem Divinam. Quo pacto enim Evangelicâ pace jam dignus fuerit ante annuntiatam pacem? Si igitur digna domus fuerit, id est, talis, quam Deus ad pacem secum præordinaverit: \* *Veniet pax vestra supra eam*, id est, proderit domui, quia Deus effectum dabit verbis vestris. \* *Si autem non fuerit digna, pax vestra revertetur ad vos*, id est, inquit Augustinus, vobis proderit hæc prædicatio, non autem illi. Quo sensu hæc dicta erunt vel ad consolationem annuntiantium pacem, dum viderint apud multos optato effectum carere verba sua: vel ut S. Remigius in Catenâ, ad explorationem dignæ domus seu hospitis: q. d. salutate, offerendo pacem. Si domus fuerit digna pace Evangelii, quam annuntiat, & consequenter hospitio vestro, acceptabunt eam, Deo effectum benedictionis præstante:

sin minùs , vos ex illa repulsa nullum patiemini detrimentum.

14. \* *Et quicumque non receperit vos, neque audierit sermones vestros.* Unum est explicatio alterius : unde Lucas solùm dicit, *Quicumque non susceperint vos*, non admittendo scilicet prædicationem Evangelicæ pacis, pœnitentiæ, & regni cælorum. \* *Excutite pulverem de pedibus vestris.* Quod Aug. quæst. 7. super Matth. juberi putat, vel ad contestationem terreni laboris, quem pro illis inaniter suscepissent ; vel ut ostenderent, usque adeò se ab ipsis nihil terreni lucri quærere, ut etiam pulverem de terra eorum sibi non paterentur adhærere : quas duas rationes & Chrysost. tangit. Proximè tamen videtur, hoc fieri in signum anathematis ac maledictionis eorum, utpote cum quibus, velut maledictis, nec pulverem quidem velint habere communem. Hoc est enim quod Luc. 10. ait, *Etiam pulverem*, scilicet rem vilissimam & minimam : qui quia addit, *extergimus in vos* ; id est, contra vos, & quia Paulus & Barnabas ad litteram hoc observantes, Act. 13. v. 51. dicuntur excussisse pulverem pedum in eos, id est, contra eos ; manifestum est, hanc ceremoniam adhiberi, quemadmodum Marc. ait, *in testimonium*, & ut Lucas c. 9. *in testimonium supra illos*, nempe rebellionis & condemnationis eorum, atque ita ad terrorem rebellium : talis enim actio significatio est, quàm verba. Unde ne putetur esse inane terculamentum, adjicit :

15. \* *Tolerabilius erit terra Sodomorum, &c. quam illi civitati.* Quia illis pœnitentia ac promissio regni cælorum & salutis æternæ non fuit prædicata, nedum miraculis ac virtutibus confirmata : hæc tantam liberalitatem Dei non Fide tantum, sed nec audientiâ dignatur, quæ impietas sine dubio est gravissima : unde eadem illa ratio tangitur, c. 11. v. 23. & 24.

16. \* *Ecce ego mitto vos.* Putant quidam hæc non esse dicta Apostolis in hac prima missione, eo quod sine periculis & persecutione fuerit : sed refelluntur ex Luca c. 10. v. 3. ubi certum est de prima missione agi. Itaque etsi non fuerint in illa passi persecutionem, præmoneri tamen & præmuniri eos decuit simul & semel adversus ea, quæ & tunc contingere poterant, & postmodum ad Gentes missis contigerunt. Itaque \* *ecce ego*, qui novi quid faciam, qui luporum rabiem arcere, sistere, moderari, & in utilitatem patientium convertere scio : \* *mitto vos, sicut oves* : quibus nihil imbellius, simplicius, innocentius, magis inerme, & ab omni præsidio defensionis imparatum. Explicare enim videtur versum decimum, quomodo mittantur sine virga. \* *In medio luporum* : quibus nihil est rapacius & ovibus magis infestum. Significat enim hâc phrasi, tum luporum seu perse-

14. Et quicumque non receperit vos, neque audierit sermones vestros : ex-euntes foras de domo, vel civitate, excutite pulverem de pedibus vestris.

15. Amen dico vobis : Tolerabilius erit terræ Sodomorum, &c. Gomorrhæorum in die judicii, quàm illi civitati

16. Ecce ego mitto vos sicut oves in medio luporem. Estote ergo prudentes sicut serpentes, & simplices sicut columbæ.



quentium undique circumdantium multitudinem ; tum persecutio-  
num futurarum crudelitatem , tum defensionis impotentiam & im-  
paritatem.

\* *Estote ergo prudentes sicut serpentes, & simplices sicut columba.* Græcè ἀνέπατοι , quod hoc loco videtur à νέπα deduci , quasi diceret *sine cornibus* , hoc est , placidi : est enim epithetum animalium, quæ natura non armavit cornibus ad injuriam depellendam. Cum quo reipsa convenit , si transferas cum aliis , *synceri* , vel *innocentes*. Nam antiqui unanimiter volunt hic significari innocentiam ad non inferendum malum. Sensus est ergò : Cum velut oves mittamini inter lupos , ovis verò valde stolidus sit , arma vestra erunt prudentia & simplicitas ; prudentia serpentis , ut insidias & mala caveatis ; columbæ simplicitas , ut nemini noceatis ; ita scilicet , inquit Nazianzenus orat. 19. ut nec prudentia in versutam improbitatem , nec simplicitas in stoliditatem degeneret , sed ex ambabus una absoluta virtus fiat. Nam , ut Tertull. c. 2. lib. contra Valentinianos , nocentissimi , qui non sunt simplices ; sicut stultissimi , qui non sapientes seu prudentes. Simili ferè modo Hilarius lib. de Synodis significari dicit serpentinam prudentiam , columbæ simplicitate temperandam ; & columbæ simplicitatem prudentiâ serpentis instruendam , ut fiat simplex sapientia , & sapiens simplicitas. Serpens enim cum se hominibus exosum quasi naturâ sentiat , numquam fedit , sed magnâ semper sollicitudine & insidias eorum cavet , & actus declinat. Addunt veteres ferè omnes , Aug. quæst. 8. super Matth. & lib. 2. de doctrina Christiana c. 16. Hieron. Chrysost. Theophyl. hic , Ambros. lib. 3. de Fide c. 6. quod serpens totum corpus capiti , ubi vita est , custodiendo objiciat , & per angustias se coarctando vetustatem exuat : ita inquirunt in persecutione luporum caput , id est Christum , seu Fidem Christi esse custodiendam , & per angustam portam ad vitam esse intrandum. Sed quia ad eandem serpentis prudentiam pertinet , venenum in persequentes jaculari , hæc malitia per columbæ simplicitatem temperanda est : quam in eo sitam esse ferè conveniunt , quod nemini omnino , sive homini , sive bestiis noceat : usque adeò , inquit Aug. ut nullum omnino animalium necet , non solum grandium , contra quæ vires non habet , sed nec minutissimorum quibus etiam perparvi passeris aluntur. Imò nec nocentibus nocent , nec direptoribus nidi se opponunt , læsæ redeunt , de ipsis lædentibus benè merentur , felle carent. Addit pulchrè idem Aug. serm. 19. de diversis , quòd societate gaudent , ubique simul volant , simul pascuntur , charitatem servant , gemitibus amoris murmurant , osculis filios generant , amant etiam quando de  
nidis

nidis rixantur. Quæ faciliè est applicare. Hic ergò genuinus videtur loci sensus. Nam cum simplicitas columbina quid sibi vellet satis omnibus esset manifestum, obscurior verò serpentina prudentia, statim illam explicans Christus, adjicit:

17. \* *Cavete autem ab hominibus*: q. d. In eos vos prudentiam illam adhibere volo, ut caveatis ab illis, quos jam lupos nominavi, hoc est, ut cautè prospiciatis, quibus vos credatis, ut eorum insidias declinetis, quia homo homini lupo erit. \* *Tradent enim vos examinandos, judicandos, puniendos*, \* *in conciliis Græcè ἐν συνέδρῳ*; unde Sanedrin supremum Judæorum Concilium dictum est: \* *Et in synagogis suis flagellabunt vos*. Synagogæ etiam propriè erant Judæorum, quæ intelliguntur hîc esse publicæ totius populi Judaici conciones.

17. Cavete autem ab hominibus. Tradent enim vos in conciliis, & in Synagogis suis flagellabunt vos:

18. \* *Et ad præsides ducemini*, qui propriè erant Romanorum: unde Cyrinus, Pilatus, Festus, &c. erant Præsides Cyriæ vel Judææ. \* *In testimonium*: hoc est, ut ita hâc occasione martyres seu testes sitis, \* *illis & Gentibus*, id est, Judæis & Gentilibus: testes, inquam, tum Evangelicæ veritatis verbo & factò (intelligent enim non esse rem inanem, pro qua tam constanter mori parati sitis;) tum justæ condemnationis eorum in die judicii.

18. Et ad præsides & ad reges ducemini propter me, in testimonium illis, & gentibus.

Et quia homines rudes atque idiotæ meritò rogare poterant, quid Regibus & Conciliis essent responsuri, cogitationem illam prævenit.

19. \* *Cum autem tradent vos*, quia ignari quid à Judicibus quærendum sit, \* *nolite cogitare*: Græcè μὴ μεριμνήσητε, ne anxîâ sollicitudine distracti cogitetis; de quo verbo diximus c. 6. v. 25. unde Luc. 12. v. 11. *Nolite solliciti esse*. Eodem Græco verbo ac sensu dicit Marc.

19. Cum autem tradent vos, nolite cogitare quomodo, aut quid loquamini: dabitur enim vobis in illa hora quid loquamini.

13. v. 11. *Nolite præcogitare*, scilicet illâ anxîâ ac diffidenti sollicitudine. Noc enim vult esse negligentes defensionis, sed securos ac fidentes Deo. \* *Quomodo aut quid loquamini*, id est, quid in defensionem allaturi sitis, & quomodo hoc dicturi: quorum illud ad sapientiam, hoc ad oris elocutionem pertinet, & de utroque qui causam dicunt, auxilii esse solent. Unde quod hîc simpliciter dicitur: \* *Dabitur enim vobis in illa hora, quid loquamini*, Luc. 21. v. 15. distinctè utrumque promittitur, his verbis, *Ego dabo vobis os*, id est, facundiam oris, & sapientiam, id est, rationibus vos instruam.

20. \* *Non enim vos estis, qui loquimini*, id est, non vos eritis, qui loquimini præsentia pro futuris, \* *sed Spiritus Patris vestri*, & consequenter meus, \* *qui loquitur*, seu loquetur, \* *in vobis*; non quasi ipsi non essent locuturi, sed quia Spiritus S. & constantiam dicendi inferet; & rationes suggeret, & verba dictando ipsam linguam diriget, ut ipsi loquantur. Quo sensu dicitur ad Rom. 9. *Non volentis, neque*

20. Non enim vos estis qui loquimini, sed Spiritus Patris vestri, qui loquitur in vobis.



*currentis, sed misereantis est Dei.* Non quasi homo non velit, & currat, sed quia Deus misereando, & hominis voluntatem præparando facit, ut homo velit & currat, ut Aug. in Enchir. c. 32. q. d. Ergò, causa non est vestra, unde nec vos anxii sitis; mea est, meum erit ejus patrociniū.

Et hætenus quidem contra persecutiones externorum eos præmuniit; nunc contra domesticas, quæ nisi prædicatæ fuissent, simplices animos maximè perturbare potuissent.

21. Tradet autem frater fratrem in mortem, & pater filium: & insurgent filii in parentes, & morte eos afficient.

21. \* *Tradet frater fratrem in mortem, &c.* nempe infidelis fidelem: quia in iis, quorum diversa est fides, nullus affectus etiam naturalis fidus erit. q. d. Ea quæ aliis præsidio & solatio esse solent, effectus naturæ & vinculum sanguinis, in majoris miseræ accessionem cessura sunt vobis ac discipulis meis. Nam, ut notat Tertull. c. 9. Scorpiaci, mixtim de persecutionibus Apostolorum ac cæterorum loquitur. Itaque

22. Et eritis odio omnibus, propter nomen meum: qui autem perseveraverit usque in finem, hic salvus erit.

22. \* *Eritis odio omnibus hominibus*, id est, omni hominum generi, Judæis & Gentibus, viris & feminis, Principibus, populo, consanguineis, extraneis, non propter culpam aliquam, sed tantummodò \* *propter nomen meum*: hoc est, propter nomen Christi creditis, prædicatis, & profitemini, seu quia Christiani estis, ut explicatur 1. Petri 1. v. 14. & 16. *Nomen enim hîc fidei, cultûs, ac professionis est symbolum.* Tacitè autem eos hoc verbo consolatur, quia ut ibidem indicatur, honoris & gloriæ & virtutis Dei est, pro illo nomine pati. Undè plenius consolando adjicit: \* *Qui autem perseveraverit usque in finem*: non in bonis operibus, de hac enim perseverantia propriè non agitur hoc loco, sed in ista tolerantia persecutionum: Græcè enim est *ὁ ὑπομένων*, id est, ut vertitur Marci 13. v. 13. *qui sustinuerit*, scilicet adversitates illas constanter, nec umquam usque ad finem mortalis hujus vitæ cesserit. Unde Tertullianus eo modo legens loco citato Scorpiaci, quid sustinendo, inquit, nisi persecutionem, traditionem, & occisionem? Nec enim aliud est *sustinere in finem*, nisi pati in finem. \* *Salvus erit*, æternæ vitæ salute. Non enim cepisse, sed perfecisse, virtutis est, quia sola in benè cœptis perseverantia coronatur.

23. Cum autem persequerentur vos in civitate ista, fugite in aliam. Amen dico vobis non consummabitur civitas Iherusalem, donec occideris Filius hominis.

23. \* *Cum autem persequerentur vos.* Hæc est altera pars prudentiæ serpentis scilicet insidiis persequentium se substrahere per fugam. \* *Cum ergò persequerentur vos in civitate ista*, non sinendo ibi Evangelium prædicari, \* *fugite in aliam*: tum ut ipsis persecutoribus consulatis; tum ut periculum declinetis, quod non est ultrò accersendum, tum verò ut in alia spargatis Evangelium. Quando ergò non est

est alia manendi ratio, siue charitatis siue iustitiæ, tum fuga licita, imò præcepta est: undè hoc *præceptum* vocat Nazian. Orat. 1. contra Julianum, quæ est numero tertia, & Athanas. pro fuga ista. Noluist enim Christus, ut Apostoli statim primo se prælio morti objicerent, sed longè latèque conarentur fidem spargere. Nam cùm Evangelium ipsum, seu fructus ejus, propter quem aliquando non est fugiendum, postulat, ut fugiamus, tunc fugere non timiditas, ut Athanasio exprobant Ariani, sed pietas est: non fugere verò non fortitudo, sed pertinacia. Multo verò sæpius licita est fuga, etsi non præcepta: unde Augustinus Epist. 180. dicit subindè, quòd istis verbis Christus fugam suis siue præcepit siue permisit. Atque ita ex hoc loco collegerunt Sancti citati, & sentit Ecclesia, licitam esse fugam in persecutione, non solum Apostolis in prima illa missione, sed etiam in alia & aliis. Nam illa verba, *fugite in aliam*, Apostolis quidem occasione primæ missionis dicta sunt, sententia tamen eorum generalis est, ideoque à citatis generaliter intellecta, contra Chrysost. Theophil. Hieron. ac Tertull. qui eam ad primam Apostolorum missionem restrinxerunt. Patet enim etiam ex Actibus Apostolorum eos persecutiones fugisse. Unde Tertulliani sententia, opinantis illicitam esse fugam, reprobata est. Quomodo autem non repugnent isti permissioni alia Christi verba, improbantis mercenarium, qui vidit lupum venientem, & fugit, & de aliis istius quæstionis anfractibus, vide præclare disputantem August. epist. hac de te scripta ad Honoratum, quæ est 180. Nam pro diversitate temporum, personarum, obligationum fuga nunc illicita, nunc licita, nunc præcepta est. Sed quia Apostoli cogitare poterant, quò tandem ituri essent, si ubique persecutiones fugerent, addit: \* *Non consummabitis*, id est, non absolveritis pererrando omnes \* *civitates Israël donec veniat*, post resurrectionem suam immortalis \* *Filius hominis*, qui vos aliâ legatione ad Gentes missurus est. Ita Beda, & inclinat Chrysost. Sed, quia adventus Christi ferè poni solet pro illo notissimo adventu ad iudicium, aptior videtur sententia Hilarii Can. 10. qui per illud, *fugite in aliam*, concedi fugam intelligit in civitates Gentium; & ne mirarentur suos Judæos à se posse deferi, præmonet plenam Judæorum conversionem suo adventui ad iudicium deberi. *Non consummabitis igitur civitates Israël*, id est, non perducetis ad fidem & Evangelii perfectionem Israëlitas, *Donec veniat Filius hominis*, scilicet ad iudicium, quo tacitè futuram Judæorum incredulitatem insinuat.

24. \* *Non est discipulus super magistrum, &c.* Proverbiales senten-

24 Non est discipulus super magistrum, nec servus super domini suum.



tiæ erant inter Judæos, non solum tunc, sed etiam postea usitatæ: unde reperiuntur etiamnum in Thalmud, Tractat. de Benedictionibus c. 9. in Commentariis Aben-Esra super Oseam. Significatur illis hoc loco, non quales discipuli & servi esse soleant; sæpè enim magistros ac dominos suos superant, sed quali conditione contenti esse debeant: q. d. Nolite vos melioris conditionis putare, quàm ego fui, qui calumnias, persecutionem, mortem evangelii causâ patior.

25. Sufficit discipulo, ut sit sicut magister ejus, & servo, sicut dominus ejus. Si patrem familias Beelzebub vocaverunt, quanto magis domesticos ejus?

25. \* *Si patrem familias*, me scilicet familiæ hujus vestræ, totiusque Ecclesiæ, veluti domus meæ, caput, patrem ac dominum, \* *Beelzebub vocaverunt*: à בַּעַל Baal, id est, Dominus, (quo nomine Gentes Orientales ferè Deos suos appellabant) & זֶבֻב Zebub, Musca, quasi diceret *Dominum Muscarum*. Erat famosum idolum Accaronitarum, 4. Reg. 1. ita dictum, quod vel propter aspersum victimarum sanguinem esset muscis plenum, vel potius quod adversus muscarum infestationem invocaretur. Nam simili ratione Plin. lib. 10. nat. hist. c. 28. Cyrenaici Achorem Deum invocant, muscarum multitudine pestilentiam adferrente, quæ protinus intereunt, postquam litatum est illi Deo. Ubi in Achore vestigia apparent *Accaronis*. Et Clem. Alex. in Protreptico testatur, Eleos Jovi Ἀπομία, Romanos autem Herculi Apomio, id est, muscarum depulsi, sacrificasse; quem Pausanias in Arcadicis Myagrum vocat. Quæ omnia planè idem sunt, quod Beelzebub. In detestationem hujus spurcissimi idoli, inquit Hieron. Principem dæmonum eodem nomine videntur appellasse, & ignominie causâ ipsum Christum, tamquam qui pietatis esset hostis, instar Beelzebub, vel qui Beelzebub, operâ ad pellendos dæmones uteretur.

\* *Quanto magis domesticos ejus?* Vos scilicet vobisque similes quos humanitatis causâ *domesticos* potius, quàm *servos* vocari notat Chrysost. sicut & Joan 15. v. 15.

26. Ne ergo timueritis eos. Nihil enim est opertum, quod non revelabitur; & occultum, quod non scietur.

26. \* *Ne ergo, &c.* quia communis erit vobis & mihi, discipulis & magistro, servis & domino conditio, \* *timueritis eos*, ut propter convitia & persecutiones ab Evangelii mei prædicatione desistatis. \* *Nihil enim est opertum, quod non revelabitur, &c.* Et istæ adagiales locutiones sunt, usu vulgi tritæ: unde & Christus iis in diversis locis & propositis usus est, ut patet Luc. 12. v. 2. Præsentia autem loco sic aptandæ sunt, ut contineant rationem, cur timere non debeant hominum convitia, probra, & blasphemias: q. d. Brevi apparebit, post propagatum Evangelium, etiam in hoc mundo, ut Chrysost. vel certè in die judicii, ut Hilar. & Hieron. innocentia & virtus vestra, persecutorum impietas, & omnium rerum veritas, quæ vulgò tem-

temporis filia dicitur, *Nihil enim opertum, &c. Quæ cum ita sint, ne timueritis*, sed potius liberè constanterque,

27. \* *Quod dico vobis in tenebris*, id est, privatim & inter domesticos parietes, \* *dicite in lumine*, id est, palàm in lucem proferte: \* *& quod in aure auditis*, id est, quod secretis colloquiis quasi in aurem vobis insufurratum fuit, \* *predicate super testa*; id est, publicè clarà voce omnibus prætereuntibus divulgate. Loquitur enim juxta morem Palæstinæ, ubi in tectis planis ambulare & colloqui etiam cum transeuntibus poterant.

Cùm ergò adversus infamias eos sic munivisset, nunc etiam adversus mortem, omnium terribilissimum,

28. \* *Et nolite timere*, timore scilicet illo præpostero, quo à libertate credendi, vel confitendi, vel prædicandi fidem meam decidatis; \* *cos, qui occidunt corpus*, partem viliorē, miseriarum seminarium, brevi spontè moriturum, & gloriosius ipsis invitis reparandum; \* *animam autem*, partem digniorem, \* *non possunt occidere*: quia nec naturalem ejus vitam auferre possunt, cùm immortalis sit, neque supernaturalem, quia est ipse Deus. \* *Sed potius*, nempe si aliquis timendus est ( mavult enim alioquin suos Christus agi amore quàm timore ) \* *timete eum, qui potest animam & corpus*, id est, totum hominem, irrecuperabiliter scilicet & viventem \* *perdere*. Plus est enim ita perdere quàm occidere: carnales quippe homines mallent more brutorum corpore & animâ occidi, quàm viventes perdi. \* *In gehennam*. Græcè ἐν γέννῃ, in gehenna, id est, à Deo verà vitâ animæ separatum æternis corporis & animæ suppliciis addici. Itaque, ut Chrysost. notat, non promittit eis liberationem à morte, sed velut adamantinos reddit, atque ipsâ morte superiores. Ne verò putarent per tantam persequendi, imò & occidendi, licentiam impiorum, se à Dei providentia esse derelictos, mox adjicit:

29. \* *Nonne duo passerēs*. Græcè δύο πεσδία duo passeruli, \* *asse veniunt*? Unus enim præ vilitate vix invenit pretium. Græcè est diminutivum ἀσάριον, quòd Euthymius vult esse minimi oboli genus: alii dimidium assis, quem testatur Plinius lib. 33. percussum lege Papi-riæ. Porro *Assis* erat ærei nummi genus, quorum decem valebant denarium, scilicet argenteum. Sed aliquando asses ita minuti fuerunt cusi, juxta Budæum l. 5. de Asse, ut non nisi sextantem aut unciam appenderent, qui alioqui librum æris continebant. \* *Et unus ex illis*, id est, ne unus quidem eorum, \* *non cadit super terram*, id est, humi cadit. Hebraica periphrasis pro, perit, scilicet ut aves occisæ in terram cadendo solent. \* *Sine patre vestro*, id est, sine ejus

27. Quod dico vobis in tenebris dicite in lumine: & quod in aure auditis, prædicare super testa.

28 Et nolite timere eos, qui occidunt corpus, animam autem non possunt occidere, sed potius timete eum qui potest & animam & corpus perdere in gehennam.

29. Nonne duo passerēs asse vaneunt, & unus ex illis non cadet super terram sine patre vestro.



scientia, voluntate ac decreto. Significat enim, inquit Aug. l. 5. de Genesi ad lit. c. 21. vilissimas corruptibilis mundi, abjecti limaque particulas divinâ providentiâ regi. In voce autem, *Patre vestro*, vis argumenti à minore, quod Christus v. 31. applicat, tacitè augetur, quia passerum non est pater.

30. Vestri autem capilli capitis omnes numerati sunt.

31. Nolite ergo timere: multis passeribus meliores estis vos.

30. \* *Vestri autem*, non solum vita, ut passerum, sed \* *capilli*, Græcè efficacius αἱ ἀρπυγες, & seu etiam, *capilli*, qui abjici & contemni solent, \* *numerati sunt*, id est, velut numeratos & custodiæ suæ concreditos habet, ne vel unus eorum pereat. Quo singularissimam & planè mirabilem Dei de hominibus, maximeque illis, quorum non tantum creator, ut passerum, sed & pater est, curam inculcat, ne vel timeant irruentes persecutiones, vel aliquid sibi sine Dei nutu accidere posse suspicentur, cum \* *multis* seu infinitis, \* *passeribus meliores*, id est, pretiosiores sint apud Deum Patrem suum.

32. Omnis ergo qui confitebitur me coram hominibus, confitebor & ego eum coram Patre meo qui in cælis est.

32. \* *Omnis ergo, qui confitebitur me*, id est, qui, abjecto pudore & timore, atque amore temporalium, mihi doctrinæque meæ liberè, ingenuè, constanter, testimonium perhibuerit, \* *coram hominibus*, hostibus scilicet fidei veritatem extorquentibus. Nam ultrò fidem publicare, non tam est confiteri Christum, quam profiteri, quod non perinde necessarium est, vel laudabile.

Confitemur autem Christum, non solum quando verbis profite-mur Christum esse Deum, sed etiam cum quamlibet doctrinæ Christi partem confitemur: imo cum factò quoque à præceptorum ejus obedientia vi persecutionum avelli non possumus. Non minùs enim Christi Martyres sive testes sunt, qui propter virtutis christianæ professionem, ore vel opere factam, moriuntur, ut Joannes Baptista & similes, quàm qui confitendo, quòd sit Messias aut Deus. Hinc factum, ut apud Cyprianum & alios antiquos, qui professionem Fidei suæ coram persecutoribus ediderant, vocarentur *Confessores*, & ipsæ professiones Fidei *Confessiones*, si non sequeretur mors.

\* *Confitebor & ego eum*, id est, vicissim agnoscam eum publicè pro meo, \* *coram Patre meo*; supple in die judicii: ideo enim addit Marcus 8. v. 38. *cum venerit Filius hominis in gloria Patris sui*.

33. Qui autem negaverit me coram hominibus, negabo & ego eum coram Patre meo, qui in cælis est.

33. \* *Qui autem negaverit me*: negando scilicet ore vel me Christum, vel se Christianum, vel quancumque doctrinæ meæ partem: vel factò à virtute qualibet, aut ab obedientia mea vi persecutionis recedendo, etsi corde credat. Unde Marcus non solum dicit, *qui me*, sed addit, *qui verba mea confusus fuerit*, id est, erubuerit. Quo verbo utitur ibi Christus, quia, ut Tertull. cap. 9. Scorpiaci, sciebat à confusione vel maximè formari negationem, mentis statum in frònte consistere; priorem esse pudoris, quàm corporis plagam.

Porro ne mirarentur Apostoli, qui fieri posset, ut princeps pacis Christus & Evangelium pacis tot persecutiones adversus se concitare posset, cum Prophetæ passim tranquillitatem & abundantiam pacis futuram prædicent, præoccupat objectionem Apostolorum:

34. \* *Nolite arbitrari, quia pacem venerim mittere in terram.* Quo indicat se loqui de terrena in rebus infimis pace, quam scilicet solam mundus novit & æstimat pacem, ut quoquo modo in rebus & commerciis temporalibus etiam cum vitiis concordēs agant: nam sæculi pax & lætitia non est aliud, quam nequitia impunita, ut alicubi Aug. \* *Non veni pacem hujusmodi mittere, sed gladium*, id est, bellum, dissensiones, ac separationes, quorum gladium est instrumentum & signum. Ad hoc autem se venisse dicit, quia eorum occasio, non causa fuit. Nam illa ex prædicatione cælestis doctrinæ, cui multi nollent acquiescere, ita vidit consecutura, ac si idcirco venisset; quia etsi prævideret, tamen venit. Sic enim Christus dicitur Lucæ 2. v. 34. *Positus in ruinam multorum.* Similis locus est Joan. 9. v. 39. Quamvis etiam propriè ad hanc dissensionem faciendam venisse dici possit quatenus fidelis ab infideli dissentit ac separatur. Unde de tali separatione intelligi potest id, quod sequitur:

35. \* *Veni enim separare hominem, filium scilicet, adversus Patrem suum, &c.* Exprimit autem tria paria domesticæ conjunctionis, sub quibus omnes conjunctissimi naturæ & societatis gradus intelliguntur: ut sciant omnes concordie nexus & affectus quantumvis impotentes Fide & Religione suâ disruptum iri, tam ab iis, qui non credent, pertinaciter repugnando Fidei, quam ab iis, qui credent constanter sibi per quorumlibet contemptum adhærendo.

36. \* *Et inimici hominis erunt domestici ejus,* quia alter alteri propter Fidem contrarius erit, infidelis fideli & consequenter fidelis infideli; inimicum enim esse relativum est. Verba sunt Michæ Prophetæ c. 5. de temporum ejus calamitatibus dicta, quæ Christus accommodat proposito suo. Quia verò durissimum videbatur id quod dixerat, se venisse, ut etiam conjunctissimi à se invicem dissiderent, rationem subjicit. Nam

37. \* *Qui amat patrem aut matrem plus quam me,* id est, qui eos mihi prætulit, ita ut propter ipsos me, doctrinam meam, aut præcepta mea verbis aut factis negare malit, \* *non est me dignus*, id est, non est dignus nomine, discipulatu, promissis meis: Lucas enim ait, *non potest meus esse discipulus.* Non ergo amorem parentum vetat, sed ordinat, ut scilicet in necessitatis & comparisonis articulo, quo vel parentes vel Christus deferendus est, inferior potiori cedat: tunc

34. Nolite arbitrari quia pacem venerim mittere in terram: non veni pacem mittere sed gladium.

35. Veni enim separare hominem adversus patrem suum, & filium adversus matrem suam & nunc adversus socrum suam:

36. Et inimici hominis domestici ejus.

37. Qui amat patrem aut matrem plus quam me, non est me dignus: & qui amat filium aut filiam super me, non est me dignus.



enim, inquit Hieron. odium in parentes pietas est in Deum, de qua re latius Aug. epist. 89. versus finem. \* *Et qui amat filium aut filiam, &c.* Crescit gradatim oratio: longè enim potentior est parentum in liberos, quàm in parentes liberorum affectus, quos tamen omnes affectus amoris suo jubet cedere. Imò verò nec ille est \* *me dignus.*

38. Et qui non accipit crucem suam, & sequitur me, non est me dignus.

38. \* *Qui non accipit*, id est, qui non parato animo suscipit & amplectitur \* *crucem suam*, id est, quamcumque afflictionem & cruciatum, etiam ipsum supplicium crucis, omnium durissimum & ignominiosissimum, sibi divinitus destinatum. Videtur enim alludere ad crucem, quam ipse humeris portaturus erat: q. d. Qui non est paratus mecum etiam crucifigi: hoc enim sibi videtur velle id, quod adjicit, \* *& sequitur*, id est, imitatur, \* *me*, tam in cruce ferenda, quàm ferendi modo; ut scilicet patienti, æquo, imò libenti animo, & justitiæ causâ propter Deum ferat. Multi enim ut fures & latrones crucifiguntur & crucem ferunt sine fructu.

39. Qui invenit animam suam, perperit illam: & qui perdiderit animam suam propter me, inveniet eam.

39. \* *Qui invenit animam suam*, scilicet in hoc mundo, ut alibi additur, id est, qui invenerit seipsum, negatione scilicet nominis mei, seu qui nolendo crucem suam sibi destinatam accipere, seipsum salvum in hoc mundo morti & rebus adversis eripuerit, \* *perdet eam*, id est, in futuro in æternum seipsum perditurus est. \* *Et qui perdiderit animam suam*, scilicet in mundo, id est, qui vitæ temporalis jacturam fecerit & ita carnalium hominum oculis seipsum perdiderit, \* *propter me*: addit Marcus 8. v. 35. & *Evangelium*, quod suprâ Matth. 5. v. 10. dixerat, *propter justitiam*; Martyrem enim Christi facit non pœna, sed causa. \* *Inveniet eam*: Marc. 8. & Lucas 9. *salvam faciet eam*: id est, seipsum salvum lucrifaciet in futuro.

Eadem vel similes sententiæ repetuntur Matth. 16. Marc. 8. Luc. 9. & 17. & Joan. 12. simili seusu: in quibus *Anima* non potest accipi pro vita corporis, quia etiam qui in futuro perdunt animam suam, vitâ corporis vivent. Itaque alii accipiunt pro animæ salute, sive corporali sive æternâ. Nos commodissimè accipi posse judicavimus per synecdochen pro toto homine, phrasi apud Hebræos & in veteri Testamento usitatissimâ, ut patet Levit. 5. v. 1. 2. 5. &c. Et hâc de causâ sæpè in novo Testamento, ubi nos legimus *teipsum*, *seipsum* & similia, translatio Syriaca usitato suo odiosissimo legit *animam suam*, vel *animam tuam*, ut patet infra cap. 22. v. 39. Et cap. 27. v. 47. *Salvate metipsum*, legit *Salva animam tuam*. E contrario verò id, quod Matth. cap. 16. v. 26. dicitur, *Anima verò sua detrimentum patietur*. Lucas proprietatem Hebraicam explicans dixit, *Se*

*autem ipsum perdat, & detrimentum sui faciat.* His igitur sententiis vinculum, quod nos arctissimè devinctos tenet, & Christi amorem impedit, dirumpit, perversum scilicet amorem sui, quem usque ad mortis ipsius contemptum perducit. Alioquin enim hoc non esset amare se, sed odisse; non invenire, sed perdere. Nam, ut Aug. tract. 15. in Joan. si malè te amaveris, tunc odisti; si malè oderis, tunc amasti.

40. \* *Qui recipit vos.* Post tot prædictas calamitates, & odium omnium, hoc tandem solatii loco adjicit, austeritatem præceptorum spe temperans promissionis, inquit Hieronymus, ne scilicet ab omnibus prorsus se deserendos esse vererentur. Itaque his verbis partim significat, quantam eorum esset habiturus curam, qui ipsiusmet personam sustinerent, partim spe præmii domos eis totius orbis aperit, inquit Chrysost. quod ipsum latè deducit Homil. 36. quia \* *qui vos*, tamquam Legatos meos, \* *recipit hospitio*, honorificè, humaniter, benignèque tractatos, \* *me recipit*, id est, perinde reputabo, ac si in personam meam esset collocatum, ut clariùs explicat Matth. 23. v. 40. Honorem enim Legato ut tali exhibitum sibi metipsis Reges exhibitum putant. \* *Et qui me recipit, recipit eum, qui misit me*, id est, Deum Patrem, qui honorem mihi à se misso impensum sibi præstitum putat. Neque verò honorifica tantùm, sed & fructuosa eis erit ista hospitalitas. Nam

41. \* *Qui recipit Prophetam*, id est, doctorem Evangelii, de quo hîc sermo est, \* *in nomine Prophetæ*, eo nomine seu titulo, quod est Prophetæ, seu annuntiator Verbi Christi ac Dei. Nam his verbis retorquet intentionem hominis in Christum ac Deum, ut clarè indicat Marcus c. 9. v. 40. ut scilicet non maneat in ipsa persona Prophetæ & iusti, multò minùs hæreat in aliis mortalibus caducisque considerationibus, ut quia Judæus, affinis, cognatus, potens eloquens, doctus. \* *Mercedem Prophetæ accipiet*, id est, talem, inquit Chrysost. qualem ipse Prophetæ, quia scilicet eum ut talem diligit, & Prophetæ officio cooperatur. Nam opus, quo alterius operi, sive bono sive malo, communicamus, sicut illius naturam imbibit, ita & illius præmii accersit, aut supplicium. Unde mox idem extendit ad eum, qui recipit quemlibet \* *iustum in nomine iusti*, id est, eo nomine, quòd iustus est, seu intuitu iustitiæ & pietatis. Et quia non omnium est, Prophetas aut iustos seu spectatissimæ virtutis viros hospitio recipere, & magnis afficere beneficiis, ad infimos & ad infima beneficia descendit.

42. \* *Et quicumque potum dederit uni ex minimis istis; scilicet qui in*

40. Qui recipit vos, me recipit: & qui me recipit, recipit eum, qui me misit,

41. Qui recipit Prophetam in nomine Prophetæ, mercedem Prophetæ accipiet: & qui recipit iustum in nomine iusti, mercedem iusti accipiet.

42. Et quicumque potum dederit uni ex minimis istis, calicem aquæ frigidæ tantum in nomine discipuli: amen dico vobis, non perdet mercedem suam,



me credunt, ut exprimitur cap. 18. v. 6. vel fratribus meis, ut cap. 25. hoc est ex infimis inter fideles, & contemptissimis. Quo simul indicat id, quod Apostolus docet ad Galat. 2. v. 10. quamvis ad omnes bonum operari debeamus, maximè tamen ad domesticos Fidei. \* *Calicem aquæ frigidæ*, vel aliquod abjectissimum ministerium exhibuerit: *Frigidæ* enim dicit, ut observat Hieron. ne & in calida, paupertatis ex penuria lignorum occasio quæreretur. \* *Tantum in nomine discipuli*, quod Marcus dicit cap. 9. *In nomine meo, quia Christi estis*: hoc est ergò, mei intuitu, seu eo tantum nomine, quia Christianus est, qui Christi doctrinam sectatur, aut profitetur, sive justus ille sit sive injustus. Unde Hilar. in fine Can. 10. putat significari, quod probitatem obsequentis, fallentis de se probra non lædunt, eo quod mercedem suam à dantis Fide, non autem sumentis mendacio consequatur. Itaque illud, *tantum*, etiam ad præcedentia referri potest. \* *Amen dico vobis*, id est, asseveranter dico, ne cui hoc incredibile videatur, \* *non perdet mercedem suam*, quæ pro divina scilicet liberalitate tali operi reposita est: magis enim Deus ad effectum dantis, quàm ad rei datæ magnitudinem respicit.

## CAPUT UNDECIMUM.

1. Et factum est cum consummasset Jesus, præcipiens duodecim discipulis suis, transiit inde ut doceret & prædicaret in civitatibus eorum:

1. \* **C**um consummasset Jesus præcipiens, id est, cum finem fecisset præcipiendi, seu instruendi & ordinandi, ut est Græcè, pleraque enim non fuerant præcepta propriè dicta, sed instructiones & prædicationes: \* *transiit inde*; ab Apostolis, periculum legationis facturis, se separando. Hoc enim factum esse indicatur Lucæ 9. v. 6. 10. nimirum ut sic inciperent sine cortice natæ, & ne præsentia sua eorum auctoritatem minueret, aut miracula obscuraret. \* *Ut doceret & prædicaret*, etiam ipsemet, non solum per Vicarios suos, \* *in civitatibus eorum*. Quidam ad Apostolos referunt: quasi diceret, in omnibus civitatibus, ubi Apostoli prædicassent: sed hoc durius, & significat Lucas loco cit. Apostolos potiùs ad Christum rediisse. \* *Eorum* igitur, id est, Judæorum: refertur enim ad id, quod remotè præcessit, atque ex narrationis serie & sensu satis intelligi datur, eo quod iusserit Apostolos ad oves domus Israël pergere.

2. Joannes autem cum audisset in vinculis opera Christi, mittens duos de discipulis suis:

3. Ait illi: Tu es qui venturus es, an alium expectamus?

2. \* *Joannes autem cum audisset*. Videtur hæc historia non narrari ordine suo, eo quod ex Lucæ 7. v. 18. verisimiliter videatur contigisse ante missionem duodecim Apostolorum. Legationis hujus causam indicat interrogatio ista:

3. \* *Tu es, qui venturus es, an alium expectamus?* Ex qua colligit Tertull. Joannem de Christo certum esse desivisse, ut loquitur c. 8. lib.

lib. de præscript. deficiente scilicet in eo spiritu prophetiæ, post totius spiritûs translationem in Dominum, ut c. 10. lib. de Baptismo. Sed, ut rectè dicit Ambrosius lib. 6. in Luc. aut insolentiæ fuisset, antea ei divina tribuere, quem nescias, aut de Dei Filio dubitasse perfidiæ est. Hieron. ponderat, non dici, *Tu es, qui venisti*, sed *qui venturus es*, scilicet ad inferos, quò Joannes mox erat descensurus; ut scilicet scire posset, non utrum esset Messias, sed utrum & inferis Christum deberet nuntiare. Cum quo consentiunt Gregorius Homil. 1. in Ezechiel. & illi, qui dubitasse volunt apud Ambros. lib. 6. in Lucam, utrum esset moriturus. Sed longè rectiùs Hilarius can. 11. & Chrysost. Homil. 37. in Matth. sentiunt, Joannem nullo modo de Christo dubitasse, sed potiùs discipulose ius, putantes forsan, quod Joannes modestiæ causâ Christum ita prædicasset, & sibi prætulisset. Nam eos adversus Christum aliquid, ut Hieron. loquitur, mordacitatis ac livoris habuisse, & pro magistro suo fuisse æmulatos, satis patuit supra c. 6. v. 26. ubi dicunt, *Ecce hic baptizat*, Christus scilicet & omnes veniunt ad eum: quasi dicerent, nos deserimur, ad illum turba confluit. Unde ex Lucæ 7. v. 18. constat, hanc legationem eâ occasione contigisse, quò discipuli Joannis narrarent ei miracula Christi, cum quadam scilicet æmulatione. Itaque ut eorum infirmitati & ignorantie consuleret, illam ipsam in se suscipit, ut ita ipsi liberiùs interrogarent: *Tu es qui venturus es?* Græcè ἐρχόμενος, tu ne es ille venturus? Id est, ille, qui à gente Judaica, juxta vaticinia Prophetarum, expectatur venturus, scilicet Messias? Sed quia in illa ipsa hora; ut testatur Lucas, multa miracula patrâset Jesus non tam verbis quàm factis, quæstionem solvere, eosque convincere voluit, eo quòd minùs esset obnoxium calumniæ. Respondit igitur:

4. \* *Euntes renuntiate Joanni*; prudenter dissimulans id, quod Joannes fecerat, ne vel incredulitatis, vel ignorantie eos insimulando, difficiliùs se instrui paterentur: \* *Quæ audistis*, de me narrari. Nam quòd hîc dicitur, \* *mortui resurgunt*, non viderant ipsi, sed recenter factum audiverant, \* & *vidistis*, scilicet ista, quæ tunc facta fuisse Lucas tradit.

4. Et respondens Jesus ait illis: euntes renuntiate Joanni quæ ait distis & vidistis:

5. \* *Cæci vident, claudi ambulant, surdi audiunt, &c.* Alludit ad locum Isaïæ 35. v. 5. & 6. ubi ad litteram hæc miracula, & simul per ea spiritualis à vitii liberatio per Christum futura significatur. \* *Pauperes Evangelizantur*. Græca phrasis, pro *pauperibus Evangelizatur*, id est, Evangelium seu promissio regni cælorum pauperibus prædicatur; maximè enim mirabile, pauperibus promitti regnum. Et hoc vaticinium ex Isaïæ 16. v. 1. citat: q. d. Respondete Joanni ea, quæ Prophetæ

5. Cæci vident, claudi ambulant, leprosi mundantur, surdi audiunt mortui resurgunt pauperes evangelizantur:



phetæ de Messia prædixerunt, vos vestris oculis vidisse compleri. Porro pro, *pauperes*, textus Hebraicus & Vulgatus legunt *עניים*, *Ghanavim*, *mansueti*: quod Lxx. verterunt *pauperes*, propter summam vicinitatem utriusque vocabuli *עניים*, *Ghanavim*, & *עניים*, *Ghanim*, in lingua Hebraica, sicut & significationis: nam *pauperes*, nempe non solum opibus, sed maxime spiritu & animo, qui scilicet iis non apponunt cor, simul *mansueti* & *humiles* esse solent, & propterea magis capaces prædicationis regni cælorum: divites verò feroces ac superbi; ut propterea Aug. Homil. 13. & alibi sæpius dicat, Vermis divitiarum superbia.

6. Et beatus est, qui non fuerit scandalizatus in me.

6. \* *Et beatus est, qui non fuerit scandalizatus in me*, id est, qui nulla re offensus fuerit ex me, quò minùs mihi tamquam salutis auctori credat & adhæreat. Nam utinunc, ita & olim alios aliud in Christo offendit, nascendi ex muliere abjectio, crucis ignominia quasi stultitia, conversationis humilitas, doctrinæ severitas, &c. quâ de causâ Christus dicitur *Lapis offensionis*. & *Petra scandali*, 1. Pet. 2. v. 8. & *positus in ruinam multorum*, Luc. 2. sed non credentibus. Notat autem Hieron. tacitè Christum notasse discipulos Joannis, tanquam scilicet qui essent scandalizati in ipso, quasi non eâ severitate viveret, quâ Joannes, ut patuit etiam suprà c. 9. v. 14.

7. Illis autem abeuntibus, cœpit Jesus dicere ad turbas de Joanne: quid exitis in desertum videre? arundinem vento agitatam?

7. \* *Illis autem abeuntibus*, ne Joannem coram discipulis laudando assentator videretur, \* *cœpit dicere ad turbas*; quæ non intelligebant mysterium hujus legationis, & ex ea facile suspicari poterant Joannem, qui olim, Joan. 1. & 3. magnificum Christo perhibuerat testimonium, mutasse sententiam, aut certè in Christo fuisse scandalizatum, ac cœpisse dubitare. \* *Quid exitis in desertum videre?* q. d. Quid causæ fuit, quodd ante certatim, relictis domibus atque oppidis, in desertum spectatum currebatis? An ut spectaretis \* *arundinem vento agitatam*? Quæ scilicet cujuslibet venti impulsu huc illuc fluctuat, id est, hominem arundinis instar levem, & in sententia inconstantem? q. d. Nequaquam; sed omnes vel hoc ipso facto unanimiter judicastis, esse hominem, ut vitæ severitate, ita & mentis constantiâ admirabilem. An ut spectaretis,

8. Sed quid exitis videre: hominem mollium vestitum? Ecce qui mollium vestiuntur, in domibus regum sunt.

8. \* *Hominem mollium, vestimentis*, \* *vestitum*? Id est, qui deliciis vestium aut ciborum enervatus mollem quoque mentem gerat, vel qui luxûs cupiditate antea alicui adulari soleret? q. d. Nullo modo id sentiistis de Joanne. \* *Nam qui mollium vestiuntur*, id est, qui vestitum, totiusque vitæ luxum sectantur, non in desertis quærendi sunt, ubi omnia inculta, austera & squalida, sed \* *in domibus Regum sunt*, id est, sectantur Principum palatia. Longè ergo abesse judicastis à Joanne omnem levitatis & inconstantie suspicionem,

9. Quid ergò \* *existis ? videre Prophetam ?* Hic tandem exprimit, quid senserint Joannem esse ; nam, ut est infra c. 12. *Omnes habebant Joannem sicut prophetam.* Itaque prudenter Christus præmunit turbas, ex propria earum opinione, quam ne quis velut popularem contemneret, ipse primùm comprobatur, dicendo, \* *etiam dico vobis ; quia tamquam Propheta nemine indicante Messiam cognovit, & post se venturum prædixit.* Deinde ex sua sententia addit : \* *Et plus quam Prophetam.* Ratio est : \* *Hic est enim, de quo scriptum est, &c.* q. d. quia tantus est Joannes, ut non solum prophetaverit, sed tanquam de nobilissimo Propheta ab aliis prophetatum est.

9. Sed quid existis videre? Prophetam? Etiam dico vobis & plus quam prophetam.

10. \* *Ecce enim ego mitto Angelum meum, non naturà, sed ministerio, id est, nuntium illum antonomasticè præclarissimum, miraculosâ scilicet conceptione, circumcissione, vitæ puritate & austeritate instar Angeli admirabilem.* Unde eum Angelum, non hominem fuisse existimatum, tradit Euseb. lib. 9. de demonstr. Evang. c. 5. \* *ante faciem tuam*, id est, propriè, ante te. Nam sicut sex mensibus ante Christum conceptus & natus est, totidem circiter ante prædicare cœpit. \* *Qui præparabit viam*, prædicatione Baptismi & pœnitentiæ, & regni cælorum appropinquantis, juxta dicta c. 3. v. 3. \* *Ante te.* Græcè *ἔμπροσθέν σου*, coram te, in conspectu tuo. Quâ repetitione, *ante faciem tuam*, &, *ante te*, videtur fieri allusio ad duplicem hominum consuetudinem : unam quâ Regi venturo quispiam præcurrere solet, qui vias & hospitium parari curet, ut præcognitus Rex majori cum pompa recipiatur : alteram, quâ nobilissimus aliquis jam jam venientem præcedit, qui secedere de via jubens, Regem jam præsentem ostendit. Utroque officio Joannes functus est, & ex utroque capite oritur, quòd dicitur esse plus quàm Propheta, quia jam olim prophetatus, vitæque purus, instar Angeli, Christum regem non, ut cæteri prophetæ, è longinquo vaticinatus, sed mox venturum nuntiavit, Matth. 3. v. 11. & venientem præsentemque digito ostendit, *Ecce Agnus Dei, &c.* Joan. 1. v. 38. & suis manibus baptizavit.

10. Hic est enim de quo scriptum est : Ecce ego mitto angelum meum ante faciem tuam, qui præparabit viam tuam ante te.

11. \* *Non surrexit inter natos mulierum*, id est, non est exortus inter homines, ex muliere non virgine natos : nam mulier hic pro corrupta sumitur ut notant Hieron. hic & Ambros. in psalm. 43. itemque lib. 5. in Lucam. Major enim, inquit, fuit iis, quibus æqualis esse poterat sorte nascendi. Cum quo re ipsa convenit id, quod alii dicunt, inter eos, qui communi sorte nascendi per concubitum prodeunt. Quamquam nullum sit incommodum quocumque modo natos intelligere, quia comparatio non fit nisi cum viris, iisque Pro-

11. Amen dico vobis, non surrexit inter natos mulierum major Joanne Baptista : qui autem minor est in regno cælorum, major est illo.



phetis veteris Testamenti non cum B. Virgine aut Apostolis, aut Christo, qui ad novum pertinebant. \* *Major Joanne Baptista*, Lucas 7. v. 28. addit, *Propheta*, & hoc in Matth. supplet Hilarius Can. 11. Non surrexit ergo major Propheta, sive scilicet spectes munus prophetandi, utpote cui licuit Christum mox venturum prædicere, & monstrare præsentem; sive cætera prædictionis ejus, conceptionis, sanctificationis in utero, nativitatis, & sanctissimæ conversationis privilegia, ut latius expendit Chrysost. Quod si nullus Propheta eo fuerit major, qui tamen erant maximi, ergo nullus omninò. Negando igitur quemquam majorem, permittit ei aliquem esse æqualem, ut notat August. lib. 2. contra adversarium Legis & Prophet. cap. 5. & Hieron. hîc. Quamquam quia verba ista sunt declaratio illius, quod esset plûs quàm Propheta, negativa ista videatur tacitè affirmativam insinuare.

\* *Qui autem minor est in regno calorum major est illo*, Non pauci veterum sic intelligunt, qui minimus est in cælo, sive homo sive Angelus, utpotè jam triumphator cum Deo existens, major est illo, qui adhuc corruptibile corpus gerens, consistit in prælio. Aliud est enim, inquit Hieron. victoriæ coronam possidere, aliud adhuc in acie dimicare. Et ita istud, *in regno calorum*, cum præcedentibus jungi debet. Sed quia non videtur iste sensus multum facere ad propositum Christi, verisimilior esse videtur, quem tradit Hilar. Can. 11. Chrysost. & Theophyl. hîc, qui jungunt ea verba cum sequentibus, hoc modo: Ille, qui inferior est Joanne Baptista, tum ætate, tum opinione vestrà, major est illo, virtute, potestate, divinitate, majestate, claritate, inquit Aug. initio Tract. 13. in Joan. ubi hunc sensum præferre videtur, etli utroque modo jam dicto dixisset, rectissimè intelligi posse, lib. illo 2. cont. advers. Legis superiùs cit.

\* *In regno calorum*, id est, in Ecclesia justorum, sive terrena sive cælesti: vel etiam *in regno calorum*, annuntiando, quod Joannes primus quidem, sed nequaquam tantà efficacîa & fructu, quanto Christus prædicavit. Sic ergo Christus summâ cum modestia, ne sibi Joannem prætulisse videretur, confirmat ipsius Joannis de se testimonium, quod suprà vidimus cap. 3. v. 11. Et regni cælorum sic intellecti factâ mentione, sicut, hoc est, suprà c. 3. v. 2. exposuimus, valde aptè subjungit Christus.

12. A diebus autem Joannis Baptiste usque nunc, regnum cælorum vim patitur, & violenti capiunt illud,

12. \* *A diebus autem Joannis Baptista*, id est, à quo tempore ipse primus prædicatione suâ vexillum erexit, ad regnum cælorum, velut bravium certaminis, rapiendum, \* *usque nunc*, quo ego in eadem prædicatione succedo, *Regnum calorum vim patitur*, id est, vis illi infer-

tur,

tur, seu vi factâ invaditur & extorquetur aliis alios certatim conantibus antevertere. Unde Lucas dicit c. 16. *Omnes in illud vim faciunt*, id est, omnes vi & eruptione factâ illud diripere conantur. Itaque significatur partim ardor ac studium properantium ad diripiendum illum thesaurum regni cælorum propalatum; partim multitudo confluentium; partim quod illi, qui à regno prorsus alieni videbantur, ut Gentiles, Publicani, & Peccatores, deturbatis hæredibus & filiis regni tamquam ignavis, in illud irruerent, & quasi aliis debitum sibi raperent. Postremam hanc considerationem latè ponderat. Hilarius Can. 11. & secutus est Nazian. Oratione 40. omnes autem tres Ambr. in fine lib. 5. in Lucam. \* *Et violenti rapiunt illud*, id est, & qui talem vim inferunt regno, illi obtinent ac diripiunt illud. Sed quia talis violentia non potest inferri regno, nisi quis etiam sibi metipsi vim inferat: hinc consequenter indicatur eos, qui ardore regni cælestis assequendi violentiam naturæ inferunt, omnesque vitiosas refrænant cupiditates, regnum illud vi istâ factâ velut violentos prædatores invadere, inquit August. lib. 2. quæstionum Evangel. quæst. 37. quæ est expositio multorum antiquorum, Irenæi lib. 4. cap. 72. Basilii lib. de vera Virginitate & in princ. Prov. Hilarii hîc, & aliorum post ipsos.

13. \* *Omnes enim Prophetæ*, seu Prophetarum scripta, \* *& lex*, Moyſis, \* *usque ad Joannem prophetaverunt*, id est, usque ad Joannis prædicationem suo functi sunt munere, prophetandi scilicet seu prædicandi, promittendi & obscuris figuris adumbrandi Christum, & regnum ejus. Finis enim legis totius Christus. Relinquitur hîc tacite supplendum id, quod Lucas supplet c. 16. v. 16. *Ex eo verò tempore regnum Dei annuntiatur*, id est, jam non futurum esse, sed appropinquasse nuntiatur, omniaque cælestia de Christo mysteria propalantur. Sic ergò datur optima ratio, cur à Joanne ac deinceps regnum cælorum vim pateretur, quia scilicet post Joannem Christus jam & regnum ejus palàm omnibus prædicatur & præsens sistitur.

14. *Et si vultis recipere, ipse est Elias*, non personâ, sed officio, quia scilicet ut Angelus interpretatur, Lucæ 1. v. 17. præcessit Christum in spiritu & virtute Eliæ, convertendo scilicet corda filiorum ad Patrem, sive, ut August. Tract. 4. in Joan. quia præcessit in eodem spiritu vis Eliæ, quod enim Elias secundo adventui, hoc Joannes primo fuit, & secundum præfiguravit. *Qui venturus est*, juxta Malachiæ vaticinium & Scribarum vestrorum doctrinam, Lucæ 17. v. 10. q. d. Non est, quod propterea putetis regnum Dei & Messie nondum advenisse, eo quod Elias nondum apparuit, quia Joannes ipse est Elias. Additur ab aliis, *si admittitis*; partim ut sig-

13. Omnes enim prophetæ & lex, usque ad Joannem prophetaverunt:

14. Et si vultis recipere, ipse est Elias qui venturus est.



nificet ab eorum arbitrio pendere, quod esset ipsis Elias, quia ad Deum, sicut Elias, ipsos conversurus esset officio præcurrendi, si vellent credere; partim ut indicet sermonem esse parabolicum, adeoque figuraliter tantum verum, eo quod esset vera & viva figura Eliæ, spiritu, virtute, prædicatione, præcursione, totoque officio: ut sic quasi benevolè ipsos invitet ad attendendum & intelligendum, & æquo animo accipiendum, id quod diceret. Unde addit:

15. Qui habet  
aures audiendi  
audiat.

15. \* *Qui habet aures audiendi*, id est, intelligendi, \* *audiat*, id est, diligenter attendat & perpendat id, quod dico: mysticum enim erat, inquit Hieron. & egens intelligentiâ. Est familiare Christi epiphonema, quo continetur exhortatio ad audiendum, similis illi: *Qui legit, intelligat: qui potest capere, capiat*. Simul autem indicat, non omnes habere illas aures, de quibus loquitur, id est, donum illud Dei, quo auditur id, quod dicitur. Quod donum subinde consistit in intelligentiâ eorum, quæ dicuntur, ut in hoc loco, quæ sæpè ex voluntatis rectitudine proficiscitur: plerumque verò, quando de rebus faciendis Christus loquitur, consistit in obedientia. Unde August. lib. de bono persever. cap. 14. Aures audiendi ipsum est donum obediendi. Et Baruch cap. 2. v. 31. utrumque complectens, ait: *Dabo eis cor, & intelligent; aures, & audient*.

Et hætenus quidem laus Joannis, quæ tacitè tendebat eò, ut Joanni de se jam olim testificanti crederent, nec sententiam mutasse suspicarentur. Sed cum Pharisei Joannem spernerent, ut Lucas indicat c. 7. v. 30. hinc Christus ad increpandam duritiam eorum, omnibus modis inflexibilem, convertitur.

16. Cui autem  
similem æstimabo  
generationem istam? Similis est  
pueris sedentibus  
in foro, qui clamantes coæqualibus dicunt:

16. \* *Cui autem similem æstimabo generationem istam?* id est, cui rei comparabo hoc hominum genus, Scribas & Phariseos, tam præfractos & contumaces? \* *Similis est pueris &c.* id est, similiter agitur, seu simile quid accidit in hoc hominum genere, ac si pueri, ludentes in foro, in duos se choros dividant, alteri alteris \* *coæqualibus*, ætate scilicet seu coætaneis & sociis, acclament & pervicaciam morositateque exprobrent:

17. Cecinimus  
vobis, & non saltastis: lamenta-  
vimus, & non  
planxistis,

17. \* *Cecinimus vobis*, Græcè *ἠελῆκαμεν*, tibiā cecinimus, nempe læta, tripudioque congruentia. \* *Et non saltastis*, id est, non estis provocati ad lætitiā. \* *Lamentavimus*, id est, lugubria seu funebria cecinimus: alludit enim ad morem Judaicum, in funebribus usitatum, ut suprā c. 9. vidimus, \* *& non planxistis*, id est, non estis provocati ad luctum & planctum: q. d. Tanta est morositas vestra, ut neque læta neque tristis cantio vobis placeat. Juxta quam expositionem non est necesse, ut revera fuerit talis puerorum lusus, sicut quidam volunt, de quo

nihil

nihil certi constat : sed potest esse efficta, ut sæpè fieri solet , comparatio. Quam Christus ipse mox eleganter applicat, sed ita, ut Joannes & ipsemet respondeant pueris, frustra præcinentibus, propter simplicitatem, scilicet & innocentiam : Joannis verò austeritas lamentationi, Christi facilitas cantui.

18. \* *Venit enim Joannes, neque manducans, neque bibens*, id est, tantà vivens austeritate ac temperantiâ, ut absque cibo & potu vitam sustinere videretur. Atque ita totius vitæ severitas ac pœnitentiæ, tamquam luctus, prædicatio erat lamentationi similis, eò tendens, ut Judæos ad pœnitendum, velut ad lugendum, traheret. \* *Et dicunt, damonium habet*, id est, dæmonis virtute fert rigorem illum. 18. Venit enim Joannes neque manducans neque bibens, & dicunt dæmonium habet.

19. \* *Venit Filius hominis manducans & bibens*, id est, communi cum hominibus cōversatione, more cæterorum, promiscuo cibo & potu vivens; supple, ut isto facili vivendi genere & comitate, velut lætiori cantu, Judæos ad virtutem ac Deum provocaret; qui non fuerant Joannis austeritate commoti. \* *Et dicunt, humanitatem vertentes in contumeliam & calumniam* : \* *Ecce homo vorax & potator vini*, qui scilicet delitias suas ponit in vino & conviviiis. \* *Publicanorum & peccatorum amicus* : q. d. nebulonum & perditorum hominum socius, & consequenter illis similis. \* *Et justificata est sapientia*, Dei scilicet, id est, sapientissima Dei providentia, quæ in hoc duplici modo consulendi perviciæ Judæorum eluxit, probata & laudata est, seu iusta declarata. Videntur enim hæc verba respondere illis Lucæ : *Omnis populus audiens, & Publicani justificaverunt eum*, id est, laudaverunt & glorificaverunt eum. \* *A filiis suis*, scilicet sapientiæ, hoc est; idiotismo Hebraico à sapientibus, nempe Apostolis, inquit Hieron. vel potius generalius ab omnibus, quotquot verè in hoc populo sapientes fuerint, sive Apostoli, sive Publicani, sive populus, qui scilicet isti consilio Dei, vel meæ prædicationi crediderunt. 19. Venit filius hominis manducans & bibens, & dicunt: Ecce homo vorax, & potator vini, publicanorum & peccatorum amicus. Et justificata est sapientia à filiis suis,

20. \* *Tunc cepit exprobare*, id est, ingratitudinem objicere, & probis afficere, quodd scilicet beneficia illa plurimarum virtutum seu miraculorum sine fructu pœnitentiæ, quem spectabat, percepissent. Lucas 10. v. 13. indicat hæc esse dicta, cum ad prædicandum discipuli mitterentur: sed quia hæc exprobratio optimè cohæret præcedentibus de duritia Judæorum, & Matth. addit, *tunc videntur bis fuisse dicta*, de quo Aug. l. 2. de consensu Evang. c. 23. 20. Tunc cœpit exprobare civitatibus, in quibus factæ sunt plurimæ virtutes ejus quia non egissent pœnitentiam.

21. \* *Væ tibi Corozain. Corozain, Bethsaida, Capharnaum*, tres fuerunt urbes præcipuæ Decapoleos, sibi valdè vicinæ: inter quas Corozain erat in dimidia tribu Manasse, in ulteriores Jordanis ripa; Capharnaum è regione ejus, in citeriori ripa, in tribu Nephtalim; Bethsaida. 21. Væ tibi Corozain, væ tibi Bethsaida: quia sita in Tyro & Sidone factæ essent virtutes quæ factæ sunt in vobis: olim in cilicio & cinere pœnitentiam egissent.

verò, nam egissent.



verò, unde orti erant SS. Petrus & Andreas, in tribu Zabulon, quæ tres tribus circa ingressum Jordanis in lacum Genesareth, sunt conterminæ: omnes sunt in ripa istius lacus Genesareth, omnes florentes opibus, omnes ex hac Christi comminatione ita funditus everse, ut Corozain tantum ruinæ supersint; reliquarum vix septem domus aut tuguria. \* *Quia si in Tyro & Sydone.* Et hæ conterminæ sunt Galilææ, in tribu quidem Aser, sed numquam à Judæis possessæ, ideoque Gentiles & idololatræ, in littore maris mediterranei, mercimoniis totius orbis opulentissimæ, ideoque delitiis, Deique contemptu plenæ, de quibus vide Isaïæ 23. & Ezech. 26. & 27. Unde quia vicinæ, impietate, & vitiis nobiles, ideoque Judæis detestabiles, ut eos magis pungat Salvator, asserit eas tamen à Corozain & Bethsaida impietate superari: quia si in illis \* *factæ essent virtutes*, id est, miracula; sub quibus universam prædicationem suam, quam confirmabant comprehendit: \* *olim*, id est, jam diu simul ac factæ essent, non cum tanta dilatione, \* *in cilicio & cinere pœnitentiam egissent*, id est, magnæ humilitatis pœnitentiam. Ille enim erat vetus pœnitendi & lugendi ritus, ut induerentur cilicio, quod hîc Græcè & semper Hebraicè vocatur *saccus*, veste nempe vili, rudi, asperâ & carnis afflictivâ, ad testandum dolorem & simul vindictam sceleris, & aspergerentur cinere, in humiliationis suæ testimonium. De his in Scripturis passim sermo est, & Gentiles etiam ritum illum imitati sunt Jonæ 3. v. 6. Ex quo apertum est, pœnitentiam aliquid aliud inferre, quàm novam vitam, ut hæretici contendunt.

In his autem verbis docet Aug. lib. de bono persever. cap. 9. altius nobis mysterium prædestinationis ostendi. Si enim quæritur, cur ergò non est Tyriis & Sidoniis cum tot virtutibus prædicatum, si credidissent & egissent pœnitentiam? Respondet eod. lib. 14. quia alto illo prædestinationis judicio non erant à perditione separati. Quia enim ut crederent, inquit, non erat eis datum, etiam unde crederent est negatum, hoc est, ut infra explicat, si tales, uti Tyrii, altiore Dei judicio à perditionis massa non sunt gratiæ prædestinatione discreti, nec ipsa eis adhibentur vel dicta divina vel facta, per quæ possent credere, si audirent utique talia, vel viderent.

22. Verumtamen dico vobis, Tyro & Sidoni remissus erit in die iudicii, quam vobis

22. \* *Verumtamen dico vobis, Tyro & Sidoni remissus erit*, id est, tolerabilius seu mitius punientur, quia, ut Hieron. Tyrus & Sidon naturalem tantummodò legem calcaverant, Judæi verò & naturalem & scriptam, ac tot prædicationes Christi & miracula contempserant. Nam illa eorum infidelitas ac duritia non de ignorantia, sed de libera voluntate veniebat, ut Aug. ibid. c. 9.

23. \* *Et tu Capharnaum numquid usque in calum exaltaberis ?* Lucas & Græca etiam hîc legunt sine interrogatione, *usque in calum exaltata es*, nempe opibus, gloriâ (erat enim cæteris longè præcellentior) itemque præsentîâ meâ, prædicatione, miraculis. Cum interrogatione verò legendo sensus est: Numquid putas te semper sublimem divitiis & gloriâ in cælum evehendam? Locutio enim est hîc hyperbolica. \* *Usque in infernum descendes.* Græcè *χαλασθε αὐτοῦ, deprimeris, vi prosterne*ris: quo quamvis urbis quoque desolatio, maximè tamen æterna civium damnatio significatur, cujus magnitudinem mox attexit, \* *quia si in Sodomis*, quæ scelerum & suppliciorum omnibus exemplum fuerunt celebratissimum, \* *facta fuissent illæ virtutes, fortè mansissent usque in hanc diem*: Græcè est, *ἐμεναι ἄν, utique mansissent, vel manere potuissent*. Similis planè locutio cum ea v. 21. *pœnitentiam egissent*: ubi Interpres illud *an*, reliquit intactum. Unde illud, *fortè*, vel est superfluum, & erit plena assertio, tamquam de re secundum Dei præsentiam certò futurâ: vel sumi debet, ut respondeat Græcæ particulæ potentiali, quatenus significet, non certò eos interituros fuisse, sed manere potuisse usque in præsentem diem, nempe quia tot miraculis incitatiegissent pœnitentiam. Et sic vulgari modo de futura eorum permanensione & pœnitentiâ fuisset locutus, ad indicandam istâ comparatione maximam Judæorum obstinationem.

25. \* *In illo tempore*, quo exprobrabat civitatibus illis, \* *respondens Jesus*, id est, in verba prorumpens, \* *dixit*: Phrasis est Hebræis frequentissima, juxta quam, *respondere*, sumitur ut Hebraicum *נָדָה, Ghanâh*, pro sermonem ordiri vel prosequi, etiamsi nemini jam locuto respondeatur; maximè sequente verbo *dixit*, ut videre licet non solum hîc, sed cap. 17. v. 4. & cap. ult. v. 5. & Lucæ 14. v. 3. \* *Confiteor tibi*, id est, laudo & gratias ago; nam hoc sensu verbum *confitendi* est in Scripturis usitatissimum, maximè in Psalmis. \* *Pater, Domine celi & terra*. Pulcherrimâ interpunctione, inquit Athanasius lib. 3. contra Arianos, differentiam Patris ac Domini docuit. Nam & Patrem suum dixit, & creaturæ Dominum, ut constaret eum à tempore indutæ carnis Patrem suum quoque Dominum appellare; quod idem notat Ambros. l. 5. de Fide cap. 3. \* *Quia abscondisti hæc*, id est, quòd absconderis hæc mysteria regni cælorum prædicata, \* *à sapientibus & prudentibus*, hujus mundi, id est, eis, qui ingenio, doctrinâ, & sapientiâ sæculari pollent, scilicet Scribis, Phariseis, Capharnaitis. Abscondit autem, non illustrando mentem illorum internâ gratiâ, ut credant & intelligant & convertantur. \* *Et revelasti ea*, seu quòd revelaveris ea, infuso Spiritus sancti lumine, \* *parvulis*

23. Et tu Capharnaum, numquid usque in calum exaltaberis? usque in infernum descendes; quia si in Sodomis factæ fuissent virtutes, quæ factæ sunt in te, forte mansissent usque in hanc diem.

24. Veruntamen dico vobis; quia terræ Sodomorum remissus erit die judicii. quàm tibi.

25. In illo tempore respondens Jesus dixit: Confitebor tibi Pater Domine celi & terra, quia abscondisti hæc à sapientibus & prudentibus, & revelasti ea parvulis.



Græcè *νηπιος*, *infantibus*, id est, idiotis, qui nullâ sæculi sapientiâ aut prudentiâ clari sunt, & instar infantium ac stultorum contem-  
nuntur: nam opponuntur sapientibus, de quibus dixerat. Unde  
Apostolus idem consilium Dei explicans, eos vocat *stulta, ignobilia*,  
& *contemptibilia mundi*, 1. ad Cor. 1. v. 27. & 28. Ostendit igitur Chri-  
stus his verbis statûs inferioris homines citiùs quàm Scribas, Phari-  
sæos & divites hujus sæculi credidisse, & credituros esse, ut ait Amb.  
serm. 17. in psalm. 118.

26. Ita Pater: quo-  
diam sic fuit pla-  
citum ante te.

26. \* *Ita Pater*. In Luca vertitur, *etiam Pater*. Est autem modus  
loquendi, quo Christus vehementer aliquid confirmare solet, ut pa-  
tet Lucæ 11. v. 51. & ibid. c. 12 v. 5. q. d. Planè Pater, sic fecisti;  
& rectissimè, \* *quoniam fuit placitum ante te*, id est, quia sic placuit  
tibi, cujus beneplacitum est lex omnis æquitatis: ita docens nos,  
abjecto omni fastu & meritorum præsumptione, in scrutando isto  
secretissimo illuminationis unius & excæcationis alterius, electionis  
& rejectionis consilio, non ad rationes humanas, sed ad Patris be-  
neplacitum recurrere, & illi humiliter acquiescere. Ne verò pote-  
statem revelandi parvulis mysteria à se removisse videretur, mox  
occurrit:

27. Omnia mihi  
tradita sunt à Pa-  
tre meo. Et ne-  
mo novit Filium  
nisi Pater: neque  
Patrem quis no-  
vit, nisi Filius, &  
cui voluerit Fi-  
lius revelare.

27. \* *Omnia mihi tradita sunt à Patre meo*, omnium rerum impe-  
rium ad dispensatio meæ quoque voluntati ac beneplacito tradita est  
à Patre, nempe per hypostaticam humanitatis cum divinitate unio-  
nem, ut scilicet tamquam Salvator, omnia instauraret, ut indicat  
Iren. lib. 4. c. 37. & clarè tradit Athanasius in illud, *Omnia mihi  
tradita sunt, &c.* Intellige igitur tradita tamquam homini, cui Dei-  
tas juncta est in unitate suppositi. Qui sensus involvit alium, quem  
secutus est Hilar. Can. 11. & Aug. lib. 3. contra Maximinum c.  
12. quòd omnia ei tamquam Filio Dei tradita sint à Patre per æter-  
nam generationem. Gignendo enim ei, quem genuit de substantia  
sua, tradidit omnia, quæ habet in substantia sua. Sed hoc non om-  
nibus perspectum est. Nam \* *nemo novit Filium*, id est, me esse Fi-  
lium, divinam scilicet meam generationem, naturam, majestatem  
Patri æqualem, \* *nisi Pater*, qui genuit. Addunt hîc nonnulli, &  
*cui voluerit Pater revelare*: sed non debet addi, tum quia jam præces-  
sit, quòd Pater revelat parvulis mysteria; tum maximè, quia hoc in-  
volvitur in eo, quod sequitur, \* & *cui voluerit Filius revelare*: quia  
dum revelat Filius, etiam per Filium revelat Pater, tamquam per  
Verbum suum, ut observat Aug. l. 7. de Trinit. c. 3. Si enim, inquit,  
hoc Verbum, quod nos proferimus, & seipsum ostendit, & illud,  
de quo loquimur, quanto magis Verbum Dei, per quod facta sunt  
omnia,

omnia. Proinde tam Pater quàm Filius revelant, & consequenter omnia prorsus mysteria etiam à Patre, sed per Filium revelantur, tamquam per mentis nostræ lumen, ut idem explicat in quæst. Evang. lib. 1. q. 1. Proinde & in traditione omnium, & in mutua illa cognitione ostendit se Patri prorsus æqualem. De Spiritu S. nihil expresse dicit, sive quòd illa ultima verba, *Et cui voluerit, &c.* etiam ad illum referenda sint, ut potè cui Filius omnia divinitatem tradendo revelet; sive quòd propter inseparabilitatem, unitatemque Trinitatis, ea, quæ singulis personis tribuuntur, etiam cæteris convenire intelligantur, ut August. lib. 1. de Trinit. c. 8. 9. & Basil. lib. 5. contra Eunomium. Unde alibi dicitur, *& nobis revelavit Deus per Spiritum suum.* Cùm ergò tantus sim,

28. \* *Venite*, non pedibus, sed affectibus fidei, spei, & charitatis, \* *ad me*, tamquam ad eum, cui omnia tradita sunt, hoc est, tamquam ad fontem omnium bonorum, revelatorem omnium mysteriorum, \* *omnes qui laboratis*, sub jugo veteris hominis, molestiarum perpessione afflicti & fatigati, nempe ut novum induendo non laboretis, \* *Et onerati estis*, oppressi scilicet onere seu jugo peccatorum concupiscentiarum, miseriarum hujus vitæ, ac denique veteris Legis: nam & isti oneri seu jugo videtur jugum suum, id est, Evangelicum mox opponere, juxta Hilar. & Theophyl. \* *Et ego reficiam vos*, id est, refocillabo & recreabo à molestiis. Græcè est ἀναπαύσω, requiem & liberationem ab oneribus illis tribuam: unde mox vertit nomen inde deductum, \* *invenietis requiem.* Fiet autem hoc eo quo sequitur, modo:

29. \* *Tollite jugum meum*, id est, suscipite Legem meam, seu Evangelium, quod annuntio, excusso totius veteris hominis jugo. Nam ut Augustinus sermone 9. de verbis Domini cap. 1. Jugum illud tollere & ferre non est aliud, quàm piè vivere in Christo: cujus doctrina, seu Evangelium, sicut & Lex Dei, & imperium hominis, vocantur in Scripturis *jugum*, Psalm. 2. v. 2. Jerem. 2. v. 20. Genes. 27. v. 40 quia subditos per modum jugi, quod bobus imponitur, subjicit & continet. \* *Et discite à me*, id est, disciplinam meam subite. Videtur enim esse explicatio ejus, quod immediatè præcessit; & ratio subditur: \* *quia mitis sum*, & *humilis corde*, id est, quia non sum iracundus, aut arrogans, instar tyranni, qui quemquam repellam, sed benignitate, mansuetudine & humilitate cui vis expositus. Communior tamen interpretatio est maximè Aug. serm. 10. de verbis Dom. & libro de vera Virginitate c. 35. *Discite à me*, id est, exemplo meo, non mundum fabricare, vel in eo mirabilia facere, sed \* *quia*

28. Venite ad me omnes qui laboratis, & onerati estis, & ego reficiam vos.

29. Tollite jugum meum super vos & discite à me, quia mitis sum, & humilis corde: & invenietis requiem animabus vestris



*mitis sum*, id est, quod mansuetus ac placidus, minimè morosus aut difficilis sum, \* & *humilis*, non verbis tantum aut gestibus, externaque specie, sed *corde*, totoque animo. Duas istas exprimit virtutes, tum quia inter eas summa cognatio, & non minima sunt jugi Christi pars: tum quia ad suscipiendum, ferendumque jugum maximè prærequisita, (superbia enim jugum Christi velut abjectum maximè averfari solet, asperitas & impatientia etiam susceptum excutere;) tum quia mortalibus, quibus mors poculo superbiæ propinata atque transfusa est, tam magnum & arduum est esse parvum seu humilem, ut nisi à tanto magistro disci omninò non possit; unde humilitas propriè virtus Christi & Christianorum: tum denique quia nullæ virtutes magis præstant refectiorem seu requiem, quam jam promiserat. Unde effectum earum explicans, addit: \* *Et invenietis requiem*, non corporibus, sed \* *animalis vestris*. Nihil enim inquietius asperitate & superbiâ: nam sicut ista radix est & princeps omnium omninò cupiditatum ita quoque omnium bellorum ac tumultuum, quibus mundus, major & minor, intus & extra perturbatur. Ne verò nomine jugi, quod molestum esse solet, deterrentur, docet suum esse alterius rationis.

30. Jugum enim  
meum suave est,  
& onus meum  
leve.

30. \* *Jugum enim meum*. *Jugum* & *Onus* idem sunt, Lex videlicet Christi, *suave est* Græcè *χρηστόν*, id est, *blandum*, seu *commodum*, scilicet non asperitate molestum, ut juga jumentis esse solent, neque grave, ut onera, sed \* *leve*, id est, portatu facile. Mira sanè doctrina, cum præcepta Christi sint difficillima, & perfectiora præceptis Legis, & omnibus, qui piè vivunt, persecutiones promittantur. Rationem tamen reddit Nazianzenus Orat. 42. quia spes & merces molestiis hujus vitæ longè uberior est. Sed amplius voluit Christus. Rectius igitur Aug. serm. 9. de verbis Domini, hoc dictum esse docet propter tres rationes. Prima est, quia Christus suos exoneravit sarcinis seu onere innumerabilium observationum, quod erat revera grave jugum duræ Judaicæ cervici convenienter impositum, ut idcirco S. Petrus dicat Act. 15. v. 10. *Quod neque Patres nostri, neque nos portare potuimus*. Secunda est, quia loco illius jugi non nisi facilitatem simplicis Fidei, bonæ Spei, & sanctæ Charitatis imposuit, hoc est, non nisi solam bonam voluntatem. Nihil enim tam facile est bonæ voluntati, quam ipsa sibi; & hæc sufficit Deo. Nam, ut latius explicat epist. 45. Ibi labor est; ubi multa quærentur & diliguntur, quibus adipiscendis atque retinendis voluntas non est satis, quia consequentem non habet facultatem. Justa verò vita, cum volumus adest, quia eam ipsam plenè velle justitia est. Nec plus aliquid perficiendum justitia requirit, quam

quàm perfectam voluntatem. Vide, si labor est, ubi velle satis. Unde divinitus dictum est, pax hominibus bonæ voluntatis. Ubi pax, ibi requies; ubi requies ibi finis appetendi, & nulla causa laborandi. Hæc ibi. Tertia est & præcipua, præcedenti affinis, quia, ut idem lib. de nat. & grat. c. 69. *Omnia levia sunt charitati*, vel potius ipsa charitas est ipsum jugum, quod leve est. Christi enim præceptum seu jugum non est aliud, nisi ut diligamus Deum & proximum: & ipse venit, non jam legem ac timorem sed ipsam dilectionem in cordibus nostris diffundere per Spiritum S. Quidquid autem amatur, dulcescit amanti-bus, nec sentiunt quòd laborant: imò tunc ab eis plus laboratur quando à labore prohibentur, ut ait serm. 47. de diversis c. 1. Et hoc sensu dicit S. Joannes epist. 1. c. 5. v. 3. *Mandata ejus gravia non sunt*. Gravia enim sunt timori, levia amori, & quidquid propter illa to-leratur.

## CAPUT DUODECIMUM.

1. \* **I**n illo tempore abiit Jesus per sata Sabbato. *Sabbat* seu *Sabbaton* (nam utroque modo Hebraicè, & exinde Græcè dicitur) propriè significat cessationem seu quietem & ulteriùs diem quieti à Deo destinatum, nempe septimum hebdomadæ, in quo nihil operis fieri poterat, non solum servilis, sed neque necessarij ad parandos cibos, quia præveniri poterat, Exodi 35. v. 3. quâ severitate observabatur etiam dies expiationis, Levit. 23. v. 30. 31. Extensum est inde vocabulum ad omnia cætera festa, ibidem v. 32. quibus non ab omni opere, ut die septimâ, sed à servili tantum cessabatur: quæ differentiâ videtur notari Levit. 23. v. 3. collato cum versu 7. & 8. Denique per catachresin *Sabbaton* pro tota hebdomada usurpatur: unde Feria secunda, tertia, &c. Hebræis dicitur secunda & tertia Sabbati, id est, hebdomadæ, 1. ad Cor. ult. v. 2. & Marci ult. v. 2. Nisi sensum esse velis, prima, secunda, &c. post Sabbaton. Hoc loco videtur intelligi *Sabbaton* propriè dictum, quo cibos parare non liceret: nam inde est orta quæstio, & Christi responsio satis indicat, discipulos aliquid fecisse, quod extra necessitatem non licuisset Sab-bato. Sed Lucas c. 6. vocat illud Sabbaton *secundo primum*, quod verbum infinitas peperit sententias. Quibus ommissis, omnium vide-tur probabilissima S. Chrysost. initio Homil. 40. quâ dicitur se-cundo primum seu bis solemne, eò quòd Sabbaton & aliud Festum concurreret in eundem diem. Cum autem hoc contigerit eo tempore, quo segetes habebant spicas, necesse est consequenter incidisse hoc Sabbaton in primum vel ultimum diem Azymorum, qui erant si-

1. In illo tem-pore abiit Jesus per sata sabbato: discipuli autem ejus esurientes, coeperunt velle-re spicas & man-ducare.



in liter etiam Festi, vel in diem Pentecostes. Nam quòd Jansenius in Concordia, Franc. Lucas & alii putant, etiam ratione incidentis Neomeniæ potuisse esse duplex, falluntur, quia Neomenia non erat Festum in populo, sed tantum in templo, ut diximus Levit. 23. Multò verò magis fallitur Maldonatus, dum putat non potuisse spicas haberi nisi in Festo Pentecostes, eo quòd tunc Deut. 16. v. 9. falx in messem mitteretur. Est enim certissimum, manipulum spicarum offerri solitum, tanquam primitias messis inchoatæ, secundà die Azymorum, hoc est, in Festo Paschatis, Levit. 23. v. 10. & 11. & locus Deut. expressè refutat ipsum Maldonatum: nam neque tunc fruges meti incipiebant, sed septem septimanis antè: neque primitiæ segetis seu frugum tunc offerebantur, ut ipse videtur putare, sed panum ex frugibus jam demessis, Levit. 23. v. 17.

\* *Discipuli autem esurientes*, sive quòd præ populi concursu nec spatium habuissent manducandi, Marc. 3. v. 20. sive quòd audiendi Salvatoris aviditate nec de necessariis fuissent solliciti: \* *Cæperunt vellere spicas*. Permittebat hoc expressè Lex in agris alienis, Deut. 23. v. ult. quod etiam Sabbato Iren. vult licuisse, lib. 4. c. 20. etsi tunc non liceret metere. \* *Et manducare*. Quòd austerioris vitæ indicium esse notat Hieron. utpotè non præparatas epulas, sed cibos simplices quærentium.

2. Pharisei autem videntes, dixerunt ei: Ecce discipuli tui faciunt quod non licet facere sabbatis,

2. \* *Pharisei autem*, qui potius carpendi quàm discendi causâ sequebantur, \* *Dixerunt ei: Ecce discipuli tui faciunt quod non licet facere Sabbatis*: nempe vellendo & confricando spicas, cibum parare, hoc enim licebat quidem aliis Festis, Exodi 12. v. 16. non tamen Sabbatis, ut suprà diximus. Discipulos autem arguunt, sed impetunt magistrum: quasi dicerent, ex factis discipulorum tuorum patet doctrina tua.

3. At ille dixit eis: non legis quid fecerit David, quando esuriit, & qui cum eo erant:

3. \* *At ille dixit eis: Non legis*, vos, qui de scientia Legis inflati me & discipulos accusatis, \* *quid fecerit David*, quem non audetis reprehendere, utpotè vir secundum cor Dei, \* *quando esuriit ipse, & qui cum eo erant*, supple *esurierunt*, hoc est, cum simili necessitate premerentur: nam excusatio ista petitur ex necessitate, quæ non habet legem. Unde Marc. 2. v. 25. dicit, *quando necessitatem habuit*. Cum autem Christus hîc dicat, eos, qui cum ipso erant, esurisse; & Lucas addat, eum dedisse panem iis, qui cum ipso erant; & David ipse dicat, se condixisse pueris in illum & illum locum: necesse est dicere, aliquos fuisse comites Davidis, non quidem præsentis, sed certo loco conditos, ut ita concordent verba David cum Achimelech, 1. Reg. 21. v. 1. 2. Nam quamvis David posset dici mentitus, ut vult Jansenius, non tamen mentitus dici potest Christus.

4. \* *Quomodo intravit in domum Dei*, atrium scilicet circumdans tabernaculum. Nam hoc fuisse ibi satis patet ex loco 1. Reg. cit. et si arca non esset ibi, sed in Gabaa, 1. Reg. 7. v. 1. 2. Reg. 6. v. 3. \* *Et comedit panes propositionis*, id est, propositos: Hebraicè *Panes facierum*, ita dictos, quod duodecim panes in tabernaculi parte septentrionali coram facie Domini, id Sancto Sanctorum habitantis, erant semper propositi, ut significaretur duodecim tribus à Deo semper ali. \* *Quos non licebat ei edere*, prohibente scilicet expressè lege communi, Levit. 24. v. 9. Ne verò dicerent, ei tamquam Regi & Prophetæ forsitan id licuisse; addit: \* *Neque his, qui cum eo erant*. Primum itaque argumentum & excusatio discipulorum petitur à majori, seu longè graviore facto David, quod tamen non fuit peccatum. Sequitur nunc secunda:

5. \* *Aut non legistis in lege*, Moysis, non solum referente, sed & expressè jubente offerri sacrificia, & consequenter mactari, exco- rriari, purgari animalia, ligna ferri, ignem accendi; quæ omnia in se spectata opera sunt servilia Sabbatis prohibita: & ita \* *Sabbatis* (quæ maximè præ cæteris festis observationem requirebant) \* *Sacerdotes* (quos maximè decebat Sabbatum colere) \* *in templo* (ubi maximè coli oportebat) \* *Sabbatum* non solum non observant, sed \* *violant*, externâ scilicet specie; & ea faciendo, quibus, nisi Dei cultus excusasset, violabantur. \* *Et sine crimine sunt*, transgressæ scilicet legis de sanctificando Sabbato. Unde Judæorum traditio, in templo est Sabbatum.

6. \* *Dico autem vobis, quia*, seu quòd, \* *templo major est hic*. Græcè *ὁδε*, in hoc loco, utpotè Dominus Templi: cui ut ministrent, & regnum Dei propaganti cooperentur discipuli mei, spicarum grana comedent: q. d. Si templi ministerium excusat, ergo multo magis mei, qui dignior ac sanctior templo sum.

7. \* *Si autem sciretis*, &c. id est, quod si animo impressum haberetis, quid sibi velit ista Dei sententia, *Misericordiam volo*, & non sacrificium, id est, magis probo, quàm sacrificium; phrasi Hebræis usitatâ qui quod postponunt, hoc negant. Sub sacrificio autem tamquam præcipuo omnem externum Dei cultum comprehendit, etiam observationem Sabbati, \* *numquam condemnassetis*, Legis Dei transgressæ, \* *innocentes*. Itaque non tam arguit eos ignorantia speculativæ, quàm practicæ, quæ à voluntate pendet: hoc est, taxat inhumanitatem & immisericordiam eorum, quòd homines terentes obvias aliquod frumenti spicas, ut eo tam crudo cibo famem urgentem pellerent, judicarent esse profanatores Sabbati. Tertia est ista excusatio, quam sequitur quarta:

4. Quomodo intravit in domum Dei, & panes propositionis comedit, quos non licebat ei edere, neque his qui cum eo erant, nisi solis sacerdotibus?

5. Aut non legistis in lege, quia sabbatis Sacerdotes in templo Sabbatum violant, & sine crimine sunt?

6. Dico autem vobis, quia templo major est hic

7. Si autem sciretis, quid est: Misericordiam volo, & non sacrificium: nunquam condemnassetis innocentis.



8. Dominus enim est filius hominis etiam sabbati,

8. \* *Dominus est enim*. Nova hæc est ratio, cur innocentes sint, & non condemnandi, quia \* *Dominus est Filius hominis, etiam Sabbati*, id est, Filius hominis, quo inspectante & consentiente hæc agunt, est Dominus etiam Sabbati, utpotè naturâ Deus, Creator, & institutor omnium rerum, Legislator etiam Sabbati: qui proinde potest pro libitu rigorem ejus moderari, dispensare, penitus abrogare, & violatores à peccato eximere. Itaque sicut quatuor modis purgat discipulos suos, ita quatuor modos interpretandi positivæ leges tradit, nempe ut cedant vel legi naturæ, vel alteri legi magis particulari, vel humanitati ac dilectioni proximi, vel denique authoritati legitimæ dispensantis aut abrogantis.

9. Et cum inde transisset, venit in synagogam eorum.

9. *Et cum inde transisset venit in Synagogam eorum*, non eodem die, sed alio Sabbato, ut ait Luc. 6. v. 6.

10. Et ecce homo manum habens aridam, & interrogabant eum, dicentes: Si licet sabbatis curare, ut accuserent eum.

11. Ipse autem dixit illis: Quis erit ex vobis homo, qui habet ovem unam, & si ceciderit hæc sabbatis in fossam, nonne timebit & levabit eam?

10. \* *Et ecce homo manum habens aridam*, id est, emortuam, & ita inutilem ad opus, \* *& interrogabant eum*, &c. non ut discerent, sed ut carperent eum, vel violatim Sabbati, si licere affirmaret & sanaret; vel violati antea in vellendis spicis, vel certè inconstantia aut inhumanitatis, si negaret. Porro Marcus & Lucas dicunt Christum interrogasse Phariseos: *Utrum liceret Sabbatis benefacere, an malefacere*. Quod intellige Christum fecisse, ut quæstionem jam sibi ab eis propositam aliâ quæstione solveret. Indicat enim quod qui non benefecerit, & non salvaverit proximum laborantem, quando potest, censetur malefecisse eumque perdidisse. Per se autem est manifestum, non licere malefacere vel perdere hominem: unde relinquitur esse benefaciendum curando. Quod cum declarasset similitudine ovis, cui ipsimet fatebantur die Sabbati posse præstari beneficium liberationis ex fossa, concludit primò particulatim respondendo ad quæstionem Phariseorum.

12. Quanto magis homo ovis? Itaque licet tabbatis benefacere.

12. \* *Quanto magis*, Græcè πῶς οὖν, quanto igitur \* *melior est homo ovis?* Et consequenter quanto magis misero homini in Sabbato beneficium curationis conferre licet, si licet misero animali? Deinde generatim respondet ad quæstionem, \* *itaque licet Sabbatis benefacere*, curationem scilicet & cujuscvis alterius rationis beneficium proximo afflicto præstare. Verum ut non verbis tantum ineptiam refelleret, sed factum multò maximè.

13. Tunc ait homini: Extende manum tuam. Et extendit, & restituta est tantum sicut altera.

13. \* *Tunc ait homini*, nempe, ut Marcus 3. v. 5. addit, cum eos *cum ira*, id est, vultu ad indignationem composito, respexisset, & simul contristatus esset, seu condoluisset animo super cæcitate cordis eorum, qui livore cæci res apertissimas in quæstionem vocabant, \* *extende manum*, &c. q. d. Non ego te tango, non inspuo, sed solo verbo

verbo sano : nimirum, ut, sicut hoc notat Athanas. Hom. de semine, omnis calumniæ umbra evanesceret. Loqui enim nec ipsi quidem, qui quæstionem loquendo proposuerant, vetitum esse, vel cogitare audebant. Et hæc est causa, cur refutationis evidentiâ confusi, neque mutire ausi eorum populo, consilium \* *perdendi*, id est, occidendi illum, agitârunt. Christus verò noluit contendere cum illis potentiâ, vel miraculis se defendere, sed tamquam infirmus infirmis exemplum præbens,

15. \* *Recessit inde*, id est, declinavit eorum insidias, accessit furori, & nihil acerbior continuando suam in benefaciendo facilitatem, omnibus expositam, \* *curavit omnes*, qui sequebantur :

17. \* *Ut adimpleretur quod dictum est per Isaiam*, qui scilicet prædixit Regem Christum non vindictâ promptum, non pompâ, fastuque sæculari nobilem, non vulgi contemptorem, non urbes & vicos implentem strepitu & tumultibus, ut solent Reges, sed patientiâ, mansuetudine, humilitate, beneficentiâ in pauperes, & contemptu mundi fore commendatum, hoc enim sibi vult prophetia sequens :

18. \* *Ecce puer meus quem elegi*, q. d. Attendite conditiones pueri (Hebraicè servi) mei, qui ratione carnis, quâ formam servi accepit, & ratione ministerii ei impositi, servus meus est, quem præ omnibus creaturis elegi, ut esset mihi filius, & regnum meum in hominibus restauraret. Videntur enim esse verba gloriantis de tali servo, cuiusmodi sunt & Job 1. v. 8. & cap. 2. v. 3. \* *Dilectus meus, in quo complacuit anima mea*, seu mihi, id est, quem totis visceribus diligo : vide dicta in fine c. 3. \* *Ponam spiritum meum super eum*, id est, dabo ei non de spiritu meo, sicut cæteris, quasi ad mensuram, sed spiritum meum seu plenitudinem spiritûs mei, ut scilicet cum omnibus donis suis requiescat super eum, tum in conceptione, tum visibiliter in baptismo : & illo plenus, \* *judicium gentibus nuntiabit*, hoc est, id, quod justum & rectum est, Legem scilicet meam Evangelicam, tanquam Legislator prædicabit, non Israël tantum, sed universis \* *gentibus*, idque non strepitu verborum tantum, uti Moyses, sed illam spiritu illo suo scribendo in cordibus eorum. Modus autem annuntiandi illius iudicii hic erit :

19. \* *Non contendet*, id est, non litigabit cum adversariis suis, \* *neque clamabit*, contentiosè scilicet & iracundè, \* *neque audiet aliquis in plateis vocem ejus*, nempe murmurationis & querelæ de persecutoribus, ut vult S. Thom. in Comment. alii autem intelligunt vocem jactantiæ & ostentationis in circulis platearum : alii prodigiosum illud silentium in Passione. Quamquam Hebraicâ repetitione videatur

14. Exeuntes autem Pharisæi consilium faciebant adversus eum, quomodo perderent eum,

15. Jesus autem sciens, recessit inde : & secuti sunt eum multi & curavit eos omnes :

16. Et præcepit eis ne manifestum eum facerent.

17. Ut adimpleretur quod dictum est per Isaiam Prophetam dicentem :

18. Ecce puer meus, quem elegi, dilectus meus, in quo bene complacuit animæ meæ. Ponam spiritum meum super eum, & iudicium gentibus nuntiabit,

19. Non contendet, neque clamabit, neque audiet aliquis in plateis vocem ejus :



tur idem significari; quod in præcedentibus, scilicet summi Christi in voce & moribus modestia, placiditas, & suavitas, sine vi ac tumultu regnum propagantis.

20. Arundinem quassatam non confringet, & linum fumigans non extinguet, donec ejiciat ad victoriam judicium;

20. \* *Arundinem quassatam*, id est, concussam, jam frangi ceptam, \* *non confringet* omnino, veluti contemnens illam prævilitate, \* & *linum fumigans*, *Syrus lucernam*, id est, ellychnium lucernæ, vicinum extinctioni, utpotè flammâ jam amissâ, in quo scilicet restet adhuc aliqua scintilla spei reparandi lumen, \* *non extinguet* penitus, sed fovebit potius, ut ardeat. Quibus metaphoris significatur incredibilis Christi humanitas & mansuetudo, sive quòd Judæos persecutores, calamo quassato, propter perditam integritatē, & lino fumiganti, propter lumen amissum, comparatos non contriverit nec extinxerit, ut vult Aug. lib. 20. de civit. c. 30. & Chrysost. hic Homil. 41. sive quòd imbecilles, semifractos, & Fidei lumine semiextinctos, in quibus adhuc aliquid esset bonæ fidei reliquum, non contempserit, sicuti reges solent, nec iracundè oppresserit, sed potius mansuetudine toleraverit, foverit, ac promoverit. \* *Donec ejiciat ad victoriam judicium*, id est, donec efferat seu proferat judicium illud novissimum, quo adversarios suos vincat: ita consequenter Aug. vel potius, ut illud, *donec*, non tam significet limitationem temporis, quàm rei: q. d. donec mansuetudine suâ hoc efficiat, ut illud judicium, seu Evangelium, quod nuntiavit, & cui mundus magnoperè reluctabitur, tamquàm ubique vincat & obtineat.

21. Et in nomine ejus Gentes sperabunt.

21. \* *Et ita gentes*, Evangelio scilicet subactæ, \* *in nomine ejus sperabunt*, id est, ab ipso salutem expectabunt, & eum velut suæ salutis authorem colent. Quo sensu convenit cum Hebræo, in quo legitur, *Legem ejus insulæ expectabunt*, id est, Gentes insularum, à continente scilicet Judææ remotissimæ, Evangelium istud avidè suscipient, salutis assequendæ causâ, utpote cujus capitalis doctrina est, non aliud nomen esse sub cælo datum hominibus, in quo oporteat eos salvos fieri, A&. 4. v. 12. Totum hunc locum citavit Matth. partim ex Hebræo, partim ex Lxx. quædam omittendo, quædam quoad sensum aliter reddendo, ut proposito suo magis conveniebat.

22. Tunc oblatus est ei demonium habens, cæcus & mutus, & curavit eum, ita ut loqueretur, & videret.

22. \* *Tunc oblatus est ei demonium habens*, *cæcus & mutus*, non naturæ vitio, sed dæmonis maleficio. Unde factum est, ut, cum \* *curasset eum*, scilicet à dæmonio (nam Lucas 11. ubi idem narrat, ait, *Cum ejecisset demonium*) \* *loqueretur & videret*. Idem efficit spiritualiter dæmon in hominibus, occupat scilicet ut Aug. notat l. 1. Quæst. Evang. q. 4. visum & linguam, ne credat, indeque confiteatur, aut det laudem Deo. Quo expulso, primò Fidei lumen aspi-

aspiciunt, inquit Hieron. deinde in laudem Dei tacentia prius orā laxantur.

23. \* *Et stupebant omnes turba.* Causam stuporis indicat Marcus in simili miraculo c. 1. v. 27. quia scilicet *in potestate spiritibus immundi imperabat.* Hoc enim ita mirabile est, ut propterea plerumque, cum Christus dæmones ejiceret, eandem admirationem Evangelistæ notaverint, ut patet etiam Lucæ 9. v. 44. Unde & hic incipiunt inde dubitare, utrum non esset \* *Filius David*, ille scilicet promissus Davidi Messias. Nam ex hujusmodi operibus Christum agnoscendum satis indicavit sup. c. 11. v. 5. ex Isaia.

24. \* *Pharisæi autem*, odio & invidiâ excæcati, \* *audientes*, tam honorificas de Christo voces, magicis incantationibus rem tribuunt, quasi per insignem, & \* *Principem*, seu præcipuum dæmonem Beelzebub, talia exerceret, de quo vide dicta c. 10.

25. \* *Jesus autem sciens cogitationes eorum*, id est, mentem, ex qua prodirent illa verba, nempè ad avertendum ab ipso & ab Evangelio, & à salute populum: nisi significatum velit, solâ cogitatione hoc dixisse Phariseos. \* *Dixit eis: Omne regnum, imo \* omnis civitas vel domus*, seu privata familia, \* *divisum contra se*, id est, intestinis dissidiis distractum, \* *desolabitur, & non stabit*, id est, necesse est, ut brevi pereat, neque persistere potest. Quam generalem propositionem omnino experientiâ & omnium hominum judicio verissimam, applicat regno Satanæ subsumendo.

26. \* *Et si Satanas, pro, sed si*, vel, itaque si Satanas, juratus scilicet hominum adversarius, & propterea studiosissimè tyrannicum regnum in homines propagare studens, meo ministerio \* *Satanam ejicit*, vi scilicet & invitum, ut homines prorsus diabolicæ potestati erepti restituantur Deo; sicut me videtis facere; \* *adversus se divisus est*, id est, pugnis bellisque unus ab altero diffidebit, dum hic lædere homines, ille liberare volet. \* *Quomodo ergo stabit regnum ejus?* Cum ipsemet illud destruat, cujus conservandi propagandique simul peritissimus & avidissimus est. Quando ergo ex collusionem aliqua dæmoni dæmon cedit, quod aliqui contra hanc primam Christi rationem obijciunt, tunc non inviti ejiciuntur, sed sponte exeunt; nec eripiuntur homines dæmoni restituti Deo, sed tum ipsi, tum alii erroribus implicati arctius possidentur, & ita non sunt inter se divisi dæmones, sed animo studiisque colligati.

27. \* *Et si ego in Beelzebub ejicio dæmones, filii vestri in quo ejiciunt.* Hæc est secunda ratio, in qua per filios intelligunt recentiores ferè exorcistas Judæorum: de quibus Act. 19. v. 14. & Josephus lib. 8.

23. Et stupebant omnes turba: & dicebant: Nunquid hic est filius David?

24. Pharisei autem audientes dixerunt: Hic non ejicit dæmones nisi in Beelzebub principe dæmoniorum.

25. Jesus autem sciens cogitationes eorum, dixit eis: Omne regnum divitum contra se, desolabitur, & omnis civitas, vel domus divisa contra se, non stabit.

26. Et si Satanas satanam ejicit, adversus se divisus est: quomodo ergo stabit regnum ejus?

27. Et si ego in Beelzebub ejicio dæmones, filii vestri in quo ejiciunt? Ideo ipsi judices vestri erunt.



Antiq. c. 2. quos per Salomonem institutos refert. Plerique tamen veteres, ut Athanas. Tractatu de communi essentia, Hilar. Chrysost. Theophyl. hîc, quod magis probat & Hieron. per filios intelligunt Apostolos ac discipulos suos gente Judæos, qui jam dæmones expulerant; & ita argumentum erit à concessis, ut explicat Chrysost. q.d. Expulsionem dæmonum in Apostolis ac discipulis meis tanquam opus divinæ virtutis commendatis, cur ergò in me traducitis? Hoc enim signum est, non personam ex operis iniquitate, sed opus ex personæ odio condemnari. \* *Ideo ipsi Judices vestri erunt*, condemnantes vos invidiæ in me, & blasphemix in Deum, ex hac ipsa vestra inconstantia. Quamvis Hieron. eo ipso hoc referat, quòd eos Judices futuros velit, cùm sedebunt super sedes duodecim judicantes tribus Israël.

28. Si autem in spiritu Dei ejicio dæmones, igitur pervenit in vos regnum Dei.

28. \* *Si autem ego in spiritu Dei*, seu per Spiritum Sanctum Dei cooperantem, \* *ejicio dæmones, igitur pervenit in vos*, non regnum Beelzebub seu diaboli, cui vos me cooperari dicitis, sed \* *Regnum Dei*, de quo cap. 3. v. 2. dictum. Sensus est, ergò verum est id, quod Joannes Baptista, Apostoli mei, & ego prædicavimus, appropinquasse scilicet & venisse regnum Dei, destructo regno diaboli, quia tot miracula Spiritus Dei prædicationem nostram veram esse testatur.

29. Aut quomodo potest quisquam intrare in domum fortis, & vasa ejus diripere nisi prius alligaverit fortem? Et tunc domum illius diripiet.

30. Qui non est mecum, contra me est: & qui non congregat mecum, spargit.

29. \* *Aut*, id est, alioquin, nisi hæc vera sint, \* *quomodo potest quisquam intrare in domum fortis?* Tertia ratio petitur à comparatione duorum inter se bellantium: in qua *domus* intelligitur arx munita, quam alter eorum custodit, \* *vasa* arma quibus confidit, idemque suppellex universa in spoliis victoris cessura. *Fortis* igitur parabolicè est diabolus, quia non est potestas super terram, quæ comparetur ei Job 14. & quia, ut August. q. 5. lib. 1. quæst. Evang. nemo ab illo se potest suis viribus eripere, sed per gratiam Dei: *domus ejus* est hic mundus, in quo dominabatur, vel, quod in idem redit, regnum ejus: *vasa* sunt arma, quibus utitur ad tuendum regnum suum, voluptas, tentatio, consuetudo, &c. vel potius ipsi homines infideles, quos tanquam vasa & suppellectilem suam possidet, & quibus utitur ad voluntatem suam, ut explicat Hieron. hîc Basil. lib. de Spiritu S. c. 8. & Iren. diversis locis lib. 3 c. 8. & lib. 5. c. 21. Hos ergò tanquam spolia nemo ei eripere ac diripere potest, transferendo illos à vitiis ad virtutem atque in regnum Dei. \* *Nisi prius alligaverit fortem illum*, id est, nisi ademerit ei prius potestatem impediendi voluntatem credentium, à sequendo Deo & obtinendo regno ejus: q.d. Hæc autem omnia videtis me tanquam fortiorem fecisse ac facere prædicatione virtutis, miraculis, dæmonum ejectione. Constat igitur me Spiritu Dei,

Dei, qui solus Principe dæmoniorum fortior est, ejicere dæmonia, & fracto regno ejus regnum Dei constituere. Quæ cum ita manifesta sint,

\* *Qui non est mecum*, credendo me in Spiritu Dei ista facere, & regnum ejus adducere, atque ita hærendo mihi ille hâc ipsâ indifferentiâ & incredulitate \* *contra me est*, hoc est, stat à partibus adversarii, quia tam manifesta Dei opera à Deo removeat. Quod idem sequenti hemistichio repetit. \* *Et qui non congregat mecum*, id est, qui colligit homines, sed non mecum, seu non ita, ut adhæreat mihi, sed sibi, ut Pharisei & omnes hæretici, ille \* *spargit*, quia separat illos à Deo. Unde ista sententia etiam à reliquo textu avulsa generaliter vera est. Quisquis enim non est Christi ac Dei, necessariò est mundi ac diaboli, quia nihil nisi peccatum à Christo ac Deo separat. Itaque his verbis tollit Christus illam medietatem, quam quidam etiam olim parvulis non baptizatis, itemque adultis tribuerunt, quâ putabant aliquos neque cum Christo, neque tamen cum adversario ejus, hoc est diabolo esse posse: contra quos urget hanc sententiam August. lib. 1. de peccat. merit. & remiss. cap. 28.

31. \* *Ideo dico vobis*, cum scilicet apertissimum jam factum sit, me non diabolicâ virtute ejicere dæmones, \* *omne peccatum & blasphemia* (suppleri debet ex sequentibus \* *contra Filium hominis* commissa; non enim agitur de quolibet alio genere peccatorum vel blasphemiarum: ) \* *remittetur hominibus*, id est, facile remitti potest, quia facilius obtineri potest spiritus pœnitentiæ. \* *Spiritus autem blasphemia*, quæ scilicet à vobis committitur, id est, blasphemia contra Spiritum S. seu quâ blasphematur Spiritus S. ut exprimunt Marc. & Luc.

31. Ideo dico vobis: Omne peccatum & blasphemia remittetur hominibus, spiritus autem blasphemia non remittetur.

Quæ sit autem ista *spiritus blasphemia*, & quis sensus loci, quæstio ita difficilis est, ut Aug. Serm. 11. de verbis Domini c. 5. dicat fortè nullam in omnibus S. Scripturis esse difficiliorem. Hinc est, quòd ipse sæpius de isto loco disputans, subinde sententiam mutaverit. Nam cum lib. 1. de Serm. Domini in monte c. 22. putasset blasphemiam Spiritus esse, per malitiam & invidiam oppugnare fraternam charitatem, tamen lib. 1. Retract. c. 19. addendum putat, si in hac tam scelerata mentis perversitate finiverit hanc vitam. Unde postea non quinquies mutavit opinionem, ut ei quidam recentior imperitè imponit, sed semper eò inclinatur, ut hæc blasphemia Spiritus S. sit perseverantia in nequitia cum desperatione indulgentiæ Dei, ut loquitur in fine expositionis inchoatæ in Epist. ad Rom. hoc est, ut eam vocat Sermone cit. cap. 12. & in fine Epistolæ 50. impœnitentiæ finalis, seu duritia cordis usque ad finem vitæ. Unde passim



docet, sciri non posse, utrum illa commissâ sit ante vitæ finem. Causa potissima, quæ ad hanc opinionem induxit Aug. est, quia clarè dicitur hîc, peccatum numquam remitti, & quodd omnis alia blasphemiam remitti possit. Itaque sic jungit Aug. ista verba præcedentibus, non quasi Judæi ista dicendo jam commisissent illam Spiritûs blasphemiam; sed ne pœnitentiam repellendo, quam Christus prædicabat, & propter quam miracula faciebat, perseverandoque in peccatis eam committerent, ut ait in illa Expos. inchoata Ep. ad Rom.

Sed quia Marcus clarè notat, hæc ideò à Christo esse dicta, quia dicebant Judæi, \* *Spiritum immundum habet*, per quem scilicet operatur ista miracula: hinc textui congruentior videtur interpretatio multorum veterum, Hieron. Chrysost. & Theophyl. in hunc locum, Athanasii Tract. in istum locum, & aliorum, qui blasphemiam istam Spiritus dicunt esse, quâ manifesta opera Spiritûs Sancti, hoc est divinæ bonitatis & gratiæ, quæ Spiritui Sancto appropriantur, tribuuntur Beelzebub seu spiritui immundo. Hoc est enim Deum facere diabolum, ut ait Athanasius. Quod fortè indicare voluit & Christus suprâ quando dixit, *Si patrem familias Beelzebub vocaverunt*. Istiusmodi ergo blasphemiam \* *non remittetur*, quia difficilè remittetur, ut Chrysost. & plerique recentiores post ipsum, nempe quia extremæ est malitiæ: adeoque id oppugnat ac tollit directè, quo ad pœnitentiam perducendi sumus, divinam scilicet bonitatem; propter quam offensam pœnitendum est. Unde rarissimè (si tamen unquam) Deus talibus spiritum pœnitendi impertit. Explicans autem clariùs ea, quæ dixisset Christus, addit:

32. Et quicumque dixerit verbum contra filium hominis, remittetur ei; qui autem dixerit contra Spiritum sanctum, non remittetur ei, neque in hoc saculo, neque in futuro.

32. \* *Et quicumque dixerit verbum*, offensivum & blasphemativum, seu contumeliosum, \* *contra Filium hominis*, id est, qui humanâ offensus specie atque infirmitate, de Filio hominis infra dignitatem sentit ac loquitur, ut vocando eum *voracem, vini potatorem, &c.* \* *Remittetur ei*, id est, facilè ei dabitur venia. Est enim aliqua excusationis ratio, vel ignorantia latentis divinitatis, vel conversatio ista tam promiscua cum vulgo & peccatoribus, vel simile quid. \* *Qui autem dixerit contra Spiritum Sanctum*, eò quò exposuimus modò, \* *non remittetur ei neque in hoc saculo, neque in futuro*, id est, numquam, seu, ut exponit Marcus, *non habebit remissionem in æternum, sed reus erit æterni delicti*. Non quodd remitti non possit agenti pœnitentiam, sed quodd vel difficilè & rarò, vel fortassè nunquam actu remittatur à Deo, propter malitiæ enormitatem, ut suprâ dictum. Quæ sententia & ad alia nonnulla enormia contra divinitatem vel fraternam charitatem peccata forsan extendi potest; sicut propter hunc locum

variæ blasphemix contra Spiritum S. enumerantur, etsi scopus Christi non sit de illis loqui. Porro quia dicitur, *neque in hoc sæculo, &c.* rectè August. colligit lib. 21. de civit. c. 24. & lib. 6. contra Julian. c. 15. non veraciter hoc posse dici, nisi essent, quibus, etsi non in isto sæculo, tamen in futuro peccata remitterentur. Quod non est aliud, quàm statuere ignem purgatorium post sæculum, sicut etiam ex isto loco colligit Gregor. 4. Dialog. c. 39.

33. \* *Aut facite arborem bonam*, id est, aut statuite me esse bonum, \* *& fructum ejus bonum*, aut contra &c. q. d. Aut me ex operibus, quæ improbare non potestis, absolvite, aut opera ex me, quem vituperatis, damnate. Ostendit enim argumento, ut Hieron. vocat, ineluctabili, ex naturis rerum petito, absurdam & asystatam esse eorum calumniam, quòd opera tam magnifica & benefica laudare cogereantur, auctorem verò damnarent. \* *Siquidem ex fructu*, tamquam notiori, \* *arbor cognoscitur*. Nam, ut supra dixerat cap. 7. *Omnis arbor bona bonos fructus facit, &c.* Sed radicem notans tantæ perversitatis, nempe inveteratam & hæreditate transmissam malitiam,

33. Aut facite arborem bonam, & fructum ejus bonum: aut facite arborem malam, & fructum ejus malum: siquidem ex fructu arbor agnoscitur.

34. *Progenies*, inquit, *viperarum*, de quo c. 3. \* *Quomodo potestis*, sive possētis, \* *bona loqui*, de me & operibus meis, \* *cum sitis mali*, animo scilicet invidiâ tabescente pleni. Significat autem non tam impossibilitatem quàm difficultatem, seu id, quod naturâ comparatum est fieri; sicut & Jeremias, cum dixit, *Si mutare potest athiops pellem suam, &c.* Quem sensum magis declarat familiari proverbio: \* *Ex abundantia enim cordis*, sive boni sive mali, \* *os loquitur*, id est, loqui solet bona vel mala. Nam

34. Progenies viperarum, quomodo potestis bona loqui, cum sitis mali? ex abundantia enim cordis os loquitur.

35. \* *Bonus homo de bono thesauro*, qui est idem quod abundantia cordis, hoc est cum alius bonorum affectuum & cogitationum in corde instar thesauri reconditus, \* *profert bona*, veluti fructum arbori congruentem.

35. Bonus homo de bono thesauro profert bona: & malus homo de malo thesauro profert mala.

36. Sed ut sciatis, quale judicium de istis blasphemis ferendum sit, \* *Dico vobis, quoniam omne verbum otiosum*: est enim argumentum à minori. *Verbum autem otiosum*, Græcè *αργόν*, quasi *ἀργόν*, quod nihil efficit, est verbum frustra prolatum, hoc est, ut Hieron. quod sine utilitate loquentis dicitur & audientis, vel, ut Greg. Pastoralis curæ p. 3. Admonit. 15. & Homil. 6. in Evang. quod ratione justæ necessitatis aut intentione piæ utilitatis caret. In quem sensum aptè dicit Ambros. l. 1. offic. c. 2. Tacere nosse quàm loqui difficilius est. Scio namque loqui plerosque, cum tacere nesciant. Rarum est tacere quemquam, cum loqui sibi nihil prodest. \* *Reddent rationem de eo*, id est, exigetur de eo ab eis ratio, etsi forte reddere non possint: otiosum enim est quod ratione caret.

36. Dico autem vobis, quoniam omne verbum otiosum, quod locuti fuerint homines, reddent rationem de eo in die judicii.



37. Ex verbis enim tuis justificaberis, & ex verbis tuis condemnaberis.

37. \* *Ex verbis enim tuis*, id est, nam etiam ex solis verbis, & non tantum ex operibus, \* *justificaberis*, seu justus pronuntiaberis, & declaraberis: Non enim hic agitur de interna justificatione, sed de opposita condemnationi, quæ sequitur, \* *& ex verbis tuis condemnaberis*; prout judicis examen de unoquoque feret.

38. Tunc responderunt ei quidam de Scribis & Phariseis, dicentes: Magister, volumus a te signum videre.

38. \* *Tunc*, cum stupere, flecti atque erubescere debuissent, nam admirantis esse notat Chrysost. \* *responderunt ei quidam*, diversi ab iis quorum jam calumniam refutaverat: \* *Magister, volumus a te signum videre, de calo*, inquit Lucas, cujusmodi fuerunt status Solis sub Josuë, tonitrua sub Samuële, raptus Eliæ, descensus ignis, &c. id est, petimus miraculum aliquod insigne, quo cælestis magisterii tui auctoritatem asseras, ac te Dei, non Beelzebub virtute facere, quæ facis: quasi verò ea, quæ fecisset, non essent majora, & eis, quæ peterent, calumniari non possent. Quibus Christus:

39. Qui respondens ait illis: Generatio mala, & adultera signum quarit: & signum non dabitur ei, nisi signum Jonæ Prophætæ,

39. \* *Generatio mala & adultera*, id est, genus hominum adulterinum ac degener, quod Daniël dicit c. 13. v. 56. *Semen Chanaan & non Juda*: \* *signum quarit*, nempè tentantes, ut addit Lucas, id est, causa probandi potentiam meam, & ita calumniandi, non verò veritatem cognoscendi & credendi. Et ideo ad petitionem ejus, \* *Signum non dabitur ei*, de cælo scilicet cujusmodi petit, sed de terra. Hoc enim sibi vult, quod sequitur, \* *nisi signum Jonæ Prophætæ*, id est, sed signum in Jonâ præfiguratum, scilicet Resurrectionis. Nam, *nisi*, in Scriptura sæpè non est exceptivum, sed adversativum, ut ad Galat. 2. v. 16. Objicit Judæis hoc idem signum multis aliis locis, ut infrà c. 16. v. 4. & Joan. 2. v. 10. nempè quia erat instar omnium certissimum, gravissimum, maximum, quod nec Satanæ, nec hominum, nec Angelorum quisquam imitari potest, soli Deo possibile, nunquam visum, auditum, aut factum, quo maximè declarata fuit divinitas ejus, & ipse esse Filius Dei in virtute, ut Apostolus ad Rom. 1. v. 4. denique cujus pondere infidelitas Judæorum ita erat opprimenda, ut necessariò ejus prædicationi vel crederent, & pœnitentiam agerent, vel post quadraginta annos, tamquam post quadraginta dies perirent.

40. Sicut enim fuit Jonas in ventre ceti tribus diebus, & tribus noctibus, sic erit Filius hominis in corde terræ tribus diebus, & tribus noctibus.

40. \* *Sicut enim fuit Jonas in ventre ceti*, seu in viceribus balenæ, \* *tribus diebus, ac tribus noctibus*, supple, ac deinde vivus evomitur est; ut hoc signo probaretur esse Propheta, missus à Deo ad prædicandam pœnitentiam. Hunc enim scopum spectare Christum probat v. 41. \* *Sic & Filius hominis in corde terræ*. Hebraismus pro, in medio seu intimo terræ, quia cor in medio animalis. Apostolus ad Ephes. 4. v. 9. hoc vocat *in inferioribus*, seu infimis partibus terræ: per quod & sepulchrum pro corpore Christi, & limbus pro ejus anima

anima significatur. Unde Tertull. l. de anima cap 55. *Cor terra vocat recessum intimum & internum, & in ipsa terra opertum, & intra ipsam cavatum & interioribus adhuc abyssis superstructum. \*Tribus diebus & tribus noctibus.* Et ista est Hebraica, Scripturisque frequens, periphrasis trium dierum naturalium, qui die & nocte, seu luce & tenebris constant: q. d. fuit ibi per tres dies naturales, nempe synecdochicè totum ponendo pro parte quia fuit ibi parte diei sextæ, toto Sabbato cum sua nocte præcedente, denique nocte Dominicæ. Ita Hieron. ac diversis locis Aug. ut lib. 1. quæst. Evang. q. 7. Epist. 49. q. 6. & alibi. Ut proinde quæri non debeat, quomodo ibi per tres dies seu luces, & rursus per tres noctes etiam pro parte fuerit, cum non possint inveniri nisi duæ luces, & duæ noctes, & adhuc non integræ; sed tantum, quomodo ibi fuerit per tres dies naturales. Rursus autem hîc suppleri debet quantum ad sensum, ac deinde resurgam vivus, & ita declaratus Filius Dei prædicabo huic nationi pœnitentiam, ad quadraginta dies (diem pro anno sumendo) & Jerosolyma subvertetur. Hoc enim postulat similitudo Christi cum Jona, cujusmodi plures similitudines prosequitur Cyril. Catechesi 14. & Aug. cit. Epist. 49. q. 6. Sed

41. *\* Viri Ninivæ surgent in judicio*, id est, resurgent resumptâ carne in die judicii extremo: significatur enim judicium cum mortuorum resurrectione fore conjunctum, ut observat August. lib. 10. de Civit. c. 5. *\* Et condemnabunt eam*, non quia & ipsi judicabunt, sed quia ex ipsorum comparatione isti meritò damnabuntur, inquit ibid. *\* Quia egerunt pœnitentiam*, Ninivæ, non Judæi. *\* Et ecce plus quam Jonas hic.* Græcè *αὐτὸς*, hoc loco, id est, aliquid amplius & præstantius est hoc loco apud hanc generationem, quàm Jonas fuit: supple, quomodo tamen prædicante non agunt nec agent, viso etiam signo resurrectionis, pœnitentiam. Utitur autem neutro genere ac tertiâ personâ, modestiæ causâ. Porro excessus istius comparationis consistit in eo, quod Jonas erat servus, extraneus, à balena, mortis umbra, evomitur, nullo miraculo clarus, eversionem urbis paucis diebus prædicans: Christus verò Deus ac Dominus, gente cognatus, è morte infernoque redivivus, innumeris miraculis & prophetiis commendatus, regnum cælorum tot annos per se suosque prædicaret: & Jonæ tamen Ninivæ barbari & idololatræ pœnitentes crederent, Christum verò Judæi prophetiis instructi impœnitentes occiderent.

42. *\* Regina Austri*, quæ in austro dominabatur. Quæ denominatio ab integramundi plaga videtur majestatem Reginæ & amplitudinem regni ejus indicare. Est autem periphrasis Reginæ Sabæ, quam

41. Viri Ninivæ surgent in judicio cum generatione ista, & condemnabunt eam: quia pœnitentiam egerunt in prædicatione Jonæ. Et ecce plus quàm Jonas hic.

42. Regina Austri surget in judicio cum generatione ista, & condemnabit eam: quia venit à finibus terræ audire sapientiâ Salomonis, & ecce plus quàm Salomon hic,

Josephus



Josephus l. 8. Antiq. c. 5. vocat Reginam Ægypti atque Ægypti atque Æthiopiæ, quæ in Austro sita sunt. Non enim est ista Saba Arabiæ, unde Sabæi thure nobiles, sed Saba Æthiopiæ Regia, quam Cambises, Persarum Rex, à sorore sua vocavit Meroën, ut idem 2. Antiquit. c. 5. Meroën enim esse caput Æthiopiæ testis est Plin. lib. 2. c. 73. Et hinc est, quod Isaia 43. v. 3. Ægyptus, Æthiopia & Saba junguntur. Nam & id, quod sequitur, \* *venit à finibus terræ*, planè indicat, imperium ejus valdè fuisse remotum à Judæa. Porro singula verba hîc augent pondus comparisonis, quòd scilicet *Regina Austri*, id est mulier, gentilis, potissima, regni curis distracta, & remotissimis orbis partibus, iter difficillimum arripuerit, solum ut audiret sapientiam terrenam hominis mortalis: Judæi Dei cultores, Legis doctores, ipsam Dei sapientiam, ultrò ad ipsos in carne viventem, invitantem, & abscondita cæli mysteria depromentem spernerent. Unde hanc Reginam tamquam peregrinam & incognitam gessisse typum Ecclesiæ gentium, tradit Hier. in Psal. 121.

43. Cum autem immundus spiritus exierit ab homine, ambulat per loca arida quærens requiem & non invenit.

43. \* *Cum autem immundus, &c.* Hoc tandem addit, ad terrendos ingratos & impœnitentes illos animos pœnæ etiam hujus vitæ magnitudine, ut patet ex applicatione Christi v. 45. q. d. Sed idcirco sic agetur cum hac perversa natione, sicut agitur cum dæmoniis, seu potius cum iis, quorum animam diabolus possidet. Nam, \* *cum immundus spiritus exierit ab homine*, baptismi scilicet vel divinæ gratiæ virtute fugatus, \* *ambulat per loca arida*, Luc. *inaquosa*, id est, arentia ac deserta, & proinde habitationi prorsus inepta: \* *quærens requiem*, ut scilicet alicubi commodam habitandi sedem inveniat. Loquitur enim in toto illo cortice parabolæ anthropopathos, id est, humano more. Insinuat autem diabolus non quiescere, donec sanctificatum aliquem inveniat, quem inhabitet, eo quòd omnis alia inhabitatio ei squalleat.

44. Tunc dicit: Revertar in domum meam, unde exivi. Et veniens invenit eam vacantem, scopis mundatam, & ornata.

44. \* *Tunc dicit: Revertar in domum meam, unde exivi.* Majori enim fervet odio adversus eos, è quorum animis per Dei gratiam pulsus est. \* *Et veniens, invenit eam vacantem*, id est, vacuum spiritu Dei, divinisque occupationibus. Unde Basilii in Psal. 44. & Nazian. Orat. 39. exponunt otiosam ac desidem; sic enim aditus præbetur diabolo: imò \* *scopis mundatam & ornata*, id est, paratissimam, & invitantem suo ornatu ad ingressum talis hospitis, cui otium, gratiæ neglectus, & omnis, immunditia veluti ornamenta placent.

45. Tunc vadit & assumit septem alios spiritus se-

45. \* *Tunc vadit & assumit*, ne scilicet iterum expellatur \* *septem alios spiritus secum*, id est, multos, numerum certum ponendo pro incert-

incerto, ut etiam Isaïæ 4. v. 1. Ex primit tamen illum numerum septenarium, ut opponantur septem spiritibus virtutis, de quibus Isaïæ 11. v. 2. & Apoc. 1. v. 4. \* *nequiores se*. Quo indicat septuplo nequiores aliis fieri, & diabolo magis obnoxios, qui gratiâ excidunt. Ex qua consideratione August. dixit epist. 137. Non sum expertus peiores, quam qui in monasteriis ceciderunt: optimi enim corruptio pessima. Et sic Deo ingratitudinem, & perfidiam vindicante, \* *sunt novissima hominis illius pejora prioribus*: tum propter acriorem dæmonum incurfionem, tum propter majorem erroris funitatem, ejusque expugnandæ difficultatem, \* *quia ingressi habitant ibi*. Ita Nazianz. orat. cit. Plenius explicat sensum loci S. Petrus epist. 2. c. 2. v. 20. 21. & Christus ipse Joan. 5. v. 14.

\* *Sic erit & generatione huic pessima*. Hæc est applicatio parabolæ, quam variis modis exponunt veteres. Verisimilis est, quam dat ex Hilario, ut videtur can. 12. Judæos à dæmone liberatos fuisse, cum datâ lege ab idololatria extracti, divinoque cultui dedicati, per Prophetas exulti sunt: sed cum non inveniret diabolus in Gentilibus illam requiem, quam quærebat, sive quoddam jam ante illos possideret, sive quoddam postea per Fidem Christi ab illis pelleretur, repetit Judæos, Christi contemptu optimè paratos, & illos immixtis spiritibus erroris, mendacii, blasphemix, odii, excæcationis, & impœnitentiæ arctissimè possidet.

46. \* *Adhuc eo loquente ad turbas, ecce mater ejus & fratres stabant foris*: non elatione, quasi dedignarentur ingredi, & audire prædicationem, ut aliqui voluerunt, sed ut S. Lucas quia præ turba ingredi non poterant. *Fratres* autem dicuntur hic non naturâ, quia nullos habuit, nec gente, quia sic omnes Judæi adstantes fratres erant, nec ex prima uxore Joseph, ut quidam Græci putaverunt: sed cognatione, quia de una familia; sicut Abraham & Loth dicuntur fratres, Gen. 13. v. 3. & Sara dicitur soror Abraham, Gen. 20. v. 12. Unde infra c. 15. v. 55. Jacobus & Joseph, Simon & Judas dicuntur fratres ejus, cum tamen Jacobus & Joseph essent filii Mariæ Cleophæ, ut patet Matth. 27. v. 56. collato cum Joan. 19. v. 25.

\* *Querentes loqui ei*. Quæ causa fuerit tam importunæ interpellationis alii aliam conjectant: Chrysost. ac Theophyl. vanitatem, ut scilicet tanti viri viderentur cognati: Auctor imperfecti instinctum diaboli, ne Christus visis carnalibus fratribus crederetur Deus: recentiores, ut caperent eum tanquam in furorem versum. Sed omnia ista à pietate saltem matris ejus aliena sunt. Importunitas interpellationis potius suadet fuisse sollicitudinem de salute ejus, ut vel indicarent ei consilium inimicorum de perdendo eo, de quo v. 14.

cum nequiores se, & intianres habitant ibi: & sunt novissima hominis illius pejora prioribus. Sic erit & generationi huic pessima.

46. Adhuc eo loquente ad turbas, ecce mater ejus & fratres stabant foris querentes loqui ei.

47. Dixit autem ei quidam: Ecce mater tua, & fratres tui foris stant querentes te.



vel ut specie evocationis elaberetur, ne in ipsa apprehenderetur concione. Et hinc est, quòd potius evocant eum per aliquem, quem submiserant, ut Marcus narrat, quàm quod aliquis eorum conaretur intrare.

48. At ipse respondens dicenti sibi, ait: quæ est mater mea, & qui sunt fratres mei?

48. \* *At ipse dicenti, seu nuntianti, \* ait Quæ est mater mea &c.* non quòd fastidiret matrem, aut puderet eum cognationis suæ, sed ut Ambr. quòd paternis se ministeriis ampliùs, quàm maternis affectibus, debere cognosceret. Cælestia enim negotia carnis & sanguinis affectui præferenda sunt. Unde

49. Et extendens manum in discipulos suos, dixit: Ecce mater mea, & fratres mei.

49. \* *Extendens manum in discipulos suos, ait: Ecce mater mea &c.* id est, spiritualem istorum cognationem carnali præfero, quanto spiritus præstantior est carne. Nam & ipsa B. Virgo magis beata & dilectior mater ejus fuit, quia mente quàm quia carne tulit, ut ipse indicat, Lucæ 11. v. 28.

50. Quicumque enim fecerit voluntatem Patris mei, qui in cælis est, ipse meus frater, & soror, & mater est.

50. \* *Quicumque enim fecerit voluntatem Patris mei:* in quo numero & ipsam S. Mariam inclusit. Itaque & maternum nomen, quia terrenum erat, in comparatione cælestis propinquitatis abjecit; & quorursus consortio generali Virgo illa cum cæteris Sanctis cohæreret, ostendit, inquit Aug. epist. 38. \* *Ipse meus frater & soror & mater est,* id est, ipsum & fratris & sororis & matris loco habeo, & affectu diligo. Nova quippe spiritus nativitas, sicuti novæ & præstantioris cognationis vinculum adfert, ita & majoris mutuæ dilectionis incentivum. Quamquam Gregor. Hom. 3. in Evang. singula magis mysticè explicando, fratrem & sororem fieri unumquemque in utroque sexu velit credendo, matrem prædicando, quia Christum auditorum mentibus infundendo quasi parit. Allegoricè verò idem & Hieron. atque Hilar. significatum putant Synagogam & populum Judæorum, Christo in Ecclesia docente præ turbis gentium credentibus non intrare, eosque à Christo non agnoscere.

## CAPUT DECIMUM TERTIUM.

1. In illo die exiens Jesus de domo; sedebat secus mare.

2. Et congregatae sunt ad eum turbae multae, ita ut in naviculam ascendens sederet: & omnis turba stabat in littore.

3. Et locutus est eis multa in pa-

1. \* *In illo die, &c. Locutus est eis multa in parabolis,* id est, obscure sub-comparationum & similitudinum involucri. Parabola enim Græcè est propriè comparatio; sed usui Scripturæ sæpè sumitur pro sermone obscuro quod aliud sonat, aliud innuit, cujusmodi sunt ænigmata & allegoriæ. Causa utendi parabolicis istis sermonibus datur v. 13. Modus ita docendi S. vris maxime familiaris est, & ad hoc utilis, quòd res per exempla sensibilia jucundius irrepant animis hominum, moveant efficacius, hæreant tenacius; obscuritas autem reddat auditores attentes, & ad intelligendum curiosos. Unde Aug. 12. contra Faust. c. 7. &

& alibi sæpius tradit obscuritatem illam ænigmatum, in Scripturis adhiberi, propter exercitationem quærentium, & delectationem invenientium. Quia de causa & Christus post parabolam de seminante, quâ varietatem auditorum in ista turba confluyente indicaverat, familiari suo epiphonemate omnes ad diligentem animadversionem excitat.

9. \* *Qui habet aures audiendi audiat*, id est, delideret, coneturque intelligere & dijudicare, ex quo genere auditorum sit, & ita satagere, ut inter optimos sit. Aures enim audiendi hîc est donum intelligendi & obediendi: vide dicta c. 11. v. 14. Dicendo autem, *Qui habet aures*, indicat non omnes habere, nempe quia non omnibus dantur, ut est Deut. 24. y. 4. Unde & ipse Christus explicans, cur \* *eis*, id est turbis,

10. \* *In parabolis loqueretur*: hoc est, ita obscure, ut non intelligerent, cum sibi, hoc est discipulis suis, ita non soleret loqui, respondet:

11. \* *Quia vobis*, credentibus & intelligendi, obsequendique cupidis, \* *datum est*, singulari Dei dono, \* *nosse mysteria regni cælorum*, id est clarè, sine obscuritatum involucris, audire & intelligere arcana, ad regnum cælorum pertinentia. Non enim hîc loquitur de præceptis Evangelicis, quæ quia omnes nosse debent, omnibus etiam turbis clarissimè exposuerat c. 5. 6. 7. \* *Illis autem*, nempe non credentibus, seu non habentibus aures audiendi, utpote vel prodigia sectantibus, vel sciendi tantum, non obediendi curiosis, vel iridentibus, vel etiam calumniantibus, \* *non est datum*. Significat ergò istis verbis, causam istius discretionis pendere à gratuita gratia Dei, penes quem æquitatis tam secretæ ratio est, & excellentia potestatis, cum utrisque dare potuisset mysteriorum cognitionem, & utrisque negare. Sed tamen volens indicare, in ista doni istius discretionem habitam fuisse aliquam rationem præcedentis dispositionis, etsi respectu primæ gratiæ nulla fuerit, adjicit:

12. \* *Qui enim habet* id, quod habere debet, sive fidem, sive discendi studium, sive obedientiam, sive bonum usum donorum Dei præcedentium (generalis est enim hæc sententia) \* *Dabitur ei*, magis atque magis, \* *& abundabit*: Græcum etiam exponi potest redundabit, abundanter affluet; ita ut continuis donorum incrementis ad summam perfectionem perducatur. Revera enim sic Deus non modò cum Apostolis, sed cum omnibus electis agit, ut paulatim eos, jam benè utentes primis donis, continuâ beneficentiâ cumulet. E contrario autem \* *qui non habet*, id, quod habendum est, ut suprâ dictum est, \* *& quod habet auferetur ab eo*, id est, etiam si quid habet reli-

quolis, dicens: Ecce exiit qui seminat, seminare.

4. Et dum seminat, quedam ceciderunt secus viam, & venerunt volucres cæli, & comederunt ea.

5. Alia autem ceciderunt in petrosa, ubi non habebant terram multam: & continuo exortuntur, quia non habebant altitudinem terræ.

6. Sole autem orto aestuaverunt: & quia non habebant radicem, aruerunt.

7. Alia autem ceciderunt in spinas: & creverunt foma, & suffocaverunt ea.

8. Alia autem ceciderunt in terram bonam: & dabant fructum aliud centesimum, aliud sexagesimum, aliud trigesimum.

9. Qui habet aures audiendi, audiat.

10. Et accedentes discipuli dixerunt ei: quare in parabolis loqueris eis?

11. Qui respondens, ait illis: quia vobis datum est nosse mysteria regni cælorum: illis autem non est datum.

12. Qui enim habet, dabitur ei & abundabit: qui autem non habet, & quod habet auferetur ab eo.



quum, eo quoque in pœnam privabitur, sicut videmus hoc Christum exponere infrâ c. 25. v. 28. 29. Sæpius est enim usus hâc sententiâ, utpote proverbiali, & vulgi non solum sermone, sed & usu agendi trita. Verissimum est enim ditioribus magis dari, pauperibus semper auferri.

13. Ideo in parabolis loquor eis: quia videntes non vident, & audientes non audiunt, neque intelligunt.

13. \* Ideo ergo in parabolis loquor eis, quia videntes, oculis corporis miracula mea, \* non vident, oculis cordis, quid sibi velint, innuant & suadeant. \* Et audientes, apertissima verba mea corporis sensu, \* non audiunt, cordis assensu, inquit Aug. de bono perseverantiæ c. 14. Quod ipse Christus explicat, dum addit: \* neque intelligunt. Significat igitur, se eis in pœnam incredulitatis obscure loqui: q. d. Quia clarissimis miraculis, quæ vident, & sermonibus apertissimis, quos audiunt, nolunt credere & obedire, justo judicio eis per parabolas loquor. Qui enim videre nolunt, cum possunt, Deo puniente, etiam cum volunt, videre non possunt. Nam, ut Aug. de nat. & grat. c. 22. prævaricatorem Legis dignè lux deserit veritatis, quâ desertus utique fit cæcus, & plus necesse est offendat, & cadendo vexetur, vexatusque non surgat; & ideo tantum audiat vocem Legis, quod admoneatur implorare gratiam Salvatoris.

Sed difficultas oritur ex Marco & Luca, qui per particulam finalem dicunt Christum eis in parabolis loqui, *Ut videntes non videant, &c.* Cui respondetur, Matthæum causam supplicii meritoriam, alios non causam finalem, sed eventum exprimere: q. d. Ex quo fiet, ut videntes adhuc minus videant. Quamquam non desint, qui etiam finem significari velint. Sicut enim verum est, Deum quosdam propter peccata velle damnare, & reipsâ damnando nolle etiam, ut salvi fiant: ita etiam verum est, propter peccata quibusdam obscure loqui, ne Dei mysteria intelligant. Idque in quibusdam, quia non vult illis dare gratiam convertendi, atque ita eos converti, & salvos fieri, quos justo judicio jam ad interitum mox inferendum adjudicavit; in quibusdam verò, ut salvi fiant. Nam aliquibus, per misericordiam Dei, ipsa cæcitas in salutis occasionem vertitur, ut scilicet quemadmodum ait Aug. q. 14. super Matth. cæcitate suâ sibi displicentes, & se dolentes, atque ex hoc humilitati, ad confitenda peccata converterentur, veniamque mererentur: sicut nonnullis usque ad Deicidium excæcatis post Passionem contigit. Quorundam enim superbia debet ipsâ cæcitate, & peccatis inde consequentibus, edomari & frangi. Porro ne cui mirum videretur, sic puniri populum, qui tantâ aviditate Messiam promissum videre atque audire cupiebat, probat hoc prædictum à Propheta, dicente:

14. \* *Auditu audietis, &c.* Loquitur autem Isaïas per Imperativum, \* *audite audientes, & nolite intelligere*: partim quia Imperativus idio-  
tismo Hebraico sæpè pro futuro ulurpari solet, ut patet cap. 23. v. 32.  
*Et vos implete mensuram Patrum*: & clarè Psalm. 36. v. 27. *Declina*  
*à malo, & fac bonum*: partim ad significandum, quod ab irato ac dese-  
rente Deo in pœnam ipsis continget id, quod ipsimet facturi sunt.  
Ut sit quasi prolatio justæ sententiæ: Omnino fiat sic, *Audite audien-*  
*tes, &c.*

15. \* *Incrassatum est enim &c.* Et hæc omnia per Imperativum in  
Hebræo expressa sunt, *Cor incrassu, aures aggravata, oculos clau-* Ita-  
que Hebræa, sicut & Joan. cap. 12. v. 40. & Paulus ad Rom. 11.  
v. 8. indicant, cæcitatem, & cordis duritiam, & similia infligi ab  
irato Deo: LXX. verò in Isaïa & Matth. hic, & Lucas Actor. 28.  
v. 26. qui omnes eundem locum allegant, significant illas ipsas pœ-  
nas culpabiliter à populi libertate proficisci, hoc est, ut August. ait  
quæst. illâ 14. ipses causam fuisse, ut Deus illis oculos clauderet &c.  
Nam, ut idem ait lib. 5. contra Julian. cap. 3. Cæcitas cordis & pec-  
catum est, quo in Deum non creditur; & pœna peccati, quâ cor su-  
perbum dignâ animadversione punitur; & causa peccati, cum mali  
aliquid cæci cordis errore committitur. Quibus verò modis hu-  
jusmodi pœnæ fiant à Deo, latius diximus in cap. 9. Exodi de ob-  
duratione Pharaonis. Differre autem videtur obduratio cordis à cæ-  
citate cordis, quòd illa sit quædam impotentia, ne moveatur ad bo-  
num; hæc impotentia, ne videat bonum, quod agendum est. Sunt  
enim aliquid amplius, quàm simpliciter nolle moveri, vel nolle vi-  
dere. Cæcus, inquit Aug. de nat. & gratiâ c. 51. putat quod vult  
videre, sed non potest: & lib. 1. contra Julian. imperf. Quis volens  
cæcus est corde, cum nemo velit cæcus esse vel corpore? Itaque obdu-  
ratio est causa cæcitatæ: est enim duritia seu firmitas affectuum in  
malo, seu in amore rerum temporalium. Affectus quippe terrenis  
rebus immersi & ebrii cor cæcum ad divina faciunt. Quod clarè vi-  
detur indicare hoc loco. Nam causam reddens, cur videntes non vi-  
deant, \* *in crassatum est enim*, inquit, \* *cor populi*, id est, crassum &  
pinguè redditum, Hebr. *impinguatum est*. Quâ metaphora significat,  
quòd sicut cor nimia pinguedine hebetatur & suffocatur; nam ut Hier.  
Epist. 2. *Pinguis venter non gignit mentem tenuem*: ita animus & affe-  
ctus terrenis delitiis immersus & impinguatus, stupidos & cæcos reddat  
ad res divinas, \* *Et auribus graviter audierunt*, id est, difficulter au-  
dierunt, quasi semi-surdi ad divina mandata. Hebraicè *aures aggravata*  
seu *aggravata sunt*, scilicet quasi sordibus oppletæ: quæ rursus ni-

14. Et adim-  
pletur in eis pro-  
phetia Isaïæ di-  
centis: auditu au-  
dientis, & non in-  
telligetis: & vi-  
dentes videbitis,  
& non videbitis.

15. Incrassatum  
est enim cor po-  
puli hujus, & au-  
ribus graviter  
audierunt, & o-  
culos suos clau-  
derunt: ne quan-  
do videant ocu-  
lis, & auribus  
audiant, & corde  
intelligant, &  
convertantur, &  
sanem eos.



hil aliud sunt, quàm terreni affectus, quibus fit, ut vel audire tædeat res divinas, nedum obedire. \* *Et oculos suos clausurunt*: ne scilicet attenderent & intelligerent in Messia, in operibus & verbis ejus id, quo corrigerentur, sed potius id, quo magis perverterentur, id est, ultrò excæcaverunt se malitiâ suâ. Nam cæcitâs seu impotentia illa videndi oritur, ut diximus, ex affectu stabiliter averso à divinis ad terrena. \* *Ne quando videant oculis*. Hebraicè est, *ne fortè* quomodo & Luc. reddit Actor. 28. quo significatur, vel simpliciter illum esse effectum crassi, pinguisque, & cæci cordis, efficere scilicet, ut in posterum non videant oculis, &c. vel certè eos hoc ipsum affectare, ne quid \* *videant, audiant, intelligant*, quo à rebus amatis abstrahantur, & \* *convertantur* ad Deum, & per justificationem \* *sanentur* à Deo. Nam illum esse quorundam affectum patet ex psalm. *Noluit intelligere, ut bene ageret*, id est, ne benè ageret: & August. de se lib. 8. Confess. cap. 7. At ego adolescens miser valde etiam petieram à te castitatem, & dixeram, da mihi continentiam, sed noli modò: timebam enim ne me citò exaudires, & citò sanares à morbo concupiscentiæ, quem malebam expleri quàm extingui.

16 Vestri autem beati oculi quia vident, & aures vestræ, quia audiunt,

16. \* *Vestri autem beati oculi*, nempe corporales, \* *quia vident*, me & opera mea: vident, inquam, corpore sentiendo, & mente intelligendo. Nam quia discipuli hîc præferuntur Judæis, necesse est includere visionem mentis seu intelligentiam, juxta v. 13. & quia mox iidem discipuli præferuntur Prophetis, necesse est non excludere visionem corporalem. Idem judicium de auribus, quibus audiunt.

17. Amen quippe dico vobis, quia multi Propheta & iusti cupierunt videre quæ videtis & non viderunt, & audire quæ auditis, & non audierunt.

18. Vos ergo audite parabolam seminantis.

19. Omnis qui audit verbum regni, & non intelligit, venit malus, & rapit quod seminatum est in corde ejus: hic est qui secus viam seminatus est:

17. \* *Quia multi Propheta, & iusti*, desiderio futuræ redemptionis flagrant, \* *cupierunt videre*, oculis suis præsentia quæ credebant futura, Salvatorem scilicet mundi, & opera ejus, \* *& non viderunt*: sed ut Apostolus ad Hebr. 11. à longè aspexerunt & salutarunt. \* *Et audire, quæ auditis*, me scilicet regni cælorum mysteria pandentem.

19. \* *Omnis, qui audit verbum regni*, id est, si quis audit prædicationem de regno cælorum, seu Evangelii, \* *& non intelligit*, id est, non curat intelligere, seu non meditatur illud, & fovet corde velut in terra recondens, ut fructum ferat; culpa enim hîc notatur: \* *Venit malus*, Græcè, *ὁ πονηρὸς*, ille malus, antonomasticè, nempe diabolus immutabiliter malus, qui per volucres cæli aptè significatur, tum propter locum, in quo versatur, tum propter velocitatem, superbiam, & perpetuam sedulitatem, quâ insidiatur semini, \* *& rapit*, procuratâ oblivione, vel detorto in alias curas animo, \* *quod seminatum est*, per aures, \* *in corde ejus*: Hic est qui secus viam seminatus est, qui significatur portione illâ terræ, juxta viam publicam sitæ, & pedibus

dibus prætereuntium calcatae atque induratae. Dicitur hic homo seminatus, non sicut semen, quod paulò ante dicebatur seminatum, sed sicut ager semine conspersus: unde & sata dicuntur agri, qui feruntur. Significatur itaque cor istius hominis esse instar viae publicae peccandi consuetudine induratum, nullo fructificandi desiderio velut aratro scissum ac præparatum, ideoque semen verbi Dei auribus, non animo recipiens.

20. \* *Qui autem super petrosâ seminatus est*, id est, qui significatur per terram inter petras excipientem semen, eo sensu, quo versu præcedente, \* *Hic est, qui verbum*, auditum, \* *continuo cum gaudio accipit*, id est, mox ut auditiv prædicationem, delectatus illius veritate, pulchritudine, rectitudine, in animum recipit, probat, credit, & in opera nonnulla velut herbam erumpit. Hoc enim sibi vult, quòd in parabola dicitur *continuo exortum*, quia ad illam primam delectationem, veluti teporem Solis, mox gestit verbis factisque fructum aliquem polliceri.

21. \* *Non habet autem in se radicem*, id est, profundum & constans propositum, quod Apostolus ad Ephes. 3. v. 17. vocat *non esse in charitate radicatum & fundatum*: quòd optimè significatum fuit semine non habente terram multam, seu quod intus latentibus petris solâ superficie terræ tegebatur. Nam illa affectio pietatis superficialis est, neque intima cordis ipsius penetralia seu affectus mutati sunt, sed instar saxorum duri manent: & idèd \* *est temporalis*, id est, ut Lucas, ad tempus credit, quamdiu scilicet nihil eorum tangitur, quæ inveteratis & intimis ac illis profundis cordis affectibus diligit. Unde \* *facta tribulatione & persecutione propter Verbum*, id est, propter Fidei vel iustitiæ professionem, veluti ad æstus Solis humore consumpto, \* *continuo scandalizatur*, id est, etiam solo timore amittendi quæ diligit offenditur, ac deserit Fidem aut iustitiam. Nam ut æstus Solis herbas humore & radicibus destitutas enecat, radicatae maximè promovet: ita persecutio infirmos dejicit, firmos perficit.

22. \* *Qui autem seminatus est in spinis*, id est, terrâ spinosâ figuratus, in quo ex parte terræ nihil deerat: neque enim vel prorsus induratus erat, sicuti primus; neque prioris vitæ vitilis tamquam petris plenus, ut secundus. \* *Hic est, qui verbum audit*: supple, & intelligit, atque in animum immitit, ut profundas radices agat. Præfertur enim hic præcedenti, neque germinatio, aut radicatio, aut culmus aliquis, sed solus ei fructus deest. Nam \* *sollicitudo sæculi istius*, id est, rerum quarumlibet, ad hoc sæculum pertinentium: nam Marcus dicit, *circa reliqua concupiscentiæ*. Sub his comprehenditur quidquid anxii homines in hoc mundo

20. Qui autem super petrosâ seminatus est, hic est, qui verbum audit, & continuo cum gaudio accipit illud.

21. Non habet autem in se radicem, sed est temporalis, facta autem tribulatione & persecutione propter verbum, continuo scandalizatur.

22. Qui autem seminatus est in spinis, hic est, qui verbum audit, & sollicitudo sæculi istius, & fallacia divitiarum, suffocat verbum, & sine fructu efficitur.



mundo quasi innocenter confectantur; præter regnum Dei, ut honores, splendores familiæ, lites pro temporalibus, voluptates, quas expressit Lucas; etiam divitiæ: sed quia istæ generalissimum publico hominum studio quæsitum & minimè agnitum impedimentum sunt, hinc speciatim addit: \* *& fallacia divitiarum*, id est, fallaces & seductrices divitiæ, quia blanda spe promittunt id quod præstare non possunt, quietam scilicet beatitudinem, cum tamen curis in acquirendo & conservando præsentem maximè turbent, futuram plerumque auferant. Porro hæc omnia spinæ sunt, quia sollicitudo rerum divinarum delinit animam, serenat, colligit. \* *Suffocat verbum*, quia totus affectus, vigor & conatus animæ in illa derivatur, & ita obruitur atque extinguitur affectus vitæ melioris.

23. Qui verò in terram bonam seminatus est, hic est, qui audit verbum, & intelligit, & fructum affert, & facit aliud quidem centesimū, aliud autem sexagesimū, aliud verò trigessimū

23. \* *Qui verò in terram bonam seminatus est.* Bonam vocat non naturam tantum, sed & cultu, id est, quæ & pinguis, & aratro subacta, & petris spinisque purgata est. Hæc item triplex est, sicut & infructuosa. Nam omnis quidem fructum adfert, sed \* *aliud centesimū, aliud sexagesimū, & aliud trigessimū.* Græcè est ὁ μὲν, in genere masculino, quod referri potest vel ad *verbum* seu *sermonem*, vel ad *hominem*. Contextus congruentior videtur, si ad hominem seminatum seu semine conspersum referas. Noster retulit ad verbum, tanquam ad granum seminatum, quod in quibusdam fert fructum centesimū &c. Græcè clariùs, *centum, sexaginta, triginta*; supple, pro uno grano, quod sparsum fuit. Quo indicatur, quod quemadmodum fertilitas terræ pro soli & cultus diversitate diversa est, ita ut una centuplum reddat, alia minus (numerus enim certus pro incerto ponitur) ita & profectus hominum in ferendis perseveranter fructibus bonorum operum. Quæ diversitas, quia non solum apparet in singulis electis cujuscumque statûs, sed etiam in statibus ipsis hominum, hinc est, quod multi Patres, ut Hier. hic & epist. ad Ageruchiam, Athan. epist. ad Ammon Monachum, & alii, centesimū fructum attribuant Virginibus, sexagesimū Viduis continentibus; trigessimū castis nuptiis. Aug. verò lib. 1. Quæst. Evang. quæst. 9. centesimū assignat Martyribus, sexagesimū Virginibus, trigessimū conjugatis. Alii alias diversitates aliis modis applicant, quos vide enumeratos apud Aug. lib. de sancta Virgine. c. 45.

24. Aliam parabolam proposuit illis dicens: Simile factum est regnum cœlorum homini qui seminavit boni semen in agro suo,

24. \* *Simile factum est regnum cœlorum homini*, id est, simile quid agitur in regno cœlorum, ac si homo seminaret semen bonum, & inimicus clam zizania super-seminaret. Quem loquendi modum Evangelii familiarissimum explicuit Marc. 4. v. 26. cum dicit, *Sic est regnum Dei, quemadmodum si jaciatur homo sementem, &c.* In cujusmodi

modi phrasibus *Regnum calorum* aut *Regnum Dei* intelligitur esse ipse populus regnaturus, hoc est, Ecclesia ad regnandum in cælis destinata. Aptè autem jungitur hæc parabola præcedenti, ne quis putaret, bonum illud semen ita fructuum fertile futurum, ut nihil haberet mali seminis; unde zizania nasci possent, admixtum. Sed hæc est differentia utriusque parabolæ, quod ibi semen Christi est verbum Dei, hic verò homines, in quibus fructificat verbum Dei: ibi via & loca saxosa & spinosa sunt eadem quæ zizania. Explicuit autem parabolam ipse Christus, ita ut in ea ipsemet sit seminator boni seminis, *ager mundus*, id est, Ecclesia per totum mundum fusa: ut Aug. serm. 18. de verbis Dom. c. 9. & ex professo lib. ad Donatistas post Collationem c. 6.

25. \* *Cum autem dormirent homines*, id est, clam, tempore sibi opportunissimo, cum negligentius agerent Prælati, vel etiam cum mortui essent Apostoli, ut Aug. q. 12. in Matth. \* *Inimicus superseminavit zizania*, id est, diabolus Hereticos in medio Fidelium, qui aspersis pravis erroribus, falsisque opinionibus, præcedente Christi nomine, superseminantur, & corporaliter Fidelibus mixti sunt. Quamquam omnes omnino malos per zizania intelligat quæst. cit. \* *& abiit*: quia per hæreses diabolus fit occultissimus, inquit idem: omnes enim fallacias suas proponit ex Scripturis sub nomine Verbi Dei.

26. \* *Cum autem crevisset herba, & fecisset fructum suum*, tunc apparuerunt & zizania. Quia pulchrè significatur, quod cum homines proficere cœperint in Spiritu Dei, tunc incipiant malos sentire, & Hæreticorum errores cognoscere, ut Aug. ibid. & aliis locis notat.

27. \* *Accedentes autem servi patris familias*: non Angeli, sed homines boni, quibus offensis tantâ malorum & Hæreticorum multitudine, suboritur voluntas eos de rebus humanis auferendi, dicendo:

28. \* *Vis, imus, & colligimus ea?* Quibus respondetur,

29. \* *Non*: idque non ut Ecclesiastica negligatur disciplina, & cesset vindictæ medicinalis, & charitatis severitas, sed, \* *Ne forte colligentes zizania*, seu malos, \* *eradicetis simul & triticum*. Quod periculum subest, quando zizania tritico ita sunt similia, ut certò dignosci non possint, ut notet hic Heron. Itemque, ut Aug. quando est periculum schismatis, & ne zizania infirmum triticum secum in perniciem trahant. Cum autem metus iste non subest, sed omnino de frumentorum stabilitate certa securitas manet, satis insinuat, non debere dormire severitatem disciplinæ, de quo vide latius lib. 3. contra Epist. Parmeniani c. 2. Itaque

25. Cum autem dormirent homines, venit inimicus ejus, & superseminavit zizania in medio tritici, & abiit.

26. Cum autem crevisset herba, & fructum fecisset, tunc apparuerunt & zizania.

27. Accedentes autem servi patris familias, dixerunt ei: Domine, nonne bonum semen fecimusti in agro tuo? Unde ergo habet zizania?

28. Et ait illis: Inimicus homo hoc fecit. Servi autem dixerunt ei, Vis, imus, & colligimus ea?

29. Præterea, nonne forte colligentes zizania, eradicetis simul cum eis & triticum?



30. Sinite utraque crescere ulque ad messem, & in tempore messis dicam messoribus: colligite, primum zizania & alligate ea in fasciculos ad comburendum: triticum autem congregate in horreum meum.

31. Aliam parabolam proposuit eis dicens: simile est regnum cælorum grano sinapis, quod accipiens homo seminavit in agro suo;

32. Quod minimum quidem est in omnibus seminibus, cum autem creverit, majus est omnibus oleis, & fit arbor, ita ut volucres cali veniant, & habitent in ramis ejus;

30. \* *Sinite utraque crescere usque ad messem*, id est, consummationem sæculi, ut scilicet interea vel ipsi Deo inspirante corrigantur, vel saltem proficiant alii ex occasione & comparatione, & exercitatione alieni erroris. \* *Et in tempore messis dicam messoribus*, id est, Angelis, quia eorum ministerio finis adferetur rebus mortalibus, mundus ardebit, mortui suscitabuntur. \* *Colligite primum zizania*, separando malos à bonis, qui in regno Christi, per totum mundum sparso, hoc est Ecclesia, velut scandala & offendicula bonorum tam moribus quàm doctrinâ permixti fuerunt, \* *& alligate ea in fasciculos*, ut non confusè, sed pro modo perversitatis suæ uniuscujusque erroris pertinacia puniatur, inquit Aug. quæst. illà 12. cit. Unde serm. 39. de Sanctis, *Alligate in fasciculos*, id est, inquit similes cum similibus, fures cum furibus, homicidas cum homicidis, &c.

31. \* *Simile est regnum cælorum grano sinapis*. Regnum cælorum hîc alii volunt esse Christum, alii fidem Christi, alii Ecclesiam, alii Evangelium, seu doctrinam Evangelicam; quod cæteris verisimilius est. Quamquam in hujusmodi locutionibus tantum significetur in regno cælorum, seu in regno Christi, simile quid accidere atque in semine, in grano sinapis, in fermento &c. ut jam v. 24. diximus. Hic ergò regnum cælorum ratione doctrinæ Christi seu ipsa doctrina Evangelica comparatur grano sinapis. Conditiones ejus mirificas breviter tangit Plinius lib. 19. c. 8. in fine: Acerrimum sapore ignei effectus, ac saluberrimum corpori sinapi. Latius autem exequitur lib. 20. cap. 22. Virtutem ejus, ad plerosque morbos curandos. Ex proprietatibus ejus Aug. quæst. Evang. l. 1. q. 11. consideravit fervorem, & quòd venena expellat: Hilarius Can. 13. quòd sit acre semen, mole minimum, cujus virtus pressuris accenditur, nempe quia tritum vim suam exerit, sicut Evangelium persecutionibus. Quamvis ista vera sint, Christus tamen ipse similitudinem explicat in eo sitam esse:

32. \* *Quod minimum quidem sit in omnibus seminibus*, id est, unum ex minimis omnium; nam semen rutæ & alia nonnulla minora sunt; \* *Cum autem creverit, majus est omnibus oleis*, id est, maximum omnium, seu unum ex maximis omnium: ita scilicet, ut fiat \* *arbor*, id est, arbuscula. Lignescit enim stipes ejus, & in locis maximè calidis longè supra humanam assurgit: ita ut \* *volucres cali habitent in ramis ejus*, non tam nidulandi causâ, ut quidam transtulerunt (neque enim nidos in eis faciunt:) sed potiùs insidendi & versandi; multum enim delectantur granis ejus. Alteram similitudinis partem suppressit Christus: quasi diceret, ita & doctrina Evangelica in mundo seminata inter omnes doctrinas abjectissima erit & minima, quantum ad pompam

pompam eloquentiæ, rationum naturalium apparatus, sæcularem prædicantium auctoritatem, utpotè Judæis scandalum, Gentibus stultitia. Sed semel sparsa non ebulliet in folia & herbas, sicut doctrina Philosophorum, quæ nihil mordax aut vividum habet; sed crescet in arborem firmam, longè latèque fusam, quia firmitate, soliditate, celebritate, æternitate, & sectantium multitudine omnes omninò doctrinas superabit: ita ut volucres cæli, id est, Reges & Principes, vel quicumque ad cælestia subvolare volent, sub umbra ejus victuri sint. Idem ergo significat hæc parabola, quod illa Daniëlis de lapide, qui crevit in montem implentem universam terram. Propriè enim hic significatur Evangelii progressus à parvis initiis in prodigiosam magnitudinem. Efficacia verò ejus indicatur sequenti parabola, quæ eadem doctrina similis dicitur.

33. \* *Fermento, quod mulier ascendit*, seu miscuit, quia pinsere fere erat mulierum officium, ut indicatur etiam Levit. 26.v.26. \* *In farina satis tribus*. Satum mensuræ genus, Heb. **תריס**, *Seab*, tria faciebant Ephî, & tantum unicâ vice pinsi solebat, ut patet Gen. 18.v.6. Significatur ergò, quòd, sicut modicum fermenti ingentimassæ farinæ mixtum suo sapore universam pervadit, in se convertit, acore elevat, levem reddit, & sapidam: ita Evangelium quamvis humile occultâ vi universum orbem afficiet, & in suam naturam convertet. Singula singulis applicat Aug. lib. 1. quæst. Evang. q. 12. ut mulier sit sapientia, fermentum dilectio, quia fervere facit & excitat: *sata tria*, cor, anima & mens, vel tria hominum genera, Noë, Daniël & Job, id est, Ecclesiarum Præpositi, continentes & conjugati. Plures alios sensus vide apud Hieron.

33. Aliam parabolam locutus est eis. Simile est regnum caloræ fermento, quod acceptum mulier abscondit in farina satis tribus, donec fermentatum est totum.

34. \* *Hæc igitur omnia in parabolis locutus est*. Causam videtur Marc. indicare, cum addit, *prout poterant audire*. Quo non significatur, Christum se attemperasse captui ipsorum, aut ut facilius pararentur ad mysteriorum captum, ut quidam intelligunt, sed potiùs, sicut ipse Christus suprâ latè indicavit, prout digni erant: ut scilicet qui posset capere caperet, & ad interrogandum suscitaretur, in cæteris verò sub parabolarum cortice cælestis doctrina sine profanatione lateret: ita ut hæc ratione.

34. Hæc omnia locutus est Jesus in parabolis ad turbas: & sine parabolis non loquebatur eis.

35. \* *Impleretur quod dictum erat per Prophetam*, qui typum gerebat Christi Domini, sive David ille facit, sive Asaph, cui attribuitur Psalmus ille 77. \* *Aperiam in parabolis os meum*. Quo significat ea, quæ in Psalmo illo narrantur, tanquam in populo Hebræo gesta, esse typos & parabolas rerum futurarum, absconditaque continere Sacramenta ut Hieron. hîc, imò Apostolus 1. ad Cor. 10. v. 11. in quo

35. Ut impleretur quod dictum erat per Prophetam dicentem: aperiam in parabolis os meum: & constitutio mundi:



36 Tunc dimissis turbis, venit in domum, & accesserunt ad eum discipuli ejus, dicentes: edicere nobis parabolam zizaniorum agri.

ipso parabolico loquendi modo indicatur Christus ei similis futurus; \* *Eructabo abscondita à constitutione mundi.* Idem significatur quod præcedenti hemistichio, id est, instar scaturiginis ore meo profundam mysteria regni cælestis, quæ nemini ab initio creationis mundi patefacta sunt.

37. Qui respondens ait illis: Qui seminat bonum semen, est filius hominis.

38. Ager autem est mundus. Bonum verò semen hi sunt filii regni. Z zania autem, filii sunt nequam.

39. Inimicus autem, qui seminavit ea, est diabolus. Messis verò, contumatio sæculi est. Messores autem Angeli sunt.

40. Sicut ergo colliguntur z zania, & igni conburuntur: sic erit in consummatione sæculi.

41. Mittere filius hominis angelos suos, & colligent de regno ejus omnia scandala, & eos qui faciunt iniquitatem:

42. Et mittent eos in caminum ignis. Ibi erit fletus, & stridor dentium.

43. Tunc justi fulgebunt sicut sol, in regno Patris eorum. Qui habet aures audiendi, audiat.

44. Simile est regnum cælorum thesauro abscondito in agro: quem qui invenit homo, abscondit, & præ gaudio illius vendit universa quæ habet, & emit agrum illum.

45. Iterum simile est regnum cælorum homini negotiatori, quæreni bonas margaritas.

46. Inventa autem una pretiosa margarita alibi, & vendidit omnia quæ habuit, & emit eam.

44. \* *Simile est regnum cælorum thesauro.* Duabus præcedentibus parabolis significata fuit virtus, & efficacia Evangelicæ doctrinæ; duabus sequentibus ejus pretium. Itaque thesaurum absconditum Hieron. putat esse Verbum Dei absconditum in carne. Aug. duo Testamenta, vel congruentius ad præcedentia, eadem doctrina & sapientia Evangelica de regno cælorum, quia inæstimabilis pretii est; \* *Abscondito in agro:* quia revera à sæculo in mysterio abscondita fuit, per typos tantum & parabolæ in veteri Testamento significata, & revelata postremis temporibus. \* *Quem qui invenit homo abscondit,* id est, absconditum esse scivit, tacuit, nemini aperuit, ne scilicet sibi præriperetur. Quo significatur, thesaurum illum Evangelicum inventum, non esse jactanter ostentandum, sed in corde procul ab humanis laudibus, ut Gregor. custodiendum. \* *Et præ gaudio illius,* in speratè inventi, \* *Vendit universa, quæ habet, & emit agrum illum,* id est, omnium libenter jacturam facit, ut illum obtineat. Quo indicatur, thesaurum illum cum omnium omnino rerum charissimarum, etiam ipsius vitæ, jacturâ esse comparandum & servandum, si aliter obtineri non potest. Conformer planè ad illud Lucæ 14. v. 33. *Qui non renuntiat omnibus, quæ possidet, non potest meus esse discipulus.* Eodem omnino spectat parabola sequens de margarita, prout utrumque declarat Basil. in Reg. 8. fusiùs disputata. Omnibus enim studiis, curis, amoribus & rebus pretiosissimis, ut sunt thesaurus & lapides pretiosi, cælestis illa sapientia de regno cælorum assequendo præferenda est. Unde, quia multi ab ista animi fortitudine deficiunt, ne quis putaret omnes, qui inveniunt thesaurum illum, etiam re ipsâ regnum cælorum assequi, aptè subiungit aliam parabolam:

47. Iterum simile est regnum cælorum sagena missa in mare, & ex omni genere piscium congregati.

47. \* *Simile est regnum cælorum sagena missa in mare.* Sagena hæc est Evangelica prædicatio, ut August. serm. 21. de diversis c. 3. vel, (quod in idem redit) ut idem serm. 5. cap. 2. & alibi sapissimè contra Donatistas, est ipsa Ecclesia, quæ instar sagenæ seu retis mittitur \* *in mare,* id est, inquit, in hoc sæculum, fluctibus seu tentationibus turbulent-

bulentum, tempestatibus periculofum, naufragiis moleftum, ubi fe invicem homines quafi pifces devorant. \* *Ex omni genere pifcium congreganti*, quia tam bonos quàm malos congregat Fide, Scripturis, Sacramentisq; Christianis, quibus inclufi indifcretè in mundo, velut mari, natant.

48. \* *Quam, cum impleta effer*, cùm fcilicet plenitudo Gentium intraverit, \* *educentes, & fecus littus fedentes*, quia educetur Ecclefia ex fluxis & inftabilibus fæculi hujus undis ad ftabilem illum immortalis vitæ ftatum, velut in littus, \* *elegerunt bonos in vafa*. Vafa funt Sanctorum fedes, & beatæ vitæ magna fecreta, quò non omnes perveniunt, qui Christiani appellantur, ut idem Serm. 121. Reliqua in parabola manifefta funt.

52. \* *Ideo, quia intellexiftis myfteria, & pretium eorum, ne putetis vos vobis tantum debere fapere*: Nam \* *omnis Scriba doctus*, id eft, doctus Evangelicus, qui benè conftitutus eft, \* *in regno*, Græcè ad regnum, *cælorum*: hoc eft ad myfteria regni cælorum prædicanda, \* *Similis eft homini patrifamilias*, id eft, fimilis effer bono patrifamilias, qui non fibi folei refervat, fed \* *profert de thefauro*, penuario fcilicet, id eft, non vivit in diem, fed ex annona, quam diu antè collegit ac reposuit, profert convivis \* *nova & vetera*, id eft, omnium ciborum genera, ut omnium neceffitati & palato faciat fatis. Quo fignificatur doctorem regni cæleftis ex fcientiæ thefauro, jam ante longâ meditatione, contemplatione, exercitatione præparato, proferre auditoribus pro cujufque captu & ftatu omne doctrinæ, exemplorum, ac parabolarum genus, adeoque confequenter tam ex veteri quàm ex novo Testamento, nova fcilicet myfteria veteris Scripturæ testimoniis illuftrando, ut paffim Chriftus facit. Nam iftud hîc fimul effer infinuatum, quidquid improbet Calvinus, docent unanimiter veteres, Hilari. Hieron. Chryfoft. Euthymius in hunc locum, Iren. lib. 4. c. 21. Aug. quæft. 16. in Matth. Athanaſ. & alii.

54. Cùm autem veniffet \* *in patriam fuam*. Triplex erat Chrifti patria, Bethlehem, ubi natus eft, Capharnaum, ubi frequenter verſatus, de quo fuprà c. 9. v. 1. & Nazareth, ubi educatus, quam hîc intelligi ex Luca patet c. 4. v. 16. \* *Docebat eos in Synagogis eorum*, id eft, Synagoga: neque enim plures videntur fuiſſe in tantillo oppidulo: niſi per *Synagogas* ipſos conventus hominum intelligas, quo modo Concio, & Ecclefia dicuntur ipſe populus: \* *Ita ut mirarentur & dicerent: Unde huic fapientia hæc*, cum fcilicet litteras non didicerit, ut eft Joan. 7. v. 15. \* *& virtutes*, id eft, miracula, ſeu poſteſtas patrândi tam mirabilia?

48. Quam cum impleta effer, educentes, & fecus littus fedentes, elegerunt bonos in vafa, malos autem foras miterunt.

49. Sic erit in confummatione fæculi: exhibunt angeli, & ſeparabunt malos de medio juſtorum.

50. Et mittent eos in caminum ignis: ibi erit fterus, & aridus dentium.

51. Intellexiſtis hæc omnia? Dicunt ei: etiam.

52. Ait illis: Ideo omnis ſcriba doctus in regno cælorum, ſimilis effer homini patrifamilias, qui profert de theſauro ſuo nova & vetera.

53. Et factum effer, cum conſummaffet Jeſus parabolas iſtas, tranſiit inde.

54. Et veniens in patriam ſuam docebat eos in ſynagogis eoſum, ita ut mirarentur & dicerent: Unde huic ſapientia hæc, & virtutes?



55. Nenne hic  
est fabri filius?  
Nonne mater e-  
jus dicitur Ma-  
ria, & fratres  
ejus, Jacobus,  
& Joseph, & Si-  
mon, & Judas?

55. \* *Nonne hic est fabri filius?* Marci c. 6. v. 3. dicunt, *nonne hic est faber?* Vel qui tamquam fabri filius etiam faber putabatur, ut Aug. lib. 1. de consensu Evang. c. 42. vel, ut verisimile, quia verè fabrilem simul exercuit. Hilarius hic fabrum ferrarium fuisse putat, alii mura-rium: Justinus, Author antiquissimus, Dialogo cum Triphone clarè dicit, eum aratra & juga boum confecisse, hoc est fuisse lignarium. Cui consentit Ambros. serm. quodam de Nativitate, & Author ope- ris imperf. Unde ille apud Sozomenum lib. 6. c. 2. arcam ligneam fa- bricat Juliano ad mortem. Ex quo patet, illam & tunc, sicut & nunc est, publicam fuisse opinionem. Unde & nonnulli volunt, quia tractant fabrilia fabri, eum sub jugi & aratri symbolis Evangelium suum pro- posuisse, Matth. 11. v. 29. & Lucæ 9. v. ult. \* *Nonne mater ejus dici- tur Maria*, nullo scilicet dignitatis aut honoris titulo illustris aut nota, \* *& fratres ejus*, id est, cognati, Hebraismo valde usitato, \* *Jacobus*, qui c. 10. v. 3. dicitur *Alphæi*, scilicet filius, & Marci 15. Jacobus Minor, unus scilicet ex Apostolis; & \* *Joseph*, Jacobi jam dicti frater, ut est cap. 27. v. 56. Ubi similiter constat, utrumque fuisse filium Mariæ, quæ Joan. 19. vocatur Cleophæ, scilicet filia, ut Hieron. lib. contra Helvidium; erat enim uxor Alphæi. Quamquam proba- bile sit, Alphæum & Cleopham eundem esse, cujus uxor Maria fue- rit, mater omnium, qui hîc nominantur. \* *Et Simon*. Euseb. l. 1. lib. 3. hist. c. 10. ex Hegesippo tradit & istum fuisse filium Cleophæ, fra- tris Josephi, mariti Mariæ Virginis: \* *Et Judas*, Lucæ 6. v. 16. voca- tur *Jacobi*, scilicet frater; sicut & ipsemet se vocat initio Epistolæ suæ. Itaque quatuor isti, *Jacobus*, *Joseph*, *Simon*, & *Judas* fratres erant, filii Mariæ, uxoris Cleophæ, aliàs Alphæi, fratris Josephi.

56. Et sorores  
ejus, nonne om-  
nes apud nos  
sunt? Unde ergo  
huic omnia ista?

56. \* *Et sorores ejus*, id est cognatæ, non ex materno genere, sed paterno, ut indicat Aug. quæst. 17. in Matth. hoc est patruelles, nep- tes scilicet Josephi (qui putabatur pater ejus) ex fratribus aut so- roribus. Nam, ut Hieron. loco cit. Miraris, inquit, si errant in fratribus, qui errant in patre? Eodem modo æstimentur & fratres, quo æstimatus est pater.

57. Et scanda-  
lizabantur in eo.  
Jesús autem di-  
xit eis: non est  
propheta sine  
honore, nisi in  
patria sua, & in  
domo sua.

57. \* *Et scandalizabantur in eo*, id est, offendebantur educationis & profapiæ humilitate, seu impingebant in eum, velut in lapidem of- fensionis, ita scilicet, ut propterea non crederent eum esse Messiam: forè & malis artibus, ut aliàs factum est, sapientiam illam & vir- tutes tribuebant. *Jesús autem dixit eis: non est Propheta sine honore nisi in patria, &c.* Familiaritas enim contemptum parit, & plaris æsti- mantur peregrina quàm domestica: denique quia, ut Hieron. pro- ptemodum naturale est, cives civibus invidere, dum gloriam contri- balis suam confusionem putant.

58. \* *Et non fecit ibi virtutes multas.* Paucos enim tantum infirmos curasse notat Marc. c. 6. v. 5. \* *Propter incredulitatem eorum.* Miraculis enim Christus fidem solebat prærequirere, ut supra c. 9. v. 28. & alibi passim. Usque aded, ut, si qui increduli aut curiosi illa peterent, nunquam facerēt, ut patet in Herode, Lucæ 23. in Pharisæis, Matth. 12. & in Hæreticis etiam hodie, qui cum ea maximè videre velint, minimè vident, quia ex incredulitate ea petunt. Et hæc est ratio, cur Marcus dicat, *Non poterat ibi virtutem ullam facere,* nempe quia miraculis indigni erant, & res incongrua.

58. Et non fecit ibi virtutes multas, propter incredulitatem illorum.

## CAPUT DECIMUM - QUARTUM.

1. **D**E morte Joannis dicemus Marci 6. de multiplicatis verò panibus Joan 6. ubi accuratiùs ista narratur.

1. In illo tempore audivit Herodes Tetrarcha famam Jesu:
2. Et ait pueris suis: hic est Joannes Baptista: ipse surrexit à mortuis, & ideo virtutes operantur in eo.
3. Herodes enim tenuit Joannem, & alligavit eum: & posuit in carcerem propter Herodiadem uxorem fratris sui.
4. Dicebat enim illi Joannes: non licet tibi habere eam.
5. Et volens illum occidere, timuit populum quia sicut prophetam eum habebant.
6. Die autem natalis Herodis, salvavit filia Herodiadis in medio, & placuit Herodi.
7. Unde cum juramento pollicitus est ei dare quodcumque postulasset ab eo.
8. At illa pramonita à matre sua, da mihi, inquit, hic in disco caput Joannis Baptistæ.
9. Et contristatus est rex: propter juramentum autem, & eos qui pariter recumbebant, jussit dari.
10. Miltique & decollavit Joannem in carcere.
11. Et allatum est caput ejus in disco, & datum est puellæ, & attulit matri suæ.
12. Et accedentes discipuli ejus tulerunt corpus ejus, & sepelierunt illud: & venientes nuntiaverunt Jesu.
13. Quod cum audisset Jesus, secessit inde in navicula, in locum desertum seorsum: & cum audissent turbæ, secuti sunt eum pedestres de civitatibus.
14. Et exiens vidit turbam multam, & misertus est eis, & curavit languidos eorum.
15. Vespere autem facto, accesserunt ad eum discipuli ejus dicentes: desertus est locus, & hora jam præterit: dimitte turbas, ut euntes in castella, emant sibi escas.
16. Jesus autem dixit eis: non habent necesse ire: date illis vos manducare.
17. Responderunt ei: non habemus hic nisi quinque panes, & duos pisces.
18. Qui ait eis: offerte mihi illos hic.
19. Et cum jussisset turbam discumbere super fœnum, accepit quinque panibus, & duobus piscibus, aspiciens in cælum benedixit, & fregit & dedit discipulis panes, discipuli autem turbis.
20. Et manducaverunt omnes & saturati sunt. Et tulerunt reliquias, duodecim cophinos fragmentorum plenos.
21. Manducantium autem fuit numerus, quinque millia virorum, præceptis mulieribus, & parvulis.

22. \* *Et statim Jesus compulit discipulos ascendere*, eo quod inviti ab eo divellerentur, tum propter se tum propter ipsum, eo quod nox instaret, & nullæ essent naves quibus sequi posset. Ideirò autem verisimiliter eos abesse Christus voluit, partim ne faciliè cum turbis conspirarent, cogitantibus eum in Regem tollere, ut narrat Joan. c. 6. v. 15. partim ut expeditius turbæ dimitterentur (ut hic indicatur) discipulis jam profectis, partim ut solus oraret, & denique ut sequenti miraculo pararet viam.

22. Et statim compulit Jesus discipulos ascendere in naviculam, & præcedere eum trans fretum, donec dimitteret turbas.

23. \* *Et dimissa turba*, id est, cum verbis valedixisset, & abire jussisset, tametsi ibi totâ nocte manserint, & eum expectaverint, ut patet Joan. 6. v. 22. & seqq. \* *Ascendit in montem*, ut videretur turbæ iugeret, volentis eum creare Regem, ibid. \* *Solus erare*, id est ut

23. Et dimissa turba ascendit in montem solus orare. Ve pere autem facto solus erat ibi.



ibi solitarius oraret. Secessum & solitudinem amat oratio : unde & Christus plerumque montes & deserta quærit.

24. *Navicula* autem in medio mari jactabatur fluctibus : erat enim contrarius ventus.

24. \* *Navicula autem*, in qua discipuli erant, \* *in medio mari Genesareth*, id est, in profundo, \* *jactabatur fluctibus*. Notat periculi magnitudinem : \* *Erat enim contrarius ventus*, quem Christus ipse post discessum eorum videtur suscitasse, ad probandam eorum fidem ac constantiam.

25. Quarta autem vigilia noctis, venit ad eos ambulans super mare.

25. \* *Quarta autem vigilia noctis*, quæ est postrema noctis pars, appetente scilicet diluculo, diciturque *Vigilia matutina* Exodi 24. v. 24. Nox enim tota in quatuor partes dividebatur, quæ Latinis dicebantur Vigiliæ, Græcis verò & Hebræis Custodiæ, eo quod quater, singulis ternis horis, vigiles seu custodes mutarentur, juxta disciplinam militarem. Itaque totâ penè nocte cum tenebris, vento, fluctibus luctati fuerant, \* *Venit Jesus ambulans super mare*, adhuc fluctibus turbidum ac furens. Ex quo colligitur, quod mare non cesserit vestigiis ejus, hoc non provenisse ex aliqua consolidatione undarum, instar glaciei, ne diffuerent, sed potius ex eo, quod gravitatem corporis impediret, ne pro natura sua deorsum vergendo, aquas finderet. Quo viso discipuli

26. Et videntes eum super mare ambulantem, turbati sunt, dicentes : quia phantasma est. Et præ timore clamaverunt.

26. \* *Turbati sunt*. Nimis brutam ignorantiam & crassum stuporem hoc vocat Calvinus in Harmonia ; sed ipsemet refutat se, in Joannem scribens : Fieri, inquit, non potest, quin consternatio nos invadat, viso spectro. Nam Evangelista notat, eos putasse, quod corpus grave ambulans super mare, quod præ nocturnis tenebris non dignoscebant, esset \* *phantasma*, id est, spectrum seu illusio diabolica : cujusmodi etiam iis, quibus apparent, subinde nocere solet. Cum igitur clamavissent, confusâ scilicet & incertâ voce, quod magni timoris indicium fuit,

27. Statimque Jesus locutus est eis, dicens : habete fiduciam : ego sum : nolite timere.

27. \* *Statim locutus est Jesus*. Ubi enim summè periculum crevit ; Dei auxilium adesse solet. Nam in ista historia speculum datur, quomodo Deus Fideles suos tentare, probare, in extremum periculum ac timorem adducere, ac denique liberare solet, ut pulchrè & latius expendit Chrysost. Hom. 15. in Matth. \* *Habete fiduciam* in me præsentem. Quia verò eum in tenebris non dignoscebant addit : \* *Ego sum*, non spectrum : nam, ut Hieron. ex voce sibi notâ poterant eum agnoscere. Itaque \* *nolite timere*, sive à spectro, sive à mari. Simul autem cum voce pacem animosamque fiduciam animis infudit. Ille enim solet esse effectus vocis Dei loquentis, non tantum significare, sed cum dicto etiam efficere ; apparendo timorem, loquendo afferre tranquillitatem : spectra è contrario.

28. \* Respondens autem Petrus, dixit: Domine, si tu es. Multis modo dispreprehenditur hic à Calvino Petrus, infirmæ Fidei, inconsiderationis, temeritatis, stultitiæ. E contrario Hieron. Hilar. Chrysost. Theophyl. hic, & Aug. ferm. 13. de verbis Dom. extollunt Fidem Petri, & ardentissimam charitatem. Itaque quod dicit, *Si tu es*, non de Christi virtute dubitat, sed de persona; nam & spectrum poterat effigiem & vocem ejus mentiri. Proinde ex modestia non dicit, *Veni ad me*, sed ex magnitudine fidei de Christo dicit, \* *Jube*, ita scilicet ut res ipsa sequatur; nam & hoc spectrum jubere poterat: ex ardore verò dilectionis addit, \* *me venire ad te*, id est, non vanitatis, non ostentationis causâ, sed ut tibi adsim, te clariùs cognoscam, venerer, amplectar, tecum eam. Nam Christus videbatur navem prætereundo, iter reliquum pedibus velle conficere, Marc. 6. v. 48.

29. \* At ipse ait, *Veni*: non ut stultitiam Petri experienciâ redargueret, ut Calvinus garrit, sed ut Christus se verum dixisse probaret, & Petri fidem charitatemque commendaret. \* Et descendens Petrus, eò quod efficaciam jubentis ex infusa animi securitate sensisset, & tentanti aquæ non cederent: idè enim non dicitur profiliisse in aquam, sicut fecit Joan. 21. sed descendisse.

30. \* Videns vero ventum validum, oculis scilicet ab adjutore in periculum deflexis, \* *timuit*; cum tamen jam esset Christo propinquior: sed, ut Chrysost. Hom. 51. hæc est humanæ naturæ conditio, ut, difficilioribus nonnumquam superatis, succumbat in minoribus. Itaque \* *cum cœpisset mergi*, metum sequente diffidentiâ, diffidentiam periculo submersionis, \* *clamavit dicens: Domine, salvum me fac*. Nam pericula magna excitare solent sopitam Fidem ac dilectionem. Hæc enim verba sunt nihil dubitantis de auxiliatoris potestate: & idè, reviviscente ejus Fide,

31. \* Continuo Jesus extendens manum apprehendit eum: & iterum ambulare cœpit super aquas, tantum scilicet spatii revertens, quantum à navi ad Christum ambulaverat, prout notat Cyrill. Catechesi 5. Ut ergo sciret non à ventis, sed à Fidei imbecillitate periculum provenisse, addit Christus:

\* *Modica fidei, quare dubitasti?* Non de potentia jubentis quia alioqui non invocasset eum; sed quare animo fluctuasti? Græcè *ἐπιγὰρας*, id est, cur huc illuc animus tuus impulsus fuit? Significatur enim, fiduciam, & consequenter Fidei vigorem ex furentis maris metu remissiorem factum, sicut contingere solet iis, quibus animus nunc in periculi magnitudinem, nunc in auxilium Dei desigitur, quamvis de potentia Dei nihil speculativè dubitent.

28. Respondens autem Petrus dixit: Domine, si tu es, jube me venire super aquas.

29. At ipse ait: Veni. Et descendens Petrus de navicula, ambulavit super aquam ut veniret ad Jesum.

30. Videns vero ventum validum, timuit, & cum cœpisset mergi clamavit dicens: Domine, salvum me fac.

31. Et continuo Jesus extendens manum apprehendit eum, & ait illi: Modica fidei, quare dubitasti?



32. Et cum ascendissent in naviculam. Unde quod Joan. dicit, *Venerunt cum accipere in navem*, sic intelligendum, ut non excludatur acceptio, sed tantum ut voluerint accipere, tanquam diu cum ipso navigaturi, cum tamen navis statim ad terram appulsa fuerit, ut ibidem dicit; quod tertium erat miraculum: quantum verò, quod  
\* cessavit venius.

33. Quibus mori dixerunt ii, qui in navicula erant, \* *vere Filius Dei es*: non adoptione, ut vir iustus, sed naturâ, qualem te prædicas. Sic enim intellexerunt Christi verba etiam Judæi, & hanc de causa eum Joan. 10. lapidare voluerunt, & Joan. 19. secundum legem suam mori debere dixerunt. Allegoricè, mixto sensu morali, tractat historiam totam Aug. Tract. 25. in Joan. sed latè & ex professo toto serm. 22. de divers. Navicula enim est Ecclesia; fluctus, tentationes & adversitates; discipulorum pavor, conturbatio Fidelium; sed Jesus, cum solus à resurrectione sua in monte sit, ambulat super omnes tumores, fluctus, & Principatus hujus mundi, in fine tranquillitatem suis allaturus. Supplet nonnulla qu. 15. l. 1. quæst. Evang.

34. Et cum transfretassent, venerunt in terram Genesar. hanc terram nonnulli cum terra Gerasenorum de qua c. 8. v. 28. sed certum est eos falli. Nam *Gerasa* erat trans Jordanem; *Genesar* cis Jordanem, prope Bethsaidam; Hebraicè dicitur *Genereth*, Latine molliùs *Genesar* vel *Genesareth*. Estque tum civitas, tum terra, protensa juxta lacum, eodem nomine appellatum, naturâ & pulchritudine admirabilis, prout eam describit Joseph. l. 3. de bel. Jud. c. 18.

35. Et cum cognovissent eum viri loci illius, miserunt in universam regionem illam, & obtulerunt ei omnes malè habentes. 36. Et rogabant eum ut vel simbriam vestimenti ejus tangerent, id est, ut vel istâ minimâ facillimâque accessione ad Christum, se sanari permitteret. Superstitione implicitos eos vocat Calvinus hinc, eo quod ad tactum vestis restringerent Christi gratiam: cum potius Christi gratiam Fidei magnitudine ad vestes extenderent. Unde cum Christus miraculis suis non soleat superstitionem confirmare, ut hic, & Matt. 9. v. 22. similem tactum vestis etiam voce laudaverit; firmum manet argumentum, pro cultu Crucis Domini & reliquiarum, quem Calvinus hinc stabiliri metuebat.

37. Tunc accesserunt ad eum ab Hierosolymis Scribæ, & Pharisei, & Pharisæi dicentes:

1. **T**unc accesserunt Scribæ & Pharisei ab Hierosolymis: tanquam qui ibi cæteris sanctiores atque doctiores haberentur, & ideo gloriæ Christi magis inviderent. Nam alioqui, ut Chrysost. & Theophyl. notant, per omnia loca dispersi habitabant, eo quod plerique essent Levitæ. Cum ergo Christum non possent carpere, carpunt disci-

## CAPUT DECIMUMQUINTUM.

1. Tunc accesserunt ad eum ab Hierosolymis Scribæ, & Pharisei dicentes:

1. **T**unc accesserunt Scribæ & Pharisei ab Hierosolymis: tanquam qui ibi cæteris sanctiores atque doctiores haberentur, & ideo gloriæ Christi magis inviderent. Nam alioqui, ut Chrysost. & Theophyl. notant, per omnia loca dispersi habitabant, eo quod plerique essent Levitæ. Cum ergo Christum non possent carpere, carpunt disci-

discipulos, non de transgressione Legis Dei, sed de traditione seniorum, seu majorum violatâ. Nam illarum contemptus redundabat in Phariseos, qui eis succedebant, & similium traditionum erant architecti. Et hæc fuit ratio, cur acrius eas tuerentur, quàm Leges Dei. Caput autem accusationis erat.

2. \* *Non enim lavant manus suas, cum panem manducant*, id est, inter manducandum. Non enim loquuntur de vulgari illa lotionem, quæ ante cibum civilis honestatis causâ adhiberi solet, sed de religiosa seu superstitiosa, quâ, ut Marcus ait, non comedebant, nisi crebrò laverint manus, scilicet tam ante, quàm inter comedendum: item quandoque redirent ex foro, ubi versabantur in omni hominum genere. Eandem curam adhibebant, ut ex Marco patet, calicibus, urceis, æramenis, id est, vasis æreis, lectis, seu thoris, in quibus accumbebant mensæ, hoc est, omnibus instrumentis convivii, nimirum, ne vel ipsi vel illa vasa quidpiam fortè tetigissent, quo ipsi immundi fierent; idque non juxta Leges in Levitico præscriptas, quibus sufficiebat mundari, quando reipsa fiebant immundi, sed juxta traditiones scrupulosas, & superstitiosas superadditas. Itaque Christus accusationem graviori accusatione ut clavum clavo pellit.

3. \* *Quare & vos transgredimini mandatum Dei*: quod longè gravius est factum discipulorum meorum: \* *propter traditionem vestram*, id est, studio servandæ traditionis vestræ? Quâ indicat & quanti essent faciendæ illæ traditiones, utpote repugnantes Legi Dei: & præposterum Pharisaicæ pietatis studium. Hujusmodi traditiones vocantur à Judæis Lex oralis, ut distinguatur à Lege scripta. Authores earum ipsi statuunt Moysen in monte Sinai, qui tradiderit eas Josuè; hic Lxx. Senibus; isti synedrio magno, à quo eas Rabbinii acceperint: sicut hæc patent ex Aben Ezra, Jarchi Rabbi Bechai, & aliis in c. 4. v. 14. Deuter. Quo specioso titulo quibuscumque commentis posterorum auctoritatem conciliârunt. Nam revera Authores plerarumque traditionum istarum erant recentiores quidam Akiba, Simeon, Hillel, & Gamaliel, qui aliquanto ante Christum natum vixerunt, ut patet ex Heron. Epist. 15. 1. ad Algasiam q. 10. Epiphan. Hæresi 15. & 33. Quanti eas traditiones seu deuteroseis fecerint & olim & nunc, ex eo liquet, quod passim eas vocant fundamentum Legis scriptæ, & religionis Judaicæ, ut loquitur Aben Ezra Præfat. in Legem Moysis, & R. Bechai in libro *בבא מציעא* *Cad Hakkemach*, id est *Cadus Farina*. Imò expressis verbis eas præferunt Verbo Dei, & Bibliis, ut patet in Codice Juris ipsarum *בבא מציעא*, *Baba Mezia*, & in Thalmud Ierosolymitano Codice Berachot ubi hujusmodi deuteroseis collectæ

2. Quare discipuli tui transgrediuntur traditionem seniorum? non enim lavant manus suas cum panem manducant.

3. Ipse autem respondens ait illis: quare & vos transgredimini mandatum Dei propter traditionem vestram? Nam Deus dixit,



sunt. Denique in libro Erubin statuitur pœna mortis iis, qui transgrediuntur verba scribarum. Et alibi dicunt: qui credit verbis Sapientum, perinde est ac si crederet ipsi Deo; cum tamen pleraque vel prorsus frivola ac turpia sint, qualia recenset Hieron. epist. cxi. quædam apertè contraria præceptis Dei, ut quæ Christus hic tangit.

\* *Nam Deus dixit:*

4. Honora patrem, & matrem. Et qui maledixit patri, vel matri, morte moriatur.

4. \* *Honora patrem & matrem.* Quo non solum honor in verbis, gestibus, & officiis deferendis præcipitur, sed vel maximè in vitæ necessariis ministrandis, si hoc exigat imbecillitas, ætas, penuria, ut hic notat Hieron. Hoc enim *Honor* in Scripturis significare solet, ut patet tum ex oppositione v. 5. tum ex 1. ad Timoth. c. 5. v. 3. 17. \* *Et qui maledixerit patri vel matri*, id est, vel solo verbo læserit, nedum factis, \* *morte moriatur*, id est, omninò absque ulla spe veniæ moriatur.

5. Vos autem dicitis: quicumque dixerit patri, vel matri: minus quod ungue est ex me, tibi proderit.

5. \* *Vos autem dicitis*, veluti traditione vestrà interpretantes legem de honorandis parentibus: \* *Quicumque dixerit patri vel matri*, egentibus, & postulantis subsidium necessarium: \* *minus quodcumque est ex me, tibi proderit.* Lecus perobscurus facile decem modis ab auctoribus exponitur. Prætermittà sententiarum varietate, duæ cæteris præferendæ videntur. Una facillima, & textui Latino, qui adjicit verbum *est*, satis congruens. *Minus quodcumque* intellige Sacrum, Marcus enim legit *Korban*, quod sexcenties in Pentateucho vertitur *Oblatio*. Itaque *Korban* seu *oblatio* quæcumque, \* *ex me*, offerretur in cultum Dei: illa \* *tibi proderit*, perinde ac si tibi dedissem. Particeps enim eris fructus, tum corporalis, inde comedendo, tanquam ex epulo sacro, tum maximè spiritualis. Altera magis conformis est textui Græco, Syriaco, & translationi Hebraicæ, itemque ipsi textui Latino S. Marci, in quibus omnibus deest verbum *est*; & maximè antiquis, Origeni in Matth. qui dicit eam ex quodam Hebræo didicisse; Chrysostomo & discipulis ejus, Hieron. & aliis in hunc locum. \* *Minus* igitur, seu *oblatio*, Deo scilicet jam devota & consecrata, \* *quodcumque est ex me, tibi proderit*, id est, quidquid ex me tibi prodesse possit, & tu à me expectare. Græcè, *id, quo ex me juvari possis*; Syriacè, *id, quo juvaberis*, seu *juvaveris ex me*: q. d. Id, quod petis à me, jam Deo consecratum est, non potest in alios usus verti, quàm sacros. Sic enim deterriti parentes nolebant illud à filiis accipere. Hic sensus eo convenientior videtur, quòd in hodiernum usque diem extent vestigia hujus traditionis sic intellectæ in Thalmud, Cod. Nedarin c. 11. prout eam exponunt Maimonides in Comment. & Rabbi Nissim, qui addit, hujusmodi votum non posse irritum fieri. Porro

in utroque sensu oratio est defectiva, & supplenda hoc modo: Culpâ caret, aut legi satisfacit de honorandis parentibus. Juxta utramque etiam oblatio liberorum cedebat in lucra Sacerdotum, quorum plerique erant Scribæ & Pharisei.

6. \* *Et*, ita secutus traditionem vestram, \* *non honorificabit patrem suum* &c. id est, non observabit præceptum Dei, jam dictum, sed sine parentibus prætextu voti egestate consumi. Sunt enim hæc verba Christi, non Phariseorum.

7. \* *Hypocrita*; duplici titulo, & quod volentes videri divinæ legis vindices, eam traditione suâ irritam facerent, & quod prætextu cultûs Dei consulerent avaritiæ suæ: \* *Bene prophetavit de vobis Isaias*, quia exactissimè opera vestra & ejus prophetia conveniunt.

8. \* *Populus hic labiis me honorat*, id est, ore me colit, laudat, celebrat, invocat, sub quo omnis externus cultus intelligitur: \* *Cor autem eorum longè est à me*, quia contraria voluntati meæ cogitat, id est, misericordiâ, charitate, cæterisve virtutibus, quibus verè color, vacuus est.

9. \* *Sine causa autem colunt me*. Græcè *μᾶλιν*, frustra, inaniter, seu, ut est apud Marcum c. 6. v. 7. *In vacuum*; tum quod frivolus esset ille cultus; tum quod veri cultûs non assequerentur finem, qui est cor, non labia formare, Deumque propitium reddere: \* *Docentes*, id est, toti vacantes ad sequendum, aliosque docendum, \* *doctrinas & mandata hominum*. Græcè & Syriacè, *doctrinas, mandata hominum*, seu quæ sunt mandata hominum. Quod pressè & propriè intelligendum est, id est, mandata humano spiritu efficta, quæ videlicet vel frivola sunt, nihil conferentia ad observationem mandatorum Dei, in quibus verus Dei cultus situs est (cujusmodi erant tot lotiones Pharisæicæ) vel etiam mandatis Dei adversantur, ut illud de Korban. Hæc enim duo spectare Christum patet ex Marco, qui pro ratione utrumque tangendo subjicit: *Relinquentes enim mandatum Dei*, ecce contrarietatem, *tenetis traditionem hominum, baptismata urceorum, &c.* ecce frivolas traditiones. Quibus observandis tantum impendebant studium, ut propter illas Dei mandata negligerent, ut à Marco ibid. v. 9. & hîc v. 1. & 6. notatur. Neutrum habet locum in traditionibus Ecclesiæ, quas ex hoc loco Hæretici imperitè carpunt: tum quod à Spiritu Dei, Ecclesiam dirigente, instituuntur; tum quod ad accuratorem mandatorum Dei custodiam, interioremque cultum promovendum faciunt; tum quod nullo modo eis adversantur, nec studio tuendi illas Dei mandata negliguntur. Hactenùs igitur ad hominem nunc directè facti discipulorum rationem reddit:

6. Et non honorificabit patrem suum, aut matrem suam: & irritum fecistis mandatum Dei propter traditionem vestram.

7. Hypocrita; bene prophetavit de vobis Isaias, dicens:

8. Populus hic labiis me honorat cor autem eorum longè est à me.

9. Sine causa autem colunt me docentes doctrinas, & mandata hominum.

10. Et convocatis ad se turbis dixit eis: Audite, & intelligite,



11. Non quod intrat in os, co-  
inquinat homi-  
nem : sed quod  
procedit ex ore,  
hoc coinquinat  
hominem,

11. \* *Non quod intrat in os coinquinat hominem* : Græcè *τοιοῦτον ὅντιν*  
*σπαστον, communicat hominem*, sicut aliquoties est Latine apud Marcum.  
*Commune* autem vocabant Judæi immundum, propter Legem aut tra-  
ditionem aliquam, sibi solis datam, eâ ratione, quòd res ista cæteris  
nationibus esset communis, nec ab ullis nisi à se vitaretur, ut hîc no-  
tat Hieron. Itaque, \* *nihil, quod intrat in os*, quantumvis sordidum,  
& vetitum etiam à Deo, quibuscumque manibus, sive lotis sive illo-  
tis, sumptum, \* *coinquinat hominem*, naturâ scilicet suâ, ita ut homi-  
nem reddat ingratum Deo. Hæc enim erat persuasio Phariseorum,  
quòd manus pollutæ polluerent cibum, cibus hominem. Rationem  
dicti Christi dat Paulus 1. ad Timoth. 4. v. 4. *Quia omnis creatura*  
*Dei bona est, & omnia munda mundis*. Non ergò negat, id, quod  
intrat in os, posse coinquinare hominem, vel propter intemperan-  
tiam, ut sit in ebriis; vel inobedientiam, ut in primis Parentibus; vel  
scandalum juxta Paulum 1. Cor. 8. Ut proinde absurdè hoc adfe-  
ratur ab Hæreticis contra delectum ciborum \* *Sed quod procedit de*  
*ore*, id est, de homine, ut Marcus, idque per Synecdochen. Usitur  
tamen, *ore*, ad servandam anthitesin, & quia de comedendo sermo  
erat. Non significat autem, quidquid procedit ab ore, hoc eum coin-  
quinare; nam & sputa & laudes Dei ab eo procedunt: sed nihil coin-  
quinare, nisi quod procedat ab homine, seu quod homo ex se pro-  
ferat corde, ore, opere. Quæ verba cùm subverterent scrupulosas  
illas lotiones Pharisæicas, imo & discipulis viderentur delectum ci-  
borum Lege præscriptum tollere, addunt:

12. Tunc accen-  
dentes discipuli  
ejus, dixerunt ei:  
scis quia Pharisei  
audito verbo hoc  
scandalizati sunt?

13. At ille rei-  
pondens ait: om-  
nis plantatio quæ  
non plantavit Pa-  
ter meus cælestis  
eradicabitur.

12. \* *Scis, quia Pharisei audito verbo hoc scandalizati sunt*, id est,  
offensi sunt?

13. \* *At illi respondens, ait: Omnis plantatio*, id est, planta seu ger-  
men, \* *quam non plantavit Pater meus, eradicabitur*. Chrysost. cum  
suis de doctrina & dogmatibus intelligunt: August. verò q. 17. l. 1.  
quæst. Evang. de effectibus animi, ut concupiscentia: rectius Hieron.  
(quamvis res ferè in idem redeat) de hominibus qui dicuntur plan-  
tatio Dei, vel diaboli ratione affectuum bonorum vel malorum. Unde  
populus Dei vocatur *Germen plantationis novæ*. Isaïæ 60. v. 21. *Vinea*  
*electa, &c.* Idem igitur significatur, quod Matth. 3. v. 10. *Omnis*  
*arbor, quæ non facit fructum bonum, &c.* Subintelligendam autem re-  
linquit, tales plantationes esse Phariseos. Unde subjungit:

14. Sinite illos:  
cæci sunt, & du-  
ces cæcorum: cæ-  
cus autem si cæco  
ducatur præstet,  
ambo in foveam  
cadunt.

14. \* *Sinite illos*, agere ut volunt: nolite de eorum offensione &  
scandalo esse solliciti, tametsi sint ut duces ac doctores populi. Nam  
\* *cæci sunt*, qui non intelligunt apertissimam veritatem: \* & *duces*  
*cæcorum*, id est, qui tamen se duces seu doctores cæcorum profiten-  
tur.

eur. Quo notat eam statem illam, sui ipsius ignaram, ex superbia & obstinata malignitate provenire; & ideo scandalum talium, ex veritate sumptum, potius esse permittendum, quam veritas relinquatur, ut Greg. Hom. 7. in Ezech. Sed quia etiam discipuli illis verbis, *Non quod intrat in os, &c.* turbati fuerant, eo quod viderentur esse contraria doctrinæ Legis atque traditionis, quam à puero imbibebant: unde & clarissima verbatamquam \* *parabolam*, id est, sermonem parabolicum & figuratum, explicari petunt, putantes eum, ut solet, obscuritate parabolæ aliquid significare voluisse, inquit Aug. ibi contra Faust. c. 13. Hinc Salvator eorum scandalum tanquam infirmorum non contemnit, sed rationem reddit, cum aliqua tarditatis increpatione.

17. \* *Non, Græcè ὀπίσθον, nondum, intelligitis, tamdiu scilicet de vera sanctitate & pollutione à me instructi, quia omne, quod in os intrat, in ventrem vadit?* Supple, ut Marcus addit, *Et non intrat in cor ejus; & consequenter cor seu animam non potest coinquinare, & in secessum emittitur?* Quo significat, si quid sordium aut immunditiæ fortassis esset in cibo, hoc ipsum velut fœces secerni, reliquæ in corpore puriori substantiæ. Unde Marcus ait, *Purgans omnes escas*, id est, hac sui emissionem separans fœces & immunditias ab eo, quod mundum remanet. Et ita evanescit argutula quorundam & antiqua calumnia, arguentium, olim Christum velut ignarum Physicæ, quia non totum emittitur in secessum.

18. \* *Quæ autem procedunt de ore.* Marcus, *quæ de homine exeunt*, seu proficiuntur, veluti cogitationes, verba, facta, quorum singulorum mox exempla profert, \* *de corde exeunt*, id est, ex animo seu affectu, & libero arbitrio hominis proficiuntur, veluti cardine & fonte omnis coinquinationis & sanctitatis: & idcirco \* *ea coinquinant*, seu coinquinare possunt \* *hominem*, sicut & sanctificare.

21. \* *Et egressus inde*, ex terra Genesar, \* *secessit in partes Tyri & Sidonis*, id est, in territorium Phœnicie, non prædicandi causâ, sed partim latendi, & ita quiescendi causâ, ut indicat Marc. 7. v. 24. partim istâ secessione præludium & figuram editurus, quod Apostolis ad Gentes esset transeundum, cum à Judæis repellerentur. Tyrus enim & Sidon nunquam in Hebræorum potestatem venerant. Et hinc est, quod inde egressa est

22. \* *Mulier Chananaea*, Marcus vocat *Syrophenicam*, id est, ex Phœnicia Syriæ: nam erat & alia Phœnicia in Libya, de qua Plinius l. 5. c. 4. *Chananaea* dicitur, quia ex stirpe Chanaan, cujus Sidon erat primogenitus, Gen. 10. v. 15. Unde tribus Ascr, cum non delevisset Sido-

15. Respondens autem Petrus dixit: Edissere nos parabolam istam.

16. At ille dixit: adhuc & vos sine intellectu estis.

17. Non intelligitis, quia omne, quod in os intrat in ventrem vadit, & in secessum emittitur.

18. Quæ autem procedunt de ore de corde exeunt, & ea coinquinant hominem:

19. De corde enim exeunt cogitationes malæ, homicidia, adulteria, fornicationes, furta, falsæ testimonii, blasphemia.

20. Hæc sunt, quæ coinquinant hominem: non lotus autem manibus manducare non coinquinat hominem:

21. Et egressus inde Jesus secessit in partes Tyri & Sidonis.

22. Et ecce mulier Chananaea à finibus illis egressa clamavit, dicens ei: Miserere mei Domine fili David: filia mea male à demonio vexatur.



Sidonios, dicitur habitasse in medio Chananæi, Judic. 1. v. 31. 32.

\* *Clamavit, dicens ei: Miserere mei, fili David*, ille scilicet Davidi promississe, & à Judæis expectate, id est, Messia. Celebritas enim famæ & expectationis ejus ad Gentes vicinas videtur permanasse.

23. Qui non respondit ei verbum. Et accedentes discipuli ejus rogabant eum dicentes: dimitte eam: quia clamat post nos.

23. \* *Qui non respondit ei verbum*, non de supercilio Pharisaico, sed partim ut fidem ejus, & constantiam patefaceret, partim ut ostenderet, precibus coactum se præstare quod præstitit, ne alioquin sibi videretur contrarius, quia Apostolos vetuerat abire in viam Gentium c. 11. v. 5. \* *Et accedentes discipuli ejus, rogabant eum, dicentes: Dimitte eam*, concedendo scilicet ei id, quod petit, sicut indicat responsum Christi, \* *quia clamat post nos*, id est, importuna est & dedecore nos afficit suis clamoribus. Ex quo patet hoc in via contigisse. Marcus tamen habet, *Intravit*, scilicet in domum. Sed nec Græcè nec Syriacè est, *intravit*, sed solum *venit*: vel si legas, *intravit*, intelligendum est domi fuisse silentio repulsam, & tamen ipso egresso clamasse in via, prout conciliat Aug. lib. 2. de conf. Evang. c. 49.

24. Ipse autem respondens ait: non sum missus nisi ad oves, quæ perierunt domus Israël.

25. At illa venit & adoravit eum dicens: Domine adjuva me.

24. \* *Ipse autem respondens, ait: Non sum missus nisi ad oves, quæ perierunt domus Israël*. Non quasi non esset Redemptor Gentium, sed quod primò missus sit ad Israël, & illis repellentibus ad Gentes, ut Hieron. vel potius, ut Aug. Tract. 31. in Joan. quòd non sit missus, ut præsentiam corporalem exhiberet, nisi solis Judæis, Gentes conversurus famâ suâ per Apostolos suos: hoc est, quòd non esset missus legatus in propria persona, nisi Israëlitis, quibus, & quorum Patribus promissus fuerat. Unde ab Apost. ad Rom. 13. v. 8. vocatur *minister circumcisionis*. Legationis autem istius functio erat, Evangelium docere; probatio, miracula facere; finis, oves perditas lucrifacere. Nihil istorum Gentibus communicavit, neque per se, neque etiam per Apostolos, nisi postquam à Judæis repulsus fuit: scilicet quasi per accidens, si rerum eventum spectes, etsi per se, si Providentiam, & finem Dei. Judæis proinde ex justitia, ratione promissionis; Gentibus ex misericordia, juxta doctrinam Apostoli, loco cit. Muliere verò adhuc instante respondit:

26. Qui respondens ait: non est bonum sumere panem filiorum & mittere canibus.

26. \* *Non est bonum*, id est, æquum aut congruum, \* *sumere panem filiorum*, id est, præripere panem, liberis enutriendis debitum, \* & *mittere*, seu projicere, \* *canibus*, Græcè *κυναις*, catellis, sicut paulò post. Per *Filios* itaque intelligit Judæos, quia præ omnibus Gentibus Deo curæ; qua de causa Israël *Filius Dei primogenitus* dicitur, Ex. 4. v. 22. Per *Canes* verò Gentiles, propter impudentem, & publicam idolatriam, ac spurcissimos mores. *Panem filiorum* vocat totam gratiam Evangelicam, in primisque miracula, tanquam Evangelii sui sigilla:

nam

nam propter doctrinæ confirmationem illa operatus est. Significat igitur illa, tanquam panem delicatorem, nondum deberi Gentibus, nisi postquam eum Judæi fastidiverint. Marcus enim dicit Christum dixisse, *Sine prius saturari filios*: quibus verbis spem aliquam mulieri aperuerat; & mox rationem adjicit, *Non est enim bonum &c.*

27. \* *At illa dixit: Etiam Domine*, id est, Ita est, ut dicis. \* *Nam & catelli edunt de micis, quæ cadunt &c.* Pro, *Nam &*, quod aliquam obscuritatem parit, Græcè est *καὶ γάρ*, Etenim, seu, Namque: q. d. Verum est, non debere præripi panem filiis, & dari canibus: etenim canes micas tantum è mensis dominorum lapsas comedunt. Quibus verbis & se catellam, & Judæos non tantum filios, sed & Dominos suos agnoscit. Præ modestia autem Christo inferendam relinquit conclusionem, scilicet non posse sibi filia suæ sanitatem veluti micam, obiter manibus excidentem, præ tantâ miraculorum majorum majestate, & abundantia in Judæos effusâ negari. Mira mulieris argutia, quâ circumventa & capta Dei Sapiencia exclamavit:

28. \* *O mulier, magna est fides tua*: de me scilicet ut Messia, de conditione populi Judaici & Gentilis, de miraculis: magna item, quia tot virtutibus sublimis, ferventi scilicet oratione, rarâ fiducia impetrandi, magnâ perseverantiâ in tot repulsis, extremâ humilitate, mirâ prudentiâ, summâ modestiâ. His Ecclesiæ Gentilium Fidem, patientiam, & humilitatem præfigurari notat Hieron. Observatione autem dignum est, nullius Fidem nisi Gentilium Christum admiratum fuisse, scilicet Centurionis, c. 8. v. 10. & hujus mulieris. Unde & uterque ægrotus, Christo absente, curatus est, quia ad Gentes Christus corpore non venit, ut Aug. q. 17. l. 1. quæst. Evang. Quod vero v. 30. dicitur Christus \* *curasse mutos, cacos, claudos, &c.* idem notat quæst. 18. significari, quodd Christus ægros omnibus animi morbis curet: *mutos* videlicet, qui non laudant Deum, aut non confitentur Fidem: *cacos*, qui non intelligunt, etiamsi obtemperent jubentibus: *sardos*, qui non obtemperant, etsi intelligant: *claudos ac debiles*, id est, infirmos, qui præcepta non plenè implent.

32. \* *Jesus autem convocatis discipulis*: tum ut cum illis consiliium de sequenti miraculo communicaret, tum ut confessionem eorum exprimeret, deesse panes in deserto, id est, adesse miraculi necessitatem, sine qua Deus ea non solet operari. Unde & istud non est operatus, nisi post triduum, quo perseverabant secum, & cum jam defecisset, si quid secum tulissent, ut manducarent. Discipuli enim adhuc ita rudes erant, ut in tanta miraculorum ejus abundantia nihil nisi creaturarum vires cogitarent. Quod autem ante ex quinque pa-

27. At illa dixit: Etiam Domine: nam & catelli edunt de micis quæ cadunt de mensa domino suo suorum.

28. Respondens Jesus, ait illi: O mulier, magna est fides tua: fiat tibi sicut vis. Et sanata est filia ejus ex illa hora.

29. Et cum transisset inde Jesus, venit secus Mare Galilee: & ascendens in montem, sedebat ibi.

30. Et accesserunt ad eum turbae multæ, habentes secum mutos, cacos, claudos, debiles & alios multos: & proiecerunt eos ad pedes ejus & curavit eos.

31. Ita ut turbæ mirarentur, videntes multos loquentes, claudos ambulantes: cacos videntes: & magnificabant Deum Israël.

32. Jesus autem convocatis discipulis suis, dixit: Misereor turbae, quia triduo jam perseverant mecum, & non habent quod manducent. & dimittere eos jejunos nolo, ne deficiant in via.

33. Et dicunt ei discipuli: unde ergo nobis in deserto panes tantos, ut saturemus turbam tantam?

34. Et ait illis Jesus: quorū habet is panes? At illi dixerunt septem, & paucos pisciculos.



35. Et præcepit turbæ, ut discumberent super terram.

36. Et accipiens septem panes, & pisces, & gratias agens, fregit, & dedit discipulis suis, & discipuli dederunt populo.

37. Et comedunt omnes, & saturati sunt. Et quod superfluum de fragmentis, tulit septem sportas plenas.

38. Erant autem qui manducaverunt, quatuor millia hominum extra parvulos & mulieres.

39. Et dimissa turba, ascendit in naviculam: & venit in fines Magedan.

1. Et accesserunt ad eum Pharisei & Sadducei tentantes: & rogarunt eum ut signum de cælo ostenderet eis.

2. At ille respondens, ait illis: factum vespere dicitis: Serenum erit, rubicundum est enim cælum;

3. Et mane: hodie tempestas, rubilat enim triste cælum.

4. Faciem ergo cæli dijudicare nōstis: signa autē temporum nō potestis scire? Generatio mala & adultera signum quærir: & signum nō dabitur ei, nisi signum Jonæ Prophetæ. Et relictis illis, abiit.

nibus quinque millia fataraverit, hic verò septem panibus quatuor tantum millia, significatum voluit, Deum perinde multos ex modico, ut paucos ex multo pascere. Hic septem sportæ, illic duodecim cophini supersunt: sive, quòd sportæ essent multo capaciores cophinis: sive, ut Chrysost. ne reliquiarum æqualitas miracula confunderet, & oblivionem induceret, hujusmodi discrimine indelebilem utriusque voluit memoriam conservare. Sed unde tot sportæ in deserto? Credibile est solum exprimi reliquiarum mensuram, etsi sportæ non adfuerint: nisi malis in sportis nonnullos ante vendidisse populo panes initio confluxus. Cætera in simili miraculo Joan. 6. dicturi sumus.

39. \* *Et venit in fines Magedan.* Marcus, in *partes Dalmanutha*. Unde Aug. lib. 2. de consensu Evang. c. 5. 1. putat esse diversa nomina unius loci: alii unum esse nomen urbis, aliud regionis: alii, & verius, esse duo loca contermina, ita ut qui in fines unius venerit, etiam venerit in fines alterius; sicut supra dicuntur *partes Tyri & Sidonis*. Sunt autem ultra mare Galilææ circa Gerasan, ut Hieronymus de locis Hebraicis.

## CAPUT DECIMUM SEXTUM.

1. \* **E**T accesserunt ad eum Pharisei & Sadducei: sectæ capitaliter inter se contrariæ, nisi ubi Christo resistendum est. Ita fit in Hæreticis sibi mutuo infestis, adversus Ecclesiam conspirantibus. Nam, ut Tertull. semper Christus inter duos latrones crucifigitur. De tentatione & signo de cælo & signo Jonæ Prophetæ vide dicta c. 12. v. 38. & 39. his enim eadem à Christo diversis occasionibus postulata & responsa sunt.

2. \* *At ille respondens, ait illis: Factum vespere, &c.* hoc est, ex vespertino cæli rubore colligitis serenitatem sequentis diei; ex matutino tempestatem pluviarum aut ventorum. Nam pro, *rutilat, & rubicundum est*, Græcè est idem verbum *ῥυφάζει*, id est, *rubet, igneum est*.

4. \* *Faciem ergo cæli dijudicare nōstis:* ita scilicet, ut discernatis signa quamvis fallacia serenitatis & pluviae, & illis quamvis incertis nihil amplius requiritis: \* *Signa autem temporum nō potestis scire?* id est, Et nō potestis discernere signa temporum promissorum de adventu Messiae, plurima, infa libilibus prophetiis consignata, & jam rebus ipsis impleta? Hæc enim signa sunt, præter ablationem sceptri Judaici, impletionem hebdomarum Daniëlis, aliasque prophetias, in primis tanta vis miraculorum exhibitorum. Hoc enim signum Christus ipse discipulis Joannis ex Isaia dedit supra c. 11. v. 5. Hoc ergo argumento Christus conclusum relinquit, accusandam potius esse eorum sive negligentiam in observandis rei tam necessariæ signis, sive tarditatem

tatem in intelligendis, siue malitiam in calumniandis, & superflue eos alia signa de cælo quærere. Itaque non aliud dandum esse nisi signum Jonæ, de quo supra.

5. \* *Et cum venissent Discipuli trans fretum*: id est, cum venirent seu irent trans fretum. Ita Græcum ἐκδοίτες exponi potest: nam ea, quæ sequuntur, in ipsa navi, seu cum navigarent trans fretum, dicta sunt, ut patet ex Marco c. 8. v. 14. \* *Oblici sunt panes accipere*. Ex quo colligitur & consuetudo eorum accipiendi commeatum, eo quod Christus in desertis hæreret, & quàm exigua esset de corpore cura.

6. \* *Qui dixit illis: Intruemini & cavete*: q. d. Attendite & cavete, seu omni diligentia cavete vobis \* *à fermento Phariseorum*: quod Christus exponit, esse doctrinam eorum, v. 12. nempe quas ipsi fuerant commenti traditiones, & mandata hominum, divinis contraria, vel futilia, vel ad externam tantum pietatis pompam spectantia, quorum finis, hominibus potius probari, quàm Deo, de quibus initio Cap. xv. Et quia talis doctrina instar fermenti inflat hominem, & implet superbiâ atque hypocrisis, hinc est, quod Luc. 12. v. 1. dicitur, *Cavete à fermento Phariseorum, quod est hypocrisis*. \* *Et Sadduceorum*, qui dicunt non esse resurrectionem, neque Angelum, neque spiritum, Act. 23. v. 8. imò nec animam esse immortalem, ut Joseph. l. 18. Antiq. c. 2. Unde fermento illo in vitam transeunte ferinis inter se moribus erant, erga sui similes veluti adversus externos inhumani, ut idem scribit lib. 2. de bello Jud. c. 7. Quæ fortassis causa est, quod Marcus loco Sadduceorum dicat, *& à fermento Herodis*, eo quod sensus & vita ejus esset talis, & quod studeret impensè Sadducæis. Nam eos fuisse paucos quidem, sed ferè dignitate præcipuos, idem Josephus testis est.

7. \* *At illi cogitabant, intra se*. Græcum, διελογίζοντο ἐν ἑαυτοῖς trans-ferri potest disceptabant inter se: nam etiam verbis eos egisse indicat Marcus, nempe verisimiliter alter alteri culpam tribuebat. \* *Dicentes: Quia panes non accipimus*. Phrasis Græca, imò & Hebraica, in qua, quia, redundat. Sunt verba ex inopinato recordantium errorem suum ex verbis Christi, idque cum quadam sollicitudine, quid acturi essent. Nam Christi responsio taxat eos, partim de illa anxietate habendi cibi, dum eos vocat, \* *modice Fidei*, cum scilicet secum haberent eum, qui nuperrimè tam illustria divinæ Providentiæ miracula exhibuerat, in cujus proinde providentiæ Fide deberent esse securi: partim de tarditate intelligendi tam carnaliter metaphoram satis perspicuam,

12. \* *Venit autem Jesus in partes Cæsareæ Philippi*, id est, à Philippo, Herodis Magni filio, Tetrarcha Ituræ & Traconitidis, instructa ædificiis, & ab eo, in honorem Tiberii Cæsaris, Cæsareæ dicta est, ut Jo-

5. Et cum venissent discipuli ejus trans fretum, oblici sunt panes accipere.

6. Qui dixit illis: Intruemini, & cavete à fermento Phariseorum, & Sadduceorum.

7. At illi cogitabant intra se dicentes: quia panes non accipimus.

8. Sciens autem Jesus: dixit: quid cogitatis intra vos, modice fidei, quia panes non habetis?

9. Nondum intellegitis, neque recordamini quinque panum in quibus millia hominum, & quorū co- phinos sumpsistis?

10. Neque septem panum in quatuor millia hominum, & quorū sportas sumpsistis?

11. Quare non intelligitis, quia non de pane dixi vobis? Cavete à fermento Phariseorum, & Sadduceorum.

12. Tunc intellexerunt, quia non dixerat cavendum à fermento panum, sed à doctrina Phariseorum, & Sadduceorum.

13. Venit autem Jesus in partes Cæsareæ Philippi; & interrogabat discipulos suos: dicens: quæ dicunt homines esse Filium hominis?



seph. lib. 18. Antiq. c. 3. Olim dicebatur *Lefem* seu *Lais*, postea *Dan*, Josué 19. & Judic. 18. & *Dan* verso à Græcis in *Pan*, vocata est *Panaas*. Sita est autem ad radices montis Libani, ac terminus est terræ sanctæ ab Aquilone. Est & alia, quæ simpliciter *Cæsarea* dicitur, tamquam nobilior, Act. 21. v. 22. 23. &c. ab Herode Aſcalonita ita in honorem Augusti Cæsaris nominata. \* *Et interrogat discipulos suos*: non inanis gloriæ vel discendi studio, sed docendi veritatem, ut, qui cum unigenito Dei habitarent, tamquam simplicem hominem non contemnerent, inquit Cyril. Catechesi 11. \* *Quem dicunt homines esse Filium hominis?* id est, ut Luc. Quem me dicunt esse turbæ, seu vulgus, prout excludit primates populi & Apostolos. Loquitur autem in tertia persona de se, idque humili vocabulo, ne, inquit Hieron. jactanter de se quærere videretur.

14. At illi dixerunt: alii Joannem Baptistam, alii autem Eliam, alii verò Jeremiam, aut unum ex Prophetis.

14. \* *At illi dixerunt: Alii Joannem Baptistam*; cujus anima corpus occidum repetiverit. Fuit ista & Herodis sententia, suprâ c. 14. v. 2. propter vitæ scilicet innocentiam, & prædicationis similitudinem de pœnitentia agenda & regno cælorum. \* *Alii autem Eliam*: qui tamquam præcursor veri Messiæ, cujus tempus adesse suspicabantur, apparuerit, nempe propter personæ Christi severitatem, gravitatem, & miraculorum magnitudinem. \* *Alii vero Jeremiam*: propter libertatem increpandi Scribas & Phariseos, quæ in Christo, ut & Jeremia, singularis fuit. Et quia nulla istarum opinionum ultra propheticam dignitatem progredieretur, hinc ait:

15. Dicit illis Jesus: vos autem quem me esse dicitis?

15. \* *Vos autem*. Emphasim habet ista antithesis. \* *Vos*, inquit Chryf. qui mecum semper versantes, plura me fecisse vidistis, qui meo nomine complures virtutes ipsi quoque fecisti, \* *quem*, seu cujus auctoritatis ac dignitatis, \* *me esse dicitis?* Omnibus autem reticentibus,

16. Respondens Simon Petrus dixit: tu es Christus, filius Dei vivi.

16. \* *Respondens Simon Petrus, dixit*: tamquam ferventioris Fidei, quàm cæteri, ut Hieron. in c. 14. v. 28. tamquam os Apostolorum, & vertex consortii totius, ut Chrysost. hîc: tamquam Princeps Apostolorum, & summus Ecclesiæ præco, ut Cyrillus Catechesi 11. \* *Tu es Christus Filius Dei vivi*. Græcè longè efficacius singulis vocibus additur articulus, *Σὺ εἶ ὁ Χριστός, ὁ υἱὸς τοῦ Θεοῦ, τοῦ ζῶντος*, *Tu es ille Christus, ille Filius Dei, illius viventis*, id est, *Tu es ille singularis Christus, seu unctus, & verus Messias*; & quamvis hominem esse videamus, simul tamen es naturâ, non adoptione, ut cæteri Sancti, ille unicus Filius Dei, non cujuscumque, sed Dei viventis, cui propriè competit generatio: quo epitheto Deus verus à Diis gentium, Idolis aut mortuis hominibus distingui solet. Ex quo patet, quàm perfecta fuerit ista Petri confessio. Si qui enim Filium Dei vel Messiam antea confessi fuerant,

fueraut, non aliter hoc intelligebant quàm communi vulgî sensu, scilicet quòd esset Filius Dei adoptivus, ut alii Sancti, tametsi cæteris præcellentiôr, & Messias carnaliter Judæis magna cum gloria regnatus. Unde Christus tantæ confessioni vicem reddens, respondit :

17. \* *Beatus es*, propter istam tam sublimem tanti arcani confessionem, \* *Simon*, quod ei propriè erat nomen, \* *Bar-Jona*, quòd loco cognominis, q. d. *Fili Joannis*, ut est Joan. 21. nam *Bar* filium Syriacè significat, *Jona* contractum est ex *Jochanna*, Latine *Joannes* ut Hier. hîc. \* *Quia caro & sanguis non revelavit tibi*: id est, non homo quisquam carne & sanguine constans, non parentes, magistri, Scribæ, vel Pharisei, non tu ipse tuâ industriâ te hanc sententiam de me docuisti, \* *Sed Pater meus, qui in cælis est*, id est, sed Deus per gratiam tibi cælitus tantum secretum inspiravit, & ided. propter tantæ rei cognitionem beatus.

17. Respondens autem Jesus, dixit ei: beatus es Simon Bar Jona: quia caro & sanguis non revelavit tibi, sed Pater qui in cælis est.

18. \* *Et ego*, Græcè, *Ego autem*: q. d. Tu homo me Filium Dei dixisti, ego Filius Dei tibi rependo vicem, ac vicissim \* *dico*, non omnibus, sed \* *tibi*, soli; non casto sermone, sed quem effectus sequetur: \* *quia tu es Petrus*; id est, quod tu, sicut olim à me vocatus es, verissimè, non nomine solò, sed re ipsâ es petra, saxum, seu rupes: Græcè enim *πέτρος* & *πέτρα*, quod sequitur, idem prorsus significant. Sed quia de viro loquebatur, masculinè loqui maluit, deinde verò femininè, & usitatius, \* *& super hanc petram*. Ut nimirum sic istâ repetitione, & mutatione vocabuli, & verbis adjunctis, *edificabo Ecclesiam meam*, explicaret metaphoram, & mysterium nomine *Petri* contentum, quòd videlicet eum ita vocaverit, non propter sterilitatem, ut Lucæ 8. v. 6. vel alias aliquas causas, sed propter immobilem firmitatem, quâ instar rupis divinâ virtute solidandus erat, ut molem tantam superædificandam posset sustinere. Templâ siquidem; ædificia, atque urbes quibus metaphoris Ecclesia sæpè designatur in Scripturis, super petras seu rupes solidissimè, & libentiùs à sapientibus fundantur, ut pulchrè patet Matth. 7. v. 25. Itaque illud, *hanc*, non refert, neque referre potest sine aperta absurditate, vel Christum, vel Fidem, sed id, quod præcessit *Petrus* seu *Petra*. Christus enim Syriacè loquebatur, ubi *Petrus* & *Petra* eodem omnino modo vocantur *Cepha* seu *Cipho*. Et hinc est, quòd etiam nunc non solùm Syriaca, sed & aliæ pleræque celebres versiones, eodem nomine *Petra* invariato utantur in utroque loco, ut Hebraica tam Munsteri quàm Eliæ Hutteri, Arabica, & ut periti testantur, etiam Persica, Armenica, Ægyptia, Æthiopica, adde & Gallica. Hæc ergò verba statuunt Petrum *petram*; hoc est fundamentum, non primarium, non per se ac propriâ

18. Et ego dico tibi, quia tu es Petrus, & super hanc petram edificabo Ecclesiam meam; & portæ inferi non prævalerunt adversus eam.

autho-



authoritate, quod est Christus solus, sed secundarium, & ex commissiōe, respectu totius Ecclesiæ, ac ministerii Ecclesiastici. Hæc enim duo genera fundamentorum non repugnant, sicut nec Princeps & Vicarius ejus, sed optinè subordinata sunt: quemadmodum non repugnant id, quod Moyses dicit, Deuterom. 32. v. 12. quod Dominus solus Dux fuit populi Israël, & id, quod S. Stephanus, Actor. 7. v. 36. & seqq. quod Moyses eduxit illos. Quod ergo nonnulli Patres Fidem Petri seu confessionem Petri dicunt esse petram, super quam ædificata sit Ecclesia, verum est, locutione causali, non formali, nempe quia confessio ista causa fuit meritoria, cur formaliter super Petrum Ecclesia ædificaretur: quo modo dicit Hieron. Epist. 61. circa fin. super aquas non Petri corpus ambulasse, sed Fidem.

\* *Et porta inferi*, seu inferni, id est, universa potestas diaboli. Uritur autem nomine, *porta*, & *inferi*, quia civitatem diaboli civitati Dei opponit. Per *portas* metonymicè in Scripturis, tanquam per fortissimam ejus partem, significari solet ipsa civitas, ut patet Gen. 22. v. 17. & ibidem cap. 24. v. 60. & per *inferum* & *infernum* ipse incolæ inferni diabolus cum suis. Sub omni autem potestate diaboli comprehenditur etiam omnis hæretica machinatio, omnis vitiorum incurfatio, omnis persecutorum sævitia, quæ diaboli tanquam Principis, & authoris omnium istorum arma sunt. \* *Non prævalebunt adversus eam*, sive oppugnatam, ut eam superent; sive oppugnantem, ut illi resistant. Directè enim significatur Ecclesia tantam tractura firmitatem ex illa ædificatione super petram, ut semper diabolo invicta futura sit, ut Aug. lib. 1. de Symbolo c. 6. Pugnare enim Ecclesia potest, expugnari non potest. Indirectè verò indicatur eam etiam luctando victricem futuram: sicut enim Martyres moriendo superant, ita Ecclesia dirissima licet patiendo infernas leges & tartari portas, & omnis mortis claustra dissolvit, ut Hilar. Can. 16. Hæc ergo prima sententia comprehendit quidquid Petro potestatis Christus contulit. Sed quia breviter & obscurius dictum erat, explicat Christus clariùs alijs metaphoris sensum suum.

19. Et tibi dabo  
claves regni ca-  
lorum. Et quod-  
cunque ligaveris  
super terram, erit  
ligatum & in ca-  
lis: & quodcun-  
que solveris su-  
per terram, erit  
solutum & in ca-  
lis.

19. \* *Et tibi dabo claves regni calorum*. Per *claves* designatur suprema potestas & authoritas gubernandi, metaphorâ inde sumptâ, quod claves domus & civitatis penes illum sint, cujus est suprema gubernationis authoritas: in cujus signum Principibus, cum recipiuntur, traduntur urbium claves. Quæ summa potestas explicatur pulchrè Apoc. 3. v. 7. & Isa. 22. v. 20. 21. & 22. ubi destitutio Pontificis & institutio novi per claves describitur. Per *Regnum Calorum* intelli-

gitur

gitur Regnum Christi, seu Ecclesia : quam eo nomine maluit exprimere, ut sic intelligeret Petrus, potestatem sibi datam esse cælestem & spiritualem, quæ tota spectaret eò, ut homines præparentur & promoveantur in regnum cælorum. Non ergò promittitur his verbis sola potestas remittendi & retinendi peccata, vel concionandi, ut volunt Hæretici, sed omnis omnino potestas, quæ ad gubernationem regni Christi necessaria est, recipiendi, expellendi, præcipiendi, puniendi, remittendi peccata, retinendi, dispensandi, &c. Cujus potestatis actum valde generalem mox explicat aliâ metaphorâ, ut intelligamus non de clavibus naturalibus esse sermonem. \* *Et quodcumque ligaveris super terram* : q. d. Itaque hâc potestate instructus, quocumque vinculo tu, super terram existens, aliquem alligaveris, vel absolveris, hoc meo judicio in cælis ratum habebitur, ita ut ille verè ligatus & absolutus futurus sit. Quare illud, *super terram*, non ad vinculum seu ad hominem ligandum & absolvendum referri debet, quasi mortui absolvi nequeant : sed ad personam ligantem, vel actus ejus. Eleganti enim antithesi cæli & terræ, tamquam longissimè distantium, commendatur potestas Petro data, eo quòd servi, quo absunt longius, eo licentiùs agere possunt & solent. Porro vincula illa sunt imprimis peccata, quia funibus peccatorum quisque constringitur, Proverb. 5. item poenæ, de quibus potissimum Christus loquitur, Matth. 8. v. 18. *Quæcumque alligaveritis, &c.* præcepta ; *Alligant enim onera gravia, &c.* Matth. 23. v. 4. denique vota, jura-menta, & quæcumque obligationes, quibus homines impediuntur à regno cælorum, & à Christo in terris versante solverentur. Potestas enim ejusmodi ad rectam regni Christi administrationem necessaria est. Cùm verò Christus in mundum venerit peccatores salvos facere, 1. Tim. 1. neque ut judicet mundum, sed ut salvetur mundus per eum : hinc est, quod directè, & per se potestas ista est ad solvendum, per accidens ad ligandum, videlicet propter improbitatem quorundam. His igitur verbis secundum antiquorum Patrum concordem intelligentiam Christus Petrum Caput Ecclesiæ suæ, Vicarium scilicet suum, cum plenitudine potestatis instituit, &, ut Greg. loquitur l. 4. epist. 33. cura ei totius Ecclesiæ, & Principatûs, (seu primatûs) committitur. Simul enim ad consolationem bonorum, & improborum terrorem, ne sibi cum hominibus rem esse crederent, tantam utrisquæ de sententia in se lata certitudinem & securitatem adfert, ac si testis de cælo descenderet.

20. \* *Tunc præcepit ut nemini dicerent, quod ipse esset Jesus Christus.*

Græcè δὲ *χρῆστος*, ille *Christus*, ille scilicet Filius Dei vivi naturalis, id est,

20. Tunc præcepit discipulis suis ut nemini dicerent quia ipse esset Jesus Christus.





reprehensio. Nam quamvis amantis affectu, adversarius tamen erat Petrus voluntati Christi ac Dei, qui mortem ejus decreverat redimendo humano generi, quam ipse divini ignarus consilii impedire volebat, quod Christus significans addit: *\*scandalum es mihi*. Græcè *σκανδαλὸν μοι εἶ*, *scandalum meum es*, id est, quantum in te est, offendiculum & causam ruinæ mihi ponis revocando à Patris obedientia. *Scandalum* enim propriè est hujusmodi offendiculum, ad quod in via impingimus. Fontem autem erroris Petri aperiens, non satanicam scilicet malitiam, sed carnalem adhuc sensum, *\*quia non sapis ea quæ Dei sunt, sed ea quæ hominum*, id est, non divina, sed humana, quæ caro & sanguis suggerere solet, scilicet fugere passiones, ignominias, mortem, opprobria: cujusmodi tamen fuga sæpè divinæ Sapientię contraria est. Itaque cùm idem homo alternantibus affectibus nunc divina nunc humana sapere soleat, non mirum est, tam brevi intervallo Petrum illinc beatum, hinc satanam appellatum, ut notat Aug. serm. 13. de verb. Dom. Neque quidquam præjudicii hoc adfert primatui Petri, ut impudenter clamant Hæretici. Non enim tollit subito primatus Ecclesiasticus omnem carnalem sensum homini. Adde, ut Hieron. hinc notat, primatum Petro tunc non collatum sed promissum.

24. *\*Tunc*, postquam redarguisset alium carnalem Petri affectum, *\*dixit Jesus discipulis suis*; ut generaliter nos doceret omnes omninò similes affectus, quibus mortem & adversa horrescimus, esse superandos iis, qui sequi volunt Deum: *\*Si quis vult post me venire*, id est, discipulus, sectator, & imitator meus esse, *\*abneget semetipsam*. De moribus plerique intelligunt, ut Hieron. hinc & Greg. hoc sensu: suis affectibus valedicat, qui à voluntate Dei discrepant, exuendo scilicet veterem hominem, & induendo novum. Sed tam id, quod præcessit de morte Christi, quam Petrus impedire volebat, quàm ratio subjuncta v. 25. clamat magis de mortibus quàm de moribus agi. Itaque *abneget semetipsam*, id est, in periculis vitæ, & carnis afflictionibus ita afficiatur, quasi alius illa pateretur, nullam scilicet sui vitæque curam habeat. Quod Chrysost. Hom. 56. intelligi posse monet ex abnegatione aliorum, quos tunc abnegare dicimur, cùm eos negligimus, & eorum vitam pro nihilo ducimus. Hoc Luc. c. 9. vocat *abnegare animam suam*, ut distinguatur contra *abnegare patrem, matrem, &c.* & est aliquod supremum in vita spirituali, supponens abnegationem affectuum suorum: *\*Et tollat crucem suam*: quaslibet afflictiones sibi impositas, lubente animo suscipiat, & hanc ratione *\*sequatur me*, seu imitetur exemplum meum. Fit autem allusio ad

24. Tunc Jesus dixit discipulis suis: si quis vult post me venire, abneget semetipsum, & tollat crucem suam, & sequatur me.



crucem, quam erat portaturus, & in qua moriturus.

25. Qui enim voluerit animam suam salvam facere, perdet eam: qui autem perderit animam suam propter me, inveniet eam.

26. Quid enim prodest homini, si mundum universum lucretur, animam verò suam detrimentum patiatur? Aut quam dabit homo commutationem pro anima sua?

25. \* *Qui enim voluerit animam suam, seu seipsum salvam facere, crucem suam abjiciendo, perdet eam*: de quibus vide dicta cap. 10. v. 38. 39.

26. \* *Quid enim prodest homini, si universum mundum, id est, universa mundi bona, etiam longævam vitam, lucretur, in hoc sæculo, Animam verò suam detrimentum patiatur?* Scilicet in futuro sæculo, hoc est, ut Luc. 9. v. 25. exponit, se autem ipsum perdat, & detrimentum seu jacturam sui faciat? \* *Aut quam dabit homo commutationem pro anima sua?* id est, Quam compensationem seu pretium redemptionis dabit homo, etiam qui universum mundum obtinuerit, pro seipso semel perditio in alio sæculo? q.d. Nullam; damnum enim est irreparabile. Alludit autem ad belli vel judicii humani consuetudines, ubi raptus vel damnatus ad mortem pecuniæ magnitudine sæpè redimi potest & solet, hinc nequaquam.

27. Filius enim hominis venturus est in gloria Patris sui cum Angelis suis: & tunc reddet unicuique secundum opera ejus.

27. \* *Filius enim hominis, &c.* id est, non quilibet judex, qui corrumpi possit muneribus, sed \* *Filius hominis venturus est*, non in illa specie, & indigentia, & infirmitate, quâ nunc, sed \* *in gloria Patris sui*, quam scilicet cum Patre, sicut & essentiam, communem habet: neque cum paucis discipulis, sed \* *cum Angelis suis*, omnibus comitantibus, paratis scilicet ad videndam & exequendam vocem sermonum ejus. \* *Et tunc reddet unicuique secundum opera sua*, id est, cuique reddet justam mercedem, quæ operibus debetur, sive præmium bonis, sive supplicium malis: hoc est enim reddi *secundum opera*, id est, secundum meritum operum. Nam sicut mala propriè merentur supplicium, ita bona præmium: q.d. Nulla ratio tunc habebitur vel personarum, vel precum, vel munerum, vel cujusque commutationis, quibus cogitari possit, flectendum esse judicem, sed operum dumtaxat.

28. Amen dico vobis, sunt quidam de his stantibus, qui non gustabunt mortem, donec videant Filium hominis venientem in regno suo.

28. \* *Amen dico vobis*: Græcè apud Lucam est *ἀμὲν*, verè, \* *sunt quidam de his stantibus, &c.* id est, quidam astantium seu præsentium non morientur, \* *donec videant Filium hominis venientem in regno suo*, id est, donec videant meipsum oculis suis apparentem in ea gloria, & majestate, quâ in regno meo appariturus sum. Quod de die judicii, & de Joanne Evangelista citra mortem superstitite, quidam olim intellexerunt. Sed ab ipso Joanne satis refutatur cap. 21. v. 23. Alii satis verisimiliter de gloria resurrectionis ejus, quæ usque ad ascensionem omnibus discipulis manifestata est. Sed quia illud, *quidam*, paucorum discipulorum privilegium videtur indicare, & statim illis verbis subjungunt tres Evangelistæ transfigurationem ejus: hinc omnino veterior est omnium penè veterum sententia, Origen. Chrysof. Hilar.

Theo-

Theophyl. & Hieron. in hunc locum, quod gloriam transfigurationis quibusdam revelandam promittat : quam *regnum* vocat; quia regni sui futuri erat imago seu significatio, ut August. in vers. 9. c. 2. ad Galat. Unde Nazianzenus Orat. 51. Talis veniet, scilicet ad capescendum regnum suum, qualis in monte obiter monstratus est, divinitate carnem superante. His ergo verbis erigit discipulorum animos, de morte ejus contristatos, & gloriæ brevi futuræ promissâ manifestatione certos facit de eo, quod dixerat, se venturum judicem in gloria Patris, ut illâ spe erecti non vererentur tollere crucem suam &c. prout hoc notat Hilar. initio Can. 17.

CAPUT DECIMUMSEPTIMUM.

**I**Taque ut Christus promissum solveret, \* *post sex dies*, Lucas ait, *Iferè post dies octo* : ubi vel confusè tantum tempus notat, vel, ut alii hîc & August. lib. 2. de consensu Evang. cap. 56. Marth. solos dies intermedios computavit, Lucas simul extremos, id est, eum, quo Christus loquebatur, & eum, quo visionem exhibuit. \* *Assumpsit Petrum & Jacobum & Joannem*, tanquam præcipuos Apostolorum, cæterisque capaciores, quos idèò secretis maximis adhibere solebat. *Jacobus* autem iste non est frater Domini, Episcopus Jerosolymorum, Auctor Epistolæ Catholicæ, ut August. putavit, sed ille, qui dictus est *Major*, ab Herode occisus, quia Joannem vocat \* *fratrem ejus*. Tres assumit, ut in ore trium testium constaret rei tantæ testimonium; non omnes, ne res divulgaretur juxta vers. 9. \* *Et duxit illos in montem*, nempe ut oraret, juxta Luc. c. 9. in montibus enim Christus, ubi solitudo major, & cæli conspectus liberior, orare solitus fuit, ut Marci 6. v. 46. & Lucæ 6. v. 12. & rebus magnis orationem præmittere : \* *excelsum*, ut loci celsitudine majestas rei indicaretur : \* *seorsum*; tum ut tanta contemplatio esset à mundi tumultu liberior; tum quia nolebat eam quibuslibet etiam Apostolis innotescere. Mons iste, teste Hieron. epist. 27. ad Eustochium, fuit Thabor, Josepho Itaburius dictus, in media Galilæa, non procul à Nazareth. Quâ de causa peregrinatione etiam tum à Constantini temporibus & templo celebris fuit : ut sanè nova videri debeat suspicio cujusdam recentioris putantis esse Libanum. Nam quod Marcus dicit c. 9. v. 29. eos inde profectos & prætergressos Galilæam, nihil aliud significat quam transivisse Galilæam.

2. \* *Et transfiguratus est ante eos*, seu coram eis. Transfiguratio non fuit figuræ, sive faciei sive corporis mutatio, sed externæ tantum speciei, manente figurâ eâdem; quod clarius Lucas dixit, *Facta est*

1. Et post dies sex assumit Jesus Petrum & Jacobum, & Joannem fratrem ejus, & ducit illos in montem excelsum,

2. Et transfiguratus est ante eos, Et replevit facies ejus sicut sol : vestimenta autem ejus facta sunt alba sicut nix,



*species vultus ejus altera.* Et hîc ipse Matth. explicans transfigurationis modum : \* *Resplenduit facies ejus sicut Sol, &c.* fulgore illo tum ex insidente Dei majestate, tum ex animi beatitudine in faciem totumque corpus dimanante, sicut fiet omnibus Sanctis in cælo. Nam, ut Aug. epist. 56. ad Dioscorum, tam potenti naturâ Deus fecit animam, ut ex ejus plenissima beatitudine redundet etiam in inferiorem naturam, quod est corpus, plenitudo sanitatis, id est, incorruptionis vigor, sub qua omnes ejus dotes comprehendit. Itaque fulgor iste faciei ab intrinseco venit, non ab extrinseco, ut olim Moyfi. Nec tamen erat dos claritatis, quia erat passio transitoria, cùm dos significet stabilitatem, ut D. Thom. 3. p. q. 43. art. 2.

\* *Vestimenta ejus facta sunt alba sicut nix*, id est, albissima. Modum albedinis Lucas exprimit, *Factus est vestitus albus resurgens*, Græcè *ἐξαρπντων*, id est, *coruscans*, vel propriè *effulgurans*, seu *fulgur emittens*, quasi radiis ex corpore per vestimenta, veluti per rimas, aut nubem erumpentibus. Albedo igitur ista vestium non albedo propriè, sed luminis transparentis fulgor erat, qualis ferè est nubium, soli subjunctarum directè. Itaque sicuti nascendo subtilitatis, ambulando in fluctibus agilitatis, ita hîc claritatis corporis gloriosi aliquod specimen dedit, ut spem nostram firmaret, quod reformabit etiam corpus humilitatis nostræ, configuratum corpori claritatis suæ.

3. Et ecce apparuerunt illis  
Moyfes & Elias  
cum eo loquen-  
tes.

3. \* *Et ecce apparuerunt illis Moyfes & Elias* : uterque in vero & proprio suo corpore. Nec enim est ratio, cur aëreum fuisset Moyfis corpus, cùm eadem facilitate proprium ei reddi potuerit, neque fucum aliquem adesse tanto testimonio conveniret. Sed cur hi præ cæteris? Vera & à veteribus communiter notata causa est, Aug. serm. 69. de diversis, & aliis in hunc locum, ut per Moysem Lex, per Eliam Prophetæ significarentur; & utrosque in Christum tendere ac terminari, & ei testimonium perhibere doceremur. Alias alii peculiare addunt. Chryf. ut re ipsa refutarentur duæ falsæ opiniones: prima vulgi putantis Christum esse Eliam, aut aliquem ex antiquis Prophetis, quorum Princeps Moyfes: secunda Phariseorum, eum criminantium, tanquam prævaricatorem Legis, cujus tamen Moyfes erat lator & Elias zelator maximus. Ut Christus vitæ & mortis Dominum ostenderet, unum adducit vivum, alterum mortuum suscitavit; ut discipulis mansuetudo Moyfis & Eliæ zelus imprimeretur. \* *Cum eo loquentes.* Lucas rectiùs, dicebant excessum, seu exitum ejus, quem completurus erat in Jerusalem, id est, diserebant de passione & morte ejus, seu redemptione humani generis, tanquam scopo & complemento Legis ac Prophetarum, & antitypo-  
totius

fortius œconomix veteris Testamenti. Causæ esse poterant, ut sic Petrus & Apostoli mortem ejus horrere, & absurditate offendi desinerent. Addit idem Lucas, Petrum, & qui cum illo erant, gravatos fuisse somno, tempore scilicet orationis Christi, & antequam transfiguratus esset: nam, ut idem, cum evigilassent, viderunt majestatem ejus, & duos viros cum ipso. Itaque

4. \* *Respondens Petrus*, id est, in verba erumpens, seu loqui incipiens, prout *respondere* more Hebraico sæpè sumitur, \* *dixit ad Jesum: Domine, bonum est nos hic esse*, id est permanere, nempe propter spectaculi & voluptatis magnitudinem, quâ velut sui ipsius oblitus, & ebrius erat. Unde, ut felicitas illa sit perpetua, \* *faciamus hic tria tabernacula*, id est, tentoria ex frendibus, more Judaico, nempe ad retinendos Moysen & Eliam, jam parantes discessum, ut notat Luc. c. 9. v. 33. Forsan etiam manere omnes volebat ex horrore mortis Christi, de qua differebant. Uterque verò Marcus & Lucas annotant, eum nesciisse quid diceret. Puerile enim erat votum, tabernacula pro tam gloriosis requirere, neque consonum eorum colloquio de futura Christi morte. Causa inconsiderantiæ istius erat quædam consternatio animi & obtupefactio, quia Marcus ait, *Erant enim terrore exterriti*. Unde ut reipsa voti istius incongruentia ostenderetur,

5. \* *Adhuc eo loquente: Ecce nubes lucida, instar tabernaculi, obumbravit eos*: id est, velut umbra quædam texit tres illas personas gloriosas; partim ut splendorem nube temperatum, ferre possent; partim ut esset quasi sedes gloriosa divinæ majestatis, inde mox locuturæ. Sic enim & Christus in nube assumptus, & ad judicium venturus dicitur: & in veteri Testamento passim Dei majestas in ea loqui solebat, & apparere, tum in tabernaculo Moyse, tum in templo Salomoni; sed ibi tenebroso erat, hic lucida ad indicandam diversitatem status utriusque Testamenti. \* *Et ecce vox de nube*, velut ex throno Dei Patris. Facta est autem, cum jam intrassent Moyses & Elias in nubem, ac discessissent, adeoque, ut Lucas ait, jam solus esset Jesus; ut sic, quemadmodum Chrysost. observat, non esset dubium de Christo solo vocem intelligi: \* *Hic Jesus quem instar Solis fulgentem à Moyse & Prophetis agnitum, prophetatum, probatum vidistis, est Filius meus dilectus, in quo mihi bene complacui*, de quo diximus in cap. 3. sed hic additur, \* *ipsum audite*, scilicet loco omnis Legis & Prophetarum, quos ei velut officio suo functos, jam cedere vidistis. Alludit enim ad verba Moyse, jam impleta, Deut. 18. v. 15. *Prophetam de fratribus tuis suscitabit tibi Dominus, ipsum audies*, ei credendo, obediendo, serviendo, tanquam ipsi verbo & sapientiæ di-

3. Respondens autem Petrus, dixit ad Jesum: Domine, bonum est nos hic esse: si vis, faciamus hic tria tabernacula, tibi unum. Moyse unum, & Elia unum.

5. Adhuc eo loquente, ecce nubes lucida obumbravit eos. Et ecce vox de nube, dicens: hic est Filius meus dilectus, in quo mihi bene complacui: ipsum audite.



vinæ legiflatrici, quantumcunque ſcilicet ardua, & præceptis Legis contraria docere videatur.

6. Et audientes  
discipuli cecide-  
runt in faciem  
ſuam, & timue-  
runt valde.

6. \* *Et audientes discipuli*, vocem illam plenam divinæ majeſtatis; \* *cecidērunt in faciem ſuam*, tum veneratione, tum maximè conſtellatione quaſi exanimis, \* *& timuerunt valde*, id eſt, quia timuerunt valde. Pavor enim ex conſpecta gloria ſubortus, & eis intransitibus in nubem auctus, auditâ vocis illius magnificentiâ in tanta montis ſolitudine in terram eos proſtravit. Nam humana fragilitas conſpectum maioris gloriæ divinæ ferre non ſuſtinet, ut Hieronymus. Unde ſimile quid contingit Danieli c. 10. v. 8. & 9. & Joanni Apoc. 10. v. 17. Hinc ſicut in illis locis Angelus Daniele & Joanni, ita & hic Chriſtus

7. Et acceſſit  
Jeſus, & tetigit  
eos: dixitque eis:  
ſurgite & nolite  
timere.

8. Levantes au-  
tem oculos ſuos,  
neminem reſe-  
runt, niſi ſolum  
Jeſum.

9. Et deſcen-  
dentibus illis de  
monte, præcepit  
eis Jeſus, dicens:  
nemini dixeritis  
viſionem, donec  
Filius hominis à  
mortuis reſurgat.

7. \* *Tetigit eos*, ut non ſolâ voce ipsis notâ, ſed & tactu confirmaren-  
tur, diſcuſſo metu. Myſticè vultus, ut Sol, eſt lumen ipſius Evan-  
gelii; ſplendor veſtimentorum, mundatio Eccleſiæ; Moyſes &  
Elias, Lex & Prophetæ atteſtantes. Vide Aug. ſerm. 23. & latius  
69. de diverſis; prolixius & moraliter Orig. in Matth.

9. \* *Et deſcendentibus illis*, &c. Nemini dixeritis viſionem, non ſo-  
lùm populo, ut videtur Hieron. putare, ſed nec Apoſtoliſ cæteris;  
ſic enim eos hoc præceptum obſervare ſatis indicat Lucas. Cauſas  
prohibitionis adfert Hieron. tum ne incredibile eſſet pro rei magni-  
tudine; tum ne apud rudes animos poſt tantam gloriam crux ſubſe-  
quens ſcandalum crearet irreparabilius. Vide dicta in ſimili c. 16. v.  
20. \* *Donec Filius hominis à mortuis reſurgat*: tum enim & fidem &  
fructum inveniet iſtius rei opportuna prædicatio, miraculo glorioſæ  
reſurrectionis & aſcenſionis adjuta.

10. Et interro-  
gaverunt eum  
discipuli, dicen-  
tes: quid ergo  
Scribæ dicunt  
quod Eliam o-  
porteat primum  
venire?

10. \* *Et interrogaverunt eum discipuli*, inter deſcendendum ex  
monte: \* *Quid ergo Scribæ*, ſeu Legis periti, \* *dicunt, quod Eliam  
oporteat primum venire?* Nempe ante adventum Chriſti. Cauſa quæ-  
ſtionis fuit, quòd Elias jam diſceſſiſſet, & quòd Chriſtus ipſe fe-  
ciſſet mentionem de reſurrectione ex mortuis: unde Marcus ait,  
eos de hoc Chriſti dicto conquiſiſſe, & mox ſubjungit hanc interro-  
gationem. Senſus eſt ergò juxta Chryſoſt. Hom. 53. Cùm tu ſis  
Chriſtus, & brevi te mortuarum dicas, quid eſt quod Scribæ dicunt  
Eliam, qui jam diſceſſit, oportere primum venire quàm Chriſtum,  
ut convertat cor filiorum ad patres, & inde concludunt te non eſſe  
habendum Chriſtum? Diſtinctione duplicis adventûs & duplicis  
Eliæ ſolvit hoc Chriſtus reſpondendo:

11. At ille reſ-  
pondens, ait eis:  
Eſus quidem  
venturus eſt, &  
reſtituet omnia.

11. \* *Elias quidem venturus eſt*, Græcè ἐρχεται, venit, in præſenti,  
id eſt, venire debet. Additur autem Græcè & Syriacè, *primum*, id  
eſt, præcedet me: q. d. Omnino verum eſt, quod Scribæ dicunt de

Elia venturo. \* *Et restituet*, seu restaurabit \* *omnia*, reducendo scilicet reliquias Israël ad Fidem, & Gentilium plenitudini uniendo. Est enim periphrasis ejus, quod Malachias dicit c. 4. v. ult. *Et convertet cor filiorum ad patres, quia gentilium patres Judei.* Atque ita de vero Elia & secundo adventu locus iste intelligitur, juxta communem intelligentiam antiquorum, Aug. quæst. Evang. l. 1. q. 21. Hieron. Chrysof. & discipulorum ejus, & Hilarii in hunc locum.

12. \* *Dico autem vobis*: q. d. Et quia Scribæ tantopere Eliam inculcant, ne quis offendatur, quod præsentem adventum meum Elias non præcessisse videatur, \* *dico vobis, quia Elias jam venit*, id est, quod ille, qui hunc meum adventum præcedere debet, juxta Malach. c. 3. v. 5. *jam venit*, jam est functus suo officio. Joannem Baptistam intelligit, quem vocat Eliam, quia, ut Angelus dixit Luc. 1. *in spiritu, & virtute Elie præcessit*, hoc est propter officii similitudinem, prædicandi scilicet poenitentiam, & revocandi tribus Jacob ad Deum, & præcurrendi Christum. \* *Et non cognoverunt eum*: id est, sed noluerunt agnoscere, ipsum esse alterum Eliam, & prænuntium Christi.

Totus igitur error Scribarum in eo situs erat, quod illos duos adventus non distinguerent, sicut Christus distinguit hic, & proinde duos Elias non agnoscerent. Hæretici nostri è contrario ita Joannem Eliam esse volunt, ut veri Eliæ adventum negent, contra sensum unanimem totius antiquitatis, & apertissima verba Malachiæ, quæ ne quis ad Joannem detorqueret, evidentissimè loquitur de secundo adventu, & Eliam Prophetam vocat, prout ista ponderat Chrysof. De Lumatico dicemus Marci 9. ubi accuratius narratur.

18. \* *Tunc acceperunt discipuli ad Jesum secretò*, Græcè *κατ' ἰδίαν*, privatim & seorsim à publico, verentes scilicet, ne quâ suâ culpâ potestatem patrândi miracula amississent. Unde causam Christus eis profert, \* *incredulitatem*, id est, fidei imperfectionem, quæ minor in eis erat, quam Apostolos, tandiu cum ipso versatos habere oportebat, & ad talem sanationem erat necessarium: qua de causa toties eos vocat pusillæ & modicæ fidei. Eandem incredulitatem reprehenderat palam in parente pueri, & Judæis, v. 16. sed hic seorsim in Apostolis, ut eorum auctoritati consuleret. Porro fides hæc patratrice miraculorum fiduciam adjunctam habet, quasi fides per fiduciam operans. Complectitur enim magnam firmitatem persuasionis de Dei omnipotentia, & immobilem fiduciam impetrandi: quarum utramque Deus inspirat etiam nonnullis improbis sine vera charitate. Itaque

19. \* *Si habueritis fidem sicut granum sinapis*. Comparatio fit simulatione quantitatis minimæ, & virtutis maximæ. Unde Apostolus, ad hunc

12. Dico autem vobis, quia Elias jam venit, & non cognoverunt eum, sed fecerunt in eo quæcumque voluerunt. Sic & Filius hominis palam surus est ab eis.

13. Tunc intellexerunt discipuli, quia de Joanne Baptista dixisset eis.

14. Et cum venisset ad turbam, accessit ad eum, homo genibus provolutus ante eum, dicens: Domine, miserere filio meo, quia lunaticus est, & male patitur: nam sæpe cadit in ignem, & crebro in aquam.

15. Et obtulit eum discipulis tuis, & non potuerunt curare eum.

16. Respondens autem Jesus, ait: O generatio incredula, & perversa, quousque ero vobiscum? usquequo pariet vos? Aferite huc illum ad me.

17. Et increpavit illum Jesus, & exiit ab eo demonium, & curatus est puer ex illa hora.

18. Tunc acceperunt discipuli ad Jesum secreto, & dixerunt: quare nos non posuimus ejicere illum?

19. Dixit illis Jesus, propter incredulitatem vestram. Amen quippe dico vobis, si habueritis fidem sicut granum sinapis, & ceteris montibus huic, transi hinc: illuc, & transibit, & nihil impossibile erit vobis.



hunc locum alludens, talem fidem vocat *omnem fidem*, id est, integerrimam, plenissimam, *ita ut montes transferam*, 1. Cor. 13. v. 2. Itaque fides, sicut granum sinapis, est minima quidem specie, humilis absque ostentatione, sed viva, acris vehemens, fervida, efficax. Quid humilior, quid vehementius, quid ferventius? inquit Aug. explicans granum sinapi, tract. 40. in Joan. \* *dicetis monti huic*, id est, dicere & jubere poteritis, ut mons iste transeat de loco in locum, & fiet: multo ergo magis dæmones. Adfert hoc exemplum, tanquam rei humano judicio impossibilis, longèque difficilioris, quàm sit ejectio dæmonum. Fecit hoc ad litteram Gregor. Thaumaturgus, & alii nonnulli, & ipsi Apostoli etiam forsan antè, cum suscitarent mortuos, facere potuissent: sed fides hominis etiam iusti, & fiducia non semper æquè vigent, ut annotat hîc Chrysost. & in Moyse patuit, Numer. 20. v. 12. Per *montem* hîc intelligunt Hieron. Ambros. & subinde Aug. ipsum diabolum. propter superbiam; sed sensus videtur mysticus. \* *Et nihil impossibile erit vobis*, tali fide credentibus, cum scilicet Dei gloria aut hominum salus postulaverit. Fides enim huiusmodi à sapientia divinitus infusa regitur, non autem à circulatoria hominibus placendi aut ostentandi se cupiditate. Quæ causa fuit, cur Pharisæis, Herodis, & similibus curiosis Christus etiam postulantes signum non exhibuerit.

20. Hoc autem genus non ejicitur nisi per orationem, & jejunium.

21. Conversantibus autem eis in Galilæa, dixit illis Jesus: Filius hominis tradendus est in manus hominum:

22. Et occidetur, & tertia die resurget. Et contristati sunt vehementer.

23. Et cum venissent Capharnaum, accesserunt qui didrachma accipiebant, ad Petrum, & dixerunt ei: Magister vester non solvit didrachma?

20. \* *Hoc autem genus*, dæmoniorum, nempe ferocissimorum & obstinatissimorum ab infantia possidentium, ita ut eorum possessio in naturam quodammodo hominis conversa videatur, \* *non ejicitur nisi per orationem, & jejunium*, quæ fidei supradictæ conjungantur, quia talis fides dicat, ut pro rei gravitate subsidium ardentis orationis & jejunii adhibeatur. Nam jejunio mens averfa à delitiis corporalibus spiritui subditur; oratione sublevatur in Deum, & ita naturæ spirituali divinæ fit propinquior, gravior, & idonea, quæ spiritibus immundis domineatur: sicut contra per crapulam & mentis igraviam iis subjicitur. Indicat ergo Christus, non eis fidem illam tantummodò, sed & alia duo media ejiciendo dæmoni necessaria, defuisse, orationem & jejunium.

Porrò cum Christus ex Galilæa, ubi omnia superiora gesta sunt, iter institueret in Jerosolymam, \* *acceserunt ad Petrum*, tanquam discipulorum præcipuum (non enim audebant à magistro propter auctoritatem tale aliquid petere) \* *qui didrachma accipiebant*, Græcè pluraliter *τὰ δισσάχνα*, à singulari *didrachmum*, quod propriè, ut nomen sonat, est pondus duarum drachmarum, sicut *tetradrachmum* quatuor drachmarum. Transfertur autem ad nummum pondere didrachmi

cusum,

cusum, sive aureum sive argenteum; hic verò intelligitur nummus argenteus. Porro octo drachmæ faciunt unciam, quatuor dimidiam: & hoc erat pondus sicli, ut testis est Josephus l. 3. Antiq. c. 9. & Hier. in c. 24. Tradit. Hebraic. in Genesin. Itaque didrachmum erat medius siclus, seu medius stater, valens duos circiter Regales Hispanicos, hoc est decem circiter stuferos nostrates, & vocabatur vulgò Denarius vel Argenteus, scilicet major: nam minor argenteus non valebat nisi unam drachmam, seu Regalem Hispanicum, id est, quinque circiter stuferos. Theophyl. & Chrysost. putant hoc didrachmum petiitum fuisse à Christo, ut primogenito ex lege: sed hoc pretium erat quinque siclorum, Num. 18. v. 16. & solvendum semel tantum, idque post mensem à nativitate. Hilarius & nonnulli recentiores putant esse didrachmum seu dimidium siclum, qui quotannis solvebatur capitativa in usum Templi, 2. Paral. 24. v. 5. & 9. constitutum in casu numerationis populi à Moyse, Exodi 3. v. 12. & 13. Unde Joseph. l. 6. de bello Jud. c. 26. testatur, Vespasianum illud pretium duarum drachmarum indixisse Judæis, ubique locorum degentibus, quod ante solvebant templo pendere. Sed quia v. 24. clarè indicat, fuisse indictum à Regibus, nempe Romanis, utiturque Græcè voce *χρῆσος*, *Census*, quæ similiter Romana est, verosimilius videtur id, quod sentit hic Hieron. fuisse censum à Romanis impositum, ad similitudinem census illius Judaici. Unde & c. 22. v. 19. offertur Christo numisma census Cæsarei, denarius scilicet major jam dictus. An primò ab Augusto impositum fuerit, cum describeretur universus orbis, an verò ante eum à Pompejo, qui Jerosolymam fecit tributariam, juxta Josephum l. 14. antiq. c. 8. non constat. Itaque exatores rogant Petrum, sive simulatè, ut viderent, num resisteret Cæsari, sive simpliciter, \* *magister vester non solvit didrachma*, id est, non solet solvere: an verò est exemptus beneficio Principis?

24. \* *Ait: etiam*, id est, solet solvere: quod dixit vel præsumendo de Christi voluntate, vel conscius solutionis præcedentium annorum. Christus autem \* *prævenit eum*: ut hoc ipso facto se cogitationum ejus & actionum conscius, & consequenter Deum à tributis immunem probaret; dicens, \* *Reges terra à quilus accipiunt tributum vel censum? A filiis suis?* scilicet naturalibus, quos ex seipsis genuerunt; \* *An ab alienis?* Id est, aliis subditis, qui non sint nati ex Regibus, ut exponit Chrysost. Illo respondente,

25. \* *Ab alienis*; infert Christus, & simul confirmat, \* *Ergo liberi sunt filii*, id est, immunes à vectigali solvendo patribus suis, cum potius Reges recondant tributa pro filiis suis. Relinquit Petro colligendum;

24. *Ait: etiam*;  
Et cum intrasset  
in domum, præ-  
venit eum Jesus,  
dicens: quid tibi  
videtur Simon?  
Reges terre à quibus  
accipiunt tributum  
vel censum? A filiis  
suis, an ab alienis?

25. Et ille dixit:  
ab alienis. Dixit  
illi Jesus: ergo  
liberi sunt filii



dum, à minori ad majus, ut Aug. lib. 1. quæst. Evang. ergò multò magis ego, qui Regis Regum filius naturalis sum, à tributis liber sum. Hoc igitur argumentum directè non concludit, nisi pro solo Christo: pro Petro verò & discipulis non nisi indirectè, nempe quia filii Regis familiares erant ac domestici, qui etiam liberi esse solent; pro omnibus autem Christianis nullo modo.

26. Ut autem non scandalizemus eos, id est, offendiculo simus, causam præbendo malè sentiendi de nobis, & loquendi, irascendi, & rixandi. Scandalum hoc futurum fuisse videtur, non tantum acceptum, ut putat Maldonatus, sed datum, ut ipsa verba indicant. Publicanis enim non constabat causa libertatis, filiatio Dei. Docemur ergò scandalum vitandi causâ, etiam temporalium jacturam esse faciendam, etsi cedendum juri nostro. \* *Invenies staterem*, qui, ut Hieronymus hic, duo continet didrachma, hoc est, ut idem in cap. 4. Ezech. *staterem*, qui idem est, quod siclus, continens drachmas quatuor, & proinde pretium erat census pro duobus. Alterum divinitatis & libertatis suæ specimen dat, sive præscientiæ de statere in ore pilcis, sive potius potentæ creandi illum, & adducendi ad hamum. Utrumque notat Hieron. \* *Da eis pro me & te*, tanquam interpellato à Publicanis hac de re, & familiæ capite. De cæteris nihil addit, vel quia non aderant, vel relinquens intelligendum, ordinario modo ex loculis vel subministrantium eleëmofynis esse solvendum.

26. Ut autem non scandalizemus eos, id est, offendiculo simus, causam præbendo malè sentiendi de nobis, & loquendi, irascendi, & rixandi. Scandalum hoc futurum fuisse videtur, non tantum acceptum, ut putat Maldonatus, sed datum, ut ipsa verba indicant. Publicanis enim non constabat causa libertatis, filiatio Dei. Docemur ergò scandalum vitandi causâ, etiam temporalium jacturam esse faciendam, etsi cedendum juri nostro. \* *Invenies staterem*, qui, ut Hieronymus hic, duo continet didrachma, hoc est, ut idem in cap. 4. Ezech. *staterem*, qui idem est, quod siclus, continens drachmas quatuor, & proinde pretium erat census pro duobus. Alterum divinitatis & libertatis suæ specimen dat, sive præscientiæ de statere in ore pilcis, sive potius potentæ creandi illum, & adducendi ad hamum. Utrumque notat Hieron. \* *Da eis pro me & te*, tanquam interpellato à Publicanis hac de re, & familiæ capite. De cæteris nihil addit, vel quia non aderant, vel relinquens intelligendum, ordinario modo ex loculis vel subministrantium eleëmofynis esse solvendum.

## CAPUT DECIMUM OCTAVUM.

1. In illa hora  
acceserunt disci-  
puli ad Jesum, di-  
centes: quis, pu-  
tas, major est in  
regno calorum?

1. \* *In illa hora*, seu tempore, \* *acceserunt discipuli ad Jesum*, nempe vocati ab eo, cum esset domi in Capharnaï, & interrogati ab ipso, quid in via tractavissent; ibi enim de primatu contenderant. Videntes verò cogitationes suas esse detectas, verecundiæ causâ sub alia persona proponunt quæstionem. \* *Quis putas major*: Græcè *τις ὄψα*, quisnam, vel, quis tandem (nam, putas, usurpatur pro expletivo) erit maximus dignitate, auctoritate, honore proximus Regi Christo futurus \* *in regno calorum*, quod à te explicatur, & à nobis creditur esse propinquum & præ foribus? Occasionem sumpserat ista ambigua contentio in via, & hæc quæstio ex eo, quod dixerat cap. superiori v. 23. se moriturum, & tertiâ die resurrecturum. Nam eodè prorsus modo c. 20. v. 21. filii Zebedæi, auditâ mentione resurrectionis ejus, petunt claudere latus dexterum & sinistrum Christi in regno ejus. Et Lucæ 22. cum v. 16. & 22. intellexissent traditionem Christi, & regnum instare, mox v. 24. cæperunt contendere, quis esset major. Valde enim carnaliter videntur de isto regno, &

Rege,

Rege, & dignitatibus, & præfecturis ejus more scilicet terrenorum regnorum cogitasse. Emulationis autem causa erat, quòd alii essent Christo carne propinquiores, alii vocatione priores, alii ætate, alii eruditione majores, alii in secretis familiariores: denique quòd Petrus cæteris per clavium promissionem & nuperrimè per tributi solutionem insolitam præferri videretur, ut notat Chrysost. & Hieron.

2. \* *Et advocans Jesus parvulum*, non tam staturâ, quàm ætate. Græcè *παῖδιον*, quod *puerulum* significat, qualis videlicet jam advocari & accurrere posset. Unde & Marcus addit, quòd Christus eum complexus sit, Græcè in ulnas suscepit, *λαβὼν παῖδιον*, quod parvulis fieri solet. \* *Statuit eum in medio eorum*, ut oculi omnium in eum figerentur. Nempe docere voluit, non verbis tantùm, sed rebus ipsis, more Prophetarum, ut saluberrima humilitatis doctrina altius eorum animis imprimetur.

2. Et advocans  
Jesus parvulum,  
statuit eum in  
medio eorum.

3. \* *Et dixit: Amen dico vobis, nisi conversi fueritis*, ab ista ambitiosa primatûs, honorisque intentione ac desiderio, \* *& efficiamini*, animi proposito, \* *sicut parvuli sunt*, staturâ, ætate, indole, nempe simplicitate, animi innocentia & humilitate; sic enim Christus ipse mox explicat v. 4. Non ergò in omnibus nos vult imitari parvulos; habent enim & magnam insipientiam, & alia vitia: sed in eo, quod mirificè sint modesti, simplices, candidi, & omni ambitione, fastu, atque invidia alieni. Nullis se præferunt, omnibus cedunt, de aliis magna, de se parva æstimant. Plura addit Hilar. Patrem sequuntur, matrem amant, velle malum nesciunt, curam opum negligunt, non inolescunt, non oderunt, non mentiuntur, dictis credunt, & quod audiunt, verum putant. Vera hæc, sed plerique non videntur hîc à Christo spectari.

\* *Non intrabitis in regnum calorum*: id est, non primi sed nulli in eo eritis, quia non intrabit in illud aliquid coinquinatum, Apoc. 21, v. ult. Non ergò significat mortali delicto illos adstrictos esse, sed ab illa primatus emulatione velut vitio corrigi omninò oportere.

4. \* *Quicumque ergo humiliaverit*, non caput, genua, verba, vestes; hoc enim & hypocritæ præstant: sed \* *se*, cor scilicet atque animum, ex quo verè quisque æstimandus est esse id, quod est, \* *sicut parvulus iste*, scilicet est minimus, seu humillimus, tum corpore, tum animo, ab omni scilicet fastu, superbiâ, & prærogativæ appetentiâ alienissimus: hoc est, quicumque igitur fuerit perfectè humilis, instar parvuli, qui totâ constitutione corporis & animi, perfectæ humilitatis seu parvitatís exemplar est. \* *Hic major est in regno calorum*, id est, maximus: q. d. ille erit ibi maximus, qui hic minimus.

4. Quicumque  
ergo humiliave-  
rit se sicut parvulus iste, hic est  
major in regno  
calorum.

5. \* *Et qui suscepit*, hospitio scilicet, quo tamen uno humilitatis

5. Et qui suscep-  
perit unum par-  
vulum talem in  
nomine meo, me  
suscepit.



officio omne beneficentiæ genus significatur : \* *unum parvulum talem*, qui videlicet se hic humiliaverit, sicut parvulus. Magis enim loquitur de figuratis per parvulos, quam de figura, seu de ipsis parvulis, ut patet ex antithesi versus seq. \* *In nomine meo*, id est, meâ causâ, quia meus est, & propter me exinanitus. \* *Me suscepit*, id est, tanti facio, ac si in ipsum susceperet, & ita remunerabor, quia mihi sunt simillimi.

6. Qui autem scandalizaverit unum de pusillis istis, qui in me credunt, expedit ei ut suspendatur mola asinaria in collo ejus, & demergatur in profundum maris.

6. \* *Qui autem scandalizaverit*. Scandalizare non est idem quod contemnere, ut vult Chrysost. & Theophyl. sed propriè & generaliter offendiculum ponere in via justitiæ : seu causam perditionis dare, ut patet ex sequentibus. Quod, quamvis maximè fieri soleat contemptu, ut insinuat vers. decimus, sit tamen multis etiam aliis modis, erroneâ doctrinâ, vi, suasionem, exemplo. \* *Unum de pusillis istis*. Non ætate parvulos intelligit, quia sequitur, \* *qui in me credunt*; nam illi neque credunt, neque scandalizantur: sed humiles intelligit, qui per tales parvulos significantur. \* *Expedit ei, ut suspendatur mola asinaria*: supple, *Quam ut scandalizet unum de pusillis istis*, prout supplet Lucas 17. v. 2. *Mola asinaria* dicitur lapis molaris prægrandis, qui ab asino circumagitur, ut Hilar. c. 18. ad differentiam molæ levioris trusatilis. Nam quod aliqui volunt, significatum esse lapidem inferiorem, qui Græcè *ovos* dicitur, minus verisimile est, eo quod in Syriaco sermone, quo Christus loquebatur, non sit illa nominis proprietas. Itaque horribili illo supplicio, quod, ut Hieron. apud veteres Judæos majorum criminum pœna fuit, ut alligato ad collum saxo in profundum maris demergerentur, rudibus depingit magnitudinem criminis scandalizandi pusillos & pœnæ in altera vita repositæ.

7. Væ mundo à scandalis. Necesse est enim ut veniant scandala: verumtamen vae homini illi, per quem scandalum venit.

8. Si autem manus tua, vel pes tuus scandalizet; absconde eum, & projice abs te: bonum tibi est ad vitam ingredi debilem vel claudum, quam duas manus vel duos pedes habentem mitti in ignem æternum.

7. \* *Væ mundo à scandalis*. Transiit ad generalem doctrinam de scandalis: q. d. Ingentia mala impendent hominibus, in mundo viventibus, à peste scandalorum: nam scandalizantibus gravissima impendet ultio, omnibus verò summum periculum, ne à scandalis obiectis lædantur. Necesse est enim, ut veniant scandala, hoc est, tanta est enim dæmonum versutia, tanta hominum fragilitas, pronitas ad malum, cæcitas ac malitia, ut \* *necesse sit inde scandala multa sequi*. Necessitas ergo ista non absoluta est, sed præsuppositæ talis conditionis, quam ut significaret non tollere libertatem, vel excusare scandalorum auctores, addit, \* *Verumtamen vae homini illi, per quem scandalum venit*: nemo enim vae seu pœnâ dignus est, nisi culpâ suâ. Hæc ergo necessitas est prævæ voluntatis, neque aliud quam certitudo rei futuræ. Versus 8. & 9. qui hic per digressionem inter-

ponuntur, explicati sunt ad c. 5. v. 29. & 30. Unde rediens ad commendationem humilium, qui a mundo sperni solent.

10. \* *Videte*, inquit, *ne contemnatis*, non solum eos scandalizando, ut supra, sed vel factis, vel verbo, vel solo animo parvi faciendo, ex quo velut fonte scandala, injuriæ, & irrisiones eorum sequi solent, \* *unum ex his pusillis*, non infantibus, sed humilibus in me credentibus, ut vers. 6. hoc est, unum ex quibuscumque justis; nemo enim justus, nisi humilis. Ratio est, nam quamvis mundo videantur nullius esse pretii, & omnium injuriis patere: tamen \* *Angeli eorum in calis*, id est Angeli cælestes, ad eorum tutelam deputati à Deo, \* *semper vident faciem Patris*, id est, semper etiam tum cum pusillis adsunt & intendunt, nudam Dei essentiam contemplantur. *Facies* enim indicat claram Dei visionem, non in speculo, aut ænigmate, quæ videlicet nullis curis, actionibus, missionibus intercipi aut turbari potest; tum quia Deus objectum ejus ubique præsens est; tum quia per ipsum tanquam ipsius veritatis æternæ intuitum, in omnibus actionibus se regunt. Itaque significat humilium Angelos Deo esse præsentissimos, familiarissimos, intimos, velut honorarios principes Deo adstantes. Ex quo colligendum relinquit, & quanta dignitas pusillorum sit, & quanta de eis cura Deo, & quam facile sit talibus custodibus injurias eorum ulcisci. Colligunt ex hoc potissimum loco, & ex Psal. 33. v. 8. Act. 12. v. 15. aliisque nonnullis locis, veteres, ut Hieron. Hilar. Chrysost. Theophyl. & alii in hunc locum, omnes homines, maxime Sanctos, Angelum habere custodem.

11. \* *Venit enim Filius hominis salvare*, quod perierat, id est, homines, peccato scilicet perditos, ac damnationis reos. Hoc adfert immediatè quidem, ne cui mirum videatur Angelos jam beatos, eorum salutis promovendæ tuendæque deputatos, cum ipse Filius Dei eadem de causa venerit: mediatè verò, ne scandalis & contemptu pusillos perdant, ad quos lucrandos ipsemet Filius Dei de cælis descendit. Imitatus est idem argumentum Paulus ad Rom. 14. v. 15. & 1. ad Cor. 8. v. 11. & 12. Illustrandæ autem rei gratiâ adjicit similitudinem, ne quis putaret, solum generationi humani generis, & non particulatim Deum salutis singulorum accuratam habere curam.

12. 13. \* *Quid vobis videtur*: q. d. Nonne vobis ipsis judicibus ita inter homines fieri solet, ut, quamvis multarum ovium dives sit aliquis, si tamen vel una à grege aberraverit, non eam perire sinat, sed magnâ sollicitudine requirat? Et si invenerit, \* *magis gaudet super eam*. Non ait, *magis diligit*, vel *pluris facit eam*; dilectio enim &

9. Et si oculus tuus scandalizate, erue eum, & projice ab se: bonum tibi est cum uno oculo in vitam intrare, quàm duos oculos habentem mitti in gehennam ignis.

10. Videte ne contemnatis unum ex his pusillis: dico enim vobis, quia angeli eorum in calis semper vident faciem patris mei, qui in calis est.

11. Venit enim filius hominis salvare quod perierat.

12. Quid vobis videtur? si fuerint alicui centum ovæ, & erraverit una ex eis: nonne relinquit nonagintanovem in montibus, & vadit querere eam, quæ erravit?

13. Et si contigerit ut inveniat eam: Amen dico vobis, quia gaudet super eam, magis quam super nonaginta novem, quæ non erraverunt.



æstimatio cæterarum ovium, quàm istius unius major est: sed *magis gaudet super eam*, seu de ea, actuali scilicet quodam lætitiæ præsentis motu, quo afficitur erga hanc, non alias. Quod ita fieri solet, tum quia singularis ratio lætandi de hac occurrit, quæ non de aliis: unde gaudium istud de hac actuale, de cæteris habituale est; ex quo fit, ut homines de novo rei minoris successu bono magis lætentur, quàm de bonis veteribus longè majoribus: tum verò quòd gaudium propter oppositam tristiciam, quæ præcessit, magis sentiatur. Ubique enim in rebus humanis majus gaudium major molestia præcedit, prout hæc doctè & latè declarat Aug. l. 8. Conf. c. 3.

14. Sic non est voluntas ante patrem vestrum: qui in cælis est, ut pereat unus de pusillis istis.

14. \* *Sic non est voluntas ante Patrem*: id est, Ita quoque non vult Pater vester, ut scandalis, vel alio quoquo modo deferendo justitiam, vel unus ex humilibus, Deum timentibus, pereat; sed potius, ut, si perierit, revocetur. Est enim tertium argumentum, à minori ad majus quo declarat, quanti parvulos supra explicatos faciat, ut ita gradatim efficacius à scandalo dando deterreat; primò, consideratione Angelorum, deinde sui ipsius, denique Patris sui. Ex hac porro conclusione liquet, convenienter tam unam ovem, quæ erravit, quàm illas nonaginta novem, quæ postquam ab errore reductæ fuerant, in justitia velut in montibus, pascendo perseverant, de hominibus peccatoribus & justis intelligi. Quamvis plerique veteres, Hilarus Can. 18. Chrysost. & Cyril. Catech. 19. Greg. Hom. 34. in Evang. & alii, unam ovem intelligant genus humanum, quod peccando erravit: nonaginta verò novem Angelos justos, eo quòd, ut Cyril. incomparabiliter homines numero excedant.

15. Si autem peccaverit in te frater tuus, vade & corripe eum: nec te & ipse solum. Si te audierit, lucratus eris fratrem tuum.

15. \* *Si autem peccaverit in te frater tuus*. Hactenus de non scandalizandis aut lædendis iis, qui neminem lædunt: nunc de iis à quibus nos ipsi lædimur, tales enim aliquis putare posset vicissim impunè posse lædi. Itaque *si peccaverit in te*, id est, si aliquà te injuriâ, sive ex errore, sive fragilitate, sive malitiâ affecerit. Quamvis August. serm. 16. de verbis Dom. c. 7. simul per hoc insinuat vellet, te solum istius injuriæ esse consciam: qui enim multis audientibus tibi fecit injuriam, inquit Augustinus, & in illos peccavit. quos testes suæ iniquitatis efficit. Sed generaliter intelligendum esse satis indicat versus 21. & Lucas 17. v. 3. A paritate autem rationis ad quodlibet peccatum, etiam in alios, ipsumque Deum commissum, hæc doctrina extendi potest. Christus enim illic maximè frænum injicere voluit, ubi major vindictæ acerbitas & animi præipitatio esse solet, & certior peccati novitia, & efficacior charitas læsi, videlicet apud eum, qui læsit. \* *Frater tuus*, id est, non Ethnicus, aut qui foris fuerit, sed

sed ejusdem tecum Religionis, ut patet ex vers. 17. \* *Vade*, id est, non expectes, ut culpam agnoscat, veniam petat, sed \* *ultra vade, & corripe eum*. Latet hinc tacita negatio: quasi diceret, Noli vel negligere peccatum ejus, vel prorumpere ad propalandum, ad accusandum apud judicem, ad te vindicandum, sed cum charitate, benignitateque corripe ad emendandum. Quod breviter Aug. serm. cit. c. 4. Obliviscere, inquit, injuriam tuam, non vulnus fratris tui. Non enim nocendi aviditate corripere debemus, sed studio corrigendi, idque \* *inter te & ipsum solum*, id est, sine ullis arbitris, ita scilicet studendo correctioni, ut parcas pudori, inquit Aug. Fortè enim præ verecundia inciperet defendere peccatum suum, & quem velles facere correctiorem, faceres pejorem. Viam itaque benignissimam primùm tentari cupit, sine ulla pudoris famæque læsione. Si enim fortasse solus nosti, & eum vis coram pluribus arguere, non es corrector, sed proditor: publica enim correctio in publicis peccatis locum habet, ut sic & cæteri timorem habeant. Efficacissimus est igitur iste corrigendi fratris modus, dum ipse, qui læsus est, ostendit se non inimicitiae, non vindictæ, non infamiæ, sed solius salutis ejus esse studiosum. Quod \* *si*, hanc tuâ prudentiâ sincerâque dilectione motus, \* *te audierit*, admittendo correctionem tuam, & agendo peccati sui poenitentiam; non rem levem assequeris, sed \* *lucratus eris fratrem tuum*; qui proindè peccando perierat, non solum Deo & sibi, sed etiam tibi.

16. \* *Si autem te non audierit*, sive negando peccatum, sive tamquam justitiam defendendo, sive in peccato quoquo modo perseverando, \* *Adhibe tecum unum vel duos*: tum ut majoris ponderis & efficaciae sit correptio; tum ut peccati fidem faciat, si neget, excuset, aut defendat; tum denique ut coram Ecclesia convincatur contumaciæ. Nam ad ista duo respici suadet id, quod adjicit ex Deuter. \* *Ut in ore duorum aut trium testium stet omne verbum*, id est, ut sermone ac testimonio duorum aut trium totum hoc negotium fraternæ correctionis pergatur, ratumque ac firmum habeatur. Hic est secundus correctionis gradus paulò severior, cum aliquo pudore seu infamiâ. Non enim post irritam privatam monitionem vult statim salutem fratris abjici, vel continuò eum publicis remediis cogi: sed

17. \* *Si non audierit eos, dic Ecclesia*, id est, refer rem totam ad Ecclesiam; non populi multitudinem, sed ad illam Ecclesiam, penes quam mox dicit esse potestatem ligandi & solvendi, id est, dic Præsuli Ecclesiæ. Nam quod ad ipsum velut publicam personam refertur, ad Ecclesiam refertur, quia totius Ecclesiæ, cui præest, curam & personam & consensum gerit. Hic tertius est correctionis gradus: cum

16. Si autem te non audierit: adhibe tecum adhuc unum, vel duos, ut in ore duorum vel trium testium stet omne verbum.

17. Quod si non audierit eos dic Ecclesia; si autem Ecclesiam non audierit, sit tibi sicut ethnicus & publicanus.



aliqua infamia conjunctus: sed majorem rationem haberi cupit Christus salutis ejus, quàm famæ & verecundiæ. \* *Si autem Ecclesiam non audierit*, id est, si Pastori Ecclesiæ redarguenti, populoque ei consentienti non obedierit, sed præfractus persistiterit in peccato: \* *sit tibi sicut Ethnicus & Publicanus*, id est, non amplius eum habeas loco fratris, sed sicut hominem à communione ejusdem Religionis alienum, & publicis peccatis infamem, à quo in divinis & humanis abstineas. Respicit enim ad consuetudinem Judæorum, qui ab Ethnicorum & Publicanorum, tanquam publicorum & insanabilium peccatorum, consortio & mensâ abstinebant, ne polluerentur, ut patet Act. 10. v. 28. ad Gal. 2. v. 12. & de Publicanis in Evangelio passim patet. Hic est quartus correptionis gradus, ejectionem ex Ecclesia seu excommunicationem adjunctam habens: quæ tamen etiam eo fine adhibenda est, ut lucremur fratrem, hoc est ut oris morbida per ipsam forsân separationis ignominiam sanetur; aut certè, ne suo contagio sanas oves inficiat. Quas causas tangit Aug. de correp. & grat. c. penult. & Apostolus 1. Cor. 5. & 6. Hic est ergò ordo correptionis secretorum peccatorum, & quidem fraternæ, hoc est; quæ non spectat peccatum, prout vel scandalizat alios vel Reipublicæ aut multis nocet, sed prout soli peccanti, idque eo fine, ut ille corrigatur; vel saltem ut alii à contagio præserventur. Cum verò finis sit regula mediorum, tota correptio & ordo ejus ex eo moderanda sunt; ita scilicet ut si non sit spes emendationis assequendæ, adhiberi non debeant: sin aliquid huic ordini addendum aut detrahendum ex eadem illa fraterna charitate videatur, etiâ addatur vel detrahatur. Magis enim Christi mens spectanda, quàm verba; quæ modum quidem naturalem & convenientissimum tangunt, non tamen semper secundum omnes apices observari debent, sed pro locorum, temporum, personarum exigentia, quando scilicet correptio & iste ordo ejus hoc loco præscriptus charitati & emendationi utilis fuerit, quemadmodum in præceptis affirmativis observandis ferè fieri solet.

18. Amen dico vobis, quæcumque alligaveritis super terram, erunt ligata & in cælo: & quæcumque solveritis super terram, erunt soluta & in cælo.

18. \* *Amen dico vobis*, id est, verè tamquam rem certam & indubitam dico vobis Apostolis, & vestris in Ecclesia mea successoribus: \* *Quæcumque*, sive hominem delinquentem sive delicta, \* *Alligaveritis super terram*, peccata scilicet in foro poenitentiae retinendo, vel homines vinculo excommunicationis in foro externo innodando. Nam utramque potestatem, maximeque postremam, promittit ad terrorem eorum, qui ab Ecclesia seu Præfulis ejus essent habendi sicut Ethnici & Publicani. Ne enim contemnerent sententiam eorum, immobile severitatis Apostolicæ judicium promittit, inquit Hilar. Can. 18.

hoc

hoc est, scire voluit eos, qui à talibus, ut Hieron. ait, condemnantur, humanam sententiam divinâ sententiâ roborari; ut ita frangeret eorum contumaciam, qui ipsâ infamiâ nondum frangerentur. Sensus autem totius sententiæ latiùs ex c. 16. v. 19. petendus est. Eadem enim potestas hîc Apostolis, respectu eorum, quibus præessent, quæ illic Petro per claves, veluti signum plenæ & ordinariæ præfecturæ in universam Ecclesiam, adeoque in ipsos Apostolos promittitur.

19. \* *Iterum dico vobis*: q. d. Imò amplius etiam hoc affirmo. Nam quamvis S. Hilar. Chrysost. & Hieron. velint hîc commendari concordiam, quam correptio spectabat, adjiciendo scilicet præmium ejus, præsentiam Christi: videtur tamen simul tacitum à minori ad majus argumentum ducere. \* *Si duo ex vobis*, nempe discipulis fidem vivâ in me credentibus, & peculiariter præfectis Ecclesiæ meæ. Nam multi veteres hoc nimis restrictè intelligunt, ut Orig. in Tract. 6. in Matth. de viro & uxore; Ambr. de instit. virgin. c. 2. & lib. 7. in Luc. de anima & carne, quod Hieron. fatetur esse mysticum. \* *Conferant super terram de omni re, quancumque petierint*, id est, quicumque rem concordibus in divina dilectione votis & precibus postulaverint; etiamsi per illam ligandi solvendi que potestatem, quam promissi, fieri fortè nequeat. \* *Fiet illis à Patre meo*. Quæ petendi & impetrandi generalitas ita intelligenda est, ut sup. c. 7. v. 8. exposuimus illud, *Omnia, qui petit, accipit*. Relinquit enim hinc colligendum à minori, si vel duorum concors oratio tanti sit à Deo, quanto efficacior erit & faciliùs impetrabit totius Ecclesiæ oratio, quidquid postulaverit, ad contumacem fratrem vel reprimendum, vel convertendum? Cujus ratio generalis est:

20. \* *Ubi enim sunt duo vel tres congregati*, ad postulandum, ad judicandum, ad tractandum de negotiis, \* *in nomine meo*, id est, propter me, & causas ad me spectantes; multoque magis, si simul congregati fuerint auctoritate meâ, invocato auxilio meo: \* *ibi sum in medio eorum*, ut eos consilio dirigam, preces eis aspirem, & Patri gratas faciam, conatus adjuvem, decreta confirmem, & omnia ad prosperum eventum deducam. Non enim hoc dicit ratione divinæ præsentix, quâ ubique est, sed gratiæ, & assistentiæ. Quanto ergo magis in medio est, ubi legitimum Ecclesiæ Concilium congregatur, ut de fide, de religione, & de salute hominum tractent? Quemadmodum concludit S. Greg. 1. 7. Regest. epist. 112. & Catholici pro Conciliorum auctoritate argumentantur.

21. \* *Tunc accedens Petrus*, auditis scilicet iis quæ de fratris in nos

19. Iterum dico vobis, quia si duo ex vobis conferint super terram, de omni re quancumque petierint, fiet illis à patre meo, qui in cælis est.

20. Ubi enim sunt duo vel tres congregati in nomine meo, ibi sum in medio eorum.

21. Tunc accedens Petrus ad eum, dixit. Domine, quoties peccabit in me, iter meus & dimittam ei? Vlt. que septies?



peccantis correptione, vel etiam poenitentis condonatione dixerat, ut videtur ex Luca colligi c. 17. v. 4. Cum ergo carnali sensu Petrus multum vel nimium esse judicaret, si *\* usque septies* peccanti ignosceret, Christus eum corrigens, clementiam penè in immensum extendit, ac dimitti vult

22. Dicit illi Jesus: Non dico tibi usque septies: sed usque septuagies septies.

22. *\* Usque septuagesies septies.* Quod dupliciter tam Græcè quàm Latinè intelligi potest: vel ut *septies* sit tantum additio ad *septuagesies*, ut sit idem quod *septuagesies & septies*, prout accipit August. l.

2. de consensu Evang. c. 4. vel ut multiplicet primum numerum, scilicet *septuagesies*, & simul efficiant quadringenta nonaginta, sicut accipit Hieron. & magis videtur Græcum postulare. Utrovis modo acceperimus, significatur, toties quoties peccaverit frater innumerabilibus vicibus, esse dimittendum peccatum ejus, nec ullâ peccatorum multitudinelenitatem animi nobis extorqueri debere. Ponitur enim numerus certus pro incerto; & quidem numerus, qui mysticè pertinet ad peccatorum remissionem, ut ibid August. Non tamen jubet etiam poenam simul remitti: sæpè enim ordo disciplinæ, justitiæ, ipsiusque charitatis postulat, ut peccatum, sive verbis sive verberibus corripiatur, ne vel peccantibus vel aliis lenitas noceat. Itaque præscribitur tantum, quo animo erga fratrem esse debeamus. Addit Lucas c. 17. v. 3. & 4. *Si frater conversus fuerit ad te, dicens, pœnitet me*, quia loquitur non de interna tantum offensæ vindictæque remissione, ad quam semper animus paratus esse debet, sed maximè de externa simul receptione in gratiam, quæ rogantibus fit, ut ex parabola sequenti patet.

23. Ideo assimilatum est regnum cælorum homini regi, qui voluit rationem ponere cum servis suis.

23. *\* Ideo*, ut scilicet intelligatis, quàm sit æquum, ut fratri veniam roganti dimittatis, *\* assimilatum est regnum cælorum homini regi*: id est, ita res se habet in Ecclesia & regno meo, ut si Rex quispiam inter homines rationes audiret servorum suorum, &c. More namque Palæstinorum atque Syrorum, ut notat Hieron. parabolam adjungit, ut quod per simplex præceptum teneri ab auditoribus non potest, per similitudinem atque exemplum facilius teneatur. Itaque

24. Et cum cæpisset rationem ponere, oblatum est ei unus, qui debebat decem millia talenta.

24. *\* Oblatus est ei unus*, qui debebat ei decem millia talenta, id est, ingentem pecuniæ summam. Hoc enim tantum spectat hic Christus, ut significet summam, quam debebat servus Regi, incomparabiliter fuisse majorem eâ, quæ servo à conservo debebatur, id est, *centum denariis*: quemadmodum gravitas criminum, quæ adversus Deum committimus, enormiter excedit omnes offensas hominum adversus homines. Est autem *Talentum* non tam nummi quàm ponderis genus, de quo non omninò consentiunt auctores. Sed quidquid sit

de Talentis Atticis aut Romanis, clarè deduximus in c. 38. Exodi v. 26. & 27. Talentum Hebræum, de quo Moyses, & verisimiliter hic Christus loquitur, continuïssè tria millia siclorum, hoc est florenorum nostratium, loquendo de siclo argenteo. Nam aureus siclus duodecuplo circiter major est: proportio enim auri ad argentum est circiter duodecupla. Cùm autem Talentum Atticum, quo & Romani utebantur, fuerit circiter duplo minus, continuïssè siclos mille quingentos; alii dicunt mille octingentos, seu sexcenta Gallicana. Denarius similiter argenteus appendebat drachmam Atticam, id est, unum Regalem Hispanicum seu quinque circiter stuferos. Quamquam nonnulli velint fuisse & alium Denarium, duplo majorem, qui valuisset proinde unâ drachmâ Judaicâ, id est, decem stuferis. Drachma enim Judaica continebat duas Atticas seu Romanas. Itaque

25. \* Cum non haberet servus, unde redderet, jussit eum dominus ejus venumdari & uxorem, &c. hoc est, jussit extremo rigore cum ipso agi. Alludit enim ad quorundam locorum consuetudinem, ubi ad extorquendam solutionem, creditori licebat etiam vendere debitorem, & liberos ejus, vel in servitutem rapere, ut patet 4. Reg. c. 4. v. 1. Mox tamen cùm servus solummodò dilationem petiisset, dominus ultro

27. \* Dimisit eum, liberum scilicet è captivitate; jam enim apprehensus tenebatur: \* & omne debitum dimisit ei, scilicet tam immensum, ad solas preces. Quo parabolicè describitur inexhausta Dei misericordia erga pœnitentes.

28. \* Egressus autem invenit unum de conservis, id est, de ejusdem domini servis, cui tanquam æquali debebat humanitatem, & ejus domino aliquam observantiam, \* qui debebat ei centum denarios, id est, debitum incomparabiliter minus eo, quod ei dimissum fuerat; quales esse solent hominum in homines offensæ, si cum divinis comparentur: \* & tenens suffocabat eum, id est, premebat fauces ejus, quasi jam strangulaturus, nisi solveret, id est, summâ in eum utebatur truculentia.

29. \* Et procidens rogabat, id est, iisdem omninò utebatur verbis & supplicis animi officiis, quibus ipsemet usus fuerat. Hoc enim de industria inducit Salvator, ut acrius condemnet indomitam hominum forociam in injuriis remittendis.

30. \* Ille autem noluit, nequidem habere patientiam, nedum dimittere, sicut sibi dimissum fuerat.

31. \* Videntes autem conservi ejus, tam qui affligebatur, quàm qui affligebat. Unde Syrus vertit, eorum; erant enim omnes ejusdem domini

25. Cum autem non haberet unde redderet, jussit eum dominus ejus venumdari, & uxorem ejus, & filios: & omnia quæ habebat, & reddi.

26. Procidens autem servus ille orabat eum, dicens: Patientiam habe in me, & omnia reddam tibi.

27. Misertus autem dominus servum illum, dimisit eum, & debitum dimisit ei.

28. Egressus autem servus ille, invenit unum de conservis suis, qui debebat ei centum denarios: & tenens suffocabat eum, dicens: Redde quod debes.

29. Et procidens servus ejus rogabat eum dicens: Patientiam habe in me, & omnia reddam tibi.

30. Ille autem noluit: sed abiit & misit eum in carcerem, donec redderet debitum.

31. Videntes autem conservi ejus



quæ fiebant, contristati sunt valde: & venerunt, & narraverunt domino suo omnia quæ facta fuerant.

32. Tunc vocavit illum dominus suus: & ait illi: Serve nequâ, omne debitum dimisi tibi quoniam rogasti me: non enim rogaverat debiti dimissionem, sed dilationem, eo quod præ magnitudine non auderet.

33. Nonne ergo oportuit & te misereri conservi tui, sicut & ego tui miserus sum?

34. Et iratus dominus ejus tradidit eum tortoribus, quoadunque redderet universum debitum.

mini servi. \* *Contristati sunt valde*, de tanta ingratitudine & crudelitate. Multam enim emphasin habet, quod ipsimet conservi rei indignitatem ferre non poterant.

32. \* *Tunc vocavit eum Dominus, & ait illi: Serve nequam*, quo nomine propter ipsum ingens debitum vocatus non fuerat, \* *omne debitum*, tanta enormis magnitudinis, \* *dimisi tibi, quoniam rogasti*, seu rogaveras \* *me*, id est, tantummodo quod mihi supplex factus fueras: non enim rogaverat debiti dimissionem, sed dilationem, eo quod præ magnitudine non auderet.

33. \* *Nonne ergo oportuit & te, servum, non dico remittere debitum, sed saltem misereri conservi tui*, tibi æqualis, in re minima?

34. \* *Et iratus Dominus, tradidit eum tortoribus*, ut carcere aliisque pœnis affligeretur. Nam & hîc alludit Christus ad morem quarundam nationum, ut Romanorum, quibus jam Judæi suberant, inter quos debitores à creditoribus tradebantur tortoribus, in ergastulum trudendi & verberibus flagellandi. Nam primus Constantinus Imperator dicitur debitores à plumbatarum ictibus exemisse. \* *Quoadusque redderet universum debitum*, prius remissum; ita scilicet ut, si solveret, liberaretur; si nunquam solveret, nunquam liberaretur. Unde perperam colligebat Origines pœnas etiam mortalium peccatorum aliquando expiandas & finiendas. Simile quid vide c. 5. v. 26. Non significat item, quod legibus humanis debita semel remissa repeti queant, sed quod Rex supremâ pollens potestate crudelitatem illam cum tanta ingratitudine conjunctam tam grave peccatum judicaret, ut eadem pecuniæ summâ, cujus remissionem acceperat, mulctari mereretur. Unde cum Christus applicando totam parabolam concludit

35. \* *Sic & Pater meus celestis faciet vobis, &c.* non significat propriè redire reatum præcedentium peccatorum semel dimissorum, sed impropriè, quatenus inhumanitas illa & granditudo directè contra formam accepti prius beneficii admissa tam grave peccatum reputatur, ut pro ea tam severè puniatur, ac si priora non fuissent dimissa, ut exponit S. Thom. 3. p. quæst. 88. art. 1. & 2. \* *Si non remisistis unusquisque*, non conservo tantum, sed \* *fratri suo*. Hæc est enim alia prægnans consideratio facultatis dandæ veniæ. \* *De cordibus vestris*: ut scilicet non solum ore remittatis, sed ex animo omnem scilicet vindictæ cupiditatem, iram, odium, amaritudinem, & injuriæ recordationem ex animo deponendo. Unde, ut Hieron. omnem fictæ pacis simulationem evertit. Applicatio itaque totius parabolæ facilis est, eò spectans, ut in remittendis injuriis, & raris & levibus, quas homo in hominem, æqualem sibi & conservum, subinde committit, facil-

35. Sic & Pater meus celestis faciet vobis, si non remisistis unusquisque fratri suo de cordibus vestris.

faciles simus, non severi exactores; idque intuitu indulgentissimæ, facillimæque benignitatis Dei in remittendis tot tantisque peccatis nostris: ne alioqui vicissim severissimè ab eo tractemur.

## CAPUT DECIMUMNONUM.

1. \* **E**T venit in fines Judææ trans Jordanem: hoc est, proficiscens per regionem, quæ est ultra Jordanem, venit circa fines Judææ, quæ ex sorte Tribus Judæ & Benjamin constabat. Nam illud *trans Jordanem*, referendum est ad, *venit*, & non ad *fines Judææ*, ut patet ex Marci 10. v. 1.

3. \* **E**t accesserunt ad eum Pharisei: non discendi studio, sed \* *tentantes eum*, ut scilicet in perplexa multumque controversa quæstione aliquid diceret, quod in calumniam raperent: \* *Si licet homini dimittere uxorem*, id est, repudiare à thoro ac domo, in perpetuum, cum potestate ducendi alteram, \* *quacunque ex causa*, & consequenter pro arbitrio & libitu suo. Nunquam enim volenti dimittere deest aliqua exigua causa vel prætextus. Videtur autem ista quæstio tunc fuisse multum disputata, aliis dicentibus quamlibet causam, vel minimam offensionem sufficere, juxta illud Deut. 24. v. 1. *Si non invenerit gratiam ante oculos ejus*; quomodo vulgò intelligebatur & praxis erat: & aliis requirentibus justam causam, scilicet *foeditatem verbi*, ut Lex loquitur, id est, foedam aliquam causam. Itaque utrumvis responderet, incidebat Christus in invidiam, tum alterius partis disputantium, tum verò ipsius populi: virorum quidem, si diceret, id non licere, quo jam tamquam lege utebantur; mulierum autem, si repudium virorum libidini permetteret. Ut vero solutio quæstionis minùs esset calumniæ obnoxia, respondet, ex Scriptura, proferens Dei ipsius in conjugio instituendo consilium.

4. \* **N**on legistis, vos, qui de Legis scientia gloriamini, \* *quia fecit hominem ab initio*, scilicet mundi, seu in prima institutione rerum, \* *masculum & foeminam*, non foeminas, \* *fecit eos*? Conjuges scilicet, de quibus disputatis, hoc est, in gemino sexu creavit eos, unum marem, alteram foeminam. Quibus verbis duo probat Christus: primum, conjugium in hominibus esse institutum à Deo; non ita in aliis animalibus, eo quòd disertè in sola creatione hominis fiat mentio maris & foeminæ: secundum, ita institutum, ut unus unam tantum haberet uxorem: q. d. Si Deus virum plures uxores ducere voluisset, ut fit in polygamia & repudio, plures ei creasset & foeminas, ut unà repudiata alteram posset ducere; filiam enim ducere non poterat. Nam in brutorum specie uni mari plures foemellas creatas fuisse non absurde.

1. Et factum est cum consummasset Jesus sermones istos, migravit à Galilæa, & venit in fines Judææ trans Jordanem,

2. Et secuta sunt eum turba mulierum, & curavit eos ibi.

3. Et accesserunt ad eum Pharisei, tentantes eum, & dicentes: Si licet homini dimittere uxorem suam, quacunque ex causa?

4. Qui respondens, ait eis: non legistis, quia qui fecit hominem ab initio, masculum & foeminam fecit eos? & dixit:



absurdè quidam putant. \* *Et dixit*, Deus, per os scilicet Adami tanquam Prophetæ divinitus inspirati, ut exponit Aug. l. 9. de Genesi ad lit. cap. 19. quamquam possent & esse verba, quæ sequuntur, ipsius Dei complentis sermonem Adæ.

5. Propter hoc dimittet homo patrem & matrem, & adhærebit uxori suæ, & erunt duo in carne una.

5. \* *Propter hoc*, id est, quia prima primi mariti uxor unica & quidem ex ejus latere formata, \* *dimittet homo*, masculus junctus matrimonio, \* *patrem & matrem*, nempe quantum ad vitæ societatem, conversationem, cohabitationem familiarem, sicut reipsa videmus fieri, \* *& adhærebit uxori suæ*, non uxoribus, idque tanquam carni suæ: Græcè est, *προσκολληθήσεται*, agglutinabitur, scilicet modis oppositis dimissioni patris & matris. Ipsâ verò dimissione parentum, quibus arctissimè proles jungitur, ipsâque glutinis mentione arctissimam conjunctionem cum uxore indicat, ipsâ vi dictionis ostendens, inquit Chrysost. minimè illos esse separandos, & nefas esse maximum, conjugalem conjunctionem per repudium velle solvere. \* *Et erunt duo*, non plures, hoc est illi, qui erant duo, non plures, ante conjugium, vir scilicet unus & mulier una, erunt \* *in carne una*. Phrasi Hebraicâ illud, *in*, redundat, ut Genes. 2. *Factus est homo in animam viventem*, id est, anima vivens: item *edificavit in mulierem*: & alibi, *Ego ero illis in Deum*. Unde similiter est hîc Græcè, *Erunt in carnem unam*, id est, erunt (quomodo Syrus legit, & Christus ipse hîc explicat) caro una, seu ut Apostolus 1. ad Cor. 6. corpus unum, per conjugalem scilicet commixtionem corporum seu carnum, quemadmodum Adam & uxor erant una caro. Nam idcirco Eva de eadem carne viri sui sumpta fuit, ut typus humani conjugii, quo vir & uxor fierent una caro: simili modo atque Adam & Eva erant una caro, non quidem jam origine unius ex altero, quod primis conjugibus peculiare fuerat, sed commixtione. Unde Victor Antiochenus in Marcum: Ex una radice facti ambo, in unum rursus corpus conveniunt ambo, scilicet ipsâ corporum commixtione & unionem, per quam fiunt ex duabus carnibus una caro & unum principium unius prolis. Et hinc est, quod Apost. 1. ad Cor. 6. v. 16. etiam commixtione cum meretrice unam carnem fieri tradit. Sed in hoc præcellit unio conjugum, quòd hi fiant una caro non solum facto, sed etiam mutuo ipsorum corporum jure & potestate, idque ex Dei institutione. Hinc ergò ex illa dimissione parentum, ex adhæssione seu agglutinatione ad uxorem, ac denique ex eo, quòd ex Dei institutione duo erunt in carne una, concludit interpretando Christus:

6. Itaque jam non sunt duo, sed una caro. Quod ego Deus conjecit, homo non separet.

6. \* *Itaque jam*, seu posthac, postquam fecerint atque fuerint id, quod conjugum proprium est, \* *non sunt duo*, scilicet carne, id est, desinunt

finunt esse duo carne divisi atque separabiles, sicuti ante duo erant, \* *sed una caro*, id est, unum corpus, divinâ ordinatione compositum, alter alterius quasi membrum tam indissolubiliter conjunctum, ac si essent prorsus unius omninò carnis duo magna membra, eo quòd copula unam faciat. Hic est proprius hujus loci sensus, quem tradunt Basilii lib. de Virginit. Aug. lib. 2. operis imperf. cont. Julianum, & alibi passim, & ferè veteres SS. Patres. Istam autem unitatem respiciunt aliæ quædam unitates, quarum ista est in conjugibus effectus, signum & complementum, nempe unitas amoris mutui, unitas societatis indissolubilis, unitas originis sceminæ ex viro, unitas juris & potestatis mutuæ: de quibus diximus Gen. 2. v. 24. Sed illæ propriè non indicantur hîc, sed sola ea, quam diximus. Unde non rectè etiam quidam explicant, ut una caro sit unus homo: manent enim revera duo homines, non tamen duæ carnes, modo jam explicato. \* *Quod ergo.* Infert hîc Christus secundam conclusionem, quâ directè respondet Phariseis: q. d. Cum ergò ex Dei instituto duo sint facti una caro, id quod \* *Deus conjunxit*, id est, unam carnem quam Deus suâ autoritate in unam coalescere fecit, \* *homo*, sive uxor, sive judex, sive quilibet Legislator suâ temeritate atque audaciâ \* *non separet*, id est, non dividat repudio aut divortio, non magis quàm corpus proprium suâ autoritate discerpat aut mutilet. Nam his verbis, ut Chrysost. notat, ostendit Christus, repudium esse, & contra naturam, dum una caro in duo scinditur, perinde ac si homo suum ipsius corpus discerperet; & contra legem atque Authorem naturæ, quia quod ille junxit & separari vetuit, divellitur.

7. \* *Dicunt illi: quid ergo*, id est, cur vel quomodo ergo \* *Moyse* mandavit dare uxori libellum repudii, & dimittere, supple *mandavit*. Nam ut Moysis autoritate Christi responsum refellerent, utramque & libelli dationem & dimissionem à Moysse mandatam esse significant, Unde Christus cautè verba sua moderans, loco, *mandavit*, substituit,

8. \* *Moyse permisit vobis*, id est, non severè vetuit, non punivit, concessit nationi vestræ dimittere à thoro & habitatione perpetua, cum potestate ducendi aliam, sed concessit necessitate, non voluntate consuetudinem jam inolitam, nempe \* *ad duritiam cordis vestri*, id est, propter duritiam cordis seu cervicis, nempe propter obstinatum & rebellem animum vestrum, qui non sinebat sibi persuaderi id, quod justum & rectum erat. Significat enim indulgentiâ Moysen & consequenter Deum, usum esse, permittendo dimissionem, videlicet ne majora mala perpetrarent per uxoricidium, veneficia, apostasiam à cultu Dei repudium prohibentis. De libello nihil respondet, quia

7. Dicunt illi: Quid ergò Moyses mandavit dare libellum repudii, & dimittere?

8. A't illis: quoniam Moyses ad duritiam cordis vestri permisit vobis dimittere uxores vestras: ab initio autem non fuit sic.



ille magis impediebat repudium quàm juvabat, utpotè efficiens, ne subito, vel faciliè impræmediatò ad repudiandum proflerent, & ut esset testimonium duritiæ viri, & in favorem uxorum dimissarum; de quibus, huc spectantibus, dictum est in Pentateucho. \* *Ab initio autem*, creationis, institutique matrimonii cum abesset omnis infirmitas & cordis duritia \* *non fuit sic*: id est, non fuit permixtum Adæ aut cuiquam dimittere uxorem, sed conjugium institutum fuit omninò inseparabile.

9. Dico autem vobis, quia quicumque dimiserit uxorem suam nisi ob fornicationem, & aliam duxerit, mœchatur: & qui dimissam duxerit, mœchatur.

9. \* *Dico autem vobis*, renovando antiquam illam institutionem, & Moysaïcam tollendo permissionem: \* *Quia quicumque dimiserit uxorem suam*, id est, a thoro & habitatione abjecerit, \* *nisi ob fornicationem*: Græcè est *μη ἐν πορνείᾳ*, non ob fornicationem, & Syriacè, non adulteram; ita ut non sit illius exceptio, sed simplex restrictio: q. d. Quicumque dimiserit uxorem non-fornicantem, seu non adulteram. Accipiendo verò tanquam exceptionem, sensus est, quasi per parenthesis dicetur, quicumque dimiserit uxorem (quod quidem tantummodo propter fornicationem licet.) Sed utrovis modo sumas, nullo pacto referri debet ad id, quod sequitur, \* *& aliam duxerit*, quasi in illo casu non mœcharetur vir; sed tantum ad id, quod præcessit, scilicet ad dimissionem. Et ita respondet Christus tacitè ad Phariseorum quæstionem, Utrum liceret homini dimittere uxorem quacumque ex causa? Quasi responderet, nequaquam, sed propter fornicationem tantum. Itaque \* *si aliam duxerit*, dimissa superstitè, sive ea fornicata fuerit, sive non, \* *mœchatur*, hoc est, non matrimonium init, sed committit adulterium: quia, ut Aug. lib. 2. ad Pollentium c. 13. vinculum cum priore conjugè nisi morte alterius non solvitur, non in adulterium ineuntis, sed de corpore exeuntis. Quod si ille mœchatur, multò magis mœchatur ille, qui non dimissa priori uxore, per polygamiam plures duxerit. \* *Et qui dimissam*, quacumque ex causa, etiam fornicationis, \* *duxerit*, similiter \* *mœchatur*, quantumvis id Lex permiserit. Hic est verus sensus hujus loci, quem nonnulli Hæretici, imò & Catholici olim sic intellexerant, quasi aliquo casu, saltem propter fornicationem, liceret non solum uxorem dimittere, sed & aliam ducere. Referebant enim illud, *Nisi ob fornicationem*, etiam ad id, quod sequitur, \* *& aliam duxerit*: sed post Concil. Trid. sess. 24. can. 7. non potest amplius hac de re dubitari; quamquam & Concil. Milevitanum can. 17. idem apertè declarasset. Consule dicta suprâ in versu 32. cap. 3.

10. Dicunt ei discipuli ejus, si ita est causa hominis cum uxore, non expedit nubere,

10. \* *Dicunt ei discipuli*, verisimiliter domi; nam Marcus narrat c. 10. v. 11. etiam præcedentem sententiam domi fuisse saltem repetitam: \* *Si ita est causa hominis*, id est, si, vel quandoquidem ita res se habet inter

inter conjuges, hoc est si ita insolubile est vinculum, ut nullo omnino uxoris vitio solvi queat, atque alia duci; non enim dubitant de Christi sententia, sed admirantur: \* *Non expedit nubere*: Græcè *γὰρ οὐκ ἔστιν*, id est, *uxorem ducere*, quod viris, de quibus Apostoli loquuntur, competit: nam *nubere* alioquin competit mulieribus, ut notat August. de gestis Pelagii c. 13. q. d. Apostoli, non expedit in illam servitutem se conjicere unde solâ morte exire possis, quocumque tandem vitio, aut fœditate, aut malitiâ laboretur uxor.

II. \* *Qui dixit illis, non omnes capiunt verbum istud*, quod scilicet non expedit nubere, seu uxorem ducere: hoc est, non omnes admittunt hoc practicè in animum, sive non omnes tantâ virtute voluntatis præditi sunt, ut affectum illum corporis omnium violentissimum superent, \* *sed illi tantum*, \* *quibus datum est*, à Deo: quibus scilicet datum est à Deo, molestiis illis rebellantis cupiditatis non cedere, post concupiscentiam suam non ire, titillantes cogitationes mox opprimere, carnem cibo potuque castigare: talibus enim modis dat Deus donum istud, quibus dat. Inspirat quippe eis non solum velle castum esse sed etiam posse, hoc est fortiter velle. Nam, ut optimè Aug. lib. de grat. & lib. arbit. c. 4. Quibus non est datum, inquit, aut nolunt, aut non implent quod volunt: quibus autem datum est, sic volunt, ut impleant quod volunt. Proinde non rectè explicant hoc multi, quasi Christus significaret omnibus volentibus hoc dari; non quasi castitas non simul pendeat à voluntate, sed quia velle non sufficit. Nam, ut ex Aug. loco cit. & experienciâ patet, multi continere volunt, sed non implent quod volunt, quia non satis robustâ voluntate volunt. Robustæ autem voluntatis inspiratio maximum est donum Dei, nec omnibus datur. Unde idem l. 5. contra Julian. c. ult. reprehendens hujusmodi explicationem, posset, inquit, Christus dicere, non omnes capiunt verbum hoc, sed qui voluerit, si verum esset, quod vos dicitis. Tacitè ergò Christus approbat id, quod Apostoli dixerant, imo simul rei difficultatem exaggerando, attraxit magis & hortatus est, ut notat Chrysost. hom. 63. q. d. inquit Ambr. de Virgin. non est communis pluribus, & vulgaris integritas, nec pro infirmitate permittitur (quemadmodum nubere) sed pro virtute conceditur.

12. \* *Sunt enim Eunuchi*. Vox, enim, continuandi est, non probandi: vult enim declarare, allatis tribus Eunuchorum generibus, quinam sint illi, qui capiant verbum hoc, quod non expedit nubere, scilicet Eunuchi, non primi vel secundi, sed tertii generis. Sunt ergò Eunuchi, \* *qui de matris utero sic nati sunt*, nempe testibus

11. Qui dixit illis: non omnes capiunt verbum istud, sed quibus datum est.

12. Sunt enim eunuchi, qui de matris utero sic nati sunt: & sunt eunuchi, qui facti sunt ab hominibus: & sunt eunuchi, qui seipso castraverunt propter regnum cælorum. Qui potest capere capiat,



naturâ trunci vel frigidi, ad nuptias inepti, qui per naturam, non virtutem corpore saltem casti sunt. \* *Et sunt, qui facti sunt ab hominibus*, scilicet Eunuchi seu castrati, id est, quibus testes ab hominibus vel attriti vel exsecti, vel unâ cum veretro & scroto abscissi sunt, ut etiamnum sit apud Turcas: de quibus tribus generibus diximus ad c. 23. Deut. v. 1. \* *Et sunt Eunuchi qui seipsos castraverunt*. Hoc Valēsii Hæretici apud Aug. Hæresi 37. & Epiphan. Hæresi 58. exequabantur, ipsa membra mutilando, tam sua, quàm hospitum ad se divertentium. Imitatus est & Origines, & meritò reprehensus. Est enim divinâ Lege prohibitum tanquam opus homicidæ, ut Chrysost. Nam hujusmodi mutilatio fit cum magno vitæ periculo, & certissimo gravissimoque detrimento valetudinis. Non enim solum potestas generandi sed totus virilis vigor tollitur, qui inde in omnia membra totumque hominem, adeoque & animum redundat. Totus enim homo fit frigidus, flaccescit, languescit, non solum corpore, sed & animo, ita ut ex viro quodammodo fiat mulier: de quo Cælius Rhodigin. lib. 4. c. 7. Ita ut meritò quidam vocaverit cor principium vivendi, testes verò benè vivendi. Adde mutilationem illam etiam ad castitatem esse inutilem: tollitur enim facultas quidem generandi, non tamen coëundi, imò nec pruritus carnis nec appetentia rei venereæ, multò minus voluntas, ut clarè dicitur Eccles. 22. v. 2. Unde Calliganus Eunuchus Valentiniani gladio percussus fuit, à meretrice convictus, teste Aug. lib. 6. contra Julian c. 14. Ergò qui seipsos castraverunt, non in corpore, sed in ipsa concupiscentiæ radice, ut idem lib. de Virgin. c. 24. hoc est, qui præ castitatis proposito ab uxoribus continent, haud secus ac si virilia sibi amputassent, quod perfectissimè fit, cum voto quasi castratione auferunt sibi non solum voluntatem sed & potestatem licitè amplectendi nuptias. Illos ergò naturâ Eunuchos necessitas facit, hos voluntas. Sub viris autem comprehendit & fœminas tanquam sub sexu potiori: nam & in illis repertæ fuerunt omnis generis Eunuchæ, etiam fecundi, ut testis est idem Cælius. \* *Propter regnum cælorum*, id est, non propter præsentis vitæ commoditates, idololatriam, Philosophiam, laudem hominùm, sed ut justitiæ ac Deo facilius, liberius, majori cum fructu vacent, & ad Regni beatitudinem perveniant, quod exequitur Paulus I. ad Cor. 7. v. 32. usque ad v. 36. Sed quia res ardua est, & sublimis, Angelicam istam puritatem in corruptibili corpore meditari, ipsâ rei magnitudine ac pulchritudine propositâ, calcar addit: \* *Qui potest capere*, ut scilicet se castret propter regnum cælorum \* *capiat*, id est, castret ille se. Est enim, ut

Hieron.

Hieron, vox hortantis ad pudicitiae præmium : q. d. Qui potest pugnare, pugnet & expugnet, vincat ac triumphet. Nam verbo illo, *qui potest*, significat iterum, non omnes hoc posse, sed quibus datum est, hoc est quibus divinitus ardens, firma, & constans voluntas aspirata est, ut fluctus illos comprimant, eaque adhibeant, quibus superentur, orationem, jejunium, carnis macerationem, cordis custodiam, fugam. Verbo, *capiat*, significat rem pendere simul à libertate arbitrii. Proinde judicat quidem unicuique consulendas esse vires suas, ad rem tantam suscipiendam, simul tamen nuptiis castitatem præfert, animosque ipsâ rei magnitudine magis incendit, ut notat Chrysost. quia, ut ait Ambr. lib. de Viduis, non infirmitatem vinculis alligavit, sed præmiis virtutem provocavit.

13. \* *Tunc oblatis sunt ei parvuli.* Lucæ c. 18. &, seu etiam, *infantes*, qui scilicet necdum incedere possent : \* *Ut manus eis imponeret & oraret*, id est, ut manibus impositis oraret pro salute ipsorum, seu ut benediceret ac benè precaretur eis. Mos enim ille offerendi viris virtute claris pueros benedicendos jam inde à temporibus, & exemplo Jacob, benedicientis Ephraim & Manasse, inter Judæos inoleverat. Hic tamen simul mori fuisse videntur ex efficacia contactus Christi, ut, qui ægrotos sanabat, etiam præmuniret. \* *Discipuli autem increpabant eos*, prohibendo simul offerentes, ut Marcus : nempe ut qui gravioribus negotiis occupato molestiam exhiberent, & rem autoritate ac dignitate tanti viri indignam committerent, cum ægroti non essent. Zelasse enim videntur pro quiete & reverentia Magistri sui. Quibus ille respondet :

13. Tunc oblatis sunt ei parvuli ut manus eis imponeret, & oraret. Discipuli autem increpabant eos.

14. \* *Sinite parvulos venire ad me*, sive per se, sive aliis offerentibus. \* *Talium enim*, si scilicet ad me venerint, & benedicti fuerint, \* *est regnum calorum*, seu æterna felicitas. Non dicit autem *istorum*, sed *talium*, ut Hieron. notat, ut indicaret se non solos ætate parvulos, sed etiam parvulis similes quantum ad mores comprehendere, quod ex Lucæ explicatione subjuncta patet. Humilitatis enim similitudinem, ut Aug. lib. 1. de peccat. merit. c. 19. in parva ætate posuit, commendans adultis mirificam illam animi simplicitatem & innocentiam, quæ in parvulis elucent, de qua plura diximus initio cap. 18. Itaque tacitè taxat fastum discipulorum, qui pueris istis dissimiles contemnerent eos, quod pueri nequaquam solent.

14. Jesus verò ait eis: sinite parvulos, & nolite eos prohibere ad me venire: talium est enim regnum calorum.

16. \* *Et ecce unus accedens &c.* Hieron. confundit istum cum eo, de quo Lucas c. 10. v. 25. cum potius sit ille, de quo idem Lucas cap. 18. v. 18. Unde non est mirum, si deceptus Hieron. putaverit istum tentandi animo Christum interrogasse. Rectius enim Chrysost. ex

15. Et cum imposuisset eis manus, abiit inde,

16. Et ecce unus accedens, ait illi: Magister bone, quid boni faciam ut habeam vitam æternam?



17. Qui dixit ei  
 Quid me inter-  
 rogas de bono :  
 Unus est bonus :  
 Deus. Si autem  
 vis ad vitam in-  
 gredi, serva man-  
 data.

18. Dicit illi :  
 quæ : Jesus autem  
 dixit non homi-  
 cidium facies :  
 non adulterabis :  
 non facies fur-  
 tum : non falsum  
 testimonium di-  
 ces :

19. Honora pa-  
 trem tuum, &  
 matrem tuam : &  
 diliges proximi-  
 tuum sicut teip-  
 sum.

circumstantiis omnibus colligit eum sincero corde accessisse. Nam Marcus flexisse genua, & à Christo dilectum esse dicit. Lucas addit fuisse Principem, id est, præcipuæ dignitatis & potentiae virum inter Judæos, nempe propter divitias. Quia autem præfatione honorifica-  
 us fuerat, & *bonum* appellaverat, & de bono faciendo interroga-  
 verat : hinc notant plerique Christum quoque duo respondisse ; pri-  
 mò, *Quid me dicis bonum ?* ut Lucas & Marcus : deinde, \* *Quid me*  
*interrogas de bono ?* Ut hîc Matthæus. Sed quia etiam Græca hoc loco  
 legunt, *Quid me dicis bonum ?* Hinc verisimile est illud, \* *Quid me in-*  
*terrogas de bono ?* non sic explicandum esse, quid me interrogas, quid  
 boni factorus sis ? Sed ita potius, ut cæteris consentiat hoc modo :  
 quid me interrogas, de bono mentionem faciens, seu me bonum di-  
 cens ? Nam & hoc postulant verba statim subjuncta : \* *Unus est bonus*  
*Deus*, id est, solus Deus est per se, naturæque suæ bonus, & omnis  
 fons bonitatis tam hominibus quàm operibus. Cùm enim de bono,  
 quo beatus fieret, interrogasset adolescens, ludendo in verbo *bonus*,  
 corrigere seu altius erigere vult ejus animum, qui tanquam ad pu-  
 rum hominem accesserat, ut scilicet intelligeret id, quod loquebatur,  
 & ita crederet, se esse Deum, q. d. inquit Aug. l. 3. contra Maxi-  
 min. c. 23. Quando me nihil aliud quàm hominem putas, quid me  
 dicis bonum ? Rectè me appellabis bonum, si me noveris Deum. Non  
 enim te facit bonum, nec beatum, nec boni operis factorem, nisi bo-  
 num immutabile, quod solus est Deus. In eundem sensum exponit  
 Hil. l. 9. de Trin. Athanas. Dial. 1. de Trin. Ambr. l. 2. c. 1. de Fide.

\* *Si autem vis ad vitam ingredi*, æternam intelligit & beatam, quasi  
 aliud non sit vivere, quàm sine ullo fine & sine ulla miseria vivere.  
 Nam illa sine ullo additamento dicitur vita, nec intelligitur nisi æter-  
 na, & beata, tanquam sola dicenda sit vita, in cujus comparatione  
 ista, quam ducimus, mors est potius dicenda quàm vita, prout ex-  
 plicat August. in vers. 77. Psal. 118. \* *serva mandata* : procul dubio  
 omnia, sive de credendis, sive de faciendis, & sive Deum sive homi-  
 nem respiciant. Refellit enim hæc Christi responsio eos, qui solâ  
 contenti Fide opera contemnunt. Existimans autem adolescens à novo  
 doctore nova mandata ferri, interrogat : \* *Quæ ?* Nec alia Christus  
 adfert quàm ea, quæ Moyses in Tabulis scripserat, nec tamen omnia,  
 sed sola secundæ Tabulæ, sub illis tanquam notioribus & faciliori-  
 bus synecdochicè comprehendens ea, quæ spectant ad primam, ma-  
 ximè quia hæc in illorum observatione includuntur. Qui enim se-  
 cundam Tabulam observat, necessario observat & primam. Unde  
 & Paulus ad Rom. 13. v. 9. & 10. plenitudinem legis vocat, dilectio-  
 nem

nem scilicet proximi; sicut & hîc generali illo præcepto, \* *Diliges proximum tuum sicut teipsum*, omnia mandata concludit.

20. \* *Dicit ei adolescens, Omnia hæc custodivi à juventute mea*, id est, <sup>20. Dicit illi adolescens: omnia hæc custodivi à juventute mea, quid adhuc mihi deest?</sup> ab ineunte ætate, seu, ut Syrus vertit, à pueritia mea. Nam adolescentis juventus alia non potest esse nisi pueritia. Multi authores graves volunt falsum dixisse istum adolescentem: sic enim sentit Hier. hîc. Basil. Hom. in divites avaros, Clemens Alex. 4. Strom. cap. 3. Ambr. in Psalm. 1. Iren. lib. 4. c. 26. Imò & Aug. Epist. 89. q. 4. dicit, puto, quod se mandata arrogantiùs quàm veriùs servasse respondit. Itaque adolescens iste multùm amans divitias suas, nec intelligens, quousque se extenderet in ista divitiarum affluentia præceptum de diligendo proximo, non fraudulento, ut putavit Hieron. sed simplici & candido animo videtur respondisse, se omnia præcepta servasse, ut minimùm sicut Pharisei servabant. Unde & Marc. ait, quòd Christus eum intuitus dilexerit. Nec mentitus propriè dici potest, quamvis Basil. hoc dicat; sed, si accuratè veritas libretur, arrogantiùs quàm veriùs videtur hoc respondisse, ut Aug. dixit. \* *Quid adhuc mihi deest?* q. d. Paratus sum quidlibet suscipere, si quid mihi defuerit. Christus autem distinguens mandata Legis ab ista excellentiore consiliorum perfectione, non ait hîc, si vis ad vitam ingredi: ad hoc enim mandatorum observatio sufficit: sed,

21. \* *Si vis perfectus esse*, in observandis scilicet ipsis mandatis, & assequendâ vitâ æternâ: quod fit amovendo non solum charitati contraria, ut sunt peccata, sed etiam omnia impedimenta actus charitatis, ut sunt matrimonium, cura rerum sæcularium, & similia. Nam quamvis perfectio essentialiter consistat in perfecta mandatorum observatione, hoc est in perfecta charitate & sequela Christi: instrumentaliter tamen consistit in observatione consiliorum, quia per hæc ad observanda præcepta charitatis maximè homo promovetur, ut latius tradit D. Thomas 2. 2. quæst. 184. art. 1. & seqq. Unde celeberrima illa sententia Abbatis Moysis, apud Cassianum Collat. 1. c. 7. Jejunia, vigiliæ, meditatio Scripturarum, nuditas, ac privatio omnium facultatum, non perfectio, sed perfectionis instrumenta sunt, quia non in ipsis consistit disciplinæ illius finis, sed per illa pervenitur ad finem, nempe cordis munditiem & charitatem. \* *Vade, vende quæ habes*, id est, facultates & bona tua: quæ non quidem mala, sed magno tibi impedimento sunt assequendi vitam æternam, tum curâ, tum illecebris, tum amore sui & fiduciâ, quibus innectere solent animum. Unde Aug. lib. 83. Quæstionum q. 36. Charitatis venenum est spes adipiscendorum aut retinendorum temporalium.



\* *Et da pauperibus*, simul & semel omnibus divitiarum oneribus, curis, & effectibus expeditus. Iste est enim perfectissimus in hoc genere virtutis gradus: paulatim verò ex divitiis possessis eleemosynas dare secundus aut tertius, ut Hieron. adversus Vigilant. cap. 5. Itaque ut divitiarum contemptum liberalitate cumulet, non vult abjici aut dissipari opes, sicut quidam Philosophi fecerunt, nec consanguineis aut retributoribus dari, sed pauperibus. Ne verò putaret sibi perire, quæ amabat, \* *& habebit*, inquit, *thesaurum in calo*: ostendens tantò plura & majora reperturum, quantò cælum terrâ præstantius est. Nam, ut Chrysost. hom. 64. retributionis præstantiam thesaurum appellat, simul præmii abundantiam, & stabilitatem, & incorruptibilitatem humano verbo signanter exprimens. Ne verò me putes tua, non teipsum quærere, \* *veni*, scilicet jam pauper & nudus, jam terrenis rebus exutus, liber curis, etiam spe sæculi abjectâ, \* *& sequere me*: tum corporaliter discipulatu meo inhærendo, tum verò maximè vitam meam omnibus virtutibus & maximè charitate perfectam imitando. In hoc enim consistit summa perfectionis, cujus paupertas illa jam dicta magnum instrumentum & adjumentum est. Hunc perfectionis scopum cum Philosophi ignoraverint, non mirum, quòd paupertas & nuditas quorundam parvi momenti, imo prorsus vana fuerit. Utilius enim terrena opulentia tenetur humiliter, quàm superbè relinquitur, inquit August. epist. 34. ad Paulin. & Therasiam.

22. Cum audisset autem adolescens verbum, abiit tristis: erat enim habens multas possessiones.

22. \* *Cum audisset adolescens verbum, abiit tristis*: quòd sentiret sibi deesse vires ad conscendendum illum perfectionis gradum. \* *Erat enim habens multas possessiones*: quarum magno amore tenebatur, ex duplici scilicet capite, & quòd eas jam haberet, & quòd multas haberet. Nam & facilius pauca quàm multæ deferuntur, ut in Apostolis patuit: & ut August. epist. cit. nescio, quò modo, cum superflua & terrena diliguntur, arctius adepta quàm concupita constringunt. Aliud est enim nolle incorporare quæ desunt, aliud jam incorporata divellere: illa velut cibi repudiantur, ista velut membra præciduntur.

23. Jesus autem dixit discipulis suis: Amen dico vobis, quia dives difficile intrabit in regnum cælorum.

23. \* *Jesus autem dixit discipulis suis*, nempe circumspiciens eos, ut Marcus c. 10. v. 23. Quo significat postulasse attentionem eorum, tanquam rem eis valdè necessariam dicturus. Quâ de causa etiam non dicit ibi, ut Matth. *Dives difficile intrabit &c.* sed cum admiratione, *quàm difficile &c.* nempe quia cum magno labore; & propter illum laborem etiam valdè rarum est, ut Hilar. & Hieron. notant. Non ergò impossibile, ut voluerunt Pelagiani apud Aug. ep. 89. sed *difficile* dixit, quia quamvis plerumque non fiat, fit tamen aliquando, etsi cum labore. \* *Dives*, id est, affluens terrenis opibus. Non enim quamlibet rerum

rerum necessariorum præsentiam, sed affluentiam opum taxat: & sic intelligendus Marcus, dicens, *qui pecunias habent*, nempe multas, ita ut divites sint. Causa est, quia divitibus difficile est divitias relinquere, & adhuc difficilius divitiis retentis mandata servare. Nam præterquam quòd luxuriæ, gulæ, luxûs, omniumque vitiorum instrumenta & incentiva esse solent, & multa mordaces molestasque coacervandi & conservandi curas adferre: hoc habent peculiare, quòd possessoribus sensim sine sensu superbiam, sui amorem seu avaritiam & fiduciam in se inspirent, eoque majorem, quo majores sunt, quasi Deo non amplius indigeant. Et hinc est, quòd August. dicere solet, proprium vermem divitiarum esse superbiam. Unde aptissimè Apostolus illa jam dicta vitia divitum notans. 1. ad Timoth. cap. 6. v. 17. *Divitibus hujus sæculi præcipe, non sublime sapere, neque sperare in incerto divitiarum, sed in Deo vivo, facile tribuere, communicare, &c.* Et ipse Christus apud Marcum dicto cap. 10. v. 24. quasi explicans radicem difficultatis istius, quam adferre solent salutem, *Quàm difficile est, inquit, confidentes in pecuniis intrare in regnum calorum!*

24. Cum autem discipuli, ut Marc. testis est, obstupescerent propter sententiæ severitatem, Christus non corrigens id, quòd dixerat, sed augens, longè severius repetit: \* *iterum dico vobis*: q. d. Imo amplius dico: \* *Facilius est camelum per foramen acus transire, &c.* Ut concinnior esset comparatio, nonnulli apud Theophyl. per *Camelum* intelligunt funem nauticum, quo alligatur anchora, sed ille potius *Camelos* dicitur, per Jota. Veteres & Recentiores communiter intelligunt *Camelum*, animal gibbosum ac tortuosum, quod dicitur facilius transire, nempe hominis operâ, \* *per foramen acus*, minimum scilicet quod vel habet vel facit acus, \* *quam divitem, &c.* Est autem locutio proverbialis, Judæis tunc temporis usitata, & postea sæpius usurpata à Thalmudistis, qui de Elephante hoc efferunt, quod Christus de Camelo, Syris notiore. Significat ergo, non solum difficile, sed impossibile esse, divitem intrare, &c. Et quidem si rei naturam tantum spectes, impossibilis, quam camelum transire per foramen acus, eo quòd divitiæ jam dicta certissima salutis impedimenta adferant, quæ nullis viribus humanis amoveri possunt, sed tantum magnâ gratiâ Dei, ut Aug. initio epist. 122. ad Probam & lib. 2. quæst. Evang. q. 47. & hoc indicare videtur Christus v. 26. Alii tamen volunt esse locutionem hyperbolicam, quàm non tam impossibilitas, quàm magna admodum difficultas significetur. Cujusmodi locutiones videre licet & Jeremiæ 13. v. 23. & Eccles. 22. v. 18. & Prov. 17. v. 12. & vulgò usitatæ sunt, ut cum dicimus, *Facilius ignem aqua misceas, quàm illos*

24. Et iterum dico vobis: facilius est camelum per foramen acus transire, quàm divitem intrare in regnum calorum.



*concilies* ; significando utrumque esse valde difficile. Nam revera perdifficile est, ut divites avellantur ab amore, fiducia, & ab usu divitarum, à jactantia & superbia naturaliter inde pullulante. Difficultatem ergo illam mirantes discipuli dicunt :

25. Auditis autem his, discipuli mirabantur valde dicentes : quis ergo poterit salvus esse ?

25. \* *Quis ergo poterit salvus esse ?* Intrando in regnum cælorum ; hæc enim discipulis eadem sunt. Aliqui de divitibus tantum intelligunt quæstionem generalem : q. d. Quis divitum potest salvus esse ? Eo quod & ipsi & alii plurimi essent pauperes. Sed præstat generaliter queri, ut verba sonant, eo quod discipuli intelligerent plerosque incumbere divitiis, vel possidendis seu possessis, vel desiderandis & acquirendis ( idem enim est morbus, divitiis jam possessis niti, & inhiare parandis : ) & si tantam difficultatem adferrent divitiæ, majorem adferre vitia notissima, quibus mundus plenus est.

26. Aspiciens autem Jesus, dixit illis : apud homines hoc impossibile est : apud Deum autem omnia possibilia sunt.

26. \* *Aspiciens autem Jesus*, benigno scilicet vultu, nimirum ad solandam eorum de salute hominum sollicitudinem, ait : \* *Apud homines hoc impossibile est*, scilicet divitem intrare in regnum cælorum, & salvum fieri. \* *Apud Deum autem omnia possibilia sunt*, & proinde etiam istud, nempe, quia magnâ Dei gratiâ fieri potest, ut mutetur animus divitum, & vel divitias prorsus abjiciant, vel certè retinendo divitias, à cupiditate fiduciaque ac tenacitate rerum temporalium ad charitatem æternorum, & à perniosa superbia ad humilitatem saluberrimam convertantur, inquit Aug. cit. quæst. 47. lib. 2. quæst. Evang. Quamvis ergo & pauperi sit impossibile salvari sine gratia Dei, divitibus tamen propter causas jam dictas significat esse longè difficilius, longèque singulariori opus esse auxilio Dei, quo pauper non indigeat.

27. Tunc respondens Petrus, dixit ei : ecce nos reliquimus omnia, & secuti sumus te : quid ergo erit nobis ?

27. \* *Tunc respondens Petrus*, nomine reliquorum tanquam omnium caput, \* *dixit ei*, sollicitus videlicet, non tam de salute sua, & collegarum suorum, ut qui manifestè non erant divites, quàm de præmio paupertatis suæ : \* *Ecce nos reliquimus omnia*, nempe pauperibus, sive jam vendita, sive etiam integra in usum pauperis uxoris, liberorum, aliorumque conversa. \* *Et secuti sumus te* : hoc est, utrumque consilium, quod adolescenti præscripsisti, vel plenè ad litteram, vel certè maxima ex parte fecimus. \* *Quid ergo erit nobis ?* Mercedis aut præmii, an thesaurus in cælo, an aliquid inferius ? Dubitat enim, eo quod vel non omnes sua vendidissent, vel certè non divitias, sed per pauca quædam, ut naviculam & retia pauperibus reliquissent. Magnâ tamen fiduciâ dicit, \* *Relinquimus omnia* : quia, ut Aug. epist. 89. totum mundum dimittit, qui & illud quod habet, & quod optat habere, dimittit. Affectum enim, inquit Greg. Hom. 5. in Evang. debemus in hac re potius pensare, quàm censum. Multum reliquit, qui sibi nihil reti-

retinuit, & qui quamlibet parum totum deseruit. A sequentibus enim tanta dimissa sunt, quanta à non sequentibus concupisci poterunt. Hoc attendens ergo Dominus respondet Petro :

28. \* *Vos, qui secuti estis me*, corporaliter relictis omnibus, ut comites individui & sectatores vitæ meæ. Sic enim hoc intellexit Petrus, & sic eos fecisse narraverat Matthæus cap. 4. v. 20. & 22. omnium enim derelictionem ista sequela comprehendit : \* *in regeneratione* ; non baptismi, ut Hilarius, qui hoc jungit cum verbis, *secuti estis*, sed mundi, quâ cælum novum, & terra nova creabitur, vel in regeneratione hominis novissima, quæ, juxta Aug. lib. 3. ad Bonifac. c. 3. ambigente nullo est resurrectio mortuorum : & propterea regeneratio dicitur, ut Aug. lib. 20. de Civit. c. 5. quia per eam caro nostra regenerabitur per incorruptionem, quemadmodum est anima nostra regenerata per fidem. Per illam enim carnis incorruptionem ab omni corporeæ concretionis labe, & affectibus terrenis, veluti quadam regeneratione purificabimur, ut Ambr. apud eundem Aug. l. 4. ad Bonif. cap. 11. \* *Cum sederit Filius hominis in sede majestatis suæ*, id est, cum se palam vivis & mortuis magnâ cum majestate & gloriâ judicem exhibuerit. Sessio enim tranquillitatem & auctoritatem judicis aptè significat : unde & hoc situ fortassis appariturus est in nubibus, veluti throno suo : \* *Sedebitis & vos super sedes duodecim*, id est, etiam vos cum simili gloria judices mihi proximi apparebitis, unusquisque in throno suo. Alludit enim ad morem humanum, ubi cum Rege judicante Consilarii confident, & simul ad numerum duodenarium Apostolorum. Præsentem enim justitiam & statum eorum respiciebat, quemadmodum Scriptura in promissionibus & minis solet, subintelligendo tacitam conditionem, si in justitia & statu illo perseveraverint, à quo Judas excidit. Et quia omnium Christum sequentium, relictis omnibus, eadem ratio est, hinc Aug. lib. 2. de Civit. c. 5. per duodenarium numerum significari tradit universam multitudinem judicantium, propter mysterium numeri ternarii & quaternarii, in se ductorum : quorum utroque quædam universalitas in Scripturis indicari solet. Nam alioqui Paulus, qui se Angelos judicaturum dixit 1. ad Cor. 6. sedem judicandi non haberet. Simili modo illud, quod sequitur, \* *judicantes duodecim tribus Israël*, intelligendum est. Sub illis enim universalitas judicandorum seu omnes gentes intelliguntur : alioquin tribus Levi tanquam decimatertia injudicata recederet, ut August. ibidem. Duodecim tamen tribus tantum nominat, eo quòd illarum peculiariter ipse esset Rex, ipsis Messias missus, illis denique ipsemet & Apostoli primò prædicare debe-

28. Jesus autem dixit illis : Amen dico vobis, quòd vos qui secuti estis me, in regeneratione, cum sederit Filius hominis in sede majestatis suæ, sedebitis & vos super sedes duodecim judicantes duodecim tribus Israël.



rent. Porro iudicium istud non est solius comparationis, ut vult Hieron. nam hoc & malis quibusdam competet, ut Ninivitis, Matth. 12. v. 41. neque etiam approbationis sententiæ, quod omnibus bonis erit commune, sed iudicium potestatis & autoritatis. Unde eis, tanquam Principibus Regi proximis, primatus in regno cælorum promittitur, & aliquid longè ampliùs, quàm illi adolescenti.

29. Et omnis qui reliquerit domum, vel fratres, aut sorores aut patrem, aut matrem, aut uxorem, aut filios, aut agros, propter nomen meum, centuplum accipiet, & vitam æternam possidebit.

29. \* *Et omnis, qui reliquerit, &c.* His verbis putat Theophyl. extendi superius præmium ad alios quàm ad Apostolos. Sed rectiùs dixeris cum Orig. tract. 9. in Matth. & Aug. ep. 89. hîc tangi inferius genus hominum, & inferius præmium: ita scilicet ut priori sententiâ responderit Christus de iis, qui omnia reliquissent, & Christum secuti essent, sicut Apostoli: hâc verò posteriori de iis, qui quamvis Christum non secuti fuerint corporaliter, omnia tamen vel aliquid propter ipsum reliquerint, id est, deseruerint, etiamsi non vendiderint. Nam inter relinquenda ponitur etiam uxor, quæ vendi non potest: deferi tamen potest sive studio perfectionis, ad sequendum Christi consilium, si consenserit; sive ad servanda præcepta, etsi fuerit invita & non consenserit. Potest enim occurrere necessitatis articulus, ut aut uxor sit relinquenda Christiano, aut Christus: idemque iudicium est de domo, parentibus, fratribus, & quibuslibet temporaliter bonis, ut latius tractat Aug. illa epist. 89. in fine. \* *Propter nomen meum*, id est, propter me, seu amore mei, videlicet potius quàm me aut fidem meam, aut præcepta deferat. Non enim conjugia aut cognationes dirimi Christus cupit, sed se uxori, parentibus, filiis, ipsique adeò vitæ præponi. *Centuplum accipiet*: supple ex Marco & Luca, *in hoc saculo*, quod & postulat antithesis cum *vita æterna*, ut sequitur. *Centuplum* autem idem est, quod centies tantum, scilicet pro singulis relictis: ubi numerum certum poni pro incerto patet ex Luca dicente, *Et non recipiat multò plura in hoc saculo*: q. d. Non damno, sed lucro ei erit ista relictio: partim quia, ut Hieron. loco carnalium bonorum recipiet spiritualia, nempe virtutes animi, pacem & consolationes, quæ comparatione & merito sui ita sunt, inquit, ut si parva numero centenarius comparetur; partim quia loco unius fratris, sororis &c. centuplo plures erunt, qui ei castum & spiritalem affectum ac solatium fratris, sororis, uxoris, &c. impendent, & suis domibus excipient, bonisque sustentabunt. Hoc enim potissimum hîc spectari ex Marco patet, qui dicit, *Qui non accipiat centies tantum, domos, fratres, sorores, matres, &c.* Qui etiam adjicit, *cum persecutionibus*, hoc est in mediis persecutionibus, quando ad suos deferendos compellitur, & omnium auxilio destitui videtur. \* *Et vitam æternam posside-*

*ſidebit* : ſupple ex Marco & Luca, *in futuro ſæculo*; item (quod in omnibus ſimilibus intelligi debet) niſi aliunde impedimentum objiciatur. Summa igitur promiſſionis eſt, quod qui ſua propter Chriſtum deſeruerit, longè felicior erit, etiam in hoc ſæculo, quàm ſi ſua retinuiſſet, & maximè in futuro.

30. \* *Multi autem erunt primi noviffimi.* Ordo verborum eſt, multi primi erunt noviffimi, & contrà. Variè hoc accommodant ad Chriſti propoſitum: ſed additum videtur, ne Apoſtoli mirarentur, quòd ipſi viles homines judicaturi eſſent Judæos ac duodecim tribus, & qui perſecutionibus preſſi ſua deſerent, in vita æterna cæteris antecellerent. Nam ut hanc inopinatam viciffitudinem ob oculos poneret, adducit generalem parabolam, in cujus fine concludit, *Sic erunt noviffimi primi &c.* quafi explicuiſſet id, quod hîc dixerat. Unde & hîc, ubi nos legimus,

30 Multi autem erunt primi noviffimi, & noviffimi primi,

## CAPUT VIGESIMUM.

1. \* *Simile eſt regnum calorum*, Græcè & Syriacè eſt, *Simile eſt enim regnum &c.* ut ſit ratio præcedentis ſententiæ. \* *Simile ergò eſt &c.* hoc eſt ſimiliter agitur in Eccleſia, quemadmodum ſi paterfamilias aliquis conduceret operarios ad excolendam vineam ſuam, paſciſcendo cum eis,

1. Simile eſt regnum calorum homini patrifamilias, qui exiit primo mane conduceret operarios in vineam ſuam.

2. \* *Denario diurno*, id eſt, denario argenteo, qui pro opera unius diei pendi ſolet. Intelligi enim videtur denarius minor, unius drachmæ pondere, unius circiter Regalis Hiſpanici valore, de quo alibi diximus.

2. Conventione autem facta cum operariis ex denario diurno, miſit eos in vineam ſuam.

3. \* *Et egreſſus circa horam tertiam.* Pro horarum iſtarum intelligentia ſciendum eſt, Judæis & Romanis diem diviſum fuiſſe in horas duodecim, ſimiliter & noctem: quarum quæque dividebatur in quatuor partes æquales, quæ reſpectu noctis dicebantur quatuor Cuſtodixæ ſeu Vigiliæ; reſpectu diei verò vocabantur iſtis uſitatis nominibus Prima, Tertia, Sexta, Nona. Dies enim & hora prima incipiebant in exortu Solis, & primus quadrans diei complectebatur horam primam, ſecundam, & tertiam totam; ſecundus quartam, quintam & ſextam, quæ terminabatur præciſè ipſo meridie; tertius ſeptimam, octavam & nonam; ultimus verò decimam, undecimam & duodecimam, quæ finiebatur ipſo occaſu Solis. Hinc eſt, quòd horæ iſtæ diurnæ longiores eſſent in æſtate, quàm in hyeme, & è contrario, horæ nocturnæ longiores in hyeme, quàm in æſtate. Neque ulla hora reſpondebat noſtris adæquatè & ſemper, niſi ſolus finis ſextæ, & initium ſeptimæ, quæ ſemper incidebant in medium diem vel medium

3. Et egreſſus circa horam tertiam, vidit alios ſtantes in foro otioſos.

4. Et dixit illis: ite & vos in vineam meam, & quod juſtum fuerit dabo vobis.

5. Illi autem, abierunt. Iterum autem exiit circa ſextam & nonam horam, & fecit ſimiliter.

6. Circa undecimam verò exiit, & invenit alios ſtantes, & dicit illis: quid hic ſtatis tota die otioſi?

7. Dicunt ei: quia nemo nos conduxit. Dicit illis:



ite & vos in vineam meam.

8. Cum sero autem factum esset, dicit Dominus vineæ procuratori suo: voca operarios, & redde illis mercedem, incipiens à novissimis usque ad primos.

9. Cum venissent ergo qui circa undecimam horam venerant, acceperunt singulos denarios.

10. Venientes autem & primi arbitrati sunt quod plus essent accepturi; acceperunt autem & ipsi singulos denarios.

11. Et accipientes murmurabant adversus patrem familias,

12. Dicentes: hii novissimi una hora fecerunt & patres illos nobis fecisti, qui porta vimus pondus diei, & æstus.

13. At ille respondens uni eorum, dixit amice non facio tibi injuriam: nonne ex denario convenisti mecum?

14. Tolle quod tuum est, & vade: volo autem & huic novissimo dare sicut & tibi.

noctem. Ex his patet, primum quadrantem in se complexum fuisse totam horam primam & tertiam. Unde quia hic dicitur *circa tertiam, circa sextam, circa nonam, & undecimam*, intelligi videtur finitam, seu sub finem tertię, &c. ubi incipiebat secundus quadrans, & circa finem sextę, ubi incipiebat tertius quadrans. Similiter ergo *circa undecimam*, id est, circa finem undecimę, cum scilicet non nisi una hora diei tota duodecima esset reliqua. Reliqua in littera parabolę satis manifesta sunt. *Pater familias* itaque iste est Deus in primis Pater, de quo Christus Joan. 15. *Pater meus agricola est*: quamvis Hilar. intelligat Christum Dominum. *Vinea* est Ecclesia, juxta Origenem in Matth. & Greg. hom. 19. in Evang. *Operarii* homines sunt, qui per fidem in Ecclesiam vocantur: nemo enim in eam intrare potest nisi vocatus per gratiam, idque ad excolendam vineam, id est, ad opera justitię facienda, & quidem *conventionē factā*, id est, interveniente promissione mercedis. *Hora* diversę diversa tempora sunt vocationis, quę tamen non eodem modo ab omnibus intelliguntur. Ambr. enim l. 7. in Luc. Iren. l. 4. c. 70. Orig. Hilar. & alii intelligunt per *diem totam*, tempus, quod à mundi initio usque in finem interjectum est. Ita ut primum mane seu hora prima sit mundi initium usque ad diluvium: tertia hinc usque ad Abraham: sexta ab Abraham usque ad Moysen: nona, inclinante jam sæculo, & pallescente luce virtutis, denotat tempus Legis, & decolores hominum mores, à Moysē usque ad Christum: undecimā ab adventu Christi, usque ad finem mundi, quę à Joanne *novissima hora* dicitur: quo tempore Gentiles in vineam excolendam vocati sunt, quibus etiam dictum, \* *Quid hic statis tota die otiosi?* Eo quod usque ad ultimam transacti mundi ætatem justitiam neglexerant: idque sicut aiunt, \* *quia nemo nos conduxit*, id est, nullus Patriarcha vel Propheta nobis veritatem & vitę vias prædica- vit. Alii intelligunt diversas ætates hominum, quibus ad fidem & justitiam faciendam in Ecclesiam vocantur; ita videlicet, ut qui pueri venerunt, horā primā adducti sint; qui adolescentuli, tertią; qui juvenes, sextā, qui viri, & in senectutem vergentes, nonā; qui decrepiti vel in fine vitę, ut latro, undecimā: non enim omnes Deus primo mane vocat. Ita Aug. serm. 237. de temp. c. 1. Basil. Regul. 224. inter breviores, Naziarz. orat. 40. & alii. Utramque expositionem complectitur Greg. Hom. illā 19. jam citat. Hieron. & August. & sanē utrovis modo rectē intelligi potest. Et primo quidem modo scopus parabolę erit, ostendere, quod Gentiles sine injuria æquantur antiquis Patribus ac Judæis, quamvis prius vocatis: secundo verò, nihil interesse, quā suā ætate aliquis ad fidem vocetur; quod sanē videtur

videtur parabolæ congruere. Ultimi enim dicuntur breviori tempore operari & tamen parem recipere mercedem. Nihil autem interest, quâ mundi ætate vocetur aliquis, ut diutius vel minus diu operatus dicatur, sed quâ suâ ætate. *Forum*, in quod paterfamilias exit, totus est mundus, in quo extra Ecclesiam non nisi otiosa & mundana tractantur. *Denarius* qui æqualiter singulis redditur, est vita æterna, seu regnum cælorum, ubi erunt omnes, quos prædestinavit Deus, ut latè declarat Aug. lib. de S. Virgin. c. 26. Nam quamvis stella differat in claritate, & diversa sint Sanctorum merita, in vita tamen æterna & in regno cælorum esse omnibus commune est, sicut in cælo esse omnibus commune est sideribus. *Vespera diei* est finis mundi, & novissimi judicii dies. Nam quamvis mors uniuscujusque sit ejus vespere, communis tamen omnibus vespere est illa dies. Procuratorem seu oconomum Iren. lib. 4. c. 70. vult esse Spiritum S. qui dividit singulis, prout vult. Rectius cum Greg. dixerimus esse Christum, qui judex vivorum & mortuorum constitutus suam singulis mercedem dabit: & quamvis omnibus simul, tamen \* *incipit à novissimis usque ad primos*; quia ut August. serm. illo 59. c. 4. qui post unam tantum horam laboris mercedem acceperunt, priores videntur accepisse, quia minus diu dilati sunt. \* *Murmur*, significat Sanctorum admirationem vel, ut Chrysost. ac Theophyl. indicat tantam esse Dei gratiam erga Gentes, vel eos, qui ultimâ vitæ ætate vocati sunt, ut humano more, si fieri posset, alios ad invidiam & murmur concitaret. Nam quamvis, ut v. 4. dicitur omnibus etiam serò vocatis, quod justum fuerit, detur, si mercedem cum opere compares, tamen quia opus illud est gratiæ & gratuito datum, meritò mirantur novissimis tantam gratiam esse factam, ut magnitudine dilectionis compensantes laboris brevitatem, in mercede æquentur primis, \* *qui portaverant pondus diei*, id est, continuum totius diei laborem, \* *& æstus*, Solis: nempe propter graviores labores ante Christi adventum, cum sævi- ret diabolus, vitæque esset diuturnior, & gratia minor; vel propter graviores per totam vitam carnis æstus ac tentationes, quæ in hora novissima, nempe sub Christi gratia vel senectute, longè mitiores sunt. Et quia totum istud gratiæ Dei est, quam ipse, quibus vult, facit, hinc \* *respondet paterfamilias*: \* *uni*, loco omnium, \* *Amice*, non facio tibi injuriam, &c. id est; non fraudavi te pactâ mercede. \* *Volo autem & huic novissimo dare*, nempe ex liberalitate mea, quamvis brevissimo tempore laboraverit, \* *sicut & tibi*.

15. \* *Aut non licet mihi quod volo facere?* Græcè & Syriacè additur, *in meis*, id est, in rebus meis, seu, ut Aug. explicat serm. cit. de meo.

15. Aut non licet mihi quod volo facere? An oculus tuus nequam est quia ego bonus sum?

\* An



\* *An oculus tuus nequam est*, seu malus, \* *quia ego bonus sum* ? id est, an tu invidus es, quia ego in alium liberalis sum ? *Malus enim oculus* Hebræis significat invidiam, ut videre licet Marci 7. v. 22. & clarè Prov. 23. v. 6. ubi pro homine invidio est Hebræicè *רָעָה עֵינַי*, *Ragh ghaijn*, oculus malus, & Eccl. 3. i. v. 14. eo quòd ex oculis invidia potissimum eluceat. Hæc videtur genuina parabolæ explicatio. Nam quòd plerique recentiores velint, per *primos* significari Judæos ; per *novissimos* Christianos, eo quòd Judæi acceperint tantum mercedem temporalem, Christiani verò vitam æternam, multis modis videtur parabolæ dissonare, utpote in qua primi clarè dicunt, *novissimos sibi pares esse factos*, & paterfamilias dicit, *Volo huic novissimo dare sicut & tibi*. Unde omnes etiam acceperunt singulos denarios, id est, parem mercedem.

16 Sic erunt novissimi primi, & primi novissimi: multi enim sunt vocati, pauci vero electi.

16. \* *Sic*, id est, quemadmodum in hac parabola, qui primi vocati fuerant, ultimò acceperunt mercedem ; & qui longè diutius gravioresque labores pertulerant, nihilo tamen cæteris ampliorem, sed potius minorem, quamvis laboribus parem mercedem acceperunt, ita etiam in regeneratione fiet, ut multi, qui \* *novissimi*, & abjectissimi in hoc mundo fuerant, relinquentes omnia, persecutionibus pressi, &c. fiant \* *primi* : & è contrario, qui hîc \* *primi* fuerant, ut Scribæ & Pharisei, & similes, fiant \* *novissimi*, & ab ipsa vita æterna excludantur. Est enim repetitio sententiæ præcedentis, ad cujus probationem hæc parabola, quæ de solis in vitam æternam vocatis loquebatur, interposita fuerat. Unde id, quod sequitur, \* *Multi enim sunt vocati, &c.* est ratio non ejus, quod in parabola contigisse dixerat, ubi omnes electi erant, sed sententiæ illius generalis, maximè quatenus Apostolos ac Judæos, seu duodecim tribus respicit, ut dictum est in fine cap. præced. Itaque \* *multi sunt vocati*, à Deo ad fidem, ad charitatem, ad perfectionem Evangelicam & ad regnum cælorum, \* *pauci verò electi*, ad id scilicet ad quod vocati fuerant, maximè ad regnum cælorum. Et ideò non est mirum, quòd qui primi videntur vocatione & hominum judicio, fiant novissimi, & contrà. Electio enim ista occulta est, & singularissimæ Dei gratiæ : ex qua fit, ut, quamvis omnes vocentur, alii tamen ex iis vocentur secundum propositum, ut Apostolus loquitur, hoc est, ita vocentur à Deo, ut reipsa credant, ut justificentur, ut glorificentur Deo eis dante perseverantiam.

17 Et ascendens Jesus Ierosolymam, assumpsit duodecim discipulos secretò : & ait illis.

18. Ecce ascendimus Ierosolymam, & filius hominis tradetur principibus sacerdotum & Scribis, & condemnabitur cum morte.

17. \* *Et ascendens, &c. assumpsit duodecim discipulos secretò*. Græcè *καὶ ἰδὼν ἐν ἑσθῇ*, seorsim scilicet ab aliis discipulis & turbis, ne sequens prædictio nimis divulgaretur, & ita mors ejus vel impediretur vel procurata videretur. \* *Et ait illis* :

18. \* *Ecce ascendimus, &c.* q. d. Ecce jam in hoc ascensu præforibus est, quod aliquoties prædixi vobis de morte mea.

19. \* *Et tradent eum gentibus*; Romanis scilicet & Præsidi Pilato, sicut ipse testatur Joan. 10. v. 35. *Gens tua & Pontifices tradiderunt te mihi*. Tradent autem, ut gravius crucietur, nempe \* *ad illudendum*, & *flagellandum*, & *crucifigendum*. Ad crucifixionem solam expressè tradiderunt; ad reliqua tacitè, tum quia gratum eis fuit quidquid ei supplicii inferretur: tum quia materiam illusionis & flagellationis præbuerunt, accusando eum tanquam affectatorem regni. Interim hæc prædicit, ut ad patientiam & animi constantiam præmuniret: Nam quod Lucas 18. v. 34. dicit, *quod nihil horum intellexerint*, intellige, quòd non intellexerint mortis istius tam ignominiosæ mysterium & fructum ad redemptionem generis humani; non quod verba clarissima non intellexerint. Alioquin enim non diceret Marcus 10. v. 32. *quòd discipuli stupebant*, nempe Christum tam alacriter nihilominus præcedentem, & quòd *sequentes timebant*, scilicet mortis prædictæ periculum.

19. Et tradent eum Gentibus ad illudendum, & flagellandum, & crucifigendum, & tertia die resurget.

20. \* *Tunc*, audità per filios mentione resurrectionis, & sessionis super duodecim sedes ad judicandos duodecim tribus. Putabant enim Christum jamjam proficisci ad capeßendum regnum suum quod more Judaico in terra, Jerosolymis expectabant. \* *Accesit mater filiorum Zebedæi*, Jacobi & Joannis, nomine Salome, ut colligitur ex Marc. 15. v. 40. juncto cum Matth. 27. v. 57. \* *Petens aliquid ab eo*, in genere, ut fidem ejus magis obstringeret, ne re statim intellectà repelleretur. Marcus dicit ipsos filios petiisse, quia scilicet matrem ad petendum subornaverant, ut petitio esset honestior, & impetratio faciliior, eo quòd mulier, & pro filiis, & Christo cognata (ut multi) & ipsi serviens, facilius flectere posse videretur: & ut repulsæ pudor & cæterorum Apostolorum invidia esse minor. Unde notat Aug. lib. 2. de consensu Evang. c. 64. & Hieron. hîc, non tam matri quàm filiis instigantibus Christum v. 22. respondisse. Matrem autem ipsam pulchrè & latius excusat Ambr. in Luc. brevius Hieron. quod error esset muliebris, & affectus pietatis. Petebat enim pro filiis: \* *dic, ut sedent, &c.* jube statim tanquam Rex, ut filii mei cingant tibi utrumque latus, ac veluti proximi & procures regni sedent. His enim verbis primas in regno petit, & clarè alludit ad sedes illas duodecim, de quibus cap. præced. v. 28. ut à filiis instructam fuisse liqueat.

20. Tunc accessit ad eum mater filiorum Zebedæi cum filiis suis: adorans & petens aliquid ab eo.

21. Qui dixit ei: quid vis? Ait illi: dic ut sedent hi duo filii mei, unus ad dexteram tuam, & unus ad sinistram: in regno tuo.

22. \* *Respondens autem dixit ipsis filiis*: \* *Nescitis quid petatis*, quia nescitis, quid sit regnum meum, nempe non carnale in hoc mundo, sed spirituale: nescitis, quid sit sedere mihi proximum, id est, nescitis, quàm magnum sit & ipsas Angelicas excedens virtutes, ut Chrys. Nescitis, quid faciat idoneum tali loco, scilicet non sanguinis nexus,

22. Respondens autem Jesus, dixit: nescitis quid petatis. Potestis bibere calicem, quem ego bibiturus sum? Dicunt ei: possumus.

sed mus.



sed potatio calicis : nescitis , quàm inordinatè petatis , triumphum scilicet ante victoriam : denique nescitis , quàm viâ impetretur , nempe non hujusmodi precibus , sed meritis . \* *Potestis bibere calicem* , ignominiae , supplicij , & mortis , \* *quem ego bibiturus sum* ? id est , Satisne virium habetis , ut eandem , quam ego , sortem subeatis certaminis , passionis & mortis , quæ eos , qui primas in regno meo obtinere volunt , necesse est imitari ? *Calix* enim in Scripturis uniuscujusque sortem , ei à Deo decretam significare solet , sive bonam , ut Psalm. 15. v. 3. & Psalm. 22. v. 3. *Calix meus inebrians* , &c. sive , quod frequentius est , malam , ut Psalm. 10. v. 7. & Psalm. 74. v. 9. *Calix in manu Domini vini meri plenus mixto* : quæ metaphora Prophetis valde usitata est , ut liquet Isaïæ 31. v. 17. & Jerem. 25. v. 15. & alibi . Desumptam autem volunt ab antiquo potantium ritu , quo convivij præses unicuique suum miscebat calicem , seu portionem , quam biberet . Itaque his verbis docet eos Christus & exemplo suo modum , quo obtinerent id , quod petierant . Quod idem Græcus textus & Syriacus hoc loco , itemque Latinus apud Marcum , aliâ explicat metaphorâ , & *baptismo* , quo ego baptizor , baptizari ? Eandem enim passionem suam vocat *baptismum* , sicut & Lucæ 12. v. 50. quâ ita undique obrutus & afflictus fuit , sicut homo undique aquis mergitur : per aquas enim inundantes tribulationes significare Scripturis familiaris tropus est , ut patet Psalm. 8. v. 1. 2. 3. \* *Dicunt ei* , *Possumus* . Sentiebant enim se animo paratos in carcerem & mortem cum Christo ire , sicut & Petrus postea ; sed quemadmodum honoris , quem ambierant , magnitudinem , ita & necessarias ad bibendum hujusmodi calicem vires nesciebant : dulce enim martyrium , sicut & bellum , inexpertis .

23. Ait illis : calicem quidem meum biberis ; sedere autem ad dexteram meam vel sinistram , non est meum dare vobis , sed quibus paratum est à Patre meo ,

23. \* *Ait illis : Calicem quidem meum* , id est , meo similem , *biberis* , quia alter eorum mortem pro Christo , Act. 12. alter exilium , fervens oleum , gravesque tribulationes passus est , Apoc. cap. 1. v. 9. quæ omnia ad calicem Domini pertinent . \* *Sedere autem ad dexteram* , &c. id est , summum in regno meo honoris gradum , \* *non est meum dare vobis* , id est , superbis : hoc enim adhuc estis , inquit Aug. Psal. 126. Unde illis verbis , *potestis bibere calicem* , &c. putat eos ad humilitatem passionum ab ambitione fuisse revocatos . Capite verò 12. lib. 1. de Trinitat. aliter exponit , *Non est meum* , id est , non est humanæ potestatis hoc dare , quia tanquam ab homine postulatis ; sed paternæ , & proinde & meæ æternæ prædestinationis . Possent hæc verba appositè ad mentem petentium sic exponi : Primas regni sedere non est æquum ut pro libitu meo humanoque beneplacito distribuam , amicorum , fami-

familiarium, consanguineorum cedendo affectibus aut votis, sed illis dandæ sunt, quibus à Patre sunt decretæ, nempe certantibus & vincantibus: quibus enim certamen & victoriam, illis & coronam paravit. Ita ferè Chrysost. Hier. & Theophyl. Nec ait ergò Christus, nec negat eos esse, quibus dandæ sint illæ sedes, sed ostendit non sic esse dandas, tacitèquæ eorum animos prius ad labores cogitandos quàm ad coronas excitat. Græcè deest illud, *vobis*; & tunc iste sensus est, *Non est meum dare ambitiosè petentibus, sed quibus*, id est, nisi quibus paratum est à Patre, per æternum decretum: sic enim Græcum ἀμὰ aliquando vertitur, ut Marci 9. v. 7.

24. \* *Et audientes decem, indignati sunt*, carnaliter æmulantes de petitione carnali. Ex eodem enim fonte indignatio & petitio prodit, quia quisque sibi more aulicorum hujus mundi primatum ambibat. Itaque omnibus ex æquo medicinam admovent, exemplo tum Regum tum suo eos ad modestiam revocat.

25. \* *Scitis quia principes gentium dominantur eorum*, id est, eis, quibus præsumt, seu gentibus, ut Græcum sonat; id est, Scitis quod Principes hujus mundi, iique gentiles, à Dei cultu & religione alieni, dominantur in subditos, seu dominandi & imperandi fastum ex principatu quærunt, utpote eum solo dominatu, non utilitate subditorum metientes. Nam Græcè verbum *κατακυβερνῶν*, id est, *Dominari*, propter additam præpositionem, *κατά*, in malam partem sumitur: quo eodem verbo & sensu vetat pastores Petrus, epist. 1. c. 5. v. 3. dominari in clerum, id est, in gregem, qui eis sorte obtigit. \* *Et qui majores sunt*, seu magnates Gentium, qui dignitate pollent inter eas, *potestatem exercent in eos*, id est, eo referunt dignitatem suam, ut jubeant, imperent, & alios imperiosâ potestate suâ quoquo modo ad obsequium pellant: q. d. Christus, Scitis affectionem, quâ laboratis, esse Gentilium, amantium solum dominatum, & potestate suâ ad fastum & gloriam suam abutentium. Quæ sententia & assertivè & majori emphasi interrogativè legi potest.

26. \* *Non ita erit inter vos*, discipulos videlicet regni cælestis, quorum mores à Gentibus Dei ignaris differre debent. \* *Sed quicumque voluerit inter vos major fieri*. Hieron. Chrysost. & Hil. in Psalm. 118. intelligunt hîc præscribi modum parandi principatum in regno cælorum scilicet humilitate ministrandi & serviendi hîc omnibus, non fastu dominandi. Sed aptius dixerimus Christum ex onere incumbente primatui regni cælestis, seu Ecclesiæ, ab eodem affectando detertere, hoc sensu: qui voluerit major fieri, seu esse, ut sequitur v. 27. id est, qui statuerit magnus esse & auctoritate eminere, suscipiendo

24. Et audientes decem, indignati sunt de duobus fratribus.

25. Jesus autem vocavit eos ad se, & ait: scitis quia principes gentium dominantur eorum: & qui majores sunt, potestatem exercent in eos.

26. Non ita erit inter vos: sed quicumque voluerit inter vos major fieri, sibi vester minister:

27. Et qui voluerit inter vos primus esse, erit vester servus.



principatum, ille jam major factus, \* *sit vester minister*, id est, sciat ita se præstare debere, ut non honorem suum, commodum, aut imperandi factum ex principatu quærat, sed ministerium aliorum; sive ita, ut se exhibeat ministrum, salutem tantum eorum quærendo; quod idem repetit aliis verbis v. 27. sed cum quadam auxesi. Plus est enim *primum* esse, quàm *majorem*; & plus est esse *servum*, quàm *ministrum*: q. d. Sciat se, quidquid bonorum habet corporis, animæ, fortunarum, & vitam ipsam saluti vestræ procurandæ impendere, debere, instar servi. Nam, ut præclare Aug. l. 19. de Civit. c. 14. In domo justī viventis ex fide, & adhuc ab illa cælesti civitate peregrinantis, etiam qui imperant, serviunt eis, quibus videntur imperare. Neque etiam dominandi cupiditate imperant, sed officio consulendi: nec principandi superbiâ, sed providendi misericordiâ. Et sic exposita Matthæi sententia prorsus convenit cum ea, quæ est Lucæ 22. v. 26.

28. Sicut filius hominis non venit ministrari, sed ministrare, & dare animam suam redemptionem pro multis.

28. \* *Sicut Filius hominis*, ego scilicet omnium citra controversiam major, primus, & Princeps, \* *non venit*, in hunc mundum, \* *ministrari*, id est, eo scopo, ut sibi ab aliis ministretur, sive ut hominum ministerio utatur, ad pompam magnificentiæ suæ, \* *sed ministrare*, id est, sed ut hominum saluti, & utilitati, discurrendo, prædicando, sanando, moriendo serviat. Nam hoc est, quod addit, \* *dare animam suam*, id est, ut profundat ipsam vitam suam, sive ut tradat semetipsum Deo Patri, juxta dicta Matth. 10. v. 39. \* *redemptionem*, Græcè *λύτρον*, id est, pretium redemptionis, quo captivi redimuntur, \* *pro multis*, omnibus scilicet, qui simul multi sunt, redimendis ab ira Dei, captivitate diaboli. Maluit tamen, *multis* quàm *omnibus*, dicere, ut non sufficientiam suæ redemptionis, sed fructum exprimeret, qui non in omnes, sed multos redundabit, ut insinuat Hieron. quo modo & infra c. 26. v. 28. & Paulus ad Hebræos 9. v. 28. Christum oblatum dicit ad multorum exhaustiunda peccata.

29. Et egredientibus illis ab Jericho, secuta est eum turba multa  
30. Et ecce duo cæci sedentes secus viam, audierunt quia Jesus transiret; & clamaverunt, dicens: Domine miserere nostri, fili David.

29. \* *Et egredientibus illis ab Jericho*. Ita & Marcus 10. v. 46. idem miraculum narrat factum in egressu à Jericho. Nam quod unum tantum cæcum nominat, Matth. verò duos, fieri potuit, ut significaret illum unum fuisse famosissimum, unde & pater ejus à Marco exprimitur; alterum ignotum, sicut hanc apparentem contradictionem solvit Aug. l. 2. quæst. Evang. q. 48. & l. 2. de consens. c. 65. Majorem difficultatem habet, quod Lucas 18. v. 35. notat, hoc esse factum, *cum appropinquaret Jericho*, id est, ante ingressum in Jericho. Et quamvis indicet Aug. hoc intelligi posse, cum esset prope Jericho, scilicet ingrediendo, magis tamen inclinât, sequendo proprietatem verbi, *appro-*  
*pin-*

*pinquāret*, hoc factum esse ante ingressum, & ita esse aliud miraculum, simile ei, quod narrant Matth. & Marcus. Sed tanta est omnium omnino cæterarum circumstantiarum similitudo, ut idem planè miraculum à tribus narrari videatur. Et ita dicendum est, Lucam exprimere locum, unde primò incepit cæcus clamare, scilicet cùm appropinquaret Iesus Jericho: sed cùm esset dilata sanitas ejus, eum iterum obsedisse viam, cùm egrederetur Jericho, & tunc vocatum esse ac sanatum. De oratione verò ista, *Miserere nostri, fili David*, vide dicta Matth. 9. v. 27. & c. 15. v. 22.

31. \* *Turba autem increpabat eos, ut tacerent*: putans eos vel stipem more mendicorum à Christo petere, vel importunis clamoribus Christo, voces eorum dissimulanti, esse molestos: fortè & quòd aegrè ferrent nonnulli eum vocari Filium David. \* *At illi magis clamabant*: ut strepitum turbæ superarent, nescii, quantum Christus abesset. Per quod indicatur ardor desiderii ipsorum. Allegoricè & pulchrè tractat hanc historiam Aug. serm. 18. de verbis Dosa. c. 11. & seqq. Nam duo cæci sunt duo populi, Judaicus, & Gentilis, non oculis sed animo cæci: qui, *transiente Jesu*, id est, dispensante nobis temporalia ac transitoria adventus & incarnationis suæ opera & Sacramenta, *clamant*, ut sanentur & operibus, & vocibus, dùm gratiæ & Evangelicæ legi per opera congruere volunt. Quod cùm facere incipiunt *turba prohibet*, id est, consuetudo desideriorum carnalium, vel dilectores hujus mundi impediunt, sed perseverando vincunt strepitum, ut *stante Jesu*, id est, per stabilem divinitatem ejus sanentur, ut videre possint ac diligere incommutabilem lucem æternæ sapientiæ. Eodem ferè modo lib. 1. quæst. Evang. qu. 28. Latius verò & magis tropologico sensu tractat hæc Greg. hom. 1. in Evang.

31. Turba autem increpabat eos ut tacerent. At illi magis clamabant dicentes: Domine, miserere nostri, fili David.

32. Et stetit Iesus & vocavit eos, & ait: quid vultis ut faciam vobis?

33. Dicunt illi, Domine, ut aperiantur oculi nostri.

34. Miseratus autem eorum Iesus, tetigit oculos eorum. Et confestim viderunt, & secuti sunt illum.

## CAPUT VIGESIMUMPRIMUM.

1. \* **E**T cum appropinquassent Jerosolymis, & venissent Bethphage in montem Oliveti. Mons Oliveti dicitur, eo quòd esset locus Olivis confitus. Unde Græcè vocatur mons *ἐλαιῶν*, *oliviarum*. Distabat ad Orientem à Jerusalem itinere Sabbati; ut est Act. 1. v. 12. hoc est mille circiter passibus, si remotissimam ejus radicem spectes. Nam Josephus lib. 6. de bel'o Judaico c. 3. scribit sex stadiis distare, nempe spectando verticem vallis Josaphat. Interjacet inter urbem & montem, quam mediam secat torrens Cedron. *Bethphage* verò vicus est, seu villula Sacerdotum, ut Hieron. ad radicem Orientalem illius montis sita. Unde quod Luc. & Marcus dicunt hoc factum esse, cùm Iesus appropin-

1. Et cum appropinquassent Jerosolymis, & venissent Bethphage in montem Oliveti: tunc Iesus misit duos discipulos,



quasset Bethaniæ, quæ tamen Joan. 11. v. 18. dicitur distare à Jerusalem stadiis quindecim, id est, passibus faciliè 170. aut 180. intelligendum est, Evangelistas ruditer describere situm locorum istorum: quasi diceret, cum essent propinqui Bethaniæ, unde veniebant, Joan. 12. v. 1. & 12. Bethphage, monti olivarum, & Jerosolymis: \* *Tunc misit duos discipulos.* Quidam apud Authorem operis imperf. Petrum & Philippum fuisse volunt, quod obscurè indicat Hilar. alii Petrum & Joannem: sed res incerta est.

2. Dicens eis: ire in castellum quod contra vos est, & statim invenietis asinam alligatam & pullum cum ea: solvite & adducite mihi:

2. \* *Dicens: Ite in castellum:* Græcè καστὸν, id est, pagum seu vicum, \* *quod contra vos est,* id est, è regione vestri. Ex quo quidam putant fuisse Bethphage, quo tendebant. \* *Et statim,* in ipso scilicet introitu pagi, *invenietis asinam alligatam, & pullum cum ea,* asinum, tenerum quidem & necdum ad opera separatum, utpote super quem, juxta Marc. & Lucam, nemo adhuc hominum sedisset, equitationi tamen idoneum. Nam & Judic. 10. v. 4. filii Jain dicuntur sedisse super triginta pullos asinarum: & similiter Judic. 12. vers. 14. filii & nepotes Abdon super septuaginta pullos asinarum.

3. Et si quis vobis aliquid dixerit, dicite quia Dominus his opus habet: & confestim dimittet eos.

4. Hoc autem totum factum est ut adimpleretur quod dictum est per Prophetam dicentem:

3. \* *Et si quid vobis aliquid dixerit:* nempe, *quid facitis,* ut Marc. vel *quare solvitis?* Ut Lucas, vel simile quid: \* *Dicite quia Dominus,* non noster vel vester, sed absolutè Dominus, scilicet omnium, & jumentorum istorum, & dominorum eorum, & totius creaturæ, \* *his opus habet.* Non vult ergò vi tolli, sed duplici argumento dominii & necessitatis eos persuaderi, ut abduci sinant. \* *Et confestim dimittet eos,* occultâ virtute meâ persuasus. Hæc ergo mandando Christus manifestavit & omniscientiam suam, & dominium supremum, & omnipotentiam in universa, ne fortè casu inventis asinâ & pullo, Zachariæ vaticinium sibi adaptasse videretur. Nam fiebat hoc totum non novitatis vel laboris levandi causâ, sed \* *ut adimpleretur quod dictum est per Prophetam &c.* Ubi, ut, non solum consequentiam significare potest, sicut aliàs sæpè exposuimus, sed etiam finalem causam, nempe ut ostenderet de se Zachariam prophetasse, & ita Judæi se Regem suum agnoscerent. Nam causa hujusmodi introitus in Jerusalem fuit, ut verus Rex Israël, qui hætenus Regium titulum & honorem fugerat, morti vicinus se palàm Regem profiteretur; sed ita tamen, ut simul regni sui in hoc mundo qualitatem & specimen exhiberet, à mundi regnis diversissimum. Humilia enim excelsis miscuit, regiam magnificentiam plebeïâ humilitate temperavit. Nam vectus est quidem jumento, & strato, & cum comitatu, & cum acclamationibus, quod solent Reges: sed illi superbis equis, hic asino; illi propriis, hic commodato; illi ephippiis phaleratis & gemmatis, hic vilibus vestimentis; illi

illi armatis stipati, hic inermibus discipulis; illi cum acclamationibus totius civitatis, hic puerorum & pauperis vulgi. Mansuetudine enim & humilitate voluit subditos suos ad se trahere, & imitando regni sui confortes fieri. Et ne cui hæc regia pompa ridicula videretur, vaticinii præmonitione eum revocat, hoc ipsum prædicentis. Citat autem non tam verba quàm sensum Zachariæ; nisi malis esse duo testimonia mixta, Zachariæ scilicet & Isa. 62. v. 11. ubi similiter legimus.

5. \* *Dicite filia Sion*, id est, annuntiate ei faustum lætissimumque hoc nuntium: quâ de causa legitur in Zacharia, *exulta satis filia Sion*. Porro *Sion* erat mons, à Meridie ambiens Jerosolymam, in eminente & solida ac prærupta petra, unde arx ei imposita fuit, quam cœpit David 2. Reg. 5. v. 7. Et quia plateis atque ædificiis montem illum instruxit, dicta est ibidem *civitas David*. Est autem in *filia Sion* Hebraismus, quo civitas seu congregatio civium *filia* appellari solet, sicut Psalmo 44. *filia Tyri*, & 136. *filia Babylonis*; quod à Poëtis quoque Græcis usurpatum. Simul est & synecdoche, quâ à parte urbis, ubi Regia erat, tota civitas significatur. \* *Ecce Rex tuus*, verus, legitimus, è gente tua, tot vaticiniis promissus, tam diu expectatus, ecce \* *venit tibi*, id est, jam jam adest, in salutem, non oppressionem tuam; ut sæpè Reges: quod pulchrè Propheta exprimit, etsi omittat Evangelista, addendo, *Iustus & Salvator*: q. d. Venit, ut te iustificet & salvet, ne pereras: *Iustus* enim regendis, *Salvator* tuendis subditis prodest; quæ duo optima Regis officia sunt. \* *Mansuetus*, Hebraicè *גְּדוּלָּה* *Ghani*, *pauper*, pro quo Lxx. videntur legisse *גְּדוּלָּה*, *Ghanau*, *mansuetus*: nam uti vocum, ita & significationis est summa affinitas. Pauperes enim spiritu, qualis maximè Christus fuit, etiam mansueti esse solent. Hoc addit, maximi solatii loco. Reges enim tumentes opibus & fastu ferè dominantur in subditos, c. 20. v. 25. & minimè mansueti sunt. Signum autem mansuetudinis \* *sedens*, Hebraicè *equitans*, \* *super asinam*. Græcum & Hebraicum verti potest *super asinum*, quomodo plerique vertendum putant, ut repetitione Hebræis usitatâ idem per *asinum* & *filium subjugalis* significaverit. Moventur eo, quòd tres reliqui Evangelistæ solius pulli mentionem fecerint, & nemo super duobus jumentis sedere potuerit; unde hoc Hieron. & Beda ad allegoriam transferunt. Sed quia ex versu 2. & 7. clarè patet asinam simul adductam fuisse, rectè vertitur etiam hîc, *asinam*, maximè dum vox Græca ὄνος, & Hebraica אֶתֶן, *Athon*, etiam *asinam* significet, ut patet 2. Reg. 19. v. 26. & quia nomina generum ac specierum utrumque sexum Hebraicè comprehendere soleant. Itaque juxta communio rem & verisimiliorem expositionem, cui S. Aug. favere videtur

5. Dicite filia  
Sion: Ecce Rex  
tuus venit tibi  
mansuetus se-  
dens super asi-  
nam & pullum  
6 Eunt autem  
discipuli fecerunt  
sicut præcepit il-  
lis Jesus.



detur lib. 2. de consensu c. 66. sedit Christus, & \* *super asinam*, in ascensu foras ac descensu montis, tanquam robustiorem: ac deinde in ingressu urbis super \* *pullum*, *filium subjugalis*, id est, animalis sub jugo assueti, scilicet asinæ: nam Hebraicè est בֶּנְאֲתוֹנֹת *Ben athonoth*, *filium asinarum*, id est, alicujus ex asinabus, quomodo vitulus in Scripturis dicitur filius bovis seu vaccæ. Intelligitur enim pullus hactenus matrem sequi solitus: unde Lxx. dicunt *pullum novum*. Quia igitur Christus expressè dixerat v. 3. *Dominus non hoc, sed his opus habet*, ideò discipuli

7. Et adduxerunt asinam, & pullum: & imposuerunt super eos vestimenta sua, & eum desuper sedere fecerunt.

7. \* *Adduxerunt asinam & pullum*: & consequenter illi duo discipuli, loco ephippiorum, \* *imposuerunt*, non super unum solum, sed \* *super eos vestimenta sua*, exteriora, id est, pallia, ut Græcè, ut ita commodior & honestior esset equitatio: \* *Et eum desuper sedere fecerunt*. Græcè iterum ἐπέβαλεν αὐτὸν, *super eos*, id est, super asinam & pullum collocarunt, vicissim scilicet, ut suprà dictum, quamvis & ad vestimenta referri possit. Notant autem plerique veteres, ut Hieron. hic, & Aug. l. 12. contra Faustum c. 42. per *pullum*, super quem nemo federat, significatum esse populum gentilem, nullo legis jugo domitum, per *asinam subjugalem* Judaicum. Utrique insedit Jesus, utrumque sibi subdidit, missis ad eos duobus discipulis, uno in Circumcisionem, altero in Gentes.

8. Plurima autem turba straverunt vestimenta sua in via: alii autem cadebant ramos de arboribus, & sternebant in via.

8. \* *Plurima autem turba*, id est, plurimi ex turba, qui partim è Bethania secuti fuerant, partim ex Jerosolymis, procedebant ei obviam, ut patet Joan. 12. v. 12. & seqq. \* *Straverunt vestimenta sua*, exteriora, ut supra \* *in via*, ut esset mollior & ornatio, & incessus honorificentior, cum vestimenta etiam ab asina calcarentur. Maximi hoc honoris & observantiæ argumentum fuit, & vix unquam Regibus exhiberi solitum. \* *Alii autem cadebant ramos de arboribus*, oleis & palmis, quarum ibi copia: & eadem de causa \* *sternebant in via*. Addit Joan. eos accepisse ramos palmarum manibus. Fiebat hoc ex usu Judaico, ubi moris fuit non solum in festo Tabernaculorum, sed etiam in aliis solemnibus gaudiis ramos virides maximè palmarum ferre manibus, ut videre licet in mundatione arcis Jerusalem 1. Mach. 13. v. 51. & in purificatione Templi 2. Machab. 10. v. 7.

9. Turbæ autem, quæ præcedebant, & quæ sequebantur, clamabant, dicens: Hosanna filio David: benedictus, qui venit in nomine Domini: hosanna in altissimis.

9. \* *Turbæ autem quæ præcedebant*. Ingentem fuisse faciliè ex eo colligitur, quòd ex solemnitate Paschali Jerosolymis affluerant, ut ex Joan. 12. patet. Nam paucis annis post testatur Josephus occurrisse Cestio Gallo, Syriæ Præsidi, faciliè trigies centena millia. \* *Clamabant*, laudantes scilicet Deum præ lætitia. Causa fuit propter omnes, quas viderant, virtutes seu miracula, ut expressit Lucas c. 19. v. 37. ubi & locum

locum notat, ubi contigit, scilicet propè descensum montis Oliveti. Maximè autem eos moyèrat miraculum suscitati Lazari, nam propè-  
 terea & obviam venerant, ut Joannes notat. \* *Hosanna filio David*. De  
 voce *Hosanna* multæ authorum conjecturæ sunt. Clemens Alex. lib.  
 1. Pædag. c. 5. dicit significare lucem, gloriam, & laudem; Hilar. rē-  
 demptionem: ad quos videtur respexisse Author oper. imperf. dum  
 illas opiniones nonnullis tribuit. Quidam apud Theophyl. dicunt  
 hymnum significare: apud Justin. quæst. 50. excellentem magnifi-  
 centiam. Aug. tract. 31. in Joan. scribit ex Hebræo esse vocem obse-  
 crantis, quæ magis affectum animæ indicet, quàm rem aliquam sig-  
 nificet, quasi esset interjectio. Sed verissimum est id, quod tradit Hier.  
 ep. 145. ad Damasum & hic in Comment. *Hosanna* esse vocem com-  
 positam ex *יְשׁוּעָה*, *Hoschagh*, seu *יְשׁוּעָה*, *Hoschiagh*, id est, *Salva*, & *נָא*  
*Na*, id est, *quæso*. Contrahiverò & per Syncopen pronuntiari, instar  
 unius dictionis, docet Elias in Thisbi. Desumpta est autem ex Psalm.  
 117. v. 25. sicut evidens facit id, quod hic habetur, \* *Benedictus qui*  
*venit in nomine Domini*. Nam ille totidem verbis est versus 26. imme-  
 diatè sequens. Itaque quia Psalmus iste, ut inquit Hieronymus ma-  
 nifestè de Messia prophetat, & in Synagogis Judæorum creberrimè  
 legebatur, hinc populis notior erat: ut proinde illum cœperint Jesu  
 tanquam vero Messie acclamare, præsertim cùm divino instinctu res  
 ista ageretur, ut patet ex v. 16. de pueris, & Lucæ 19. v. 40. Accedit,  
 quod ex antiquis Hebræorum libris, ipsoque usu hodierno, constet  
*Hosanna* fuisse solemnem acclamandi & benè precandi formulam, in  
 festo Tabernaculorum tam usitatam, ut etiam ipsi salicum rami, quos  
 manibus ferebant, vulgo non intelligente linguam Hebraicam, eodem  
 nomine *Hosanna* appellarentur, ut idem Elias in Thisbi testis est. Et  
 hinc est, quod in precibus Judæorum hodiernis, quæ quasi *Litanie*  
 sunt, ex nominibus & beneficiis Dei conflatæ, vox illa *Hosanna* sex-  
 centies, ad singula penè Dei nomina & beneficia, repetatur, sicut apud  
 nos *Te rogamus audi nos*, vel *Libera nos Domine*, ve *Ora pro nobis*. Fuit  
 itaque discipulis & populo usurpata vox illa, juxta significationem  
 Psalmi, cujus versus canebant, pro *Salva quæso*, ut esset acclamatio  
 exultantium, quasi dicerent, *Salva quæso Regem nostrum*: non dissi-  
 milis illi apud nos usitatæ, *Vivat Rex*, vel *Io triumphe*. Patet hoc ex eo,  
 quod in eodem versu ejusdem Psalmi sequitur, *ô Domine bene prospere*  
*rare*, sive, ut Hebraicè legitur, simili planè formâ *הַצְלִיחָנָא* *Hatz-*  
*lichahnâ*, quasi diceret, *הַצְלִיחָנָא*, *Hatzlichana*, id est, *Prospera quæso*,  
 seu *Prosperum da successum*. Unde quamvis Hieron. velit sensum esse,  
*Hosanna*, id est, *Salva quæso*, nos scilicet seu populum tuum, aptius  
 tamen



tamen videtur dici, quòd petant salvari & prosperari Regem suum. Sequitur enim \**filio David*, quod Latine diceremus *filium David*. Nam verbum illud Hebraicum construitur usitatè non tantum cum accusativo, sed & dativo, ut patet Judic. 7. v. 2. 2. Reg. 10. v. 11. quo modo etiam hic habetur in Syriaco, q. d. Salutem adfer, quæso, filio David: cujusmodi phrasis servata est etiam in Latino Psal. 97. 1. *salvavit sibi dextera ejus*. Quanquam appositè valde hic sensus esse possit: Solèmnè illud Hofanna sit, seu acclametur; filio David, regnum Davidicum auspicanti. Nam hæc videtur esse causa, cur cæteri Evangelistæ referant vocem illam acclamataam fuisse, sine ullo addito, & ab omnibus sine interpretatione servata sit, ut indicarent quasi materialiter novo Regi more solito acclamari. Nam ad regni inaugurationem eos respexisse, patet ex eo, quòd Marcus acclamatum dicit: *Benedictum quod venit regnum patris nostri David*: cujus scilicet restauratio per Messiam futura, & tam diu expectata, jam tandem venit. Unde quod hîc addit Matt. *Benedictus qui venit &c.* Lucas exprimit, *Benedictus qui venit Rex*, id est, omni benedictione & prosperitate repleatur Rex iste noster Messias. \* *Qui venit*, non tanquam seipsum ingerens, sed \* *in nomine Domini*, id est, missus à Deo, & personam gerens Dei, visitantis populum suum. \* *Hofanna in altissimis*, supple *audiatur*, ut sit quasi ardens populi exhortatio ad exclamandum magnis vocibus Hofanna Regi suo: vel, *in*, positum est pro, *ex*, hoc sensu: Hofanna, seu salus ac prosperitas veniat Regi nostro divinitus de cælis altissimis. Similis phrasis est Psal. 148. v. 1. *Laudate Dominum de cælis, laudate eum in excelsis*, id est, de excelsis: est enim repetitio Hebræis familiaris. Unde Luc. quasi interpretans cæteros, addit, *Pax in cælo*, id est, salus ac prosperitas de cælo, & *gloria in*, id est, de excelsis, descendat scilicet super Regem nostrum. Quod ergo frequentissimè Hofanna repetebant, in summi ardoris ac affectus argumentum erga Regem fiebat. Sic enim olim cum populus Regibus atque Episcopis acclamabat, pro numero acclamationum æstimabatur affectus, ut patet ex gestis Ecclesiasticis apud Aug. epist. 110. ubi *Deo gratias, Christo laudes, fiat &c.* acclamantur plusquam vigesies, imo trigesies sexies. Quod igitur in istas voces erga Christum tunc erumperent, causa indicatur à Luc. 19. v. 11. *Eo quod essent prope Jerusalem, civitatem scilicet regiam, caput regni, & quia existimarent, quod confestim regnum Dei manifestaretur.*

10. Et cum intrasset  
Jerusalem  
commota est uni-  
versa civitas, di-  
cens: quis est hic?

10. \* *Cum ergo intrasset Jerusalem, Israëliti regni Metropolim, cum tanto applausu, commota est universa civitas*, id est, cives Jerosolymitani, maximèque Sacerdotes, novitate scilicet spectaculi attoniti: nam qui clamabant ferè erant exteri, & advenæ, ut indicatur

Joan.

Joan. 12. v. 12. \* *Dicens, Quis est hic?* id est, Quantus est iste, ut cum tanto honore & applausu Rex Israël salutetur? Videntur enim invidiæ verba, quibus honore indignum significant:

11. \* *Populus autem simplex & candidus respondet: Hic est Jesus propheta.* Græcè οὗτος ἐστὶν Ἰησοῦς ὁ προφήτης ille *Propheta*, nempe à Moyse promissus, Deut. 18. v. 15. sicut hoc ponderant Hier. & Theophyl.

12. \* *Et intravit Jesus, scilicet eadem hac die: nam quæ sequuntur v. 15. de pueris adhuc Hosanna clamantibus, videntur omnino ad hanc diem pertinere.* Itaque Marc. qui ad secundum diem referre videtur, usus est recapitulatione ejus, quod pridie acciderat, ut exponit Aug. lib. 2. de consensu Evang. cap. 68. etsi alii minùs aptè velint Matthæum hîc uti anticipatione. Intravit autem non in arcem Sion, eo quòd nollet hujus sæculi Regem agere, sed \* *in templum*, ut verus Filius Dei Patris. Intelligit autem atrium extremum, quod vocabatur Profanum, & atrium Gentium, quia & Gentilibus & immundis orationis causâ patebat. Erat enim & aliud atrium pro Israëlitis, ubi erat porticus dicta Salomonis: aliud denique ipsi Templo proximum, solis Sacerdotibus pervium, ubi erat altare: de quibus Josephus lib. 15. Antiq. c. ult. & lib. 6. de bello Judaic. c. 6. \* *Et ejiciebat, ex illo atrio extremo, omnes vendentes & ementes in templo*, nempe omnis generis hostias ad sacrificia necessarias, Agnos Paschales, oves, boves columbas &c. quas peregrini non poterant domo adducere, sed emere cogebantur. Fiebat hoc commercium olim in ipsa urbe: sed vel commoditatis, vel lucri causâ à Sacerdotibus, locum verisimiliter, elocantibus, in atrium istud, quod orationi tantùm servire debebat, translatum fuerat. Erat enim istud atrium ingenti magnitudine, imò facilè quatuor stadiorum. Numerum quoque vendentium & ementium fuisse magnum his Paschalibus diebus, inde patet, quod Josephus lib. 7. de bello Jud. cap. 17. testetur sub Cestio Præsidi fuisse cæsa hostiarum Paschalium ducenta quinquaginta millia & sexcentas. \* *Et mensas nummulariorum evertit*, qui mutabant aurum argento, monetam majorem minore, peregrinam usitatâ, & in mensis numerabant, ut vel oblationibus votivis vel emptioni hostiarum commodè serviret, & inde lucrabantur. \* *Et cathedras, seu sedilia, in quibus toto die commoditatis causâ sederent, vendentium columbas evertit*: ne ad mensas vel sedes suas reverterentur. Unde & *nummulariorum effudit as*, ut ait Joan. c. 3. in alia similitudine. Hoc igitur factò publicâ & verè Regiâ auctoritate usus est, se & Regem, summum Templi Pontificem, divinique cultûs Præsidem ipso factò exhibens. Unde meritò Hier. & alii factum istud summo opere mirantur, velut maximum signorum,

11. Populus autem dicebat: hic est Jesus Propheta à Nazareth Galilææ.

12. Et intravit Jesus in templum Dei: & ejiciebat omnes vendentes & ementes in templo, & mensas nummulariorum & cathedras vendentium columbas evertit:



quòd unus tantam multitudinem, fretam autoritate Sacerdotum, quibus invisus erat, & quidem præsentium, ignominiosè flagello expulerit. Igneum enim quiddam, inquit Hier. & siderium radiabat ex oculis ejus, & divinitatis majestas lucebat in facie.

13. Et dicit eis : Scriptum est : domus mea domus orationis vocabitur : vos autem fecistis illam speluncam latronum.

14. Et accesserunt ad eum cæci & claudi in templo, & sanavit eos,

13. \* *Et dicit eis : Scriptum est, Domus mea*, templum scilicet meum, in quo inhabito, \* *Domus orationis vocabitur*, id est, domus orationis erit, sub qua & gratiarum actio & omnis cultus Dei comprehenditur. Isaias addit c. 56. *cunctis populis*. Ex quo, & aliis loci circumstantiis, patet agi de Ecclesia novi Testamenti: cujus quia typus fuerat Templum Judæorum, Christus ad illud prophetiam istam transfert, \* *Vos autem fecistis illam*, istis mercimoniis, \* *speluncam latronum*: quia cum avaritia, mendaciis, fraudibus & consequenter inopum despoliatione conjuncta esse solent; qui latronum insidiantium sanguini & vitæ mores sunt. Adde quòd loci sacri & sacrificiorum prætextu, quemadmodum latrones speluncâ, sese tegerent.

15. Videntes autem principes Sacerdotum & Scribæ, mirabilia quæ fecit, & pueros clamantes in templo, & dicentes : Hosanna filio David, indignati sunt.

16. Et dixerunt ei : Audis quid isti dicunt? Jesus autem dixit eis : Utique, numquam legistis, quia ex ore infantium & lactentium perfecisti laudem?

15. \* *Videntes autem Principes Sacerdotum & Scribæ mirabilia, quæ fecit*: Regium scilicet ingressum, mirabilem illam tantæ autoritatis ejectionem & salvationem ægrorum: \* *& pueros clamantes in templo*, id est, continuantes adhuc clamores, quos majores inchoaverant, quemadmodum ferè solent.

16. \* *Dixerunt ei : audis quid isti dicunt?* Nempe quomodo te regem vocitant isti, quorum testimonium futile ac puerile est, & quos verbo facile compescere potes? Nam ex invidia taxant his verbis vanitatem in Christo, & inanem affectationem ac delectationem tituli Messie & Regis. Quibus dixit: \* *Utique: nunquam legistis, quia ex ore* (illud, quia, ex Hebraica & Græca phrasi redundat) \* *infantium & lactentium perfecisti laudem?* id est, Laudem tuam, ô Deus, quæ ab adultis canitur, aut cani deberet, omnibus numeris perfectam, expressisti ex ore, etsi non ex mente parvulorum: q. d. Vultis ut os claudam ætati parvulæ, cui Spiritus S. aperuit, & jam olim aperiendum prophetavit? Author operis imperf. *infantes* intelligit, non ætate, sed simplicitate cordis; *lactentes* verò fide & sensu imperfectos & ineruditos. Et sanè tales videtur respexisse prophetia Psalmi, generaliter prædicens, per infirma mundi, ut per Apostolos & Gentiles, Deum esse clarificandum; quòd Christus ad veros & ætate pueros, tanquam maximè simplices & sensu ineruditos, transtulit & accommodavit. Ubi Hieron. notat responsi dexteritatem, quod neque dicendo, *bene faciunt pueri*, Pharisæis ansam calumniæ apud Præsidem præbuerit, neque rursus dicendo, *errant, debetis ætati ignoscere*, veritatem læserit.

17. Et relictis illis abiit foras extra Civitatem, in Bethaniam, ibique mansit.

17. \* *Et relictis illis, abiit*: nempe, ut Marcus, cum vespera facta esset,

esset, in Bethaniam, vicum, ut sup. ex Joan. 11. v. 18. quindecim stadiis distantem Jerosolymis, id est, duobus circiter milliariibus Italicis. \* *Ibique mansit*, mansit noctu in domo, ut verisimile est Mariæ & Marthæ, unde paulò antè venerat.

18. \* *Mane autem revertens in civitatem esuriit*: sive excitaverit in se famem illam, edendo miraculo opportunam, sive vesperi in cœnatus naturaliter mane esurierit: nam fictam fuisse famem, ut aliqui volunt, miraculi patrandi causâ nulla dicendi necessitas est.

18. Mane autem revertens in Civitatem esuriit,

19. \* *Et videns ficum arborem &c. venit ad eam*, quærens scilicet ut Marcus, si quid fortè inveniret in ea, nempe quo famem levare posset.

19. Et videns ficum arborem unam secus viam, venit ad eam, & nihil invenit in ea nisi folia tantum, & ait illi: numquam ex te fructus nasceretur in sempiternum. Et arefacta est continuo ficulnea.

\* *Et nihil invenit in ea nisi folia tantum*. Causam notat Marcus, quia non erat tempus ficorum, utpote paulò ante passionem, circa finem mensis Martii. Cur ergò quæsit? Quia secundum hominem incognita ei fuit species arboris, inquit Calvinus in Harmonia. Sed hoc ineptum. Quæsit ergò, ut homines solent id, quod sciebat se non inventurum, partim ad habendam miraculi patrandi occasionem, quo ille, qui semper benignitatis exempla in hominibus, nunc tandem semel etiam severitatis virtutisque puniendi, sed in re insensata, Judæis & Apostolis demonstraret, ut Chrysost. & Hilar. partim & maximè ad mysterium figurandum, quod à plerisque veteribus observatum fuit, eodem scilicet Hilario, Hieron. Theophyl. Orig. Tract. 17. in Matth. Non enim vel ex inedia impatientia, vel ex iracundia maledixit ficui, sicut rebus inanimatis iracundi homines solent (puerilis enim & ridicula fuisset ultio) sed ejusdem mysterii causâ. Ficus enim typus est Synagogæ, cui datum est tempus poenitendi inter discessum Christi & reditum ad judicium. *Venit*, esuriens ejus salutem: sed *invenit* infœcundam, foliis dumtaxat vestitam, id est, verbis inanibus legis, Templi, cæremoniarum, traditionum, jactantiâ, nudâque Religionis specie; fructibus verò justitiæ vacuum, bonis operibus sterilem: ideo plectitur populus ille maledictione & ariditate, quia à Deo & gratiæ humanæ derelictus & reprobatus est, ut, qui ante fructus ferre noluit, jam obduratus & exsiccatus nec possit. Idque \* *in sempiternum*, Græcè *ἐν τῷ αἰῶνι*, in sæculum, hoc est, Hier. in longum tempus, quia Judæi saltem in fine mundi conversi, scil. cum plenitudo gentium intraverit, fructum ferent.

20. \* *Et videntes discipuli non tunc, sed postridie mane cum illac præterirent*, ut Marc. notat, \* *mirati sunt*, de tanta virtute maledictionis: ideo enim aiunt: \* *Quomodo continuo aruit?* Scilicet ad illius sententiæ pronuntiationem. Nam ad hunc sensum respondet Christus:

20. Et videntes discipuli mirati sunt, dicentes: quomodo continuo aruit?

21. \* *Si habueritis fidem*, nempe præstantissimam illam, quam comparavit alibi grano sinapis: & *non habstaveritis*, operis difficultate ter-

21. Respondens autem Jesus, ait eis: Amen dico vobis, si habueri-



tis fidem, & non  
hæsitaveritis, nec  
solum de fide  
nea facietis, sed  
& si monti huic  
dixeritis, Tolle  
& jacta te in ma-  
re, fiet

22. Et omnia  
quæcumque pe-  
tueritis, in ora-  
tione credentes,  
accipietis.

23. Et cum ve-  
nisset in templum,  
accesserunt ad  
eum dorentem  
principes sacer-  
dorum, & senio-  
res populi, dicen-  
tes: in qua pote-  
state hæc facis,  
& quis tibi dedi-  
t hanc potestatem?

24. Responden-  
s. Jesus dixit eis: in-  
terrogabo vos, &  
ego unum sermo-  
nem: quem si di-  
xeritis mihi, &  
ego vobis dicam  
in qua potestate  
hæc facio.

25. Baptismus  
Joannis unde e-  
rat? E cælo, an  
ex hominibus?  
At illi cogitabant  
inter se dicent

26. Si dixerimus,  
e cælo, dicit nobis:  
quare ergo non credidistis illi?  
Si autem dixerimus,  
ex hominibus, time-  
mus turbam. Om-  
nes enim habebant  
Joannem sicut Prophetam  
tam.

riti, & diffidendo. Græcè est *μὴ διακρίνητε*, non *dijudicaveritis*, id est, non  
discreveritis inter opus facile ac difficile, quemadmodum diffidentes  
solent, sed æqualiter Deum bonum & omnipotentem facturum con-  
fidatis id, quod expedire judicaveris: non solum \* *de scilicet facietis*,  
id quod scilicet in fide factum, \* *sed & si monti huic &c.* de quo vide  
dicta Matth. 4. v. 19.

22. \* *Et omnia quæcumque petieritis*, nempe secundum voluntatem  
ejus, ut est 1. Joan. 5. v. 14. *In oratione*; sæpè enim fides adhibendas  
etiam preces, judicat ad impetrandum. *Credentes accipietis*, fide sci-  
licet non hæsitante. Fides enim & fiducia requiruntur.

23. \* *Et accesserunt ad eum Principes Sacerdotum*: de quibus dictum  
c. 2. \* *Et seniores populi*, id est, Judices ejus ac Magistratus. Addunt alii  
*Scribas*, id est, legis doctores, adeoque totum concilium, cui in Reli-  
gionem & Civilia erat autoritas penes Judæos, ut scilicet Jesum tali  
pompâ, numero, autoritate terrent, inquirentes ex eo, \* *In qua po-  
testate hæc facis?* id est, Qua autoritate, ut Græcè est, *populum do-  
ces*, venditores victimarum ejicias, Regis & Christi voces tibi accla-  
mari sinis? \* *Et quis dedit tibi hanc potestatem?* Tune tibi à teipso pri-  
vatim arrogas, an de cælo data est? &c. Nos enim penes quos, utpote  
legitimos successores Moysis, omnis in Templum vel Religionem &  
doctrinam autoritas est, hanc tibi non dedimus. Quam quæstionem  
ipse non vult solvere, sed ita respondet, ut ipsimet solvant, interro-  
gando \* *unum sermonem*, id est, unam rem aliquam seu unum aliquod  
more Hebraico; ubi verbum generalissimè pro re usurpatur.

25. \* *Baptismus Joannis*, sub quo tota ejus prædicatio & functio  
intelligitur, sicut sub Circumcisione subinde tota lex, \* *unde erat?* E  
cælo, an ex hominibus? id est, Quis ei dederat potestatem baptizandi,  
Deusne immediatè de cælo, an homines committendo, vel ipse usur-  
pando?

26. \* *Si dixerimus e cælo*, id est, quod autoritate divinitus acceptâ  
officium suum exercuerit, \* *dicet nobis: quare ergo non credidistis illi?*  
prædicanti ac testificanti, me esse Filium Dei & Christum, ut patet  
Joan. 1. \* *Si autem dixerimus, ex hominibus*, id est, humanam esse adin-  
ventionem, & consequenter potestatem usurpatam, \* *timemus turbam*,  
id est, populum gregatim à Joanne baptizatum. Lucas clariùs, *Plebs  
universa lapidabit nos*, scil. tanquam palam blasphemos. \* *Omnes enim  
habebant Joannem sicut Prophetam*, id est, tanquam verè Prophetam,  
cujus autoritas non est ab hominibus, sed immediatè à Deo. Illud  
enim, *sicut*, non est similitudinis, sed veritatis nota, quod Marcus ex-  
pressit, dicendo, *Omnes enim habebant Joannem, quia verè Propheta esset:*

& Lucas, certi sunt Prophetam esse. Itaque utrimque conficti perplexitate quæstionis ac discrimini vitæ amittendæ & veritatis confitendæ.

27. \* *Dixerunt: nescimus*, nempe id, quod ipsis etiam fatentibus totus populus noverat, quod ex ore Joannis audierant, Joan. 1. v. 32. unde multis modis mentiuntur. \* *Dico vobis &c.* id est, Quemadmodum vos non vultis mihi disertè respondere de potestate Joannis, ita nec ego vobis, nequitia plenis, de mea. Sed sicut ipsi in cogitationibus suis responderant, Joannis auctoritatem esse à Deo, ita Christus & tacitè ipsis indicat suam esse à Deo, insinuando scilicet, eam se potestate hæc facere, quam Joannes ei prædicatione & testificatione suâ tribuerat.

28. \* *Quid autem vobis videtur*, de hoc, quod adjicio, quod non potestis dicere vos etiam nescire, uer scilicet \* *ex duobus*, illis filiis, \* *fecit voluntatem*, seu præceptum, \* *Patris*, de operando in vinea?

31. \* *Dicunt ei: primus*, quia illi verba tantum, non facta defuerant, alteri vero facta, non verba. Quis autem non malit verbis negari sibi id, quod poscit, dummodò quod poposcere fiat, quam non fieri, quod spondetur ut fiat? Cùm facti effectus ex desperatione sit gravior, spes autem destituta plus doleat. Ex hoc autem ipso arctissimè concludit eos Christus, \* *quia publicani & meretrices &c.* homines antea præ cæteris in utroque sexu vitâ infâmes, \* *præcedunt vos*, Græcè, *προάγουσιν ὑμᾶς*, *præcedunt vos*, id est, vobis, qui religionem profitemini, & justitiam verbis promittitis, exemplum & ducatum præbent, ut imitemini: q. d. Si prior filius fecit voluntatem Patris, ergò Publicani & meretrices eam faciunt, antè nolendo rectè vivere, postea pœnitendo, exemploque vos præcedendo; vos verò nequaquam eam facitis. Rationem explicat versus sequens.

32. \* *Venit enim ad vos Joannes in via justitiæ*, scilicet incedens, id est, justitiam & pœnitentiam, prædicatione, conversatione, totaque vitâ irreprehensibili præ se ferens, ut nihil dubium esse posset, quin missus esset à Deo: \* *Et non credidistis ei* obtemperando ei, de pœnitentia, de Christo, de regno cælorum annuntianti. Credere enim medico, est ejus præcepta sequi. Sic namque \* *Publicani & meretrices crediderunt ei*, mente scilicet, & factis fidei consonis, pœnitentes, baptismum suscipientes, Christo prædicato adhærentes, regnum propositum visitantes. \* *Vos autem videntes*, hujusmodi pœnitentiam & vitæ correctionem in Publicanis & meretricibus, \* *Nec pœnitentiam habuistis postea, ut crederitis ei*, hoc est, non estis saltem eorum exemplum secuti, quos præcedere debebatis, sed permanistis obstinati in incredulitate. Hinc patet, juxta scopum Christi, per *primum filium* intelligi Publicanos, & meretrices: per *secundum* verò Scribas & Phariseos, ut exprimit Hil.

27. Et respondentes Jesu, dixerunt: nescimus. At illis & ipse: nec ego dico vobis, sed in qua potestate hæc facio.

28. Quid autem vobis videtur? Homo quidam habebat duos filios, & accedens ad primum, dixit, fili vade hodie, operare in vinea mea.

29. Ille autem respondens, ait: nolo. Postea autem pœnitens, ait: domine, vade.

30. Accedens autem ad alterum dixit similiter. At ille respondens, ait: eo, domine, & non ivi.

31. Quis ex duobus fecit voluntatem patris? Dicunt ei: primus. Dicit illis Jesus: Amen dico vobis, quia publicani, & meretrices præcedunt vos in regnum Dei.

32. Venit enim ad vos Joannes in via justitiæ, & non credidistis ei: publicani autem, & meretrices crediderunt ei: vos autem videntes, nec pœnitentiam habuistis postea, ut crederetis ei.



can. 21. Illi primò noluerunt operari iustitiam, sed postea pœnitentiâ ducti sunt; hi verbis eam prætulērunt, factis non præstiterunt. Sed quia ista duo hominum genera typus fuerunt Gentium & Judæorum, hinc per *primum filium* Gentes, per *secundum* Judæos magno consensu intelligunt veteres, Orig. tract. 18. in Matth. Athan. Disp. cum Ario in Concil. Nicæno, Chrysost. Theoph. Author operis imperf. Hieron. hîc & alii. Gentes enim acceptâ naturali lege eam servare noluerunt, sed postea per pœnitentiam & Christi fidem se correxerunt: Judaicus populus magnificè spondens, Exodi 19. v. 8. *Cuncta quæ locutus est Dominus, faciemus*, in vineam non ivit, id est, legem non observavit, sed insuper heredem occidit, quod aliàs parabola ob oculos ponit, ad plebem quidem loquens, ut ex Luca patet, sed in Phariseos.

33. Aliam parabolam audire: homo erat paterfamilias, qui plantavit vineam & sepem circumdedit ei, & fodit in ea torcular, & ædificavit turrim, & locavit eam agricolis, & peregrè profectus est.

33. \* *Homo erat Paterfamilias*. Iste Deum Patrem significat, universæ creaturæ velut magnæ familiæ maximæque rationalis naturâ Dominum, benevolentiam patrem. \* *Qui plantavit vineam*. Vineam istam Iren. lib. 4. cap. 7. intelligit humanum genus: sed rectius Orig. tract. 18. in Matth. Hier. & alii, populum Judaicum, de quo Isaias 5. v. 7. *Vinea Domini exercituum domus Israël est*: quam ex Ægypto silvescentem transtulit Chanaam, ut est Psalm. 79. v. 9. Tunc autem eam plantavit, quando ei Deus sui notitiam inseruit, ut indicat Aug. serm. 59. de verbis Dom. c. 2. hoc est quando eam in formam Ecclesiæ redegit, ut ferret fructus iustitiæ. \* *Et sepem circumdedit ei*, dum eam per Angelos & homines providentiæ suæ custodiâ & munitione vallavit; quam minatur se detracturum, ut sit in direptionem & conculcationem, Isaiæ 5. v. 5. \* *Fodit in ea torcular*. Quod alii intelligunt altare, holocaustorum sanguine quasi musto redundans, alii aliud: non ineptè intelligi posset Lexurgens & premens, ut unusquisque fructum edat. \* *Et ædificavit turrim*, sive Templum, ut Hieron. & Orig. sive Ierosolymam, ex quorum utroque speculatores ad custodiam vineæ prospectabant, quod officium hîc maximè indicatur. Quamquam fortasse per *turrim*, *torcular*, ac *sepem* nihil aliud velit, nisi Deum omnibus necessariis vineam instruxisse, nihilque ultra debuisse ei facere, quod non fecerit, ut indicatur in simili planè parabola, Isa. 5. v. 4. \* *Et locavit eam*, id est, non dedit, aut vendidit, aut alienavit, sed gubernandam & excolendam tradidit, pactus se daturum fructuum portionem, & æternæ vitæ mercedem \* *agricolis*, Regibus scilicet, Sacerdotibus, Scribis, seu doctoribus, iudicibus, ut quisque eorum juxta functionem suam vineam excoleret. \* *Et peregrè profectus est*, quando subtractis illis mirabilibus præsentiæ suæ signis, tamquam absentem se gessit, qui nusquam aberat.

34. \* Cum autem tempus fructuum appropinquasset. Fructus sunt vita bona, justitia, & obedientia mandatorum. Tempus reddendi fuit quidem semper, ex quo Lex data fuit, sed maximè post datos populo Judices, Reges ac Duces, quia tunc nulla suberat excusatio. \* *Misit servos suos*, nempe Prophetas, ut Aug. serm. 59. de verbis Dom. & alii consentiunt: imò ipse Christus satis explicat, qui misit illos, \* *ut fructus acciperent*, id est, eos monendo exigerent. Ex quibus \* *aliū ceciderunt*, ut Jeremiam, cap. 20. v. 2. Michæam 3. Regum 22. v. 24. \* *Alium occiderunt*, ut eundem Jeremiam, Isaiam, Ezechièlem, & alios; \* *aliū lapidaverunt*, Zachariam filium Jojadæ, 2. Paral. 24. v. 20.

36. \* Iterum misit alios plures prioribus: ut hæc Dei longanimitas eos adduceret ad pœnitentiam, & sollicitudo ad officium. Unde Jerem. 7. v. 25. *Misit ad vos omnes servos meos Prophetas per diem consurgens diluculo, &c.* \* *Et fecerunt illis similiter*, de quo generatim testatur S. Stephanus, Act. 7. v. 52. & Apostolus ad Hebr. 11. v. 36. & seqq.

37. \* Novissimè autem, tanquam Prophetarum finem, \* *misit ad eos filium suum*, unigenitum. Seipsum significat, ut distinguat à filiis adoptivis, quos servos vocaverat. \* *Dicens, verebuntur filium meum*, id est, æquitas postulat ut reveantur: magis enim indicatum vult officium eorum, quàm rei eventum. Unde Lucas dixit, *forſitan verebuntur*, attribuens Deo id, quod homo paterfamilias, rerum incertus, meritò de colonis cogitasset ac dixisset; sic tamen, ut simul eorum libertas arbitrii indicetur.

38. \* *Agricola autem videntes filium*, id est, agnoscetes eum esse filium, ex testimonio scilicet Joannis, ex signis mirabilibus, ut Joan. 15. v. 24. \* *Dixerunt intra se*, id est, in animo suo, vel etiam inter se, unus ad alterum; hoc enim videtur postulare colloquium sequens, quod latius prophetatur & pulchrè describitur Sap. 2. v. 12. usque ad 21. prout veteres unanimiter explicant: \* *Hic est heres*, Regni scilicet & dominii in populum Israël; heres, inquam, non qui patri morienti succederet, sed cum vivente & regnum donante regnaret. \* *Venite occidamus eum*. Quod ab eis dictum esse & conclusum, præunte Caiapha, testatur Joan. cap. 11. v. 50. & 53. idque paucis diebus ante prolatam hanc parabolam. \* *Et habebimus hereditatem ejus*, id est, liberè pro arbitratu nostro dominabimur in populo ejus, liberati ab ejus exprobratione, opprobriis, & ignominia. Nam causæ occidendi fuerunt, partim asperitas reprehensionum Christi, & inde nata confusio coram populo, ut indicatur illo loco Sap. 2. partim ambitio liberè dominandi in populo, ut insinuat Joan. 11. v. 48. ubi timent, ne à Romanis expellantur, nempe si intelligerent alium Regem, Messiam scilicet esse susceptum à Judæis.

34. Cum autem tempus fructuum appropinquasset, misit servos suos ad agricolas, ut acciperent fructus ejus.

35. Et agricolæ apprehensis servis ejus, alium ceciderunt, alium occiderunt, alium verò lapidaverunt.

36. Iterum misit alios servos plures prioribus & fecerunt illis similiter.

37. Novissimè autem misit ad eos filium suum, dicens: verebuntur filium meum.

38. Agricolæ autem videntes alium, dixerunt intra se: hic est heres, venite, occidamus eum, & habebimus hereditatem ejus.



39. Et apprehensum eum eiecerunt extra vineam, & occiderunt.

40. Cum ergo venerit dominus vineæ, quid faciet agricolis illis?

41. Ajunt illi: Mala male perdet, & vineam suam locabit aliis agricolis, qui reddant ei fructum temporibus suis.

42. Dicit illis Jesus: numquam legistis in Scripturis? Lapidem, quem reprobarunt ædificantes, hic factus est in caput anguli. A Domino factum est istud, & est mirabile in oculis nostris.

39. \* *Et apprehensum eum eiecerunt extra vineam* : protestando per hoc, quod non agnoscerent eum esse vineæ dominum; \* *Erocciderunt*, importunitate extorquendo à Romanis mortis sententiam. Prædicit itaque hîc & mortem, & mortis locum: nam extra Jerusalem, quæ erat vineæ caput, seu, ut Apost. ad Heb. 13. extra portam passus est Dominus.

40. \* *Cum ergo venerit dominus vineæ, quid faciet agricolis illis?* Eos ipsos agricolas hereditidas, ad quos loquebatur, facit judices, ut appareat sententiæ æquitas, simili planè modo, ut in eadem parabola Isaïæ 5. v. 3.

41. \* *Ajunt illi*, Christo, est enim dativus: \* *Malos male perdet*, id est, malos malè multatos seu malis affectos perdet: \* *& vineam suam*, scilicet reliquias Israël, quibus Gentes inferentur, non exidet, nec donabit aliis, sed \* *locabit aliis agricolis*, id est, regendam committet aliis, Apostolis scilicet & successoribus eorum, \* *Qui reddant ei fructum temporibus suis*, statutis & opportunis, id est, qui sic excolant vineam Dei, ut uberes bonorum operum fructus ferat Deo, ut magis indicatur v. 43. Porro verba ista tribuuntur à Marco & Lucâ ipsi Christo, & eis auditis narrantur Sacerdotes dixisse, *Abfit*. Quare ne hæc sibi repugnare videantur, alterutrum dicendum est; vel cum Aug. l. 2. de cons. Evang. c. 70. quod quidam Sacerdotes responderint hæc verba, quæ tamen etiam Christo tribuantur, quia Christus est veritas, cui omnis veritas tribuenda est, per quemcumque dicatur: vel facilius, ut Chrys. quod primò responderint Sacerdotes hæc verba, ut Matth. narrat: deinde Christus ea approbaverit, ut Marcus & Lucas, sed ita tamen, ut significaret se in ipsos Sacerdotes præsentis collimare: quo audito contradixerint Christo, dicentes, *Abfit*, scilicet ut nos juxta parabolam tuam necem heredi paremus, & consequenter nobis ista contingant, ut malè perdamur, & vinea à nobis auferatur. Quamvis ergo Matth. non posuerit, quod isti parabolæ contradixerint, apertè tamen contradictionem respicit, dum subjungit Jesum illis dixisse:

42. \* *Nunquam legistis in Scripturis*. Est enim modus refellendi id, quod præcesserat tanquam contrarium, ut observavit Aug. loc. cit. Idem namque valet atque id, quod significantius Lucas dicit, *Quid est ergo quod scriptum est?* q. d. Si vos rectè dicitis, *Abfit*, quasi non esset verum id, quod dixi in parabola: quid ergo dicit Scriptura illius Psalmi, quem de Messia scriptum canitis? \* *Lapidem, quem reprobarunt ædificantes*, id est, lapis ille, quem architecti, qui præfunt ædificandæ Synagogæ ac domui Dei, tanquam structuræ inutilem

inutilem abjecerunt , \* *Hic factus est in caput anguli* , id est , cuput anguli , quem Paulus ad Ephes. 2. v. 20. uno verbo Græco vocat ἀπογώνιον , id est , summum angularem , seu in extremo & supremo angulo positum : qui est præcipuus in structura , utpotè continens totam juncturam duorum parietum ; sicut infernè lapis fundamentalis. Itaque hîc alio sermone parabolico iidem sunt ædificantes , qui in parabola erant agricolæ ; idem ædificium , quod vinea ; idem lapis reprobatus , qui filius seu heres occisus , ut annotavit Hieronymus. Ædificantes ergò hoc loco sunt Sacerdotes & Principes populi , ut exponit S. Petrus Act. 4. v. 11. quia docendo regendoque Synagogam in domum Dei ædificabant. Qua de causa & Apostolus se sapientem architectum vocat , 1. ad Cor. 3. v. 10. ipsum verò populum ibidem vocat Dei agriculturam ac Dei adificationem , hoc est juxta has parabolas , Dei vineam , Dei domum. Lapis verò dicitur Christus , propter soliditatem ac firmitatem seu stabilitatem , quam tribuit Ecclesiæ suæ , tanquam in fundamento ejus positus , cui tota structura innititur. Vocatur verò *angularis* , propter indissolubilem juncturam , quam tribuit ædificio. In angulo enim ingentes lapides ponuntur , qui utrumque parietem ex diverso venientem complectantur & jungant. Unde per hoc indicatur , Christum in uno ædificio suo juncturum duos populos de Circumcisione & præputio venientes , id est , Judaicum & Gentilem , ut Aug. lib. 18. de verbis Dom. cap. 10. & alibi sæpius , & ab omnibus penè veteribus hujus loci Interpretibus annotatum est , Orig. Hilar. Hieron. Theophyl. & insinuaturn à Paulo , ad Ephes. 2. v. 14. & 15. *Caput autem anguli* dicitur honoris causâ , ut opponatur hoc reprobationi ejus : q. d. quem reprobarunt ipsi , tanquam ineptissimum ædificio suo , *hic factus est* ; id est , fiet , phrasi Prophetica futura tanquam præterita vatinantium , summus in angulo , id est , Dux & Caput Ecclesiæ , & quidem ex duobus jam populis conflata : \* *Domino* , id est , non ab hominibus , seu humanâ industriâ sed divinâ omnipotentia. Est enim tacita oppositio Dei , eligentis illum lapidem in caput anguli , contra homines reprobantes , ut clarè indicatur 1. Pet. 2. v. 4. \* *Factum est istud* , Græcè hic & Hebraicè in Psal. 117. legitur , *Facta est hac , & est mirabilis* : sed mansit phrasis in Græco ex Hebraico , ubi carentes neutro ponunt pro eo femininum ; sicut quando dicunt , *Unam petii à Domino hanc requiram* , id est , unum. Factum est ergò istud à Domino , quòd scilicet ille , seu Jesus reprobatus , renitentibus inimicis factus sit per resurrectionem Princeps Ecclesiæ , & quidem ita , ut duos parietes istos sub se conjunxerit. \* *Et est mirabile in oculis nostris* , id est , est nobis mirabile visu , seu mirabile



bile videtur nobis, qui adhæremus lapidi illi per fidem: loquitur enim Psalmus ex persona creditorum tempore Christi.

43. Ideo dico vobis, quia auferetur à vobis regnum Dei, & dabitur genti facienti fructus ejus.

43. \* Ideo, quia scilicet juxta Scripturam istam, reprobando lapidem à structura vestra, impleturi estis id, quod in parabola de hærede vineæ occidendo attuli, \* dico vobis omnibus, tam Principibus, tanquam mali totius authoribus, quàm plebi eis adhærenti, \* quia auferetur à vobis regnum Dei, ut scilicet non regnet amplius Deus seu Christus in vobis: id est, fiet, ut non sitis amplius Synagoga, populus, & hæreditas, & regnum ejus, quem reprobastis. \* Et dabitur, per gratuitam gratiam, & misericordiam, & bonitatem vocationis, quam erga Gentes peculiariter prædicat Apostolus ad Rom. 15. v. 9. & 11. \* Genti facienti fructus ejus, id est, Gentibus edituris fructus dignos regno Dei, nempe fructus justitiæ. Itaque prædicat hic reprobationem Judæorum, cum ablatione veri cultus Dei, & Gentes occasione reprobationis eorum ad fidem & regnum Dei esse vocandas, ut clarè docet Paulus Act. 13. v. 46. & latius ad Rom. 11. v. 25. & seqq.

44. Et qui ceciderit super lapidem istum, confringetur: super quem vero ceciderit, conteret eum.

45. Et cum audisset principes sacerdotum & Pharisei parabolas ejus, cognoverunt quod de ipsis diceret.

46. Et querentes eum tenere, timuerunt turbas: quoniam sicut prophetam eum habebant.

44. \* Et qui ceciderit super lapidem &c. Certum est, cadere super lapidem, & lapidem cadere super aliquem, hic distingui, & illud minus, hoc majus esse. Unde diversis modis hoc exponitur. Verisimilius videtur id, quod dicunt Chrys. Hom. 96. & Aug. lib. 10. qu. Evang. q. 30. ut cadere super lapidem sit offendere seu impingere in lapidem, adhuc in terris positum, quemadmodum ambulantes solent, hoc est scandalizari in Christo, ut est c. 11. v. 6. nam hac de causa vocatus est Christus lapis offensionis, & petra scandali quod fit, dum Christus vel non creditur, vel creditus deseritur vel malè vivendo contemnitur, ut explicatur optimè 1. Petri cap. 2. v. 8. Qui ergò sic offenderit in lapidem, \* confringetur. Græcè συνθλασθήσεται conquassabitur, sicut & apud Lucam vertitur, hoc est lapidem non lædet, sed ipsemet ita collidetur, ut non quidem penitus intèreat, sed tamen toto corpore afflictus & quasi fractus doleat. \* Super quem verò, pondere suo ex alto, \* ceciderit, lapis iste, \* conteret eum, Græcè λιμῆσει, ventiliabit, id est, ita conteret, ut in minutas partes in auras dispergatur, nullaque reparationis sit spes. Primà igitur parte significatur pœna præsentis vitæ, quæ peccantes in Christum sequitur, sive in anima sive in corpore: secundà verò pœna damnationis futuræ, cum lapis illè de cælo super impios totâ molè casurus est. Unde aliqui allusionem ad vasa fictili à fieri putant, quæ si ceciderint in magnum lapidem, franguntur, quidem, ita tamen ut nonnunquam propter magna fragmenta aliquo modo reparari possint: sin lapis in ipsa ex alto ceciderit, penitus in minutissimas partes conteruntur.

## CAPUT VIGESIMUMSECUNDUM.

I. \* **S**imile factum est regnum calorū, seu Ecclesia, hoc est, simile quid accidit in colligenda ex hominibus Ecclesia, in qua Deus regnum suum inchoat, ut postea compleat, ac si Rex quispiam pararet nuptias filio, ad quas propinqui venire detractarent &c. Rex enim iste Deus Pater est, \* *qui fecit nuptias filio suo*, unigenito, uxorem ducenti. Uxor ista seu Sponsa est Ecclesia, juxta Apostolum Ephes. 5. v. 25. & seqq. & Apoc. 21. v. 2. & 9. Unde *Nuptiæ* non significant hic ipsam matrimonialem conjunctionem, vel Incarnationem Christi, per quam Ecclesia ei Sponsa facta est, sed nuptiale convivium, splendidum, & magnificum, unde ad ipsum dicuntur homines invitati. Hoc autem non est aliud, nisi ille doctrinæ, Sacramentorum, & gratiarum apparatus, quo Deus tanquam diversis ferculis hominum animas, per fidem sibi copulatas, pascit, & in æternum gaudiis beatæ vitæ pasturus est.

3. \* *Et misit servos suos*, Joannem Baptistam; imò & ipsum Christum Dominum, qui formam servi accepit, \* *vocare invitatos ad nuptias*, id est, ut eos, qui jam olim invitati fuerant ad nuptias, suo tempore celebrandas, ad diem nuptiis præfinitum vocarent. Invitati illi sunt Judæi, qui jam olim per Moysen & Prophetas de tali convivio Messis exhibendo certiores facti, & invitati, & ad credendum persuasi fuerant. Hi ergò, jam jam instante convivii die, vocati sunt per servos illos, prædicantes, *Pœnitentiam agite*, *appropinquavit enim regnum calorū*, ut ad convivium venirent, id est, ut Ecclesiæ credendo in Christum infererentur. Fit allusio ad morem humanum, quò, decreto jam matrimonio, futuræ nuptiæ consanguineis plerumque denuntiantur, sed sic tamen, ut cum dies instat, denuò vocentur, ut ad præstitutum veniant. \* *Et nolabant venire*, id est, noluerunt in Christum credere, Ecclesiæ ejus inferi, & participes convivii fieri.

4. \* *Iterum*, semel jam contemptus, \* *misit*, post mortem ac resurrectionem Filii sui, \* *alios servos* Apostolos duodecim, Paulum, Barnabam, Stephanum, & alios, qui præscriptis verbis hæc denuntiarent invitatis: \* *Ecce prandium paravi*, id est, non jam dies prandii nuptialis instat, sed advenit, & omnia omninò ad refectionem mentis in hac vita necessaria præparata sunt. Prandium enim spiritualia vitæ præsentis bona respicit, coena verò futuræ gaudia, de qua Lucæ 14. Hæc ergò prædicatione jubet Rex, & quidem ultimò, annuntiari Judæis Messiam, agnum sine maculâ, jam esse mortuum, crucifixum, resurrexisse, & ad epulandum propositum, omniaque jam consummata

1. Et respondens Jesus, dixit iterum in parabolis eis, dicens:

2. Simile factum est regnum calorū homini regi, qui fecit nuptias filio suo.

3. Et misit servos suos vocare invitatos ad nuptias, & nolabant venire.

4. Iterum misit alios servos, dicens: dicite invitatis: ecce prandium meum paravi, tauri mei, & altilia occisa sunt & omnia parata: venite ad nuptias



esse quæ ad plenissimam redemptionem, salutem, & refectiorem desiderantur; hoc enim per *tauros* & *altilia* videtur significari. Quamquam sigillatim Christus per *taurum* significari possit, ad eximendam famem, & ad sustentationem rudiorum, ut robusti fiant; idem verò per *altilia*, ad præbendas dilitias sublimis contemplationis spiritualibus. \* *Venite ad nuptias*, id est, nihil jam superest, nisi ut veniatis, & mensæ accum bentes, convivii illius magnifici honore, delitiis, gaudiis, re ipsa perfruemini, credendo in Christum.

5. Illi autem neglexerunt, & abierunt, alius in villam suam, alius vero ad negotiationem suam:

5. \* *Illi autem*, aliis rebus occupati & præpediti, \* *neglexerunt* seu non curarunt venire, & Evangelicæ veritati credere, \* & *abierunt*, ad sua quisque negotia, nempe \* *alius in villam suam*, *alius vero ad negotiationem suam*, diversis scilicet terrenarum rerum amoribus, studiis ac lucris abstracti.

6. Reliqui verò tenuerunt servos ejus, & contumeliis affectos occiderunt.

6. \* *Reliqui verò* longè magis impii & ingrati humanissimæ invitationi ad inestimabilem tanti convivii felicitatem, \* *tenuerunt servos ejus* & c. prout in Actibus Apostolorum de Jacobi & Stephani occisione, & Pauli, aliorumque contumeliis narratur.

7. Rex autem cum audisset, iratus est: & missis exercitibus suis, perdidit homicidas illos, & civitatem illorum succendit.

7. \* *Rex autem cum audisset*, tantum contemptum gratiæ, servorum contumeliam ac cædem, \* *iratus est*, id est, ultionem tandem decrevit, post tantam scilicet dissimulationem, \* & *missis exercitibus suis*, (Romanos intelligit sub Titio & Vespasiano) \* *perdidit homicidas illos*, gladio, fame, & peste: usque adeo, ut Josephus lib. 7. de bello Judaico cap. 17. testis sit, periisse solâ ultimâ Jerosolymæ obsidione undicies centena millia, præter innumeras clades, quibus & antè & postea alibi affecti sunt. Quamvis autem textus hoc factum dicat propter cæsos servos Regis, non negat tamen ipsius Christi occisionem præcipuam fuisse causam. \* *Et civitatem illorum succendit*: quod ad litteram etiam contigisse idem Josephus eodem libro testatur.

8. Tunc ait servis suis: nuptiæ quidem paratæ sunt, sed qui invitati erant, non fuerunt digni.

8. \* *Tunc ait servis suis*: non post perditas homicidas, succensamque civitatem, sed tunc, cum pervicaciter ad nuptias venire, seu Christi fidem recipere detrectarent. \* *Nuptiæ quidem paratæ sunt*; durat enim ac celebratur nuptiale istud prandium à morte Christi usque ad vesperam mundi, quando æterna cœna incipiet: \* *Sed qui invitati erant, non fuerunt digni*. Plus significat, quam dicit, nempe Judæos non tantum non fuisse dignos nuptiis, sed per tantam pervicaciam, ingratitude, & impietatem etiam indignos; non ita Gentes. Hinc ergò, ut Apost. ad Rom. 11. v. 11. Judæorum delicto salus facta est Gentibus, quia cum se judicassent indignos æternâ vitâ, & nuptiis istis, prædicatores ad Gentes conversi sunt, Act. 13. v. 46. ut qui nunquam invitati fuerant, in Christum credendo, ad nuptias veniant; hoc est enim, quod addit:

9. \* *Ite ergo ad exitus viarum*, id est, quia Judæi venire nolunt, percurrite omnes vias, usque ad omnes earum angulos, atque exitus, id est, per universum mundum omnibus Gentibus usque in fines orbis terræ, prædicate Evangelium. \* *Et quoscumque inveneritis, vocate ad nuptias*, nemine cujuscumque conditionis, quantumvis barbaro excluso: nempe ut zelotypiâ stimulati Judæi, ægrè ferendo sibi salutem à barbaris præripi, convertantur.

9. Ite ergo ad exitus viarum, & quoscumque inveneritis, vocate ad nuptias.

10. \* *Et egressi congregaverunt omnes*, id est, ex omni hominum genere, seu ex omni tribu, & linguâ, & populo, & natione, & sexu, & professione, \* *malos & bonos*: non qui se malos perseveraturos profiterentur; sed malos, sive qui laterent, dum ingrediendo probitatem simularent; bonos autem, qui sæculo uti verbis, ita & factis renuntiabant: sive malos & bonos, quo scilicet jam adducti ad nuptias mali & boni apparerent: sive denique malos & bonos dictum est secundum quandam humanam conversationem, in qua etiam ii, qui nondum crediderunt, vel laudari vel vituperari solent: quas interpretationes dat Aug. lib. de fide & operib. c. 17. Nemo enim propriè loquendo bonus est ante fidem. \* *Et impleta sunt nuptia*, locus scilicet nuptialis, seu, ut Syrus, domus convivii, \* *discumbentium*: q. d. Ita non perierunt impensæ convivii, & mortis Christi, propter Judæos venire detrectantes; sed multò pluribus adductis, domus, hoc est Ecclesia, impleta est. Nam ut Apost. ad Rom. 11. delictum eorum divitiarum sunt mundi, & diminutio eorum divitiarum gentium,

10. Egressi & vi ejus in vias congregaverunt omnes quos invenerunt, malos & bonos: & impleta sunt nuptia discumbentium.

11. \* *Intravit autem Rex*, convivii cœnaculum, \* *ut videret*, seu spectaret, \* *discumbentes*, convivas, utrum scilicet omnia dignè tantis nuptiis, tanto Sponso & Sponsâ agerentur. Significatur autem visitatio Dei, in die judicii facienda. Addit hoc, ne sibi unusquisque ex gentilibus satis esse putaret, quod vocatus venire voluisset, etiam si indignè se gereret vocatione suâ. *Et vidit ibi hominem*, id est, unum quemdâm, \* *non indutum veste nuptiali*, id est, decente nuptias, & festum diem: lacerâ enim & sordidâ veste dehonestari solent nuptiæ, & Sponsus contemni. Hanc vestem parabolicè Calvinus intelligit fidem; sed malè, quia per eam ad nuptias venerat; Aug. l. 22. contra Faustum cap. 19. gloriam Sponsi, quam quisque, non suam, quærere debet. Quid hoc sit, exponit ipse lib. ad Donatistas post Colat. cap. 20. & latius quodam Sermone de nuptiis in Appendice, videlicet fidissima Sponsi Christi charitas. Vestis enim nuptialis accipitur in honorem conjunctionis Sponsi & Sponsæ; ac talis est, inquit, ut eam non habeant, nisi boni, in convivio relinquendi. Quæ sanè vestis sola charitas est; quâ maximè Sponsus honoratur; & hic est commu-

11. Intravit autem rex ut videret discumbentes & vidit ibi hominem non vestitum veste nuptiali.



nis antiquorum sensus, Gregorii, Ambrosii, & aliorum. Nam quòd Chrysost. hanc exponit esse vitam immaculatam, seu virtutibus splendidam, à peccatorum sordibus alienam; Author imperf. & Hieron. opera bona seu novi hominis; Hilarius candorem habitus cælestis & Spiritus sancti gloriam; in idem prorsus redeunt: charitas enim sine illis esse non potest; nec illa sine charitate.

12. Et ait illi: amice, quomodo huc intrasti non habens vestem nuptialem? At ille obmutit.

12. \* *Et ait illi; Amice. Amicum* vocat, quia ad nuptias amico animo invitatus fuerat, inquit Hieron. & ut zelo justitiæ, non autem odio se increpari intelligeret. \* *Quomodo huc intrasti*, id est, quâ fronte & audaciâ te in tantas nuptias intruisti, & cum cæteris verlaris, \* *non habens vestem nuptialem*, id est, legibus nuptiarum requisitam, quæ in Sponsi & Sponsæ gloriam cedat? Arguitur autem in eo solus defectus charitatis, tamen de cætero se modestè gessisset, neque convivas perturbasset. Quod ergò iudicium eorum erit, qui sordidè & flagitiosè vivunt, omniaque tumultibus miscent, quibus convivas in Ecclesia perturbent? \* *At ille obmutuit*, quia ubi veritas ipsa iudex erit, cessabit omnis excusatio, palliatio ac defensio. Unde, illo per ipsum silentium se condemnante,

13. Tunc dixit rex ministris: ligatis manibus, ne se defendere queat, & pedibus, ne fugere: quibus significat inevitabilem ejus poenam absque ulla spe liberationis, aut præsidio defensionis, \* *mittite eum*, Græcè ἀπάλε, ejicite, scilicet foras ex nuptiis & ex cœtu Sanctorum, qui charitate velut veste immaculatâ amicti sunt, \* *in tenebras exteriores*, carcerem inferni: de quibus tenebris & stridore & fletu vide dicta in cap. 8. v. 12. Delabitur hîc Christus à cortice parabolæ ad rem significatam; in quam collimans etiam mox concludit:

14. Multi enim sunt vocati, pauci vero electi.

14. \* *Multi enim sunt vocati*, ad nuptias Filii Dei, ad consortium regni cælorum: sub quibus vocatis comprehendit etiam invitatos vocatosque, qui venire detrectaverant, scilicet Judæos, maximè tamen eos, qui venerant quidem, sed vestis, id est, probæ conversationis defectu ejecti fuerant. \* *Pauci vero electi*, à Deo, ut in cœna æterna, ad quam ex prandio nuptiali perducendi sunt, salute potiantur. Tangit enim radicem primam, ex qua oritur diversitas, ut vocati vel veniant, vel decenti veste nuptiali induantur, vel in ea perseverent, ne convivio ejiciantur. Ex hoc autem, quod unus tantum ejectus dicitur, multi que remanserunt in convivio, cùm tamen è contrario multi dicantur vocati, & pauci electi: concludit Aug. serm. cit. & lib. de gestis Pelagii cap. 3. per ejectum parabolicè significari universum malorum cætum, qui in Ecclesia bonis permixti vivunt, & multitudine suâ electos longè superant.

15. \* *Tunc*, cùm irritari essent tot parabolis Pharisei, præ cæteris infensi Christo, \* *consilium inierunt, ut caperent eum in sermone*: Græcè *παριδάσκοντες*, ut illaquearent, seu verbis velut laqueo caperent, ut, quem vi non audebant capere, operibus tamen videbant irreprehensibilem, ipsi jam toties suis verbis capti, vicissim propositâ captiosâ quæstione eum verbis in periculum adducerent.

16. \* *Et mittunt ei discipulos suos*, quasi ipsi ignotos, quos tamen ipsos fuisse Phariseos notat Marcus, \* *Cum Herodianis*. Gentiles eos fuisse sentit Auctor operis imperf. Chrysost, verò & Hier. milites Herodis: Theophyl. eos, qui Herodem Christum putarent. Verisimile est fuisse Herodis, non primi illius, sed filii ejus Tetrarchæ, qui Antipas dictus est, domesticos. Ille enim tempore passionis Christi jam instantis erat Jerosolymis, Lucæ 23. v. 7. Unde Syrus vertit, *Cum iis, qui in domo Herodis*, seu *cum domesticis Herodis*, & Evangelium Hebræum Eliæ Hutteri & aliorum legit, *cum servis Herodis*. Herodes enim Magnus impensè faverat Romanorum tributis, quibus olim præfuerat quem & filium ejus imitatum fuisse non est dubium. Pharisei contra favebant Judaicæ libertati, & Herodis erant adversarii. Testis est enim Josephus 18. Antiquit. c. 2. fuisse quosdam ex Juda Galilæo ortos, sed eadem planè cum Phariseis sentientes, qui neminem præter Deum Dominum ac Principem haberi aut nominari vellent, adeoque Romanis ac tributis erant infensissimi. \* *Dicentes*, Græcè rectus casus est: unde Syrus, *Et dicunt ei*, scilicet Pharisei, per os discipulorum. Quo indicatur, præscriptis verbis quæstionem à Phariseis mittentibus fuisse propositam. \* *Magister, scimus quia verax es*, id est quod amas veritatem, nec solum amas in te, sed etiam alios. \* *Viam Dei in veritate doces*, id est, sincerè, absque fūco & respectu viam, quam Deus ab hominibus ambulari cupit, hoc est, quid Deus velit fieri, & non fieri. \* *Et non est tibi cura de aliquo*, id est non curas quemquam, quò minùs liberrimè absque odio, aut metu, aut gratia veritatem dicas. Veracitas enim reddit hominem incommutabili veritati similem: veritas autem neminem curat, palpat, aut metuit. \* *Non enim respicis personam hominum*: Marcus, *Non vides in faciem hominum*. Utrumque Lucas breviter explicat, dicendo, *Non accipis personam*, hoc est, solius causæ merita intueris, nihil curans quascumque extraneas personarum conditiones, ad causam non pertinentes, divitias, honores, potentiam, &c. Verissima est ista sinceri Doctoris, maximèque Christi, laus, nullo hominum respectu, gratiâ, aut metu ab officio & libertate afferendæ veritatis deflectere. Sed in Phariseis erat ista pestilentiissima adulatio,

15. Tunc abeunt  
Pharisei con-  
siliū inierunt ut  
caperent eum in  
sermone,

16. Et mittunt ei  
discipulos suos  
cum Herodianis  
dicentes: Magi-  
ster, scimus quia  
verax es, & viam  
Dei in veritate  
doces & non est  
tibi cura de ali-  
quo: non enim  
respicis perso-  
nam hominum,



ed tendens, ut Chrysost. notat, ut Christum inſerent, & audacem redderent, atque ita in ancipiti conſtitutus aliquid diceret, vel contra religionem & libertatem Judaicam, ut ſic Phariſæi præſentes eum plebi inviſum redderent; vel contra præſentem Reipub. ſtatum, ut ſic eum Herodianum comprehenderent, & apud præſidem Pilatum accuſarent: nam de hac ipſa tributi cauſa apud Pilatum mentiti ſunt, Lucæ c. 23. v. 2. Et hoc eſt, quòd Lucas apertè dicit, eos fuiſſe inſidiatores, qui ſe juſtos ſimularent, quæſtionemque propoſuiſſe, ut traderent illum principatui & poteſtati Præſidis.

17. Dic ergo nobis quid tibi videtur, licet cenſum dare Cæſari, an non?

17. Quandoquidem igitur tam incorruptus ſis Doctòr veritatis, \* *Dic nobis: Quid tibi videtur*, de hujus quæſtionis veritate, quæ conſcientiam noſtram torquet & perplexam facit? \* *Licet cenſum dare Cæſari, an non?* Salvâ ſcilicet religione & abſque offenſa Dei. Pompeius enim primò univerſam Judæam veſtigabilem populo Romano ſecerat: deinde Auguſtus cùm circa tempus naſcentis Chriſti toti nationi cenſum ſeu tributum annuum impoſuiſſet, Judas Galilæus hoc indignum ratus, populum ad rebellionem incitaverat, ut multis locis indicat Joſephus & Gamaliël Actor. 5. v. 37. Hinc orta quæſtio, tempore Chriſti maximè controverſa, Utrum liceret tributum Cæſari ſolvere? Pars affirmativa tenebatur ab Herode & Herodianis, & Romanorum fautoribus: negativa à Juda Galilæo, atque ejus diſcipulis, & maximè grata erat populo ac Phariſæis.

18. Cognita autem Jeſus nequitia eorum ait: quid me tentatis hypocritæ?

18. \* *Cognita autem Jeſus nequitia eorum*, id eſt, fraudulentâ hypocrifi, \* *ait: Quid me tentatis*, ſeu experiri ſcientiam meam cupitis \* *hypocritæ?* Aliud enim voce, aliud opere proferebant: nam benevolentiam erga Jeſum, magnam æſtimationem ejus, ſtudium veritatis & juſtitiae & religionis ſimulabant, cùm nihil eorum eſſet ipsis cordi.

19. Oſtendite mihi numiſma cenſus. At illi obtulerunt ei denarium.

19. \* *Oſtendite mihi numiſma cenſus*, id eſt, ſpeciem monetæ, quæ cenſus Judæis imperari ſolitus à Romanis, ſolvi debet. Conſtat enim ex Aëlio Lampridio, moris fuiſſe Romanis Imperatoribus, ut numiſmata, pro ratione tributi vel cenſus magna vel parva conderentur. \* *At illi obtulerunt ei denarium*: quod fuit numiſma Romanum; intelligit autem argenteum. Teſtatur enim & miratur Plin. l. 23. c. 3. populum Romanum victis Gentibus in tributo ſemper argentum imperaſſe, non aurum. Putatur autem hic fuiſſe Denarius minor, unius Atticæ drachmæ pondere, hoc eſt valoris circiter Regalis Hiſpanici, qui olim quinque, nunc ſex ſtuferos valet. Cum autem conſtet ex cap. 17. v. ult. Cenſum illum fuiſſe didrachmum, hinc ſequi videtur, eum vel denario duplicato debuifſe ab omnibus ſolvi, vel certè pro ratione facultatum uniufcujuſque, uno vel duobus.

20. \* *Et ait illis : cujus est imago hæc, & superscriptio ?* Nam ut nunc, ita & olim tempore Christi, signabantur nummi imagine Principis, vel Reipublicæ & characteribus limbum ambientibus, ut ex multis vetustis nummis constat. Quamvis initio apud Romanos pecude, unde pecunia dicta, signarentur; deinde aliis notis, Jano, bigis, quadrigis, victoriâ, &c. ut videre licet apud Plin. loc. cit. Interrogat hæc Christus, non quod ignoraret, sed partim ut ex propriis eorum verbis quæstionem solveret, partim ut significaret non sibi terrena esse curæ, sed cælestia.

20. Et ait illis Jesus: cujus est imago hæc, & superscriptio?

21. \* *Dicunt ei : Caesaris*, verisimiliter Tiberii, utpote jam decimumoctavum, imperantis annum. \* *Tunc ait : Reddite ergo quæ sunt Caesaris, Caesari.* Quibus verbis tacitè significatum esse à Domino plerique volunt, tributum illud esse Cæsari, in recognitionem dominii, solvendum, utpote cui se subjectos usu numismatis ejus profiterentur. Sed meritò dubites, utrùm hoc sequatur: nam & Abraham Gen. 23. v. 16. usus est monetâ publicâ, scilicet Hethæorum, inter quos vivebat, quibus tamen non erat subjectus: & Judæos verisimile est pecuniâ Græcâ & Romanâ, propter commercii commoditatem ante subjectionem, esse usos; & tyrannis etiam census, qui non debetur, solvi solet. Itaque verisimile est, Christum, sicut ancipiti & lubricâ quæstione pulsatus fuerat, ita & lubricè atque ambidextrè respondisse, ut nihil decideret, sed eos incertos relinqueret, quid Cæsari deberet solvi, an census, an honor, an obedientia? Sicut eos etiam de solvendis Deo incertos reliquit, cùm dicit, \* *& quæ sunt Dei, Deo.* Hoc tamen duabus de causis adjecit: primò, ut indicaret, quod etsi, quæ sunt Caesaris, Cæsari solverentur, neminem ex eo impediri, quin reddat ea, quæ sunt Dei, Deo, ut Origenes: illud enim pauperiorem forsan reddet, non tamen impium. Ita docens, nihil obstare religioni, sicut ipsi putabant, quo minùs, salvâ pietate, & Cæsari pareretur in iis, quæ ad ipsum spectabant, scilicet terrenis, & simul Deo in rebus divinis. Secundò, ut simul eorum negligentiam perstringeret, in iis solvendis, quæ sunt Deo, obedientia, scilicet mandatorum ejus: q. d. De solvendis debitis Cæsari, avaritiâ stimulante, estis anxii, cum de solvendis debitis Deo nihil curetis: hoc oportet facere, & illud non omittere, cùm res postulat.

21. Dicunt ei: Caesaris. Tunc ait illis: reddite ergo quæ sunt Caesaris, Caesari, & quæ sunt Dei, Deo.

22. \* *Et audientes mirati sunt*, responsum, tam cautum, in quo nihil reperiri posset, quo vel in populi vel in Cæsaris offensam caderet, ut speraverant. Lucas hoc exprimit, *Et non poterant verbum ejus reprehendere coram plebe.*

22. Et audientes mirati sunt, & relicto eo abierunt. 23. In illo die accesserunt ad eum Sadducæi, qui dicunt non esse resurrectionem, & interrogaverunt eum.

23. \* *In illo die accesserunt ad eum Sadducæi.* De hac secta diximus



24. Discentes: Magister Moyses dixit: Si quis mortuus fuerit non habens filium, ut ducat frater eius uxorem illius, & faciat semen fratri suo.

25. Erant autem apud nos septem fratres: & primus uxore ducta defunctus est: & non habens semen, reliquit uxorem suam fratri suo.

26. Similiter secundus & tertius, & quæ ad septimum

27. Novissime autem omnium & mulier defuncta est.

28. In resurrectione ergo cujus erit de septem uxor: omnes enim habuerunt eam.

29. Respondens autem Jesus, ait illis: erratis, nescientes Scripturas, neque virtutem Dei.

30. In resurrectione enim, neque nubent, neque nubentur: sed erunt sicut angeli Dei in celo.

alibi, sicut & de Lege suscitantium semen, id est, filium & posteritatem fratri, id est, proximo cognato suo, sine liberis defuncto. Primogenitus enim filius ex uxore fratris nomine defuncti appellabatur, ut Lex ait, hoc est, habebatur filius & heres defuncti, non viventis. Proponunt Sadducæi hanc quæstionem, ut absurditate, quæ ex ea sequi videbatur, (quod scilicet vel plures eandem haberent postea simul uxorem, vel unus præ cæteris, quibus erat par jus) expugnarent resurrectionem, & consequenter regnum cælorum, & vitam æternam, quam Christus prædicabat. Neque enim suspicari poterant carnales homines, vitam ibi cælibem esse ducendam. Proponunt autem ex ipsa Lege Moysis, quam solam recipiebant, ut testatur Iosephus lib. 18. Antiq. cap. 2. Quibus respondet:

29. \* *Erratis*, negando resurrectionem, & ignorando modum ejus, dum scilicet putatis vitam, quæ futura est, fore vitæ præsentis similem. \* *Nescientes Scripturas*, quia non intelligitis eas, quæ de hac re loquuntur: *Neque virtutem*, seu omnipotentiam Dei, cujus potestate corpus redactum in cineres ad vitam, eamque longè aliam, ac jam vivimus, revocabitur. Tangit igitur duplicem radicem erroris istius, ignorantiam Scripturarum & omnipotentiam Dei: quibus de causis ab omnibus olim tum Judæis, tum Philosophis, tum Hæreticis resurrectio sublata fuit, & etiam num hæreses contra plerosque arduos fidei articulos excitantur. Primò igitur docet eos errare in modo futuræ vitæ intelligendo convellens totius erroris fundamentum.

30. \* *In resurrectione enim*, id est, tempore resurrectionis, ad quam omnis vita, post eam ducenda, spectat, \* *neque nubent*, viri, *neque nubentur*, feminae: nam Græcè est, *οὐτε γαμοῦσιν, οὐτε ἐκγαμίζονται*, *neque uxores ducunt, neque dantur ad nuptias*; quo modo eadem Græca verba versa sunt Lucæ 17. v. 27. Itaque hîc, contra Latinorum consuetudinem, *Nubere* tributum est viris, & *Nubentur*, usurpatum est personaliter. Colligit autem hinc Hieron. tum hîc, tum epist. 27. ad Eustochium, in resurrectione futuram sexuum diversitatem. Neque enim rectè de lapidibus, vel rebus, quæ non possunt nubere, dixeris, *non nubent* &c. Quamvis Tertull. lib. de habitu muliebri cap. 2. Orig. & alii nonnulli, eundem sexum, qui viris, videantur tribuisse feminis: sed rectè Aug. l. 22. de Civit. c. 17. Corporibus vitia detrahentur, natura servabitur. Non est autem vitium sexus femineus, sed naturâ erunt membra non accommodata usui veteri, sed decori novo, quo non alliciatur aspicientis concupiscentia, quæ nulla erit, sed Dei laudetur sapientia, atque clementia, qui & quod non erat fecit, & liberavit à corruptione quod fecit. \* *Sed erunt sicut Angeli Dei in celis* seu

seu qui in cælo sunt, ad differentiam dæmonum, hoc est, vivunt absque nuptiis, cibo, potu, cæterisque mortalitati sustentandæ & propagandæ necessariis, sicut Angeli quod Aug. loco citat. dicit: Brunt sicut Angeli, seu æquales Angelis immortalitate atque felicitate, non carne. Non enim hic natura Angelica, sed similitudo spiritualis conversationis promittitur, ut Hieron. locis citatis: qui ad Eustochium rectè notat, sicut & Basil. l. de verâ Virgin. Virgines istam Angelicam similitudinem resurrectionis in hac vita prævenire, quorum puritatem in corruptibili carne circumferunt.

31. \* *De resurrectione autem mortuorum non legistis.* Hic eos probat nescire Scripturas, retundens ex ipso Moyse argumentantes ex Moyse, cum alioqui longè clariora ex Prophetis testimonia suppeterent.

32. \* *Ego sum:* id est, non solum olim fui sed etiam nunc sum, \* *Deus Abraham, Deus Isaac, &c.* Sub hac propositione quodammodò subsumit Christus: atqui \* *non est Deus mortuorum*, id est, eorum, qui corpore & anima extincti sunt, \* *sed viventium.* Unde concludendum relinquit, ergò Abraham, Isaac, & Jacob non sunt mortui, sed vivunt & consequenter mortui resurgunt.

Contraquam argumentationem moveri difficultas potest, quia, quamvis animæ Patriarcharum solæ viverent, nec resurgerent corpora, Deus posset vocari eorum Deus. Sed duobus modis responderi potest: Primò, ut omnia verba in suo rigore accipiantur, & immediatè corporum resurrectio probetur. Nam Abraham, Isaac, & Jacob non sunt nomina animarum, sed personarum seu suppositorum, corpore & animâ constantium, ut notavit Theophyl. in cap. 12. Marci: & viventes, cum de hominibus sermo est, dicuntur, qui corpore & animâ unitis vivunt. Itaque cum dicatur Deus Abraham & Isaac, & quidem dicatur Deus tantum esse viventium, quos pridem corpore defunctos esse constat: necesse est Abraham & Isaac suis corporibus adhuc vivere, sed Deo. Nam hunc sensum indicat Lucas, cum addit, *Omnes enim vivunt ei*, nimirum quia morte brevissimi temporis velut somno intercurrente tantum dormiunt, non mortui sunt Deo, utpote quos ad vitam corporis mox revocaturus est. Hac enim de causa mortui vocantur ab Apostolo *dormientes*, sicut & Lazarus Joan. 11. v. 11. puella Matth. 9. v. 25. *dormire* dicuntur. Declarat hoc Chrysost. appositâ similitudine Adami, quia sicut pomo comesto, decretæque mortis sententiâ, statim mortuus dicitur, tamen diu postea supervixerit: ita vicissim mortui, propter decretam à Deo resurrectionem, dicuntur ei vivere. Et hoc modo Christus immediatè probasset resurrectionem. Secundò, & fortasse facilius respon-

31. De resurrectione autem mortuorum; non legistis quod dictum est Deo dicente vobis:

32. Ego sum Deus Abraham, & Deus Isaac, & Jacob? Non est Deus mortuorum, sed viventium.

33. Et audientes turbæ mirabantur in doctrina ejus.



deri posset, Christum in verbis suis spectasse mentem Sadducæorum. Sadducæi autem teste Josepho lib. 18. Antiq. cap. 2. cum corpore extinguiebant simul & animas. Itaque immediate Christus probat animas permanere post mortem corporis, ex eo, quod vocetur Deus Abraham, & Deus non sit Deus mortuorum, id est, penitus extinctorum, etiam quantum ad animam, sed viventium. Quod si anima non extinguitur sed immortalis permanet, ergo resurgent & corpora. Anima quippe ex naturali quodam pondere requirit conjungi corpori, & perquam iustum est, ut quod particeps fuit operum ac laborum, poenæ quoque & præmii particeps fiat. Et hinc est, quod non tantum Sadducæi, sed & olim Philosophi, & hodie Athæi, cum animæ immortalitate etiam corporum resurrectionem sustulerunt, & è contrario qui immortalitatem animæ, iidem & corporibus resurrectionem tribuerunt. Unde & Paulus 1. ad Cor. 15. v. 18. & 32. ex negata corporum resurrectione infert dormientes perire, scilicet etiam quantum ad animam, & pios labores nihil prodesse: & 2. Machab. 12. v. 44. concluditur, orationes pro defunctis nihil profuturas esse, nisi resurgant & corpora.

34. Pharisei autem audientes quod silentium imposuisset Sadducæis, conveniunt in unum:

35. Et interrogavit eum unus ex eis legis doctor, tentans eum.

34. \* *Pharisei autem audientes &c.* ne scilicet etiam sibi videretur silentium impositum, ut deprimerent Christi gloriam; coram turbis admirantibus, \* *convenerunt in unum*, ad proponendam novam quæstionem, quâ ille, qui Sadducæos superaverat, à se superaretur.

35. \* *Et interrogavit eum unus ex eis*, nempe Phariseis, \* *Legis Doctor*: Marcus Scribam vocat, Syrus Legis peritum; ex quo patet, Legis Doctorem etiam Scribam esse, & eosdem Scribas esse potuisse & Phariseos, utpote cum hoc sectæ esset nomen, istud officii. \* *Tentans eum*, id est, ut experiretur ignotum, inquit Aug. lib. 2. de consensu c. 73. hoc est, ut amplius experimentum caperet peritiæ Scripturarum ejus. Hic enim quamvis Phariseis invidiâ stimulis se obtulerit, qui quæstionem ex intimis Legis arcanis petitam Jesu proponeret, bono tamen animo ad sciendam scilicet sententiam Christi hoc fecisse colligi videtur ex Marci 12. v. 28. & sequent. Interrogavit ergo:

36. Magister quod est mandatum magnum in lege?

36. \* *Quod est mandatum magnum in Lege*, id est, maximum inter omnia Legis Moysis mandata, ut ex Marco patet, qui dicit, quod esset *primum omnium mandatum*? Carent enim Hebræi superlativo. Videtur ista quæstio tunc fuisse controversa, ut notavit Beda in Marcum, aliis mandatum de sacrificiis, aliis aliud præferentibus. Ait illi Jesus:

37. Ait illi Jesus: diliges dominum Deum tuum ex toto corde tuo, & in tota anima tua & in tota mente

37. \* *Diliges Dominum Deum tuum*. Apud Marcum præmittitur etiam illa præfatio, quæ habetur Deuter. 6. *Audi israel, Dominus Deus tuus Deus unus est*: quâ manifestè præmittitur dilectioni, & fundatur in animo

animo fides unitatis essentiæ divinæ ; occultius autem Trinitatis personarum , ut observavit Euthymius , in eo quod ter nomen Domini ac Dei repetitur. Cui præfationi mox subjungitur apud Marcum, *Et diliges Dominum &c.* q. d. Itaque quia unus est, totum amorem in illum Dominum Deum tuum converte. Pro quo Hebraicè est nomen *רַבְרַבָּאִים* *רַבְרַבָּאִים* *רַבְרַבָּאִים*, id est, quatuor litterarum, *רַבְרַבָּאִים*, quod Deum sub omnis essentiæ pelago exprimit, & ita tacitè rationem continet ejus, quod sequitur, cur scilicet ex toto corde, toto animo, totâ mente, &c. sit diligendus, nimirum quia est primum ens, summum bonum, abyssus, fons, ac principium omnis entis & boni, ac proindè primum & summum, quod mereatur diligi. \* *Deum tuum*, qui te sibi in populum peculiarem elegit, in filium adoptavit, diligit, & ex dilectione innumeris cumulavit beneficiis. Nam in prima parte summa ratio diligendi suggeritur, ipsa divinæ naturæ excellentia: hîc verò proxima, ipsius scilicet in nos amor ac beneficentia: ut, si in amando tardiores fuerimus, saltem amantem redamemus. \* *Ex toto corde*. Hoc additur, ut distinctius intelligamus, quomodo totus amor noster in unum Deum nostrum converti debeat. Rectè itaque observat Basil. in Psalm. 44. & Theodoret. quæst. 3. in Deut. per illud, *ex toto* seu *omni corde*, præcipi nobis, ut non scindamus dilectionem in dilectionem Dei & rerum inferiorum Deo: quantum enim in eas dilectionis impenderis, tantum Deo substrahi necesse est. Sed quia jam fundatâ in animo dilectione Dei, unicuique rei, parentibus, liberis, cæterisque omnibus utilia ex ejusdem illius divinæ dilectionis legibus procuranda sunt ( sic enim Deus ipse, quem diligis, jubet: ) hinc fit, ut quidquid aliud isto genere amoris, qui longè inferior est, in animum venerit, illuc rapi, & referri debeat, quò totius dilectionis illius impetus currit. Tota enim illa dilectio proximorum in illam dilectionem Dei referenda est, quæ nullum à se rivulum extra se duci patitur, cujus derivatione minuatur, ut Aug. lib. 1. de doct. Christiana cap. 22. Sic ergò *cor totum*, opponitur cordi in plures amores diversos diviso, quod hîc fieri vetat. Opponitur etiam *cor totum* cordi remisso ac languido, ut significetur nihil nobis magis aut æquè diligendum esse, ac Deum; nihil illius amori præferendum, aut æquandum: qui sensus ex primo sequitur. Sed magna est sententiarum diversitas in assignando discrimine *cordis*, *animæ*, *mentis*, *fortitudinis*, *virium*; quibus nominibus hoc præceptum diversis locis exprimitur. Juxta Aug. loco cit. *cor* significat cogitationes, *animæ* vitam, *mens* intellectum: juxta Nyssenum lib. de creat. hominis, *cor* designat animam vegetabilem, *anima* sensitivam, *mens* intellectivam. Alii, maxime



recentiores, putant hæc omnia unum idemque significare, & ad majorem tantum energiam repeti, ejusque signum esse, quod aliquando aliquid eorum omittatur. Sed hoc nihil aliud probat, nisi vel præceptum istud subinde non plenè exprimi, vel certè unum eorum ex alio intelligi posse. Rectius igitur & verisimilius videtur dici, sicut alibi diximus, & hic locus postulat, ut iterum dicatur, quod, cum dilectio sit voluntatis actus, voluntas ipsa per *cor* significetur. Nam sicut *cor* est principium omnium corporalium motuum, ita voluntas, maximè quantum ad intentionem finis ultimi, qui est objectum charitatis, est principium omnium motuum spiritualium. Et idèò ubicumque præceptum istud ponitur, semper *cor* ponitur primo loco, tanquam fons istius dilectionis. Tria sunt autem principia actuum, quæ moventur à voluntate, intellectus scilicet significatus hoc loco per *mentem*, & *vis* appetitiva interior designata, per *animam*, & *vis* executiva exterior omnium actionum, quæ exprimitur Deuter. 6. per *fortitudinem*, & Marc. 12. v. 30. per *virtutem*, & Lucæ 10. v. 27. per *vires*: eadem enim ista tria sunt. Præcipitur igitur, ut tota nostra intentio feratur in Deum; quod est \* *ex toto corde*; & ut noster intellectus subdatur Deo maximè per fidem, quod est \* *ex tota mente*; & ut appetitus noster inferior regatur secundum Deum, quod est \* *ex tota anima*; & ut exteriores actus nostri obediant Deo, quod est \* *ex tota fortitudine*, seu virtute, seu viribus. Ita ferè S. Thomas 2. 2. quæst. 44. art. 5. Ex quo patet, quàm verè Aug. dicat loco superius allegato, nullam vitæ nostræ partem hoc præcepto relinqui, quæ vacare debeat, & quasi locum dare, ut aliâ re præter Deum velit frui. Cui conformiter Victor Antiochenus in Marcum ait, idcirco in ista Lege repeti *cor*, *animam*, *mentem*, *virtutem*, quò hominem tanto Dei amore flagrare debere demonstret, ut nihil prorsus in ullam omninò animæ facultatem irrepere sinat, quod ejus erga Deum dilectionem excludat, aut diminuat, aut aliò transferat.

38. Hoc est maximum, & primum mandatum.

38. \* *Hoc est maximum mandatum*, id est, præcipium, quia maximè ab homine requisitum, omnia secum trahens mandata; plenitudo enim Legis est dilectio, ad Rom. 13. item omnium mandatorum finis & scopus; finis enim præcepti est charitas, 1. ad Timoth. 1. v. 5. \* *Et primum* dignitate, tanquam de fine ultimo, de ente primo, de summo bono, atque ita necessariò est finis aliorum mandatorum, & in intentione tam Legislatoris, quàm factoris primum.

39. Secundum autem simile est huic: diliges proximum tuum sicut teipsum.

39. \* *Secundum autem simile est huic*; officio, quia similiter dilectionem præcipit; & amplitudine, quia universa secundæ Tabulæ præcepta continet, sicut alterum primæ. \* *Diliges proximum*, nempe quem-

quemlibet hominem ; nam ut Iren. lib. 4. c. 27. homo hominī proximus. Hinc illa laudatissima sententia cujusdam apud Comicum, qui reprehensus fuerat, quòd aliena curaret negotia, Homo, inquit, sum humani à me nihil alienum puto ; cui tota aliquando theatra plausisse ferunt. Utitur autem nomine *Proximi*, ut tacitè suggerat rationem Legis seu dilectionis istius, nempe societatem, fundatam in proximitate, hoc est, in conjunctione naturali, non sanguinis, sed animorum, id est, rationis & imaginis Dei, & consequenter præcipuè in capacitate summi boni, in qua socii & proximi sunt omnes homines. Si enim pecuniæ ratio socios facit, quanto magis ratio naturæ, non negotiandi, sed nascendi Lege communis ? Inquit August. epist. 52. \* *Sicut teipsum* ; id est, similiter atque te diligis, etsi non æqualiter. Similitudo autem ista dilectionis attenditur primò & maximè in fine diligendi proximum, scilicet propter Deum. Hinc Aug. lib. 10. de Civit. cap. 4. Cùm mandatur de proximo diligendo, sicut seipsum, quid aliud mandatur, nisi ut ei, quantum potest, commendet diligendum Deum ? Dilectio quippe sui, non propter Deum, non est vera sui dilectio. Cùm enim se diligere sit sibi velle summum bonum, tunc verissimè & propriissimè homo seipsum diligit, cùm Deum diligit ; nam hoc ipsum est sibi velle summum bonum. Unde idem Aug. lib. de morib. Eccl. cap. 26. Solus se novit diligere, qui Deum diligit : sicut ille se satis diligit, qui sedulò agit, ut summo & vero perfruatur bono. Quod si nihil est aliud, quàm Deus, quis cunctari potest, quin sese amet, qui amator est Dei ? Et ista causa est cur nullum præceptum sit, ut homo diligat se, quia in dilectione Dei perfectissimè involvitur. Secundò attenditur ista similitudo in rebus, quas proximo velle debemus, seu in officiis quæ ei præstare debemus, nempe bona, non mala, sive corporis sive animæ : omnia enim officia societatis humanæ ex illo unico præcepto nascuntur, &, ut ibid. Aug. ad duo revocantur : nempe ut in nullo lædamus proximum, secundum illud Apostolicum, ad Rom. 13. v. 10. *Dilectio proximi malum non operatur* : deinde ut eum, cùm possumus, adjuvemus. Unde utrumque complectens Aug. lib. de vera Relig. cap. 46. Ea est regula dilectionis, inquit, ut quæ homo vult sibi bona provenire, & proximo velit ; & quæ accidere sibi mala non vult, & illi nolit. Quorum affirmativum indicatur sup. Matth. 7. v. 12. *Omnia, quaecumque vultis vobis faciant &c.* negativum verò Tobiae 4. v. 16. *Quod ab alio oderis fieri tibi &c.* Ex his patet, non esse necesse, addere, ut proximus non diligatur propter propriam utilitatem, aut delectationem. Nam & hoc includitur in eo, quòd debeat eum diligere propter Deum, sicut & seipsum.



seipsum. Nam, ut optimè Aug. loco de morib. Eccl. citato, Quod agis tecum, hoc agendum cum proximo, id est, ut ipse etiam perfectò amore diligat Deum. Non enim eum diligis tanquam teipsum, si non ad id bonum, ad quod ipse tendis, adducere satagis.

40. In his duobus mandatis universa lex pendet, & Prophetæ.

40. \* *In his duobus mandatis universa Lex*, Moyſis, & non tantùm Decalogus ejus, \* *pendet & Prophetæ*, seu Prophetarum doctrina: hoc est, inquit Aug. lib. I. Quæst. Evang. q. 33. & latiùs lib. de perfect. justitiæ c. 5. in his duobus habent finem, & ad hæc duo referenda sunt: quicquid enim Dei Lege prohibemur, & quicquid jubemur facere, ad hoc prohibemur & jubemur, ut duo ista compleamus. Imò tota Scriptura, adeoque Dei cum hominibus providentia non aliud spectat. Unde Aug. Ubi Scriptura aperta est charitas patet; ubi obscura est, charitas latet: de quo vide & in Psalm. 140. Rectè autem observat epist. 52. idem Aug. dici, *In his duobus mandatis, non in his tribus*, quasi tertium esset de diligendo seipso, ut intelligeretur, inquit, nullam esse aliam dilectionem, quàm quisque diligit seipsum, nisi quòd diligit Deum: qui enim aliter se diligit, potius se odisse dicendus est. Cùm ergò summam agendorum Pharisæos Christus docuisset, nunc etiam summam credendorum novæ Legis eos ex Scripturis docere volens, & omnem prætextum se persequendi ad necem tollere:

41. Congregatis autem Phariseis, interrogavit eos Jesus.

41. \* *Congregatis Phariseis*, nempe contra se, ut suprà vidimus v. 34. \* *Interrogavit eos*, suo jam jure & vice, utpote jam toties ab eis interrogatus ac tentatus,

42. Dicens: quid vobis videtur de Christo? cujus filius est? Dicunt ei: David.

42. \* *Quid vobis videtur de Christo? Cujus filius est?* Hanc quæstionem clarè de seipso proposuerat Apostolis, Matth. 16. v. 13. & 15. Hic verò proponit in genere abstrahendo à personâ sua. Statim enim, ut Chryſ. eum seductorem & perditum esse respondiſſent. \* *Dicunt ei, David*: quod ita tritum tunc erat, ut etiam vulgò esset notissimum, sicut aliquoties suprà vidimus. Sed ita hoc intelligebant, ut nihil ampliùs de Christo suo sentirent, nisi Regem de stirpe David terrenum fore Dei adoptione filium charissimum, qui Judæos dispersos in terrenam libertatem assereret, regnum David collapsum multò angustius restitueret, & usque ad fines terræ subactis gentibus dilataret: cujusmodi etiamnum expectant Judæi. Hanc opinionem ergò ut corrigeret Dominus, ait:

43. Ait illis quomodo ergo dicitur in spiritu vocatum Dominum? dicens:

43. \* *Quomodo ergo*, si scilicet nihil aliud est, nisi Davidis filius; \* *David in spiritu*, nempe sancto, id est, per Spiritum sanctum actus & impulsus, qui mentiri aut errare non potest, \* *vocat eum Dominum*, scilicet suum? Pater enim non vocat filium Dominum suum. Locus autem quem citat, est ex Psalm. 109.

44. \* *Dixit Dominus*, nempè Deus; est enim hîc Hebraicè nomen illud ineffabile, quòd soli Deo competit, & ferè verti solet *Dominus*, eo quòd Hebraicè Legi soleat per **יְהוָה**, *Adonai*, quod *Dominum* significat. \* *Domino meo*, Messîæ scilicet seu Christo; Hebraicè est **יְהוָה לַדּוֹנִי**, *Ladoni*, quod hominibus tribui solet. Unde vis argumenti non est sita in eo, quòd vocet simpliciter *Dominum*, sed *Dominum meum*, cujus ipse scilicet sit servus. \* *Sede à dextris meis*, id est, habeas & habere agnoscaris æqualem mecum gloriam, majestatem, imperium. Unde urgens hanc phrasis istius prærogativam Apostolus ad Hebr. 1. v. 17. ait: *Ad quem enim hominum, aut Angelorum dixit aliquando, Sede à dexteris meis?* Et 1. ad Cor. 15. v. 25. hunc locum paraphrasticè citans ait: *Oportet illum regnare, donec ponat &c.* & ad Ephes. 1. v. 20. clariùs explicans effectum istius sessionis, *Suscitans*, inquit, *illum à mortuis, & constituens ad dexteram suam in caelestibus supra omnem principatum & virtutem, & dominationem, &c.* Eodemque modo ad Philip. c. 2. v. 9. Ex quibus patet, Apostolo interpretante, Deum Patrem hoc dixisse, id est, tradidisse Christo hanc sessionem à dextris tempore glorificationis ejus post resurrectionem. Tunc enim res fieri dicitur, quando innotescit, sicut & ipse Christus hoc satis declarat infrà cap. 26. v. 64. tametsi ab initio Incarnationis Christus, cùm accepit esse Deum, accepit & æqualem Patri gloriam, quæ postea manifestata est. Est autem locutio metaphorica, ab humano more sumpta, ubi ad dexteram est locus maximè honorificus. Nec tamen hâc phrasi Pater ad sinistram esse, Filioque postponi significatur: nam mox eodem Psalm. v. 5. Pater dicitur esse à dextris Filii. Quamvis enim in sermone proprio dextera inferat respectum ad sinistram, non tamen necesse est hoc etiam sermone metaphorico indicari. Verbis ergò, ut Basil. lib. de Spiritu S. cap. 6. honorificis, & præsidentiam declarantibus significatur summi honoris æqualitas, plus videlicet cuique personæ quodammodò tribuendo, ne minus habere credantur, ut ait Ambrosius de Filio lib. 2. de Spiritu S. c. 12. \* *Donec*, id est, etiam donec: exprimit enim illud tempus, quo maximè videri poterat non sedere ad dexteram; relinquens intelligendum maximè sessurum postea. Non enim præsentium promissio est futurorum exceptio, ut Basil. Hom. 25. vide dicta c. 1. v. ult. Unde Apostolus ad Heb. 10. v. 12. *In sempernum sedet in dextera Dei: de cætero expectans, donec ponantur inimici ejus scabellum pedum, &c.* Ex quo Apostoli loco intelligitur tempus novissimi judicii significari, quando dicit, \* *donec ponam inimicos*, seu adversarios tuos omnes, Reges, populos, imperia, &c. \* *Scabellum pedum tuorum*, id est, ita subiectos tibi, ut instar scabelli sub pedibus tuis

44. Dixit Dominus  
domino meo  
sede à dextris  
meis, donec po-  
nam inimicos  
tuos scabellum  
pedum tuorum



eos conculces & proteras : quo absolutissimum imperium Christi significatur.

45. Si ergo David vocat eum Dominum, quomodo Filius ejus est? id est, Quomodo ista duo consistunt? Non enim negat eum esse Filium David; nam, ut August. serm. 234. de tempore, quomodo, verbum quærentis est, non negantis: sed eò colimat, istâ difficultate objectâ, ut cogerentur aliam sublimiorem in eo naturam agnoscere. Illi verò præoccupati cum essent istâ falsâ opinione,

46. Et nemo poterat ei respondere verbum: neque ausus fuit quisquam ex illa die eum amplius interrogare.

45. \* Si ergo David vocat eum Dominum, quomodo Filius ejus est? id est, Quomodo ista duo consistunt? Non enim negat eum esse Filium David; nam, ut August. serm. 234. de tempore, quomodo, verbum quærentis est, non negantis: sed eò colimat, istâ difficultate objectâ, ut cogerentur aliam sublimiorem in eo naturam agnoscere. Illi verò præoccupati cum essent istâ falsâ opinione,

46. \* Nemo poterat ei respondere verbum, seu quidquam, qui nodum illum solveret. Ex quo silentio manifestè constat & sequitur: primò, certum fuisse apud Judæos illius temporis, quòd iste Psalmus à Davide scriptus fuerit contra cavillationes recentiorum Judæorum, qui putant scriptum esse vel à Melchisedech, vel ab Eliezer servo Abraham, vel aliis tempore Davidis viventibus: secundò, certum item fuisse Pharisæis, quòd ille idem Psalmus de Christo scriptus esset contra alias recentiorum Judæorum tergiversationes, qui volunt scriptum vel de Abrahamo, ut testis est hîc Hieron. vel de Davide, ut Aben Ezra & Rabbi David putant, aut de Ezechia, ut Judæi olim exponebant, teste Justino contra Triphonem, & Tertull. lib. 5. contra Marcionem cap. 9. nam alioqui faciliè respondiissent Pharisæi, utroque modo difficultatem eludendo.

## CAPUT VIGESIMUM TERTIUM.

1. Tunc Jesus locutus est ad turbas, & ad discipulos suos,

I. \* **T**unc. cùm arrogantiam Pharisæorum de scientia repressisset, ut iisdem quoque tanquàm incorrigilibus palam pietatis ac sanctimonix larvam detraheret, \* locutus est ad turbas & discipulos, ne imitationis contagio corrumperentur. Et quia gravissimè Scribas & Pharisæos volebat perstringere, ne officii auctoritatem lædere voluisset, vel eorum principatum affectare, vel odio eorum, & inimicitiiis moveri videretur, prudenter præmittit:

2. Dicens: si per cathedram Moysi sederunt Scribæ, & Pharisæi.

2. \* Super cathedram Moysi, id est, quam Moyses instituit, Dei auctoritate. Significatur autem non suggestus, in quo docuit Moyses, quasi ea dumtaxat servanda juberentur, quæ ex tali cathedra docerent, ut quidam nimis materialiter acceperunt; sed auctoritas Moyses in rebus divinis, nempe docendi & interpretandi Legem Dei, præcipiendi regendique populum in iis, quæ spectant cultum Dei; sic enim & cathedram Petri, auctoritatem Petri dicimus. Respicitur enim ad usum, quo docentes ac judicantes plerumque sedent, ut fecit Christus, docens Matth. 5. v. 1. de Lucæ 4. v. 20. & judicantes sessuri significantur, Matth. 25. v. 31. \* sederunt Scribæ & Pharisæi, per legitimam

in officio successionem. Pharisei enim & Scribæ videntur plerique fuisse simul ex ordine Levitico ac Sacerdotali; ita ut Phariseis ferè in-cumberet gubernare populum, & Magistratum gerere, ut testatur Josephus l. 18. Antiq. c. 2. Scribis, Legem interpretari, Sadducæis ab utroque exclusis, vel in instituta Phariseorum transeuntibus, si ma-gistratum capefferent, ut ibid. Josephus, & ideo nulla hîc de Saddu-cæis fit mentio, nec etiam de Sacerdotibus ac Pontificibus sub illis no-minibus, nimirum ut authoritati parceretur. Quia verò Moyse Christi personam, & figuram gessit, consequenter Aug. ferm. 49. de verbis Domini c. 5. per Scribas & Phariseos vult figurari Episcopos illos, doctoresque Christianos, qui sua quærunt, quique dicunt, & non fa-ciunt, nempe quia Moyse, hoc est, Christi authoritatem & locum tenent.

3. \* *Omnia ergo quaecumque* (quibus universalibus signis absolutissima sine exceptione obedientia indicatur) \* *dixerint vobis*, sive docendo sive jubendo. Intellige autem quamdiu non constiterit esse aperte contra-ria cathedræ, in qua sedent, seu doctrinæ Moyse & Legis Dei. Sic enim & Apostolus jubet filios obedire parentibus per omnia, ad Col. 3. v. 20. cum tamen notum sit, Deo magis obediendum esse quàm hominibus, si contraria tradant. Et hinc est, quòd ipse Christus hoc ipso cap. v. 16. & seqq. doctrinæ quædam capita in Moysaicæ cor-ruptelam inducta, reprobat, & cap. 16. v. 6. & 12. monet à fer-mento, id est, doctrina Phariseorum, cavendum. \* *Servate & facite*, id est, omninò facite, quia scilicet non eorum, sed Dei sunt, quæ docent: nam ut Aug. lib. 4. de doct. Christ. cap. 27. Cathedra non ipso- rum, sed Moyse, cogit eos docere etiam bona non facientes. Agunt sua in vita sua, docere autem sua, cathedra illos non permittit aliena. Unde lib. 16. contra Faustum c. 29. advertere jubet, quantus honor hîc deferatur doctrinæ Moyse, in cujus cathedra etiam mali se- dentes bona docere cogeantur. \* *Secundum opera vero eorum nolite fa- cere*, id est, ne authoritas, quæ vos ad obedientiam doctrinæ movit, etiam ad vitæ imitationem moveat: quod cautissimè idcirco monet, quia, ut August. abundant in plebe, qui malæ vitæ defensionem ex ipsis suis præpositis & doctoribus quærunt, respondentes in corde suo, Quod mihi præcipis, cur ipse non facis? Atque ita ex vitiorum eo- rum moribus sibi vivendi legem fingunt. \* *Dicunt enim*, seu præcipiunt optima quæque, juxta Legem Dei, \* *& non faciunt*; vita enim verbis dissidet. Atque ita consequenter fieri solet, ut, quod verbo in animis auditorum struunt, vitâ destruant. Ut enim quis obedienter audiatur, quantacumque granditate dictionis majus habet pondus vita dicentis,

3. Omnia ergo quaecumque di- xerint vobis, ser- vate, & facite: se- cundum opera vero eorum no- lite facere: dicant enim, & non fa- ciunt.



inquit Aug. loco de doctrina Christiana citato. Unde idem præclare monet auditores talium doctorum, Tract. 46. in Joan. Botrum inter spinas cautè Lege, ne dum quæris fructum (audiendo scilicet malos doctores) laceres manum: & cum audis bona dicentem, ne imiteris mala facientem.

4. Alligant enim onera gravia & importabilia, & imponunt in humeros hominum digito autem suo solvit ea movere.

4. \* *Alligant enim* (metaphora à jumentis sumpta, quibus imponi & alligari solent sarcinæ) \* *onera gravia & importabilia*, Græcè, ἀδυσβάστα, *portatu difficilia*: nempe traditionis tum seniorum, tum proprias, tum ipsius quoque præcepta divinæ Legis. Datur enim ratio istius sententiæ generalis, *dicunt & non faciunt*. Hæc ergò omnia dicuntur *onera gravia &c.* tum multitudine, tum gravitate, tum interpretationis duritiâ, tum accuratissimæ observationis rigore, quem postulant. Quod verbo *alligandi* significatur; sicut fastus imperandi, & Leges cudendi, per id, quod sequitur, \* *& imponunt in humeros hominum*, ut ea ferant. Ipsi autem cum exemplo deberent præcedere gregem; \* *digito suo*, qui opponitur humeris, \* *nolunt ea movere*, id est, ne minimum quidem observandi conatum adhibere, ut saltem exemplo suo ea reddant leviora. Duplex igitur notatur hîc perversitas, ut Chrysost. notat, quòd sine venia exquisitissimè vellent vivere multitudinem, & quod nimium sibi ipsis indulgendo, magnam assumerent licentiam; cum bonus princeps in se severus, in alios benignus esse debeat.

5. Omnia verò opera sua faciunt ut videantur ab hominibus; dilatant enim phylacteria sua, & magnificant fimbrias.

5. \* *Omnia verò opera sua*, si quæ faciunt, quæ speciem boni præ se ferant, \* *faciunt ut videantur ab hominibus*, id est, ut gloriam hominum aucupentur, sicut latè & sigillatim declaratum est cap. 6. Præcedenti ergò vèrsu taxabatur eorum aperta improbitas, hîc verò simulata probitas, ostentatione & vanitate plena. Hanc ergò per partes explicat.

\* *Dilatant enim phylacteria sua*, id est, amplioribus quàm cæteri utuntur phylacteriis, ut videlicet in se convertant oculos hominum, & eis tantò religiosiores videantur. Erant enim *Phylacteria* membranæ, ut, Hieron. in quibus erant scripta legis mandata, quas & Pharisei & Scribæ ab aure ad aurem fronti alligabant & brachio. Sic enim carnaliter intelligebant mandatum illud, Deuteron. 6. v. 8. quo nihil aliud jubebatur, nisi ut jugiter essent memores mandatorum Dei. Hinc ergò dictæ sunt illæ membranulæ Judæis תפלים, *Tephilim* quasi alligamenta, Græcè φυλακτήρια, quasi conservatoria, ad conservandam memoriam Legis Dei. \* *Et magnificant fimbrias*, id est, magnas faciunt fimbrias suas, scilicet palliorum suorum, ut additur Græcè & Syriacè, nimirum ut magis viderentur memores Legis Dei, præferentes eam vestibus, cum vitâ spernerent. Erant enim illæ *fimbriae*

*bria* fila quædam non texta, in extremitate vestis dependentia, quæbus instar limbi imposita erat vitta coloris hyacinthini: quas & Christum gessisse patet Lucæ 8. v. 44. qua de re diximus Num. 15. in fine. Jusserat hoc Deus, ut eis vilis veluti obliviosi pueri, divinæ Legis recordarentur. Addit Hieron. solitos Phariseos in illis fimbriis acutissimas ligare spinas, ut interdum pungerentur, & hâc quasi admonitione ad officium revocarentur.

6. \* *Amant autem primos recubitus in cœnis*, id est, affectant locum honoratiorem in solemnibus conviviis, quæ antiquis magis esse solebant cœnæ, quàm prandia, ut liberiùs possent sine curarum interpellatione protrahi. Unde illud Apostoli 1. ad Theff. 5. v. 7. *Qui ebrii sunt, nocte ebrii sunt.* \* *Et primas Cathedras in Synagis*, id est, primos confessus in publicis conventibus, audiendæ Legis causâ, ubi humilitas regnare deberet: \* *Et Salutationes in foro.* Submissionis istud genus est, quod per modum officii quotidiani præstari etiam-num quibusdam in locis solet magnatibus, quos clientes ita colunt, vel domi eos visitando, vel foris salutando. \* *Et vocari ab hominibus Rabbi.* Nomen est, quod dignitate, & in primis eruditione præstantibus apud Judæos tribuitur, q. d. *Domine mi*, vel, *Magister mi*. In his autem omnibus taxat non tam factum, quàm affectum eorum, quòd scilicet amarent, id est, affectarent, & studiosè appeterent hujusmodi vanitatis lenocinia. Nam talibus præcellentia nominibus vel signis, sæpè nos affici decet, amare & affectare non decet.

8. \* *Vos autem*, discipuli mei, quos à Phariseorum vitiiis alienos esse decet, \* *nolite vocari Rabbi*, id est, ne ametis vocari, sive ne affectetis hujusmodi gloriosæ appellationis titulos, placendo vobis in illis, sed potiùs, quantum in vobis est, declinate; hoc prohibens in discipulis, quod in Phariseis reprehenderat: actio enim aliena non prohibetur, sed propria. \* *Unus*, seu unicus, \* *est enim Magister* seu doctor, \* *vester*, qui scilicet vos omnes docet, & à quo habetis quidquid magisterii in alios exercetis. Unde tacitè eodem modo factum magisterii reprimit, quo Apostolus 1. ad Corinth. 4. *Quid habes (in magisterio) quod non acceperisti? Si autem acceperisti, quid gloriaris, quasi non acceperis?* Græcè additur hîc, *Christus*, sicut & Latine infra v. 10. Explicat autem nomine *Magistri*, quod suprà dixerat *Rabbi*, unde Syrus eâdem voce utitur. Hac ergo consideratione reprimit factum gloriandi in illo titulo, eo quòd ille soli Christo tamquam Deo, verè, absolutè & perfectè competat, à quo nos accepimus, quidquid habemus. Ipse est enim prima veritas, fons omnis veritatis & scientiæ, omniscius, apud quem omnis docendi authoritas residet, & à quo

6. Amant autem primos recubitus in cœnis, & primas cathedras in synagogis.

7. Et salutationes in foro, & vocari ab hominibus Rabbi.

8. Vos autem nolite vocari Rabbi, unus est enim Magister vester, omnes autem vos fratres estis.



quo in omnes defluit, qui solus verè docet hominem scientiam, sive naturale lumen cordibus ingerendo, sive tenebras istius luminis suâ luce illustrando. Cæteri auribus vel oculis nuda signa suggerunt, quæ admonent tantum, ut naturali lumine quæramus veritatem, non autem exhibent, ut eam noverimus. Nam veritas seu scientia veritatis aliundè haurienda est, ut subtiliter, fusè, & pulchrè docet Augustinus alibi sæpè, tum libro ferè toto de Magistro, maximè à c. 10. usque ad finem. \* *Omnes autem vos fratres estis*: sicut in natura, ita & in doctrina, unius Christi magisterio acceptâ, quasi condiscipuli; est enim oppositum superiori membro. Unde conclusum vult, neminem gloriari, aut sibi placere in titulis *Magistri* aut *Rabbi*: multò minùs aliis se inde superbè præferre, sed omnem gloriam Deo, & Christo transcribendam, cujus omnes discipuli ac ministri sunt. Ex quo patet, hæc non obstare, quò minùs sub magisterio, &, ut Hieron. loquitur, sub consortio hujus veri magistri, aliquis ad utilitatem aliorum, & sit & vocetur *Magister*, sicut & *Pater*, prout Apostolus se *Patrem Corinthiorum* & *Magistrum Gentium* vocat. Et quia *Fratrum* nomine usus fuerat, arreptâ occasione transit ad titulum *Patris*:

g. Et patrem nolite vocare vobis super terram, unus est enim Pater vester, qui in cælis est.

9. \* *Et patrem nolite vobis vocare super terram*: q. d. Quin etiam ne quidem *Patrem* vocet aliquis quemquam ex mortalibus in terra degentibus, nempe sic, ut illi vitam & esse suum præcipuè acceptum referat, atque ab ejus providentia maximè pendeat, & hereditatem expectet, sicut gentiles *Patres* vocant. Hoc enim vult subjuncta ratio: \* *Unus est enim Pater vester qui in cælis est*, scilicet Deus; omnium quidem, ratione creationis; Christianorum verò, ratione regenerationis, cui universa vita, corpus, anima, sensus, ratio, mens, victus, sanctificatio, adoptio, hereditas accepta ferenda est; ita ut ab eo omnis paternitas in cælo & in terra nominetur. Cum ergò impium sit Patris honore privare eum, qui nos genuit, hoc tantum doceri cupit, ut noverimus, inquit Chrysost. Hom. 73. quem propriè & principaliter Patrem vocare oporteat. Nam, ut notat Hieron. quemadmodum unus per naturam Deus, & unus filius non præjudicat, ne per adoptionem Dii vocentur & filii: ita & unus Pater & Magister non præjudicat aliis, ne abusivè appellentur Patres & Magistri. Porro sicut non vult, ut eo sensu, quem diximus, aliquem vocemus Patrem, ita nec, ut ipsi nos vocemus, quemadmodum supra vetando, ne vocemur Magistri, vetat etiam ne aliose o sensu vocemus. Et quia illa præcellentiæ affectatio veris discipulis Christi maximè pernitiōsa est, eandem doctrinam iisdem verbis repetit, ut altissimè memoriæ imprimatur.

10. \* *Nec vocemini Magistri* : ubi simul explicat , quid sibi suprà voluerit illud , *Rabbi*. Et quia scopus istius saluberrimæ doctrinæ est humilitas , hinc addit :

10. Nec vocemini magistri : quia Magister vester unus est Christus.

11. \* *Qui major est vestrum* , id est , Qui vobis Magistri vel Patris , seu docendi regendive officio aut dignitate præcelluerit , non se existimet cæteris præstantiorem : sed potius ille , \* *erit Minister vester* , Futurum pro Imperativo , id est , ille sit Minister seu gerat se pro ministro : q. d. Nihil inde in se agnoscat , aut vindicet , præter humilis ministerii obligationem & sedulitatem , gloriam omnem adscribens Deo , quia vir bonus non dominandi cupiditate imperat , sed officio consulendi. Atque ita , ut Aug. ait lib. 19. de civit. c. 16. magis debent patres , quod dominantur , quàm servi , quod serviunt , tolerare , id est , tanquam durum quid sustinere.

11. Qui major est vestrum , erit minister vester.

12. \* *Qui autem se exaltaverit* , in hujusmodi dignitatum ac titulorum ambitu & jactantia , sibi in iis complacendo , sibi aliquid tribuendo , inde aliis superbè præferendo , \* *humiliabitur* , à Deo deprimetur. \* *Et qui se humiliaverit* , id est , dimissè de se senserit ac gesserit , nihil adscribens sibi ex donis Dei , non inde se aliis præferens , sed in fontem suum refundens omnia , \* *exaltabitur* , à Deo , sive per ipsum in futura gloria , sive per homines in hac vita. Nam & hic verissimum esse solet , quod honor sequatur fugientem , fugiat sequentem , quia Deus superbis resistit , humilibus autem dat gratiam. Sententia autem ista generalis est , sapiùs à Christo in diversis propositis usurpata , ut liqueat vel fuisse tritum proverbium , vel apothegma ipsi proprium. Ex quo etiam patet scopus totius doctrinæ superioris , nempe Christum non de vocabulis , *Magistri* , *Rabbi* , *Patris* ; sed de reipsa & fastus affectatione contendisse.

12. Qui autem se exaltaverit , humiliabitur ; qui se humiliaverit , exaltabitur.

13. \* *Væ autem vobis Scriba & Pharisei hypocritæ*. Hic jam orationem in Scribas ipsos & Phariseos convertit , mirâ spiritûs , verborumque libertate & acrimoniâ octies ingeminans \* *Væ* , hoc est , minas impendentis à Deo supplicii , sicut alibi octo beatitudines inculcaverat. In faciem autem , nihil veritus jam jam impendentem ab eis mortem , exprobrat eis scelera sua : & præcipuè hypocrisim , id est , simulationem sanctitatis & religionis : per frequentem illius vocis repetitionem indicans fictum ac simulatum fuisse , quidquid in negotio religionis gererent. Id autem facit præsentibus turbis , ut ita , si non ipsi Pharisei pudore vel terrore corrigerentur , saltem alii , detractâ simulatione sanctitatis larvâ , ab eorum admiratione & imitatione revocarentur. \* *Quia clauditis regnum cælorum* , id est , impedimentum præstatis , ne introeant homines in regnum cælorum , nempè non solum

13. Væ autem vobis Scriba & Pharisei hypocritæ : quia clauditis regnum cælorum ante homines. Vos enim non intratis , nec introeuntes finitis intrare.



gravia illa onera, de quibus suprà, hominibus imponendo, quæ ipsi digito non tangitis, sed maximè eos à fide in Christum avocando, doctrinam ejus damnando, miraculis calumniando, ipsum ut seductorem persequendo. Utitur autem metaphorâ ab eo, qui clavem auferendo, ostium claudit, ne quis introëat, & idcirco dicit, \* *ante homines* : q. d. Jam parantibus ingressum occluditis ostium ante faciem. Lucas verò idem significans dicit. *Tulistis clavem scientiæ*, id est, abstulistis, & vobis ipsam vindicastis, & per illam ipsam modis jam dictis clauditis, \* *vos enim non intratis*, quia onera quæ imponitis digito non tangitis, & in eum qui Evangelium prædicando dissipat ea, non vultis credere. \* *Nec introeunt*, id est, paratos credere in me, & pedem quasi habentes in limine, \* *sinitis intrare*, doctrinâ vestrâ, exemplo, consilio, jussu, calumniis, terroribus eos à fide revocando.

14. Væ vobis Scribæ & Pharisei hypocritæ : quia comeditis domos viduarum, orationes longas orantes : propter hoc amplius accipietis judicium.

14. \* *Væ vobis Scribæ & Pharisei hypocritæ, quia comeditis domos viduarum*, id est, exhaustis ac devoratis facultates viduarum : quæ quia mulieres etiam minùs cautæ, & magis ad pietatem pronæ esse solent, & quia viro destitutæ, consiliario carent, & bonorum suorum dominæ sunt. Unde circa viduas semper hypocritæ negotiari solent, & feliciùs aucupantur, \* *orationes longas orantes* : Græcè *προσφῶν μακρὰ προσευχόμενοι*, sub obtentu proluxæ orationis, sicut vertitur Marci 12. v. 40. id est, sub specie longæ orationis, seu obtinentes tam crudeli avaritiæ adversus imbecillum sexum prolixas orationes, quibus earum salutem commendatis Deo. Obtentus enim iste veritati opponitur, & significat eos magis orationes simulasse, quàm orasse, utpote qui non viduarum salutem, sed prædam captarent, cor non in cælo habentes, sed in loculis. \* *Propter hoc*, id est, duplicem istam iniquitatem, scilicet propter immisericordiam in destitutas patrono mulierculas, & hypocrisim, \* *amplius accipietis judicium*, id est, gravio-rem condemnationem.

15. Væ vobis Scribæ & Pharisei hypocritæ : quia circuitis mare & aridam, ut faciatis unum proselytū : & cum fuerit factus, facitis eum filium gehennæ duplo quàm vos.

15. \* *Væ vobis Scribæ & Pharisei hypocritæ, quia circuitis mare, & aridam*, id est, percurritis mare ac terram. Adagialis est locutio, quam Latine exprimunt, Omnem movetis lapidem, & adhibetis diligentiam, \* *ut faciatis unum proselytum*, id est, ut unum advenam ad Judaicam religionem adducatis. *Proselytus* enim Latine advena dicitur, qui scilicet à Gentilismo ad Judaismum transfertur, quasi diceret advenitium religionis, qui opponitur Judæo nato. Etiam hac de causa vocantur *Hypocritæ*, eo quòd istâ sollicitudine, quæ in se bona erat, hoc spectarent, ut vel sanctiores inde viderentur, vel ut Author operis imperf. ut lucra sua è sacrificiis augerentur. \* *Et cum fuerit factus, facitis eum filium gehennæ duplo quàm vos*, id est, multò magis obnoxium,

xium æternæ condemnationi, quàm vos estis, quia facitis eum longe sceleratiorem, nempe partim doctrinâ traditionum, quibus corrumpitis Legem, partim & maximè exemplo vestro, idque sive quia eo offensus redit ad vomitum, id est, idololatriam, sive, ut Chrys. quia comparatum est, ut probos magistros vix imitemur, improbos etiam improbitate superemus. Quamquam August. contra Faustum ideo *duplo* dictum putat, quia hoc implere negligebat, quod propriâ voluntate susceperat.

16. \* *Væ vobis duces cæci*, id est, qui duces doctoresque aliorum vos profiteremini, & tamen ignorantia pleni estis. Paulò antè hypocrisin, hic verò ignorantiam eorum supinam perstringit, in eo, quòd dicerent, \* *quicumque juraverit per templum, & in altari*, id est, per altare, \* *nihil est*, id est, non debet, ut patet ex opposito, quod sequitur, hoc est, non tenetur hoc jurejurando, nec reus est perjurii. \* *Qui autem juraverit in auro templi*, id est, per aurum, sive pecuniam, quæ in templo offertur, & cui gazophylacia serviebant.

18. \* *Et quicumque juraverit in dono*, seu per donum, \* *quod est super illud*, videlicet per victimam ovis, bovis, similæ, &c. Hoc juramenti genus Judæis, eisque solis, erat familiare, dicebaturque *juramentum Corban*, id est, *donum* seu *doni*, ut testis est Josephus lib. 1. cont. Apionem, paulò post medium, his verbis: inter peregrina sacramenta, etiam juramentum, quod *Corban* appellatur, enumerat Theophrastus. Apud nullòs autem hoc reperitur juramentum, nisi apud solos Judæos, quod interpretatur ex Hebraica lingua, *Donum Dei*. Hæc ille. \* *Debet*, persolvere, quod juravit, seu tenetur jurejurando. Itaque Pharisei, quamvis contempsisse videantur juramenta per creaturas, tamquam in quibus non interponeretur nomen Dei, ut diximus etiam cap. 5. v. 34. excipiebant tamen juramenta per aurum templi, ac sacrificia, tanquam nihil esset illis post Deum majus, aut sanctius, utpote quæ immediatè referrentur ad Deum, propter quæ templum & altare fuissent condita. Nimirum ut ita populus, intelligens singularem oblationum sanctitatem, promptior fieret ad illa frequentenda, quorum pars maxima in Sacerdotum lucrum cederet. Ita avaritia cæcitatibus istius & stultitiæ inde secutæ causa fuit. Hinc Christus:

19. \* *Stulti & cæci*, quid enim majus, id est, sanctius atque dignius \* *est, aurum, an templum, quod sanctificat aurum?* id est, A quo sanctitas aliqua communicatur auro? Nam ante oblationem templo factam profanum est: templum verò non propter aurum, sed propter Deum, domui suæ inhabitantem, sanctum est. Idem judicium de hostia & altari. Hoc enim per se ex institutione sua Deo dedicatum est: hostia

16. Væ vobis duces cæci, qui dicitis: quicumque juraverit per templum, nihil est: qui autem juraverit in auro templi, debet.

17. Stulti & cæci: quid enim majus est: aurum, an templum, quod sanctificat aurum?

18. Et quicumque juraverit in altari, nihil est: quicumque autem juraverit in dono, quod est super illud, debet.

19. Cæci: quid enim majus est: donum, an altare, quod sanctificat donum?



verò antequam altari imponatur, profana est, atque ipsâ impositione fit sacra. Itaque destruit Christus præsuppositam eorum opinionem, quâ putabant oblationes templo & altari esse sanctiores, unde error iste de juramento fluxerat, argumentans, ex illo principio, propter quod unumquodque est tale, illud majus : atque ita istud, *enim*, rationem reddit, cur cæcos appellaverit. Ex his ergò infert jam Christus conclusionem, Pharisaicæ doctrinæ contrariam :

20. Qui ergo jurat in altari, jurat in eo, & in omnibus quæ super illud sunt :

20. \* *Qui ergo jurat in altari*, id est, per altare ; Hebraismo, quo utuntur præpositione, *in*, cum verbis jurandi, ut patet Hebraicè Isaïæ 65. v. 16. Genes. 20. v. 16. & alibi sapissimè. \* *Jurat in eo*, quatenus majus est victimis impositis, quæ ratio v. 19. indicabatur. \* *Et in omnibus*, sacrificiis ac donis, \* *quæ super illud sunt*, quæ vos majora esse dicitis : ac proindè omni modo tale juramentum vel æquè vel magis obligat.

21. Et quicumque juraverit in templo, jurat in illo, & in eo qui habitat in ipso.

21. \* *Et quicumque juraverit in templo*, seu per templum, \* *jurat in illo*, id est, non tantum jurat per illud, sed etiam \* *in eo*, qui habitat in ipso, id est, per Deum ipsum, cujus domus est templum. Domus enim cum inhabitatore suo, cujus majestasibi relucet, qui in eo invocatur & colitur, qui effectu exaudiendi præsens est, simul consideratur, et si non exprimitur.

22. Et qui jurat in throno Dei, & in eo qui sedet super eum.

22. \* *Et qui jurat in calo*, id est, quemamodum etiam qui jurat per cælum (adfertur enim hoc ad explicandum id, quod dixerat, quod scilicet juramentum per templum esset per Deum ipsum inhabitantem) \* *jurat in throno Dei*, id est, per cælum tanquam thronum gloriæ Dei : \* *& in eo*, Deo scilicet \* *qui sedet super eum*, vide dicta c. 5. v. 34. hoc ergò docet, quòd, cum jurare non sit aliud, nisi Deum testem invocare, creaturæ verò mutæ non possint esse testes veritatis, quicumque jurat, per quamcumque creaturam juret, hoc ipso etiam per eam tanquam divinam, id est, tanquam ad Deum relatam, veluti Creatorem ejus, vel Præsidem, vel Gubernatorem jurat, ac proindè Deum ipsum testem citat.

23. Væ vobis Scribæ & Pharisei hypocritæ, qui decimatis mentham, & anethum, & cuminum, & reliquias quæ graviora sunt legis, judicium, & misericordiam, & fidentem : hæc oportuit facere & illa non omittere.

23. \* *Væ vobis Scribæ & Pharisei hypocritæ*, qui decimatis mentham, & anethum, & cuminum, id est, studiosè decimas exigitis, inquit Hieron. vilissimorum olerum, ut avaritiæ vestræ consulatis. Sed rectius Author operis imperfect. exponit decimas, id est, decimas scrupulosè offertis omnium. Hinc enim est illa gloriatio Pharisei, apud Lucam : *Decimas do omnium*, scilicet etiam vilissimorum, *quæ possideo*, ubi Græcè est idem verbum, quod hîc. Et hinc est quòd eos vocat hic hypocritas, videlicet quia minutias illas observabant, ut minimo dispendio exactissimi viderentur Legis observatores, cum tamen negligerent, & relinquerent,

querent, \* *quæ graviora sunt Legis*, id est, quæ Lex præcipuè postulat, tanquam ipsum animum, internamque Dei ac proximi dilectionem spectantia, sine quibus pietas consistere non potest, & quorum comparatione omnes externæ observantiæ, de sacrificiis, de decimis, de cæremoniis leviora sunt, & velut media respectu finis : de quo supra c. 12. v. 7. & Michææ 6. v. 8. \* *Judicium*, id est, justitiam, quâ cuique suum redditur : \* *& misericordiam*, quâ ex benignitate proximo succurrimus consilio, operâ, operibus, etsi non debeat ex justitia. Itaque duo illa complectuntur universa officia erga proximum, quibus eum diligimus, sicut nos ipsos. \* *Et fidem*, in Deum, quâ tanquam radice indicatur etiam spes & charitas, seu intelligitur fides in Deum, quæ per dilectionem operatur, & proinde id, quod respondet illi proximo præcepto, *Diliges Dominum Deum tuum ex toto corde, &c.* \* *Hæc*, scilicet graviora Legis, quæ spectant duo illa maxima præcepta, in quibus universa Lex pendet & Prophetæ, \* *oportuit facere*, scilicet summâ curâ præ cæteris omnibus; \* *& illa*, de decimis mentæ, anethi, &c. \* *non omittere*. Ex quo quidam inferunt, illas vilissimorum olerum decimas verè fuisse debitas Levitis, quia dicitur *oportuit*. Sed faciliè responderi potest, vel illud, *oportuit*, poni pro, conveniebat : vel Christum loqui juxta mentem Phariseorum, scilicet si putarent ea ex Lege deberi. Quamvis autem superficies Legis ea non videatur excludere, dum dicit Levit. *Omnes decimæ terræ*, sive de frugibus, Hebraicè *de semine Domini sunt* : videtur tamen rigor ille non fuisse intentus à Legislatore. Et idcirco quando illa eadem generalis sententia, quæ habetur Deuter. 14. v. 22. mox ibidem per partes explicatur, solùm exprimuntur decimæ frumenti, vineæ & olei, quæ alibi dicuntur communiter decimæ de area ac torculari. Unde S. Hilar. dicit citra culpam prætereire licuisse. Itaque Christus vehementiùs taxans præposteram eorum diligentiam, addit :

24. \* *Duces cæci excolantes*, seu qui excolatis, \* *culicem*, è potu vestro, ne strangulet viventes, \* *camelum autem glutientes*, id est, securè sine periculi metu transmittitis. Adagialis est sententia, in cujus posteriori parte hyperbole est, sed non abhorrens abusu loquendi Hebræorum, apud quos *Culex* & *Camelus* animal ipsis notum, pro minimæ & maximæ rei symbolis usurpabantur : q. d. Nonne cæci estis, qui tam anxie & superstitiosè servatis minima, cum gravissima Legis capita, sine ullo conscientie remorsu, prætereatis; instar eorum, qui scrupulosè culicem excolarent ex potu, & integra animalia majora deglutirent ? Unde Aug. lib. quæst. evang. q. 56. refert hoc ad factum eorum, quo latronem seditiosum dimiserunt, quia scilicet non sol-

24. Duces cæci,  
excolantes culicem,  
camelum autem glutientes.



verat Sabbatum, & Christum occiderunt : qui allegoricè significati fuerunt per culicem & camelum.

25. Væ vobis Scribæ & Pharisei hypocritæ quia mundatis quod de foris est calicis & paropsidis: intus autem pleni estis rapina, & immunditia.

25. \* *Væ vobis &c. quia mundatis quod de foris est*, seu exteriorem superficiem, \* *calicis*, id est, vasis, ex quo sumitur potus, \* & *paropsidis* seu lancis, ex qua cibis. Per quæ significat, quod exteriori munditiei corporis, & sanctitatis coram hominibus studerent. Nam ut intelligerent sermonem esse parabolicum, statim transit ad proprium. \* *Intus autem*, id est, in anima & conscientia, \* *pleni estis rapina*, id est, iniustitiis, pauperum scilicet & viduarum oppressionibus, \* & *immunditia*, peccatorum. Quanquam Græcè persistatur in eadem metaphora, *pleni sunt*, scilicet calix & paropsis, *rapinâ & iniustitiâ*; significando id, quod bibebant & comedebant, per rapinas & iniustitiam esse partum. Et sic perpetua esset allegoria, significans eos in animo plenos esse fraudibus & iniustitiâ, exterius innocentes & sanctos.

26. Phariseæ cæce, munda prius quod intus est calicis & paropsidis, ut fiat id quod de foris est, mundum,

26. \* *Phariseæ cæce*, qui non intelligis quæ sit vera mundities coram Deo, \* *munda prius, quod intus est calicis*, id est, ea, quæ continentur calice & paropside, seu ipsum potum ac cibum, ne fraude & iniustitiâ parti sint, \* *ut fiat, quod de foris est mundum*, id est, ut postea ordine suo mundes ipsum calicem ac paropsidem, quibus illi sumuntur. Quo allegorico sermone indicat, studendum esse ante omnia munditiei animæ & conscientie: tum deindè etiam per se corpus & actiones omnes externas futurasundas. Nam, ut Aug. in quodam sermone, animi munditiam sequitur corporis munditia. Non enim potest esse mundus animus in corpore immundo: nam qui mundus est animo, operari corpore flagitia non potest; & qui corpore flagitia operatur, mundus animo esse non potest. Itaque sicut animus naturaliter secum rapit corpus, ita animi integritas mater est omnis sanctitatis corporis, & honestatis coram hominibus. Qua in re quia enormiter hallucinabantur Pharisei, pleni hypocriti, pergit in eodem proposito, aliâ similitudine illam exprobrando:

27. Væ vobis Scribæ & Pharisei hypocritæ: quia similes estis sepulchris dealbatis, quæ à foris parent hominibus speciosa, intus verò pleni sunt ossibus mortuorum, & omni spurcitia.

27. \* *Væ vobis, &c. quia similes estis sepulchris dealbatis*, id est, calce aut gypso illitis. Judæorum enim sepulchra pleraque erant super terram, è saxis excisa, instar cubiculorum: \* *quæ à foris parent hominibus speciosa*, quia forinsecus opere humano splendebant calce lita, & marmore vestita, auro coloribusque distincta, quibus nihil proinde ad speciem venustius; \* *intus verò pleni sunt omni spurcitia*, abominanda scilicet immunditia cadaverum & vermium.

28. Sic & vos à foris quidem paretis hominibus iusti: intus autem pleni estis hypocriti, & iniquitate,

28. \* *Sic & vos à foris quidem paretis*, seu apparetis, \* *hominibus iusti* phylacteriarum dilatatione, fimbriarum amplitudine, precum prolixitate, zelo faciendi profelytos, anxiam illam decimandi curam, externam  
itera-

iteratâque sæpiùs corporis lotionè , cæterâque externâ morum gravitate : \* *intus autem*, in animis vestris , \* *pleni estis hypocrisis*; quia cùm hæc per se mala non sint , sed potiùs bona , studio tantummodò simulandæ sanctitatis ea facitis , ut videamini scilicet ab hominibus , ut est v. 5. \* *& iniquitate* , leges illas , quarum observatione gloriamini , prævaricando.

29. \* *Væ vobis &c. qui edificatis sepulchra Prophetarum , & ornatis monumenta iustorum* , id est , ædificatis & ornatis sepulchra Prophetarum , aliorumque iustorum , à patribus vestris innocenter occisorum ( non enim aliquid distinctum vult dicere de Prophetis , quod non de iustis , neque contrà ) nempe magnificis structuris , picturis , sculpturisque monumenta eorum illustrando : ut scilicet per hoc testemini vulgo imperito vos occisorum virtutes animo colere , scelera maiorum occidentium detestari , eisque longè vos esse sanctiores. Hoc enim eos isto factò voluisse probat id , quod sequitur :

30. \* *Et dicitis : Si fuissetis in diebus*, seu ætate , \* *patrum nostrorum*, qui illos occiderunt , \* *non essemus socii eorum in sanguine Prophetarum*, effundendo scilicet , id est , non conspirassemus cum eis in eorum innocentium necem.

31. \* *Itaque testimonio estis*, per istam gloriationem , quâ Patribus vos jactatis esse dissimiles : \* *quia*, seu quòd , \* *fili estis eorum*, & proinde quòd sitis potiùs similes. Lucas cap. 11. v. 48. addit : *Testificamini , quòd consentitis operibus patrum vestrorum*. Causam addit : *Quoniam ipsi quidem eos occiderunt , vos autem edificatis eorum sepulchra*: q.d. Vos jactatis vos improbare patrum vestrorum scelera : ego dico vos potiùs approbare , quia tanta est vestra in me discipulosque meos impietas , ut videamini sepelire , quos patres vestri occiderunt , ut plenum fiat homicidium : nempe quasi latronum filii , qui non humanitate , sed alio homicidii genere terræ suffodiunt , quos patres jugularunt. Videtur enim Christus factum de se indifferens , spectatâ in eis morum perversitate , in sinistrum sensum trahere. Unde alii sic accipiunt , quasi Christus significare vellet : Patres vestri occiderunt , vos autem ædificando occisorum sepulchra , quasi trophæum victoriæ parentum erigere videmini , nempe si non animi vestri scopus , sed mores spectentur : Hinc addit :

32. \* *Et vos* , id est , Itaque vos , quemadmodum filios decet & filii solent , \* *implete mensuram patrum vestrorum* , id est , absolvite mensuram illam impietatis ac scelerum , à patribus vestris inchoatam , quæ toti genti vestræ ita præstituta est , ut ea impleta excidenda sit. Deus enim non sinit impietatem ac scelera in immensum crescere , sed singulis

29. Væ vobis Scribæ & Pharisæi hypocritæ , qui edificatis sepulchra prophetarum , & ornatis monumenta iustorum.

30. Et dicitis : si fuissetis in diebus patrum nostrorum , non essemus socii eorum in sanguine Prophetarum.

31. Itaque testimonium estis vobismetipsis , quia filii estis eorum , qui prophetas occiderunt,

32. Et vos implete mensuram patrum vestrorum.



gulis non tantum hominibus, sed & nationibus certum limitem statuit, quem non excedat, & quò cum pervenerit, turbinem indignationis suæ vel excisionis effundit. Ita satis clarè colligitur ex Gen. 15. v. 16. *Nondum completa sunt iniquitates Amorrhæorum.* Hæc autem mensura Judæis fuit, ut sinerentur usque ad occisionem Messiaï insolescere, tum demum à Romanis occiderentur. Imperativus igitur hîc pro Futuro prophetico more sumitur, ut diximus in c. 13. v. 14. vel potius est acerba ironia minis conjuncta, q. d. Eia igitur pergitte, absolvite patrum vestrorum cœpta, sicut filios decet, ut ira Dei in vos desæviat. Ironiam enim hanc explicat id, quod adjicit sine ironia.

33. Serpentes, genimina viperarum, quomodo fugietis à judicio gehennæ?

33. \* *Serpentes*, propter nocendi acerbicatem cum calliditate conjunctam, \* *genimina viperarum*, quod alibi dixerat, *progenies viperarum*, id est, pessimorum parentum pessimi filii, homicidarum homicidæ: \* *quomodo fugietis à judicio gehennæ*, id est, quo pacto fieri potest, ut judicium Dei, quo gehennæ adjici meremini, effugiatis? Inveterrata enim & in naturam versa impietas difficillimè exutitur. Vide dicta c. 3. v. 7.

34. Ideo ecce ego mitto ad vos prophetas, & sapientes & scribas, & ex illis occidetis, & crucifigitis, & ex eis flagellabitis in synagogis vestris & persequemini de civitate in civitatem:

34. \* *Ideo*, scilicet quia genimina seu filii estis viperarum, & ita mensuram patrum impleturi; non enim hîc redditur causa missionis, quæ sequitur: \* *Ecce ego mitto ad vos Prophetas*: illud, *ego*, emphasium habet: q. d. Ego, ad quem tanquam Deum, Deique sapientiam pertinet mittere Prophetas, *mitto*, &c. Explicat hanc energiam Lucas, quando dicit suis, non Christi verbis, *propterea & sapientia Dei*, nempe ipse Jesus, dixit, *Mittam ad illos Prophetas*, id est, jam jam statim à resurrectione mea mittam Prophetas, prophetiæ scilicet dono illustres, sicut probant Apocalypsis Joannis, & multæ prædictiones Pauli & Petri, & Agabi, Aët. 11. v. 72. & Aët. 21. v. 10. \* *Et sapientes*, id est, illâ præditos sapientiâ, de qua Luc. c. 21. v. 15. cui non poterunt resistere omnes adversarii; qualem fuisse Stephanum idem testis est, Aët. 6. v. 10. \* *Et Scribas*, doctos scilicet in regno cælorum, hoc est, doctores & interpretes Scripturarum, divinæque Legis peritissimos. Pro Sapientibus & Scribis Lucas nudè dicit Apostolos, nempe, quia, ut Hilar. Can. 24. Apostoli totum simul erant, & de futurorum revelatione Prophetæ, & de Christi agnitione Sapientes, & de Legis intelligentia Scribæ: vide alios Aët. 13. v. 1. \* *Et ex illis*, id est, alios ex eis, \* *occidetis*, Stephanum, Jacobum, alios, \* *& crucifigitis*, Simeonem filium Cleophæ, secundum Hierosolymorum Episcopum, teste Hegesippo, apud Euseb. lib. 3. histor. c. 16. \* *& flagellabitis in synagogis*, ut Paulus quinquies sibi contigisse testatur 2. Cor. 11. v. 24.

35. \* *Ut veniat super vos omnis sanguis justus*, id est, ut ita juxta meritum scelerum vestrorum redundet in caput vestrum omnis sanguis justorum, qui injustè \* *effusus est à sanguine Abel justì*, qui primus propter justitiam celebris & necatus fuit. \* *Usque ad sanguinem Zachariæ filii Barachie*. Quis ille sit magna contentio est. Plerique Græci, ut Basil. in ferm. de nativ. Christi, Origen. Hom. 16. in Matth. & alii, itemque Baronius putant esse Zachariam patrem Joannis Baptistæ, quem ex traditione quadam dicunt ab Herode occisum inter Templum & Altare, eo quod, cùm pueros occideret, filium non prodidisset, vel, ut alii, quod B. Mariam Virginem prædicârit. Favet huic sententiæ, quod Christus primum & ultimum justum à Judæis occisum exprimere voluisse videatur. Sed hanc traditionem ex apocryphorum somniis manasse dicit hic Hieron. Nonnulli & olim, & nunc volunt esse Zachariam, unum ex minoribus Prophetis, qui filius Barachie dicitur, Zachar. 1. v. 1. Sed minùs verisimiliter, cùm nihil de occisione ejus, multò minus de loco occisionis constet. Communior sententia est à S. Hieron. asserta, esse Zachariam filium Joiadæ, summi Pontificis, quem constat occisum à Rege Joas in atrio domus Domini, ut est 2. Paral. 24. v. 21. hoc est, ut hic dicitur, inter templum & altare, scilicet holocaustorum, quod in atrio ante Templum sub dio stabat. Filius Barachie dicitur, vel quòd Joiada Pontifex binominis fuerit, ut in Scripturis frequens est; vel quòd tanquam vir sanctus *Barachias*, id est, *Benedictus Domini* dicatur: unde Hieron. testatur in Evangelio Hebraico, quo Nazareni utebantur, filium Jojadæ vocari. Exprimatur ergò Abel & Zacharias, non quod iste ultimus à Judæis occisus fuerit, sed quia ultimus, de quo ex Scripturis canonicis constet; & quia, cùm de vindicta sanguinis innocenter fusi Christus agat, illam Scriptura disertis verbis in Abel & Zacharia annotet, Gen. 3. *Ecce vos sanguinis &c.* & 2. Paralip. 24 *Videat Dominus & requirat*. Porro observatione digna est historia mirum in modum affinis huic loco, quam narrat Josephus lib. 5. de bello Judaico c. 1. ubi scribit Zachariam quemdam virum probum, filium Baruch, (idem hoc quod Barachias) fuisse paulò ante novissimam obsidionem Hierosolymitanam à Judæis zelotis in templo, id est, in atrio occisum, cùm à Lxx. judicibus unanimiter fuisset absolutus. Ex quo factum, ut quidam suspicatus fuerit Christum propheticè id, quod futurum erat, veluti præteritum narrasse. Sed quidquid sit de hac historia, in omni sententia tres nascuntur difficultates: Prima, quomodo dicat Christus, *occidistis*, cùm præsentis Pharisei nullum Zachariam ex istis occidisse videantur. Secunda, quomodo de Judæis istis vindicta capiatur cædis justorum

35. Ut veniat super vos omnis sanguis justus, qui effusus est à sanguine Abel justì, à sanguine Abel justì usque ad sanguinem Zachariæ, filii Barachie, quem occidistis inter templum & altare.

36. Amen dico vobis, venient hæc omnia super generationem istam.



storum præcedentium. Tertia, quâ justitiâ omnis sanguis, etiam à majoribus effusus, super istos veniat. Ad primam dicitur, totam nationem ut unum populum considerari, in quo facta majorum tribuuntur filiis, & contrâ. Sic enim Abrahæ promissa ac data est terra Chanaan, sed in posteris ejus; & populo Judaico tempore Judith viventi tribuitur habitatio in Mesopotamia, descensus in Ægyptum, transitus per mare ac desertum, quæ in majoribus contigerant. Ex hoc oritur solutio etiam secundæ quæstionis: nam ratione unitatis istius, quâ unus est populus, & in quo posteri sunt aliquid majorum, & majores aliquid posterorum, fit, ut facta majorum filiis imputentur: imò in illis quoque, non solum à Deo, sed & ab hominibus compensentur, sive in bonum, sive in malum. Et hinc est, quod Amalechitæ exciduntur propter facta parentum à quadringentis annis perpetrata, 1. Reg. 15. v. 2. & 3. tunc enim scelus patrum punitur in filiis, qui aliquid eorum sunt. Hoc autem non semper, sed tunc solet fieri, quando filii peccata majorum imitantur, ut August. lib. contra Adimant. c. 7. & ita complent mensuram ab illis inchoatam; tunc enim excidium à perversa natione promeritum in illum quidem cadit, sed in postremis istius nationis exercetur & sentitur, quos justum est, ut sicuti mensuram peccatorum parentum, ita etiam pœnarum impleant. Sic igitur, quâ justitiâ hoc fiat, quæ erat tertia quæstio, faciliè apparebit, si consideres vindictam illam esse quidem peccatorum, quæ parentes perpetrârunt, quia sine illis præcedentibus non fuisset illata, multò minùs tam acerba, sed tamen eam non excedere magnitudinem sceleris à solis filiis perpetrati, sicut hoc de atrocissimis Judæorum facinoribus. Christum & Apostolos occidentium, & Ecclesiam persequentium evidens est. Vide Exod. 20. v. 5.

37. Jerusalem, Jerusalem, quæ occidis prophetas, & lapidas eos qui ad te missi sunt, quoties volui congregare filios tuos, quemadmodum gallina congregat pullos suos sub alas & noluit?

37. \* *Jerusalem, Jerusalem.* Amantis & ex intimis visceribus commiserantis est ista ingeminatio. \* *Quoties volui congregare filios tuos*, id est, quoties volui per Prophetas, aliosque servos meos, ac denique per me ipsum conatus sum cives tuos in varia studia distractos prædicatione, præceptis, promissis, minis ad me convertere, sinu gratiæ meæ fovendos, & alis providentiæ protegendos, \* *quemadmodum gallina congregat pullos sub alis*: ut partim calore foveat, quò roborentur & crescant, partim adversus milvum protegat, ne rapiantur: quod, ut illa affectu, ita Christus potestate erga parvulos suos perficit, ut notat Aug. q. 36. lib. 2. quæst. Evang. Optimè autem se comparat gallinæ: nam, ut ibid. & Tract. 15. in Joan. notat, hoc genus animantis magnum affectum in filios habet, ita ut eorum infirmitate affecta, & ipsa infirmetur, alis demissis, plumis hispida, voce rauca, omnibus membris demissa

demissa & abjecta, ut, etsi filios non videas, matrem tamen intelligas: ita æterna Sapientia mater nostra per carnis susceptionem affectu ones, & labores infirmata est, ut pallis suis congrueret: \* & noluisti filios tuos congregari, id est, non permisisti & omnibus modis impedivisti, maximè per primates tuos. Voluntatem istam congregandi, plerique intelligunt voluntatem signi per prædicationem, minas, &c. nam illi voluntati resisti solet ab hominibus; non autem efficacem, quæ semper impletur. Quamquam etiam de illa verba Christi vera sunt: nam per illam filios suos sæpè Christus congregare voluit, & reipsa etiam invitâ Jerusalem, & nolente, & resistente congregavit quoscumque ipse congregatos efficaciter voluit, ut exponit Aug. l. i. oper. imperf. contra Julianum. Sed quia ille resistendi conatus poenâ dignissimus fuit, & plures ibi erant, quos obduratione & desertione dignos judicaverat, hinc addit:

38. \* *Ecce, jam in proximo, relinquetur vobis domus deserta.* Templum intelligit Hieronymus à Christo deferendum: rectius intelligas ipsam civitatem, adeoque totam regionem, quam prædicit in vastitatem esse redigendam per excidium urbis & gentis, juxta illud Psal. *Fiat habitatio eorum deserta, & in tabernaculis eorum non sit, qui inhabitet.* Et quia causa illius vastitatis ac desertionis fuit, quod à præsentia & protectione Christi, & gratiæ ipsius deserti fuerunt (quam etiam nonnulli prædictis verbis significatam fuisse volunt: ) hinc addit:

39. \* *Dico enim vobis: non me videbitis amodo,* id est, ab hoc tempore, seu post breve tempus subtrahetur vobis præsentia, tutela, & gratia mea, ita ut neque corporis, neque animi oculis incredulitate & cæcitate percussis, me amplius videatis: \* *donec dicatis,* id est, donec mutatis jam animis celebrem illum versiculum de Messia, quem indignamini esse mihi acclamatum, tribuatis mihi, & me Messiam agnoscatis. Indicat autem tempus, quo sub finem mundi ad se Messiam convertendi sunt: nam de tota natione loquens, præsentibus tribuit, quod in posteris implebitur. \* *Benedictus, qui venit in nomine Domini,* id est, omnium hominum benedictione, & laude cumuletur ille, qui jam jam venit, seu venturus est judicare orbem terrarum in justitia, jussu, & autoritate Dei Patris sui. Est enim acclamatio, quâ gratissimum ejus adventum sibi esse Judæi testabantur, quem majores eorum tantâ contumeliâ repudiaverant. Unde non poterat Christus acriori epilogo præsentis Phariseos pungere, vel honorificentiori se accommodare.

38. Ecce relinquetur vobis domus vestra deserta.

39. Dico enim vobis: non me videbitis amodo, donec dicatis: Benedictus, qui venit in nomine Domini.



## CAPUT VIGESIMUMQUARTUM.

1. Et egressus Jesus de templo ibat. Et accesserunt discipuli ejus, ut ostenderent ei ædificationes templi.

1. \* **E**T egressus Jesus de templo, nempe sub vesperam post labores docendi & prædicandi, \* *ibat*, è civitate versus montem Oliveti, ubi noctibus morari solebat, ut Lucas testis c. 21. v. penult. \* *Et accesserunt discipuli, ut ostenderent & ædificationes templi*, id est, structuræ raram pulchritudinem, pretium, firmitatem, magnificentiam. Marcus enim & Lucas hoc explicant, dum ille quidem dicit, *Magister, aspice quales lapides, & quales structura?* hic vero addit, quod *bonis lapidibus & donis ornatum esset*: quæ dona Græcè anathemata dicuntur, quæ scilicet Deo dedicata è parietibus, vel columnis suspendi solent. Erat enim templi istius novi ab Herode excitati structura tota ad miraculum stupenda, sive artem, sive pretium, sive materiam, sive ornatum spectes. Aperit omnia latius Josephus lib. 6. de bel. Jud. c. 6. ubi dicit: exterior templi facies nihil quod animus & oculi mirarentur, non habebat: crustis enim aureis gravissimis undique tecta, sub ortum primum Solis igneo splendore lucebat, & intueri conantium oculos quasi Solis radiis avertebat. De lapidibus verò dicit l. 15. Antiq. c. ult. Constabat è lapidibus candidis, firmissimis, magnitudine viginti quinque cubitorum in longum, octo in altum, latitudine verò duodecim. Quibus addit lib. 6. de bello nonnullorum saxorum longitudinem fuisse quadraginta quinque cubitorum. De donis verò dicit, circa templum affixa fuisse spolia barbarica, nempe ex victoriis aliquot sæculorum, quæ omnia Herodes denuò dedicaverat, additis etiam recentibus Arabicis. Hæc ergò omnia ostendebant Christo discipuli, non tam curiositate, quàm commiseratione moti, ut, qui tum aliàs, tum paulò antè Jerosolymis interitum minatus fuerat, ambitione & magnificentia structuræ Deo dedicatæ flecteretur, ut observat Hilarius. Sed iram Dei peccatis provocatam saxa, nec lapides placant. Itaque respondet:

2. Ipse autem respondens dixit illis: videtis hæc omnia? Amen dico vobis, non relinquetur hic lapis super lapidem, qui non destruat.

2. \* *Videtis hæc omnia?* q. d. Considerate etiam atque etiam magnificentiam istam, ut magis Dei de ea sententiam admiremini: nam \* *Amen dico vobis*, id est, tanquam certissimum vobis assero: \* *non relinquetur hic lapis super lapidem*, id est, lapidi adhærens, \* *qui non destruat*: Græcè, *καὶ οὐκ ἔσται λίθος ἐπὶ λίθον, ὃς οὐκ ἀποδομήσεται*, dissolvatur. Quâ vulgari hyperbole quamvis tantum significari videatur, structuram illam universam penitus destruendam, atque æquandam solo, tamen etiam ad litteram divina providentia sententiam hanc Christi impleri voluit. Nam cùm Romani, teste Josepho l. 7. de bello Jud. c. 18. templum quidem, imò civitatem totam subvertissent, fundamenta verò terræ infossa remansissent, sub

Juliano Apostata, cùm ea nudassent Judæi, ut novum templum imponerent, terræ-motus excitatus lapides veterum fundamentorum concussit, ac longè latèque disturbavit, ut testis est Socrates l. 3. hist. c. 17. & Rufinus l. 7. c. 38.

3. \* *Sedente autem eo super montem Oliveti*: ut quiesceret nonnihil à totius diei labore. Contigit hoc sub vespèram, dum tenderet in Bethaniam, vel, ut alii, inde rediens, ut noctem in hoc monte orando consumeret, ut supra ex Luca dictum. Marcus addit *sedisse contra templum*, id est, è regione, & facie in templum versà, unde videntur occasionem sumpsisse interrogandi. \* *Accesserunt ad eum discipuli secreto*. Idem tantùm quatuor nominat, Petrum, Jacobum, Joannem, Andream, & pro, *secreto*, dicit eos *separatim*, scilicet à cæteris Apostolis (nullæ enim hîc turbæ aderant) Christum interrogasse, ut scilicet tanquam familiarioribus faciliùs ea arcana de futuro templi & urbis excidio communicaret, præsertim cùm non esset tutum de rebus illis palam loqui; hoc enim postea S. Stephano crimini datum fuit, Act. 6. v. 14. Itaque dicunt: \* *Dic nobis, quando hæc erunt?* Quòd scilicet non relinquetur hîc lapis super lapidem, quod recentissimè fixum eis adhærebat: \* *& quod signum adventus tui?* Gloriosi ad judicium, de quo jam aliàs audivimus, cap. 13. v. 41. c. 16. v. 21. \* *& consummationis sæculi?* id est, Finis mundi, de quo ibidem cap. 13. Tria igitur diversa quærunt & jungunt simul, quòd reipsa quoque excidium urbis illius & orbis, & secundum adventum Christi ad regendum in mundo jam innovato discipuli conjungendum putarent. Et illa causa est, cur Marcus & Lucas confusè tanquam de una re dicant, *Quando ista fient?* Scilicet de templo prædicta, & *quod signum, quando hæc omnia incipient consummari?* Sed quia idem tempus erit consummationis sæculi & adventus Christi, diversum verò everisionis Jerusalem; hinc tanquam ad duas quæstiones distinctas, distinctè respondet suis locis, ut infra dicturi sumus. Quia verò discipuli omnia confusè interrogasse videntur juxta Marcum & Lucam, vel saltem confusè intellexisse; hinc Christus quoque in initio confusè respondet, revocans eos à curiositate futurorum, & à cogitatione regni Messie ad sollicitudinem de seipsis. Præmittit enim generalia quædam monita usque ad v. 15. exclusivè, de iis, quæ mixtim tam excidium urbis illius, quàm totius orbis (quia unum erat typus alterius, tam quantum ad ipsum excidium quàm quantum ad signa, quæ præcesserunt) præcessura sunt: neque tam ad urbis aut orbis finem, quàm ad ipsos Apostolos, eorumque successores instruendos pertinent, ut à periculis sibi caveant. Itaque respondet Christus:

3. Sedente autem eo super montem Oliveti accesserunt ad eum discipuli secreto: dicentes: Dic nobis, quando hæc erunt? & quod signum adventus tui, & consummationis sæculi?



4. Et respondens  
Iesus, dixit: Vi-  
dete ne quis vos  
seducat.

4. \* *Videte, ne quis vos seducat*, abstrahendo vos à mea fide in al-  
quem errorem: q. d. Vos de templo & novissimis mundi rebus estis  
curiosi & anxii, sed ante omnia de vobis ipsis curam gerite, ne se-  
ducamini.

5. Multi enim  
venient in nomi-  
ne meo, dicentes:  
Ego sum Chri-  
stus: & multos  
seducent.

5. \* *Multi enim venient*, post diceſſum meum à vobis, \* *in nomine*  
*meo*, id est, nomen dignitatemque meam usurpantes, \* *dicentes: Ego*  
*sum Christus*, seu Messias promissus, quos ideò v. 24. *Pseudo-Christos*  
vocat: \* & *multos seducent*, qui mendaciis istis fidem dabunt. Cavete  
igitur, ne inter illos sitis: nam, ut Hilar. ut fides pestiferò mendacio  
detrahi posset, admonitio præcessit. Tales impostores fuerunt Theo-  
das, de quo Act. 5. v. 36. & Josephus in fine cap. 2. l. 20. Antiq.  
Itemque Simon Magus, qui se *virtutem Dei magnam* dixit, Act. 8. v. 9.  
& se pro Christo venditavit, ut Aug. Hæresi 1. nec non Menander  
apud Tertull. de præscript. c. 4. Similes plures præcesserunt everſio-  
nem etiam Jerosolymæ, sed multò plures consummationem sæculi.  
Hoc ergò primum est signum, utrique excidio commune. Secundum  
est id, quod sequitur:

6. Audituri enim  
estis prælia, & o-  
piniones prælio-  
rum. Videte ne  
turbemini, opor-  
tet enim hæc fie-  
ri, sed nondum  
est finis.

6. \* *Audituri enim estis prælia & opiniones præliorum*, id est, bella varia,  
& rumores bellorum, qui sæpè magis turbant ac terrent homines,  
quàm ipsa bella. Lucas addit *seditiones*, quas multas & miras narrat  
Josephus præcessisse everſionem Jerosolymæ per totam Judæam, vide  
lib. 4. de bello Jud. cap. 5. & aliis pluribus locis. Itaque rectè præ-  
monet: \* *Videte*, seu cavete, \* *ne turbemini*, plus æquò, ut idcirco  
vel à fidei meæ retinendæ vel aliis prædicandæ constantiâ discedatis.  
Duplex ergò bellum, ut Chrysost. eis prædixit; alterum spirituale à  
seductoribus; alterum corporale ab hostibus & seditiosis: nempè ut  
ad omnia adamantini fierent, & si fractus illaberetur orbis, impa-  
vidos ferirent ruinæ, idque eo magis, quòd illa evitari non possent.  
Oportet enim hæc fieri, suppositis scilicet hominum corruptissimis  
moribus, & consequenter justissimo decreto Dei, quo illos per bella  
conterere & emendare solet, ut Aug. in præfat. libròrum de Civit.  
Dei. Unde meritò virum prudentem æquo & imperturbato animo esse  
debet, ad illa mala toleranda, quæ ita \* *oportet fieri. Sed nondum*, id est,  
*non statim*, ut Lucas, cùm scilicet ista fient, \* *est finis*, nempè sive Je-  
rusalem sive mundi: q. d. Adhuc alia graviora præcessura sunt, quo-  
rum ista tantum sunt præludia.

7. Conſurget  
enim gens in gen-  
tem, & regnum  
in regnum, &  
erunt pestilentia  
& fames, & terre  
motus per loca:

7. \* *Conſurget enim gens in gentem*. Magis explicat id, quod prælia  
futura dixerat ante consummationem tam urbis quàm orbis totius.  
Nam ante excidium Jerosolymæ narrat Josephus lib. 2. de bello Jud.  
cap. 11. 18. 19. Judæos consurrexisse in Samaritanos, Romanos,

Syros:

Syros: rursus Cæsarienses, Scythopolitas, Ascalonitas, Ptolomen-  
ses, Alexandrinos, Danascenos in Judæos, cap. 19. 20. 21. 25.  
totiusque Syriæ regna in gentem Judaicam. \* *Et erunt pestilentia &  
fames*: Græcè inverso modo, λιμοὶ καὶ λοιμοὶ, *fames & pestilentia*,  
videlicet juxta proverbium λοιμὸς καὶ λιμὸν, *Pestis post famem*: & utra-  
que belli filia esse solet. De ingenti fame ante vastatam Jerusalem fit  
mentio Act. 11. v. 28. de qua latius Joseph. l. 20. Antiq. c. 2. v. 3.  
\* *& terramotus per loca*, id est, in diversis locis. Testis enim est Euse-  
bius in Chronico sub Nerone tres urbes terræmotu in Asia concidisse,  
testis & Joseph. lib. 4. c. 7. de bello Jud. ubi de alio terræmotu  
dicit: Orta crebra fulgura, horrendaque tonitrua, concussæque terræ  
vastæ mugitus: certumque erat apud omnes, hominum exitio mundi  
statum esse turbatum.

8. \* *Hæc autem omnia*, scilicet errores seu seductiones, bella, ru-  
mores bellorum, pestes, fames, terræmotus, quamvis per se gravissi-  
ma, tamen tantummodò \* *initia sunt dolorum*, qui mox Jerusalem, &  
postea totum orbem invadent; Græcè expressius ἀρχὴ ὀδύνης, *initia par-  
turbationum*, seu dolorum, quibus parturientes affliguntur: hoc est, exi-  
gua sunt, & similia primis doloribus, partus instantis prænuntiis, qui  
doloribus in ipso partu irruentibus longè leviores, & quasi præludia  
tantum sunt.

9. \* *Tunc tradent vos*: Lucas, *ante hæc omnia*: q. d. Ne verò vos ip-  
sos putetis ab omnibus malis immunes futuros, interim dum ita affli-  
guntur improbi. Per *Apostolos* autem omnium fidelium personam sig-  
nificari notat Hieronymus.

10. \* *Et tunc scandalizabuntur multi*, id est, scandalum patientur,  
deficiendo à fide mea & justitia, ad vitandas tribulationes istas, mor-  
tes, & odia. Neque hoc tantum, sed qui jam ita scandalizati fuerint,  
falsi fratres facti, \* *invicem tradent*, id est, alii alios fideles prodent  
persecutoribus, imò \* *& odio habebunt*: gravius enim apostatarum &  
hæreticorum est odium, quàm infidelium. Hoc tertium bellum est à  
falsis fratribus.

11. \* *Et multi Pseudopropheta surgent*, id est, ut notat Chrysost. qui  
se Prophetas, hoc est, Evangelicæ veritatis doctores venditabunt:  
\* *& seducent*, à fide per vos prædicatâ & plantatâ, \* *multos* qui hanc  
crediderunt. Hic designantur omnes hæretici, qui partim ante exci-  
sam Jerusalem, ut Nicolaitæ, Himenæus & Philetus, & alii, partim  
ante mundi finem exoritururi erant.

12. \* *Et quoniam abundavit, foris, iniquitas*, scilicet crudelitas per-  
sequentium, scandala deficientium, errores malè docentium, hinc in-

8. Hæc autem  
omnia initia sunt  
dolorum.

9. Tunc tradent  
vos in tribulatio-  
nem: & occident  
vos & eritis odio  
omnibus genti-  
bus propter no-  
men meum.

10. Et tunc scan-  
dalizabuntur mul-  
ti, & invicem tra-  
dent & odio ha-  
debunt invicem.

11. Et multi pseu-  
dopropheta sur-  
gent, & seducent  
multos.

12. Et quoniam  
abundavit iniqui-  
tas, refrigescet  
charitas multo-  
rum.



tus, \* *refrigescet charitas multorum*, quâ ante erga Deum & proximum feryebant : videtur enim esse quasi epilogus eorum, quæ v. 10. & 11. præmiserat.

13. Qui autem perseveraverit usque in finem, hic salvus erit.

13. \* *Qui autem perseveraverit*, Græcè *ὁ δὲ ὑπομένῃς*, qui sustinuerit, seu pertulerit, scilicet ista mala, persecutiones, scandala, odia, errores, \* *usque in finem*, ita ut nullis malis irruentibus dejiciatur, \* *salvus erit*. Vide dicta cap. 12. v. 22. Et quia meritò suspicari poterant Apostoli tantam calamitatum abundantiam impedimento futuram Evangelio à se prædicando, & frustra futuros labores suos præoccupat Christus :

14. Et prædicabitur hoc Evangelium regni in universo orbe, in testimonium omnibus gentibus : & tunc veniet consummatio.

14. \* *Et prædicabitur* : q. d. Quantumvis tot malis mundus perturbandus, & adversus me concitandus sit, certissimum habete, quòd non obstantibus omnibus \* *prædicabitur*, per vos & alios, \* *hoc evangelium regni*, seu de regno cælorum, omnibus patefacto atque proposito, \* *in universo orbe*, antequam scilicet finis veniat. Nec verò nudam tantum prædicationem, sed etiam fructum prædicationis secuturum per hoc insinuat, scilicet Gentium conversionem ad Deum vivum. Fiet autem ista prædicatio \* *in testimonium omnibus gentibus*, id est, ut sit illis loco testimonii, quo Deus testetur, omnibus gentibus regnum cælorum, æternamque salutem esse eis à Deo per Filium paratam, si amplecti velint; esse inexcusabiles, si nolint. \* *Et tunc*, scilicet postquam prædicatum & creditum fuerit in omnibus gentibus, & non ante, ac proinde non tam citò ac vos putatis, \* *veniet consummatio*, Græcè *τὸ τέλος*, finis, scilicet eorum, de quo vos quævistis. Hoc autem Hieron. & alii intelligunt de consummatione sæculi, antequam tandem prædicatum erit Evangelium in omnibus gentibus. Hilar. verò Can. 25. etiam de consummatione Jerusolymæ; cui consentit Chrysost. ac discipuli ejus. Nam Apostolus Paulus testatur sæpius suo jam tempore, nempe ante everfam Jerusalem hoc esse factum, ad Rom. 1. v. 8. & cap. 10. v. 18. & ad Colof. 1. v. 6. & 23. nimirum, quia in maxima orbis noti parte factum fuerat, quamvis perfectiùs ante mundi finem complendum sit. Quia igitur nihil eorum, quæ hæcenus dicta sunt, non contigerit, juxta Scripturæ phrasas, etiam ante consummationem Jerusolymæ; hinc malim, ut suprâ dixi, omnia ad hunc versum usque indistinctè de utriusque consummatione intelligere, atque ita utrorumque Patrum sententia erit vera.

15. Cum ergo videritis abominationem desolationis, quæ dicta est à Daniele propheta, stātem in loco sancto, qui legit intelligat;

15. \* *Cum ergo videritis abominationem desolationis, &c.* Post monita generalia delabitur Christus ad primam Apostolorum quæstionem de excidio Jerusalem, eamque perducit usque ad vers. 23. ut sentit Aug. epist. 80. Nam quamvis Iren. lib. 5. v. 25. & Hilar. hæc omnia

omnia ad Antichristum referant, tamen ad occasum Jerusalem litterali sensu pertinere perspicuum est ex Lucæ 21. v. 20. ut mox patebit. Sed quænam sit ista *abominatio desolationis*, magna quæstio est. Iren. Hilar. & alii nonnulli acceperunt ipsum Antichristum. Citat hanc opinionem & Hieron. qui tamen duas alias suggerit, ut sit vel statua Cæsaris quam Pilatus in templo posuit; aut equestris statua Imperatoris Adriani, quæ ibi usque in præsentem diem, inquit, stetit. Sed factum Pilati contigerat initio præfecturæ ejus, & consequenter, antequam Christum hæc prædiceret; erantque sola signa militaria quæ in Jerosolymam clamillata sunt, & ad paucos dies hæserant: Adrianus verò diu post excisam Jerusalem vixit, cujus tamen excidendæ hîc signa dantur. Lucem adfert huic obscuritati Lucas, qui post Marcum & Matth. scripsit: nam id quod Matth. dixerat, \* *Cum videritis abominationem desolationis stantem in loco sancto*, & id quod Marcus, *ubi non debet*, quia scilicet in loco sancto stare non debet (per quem sine dubio templum intelligitur, sicut apertissimè in Daniële legitur: ) Lucas hoc modo exprimit, *Cum videritis circumdari ab exercitu Jerusalem*. Utrumque Christum dixisse est verisimile. An autem ipse exercitus Romanorum Judæis propter idololatriam, & vexilla imaginibus Deorum plena, vocetur *abominatio desolationis*, sicut multi recentiores volunt; an verò aliquid aliud, quod eodem tempore, cum Jerusalem ab exercitu circumdata fuit, concurrerit, non ita liquet. Et mihi quidem ipse exercitus Romanus nullo modo videtur esse posse illa abominatio, quæ à Daniële prædicta est, propter multas causas. Primò, quia jam bis fuerant & civitas & templum à Romano exercitu circumdata, & multis cædibus expugnata, semel per Pompeium, & iterum per Sosium atque Herodem, ut testis est Josephus lib. 14. de Antiquit. cap. 8. & ult. nec tamen ullus intellexit fuisse illam abominationem Daniëlis impletam. Secundò, jam à temporibus Pompeii, etiam ætate Christi, semper erat Jerosolymis præsidium Romanorum in arce Antonia, quæ adhærebat templo, ut author Joseph. lib. 6. de bello Jud. c. 6. & ita copiosum, ut multas myriades civium contineret, maximè diebus festis, in officio & aliquando vi profligaret: nec tamen quisquam imaginatur ibi fuisse illam abominationem desolationis. Tertiò, quia Marcus dicit abominationem illam statutam *in loco*, *ubi non debet*, id est, ut Matth. *in loco sancto*. Nulla autem est ratio, cur tunc peculiariter non deberet stare Jerosolymis, cum ibi sæpius steterit antè, & semper stare poterat quando-cumque libuisset. Quartò, quia Daniël juxta LXX. & textum vulgatum expressè dicit, illam obominationem statutam in templo; & sic plerique



plerique veteres etiam intellexerunt. Romanus autem exercitus non stetit in templo, neque in obsidione Cestii Galli, de qua Lucas videtur loqui, neque in ultima Vespasiani, nisi templo jam incenso. Agitur autem de abominatione præcedente everfionem, quia datur tamquam signum everfionis brevi futuræ, & fugæ capeffendæ ex Judæa, quod sine dubio in ultima obsidione seriùs erat. Hinc ulteriùs videtur, quòd non possit etiam per illam abominationem intelligi occupatio templi, quæ facta est per Judæos, repugnantes Cestio oppugnanti. Illi enim tunc non occupaverunt nisi exteriores partes templi, non interiores; textus enim Græcus Josephi, qui tale quid videtur dicere, malè translatus est. In interiores autem partes licebat Judæis laicis semper intrare, etiam cum armis, illudque defendere, sicut jam bis, terve, cum magnis etiam Judæorum cladibus, defensum fuerat, & contra Pompeium & contra Sosium, ut ex Josepho citatis locis patet. Nec tamen quisquam umquam existimavit abominationem illam desolationis, quam Daniël prophetavit, fuisse toties in templo positam: imò ibid. Josephus satis indicat non per expugnationes illas, sed per solum introitum Pompeii in aditum Sancti Sanctorum aliquam profanationem contigisse. Unde & Herodes, templo iterum expugnato, studiosissimè cavet, ne milites in aditum irruerent. Quare nihil verisimiliùs dici puto, quàm illam à Danièle prædictam \* *abominationem desolationis*, id est, quæ desolationem secum trahit, seu ejus causa fuit, esse scelestissimam illam profanationem totius templi, quæ facta est paulò post circumdatam ab exercitu Cestii & liberatam Jerusalem, duravitque usque ad everfionem ejus, per tres circiter annos cum dimidiò. Cestius enim obsedit eam sub finem anni Christi 68. & solutà mox obsidione Titus evertit eam anno 72. Facta est autem illa profanatio per ingentem latronum manum, qui erumpentes in Jerusalem, pollutis pedibus, inquit Josephus lib. 4. c. 5. sanctum locum intrare cœperunt, ac templo uti, loco castrì ac domicilii tyrannidis adversus populum. Tot verò cædibus innocentium & nocentium toto illo tempore, tum inter se pugnantes, tum cum populo, illud repleverunt, ut Josephus testetur lib. 6. c. 1. per atria divina diversorum sanguinem cadaverum fecisse stagnum, nec potuisse amplius manere Dei locum, qui domesticorum funerum erat sepulchrum. Hinc neque Judæis neque Romanis in tota obsidione intolerabilius vel horribilius quidquam visum est, quàm illa immanis templi profanatio, ut propter ista sacrilegia Josephus lib. 6. c. ult. dicat: puto, si Romani contra noxios venire tardassent, aut hiatu terræ devorandam fuisse civitatem, aut diluvio perituram, aut fulminum aut Sodomæ incendia passu-

passuram : imò ut etiam Titus ipse seditiosos aliquoties rogaret , ut à tanta profanatione discederent , se quoque testaretur non esse causam ejus , ut videre licet lib. 7. c. 4. & aliis locis. Hinc idem testis est lib. 5. c. 2. veterem fuisse sermonem , tunc demùm civitatem captum iri , Sancta quoque flammis exurenda lege belli , cùm seditio fuisset exorta , templumque Dei propriæ manus ante violassent : quibus , inquit , zelotæ , nihil de eorum fide dubitantes , ministros se præbuerunt. Qui sermo ex Daniëlis prophetia vel Christi prædictione fortassis ortum habuit : quæ enim verior & magis propriè dicta *abominatio* in templo stare potuisset ? Jure merito vocatur *desolationis* , quia illius desolationis , templi ac Jerusalem , quam statim Daniël adjungit usque in finem perseveraturam , vera causa fuit. Nam illam seditionem zelotarum , & aliorum sceleratorum in templo , causam perditionis Jerusolymæ , ac templi exusti fuisse , ex Josephi attestazione manifestissimum est. Itaque quod Lucas dicit , *Cùm videritis circumdari ab exercitu Jerusalem* , scilicet sub Cestio ( tunc enim erat fugæ locus , non sub Tito : ) non designat ipsam abominationem desolationis , sed potius tempus , quo illa mox erat apparitura , & quo deberent de fuga cogitare ex Jerusalem & Judæa , eo quòd brevi instaret ejus consummatio. Unde Joseph. l. 2. c. 25. dicit : Post Cestii casus adversos , nobilium Judæorum multi , tanquam è navi pessum itura , ex civitate enatarunt. Inter quos & Christianos eum comprehendisse verisimile est ex Eusebio de quo statim.

\* *Qui legit , intelligat* , nempe obscurum illum Daniëlis locum ; & sic erunt hæc verba Christi. Sed quia Marcus eadem pònit , qui tamen nullam Daniëlis mentionem facit ; hinc fortasse convenientius acciperentur non verba Christi loquentis , sed Evangelistæ , postea scribentis verba Christi , & exhortantis , ut , qui illa legerit , \* *intelligat* , id est , det operam , ut intelligat , tanquam obscurius quidem dicta , sed tamen maximi momenti , ad sciendum signum instantis everisionis Jerusalem ac templi. Et ideo Lucas , qui post Evangelistas scribens clariùs explicuit , ea prætermisit.

16. \* *Tunc* , cùm scilicet viderint ista ( pendet enim huc usque sententia ) \* *qui in Judæa sunt* , id est , in universa terra Israël ; generaliter enim accipitur. Nam statim post illam obsidionem Jerusalem , seu potius templi , quæ per Cestium Gallum facta fuerat , iisdem calamitatibus involutæ sunt Galilæa , cæteræque provinciæ & urbes , quæ debellatæ & miserrimum in modum vastatæ sunt à Vespasiano , ante obsidionem ultimam Jerusolymorum. \* *Fugiant ad montes* , id est , in loca invia ac tuta : nam qui fugerunt in urbes Judaicas , plerique miserrimè

16. Tunc qui in  
Judæa sunt fu-  
giant ad montes:



perierunt. Obediverunt huic monito Christi Christiani, qui ex Jerusalem, totaque regione migrarunt trans fluvium in urbem Pellam, quæ patebat Regi Agrippæ, amico & coadjutori Romanorum, ut Euseb. testis est lib. 3. hist. c. 5. & Epiphanius. Hæresi 29. n. 7.

17. Et qui in tecto, non descendat tollere aliquid de domo sua:

17. \* *Et qui in tecto*: Græcè ἐν τῷ δώματι, *super tectum*, ut vertitur Marci c. 13. Agitur enim de tectis illis planis orientalium, ubi ambulare & negotia tractare licebat. \* *Non descendat tollere*, seu ut tollat, \* *aliquid de domo sua*: suppellectilem, pecuniam, aut aliud subsidium itineris aut fugæ, sed nudus cum omnium rerum jactura fugiat. Est enim locutio hyperbolica, qua, ut Aug. ep. 80. festinatio fugæ præcipitur: cujusmodi est & ista phrasis, quæ sequitur:

18. Et qui in agro, non revertatur tollere tunicam suam.

18. \* *Et qui in agro*, id est, foris fuerit, ambulandi aut operandi causa, \* *non revertatur domum, tollere tunicam suam*, quâ se tegat in fuga ad peregrinandum. Marcus ait *vestimentum*, nempe exterius: sine tunica enim non exitur in agrum. Unde Græcum ἱμάτιον, aptè vertetur *pallium*, sicuti vertitur supra c. 3. v. 40. Pallium enim servit fugientibus contra injurias aeris, & noctis. Lucas generalius hoc exprimit, *qui in regionibus fuerint*, scilicet extra Jerusalem, *non intrent in eam*. Et causam addit, *quia dies ultionis hi sunt*: ut sumatur scilicet ultio de tota illa rebeli & pertinacissima natione. Unde ad calamitatis istius acerbitatem respiciens Matthæus,

19. Væ autem prægnantibus & nutrientibus in illis diebus.

19. \* *Væ autem prægnantibus & nutrientibus*: quia illæ uteri, hæ infantium sarcinâ gravatæ fugere non poterunt, naturæ vinculo præpeditæ, ne illam abjiciant. De fuga enim adhuc subnectit,

20. Orate autem ut non fiat fuga vestra in hyeme vel sabbato.

20. \* *Orate, ut non fiat fuga vestra*, id est, non occurrat ista fugæ necessitas, \* *in hyeme*; quâ viæ ad fugiendum velociter sunt difficiles, dies breves, noctes intolerabiles: \* *vel sabbato*, quo exiguum itinerandi spatium præscriptum erat. Unde Act. 1. v. 12. Mons Oliveti dicitur Sabbati habere iter. Generaliter itaque significatum voluit juxta Aug. c. 37. lib. 1. quæst. Evang. orandum esse, ne aliquo impedimento fugæ detineantur. Non quod fuga esset etiam Sabbatis illicita; sed loquitur juxta opinionem vulgarem Judæorum, qui ad superstitionem usque Sabbatum etiam in necessitate observabant, ut Josephus diversis locis testatur. Plerumque autem solet Aug. ista omnia exponere moraliter, cavendum scilicet esse tribulationibus, ne quisque invidus *de tecto in domum*, id est, de spirituali sublimitate descendat ad carnalem vitam: nec *ex agro revertatur*, id est, nec deficiendo in posteriora respiciat. Væ enim *prægnantibus, & lactentibus*, qui jam adepti sunt, quod concupierant. Orandum enim esse, *ne in hyeme vel sabbato fugiamus*, id est, ne in tristitia aut lætitia, & consequenter amore

amore rerum temporalium, quisquam inveniatur in die illa. Ita ille in fine Psalm. 39. & q. 37. cit. & epist. 80.

21. \* *Erit enim tunc*, postquam abominatio desolationis steterit in loco sancto, \* *tribulatio magna*, scilicet in Judæa & Jerusalem. Nam etiam ista ad excidium istius gentis pertinere, patet ex Luca, qui cum dixisset, *Erit enim pressura magna super terram*, ut ostenderet se terram Judææ intelligere, explicando adjicit, & *ira populo huic*. Species autem tribulationis exprimit ibid. *Cadent enim in ore gladii, & captivi ducentur in omnes gentes*. Porro tribulatio talis erit, \* *qualis non fuit ab initio mundi usque modo, neque fiet*: nempe in illo populo Judaico, inquit Aug. epist. illa 80. Nam, ut ibidem ait, Josephus talia mala dicit illi populo tunc accidisse, ut vix credibilia videantur. Unde meritò posset generalius intelligi, quòd nec fuit, nec erit talis tribulatio in ulla omninò particulari gente aut regione totius mundi, quia videlicet extremum scelus occisi Filii Dei extremis tribulationibus vindicandum erat. Unde & ipse Josephus palàm asserit lib. 6. cap. 11. Ut breviter dicam, inquit, neque aliam civitatem umquam talia perpeffam puto, neque ullam nationem post hominum memoriam malitiâ ferociorem fuisse.

21. Erit enim tunc tribulatio magna, qualis non fuit ab initio mundi usque modo, neque fiet.

22. \* *Et nisi breviati fuissent dies illi*, æterno scilicet Dei decreto: agitur enim de re futura. Quod quidam apud Aug. epist. cit. intelligunt factum eo modo, quo sub Josue dies fuit longior. Ipse Aug. intelligit per *dies breviatos* ipsa mala breviate: sed non incommodè intelligi potest, *nisi dies*, id est, nisi tempus istius belli ac tribulationis Judaicæ fuisset à Deo brevius decretum, quàm illorum impietas & justitiæ divinæ severitas exigebat, \* *non fieret salva omnis caro*, scilicet Judaica, inquit Chrysost. Duplex Hebraismus, *Caro* pro homine, *Non omnis* pro nulla, sicut Lucæ 1. v. 37. & alibi sæpiùs. Sensus est igitur, nullus Judæorum evasisset mortem temporalem, sed tota natio fuisset deleta per Romanos. \* *Sed propter electos*, ad æternam beatitudinem ex illa natione, qui scilicet vel tunc vivebant, vel ex illis usque ad finem mundi nascituri erant. Non enim debemus ambigere, inquit Aug. ibid. illo Judaicæ calamitatis tempore fuisse in populo illo electos Dei, quorum alii jam in Christum crediderant, alii credituri erant. Propter electos ergo illos, ne simul cum reprobis vel jam nati vel antequam nati pereant, \* *breviabuntur*, reipsâ, \* *dies illi*, sicut ab æterno breviores constituti fuerant: hoc est, citius divina providentia bello & calamitatibus illis finem imponet, efficiendo, ut Romani celerius superent. Quod ita evidens fuit tam ipsis Judæis quàm gentilibus, ut Josephus crebrò inopinatas Romanorum victorias Deo ad-

22. Et nisi breviati fuissent dies illi, non fieret salva omnis caro: sed propter electos breviabuntur dies illi.



feribat ; & ipse Titus , captis Jerosolymis & inspectis munitionibus , dixerit , *Planè Deo adjuvante pugnavimus , & Deus erat , qui detraxit ab istis munitionibus Judæos.* Nam quæ hominum manus aut machinæ ad istas valerent ? ut est apud eundem Josephum lib. 7. cap. 16. Unde idem Titus , reje&ta coronâ sibi oblatâ , fatebatur , non se talium operum authorem fuisse , sed Deo iracundiam contra Judæos demonstranti manus præbuisse , ut narratur apud Philostratum. Quamvis ergò multi ista omnia de abominatione desolationis , dierumque breviatiōe retulerint ad ultima & Antichristi tempora , certum tamen videtur , omnia hæc usque ad expugnationem Jerusalem & calamitates gentis Judaicæ pertinere , sicut intellexit Chryf. & Theophyl. & ex professo Aug. epist. 80.

23. Tunc si quis vobis dixerit : ecce hic est Christus , aut illic : nolite credere.

23. \* *Tunc si quis vobis dixerit* , post excidium scilicet Jerusalem , quo defunctis plerisque Apostolis , & Pseudo-christi & Pseudo-prophetæ , id est , hæretici potissimum pullulare cœperunt. Transit enim hic Christus ad tertiam quæstionem , à Jerusalem scilicet ad finem mundi : nam vastatio Jerusalem vastationis & finis mundi typus fuit. Itaque illud , *Tunc* , omne tempus , quod ab illa excisa usque ad finem mundi labitur , comprehendit , & maximè tempus Antichristi. \* *Siquis vobis dixerit* , discipulis scilicet meis ; nam sub Apostolis omnes fideles intelligit : \* *Ecce hic est Christus , aut illic* , id est , hoc aut illo loco apparuit Messias , promissus à Deo , qui Judæos aut vos à calamitatibus liberet , felicitatemque largiatur : \* *Nolite credere* , quia non nisi unus est Christus , qui jam venit. Tales fuerunt non pauci , ut olim Barchochebas tempore Adriani Imp. de quo Euseb. lib. 4. c. 6. & nuper David Georgius Basileæ , & alius ex Anabaptistis , qui se Regem Sion finxit , & ipse Antichristus totâ professione hoc acturus est.

24. Surgent enim pseudo-christi , & pseudo-prophete & dabunt signa magna , & prodigia , ita ut in errorem inducantur ( si fieri potest ) etiam electi.

24. \* *Surgent enim Pseudo-christi* , qui se Christos me reprobato mentientur , \* *& Pseudo-prophete* : nam sicut Christus veros Prophetas habuit , qui de illo prædicaverunt : ita Pseudo-christi suos habebunt Pseudo-prophetas ; & quia Pseudo-prophetæ olim erant falsi doctores rerum sacrarum , idèd sub hoc nomine comprehenduntur , etiam hæretici , qui Pseudo-prophetis antiquis in nova lege succedunt. \* *Et dabunt* , seu edent , \* *signa magna & prodigia* , non vera , sed mendacia , ut vocantur ab Apostolo 2. ad Thessal. 2. ut sic verum Christum verosque Prophetas imitentur , qui illis veluti sigillis Dei doctrinam suam & missionem confirmarunt. Edent illa virtute dæmonum , qui pro sublimitate sua semina rerum istarum , id est , prodigiorum , nobis occultiora noverunt , & ea per congruas & temperationes elementorum latenter spargunt , atque ita gignendarum rerum & acceleran-

dorum

dorum incrementorum præbent occasiones, ut Aug. lib. 3. de Trinitate c. 8. Rectè autem dicit, *præbent occasiones*, quia tota actio fit ab illis causis naturalibus, quas adhibent. \* *Ita ut in errorem inducantur*, id est, tam plausibilia, tam verisimilia, tam efficacia ad persuadendum, ut fallendi essent errore finali, \* *etiam electi* ad salutem, per æternum prædestinationis divinæ decretum, \* *si fieri potest*, id est, si esset possibile, ut creata vis Creatoris decreto, beneplacito ac viribus protegentibus prævaleret. Significat enim, si tales electi suæ prudentiæ & viribus relinquerentur, omninò esse fallendos. Unde rectissimè Aug. de corrept. & grat. cap. 7. Horum si quisquam perit, fallitur Deus: sed nemo eorum perit, quia non fallitur Deus. Horum si quisquam perit, vitio humano vincitur Deus: sed nemo eorum perit, quia nullà re vincitur Deus. Et Christus ipse de talibus ovibus: *Non rapiet eas quisquam de manu mea* Joan. 10. v. 28.

25. \* *Ecce prædixi vobis*, periculi magnitudinem, ut scilicet illud sollicitè magis caveatis. Non enim electio aut prædestinatio, etiam cognita, est aut esse debet causa socordiæ, sed sollicitudinis ac diligentia, ut per illam ipsam diligentiam, hoc est, sollicitam ardentemque voluntatem, id, quod constitutum est, impleatur, & ex illa ipsa discant homines se ad prædestinationem divinæ gratiæ pertinere, ut loquitur Aug. de dono præsever. cap. 22.

26. \* *Si ergo dixerint vobis: Ecce in deserto est*, Christus, \* *nolite exire*, id est, non modò non credere, sed nec exire dignemini, ut, quid rei sit, videatis. \* *Ecce in penetralibus*, id est, in conclavibus, seu locis ædium abstrusioribus: \* *nolite credere*. Explicat itaque magis particulatim id, quod antè dixerat, *Ecce hic est Christus, aut illic*; idque pro omnibus, ponendo duo loca contraria, desertum foris, & penetralia domi.

27. \* *Sicut enim fulgur exit ab oriente*, id est, promicat è nubibus in Oriente positis, \* *& paret*, id est apparet & subito conspicitur, non tantum in Meridie & Aquilone, sed, \* *usque in occidentem*, hoc est per universum undiquaque orbem spargitur, & undique cernitur; nam per duas illas partes oppositas totum mundum significat: \* *Ita erit & adventus Filii hominis*, id est, subitus, inexpectatus, non incerto, abstruso, & abdito loco, sed toti mundo illustis & conspicuus: q. d. Tamen si vos ac fideles mei sciatis, me Christum secundo esse venturum, nolite tamen credere quibuscumque prædicantibus, *Ecce hic aut illic Christus apparuit, & regnum suum aspiciatur*; quia adventus meus, qui adhuc expectatur, non erit occultus, & per homines præcones hominibus, nuntiandus ut fuit in Bethleem, sed subitus & instar fulguris, quod non indiget præcone aut nuntio, per

25. Ecce prædixi vobis.

26. Si ergo dixerint vobis: ecce in deserto est, nolite exire: ecce in penetralibus, nolite credere.

27. Sicut enim fulgur exit ab Oriente, & paret usque in Occidentem: ita erit & adventus filii hominis.



per se toti orbi ita manifestus, ut neminem latere possit. Sensus iste Chrysost. est & vere genuinus. Aug. verò q. 38. l. 1. q. Evang. & aliis locis omnia præcedentia à v. 23. de quibusvis hæreticis & schismaticis intelligit, qui non sunt audiendi à populo Christiano, dum prædicant, *Ecce hic Christus aut illic*, id est, dum particulas terrarum atque provinciarum, ubi vigent, demonstrant, dicentes, apud se solos esse Christum & Ecclesiam, aut *in deserto ac penetralibus*, id est, in obscuris occultisque conventiculis, ubi curiositatem hominum decipiunt. Nam quòd ait, Filium hominis appariturum \* *sicut fulgur*, inquit, contra illos valet, qui occultè congregant, tamquam in penetralibus, & paucos, tanquam in deserto, cum *Orientis & Occidentis* nomine Ecclesia per totum orbem futura significetur : & ad manifestationem claritatemque Ecclesiæ pertinet fulguris nomen. Sensus iste videtur magis mysticus.

28. Ubicumque fuerit corpus, illic congregabuntur & aquilæ.

28. \* *Ubicumque fuerit corpus*, Græcè τὸ πῶμα, *cadaver*, \* *illic congregabuntur & aquilæ*, quia naturali sensu illud etiam trans maria sentire dicuntur, & advolare ut inde pascantur, ut hîc Hieron. Desumptum videtur ex Job 39. v. 30. ac transiisse in proverbium, quo significetur non opus esse magno studio, ut ea jungantur, quæ naturâ ad invicem geruntur. Se ergò comparat cadaveri, propter mortem corporis; Sanctos suos aquilis, quòd aquilarum instar in altis super terrena volent, oculatissimi in Christum velut Solem oculos figant, senectutem renouent : q. d. Ubicumque fuero, cum instar fulguris in nubibus apparuero, eò Sancti mei, nemine indicante, sentientes præsentis meæ virtutem, tamquam ad escam suam, ex omnibus orbis partibus summo desiderio rapti in nubibus obviam Christo in aëra convolabunt. Quamquam Hilarius locum passionis, ubi iudicium futurum sit, indicari putet, scilicet vallem Josaphat.

29. Statim autem post tribulationem dierum illorum, sol obscurabitur & luna non dabit lumen suum, & stellæ cadent de cælo, & virtutes cælorum commovebuntur :

29. \* *Statim autem post tribulationem illorum dierum* : nempe quibus Pseudo-christi & Pseudo-prophetæ dixerint, *Ecce hic est Christus, &c.* Per quod in primis tempora Antichristi significari diximus, & eò referunt Chrysost. ac Theophyl. Quamvis referri etiam possit ad dies tribulationis Jerosolymitanæ, de qua v. 21. postquam secutura significetur alia rerum omnium perturbatio. Dicit autem, *statim post*, etsi jam tot annorum centuriæ transierint; partim quia divino iudicio tempus istud est momentaneum, apud quem, ut dicitur 2. Pet. 5. mille anni sicut unus dies : partim, quia etiam hominum æstimatione perexiguum est, cum unicuique dies ille ultimus seu ultima tribulatio tam propinqua sit, quàm est dies mortis. Nam, ut Aug. epist. 80. in quo statu quemque invenerit suus novissimus dies, in hoc eum

comprehendit mundi novissimus dies. Itaque ut unusquisque semper ad illum diem ultimum esset paratus, semper eum isto loquendi modo Christus expectari voluit: quem postea eadem de causa Apostoli imitati sunt, dum 1. Joan. 2. dicitur, *Nunc est novissima hora*; & 1. Petri 4. *Omniū finis appropinquavit*. Unde Deut. 32. v. 35. *Juxta est dies perditionis*: \* *Sol obscurabitur & Luna &c.* Aug. loco citat. per *Solem* intelligit Christum, per *Lunam* Ecclesiam, qui persecutionis acerbitate sub Antichristo ita sint obscurandi, ut hominibus non appareant: per *Stellas cadentes*, eos, quicū gratiā fulgere viderentur, persequentibus cedent & cadent. *Virtutes autem calorum movebuntur*, quia quidam firmissimi turbabuntur. Sed ex Lucæ 2. v. 25. & 26. fatis apparet, litteraliter hæc in Sole & Luna & stellis eventura, quemadmodum passim etiam à Prophetis prædictum est, Isaïæ 13. v. 10. & in primis Joëlis 2. v. 31. ut proinde moralis vel mystica sit Augustini interpretatio. Itaque \* *Sol obscurabitur*, ut sicut prima lux nascentem, ita postremæ tenebræ morientem mundam loquantur. Unde Apoc. 6. v. 12. Sol dicitur futurus niger tanquam saccus cilicinus: non propter splendorem Christi præsentis, ut vult Hieron. & Chrysost. ( Lucas enim indicat hanc obscuracionem præcessuram adventum judicis ) sed luminis defectu. \* *Et Luna non dabit lumen suum*, propter defectum scilicet Solis, à quo lumen suum mutuatur: unde Apoc. dicit, *Fiet sicut sanguis*. \* *Et stellæ cadent*: quia propter defectum luminis eadem ex causa cecidisse videbuntur, cælo quasi luminibus privato. Quamvis non desint, qui intelligant hoc de exhalationibus ignitis quæ stellis similes de cælo cadent, multò scilicet mirabilius, quàm nunc fit, ut inquit Aug. 1. 20. de civ. c. 24. \* *Et virtutes calorum commovebuntur*. Quod Græci de virtutibus Angelicis ferè intelligunt, quæ ad tantam rerum perturbationem admiratione concutientur: recentiores de astris, quæ *militia cali* vocari solent; sed illa jam cecidisse dicta sunt. Itaque videtur esse generalis expressio & complexio eorum, quæ particulatim de Sole & Luna & Stellis dixerat: q. d. Et omnes vires cælorum commovebuntur, Græcè est enim *δυνάμεις*, id est, *potestas, vires*, ut non incongruè significari posset idem quod Job 26. v. 11. dicitur, *Colonna cali contremiscent*. Unde Prov. 8. v. 26. simili ferè phrasi vocantur etiam *cardines orbis terra*, & alibi *cardines maris*, quasi dicere hic vellet: Ipsum omne robur & firmamentum, & quasi cardines cælorum commovebuntur, Græcè *σαλευθισονται*, *agitabantur*. Proinde idem hic dici videtur, quod 2. Pet. 3. v. 10. *Cali magno impetu transient*. Hæc igitur tam inusitata ægrotantis mundi symptomata instantis ejus occasus & quasi mortis indicia sunt, & simul adventantis judicis. Unde sequitur,



30. Et tunc pa-  
rebit signum Filii  
hominis in calo,  
& tunc plangent  
omnes tribus ter-  
ra: & videbunt  
Filium hominis  
venientem in nu-  
bibus cali cum  
virtute multa, &  
majestate.

30. \* *Et tunc*, Sole, Lunâ, Stellis obscuratis, \* *parebit*, Græcè *φανέσθαι*, apparebit, \* *signum Filii hominis*, id est id, quo Filius hominis mundo & hominibus, fidelibus & infidelibus notus ac celebris est, quod non est aliud, nisi signum Crucis, Sole fulgentioris, ut inquit Chrysost. & consentiunt antiqui, Hilar. Hieron. Theophyl. & alii. Unde canit Ecclesia: *Hoc signum crucis erit in calo, cum Dominus ad judicandum venerit*: nempe ad solatium fidelium, videntium vexillum adventantis Domini, ac trophæum redemptoris sui; ad terrorem infidelium, maximè Judæorum. Unde etiam, \* *tunc*, illo scilicet viso, \* *plangent omnes tribus terra*, id est, omnes nationes pectoris tonsione (quod propriè, præsertim Græcè, est plangere) lamentabantur, doloremque suum testabuntur, nimirum quòd judicem talem crucifixerint, vel crucifixum contempserint: nam de impiis loquitur, pii enim diligenter adventum ejus. \* *Et videbunt*, corporeis oculis, \* *Filium hominis venientem in nubibus cali*: quasi curru triumphali ad judicandum veheretur, & in throno suo federet. Ita contigit & in transfiguratione, hujusce gloriæ typo, & talem adventum in nubibus promiserunt Angeli in ascensione. Servient nubes istæ ad temperandum omnium aspectui claritatem ejus, & ad augendam gloriam. Unde addit, \* *cum virtute multa*, seu magna, & *majestate*, Græcè *μετὰ δυνάμεως καὶ δόξης πλεονῶς*, cum potestate & gloriâ multâ, non scilicet cum illa infirmitate & humilitate, quâ nunc. Virtus seu potestas apparebit in illa momentanea mortuorum omnium resurrectione, totiusque mundi restauratione; majestas in corporis claritate, nubis amictu, stipantium multitudine, gloriâ & reverentiâ.

31. Et mittet An-  
gelos suos cum  
tuba, & voce ma-  
gna: & congrega-  
bunt electos ejus  
à quatuor ventis,  
à summis calo-  
rum usque ad ter-  
minos eorum.

31. \* *Et mittet Angelos suos*: quia, ut putat Greg. Hom. 1. in evang. visibiliter hominum oculis apparebunt, \* *cum tuba & voce magna*. Et expositivè seu exegeticè accipi videtur pro, *id est*, q. d. cum tuba, quæ est vox magna, sicut Apoc. 1. v. 10. & ibidem c. 4. v. 1. dicitur: *Audivi vocem magnam tamquam tubæ loquentis mecum*, articulatis scilicet sonis. Unde & Paulus, cum 1. ad Corinth. 15. v. 25. de sola tuba dixisset, *in novissima tuba*; *canet enim tuba*: magis se declarasse videtur 1. ad Thessal. 4. v. 15. *Ipse Dominus in jussu, & in voce Archangeli, & in tuba Dei descendet de calo*. Ita ut omnia ista non aliud declarent, quàm vocem magnam, quasi tubalem instar tubæ, toto mundo personantem ministerio Archangeli & Angelorum, jussu Christi Domini editam. Unde Joan. 3. v. 25. vocatur *Vox Filii Dei*, quam mortui audient, quia jussu ejus vox illa edetur. Ita ferè Aug. Epist. 120. cap. 34. qui tubæ nomine evidentissimum & præclarissimum aliquod signum vult intelligi. Adhibebitur autem partim ut ejus ministerio

excitentur mortui, sicut Lazarus voce Christi, partim ut per eam ad tribunal convocentur. Unde Aug. ibidem putat esse istum clamorem, qui cap. seq. v. 6. mediâ nocte factus dicitur, *Ecce sponsus venit, exite obviam ei*. Et hîc statim adjungitur effectus tubæ : \* *Et congregabunt electos ejus à quatuor ventis*, id est, à quatuor mundi plagis, Oriente, Occidente, Meridie & Aquilone, unde spirant præcipui quatuor venti. Sub quibus, ut significaret universas mundi partes intelligi, addit, efficacioris expressionis causâ idem quasi repetendo, \* *à summis caloribus usque ad terminos eorum*. Similis phrasis est Deuter. 4. v. 32. & Psalm. 19. v. 7. & 8. Sed tam ibi Hebraicè quàm hic Græcè est, *ab extremis caloribus usque ad extrema eorum* : & idè eadem vox, ἀκρων, hoc loco nunc summum, nunc terminus transfertur; summum enim rei etiam est terminus seu extremum ejus. Sensus est ergò, ab uno cæli extremo usque ad alterum. Per cæli autem extremum intelligitur locus cæli extremo subiectus, & idè eandem rem expressit Marc. A summo, id est, extremo, terra usque ad summum cæli.

32. \* *Ab arbore autem fici, quæ eis erat in illis locis notissima*. Alioquin Lucas addit, *Videte ficulneam & omnes arbores*; utrumque enim videtur Christus dixisse : \* *Disceite parabolam*, id est, accipite ex ea similitudinem. \* *Cum jam ramus ejus tener*, id est, mollis, \* *fuerit*, quasi propter appropinquantem Solem succo plenus, \* *& folia nata* : apud Lucam, *cum producant jam ex se fructum*. Sed fructus ibi significat quidquid ex re pullulat, ut gemmæ & folia : unde Græcè est *προβάλειν*, cum jam protruserint, scilicet gemmas & folia : \* *scitis quia prope est æstas* :

33. \* *Ita & vos cum videritis hæc omnia*, incipere & fieri, quæ huc usque dicta sunt, etiam de adventu Filii Dei in nubibus, Angelorumque missione. Nam quamvis Apostoli, ad quos loquitur, non essent ea omnia visuri, voluit tamen & ipsos & omnes, qui hæc ab illis discerent, semper esse suspensos. \* *Scitote quia prope est in januis*, id est, quòd omninò jam jam adest præforibus, nempe non adventus Filii Dei; ille enim jam apparuisse dictus est : sed, ut supplet Lucas, regnum Dei, illud plenum & pàcatissimum, quod post judicium in Sanctis revelabitur. Hæc ergò verba consolationem electorum continent à tot tribulationibus, quibus in mundo pressi fuerant, suggerendo illis spem proximam beatissimæ tranquillitatis : sicut clarè colligitur ex Lucæ 21. v. 28. *Respicite & levate capita vestra, quia appropinquat redemptio vestra*. Ut autem certa esset fides futurorum istorum, quæ prædixerat, graviter ea confirmat :

34. \* *Amen dico vobis, quia non prateribit*, id est, interibit & abolabitur, \* *generatio hac*. Alii generationem credentium, alii humanum omnia hæc fiant,



num genus, alii hanc ætatem, alii aliter intelligunt. Nihil convenientius videtur posse accipi, quàm hæc generatio Judæorum; illam enim sæpè solet nomine hujus generationis designare, ut patuit cap. præcedenti v. 36. & c. 12. v. 41. & 42. \* *donec omnia fiant*, id est, impleta fuerint. Idèd autem illam generationem seu nationem permansuram asserit, quia pleraque potissimum in illa natione complenda erant, ut quæ de excidio Jerusalem, & ejus calamitatibus, de Pseudo-christis & planctu tribuum prædixerat.

35. Cælum & terra transibunt, verba autem mea non præteribunt

35. \* *Cælum & terra*, quibus nihil est in rebus creatis firmitus & immobilis, tamen \* *transibunt*, à statu suo, id est, mutabuntur: \* *verba autem mea*, quæ vobis hæcenus locutus sum, \* *non præteribunt*; quantum ad rem scilicet significatam, hoc est, non mutabuntur, & non aliter aliquid continget, quàm illa sonant & significant, sed certissimè habebunt effectum suum, quia ab incommutabili veritate prolata. Deducta enim, inquit Hilarius, ex æternitate id in se continent virtutis, ut maneant. Hoc ergò addit, ne quis futurarum rerum incertitudine, vel nimia dilatione de veritate inciperet fluctuare. Ut verò etiam curiositas reprimeretur, adjicit:

36. De die autem illa & hora nemo scit, neque angeli cælorum, nisi solus pater.

36. \* *De die autem illa & hora*, quæ cælum & terra transibunt, & Filius hominis cum Angelis venturus est, id est, de tempore certo & determinatio consummationis mundi & adventus judicis, sive dies, sive hora, sive mensis, sive annus fuerit, \* *nemo scit neque angeli cælorum*, hoc est nemo in cælo, neque in terra, neque naturalis scientiâ, neque revelatione. Repressit igitur eos, inquit Chrysost. ne discere vellent, quod Angeli nesciunt. Ut autem efficacius occurreret curiositati, neque molestè ferrent, quasi contempti à Christo, quòd nec ipsis secretum istud Christus committeret, addit, juxta Marcum, *neque Filius*: cujus sententiæ obscuritas, ne faveret Arianis, diversas interpretationes peperit. Hieron. hîc & Ambros. lib. de fide cap. 8. locum corruptum esse voluerunt. Alii, ut Orig. Tract. 30. in Matth. putant Christum ignorasse tunc diem judicii, post resurrectionem verò scivisse. Inter varias interpretationes antiquorum duæ verisimiliores videntur. Prima est Athanasii lib. 4. contra Arianos & Ambr. lib. 8. in Luc. & Nazianz. ex professo Orat. 36. ut neque Filius, supple hominis illum diem sciat, hoc est, ut non sciat eum diem ex eo, quod est homo, sed ex eo tantum, quòd simul est Filius Dei. In quem sensum scribit Aug. lib. 1. de Trinit. c. 12. Christum dixisse alibi: Non est meum dare vobis, quia non est suæ potestatis humanæ, sed divinæ. Hinc Gregor. lib. 8. epist. 42. In natura quidem humanitatis novit diem & horam, non ex natura humanitatis novit: idèd scientiam,

tiam, quam ex natura humana non habuit, in qua cum Angelis creatura fuit, hanc se cum Angelis habere denegavit. Secunda est quam itidem Gregor. tradit, & est Augustini multis locis, præcipuè loco illo de Trinitate cit. & lib. 83. quæst. evang. quæst. 60. & alibi, ut Filius hoc nescire se dicat, quod nescientes nos facit, id est, inquit Augustinus, quod non ita sciebat, ut tunc discipulis indicaret. Quo sensu dicit Apostolus: *Neque enim judicavi me scire aliquid inter vos, nisi Jesum Christum*: nempè hoc Apostolus inter illos nesciebat, quod per illum scire non poterant, cum tamen loqueretur sapientiam inter perfectos. Simili modo Christus dicit Joan. 15. se *Apostolis omnia nota fecisse, quæ audiverat à Patre suo*, scilicet quæ communicare deberet, cum plurima divinitatis secreta non fecisset nota. Itaque juxta hunc sensum loquitur Christus tanquam legatus à Deo, qui non sic à Patre diem illum didicerat, ut cuiquam eorum, ad quos legatus fuerat, eum aperire deberet, ita ut illum sibi soli sciret, non aliis. Nam alioqui quomodo diem & horam ignorat, qui omnia ad diem illum & horam prædixit? Causa verò celandi fuit, quia, ut Chrysost. hic & Basil. lib. 4. contra Eunomium scientia ejus non expediebat nobis: expectatio enim perpetua ferventiores ad pietatem facit, cognitio negligentes. Et hinc addit, *\* nisi solus Pater*; ad quem, velut principium creationis, ita & resolutionis mundi, pertinet scientia horæ illius. Non tamen excluditur Filius, in quantum Deus; aut Spiritus S. sed illa sola, quæ naturâ à Patre differunt. Unde perinde est, ac si diceret, nullus homo, nullus Angelus, nullus legatus ad homines, sed solus Deus. Hinc Act. 1. de illo die interrogatus similiter refert ad Patrem: *Non est vestrum nosse tempora vel momenta, quæ Pater posuit in sua potestate*. Dicendo autem, *Non est vestrum*, satis indicat, suum esse scire.

37. & 38. *\* Sicut autem in diebus Noë, supple accedit, \* ita erit & adventus Filii hominis*, id est, ita tempore ejus adventus contingeret. Sic expressit hoc Lucas clarius c. 17. v. 26. nimirum erunt homines *\* comedentes & bibentes*, id est, genio & conviviis indulgentes: *\* nubentes & nuptui trahentes*, Græcè γαμοῦντες καὶ ἐκγαμιζόντες, ducentes uxores, & ad nuptias dantes, hoc est rebus jucundis hujus vitæ, & voluptatibus, more solito vacantes, sine ulla sollicitudine ac timore futurorum. Non enim hic arguit scelera, sed supinam illam suæ salutis securitatem: nam hoc postulat id, quod sequitur:

39. *\* Et non cognoverunt*, imminens sibi exitium diluvii, quod *\* tulit*, seu abstulit & occidit, *\* omnes*: quamvis esset à Noë prædictum & prædicatum: culpabilis enim eorum ignorantia & incredulitas taceatur: *\* ita erit & adventus Filii hominis*, id est, similiter inexpectatus,

37. Sicut autem in diebus Noë, ita erit & adventus filii hominis.

38. Sicut enim erant in diebus ante diluvium comedentes & bibentes, nubentes & nuptui trahentes, usque ad eum diem, quo intravit Noë in arcam.

39. Et non cognoverunt donec venit diluvium, & tulit omnes: ita erit & adventus filii hominis.



tus, quia vacabunt epulis, voluptatibus, lucris, & negotiis hujus mundi. Unde Lucæ 17. additur in alia similitudine de diebus Loth, *Emebant & vendebant, plantabant & edificabant*, id est; rebus terrenis toti immerfi erant. Unde Apostolus: *Cum dixerint pax*, scilicet præteritis malis, & *securitas*, scilicet à futuris *tunc repentinus eis superveniet interitus*. Sed hic meritò quærat aliquis, quomodo poterit esse tanta securitas hominum, cum tot mala præcessura dicantur, fames, bella, pestes, & maxime Sol obscurandus &c. Resp. de impiis potissimum hic sermonem esse, qui inter medias afflictiones piorum vacabunt deliciis, sicut milites, dum alii vastantur. Addit Hieron. mundum ante consummationem ab omnibus illis malis aliquamdiu fore pacatum. Quæ verò v. 29. de obscuratione Solis & Lunæ &c. dicuntur, ea ipsa jam pertinent ad ipsum adventum Judicis.

40. Tunc duo erant in agro: unus assumetur & unus relinquetur.

41. Duæ molentes in mola: una assumetur, & una relinquetur.

40. \* *Tunc*, in adventu Filii hominis, \* *duo erunt in agro* nihil minus quàm de die judicii cogitantes; \* *duæ*, scilicet ancillæ \* *erunt in mola*, id est, loco, in quo molitur, seu pistrino: hoc enim vilissimum servitii genus ad ancillas olim pertinebat, ut patet Exodi 11. v. 5. \* *Unus assumetur*, scilicet sursum rapietur ad Filium hominis, ut indicat Lu. c. 17. v. 36. & 37. \* & *unus relinquetur*, id est, non rapietur. Significatur igitur in quacumque hominum conditione, sive liberorum, sive servorum; sive divitum, sive pauperum; sive vitæ contemplativæ, sive activæ, fore bonos & malos, alios salvandos, alios damnandos, nullam cujuscumque societatis habendam esse rationem, sed à se mutuo esse divellendos: utrisque diem & horam fore prorsus incognitam. Unde concludit,

42. Vigilare ergo quia nescitis qua hora Dominus vester venturus sit.

43. Illud autem scitote, quoniam si sciret paterfamilias qua hora fur venturus esset, vigilaret utique, & non sine- ret perfodi domum suam.

42. \* *Vigilate ergo*, id est, proinde, si vobis consultum cupitis, diem illum semper præ oculis habete, ita vivendo, ne imparatos opprimat. Præcipitur enim hic non vigilia corporalis, nec nuda memoria illius diei, sed memoria cum sollicitudine, inde nata, ut per vitæ probitatem ad illum parati simus. \* *Quia nescitis, qua hora*, seu quo tempore, \* *Dominus vester*, Filius scilicet hominis, \* *venturus sit*, ad vos judicandos, ut præmium vel supplicium reddat. Itaque cum dicit, *ergo*, insinuat ut voluit, ut supra annotavimus, & plerique veteres observant, hanc esse causam, cur dies & hora illa nobis occulta maneant, ut scilicet perpetuò ad subeundum illud iudicium parati maneamus; quod sine dubio non fieret, si præsciremus. Ne autem Apostoli putarent hoc solis hominibus, tunc victuris, dici, addit apud Marcum, *Quod vobis dico, omnibus dico, vigilate*. Nam eadem est ratio de die mortis uniuscujusque, in quo quisque à Deo iudicatur: tempora enim diversa sunt, sed causa eadem, status idem. Unde ad eum, sicut ad diem judicii,

dicii, omnis Christianus paratus esse debet, quia, ut Aug. epist. 80. Imparatum inveniet ille dies, quem imparatum invenerit suæ vitæ hujus ultimus dies. Hanc porrò perpetuam vigilantiam exemplo boni patrisfamilias declarat, qui, \* *Si sciret qua hora*, Græcè *ποτα πολέμῳ*, *qua custodia*, hoc est, quâ vigiliâ nocturnâ, quas olim quatuor à militibus excubantibus observatas fuisse alibi diximus, \* *Fur venturus esset, vigilet utique*. Manca est ista similitudo, & supplenda juxta versum sequentem, hoc modo: sed quia non potest hoc scire, quia furis conditio est, ut captet horam, quâ minimè expectatur; hinc quoad fieri potest, ei semper vigilandum est. Unde concludit, applicando similitudinem,

44. \* *Ideo & vos estote parati*. Quibus verbis explicat, quid sibi voluerit metaphora vigilandi. Vigilat autem seu paratus est, qui in eo semper statu est, ut placeat Deo, & ipsi Deus: sic enim adventum Judicis non timebit, sed diliget, quacumque horâ venerit. \* *Quia qua nescitis hora*, Græcè efficacius ἢ ἄρα οὐ δέχεται, *qua non putatis*, id est, non expectatis, *horâ*, \* *Filius hominis*, instar furis, \* *veniet*, ad vos, judicandos, sive in particulari judicio sive universali. Hanc Christi parabolam alludendo imitati sunt & explicuerunt Apostoli: ut cum Petrus Epist. 2. c. 3. dixit, *Adveniet dies Domini ut fur*; & Paulus 1. ad Thes. 5. v. 2. *Ipsi diligenter scitis, quia dies Domini sicut fur in nocte, ita veniet*: & ipse Christus, Apoc. 16. v. 15. *Ecce venio sicut fur*: nimirum quia adventus ejus incertus, inopinatus, & plerisque inexpectatus est: ut sic, inquit Hier. pendulæ expectationis incerto semper credant esse venturum, quem nesciunt, quando venturus sit. Quamvis autem in commune omnes ad indefessam vigilantiam curam adhortatus fuerit, speciatim tamen Apostolis, hoc est, inquit Hilarius, populi Principibus, seu Episcopis, in expectatione adventus sui sollicitudinem mandans addit,

45. \* *Quis putas, &c.* Unde Ambr. in Præfat. l. 5. de fide exponit hæc de Petro. Pro *quis putas*, Græcè est, *τις ἄρα* id est *quisnam*? Sic enim subinde noster Interpres illud ἄρα, per *putas* reddit. \* *Est fidelis servus & prudens, &c.* ordo verborum est: *Quis servus, quem constituit Dominus super familiam, &c.* est fidelis & prudens, &c. Alludit autem ad divitem patrem-familias (cui se tacitè hic Christus comparat) qui peregrè proficiscens unum ex famulis præficiat toti familiæ, Græcè *ἐπὶ τῆς οἰκίας*, *famulatio*, id est, famulis reliquis quibus, \* *in tempore*, scilicet opportuno, singulis sive diebus sive septimanis, \* *det cibum*, id est alimentum congruum, quod eis debetur. Pro *cilum*, Luc. 12. v. 42. dicit *tritici*, id est, frumenti *mensuram*.

44. Ideo & vos estote parati, quia qua nescitis hora filius hominis venturus est.

45. Quis, putas, est fidelis servus, & prudens, quem constituit Dominus super familiam suam, ut det illis cibum in tempore;

Græcè



Græcè uno verbo *πρωτεύων*, q. d. frumenti demensum. Ubi alluditur ad antiquum morem, quo servis dabatur in singulos menses certa frumenti mensura ad victum, quod vel à mense vel metiendo demensum dicebatur, ex quo aliquid parcentes poterant augere peculium suum. Hic ergò œconomus seu famulitio præpositus, quem Lucas *dispensatorem* vocat, debet esse *fidelis & prudens*: fidelis ut non fallat; prudens, ut non fallatur: fidelis, ut non sua; sed lucrum Domini, hoc est salutem familiæ ejus quærat; prudens, ut cum judicio illud faciat, id est, mediis utatur idoneis. Dicit igitur, *quis putas?* q. d. quàm rarus est! Et idèd etiam,

46. Beatus ille servus, quem cum venerit Dominus ejus, invenerit sic facientem.

46. \* *Beatus ille servus*, quisquis ille fuerit præfectus familiæ, id est, Ecclesiæ Christi, \* *quem cum venerit Dominus ejus*, in fine sive vitæ sive mundi, \* *invenerit sic facientem*, scilicet fideliter & prudenter incumbentem officio suo. Unde Aug. ep. 148. Nihil in hac vita difficilius, laboriosius, periculosius Episcopi aut Presbyteri, aut Diaconi officio (qui omnes in populum officium habebant) sed apud Deum nihil beatius, si eo modo militetur, quo noster Imperator jubet.

47. Amen dico vobis, quoniam super omnia bona sua constituit eum.

47. \* *Amen dico vobis: Super omnia bona sua*, id est, non solum super famulitium, sed quia fidelitatem ejus expertus est, super omnes divitias suas, \* *constituet eum*, penè parem sibi. Quo significatur præcellens beatitudinis gradus, qui fidelibus Præfectis Ecclesiæ à Deo tribuendus est.

48. Si autem dixerit malus servus ille in corde suo: Moram facit dominus meus venire:

48. \* *Si autem malus ille servus*, super familiam constitutus, \* *dixerit in corde suo: Moram facit dominus &c.* id est, ex longa mora & absentia Christi Domini longos vitæ annos, & impunitatem sibi pollicendo:

49. Et cœperit percutere conservos suos, manducet autem & bibat cum ebriosis.

49. \* *Et cœperit percutere conservos*, id est, cœperit non tantum non fungi officio, sed dominari velle in clero, abutendo potestate suâ in aliorum injurias ac tyrannidem: \* *manducet autem ac bibat cum ebriosis*, id est, commensationibus ac voluptatibus suis indulgeat, & ita Christi patrimonium prodigat. Ubi ad duo capita vitiorum revocantur omnia Præfectorum crimina, ad voluptates & injurias, id est, ad flagitia & facinora: illa ad corrumpendum se, hæc ad nocendum aliis committuntur. Sed, ut Aug. l. 3. de doct. Christ. c. 10. flagitia priora sunt, & facinorum fontes, facinora enim committuntur, ut removeantur impedimenta flagitiorum, aut adjumenta quærantur.

50. Veniet Dominus servi illius in die qua non sperat, & hora qua ignorat:

50. \* *Veniet Dominus servi illius*, ad judicium. Adhuc enim perseverat Christus in inculcanda incertitudine adventûs sui novissimi: sub quo adventum suum ad judicandum unumquemque in hora mortis

tis incelligit. \* *In die, in qua non sperat*, Græcè *ἡ οὐ προσδοκᾷ*, *qua non expectat*: imò longè adhuc abesse putat.

51. \* *Et dividet eum*, à conservis, id est, separabit ab officio, & de familia sua ejiciet. Idem enim supplicium ei instigitur, quod sup. 22. v. 13. invento sine veste nuptiali, qui è convivio ejectus fuit. \* *Partemque ejus ponet cum hypocritis*, id est, conditionem, sortem, ac hæreditatem ei talem dabit, qualem habent & merentur omnes impii, qui Hebraicâ proprietate *hypocrite* vocari solent, ut patet Job 8. v. 13. & alibi. *Pars* autem significat sortem stabilem alicujus, & consequenter æternam, quam quasi hæreditatem sibi assignatam possidet. Unde simili phrasi dicitur Job 20. v. 29. & Job 27. v. 26. *Hæc est pars hominis impii apud Deum*: Psal. 10. *Ignis, sulphur pars calicis eorum*. Unde subito transitur à figura significante ad rem significatam aperiens parabolam addit: \* *Illic*, in parte hypocritarum seu impiorum, \* *erit fletus & stridor dentium*, de quibus diximus cap. 13. v. 42.

51. Et dividet eum partemque ejus ponet cum hypocritis, illic erit fletus, & stridor dentium.

## CAPUT VIGESIMUMQUINTUM.

1. \* **T**unc, nempe in illo meo adventu ad judicium. Nam ex conclusionem, quæ hic habetur v. 13. patet eum prosequi idem omninò argumentum, quod cap. superiori v. 42. inchoaverat: quo adhortatur tribus diversis parabolis, furis, servi mali, ac decem virginum, ad perpetuam vigilantiam. \* *Simile erit regnum celorum*, Ecclesiam ea, quæ ex hoc mundo collecta fuerat, \* *decem virginibus*. sumptus est exterior cortex parabolæ ab antiquo ritu, quo sicuti Sponsus juvenes, ut Judic. 14. v. 11. ita Sponsæ honoris causâ virgines addebantur, quæ ipsâ nocte nuptiarum in Sponsæ ædibus adventum Sponsi expectabant, & accenso lumine prodibant obviam Sponso, venienti in domum Sponsæ, ut ipse eam inde, cum virginibus lumen præferentibus, in ædes suas vel aliam convivii domum duceret, ubi noctu, sicut moris erat, nuptiarum pompa celebraretur. Hinc fluxit Latina phrasis, *ducere uxorem*. Itaque ad rem significatam transeundo Virginum decem nomine (quo nomine universitas exprimitur) significantur non solæ, quæ continentiam profitentur, ut Chrys. & alii voluerunt, sed omnes animæ Christianorum; non tamen qualescumque, sed ut Aug. ser. 23. de verbis Dom. tales animæ quæ habent Catholicam fidem, & habere videntur opera bona in Ecclesia Dei, id est, non apertè rebelles, sed quæ profitentur aliquo modo bonis operibus se parare velle ad adventum Sponsi ad judicium, *Virgines* vocantur, sive propter integritatem fidei, juxta Apostolum 2. ad Cor. 11. v. 2. & 3. sive propter continentiam à quibuscunque corporis illecebris, quam om-

1. Tunc simile erit regnum celorum decem Virginibus: quæ accipientes lampades suas, exierunt obviam Sponso & sponsæ.



nes profitentur. \* *Quæ accipientes lampades suas*, nempe accensas : infra enim v. 8. conqueruntur eas extinguere ; ergo ardebant , ut observat Orig. & Hier. Per *Lampades* significatur fides , iisdem authoribus & Nazianzeno in fine Orat. 40. & Cyrillo Catechesi 15. quæ accenditur , cum operibus quoquo modo lucet : alioquin sine operibus extinguatur , hoc est , ut est Jacobi 2. v. 26. mortua est. \* *Exierunt obviam* , id est , compararunt se , ut occurrerent \* *sponso* , hoc est , corde expectaverunt adventum ejus , inquit Aug. serm. cit. Ubi autem nos legimus , \* *sponso & sponsæ* , Græcè tantum est *τοῦ νυμφίου* , *sponso* , & aptius ad parabolam , ut ex supradictis liquet , itemque ad rem significatam. Certum est enim per Sponsum istum significari Christum. Eatenus tamen & Sponsæ ibatur obviam , quia illa per virgines ad ædes Sponsi deducenda erat.

2. Quinquæ autem ex eis erant fatuæ , & quinque prudentes :

3. Sed quinque fatuæ , acceptis lampadibus , non sumpserunt oleum secum.

4. Prudentes vero acceperunt oleum in vasis , iisdem lampadibus.

2. & 3. \* *Quinque autem ex eis erant fatuæ &c.* pars earum erant imprudentes , quæ scilicet rebus necessariis ad occursum Sponsi non se instruxerant , sicut prudentes. Fatuitas verò ista seu imprudentia in eo sita erat , quod \* *fatuæ , acceptis lampadibus , non sumpserunt oleum secum* , scilicet in vasis suis , ut est vers. seq. nempe distinctis à lampadibus : hoc est , contentæ lampades suas quoquo modo lucere , non sibi providerunt de oleo , quod lampadibus , moram faciente Sponso , infundi posset. *Oleum* istud est vera charitas , qua Deus & proximus diliguntur , quia ut oleum universis liquoribus , ita charitas reliquis virtutibus supereminet , eademque nutrit & accendit fidem , & quasi lampadem ardere facit. A quo non discrepat id , quod Aug. dicit *oleum* esse lætitiā conscientię , seu intentionem , quā quis bonum facit : sola enim charitas est , quæ vero bono , non laudibus hominum delectatur. Et quia charitas est mater operum verè bonorum , hinc eadem est ista interpretatio cum ea , quam dat Hieron. Hilar. Orig. Cyril. Nazianz. locis cit. quod *oleum* sint opera bona. Hoc ergo oleo caruerunt fatuæ in vasis , quia cum eis sufficeret lampades aliquo modo lucere coram hominibus , per externam pietatis speciem , operaque quædam sive ex timore , sive ex cupiditate rerum temporalium , aut laudis humanæ facta , non fecerunt provisionem \* *In vasis suis* , id est , in cordibus aut conscientia ; provisionem , inquam , veræ & solidæ pietatis ac charitatis , ex qua benè operarentur , sicut prudentes fecerunt ,

5. \* *Moram autem faciente sponso* , Christo scilicet differente adventum suum , ut Aug. & Chrys. unde & Hieron. atque Hilar. moram istam voluit esse tempus pœnitentiæ , quod conceditur : \* *dormitaverunt omnes* , quod fit niſtando ; \* *& dormierunt* , id est , prorsus tandem in somnum inciderunt. *Dormitatio* sunt ægritudines , quibus tenditur ad

5. Moram autem faciente sponso , dormitaverunt omnes & dormierunt.

ad dormitionem : *Dormitio* verò seu somnus est ipsa mors fidelium. Unde Apostolus, *Nolo vos ignorare de dormientibus*. Omnes ergò & prudentes & imprudentes virgines hoc jam dicto intervallo moriuntur.

6. \* *Media autem nocte*, quâ summa quies homines occupat, id est, eo tempore, quo minimè expectabatur. Unde Aug. tam serm. illo cit. 22. quàm lib. 83. quæst. evang. q. 89. & epist. 120. quibus omnibus locis hanc parabolam ex professo explicat, indicari simul putat obscuritatem illius diei, de qua antè dixerat, quòd de die illa & hora nemo sciret : Hieron. verò & Chrysost. indicatum volunt, Christum mediâ & intempestâ nocte ad iudicium venturum. \* *Clamor factus est*, à præcedentibus Sponsi comitibus Angelis, nempe clamor turbæ ac vocis illius magnæ, de qua cap. præced. v. 31. ut sentit Aug. epist. illâ citat. Significatur enim signum aliquod evidentissimum & præclarissimum, quod ante Domini adventum per totam mundi machinam personabit, & omnes è somno, hoc est, à mortuis excitabit. \* *Ecce sponsus*, quem tam diu desiderastis & expectastis, \* *venit*, præsentis temporis est, id est, jam adest, \* *exite obviam ei*, ut eum excipiat, sicuti decet.

6. Media autem nocte clamor factus est : ecce sponsus venit, exite obviam ei.

7. \* *Tunc surrexerunt omnes virgines illæ*, per corporum resurrectionem, \* & *ornaverunt lampades suas*, seu composuerunt & aptarunt illas, ut quæque potuit, hoc est, inquit Aug. serm. 22. citat. paraverunt se, ut Deo redderent operum suorum rationem. Discutiet etiam tunc quisque, ut ait Author operis imperf. fidem suam, considerabit opera sua, interrogabit conscientiam suam. In quo examine cùm fatuæ se deficere sentirent, ad aliorum auxilium confugerunt, dicentes:

7. Tunc surrexerunt omnes virgines illæ, & ornaverunt lampades suas.

8. \* *Date nobis de oleo vestro*, quod scilicet in vasculis vobiscum tulistis, \* *quia lampades nostræ extinguuntur*, deficientibus videlicet jam laudibus hominum, cæterisque causis, propter quas antea operibus nonnullis bonis lucere videbantur. Nam, ut Aug. cit. q. 83. quorum facta alienâ laude (& iudicio) fulciuntur, eâdem substractâ deficiunt, & de consuetudine id semper inquit animus, unde gaudere solet. Itaque hominum adiutorium implorant, eorumque, qui corda non vident, testimonium habere volunt apud Deum, qui cordis inspector est. Sed

8. Fatæ autem sapientibus dixerunt : date nobis de oleo vestro : quia lampades nostræ extinguuntur.

9. \* *Responderunt prudentes : Ne forte non sufficiat nobis & vobis* : Nam in illo iudicio trepidat etiam ipsa bona conscientia ; vix enim sibi sufficit, ut sibi testimonium perhibeat, inquit Aug. Quis enim gloriabitur mundum se habere cor ? Unde non desperationis, sed piæ humilitatis ista prudentium vox fuit. Istâ verò \* *ite potius ad vendentes & emite vobis*, non consulentium, sed irridentium est responsio, ut etiam hoc Aug. notat : q. d. Antè tempus fuit & parandi olei, & juvandi vos, nunc

9. Responderunt prudentes : ne fortè non sufficiat nobis & vobis : ite potius ad vendentes, & emite vobis.



est seriùs : ite nunc ad eos, quorum vel lampades, vel gratiam, vel iudiciũ, vel aliud quid quærebatis, ut coram hominibus lucere videremini.

10. Dum autem irent emere, venit sponsus : & quæ paratæ erant intraverunt cum eo ad nuptias, & clausa est janua.

10. \* *Dum autem irent emere*, id est, dum anxie sunt de remedio, \* *venit sponsus*, ad domum Sponsæ, \* *& quæ paratæ erant*, quantum ad lampades & oleum, id est, quibus bonum coram Deo testimonium perhibebat conscientia de fide non ficta & charitate sincera, seu operibus bonis, \* *intraverunt cum eo ad nuptias*, id est, domum & convivium nuptiale, gaudia scilicet æterna : & receptis omnibus, \* *clausa est janua*, numquam scilicet in æternum aperienda : non enim, ut inquit Aug. ibid. post iudicium patet precum aut meritorum locus.

11. Novissime verò veniunt & reliquæ virgines, dicentes : Domine, aperi nobis.

11. \* *Novissime vero, &c.* cum jam emendi olei tempus præterisset, in magnis angustiis & afflictionibus constitutæ, redeunt ad implorationem Dei, dicentes : \* *Domine Domine, aperi nobis*. Quæ ingeminatio magni affectus & anxietatis & pœnitentiæ, quamvis seræ, indicium est : nam tales fore tunc reproborum animos & affectus, testatur liber Sapientiæ 5. v. 3. & seqq. sicut & hîc infra v. 44. Sed quia magna est ejus severitas post iudicium, cujus antè ineffabilis misericordia prærogata fuit, hinc respondens ait :

12. At ille respondens ait : Amen dico vobis, nescio vos.

12. \* *Nescio vos*, id est, non habeo vos pro meis. Non enim quasi ignoret, hoc dicit, sed ex illa regula, inquit Aug. quæst. illâ 49. quâ non habet ars Dei, hoc est sapientia Dei, ut intrent in gaudium ejus, qui non coram Deo ex sincera scilicet charitate, sed vel ut placerent hominibus, vel ex timore, vel cupiditate rerum temporalium, visi sunt aliquid secundum ejus præcepta operari. Concludit igitur sicut cap. præced. v. 42.

13. Vigilate itaque, quia nescitis diem neque horam.

13. \* *Vigilate itaque*, scilicet in omnem diem & horam, hoc est, ut ibid. v. 44. ideo & vos estote parati semper, scilicet instructi lampade fidei, & oleo sinceræ charitatis, ex qua opera bona pullulent, ne fortè idem vobis contingat : \* *Quia nescitis diem neque horam*, quâ venturus est Sponsus ad judicandum, & consequenter ad nuptias celebrandum : quod quia unicuique à morte incipit, hinc & illius diem & horam perindè nescimus. Quisquis igitur, inquit Aug. citat. q. 59. paratus fuerit usque ad somnum, id est, usque ad mortem, paratus etiam invenietur cum mediâ nocte clamor factus fuerit, quo omnes evigilaturi sumus. Ut autem Apostoli, & omnes intelligerent, quo pacto vigilare & se parare deberent ad illum novissimum diem, subiungit aliam parabolam :

14. Sicut enim homo peregre proficiscens, vocavit servos suos, & tradidit illis bona sua,

14. \* *Sicut enim homo peregre proficiscens &c.* nam illa causalis particula, indicat hanc parabolam eodem omninò spectare. Quia verò pendet

pendet oratio imperfecta, & nihil respondet illi voci, *sicut*, hinc tali modo supplenda est: sic enim se habet regnum Dei, *sicut homo peregrè &c.* vel sic agetur cum hominibus, cum iudex ille venerit, sicut si homo distribueret servis ad negotiandum bona sua, & peregrè profectus postea rationem ab eis repeteret &c. *Homo* igitur iste sine dubio Christus est, qui *peregrè profectus* dicitur, propter visibilem præsentiam subtractam Ecclesiæ, & in primis propter diuturnam quasi susceptæ alicujus peregrinationis absentiam. \* *Et tradidit illis, servis, bona sua*: non ut ea sibi servarent, sed ut ex eis negotiarentur, hoc est, lucrum facerent, videlicet profectum & augmentum Regni Domini sui. Per *bona*, quæ inferius vocantur *Talenta*, quidam intelligunt etiam naturale ingenium, cæteraque naturalia dona, ut Aug. lib. de vera Relig. c. 54. & Ambr. in Luc. sed ut apparet, nimis diffusè; nam agi videtur hic de bonis, quæ Christus propriè dat servis, id est, fidelibus suis; neque illa naturalia dantur secundum propriam virtutem, ut est v. 15. Alij etiam intelligunt gratias gratum facientes, & comprehendunt charitatem cum fide & spe, dona timoris, fortitudinis &c. Sed nec illa dantur secundum propriam virtutem; & v. 27. convincit agi de donis, quæ in alios expenduntur. Itaque quamvis ad quælibet hujusmodi dona quâdam affinitate hæc parabola extendi possit, propriè tamen & directè per *Bona & Talenta* intelligi videntur ea dona, quas gratias gratis datas vocamus, quæ in utilitatem aliorum conferuntur, ut sunt autoritas, præfectura, sacerdotium, cujusmodi enumerat Apostolus ad Ephes. 4. v. 11. ut esse Apostolum, Prophetam, Evangelistam &c. & 1. ad Cor. 12. sermo sapientiæ, scientiæ, fides, operatio virtutum &c. ita Chrysost. & Hieron. hic, & indicat Justinus contra Triphonem & Nazian. Orat. 26.

15. \* *Et uni dedit quin. talenta*, scilicet auri vel argenti, de quo vide dicta c. 18. v. 24. \* *Alii autem duo, alii unum*. Super qua numeri diversitate multi diversa philosophati sunt; sed revera nihil aliud significari videtur, nisi varia esse dona Christi, nec omnibus æqualia committi, sed uni plurima, aliis pauciora, aliis paucissima & minima: \* *unicuique secundum propriam virtutem*, Græcè *ὡς αὐτοῖς*, id est, juxta potestatem seu vires, ut Hieron. nempe naturales vel supernaturales: hoc est, non temerè ea dedit, sed prout videt quemque esse idoneum, peritum & industrium ad utendum, per quod non meritum donorum illorum, sed capacitas tantum significatur, quam plerumque Christus attendere solet, ut conferendo autoritatem prædicandi, regendi &c. illis, qui per aliud ejus donum præstant prudentiâ, eloquentiâ vel scientiâ &c. Nam si qui fortè inepti in Ecclesia similem autoritatem obti-

15. Et uni dedit  
quinque talenta,  
alii autem duo,  
alii vero unum,  
unicuique secundum propriam  
virtutem, & profectus est statim



nent, non tam eis Christus illam suâ voluntate dedit, quam ipsi sibi eam importunitate rapuerunt. \* *Et profectus est statim*, ut absente Domino magis uniuscujusque libertas ac diligentia quasi extra oculos Domini probaretur.

16. Abiit autem qui quinque talenta acceperat, & operatus est in eis, & lucratus est alia quinque.

16. \* *Abiit autem qui quinque acceperat & operatus est in eis*, id est, negotiari cœpit per ea, seu expendere dona Christi in salutem proximorum, & gloriam Domini sui, \* *& lucratus est alia quinque*, id est, duplum, quod in rationibus mercatoris maximum lucrum est, q. d. insigni diligentia atque industria donis usus est, ita ut fructum proferret uberrimum.

17. Similiter & qui duo acceperat, lucratus est alia duo.

17. \* *Similiter & qui duo acceperat*: nam & mediocribus donis præditi, imò & minimis, possunt summum fructum facere, pro modulo doni sibi concessi.

18. Qui autem unum acceperat, abiens fodit in terram, & abscondit pecuniam Domini sui.

18. \* *Qui tantum unum acceperat, Abiens fodit in terram*. Apud Luc. dicitur ligasse in sudario, per quæ duo Aug. loco cit. intelligit terrenis voluptatibus vel delicatis ac superfluis rebus involutum gerere; quod videtur ad allegoriam accedere: nam ex exprobratione Domini v. 27. colligitur, nihil aliud esse, quàm ex pusillanimitate vel inertia otiosum habere, seu gratiam Dei in vacuum accipere, ut loquitur Paulus 2. Cor. 6. nempe donum Dei ad negotiationem salutis aliorum & gloriæ Domini promovendæ non producere, cum deberent. Quamquam enim etiam lucrari duplum possit, qui unum talentum accepit, & otiosi ille, qui quinque; exempli tamen causâ ista ponuntur, ut inde intelligatur, quantò magis improbandus sit, si ille qui quinque talenta vel duo acceperit, defodiat, & probandus qui unum, id est, minima accepit, illud tamen lucrando duplicaverit.

19. Post multum vero temporis venit Dominus illorum, & posuit rationem cum eis.

19. \* *Post multum vero temporis*, præsentis videlicet totius sæculi decursus, insinuatur enim tempus à Christi ascensione, inquit Hieron. usque ad iudicium, & simul longanimitas Domini expectantis. \* *Venit Dominus & posuit rationem cum eis*: nam, ut Greg. hom. 9. in Evang. cum augentur dona, rationes etiam crescunt donorum. Cui enim multum datum est, multum petetur ab eo. Eâ quippe lege data esse indicat hîc apertè Christus, ut non sint simpliciter nostra, sed ut eorum reddenda sit ratio.

20. Et accedens qui quinque talenta acceperat, obtulit alia quinque talenta dicens: Domine, quinque talenta tradidisti mihi: ecce alia quinque superlucratus sum.

20. & 21. \* *Et accedens &c. Ait Dominus*, tam ei, qui alia duo quàm qui alia quinque, præter accepta, superlucratus fuerat: \* *Euge serve bone*: Græcè *εὖ*, Benè, & Rectè; unde Latinum *Euge* formatum est, vox laudantis & congratulantis de bene functo officio: \* *& fidelis*, (&) exegeticum est, q. d. bone in eo, quia fuisti fidelis, non tua scilicet, sed Domini lucrum quærens, \* *super pauca*, quæ tuæ fidei concredita fuerant.

rant. Nam dona quamvis maxima sint & plurima hujus vitæ, comparatione futurorum, inquit Hieron. parva & pauca sunt. \* *Super multa te constituam*, quod supra c. 24. v. 47. dixerat, *super omnia bona sua constituet eum*, administranda scilicet & possidenda: erit enim coheres Christi, & heres Dei, id est, infiniti boni & gaudii ejus. Unde explicans id, quod dixerat, addidit: \* *Intra in gaudium Domini tui*, id est, sis ejusdem gaudii particeps cum Domino tuo; & consequenter ejusdem possessor regni, gloriæ & affluentiae; nam gaudium est quies animi de possessio bono: unde hoc verbo, ut vult Chrysost. universam beatitudinem significat. Observat autem Aug. tract. 25. in Joan. dictum esse, *intra*, quia intus in animo est magnum penetrabile, & dulce secretum, sine tædio, sine amaritudine multarum cogitationum, sine interpellatione tentationum ac dolorum, ubi de isto intimo secretissimoque bono gaudetur. Adde, intrari, quia Deus major est corde nostro. Qui autem unum acceperat, ait:

24. \* *Domine scio, quia homo durus es*: id est, noveram te esse severissimum in exigendis iis, quæ tibi quoquo modo deberi putas, imò quasi raptorem eorum, quæ non debentur, quia \* *metis, ubi non seminasti &c.* & consequenter ubi nihil tuum est. Videtur enim adagium fuisse, de hominibus avarissimis, quibus bonus est odor lucri ex re qualibet. Depingitur autem hîc symbolicè excusatio multorum, qui pigritiæ suæ causam tum hîc tum in futuro judicio in Deum conjicient, ut quoddam Deus nimis severus & intractabilis sit, cui sit servire difficile; qui reprobet, quos voluerit; qui graviora jubeat, quàm imbecilla hominis natura ferat; qui gratiam obediendi neget, & ita vult metere, ubi non seminavit, & similia.

25. Hâc itaque indole tuâ consideratâ, \* *timens*, varios negotiandi casus, ne fortè scilicet vel nihil assequendo lucri, vel minus, quàm speres, vel ipsam sortem amittendo te offenderem, \* *abscondi talentum tuum in terra*, ut tibi sine periculis totam sortem tuam salvam servarem, id est, nolui mihi rem esse cum tua negotiatione tam periculosâ. \* *Ecce habes quod tuum est*: q. d. Non habes quod de me conqueraris, aut amplius postules.

26. \* *Respondens autem Dominus, dixit ei: serve male*, in calumniando & accusando Domino tuo, ut te excuses, \* *& piger*, in negotiando, \* *sciebas quia moto ubi non semino &c.* id est, si noveras duritiam & avaritiam illam meam, ut metam, ubi non seminavi, quare non istiusmodi cogitatio, inquit Hieronymus, tibi incussit timorem, ut scires & vereris, me mea multò diligentius repetiturum, nempe exigendo id à te, quod tibi ad erogandum aliis, id est, ad negotiandum, dederam? Loquitur

21. Ait illi Dominus ejus: euge serve bone & fidelis, quia super pauca fuisti fidelis, super multa te constituam, intra in gaudium Domini tui.

22. Accessit autem & qui duo talenta acceperat & ait: Domine, duo talenta tradidisti mihi, ecce alia duo lucratus sum.

23. Ait illi Dominus ejus: euge serve bone, & fidelis, quia super pauca fuisti fidelis, super multa te constituam, intra in gaudium Domini tui.

24. Accedens autem & qui unum talentum acceperat, ait: Domine, scio quia homo durus es, metis ubi non seminasti & congregas ubi non sparsisti:

25. Et timens abii, & abscondi talentum tuum in terra, ecce habes quod tuum est.

26. Respondens autem Dominus ejus, dixit ei: serve male & piger, sciebas quia moto ubi non semino, & congrego ubi non sparsi:



quitur enim non quasi concederet, calumniam esse veram, sed juxta opinionem servi retorquet argumentum. Unde in simili parabola apud Luc. 19. v. 22. dicitur, *De ore tuo te judico, serve nequam.*

27. Oportuit ergo recommittere pecuniam meam nummulariis, & veniens ego recepissem utique quod meum est cum usura,

27. \* *Oportuit ergo* : q. d. Si meto, ubi non semino, quanto magis metere volo ubi seminavi, dando tibi pecuniam meam, ut per te cresceret. \* *Oportuit ergo te committere pecuniam meam nummulariis*, id est sceneratoribus, qui nummos accipiunt ab hominibus pecuniosis, promissio certo lucro, ut eos aliis mutuando multò plura lucrentur. Est autem via ista lucrandi tutissima & facillima : unde taxatur hic servus, quòd ne tantillam quidem industriam adhibuerit ac tentaverit, ad ferendum aliquid lucri, v. g. proximos monendo, consulendo, fraternè corripiendo, &c. Sed quia homines dicere solent, non obtemperassent mihi, nihil profecissem, & similia, respondet Dominus, nihil hoc ad te, tuum erat pecuniam meam, aliis credere. \* *Et veniens ego*, reversus scilicet peregrinè ad audiendas omnium rationes, \* *recepissem utique*, seu recuperassem à sceneratoribus id, \* *quod meum erat cum usura*, hoc est lucro.

28. Tollite itaque ab eo talentum, & date ei qui habet decem talenta :

28. \* *Tollite itaque ab eo talentum*, omnibus Spiritùs S. donis eum spoliando, \* *& date*, similia dona non jam ad fructificandum in aliis, sed ad gaudii, honoris, & gloriæ cumulum, \* *ei, qui habet decem talenta* : sic enim Sancti in cælo omnis generis dotibus fulgebunt, ut omnia reproborum dona in ipsos transfusa videantur. Hic ergò non tam verbis, quàm rebus ipsis refutat calumniam servi pigri, dum neque talentum seu sortem, neque lucrum cujusquam servi in suam, sed in ipsorum salutem & gloriam vertit.

29. Omni enim habenti dabitur, & abundabit : ei autem qui non habet, & quod videtur habere, auferetur ab eo.

29. \* *Omni enim habenti*, id, quod debet habere; sub quo hic propriè usus bonus donorum Dei intelligitur. Unde Aug. *Omni habenti*, inquit, id est, benè utenti id, quod habet, \* *dabitur* adhuc amplius remunerationis loco, \* *& abundabit &c.* Vide dicta c. 13. v. 12. De tenebris verò exterioribus, fletu, & stridore servi inutilis seu otiosi, id est, qui propter solam inertiam, seu negligentiam utendi donis Dei sibi concessis, reprobatus est vide c. 8. v. 12.

30. Et inutilem servum ejicere in tenebras exteriores : illic erit fletus, & stridor dentium.

31. Cum autem venerit Filius hominis in majestate sua, & omnes angeli cum eo, tunc sedebit super sedem majestatis suæ :

31. \* *Cum autem venerit Filius hominis*. Hic jam incipit gratificè & magnificè depingere ipsam formam, quâ cum servis supradictis rationem positurus est, hoc est, ipsum illum adventum & judicium describere, ad cujus perpetuam expectationem variis parabolis vigilantiam nostram excitaverat. Cum ergo venerit, seu apparuerit mundo, *Filius hominis*; eadem scilicet hominis formâ, quâ nunc apparet contemptilis, sed tunc \* *in majestate sua* : Græcè *ἐν τῇ δόξῃ*, in gloria, quæ ei tanquam Filio Dei debetur : \* *& omnes Angeli*, omnes omninò, cælis evacuatis, inquit

inquit Chrysoſt. idque viſibili formâ , ut ſuprà ex Greg. audivimus ,  
*\* cum eo* , partim honoris , partim miniſterii , partim teſtimonii cauſâ  
 de geſtis hominum , quibus adminiſtratorii ſpiritus fuerunt. Poſt bi-  
 dum ergò Paſcha facturus & paſſurus , præmittit gloriam trium-  
 phantis , ut animos diſcipulorum tacitè præmuniret & ſcandalum cru-  
 cis compenſaret , ut notat Hierôn. *\* Tunc referendum hoc ad omnia*  
*ſequentia, ſedebit, congregabuntur, ſeparabit, ſtatuet &c. \* Sedebit ſuper*  
*ſedem majeſtatis ſuæ:* Græcè *ἔτι θρόνῳ δόξης αὐτοῦ*, ſuper thronum gloriæ ſuæ,  
 id eſt, glorioſum & regium tribunal, quod jam nemo contemnat. Hanc  
 ſedem Orig. vult eſſe Sanctorum virtutes : Author oper. imperf. &  
 Beda Eccleſiam jam gloriſicam : alii Angelos , qui peculiariter di-  
 cuntur *throni* ; quæ omnia ad allegoriam videntur accedere. Rectius  
 fortaſſe nubes illuſtriſſima & gloria , cum qua venturus promiſſus  
 eſt, & per quam olim Deus majeſtatem ſuam declarare ſolebat.

32. *\* Et congregabuntur ante eum* : in locum ergò definitum , contra  
 Orig. nam ſi ſparſi per mundum remanent, non congregantur. Locum  
 iſtum Hilar. Can. 23. putat eſſe paſſionis , alii aſcenſionis , montem  
 ſcilicet Olivarum , ex Zachar. 14. v. 4. qui fortè de alia re loquitur:  
 alii vallem Joſaphat , ex Joëlis 10. v. 2. & 12. ubi certum eſt de judi-  
 cio agi. Sed revera omnes iſti conveniunt : nam inter montem Oliva-  
 rum & Calvariæ vallis Joſaphat & antiqua Jeruſalem interjecta eſt ;  
 ita ut iudice ſuper montem Olivarum, unde deſcendit, iterum aſcen-  
 dente , vallis iſta Joſaphat & Jeruſalem & mons Calvariæ in conſpectu  
 ſint ; vallis autem Gehennon , quæ inferni eſt typus , ad ſiniſtram.  
 Neque quemquam anguſtia loci moveat : electi enim rapiuntur ob-  
 viam Chriſto in æra , reliqui erunt in illa valle in circuitu, ut dicitur  
 citato cap. 3. Joëlis v. 12. ut Jeruſalem ſit teſtis prædicationis, mons  
 Calvariæ Paſſionis , Olivæti aſcenſionis , loca in circuitu laborioſæ  
 converſationis. *\* Omnes gentes* , ita ut comprehendat etiam omnium  
 gentium & ætatum homines ; contra aliquos , qui ſolos Chriſtianos  
 iudicandos putarunt. *\* Et ſeparabit eos ab invicem* ; non gentes inte-  
 gras , quod præceſſit , ſed homines ſingularum gentium , miniſterio  
 ſcilicet Angelorum , ut c. 13. v. 49. *\* ſicut paſtor* , veſperi reverſus ab  
 agro , *\* ſegregat oves ab hædis* , qui mixtim toto die in agro, ſicut boni  
 & mali in mundo , paſti fuerant , ut tunc tandem in diverſis ſtabulis  
 colocentur.

33. *\* Et ſtatuet, oves quidem à dextris, & hædos à ſiniſtris* : id eſt ,  
 illos loco honoratori , hos abjectiori , quicumque ille locus fuerit.  
 Nam cum Paulus ſit teſtis electos in æra rapiendos , veriſimile eſt,  
 reprobos in terra manſuros. Porro *Oves* vocantur boni ſive electi ,  
 propter

32. Et congrega-  
 buntur ante eum  
 omnes gentes, &  
 ſeparabit eos ab  
 invicem, ſicut  
 paſtor ſegregat  
 oves ab hædis :

33. Et ſtatuet  
 oves, quidem à  
 dextris ſuis hæ-  
 dos autem à ſi-  
 niſtris.



propter mansuetudinem, patientiam, simplicitatem, & innocentiam; ut Chrysost. item propter fructum, quem adferunt, ut Hilar. & Theophyl. *Hædi* verò reprobī, ut idem Chrysost. propter libidinem, quā fervent, præ cæteris animalibus, propter rixas, itemque gulam, ob quam non rectā viā, sed per præcipitia solent incedere: adde in primis, propter foetorem & immunditiam vitæ.

34. Tunc dicit Rex his, qui à dextris ejus erūt: venite benedicti Patris mei, possidetis paratum vobis regnum à constitutione mundi.

34. \* *Tunc dicit Rex.* Ante descriptam majestatem se Filium hominis dixerat, nunc Regem, quia Regis est regnum donare, & ab eo proscribere, salvare ac damnare. Ac primò quidem dicit, \* *his, qui à dextris ejus erunt*, quia spontè benefacit, invitatus punit; ideo prior ad salvandum, quàm damnandum. \* *Venite*, id est, mihi vos jungite, æterni regni jam possessori; invitatio est enim teneri affectus & favoris, \* *benedicti Patris mei*, seu à Patre meo, ad quem omnia sua Christus referre solet, hoc est, quibus benedixit Pater meus; cujus benedicere non est aliud quàm benefacere. Datur enim tacita ratio, cur ad se venire, & ad regnum possidendum invitentur, nempe amor & favor Dei Patris, qui author fuit & electionis & prædestinationis, & beneficæ benedictionis ipsorum, sive omnium beneficiorum, quibus ad salutem perducti sunt. \* *Possidete*, Græcè κληρονομήσατε, hereditate seu hereditario jure & stabiliter accipite: nempe ut Chrysostomus, quasi proprium, quasi paternum, quasi vestrum, ut filii Patris, heredes ejus, coheredes mei, qui titulus hereditatis in filiis adoptivis nullo modo excludit merita. \* *Paratum vobis*, seu præparatum, id est, prædestinatum, non quodlibet bonum, sed \* *regnum cælorum*, cujus complexu tota beatitudo comprehenditur: regnum, inquam, non nuper paratum, sed \* *à constitutione mundi*. Apostolus nos electos dicit, ad Ephes. 1: ante constitutionem mundi: plus ergò significat quàm dicit, ut scilicet per longissimum rei creatæ spatium æternitatem captui hominis infirmo insinuet.

35. Esurivi enim & dedistis mihi manducare: sitivi & dedistis mihi bibere: hospes eram, & collegistis me:

35. \* *Esurivi enim.* Causa datur non verbi, *paratum*, sed *possidete*, id est, non præparati seu prædestinati regni; neque enim propter opera eis prædestinatum fuit: sed jam jam possidendi, quia propter opera velut merita electis reipsa regnum conferetur. Quem esse hujus loci sensum probat manifestè v. 41. & 42. ubi similiter propter opera reipsa reprobī damnabuntur. Cum ergò præparatio regni, seu prædestinatio sit causa benedictionis divinæ, & bonorum operum seu meritum, sensus videtur huc redire: Regnum, quod vobis ab æterno prædestinatum fuit, reipsa jam occupate, eo quòd curaveritis, ut isti prædestinationi divinæ, bonis moribus & operibus responderetis, & aptaremini, seu, ut S. Petrus dicit, quia satis egistis, ut per bona opera

opera certam vestram electionem faceretis. Itaque *Esurivi*, in membris meis. Tota enim Ecclesia, & Christus tanquam caput ejus, unum est completum corpus, in quo fit capiti, quod corpori fit, & contrà. Quod Aug. explicat similitudine corporis humani, ubi si pes calcatur, lingua clamat, calcas me. Hinc Paulo Christus, Ecclesiam seu corpus ejus persequenti, *Quid me persequeris?* \* *Et dedistis mihi*, Regi vestro, fame presso, \* *manducare*: tacitè enim datur ratio, cur hujusmodi opera tantum præmium, regnum scilicet mereantur, quia tanto Regi istius regni facta sunt: nempe non solum, quia intuitu ejus facta sunt, sed ipsimet in membris ejus: in quo mirabilis elucet benignitas Dei. Exprimit enim hic Christus unam tantum speciem bonorum operum, scilicet misericordiæ, loco omnium, quemadmodum in exemplis fieri solet. Non enim erit una omninò causa salutis vel perditionis omnium, quemadmodum jam suprà patuit ex parabola de talentorum usu vel neglectu; sed diversa diversorum, quæ Christo sive pronuntiante, sive revelante ab omnibus respectu singulorum cognoscetur. Fiet enim, inquit Aug. lib. 20. de Civit. cap. 14. virtute divinà, ut cuique opera sua, vel bona vel mala, cuncta in memoriam revocentur, & mentis intuitu mirà celeritate cernantur, ut accuset vel excuset scientia conscientiam. Et hoc sensu Apoc. 20. v. 12. dicuntur libri aperti. Sed quare ista species operum præ cæteris hic exprimitur? Partim, quia opera dilectionis proximi & facilia sunt, & obvia, & ad omnes omninò fideles spectant, quibus inculcanda erant; nam hac etiam de causa solorum fidelium judicium descriptum est: partim ut inde colligeremus, quanto præmio opera sublimiora remuneranda sint: partim denique, juxta Aug. in quodam serm. de eleëmof. quia, ut Scriptura dicit, *Judicium sine misericordia ei, qui non fecit misericordiam*. Nulli enim ibant in regnum, inquit, quia non peccarunt, sed quia peccata sua redemerunt eleëmofynis. \* *Hospes eram*, id est, peregrinus sine domicilio in terra aliena, \* *& collegistis me*, id est, in hospitium induxistis:

36. \* *In carcere eram, & venistis ad me*, sive ad redimendum, sive saltem ad consolandum. Ad hæc dilectionis opera reducenda sunt alia multa, quæ Christus non expressit, sive corporalia, ut sepelire mortuos, sive spiritualia.

37. \* *Tunc respondebunt ei justi*: illi maximè, qui Christum nunquam in carne viderunt. Respondebunt autem non tam ore, quàm animo, quia visâ tantâ judicis humanitate, quem nisi his verbis edocti nunquam fuissent ausi sibi arrogare, incidet eis in mentem cogitatio de re tam insolitæ veritate. Similiter quoque uniuscujusque cogitationi,

36. Nudus, & cooperuisti me: infirmus & visitasti me, in carcere eram, & venistis ad me.

37. Tunc respondebunt ei justi, dicentes Domine, quando te vidimus esuriem, & pavimus te: sitientem, & dedimus tibi potum?



38. Quando autem te vidimus hospitem & col legimus te : aut nudum , & coo- peruimus te ;

39. Aut quando te vidimus infirmum , aut in carcere , & venimus ad te ?

40. Et respondens rex dicit illis : Amen dico vobis , quamdiu fecistis uni ex his fratribus meis minimis , mihi fecistis.

40. \* Respondens rex dicit &c. quamdiu, Græcè ἐφ' ὅσον, in quantum seu quatenus, \* fecistis uni ex fratribus meis, utpote filiis quoque Dei, licet adoptatis, \* minimis, utpotè pauperibus, & qui propter inopiam atque afflictionem tali subsidio indiguerunt. Quos minimos vocat, ut Orig. notat, tum quòd in oculis suis essent humilitate minimi; tum quòd mundo etiam Christiano despecti. Ubi meritò ponderat Author oper. imperf. extremam Christi benevolentiam, qui etiam in throno suæ Majestatis sedens contra mores hujus mundi non erubescit pauperes non modo pro suis, sed & pro fratribus agnoscere. \* Mihi fecistis, id est, perinde habeo, ac si mihi esset factum indigenti; imo mihi, quia intuitu meo & membro meo. Docet enim his verbis tacitè, quâ consideratione eleëmofynæ nostræ fieri debeant pauperi, & animus ad eas excitari, nempe considerando afflictum non modo tanquam pauperem, sed tanquam Christianum, filium Dei, fratrem & membrum Christi, sicut suprà diximus c. 18. v. 5. in nomine meo, & c. 10. v. 42. in nomine discipuli, & hîc mihi.

41. Tunc dicit & his, qui à sinistris erunt: Amen dico vobis, quia maledicti in ignem æternum, qui parati sunt diabolo, & angelis ejus.

41. \* Tunc dicit & his, qui à sinistris erunt: post absolutam pro electis sententiam, quibus dixerat, \* venite, dicit reprobis: \* disceditè à me, qui sum iustitia, vita, salus, beatitudo, summum bonum; disceditè videlicet tanquam mihi prorsus dissimiles: quos ut Author operis imperf. propter immunditiam & horrorem vix tamdiu sustineam, quamdiu in judicio meo statis. His ergo verbis pœna damni infligitur; sequentibus pœna sensus. \* Maledicti: non addit \* Patris mei, sicut iusti dixerat, quia maledictionis, ut Chrysost. & Orig. notant, author non est Deus, sed uniuscujusque improbitas, \* in ignem æternum, id est, supplicium ignis nullo fine terminandum, prout fides habet & Aug. defendit adversus errorem Originis & Priscillianistarum, lib. adversus illos scripto c. 5. & 6. & patet hic ex v. ult. Nomine ignis, tanquam efficacissimæ & summopere penetrantis activitatis, omnes omninò pœnæ sensibiles comprehenduntur. \* Qui paratus est, non hominibus aut vobis, sed \* diabolo, omnium reproborum spirituum principi Luciferi puniendo, \* & angelis ejus, dæmonibus cæteris, qui Angeli ejus vocantur, tum quòd ab eo seducti, apostatanti à Deo inhæserunt, tum quòd in eos veluti natura & improbitate subditos imperium tenet, eis utens, velut ministris ad hominum perditionem. Diabolo autem & Angelis ejus, non hominibus, paratum ignem dicit, quia ante peccatum, imò creationem hominis, diabolo puniendo paratus fuit: homini verò non nisi consequenter, & post contemptam pœnitentiam, quia se perseveranter diaboli consortem fecit. Itaque continetur his verbis gravis exprobratio, quod scilicet contemptâ salute, per Evangelium

gelium suum oblatâ, diabolo ad ignem damnato potius, quam sibi adhærere maluerint, cùm tamen ipsis licet peccantibus iterum regnum suum obtulisset.

42. \* *Esurivi enim & non dedistis &c.* Sola peccata omissionis, & quidem operum charitatis eis imputat: idque partim, quia illa à plebisque parvi fieri, imò nec peccata haberi solent: unde, ut Aug. in quodam serm. de eleëmof. tacitè sensus est: non pro criminibus tantum, quæ & vos agnoscitis, vos condemno, sed etiam quia *esurivi, & non dedistis mihi manducare*: partim quia, ut ibid. notat, per illa opera multi liberari potuissent, aliorum peccatorum rei, si eleëmofynis ea redemissent: partim denique, quia sub illis facilè graviora commissionis peccata, & iudicium eorum intelligi potest. Quam enim spem habere possunt, qui mala faciunt, quando illi perituri sunt, qui bona non faciunt? Ut Aug. serm. 38. de Sanctis.

44. \* *Tunc*, cùm longè aliter sentient sua opera & non opera ponderari, quam cogitaverant, & se etiam contempti ipsius iudicis argui, \* *respondebunt & ipsi: Domine, quando te vidimus &c.* Respondebunt hoc ex inveterata illa superbia, videlicet non tam discendi, quàm negandi causa; neque tam se excusando, quàm iudicem accusando, quasi immeritò hoc scelus illis imputantem. Unde Author operis imperf. in iudicio stant, & adhuc peccare non cessant. Utrique ergò & electi & reprobi dicunt eadem verba, sed dispari affectu. Utraque enim & humilitas & arrogantia putat se non fecisse, quod fecit: illa enim bonorum suorum ignara est, hæc malorum.

46. \* *Et, id est, itaque, ibunt hi*: q. d. Itaque istæ sententiæ iudicis non inanes erunt, sed nulla pœnitentia mutandæ, nulla appellatione suspendendæ, mox sortientur effectum suum, ut hi eant \* *in supplicium æternum*: Græcè κόλασιν, quod propriè non ignem, vel rem affligentem, sed ipsam afflictionem, pœnam, aut cruciatum denotat: unde Aug. serm. 14. de verbis Apostoli, & libro de Spiritu & littera c. 33. legit *ambustionem*. Significatur ergo isto verbo, ut idem notat lib. de fide & operibus c. 15. ubi legit *combustionem*, non solum locum supplicii, vel ignem, sed ipsam operationem ignis æternam in eos futuram, quotquot à sinistris fuerint. Unde sicut ille refutat illos, qui putabant aliquos, v. g. parvulos in ignem quidem vel locum ignis æterni ituros, ita tamen ut ab illo non affligantur, ut ita æternitas ipsius cruciatus enervetur. \* *Iusti autem in vitam æternam*, sine fine felicem, ut exponit Aug. l. 6. de civ. c. ult. Nam si anima vivit in pœnis æternis, mors potius illa est dicenda, quam vita: nulla quippe major & pejor est mors, quam ubi non moritur mors. Cùm autem anima, quia immor-

42. Esurivi enim & non dedistis mihi manducare: sitivi, & non dedistis mihi potum:

43. Hospes eram, & non collegistis me: nudus, & non cooperuistis me: infirmus, & in carcere, & non visitastis me,

44. Tunc respondunt ei & ipsi, dicentes: Domine, quando te vidimus esurientem, aut sitientem, aut hospitalem, aut nudum, aut infirmum, aut in carcere, & non ministravimus tibi?

45. Tunc respondit illis dicens: Amen dico vobis: quando non fecistis uni de minimis his: nec mihi fecistis.

46. Et ibunt hi in supplicium æternum; iusti autem in vitam æternam.



talís, sine qualicumque vita etiam in pœnis esse non possit, summa mors ejus est alienatio à vita Dei in æternitate supplicii, prout ibidem explicat Augustinus. Unde ipsa beatitudo æterna creaturæ rationalis, vocatur vita æterna, phrasi Scripturis propria, ut idem tradit l. 14. de civit. c. 11. Hac ergo sententia sicut explicat, quid sit regnum illud Sanctis paratum, scilicet vita æterna, ita & quid sit ignis diabolo paratus, scilicet supplicium seu cruciatus. Utrumque autem perinde æternum dici, notat Aug. cap. 6. contra Priscillianistas & Origenistas erga diabolum misericordes, ne, inquit, cum diaboli pœnas dolemus, etiam de regno Christi dubitemus. Si enim falsa iminatus est Christus, ut ab injustitia corrigeret, etiam falsa pollicitus est, ut ad justitiam provocaret, sicut addit Greg. 4. Dialog. c. 44. Quomodo autem possint damnati esse in perpetuis ignis pœnis, & tamen semper vivere, vide Aug. explicantem lib. 21. de civit. cap. 3.

## CAPUT VIGESIMUMSEXTUM.

1. Et factum est cum consummasset Jesus sermones hos omnes, dixit discipulis suis:

2. Scitis quia post biduum Pascha fiet, & filius hominis tradetur ut crucifigatur.

I. \* **C**um consummasset Jesus sermones hos omnes, de excidio templi, Curbis, orbis, suoque adventu & judicio: quanquam non desint, qui omnes sermones hactenus in hoc libro scriptos intelligant, ut indicetur Christum hactenus egisse doctoris officium, nunc aggredi redemptoris: dixit: \* *Scitis quia post biduum Pascha fiet*, scilicet prima dies Azymorum, ut ex Marco patet, tanquam festum omnibus publicè notum. Dixerat autem Christus præcedentes sermones jam egressus Jerosolymis sub vespere; igitur in fine feriæ tertiæ. Post illam sequitur biduum ante Pascha, feria scilicet quarta & quinta, in cujus fine agnus immolabatur, & sequebatur eam feria sexta, solemnissimus Paschatis dies. *Pascha* vox est Chaldaica, quæ Hebraicè פסח, *Pesach* dicitur, id est, *transitus*, seu potius *transfultus*, à פסח *Pasach*, *transfilire*. Hinc illa vox propriè & ante omnia significat illum transitum seu transfultum, quo Angelus percutiens primogenita, domos Hebræorum sparsim positas, & illitas agni sanguine, transfiliebat, & irruebat in domos Egyptiorum: ista enim ratio redditur Exod. 12. v. 23. Inde transtertur ad significandum ipsum agnum Paschalem, veluti victimam illius transitus, ut ibidem v. 31. & 34. & Lucæ 22. v. 7. diem, in qua necesse erat occidi Pascha, & ulterius diem festum in memoriam transitus institutum, ut hoc loco, sicut patet ex Lucæ 22. v. 1. denique significat varias hostias, illo & sequentibus diebus immolandas, ut patet Deut. 16. v. 2. \* *Et Filius hominis*, illo die, \* *tradetur* Gentibus, à Judæis, sicut jam aliquoties prædixerat, ut c. 20. v. 19. quamvis & traditio Judæ hinc intelligi possit. In primo sensu illud, \* *ut*

cruci-

*crucifigatur*, significat finem, in secundo tantum eventum. Hæc ergo prædictione, etiam diei passionis suæ præmunit discipulos, ne scandalo crucis turbarentur; ne putarent eum rerum remotissimarum esse conscius, & sibi impendentium ignarum; ne suspicarentur eum invitum pati, sed potius scirent eo se occidendum die, quo ipsemet vellet, non quo Judæi vellent, cum ipsi diem istum studiosè vitarent, ut sequitur v. 5.

3. \* *Tunc*, nempe sub idem tempus, quo mortem prædixit; hoc enim Concilium Sacerdotum congregatum fuisse contra Christum postridiè mane seu feriâ quartâ sequente tradit Aug. epist. 86. in fine. Itaque tunc vehementius irritati præcedentibus ejus concionibus, \* *congregati sunt Principes Sacerdotum*, id est, Primarii Sacerdotum, de quibus diximus c. 2. v. 4. \* *& seniores populi*, qui populum judicabant, & regabant in civilibus. Marc. & Lucas addunt, *Scribas*, id est, Legis peritos ac Doctores. Ex quibus omnibus constitisse videtur magnum illud synedrion, penes quod erat summum judicium apud eos de religione, præsidente summo Pontifice. Unde hîc additur, \* *in atrium*, Græcè *εἰς τὴν αὐλὴν*, in aulam. Atrium tamen propriè significat locum subdiale, Latini *Cortem* dicunt, in ipso aditu domus, ut patet v. 69. quamvis hîc synecdochicè posset pro ipsis ædibus sumi. \* *Principis Sacerdotum*, id est, *Summi Pontificis*: \* *qui dicebatur*, cognomine, \* *Caïphas*, vel *Caiaphas*, ut eum nominat Josephus l. 18. Antiq. c. 3. ubi dicit nomen ejus fuisse vocatum Josephum Caiapham, qui Pontificatum acceperat à Valerio Grato Judææ Præside.

4. \* *Et concilium fecerunt*, seu ceperunt unanimi consensu, \* *ut Jesum dolo tenerent*, id est, per insidias & fraudulenter, atque infcio populo caperent. Causam dat Lucas, *quia timebant plebem*, ne, si apertâ vi eum caperent, seditio populi Jesu faventis contra se oriretur. Jam enim aliquoties conati fuerant eum palàm apprehendere, imò mandatum dederant. Joan. 11. v. 46. sed res non successerat. \* *Et occiderent*, etiam palàm tempore opportuno.

5. Eodem itaque timore plebis, \* *dicebant*, id est, statuebant, & concludebant etiam hoc: \* *non in die festo*, supple, occidatur; nam de clancularia captione non ita erant solliciti: Græcè est *μὴ ἐν ἑορτῇ*, *Non in die festo*, scilicet Paschæ jam instante, sub quo potissimum intelligitur prima dies Azymorum, tum quia solemnissima, tum quia maximè à populo frequentata. Cæteri dies usque ad septimam non erant populo festi: quamquam non male intelligi possunt omnes dies Paschales, quoderat unum festum septem diebus durans, ultra quod volebant rem totam differri. Simili modo servavit Herodes Petrum, volens.

3. Tunc congregati sunt principes Sacerdotum, & seniores populi in atrium Principis Sacerdotum, qui dicebatur Caïphas:

4. Et concilium fecerunt ut Jesum dolo tenerent, & occiderent.

5. Dicebant autem: non in die festo, ne fortè tumultus fieret in populo.



volens post Pascha producere eum populo, Actor. 12. v. 3. & 4. \* *Ne forte tumultus fieret, Græcè ἐνστάς, stat* : & sic appositè sunt verba Judæorum. Noster vertendo, *fieret*, accepit tanquam verba Evangelistæ. \* *In populo*, adversum se concitato : sciebant enim multos in eum credere, multos ut Prophetam, ut benefactorem venerari, vix quemquam ei adversari, multos ex Galilæa ejus patria confluxuros ; denique verebantur, ne facinoris istius fœditas die illo festo commissa, quo noxiù solebant dimitti, populo displiceret. Adde tantam fuisse pronitatem Judæorum ad seditiones in festo Paschatis, ut Josephus testetur in hujusmodi solemnitatibus Romanos fuisse militarem manum adhibere solitos, ut tumultus populares impedirent. Itaque his verbis indicant, nisi timuissent populum, nihil veritos fuisse etiam in eundem diem Paschatis cædem ejus decernere, sicut & paulò post, oblatà opportunitate Judæ proditoris, & metu populi velut inani evanescente, re ipsâ factum est : Deo videlicet, non ipsis, eligente diem, horam, locum, modum, quibus illa victima debebat cædi.

6. Cùm autem  
Jesus esset in Bethania in domo  
Simonis leprosi,

6. \* *Cùm autem Jesus esset in Bethania*, vico Mariæ Magdalenæ & Lazari, ubi hospitari solebat, ultra montem Oliveti, ad radicēs ejus, ut suprà, \* *in domo Simonis Leprosi* : ita cognominati non à lepra, quàm jam tum laboraret ; quia propter immunditiam non potuisset cum populo versari, nec populus cum ipso : sed quia fortassis à lepra sanatus fuerat, vel eâ ipse, vel aliquis ex majoribus laboraverat. Nam hujusmodi nomina, ut *Rufus, Niger, Barbatus, &c.* imponi solent etiam posteris familiæ ab aliquo progenitore. Porro Matthæus non sequitur hîc ordinem temporis & historiæ ; constat enim ex Joan. 12. ubi eadem historia narratur, contigisse hoc ante triduum, hoc est, quinque vel sex diebus ante Pascha. Redit igitur Matthæus ad id, quod prætermiserat, ut ita pateret, quàm ex occasione Jesus per Judam avarissimum proditus, ac dolo tentus, & consilio mutato in die festo occisus fuerit : liquet hoc ex v. 14.

7. Accessit ad  
eum mulier habens  
alabastrum unguenti  
pretiosi & effudit super  
caput ipsius recumbentis.

7. \* *Accessit ad eum mulier* ; Joan. c. 12. Mariam vocat, scilicet Magdalenam, sororem Lazari, qui simul mensæ accumbebat, & Martha, quæ suo more ministrabat. \* *In domo Simonis*, tanquam vel vicini, vel consanguinei, vel amici, vel, ut Joan. v. 2. insinuat communi omnium nomine parantis Domino solemnem cœnam, gratitudinis scilicet & amicitiae causâ : \* *habens alabastrum*, id est, pyxidem unguentariam ex alabastrite lapide : quem, inquit Plinius lib. 36. c. 8. in princ. cavant ad vasa unguentaria, quoniam optimè ea servare incorrupta dicitur. Unde Tullius 2. Academ. *Quibus etiam alabastrer plenus unguenti parere videtur.* Idem Plinius eit. lib. c. 7. scribit lapidem

dem illum vocari quoque Onychem, quia colorem & levitatem habet unguis humani. Unde illud Horatii lib. 4. Carm. Ode 12.

*Nardi parvus onyx eliciet cadum,*

scilicet vini à me, \* *unguenti*. Mixture est ex liquoribus herbarum odoriferis, cujusmodi multas mixturas tradit Plinius lib. 13. c. 1. v. 2. & 3. ubi scribit postea etiam spissa esse facta unguenta, ita ut lini, & non solum perfundi possent. Perfusio ista non maculabat, sicut nec aquæ rosaceæ & similium, eo quod non esset mixtum oleum, sed nudi liquores flagrantissimi, quibus utebantur, tum valetudinis causâ, tum potissimum ad luxum, ut loco cit. Plinius. \* *Pretiosi*, Græcè *βαπολινοῦ*, id est, *gravis pretii*: ubi simul videtur respici partim ad pondus ejus; erat enim, ut Joan. integra libra: partim ad pretium materiæ, unde constabat. Testis est autem Marcus, fuisse *Nardum spicatum*, id est, unguentum nardinum spicatum, seu ex spicarum nardi liquore factum. Non quod ex eo solo constaret, sed quod illa herba esset principalis in unguentis, ut loquitur Plinius lib. 12. cap. 12. ubi præstantissimum in nostro orbe nardum dicit esse Syriacum: cacumen ejus in aristas seu spicas se spargere, ideoque genuinâ dote nardi spicas & folia celebrari. Hinc ergo ortum est duplex *Nardum*, seu unguentum nardinum, scilicet *spicatum*, ex spicis nardi, quod præstantissimum erat, & *foliatum*, ex foliis. Pro *spicato* autem est apud Joan. *fistici*, à *πίστις*, *fides*, q. d. *fidelis*, ut indicetur fuisse unguentum syncerum, sine dolo, & non adulteratum, ut Hieron. quanquam sic potius *Pisti* dicendum fuisset. Facillimè enim adulterari potuisse unguentum nardinum, tum pseudo-nardum, quæ nostra *Lavendula* putatur esse, tum propriâ radice nardi, tradit ibidem Plinius, & lib. 13. cap. 1. novem speciebus herbarum, quæ nardum Indicum imitarentur. Quamvis nonnulli malint, Græcum *πίστις* corruptum esse pro *παίστερις* (nam Græci nonnulla vocabula Latina usurparunt in Evangelio) ac deinde Latinum Interpretem eandem vocem retinuisse. \* *Et effudit*, nempe liquidum istud unguentum totum, nihil reservando: quod Marcus clariùs indicat, dicendo, quod *fregerit alabastrum*; credibile enim est fuisse pyxidem tenuissimam. \* *Super caput ejus*: partim ut ita capilli ejus unguento perfunderentur, ut quibus potissimum adhiberi solebat; partim ut inde in vestes totumque corpus diffunderet, ut totus oleret. Fecit hoc ex more quidem conviviorum magnificorum, nam cum bellariis corollisque in mensas secundas veniebant unguenta: non tamen fecit deliciarum aut luxus causâ, sed ad testandam personæ dignitatem, & suam de eo fidem, quem Filium Dei vivi crederet, non minùs quàm soror ejus.



ejus, Joan. 11. v. 27. & gratitudinem de acceptis ab eo beneficiis & ferventissimum amorem, cui nullus sumptus videretur satis: nam, ut Aug. lib. 3. de doctr. Christ. cap. 12. in omnibus talibus non usus rerum, sed libido utentis in culpâ est. Porro Joannes addit, quod *unxit pedes Jesu*, ut ita totus in sepulturam ungeretur, & quod *extersit capillis suis*, ut ita, quod mulieribus solet esse percharum, & præcipuo ornamento, pedibus Domini sui subjiceret. Extersit autem pedes, non ab unguento, sed à pulvere & sordibus, ut ungi possent: est enim ordo præposterus in narratione.

8. Videntes autem discipuli, indignati sunt, dicentes: ut quid perditio hæc?

8. \* *Videntes autem discipuli indignati sunt*, stomachantes in animo suo. Discipulorum autem nomine vel solum Judam significat, pro ut Joan. expressit, locutione Scripturis usitatâ; vel præter illum etiam nonnullos ex Apostolis, quibus hoc, Judâ murmur inchoante, persuasum sit: sed ita, ut Judas murmuraverit juxta Joannem, quia fur erat, subtrahendo ex oculis, quos portabat, ut jam tum sibi peculium pararet, ex quo aliquando separatus à Christo, viveret; reliqui verò sincero animo propter pauperum curam, quam à Magistro didicerant, utpote quem non delitiis hujusmodi, sed frugalitate & misericordiâ capi scirent. Utrumque sensum suggerit Aug. lib. 2. de consensu evang. cap. 37. \* *Dicentes, Ut quid perditio hæc*, Græcè *τί, ad quid*, id est, quorsum ista profusio unguenti pretiosi, cum scilicet manifestus & inutilis luxus sit?

9. Potuit enim istud venundari multo, & dari pauperibus.

9. \* *Potuit enim istud*, si sibi servare volebat, sed offerre Domino nostro, \* *venundari multo*, seu magno pretio à nobis: Marcus expressius, *plusquam trecentis denariis*, quos si minores intelligas, unius scilicet drachmæ pondere, essent septuaginta quinque circiter florenti. Ex quo colligas & opes istius mulieris, & affectus ejus magnitudinem, & alacritatem erga Dominum ut Victor Antiochenus notat.

10. Sciens autem Jesus, ait illis: quid molesti estis huic mulieri? Ubi defendit mulierem, neque furem prodendo, ut vitia occulta doceret non esse mox detegenda; neque asperè perstringendo indignantes, ut longanimitatem suaderet erga eos, qui errore peccant, non malitiâ. \* *Opus enim*, non perditionis, ut vos putatis, sed \* *bonum operata est in me*, utpote ex plurimis præclaris virtutibus profectum, humanitate, gratitudine, fide magnâ, charitate ardente. Et ut argumentum etiam ipsorum solveret, addit:

11. Nam semper pauperes habetis vobiscum, me autem non semper habetis.

11. \* *Nam semper pauperes*, quorum cura à vobis prætexitur, & vos fallit, \* *habetis*, seu habebitis, \* *vobiscum*, Deo sic peculiari providentiâ disponente, ut occasionem semper habeatis ad manum, ut

ut quemadmodum addit Marc. *Cum volueritis, positis illis benefacere.*  
 \* *Me autem, talem amicum, benefactorem ac dominum, \* non semper habetis vobiscum*, id est, non diu habebitis, utpote brevi morte aufe-  
 rendum; plus enim insinuat, quàm dicit. Intelligit autem, quod non habebunt, quemadmodum tunc in omni convictu & familiaritate, inquit Hieron. ita scilicet ut, quamvis velitis, non possitis mihi be-  
 nefacere, ac proinde meritò sinendi sint homines affectum suum ef-  
 fundere in me jam parantem abitum per corporalia in me officia.

12. \* *Mittens enim hac unguentum hoc in corpus meum*, id est, Nam quod ista mulier effudit hoc unguentum in caput, unde in totum cor-  
 pus diffuseret, \* *ad sepeliendum me fecit*, id est, tam opportunè me unxit, ut quasi divinaverit me paulò post esse sepeliendum. Unde ple-  
 rique volunt mulierem hanc insciam sepulturæ à Spiritu S. infliga-  
 tam fuisse, ut, quia sciebat eam ab hoc ultimo officio celeritate res-  
 surrectionis prohibendam, istà præventionem ejus desiderio satisfieret.  
 Quamquam nihil videatur absurdi, si dicamus eam, propter familia-  
 ritatem cum Christo, de instante morte & sepulturâ instructam, cum vereretur, ne per Judæorum rabiem prohiberetur hoc officium vivo  
 tamquam mortuo impendere voluisse. Quod fortassis significavit Mar-  
 cus, dum dixit: *Quod habuit hac, fecit*, id est, quod potuit, fecit res-  
 pectu sepulturæ, quia postea, cum volet, non poterit: nam, ut addit,  
*prævenit ungere corpus meum in sepulturam*, id est, tamquam ad sepultu-  
 ram, ut textus Syriacus exponit. Unde eodem modo intelligendum videtur id, quod Joan. dixit obscuriùs, *Sinite illam, ut in diem sepul-  
 turæ meæ servet illud*, Græcè *τὴν ἡμέραν, servavit seu servaverit*, id est, sine,  
 ut non frustrâ servaverit unguentum hoc, ad me sepeliendum, un-  
 gendo scilicet nunc me, quod postea non poterit, sic enim ipso eventu non frustrâ servaverit. Mos erat iste solemnus Judæis, & Orientalibus  
 nonnullis, mortuorum condire corpora, ut testatur Joan. 19. v. 40.  
 & patet Genes. 50. qui inter infideles usum habuit, ut, quantum li-  
 ceret, putrefactionem à corporibus arcendo, amoris sui teneritudi-  
 nem & perseverantiam testarentur; inter fideles verò, ad declaran-  
 dam spem futuræ resurrectionis.

13. \* *Ubi cumque prædicatum fuerit hoc Evangelium, regni cælestis,*  
 quod ego hætenus prædicavi: \* *in toto mundo*, q. d. quod quidem per  
 totum mundum divulgabitur, quo tacitè Gentium vocationem præ-  
 dicit, \* *dicetur & quod hæc fecit*, videlicet non tanquam murmure &  
 indignatione & reprehensione dignum, sed \* *in memoriam ejus*, id est,  
 ad perpetuam ejus apud omnes laudem; referendum est enim ad, *di-  
 tetur*, non ad, *fecit*, ut ex Marco patet. Itaque his verbis objectioni

12. Mittens enim hæc unguentum hoc in corpus meum, ad sepeliendum me fecit.

13. Amen dico vobis, ubi cumque prædicatum fuerit hoc Evangelium in toto mundo, dicetur & quod hæc fecit in memoriam ejus.



eorum opponit celebre totius orbis iudicium, defensionem & laudem, quam impleri videmus, tanquam quæ fecerit opus fidei, devotionis charitatis, & mysticæ cuiusdam prophetiæ, per Spiritum Sanctum intentæ, excellentissimum. Ex quo etiam colligere licet, Judæ socios esse eos, qui reprehendunt sumptus, qui subinde quando specialis pauperum non urget necessitas, in cultum & honorem Christi profunduntur, sive templa ornando, in quibus residet, sive in vasis sumptuosius ei ministrando.

14. Tunc abiit unus de duodecim, qui dicebatur Judas Iscariotes, ad principes sacerdotum:

14. \* *Tunc abiit*, cum scilicet hæc Christi reprehensione irritatus, & unguenti pretio, cui inhiabat, esset frustratus: videtur enim non tam tempus abitus tangere, quam proximam occasionem prodicionis Judæ. Nam abiit ad concilium congregatum feriâ quartâ, ut communior est authorum sensus: convivium autem istud contigit circiter triduo ante. Itaque \* *abiit*, nullo invitante, nullâ necessitate, sed sponte propriâ, & incitante avaritiâ, \* *unus de duodecim*, numero, non merito; specie, non virtute; commixtione corporali, non vinculo spirituali; carnis adjunctione, non cordis unitate, inquit Augustinus, tra&. 6. in Joan. Expressit autem hoc Evangelista, ut significaret aptitudinem personæ ad prodendum, utpote domesticæ, & sceleris magnitudinem, ut ponderatur Psalm. 54. v. 13. & notat Chrysostomus. Quod indicatum voluit Lucas, cum de hoc ejus abitu loquens, ait: *Intravit autem satanas in Judam*, non occupando corpus ejus, sed pessimam venditionis voluntatem inspirando, seu, ut Joan. ait c. 13. mittendo in cor ejus, ut traderet eum: sic enim insinuatam voluit sceleris impietatem & fœditatem, quod de furtis ejus nemo dixit. \* *Ad Principes Sacerdotum*, jam congregatos, ut de modo capiendi consultarent.

15. Et ait illis: quid vultis mihi dare, & ego vobis eum tradam? At illi constituerunt ei triginta argenteos.

15. \* *Et ait illis: quid mihi vultis dare?* Hieron. putat esse verba ponentis in potestate eumentium, quantum darent, quasi vilissimum mancipium venderet. Verius fortasse, esse verba proponentis venalem, & tentantis, utrum dignum tali merce pretium offerre velint; ut ita infelix, quod ex unguenti effusione damnum se fecisse credebat, inquit Hieronymus, magistri pretio compensaret. Ita verum illud Apostolicum, 1. ad Tim. 6. v. 10. *Radix omnium malorum est cupiditas.* \* *Et ego, cui hoc propter domesticam consuetudinem & familiaritatem per facile est, eum tradam:* satis indicans, sibi non esse curæ, quid cum eo facturi sint. Rei substantiam nudè tetigit Evangelista, sed prætextum offensionis & facinoris non defuisse ei verisimile est, v. g. quod jam tandem cerneret esse hypocritam, sectatorem conviviorum ac deliciarum, delibutum odoribus & unguentis pretiosis.

\* *At illi constituerunt ei, id est, pacti sunt, ut Lucas, præviâ scilicet ultrò*

ultrò citroque conventionē, \**triginta argenteos*: qui quantum efficiant pretium, diversæ sententiæ sunt. Omissis minùs probabilibus, duæ majorem habent verisimilitudinem. Altera Baronii, quam videtur & Franc. Lucas probare, quòd *Argenteus* significet hîc libram argenti. Probant hoc duobus potissimùm argumentis: Primò ex Thisbe Eliæ, qui dicit in voce, *יָהוּ*, nomen *Argentei* in Lege significare siclum, in Prophetis libram, in Hagiographis talentum; hîc autem respici ad locum Prophetæ Zachariæ, adeoque libram significare. Secundò, quia emptus fuit eo pretio ager in suburbanis Jerusalem, in sepulturam omnium peregrinorum, qui necessariò magno pretio emptus fuit. Cùm ergo libra contineat uncias 12. & consequenter siclos 24. qui æstimabantur circiter singuli quatuor drachmis seu Regalibus Hispanicis, hoc est, uno circiter floreno Brabantico, summa hæc fuisset 720. florenorum, æstimando Regales more Hispanico. Alia sententia multò communior est, *Argenteum*, hîc absolutè positum, sumi pro siclo seu statère, sic enim legit Orig. Nam plerumque cùm in Scripturis *יָסֶפֶת*, *Césèph*, id est, *Argentum*, ponitur cum nomine numerali, subauditur siclus, ut videre licet Isaïæ 7. v. 12. ubi Hebraicè eodem modo utrobique repetitur, *decem argenti*, & *mille argenti*, quod Interpres noster & Lxx. suppleverunt, addendo, *siclos*. Et hinc est, quòd Chaldaeus Paraphrastes plerumque etiam sic locutiones istas suppleat. Itaque summa hæc fuisset triginta circiter florenorum, vel aliâ æstimatione pecuniæ triginta sex. Quod igitur ex Eliâ profertur, non videtur in Scripturis esse fundatum, neque exemplis probari posse. Pretium agri non debet videri nimis exiguum, cùm Jeremiæ 32. v. 9. septemdecim stateris seu siclis argenteis ematur ager: maximè cùm non constet, quantus ager fuerit: & an totus eâ emptus pecuniâ; & constet longè majorem tunc fuisse pecuniæ raritatem, quàm nunc est. quod verò nonnullos movent quinquaginta argentei nummi, qui teste Budæo & Baronio Parisiis & Romæ ostenduntur, tanquam qui sint ex illis, quos Judas in templum abjecit, pondere tantum duarum drachmarum, id est, valore decem aut duodecim stuferorum, habentes hinc hominis efficiem, illinc flosculi, parvi momenti est. Non enim significatur vel significatum volumus, singulos nummos valuisse siclum, sed triginta siclos argenteos fuisse annumeratos, in quocumque tandem nummorum genere, sicut nos dicimus triginta florenis rem vendi, etsi in stuferis vel pataconibus pecunia numeretur.

16. \* *Et exinde*, seu ex eo tempore, quo ei pecunia promissa fuit, \* *quarebat opportunitatem*, temporis atque loci, \* *ut eum traderet*, sive proderet Judæis. Explicat Lucas, quænam fuerit hæc opportunitas,

16. Et exinde quæ-  
rebat opportuni-  
tatem ut eum  
traderet.



scilicet ut fieret, *sine turbis*, id est, absente populo, qui tumultum excitare posset, prout Sacerdotes desideraverant, & fortè pacti erant. Et hæc fuit causa, cur noctu post cœnam, cùm secretus esset in prædio Gethsemani eum tradiderit, ut notat Orig. & cur tam bellâ opportunitate oblata consilium suum, de quo v. 5. Sacerdotes mutaverint.

17. Prima autem die azymorum accesserunt discipuli ad Jesum, iacentes: ubi vis paremus tibi comedere Pascha?

17. \* *Prima autem die Azymorum*, id est, eâ, in cujus vespera incipiebat usus Azymorum seu panum infermentatorum, qui incipiebat unâ cum esu Agni Paschalis. Agnus autem immolari debebat juxta Legem, Lunâ seu die 14. mensis primi ad vesperam, de quo Exodi 12. v. 6. & 13. Itaque cùm dies naturales, qui apud Hebræos Lunæ vocantur, quia mensibus utebantur lunaribus, computari inciperent ab ortu Solis, & complecterentur diem artificialem simul & noctem, dies illa mensis 14. in cujus vespera Agnus immolabatur, & Azyma mox noctu incipiebant, vocantur hîc *prima Azymorum*, ratione scilicet vesperæ suæ, seu noctis. Quia verò dies festi incipiebant à vespera usque ad vesperam sequentem, hinc fit, ut plerumque dies seu Luna 15. vocetur prima Azymorum, ut patet Levit. 23. v. 5. & passim alibi. Sed illa dies non significatur hoc loco, quia Christus nondum comederat Agnum, imo nondum illum præparaverat. Unde Marcus diem accuratius exprimens addit, *quando Pascha immolabant*, scilicet Judæi juxta legem, & pressius Lucas, *in qua necesse erat* (juxta mandatum scilicet Legis) *occuri Pascha*, id est, Agnum Paschalem. Ex quibus etiam manifestum est, Christum eâdem die Pascha comedisse, quâ solebant & debebant Judæi, Lunâ scilicet decimâ quartâ, & ita in instituendo Sanctissimo Sacramento Azymis panibus esse usum. \* *Accesserunt Discipuli ad Jesum*, cùm scilicet jam ab ipso Domino de Pascha sollicito jussi essent parare Pascha, ut patet Lucæ 22. v. 8. Accedunt autem rogantes, \* *ubi*, id est, in qua domo; de civitate enim constabat esse debere Jerosolymam, juxta Legem, Deut. 16. v. 5. & 6. meritò verò de domo quærunt, propter affluentiam totius nationis illo die, & edictum Principum, ut apprehenderetur, si quis sciret, ubi esset; Joan. 11. v. 56. & quia propter defectum hospitii ordinarii quotidie conscendebat in Bethaniam, & in montem Olivarum, Lucæ 21. v. penult. \* *Vis paremus tibi comedere Pascha*, id est, ut comedas Agnum Paschalem? Præparandi enim erant panes Azymi, lactucæ agrestes, baculi, vinum, cæteraque ad convivium necessaria, imo Agnus emendus, adeoque mactandus & assandus. Nam ex Marci 14. v. 17. Christus non venit nisi vespere jam facto. Immolabatur autem aliquandiu ante Solis occasum, ut latius diximus in Exodi c. 12. v. 6. ex Josephi lib. 7. de bello Judaico cap. 17. idque non necessariò à Sacer-

dotibus, sed ab illis de familia, fungentibus in isto casu Sacerdotum officio, ut alibi ex Philone notatum est.

18. \* *Ite in civitatem*, Jerosolymam, \* *ad quemdam*: Græcè τὸν δέον, Hebraicè פֶּלֹנִי *Peloni*, quibus nominibus significant hominem, cujus nomen exprimere nolunt, sive ignorance sive alia de causa. Cum ergo certus esset homo, sicut ex indiciis per alios Evangelistas expressis, liquet, verum videtur; quod August. ait lib. 2. de consensu Evang. cap. 80. Matthæum ex sua persona hoc interposuisse, non quod Dominus sic locutus sit, sed ut compendio insinuaret, fuisse missos ad certum quemdam, nomine non expresso. Fecit hoc, ut Euthymius & Theophyl. in Luc. ne Judas locum præsciens cœnam sive Agni sive mysticam intempestivè turbaret. Mysticas causas adferunt Hieron. & Orig. \* *Et dicite ei, Magister dicit*: quo authoritatis vocabulo indicat jam fuisse discipulum; sicut per illud, \* *tempus meum prope est*, fuisse familiarem, utpote apud quem ultimam suam cœnam, spontè non invitatus, vellet sumere. Nam tempus intelligit non agni manducandi, sed discessus sui ex hoc mundo: quod toties inculcat, ut patefaceret discipulis, inquit Chrysost. se non invitum, sed omnium præscium ad passionem properare, \* *Apud te facio Pascha*, id est, facere seu celebrare decrevi cœnam Paschalem: neque solus, sed \* *cum discipulis meis*, ut sciret ille pater-familias pro tredecim hominibus parandum esse locum. Utitur hîc Christus verbis imperio & authoritate plenis, ut paulò ante ad dominos alinæ adducendæ, ut ostenderet se omnia & scire & posse apud quoslibet. Probavit hoc successus rei, de quo non anxii discipuli,

18. At Jesus dixit: ite in civitatem ad quemdā, & dicite ei: Magister dicit; Tempus meum prope est, apud te facio Pascha cum discipulis meis.

19. \* *Fecerunt, sicut constituit*, seu præceperat, *illis Jesus*. Fuerunt autem illi, qui missi sunt, Petrus & Joannes, ut Lucas declarat.

19. Et fecerunt discipuli sicut constituit illis Jesus, & paraverunt Pascha.

20. \* *Vespere autem facto*, quo scilicet Agnus comedi solebat: unde Lucas, *cum facta esset hora*, scilicet esui Agni destinata. Fiebat autem hoc post occasum Solis, tametsi immolatio Agni, reliquaque necessaria ante occasum, ab hora nona, id est, tertiâ nostrâ circiter pomeridianâ, ad occasum usque fierent, ut ex Josepho alibi dictum est. \* *Discumbebat*, Græcè ἀνέκειτο, *recumbebat*. Olim enim accumbendo vel recumbendo cibum solebant sumere; unde nunc mansit eorumdem verborum usus, etsi sedendo sumamus: quod ex tempore Christi locum habere potuit, ut per *discumbebat*, nihil aliud indicatum voluerit, nisi cibum sumebat, nempe vel Agni Paschalis, cujus horam Lucas expresserat, vel etiam cœnæ communis eam comitantis; non enim vetitum erat plures adesse cibos. Unde malè ex hoc verbo colligunt nonnulli apud Theophyl. Christum hoc anno non comedisse Pascha, eo quod

20. Vespere autem facto, discumbebat cum duodecim discipulis suis.



quòd à stantibus deberet comedi. Nam etsi Lex Exodi 12. hoc non clarè dicat sed tantum insinuet, usum tamen illum fuisse declarat Philo lib. de sacrificiis Cain & Abel. \* *Cum duodecim discipulis suis*, Apostolis, tanquam familia sua, cum qua Agnus debebat comedi. Similiter igitur & omnes, etiam Judam, adfuisse, & neminem præterea: solum enim deficientibus domesticis vicini advocabantur, Exodi 12. v. 4.

21. Et edentibus illis, dixit: Amen dico vobis, quia unus, estum me traditurus est.

21. \* *Et edentibus illis*, id est, inter cœnandum communi cœnà, seu durante adhuc convivio, \* *dixit*, tum ante instituta mysteria, sicut hîc indicatur, tum post, ut Lucas c. 22. v. 21. & sentit Aug. lib. 3. de consensu c. 1. Quamquam commodè dici posse videatur Matthæum anticipationè uti, Lucam rectum servare ordinem; ut scilicet hæc de proditore dicta sint statim post instituta traditaque sacra mysteria atque eis connectendum sit id, quod Joan. cap. 13. narrat de buccella Judæ tradita. \* *Quia unus vestrum*, quos præ cæteris beneficiis affeci, in familiam assumpsi, alui, docui, Apostolos feci, \* *me traditurus est*, seu proditurus, scilicet hostibus, qui Apostolis satis erant noti. Prædictum hoc voluit, ut constaret se non circumventum, sed volentem, scientem, prudentemque mori: personam supprimit, ut ejus amor adhuc parceret; ut juxta Hieron. hâc lenitate pœniteret eum facti sui, cum consilia sua perfectâ cerneret.

22. Et contristati valde, ceperunt singuli dicere: nunquid ego sum, Domine:

22. \* *Et contristati valde*: Chrysost. *semimortui*, tum scilicet de tanto scelere in Dominum committendo, tum quòd de se quisque esset anxius, ne vel facinoris istius reus ab aliis crederetur, vel ex summa fragilitate etiam reus fieret. Magis enim Christi dictis, quàm suæ ipsorum fidebant conscientia, ut Hieron. & Theophyl. notant. Nam hinc de seipsis veriti, & de nemine audentes suspicari, ceperunt singuli dicere, \* *nunquid ego sum Domine*, in quem tantum scelus cadere possit? q. d. Manifesta, quæso, ut peream vel caveam, vel certè à metu & suspitione liberer. Quia respondit:

23. At ille respondens, ait: qui intingit mecum manum in paropside, hic me tradet.

23. \* *Qui intingit mecum manum in paropside*, seu in eadem patina, \* *hic me tradet*, hoc est, qui eadem mecum mensâ & cibo uti solet, quod Lucas dixit: *Ecce manus tradentis me mecum est in mensa*: sicut & Psalmus, quem Christus hac de re citat Joan. 13. v. 18. prophetavit. Et ita hæc verba non magis manifestant proditorem, quàm antea, sed tantum exaggerant scelus: nam quòd aliqui putant, hîc paulò clariùs proditorem expressum esse, eo quòd cum plures essent paropsides, ipse intingeret in illa, in qua Christus & aliqui vicini, minùs verum dici videtur, eo quòd Marcus dicat, *Unus ex duodecim, qui intingit*. Maltò minùs verum videtur, quòd Hieron. & alii nonnulli putant, Judam propriè expressum fuisse, eo quòd ex impudentia ausus

ausus esset solus cum Domino intingere in eadem paropside, quia Petrus non tam sollicitè adhuc postea urfisset, ut proditorem sciret, Joan. 13.

24. \* *Et Filius quidem hominis vadit*, id est, ultro, non tam moriendo quam migrando, discedit ex hoc mundo: non fortuito aut inopinatè, non coactus potentiâ inimicorum, \* *sed sicut scriptum est de illo*, in Lege, Psalmis, & Prophetis, juxta quos oportebat Christum pati, & ita intrare in gloriam suam, ut ipse ait Luc. 24. hoc est, ut implendo Scripturas obtemperet decretis Patris sui. Ita, inquit Chrys. discipulos confirmavit, ne rem imbecillitati attribuerent. \* *Væ autem illi homini, per quem Filius hominis tradetur*: q. d. Ne tamen gloriatur proditor, quasi de re bene gesta & impletis per opus suum Scripturis: nam \* *bonum erat ei, si natus non fuisset homo ille*, id est, præstaret ei nunquam fuisse in rerum natura: quod propter poenarum atrocitatem ei prædicit, nimirum, ut quem pudor non vicerat, inquit Hieron. corrigant denuntiata supplicia. Non ergò sententia ista ad omnes damnatos extendi debet, cum Christus hoc, ut Aug. lib. 5. cont. Jul. c. 8. non de quibuslibet, sed de scelestissimis & impiissimis peccatoribus dixerit: unde nec Aug. ibid. ad parvulos sine Baptismo mortuos audet extendere. Cum ergò omnes discipuli interrogassent, an ipsi essent, Judas se tacitè notari sentiens, ne se silentio prodere videretur, ut audaciâ bonam mentiretur conscientiam insigni impudentiâ rem dissimulans rogat,

25. \* *Numquid ego sum, Rabbi*, de quo hoc suspicaris? Persuasus enim videtur fuisse, vel Jesum, quâ erat humanitate, non esse hoc ei palàm obiecturum, vel si objeceret, palàm se negaturum; atque ita velut atroci injuriâ opportunè se posse proripere, vindictæque speciei prodicionem effectam dare.

\* *Ait illi: Tu dixisti*, eo ipso, quo istud quamvis interrogando proferens, id est, tu es ille. Est ista Hebræis familiaris affirmatio, ut patet infra v. 64. ubi Caiphas sic illam locutionem intellexit, & Marc. eam explicans, dicit ejus loco Christum dixisse, *Ego sum*: & Joan. 18. v. 37. eodem modo Christus dicens Pilatò, *Tu dicis, quia Rex ego sum*, affirmat se esse Regem. Est enim modus iste affirmandi modestus, sine arrogantia loquentis, sine offensione colloquentis. Hic ergò expressit prodicionem, sed ut verisimiliter suspicatur Aug. initio lib. 3. de cons. Evang. ita, ut non animadverterent adhuc discipuli, ut quia fortè submissius loqueretur. Unde tunc videtur Petrus à Joanne nutu postulasse, ut peteret clariùs, quis esset, de quo Joan. cap. 13. & mox data est Judæ buccella. Meritò autem notat hic Chrysost. toleran-

24. Filius quidem hominis vadit, sicut scriptum est de illo: v. autem homini illi, per quem Filius hominis tradetur: bonum erat ei, si natus non fuisset homo ille.

25. Respondens autem Judas, qui tradidit eum, dixit: numquid ego sum Rabbi? Ait illi: tu dixisti.



lerantiam Domini, qui cum nec objurgaverit nec exprobraverit, terminos nobis ac regulas tolerantiae & oblivionis fixit injuriarum.

26 Coenanti-  
bus autem eis, acce-  
pit Jesus panem,  
& benedixit, ac  
fregit, deditque  
discipulis suis, &  
ait: accipite, &  
comedite: hoc est  
corpus meum.

26. \* *Cœnantibus autem eis*: Græcè ἐσθίωντων, *manducantibus*, id est, cum nondum essent sublata mensa aut cibi, non enim actus cœnandi, sed tempus indicatur, quo scilicet sumpto jam cibo suavis se colloquiis reficiunt convivæ, sicut factum esse constat ex Joan. 13. & seqq. Unde Lucæ 22. v. 20. & 1. ad Cor. 11. v. 25. calicem dicitur sumpsisse, postquam cœnavit. Sub finem ergo cœnæ mysteria novæ Legis instituit, tum quia necesse erat Pascha vetus ac typicum, cui sola cœna erat destinata, præcedere, ut ei succederet novum ac verum; tum quia Salvator, ut Aug. Epist. 118. c. 6. quo vehementius commendaret mysterii hujus altitudinem, pro more valedicentium hoc ultimum voluit insingere cordibus & memoriæ discipulorum, à quibus statim ad passionem digressurus erat. Et quia passionis suæ, adeoque per passionem, nostræ redemptionis nobis non solum memoriale sed & participationem volebat relinquere, hinc, \* *accepit Jesus panem*, nimirum ut sub speciebus panis & vini utrumque fieret, utpote quæ & aptissimè significarent corpus & sanguinem in passione separatum, & utrumque esse factum verè cibum & potum, quo & Christo significaremur arctissimè conjungi, & ali in vitam æternam, inter nos charitatis mutux vinculo in unum conflari, quemadmodum ex pluribus granis, tum tritici tum uvarum, in unum confluentibus, fit unus panis & unum vinum, prout hoc indicavit Paulus 1. ad Cor. 10. v. 17. denique ut ita humanæ infirmitati sese attemperando humanæ carnis & sanguinis horrorem tolleretur, ut observavit Ambr. lib. 4. de Sacramentis c. 4. Theophyl. & alii Patres passim. Panem autem accepit azymum, tum quia fermentatus in illa cœna adesse non poterat, tum quia azymus significandæ sinceritati, & veritati, quæ participantibus de his mysteriis adesse debent, maximè congruat, quam significationem tangit Apostolus 1. ad Cor. 5. v. 8. \* *Et benedixit*. Hæretici exponere solent, laudes dixit, gratias egit, nempe Deo, sed certum est referri ad panem, hoc enim & verborum series postulat, & Græcè apertius est, ubi legitur λαβὼν τὸν ἄρτον καὶ εὐλογῶν αὐτὸν, *Accipiens panem cum benedixisset, fregit*. Et hinc est, quod Paulus 1. ad Cor. 10. v. 16. dicit: *Calix benedictionis, cui benedicimus*, quod non nisi ad propositam creaturam referri potest. Quod ergo Lucas & Paulus dicunt, εὐχαριστίας, id est, *cum gratias egisset*, non explicant verbum εὐλογίας, seu benedictionem, de qua hic mentio est, sed aliam exprimunt actionem Christi, quæ conjuncta fuit: nam & gratias egit Deo pro beneficiis, & quod Legis advenisset

consummatio, simul benedixit pani, atque ita singuli totam actionem istam ex una parte indicant, sicuti Luc. 23. v. 35. & Actor. 2. v. 42. & 46. eandem indicant sola fractione, veluti fidelibus notissima, & minus infidelium irrisioni exposita. Et hinc est, quod cum Christus miraculum circa panes multiplicandos vellet edere, Marci c. 8. v. 6. simpliciter dicit, *gratias agens, fregit*: Lucæ verò c. 9. v. 16. *respexit in calum* (qui est habitus gratias agentis) & *benedixit illis*, scilicet panibus & piscibus. Unde & Ecclesia, intelligens omnia ista etiam hinc concurrisse, dicit in Canone, *Elevatis oculis in calum tibi gratias agens, benedixit*, scilicet pani, quatenus nimirum invocavit Dei beneficentiam & potestatem super panem, ut mutaretur in corpus suum. Quamquam quia Dei benedicere est benefacere, benedictio ista sæpius vocetur à Patribus ipsa consecratio, ut videre licet sæpius apud Ambr. maximè lib. de his qui mysteriis initiantur c. 9. Benedixit ergo pani, id est, consecravit eum, seu eò dignitatis exivit, ut in corpus suum mutaverit, nimirum dicendo ipsa verba, quæ sequuntur, ut tradit D. Thomas in Comment. & 3. parte qu. 78. art. 1. ad 1. Neque enim ita simul dicunt omnia Evangelistæ, sicut facta sunt: nam & fractio & distributio vel post, vel simul cum istis verbis contigit, nec tamen simul ab Evangelistis eodem ordine exprimuntur. Fuit ergo ista benedictio singularis, & operatoria, qualis & illa panibus multiplicandis adhibita: unde nec unquam Christus benedixisse cibis legitur, nisi cum singulare miraculum operari vellet. Hinc eandem benedictionem, ut ex Paulo patuit, similiter calici adhibuit, cum, si vulgaris fuisset, sufficere potuisset prima, quæ vel pani, vel initio totæ cœnæ adhibita fuerat. \* *Ac fregit*, panem jam benedictum atque mutatum in tot videlicet partes, quot erant convivæ, idque more patrum familias. \* *Deditque discipulis suis*, cum scilicet sibi primò dedisset, ipse nimirum conviva & convivium, ipse comedens, & qui comeditur, ut Hieron. epist. 150. qu. 2. Fecit enim hoc partim ut sacrificium absolveret, partim ut exemplo Apostolos præcederet, ne horrerent cibum, quem corpus ejus esse perceperant, ut notavit de calice Chrysost. Deditse autem in manus, non in os, conjectura non levis est, tum quia dicit, *accipite*, quod ad manus usitatus referri solet; tum quia ista in veteri Ecclesia diu consuetudo fuit, ut in manus fidelibus traderetur, quem ritum descripsit Cyrillus in fine Catechesis 5.

\* *Et ait: accipite & comedite*. Quibus verbis invitat, & simul usum declarat tanti doni, nempe ut comedendo uniatur nobis, ut fiamus unum corpus, & unus spiritus cum eo, & inter nos, qui de uno pane participamus. \* *Hoc est corpus meum*. Continet rationem comedendi;



unde subaudiendum est, *enim*, sicut hoc in calice expressum est. Illud, *hoc*, non est substantivum, quasi significans individuum vagum, ut videtur putasse D. Th. qui istius opinionis multis sequentibus causa fuit; sed certum est, juxta mentem Interpretis nostri & Evangelistæ, esse adjectivum conveniens cum suo substantivo, quod sequitur, *corpus*. Patet hoc manifestè ex forma calicis, ubi non dicitur, *Hoc*, sed, *Hic est sanguis meus*, & clarissimè Lucas conjungit cum calice, *Hic calix*, Græcè τὸ πῶλον, *hoc poculum*. Ex quo ulterius patet illud, *Hoc*, non posse designare panem, ut hæretici volunt, idque non solum, quia esset falsa oratio, sed ipsa verba repugnant: dicendum enim fuisset, *hic*; præsertim cum immediatè, *panis*, præcessisset. Designat igitur, *corpus*; nec tamen locutione vel identicâ, vel toutologicâ, sed rectissimâ & usitatissimâ, quâ in mundi exordio Adam dixit, *Hoc nunc os ex ossibus meis*, & Moyses Exodi 16. *Iste est panis*, & Judæi 21. *Hic est heres*. Et Deus Pater c. 3. *Hic est filius meus dilectus*; & infinita similia, quibus Scriptura & usus quotidianus plenus est. Nam in his omnibus subjectum & prædicatum idem quidem significat (quod omni propositioni affirmativæ veræ commune est, alioquin enim esset falsa) sed alio modo, subjectum nomine communi & obscuro, demonstrante tamen præsentiam; prædicatum nomine specifico & particulari. Nam quod objiciunt, cum diceretur, *Hoc*, nondum adfuisse corpus, parvi momenti est. Propositio enim operatoria, qualis est ista, quæ mutatione quâdam efficit id, quod significat, sicut non habet veritatem nisi integrè pronuntiata, ita quoque demonstrat non id, quod adest, eo momento, quo subjectum profertur, sed quod aderit in termino pronuntiationis: sicut si Christus aquam in vinum mutasset in nuptiis, his verbis, *Hoc est vinum*; vel costam in mulierem istis, *Hæc est mulier*; non fuisset necesse, rem demonstratam esse præsentem, nisi absolutâ totâ oratione.

\**Est*. In hoc verbo Zuinglius figuram inesse voluit, ut idem sit, quod significat; sed contra linguarum usum: nulla est enim lingua, neque Latina, neque Græca, neque Hebraica, in qua, *Est*, aliam habet significationem, quàm, *esse*, seu, ut Philosophi loquuntur, nudam unionem extremorum. Est enim verbum uti communissimæ significationis, ita & simplicissimæ, in quod omnia alia resolvuntur; ipsum verò in nullum aliud resolveri potest. Sic enim resolvimus, *Christus patitur*, id est, *Christus est patiens*: ipsum verò (*Est*) inclusum non potest resolveri ulterius, nisi resolves in seipsum. Et hæc est causa, cur nec in Hebraica, nec Syriaca lingua, quâ Christus locutus est, exprimat: unde impossibile est in eo fuisse tropum. Quia verò signorum esse, non est aliud,

aliud, quam significare, hinc fit, ut, cum signum de signo prædicatur, vel res significata de signo aliquo parabolico, sine ullo tropo soleamus, *Est*, explicare per *significat*, ut, *Ensis est gladius, septem boves septem anni sunt, semen est Verbum Dei, Denarius est vita æterna*, & similia: qualis tamen non est ista, *Petra erat Christus*, sed sensus propriissimus est, Petra illa spiritualis eos consequens erat Christus. Itaque error iste Zuinglii ex imperitia natus est. Ex quo fit, ut Calvinus & alii Sacramentarii velint esse tropum in prædicato, *Corpus meum*; ut sit idem, quod signum seu figura corporis mei. Sed tunc necessario illud, *Hoc*, demonstrare deberet panem, quod suprà rejicimus. Deinde Græcè additur articulus, τὸ σῶμα, *istud corpus*, quod habet vim exprimendi veri corporis, & distinguendi ab omni alio, quod etiam nomine corporis significari potest, scilicet corpus mysticum, quod est Ecclesia, quasi diceret. Ipsissimum illud verum corpus meum. Quod multò efficacius postulant verba sequentia, apud Lucam & Paulum, *quod pro vobis datur*, Græcè uno verbo τὸ δίδουον, quasi diceret, corpus datum: conjungitur enim adjectivum in recto cum substantivo, *corpus*, ita ut illud ipsum, quod vocatur in recto corpus, sit datum. Figura autem corporis non est data pro nobis, neque in cœna, neque in cruce. Evidentiùs autem id postulat forma calicis apud Lucam, Græcè, τὸ ποτήριον ἐν τῷ αἵματι μου, τὸ ὑπὲρ ὑμῶν ἐκχυνόμενον, *Hic est calix in sanguine meo pro vobis effusus*: ubi ipse calix, sanguinem scilicet continens, pro nobis effundi dicitur, quod de figura vel calicis vel sanguinis nullo pacto verificari potest. Et sanè cum Agnus Paschalis figura fuerit Christi, in cruce offerendi, ut patet Joān. 19. v. 36. si corpus non est aliud, nisi figura corporis, in cruce offerendi, profectò figuram figuræ substituit, obscuram evidentissimæ, cum tamen venerit figuris finem imponere. Hinc, ne quis hic tropos, figuras, parabolas imaginaretur, categoricâ locutione usus est verbis lucidissimis, quibus apertiora aut simpliciora fingi nequeant, etsi omnes linguas in unum conflaveris. Hinc cum Evangelistæ in aliis recensendis plerumque verbis discrepent, hic è contrario tres Evangelistæ & unus Apostolus Paulus, cum diversis temporibus ac locis scriberent, ne apice quidem discrepant. Et tamen tenebriones hæretici, qui ubique Scripturas apertas esse clamitant, hic tantas tenebras inveniunt, vel potius adferunt, ut sententiam quasi Solis ipsius radio scriptam in ducentas diversas expositiones laceraverint, sicut nuper edito quodam libello expressum est. Contra quos omnes, etsi in verbis esset aliqua obscuritas, sufficere deberet unanimis totius Ecclesiæ & omnium Patrum consensus, quem suprà dedimus, & eorum verbis latius traditum videre licet apud eos, qui contra hæreticos ex professo scripserunt.



27. Et accipiens  
calicem gratias  
egit & dedit illis  
dicens : Bibite ex  
hoc omnes.

27. \* *Et accipiens calicem*, Græcè ποτήριον, poculum, seu vas, ex quo bibitur, nempe vino & aqua temperatum, pro more regionis. De vino satis constat ex Marco & Luca, qui *genimen* seu *generationem vitis* nominant ; de aqua ex Ecclesiæ traditione, de qua Cyprian. epist. 63. temperatura ista fieri solet, tum sanitatis, tum temperantiæ causâ : hîc autem peculiariter adhibita est, ut unio Christi cum populo, id est, cum Ecclesia, adumbraretur : \* *Gratias egit*, Græcè εὐχαριστίας, cum gratias egisset, scilicet Deo Patri, sub quo & elevatio oculorum in cælum, & calicis benedictio, quam Paulus 1. ad Cor. 10. v. 16. expressit, intelligenda est, ut suprà indicavimus. Ex hoc gratiarum nomine Græco vocabulo dicta est *Eucharistia*, tum quia cum prævia gratiarum actione conficitur, tum quia cum sequente & quidem summâ gratiarum actione, pro tam immenso redemptionis beneficio sumenda est. \* *Et dedit illis*, non in os, sed in manus, ut colligitur ex iussione, quæ sequitur, \* *dicens : Bibite ex hoc omnes*. Syrus, *vos omnes*, quod Lucas ita expressit, *dividite inter vos*, ita videlicet, ut in orbem vos omnes ex eodem isto calice bibatis ; & ita factum esse declarat Marcus, dicens, *Et biberunt ex eo omnes*, nempe præsentés Apostoli. Ex quo patet ineptia hæreticorum, qui hinc conficere volunt omnibus omninò participantibus etiam vini speciem præcipi.

28. Hic est enim  
sanguis meus novi  
Testamenti,  
qui pro multis  
effundetur in re-  
missionem pec-  
catorum.

28. \* *Hic est enim sanguis meus*. Hic, concordat genere cum *sanguis*, ad quod refertur, sicuti *Hoc*, ad *Corpus* : nam omninò similes locutiones sunt, & simili sensu interpretandæ. Non enim significatur vel calicem illud vel vinum esse sanguinem, sicut nec panem esse corpus, sed illum, quem præbebat, & in quem intentio ejus ferebatur, absolutis verbis, esse sanguinem suum. Dictio verò, *enim*, exprimit rationem invitationis ad comedendum, utpote quia jam audiverant & crediderant, carnem & sanguinem ejus verè esse cibum & potum in vitam æternam.

\* *Novi Testamenti*. Alludit ad verba Moysis, Exodi 24. ubi sanciens vetus Testamentum aspersione sanguinis victimæ, eodem planè modo ait, *Hic est sanguis fœderis, quod pepigit Dominus vobiscum*. Opponit ergò se Christus Moysi, sanguinem suum sanguini vitulorum, Apostolos populo Judæorum, aspersiorem aspersioni, testamentum testamento. Porro Græca vox δ. αἵμα, cui *Testamentum* respondet, etsi ex vi vocis quamlibet dispositionem & pactum significare possit, quemadmodum & Hebraica, receptissima tamen ejus significatio est ברית, *Berith*, ut significet, sicut & *Testamentum*, voluntatis decretum, de eo, quod post mortem fieri quis velit, & consequenter contineat promissionem hæreditatis ; unde & morte testatoris confirmatur, ut Apost. docet ad Hebr. 9. Testamentum itaque duplex in Scripturis est celebre, Vetus & Novum.

Vetus

Vetus ita dictum est, quod ante Novum non institutum quidem, sed revelatum fuit, & quoddam veteri homini, utpote terrena promittens bona, congruat, ut Aug. lib. 3. ad Bonif. cap. 4. nec propriè testamentum est, sed potius pactum aut fœdus, utpote quod promissionem terrenorum bonorum non absolutam, sed sub conditione implendæ Legis contineret, populo eam acceptante, ut patet Exodi 24. v. 3. 6. & 7. Quia verò quamdam similitudinem habebat cum testamento, promittens scilicet terram Chanaan, velut quamdam hæreditatem; hinc etiam sanguine tum ad sanciendo propriè fœdus, tum ad testamentum quodammodo morte, non Dei, sed victimarum ei oblatarum roborandum, dedicatum est, ut notat Apostolus ad Hebr. 9. v. 18. & seqq. Quæ tamen omnia eo maximè spectabant, ut per carnalem Legis observationem, bonaque carnalia in præmium reposita, significarentur observatio Legis spiritualis, & bona spiritualia, hoc est, ut præfiguraretur Testamentum novum, ab ipso Christo in terris versante revelandum. Sed hoc discrimen fuit, quoddam Vetus, ut diximus, propriè pactum fuerit, unde & à Judæis irritatum est, sicuti Deus queritur apud Jeremiam c. 31. v. 32. Novum verò propriè Testamentum. Nam quamvis & novum contineat conditionem observandæ spiritualiter Legis Dei: hanc tamen ipsam conditionem unà cum præmio ejus vitam æternam, tamquam unam completam hæreditatem filiis suis prædestinatis per gratiam dandam, Deus promisit, & proinde etiam facit, ut patet clarissimè ibid. v. 31. & 32. Et hoc totum tanquam testamentum morte testatoris confirmatum fuit, sicut urget Apostolus ad Hebr. 9. v. 15. & 16. Unde utrumque etiam à Deo, non ab homine sperandum & expectandum est, ac dari debet. Hoc est ergo quod hic dicitur, \* *Hic est sanguis meus novi testamenti*, id est, quo novum istud testamentum à Prophetis promissum, à me revelatum & prædicatum sancitur, & veluti morte testatoris jam jam futurâ, & hoc ipso sanguine, qui mysticè funditur, repræsentatâ confirmatur. Ad hoc enim significandum addit: \* *Qui pro multis*, Lucas. *Pro vobis*; unde Ecclesia utrumque confundit dicendo, *pro vobis & pro multis*. Multos autem dicere mavult, quàm omnes, quia non tam sacrificii sufficientiam respicere videtur, quàm fructum ejus: quasi diceret, pro vestra & multorum salute \* *effundetur*. Interpres respexit effusionem, quæ facta est in sacrificio crucis, sed textus originalis omnium trium Evangelistarum & S. Pauli habet præsens, τὸ ἐκχυνόμενον, *qui effunditur*. Quod quamvis intelligi etiam posset de cruce, quia mox in ea sanguis ejus effundendus erat; Lucas tamen & Paulus clarè conjungunt cum calice, tanquam adjectivum cum suo substantivo, qui calix effunditur, seu libatur.

Unde



Unde significat Christus, sanguinem illum jam tum effundi, id est, offerri Deo, quod propriè libari dicitur, tanquam sanguinem sacrificii. Hinc eodem sensu Lucas de corpore dicit, *quod pro vobis datur*, Græcè *ἰδὸν*, & Paulus *quod pro vobis frangitur*, Græcè *κλάδων*, id est, offertur & immolatur. Propriè enim panis est frangi, non corporis, nisi sub specie panis, præsertim cum prædictum fuerit, non esse frangendum in cruce, *Os non comminuetis ex eo*, Joan. 19. v. 36. prout utrumque observat Chrysost. in v. 16. cap. 10. 1. ad Cor. Non intelligi potest, effundi sanguinem, & dari corpus, ad bibendum & comedendum, tanquam Sacramentum, quia hoc jam dixerat per *comedite & bibite*: neque dixit, *vobis*, sicut dicendum fuisset, sed *pro vobis*, scilicet datur & effunditur Deo, quod propriè est sacrificii. Offertur namque Deo pro salute multorum, nempe, \* *in remissionem peccatorum*: qui propriè est effectus ejus, ut sacrificii, non ut sacramenti; sic enim vitæ conservationem, vigorem & augmentum operatur. Remissionis solius mentionem facit, quia in ea veluti fonte cætera legata novi testamenti, justitia, adoptio, vita æterna continentur. Adjunxit autem eam sanguini magis, quàm corpori, tum quia in sanguine ratio sacrificii maximè cernitur; tum quia sanguis expressior est figura mortis, in satisfactionem pro peccatis susceptæ: quamvis etiam tacitè in eo contineatur, quod de corpore dictum est, *quod pro vobis datur*, id est, pro salute vestra, pro remissione peccatorum vestrorum. Ex quibus patet, Eucharistiam non tantum esse Sacramentum, sed & sacrificium propitiatorium; & hoc ex ipsis verbis convinci.

29. Dico autem vobis, non bibam amodo de hoc genimine vitis, usque in diem illum, cum illud bibam vobiscum novum in regno Patris mei.

29. \* *Dico autem vobis: Non bibam amodo*, Græcè *ἀπ' ἄρ' ἄρ' ἄρ'*, *ex nunc*, seu *in posterum*, familiariter scilicet vobiscum convivendo atque cœnando, \* *de hoc genimine*, seu fructu \* *vitis*, id est, de hoc vino, quod scilicet in cœna bibimus, quo calicem illum implevimus, sub cujus specie sanguinem meum accepistis, \* *usque in diem illum*, cum illud bibam vobiscum novum. id est, donec bibam illud, longè alterius rationis & excellentiæ, in regno cælorum vobiscum familiariter convivendo. Venustè enim transit à significatione vini propria ad metaphoricam, sicut fit etiam cap. 8. v. 22. & Joan. 4. v. 13. & 14. ut significet se in regno cælorum cum illis inebriandum vino cælestium deliciarum ab ubertate domûs Dei, & torrente voluptatis ejus esse potandum, ut est Psalm. 35. ubi ista præsens metaphora vini explicatur. Itaque verbis istis significat, sicut familiares solent, hunc ultimum esse haustum, hanc postremam cœnam, quam cum eis sumeret. Sicut autem inter bibendum de vino, ita idem inter comedendum de cibo dixisse Christum, testis est Lucas 22. v. 16. *Ex hoc non manducabo istud, donec impleatur in regno Dei*: cui

mox subjungit ista verba de generatione vitis jam explicata. Ex quo multi probabiliter sentiunt, hæc esse dicta antè consecrationem corporis & sanguinis Domini, ut Matthæus ordinem dictorum non servaverit, sed Lucas; qui bis loquens de calice, primum v. 7. loquatur de calice profano, qui in cœna Agnum Paschalem subsequente à patre-familias distribui solebat; deinde v. 20. de calice sacro. Sed utrovis modo contigerit, verba veritatem suam, ut explicuimus, habere possunt.

30. \* *Et hymno dicto*, Græcè in plurali, ὑμνισαυτες, cum dixissent hymnum, seu laudes Deo consuetas. Unde nonnulli putant fuisse Psalm. 112. cum quinque sequentibus, eo quòd illi à Judæis, ut Paulus Burgenfis notat, post comestum Agnum Paschalem cani solerent. \* *Exierunt in montem Oliveti*: decebat enim non in loco convivii, sed orationis eum capi, ut Origenes.

31. \* *Tunc dixit &c. Omnes vos scandalum*, seu offendiculum, \* *patiemi in me*, id est, ero vobis lapis offensionis & scandali hæc nocte, quia in iis, quæ circa me fient, occasionem ruinæ seu lapsus in peccatum accipietis. Hoc autem in eo situm erat; quòd fugientes, Christum & corpore & animo, fidem divinitatis amittendo, deseruerint. Nudè enim fugere, cum Christum scirent ultrò se tradere, neque defensionem, neque comitatum eorum velle, non fuisset peccatum, sed peccatum fuit ex timore mundano fugere, eo quod putarent Christum jam velut invitum & superatum pro aliorum libidine ad mortem rapi, & ex hujusmodi perturbatione in ipsa fide vacillare atque deficere. Nam hoc eis revera contigisse indicat clariùs ipse Christus, Joan. 16. v. 31. & 32. *Modò creditis? Ecce venit hora, ut dispergamini, &c.* Quasi diceret, inquit Aug. in istum locum, tunc ita perturbabimini, ut etiam quod modò creditis, relinquatis. Et hinc est, quod Hilar. exponat *scandalum patiemi in me*, id est, metu atque infidelitate turbabimini; quam sæpiùs notat Aug. passum esse Cleopham, quando dixit Lucæ 24. v. 21. *Nos autem sperabamus, quod ipse redempturus esset Israël.* \* *Scriptum est enim*, de hujus noctis tribulatione: \* *percutiam pastorem*, gladio persecutionis ac tribulationis, ut in manus hostium suorum perveniat; & hoc pacto \* *dispergentur oves gregis*, quem colligere cœperat, suâque authoritate continebat. Intelligit autem Christum & Apostolos, cæterosque discipulos, qui de Pastoris sui salute & expectatâ redemptione desperantes, corporeque & animo fugientes, id est, etiam fide desciscientes eum deseruerant. Citat autem sententiam juxta sensum, non verba; nam Hebraicè Deus alloquitur gladium suum, dicendo, *percutie pastorem*: quo significat se facere id, quod gladio suo præcipit, ut fiat. Prædictum hoc Deus, & Christus allegatum voluit, partim ut intelli-

30. Et hymno dicto, exierunt in montem Oliveti.

31. Tunc dicit illis Jesus: omnes vos scandalū patiemi in me in ista nocte: Scriptum est enim: percutiam pastorem, & dispergentur oves gregis.

gerent.



gerent nihil inopinatum sibi contingere, partim ne post lapsum suum, inquit Hieron. desperarent salutem. Unde illorum infirmitatem promissione reditus sui mox futuri erigens, addit:

31. Postquam autem resurrexero, precedam vos in Galilæam.

32. \* *Postquam autem resurrexero*, quod statim tertiâ post die futurum jam sæpius audivistis, \* *precedam vos*, denuò, velut Pastor gregem suum, ut vos à dispersione apud me colligam, \* *in Galilæam*, patriam vestram, de qua vobis repetenda cogitabitis, ut à Judæorum odiis ac metu liberati securius vivatis: q. d. Nec desertus deferam vos, sed præveniam vos in Galilæam, quam repetere voletis, ubi familiarius & sæpius apparens colligam & refocillabo vos.

33. Respondens autem Petrus, ait illi: etsi omnes scandalizati fuerint in te, ego nunquam scandalizabor.

33. \* *Respondens autem Petrus*, qui se taxatum senserat in eo, quod dictum erat, *Omnes vos*, \* *ait illi*, impulsus quidem fide & amore in Dominum suum, sed infirmitatis suæ in expertus: \* *Etsi omnes, &c.* \* *Ego nunquam scandalizabor*, ut te vel deferam, vel de te dubitem: ubi Chrys. triplex peccatum ejus notat; quod neque Prophetæ neque Christi verbis acquiesceret; quod cæteris se præponeret, q. d. Quidquid passi fuerint cæteri, ego solus manebo tibi fidelis, quod denique sibi seu viribus suis arrogaret id, quod precibus à divina misericordia erat impetrandum. Nam, ut optimè dixit S. Innoc. in epist. ad Conc. Carthag. necesse est, quo auxiliante vincimus, eo iterum non auxiliante vincamur. Unde Christus retundens illam arrogantiam ejus cum gravi asseveratione ait:

34. Ait illi Jesus: Amen dico tibi, quia in hac nocte antequam gallus cantet ter me negabis.

34. \* *Amen dico vobis*; ut vel sic animi sui fragilitatem suspectam haberet, vel crederet: \* *quia non*, ita diu post, quando animus tuus videri posset deferbuisse, sed \* *in hac ipsa nocte*, in qua jactas constantiam tuam, idque adhuc, \* *antequam gallus cantet*, id est, ante tempus, quod vocatur galli-cantus, seu gallicinium, non semel, non bis, sed \* *ter me*, Dominum tuum, quem tantoperè te diligere gloriaris, non deferres fugiendo, sicut alii, vel simpliciter scandalizaberis, quod metu ac trepidatione fieri solet, sed turpissimè \* *negabis*, me tibi notum esse, & consequenter te discipulum meum esse, tibi quidquam negotii vel fuisse unquam, vel fuisse mecum. Omnia enim verba Christi emphasis habent, tam distinctè exprimunt modum, tempus, horam, numerum, ut vel sic tandem sibi fidem adhiberet: non ut cogeretur ad negandum, inquit Ambros. in Luc. sed ut instrueretur ad cavendum. Porro Gallicinium, est propriè tempus, non quo gallus canit mediâ scilicet nocte, sed quo maximè canit, nempe adventante luce circa initium quartæ vigiliæ. Unde Marci 13. v. 35. galli cantus distinguitur contra mediam noctem & mane, id est, auroram: & Tobiae 8. v. 11. vocatur *pullorum cantus*. Cum ergo Matth. & Lucas & Joannes absolutè dixerint,

rint, *antequam gallus canter*, solus Marcus dixit cap. ult. *priusquam gallus canter bis*, & eodem cap. v. 68. & 2. distinctè narrat, gallum bis cantavisse : quod optimè consistit cum aliorum narratione , quia Marcus comprehendit & illum primum galli cantum, qui mediâ nocte fit, aliî antonomasticè solum illum maximum & celebriorem, quem diximus. Itaque Petrus adhuc fiducia non divinæ gratiæ , sed sui-ipsius plenus, & fortassè putans comminantis , non prædicentis esse verba , ait :

35. *Etiamsi oportuerit me mori tecum* , quia , ut Aug. lib. de grat. & lib. arbitrio c.7. putabat se posse , quod se velle sentiebat : dixit enim ista , non ut magistrum mendacem , sed ut animum suum , cuius utcumque conscius erat testatum faceret. Unde & cæteri , ne viderentur Petro animositate & fidelitate cedere , \* *similiter dixerunt* : Quare ut istam in eis valde perniciosam præsumptionem sanaret, avertit ab eis paulisper Deus faciem suam, & facti sunt conturbati, ut ipso lapsu eis proficiente in bonum , humiliores redirent atque doctiores , non sibi jam arrogando tanquam de suis viribus fiduciam permanendi, sed à divina gratia humiliter deprecando, ut idem tradit de corrept. & gr. c.9.

36. \* *Tunc venit in villam*, Græcè *χωριον*, *pradium*, ut venit apud Marcum, seu *agrum*, qui fortassè complexus est villam simul & hortum, quem Joan. nominat c.18. v.1. \* *quæ dicitur Gethsemani, Vallis olei*, vel *Γεθη*, posito pro *Γε* *Gé*, vel *Γεθη*, sive *Gath*, propriè sumendo, *Torcular olei*, propter montem Olivarum, ad cuius radices erat. \* *Et dixit, sedete hic*, in anteriori horti parte, ubi reliquit octo discipulos, \* *donec vadam illuc*, paulò ulterius ad jactum lapidis, ut Lucas, \* *& orém*. Non ergò latendi causâ secessit, sed ut doceret, & oraret in tristitia, & modum orandi, quietem scilicet à turbis appetendo, ut Chrys.

37. \* *Et assumpto Petro & duobus filiis Zebedæi*, Jacobo & Joanne, quos præ cæteris assumpsit, veluti familiares & constantiores, quibus plerâque secreta crederet : ut sicut majestatis in transfiguratione, ita etiam infirmitatis testes fierent, ut utrâque visâ minùs cæteris turbarentur. \* *Cæpit contristari*, & non ante, quantumvis de proditore & morte suâ loqueretur : nempe quia non subitò & præter voluntatem, ut nobis accidit, sed spontè, quando, quomodo, quantum voluit, contristatus est : \* *Et mæstus esse*, Græcè *ἀδμονεύειν*, id est, gravissimè angi, & animo pene deficere , quod apud Marcum ideo vertitur , *tadere* : cui additur etiam *pavere* , Græcè *obstupefcere*, id est, ingenti metu malorum imminentium concuti.

38. \* *Tunc ait illis : Tristis est anima mea* , Græcè *πενιθος*, id est, undique obsessus est animus meus tristitiâ , \* *usque ad mortem*, id est, quasi in ipsa morte esset constitutus, quod Psalmus dixit : *Circum-*

35. Ait illi Petrus : Etiamsi oportuerit me mori tecum, non te negabo. Similiter & omnes discipuli dixerunt.

36. Tunc venit Jesus cum illis in villam, quæ dicitur Gethsemani, & dixit discipulis suis : Sedete hic, donec vadam illuc, & orem.

37. Et assumpto Petro, & duobus filiis Zebedæi, cæpit contristari & mæstus esse,

38. Tunc ait illis : Tristis est anima mea usque ad mortem ; sustinete hic, & vigilate mecum.



*derunt me dolores mortis.* Christus itaque cùm assumpsisset naturam mortalem & infirmam, simul eam cum appetitui irascibili suscepit, & motuum ejus capaci. Omnibus autem rebus inditum est naturaliter existendi & permanendi desiderium, & consequenter fugiendi interitum suum: sed in hoc inter nos & Christum Dominum discrimen maximum fuit, quòd nos istiusmodi motus, utpote rationem plèrumque præcurrentes patiamur, & patiamur inviti; nam & irascimur & tristamur cùm nolumus & non irascimur aut tristamur, cùm volumus, neque quantum volumus propter rebellionem ex peccato natam: ille spontè cùm voluit, & quantum voluit. In nobis ad objecta illicita non minùs feruntur quàm licita; in Christo nunquam ad illicita. In nobis plerumque rationem turbantes, eam ad se trahunt, imo pertrahunt, in Christo ratio nullam ex eis inquietudinem patiebatur. Hoc est igitur quod Aug. dicit in Psalmum 87. Christum istos humanæ infirmitatis affectus non conditionis necessitate, sed miserationis voluntate suscepisse. Causa suscipiendi multiplex fuit: primò, ut verum se probaret hominem; si enim cùm vultus, & verba, & res moerorem expresserunt, non creditur tamen à nonnullis passio, inquit Chrysost. quid dicerent, si illà defuissent? Secundò, ne quis passionem facillè & sine dolore, toleratam suspicetur. Neque enim habent fortitudinis laudem, qui stuporem magis vulnerum tulerint, quàm dolorem, ut Ambr. in cap. 22. Lucæ. Tertiò, ut solaretur infirmos, ne timorem mortis & horrorem, peccatum esse crederent, vel de seipsis desperarent, ut Aug. lib. 3. de consensu cap. 4. si in subeunda morte pro justitia sibi alacritatem illam deesse sentirent. Ultrò itaque Christus totius passionis acerbitem cum omnibus circumstantiis sibi ob oculos posuit, & naturam in motus tantæ acerbitati congruos erumpere permisit. Unde non timidus, ut nos, sed fortissimus fuit, ut qui & timoris & tædii, ac tristitiæ molestias sufferre & superare voluit. Quamvis autem non sit dubium, tristatum fuisse Christum etiam de prodicione Judæ, de peccatis Judæorum, & scandalo Apostolorum, & similibus rationi repugnantibus malis, ut Hieron. eò tamen non videtur hîc respici, sed ad tristitiam de amaritudine passionis: quæ tamen non turbabat gaudium beatificæ fruitionis ejus, neque hoc illam excludebat quia erant de diversis objectis, & in diversis animæ partibus. Unde, ut observat D. Thomas opusc. de Humanitate Christi, etiam pœnitentibus accidit dolere, & de eodem suo dolore gaudere: quamquam divinâ dispensatione factum videtur, ne tantum gaudium tantam tristitiam excluderet, vel minueret. \* *Sustinete hic*, Græcè *μὴ ἐκλείψετε* manete, & \* *vigilate* mecum, ut vigiliæ & orationis societas vobis sit præsidium, mihi aliquod solatium.

39. \* *Et progressus pusillum*, etiam ab illis tribus: *progressus* quidem, juxta humanam consuetudinem & verecundiam, quâ æstuantis animi motus in oratione coram hominibus effundere submolestum est; *pusillum* verò, ut tamen testes esse possent, & imitatores actorum. \* *Procidit in faciem suam*, ut corporis habitu simul humilitatem superioris partis animi, & desolationem inferioris testaretur. \* *Dicens & orans: Pater mi*, quod Marcus dixit, *Abba Pater*, quasi interpretans voce Græcâ id, quod Chaldaicâ dixerat *Abba*: fortasse Sacramenti alicujus causâ, inquit Augustinus, ut significaret se pro corpore suo Ecclesiâ, ex Hebræis & Gentibus constante, pati. \* *Si possibile est*. Non loquitur de absoluta possibilitate: quod ut intelligeremus, apud Marcum additur, Christum, cum dixisset, *si fieri potest*, adjecisse, cautionis causâ scilicet. *Omnia tibi posibilia sunt*. Itaque quid sit illud, *si possibile est*, explicuit Lucas, dicendo, *Pater si vis*, ut notat Augustinus lib. 3. de consens. Evang. c. 4. Unde non de rei impossibilitate, vel de absoluta Patris omnipotentia, sed de Patris voluntate hoc dixit. Hoc enim fieri potest, quod ille voluerit, & non potest, quod noluerit, etiam si in se spectatum fieri non repugnet. \* *Transseat à me calix iste*, terribilis passionis, & imminentis mortis, quem jam gustare cœpi: de qua voce Calicis alibi diximus. Ex hac oratione Calvinus Christo inconsiderantiam, oblivionem officii sui, mentis caliginem, inconstantiam, subitas voces dolore extortas adscribit, sed impiè. Fuit enim præmeditata hæc oratio, ita contexta, ut priore ejus parte exprimeret desiderium humanæ naturæ, optantis ab acerbissima morte liberari; posteriori verò, desiderium voluntatis rationalis, subjicientis illum eundem naturæ impetum plenissimè divino beneplacito. Diversa quippe fuerunt desideria, non sibi adversa, eandem passionem sub diversis considerationibus abhorrentia & amplectentia. Dominabatur enim voluntas appetitui, ut, sicut liberè tristitiæ motus exerebat, ita & eosdem & impletionem eorum divinæ voluntati subiceret. Veteres, ut Aug. epist. 120. c. 10. Greg. l. 12. Moral. c. 8. & alii nonnulli, volunt Christum in se transfigurasse vocem infirmorum: quod cum priore interpretatione bene consistit. Fieri enim potest, ut simul uteretur voce naturæ, & hoc faciendo causam ageret fragilitatis & trepidationis humanæ; ut S. Leo loquitur serm. 5. de Pass. instruens eos, quid infirmitati concederetur humanæ, & quo pacto deberent hujusmodi vota ad divinam voluntatem revocari, sicut ipse fecit, dicendo: \* *Verumtamen non sicut ego volo*, appetitu illo naturæ, supple, *fiat*; \* *sed sicut tu*. Quod dicendo indicat, & suam esse illam rationalem, absolutamque voluntatem. Itaque non est hæc duplex oratio, nec una corrigit alteram, ut aliqui putant,

39. Et progressus pusillum, procidit in faciem suam, orans & dicens: Pater mi, si possibile est, transeat à me calix iste. Verumtamen non sicut ego volo, sed sicut tu.



tant, ( nihil enim in Christo corrigendum erat : ) sed una , plena , & deliberata oratio, cujus prima pars exprimit horrorem passionis ac desiderii naturæ ; hæc tamen conditione moderatum , ut si fieri posset, id est, si Pater vellet, non moreretur : quæ conditio cum non subsisteret, altera pars subjicit rem totam d. vinæ voluntati, ut exemplo doceret, inquit Chrysostomus , etiam naturâ abhorrente ac reninente esse sequendum Deum.

40. Et venit ad discipulos suos, & invenit eos dormientes, & dicit Petro: Sic non potuistis una hora vigilare mecum?

40. \* *Et venit*, præfens est, sicut & \* *invenit*; res enim narratur, quasi ob oculos posita gereretur: \* *eos dormientes*, & dicit Petro, qui cæteris erat caput, & præ cæteris se jactaverat; in ipso tamen, & cum ipso simul taxat cæteros: \* *Sic*, id est, ficcine, itane impletis magnifica promissa vestra? Unde aptè quidam huic voci subjiciunt interrogationem. \* *Non potuistis una hora vigilare mecum?* In extremis angustiis meis, dum ego vigilo, oro, sudo, pugno cum morte. Non quasi per horam hæc primâ vice orasset; sed per, *horam*, breve temporis spatium indicare voluit, ad accusandam eorum negligentiam, quod nos dicemus, *per momentum*. Quamvis aliqui *horam* accipiant, ut verba sonant, eoque respexisse Lucam velint, cum diceret, *quod prolixius orabat*.

41. Vigilate & orate ut non intretis in tentationem. Spiritus quidem promptus est, caro autem infirma.

41. \* *Vigilate* ergò & *orate*, non jam meâ, sed vestrâ causâ: hoc autem orate, non ut non tentemini, sed \* *ut non intretis in tentationem*, ei succumbendo, id est, ut Deus non sinat vos induci in tentationis consensum; hic est enim gratiæ Dei & orationis effectus: Nam tentari non semper malum est, imo sæpe bonum, ut homo noverit infirmitatem suam & gratiam Dei. Ne autem fiderent spiritus sui seu voluntatis promptitudini, occurrit Christus: \* *Spiritus quidem*, seu voluntas illa spiritualis, quam vos habere sentitis, \* *promptus est*, ad resistendum tentationi, & moriendum mecum; \* *caro autem*, id est, appetitus incolumitatis carnalis, quietis ac pacis, \* *infirma*, ad sequendam illam voluntatem, quia adhuc in vobis robustus est. Quò enim talis carnis appetitus validior est, eo reddit hominem ad spiritus desideria assequenda infirmiore, imo infirmitas nostra ipsa est eo major, quo robustior. Hæc ergo causa necessitatis orandi, ut amor illo amore spiritus majore superetur.

42. Iterum secundo abiit, & oravit, dicens Pater mi, si non potest hic calix transire nisi bibam illum, fiat voluntas tua.

42. \* *Iterum secundo abiit & oravit*: Pater mi, si non potest hic calix transire, &c. Insinuat iterum indirectè gratum naturæ fore, si transiret; gratus tamen, ut obveniat, & impleatur voluntas Dei, dum absolutè adjicit, \* *fiat voluntas tua*: quibus verbis non solum se resignat in mortem & voluntatem Dei, sed etiam orat, ut circa se impleatur. Eadem ergo est hæc oratio, quæ prior, quamvis in verbis aliqua videatur differentia, unde Marcus ait, eum eundem sermonem dixisse.

43. \* *Et venit iterum*, ut inter media pericula curam salutis eorum ostenderet, eosque sui officii admoneret, ut & ipsi suam agnoscerent infirmitatem, & nos alienam tolerare disceremus. \* *Et invenit eos dormientes*, præ tristitia, ut expressè addit Lucas. \* *Erant enim oculi eorum gravati*. Somno igitur non voluntario premebantur, inquit Aug. l. 2. cont. Gaudent. c. 22. tristitia enim somnum provocat. Unde pueri cum fleverint & adulti tristes faciliè dormiunt.

43. Et venit iterum, & invenit eos dormientes: erant enim oculi eorum gravati.

44. \* *Et relictis illis oravit tertio eundem sermonem, dicens*: id est, in eandem sententiam, seu eandem rem oratione petens; *Sermo* enim Hebraicè pro re sumitur. Idem ergo, quamvis diversis forsitan verbis, explicuerit, sicut & secundâ vice factum vidimus. Sed cur ter oravit? Quia hic numerus rei perfectioni & constantiæ servire solet, juxta Chrysost. ut scilicet doceret perseverandum in oratione inter pericula, etsi non fiamus mox voti compotes. Unde quamvis primâ oratione, imo ipsemet potuisset sine oratione tristitiam suam sedare, maluit tamen exempli nostri causâ velut fructum tertiæ orationis hoc obtinere. Itaque

44. Et relictis illis iterum abiit & oravit tertio, eundem sermonem dicens.

45. \* *Tunc*, finitis precibus, suppresso naturæ horrentis affectu, \* *venit ad discipulos suos, & dicit: Dormite jam & requiescite*. S. Aug. l. 3. de consensu c. 4. accipit, ut verba indulgentis eis jam somnum: ideoque his pronuntiatis putat Dominum aliquantulum siluisse, ut fieret, quod permittebat; tum denique subjecisse, id quod Marc. dicit, *Sufficit*, Theophyl. tamen & Euthym. valdè appositè accipiunt, ut verba exprobrantis importunam somnolentiam, per ironiam, quomodo & Aug. accipi posse dicit; hoc enim videtur postulare, quod sequitur: \* *Ecce appropinquavit hora*, seu articulus temporis à Deo definitus: \* *Et, id est, quâ, Filius hominis tradetur in manus peccatorum*: q. d. periculum præsens vos jam satis excitabit, quos crebra monitio non excitaverat.

45. Tunc venit ad discipulos suos & dicit illis: Dormite jam & requiescite: ecce appropinquavit hora & filius hominis tradetur in manus peccatorum.

46. \* *Surgite, eamus*, ipsis obviam, ut pateat, inquit Chrysost. non necessitatis aut infirmitatis humanæ rem istam esse, sed divinæ dispensationis, nec me incautè oppressum, sed ultro eis à meipso traditum. \* *Ecce appropinquavit, qui me tradet*. Prædictio erat; necdum enim se dederat in conspectum: unde ut appareret vera, unanimiter Luc. Marc. & Matth. notant, quod

46. Surgite, eamus: ecce appropinquavit qui me tradet.

47. \* *Adhuc ipso loquente Judas unus de duodecim venit*, ex Apostolo subito factus dux sceleratorum hominum. Ne quid enim Christi injuriis deesset, oportebat eum à discipulo ordinis sibi conjunctissimi tradi. \* *Et cum eo turba multa*, nempe tribunus & cohors à Romanis accepta, & ministri à Pontificibus & Phariseis, ut tradit Joannes: simul etiam aliqui Principes Sacerdotum, & Magistratus Templi, & Seniores aderant, ut Luc. 22. v. 52. *cum gradibus & fustibus*, ferratis scilicet, id

47. Adhuc eo loquente, ecce Judas unus de duodecim venit, & cum eo turba multa, cum gradibus & fustibus, missi à Principibus Sacerdotum, & Senioribus populi,

est,



est, hastis, muniti adversus vim sive Apostolorum sive turbæ, & velut facinorosum comprehensuri : \* *missi à Principibus Sacerdotum & Senioribus populi*, id est, à summo Magistratu, tam Ecclesiastico quam Civili.

48. Qui autem tradidit eum, dedit illis signum, dicens: quemcumque osculatus fuero ipse est, tenere eum.

48. \* *Qui autem tradidit, dedit eis signum*, ne per tenebras errarent in persona, præcipuè milites, qui eum minus noverant. *Quemcumque osculatus fuero*. Elegit hoc signum pacis, partim reverentia Magistri, partim verecundiâ discipuli, ut Hieron. notat, ut & Christum proderet sine violentia, & sceleris fœditas eum ipsum & Coapostolos lateret ad tempus. Erat enim signum salutantibus pro more Gentis usitatum, ut patet in Joab, typo Judæ 2. Reg. 2. v. 9. Unde Christus, *Osculum mihi non dedisti*, Lucæ cap. 7. v. 45. Hinc eadem consuetudo mansit inter veteres Christianos, ut patet Actor. 20. v. 37. & ad Rom. 16. v. 16. & passim alibi. \* *Ipse est, quem quæritis, & quem pactus sum tradere*, \* *tenere eum*, Marcus addit, & *ducite cautè*, ne scilicet è manibus elabatur, ut aliquando fecit in Nazareth, Lucæ 4. v. 30. & Joan. 10. v. 39. Monuit hoc Judas, ne, si quo casu elaberetur, simul forsan & pecuniam pactam, & officium dispensatoris amitteret.

49. Et confestim accedens ad Jesum dixit: Ave Rabbi. Et osculatus est eum.

49. \* *Et confestim accedens*, tanquam domesticus: unde turbam videtur aliquantulum præcessisse, ut scilicet & videri ab ea posset, & non ab ejus partibus stare videretur. \* *Dixit: Ave Rabbi, & osculatus est eum*, nec Dominus osculum averatus est, tum ne criminis causam aliqua ei præberet offensio, ut Leo serm. 5. de Pass. tum ut plus afficeret proditorem, cui amoris officia non negaret, ut hic Ambr. denique ut ita doceremur etiam sævituros in nos inimicos diligere, ut hic Hilar. Unde nec convitiis, nec minis, nec verbo perstringit asperiore, nec perfidiam exprobrat, sed blandissimo verbo intimam pungens conscientiam, ait:

50. Dixitque illi Jesus: Amice ad quid venisti? Tunc accesserunt & manus iniecerunt in Jesum, & tenuerunt eum.

50. \* *Amice*: quia amicus fuerat, & adhuc in scelere Dominus amicum animum erga eum servabat, ut Aug. in Psal. 3. *ad quid venisti?* id est, Quò impietatis devenisti, inquit aliqui, ut sit commiserantis; sed Græcum, *ἔφ' ὅτι πρὸς*, *ad quid ades*, seu *advenisti?* satis indicat Christum de corporali adventu loqui. Unde videtur vox admirantis; cur non osculo, si proditor? Cur cum illo comitatu, si amicus? Ut autem indicaret, non ignotam sibi fraudem esse, apud Lucam addit, maxima cum emphasi, *Osculo Filium hominis tradis?* id est, Charitatis insigne, inquit Ambros. in Hexam. convertis in signum proditoris? Pacis pignore uteris ad officium crudelitatis? Unde idem in Psal. 39. graviore telo tantæ dignationis percussus esse Judam dicit, quàm si eum fulmine percussisset, neque patientiam Domini ferre potuisse, qui majestatem prodidit: putat enim ipse propter hanc dignatio-

nationis vocem imprimis tactum Judam pœnitentiâ, & pecuniam retulisse. His ita peractis recessit Judas versus turbam, & contigerunt illa quæ Joan. narrat de turbis prostratis, ut sentit Aug. l. 3. de conf. c. 3. Si enim ante osculum ista contigissent, non opus fuisset osculi signo, cum bis dixisset ipse Jesus, *Ego sum*. Itaque post osculum & prostrationem turbæ, propriâ voce Christi instructi, quod ipse esset, *\* tunc acceperunt*, Domino eis quasi potentioribus cedente, & potestati temporariæ potestatem, quam habebant, permittente, *\* & manus injecerunt*, &c. cum tamen hoc jam tentare vellent.

§ 1. *\* Et ecce unus extendens manum*, Petrus scilicet ut est apud Joan. cum videret, ut ait Luc. quod futurum erat, quod nempe ligaturi essent, & ad supplicium adducturi, Christo non amplius eos prosternente, sed sinente accedere, *\* exemit gladium*, animo fervidus & manu promptus, non expectato Christi responso, ad interrogationem, quâ discipuli petierant, num percuterent in gladio. Sed unde gladius Petro, in familia Christi pacifici? Chrysost. putat reservatum ex occisione agni Paschalis; Cyrillus in Joan. ex consuetudine regionis ad arcenda pericula nocturna: sed perspicuum videtur, studiosè à Petro fuisse gestatum, ad defendendum Dominum, occasione proditoris instantis & verborum Christi, Luc. 22. v. 36. & 38. *\* Et percutiens servum Principis Sacerdotum*, nomine Malchum, ferocius instantem, inquit Leo fer. 1. de Pass. ut inter primos manus injiceret in Jesum, *\* amputavit auriculam ejus*, dexteram: quo satis indicatur, eum occidere voluisse, sed Deo iustum moderante, vel servo declinante frustratum. Fecit hoc Petrus eodem mentis ardore, quo cætera, inquit Hieron. & ut promissis suis satisfaceret.

§ 1. Et ecce unus ex his qui erant cum Jesu, extendens manum, exemit gladium suum, & percutiens servum principis Sacerdotum amputavit auriculam ejus,

§ 2. *\* Tunc ait: converte gladium in locum suum*, in vaginam reconde. Noluit enim persecutorum defendi vulnere, qui voluit suo vulnere omnes sanare, inquit Ambr. 3. Officior. c. 4. Sed antequam hæc diceret, apud Lucam præmisit, *Sinite usque huc*, scilicet eos progredi ad me capiendum, inquit Augustinus. Quamquam Græcum, *ἐὰν* etiam significet *cessate*, q. d. Desinite, huc usque suffecerit me defendisse, quem sensum Euthymius insinuat. *\* Omnes enim qui acceperint gladium*, ad ulciscendum, ut vult Basiliius Reg. 49. seu potius generaliter, qui acceperint privatâ autoritate. Ille enim accipit gladium, inquit Aug. lib. 22. contra Faust. c. 70. qui nulla superiori ac legitimâ potestate vel jubente vel concedente in sanguinem alterius armatur. *\* Gladio peribunt*, id est, digni sunt, qui pereant. Non enim eventus, sed meritum homicidæ significatur, juxta Legem Genes. 9. v. 6. *Quicumque effuderit humanum sanguinem, fundetur sanguis illius*. Quo dicto non

§ 2. Tunc ait illi Jesus: Converte gladium tuum in locum suum. Omnes enim qui acceperint gladium gladio peribunt.



Petrum tantum, sed & hostes suos, gladium & violentam potestatem in se innocentem usurpantes, perstrinxit, ut notat Chrysost. & Theophylactus. Paruit statim Petrus, ut liqueat eum, sicut & Moysen olim, inquit Aug. loc. cit. non detestabili immanitate, sed emendabili animositate justitiæ regulam excessisse: utrumque odio improbitatis alienæ; Moysen fraterno, Petrum Dominico, licet adhuc carnali, tamen amore peccasse. Hæc prima ratio, quare repressit Petrum. Altera est:

53. An putas quia non possum rogare Patrem meum & exhibebit mihi modum pliusquam duodecim legiones Angelorum?

53. \* *An putas, quia non possum rogare Patrem*, pro auxilio Angelorum multò potentiori quàm tuo? \* *Et exhibebit mihi modum*, hac ipsa hora, in momento, inquit tertull. de patient. c. 3. ut significet interpellationem cælestis præsidii nondum esse seram, vel importunam, \* *pliusquam duodecim legiones Angelorum*, pro vobis duodecim Apostolis. Eadem voce *Legio*, utitur textus & Græcus & Syriacus, quâ usus videtur & ipse Christus tanquam in Judæa propter Romanos jam vulgari. Hieron. & Vegetius scribunt Legionem continuisse sex millia militum, alii plures, Polybius pauciores. Quidquid sit, significari Christum voluitingentem Angelorum numerum. Loquitur autem secundum opinionem Petri, cum ipse nec hominum, nec Angelorum auxilio indigeret, sed Angeli ipso.

54. Quomodo ergo implebuntur Scripturæ, quia sic oportet fieri?

54. \* *Quomodo ergo implebuntur Scripturæ*, supple, quæ tradunt, \* *quia sic oportet fieri*? id est, Quia oportet me non resistere, me debere capi & mori. Scriptura enim dicit, *Tanquam ovis ad occisionem ducetur*. Item, *Ego tanquam agnus mansuetus, qui portatur ad victimam*. Nam, ut Cyrillus in cap. 50. Isaïæ, ovis & agni in eos, per quos ad occisionem ducuntur, non insiliunt. Respondet itaque tacitè objectioni, cur non petat auxilium, & cur illos & se à defensione contineat.

55. In illa hora dixit Jesus turbis: tanquam ad latronem existis cum gladiis & fustibus comprehendere me: quotidie apud vos sedebam docens in templo, & non me tenuistis.

55. \* *In illa hora*, seu temporis articulo, dixit Jesus turbis, præcipuè Principibus Sacerdotum, Magistratibus Templi, & Senioribus, ut Luc. explicat; nam in milites Romanos ultima hujus versus verba non ita quadrant: \* *tanquam ad latronem existis cum gladiis, &c.* ad constandam mihi hominis facinorosissimi invidiam, qui quidlibet auderet, antequam capi posset, idque nocte intempestâ, ut quasi ex insperato violentia ejus opprimatur. Gravissima est enim expositulatio de injurioso agendi modo cum non in modum latronis se gessisset. Nam \* *quotidie*, clarâ scilicet luce, nec semel, sed per singulos dies, \* *apud vos*, præsentibus & spectantibus, \* *sedebam docens*, tanquam securus, nihil de fuga sollicitus, omnibus docendo benefaciens. De miraculis tacet, inquit Chrysost. ne se jactare videretur. \* *In templo*, loco sanctissimo, vobis subjecto, à latrociniis alienissimo, ante judicium totiusque Reip. conspectum: \* *& non me tenuistis*, sicut debebatis, si erat justa causa.

36. \* *Hoc autem totum factum est, ut adimplerentur Scripturæ Prophetarum.* Oportebat enim hoc Sacramentum multipliciter prædici, quia quanto magis erat incredibile, tanto magis scandalo futurum erat si nudè prædicaretur, inquit Tertullianus lib. contra Judæos cap. 10. Marcus hoc modo, *sed ut impleantur Scripturæ*; ut sint illa verba Christi, reddentis rationem, cur *hoc totum*, scilicet proditio, comprehensio, noctu instar latronis sine defensione contigerit, nempe non eorum potestate aut viribus, quia diu antè perpetrassent, sed quia decreto Patris per Scripturas prænuntiato jam tandem permetteretur. Unde Lucas, *Hæc est hora vestra*, seu opportunitas diu exoptata, quâ vobis à Deo tandem permittitur in me agere, quod lubet, & *potestas tenebrarum*, id est, malignorum spirituum laxata jam à Deo, quibus dominantibus præbetis manus. Matthæus tamen videtur hæc verba ex persona sua dicere. Ex his liquet, quàm præsentī animo Christus in periculis fuerit, ut qui unicuique interritus quod suum erat, diceret, Judæ, Petro, Judæis. \* *Tunc*, cū jam eum & captum & ligatum, & Judæorum potestati prorsus traditum viderent, \* *discipuli omnes relicto eo fugerunt*; in pace leones, in prælio cervi, ut Tertull. loquitur de corona milit. cap. 1. metuentes videlicet timore humano ne caperentur, cū Christi permissu liberè abire potuissent Joan. 18. v. 8.

57. \* *At illi tenentes Jesum, dixerunt ad Caiphā, principem Sacerdotum*, hoc est Pontificem anni illius, ut Joan. \* *Ubi Scriba & Seniores convenerant*, jam antè scilicet, expectantes ex Judæ conditō eventum rei, ut eum statim nocte communi authoritate damnarent. Testis autem est Joannes, fuisse antè ductum ad Annam, qui socer erat Caiphæ, & inde ligatum ad domum Caiphæ.

58. \* *Petrus autem*, animo jam ex prima trepidatione recepto, \* *sequebatur eum*, victus amore erga Dominum, quamvis infirmo; unde multum ponderat Ambr. in Lucam, hanc ejus audaciam inter pericula. \* *A longe*, quia amor mixtus erat timor: charitas trahit eum, timor retrahit. \* *Usque ad atrium principis Sacerdotum*, id est, in ipsam aulam, *ἐως τῆς αὐλῆς*, ut est Græcè scilicet primam ministris deputatam. Non enim hic accipitur pro loco subdiali: nam \* *ingressus intro*, intromissus scilicet per ostiariam operā illius discipuli, qui erat notus Pontifici, ut tradit Joannes; \* *sedebat*, ad ignem, ut alii narrant, \* *cum ministris*, operientibus dominos suos: ubi, inquit Cyril. lib. 11. in Joan. c. 42. alto corde dolorem premens, quæ illi faciebant, facere simulabat.

59. \* *Principes autem Sacerdotum &c. quærebant falsum testimonium*, quod tamen verum videri vellent: unde Syrus simpliciter, *quærebant testes*: juris enim speciem impietati prætexere voluisse perspicuum

36. Hoc autem totum factum est ut adimplerentur Scripturæ Prophetarum. Tunc discipuli omnes relicto eo fugerunt.

57. At illi tenentes Jesum, duxerunt ad Caiphā Principem Sacerdotum, ubi Scriba & Seniores convenerant.

58. Petrus autem sequebatur eum a longe, usque in atrium Principis Sacerdotum. Et ingressus intro, sedebat cum ministris, ut videret finem.

59. Principes autem Sacerdotum & omne concilium quærebant falsum testimonium contra Jesum, ut eum morti traderent.



est. Primò itaque de doctrina inquisierunt, ut Joan. ubi cùm nihil invenissent ex ipso, sed remissi essent ad auditores, testes ex auditoribus quærunt. \* *Ut cum morti traderent* : quo indicatur, nihil eis de mortis causa fuisse curæ, sed larvâ judicii contentos fuisse, tum ut sic honori suo consulerent, tum ut Pilati operâ possent uti ad supplicium decernendum, sine quo non poterant.

60. Et non invenerunt, cum multi falsi testes accessissent. Novissimè autem venerunt duo falsi testes,

60. \* *Et non invenerunt*, etiam falsum testimonium, quod esset idoneum ad necem juris specie decernendam, eo quòd nullam, ut Orig. vel verisimilitudinem, vel colorem reprehensionis invenirent in tanta ejus innocentia. \* *Cum multi falsi testes accessissent*, qui vel Pontificibus, vel Magistratibus gratificari vellent, alii aliud, sed sine sufficienti ad supplicium colore testantes, \* *novissime autem venerunt*, tanquam singulare præ cæteris crimen objecturi, \* *duo*, ut in ore duorum testimonium plenè condemnari posset, juxta Legem Deuter. 16. v. 6. \* *falsi* tamen, quia & sensum & verba Christi perverterunt.

61. Et dixerunt: hic dixit: possum destruere templum Dei & post triduum reedificare illud.

61. \* *Hic dicit: Possum destruere templum Dei: manufactum*, addit Marcus, scilicet Jerosolymitanum, \* *& post triduum reedificare illud*. Tendebat hoc testimonium ad convincendam ejus impietatem in destruendo templo augustissimo, & præsumptionem, vel artes ejus magicas in reedificando. Falsum erat, & in verbis, quia non dixerat, Possum destruere, sed Solvite, vos scilicet, hoc est, si solveritis: & in sensu, quia locutus erat de templo corporis sui. Et hinc notat Marcus, *non fuisse conveniens eorum testimonium*, quia ad necem insufficiens, etsi fuisset verum: nemini erat injuriosa potestatis propriæ declaratio. Mirabilis autem innocentia, contra quam aliquid nec fingi potest ab inimicis.

62. Et surgens Princeps Sacerdotum, ait illi: nihil respondes ad ea, quæ isti adversum te testificantur?

62. \* *Et surgens princeps Sacerdotum*, iratus scilicet & impatiens, quod nullus inveniretur calumniæ locus, ut Hieron. notat: atque in primis, eo quòd videret id ipsum Jesum adstantem intelligere, & idcirco putaret eum omnia silentio quasi contemnere. \* *Ait illi: Nihil respondes ad ea, &c.* non quasi Caiphas ipse judicaret esse digna responso, sed ut ex quacumque occasione sermonis locum inveniret accusandi, inquit Hieron. \* *Jesus autem tacebat*, tum quòd ipsa se testimonia refellerent, etiam inimicorum & judicum judicio, tum quòd nihil esset profuturum, sed nociturum. Inimicos enim dum purgare nos volumus, acerbamus, inquit Ambr. lib. 2. de interpellat. cap. 2. Quidquid enim dixisset, vertendum erat in calumniam, cùm esset tantum figura judicii, re ipsa latrocinium ad damnandam innocentiam. Itaque tacendo, accusationem non firmabat, sed spernabat, tanquam qui non suum, sed alterius crimen audirent, ut loquitur Ambros. in Psal.

Pfal. 118. Denique hoc mirabile silentium per totam passionem observatum non caruit mysterio, quod abjectâ scilicet omni privata defensionis curâ, mortem à Deo Patre decretam subire vellet. Itaque

63. \* *Princeps Sacerdotum ait illi*, ut efficacissimam calumniam ex ejus ore captaret : \* *Adjuro te per Deum vivum*, id est, Dei vivi seu veri nomine, & autoritate interpositâ, mando tibi, & obstringo te, ut sit testis mandati mei, & irreverentiæ tuæ in Deum & me, si adhuc tacueris, & vindex falsi, si fefelleris. Ritus ille adjurandi in Scripturis frequens est, quo quis adigitur per reverentiam Deo debitam ad aliquid faciendum vel dicendum. \* *Ut dicas nobis, si tu es Christus*, ille Messias Rex Israël, nobis promissus & expectatus, \* *Filius Dei*, naturâ scilicet, & proinde æqualis Deo. Nam & ipse Christus prædicaverat de se, Joan. 5. v. 18. unde Judæi eum lapidare voluerant, & hoc passim percubuerat, & post confessionem Petri talis à discipulis habebatur, ut etiam patet ex testimonio Marthæ, Joan. 11. v. 27. Duo igitur sunt hîc gravia accusationis capita, quæ meditatur Caiphas : ut, si fateretur se Messiam Regem, esset reus læsæ majestatis Cæsaris ; si Filius Dei, blasphemus : sentiebant enim hoc esse non posse, nisi simul esset æqualis Deo : unde utrumque objecerunt apud Pilatum Joan. 18. & 19. sin autem utrunvis negaret, faciliè convinceretur, utrumvis sibi tribuisse, & recenter acclamari permisisse. Christus igitur, ut ostenderet se nec publicam judicis auctoritatem contemnere, & se gloriam Deo, per quem adjuratus erat, deferre debitam, simulque nos doceret, quomodo præceptum, quod tulerat, de depromenda clara fidei & charitatis confessione ante Reges & Præsides, esset observandum.

64. \* *Dicit illi : Tu dixisti*, scilicet id, quod res est, seu id quod sum, est enim modesta & sine loquentis arrogantia veritatis confessio : unde apud Marcum clarè dicitur, *Ego sum*, & Lucas utrumque conjungit, *Vos dicitis, quia ego sum*. Ne autem prætexere possent, se non satis dilucidè responsionem intellexisse, ut tacitè argumentum solveret, quod eos à credendo deterrebat, adjicit : \* *Verumtamen dico vobis*. Illud, *Verumtamen*, adversativum est, sed non habet, cui respondeat. Itaque videtur Christus non ad verba, sed ad mentem eorum respondere, quæ exprimitur Lucæ 22. v. 67. quia scilicet non crederent eum esse Filium Dei, nempe propter personam ejus contemptibilem : q. d. Vos id, quod dixi, non creditis quidem, verumtamen re ipsa hoc brevi patefiet : nam \* *amodo*, id est, ex modo, seu ex hoc tempore, & posthac, \* *videbitis Filium hominis sedentem à dextris virtutis Dei*, id est, non habitu rei criminosi atque in illa abjectione, quâ modò, sed

63. Jesus autem tacebat. Et Princeps Sacerdotum ait illi : Adjuro te per Deum vivum, ut dicas nobis si tu es Christus filius Dei.

64. Dicit illi Jesus : Tu dixisti. Verumtamen dico vobis, amodo videbitis filium hominis sedentem à dextris virtutis Dei & venientem in nubibus cæli.



super omnem creaturam, assidentem Deo, naturâ, potestate, imperio, honore æqualem : de quo vide dicta c. 22. v. 44. Impletum est hoc statim ab ascensione ad Philip. 2. v. 9. quia prædicantibus Apostolis, & miraculis coruscantibus, videre, id est, experiri coacti sunt Christi exaltati, ad dexteram Patris, majestatem : maximè tamen implebitur in novissimo judicio, de quo intelligi debet id quod sequitur, \* *& venientem in nubibus cali*, ad judicandum vivos & mortuos, & inter illos etiam vos judices meos. Alludit ad duo Scripturæ loca, de Filio Dei pronuntiata, Psalm. scilicet 109. v. 1. & Daniëlis 7. v. 13. Aug. epist. 80. intelligit nubes mysticas, prædicatores scilicet Evangelii, quibus vinctus Christus fuit statim ab ascensione per Judæam, totumque mundum, Judæis videntibus ; sed sensus videtur mysticus.

65. Tunc Princeps Sacerdotum scidit vestimenta sua, dicens: blasphemavit: quid adhuc egemus testibus? ecce nunc audistis blasphemiam.

65. \* *Tunc Princeps Sacerdotum scidit vestimenta sua*, ad testandam doloris sui magnitudinem de tanta scilicet blasphemia. Erat hoc & Gentibus, maximè tamen Judæis, usitatum, ad declarandam rei alicujus indignitatem & acerbiteriam, sive luctus, ut fecit Jacob, visâ tunicâ cruentâ filii, & Josuë Num. 14. v. 6. sive blasphemix, ut fecit Ezechias, auditis blasphemis Rabfacis 4. Reg. c. 19. v. 1. & Paulus & Barnabas Act. 14. v. 13. Itaque nesciens, inquit Leo ser. 6. de Pass. quid hæc significaret infamia, sacerdotali se honore privavit, id est, privandum significavit, ut notarunt & Orig. & Hieron. Erat enim vetitum summo sacerdoti scindere vestimenta sua Lev. 21. v. 10. Similis mystica significatio scissæ vestis portendit & Sauli ablationem regni, 1. Reg. 15. v. 28. & Salomoni, 3. Reg. 11. v. 31. \* *Dicens blasphemavit*, id est, Deo injuriam verbis irrogavit, sibi divinitatem arrogando. \* *Ecce nunc*, hoc ipso tempore & loco, coram tribunali, \* *audistis blasphemiam*, quæ nulla scilicet tergiversatione excusari potest. Videntur esse verba exultantis, quod tandem voti compotes facti sint.

66. Quid vobis videretur? At illi respondentes dixerunt: Reus est mortis.

66. \* *Quid vobis videtur?* Non de crimine, quod perspicuum esse volebant, sed de pœna, \* *dixerunt, Reus est mortis*, juxta Legem apertam, Levit. 24. v. 16. Lapidatio decreta erat blasphemis per eandem Legem: sed videntur necessariò supplicium crucis ei destinasse, ut patet ex tot acclamationibus cap. sequenti. Itaque hic Christus primus propter confessionem principalis articuli fidei, scilicet nominis Christi, condemnatur; quæ de causa peculiariter vocatur *Caput Martyrum*.

67. Tunc expuerunt in faciem ejus & colaphis eum ceciderunt, alii autem palmas in faciem ejus dedebunt,

67. \* *Tunc*, cum jam esset adjudicatus morti, & solutum concilium, & indictum iterum in mane, \* *expuerunt in faciem ejus*, scilicet viri, qui tenebant eum, ut Lucas: Marcus insinuat etiam aliquos Sacerdotum hoc fecisse, dum à ministris eos distinguit. Est hoc genus contumeliæ gravissimum animo ingenuo, in summum contemptum & detestationem

nein

nem ejus; quasi facies, pars honestissima, sit digna sordibus contemptoris excipiendis. \* *Et colaphis ceciderunt*, Græcè ἐκολλάρισαν; *calaphizarunt*. Theophyl. dicit hoc fieri digitis curvatis, & in pugnum contractis, quod idem significat verbum Syriacum & translatio Hebræa; & noster textus hoc postulat. Distinguitur enim hic à palmis, seu alapis, ut Marc. unde & apud Comicum, *Colaphis tuber est totum caput*. Nam colaphi dantur non solum in faciem, sed & in cervicem & caput; ut non sit dubium, hinc totam faciem lividam intumuisse. \* *Alii autem palmas in faciem ejus dederunt*. Græcè ἐπάπτωσαν, quod Beza & aliqui Catholici, fortassis eum imitati, volunt esse *bacillis cadere*; sed malè, non enim vulnera hîc Christo, sed magis summam ignominiam quærebant. Testatur & Suidas, πατίζειν esse planâ & explicatâ manu genas cedere, quasi dicas, *Expalmare* seu *Depalmare*. Unde & quidam hæretici fatentur eruditius verti non potuisse, quàm noster hîc vertit: & alius longè melius nostrum vertisse, quàm Bezam. Cæterum, quia πατίζειν, teste Helychio, etiam *solcam* seu *crepidam* significat, hinc πατίζειν, cùm de ludibriis agitur, etiam significat faciem soleâ percutere, quod Persius dixit, *objurgare soleâ*. Porro utrovis modo fiat, gravissima est ignominia & servitutis vilissimæ nota. Hinc est, quod insultationem addant acerbissimam.

68. \* *Prophetiza nobis Christe*, id est, Ostende te jam Prophetam, cùm nullus Christo major sit Propheta, qualem te jactasti, dicendo nobis: \* *Quis est qui te percussit?* Hâc scilicet vel istâ alapâ. Sarcasmus iste non habet locum, nisi ex Marco & Luca intelligamus quòd *velaverunt faciem ejus*, hoc est oculos, ne percutientes videre posset. Itaque mordacissimis istis ludibriis significare volebant, falsò sibi nomen Christi & Prophetæ arrogasse, ut qui nec percussiores suos posset dignoscere. Alia multa fuisse verborum opprobria indicat Lucas, generaliter dicendo, *Et alia multa blasphemantes dicebant in eum*: similiter & factorum Isaias, cùm dicit, id quod siverunt Evangelistæ, *Genas meas dedi vellentibus*, seu vellicantibus, barbam scilicet. Quæ omnia sicuti fuerunt dictu & cogitatu horrenda in talem personam, ita & patientia ejus admirabilis, ut ea de causa dixerit ibidem ejus nomine Isaias, *Idco posui faciem meam, ut petram durissimam*, hoc est, inquit Tertull. lib. de patientia, omni impatientiæ impenetrabilem:

69. \* *Petrus vero*: quamvis hæc narrentur post contumelias Domini uno tractu narratas, contigerunt tamen vel inter illas, vel fortassis etiam ante, durante examine. Itaque \* *Petrus sedebat*, ad ignem cum ministris, ut calefaceret se, \* *foris in atrio*, id est, anteriori aut exteriori aula, quo significatur, Christum tunc fuisse in interiori seu conclavi,

68. Dicentes: prophetiza nobis Christe, quis est qui te percussit?

69. Petrus verò sedebat foris in atrio: & accessit ad eum una ancilla dicens: Et tu cum Jesu Galilaæ o eras.

quòd



quò non erat accessus ministris. Marcus addit *deorsum*, ut insinuet Dominum fuisse sursum in superioribus ædium. Utrumque optimè notat Aug. l. 3. de consens. c. 6. \* *Et accessit ad eum una ancilla*, summi Sacerdotis, ut Marc. & quidem ostiaria, quæ Petrum intromiserat, ut indicat Joannes, \* *dicens*, primò quidem circumstantibus, *Et hic cum illo erat*, ut colligitur ex Luca; deinde audacior facta & ipsi Petro: \* *Et tu cum Jesu Galileo eras*, & consequenter ejus discipulus es, ut indicat Joannes. Contemptus causâ sic vocabatur & tunc & postea à Juliano Apostata, eo quod in Galilæa maxima ex parte educatus esset, & plerique discipuli essent Galilæi.

70. At ille negavit coram omnibus. dicens: Nescio quid dicis.

70. \* *At ille negavit coram omnibus*: ut omnes ita purgationem, sicut accusationem ancillæ audire possent. Notat hanc circumstantiam velut gravantem crimen, \* *dicens*: *Nescio quid dicis*, id est, nescio quid verbis istis significatum velis. Habet enim hoc emphasin securæ negationis, quasi incognitus sibi esset, ut nec terminos intelligeret. Erat autem hoc non solum negare discipulatum Christi, sed etiam se esse Christianum, hoc est, ipsam fidem Christi, ut Aug. tr. 113. in Joan. nemo enim credit incognitis. Ecce columna firmissima, inquit ibid. ad unius auræ impulsus tota contremuit. Ubi est illa promittentis audacia, & de se plurimum præsumptis? Sed quid mirum, si Deus vera prædixit, homo autem falsa præsumpsit?

71. Exeunte autem illo januam, vidit eum alia ancilla, & ait his qui erant ibi: Et hic erat cum Jesu Nazareno.

71. \* *Exeunte autem illo*, eo quod timeret deprehendi, \* *januam*, scilicet aulæ ut iret in vestibulum ante atrium, ut Marcus. Ubi cum foris jam esset, primâ vice gallum cantantem audivit, ut ibid. notat, neque quidquam commotus fuit. Colligunt itaque nonnulli, hoc circa mediam noctem contigisse, quando gallus primo canere solet. *Vidit eum alia ancilla*, & *ait his, qui erant ibi*: mussitans hoc fortè circumstantibus, sic ut Petrus exiens audire posset. Reversus est ergò, vel ne fuisset videretur, vel ut se purgaret, vel frigoris impatiens, vel curiosus, ut videret finem istius tragœdiæ. Nam ex Marco constat, Petrum exiisse, & gallum audivisse cantantem; ex Joanne verò, quòd ad focum stans secundò negaverit. Silet ergò Matthæus reditum ejus. Itaque post reditum alius quidam, ut Lucas notat, imò alii plures, ut Joan. objecerunt ei, stanti & calefacienti, idem quod ancilla dixerat circumstantibus, videlicet. \* *Et hic erat cum Jesu Nazareno*. Ita ferè S. Aug. ista conciliat, quæ alioqui minus perspecta quosdam adegerunt, ut Petrum sæpius quàm ter negasse crederent.

72. Et iterum negavit cum juramento: quia non novi hominem.

72. \* *Et iterum negavit cum juramento*: ut vel sic crederent, quòd simpliciter neganti non crediderant. Ita mendacio adjecit perjurium, \* *quia non novi hominem*; tantum abest, ut sim discipulus ejus. Mansit ergo

ergo ibi securior, putans eis se plenè fecisse fidem tantà asseverandi pertinaciâ.

73. \* *Et post pusillum*, Lucas ait, *intervallo facto quasi unius horæ*, \* *ac-* 73. Et post pu-  
*cesserunt qui stabant*. Lucas unum tantum nominat, quem Joan. dicit  
fuisse cognatum ejus, cujus Petrus auriculam absciderat, atque obje-  
cisse quòd eum vidisset in horto. Huic alii se junxerunt, \* *& dixerunt*  
*Petro: Vere & tu ex illis es*, qui isti homini adhæserunt: \* *nam & loquela*  
*tua manifestum te facit*; idioma scilicet Galilæum, quo loqueris, pro-  
bat te esse Galilæum, ut dicitur apud Lucam, & consequenter te esse  
istius Galilæi discipulum. Nam quamvis omnes Syriacè loquerentur,  
dialec̃to tamen discrepabant; cujusmodi discrepantiam ejusdem linguæ  
in omnibus nationibus videmus. Petrus autem videns crescere pericu-  
lum ex cognato ejus, quem penè occiderat, & se tot argumentis pre-  
mi, & penè convinci.

74. \* *Cœpit detestari*: Græcè *ἀγλαῶς ἐπαρίζειν*, id est, execrari, & diris  
se devovere, sibi mala imprecari: quamquam aliqui intelligant cœpisse  
detestari Jesum. \* *Et jurare*, seu cum jure-jurando affirmare, scilicet  
tam imprecatorio, quàm assertorio, \* *quia non novisset hominem*, quantò  
minùs se esse discipulum ejus. \* *Et continuo*, Lucas, *adhuc eo loquente*,  
ut appareret, Christum vera prædixisse, \* *gallus cantavit*. Marcus,  
*iterum cantavit*: quàm iterationem ipse notat, quia solus narrat  
Christum prædixisse, quòd ter negaturus esset Petrus, antequam  
gallus cantaret bis.

75. \* *Et recordatus est Petrus*, partim exteriore cantûs admonitu, 75. Et recorda-  
partim interiore Christi suggestione: quæ si defuisset, non magis tunc  
quam primo cantu fuisset recordatus \* *verbi Jesu quod dixerat, &c.*  
Lucas recordationem istam, velut causam ejus, notat, quòd *conver-*  
*sus Dominus*, non corporalitèr, quia nihil profuisset; ut enim suprà ex  
Aug. notavimus, Petrus erat foris, id est, in aula exteriori ac deor-  
sum, Christus intus ac sursum: *Respexit Petrum*, divinæ scilicet mi-  
serationis intuitu, quia latenter subvenit, cor tetigit, memoriam re-  
vocavit, interiore suâ gratiâ visitavit Petrum, interioris hominis usque  
ad exteriores lachrymas produxit affectum, ut loquitur hâc de re  
Aug. de gratia Christi c. 45. Quem internum divinitatis Christi res-  
pectum fuisse significatum, docet etiam Ambr. l. 10. in Luc. & Leo  
Serm. 3. de Pass. Itaque Petrus non tam metu quàm compunctione  
motus, & odio consortii, per quod lapsus erat, \* *egressus foras*: soli-  
tudo enim ad negotium flendi & pœnitendi aptior, ut Aug. lib. 8.  
confess. c. 11. \* *flevit amarè*, quia tam enorme peccatum non erat  
pœnitentiâ perfunctoriâ expiandum. Permissa sunt hæc divinitus in  
Petro,

fillum acceffe-  
runt qui stabant,  
& dixerunt Petro:  
Vere & tu ex illis  
es: nam & lo-  
quela tua mani-  
festum te facit.

74. Tunc cœpit  
detestari & jurare  
quia non novisset  
hominem: Et  
continuo gal'us  
cantavit.

75. Et recorda-  
tus est Petrus  
verbi Jesu, quod  
dixerat: Prius  
quàm gallus can-  
tet, ter me nega-  
bis. Et egressus  
foras, flevit ama-  
rè.



Petro, ut elideretur ejus præsumptio, inquit Basil. Reg. inter breviores 81. ut disceret infirmis parcere, ubi suam novisset infirmitatem, ut idem ait Hom. 22. ut in Ecclesiæ principe etiam ab iteratis peccatis remedium pœnitentiæ conderetur, ut Leo Serm. 9. de Passion. denique ut idem ait, ut nemo auderet de sua virtute confidere, quando mutabilitatis periculum nec Petrus potuit evadere.

## CAPUT VIGESIMUMSEPTIMUM.

1. Mane autem facto, concilium inierunt omnes Principes Sacerdotum & Seniores populi adversus Jesum, ut eum morti traderent.

**I.\*** **M**ane autem facto, Lucas, ubi factus est dies, \* concilium inierunt: quod posset intelligi de simplici consultatione eorum, sed Lucas dicit, quod *convenerint*, & duxerint Jesum in concilium suum: quo indicatur, concilium nocturnum ante finitam noctem fuisse dissolutum, & mane iterum congregatum. Itaque \* *Concilium inierunt omnes principes Sacerdotum*, ut nemo tantæ causæ deesset, \* *adversum Jesum, ut eum morti traderent*, id est, quâ viâ mortis sententiam jam latam exequerentur, an, ut olim cogitaverant; an tumultuariè, ut fecerunt in Stephanum; an viâ juris, autoritate Præsidis. Evangelistæ omnes notant hoc secundum concilium, quod Marcus dicit fuisse *universum*, ex omnibus videlicet septuaginta duobus constans iudicibus. Solus Lucas notat eandem quæstionem ibi fuisse iteratam, an esset Christus, eoque confitente, quod ipse esset, eos similiter respondisse, *Quid adhuc desideramus testimonium? Ipsi enim audivimus ex ore ejus*. Ex qua rerum similitudine, & quod non videatur verisimile eos iterum examinasse id, quod jam confessus erat, ne fortè, quod nollent, panilodiam caneret, vel otiosam responsionem iteraret, putant quidam ea omnia contigisse in solo primo nocturno conventu, & Lucam non suo ordine narrasse. Sed sanè ipse contextus Lucæ sic rem describit, ut sine violentia non possint omnia torqueri ad primum conventum. Dicit enim, *Ut factus est dies, convenerunt, &c. & duxerunt eum in concilium suum, dicentes: Si tu es Christus: & peracto illo examine, latæque sententiâ addit, quod surrexerint & duxerint ad Pilatum*. Alii putant omnes illas interrogationes, & testimonia contigisse mane in secundo concilio, Matthæum verò & Marcum ea per anticipationem narrasse; sed longè sanè improbabilius. Apertissimè enim describunt duo Evangelistæ illusionem Christi quasi nocte factam, idque propter existimatam blasphemiam, quod se Christum dixisset. Nam tota illusio ista erat perpetua quædam exprobratio istius confessionis, & ideo Matthæus dicit, *Tunc expuerunt &c.* Itaque rectius & facilius accipiuntur ut verba sonant, quod etiam in hoc concilio, quia plenum erat ex omnibus iudicibus, & quia alterum nocturnum fuerat,

fuerat, quod jure habetur illegitimum, & ut confidentiùs eum condemnarent omnium suffragio, si in eadem confessione persisteret, eamque confirmaret, eum interrogaverint, an esset Christus, & ex ore ejus & iteratâ confessione ipsum condemnaverint. Itaque

2. \* *Vinctum*, Græcè δέσταις δεσλόν, cum *vinxissent eum*: unde solutus videtur adstitisse in concilio, ut confessio liberior nec vi extorta videretur. Vinxerunt autem, quia moris erat, ut, quem adjudicassent morti, ligatum traderent, ut Hieron. notat, videlicet tanquam certorem. \* *Adduxerunt eum*, nempe universum Concilium simul, ut ex Luca patet, qui dicit, *surgens omnis multitudo eorum duxerunt &c.* Idque ut autoritate sua cohiberent populum; tum ut Pilatus sine longiori examine morti traderet eum, qui omnium unanimi judicio esset mortis reus: denique ne quisquam eum auderet defendere. \* *Et tradiderunt Pontio Pilato*, ut esset executor sententiæ, non arbiter causæ, inquit Leo serm. 8. de Pass. id est, ut non cognosceret causam, sed ut in damnatum adverteret. \* *Præsidi*, id est, Præfecto & Gubernatori totius Judææ à Tiberio constituto. Causa verò, cur non ipsi occiderent, datur apud Joan. c. 18. v. 31. quod non liceret eis interficere quemquam adeptâ, scilicet eis per Romanos potestate capitalis supplicii statuendi, quamvis possent infligere leviolem pœnam, ut flagellationis, Act. 5. v. 40. Et hinc est, quod testatur Josephus l. 20. Antiq. c. 8. Annanum Pontificem privatum fuisse pontificatu, eo quod Jacobum, fratrem Jesu Christi, & alios viros bonos, coacto judicium concilio, velut impietatis reos curasset lapidandos, nempe absque Romani Præsidis vel certè Regis Agrippæ assensu. Nam lapidatio Stephani videtur tumultuariè nullo juris ordine, vel sententiâ contigisse. Potuerunt verò & aliæ fuisse causæ tradendi eum Præsidi, ut scilicet invidiam declinando, culpam in Præsidem ethnicum derivarent; ut res tutiùs sine seditionis periculo fieret, & sine violatione festi fieri videretur: quas causas considerant Chrysost. in hunc locum & Aug. tr. 114. in Joan.

3. \* *Tunc videns Judas, quod damnatus esset*, id est, certæ morti adjudicatus, conclamata jam bis sententiâ, ad cujus executionem per Pilatum properabant. Unde putant multi, non existimasse Judam, quod esset interficiendus à Judæis: sed quia non poterat eorum animum ignorare, quem jam sæpe declaraverant, verius videtur, quod criminis atrocitas jam tandem ob oculos posita unâ cum considerata Christi erga se ad ultimum usque humanitate, \* *pœnitentia ductus* fuerit machinata proditiōis; sed inutili. Nam quamvis & peccatum horruerit, & confessus fuerit, & pecuniam abjiciendo quodammodo satisfecerit, multis tamen necessariis pœnitentia ejus caruit. Defuit enim fides Christi,

1. Et vinctum ad  
duxerunt eum &  
tradiderunt Pon-  
tio Pilato prædici

3. Tunc videns  
Judas, qui cum  
tradidit, quod  
damnatus esset;  
pœnitentia ductus,  
retulit tri-  
inta argenteos  
principibus Sa-  
cerdotum, & Sc-  
nioribus,



ut Dei, ut redemptoris, ut justificatoris à peccato : defuit spes veniæ, sicut & Cain : defuit affectus amoris in offensum Deum. Unde dolor fuit non erigens animum ad emendandum, sed horrore quodam crucians & obruens conscientiam ad desperandum, eo ferè modo, quo fit in inferno. \* *Retulit triginta argenteos*, ut pactum, quantum in se esset, rescinderet, & ita ementium infidelitatem professio vendentis argueret, ut Hilar. \* *Principibus sacerdotum*, sive in domo Caiphæ vel Pilati congregatis, sive potius nonnullis in templo obeuntibus ministeria : Principes enim Sacerdotum vocantur capita familiarum, quæ non necesse est omnes adfuisse.

4. Dicens : Peccavi tradens sanguinem iustum. At illi dixerunt : Quid ad nos ? Tu videris.

4. \* *Dicens : Peccavi, tradens sanguinem iustum*, prodendo virum innoxium ad mortem ; hoc enim significatur per *sanguinem*. Unde tacitè multò gravius arguit Principes proditoris & mortis auctores, & simul abstergit maculam, quæ Christo apud Judæos adhærere potuisset, quoddum discipulus propter sibi magis nota crimina tradidisset. \* *At illi dixerunt : Quid ad nos ? Quod tu peccaveris :* \* *Tu videris*, an feceris, & quid feceris & quam rationem reddere possis. Itaque facinus in solo vendente statuunt, cum vendentis testimonio scelus ementium argueretur.

5. Et projectis argenteis in templo, recessit : & abiens laqueo se suspendit.

5. \* *Et projectis argenteis in templo* : sic enim Sacerdotibus eos sibi videbatur reddere, \* *recessit*, affectu pœnitentis, sed furore pereuntis, loca secreta quærens. \* *Et abiens laqueo se suspendit* : quasi qui vellet proprio supplicio scelus suum expiari, inquit quidam ; sed rectiùs Hieron. in c. 5. Amos, malis, quibus anxiabatur, finem imponere, reputans mortem sibi malorum fore finem, ut desperantes solent. Stimulos enim & flagella conscientiæ non sustinebat. Elegit autem suspendium, quia, ut Aug. lib. 2. contra litt. Petiliani cap. 49. duæ sunt maximè viles & usitatæ mortes eorum, qui seipsos interimunt, laqueus & præcipitium. De genere mortis ejus plura in cap. 1. Actor.

6. Principes autem Sacerdotum, acceptis argenteis dixerunt : non licet eos mittere in corbonam : quia pretium sanguinis est.

6. \* *Principes autem Sacerdotum dixerunt : Non licet eos mittere in corbonam*, id est, gazophylacium, seu potius in thesaurum sacrum, qui *Corban* dicebatur, ut Iosephus lib. 2. de bello Judaico c. 8. quamvis propriè significet oblationem seu donum. \* *Quia pretium sanguinis est*, quo scilicet sanguis seu homo ad sanguinis effusionem est venditus ; ubique sibi similes, excolantes culicem, & camelum glutientes ; quasi conscientia ipsorum sine noxa scelus caperet, cujus pretium thesaurus non reciperet. Non licere autem dicunt, non quod certâ Dei lege esset prohibitum, sed per analogiam ad Legem Deut. 23. v. 18. vel propter certas eorum traditiones.

7. Consilio autem inito, emerunt ex illis agri figuli, in sepulturam peregrinorum.

7. \* *Consilio autem inito*, in quem pium usum pecunia posset expendi, cum velut polluta non posset converti in thesaurum vel usum templi,

\* eme-

\* *emerunt ex illis agrum figuli*, Græcè τὸν ἀγρὸν τῶν τετραμίσσας, *illum agrum figuli illius*, certum agrum designans, tunc, cum scriberet celebrem. Situs erat ad Australem plagam urbis, post montem Sion, ut notat Hier. lib. de locis Hebraicis. \* *In sepulturam peregrinorum*, ut in mortuos & immundos expenderetur immundum hominis interfecti pretium. Peregrini enim, hoc est non cives Jerosolymitani, magno numero quotannis affluebant Jerosolymam ad solemnitates, qui propriis carebant sepulchris. Quamquam credibilius sit hic intelligi peregrinos gentiles, quales erant Romani milites, quos nefas putabant cum Judæis sepe- liri: & ita res ista magis servit mysterio. Significatum enim fuit, morte Christi emendum esse mundum, velut agrum lutosum & peccatis im- mundum, in sepulturam peregrinorum, ut scilicet paretur vera requies iis, qui in hoc mundo velut advenæ & peregrini degunt, maximè Gentilibus.

8. \* *Propter hoc vocatus est ager ille*, nempe non à Principibus, sed à vulgo, cum res innotuisset, sicut indicatur Actor. 1. v. 15. \* *Haceldama*. Vox est Syriaca, significans \* *agrum sanguinis, usque in presentem diem*, quo illa scribebat Evangelista. Divinà hoc factum est providen- tiâ, ut, cum scelus obruere vellet, magis in claresceret. Nam, ut Chrys. ait, nomen loco inditum omni tubâ clariùs sceleratam eorum prodidit cædem, non præsentibus tantum, sed & posteris, ut quoties ager no- minaretur, toties memoria sceleris eorum revivisceret.

9. \* *Tunc impletum est, quod dictum est per Jeremiam Prophetam*. Pro- phetia, quæ hic citatur, apud Jeremiam non habetur, sed apud Zacha- riam, magis tamen quantum ad sensum, quàm ad verba. Unde diffi- cultas ista novem aut decem diversas peperit opiniones. Alii putant desumptum testimonium ex scriptis Jeremiæ, quæ perierunt, de quo 2. Machab. 2. v. 1. alii ex apocryphis Jeremiæ libris, sicut fecit Apo- stolus de Janne & Mambre, 2. ad Timoth. 3. v. 8. alii ex Jeremia no- stro crasum esse: alii errore librariorum positum Jeremiam pro Za- charia. Utrumque indicat Euseb. lib. 10. de demonstrat. Evang. alii traditionem ex Jeremia acceptam citari: alii occurrisse Matthæo no- men Jeremiæ pro Zacharia, & corrigere noluisse, eo quod sciret tan- tam esse Prophetarum concordiam & unitatem, eodem per omnes loquente Spiritu, ut, quod unus dixisset, alteri tribui posset. Ita Aug. lib. 3. de conf. Evang. c. 8. Duæ sententiæ videntur esse probabi- liores: una, quod, cum Zacharias de pretio mentionem faciat, nihil de agro empto, vel de eo, quod istud Dominus constituerit; Jeremias verò nihil de pretio appetiati, sed de agro empto, & quod hoc esset *verbum*, id est, voluntas & constitutio Domini: Matthæus utramque prophetiam in unam conjunxit, & uni attribuerit eo modo, quo

8. Propter hoc vocatus est ager ille, Haceldama, hoc est ager san- guinis, usque in hodiernum diem.

9. Tunc imple- tum est, quod di- ctum est per Je- remiam Prophe- tam, dicentem: & acceperunt tri- ginta argenteos pretium appe- tiati quem appre- tiaverunt à filiis Israël:



fecit & Marcus 1. v. 2. ubi tribuit Isaïæ eâdem arte contexendi Scripturas, prophetiam quamdam Malachiæ cui Isaïam subjungit. Hoc autem eo magis fecit Matthæus, eo quod præmisset de agro empro in sepulturam peregrinorum, ad quod multò magis spectat prophetia Jeremiæ, quam Zachariæ: nam Jeremias Sacerdos agrum illum emit ad significandum, quod Judæi reversuri essent è captivitate Babylo-nica, & habitaturi in agris Israël: quod sublimius præfigurabat, Judæos in fine mundi reversuros, velut peregrinos in Ecclesiam, tanquam agrum Christi occisi pretio peregrinis comparatum. Sensem istum subindicant & magis amplecti videntur Aug. loco cit. & S. Anselmus in hunc locum. Altera est facilior, quamvis Augustino non videatur probari, nomen Jeremiæ irrepsisse in textum incuriâ vel temeritate librariorum: cujus rei indicium est, primo quod Matthæus non soleat nomina Prophetarum exprimere: secundò, quod nonnulli codices Latini, etiam tempore Aug. & Lyrani eo caruerint, ut uterque testis est; unde & nunc non desunt manuscripta, tum Romæ, tum in Belgio, à quibus abest: tertiò quod Syriacus textus non habeat nomen Jeremiæ. Hanc difficultatis istius solutionem ex antiquis innuit Hieron. & amplexus est Rupertus & Lyranus; ex recentioribus, Janfenius, Maldonatus, Baronius ad an. 34. n. 19. Franc. Lucas in notis ad Latin. textum, Suar. in 3. part. tom. 2. disp. 34. sect. 1.

\* *Et acceperunt.* Aliqui suppositum hujus verbi faciunt illud à *filiis Israël*, ut subaudiatur, quidam; q. d. quidam ex filiis Israël acceperunt; qualis locutio est Act. 21. v. 16. & hic sup. c. 23. v. 34. Sed clarum videtur, quod illud, à *filiis Israël*, respondeat verbis Zach. 11. v. 12. *Appretiatus sum ab eis.* Rectius itaque Sacerdotes acceperunt, *triginta argenteos*, pretium *appretiati*, per appositionem, q. d. qui argentei fuerunt illud pretium Messie appretiati. \* *Quem appretiaverunt*, id est, tanti æstimaverunt, & isto pretio pacti sunt, \* à *filiis Israël*, Juda scilicet proditore, qui erat ex illis, quod Propheta stomachando dixerat, *decorum pretium, quo appretiatus sum*, ab eis.

10. Et dederunt  
eos in agrum fi-  
guli, sicut con-  
stituit mihi Domi-  
nus.

10. \* *Et dederunt eos in agrum figuli*, id est, ad emendum agrum figuli. Matthæus neque verbis neque verborum ordine cum Zacharia convenit, ut Hieron. notat, sed tantum sensu. Propheta enim personam Christi gerens petit à Judæis sibi dari mercedem suam, pro beneficiis, quibus eos docendo, sanando &c. affecerat, & Principes, loco mercedis, *appenderunt*, inquit, *mercedem meam triginta argenteos*, eos appendendo Judæ proditori, ut morte mulctarer. Itaque dixit Dominus ei, *Projice illos*, argenteos *ad statuarium*, Hebraicè *figulum*, id est, sic eos projice in templum, ut per Sacerdotes ad manus statuarii seu figuli,

guli, vendentis agrum suum, perveniant, decorum scilicet & magnificum pretium, quo appretiatum sum ab eis pro tot laboribus & beneficiis: pressius enim verba ista cum irrisione & stomacho legenda sunt, ut ibid. Hieron. notat. Itaque quosibi argenteos projici jubet, eos projiciendos esse hoc ipso prædicit, & quod Propheta se mox fecisse dicit, hoc Matthæus narrat esse factum. Et illa causa est, cur ea, quæ Zacharias protulit in prima persona, Matthæus narret in tertia, à qua tamen statim transit ad primam dicendo, *\* sicut constituit mihi Dominus*. Verba ista non sunt apud Prophetam, sed res ipsa, quatenus dicit se, sicut jussus fuerat, à Deo tulisse & projecisse triginta argenteos in templum.

11. *\* Iesus autem stetit ante Præsidentem*, scilicet in Prætorio, Judæis remanentibus foris, ne contaminarentur. Multo enim plenius hanc historiam narrat Lucas, initio cap. 23. & maximè Joan. 18. v. 28. & seqq. Ex Joanne itaque constat, quod primò eum accusare noluerint, ut qui ejus iudices fuissent, sed statim tamquam malefactorem plectendum esse contenderint. Quod cum Pilatus detraxeretur, ex Luca constat, eos objecisse, quod se dixisset esse Christum Regem, & tributa Cæsari dari vetuisset. Hoc crimen, neglectis cæteris, maximè examinandum duxit Pilatus, eo quod nemo in Romano Imperio se Regem dicere posset sine læsa majestate, nisi Cæsar concessisset. Itaque interrogat eum Præsides: *\* Tu es Rex Judæorum?* Græcè ὁ Βασιλεὺς, scilicet quem illi promissum expectant & Christum vocant. Non caret autem emphasi illud, *Tu*, in tali scilicet habitu & apparatu, ut non sine contemptu & risu dictum videatur, ut notavit Origen. *\* Dicit illi Iesus: Tu dicis*. Quæ verba non statim Pilato reddita sunt, sed multis interpositis, quæ narrat Joan. Ut enim Aug. ait l. 3. de consensu c. 8. multa dicta & multa responsa sunt: unde cuique eorum, quantum visum est, decerpit, & in narratione sua posuit, quod satis esse judicavit.

12. *\* Et cum accusaretur à Principibus &c.* Rursum scilicet postquam jam foras ad ipsos rediisset Pilatus, & Iesum post examen de affecta Regis dignitate excusaret. Accusatio autem hæc secunda erat de subversione gentis Judaicæ à Galilæa usque huc Luc. 23. v. 5. hoc est, quod esset seditiosus. *\* Nihil respondit*: Pilato enim jam responderat id, quod satis erat; adversariis noluit, propter causas, quas diximus cap. præced. v. 63. Unde Pilatus quamvis satis adverteret criminum inanitatem, aggravat tamen ea verbis,

13. *\* Non audis, quanta adversum te dicunt testimonia?* Ut scilicet responsum eliceret, quo seipsum aliquantulum defenderet, & ita facilius liberari posset. Indicat hoc clarius Marcus, dicendo: *Non respondes quidquam?* Scilicet ut te tuearis: *vide in quantis te accusant*, q. d. Defende te ipsum, sed Dominus

11. Iesus autem stetit ante præsidem, & interrogavit eum præses dicens: Tu es Rex Judæorum? dicit illi Iesus: Tu dicis.

12 Et cum accusetur à Principibus Sacerdotum, & Senioribus, nihil respondit.

13. Tunc dicit illi Pilatus: Non audis quanta adversum te dicunt testimonia?

14. *\* Non*



14. Et non respondit ei ad ullum verbum, ita ut miraretur Præses vehementer.

15. Per diem autem solemnem consueverat præses populo dimittere unum vinctum, quem voluissent.

16. Habebat autem tunc vinctum insignem, qui dicebatur Barabbas.

17. Congregatis ergo illis dixit Pilatus: Quem vultis dimittam vobis: Barabbam, an Jesum, qui dicitur Christus?

18. Sciebat enim quod per invidiam tradidissent eum.

19. Sedente autem illo pro tribunali, misit ad eum uxor ejus dicens: nihil tibi & justo illi, multa enim passa sum hodie per visum propter eum.

14. \* *Non responderet ei ad ullum verbum*, non contemptu Præsidis, sed accusationum. Unde nec Præses: cui jam factus erat alteram accusationis partem, arbitratus est se silentio contemni, sed miratus est *\* vehementer*, nimirum quod vir communi judicio sapiens, eloquens, innoxius, judicem faventem habens, in periculo capitis constitutus, ad accusationes inanes, & frigidas calumnias tanta mansuetudine & fortitudine animi & mortis contemptu prorsus obmutesceret.

15. \* *Per diem autem solemnem*, Paschatis. Omittit hic iterum Matt. missionem ejus ad Herodem; nam quæ hic sequuntur, contigerunt postquam ab Herode remissus esset, ut patet ex Luca. \* *Consueverat Præses populo dimittere unum vinctum*, seu captivum, *\* quem voluissent*, videlicet populus. Consuetudo ista videtur manasse ex memoria beneficii liberationis ex carcere Ægyptiaco, & à Romanis conservata, cum Rempublicam invasissent, in gratiam populi, qui privilegiis & consuetudinibus istiusmodi maximè teneri solet.

16. \* *Habebat autem tunc vinctum insignem*, sceleribus. Crimina ejus indicantur à Luca, quod fecisset in civitate seditionem & homicidium. Joan. addit fuisse latronem, quales scilicet publicas obsident vias.

17. \* *Congregatis ergo illis dixit Pilatus*, præveniens postulationem populi, qui occasione tum festi, tum Jesu traditi congregatus erat: *\* Quem vultis dimittam, Barabbam, an Jesum, qui dicitur Christus?* id est, Qui vulgo à vobis habetur ille Messias & Rex Judæorum, etsi non hujus mundi. Seridò, non joco hoc eis refricat, ut hoc nomine, & hac inolitâ populo opinione esset Jesu gratior. Pilatus enim cum non posuisset eum apud Principes liberare, ut ex aliis Evangelistis patet, tentavit hanc viam, ut expeditissimam, apud populum, innumeris ab eo affectum beneficiis. Unde etiam non permisit eis liberam electionem, quemadmodum v. præc. sed restringit ad duos tantum; unum de industria selectum facinorosissimum, ne subesset aliqua misericordiæ causa; alterum innocentissimum, ut cogerentur ipsum eligere. Hic animus Pilati patet ex v. seq.

18. \* *Sciebat enim*, ex fama publica, *\* quod per invidiam tradidissent eum*, sibi scilicet occidendum Principes Sacerdotum. Cum autem invidia sit odium felicitatis alienæ, ut Aug. l. 111. de Gen. ad litt. c. 14. causa hujus invidiæ fuit claritas nominis ejus apud populum, & auctoritas in docendo major quam sua, ut satis colligitur ex Joan. 11. v. 48. & c. 12. v. 19.

19. \* *Sedente autem illo pro tribunali*, id est, in tribunali, more Judicis, ad causam examinandam, *\* misit ad eum uxor ejus*, quod decorum non esset maritum per se in negotiis publicis interpellare. Lucius

Dexter in Chronico vocatam vult *Claudiam Proculam*. \* *Dicens: Nihil tibi, & iusto illi*, id est, nihil tibi negotii sit cum isto; quem ita vocat, quod excellenter iustus esset, ita & nomine religionis deterret eum ab ejus condemnatione, sicut metu malorum per id, quod sequitur: \* *Multa enim passa sum hodie per visum*: Græcè ἄγρ' ὄναρ, in somnis, ut vertitur Matth. 1. v. 20. non quod noctu contigerit, mane enim narrasset marito, sed quod dormienti post discessum mariti. Quid passa fuerit, non constat: verisimile est, fuisse minas pœnarum, impendentium Judæis & Pilato, ex persecutione & damnatione iusti illius. S. Ignat. Beda, & Ansel. putant immissum fuisse somnum à diabolo, impedire volente fructum passionis, quem incipiebat persentiscere. Sed cur igitur Judæos non cessavit instigare ad scelus? Rectius proinde Ambr. 1. 10. in Luc. Hier. Theophyl. & alii docent, fuisse à Deo immissum non Pilato Judici, ne suspectus aut corruptus videretur, eique non crederetur: sed uxori, ut innocentiae testimonium haberet Christus ab omnibus, à Judæis credentibus, à Judice, uxore ejus, centurione, militibus, latronibus, terrâ motâ, Sole obscurato, templo, petris, mortuis. Notatione verò dignum est, neminem in tota passione pro liberatione Domini locutum esse, nisi duos Gentiles, Pilatum & uxorem ejus.

20. \* *Principes autem Sacerdotum & Seniores persuaserunt populo*, per emissarios suos, huc illuc dimissos: spatium enim aliquod deliberandi videtur fuisse interpositum. Tacite autem indicatur, Pilatum non fuisse frustrandum spe suâ, nisi Pontifices concitassent turbam sibi obnoxiam. \* *Ut peterent Barabbam, Jesum vero perderent*, id est, mortem ejus postulerent. Hoc autem à Pilato non erat eis propositum, sed ex pura malitia Pontifices addiderunt. Præses itaque territus uxoris denuntiatione, cùm fortiùs instaret pro liberatione, & rursus peteret, \* *quem vellent dimitti*,

20. Principes autem Sacerdotum & Seniores persuaserunt populo ut peterent Barabbam, Jesum vero perderent.

21. \* *Illi dixerunt Barabbam*. Quæ postulatio sicut erat injustissima, ita Domino ignominiosissima, postponi videlicet publico latroni, imò in gratiam latronis damnare innocentem, & in odium innocentis liberare latronem. Unde S. Petrus Act. 3. v. 14. exprobrat eis istam injustitiam velut intolerabilem: & Athanas. de Pass. notat idcirco apud Judæos horrendas illas seditiones & cædes paulò post increbuisse, quas narrat Joseph. lib. de bello Jud. Unde & Pilatus attonitus petitionis impudentiâ, iterum instat:

21. Respondens autem præses, ait illis: Quem vultis vobis de duobus dimitti? At illi dixerunt Barabbam.

22. \* *Quid igitur faciam de Jesu?* Dixit igitur hoc, volens dimittere Jesum, ut notat Luc. c. 23. v. 20. Nam tacite & placide eis suggerit, ut simul petant etiam alterum sibi dimitti, & idcirco iterum refricat eis gratissimum Judæis titulum. \* *Qui dicitur Christus*, qui scilicet talis

22. Dicit illis Præses: quid igitur faciam de Jesu, qui dicitur Christus?

etiam



etiam recentissimè à vobis habitus est, sed plusquam oportebat, Judicis auctoritatem vulgo submisit : non enim erat populi , pœnam alteri victorum decernere, sed tantum libertatem petere. Unde cum populo gratificare decrevisset , ad præcipitium summæ iniquitatis deductus est.

23. Dicunt omnes, crucifigatur : illis prætes : quid enim mali fecit? At illi magis clamabant : crucifigatur.

23. \* *Dicunt omnes, & Principes, & à Principibus persuasus populus, arrepta è vestigio potestate sibi facta, \* crucifigatur.* Proxima crucis petendæ occasio fuit petitio Pilati : nam quamvis præter mentem , tacitè tamen suggererat malevolis hominibus , ut , quia latro & seditiosus pro Jesu liberabatur, supplicium quoque ipsius transiret in Jesum, ut notat Baronius : idque maximè, quia accusabatur seditionis & majestatis Lucæ 23. v. 2. & 3. unde & titulus, *Rex Judæorum*. Supplicium autem crucis apud Romanos decernebatur seditiosis & Majestatis reis, latronibus & præsertim personis vilissimis, ut servis, sicut probat Lipsius l. 1. de Cruce. Itaque tria videntur Pontifices in petendo illo supplicio spectasse : primò congruentiam ad prætexta crimina : secundò, summam atrocitatem , ut ita se vindicarent ; sit enim quemadmodum in partibus nervosissimis & à corde remotissimis , ita cum maximis & diuturnis doloribus : tertio , extremam ignominiam , ut nomen & memoria ejus esset Judæis & Gentibus execrabilis , ut notat Chrsost. in Joan. Divinitus quoque factum est, ut Salvator nullum sibi mortis genus deligeret, ne aliud genus expavescere videretur, ut Athan. de corporali adventu Verbi. \* *Ait illis Præses: Quid enim mali fecit? Illud enim, implicatam facit hic & apud Marcum orationem, nihil enim habet, cui respondeat. Itaque vel respondet menti potius quàm verbis, q. d. non est æquum, ut crucifigatur, quid enim mali fecit? Vel certè redundat. Itaque populum facit hic testem innocentia: illi autem cum in accusando & probando palam deficerent, ad importunas se preces & vociferationes vertunt. Porro verbis istis subjicit Lucas, Corripiam ergo illum & dimittam : ex quo colligitur, post illa verba fuisse flagellatum, spinis coronatum, indutum purpurâ, productum foras, & cum iterum clamarent, Pilatum sedisse pro tribunali, & lavisse manus, sicut narratio Joannis omninò postulare videtur.*

24. Videns autem Pilatus quia nihil proficeret, sed magis tumultus fieret : accepit aqua, lavit manus coram populo dicens : Innocens ego sum à sanguine justorum hujus : vos videritis.

24. \* *Videns autem Pilatus, quia nihil proficeret, neque remissione ad Herodem, neque beneficio liberationis solemnem, sive loco Barabbæ, sive cum Barabba, neque flagellatione & reliquâ ignominiosâ tractatione, neque toties iteratâ contestatione innocentia: ejus : \* sed magis tumultus fieret, seditio scilicet popularis ex eo, quod se tam difficilem præberet. Quibus verbis non excusatur Pilatus, qui ne declinaret à justitia, omnia perrumpere debuisset ; sed potius Christus, quod nullo crimine, sed metu seditionis damnatus sit, imò à Judice absolutus : nam*

\* *accepta*

\* *accepta aqua lavit manus* : sequens in eo facto vel naturalem significationem lotionis corporis, ad indicandam animi sui innocentiam; vel apud Judæos Judaicam adhibens cæremoniam, ut vult Orig. apud quos illa ad istum finem lege præscripta erat Deut. 21. v. 6. \* *coram populo, spectante*, ut impij facti invidiam à se in populum declinaret. Factum suum explicat verbis : \* *Innocens ego sum à sanguine justi hujus*, id est, à morte seu effusione sanguinis, quam petitis. Sed si hic justus, quomodo tu damnando innocens? Itaque Jesum damnando absolvit, se purgando condemnat : nec sufficit manuum lotio, nam ut Leo serm. 8. de Pass. non purgant contaminatum animum manus lotæ, nec in aspersis aqua digitis expiatur, quod famulante impiâ mente committitur. \* *Vos videritis*, in quorum caput culpa cædis istius execranda & vindicta redundabit. Hæc ergo cæremonia videtur adhuc eo spectasse, ut vel sic Judæos revocaret : sed per divinam providentiam eò directa est, ut testatissima redderetur morientis pro nobis innocentia, dum in ipsa sententia justus pronuntiatur, ut observat Aug. serm. 118. De temp. & ita vincit, cum judicatur.

25. \* *Et respondens universus populus*, qui ex universa Judæa confluxerat in illo festo : \* *Sanguis ejus super nos & super filios nostros*, id est, Nos totam culpam & poenam criminis, si quæ fuerit, præstabimus, & in nos & filios nostros suscipimus; tu sis securus. Phrasis est Hebraica, frequens in scripturis, ut Levit. 20. v. 9. 12. & 16. Itaque h's verbis & sua & filiorum capita vindictæ obligarunt, quæ in hodiernum usque diem durat. Maledictiones enim & benedictiones parentum super filios, velut qui pars ipsorum sint, miros effectus habere solent.

26. \* *Tunc, luperatus tantâ pervicaciâ, dimisit eis Barabbam. Jesum autem flagellatum*, Græcè *παράκλησας*, cum flagellasset, ante videlicet Jesum autem flagellatum tradidit eis ut crucifigetur. Lucas enim dicit Pilatum dixisse, *emendatum dimittam*; & pauld post, *corripiam eum & dimittam*: quo flagellationem indicare voluit, & quidem consilio, non ut in crucem ageretur, cui erat moris flagellationem præmittere, sed ut eorum animos leviori castigatione, crucem præire solitâ, placaret, Jesumque à cruce eriperet, ut sentit Aug. Unde post flagellationem, & per ipsam flagellationis immanitatem adhuc conatus est Jesum à cruce eripere, ut ex Joan. apertissimum est. Porro *Virgæ à flagellis* distinguuntur, ut patet etiam 2. ad Cor. 11. v. 24. & 25. quia virgæ honestiores erant, flagra servorum: illæ lignis, hæc loris constabant: illæ mitiores erant, hæc asperissima; ita ut Horat. vocet lib. 1. sat. 3. *horribile flagellum*, & Ulpianus L. 8. D. De poenis scripserit, ministrorum immanitate multos sub ejusmodi flagellis interiisse. Intexebantur eis subinde tali aut



officula, quæ vocabantur flagra talaria seu taxillata, maximè horribilia. An hîc ita factum fuerit, non constat, nisi quod verisimile sit, immanem fuisse flagellationem, ut inimicos placare posset; ideoque & ab Isaia & à Christo prædicta fuit. More Judaico, subinde etiam Romano, reus alligabatur columnæ & cædebatur, neque stans, neque sedens, sed inclinatus, ut expressè præscribitur in traditionibus Thalmudicis libri Marcoth cap. 3. Unde Hieron. ep. 27. Ostendebatur illi (Paulæ) inquit, columna, Ecclesiæ porticum sustinens, infecta cruore Domini, ad quam dicitur vinctus & flagellatus. Cujus rei & Prudentius testis est, & hodie Romæ ostendi dicitur in templo S. Præxedis. Flagellatus est autem à Pilato, seu jussu ejus, ideoque non à Judæis, sed Romanis militibus; ut numerus quadraginta ictuum, unominus, non fuerit in eo observatus, sed dirissima extiterit flagellatio. \* *Tradidit eis*, Judæis scilicet, non militibus; Lucas enim dicit, *Tradidit eum voluntati eorum*, videlicet \* *Ut crucifigeretur*, suâ quidem auctoritate, non tamen sententiâ, quasi cruce dignus. Non enim probari potest, Pilatum in eum tulisse sententiam velut reum mortis: unde illa videtur ficta, quæ legitur apud Adrichomium. Ergo pro tribunali sedit quidem, sed *adjudicavit*, tantum, *feri petitionem eorum*, ut loquitur Lucas, ut scilicet ab ipsis damnatus traderetur eis crucifigendus, sicut petebant.

27. Tunc milites præsidis suscipientes Jesum in prætorium: congregaverunt ad eum universam cohortem:

27. \* *Tunc*, cum scilicet Jesus esset flagellandus, non cum tradendus esset ad crucem; utrumque enim dixerat Matthæus. Nam non minus coronatio, totaque sequens illusio, quam flagellatio præcesserunt traditionem ad crucem, ut Aug. lib. 3. De consen. c. 9. & ex Joan. clarum est. Itaque Matth. & Marcus recapitulant id, quod antè narrari rerum ordo postulabat. Tunc ergo cum esset flagellandus, & velut mitiori pœnâ quam mortis corripiendus; ut vel sic liberari posset, \* *milites Præsidis*, ideoque Romani, tamquam lictores, quatuor tantum videntur fuisse, Joan. 19. v. 23. \* *suscipientes Jesum in prætorium*, id est accipientes eum, duxerunt intus in atrium prætorii, ut Marc. locum scilicet habitationis Prætoris Romani seu Prælidis. Porro tam Matth. quam Marcus & Joan. apertè tribuunt flagellationem Pilato, id est jussu ejus, coronationem tamen & cætera solis militibus. Unde Tert. De corona milit. cap. 9. dicit eam fuisse Romanorum militum commentum: nam sicut, cum esset à Caipha condemnatus, licentiam ministrorum exprobravit ei acerbissimè quasi arrogatam prophetiam, ita flagellato licentia militaris arrogatam Regiam dignitatem, idque ludibris crudelissimis, non jubente sed permittente Pilato, ut Leo serm. 8. de Pass. putans videlicet Judæorum animos mitigandos. Isti ergo quatuor

quor milites \* congregaverunt ad eum universam cohortem, suam scilicet, cujus ipsi erant, ut inaugurationi novi Regis, quam meditabantur, nullius ingenium, industria, petulantia, improbitas deesset, sed inanes vires suas in commune conferrent. Itaque non videntur cæteri flagellationi interfuisse. Porro *Cohors* est peditum, decima scilicet pars legionis: unde facilè est conjicere de numero, si constaret, de numero legionis. Hoc constat, cohortem facilè fuisse quingentorum militum: aliqui ad mille ducentos quinquaginta augent, putantes legionem constituisse duodecies mille quingentis militibus; nec testimonia apud antiquos, Tacitum & alios desunt.

28. \* Et exuentes eum, vestibus propriis, quibus eum à flagellatione iterum induerant, \* *chlamydem coccineam circumdederunt ei*, detritam scilicet alicujus militis, ut esset instar alicujus paludamenti, quo Reges & Imperatores in castris utebantur. Joannes vocat *vestem purpuream*, & Marcus *purpuram*, quæ Regibus & Principibus veris propria erat. Unde Ambr. & Hilar. putant eam fuisse distinctam à *chlamyde coccinea*, non solum colore, sed & vestis genere: Aug. tamen l. 3. De consensu c. 9. putat eandem fuisse, eo quod purpura quædam sit cocco simillima, vel quod eadem coccinea chlamys etiam in aliqua parte aliquid purpuræ habuerit. Hoc ergo quasi paludamento Regali Regem adumbraverunt.

28. Et exuentes eum, chlamydem coccineam circumdederunt ei

29. \* Et plectentes coronam, instar diadematis Regii, \* *de spinis*, ut ludibrium esset cum tormento conjunctum. Spinæ istas rhamnum fuisse credunt, qui locis istis frequens: aliqui juncum marinum fuisse volunt; sed hoc improbabile est, magisque convenit figuræ arietis, hærentis cornibus inter vepres, si rhamnus fuerit. \* *Et posuerunt super caput ejus*, non ut instar pilei caput tegetet, sed ut tempora tamquam corona cingeret & pungeret. Nam, ut Tertullian. De corona milit. cap. 14. præter figuram contumelia in promptu est, & turpitudò, & dedecoratio, & his implexa sævitia, quæ nunc Domini tempora & fœdaverunt & lacinaverunt. \* *Et arundinem in dextera ejus*, ut esset loco sceptri. \* *Et genu flexo*, ut speciem adorationis novi Regis præ se ferrent, illudebant ei, velut ludicro Regi; & apprecantes omnia fausta & felicia dicebant: \* *Ave Rex Judæorum*, quibus tacitè ei exprobrant affectationem regni.

29. Et plectentes coronam de spinis, posuerunt super caput ejus, & arundinem in dextera ejus. Et genu flexo ante eum, illudebant ei, dicentes: Ave Rex Judæorum.

30. \* *Et expuentes in eum*; hæc contumeliâ magis interpretantes ludieram adorationem suam, \* *acceperunt arundinem*, sceptrum scilicet è manibus ejus, & percutiebant caput ejus, simul ut morionem, qui regnum affectabat, iridentes, ut S. Thomas notat; simul dolorem inferentes ex concussione spinarum. Addit Joan. etiam dedisse ei alapas loco scilicet tributi, & munus, quæ Regibus inauguratis offer-

30. Et expuentes in eum, acceperunt arundinem, & percutiebant caput ejus.



runtur : ita ut ista illusio ad summum crudelitatis & contumeliarum omnium fastigium pervenerit, ut loquitur Victor Antiochenus in Marcum. Videntur hoc fecisse in gratiam Judæorum, ut Chrysost. notat, si non eis incitantibus, à quibus mercedem nocturnæ comprehensionis acceperant. Mirum est autem, quod Rex Judæorum Agrippa postea simili ferè modo in persona cujusdam morionis ( Araba, si non fortè Barabba ) Alexandriae illusus fuit, in vindictam arbitror facti illius, ut narrat latè Philo in Flaccum. Mysticè Ambr. lib. 10. in Lucam : Quamvis militibus defuerit boni operis affectus, Deo tamen suus non defuit honos, qui salutatur ut Rex, coronatur ut Victor, quasi Deus & Dominus adoratur. Arundo comprehenditur manu ejus, ut humana fragilitas jam non sicut arundo moveatur à vento, sed operibus Christi corroborata firmetur : eadem caput ejus percutit, ut solidata divinitatis attactu nostra conditio mutari possit. Hæc ille. Aliter Hieron. in Matth. In chlamyde coccineâ opera Gentium cruenta ( id est peccatum ) Christus sustinet : in corona spinea maledictum solvit antiquum : in calamo venenata occidit animalia. Sed accuratiùs & latius S. Athanas. de Passione & Cruce Domini.

31. Et postquam illuserunt ei, exuerunt eum chlamyde, & induerunt eum vestimentis ejus, & duxerunt eum ut crucifigerent.

31. \* *Et postquam illuserunt ei*, tot & tam acerbis ludibriis ad satietatem usque, \* *exuerunt eum chlamyde*, coccineâ. Multa hîc intermittit Matthæus, quæ Joan. supplet cap. 19. v. 4. usque ad 16. Fuit enim in isto habitu ostensus Judæis, ut placarentur, rursus examinatus, tandem productus foras, & à Pilato sedente pro tribunali traditus voluntati eorum. Itaque redit hîc Matthæus ad narrationem inchoatam v. 26. Exutâ igitur chlamyde, \* *induerunt eum*, milites illi quatuor lictores, \* *vestimentis ejus*, ut ab hominibus cognosci posset, \* & *duxerunt eum, ut crucifigerent*. Marcus & Joan. *eduxerunt*, scilicet extra civitatem. Tunc enim impletum est illud Matthæi, quod ejecerunt hæredem extra vineam, tamquam indignum scilicet, quem civitas sustineret, ut extra portam, juxta Apostolum ad Hebr. 13. pateretur, sicut ibi hostia pro peccato cremabatur. Decebat enim eum extra civitatem in agro cum Abel pati, ut cessantibus veteribus victimis, nova hostia novo imponeretur altari, & Crux Christi non templi esset ara, sed mundi, ut notat S. Leo serm. 8. de Passione Domini.

32. Exeuntes autem invenerunt hominem Cyrenæum, nomine Simonem : hunc angariaverunt ut tolleretur cruce ejus.

32. \* *Exeuntes autem*, in ipso scilicet egressu portæ civitatis. Constat enim ex Joan. Christum exivisse bajulantem sibi crucem, sicut Isaac ligna sui sacrificii portaverat. Reo namque ex more imponebatur crux ferenda, vel tota, vel pars, sicut ex ethnicis Scriptoribus constat. Fiebat autem & ad ludibrium & ad poenam. Unde Aug. tr. 117. in Joan. Grande spectaculum sed si spectet impietas, grande ludibrium : si spec-

ctet

æt pietas, grande mysterium. Ludibrium erat in eo, ut Leo ferm. 8. cit. quia fiebat ad irrisionem regiæ dignitatis: mysterium, quia gestabat virgam principatus sui, qua percussurus erat diabolus, & triumphus sui trophæum super humeros, quod fixurus erat in frontibus Regum. Itaque exeuntes portam, \* *invenerunt hominem Cyrenæum*, ex Cyrene urbe, vel Cyrenaica regione, quæ est in Africa circa Lybiam, ut patet non solum ex Plinio lib. 5. c. 5. sed & Aët. 2. v. 10. Unde veteres plerique authores, Ambr. Hilar. Leo, volunt, Gentilem fuisse, ad significandum, Gentiles præ Judæis crucem Christi laturos. Quamquam Simon nomen sit Judaicum: Judæus enim esse potuit, qui, vel cujus parentes habitationem è Cyrene Jerosolymam transtulissent; erant namque dispersi Judæi per totum orbem, ut patet loco Aët. cit. \* *hunc angariaverunt* seu vi compulerunt, ut tolleret crucem ejus. Lucas, *imposuerunt ei crucem*, nempe totam, ferendam usque ad locum Calvariæ, ut sentit Aug. lib. 3. De consensu c. 10. sicut antè Jesus totam rulerat. Causam fuisse debilitatem nimiam, & accelerationem, videtur verisimile. Militaris autem insolentia cœgit hominem extraneum, eo quod nemo ignominiosum lignum ferre dignaretur. Significatura autem fuit, crucem à plurimis non suscipi nisi coactis, susceptam tamen ferri voluntariè.

33. \* *Et venerunt in locum, qui dicitur Golgotha*, scribendum fuisse *Golgotha*, sed, L, euphoniæ causa excidit, & Syriacè significat *Calvariæ*, sicut hîc explicatur. Locus autem *Calvariæ* dictus est à calvariis & ossibus facinorosorum hominum ibi dispersis, eo quod esset locus supplicii infamis, ut vult Hieron. Plurimi tamen veteres ita vocatum volunt, quòd ibi primi hominis cranium, seu ipsè primus homo traditione quâdam diceretur sepultus, ut Orig. in Matth. Ambr. lib. 10. in Luc. Athanas. de Pass. Epiphan. latè Hæresi 46. ut videlicet ibi mortem susciperet Christus, ubi radix totius mortis requiesceret.

34. \* *Et dederunt ei vinum bibere*: Græcus habet *ὄζος*, *acetum*, sed ferè omnes Latini veteres legunt *vinum*, *ὄϊνον*, & ita Græcè etiam legitur apud Marcum. Credibile est fuisse vinum evanidum & acetosum, ut utroque nomine vocari potuerit, sicut Theophyl. in Marc. notat. Ex composito hoc factum fuit, ad affligendum moriturum, cum damnatis ad mortem vinum præstantissimum dari soleat, ne mortis horror terreat, vel dolor torqueat. \* *Cum felle mixtum*: Marcus vocat *vinum myrrhatum*. Vinum autem myrrhatum, seu myrrhinum duplicis generis erat: aliud ex poculis myrrheis, quibus vinum calidum infusum fuerat, odorem, saporemque contrahebat jucundissimum: aliud myrrhâ, calamo, aliisque aromatibus condiebatur. Utrumque pretiosissimum erat,

33. Et venerunt in locum, qui dicitur Golgotha, quod est Calvariæ locus.

34. Et dederunt ei vinum bibere: cum felle mixtum. Et cum gustasset noluit bibere.



erat, ac vires addebat, prout constat partim ex Plinio lib. 14. c. 13. partim ex Atheneo, qui etiam dulce fuisse indicant. Constat autem traditionibus Judæorum, quæ adhuc in Thalmud extant, afficiendis supplicio myrrhatum vinum propinari solitum, nimirum juxta illud Proverb. ult. *Date scieram merentibus* &c. Itaque juxta hæc valdè verisimiliter dici potest, hoc vinum myrrhatum fuisse distinctum à vino felle mixto, ut sentit Euthym. & obscurius Theophyl. in Matth. Sed tamen & idem Theophyl. & alii plerique veteres, ut Aug. lib. 3. De consensu c. 11. sive diversum fuerit vinum, sive idem, cui fel mixtum fuerit, hoc est, sola myrrha amarissima instar fellis, vel cui revera fel simul & myrrha commixta fuerint sentiunt, fuisse amarissimum, & ad illudendum affligendumque adhibitum specie refocillandi: quod sanè moribus Judæorum videtur magis fuisse consentaneum. \* *Et cum gustasset*, cujusmodi esset, ne scilicet indignabundus contemnere videretur, tamen \* *noluit libere*, id est transmittere, quod Marcus dicit eodem sensu, *non accepit*, scilicet ut biberet, seu transmitteret, ne vel sibi malum accersere velle, ut desperabundi solent, vel barbaram eorum immanitatem probare videretur.

35. Postquam autem crucifixerunt eum, diviserunt vestimenta ejus, sortem mittentes: ut imple-retur quod dictum est per Prophetam dicentem: Diviserunt sibi vestimenta mea, & super vestem meam miserunt sortem.

35. \* *Postquam autem crucifixerunt eum*, id est, cruci affixerunt, nempe clavis, non funibus, ut constat ex resurrectione Lucæ 24. v. 39. & Joan. 20. v. 25. & 27. Affixus autem fuit tribus clavis, ut communior videtur habere opinio, uno videlicet duos pedes terebrante, sicut tradit Nonus metaphrastes Evangelii secundum Joan. & Nazian. in Carm. de Christo à cruce deposito. Gregorius tamen Turonensis tradit quatuor fuisse clavos, cui antiquiores imagines suffragantur. Suppedaneum subijciunt quidam pedibus, ut faciliùs suffigi possint; sed sic stetit in cruce Christus, non suspensus pependisset, sicut hoc agnoscunt Scripturæ Act. 5. v. 30. & alibi. Facie versum fuisse in occidentem, dorso Jerosolymam docet Sedulius & Author comment. in Marcum apud Hieron. ut sic duæ simul prophetiæ literaliter implerentur. *Dorsum, non faciem ostendam eis in die perditionis eorum.* Jerem. 18. v. 17. *oculi ejus super gentes respiciunt* Psalm. 65. Cum corona spinea pependisse expressè docet Tertull. lib. contra Judæos c. 13. \* *Diviserunt vestimenta ejus*, id est, partiti sunt milites: damnatorum enim vestes, ut Cyrillus 12. in Joan. c. 32. quasi hæreditatis lege ad se pertinentes sibi vindicabant, ut nunc à licitoribus fieri solet. Ergò nudus crucifixus est: unde Psal. 68. qui de passione loquitur, *Operuit confusio faciem meam.* Vestimenta fuisse plura, patet ex Joan. nam præter tunicam, scilicet interiorem quæ mansit integra, in quatuor partes diviserunt vestimenta, quæ videtur fuisse tunica ex-

terior, si non & pallium : quod tamen, quia magis honestatis, quam necessitatis causâ gestatur, vix credibile est passionis tempore gestum fuisse. Hæc ergo vestimenta diviserunt in quatuor partes, unicuique militi partem, ut Joan. \* *Sortem mittentes*, nempe non solum super tunicam inconsutilem, sicut Joan. narrat, sed etiam super vestes illas divisas, quis quid tolleret, ut ex Marco clarè constat. Factum est hoc, spectante Jesu, ad ludibrium & acerbitalis augmentum, ut Theophil. observat.

36. \* *Et sedentes milites*, tum lictores, tum reliqui custodes, cum centurione suo, de quo v. 34. \* *servabant eum*, ne quis videlicet amicorum de cruce vivum deponeret. 46 Et sedentes servabant eum.

37. \* *Et imposuerunt super caput ejus*, in ea crucis parte, quæ super lignum transversum eminebat, \* *causam ejus*, propter quam crucifixus esset, seu causam supplicii, \* *scriptam*, tribus videlicet linguis, ut Joan. Fiebat ex more Romano, quo titulus supplicii scriptus, vel præferebatur, cum duceretur reus, vel affigebatur. Sic ergo Christus quamvis in cruce pro nobis hominis infirmitate dolebat, super crucem tamen Regis Majestate fulgebat, ut Beda in Lucam. \* *Hic est Jesus Rex Judæorum*: Marcus, *Rex Judæorum*, Lucas, *Hic est Rex Judæorum*, sensum expresserunt, non verba. Nam vera verba cruci affixa videntur à Joan. adferri, *Jesus Nazarenus Rex Judæorum* : illa quippe cum titulo Romæ affervato dicuntur convenire, ut \* *Jesus* sit proprium nomen : *Nazarenus*, patria, quâ vulgò notus erat : *Rex Judæorum*, causa supplicii, quâ Pilatus simul etiam se purgasse voluit affectationem regni Judaici ei imponens, & se de Pontificibus, ad innocentis necem adigentibus, ulcisci, quod eis ignominiosum esset, Regem eorum ipsis postulantibus in crucem suffigi. Nam propterea etiam titulum mutare noluit, quamvis altiore consilio divinitus id ageretur, ne scilicet scriberet quoddam affectasset regnum, sed quod esset Rex, hoc non crimen, sed gloria est. 37. Et imposuerunt super caput ejus causam ipsius scriptam: Hic est Jesus Rex Judæorum

38. \* *Tunc crucifixi sunt cum eo duo latrones*; consilio tum humano, tum divino: humanum fuit, partim Pilati, ne ita infontem plectere videretur, ut sceleratis parceret; partim Pontificum, ut consors supplicii latronum, consors etiam criminum vulgò haberetur. & ideo ipsis, ut credibile est, instigantibus tamquam principes facinorosorum hominum in medio suspenditur; quod ei fuit summæ ignominie, sicut Isaias & Christus ipse notavit Lucæ 22. v. 27. Divinum consilium fuit, ut verè pro sceleratis passus, & eorum ad se convertorum princeps esse significaretur, divinique judicii & discretionis specimen exhiberet dum judex in medio unum damnat, alterum salvat; Judæos rejicit, Gentes adsciscit, ut ex parte notavit Aug. Epist. 48.

38. Tunc crucifixi sunt cum eo duo latrones, unus à dextris: & unus à sinistris.



39. Prætereuntes  
autem blasphemabant eum mo-  
ventes capita sua

39. \* *Prætereuntes autem*, sive casu viâ publicâ, quæ ibi erat, ut Euthym. & Victor Antiochen. notant, sive potius spectantes, qui de industria circumcurfabant crucem curiositatis & virulentia ostendendæ causâ, ut insultarent morienti: \* *blasphemabant eum*, verbis in ejus divinitatem contumeliosis convitiando, \* *moventes capita sua*, propter irrisionem, ut notat Ambros. talis est enim motus capitis irridendum. Unde Isaïæ 37. v. 22. *Subsumnavit te virgo, filia Sion, post te movit caput.* Et hanc irrisionis speciem prædixerat de Christo David, Psalm. 21. v. 8. & Psalm. 108. v. 25. Est autem hoc genus contumeliæ, in summis scilicet malis aliquem tam acerbis appetere ludibriis & convitiis, acerbissimi animi signum, & toleratu gravissimum.

40. Et dicentes:  
Vah qui destruis  
templum Dei, &  
in triduo illud  
reædificas, salva  
temetipsum: si  
Filius Dei es, des-  
cende de cruce.

40. \* *Dicentes*, id est, non solum gestibus irridebant, sed ut S. Leo ferm. 10. de Passione, fixuris clavorum addebant etiam tela linguarum: \* *Vah*. Interjectio est hoc loco contemnens & exprobrantis, sibilo oris pronuntianda, qualis est apud Flandros, *Phi*. \* *Qui destruis templum Dei & in triduo illud reædificas*: q. d. Qui te tantæ potentia venditasti, pudeat te jam jactantia & arrogantia tua. \* *Salva temetipsum*, è cruce; quod longè facilius, quam vastam illam molem triduo erigere. \* *Si Filius Dei es*, sicut coram Pontificibus professus es, \* *descende de cruce*. Noluit autem, quia tempus non erat ostendendæ potentia, sed perfectæ patientia, ut Aug. in Psal. 40. noluit, ne si ad eorum postulata descenderet, impatientia videretur cedere; denique noluit, ut majus divinitatis suæ præberet testimonium videlicet tum tantam patientiam, quantam nemo hominum perpetraret, ut Tertull. lib. De patientia, tum gloriosam resurrectionem suam.

41. Similiter &  
Principes Sacer-  
dotum illudentes  
eum. Scribis & Se-  
nioribus dice-  
bant:

41. \* *Similiter & principes sacerdotum*, omnis decoris & gravitatis, & dignitatis suæ obliiti præ animi immanitate. Nec enim eos interesse decebat supplicii, multò minùs morientem scommatibus incessere, \* *cum Scribis & Senioribus*: unde ab omni genere hominum laceratus est, à vulgo, à militibus, à supplicii sociis latronibus, ut juxta Chrysost. tanquam arrogans, impostor, in conspectu omnium vituperatus decederet.

42. Alios salvos  
fecit, seipsum non  
potest saluum fa-  
cere: si Rex Israël  
est, de cæda nunc  
de cruce, & cre-  
dimus ei:

42. \* *Alios salvos fecit: Seipsum non potest saluum facere*. Verba videntur esse factentium ejus miracula, ut vult Hieron. sed potius tacite calumniantium: q. d. Seipsum non potest saluum facere, ergo signum est, quod nec alios salvos fecerit, sed tanquam impostor & magus oculis illuserit. Unde Chrysost. dicit priora miracula in dubium vocari, Theophyl. ea vellicari, ut phantastica; Euthymius, ut præstigiis facta. Et quia se dixerat esse Messiam & Filium Dei, utrumque se putant apertæ falsitatis convincere. \* *Si Rex Israël est*, nempe

nempe ille promissus Messias, ut indicant Marcus & Luc. \* *Descendat de cruce, & credimus*, Græcè *καὶ ἐκ τοῦ σταυροῦ*, *credemus* \* *Ei* : non quasi hoc feriò sentirent, aut promitterent, sed propter conditionis, ut putabant, impossibilitatem, & evidentiam ad oculum, quòd non esset Messias. Loquuntur animo illudendi crucifixum. Cur ergo non descendit, ut eis potestatem descendendo monstraret? Respondet Leo serm. 17. de Pass. quia non secundum preces blasphemantium linguarum humani generis redemptio debebat omitti: & Aug. tract. 37. in Joan. quia patientiam docebat, ideò potentiam differebat. Si enim quasi commotus ad eorum verba descenderet, victus convitiis dolore putaretur. Nam quid ei magnum fuit de cruce descendere, qui potuit de sepulchro resurgere? Et tamen resurgenti non crediderunt, quantò minus descendentem.

43. \* *Confidit in Deo*, id est, jactavit se fiduciam in Deo Patre suo habere: \* *Liberet nunc*, scilicet eum Deus, \* *si vult eum*, non ipse Deum, sed si Deus ipsum vult, id est, diligit eum, & favet ei tanquam Filio suo. \* *Dixit enim, Filius Dei sum*, ei proinde maximè dilectus, & curæ. Impossibile est enim, ut Filium suum negligat, qui neminem in se sperantem derelinquit, sicut hoc argumentum perficitur Sap. 2. v. 18. Cum ergo non liberaretur, invictè probatum putabant, eum non esse Filium Dei. Errabant in circumstantia temporis. Sine dubio enim Deus Filium suum liberaturus erat de manibus contrariorum, non tamen à cruce liberando, sed à mortuis resuscitando, omnibus suppliciis ad redemptionem humani generis, & ad exemplum perseverantissimæ patientiæ consummatis.

43. Confidit in Deo: liberet nunc si vult eum: dixit enim: Quia Filius Dei sum.

44. \* *Id ipsum autem*, nempe, *Si tu es Christus, salvum fac te metipsum & nos*, ut exprimit Luc. \* *latrones improperebant ei*: erat enim tacitè dicere, non es talis, sed impostor: unde Marcus dicit, quod *convitiabantur ei*. Uterque autem notat circumstantiam, quod simul \* *crucifixi erant cum eo*. Ut insinuet rei indignitatem, cum oporteret eos timere Deum, per cujus iudicium in eandem damnationem inciderant, sicut hoc postea alter latronum alteri exprobravit; & de morte propria, non de convitiis alienis esse sollicitos. Oritur autem difficultas, quomodo Matth. & Marcus dicant latrones impropereasse Jesu, cum non nisi unus dixerat juxta Lucam. Græci & Origen. Chrysost. cum suis, Cyrill. Catech. 13. valde verissimiliter sentiunt, utrumque initio convitiatum fuisse; alterum deinde visis mirabilibus esse conversum. Quamvis Aug. l. 3. de conf. c. 16. per tropum velit pluraliter dici id, quod unus tantum fecit, quod ipse pluribus exemplis Scripturæ probat esse famulare. Ambr. l. 10. in Luc. & Hier. hic utramque expositionem jungunt.

44. Idipsum autem & latrones qui crucifixi erant cum eo, improperebant ei.



45. A sexta autem hora tenebræ factæ sunt super universam terram usque ad horam nonam.

45. \* *A sexta autem hora*, scilicet jam transactâ, seu signo ejus dato, hoc est, ipso medio die, quo lumen Solis est maximum, \* *tenebræ factæ sunt* : non ita densæ, ut Ægyptiacæ, sed quales esse solent serenâ nocte, cum astra lucent : astra enim esse visa, testis est Phlegon apud Euseb. in Chronico. Nam ex factis circa crucem Christi patet, quod se mutuo & omnia viderint circumstantia. Ambr. epist. 83. & aliis locis videtur putare, quod Sol revera occiderit in Occidente, ibique per tres horas manserit, juxta prophetiam Amos cap. 8. hac de re, *Occidit Sol in meridie*. Sed verius, aliis duabus de causis tenebras esse factas : primò, quod Soli Luna se supposuerit : oculatus enim testis Dionysius Areopagita epist. ad Polycarpum asserit, Lunam ab ortu Solis mediâ die, extra conjunctionis tempus, subingressam esse Solem, & rursus versus Orientem horâ nonâ recessisse. Qua in re triplex erat miraculum ; primum, quod esset pleni-lunium, quo non potest naturaliter fieri eclip̄sis Solis : secundum, quod Luna ab Oriente Solem subintraret, cum semper hoc fieri debeat ab Occidente : tertium, quod eâdem viâ rediret, relinquens primò resectam illam Solis partem, quam ultimam texerat, cum deberet oppositum fieri : quartum adde, quod Luna immota steterit sub Sole per tres circiter horas, usque ad nonam, cum eclip̄sis Solis brevissima esse soleat. Sed etiam omnibus istis positis, quia Luna est minor Sole, maximamque patitur paralaxin, non potuit efficere, ut fierent tenebræ, \* *super universam terram*, sicut testatur Evangelium esse factas. Nam quamvis Orig. solam Judæam intelligat, plerique tamen veteres, Chrysost. Theophyl. & alii verius universam terram intelligunt. Unde à Dionysio & Apolloniano visa est hæc eclip̄sis in Ægypto, & Tertull. in Apologet. c. 21. testis est, istum mundi casum à Romanis in archiva relatum esse. Phlegon citatus refert defectionem inter omnes, quæ acciderant, fuisse maximam : Euseb. loc. allegato se in Comment. Ethnicor. reperisse consignatum, quod tenebræ factæ fuerint super universam terram. Itaque alteram causam tanti deliqui indicat Luc. cum dicit : *Sol obscuratus est*, hoc est, ut Hier. in v. 9. c. 8. Amos, tetraxit radios suos pendentem in cruce Dominum spectare non ausus. Sic igitur Creatori suo quodammodo creatura congemuit, & ut Leo serm. 6. de Pass. Crucis clavos omnia simul elementa senserunt. Debebat enim hoc testimonium ( divinitatis scilicet ejus ) suo mundus auctori, ut in hoc casu conditoris sui vellet universa finire. \* *Usque ad horam nonam*, id est, tertiam nostram pomeridianam, tres scilicet horas continuas ne putaretur naturaliter contigisse : unde videntur tenebræ durasse, quamdiu vivus pependit in cruce. Facta sunt autem ista, ut optimè Aug. de fide contra Manichæos

chæos c. 26. ad humanam naturam docendam, non ad Christi naturam tuendam. Nam fuit gravissimum testimonium divinitatis, in summa ejus infirmitate exhibitum, per quod ut Cyrill. lib. 2. ad Reginas, Creatore contumeliâ affecto, creatura quodammodò irascebatur sceleratis: ne aut pendentem videret Dominum suum, aut impii blasphemantes, ut Hieron. luce suâ fruerentur, ne denique tenebras mundo Judaicæ cæcitatibus ostenderet, inquit Leo ser. 10. de Pass.

46. \* *Et circa horam nonam clamavit*: Marcus & Græcus exclamavit, ἀνεβόησεν, quo augetur vehementia, sicut & epitheto, \* *voce magna*: nam adhibuit eam, ut ostenderet pœnarum magnitudinem, & se mori non naturæ infirmitate, sed suâ voluntate; morientis enim lentâ morte voce destituuntur: \* *dicens, Eli, Eli, lamma sabaothani*. Tria priora vocabula sunt initium Psalm. 121. (ut ita declararet totum Psalmum de se esse prophetatum) sicut Hebraicè legitur: nam illud, *respice in me*, quod Latine legimus, à Lxx. insertum est. שַׁבְּתָנִי, *Sabaothani*, est Syriacum à שָׁבַח, *Sabac* sive, *Sebac*, id est, *dereliquit*, quod idioma tempore Christi vulgare erat; nam Hebræi dicunt יִזְבְּחִי, *Ghazabtani* seu *Azabtani*, quo modo & in quibusdam manuscriptis Latinis legitur. Pro *Eli* Marcus *Eloi*, quod idem significat. Est enim singulare ab *Elohim*. Servarunt Evangelistæ vocabula Hebraica, ut ita tacita daretur ratio, cur Eliam invocatum putarent. \* *Hoc est, Deus meus, Deus meus, ut quid dereliquisti me*, secundum humanam scilicet naturam, exponendo eam omnium persecutorum voluntati, omnium tormentorum acerbitati, sine consolatione. Querimoniam esse naturæ derelictæ multi volunt, sicut illam, de qua sup. \* *transeat à me calix iste*. S. Leo serm. 16. de Pass. & Cyprian. de Passione, esse verba inquirentis causam derelictionis, ut videlicet nobis occasionem darent quærendi causam mortis Christi, & fructum ejus, videlicet peccatum hominum offenditum, & gratiam Dei offensi: nam utrumque tam magnum est, ut soli Deo plenè perspectum sit. Cyrillus l. 2. ad Reginas, peropportunè vult esse verba vocantis ad benevolentiam sive exorantis Deum: q. d. Ut quid, id est, memento ut quid, seu in quem finem dereliqueris me, nimirum ut placatus maledictionem humano generi incumbentem solvas. Et ita essent verba Christi, tanquam Sacerdotis, Patrem placantis, & fructum sacrificii exorantis pro humano genere. Nam vocem desperationis hîc Christo elapsam esse, ut Calvinus docet, blasphemia est omnibus antiquis inaudita, quam ipse Christus refutat, non solum in eodem Psalmo, dicendo, *Spes mea ab uberibus matris meæ*, sed in ipsis illis verbis, *Deus meus &c.* Deus quippe sicut non est mortuorum, ita nec deservientium. Non enim potest quis-

46. Et circa horam nonam, clamavit Jesus voce magna dicens: Eli, Eli lamma sabaothani: hoc est: Deus meus, Deus meus, ut quid dereliquisti me?



piam dicere, Deus meus, inquit Ambr. in Psalm. 43. nisi qui Deo plenum defert pietatis affectum.

47. Quidam autem illic stantes, & audientes dicebant: Eliam vocat iste.

47. \* *Quidam autem &c. audientes.* Hieron. arbitratur fuisse Romanos milites, sermonis Hebraici ignaros, qui *Eliam*, pro *Eli* intellexerint. Favet multum, quod hîc dicatur unus ex eis dedisse acetum, quem Lucas dicit fuisse militem. Forſan Judæi illudendi cauſâ perverterunt ſacra verbâ, quos poſtea milites imitati ſint, ut dicerent: \* *Eliam vocat*, ſeu invocat in auxilium, ut ſe deponat, quia ſeiſpum ſalvare non poteſt, \* *iſte*, cruciarius; ſpirat enim contemptum.

48. Et continuo currens unus ex eis acceptâ ſpongiam implevit aceto, & impoſuit arundini, & dabat ei bibere.

49. Cæteri vero dicebant: Sine, videamus an veniat Elias liberans eum.

48. \* *Et continuo*, ut clamaret Eli, \* *currens unus ex eis*, miles, ut Lucas, acceptam ſpongiam implevit aceto, quia naturaliter liquorem imbibit, & acceptum reddit, \* *& impoſuit arundini*, ut poſſet ori hominis, in alto pendentis, admoveri. Nam præter illud arundinis tectoriæ genus, quod vulgò eſt notum, eſt & aliud craſſum ac longum, inſtar mediocris haſtæ, in quibuſdam partibus Galliæ, in Hiſpania & Italia notiſſimum, quod Græci vocant *χάλαμον χαρακίαν*, apud Theophrast. Gaza, *vallatoriam*, alii *ſatiam*. Sed quid aceto & ſpongiæ cum iſto clamore Chriſti, Eli, Eli? Ex Joanne hoc intelligitur: nam Chriſtus eodem tempore clamavit, *Sitio*, ut extremam ſuam afflictionem indicaret. Cùm ergo ab hominibus nullum ſolacium ſciret eſſe præ manibus, ad Deum videtur ſe convertiſſe, clamando, *Eli, Eli*. Et idcirco miles accurrens, ſpecie reſtringendi ſitim, revera autem ad illudendum, ut ex Luca patet, admovit ori ſitibundo ſpongiam cum aceto, quod magis exſiccet, & ſimul irriſit eum, dicens, ut narrat Lucas, *Situ es Rex Judæorum, ſalvum te fac*: q. d. Quid clamas & invocas auxilium alienum Eliæ? Salvum fac teipſum; & ut Marcus, *Sinite videamus, ſi veniat Elias ad deponendum eum*; quod Matth. hîc narrat cæteros adſtantes dixiſſe: ſed utrique hoc dixerunt, & milites ad cæteros, & cæteri ad ipſum, quaſi dicerent, potetur aceto, ne ante adventum Eliæ moriatur. Ex quibus verbis videtur etiam colligi cur illud acetum, ſpongia, & arundo parata ſteterunt, videl. ne animo deficerent crucifiſgendi vel crucifixi; unde & nunc contra deliquium animi adhiberi ſolet: vel etiam ne crucifixi ex fluxu ſanguinis, quem ſiſtit, citiùs morerentur. Itaque, præter irriſionem, etiam hac de cauſâ acetum à milite oblatum fuit, ut eſſet ſpatium videndi, num Elias eſſet venturus. Diverſa igitur planè fuit hæc aceti oblatio ab ea, de qua v. 34. Nam illa ante crucifixionem, hæc poſt facta eſt, quamvis malè quidam confuderint. Utraque plena fuit barbarie: unde utramque diſtinctè, velut ſummæ inhumanitatis, Pſaltes prophetavit, *Dederunt in eſcam meam fel, & in ſiti potaverunt me aceto*.

50. \* *Jesus autem iterum clamans voce magna*, in argumentum superstitis in eo roboris, ut videlicet testatum redderet, se non defectu virium mori, ut contingit iis, qui lentâ morte moriuntur, sed vitam & mortem esse in sua plena & libera potestate, sicut de se ipso asseruerat Joan. 10. v. 18. quod Chrysost. Theophyl. & plerique veteres notaverunt. Vox ergo ista testimonium fuit divinitatis ejus quam ex ea & vel sola præcipuè cognovit, & confessus est centurio, Marci 15. v. 39. Clamavit autem Christus hæc verba: *Pater in manus tuas commendo spiritum meum*, sicut ex Luca patet; ut indicaret se non ut facinorosum, sed per omnia benè sibi consciuum, & Deo confidentem mori, & morientibus hujus pietatis exemplum relinqueret, \* *emisit spiritum*, id est, ut Tertull. in Apolog. c. 11. spiritum spontè dimisit, prævento carnificis officio: nam hoc verbo significatur mors spontanea. Ut enim Ambr. in Luc. quod emittitur voluntarium est, quod amittitur necessarium: & ideò Joan. ait, *spiritum tradidisse, inclinato capite*, voluntate videlicet non infirmitate. Emisit autem seu tradidit spiritum, non clamando, sicut Latinus Texrus sonat, sed ut Græcus apud Lucam *cùm clamasset*, *κράζας*, & apud Joannem *cùm inclinasset caput*, *κλίνας*.

50. Jesus autem iterum clamans voce magna, emisit spiritum.

51. \* *Et ecce*. Quâ loquendi connexionem & modo rectè observat Aug. lib. 3. de conf. c. 19. tunc esse scissum velum, cùm emisisset spiritum, & ideo Lucam ordinem non observasse. \* *Velum templi*. Velum duplex fuit, non solum in veteri tabernaculo, ut patet ex Apost. ad Hebr. 9. v. 2. & 3. & Exod. 26. v. 31. & 36. sed etiam in templo, sicut distinctè narrat Joseph. de bello Jud. c. 6. Hieron. epist. 150. ad Hedybiam qu. 8. accipit hoc de velo exteriori, quod primis portis oppandebatur, & ante illum Orig. sed alii plerique veteres, ut Leo serm. 10. de Pass. Cyrill. lib. 16. in Joan. c. 37. Theophyl. & alii intelligunt de velo interiori, quod instar parietis separabat Sanctum Sanctorum à Sancto. \* *Scissum est in duas partes à summo usque deorsum*. Quas circumstantias & Marcus diligenter annotat, ut liqueat latere mysterium. Orig. in Matth. Aug. lib. 12. contra Faustum. c. 11. Cyril. loco cit. & Hieron. hinc tradunt significari omnia legis Sacramenta, quæ prius tegebantur, jam Christi morte esse patefacta, nec amplius velo tegenda, juxta Apostolum 2. ad Cor. 3. v. 14. & 15. ubi dicit, *Velamen in lectione veteris Testamenti manere non revelatum nisi in Christo*, aptissimè quoque significatum fuit id, quod Apostolus insinuat ad Hebr. 6. v. 8. jam propalatam esse Sanctorum viam, hoc est, cùm Christus jam per suum sanguinem ingressus esset in cælum, jam viam ad Sancta Sanctorum, id est in cælum per ea significatum, esse manifest-

51. Et ecce velum templi scissum est in duas partes à summo usque deorsum: & terra mota est & petra scissæ sunt,



nifestatam : quæ via est gratia Christi jam palam cognita & prædicata. Porro præter velum descriptum , addit Ephræm serm. 1. de Pass. columbam è templo egredi visam. \* *Et terra mota est* ; quasi crucifixum Dominum suum ferre non sustinens. Testis est Phlegon , Scriptor Ethnicus apud Euseb. hoc terræ-motu Bythiniam , & in ea Nicæam præcipuè concussam esse. \* *Et petra scissa sunt* . ex terræ-motu, quod montem Golgotha usque ad sua tempora monstrare testatur Cyril. Catechesi 13. Fiebant hæc omnia ad testandam sceleris atrocitatem , iram Dei, dignitatem crucifixi, duritiem prodigiosam crucifigentium saxis duriorem , ut Ambr. lib. 10. in Luc.

52. Et monum-  
ta aperta sunt : &  
multa corpora  
sanctorum , qui  
dormierant , sur-  
rexerunt.

52. \* *Et monumenta aperta sunt* , eo consilio , quo & monumentum Christi ; ut scilicet appareret ea revera corporibus destitui. Factum est hoc prodigium , ut declararetur crucifixum esse Dominum vivorum & mortuorum , esse mortis & inferni dominorem , denique in signum futuræ , vi crucifixi , resurrectionis omnium , ut Hier. epist. 105. q. 8. & Ambr. in Luc. \* *Et multa corpora Sanctorum , qui dormierant , surrexerunt* : à morte ad immortalitatem , ut sentit Hilar. in Matth. & Epiph. Hæresi 75. quamvis Aug. epist. 90. putet contrarium , propter Apostolum , qui dicit ad Hebr. 11. Sanctos veteres non sine nobis fuisse consummandos. Sed locus ille non videtur cogere eo quòd loquatur de generali omnium beataque resurrectionis consummatione , cui non officit paucorum privilegium .

53. Et exeuntes  
de monumentis  
post resurrectio-  
nem ejus , vene-  
runt in sanctam  
civitatem. & ap-  
paruerunt multis

53. \* *Exeuntes de monumentis post resurrectionem ejus* , unde etiam tunc tantum cum Christo surrexerunt. Christus enim primitiæ dormientium : qua de causa Tertull. lib. de Anima cap. 53. vocat Patriarchas & Prophetas appendices Dominicæ resurrectionis. Itaque illud , *Post resurrectionem ejus* , videtur referendum ad omnia præcedentia , *exeuntes , surrexerunt , aperta sunt* . Ratio enim sicut vetabat , ne exirent de monumentis ante Christi resurrectionem , ita etiam ne antè resurgerent , vel ante monumenta aperirentur : quamquam hoc postremum sit incertius. \* *Venerunt in sanctam civitatem* , Jerusalem , quia monumenta erant extra civitatem. Quamvis autem recenter polluta sanguine Domini , tamen *sancta* dicitur , non solum propter Templum & cultum unius Dei , adhuc tum durantem , & ab Apostolis usurpatum , ut Hieron. q. 8. citatâ : sed maximè , quia in ea tum steterant pedes Domini , ibi humanæ redemptionis mysteria peracta sunt , & inde Evangelium in universum mundum corruscavit , ut latius Hieron. epist. 17. *Et apparuerunt multis* , iis , qui cernere merebantur , inquit Hieron. hoc est , fidelibus , & à Jesu non alienis. Apparuerunt autem , ut essent sociæ resurrectionis Christi , ac testes ejus,

ejus, ne phantastica putaretur, si solus resurgeret: denique ut essent præcones potestatis ejus, & pignus futuræ resurrectionis omnium.

54. \* *Centurio autem, & qui cum eo erant.* Apud Metaphrastem dicitur vocatus *Longinus*, & martyrio coronatus, quod & apud Chrysost. refertur. \* *Visio terræ-motu, & his quæ fiebant*, scissione scilicet petrarum, patientiâ admirabili, & præcipuè magno illo clamore morientis, ut notat Marcus, quia judicabat eum habere vitam & mortem in potestate, nam tenebræ solæ nihil moverant. \* *Timuerunt valde*, de sui facinoris atrocitate, ne vindicta sceleratæ necis, cujus ministri fuerant, eos apprehenderet: \* *Dicentes, Verè Filius Dei erat iste*, qui proinde necem ejus inultam esse non sineret. Audiverant hoc à Judæis accusantibus, & in cruce etiam exprobrantibus. Illius ergò recordati sunt & insolitis prodigiis verum esse confessi. Per illud autem, *Verè Filius Dei*, videntur veram divinitatem ejus agnovisse, ut sentit Cyrill. lib. 12. Thesauri c. 14. & Basil. in Gordianum Mart. Unde quòd Lucas eum dixisse narrat, *Verè hic homo justus erat*, distincta fuit confessio à præcedente: quamvis Aug. lib. 3. de consensu c. 20. dicat esse posse interpretationem Matthæi; quo sensu factus esset Filium Dei omnimodo, quasi Deo dilectum, quia veracem & justum. Hic primus erat fructus orationis, pro transgressoribus in cruce fusc.

55. \* *Erant autem ibi multe mulieres à longè*: non à longè venientes, sed à longè spectantes, ἀπὸ μακρόθεν θεωροῦσαι, ut addit Græcus; idque propter turbam, sive potius metum: affectum tamen earum hîc celebratum Evangelista voluit, quòd nec morientem prorsus deseruerint, ut ante discipuli. Fuisse tamen inter illas etiam viros indicat Luc. cùm dicit, *Stabant omnes noti ejus à longè & mulieres*, notos distinguens à mulieribus: \* *quæ secuta erant Jesum à Galilæa, ministrantes ei.* Itaque tribus in rebus hic commendatur earum studium: primò, quod ad mortem usque sequerentur: nam valdè propè, imò juxta crucem, saltem aliquo tempore & aliquas adstitisse, testis est Joan. c. 19. v. 25. secundò, quòd patriam remotam ejus amore deseruissent: tertio, quòd ministrarent ei, nempe de facultatibus necessaria suppeditando, ut Luc. c. 8. v. 3. quòd fuisse consuetudinis Judaicæ, ut feminæ præceptoribus victum & vestitum ministrarent, tradit Hieron.

56. \* *Inter quas erat Maria Magdalene*: præcipuas tantum & celebriores nominari notat Orig. Theophyl. & Euthym. \* *Et Maria Jacobî*, scilicet Minoris, juxta Marc. ut distinguatur à Jacobo Zebedæi, fratre Joannis, \* *Et Joseph mater*, Græcus & Syrus vocat non *Joseph*, sed *Joses*, sicut & suprâ c. 13. v. 53. Hanc Mariam vocat Joan. 19. v. 25. *Mariam Cleopha*, supple vel filiam, vel potius uxorem, Cleo-

54 Centurio autem, & qui cum eo erant, custodientes Jesum, visio terræ motu, & his quæ fiebant, timuerunt valde, dicentes: Verè Filius Dei erat iste.

55. Erant autem ibi mulieres multe à longè, quæ secuta erant Jesum à Galilæa ministrantes ei.

56. Inter quas erat Maria Magdalene, & Maria Jacobî & Joseph mater filiorum Zebedæi.



*phas* enim videtur fuisse cognominatus *Alphas*, & maritus fuisse istius Mariæ. \* *Et mater filiorum Zebedæi*, Jacobi & Joannis : vocatam esse *Salomen* notat Orig. ex Marco, & communiter post ipsum alii.

57. Cum autem sero factum esset, venit quidam homo dives ab Arimathæa, nomine Joseph, qui discipulus erat Jesu.

57. \* *Cum autem sero factum esset*, hoc est, dies inclinata ad occasum, non tamen finita, ut posset sufficere ad sepulturam; quia post occasum Solis incipiebat otium & observatio Sabbathi: unde Marcus notat adhuc durasse parasceven ante Sabbatum. \* *Venit homo quidam dives*: quod notat, non propter jaçantiam, sed duabus de causis necessariis: primò, ut constaret ratio, cur Pilatum accedere, & ab eo corpus impetrare potuerit, ut observat Hieron. Unde Marcus addit, fuisse nobilem & Decurionem, id est, Senatorem, ut est Græcè, scilicet urbis Jerusalem. Hic ergò fiduciâ divitiarum & dignitatis, ut Aug. l. 2. de conf. cap. 22. intravit audacter ad Pilatum. Secundò, ut declararetur magnitudo affectus ejus; horrent enim divites ac nobiles corpus pauperis è patibulo deponere ad sepulturam. \* *Ab Arimathæa*, scilicet civitate oriundum: nam alioqui civem fuisse Jerosolimitanum probat sepulchrum ibi excisum. *Arimathæam* hanc Hier. de locis Hebricis scribit esse patriam Samuëlis, 1. Reg. 1. dictam *Ramathaim* quæ primò *Ramah* vel *Ramatha* dicta fuit, quia in loco excelsò, inde cum  $\square$  *He* demonstrativo *Haramah* seu *Haramatha*, *Haramathaim*, quasi pluraliter, inde corruptè, *Arimathæa*. \* *Qui & ipse discipulus erat Jesu*; sed hætenus occultus, ut Joan. propter metum Judæorum. Unde & hinc emicare incipit virtus Dominicæ passionis, quod ita subito in alium virum mutatus sit. \* *Hic accessit ad Pilatum, & petiit corpus Jesu*. Nam legibus civilibus Romanorum, quod etiamnum servatur, vetitum est damnatorum corpora sine Judicis facultate deponere aut sepelire.

58. Hic accessit ad Pilatum, & petiit corpus Jesu. Tunc Pilatus jussit reddi corpus.

58. \* *Tunc Pilatus jussit reddi corpus*, cum scilicet antè intellexisset ex accersito Centurione, verè esse mortuum, juxta Marc. Hanc enim Deus informationem ab ipso Judice permitti voluit, ne qua calumnia de resurrectione oboriretur.

59. Et accepto corpore, Joseph involvit illud in sindone munda.

59. \* *Joseph involvit illud*: centum scilicet libris aromatum conditum, quasi tectum, ut narrat Joan. \* *In sindone munda*, quia nova, ut Marcus. Est autem *Sindon* pannus lineus subtilissimus, quo non solum involvit corpus ipse cum Nicodemo, sed etiam illigavit institis, faciem tegendo sudario, ut Joan. 19. v. 40. juncto cum v. 6. & 7. c. 20. ut satis liqueat, eadem formâ involutum fuisse, quâ fuit Lazarus Joan. 11. v. 14.

60. Et posuit illud in monumento suo novo quod exciderat in petra. Et ad voluit suum magnum ad ostium monumenti, & abiit.

60. \* *Et posuit illud in monumento suo*: nam sicut propriâ domo præ paupertate caruit vivus, ita & sepulchro proprio mortuus: novo, in

in quo scilicet nemo positus ante fuerat. Divinitus hoc actum est, tum quod ita diceret personæ dignitatem & sanctitatem : tum maxime, ne alius suscitatus à perfidis crederetur, ut Ambrosius in Lucam & Hieron. hîc. \* *Quod exciderat in petra*, instar cubiculi, intus ferè quadrati, ut scribunt diversi, qui viderunt. Pertinet & hoc partim ad honorem Domini; talia enim sepulchra non solent plebeis, sed viris magnis parari : partim ad fidem resurrectionis, ne quis corpus vel suffossis fundamentis, vel dirutis & repositis iterum lapidibus ruptum à discipulis fingeret : denique ut esset perpetuum resurrectionis Dominicæ monumentum posteris. \* *Et advolvît saxum magnum*, ut sine auxilio plurimorum referari non posset monumentum, inquit Hieron. nam & hoc Deus adversus calumnias resurrectionis egit.

61. *Erat autem ibi Maria Magdalene, & altera Maria*, scilicet Jacobi & Joseph mater, ut Marcus. Plures alias indicat adfuisse Luc. c. 23. v. 55. si jungatur cum cap. 24. v. 1. & 10. \* *Sedentes contra sepulchrum* : ut observarent, ubi & quomodo à viris sepeliretur, ut & ipsæ postea eodem fungi possent officio, sicut utrumque ex Luca constat. Loci enim angustia non sinebat eas simul intrare, nec decencia honoris illis viris se interponere.

62. \* *Altera autem die, quæ est post parasceven*, hoc est, ipsâ die Sabbathi : quo tacitè taxantur rigidi illi observatores Sabbathi Pharisei, qui toties de violatione Christo calumniati, nullam illius nunc rationem habent in petendis armatis, ducendis ad sepulchrum, in significando, & consequenter ante aperiendo, postea claudendo laboriosè monumento, ut notarunt Chrysost. & Theophyl. Porro *Parasceve* videtur feria illa sexta, quâ crucifixus est : q. d. *Preparatio*, quia illo die parabantur ad vivendum omnia necessaria sequenti die, ne otium Sabbathi violare cogerentur, qua de re vide Exod. 16. v. 23. & 29. Marc. clariùs vocavit *Parasceven*, quod est ante sabbathum, Græcè *προσάββατον*, \* *convenerunt, &c. ad Pilatum* : unde credibilius, hoc esse factum non eâdem nocte, quâ incipiebat Sabbathum, sed mane.

63. \* *Domine, recordati sumus*. Unde recordati, cùm hoc Christus non prædixisset nisi Apostolis ? Nam sermones illos parabolicos vel obscuros, quos hâc de re habuit ad Judæos, Matth. 12. v. 4. & Joan. 2. v. 19. verisimile est ab eis non intellectos. Itaque videtur illa fama publicè fuisse sparsa; nam & mulieres Lucæ 24. v. 8. dicuntur recordatæ verborum ejus de prædicta resurrectione. \* *Quia seductor ille dixit*, Græcè *ἀγνός ὁ πλάγιος*, *ille planus*, id est, impostor, prout legit & exponit Aug. Hom. 36. quo verbo & doctrinæ velut seductoris, & miraculis velut præstigiatoris calumniantur, ad solatium servorum ejus,

61. Erat autem ibi Maria Magdalene, & altera Maria, sedentes contra sepulchrum.

62. Altera autem die, quæ est post Parasceven convenerunt principes Sacerdotum & Pharisei ad Pilatum,

63. Dicentes : Domine, recordati sumus, quia seductor ille dixit adhuc vivens : post tres dies resurgam.



inquit idem Aug. si illo nomine appellentur. \* *Post tres dies resurgam.* Ita & apud Marc. 8. v. 31. Christus legitur dixisse; sed utrumque exponendum est per alium locum Matthæi, ut *post tres dies*, sit tertio post die, vel post tres, saltem inchoatos dies. Hic Phariseorum sensus eò patet, quòd vers. seq. petunt custodiri sepulchrum tantum usque in diem tertium: nam alioqui custodiri debuisset multis diebus post diem tertium.

64. Jube ergo custodiri sepulchrum usque in diem tertium: ne forte veniant discipuli ejus, & furentur eum, & dicant plebi: surrexit à mortuis, & erit novissimus error peior prior.

64. \* *Jube ergo custodiri usque in diem tertium*, transactum scilicet; neque enim unquam Christus prædixerat, quâ diei tertiæ parte resurrecturus esset. \* *Ne forte veniant discipuli ejus*, quos magno numero esse constabat: Græcè additur *νότος, νότῳ*, scilicet clam, & *furentur eum*, & *dicant plebi*, hominibus scilicet imperitis, non nobis, qui hujusmodi fabulis non credimus. Prætexunt ergò cautioni suæ fraudem discipulorum, sed revera metuebant resurrectionem ejus, territi tum propriâ scientiâ, tum prodigiis illis mirandis, tum contestatione divinitatis ejus à militibus & vulgo redeunte: quâ enim spe hominem cum infamia mortuum, à quo decepti essent, rudes, ignobiles, & nullius autoritatis viri, nullo argumento rei tam incredibilis muniti resurrexisse fingerent? Itaque videntur revera conati vel impedire vel obscurare resurrectionem, si fortè fieret. \* *Et erit novissimus error*, Græcè *ἡ ἐσχάτη πλάνη*, novissima impostura, scilicet de resurrectione, si eam plebi persuadeant, \* *peior priore*, qua se Filium Dei & Christum dixit, quia scilicet priore probabilior, & eam in se continens confirmabit: denique quia invidia Christi occisi in te & nos redundabit apud plebem, & seditionis erit seminarium.

65. Ait illis Pilatus: habetis custodiam, ite, custodite sicut scitis.

65. \* *Ait illis Pilatus: habetis custodiam*, turbam custodum, scilicet illam, quæ vobis servivit ad crucem, præsto habetis, \* *ite, custodite, sicut scitis*, id est, utimini eâ pro vestra prudentia: significat enim se invitum rebus ipsorum ulterius immiscere.

66. Illi autem abeuntes, munierunt sepulchrum, signâtes lapidem cum custodibus:

66. \* *Illi autem abeuntes munierunt sepulchrum*: Græcè *ροπαλίσαντο*, quod verbum suprâ v. 63. & 65. vertitur per *custodire*: propriè autem significat tutum reddere contra pericula, & munire, sicut hîc vertitur. Munierunt autem duobus modis: primò, \* *signantes lapidem*, Græcè *σφραγίσαντες τὸν λίθον*, sigillo seu obsignato lapide, quo claudabatur ostium sepulchri: sigillo videlicet publico, contra omnem fraudem sive corruptorum custodum sive discipulorum, sicut fecit Darius, Dan. 6. v. 17. ne quid fieret contra Daniëlem. Nicephorus verò lib. 1. cap. 32. scribit traditione acceptum à majoribus, quòd lapis ille vinculo ferreo ingenti fuerit alligatus sepulchro, ut avelli non posset: cujus rei vestigia suis temporibus monstraſſe lapidem testis est Beda lib.

lib. de locis Sanctis. Deinde munierunt sepulchrum, \**cum custodibus*, id est, adhibitâ militum custodiâ (nam jungendum est cum verbo *munierunt*) scilicet ne quis posset sepulchrum ingredi, vel egredi, vel accedere. Quam diligentiam inimicorum divina providentia permisit, ut fides resurrectionis esset certior, & gloria major, & plebis animus paratior ad credendum.

## CAPUT VIGESIMUM OCTAVUM.

I. **V**espere autem Sabbathi, quæ lucefcit in prima Sabbathi. Locus hic difficillimus est, in quo omnes Evangelistæ sibi invicem videntur contradicere, & aliqui sibi-ipsis. Nam Matthæus narrat mulieres venisse *vespere*, & quidem lucefciente die; Joannes *mane*, cùm adhuc tenebræ essent; Lucas *valde diluculo*; Marcus *orto jam Sole*: ubi quatuor diversa tempora significari videntur. Itaque nonnulli quatuor distinctos adventus mulierum sive earundem, sive, ut alii, diversarum posuerunt; sed improbabiliter: omnes enim de eodem adventu loquuntur, uno exprimente, quod alter tacuit. \* *Vespere Sabbathi*. S. Augustinus lib. 3. de consensu cap. 24. per *Vesperam* intelligit, totam noctem, quæ sequebatur Sabbathum, significari à prima parte noctis, quæ est vespera: à quo non dissentit Dionys. epist. ad Basilidem & Hieron. epist. 150. quæst. 4. tantùm difficultatem facit, cur vocetur *Vespera Sabbathi*, cùm non pertineret ad Sabbathum nox illa, sed ad Dominicam. Hieron. ibidem & meliùs ac clariùs Greg. Nyssen. Orat. 2. de Resurrect. Christi observant, Græcè esse ὀψὲ, quod & *Vespere* significat, & propriè *serò*, ideoque sensum esse, quod serò Sabbathi, id est, tardè post transactum Sabbathum, vel, ut Græcè, ὀψὲ σαββάτων, *serò Sabbathorum*, id est, post dies septimanæ totius transactos. Ut autem intelligeremus, non vespere pressius accepto, nec incipiente nocte, sed penè transactâ, mulieres venisse, subjicit, quasi seipsum interpretando, *quæ lucefcit*, subaudiendum est, *in die*, quæ lucefcit, Græcum enim τῇ ἑωσφορίᾳ indicat nullo modo referri posse ad, *vespere*, q. d. dudum, vel serò post Sabbathum in die illucescente. \* *In prima Sabbathi*, Græcè εἰς μίαν σαββάτων, *in unam Sabbathorum*, usurpando *unam*, *primam*, phrasi Hebraicâ, quæ habetur Gen. 1. v. 5. Itaque *prima Sabbathi* est dies Dominicus, ut Aug. tract. 120. in Joân Sabbathum accipiendū vel pro septimana, ut fit Lucæ 18. v. 12. *Jejunio bis in Sabbatho*; vel propriè pro Sabbatho jam transactō, q. d. Primâ die à Sabbatho jam præterito. Sensus ergo plenus est, quod serò Sabbathi, seu dudum post transactum Sabbathum, appropinquante jam luce sequentis diei Dominicæ, venerint, prout

a. Vespere autem sabbati, quæ lucefcit in prima sabbati, venit Maria Magdalene, & altera Maria viderè sepulchrum,



August. Hieron. & Greg. citati optimè declarant. Unde simili planè sensu dixit Lucas 23 v. 54. quòd Christo jam crucifixo *Sabbathum illucescebat*, id est, appetebat seu incipiebat. Ordo itaque rei gestæ hic fuit, ut mulieres emerint aromata statim cum transisset Sabbathum, sicut Marc. 16. v. 1. hoc est, adhuc illo vespere Sabbathi, post occasum Solis: deinde cùm serò esset Sabbathi, id est, jam diu transiisset, interjectâ scilicet nocte, summo mane egressæ sunt, & venerunt ad monumentum, illucescente \* *prima Sabbathi*, seu die Dominicâ, ut Matthæus. Quod cæteri distinctius & clariùs interpretantur: Lucas quidem *valde diluculo*, Græcè ὀρθρὸς βαθὺς, summo diluculo, Joan. autem, *cum adhuc tenebræ essent*, non spissæ, sed quales esse solent cælo albescere incipiente; Marcus verò, *valde mane, orto jam Sole*, hoc est, ut Aug. l. 3. de consensu c. 24. cùm cælum jam albesceret, quod non fit nisi Solis Orientis vicinitate; ipse enim videtur legisse, *oriente jam Sole*. Neque videtur intelligi posse, ortum jam fuisse Solem, quasi jam elevatus fuisset supra horizontem; sic enim sibi ipsi Marcus contradiceret, dum simul dicit fuisse valde mane. Hisi fortè voluerimus illa duo ad diversa tempora referre, ut dicantur venisse valde mane, quia tunc venire cœperint: orto autem jam Sole, quia tunc ad sepulchrum pervenerint, ut voluit Dionys. Alexandrinus. \* *Venit Maria Magdalene & altera Maria*, de quibus cap. præc. v. 6. Hæ duces erant cæterarum, studio ferventiores: nam plures adfuisse patet Lucæ 24. v. 10. & Marci 16. v. 1. Unde nulla est in Evangelistis contrarietas, dum Joannes solam Magdalenam, Matth. duas, Marcus tres, Lucas plures exprimit. \* *Videre sepulchrum*, an scilicet ingredi possent, amoto lapide: nam de hoc fuisse sollicitas, patet ex earum discursu apud Marcum. Principalis autem scopus erat, ut corpus ungerent. Satis verò perspicuè colligitur, eis nihil de militum custodia, nihil de sigillatione sepulchri innotuisse; nec enim ante Solis ortum inter milites se coniecissent, nec publica sigilla frangere cogitassent. Videntur autem omnes Evangelistæ tam accuratâ temporis descriptione insinuare voluisse tempus resurrectionis Dominicæ, contigisse scilicet eam summo diluculo, Sole ad exortum properante, ante adventum mulierum, quod Marcus videtur dicere v. 9. *Surgens mane primâ sabbathi*: Quamvis enim Hieron. nemini constare dicat tempus resurrectionis, communior tamen sensus habet, quod dixi. Unde noctu natus est, vespere mortuus, mane surrexit, meridie ascendit, ut Aug. apud Prosp. sent. 203.

2. \* *Et ecce terra-motus factus est magnus*, non mulieribus jam prope sepulchrum positis, ut patet, quia cum venissent, viderunt lapidem revolutum, sed cum essent in itinere. Factus est ille terræ-motus par-

2. Et ecce terra-motus factus est magnus Angelus enim Domini descendit de cælo: & accedens revolvit lapidem & sedebat super eum:

tim ad declarandam potestatem descendantis, partim ut custodes excitari & attenti fierent ad Angeli descendantis præsentiam, ut testes rei gestæ esse cogerentur, sicut notat Chrysl. cum Theophyl. \* *Angelus enim Domini descendit de calo.* Conjunctio (enim) causam terræ, motus efficientem reddit; finem verò descensus indicat, cum subjicit: \* *& accedens revolvit lapidem*, ut mulieribus aditum ad ingressum sepulchri patefaceret, ut viderent eum resurrexisse, & hoc ipsum eis, alioquin nullo modo resurrexisse, sed sublatum esse credituris testaretur. Non ergò sepulchrum aperuit, ut Christus resurgere posset, sicut aliqui hæretici putant, sed ut surrexisse ostenderet & nuntiaret. Nam, ut veteres docent, Aug. serm. 138. de temp. Hier. epist. 150. quæst. 6. ad Hedibiam, Chrysost. hom. 84. in Joan. & alii passim, surrexit Christus sepulchro clauso, sigillo inviolato, sicut ex utero Virginis natus fuit. \* *Et sedebat super eum*, extra sepulchrum videlicet; ut pateret, non casu revolutum lapidem, sed se revolutionis esse authorem, se defensorem & custodem sepulchri Dominici. Itaque quasi expectabant mulieres, quibus resurrectionis gaudium nuntiaret.

3. \* *Erat autem aspectus*, seu vultus, \* *ejus, sicut fulgur*, coruscans scilicet instar fulguris, \* *& vestimentum ejus sicut nix.* Græcè & Syriacè, *album ut nix.* Fulgur ergò cælestem Angeli originem, candor puritatem & innocentiam denotabat; illud ad terrendos milites, hic demulcendas mulieres. Nam, ut Greg. hom. 21. in Evang. in fulgure terror timoris, in nive blandimentum candoris. Utrumque serviebat ad illustrandum in tenebris sepulchri omnia, & ad testandam simul Angeli & resurrectionis gloriam.

3. Erat autem aspectus ejus sicut fulgur: & vestimentum ejus sicut nix.

4. \* *Præ timore autem ejus exterriti sunt custodes*, terrore videlicet non humano, de corpore per negligentiam sublato, vel de poenâ imminente. Non enim erat terror per discursum accercitus, sed humusmodi, qualis ex tam terribili & tam subito aspectu Angelicæ formæ nasci solet, maximè impiis hominibus. Unde & Daniël Justus c. 10. v. 1. dicit, se viso Angelo emarcuisse, nec habuisse quidquam virium. \* *Et facti sunt velut mortui*, id est, animi stupore & timore, vultus pallore semi-animes, sicut in subitaneo & magno timore, maximè visu spectrorum multis contigisse notum est.

4. Præ timore autem ejus exterriti sunt custodes: & facti sunt velut mortui.

5. \* *Respondens autem Angelus*, id est, loqui incipiens, de quâ phrasi diximus alibi, \* *dixit mulieribus.* Ea quæ dixit, conveniunt planè cum iis, quæ narrat Marc. c. 14. v. 6 & 7. ut clarum videatur eundem esse Angelum, & eandem visionem, de qua hîc sermo. Sed illud difficultatem facit, quòd Marc. indicat, mulieres eum vidisse, cum introiissent in monumentum, videlicet sedentem à dextris in monumento,

5. Respondens autem Angelus dixit mulieribus: Nolite timere vos; scio enim quod Jesum, qui crucifixus est, quaeritis:



mento; Matth. autem indicet extra, super lapidem sedisse, & invitasse, ut intrarent. Solvit hanc difficultatem Aug. lib. 3. De conf. c. 24. quod Marc. monumentum, in quod egressæ sint mulieres, vocet aliquod spatium, quod esset aliquâ materiâ communitum, ut deinde in saxum sepulchri locum intrari posset. Vera solutio pendet à forma monumenti. Constat autem ex descriptione Brocardi, & ea, quam nuperrimè fecit Legatus Regis Franciæ, sepulchrum esse velut cubiculum ferè quadratum, ex petra excisum, septem plùs minùs pedum longitudine & altitudine. Ostium habet valde demissum ad Orientem: ad dexteram, id est, ad latus Boreale habet, loculum instar mensæ valde demissum, cui corpus impositum fuit. Porro antequam speluncam seu cubiculum istud ingrediaris, occurrit alia crypta ejusdem figuræ & magnitudinis, solo pietate ab illa altera separata, in quo pariete fuit ostium istud parvum de quo dictum est. Sic ergò facilè intelligitur, lapidem ab ostio revolutum fuisse ab Angelo, ita quidem, ut esset extra monumentum, in quo fuerat corpus Domini; intra tamen, prout complectitur etiam illam anteriorem cryptam. Et in illo lapide ad dexteram revolutò sedit Angelus; quasi sepulchri interioris custos, invitans mulieres ad ingressum. Ut verò cæterarum apparitionum ordo, & consonantia Evangelistarum breviter intelligatur, sciendum, quòd cùm ingressæ essent mulieres, & corpore non inventò, adhuc non crederent, sed mente consternatæ exirent; invenerunt duos illos Angelos, de quibus Luc. c. 24. v. 4. qui eas paulò duriùs alloquuntur. Nuntiant illæ rem totam Apostolis, maxime urgentes, non esse corpus inventum, ut patet Joan. cap. 20. v. 2. Petrus igitur & Joannes ad sepulchrum currunt, & non invento corpore, illud revera, sicut & mulieres, sublatum crediderunt. Interim Magdalena & mulieres, quæ Apostolos rursus ad sepulchrum secutæ fuerant, viris redeuntibus mansuerunt ibi. Cùm verò Maria corpus adhuc quærendo fletet, & inclinaret se, ut per demissum ostium in monumentum prospiceret, vidit in illo loco, ubi positus fuerat Dominus, & alios duos Angelos, unum ad caput, alterum ad pedes: & mox ploranti apparet ipse Dominus Joan. 20. v. 12. & 14. qui cùm ab ea recessisset, ipsa cum cæteris mulieribus redit domum, & in hoc secundo itinere omnibus simul apparet Dominus, ut narrat Matth. infra v. 9. ut omnes oculatæ testes esse possent. Hæc rerum serie ob oculos positâ, facilè omnes Evangelistæ intelliguntur. Itaque Angelus illè super lapidem ante ostium sepulchri, in crypta tamen prima monumenti, sedens ad latus ostii dexterum,

\* *Dixit mulieribus*, non solum scilicet aliis mulieribus, sed etiam ipsi Mariæ Magdalene: quod quamvis quidam negent, ut patet tamen ex Luc. 24. v. 22. & seqq. juncto cum Joan. 20. v. 2. & 3. \* *Nolite*

*timere vos* : sed illi timeant , qui crucifixerunt , qui resurrectioni ejus adversantur. Hanc enim emphasin notat Greg. in hoc Evang. & Hier. & explicat sequens ratio ; \* *Scio enim quod Jesum queritis* , nempe , ut religiosum ei præstetis officium , sicut & ego : q. d. Scio enim quo animo veniatis , honorandi , non nocendi ; unde non est quod timeatis.

6. \* *Non est hic* , non tamen sublatum est mortuum in alium locum : \* *surrexit enim* , idque , \* *sicut dixit* , id est , sicut ipsemet & mortem suam , & resurrectionem prædixit. Hoc enim maximè juvabat ad astruendam resurrectionis fidem : q. d. inquit Chrysost. Si mihi diffiditis , verborum illius meminueritis : \* *Venite & videte locum , ubi positus erat Dominus* , corpore scilicet jam vacuum , solas habentem ejus exuvias ritè positas. Itaque invitat eas , ut ingrediendo peragant iter suum ; ut si nec suis nec Christi verbis crederent , saltem oculari experientiæ suæ & vacuo crederent sepulchro , ut expendit Hieron.

7. \* *Et cito euntes* , ut scilicet luctum de morte Domini aliis quàm citissimè levetis , \* *dicite discipulis* : apud Marc. additur nominatim , & Petro , ne propter trinam negationem Præceptoris loco discipuli excidisse , vel ab illo beneficio se exclusum putaret. \* *Quia surrexit* , Hebraismus , id est , eum surrexisse : \* & ecce , in argumentum & fructum resurrectionis ejus , \* *præcedet vos in Galilaam* , id est , præcedet , & jam animo præcedit. Significatur autem , quod quantumcumque festinaverint , eos ipse prævenit ; ita tacitè eos incitans ad maturandum discessum suum ex Judæa in Galilæam , ut eum ibi videant redivivum. Sed cur in Galilæa , non in Judæa eis apparere voluit ? Primò , ut securo animo ab eis ac tutè videri posset , ubi Judæorum metus fidem non perturbaret , ut Chrysost. Secundò , quia maxima ibi erat discipulorum multitudo : ac denique propter mysterium , ad significandum videlicet Christum à Gentibus , per Galilæam Gentium figuratis , maximè videndum esse fide , Judæis in incrudelitate remanentibus. Quoddè ergò Christus eodem adhuc die apparuit Apostolis , non evertit promissionis hujus fidem , sed superat. Neque sic apparuit in Judæa , sicut postea in Galilæa : nam ibi , ut bene notat Hieron. epist. 150. quæst. 7. tantum pro consolatione timentium , & breviter apparebat , rursusque ex oculis tollebatur : hinc tanta familiaritas erat & perseverantia , ut cum ipsis pariter conversaretur. Unde & quingentis simul apparuit , teste Apost. 1. ad Cor. 15. v. 6. \* *Ecce prædixi vobis* , ut videlicet cum factum fuerit , credatis non esse phantasma , sed ipsum Dominum : eò enim spectant hæc verba , sicut similia Christi , Joan. 14. v. 29.

8. \* *Et exierunt* : quo significatur ingressas fuisse monumentum , Angelo videl. præeunte & fulgore illustrante locum , ut notat Hier.

6. Non est hic : surrexit enim , sicut dixit , venite & videte locum , ubi positus erat Dominus.

7. Et cito euntes dicite discipulis ejus quia surrexit : & ecce præcedet vos in Galilaam : ibi eum videbitis. Ecce prædixi vobis.

8. Et exierunt cito de monumento cum timore & gaudio magno , currentes nuntiare discipulis ejus.



epist.cit.q.6. nam & tenebræ adhuc erant, & ipsa spelunca omni fenestrâ caret. \* *Cito de monumento*, alas eis addente tum jussu Angeli, tum \* *gaudio magno*, tum maximè \* *timore*, ut perspicuè ex Marco patet. Uterque affectus etiam hîc notatur: nam illud, *magno*, ad utrumque referendum est. Gaudium erat ex amore resurgentis; timor ex periculi magnitudine, & Angelicæ visionis insolentiâ, & ex suspicionem, ne spectra essent, & corpus verè sublatum: nam eas non credidisse Angelo, clarè constat ex Joan. 20. v. 11. usque ad 16. \* *Currentes nuntiare discipulis ejus*: undecim Apostolis, & cæteris omnibus, ut Lucas. Nuntiabant autem, Angelos apparuisse, & corpus Domini esse sublatum, ut patet Joan. 20. v. 2. Visâ sunt autem illis deliramenta anilia, ut Lucas notat, videlicet illa, quæ de resurrectione simul nuntiabant.

9. Et ecce Jesus occurrit illis. dicens: Ave. Illæ autem accesserunt, & tenuerunt pedes ejus, & adoraverunt eum.

9. \* *Et ecce Jesus occurrit illis*. Magna hîc rerum gestarum lacuna est: non enim potuit hæc apparitio contigisse in primo regressu mulierum quia nihil de Domini apparitione sibi facta narraverunt discipulis, ut constat tam Joan. 20. v. 2. quàm Luc. 24. v. 9. & seqq. & maximè v. 23. & 24. Itaque ordo historiæ est iste: primò, Maria Magdalena & cæteræ mulieres narraverunt, sepulchrum esse vacuum & sibi Angelos apparuisse, ut patet ex locis proximè citatis. Petrus & Joannes hoc audito cucurrerunt ad monumentum, & crediderunt ita esse sicut mulieres narraverant. Quæ cum rursus illos duos Apostolos ad sepulchrum essent insecutæ, viris in civitatem regressis, Dominus soli appareret Magdalenæ prope sepulchrum stanti, ut narrat Joan. cap. 20. Illa cum rediret, & cæteras mulieres jam quoque redeuntes in itinere esset affecuta, ut hanc apparitionem sibi soli factam discipulis nuntiaret, habuerunt omnes obvium Dominum, sicut hic narrat Matth. \* *dicens, Ave*: Syrus, *Pax vobis*, quæ forma salutandi Hebræis est familiaris: unde & Syriacè sic legitur Judas salutasse Dominum, Matth. 27. v. 49. *Pax Rabbi*, ubi nos, *Ave Rabbi*: est enim apprecatio omnis prosperitatis, & boni, nomine *Pacis* significati. Unde & Aug. lib. 19. de Civit. cap. 11. & seq. longo & eruditissimo discursu docet, omnium bonorum & appetituum finem esse pacem. Notant porrò plerique veteres resurrectionem primò mulieribus nuntiatam, ipsumque Dominum illis primò apparuisse, ut quia à sexu isto cœpta mors esset, ipsi primùm gloriæ resurrectionis & visus, & fructus, & nuntius redderetur, ut loquitur Hilarius. \* *Illæ autem accesserunt*, cum ex facie, voce, gestu certum haberent, esse Dominum, \* *& tenuerunt pedes ejus*: hoc est, non solitâ familiaritate, sed humi pedibus tantæ Majestatis advolutæ sunt, simul te-

stantes & affectum & dignam reverentiam: \* *Et adoraverunt eum*, non solum animo, sed istā etiam corporis prostratione. Ex hoc autem factō, & alio Luc. 7. v. 38. & Joan. 12. v. 32. & 4. Reg. 4. v. 27. videtur iste adorationis ritus fuisse mulieribus familiaris apud Judæos.

10. \* *Tunc ait illis: Nolite timere.* Ex quo constat, etiam hic eas tenuisse: naturalis est enim infirmitas ista nostra, ut ad alterius vitæ visiones, sive bonas sive malas, quasi naturam nostram superantes, timore concutiamur: quem abstergit Dominus, ut mente pacatā possent, quæ dicerentur, percipi, inquit Hieron. & ad fidem animus parari. \* *Ite, nuntiate fratribus meis*, discipulis. Hanc esse summæ dignationis vocem expendit Apostolus ad Hebr. 2. v. 11. quod videlicet tantō se humanius cum iis gereret, quantō eum illi ignavius deseruerant, & ipse factus erat gloriosior.

11. \* *Quæ cum abiissent*, Græcè *πορευομένων ἡ δυνάμις* quibus abeuntibus, hoc scilicet secundo itinere versus civitatem: unde videntur hucusque milites apud monumentum perstitisse, sive latitando, & à longè spectando, sive timore stupefacti. Hinc dicuntur mox narrasse \* *omnia, quæ facta fuerant*, descensum videlicet Angeli terribilem, lapidis amotionem, mulierum & postea virorum ingressum, & quod neque corpus in sepulchro invenissent, neque quidquam inde asportassent. Nec dubium, illos ipsos quoque lustrasse sepulchrum, si timor permitteret. \* *Ecce quidam de custodibus venerunt in civitatem*: omnium videlicet nomine, ut officii sui rationem redderent, ne pœnas ejus deserti luerent. Illustre fuit hoc testimonium veritatis, & ab inimicis datum, quod ut Principibus erat irrefragabile, ita perveracia inexcusabilis. Itaque

12. \* *Congregati principes Sacerdotum cum Senioribus*, hoc est, cum universo Concilio, \* *pecuniam copiosam dederunt militibus*, ad opprimendam & pervertendam veritatem evidentissimam. Nisi enim fuisset talis, potiùs milites accusando, quàm veritatem occultando, persecuti fuissent. Causa fuit, ne tam horribile scelus in Filium Dei hominibus perpetrasse viderentur.

13. \* *Dicite, quia discipuli ejus nocte furati sunt eum nobis dormientibus*: hoc est, scitis testes rerum, quæ contigerunt vobis dormientibus. Sed si dormiebant, quid videre potuerunt? Si nihil viderunt, quomodo testes sunt? Ut ponderat Aug. in v. 7. Psal. 63. Ita infelix astutiā tanti Synedrii sive Concilii se ipsam jugulavit. Adde rem esse per se incredibilem, tot milites uno lethargo ita oppressos, ut nec accedentium strepitu, nec lapidis ingentis ferroque religati, amotione, neque corporis ablatione quisquam excitatus fuerit.

14. \* *Et si hoc, seu ejus rei fama, auditum fuerit à Praside, nos*

10. Tunc ait illis Jesus: Nolite timere. Ite nuntiate fratribus meis, ut eant in Galilæam, ibi me videbunt.

11. Quæ cum abiissent, ecce quidam de custodibus venerunt in civitatem, & nuntiaverunt principibus sacerdotum omnia quæ facta fuerant.

12. Et congregati cum senioribus, consilio accepto, pecuniam copiosam dederunt militibus.

13. dicentes: Dicite, quia discipuli ejus nocte venerunt, & furati sunt eum, nobis dormientibus.

14. Et si hoc auditum fuerit à praside, nos suadebimus ei, & securos vos faciemus.



*suadebimus ei*, scilicet ut placatus sit; Græcum enim *πειθεσθαι* significat etiam oratione flectere: \* *& securos vos faciemus*, à poenæ periculo: nam sive verum esset, quod milites dicerent, sive falsum, erant supplicio obnoxii, sive propter desertum officium excubandi, sive propter prævaricationem. Rem tamen totam à Præsidente, ut erat, intellectam esse, non est dubium: sed facile ei erat ignoscere militibus, resurrectionem ejus tegentibus, cujus mortis & ipse reus erat.

15. At illi accepta pecunia, fecerunt sicut erant edocti. Et divulgatum est verbum istud apud Judæos, usque in hodiernum diem

15. \* *Et divulgatum est verbum istud*, id est, res ista, mendacium istud, non de militibus pecunia corruptis, ut perperam aliqui, sed de Christo furtim sublato per discipulos, ut Chrys. & alii plerique exponunt, \* *apud Judæos*, videlicet incredulos, quorum erat longè maxima pars, \* *usque in hodiernum diem*, quo ista scribebat Matth. imò ad nostram usque ætatem, sibi in hoc stulto mendacio Judæi blandiuntur.

16. Undecim autem discipuli abierunt in Galiliam, in montem, ubi constituerat illis Jesus.

16. \* *Undecim autem discipuli &c. abierunt in montem*, ut liberè & sine arbitris cum illis Christus loqueretur: \* *ubi constituerat illis Jesus*. Hæc constitutio non est scripta: unde etiam incertum est, quis mons iste fuerit, quamvis plerique probabiliter putent fuisse Thabor. Valde autem verisimile est, esse istam apparitionem, de qua loquitur Paulus 1. ad Cor. 15. v. 6. ubi dicit eum visum esse plusquam quingentis fratribus simul. Videtur enim hæc, quæ toties prædicta est, fuisse valde solemnem apparitionem, omnibus facta simul, qui in Judæa & majori numero in Galilæa crediderant, & moniti confluxerant. Contigit autem, ut minimum post octo à resurrectione dies, sicut satis colligitur ex Joan. 20. v. 28. & notat Aug. l. 3. de conf. c. 25.

17. Et videntes eum adoraverunt quidam autem dubitaverunt.

17. \* *Et videntes eum, adoraverunt*, tanquam Filium Dei, verumque Deum jam resurrectione gloriosâ declaratum ad Rom. 1. v. 4. \* *Quidam autem dubitaverunt*. Difficile videtur, quomodo dubitaverit quispiam ex undecim, cum Thomas maxime incredulus jam ante credidisset. Itaque intelligi potest, quòd dubitaverint non jam de resurrectione Jesu, sed utrum ille revera esset, qui Jerosolymis sibi toties apparuerat, sicut Apostoli de Christo super mare ambulante dubitaverunt, an phantasma esset. Et ad hoc dubium exhibendum aptè sequitur, quod \* *accedens locutus sit*: vel certè, *dubitaverunt*, sumitur pro, *dubitaverant*, per annalagen temporum, quæ in Aoristis Græcis subindè fit: q. d. sine cunctatione prostrati adoraverunt eum, tametsi de eo quidam ante multum dubitaverant: quem sensum Theophyl. probat.

18. Et accedens Jesus locutus eis est, dicens: Data est mihi omnis potestas in cælo & in terra,

18. \* *Et accedens Jesus*, ut propius & familiarius cerneretur & audiretur, \* *dixit*: *Data est mihi omnis potestas*, id est, autoritas regendi, quam imperium dicimus; non enim agitur de omnipotentia. Traditam autem

autem sibi dicit non tanquam Deo, quia eam ab æterno habuit, neque tanquam homini ratione incarnationis, sed tanquam victori mortis & inferni, & hominum redemptori. Significatur enim hîc præmium passionis ejus, de quo Apostolus ad Philip. 2. v. 10. & Pl. 2. v. 8. Data est igitur ista autoritas, primò, quantum ad statum gloriosum omnium Donaino proprium; secundò, quantum ad usum, quia illâ per universum orbem jam usus erat, Ecclesiam colligendo: denique quantum ad notitiam, quia tunc res fieri dicitur, cum innotescit. \* *In calo & interra*, id est, super universam creaturam: q. d. Ego constitutus ac declaratus sum cæli ac terræ, totiusque creaturæ, maximè rationalis Dominus, in cujus nomine jam omne genu flectatur, cælestium, terrestrium, ac infernorum. Præmittit hoc, ut intelligerent, se non temerè eis dare potestatem Apostolicam, & jubere id quod sequitur:

19. \* *Euntes ergo*, scilicet in mundum universum, ut Marcus, & non in solam Judæam, id est, hâc igitur meâ autoritate supremâ velut fundamento functionis vestræ nixi, \* *docete omnes gentes*, totius orbis: nam hîc revocat præceptum illud suum, quo dixerat olim, *In viam gentium ne abieritis*. Quid autem docerent, & quas gentes, Marc. exprimit clariùs, *Prædicate Evangelium*, scilicet regni (sub quo tota summa credendorum, & in primis pœnitentia comprehenditur) *omni creatura*, id est, non solum Gentibus, sed & Judæis, nam omnes Gentes hîc etiam Judæos comprehendunt, ut sic eosdem hîc regni sui, id est, Ecclesiæ, quos totius orbis terminos statuatur. \* *Baptizantes eos*, qui scilicet doctrinam receperint, lavantes aquâ; hoc enim propriè est *Baptizare*. Materiam hanc Sacramenti magis expressit Christus apud Joan. 3. v. 3. Itaque tacitè hic assignatur materia Sacramenti, quam Ecclesia tum ipso verbo baptizandi, tum aliis Scripturæ locis, tum perpetuâ traditione edocta naturalem aquam esse tenuit. \* *In nomine Patris & Filii & Spiritus Sancti*. Multi nudè exponunt, *In nomine*, in virtute, autoritate, vel efficacîâ Patris &c. quæ una est trium personarum. Sed quantumcunque baptizaret aliquis in autoritate vel unius vel trium personarum, non subsisteret baptismus, nisi exprimeret nomen Patris & Filii & Spiritus Sancti. Unde multorum hæreticorum Baptismus, ut Marcionistarum apud Iren. l. 1. c. 13. Paulianistarum in Concilio Nicæno, & aliorum rejectus est, quod istâ formâ non uterentur. Ex quo patet, sensum istorum verborum ex Ecclesiæ traditione sic assignandum esse, ut non minùs expresso & invocato nomine Patris & Filii & Spiritus Sancti, quàm in eorum autoritate & virtute baptizetur. Nam ex istis verbis, accedente Apostolorum usu, forma Baptismi sumpta est, sine quibus (ut Aug. loquitur l. 6. de Bapt. c. 25.) Baptismus Christi

19. Euntes ergo,  
docere omnes  
gentes baptizan-  
tes eos in nomi-  
ne Patris, & Fi-  
lii, & Spiritus S.



Christi consecrari non potest. Porro veteres, ut Basil. Hom. cont. Sabellianos, & l. 3. cont. Eunom. latè Ambr. l. 1. de Spiritu S. c. 14. & alii observant, non dici, *In nominibus*, sed *In nomine*, quia unum est nomen trium, una scilicet Deitas, potestas, virtus, authoritas. Unde Hier. hic: Nomen Trinitatis, unus Deus est. Brevissimè igitur exprimitur unitas Deitatis in Trinitate Personarum, ut omnes Christiani in ipso limine Ecclesiæ fidem Dei unius ac trini profiterentur, nec hominum baptizantium, sed autoritate ejusdem Dei se regeneratos intelligerent, quæ creatos.

20. Docentes  
eos omnes serva-  
re omnia quæ  
cumque mandavi  
vobis. Et ecce ego  
vobiscum sum  
omnibus diebus,  
usque ad con-  
summationem  
 sæculi.

20. \* *Docentes eos servare*. Fidem ante Baptismum, mores post Baptismum jubentur docere. Quem pulchrum ordinem hic servat Hier. Nam neque fides, neque baptismus satis ad salutem sunt, nisi digna Deo accesserit conversatio. Docentes ergò eos servare, non hæc, non illa, sed *omnia*, ut ponderat Basil. proœmio in Reg. fusiùs disputatis. \* *Quacumque mandavi vobis*, non solum scripta, sed & non scripta; nihil enim tunc scriptum erat, sed omnia vivâ voce mandata. Respicit namque in primis ad ea quoque, quæ cum illis communicaverat, per quadraginta dies apparens eis, & loquens de regno Dei. Inter cætera verò mandavit etiam superiores homines audire, quando dixit, *Qui vos audit, me audit*: & proinde dicendo, *Quacumque mandavi vobis*, non excludit legitima mandata Præpositorum, sed includit. \* *Et ecce*. Attentos reddit hoc verbo, velut rem magnam dicturus, & simul occurrit cogitationibus eorum. Meritò enim trepidare poterant homines imperiti, nullius autoritatis, ad suscipiendam tanti negotii molem: quasi diceret igitur, Nolite timere, neque respicere, quid vos viribus vestris possitis, \* *ecce ego*, qui vici mundum; cui omnem potestatem jam datam audivistis in cælo & terra, \* *vobiscum sum*, autoritate, favore, virtute, spiritu. Non enim de præsentia visibili, nec etiam quæ præsens est per SS. Sacramentum, sed de illa præsentia spiritali, quæ adest Pastoribus Ecclesiam ejus nomine & potestate gubernantibus, omnesque prædicationis & gubernationis tempestates sustinentibus. Ne autem diffiderent posteri Apostolorum successores, cum dixisset, *vobiscum*, qui brevi morituri erant, addit, ad aliorum consolationem, \* *omnibus diebus usque ad consummationem sæculi*. Tacitè enim duo verbis istis promittit: primum, ipsos usque ad consummationem sæculi omnibus diebus permanfuros, ut hic notat Hier. hoc est victuros, in succedente sibi usque in finem mundi Pastorum seu Doctorum serie, sive officium prædicandi, docendi, baptizandi, gubernandi, cujus ipsos bases constituerat, semper mansurum: secundum, se semper eis in docenda veritate, & gubernanda Ecclesia adfuturum. Per quorum primum promittit nunquam vel re ipsa interituram Ecclesiam suam, vel visibilem officiorum istorum economiam in invisibiles latebras, ut hæretici fingunt, esse condendam. Per secundum verò promittit, eosdem Apostolos, seu Apostolorum successores simul omnes non recessuros à veritate, quam docendam jusserrat. Hoc enim si fieret, profectò tam inanis esset promissio, quam si revera officia Pastorum ab eo instituta, & consequenter ista Ecclesia subverteretur.



I N  
E V A N G E L I U M  
J E S U C H R I S T I  
S E C U N D U M M A R C U M.



P R Æ F A T I O.

**D**UO sunt in Scripturis nomine Marci celebres, de quibus dubitari potest, utrum scripserint hoc Evangelium. Primus est Joannes, filius Mariae, cognomine Marcus, de quo frequens mentio est in Actis Apostolorum, ut c. 12. v. 12. itemque Luc. c. 13. & 15. Alter vocatur Marcus, consobrinus Barnabae, ad Col. 4. v. 10. Sed quia Act. 15. v. 37. & 39. Marcus rejicitur à Paulo, & adharet Barnabae, tamquam socius itineris ejus in Cyprum patriam Barnabae. Hinc maxima conjectura est, eundem fuisse consobrinum Barnabae. Nam quamvis ibi à Paulo repellatur, & è contrario ad Col. 4. & 2. ad Tim. 4. v. 11. & in epist. ad Philem. vocetur adjutor Pauli, potuit tamen semel rejectus postea iterum assumi. Eundem igitur istum putat Hieron. in Comment. epist. ad Philem. fuisse Evangelii conditorem; cui & Niceph. lib. 2. Hist. c. 15. assentitur. Sed certè rerum gestarum ac temporum series planè suadet esse alium. Nam ille adhæsit Barnabae, & Paulo, tum Jerosolymis, tum postea à Roma, Marcus verò Evangelista Petro, & eodem tempore quo alter aderat Paulo, rexit Ecclesiam Alexandrinam, ut non obscure Basil. in fine lib. 5. contra Eunomium. Itaque Marcus Evangelista ex communi veterum sententia discipulus Petri fuit, & interpret ejus, quem Petrus idcirco filium suum vocat, 1. Petri ult. Scripsit Evangelium non in Ægypto, ut

unus



unus Chrysost. existimavit Homil. 1. in Matth. sed, ut Athanas. in Synopsi ad Constantem, & ante ipsum Papias Apostolis vicinissimus, apud Euseb. lib. 2. Hist. c. 14. & Clemens Alexandr. quos pene veteres sequuntur, Roma, prout ab Apostolo Petro predicatum fuerat; ita flagitantibus Romanis. Quod cum Petrus audisset, probavit, & Ecclesie legendum sua auctoritate dedit, sicut & Hieronymus ex veteribus tradit lib. de Scriptoris Ecclesiasticis.

Porro Marcus Matthæum subsequutus videtur, tanquam pedisequus, & brevior ejus, ut loquitur Aug. lib. 1. de consensu cap. 2. Cum solo quippe Joanne dixit solus ipse perpaucæ, cum solo Luca pauciora, cum Matthæo verò plurima, & multa penè totidem, atque ipsis verbis. Non utitur tamen eo ordine, quo Matth. addit pauca, omittit plura; quasdam tamen historias fusius narrat, etsi ex toto brevior sit: nam in doctrinis recensendis est parcissimus. Baronius putat eum Romanis scripsisse Romanâ, id est, Latinâ linguâ, Evangelium suum, cujus autographum adservari voluit Venetiis in thesauris Marcianis; & hoc claris verbis dicit textus Syriacus in fine Evangelii. Sed omnes antiqui Scriptores alicujus notæ videntur sentire, quod scripserit Græcè, ut Aug. lib. 1. de consensu c. 2. Hieron. epist. 123. ad Damas. ita ut dicat, excepto Matthæo, hoc de cæteris Evangelistis non esse dubium. Et sanè certissimum videtur, Latinum textum, quo nos utimur, non esse à Marco compositum, sed esse versionem ex Græco, & quidem ejusdem interpretis, cujus sunt cætera Evangelia. Idem est enim vertendi modus, eadem phrasæ, iidem subinde solacismi. Quare, si Marcus Latine scripserit, & simul Græcè, ut quidam volunt, dici debet Latinum autographum, quod valde mirum, periisse, sicut Matthæi Hebraicum. Quod ad tempus attinet, scripsit illud juxta Euseb. in Chronico, anno Claudii tertio, paulò antequam Româ Alexandriam mitteretur.

## C A P U T P R I M U M.

1. Initium Evangelii Jesu Christi Filii Dei.

I.\*



Initium Evangelii Jesu Christi Filii Dei, supple, tale fuit, ut sequitur: hoc est, lætissimum istud nuntium de regno cælorum, quod Jesus Christus Filius Dei in mundum attulit, initium habuit à denuntiatione poenitentiae, quam Joannes Baptista prædicavit. Nam quidquid ab aliis ante prædicationem illam narratur factum, præambulum fuit Evangelii seu evangelizationis de regno cælorum.

2. Sicut scriptum est in Isaia propheta: Ecce ego mitto angelum meum ante faciem tuam, qui præparabit viam tuam ante te.

2.\* Sicut scriptum est, hoc est; initium Evangelii non fuit fortuitum, vel humani consilii, sed sicut antea Prophetis dictum fuerat, Deo fidem suam liberante: \* In Isaia Propheta, Græca nunc leguntur *ὅτι οὗτος Προφήτης*, in Prophetis, quia duæ prophetiæ hic conflantur in unam,

unam, Malachiæ scilicet, *ecce ego mitto &c.* de qua vide Matth. 11. v. 10. & Isaïæ, *Vox clamantis &c.* Attribuuntur tamen Latine per compendium soli Isaïæ tanquam celebriori: nam etsi verba discrepent, reipsa tamen eadem prophetia est. Vox enim clamantis in deserto Joannis Baptistæ, velut Angeli, est illa ipsa, quæ præparavit viam ante Christum. Vide Matth. 3. v. 3.

3. Vox clamantis in deserto: Parate viam Domini, rectas facite semitas ejus.  
4. Fuit Joannes in deserto baptizans, & prædicans baptismum pœnitentiæ in

remissionem peccatorum.

5. Et egrediebatur ad eum omnis Judææ regio, & Jerosolymitæ universi, & baptizabantur ab illo in Jordanis flumine, confitentes peccata sua.

6. Et erat Joannes vestitus pilis cameli, & zona pellicea circa lumbos ejus, & locustas & mel silvestre edebat. Et prædicabat dicens:

7. Venit fortior me post me: cujus non sum dignus procumbens solvere corrigiam calceamentorum ejus.

8. Ego baptizavi vos aqua, ille verò baptizabit vos Spiritu Sancto.

9. Et factum est: in diebus illis venit Jesus à Nazareth Galilææ: & baptizatus est à Joanne in Jordane.

10. Et statim ascendens de aqua vidit cælos apertos, & Spiritum tamquam columbam descendantem, & manentem in ipso.

11. Et vox facta est de cælis: Tu es filius meus dilectus, in te complacui.

12. Et statim Spiritus expulit eum in desertum.

13. Et erat in deserto quadraginta diebus, & quadraginta noctibus: & tentabatur à satana: eratque cum bestiis, & angeli ministrabant illi.

14. Postquam autem traditus est Joannes, venit Jesus in Galilæam, prædicans Evangelium regni Dei.

15. Et dicens: Quoniam impletum est tempus, & appropinquavit regnum Dei: pœnitementini, & credite Evangelio.

16. Et præteriens secus Mare Galilææ, vidit Simonem, & Andream fratrem ejus, mittentes retia in mare; (erant enim piscatores)

17. Et dixit eis Jesus: Venite post me, & faciam vos fieri pisces hominum.

18. Et protinus: relictis retibus, secuti sunt eum.

19. Et progressus inde pusillum, vidit Jacobum Zebedæi, & Joannem fratrem ejus, & ipsos componentes retia in navi:

20. Et statim vocavit illos. Et relicto patre suo Zebedæo in navi cum mercenariis, secuti sunt eum.

21. Et ingrediuntur Capharnaum: & statim labbatis ingressus in synagogam, docebat eos.

22. Et stupebant super doctrina ejus: erat enim docens eos, quasi potestatem habens, & non sicut Scribæ.

23. \* *Et erat in synagoga homo in spiritu immundo*, supple existens: quo sensu dicimus, *esse in armis*, pro armatum esse. *In spiritu ergo immundo*, pro, spiritum immundum habens, qui videlicet vitiorum omnium & errorum immunditiis pascitur: \* *& exclamavit*, spiritus videlicet per os hominis, quasi tormenta sustineret. Indicatum ergo voluit Evangelista illustre fuisse hoc dæmonis testimonium, quod neminem in tota Synagoga latere posset. Causa clamoris duplex videtur fuisse: prima, dolor præsentis Domini ac doctrinæ, ad pœnitentiam vitæque munditiam provocantis: altera, quòd sibi migrandum timeret, ut patet, quia dicebat:

23 Et erat in synagoga eorum homo in spiritu immundo: & exclamavit,

24. \* *Quid nobis & tibi*, supple rei aut causæ est: q.d. Te non lædimus, quid nos torques, & perditos cupis, \* *Jesu Nazarene?* Ita vulgò vocabatur, sicut patet Joan. 18. & ex titulo Crucis. Addit hoc autem ut tacite ostendat se eum bene novisse. \* *Venisti perdere nos?* Expellendo videlicet in abyssum, ne hominibus amplius noceamus? Hoc enim præ rabie, quâ hominum saluti invident, maximum tormentum & perditionem suam putant, de quo Lucæ 8. v. 31.

24. Dicens: Quid nobis, & tibi Jesu Nazarene: venisti perdere nos? scio qui sis, Sanctus Dei.

\* *Scio quis sis.* Non mentitur hoc, sed verè noverat, sicut testatur



mox Evangelista v. 34. & Lucas c. 4. v. 41. \* *Sanctus Dei*, quem cap. 3. v. 12. dicunt *Filium Dei*: non enim intelligunt quoquo modo sanctum, sed emphaticè, illum unicum & præfinitum, qui à Danièle c. 9. v. 34. dicitur *Sanctus sanctorum*. Unde Græci Scriptores omnes, Theophylactus, Euthymius, Victor Antiochen. urgent hîc articulum Græcum, ὁ ἅγιος τῶ Θεοῦ, ille *sanctus Dei*, hætenus scilicet promissus & expectatus. Confessio fuit ergo vera, sed adulatoria, quia Jesu odio & sui amore expressa, ut in ipso gloriæ vanitatem excitaret, se à pœna redimeret, quasi gratiam expectans pro gratia. Unde autem ista scientia dæmonibus, diximus alibi in Matth. ex Aug. l. 9. de civit. c. 21.

25. Et comminatus est ei Jesus, dicens: Obmutesce, & exi de homine.

25. \* *Et comminatus est ei Jesus*, Græcè ἐπεμύησεν, increpavit, minis scilicet additis, severè præcepit ei, \* *obmutesce*, à meis videlicet laudibus. Causa vetandi triplex; quia non decet, ut princeps immunditiæ de principe munditiæ testimonium ferat: altera, ne cum illo Christus, sinendo eum loqui, commercium habere putaretur, sicut adhuc postea calumniati sunt de collusione: denique quia veritas non est asserenda per patrem mendacii. Docuit nos ergo ne illi etiam vera dicenti aliquid deferamus, vel credamus unquam: ardet enim fallendi voluntate, etiam dum vera loquitur, & quidquid loquitur de falsitate suspectum est. Itaque dicit ei: \* *obmutesce & exi de homine*: q. d. Silentium tuum sit laus mea, & ejectio tua prædicatio mea.

26. Et discerpens eum spiritus immundus, & exclamans voce magna exiit ab eo.

26. \* *Et discerpens eum spiritus immundus*, ut quamdiu & quantum posset rabiem suam satiare, ut Chrysost. hom. 5. Discerpit autem, non membra revera divellendo, quia Lucas dicit c. 4. v. 35. quod nihil illi nocuerit, sed quòd in medium projecit: discerpit ergo contorquendo, solo sternendo & extendendo; ita tamen, ut illa jactatio membrorum atque vexatio non eum debilitaverit, ut Aug. de consensu c. 2. \* *Et clamans voce magnâ exiit*, incondito scilicet ejulatu, nihil articulatè proferendo, quia jussus fuerat obmutescere. Ergo laniatus membrorum & ejulatus ille patefecerunt omnibus circumstantibus veram obsessionem, rabiem obsidentis, dolorem discedentis, potestatem insuperabilem expellentis.

27. Et mirati sunt omnes, ita ut conquirent inter se dicentes: Quidnam est hoc? quoniam doctrina hæc nova? quia in potestate etiam spiritibus immundis imperat, & obediunt ei.

27. \* *Et mirati sunt omnes*, Græcè ἐθαμβήθησαν, obstupuerunt: θαυβος, enim significat metum religiosum, cum admiratione conjunctum. \* *Quanam doctrina hæc nova*: nova scilicet docendi ratio, cum tanta efficacia signorum. Magis enim admirantur modum docendi, quàm doctrinam ipsam, quamvis & illa esset nova de revelato regno cælorum; unde causam addunt: \* *quia in potestate etiam spiritibus immundis imperat*, id est, non precibus prolixis, non arcanis nominibus, herbis, suffumigationibus, & similibus. Utitur ceremoniis, ut solent nostri

nostri Exorcistæ, sed simplici jussu & imperio, nec alieno nomine, sed sua potestate.

28. Et processit rumor ejus statim in omnem regionem Galileæ.
29. Et protinus egredientes de synagoga, venerunt in domum Simonis & Andreæ, cum Jacobo & Joanne.
30. Decumbebat autem focus Simonis febricitans : & statim dicunt ei de illa.
31. Et accedens elevavit eam, apprehensa manu ejus : & continuo dimisit eam febris, & ministrabat eis.
32. Vespere autem facto cum occidisset Sol, afferebant ad eum omnes male habentes, & dæmonia habentes :
33. Et erat omnis civitas congregata ad januam.
34. Et curavit multos, qui vexabantur variis languoribus, & dæmonia multa eiciebat, & non sinebat ea loqui quoniam sciebant eum.
35. Et diluculo valde surgens, egressus abiit in desertum locum, ibique orabat.
36. Et prosecutus est eum Simon, & qui cum illo erant.
37. Et cum invenissent eum, dixerunt ei : Quia omnes quærunt te.
38. Et ait illis : eamus in proximos vicos, & civitates, ut & ibi prædicem : ad hoc enim veni.
39. Et erat prædicans in synagogis eorum, & in omni Galileæ, & dæmonia ejiciens.
40. Et venit ad eum leprosus deprecans eum : & genu flexo dixit ei : si vis, potes me mundare.
41. Jesus autem misertus ejus, extendit manum suam, & tangens eum, ait illi : Volo : Mundare.
42. Et cum dixisset, statim discessit ab eo lepra, & mundatus est.
43. Et comminatus est ei, statimque ejecit illum :
44. Et dicit ei : Vide nemini dixeris : sed vade, ostende te principi sacerdotum, & offer pro emundatione tua, quæ præcepit Moyses in testimonium illis.
45. At ille egressus cœpit prædicare, & diffamare sermonem, ita ut jam non posset manifestè introire in civitatem, sed foris in desertis locis esset, & conveniebat ad eum undique.

## CAPUT SECUNDUM.

1. Et iterum intravit Capharnaum post dies.
2. Et auditum est quod in domo esset, & convenerunt multi, ita ut non caperet neque ad januam. & loquebatur eis verbum :
3. Et venerunt ad eum ferentes paralyticum, qui à quatuor portabatur.
4. Et cum non possent offerre eum illi præ turba, nudaverunt tectum ubi erat : & patefacientes submiserunt grabatum, in quo paralyticus jacebat.
5. Cum vidisset autem Jesus fidem illorum, ait paralytico : Fili, dimittuntur tibi peccata tua.
6. Erant autem illic quidam de Scribes sedentes, & cogitantes in cordibus suis :
7. Quid hic sic loquitur ? blasphemat. Quis potest dimittere peccata, nisi solus Deus ?
8. Quo statim cognito Jesus spiritu suo, quia sic cogitarent intra se, dicit illis : Quid ista cogitatis in cordibus vestris ?
9. Quid est facilius dicere paralytico : dimittuntur tibi peccata : an dicere surge, tolle grabatum tuum, & ambula ?
10. Ut autem scitis quia filius hominis habet potestatem in terra dimittendi peccata ( ait paralytico )
11. Tibi dico : Surge, tolle grabatum tuum, & vade in domum tuam.
12. Et statim surrexit ille : & , sublato grabato, abiit coram omnibus, ita ut mirarentur omnes, & honorificarent Deum, dicentes : Quia nunquam sic vidimus.
13. Et egressus est rursus ad mare : omnisque turba veniebat ad eum, & docebat eos.
14. Et cum præterirer, vidit Levi Alphæi sedentem ad telonium & ait illi : Sequere me. Et surgens secutus est eum.
15. Et factum est, cum accuberet in domo illius, multi publicani & peccatores simul discumbebant cum Jesu, & discipulis ejus : erant enim multi, qui & sequebantur eum.
16. Et Scribæ & Pharisei videntes quia manducaret cum publicanis & peccatoribus, dicebant discipulis ejus : Quare cum publicanis & peccatoribus manducat & bibit Magister vester ?
17. Hoc audito Jesus ait illis : Non necesse habent sani medico, sed qui malè habent : non enim veni vocare justos, sed peccatores.
18. Et erant discipuli Joannis & Pharisei jejunantes : & veniunt, & dicunt illi : Quare discipuli Joannis & Phariseorum jejunant, tui autem discipuli non jejunant ?
19. Et ait illis Jesus : Numquid possunt filii nuptiarum, quamdiu sponsus cum illis est, jejunare ? Quanto tempore habent secum sponsum, non possunt jejunare.
20. Venient autem dies cum auferetur ab eis sponsum, & tunc jejunabunt in illis diebus.
21. Nemo assumentum panni rudis assuit vestimento veteri : alioquin auferet supplementum novum à veteri, & maior scissura fit.
22. Et nemo mittit vinum novum in utres veteres : alioquin dirumpet vinum utres, & vinum effundetur, & utres peribunt : sed vinum novum in utres novos mitti debet.
23. Et factum est iterum cum Dominus sabbatis ambularet per sata, & discipuli ejus cœperunt progredi, & vellere spicas.
24. Pharisei autem dicebant ei : Ecce, quid faciunt sabbatis quod non licet ?
25. Et ait illis : Nunquam legis quid fecerit David, quando necessitatem habuit, & esuriit ipse, & qui cum eo erant ?



26. Quomodo introivit in domum Dei sub Abiathar principe sacerdotum, & panes propositionis manducavit : quos non licebat manducare, nisi sacerdotibus, & dedit eis qui cum eo erat ?  
27. Et dicebat eis : Sabbatum propter hominē factum est, & non homo propter sabbatum.

28. Itaque Dominus est filius hominis, etiam sabbati.

26. \* **S**ub Abiathar principe Sacerdotum, id est, summo Sacerdote seu Pontifice. Historia lib. 1. Reg. c. 21. vocat eum *Achimelech*, & ejus filium nominat *Abiathar*, c. 22. v. 21. & 22. Sed & pater & filius utroque vocatus fuit nomine, sicut hoc liquet 2. Regum 2. v. 17. & 1. Paralip. 18. v. 16. & ibid. c. 24. v. 6. ubi hic filius appellatur *Achimelech*, & pater *Abiathar*. Quamquam fieri potuerit, ut & pater & filius Sacerdotio simul fungerentur, sive propter patris senium, sive impotentiam, sive alia de causa, sicut *Sadoc* & *Abiathar* simul fuisse Sacerdotes summos sub Davide satis liquere videtur tum ex locis citatis, tum ex 2. Reg. 15. v. 35. & 1. Paralip. 15. v. 11.

## C A P U T T E R T I U M.

1. Et introivit iterum in synagogam : & erat ibi homo habens manum aridam.
2. Et observabant eum, si sabbatis curaret, ut accuserent illum.
3. Et ait homini habenti manum aridam : Surge in medium.
4. Et dicit eis : Licet sabbatis benefacere, an male ? animam salvam facere, an perdere ? At illi tacebant.
5. Et circumspiciens eos cum ira, contristatus super cecitate cordis eorum dicit homini : Extende manum tuam, Et extendit, & restituta est manus illi.
6. Exeuntes autem Pharisei, statim cum Herodianis consilium faciebant adversus eum, quomodo eum perderent.
7. Jesus autem cum discipulis suis secessit ad mare : & multa turba à Galilæa & Judæa secuta est eum.
8. Et ab Jerosolymis, & ab Idumæa, & trans Jordanem : & qui circa Tyrum & Sidonem, multitudo magna, audientes quæ faciebat, venerunt ad eum.
9. Et dixit discipulis suis, ut navicula sibi deserviret propter turbam ne comprimerent eum.
10. Multos enim sanabat, ita ut intrerent in eum, ut illum tangerent quotquot habebant plagas.
11. Et spiritus immundi, cum illum videbant, procidebant ei : & clamabant dicentes :
12. Tu es Filius Dei. Et vehementer comminabatur eis ne manifestarent illum.
13. \* **V**ocavit ad se, quos voluit ipse, nempe ex iis, qui se in suam disciplinam jam tradiderant, id est, ex discipulis, ut ex Luca constat c. 6. v. 13. Nam ex tota turba primùm elegit discipulos, ex discipulis deinde Apostolos, sicut nunc ex populo Presbyteri, ex Presbyteris eliguntur Episcopi. Formam enim electionis hîc esse datam Chrysost. & Theophyl. annotarunt. Vocavit autem quos voluit, ut significentur electi, non ambitu, non meritis vel naturæ dotibus præstantiores, sed prudentissimo liberrimoque Christi beneplacito : quod & erga se in Apostolatum assumendum observatum fuisse sæpè commendat Paulus.
16. \* **E**t imposuit Simoni nomen Petrus : Syriacè *Cephas*, quod petram seu rupem sonat immobilem scilicet. Vide dicta Matth. 16. nam Joan. 1. v. 42. nomen illud promiserat, hîc imponit, Matth. 16. confirmat. \* **E**t imposuit eis nomina, supple, constituit aut elegit. \* **E**t imposuit eis nomina. Solis igitur tribus mutavit nomina, tum quod præ cæteris essent sibi familiares, unde passim eos ad secretiora adhibuit, tum ut indicaret, quod columnæ regni sui essent futuri, ut indicat Paulus ad Gal. 2. v. 9.

2.v.9. \* *Boanerges* : corrupta dictio per insertionem, o, pro, *Banerges*, ex כננ Bené, sive Bané, filii, &, שר, *Regesch*, strepitus, tumultus, quamvis alii, a, velint superfluere, pro *Bonerges*, eo quod Sceva in, Bené, sæpe in, o, breve mutetur, ut patet in *Sodoma* & *Gomorra*, & similibus. \* *Quod est filii tonitru*, id est, tonantes, seu tonitores, sicuti dicuntur *filii pacis*, id est, pacifici : quo nomine significavit eos sublimitate prædicationis Evangelicæ & miraculis orbem commoturos. Unde primus Jacobus occisus, Joannes verò etiamnum per Apocalypsin suam, & ut Epiphan. Hæresi 73. per propriam sui Evangelii grandiloquentiam velut ex quibusdam nubibus tonat. Hinc à nonnullis traditur, cum illud Evangelii sui principium scriberet, *In principio erat Verbum, &c.* fulgura & tonitrua esse facta; sicut cum Moyses in monte Sinai legem acciperet, de quo Baronius ad an. Christi 99.

21. \* *Et cum audissent sui*, id est, cum illi, qui ex ejus familia & cognitione erant, audissent eum discipulos contrahere, turbam confluere, eum insolita docere, mira facere, \* *exierunt tenere eum*, ut eum domi constringerent, existimantes hoc juxta humanas leges esse officii sui. Causa videtur fuisse metus, ne vel tumultus alicujus popularis adversus Romanos invidia, vel infamiæ dedecus in se & familiam redundaret. \* *Dicebant enim, quoniam in furorem versus est*, Græcè ὀργισθῆναι, est extra se, vel mentis non est compos, ut non sit habenda ratio eorum, quæ dicit aut facit. Cognatos igitur nota carnis infirmitas, & humilitas educationis impedivit, ne Christum agnoscerent; Phariseos malitia : unde illi mirabilia ejus infaniæ, hi Beelzebub principum dæmoniorum adscribunt.

& Matthæum, & Jacobum Alphei, & Thaddæum, & Simonem Cananæum.

19. Et Judam Iscariotem, qui & tradidit illum.

20. Et veniunt ad domum, & convenit iterum turba, ita ut non possent neque panem manducare.

21. Et cum audissent sui, exierunt tenere eum: dicebant enim: quoniam in furorem versus est.

22. Et scribe, qui ab Hierosolymis descenderant, dicebant: quoniam Beelzebub habet, & quia in principe dæmoniorum ejicit dæmonia.

23. Et convocatis eis in parabolis dicebat illis: quomodo potest satanas satanam ejicere?

24. Et si regnum in se dividatur, non potest regnum illud stare.

25. Et si domus super semetipsam dispertiarur, non potest domus illa stare.

26. Et si satanas confurrexerit in semetipsum, dispertitus est, & non poterit stare, sed finem habet.

27. Nemo potest va a fortis ingressus in domum diripere, nisi prius fortem alliger, & tunc domum ejus diripiet.

28. Amen dico vobis, quoniam omnia dimittentur filiis hominum peccata, & blasphemiae quibus blasphemaverint:

29. Qui autem blasphemaverit in Spiritum S., non habebit remissionem in æternum, sed reus erit æterni delicti.

30. Quoniam dicebant: Spiritum immundum habet.

31. Et veniunt mater ejus & fratres: & foris stantes miserunt ad eum vocantes eum.

32. Et sedebat circa eum turba: & dicunt ei: Ecce mater tua & fratres tui foris querunt te.

33. Et respondens eis, ait: Quæ est mater mea, & fratres mei?

34. Et circumspiciens eos, qui in circuitu ejus sedebant: ait: Ecce mater mea & fratres mei.

35. Qui enim fecerit voluntatem Dei, hic frater meus, & soror mea, & mater est.

## CAPUT QUARTUM.

1. Et iterum cœpit docere ad mare: & congregata est ad eum turba multa, ita ut navim ascendens sederet in mari, & omnis turba circa mare super terram erat:

2. Et docebat eos in parabolis multa, & dicebat illis in doctrina sua:

3. Audite: ecce exiit seminans ad seminandum.

4. Et dum seminat, aliud cecidit circa viam, & venerunt volucres cæli, & comederunt illud.

5. Aliud vero cecidit super petrosa, ubi non habuit terram multam: & statim exortum est, quoniam non habebat altitudinem terræ:

6. Et quando exortus est sol, exarsit: & eò quod non habebat radicem, exaruit.

7. Et aliud cecidit in spinas: & ascenderunt spinæ, & suffocaverunt illud, & fructum non dedit.

8. Et aliud cecidit in terram bonam: & dabat fructum ascendentem, & crescentem; & afferebat unum triginta, unum sexaginta, & unum centum,



9. Et dicebat : Qui habet aures audiendi , audiat.  
 10. Et cum esset singularis , interrogaverunt eum hi qui cum eo erant duodecim parabolam.  
 11. Et dicebat eis : Vobis datum est nosse mysterium regni Dei : illis autem , qui foris sunt , in parabolis omnia fiunt.  
 12. Ut videntes videant & non videant , & audientes audiant , & non intelligant : nequando convertantur , & dimittantur eis peccata.  
 13. Et ait illis : Nescitis parabolam hanc : & quomodo omnes parabolam cognoscetis ?  
 14. Qui seminat , verbum seminat.  
 15. Hi autem sunt , qui circa viam , ubi seminatur verbum , & cum audierint , confestim venit satanas : & auferit verbum , quod seminatum est in cordibus eorum.  
 16. Et hi sunt similitur , qui super petrosam seminantur : qui cum audierint verbum statim cum gaudio accipiunt illud :  
 17. Et non habent radicem in se , sed temporales sunt : deinde orta tribulatione & persecutione propter verbum , confestim scandalizantur.  
 18. Et alii sunt qui in spinis seminantur : hi sunt , qui verbum audiunt ,  
 19. Et arumna sæculi , & deceptio divitiarum , & circa reliqua concupiscentiæ introeuntes suffocant verbum , & sine fructu efficitur.  
 20. Et hi sunt , qui super terram bonam seminati sunt , qui audiunt verbum , & suscipiunt & fructificant , unum triginta , unum sexaginta , & unum centum.  
 21. Et dicebat illis : numquid venit lucerna ut sub modio ponatur : aut sub lecto : nonne ut super candelabrum ponatur ?  
 22. Non est enim aliquid absconditum , quod non manifestetur : nec factum est occultum , sed ut in palam veniat.  
 23. Si quis habet aures audiendi , audiat.  
 24. Et dicebat illis : Videte quid audiat. In qua mensura mensi fueritis , temerietur vobis , & adjicietur vobis.  
 25. Qui enim habet , dabitur illi : & qui non habet , etiam quod habet auferetur ab eo.

26. *Et dicebat : Sic est regnum Dei, quemadmodum si homo jaciat sementem in terram,*  
**26.\* ET dicebat , sic est regnum Dei , &c.** Quia crebrò Apostolos suos ad Evangelii prædicationem hortatus fuerat , ne propter populi incredulitatem , quam ipsemet v. 11. & 12. expertus erat , ac declaraverat , causarentur nullum fore laborum suorum fructum , occurrit eis hæc parabolâ , quâ docet nostrum esse laborare , Deo fructum esse committendum. *Sic est regnum Dei* , id est , perinde agitur in regno Dei , seu in Ecclesia colligenda , quemadmodum si agricola semen in terram spargeret , & interea

27. *Et dormiat & exurgat nocte & die, & semen germinet, & increseat dum nescit ille.*  
**27.\* Dormiat , & exurgat nocte & die** , id est , aliis negotiis vacet , sive ad quietem , sive ad occupationes hujus vitæ spectantibus : *\* Et intirim* , dum ipse nihil de seminis incremento sollicitus est , aut cogitat , *\* semen germinet* , in terrâ scilicet visceribus radices figens , *\* & increseat* , Græcè *μυκρύνεται* , *prolongetur* , id est , è terra surgat & adolescat , *\* dum nescit ille* , utpote neque hoc sentiens , neque de eo cogitans , neque cogitando quidquam conferens. Quamquam Græcè est *ὅς οὐκ ᾔδειν αὐτὸς* , *quomodo nescit ille* , id est , occultâ naturæ vi , & homini incognitâ.

28. *Utro enim terra fructificat, primum herbam, deinde spicam, deinde plenum frumentum in spica,*  
**28.\* Utro enim terra fructificat** , id est , sponte suâ citra aliam externam agricolæ sollicitudinem aut opera circa semen : nam illud , *sponte* , non excludit aliarum causarum , ut Solis , & pluviae , & ipsius Dei concursus : *\* primum herbam* , quæ hic comprehendit illa duo superiora , germinationem & incrementum feminis in culmum : *\* deinde spicam* , inanem scilicet : *\* deinde plenum* , seu perfectum , *\* frumentum in spica* , dum folliculi implentur granis , qualia sparsa fuerant. Significatur igitur , eodem modo profectum hominis fieri paulatim & gradatim , dum verbum Dei in corde seminatum primò germinat , hoc est , per bona desideria , per fidem , ac poenitentiam , radices quasi prima initia salutis

salutis figit : deinde crescit in herbam seu culmum , dum spe promissionum animus erigitur , & contra flatus tentationum solidatur : tu nam bona opera proferendo ad spicam pervenit : denique perfectâ charitate velut Legis plenitudine plenum frumentum in spica. Vide paulò aliter S. Greg. lib. 22. Moral. cap. 14. aliàs 20. ubi per herbam , devotionis teneritudinem vult significari ; per frumentum in spica tolerantiam in persecutionibus : nemo ergo , inquit , quemlibet proximum cum adhuc herbam videt , de frumento desperet : ab herbarum quippe foliis , quæ huc illucque molliter defluunt , surgentia frugum grana solidantur.

29 \* *Et cum produxerit fructus* , id est , cum prodierit fructus ( est enim Nominativus ) seu cum se produxerit fructus , id est , cum maturaverit fructus , ut Euthym. \* *statim mittit falcem* , supple homo seu agricola. Respicit enim ad vers. 26. & 27. & v. 28. quasi per parenthesis legatur. Per quem agricolam , significatur vel Christus Dominus , qui verbum in corde seminat , vel etiam homo , qui exterius cooperatur : mittit autem falcem , dum fructum in Dominicum horreum colligit.

\* *Quoniam adest messis* , id est , tempus metendi , quod tunc est , quando prædicator fructum in auditoribus provenisse Deo operante conspiciat & exultat , quasi sibi ipsi fructum colligeret. Plerique veteres totam istam parabolam de Christo Domino & universo humano genere intelligunt , ut Christus semen Evangelii per Judæam sparserit : deinde moriendo dormierit , & resurrexerit : interea autem semen occultis incrementis adoleverit , nocte ac die , in prosperis scilicet & adversis , & quasi Christo nesciente , dum mundus adversus Evangelium tumultuatur. Cum autem universa seges electorum maturaverit , veniet messis , seu consummatio sæculi , mittetque falcem iudicii , ut succisis omnibus , fructus in horreum æternæ quietis recondatur.

verbum , prout poterant audire :

34. Sine parabola autem non loquebatur eis , seorsum autem discipulis suis differebat omnia.

35. Et ait illis in illa die , cum serò esset factum : transeamus contra.

36. Et dimittentes turbam , assumunt eum ita ut erant in navi : & aliæ naves erant cum illo.

37. Et facta est procella magna venti , & fluctus mittebat in navim , ita ut impleveretur navis.

38. Et erat ipse in puppi super cervicali dormiens : & excitant eum , & dicunt illi : Magister , non ad te pertinet , quia perimus ?

39. Et exurgens , comminatus est vento , & dixit mari : Tace , obmutesce. Et cessavit ventus : & facta est tranquillitas magna.

40. Et ait illis : Quid timidi estis ? necdum habetis fidem ? Et timerant timore magno , & dicebant ad alterutrum : Quis , putas , est iste , qui & ventus & mare obediunt ei ?

29. Et cum produxerit fructus , statim mittit falcem , quoniam adest messis.

30. Et dicebat : Cui assimilabimus regnum Dei ? aut cui parabolæ comparabimus illud ?

31. Sicut granum sinapis , quod cum seminatum fuerit in terra , minus est omnibus seminibus , quæ sunt in terra.

32. Et cum seminatum fuerit , ascendit , & fit majus omnibus oleis , & facit ramos magnos , ita ut possint sub umbra ejus aves cæli habitare.

33. Et talibus multis parabolis loquebatur eis :

## CAPUT QUINTUM.

1. Et venerunt trans fretum maris in regionem Gerasenorum.

2. Et exeunti ei de navi , statim occurrit de monumentis homo in spiritu immundo.

3. Qui domicilium habebat in monumentis , & neque catenis jam quisquam poterat eum ligare :

4. Quoniam sæpe compedibus & catenis vinctus , dirupisset catenas & compedes comminasset , & nemo poterat eum domare :

5. Et semper die ac nocte in monumentis & in montibus erat , clamans , & concidens se lapidibus ,



8. Videns autem Jesum à longè, cucurrit, & adoravit eum:  
 7. Et clamans voce magna dixit: Quid mihi, & tibi Jesu fili Dei altissimi? Adjuro te per Deum, ne me torqueas,  
 8. Dicebat enim illi: Exi spiritus immunde ab homine.  
 9. Et interrogabat eum: Quod tibi nomen est? Et dicit ei: Legio mihi nomen est, quia multi sumus.  
 10. Et deprecabatur eum multum, ne se expelleret extra regionem.  
 11. Erat autem ibi circa montem grex porcorum magnus pascens.  
 12. Et deprecabatur eum spiritus, dicentes: Mitte nos in porcos ut in eos introeamus.  
 13. Et concessit eis statim Jesus. Et exeuntes spiritus immundi introierunt in porcos: & magno impetu grex precipitatus est in mare ad duo millia, & suffocati sunt in mari.  
 14. Qui autem pascebant eos, fugerunt, & nunciaverunt in civitatem, & in agros. Et egressi sunt videre quid esset factum:  
 15. Et veniunt ad Jesum: & vident illum, qui à dæmonio vexabatur, sedentem, vestitum, & sanæ mentis, & timu-  
 muerunt.  
 16. Et narraverunt illis, qui viderant, qualiter factum esset ei qui dæmonium habuerat & de porcis.  
 17. Et rogare cœperunt eum ut discederet de finibus eorum.  
 18. Cumque ascenderet navim, cœpit illum deprecari, qui à dæmonio vexatus fuerat ut esset cum illo:  
 19. Et non admisit eum, sed ait illi: vade in domum tuam ad tuos, & annuntia illis quanta tibi Dominus fecerit,  
 & miseris sit tui.  
 20. Et abiit, & cœpit predicare in Decapoli, quanta sibi fecisset Jesus: & omnes mirabantur.  
 21. Et cum transivisset Jesus in navi rursum trans fretum, convenit turba multa ad eum, & erat circa mare.  
 22. Et venit quidam de archilynagogis nomine Jairus: Et videns eum, procidit ad pedes ejus.  
 23. Et deprecabatur eum multum dicens: Quoniam filia mea in extremis est, Veni, impone manum super eam,  
 ut salva sit, & vivat.  
 24. Et abiit cum illo, & sequebatur eum turba multa, & comprimebant eum.

25. Et mulier, 25. \* **E**T mulier quæ erat in profluvio sanguinis, id est, quæ laborabat quæ erat in profluvio sanguinis: Græci uno verbo vocant morbo illo fluxionis sanguinis: *ἡμορροΐσαν*, Matth. 9. Fœdus est morbus, quo sanguis per partes secretiores non desinit fluere extra tempus menstruum, de cujus legali immunditia agitur Levit. 25. v. 25. & seqq. \* *annis duodecim*, quo significatur inveteratum, imò incurabilem fuisse morbum. Nam idèò subjungit, quòd

26. \* *Fuerat multa perpeffa à compluribus medicis, & inde \* magis deterius habebat*: quod signum erat naturæ per morbum superatæ, & ab arte desperatæ. Itaque diffidens medicis, cœpit saluti esse vicinior: desperatis enim Deus libentiùs opitulatur, ne effectus gratiæ adscribatur naturæ.

27. \* *Et cum audisset de Jesu, miracula videlicet ejus & sanitates, quas operabatur, venit in turba retro*, quia prohibebat palàm accedere pudor & metus: pudor ex morbi fœditate & sexu; metus ex ejus immunditia, ne velut legaliter polluta & omnes polluens à Judæis repelleretur. Vide locum Levit. citatum. \* *Et tetigit vestimentum ejus, Matth. Tetigit fimbriam vestimenti ejus*, scilicet supremi sive pallii. Fimbriæ istæ erant fila dependentia in quatuor oris seu extremitatibus pallii: cujusmodi fimbrias gerebat Christus more gentis Judaicæ, ex præscripto Legis, Num. 15. v. 38. Potiùs autem fimbriam quàm ipsam vestem tetigit, sive ex humilitate, sive quod fimbria peculiariter esset insigne distinctionis illius gentis à cæteris, & nota sanctitatis, ut indicatur satis loco Num. cit. & Zachar. 8. v. ult. Unde eas magnificabant Pharisei, & ægroti volunt tangere etiam Matth. 14. v. ult.

28. \* *Dicebat enim, quia si vel vestimentum ejus tetigero, salva ero.* Unde mira fuit fides ejus de Christi sanctitate & potestate, similis fidei Centurionis, quia nec vocem ejus nec manûs impositionem, & ne quidem scientiam morbi sui, sed solius vestimenti contactum credebatur sufficere ad sanitatem suam.

29. \* *Et confestim siccatus est fons sanguinis ejus, fluxu scilicet non solum cessante, sed etiam sanguine correcto, & in venas coacto, ipsa naturâ roboratâ.* Nam inde nascitur morbus iste, quod propter virium defectum alimentum non convertatur in sanguinem aptum nutritioni, nec sanguis in substantiam viventis: unde extra venas affluens per secreta depellitur. \* *Et sensit corpore, quia sanata esset;* percipiebat enim & robur auctum, & fluxus cessationem, qui hinc colligitur fuisse perpetuus, quasi naturæ similis.

30. \* *Et cognoscens virtutem quæ exierat de illo, id est, virtutis effectum seu sanationem miraculosam, quam operatus erat.* Unde indem redit, si virtutem intelligas, ipsam sanandi potestatem, quæ erat in Christo: quæ exire dicitur ab operante, quando operatur, phrasi videlicet ad caput mulieris & rudiorum accommodatâ, qui ex Christo velut vase pleno virtutis & efficaciarum apprehendebant sanitates fluere, cum eas ipse sciens & prudens non naturæ necessitate, sed voluntate operaretur, quando vellet & ubi vellet. \* *Aiebat: Quis tetigit vestimenta mea?* Nolebat enim vel gloriam Dei in hoc facto, vel excellentem mulieris fidem celari, vel ei persuasum esse, quod se vel ignorante vel nolente res ista contigisset. Intelligit autem Christus non quemvis promiscuum tactum, ut ex responso discipulorum patet, sed talem, qui operationem suæ virtutis provocaverat, hoc est, qui fiebat imperante fide. Nam cæteri non tam tangebant, quam premebant Christum, ut Aug. hac de re loqui solet, de quo vide serm. 6. de verbis Domini c. 3. & serm. 155. de temp. c. 3. & 4. quibus sicut & aliis locis per, *tangere*, intelligit credere, seu tactum per fidem, istamque mulierem gessisse figuram credentium, cæteros Judæos incredulorum: illi fide tangunt Christum, & vestem seu corpus ejus Ecclesiam, hi premunt & affligunt.

32. \* *Et circumspiciebat videre eam:* non quasi illam ignoraret, cui fidem illam donaverat, quam interiùs ad se traxerat, quam exteriùs sanaverat, sed humano se habebat more, ut & interrogatione & circumspeditione percussa mulier seipsam spontè proderet, & miraculum fateretur, ut sic esset commendatus.

33. \* *Mulier vero timens, &c.* non quia malè credidisset se vestis tactu sanandam, ut vult Calvinus in Matth. sed quod beneficium cum quasi

28. Dicebat enim: Quia si vel vestimentum ejus tetigero, salva ero.

29. Et confestim siccatus est fons sanguinis ejus: & sensit corpore, quia sanata esset à plaga.

30. Et statim Jesus in semetipso cognoscens virtutem, quæ exierat de illo, conversus ad turbam, aiebat: Quis tetigit vestimenta mea?

31. Et dicebant ei discipuli sui: Vides turbam comprimentem te, & dicis: Quis me tetigit?

32. Et circumspiciebat videre eam, quæ hoc fecerat.

33. Mulier vero timens & tremens, sciens quod factum esset in se, venit & prociudit ante eum, & dixit ei omnem veritatem.



quasi ignoranti suffurari voluisset, præter opinionem esset detecta, quòd immunda mundum tetigisset, quòd hinc se increpandam, & beneficium fortassis à se repetendum vereretur.

34. Ille autem dixit ei: Filia, fides tua te salvam fecit: vade in pace, & esto sana à plaga tua.

35. Adhuc eo loquente, veniunt ad archisynagogum, dicentes: quia filia tua mortua est: quid ultra vexas magistrum?

36. Jesus autem auditio verbo, quod dicebatur, ait archisynagogus: Noli timere: tantummodo crede.

37. Et non adnuit quemquam se sequi: nisi Petrum, & Jacobum, & Joannem fratrem Jacobi.

38. Et veniunt in domum archisynagogi, & videt tumultum, & flentes & eulantes multum.

39. Et ingressus ait illis: Quid turbamini, & ploratis? Puella non est mortua, sed dormit.

40. Et irridebant eum. Ipse vero ejectis omnibus, assumit patrem & matrem puellæ, & qui secum erant, & ingreditur ubi puella erat jacens.

41. Et tenens manum puellæ, ait illi: Talitha cumi, quod est interpretatum: Puella, tibi dico, surge.

42. Et confestim surrexit puella, & ambulabat. Erat autem annorum duodecim: & obstupuerunt stupore magno.

43. Et præcepit illis vehementer ut nemo id sciret: & dixit dari illi manducare.

34. \* Ille autem dixit: *Fides tua salvam te fecit*, quia tanta fides miraculum impetraverat & promeruerat; nam effectivè hoc fecerat virtus Christi. Fidem tamen magis quam suam virtutem expressit, ut illa apud Archisynagogum minus credulum magis commendaretur.

\* *Vade in pace*, animo scilicet tranquillo & corpore sano (*Pax* enim Hebræis valde latè patet, & pro omni prosperitate corporis & animi sumitur) nihil timens, auferendum tibi esse beneficium: unde addendo, \* *Et esto sana à plaga tua*, non tribuit, sed confirmat ei ratamque habet collatam à se sanisatem. Itaque quod Matthæus adjicit, *Et salva facta est mulier ex illa hora*, seu ex illo momento temporis, intellige, non quo Christus hoc dicebat, sed quo mulier eum tetigerat.

Hinc Catholici invictum argumentum pro reliquiarum usu petunt: quem quamvis mordeat & vellicet Calvinus, velitque hoc exemplum esse singulare, quod ad imitationem valere non debeat, potius tamen hinc impietas ejus redarguitur, qui audiat mulierem hanc indiscreti zeli & superstitionis arguere, cujus fidem Christus ipse laudat, & sanisatem impetrasse testatur. Eam fuisse Martham, sororem Lazari & Mariæ, videtur sentire Ambros. lib. de Salomone c. 5. sed longè verius tradit Eusebius, fuisse ex Cæsarea Philippi. Nam gratitudinè ergo erexit Christo statuam æneam in illa civitate ante fores suas, ad cujus pedes nascebatur herba, quæ cum fimbriam æneæ statuæ crescendo attigisset, morbis cujusque generis medendi vim habebat. Hanc statuam se vidisse testatur lib. 7. Historiæ c. 14.

40. Et irridebant eum. Ipse vero ejectis omnibus, assumit patrem & matrem puellæ, & qui secum erant, & ingreditur ubi puella erat jacens.

41. Et tenens manum puellæ, ait illi: Talitha cumi, quod est interpretatum: Puella, tibi dico, surge.

42. Et confestim surrexit puella, & ambulabat. Erat autem annorum duodecim: & obstupuerunt stupore magno.

43. Et præcepit illis vehementer ut nemo id sciret: & dixit dari illi manducare.

## CAPUT SEXTUM.

1. Et egressus inde abiit in patriam suam: & sequebantur eum discipuli sui.
2. Et factò sabbato coepit in synagoga docere: & multi audientes admirabantur in doctrina ejus, dicentes: Unde huic hæc omnia? & quæ est sapientia, quæ data est illi, & virtutes tales, quæ per manus ejus efficiuntur?
3. Nonne hic est faber, filius Mariæ, frater Jacobi, & Joseph, & Judæ, & Simonis? nonne & forores ejus hic nobiscum sunt? Et scandalizabantur in illo.
4. Et dicebat illis Jesus: Quia non est propheta sine honore nisi in patria sua, & in domo sua, & in cognatione sua.
5. Et non poterat ibi virtutem ullam facere, nisi paucos infirmos impositis manibus curavit:
6. Et mirabatur propter incredulitatem eorum, & circuibat castella in circuitu docens.
7. Et vocavit duodecim: & coepit eos mittere binos, & dabat illis potestatem spirituum immundorum.
8. Et præcepit eis ne quid tollerent in via nisi virgam tantum: non peram, non panem, neque in zona æs.
9. Sed calceatos sandaliis, & ne induerentur duabus tunicis:
10. Et dicebat eis: Quocumque introieritis in domum, illic manete donec exeatis inde:
11. Et quicumque non receperint vos, nec audierint vos, exeuntes inde, excutite pulverem de pedibus vestris in testimonium illis.
12. Et exeuntes prædicabant ut poenitentiam agerent:

13. \* **E**T ungebant oleo multos aegros. Hanc unctionem putat Beda in Marcum, Theophylactus & Lyranus, ex recentioribus Maldonatus & Franciscus Lucas, eandem esse cum Sacramento Extremæ unctionis, de quo Jacobi 5. sed ex textus cohærentia satis patet, eam ab Apostolis adhibitam fuisse, ad conferendam sanitatem corporalem, cum Sacramentum unctionis potissimum peccatis remittendis, & menti alleviandæ adhibeatur. Unde & ministri ejus soli sunt Presbyteri seu Sacerdotes, quales Apostoli tunc nondum erant. Quare rectius dixerimus, hanc unctionem Apostolos adhibuisse ad sanitates corporales conferendas, ut hoc symbolo testarentur se esse ministros veri Messiae, hoc est Christi, seu uncti Spiritu Sancto præ confortibus suis. Per quam tamen, juxta Tridentinum sess. 14. Sacramentum Extremæ unctionis insinuat, id est, significatum fuit; per Jacobum verò promulgatum, nam quemadmodum impositionem manuum, sputum, epheta & similes externas cæremonias, quas Christus ad sanitates largiendas adhibuit, in Sacramentalem usum Ecclesia postea transtulit, ita & Christus ipse unctionem. \* *Et sanabant*, hoc ungenti ritu, vim istam habente, non naturaliter, quasi medici fuissent Apostoli, sed divinâ potestate.

13. Et dæmonia multa ejiciebant, & ungebant oleo multos aegros, & sanabant.

14. \* *Et audivit Rex Herodes*: Herodis Magni sive Ascalonitæ (de quo Matth. 2.) filius cognomine dictus Antipas. Erat iste Tetrarcha, ut vocatur à Matth. scilicet Galilææ. Tetrarcha autem & Tetrarchia primùm à quarta regni alicujus parte dicta sunt, sed usurpari postea cepit hoc nomen apud Romanos, qui regna armis parta in Tetrarchias diviserunt, pro Præfectura seu principatu infra dignitatem Regiam. Nam iste Herodes, cum esset Tetrarcha, Romam postea profectus est, ut regnum ambiret, teste Josepho 18. Antiquit. c. 9. Unde Plinius lib. 5. c. 18. ponit intra & circa Decapolin sex Tetrarchias, & c. 23. multò plures in Coelesyria. Et hinc Herodes hic abusivè vocatur \* *Rex*, quia dignitas ejus erat regis affinis. \* *Manifestum enim factum est nomen ejus*, id est, fama ejus celebris facta est. Mirum autem, cur tam serò Herodi, post mortem videlicet Joannis, fama Christi innotuerit. Causa duplex fuit: una, quòd simul atque Herodiadem cogitasset in domum suam transferre, bello cum Areta Rege distractus fuerit, cujus filia Herodi nupta, cum non ferret futuram injuriam thori, profugerat ad patrem suum, ut Joseph. loco citato c. 7. quo bello dicit totum exercitum Herodis propter occisum Joannem Baptistam esse deletum. Secunda est, quia ante Joannis mortem, imò Herodiadem introductam, profectus fuerat Romam, ut ibidem Josephus tradit. Addi posset tertia, crassa videlicet Principum plerum-

14. Et audivit rex Herodes: (manifestum enim factum est nomen ejus) & dicebat: Quia Joannes Baptistia resurrexit à mortuis, & propterea virtutes operantur in illo.



que negligentia, ad quorum aures serò virtus pervenit, ut Chrysoſt. Hom. 49. \* *Et dicebat*. Aug. lib. 2. de consensu c. 43. legit *dicebant*, ſicut & Beda & D. Thom. ut ſignificetur aliquos è turba hoc dixiſſe, quod magis congruit narrationi Lucæ, atque etiam verſui 16. qui hîc ſequitur.

\* *Quia Joannes Baptiſta reſurrexit à mortuis*. Fides enim de reſurrectione etiam apud Judæos erat, quamvis informis ante Chriſti prædicationem. Unde quidam putant, hîc per reſurrectionem intelligi Pythagoricam metempsychosin, eo quòd Joſeph. dicat lib. 2. de bello Jud. c. 7. Phariſæos tradidiſſe, quòd animæ bonorum in aliam migrarent corpora : ſed intellexiſſe videntur alia corpora, quantum ad qualitatem, ſicut & Chriſtiani credunt. Unde idem Joſeph. Phariſæorum ſententiam tradens 18. Antiquit. c. 2. dicit juxta Phariſæos animabus bonis facilem eſſe ad vitam reditum : & Lucas in Actis c. 23. v. 8. apertè ait Phariſæos reſurrectionem conſiteri. \* *Et propterea*, tamquam qui per reſurrectionem ſanctior, potentior, & auguſtior factus eſt, \* *virtutes operantur in illo*, id eſt, poteſtates, ut Græcè eſt, patrandi miracula vim ſuam exerunt in illo, quam antè, dum viveret, non exerebant.

15. Alii autem dicebant : Quia Eliæ eſt Alii vero dicebant : Quia propheta eſt, quæſi unus ex prophetis.

15. \* *Alii dicebant, quia Eliæ eſt*, propter perſonæ gravitatem, reprehendendi libertatem, & operandi efficaciam. Eliam enim Judæi rediturum credebant. \* *Alii quia Propheta eſt*, non vulgaris, ſed \* *quæſi unus ex Prophetis*, ſcilicet antiquis, cui ſit ſimilis, vel qui etiam reſurrexerit à mortuis.

16. Quo audito Herodes ait : Quem ego decolavi Joannem, hic à mortuis reſurrexit :

16. \* *Quo audito*, id eſt, quibus diverſis opinionibus auditis Herodes ait : *Quem ego decolavi Joannem, hic à mortuis reſurrexit*. Q10 ſignificatur, Herodem tandem iſti ſententiæ aſſenſiſſe, cùm antea, juxta Luc. hæſitaſſet : quamquam aliqui ſuſpiciuntur hæc verba eſſe legenda vel per ironiam, ut Author in Marc. apud Hieron. vel per interrogationem. Sed primum veriſimilius; ſunt enim verba animi malè ſibi conſcii, & timentis virtutem viri etiam mortui.

17. Ipſe enim Herodes miſit, ac tenuit Joannem, & vinxit eum in carcere, propter Herodiam uxorem Philippi fratris ſui; quia ducebat eam,

17. \* *Ipſe enim Herodes miſit*, ſatellites ſcilicet, \* *ac tenuit Joannem*, traditum ſibi à Phariſæis, ut diximus Matth. 4. v. 12 \* *propter Herodiam*. Erat hæc filia Ariſtobuli, qui frater fuit hujus Herodis, & conſequenter ipſa Herodias neptis ejus, ut patet ex Joſeph. 18. Antiquit. c. 17. \* *Uxorem Philippi fratris ſui*. Eodem loco tradit Joſephus, eam fuiſſe uxorem alterius Herodis, qui tamen etiam frater eſſet hujus, natus ex alia Herodis Magni uxore, videlicet Mariamne, Pontificis Simonis filia, cùm hic Herodes Antipas natus eſſet ex Mathace Samaritide, Philippus verò ex Cleopatra, de quo Joſeph. lib. 1. de bello

bello Judaico cap. 18. Quæ si vera est historia, necesse est Herodem istum, qui primus fuit maritus Herodiadis, etiam alio nomine vocatum fuisse Philippum, sicut eum hîc Marcus vocat, neque fuisse Tetrarcham Traconitidis. Nam ibidem scribit Josephus, filiam Herodiadis nomine Salomen, ex priore marito Herode natam, nupsisse Philippo Tetrarchæ Traconitidis.

18. *Dicebat enim Joannes Herodi: Non licet tibi habere uxorem fratris tui*: non solum, quia proles ex eo nata fuerat filia illa Salome saltatrix (quo casu nec frater fratris defuncti uxorem ducere poterat: ) sed quia Philippus adhuc superstes erat. Herodes enim Romam tendens, cum in fratris domo hospitaretur, cum Herodiade ejus uxore pactus est, ut ipsa in conjugium ac domicilium suum migraret, simul atque Româ reversus esset, ipse verò suam uxorem Arethæ Regis filiam ejiceret. Itaque dum Marcus *uxorem fratris* vocat, adulterium simul & incestum arguit.

18. Dicebat enim Joannes Herodi: Non licet tibi habere uxorem fratris tui.

19. \* *Herodias autem insidiabatur illi*, occasiones captando Joannis perdendi, eo quòd nuptias illas incestas reprehenderet, & inde vereretur, se aliquando ab Herode dimittendam: sed occidere eum non poterat.

19. Herodias autem insidiabatur illi: & volebat occidere eum, nec poterat.

20. \* *Herodes enim metuebat Joannem*, id est, verebatur eum & colebat, adeoque timebat velut sanctum virum. Datur enim simul ratio, cur Herodias eum vellet occidere, ne scilicet, nuptias illas suadendo dissolveret, Herode Joannem metuente, & cur non posset, Herode impediante conatus ejus. \* *Et custodiebat eum*, id est tuebatur ab insidiis Herodiadis: nam Græcum indicat non significari hîc cultum aut observantiam: ut quidam putant. Sed quomodo hæc consistunt cum Matth. qui dicit, quod Herodes eum voluerit occidere, sed timuerit populum? Responderi dupliciter potest: vel quòd primò occidere eum voluerit, sed seditionis popularis timore fuerit impeditus; postea verò ex occasione carceris, perspectâ viri sanctitate, eum coluerit & adversus Herodiadem defenderit: vel certè dicendum, fuisse in Herode voluntatem Joannis occidendi, quatenus ejus libidini repugnabat, sed permixtam illi voluntati fuisse duplicem causam, quæ redderet eum involuntarium, reverentiâ scilicet sanctitatis ejus, juxta Marcum, ac timorem populi juxta Matthæum.

20. Herodes enim metuebat Joannem, sciens eum virum justum & sanctum, & custodiebat eum, & audito eo multa faciebat & libenter eum audiebat.

21. \* *Et cum dies opportunus accidisset*, scilicet Herodiadi, ad complendum conatum suum, \* *Herodes natalis sui cenam fecit &c.* more Gentilium, quibus hoc erat familiare, tamquam nihil supra hujus vitæ bona sperantibus. Vide Genes. 40. v. 20. & 2. Machab. 6. v. 7. de Pharaonis & Antiochi natali. Unde nemo vir justus legitur in Scriptura natalem suum celebrasse, de quo Hieron. in c. 14. Matthæi.

21. Et cum dies opportunus accidisset, Herodes natalis sui cenam fecit principibus, & tribunis, & præsens Galilææ.



22. Cumque introisset filia ipsius Herodiadis, & saltasset, & placuisset Herodi, sicut mulque recumbentibus; rex autem puella: Peto à me quod vis, & dabo tibi:

22. \* *Cumque introisset filia ipsius Herodiadis, quam Salomen vocatam diximus, ex deserto marito susceptam, & saltasset, in medio, ut Matth. coram omnibus scilicet recumbentibus tripudiando, ut Græcè, & lascivias exhibendo gestulationes ad modos musicos, ut filia scorti se matre dignam exhiberet. Non enim potuit fieri sine meretriciæ impudentiæ & lasciviæ nota, ut nobilis puella, oblita muliebris verecundiæ, tripudiando spectantes oblectaret. Et hæc est causa, cur tantopere dicatur placuisse Herodi, & recumbentibus: habet enim ista saltatricularum ad modos musicos gestulatio vim vehementissimam ad inflectendos animos.*

23. Et juravit illi: Quia quidquid petieris, dabo tibi, licet dimidium regni mei.

23. \* *Unde juravit illi Rex, ut majorem fiduciam petendi adderet: Quia quidquid petieris dabo tibi, licet dimidium regni mei. Concurrabant enim simul temulentia, libido, & jactantia, ad promittendum tam superbum, & temerarium, insanumque præmium unius saltatiunculæ. Mater autem consulta suggestit ei, ut peteret, \* caput Joannis Baptiste; per hoc ostendens se mortem ejus habere dimidio regni Herodis potior.*

24. Quæ cum exisset dixit matri suæ: Quid petiam? At illa dixit: Caput Joannis Baptiste.

25. \* *Cumque introisset statim cum festinatione, in convivium scilicet. Significatur autem summum puellæ studium, ne fortè æstu Regis refrigescere promissum retractaret: nam hæc etiam de causa petivit, \* Volo ut protinus des mihi, id est, jam statim sine dilatione, \* in disco, quo cibi adferuntur ad mensam, tamquam scilicet missum seu ferculum, quod præ cæteris omnibus sibi placeret & matri, \* caput Joannis Baptiste. Caput & quidem in disco petit propter certitudinem, ne de morte falleretur, & ut adulteræ animus crudelissimo illo occisi inimici spectaculo satiaretur, & ei illuderet. Hoc enim ingenium adulterarum, ut omnia suæ libidinis impedimenta, quacumque crudelitate submota, velint: qua in re neque maritis, neque liberis, neque sacris, neque prophanis parcitur.*

26. Et contristatus est rex: propter jusjurandum, & propter simul discumbentes noluit eam contristare:

26. \* *Et contristatus est Rex, Græcè πεινῶτος, pertristis factus est, nempe secundum opinionem accumbentium, inquit Hieron. in Matt. qui putat eum corde luctum, facie tristitiam simulasse. Sed videtur vera fuisse tristitia, partim quia, quamvis initio occidere voluisset, jam tamen revereri eum cœperat, & libenter audire; partim quia videbat odiosissimum sibi futurum, quod in præmium saltatiunculæ, sine causa virum sanctum inter epulas damnasset: unde etiam scelero suo prætexuit, quod populum ad res novas concitaret, ut Josephus testis est. Sed vicit tristitiam ejus amor adulteræ, cujus filiam contristare noluit; & stulta superstitio, quasi juramento stringeretur, & studium placendi hominibus magis quam Deo. Nam \* propter juramentum,*

mentum, ne illud violaret aut violasse videretur. Præpostera erat hæc religio; nam promissiones & juramenta hujusmodi generalia non se extendunt nisi ad licita & honesta: & quamvis in animo promittentis ad illicita se extenderent, non obligant, sed rescindenda est eorum fides, \* & propter simul recumbentes, Primates scilicet Galilææ, ne illis vel perjurus vel inconstans videretur, quibus testibus fidem suam obstrinxerat. Quasi verò turpius esset sceleris nefarii promissionem retractare, quàm adimplere: tolerabiliora enim sunt perjurya quàm Sacramenta tyrannorum, inquit Ambros. lib. 3. de virginib. \* *Noluit eam contristare*, rei petitiæ denegatione. Unde Matth. *justitiam dari*, nimirum, ut Ambros. ibid. inter epulas & convivias (quod etiam omnes barbari horrere consueverunt) consummandæ crudelitatis profertur edictum, rapitur ad pœnam Propheta convivali tempore, convivali præcepto, quo non cuperet vel absolvi.

27. \* *Sed misso spiculatore*, id est carnifice. Dicti sunt *Spiculatores* Principum satellites, à Spiculis, quæ gestabant, quasi Spiculati seu hastati milites, quibus olim utebantur etiam ad occidendos reos. Alii volunt dictum spiculatorem, quasi speculatorem, *σπεκουλάτωρα*, prout Græcè legitur, quasi res hostiles specularentur, sed minus aptè. \* *Præcepit afferri caput ejus in disco*. Et quo colligitur sicut & ex v. seq. contigisse decollationem istam ipso convivii tempore, & in ipsum convivium caput allatum, sicut sentit Ambr. jam citatus. Ut proinde verisimile sit, convivium istud in arce Macheronte fuisse celebratum, ubi Joannes captivus tenebatur teste Josepho 18. Ant. c. 7. Joanne verò decollato, \* *attulit caput, & dedit*. Supple spiculator, \* *illud puella, & puella dedit matri suæ*, tamquam omnium malorum artificii. Porro Herodias illevis sancto capiti, & sicut olim Fulvia linguam Ciceronis, ita hæc linguam Joannis discriminati acui confodit, ut testatur Hier. contra Rufinum. Sed Deus justo judicio suo Herodem per Herodiadem, & Herodiadem per Herodem punivit. Cum enim, illâ incitante, Romam profectus esset, ut regni titulum ambiret, regno simul & pecuniis privatus est, & perpetuò damnatus exilio ad Lugdunum Galliæ, unâ cum Herodiade, adulterum suum nolente deferere. Filiæ saltatricis mortem lege apud Niceph. lib. 1. Hist. c. 20. cujus fides sit penes ipsum.

29. \* *Quo audito, discipuli tulerunt corpus ejus*: nam aditum eis ad carcerem patuisse satis liquet ex Matth. 11. v. 2. Nec verisimile est, Herodem in corpus mortui sævire voluisse, à quo vivo non abhorruebat; ut fabula censenda sit, quæ ignominiosè abjectum narrat. \* *Et posuerunt illud in monumento*, in Sebaste, civitate Palestinæ, quæ olim Samaria dicebatur. Neque erat ditionis Herodis, sed Romanorum, Ju-

27. Sed misso spiculatore præcepit afferri caput ejus in disco. Et decollavit eum in carcere:

28. Et attulit caput ejus in disco: & dedit illud puellæ, & puella, dedit matri suæ.

29. Quo audito discipuli ejus venerunt, & tulerunt corpus ejus: & posuerunt illud in monumento.

30. Et convenientes Apostoli ad Jesum, renuntiaverunt ei omnia quæ egerant.

dæa, & docuerant.



dæa, Idumæa, & Samaria, postquam adeptæ fuissent Archelao, jam redactæ in provinciam.

31. Et ait illis: venite seorsum in desertum locum, & requiescite pusillum. Erant enim qui veniebant & redibant multi, nec spatium manducandi habebant.  
 32. Et ascendentes in navim, abierunt in desertum locum seorsum.  
 33. Et viderunt eos abeuntes, & cognoverunt multi, & pedestres de omnibus civitatibus concurrerunt illuc, & præverunt eos.  
 34. Et exiens vidit turbam multam Jesus, & misertus est super eos, quia erant sicut oves non habentes pastorem, & cepit illos docere multa.  
 35. Et cum jam hora multa fieret, accesserunt discipuli ejus, dicentes: Desertus est locus hic & jam hora præterit:  
 36. Dimitte illos, ut euntes in proximas villas & vicos, eman sibi cibos, quos manducant.  
 37. Et respondens ait illis: Date illis vos manducare. Et dixerunt ei: euntes emamus ducentis denariis panes, & dabimus illis manducare.  
 38. Et dicit eis: Quot panes habetis? ite, & videte. Et cum cognovissent, dicunt: Quinque, & duos pisces,  
 39. Et præcepit illis, ut accumbere facerent omnes secundum contubernia super viride fœnum.  
 40. Et discubuerunt in partes, per centenos & quinquagenos.  
 41. Et acceptis quinque panibus, & duobus piscibus, intuens in cælum, benedixit, & fregit panes, & dedit discipulis suis, ut ponerent ante eos: & duos pisces divisit omnibus.  
 42. Et manducaverunt omnes, & saturati sunt.  
 43. Et sustulerunt reliquias fragmentorum, duodecim cophinos plenos, & de piscibus.  
 44. Erant autem qui manducaverunt quinque millia virorum.  
 45. Et statim coegit discipulos suos, ascendere navim, ut præcederent eum trans fretum ad Bethsaidam, dum ipse dimitteret populum.  
 46. Et cum dimisisset eos, abiit in montem orare.  
 47. Et cum sero esset, erat navis in medio mari, & ipse solus in terra.  
 48. Et videns eos laborantes in remigando, (erat enim ventus contrarius eis) & circa quartam vigiliam noctis venit ad eos ambulans supra mare: & volebat præterire eos.  
 49. At illi ut viderunt eum ambulantem supra mare, putaverunt phantasma esse & exclamaverunt.  
 50. Omnes enim viderunt eum, & conturbati sunt. Et statim locutus est cum eis: & dixit eis: Confidite, ego sum: nolite timere.  
 51. Et ascendit ad illos in navim. & cessavit ventus. Et plus magis intra se stupebant:

52. Non enim intellexerunt de panibus, id est, miraculum recens editum de panibus multiplicatis, non satis consideraverant aut perceperant. Quod si intellexissent, ut decet, cum esset longè sublimius, minus obstupuissent ambulationem ejus super mare, utpote jam scientes, nihil ejus divinæ omnipotentiae esse impossibile. *Erant enim cor eorum obcæcatum*, id est, tenebris quibusdam obscuratum. Quo fiebat, ut divinam virtutem & majestatem etiam in manifestissimis operibus non intelligerent, nec miracula expenderent. Nihil enim juvat hoc oculis corporeis intueri, nisi Deus mentem suâ luce collustraverit. Unde cælum & terra supra modum mirabilia Dei opera surdis & cæcis loquuntur majestatem Dei, nisi ipse cordis oculos & aures aperuerit, & altius misertus fuerit: de quo Aug. 10. confess. c. 6. De hoc panum miraculo dicendum erit Joan. 6.

53. Et percurrentes universam regionem illam, ceperunt in grabatis eos, qui se male habebant, circumferre, ubi audiebant eum esse.  
 54. Et quocumque introibat in vicos, vel in villas aut civitates, in plateis ponebant infirmos, & deprecabantur eum, ut vel fimbriam vestimenti ejus tangerent: & quotquot tangebant eum, salvi fiebant.

## CAPUT SEPTIMUM.

1. Et conveniunt ad eum Pharisei, & quidam de Scribis, venientes ab Jerusalem.  
 2. Et cum vidissent quosdam ex discipulis ejus, communibus manibus, id est, non lotis manducare panes, vituperaverunt.  
 3. Pharisei enim, & omnes Judæi, nisi crebro laverint manus, non manducant, tenentes traditionem seniorum:  
 4. Et a foro nisi baptizentur, non comedunt: & alia multa sunt, quæ tradita sunt illis servare, baptismata calicum, & urceorum, & aramentorum, & lektorum:  
 5. Et

5. Et interrogabant eum Pharisei, & Scribæ: Quare discipuli tui non ambulant juxta traditionem seniorum, sed communibus manibus manducant panem?
6. At ille respondens, dixit eis: bene prophetavit Isaias de vobis hypocritis, sicut scriptum est: Populus hic labiis me honorat, cor autem eorum longe est à me.
7. In vanum autem me colunt, docentes doctrinas & præcepta hominum.
8. Relinquentes enim mandatum Dei, tenetis traditionem hominum, baptisinata urceorum, & calicum: & alia similia his facitis multa.
9. Et dicebat illis: Bene irritum facitis præceptum Dei, ut traditionem vestram servetis.
10. Moyses enim dixit: Honora Patrem tuum, & matrem tuam. Et, Qui maledixerit patri, vel matri, morte moriatur.
11. Vos autem dicitis: Si dixerit homo patri aut matri, Corban (quod est donum) quodcumque ex me, tibi profuerit:
12. Et ultra non dimittitis eum quidquam facere patri suo, aut matri,
13. Rescindentes verbum Dei per traditionem vestram, quam tradidistis: & similia hujusmodi multa facitis.
14. Et advocans iterum turbam, dicebat illis: Audite me omnes, & intelligite.
15. Nihil est extra hominem introiens in eum, quod possit eum coinquinare, sed quæ de homine procedant illa sunt quæ communicant hominem.
16. Si quis habet aures audiendi, audiat.
17. Et cum introisset in domum à turba, interrogabant eum discipuli ejus parabolam.
18. Et ait illis: Sic & vos imprudentes estis? Non intelligitis quia omne extrinsecus introiens in hominem, non potest eum communicare?
19. Quia non intrat in cor ejus, sed in ventrem vadit, & in secessum exiit, purgans omnes escas:
20. Dicebat autem, quoniam quæ de homine exeunt illa communicant hominem.
21. Ab intus enim de corde hominum malæ cogitationes procedunt, adulteria, fornicationes, homicidia,
22. Furta, avaritiæ, nequitia, dolus, impudicitia, oculus malus, blasphemia, superbia, stultitia.
23. Omnia hæc mala ab intus procedunt, & communicant hominem.
24. Et inde surgens abiit in fines Tyri & Sidonis. & ingressus domum, neminem voluit scire, & non potuit latere.
25. Mulier enim statim ut audivit de eo, cujus filia habebat spiritum immundum, intravit, & procidit ad pedes ejus.
26. Erat enim mulier Gentilis, Syrophenista genere. Et rogabat eum ut dæmonium ejiceret de filia ejus.
27. Qui dixit illi: Sine prius saturari filios: non est enim bonum fumere panem filiorum, & mittere canibus.
28. At illa respondit, & dixit illi: Utique Domine, nam & canelli comedunt sub mensa de micis puerorum.
29. Et ait illi: Propter hunc sermonem vade, exiit dæmonium à filia tua.
30. Et cum abiisset domum suam, invenit puellam jacentem supra lectum, & dæmonium exiisse.
31. Et iterum exiens de finibus Tyri, venit per Sidonem ad mare Galilææ inter medios fines Decapolæos.

32. \* **E**T adducunt ei surdum, & mutum. Diversa est hæc historia ab ea, quam narrat Matth. c. 9. v. 32. & Luc. c. 11. v. 14. Nam ille mutus dæmonium habebat, hic non habebat. Porro qui Latinè mutus, Græcè dicitur *μογίλας*, hoc est, ærè ac difficulter loquens, sive balbus & impeditæ linguæ, quod magis patet ex v. 35. ubi dicitur vinculum, id est, impedimentum linguæ solutum, ut scilicet liberè lingua volveretur, quæ balbis videtur quodammodo quasi ligata palato inhærescere. Unde eo soluto, \* loquebatur recte, id est, inimpeditè sine balbutie. \* Et deprecabantur eum, ut imponat illi manum, quia frequenter hunc ritum usurpaverat, vetusque erat Sanctorum consuetudo impositis manibus curare: unde & Naaman Syrus expectabat hoc ab Elisæo 4. Reg. 5. v. 11.

33. \* Et apprehendens eum de turba seorsum, ut jactantiam fugeret, & nos fugere doceret exemplo suo, \* misit digitos suos in auriculas ejus; ita aures perforando & aperiendo: \* & expuens, scilicet in digitum suum, \* tetigit linguam ejus, ut illà humectatione quasi volubilis redderetur: surdorum enim aures videntur quasi impedimento aliquo obstructæ, & balborum lingua quasi ligata, & præ siccitate palato adhærescere. Itaque accommodat Christus ritus rebus efficiendis, juxta captum hominum accommodatis. Significabat au-

32. Et adducunt ei surdum & mutum, & deprecabantur eum, ut imponat illi manum.

33. Et apprehendens eum de turba seorsum, misit digitos suos in auriculas ejus: & expuens, tetigit linguam ejus:



tem & carnem suam, & omnia, quæ essent sua, esse salutifera, summeque efficacia. Ulteriùs verò mysticè significabat humano generi, tamquam surdo ad audiendam intelligendamque doctrinam salutis, & muto ad confitendas peccati misérias ac laudes Dei, rectum usum aurium & linguæ per Christi virtutem esse largiendum. Quam ejus mentem explicuit Ecclesia, dum illos eosdem ritus in cæremonias baptismi retulit. Hinc est, quòd Greg. hom. 10. in Ezech. simili sensu per digitos in aures immisos dona Spiritûs Sancti significari tradit; per salivam, quæ ex capite in os defluit, sapientiam.

34. Et suspiciens in cælum ingemuit, & ait illi: Ephpheta, quod est adaperire.

34. \* *Et suspiciens in cælum*, ut à Patre omnia sua se habere, & ad Patrem referre, ac nos quoque ab eo cuncta petere, & ad eum referre doceret, \* *ingemuit*: non difficultate miraculi patrandi, aut impetrandi, sed quia humanæ conditioni & miseriæ condolebat, quòd in istas non solum corporis ærumnas, sed maximè animi, quæ per eas significabantur, incidisset. Adde ingemuisse, juxta Greg. hom. citatâ, ut nos doceret ad eum gemere, qui cælo præsidet, ut & aures nostræ per donum Spiritûs Sancti aperiri, & lingua per salivam oris, id est, per scientiam divinæ locutionis solvi possit ad verba prædicationis. \* *Et ait illi: Ephpheta, quod est adaperire*, hoc est, aperitor, seu apertus esto; est enim Imperativus, quemadmodum leproso dixit, *Mundare*. Itaque quasi homo ad Deum ingemuit, sed quasi Deus solo verbi imperio sanat hominem, quem olim verbo, id est seipso, creaverat. Porro *Aperiri* etiam ad linguam transfertur, ut patet Lucæ i. v. 64. vox tamen Syriaca magis indifferens est ad *Aperiri* & *Solvi*, ut optimè congruerit linguæ & auribus. Servavit igitur Evangelista ipsum verbum Syriacum, quo Christus usus est, non quasi plus virium esset in vocabulo Syriaco, quàm in Latino vel Græco (non enim in miraculis aut in Sacramentis operatur sonus transiens, sed virtus manens, ut loquitur Augustinus) sed partim quòd significationis in Syriaco indifferentia magis conveniret linguæ & auribus: partim majorem historiæ conciliaret fidem, & quòd plusculum autoritatis, majestatis, & venerationis habere videatur ipsum verbum à Domino Syriacè pronuntiatum. Qua de causa homines celebrem authoris sententiam eâ linguâ libentiùs citant, quàm locutus est.

35. Et statim aperta sunt aures ejus, & solum est vinculum linguæ ejus, & loquebatur rectè.

36. Et præcepit illis ne cui dicerent. Quanto autem eis præcipiebat, tanto magis plus prædicaban:

35. \* *Et statim aperta sunt aures ejus*, quæ ante clausæ videbantur, quòd officio non fungerentur. Significat autem & celeritatem miraculi, dum statim sanabatur, & perfectionem, cum \* *loqueretur rectè*, id est, sine balbutie.

36. \* *Et præcepit illis, ne cui dicerent*, miraculum divulgando. \* *Quanto autem, supple, magis, eis præcipiebat*, ut rem celarent, hoc est,

est, quanto minùs exigebat laudis & gratiæ pro beneficio, \* *tanto magis plus*, quàm si non præcepisset, \* *prædicabant*, quia eo beneficium erat majori laude & gratiâ dignum, quo magis gratuito factum. Unde bene notat Theophylactus nos hic doceri, ut, quando benefacturi sumus, neque plausus, neque famam ex beneficiis quæramus: cum autem beneficia receperimus, benefactores etiam invitos laudemus & prædicemus.

37. \* *Et eo amplius admirabantur*, attoniti videlicet non solum miraculo, sed & animi & virtutis magnitudine, quodd, cum talia præstaret, non solum nihil præmii peteret, sed ne quidem facti gloriâ cuperet frui: \* *dicentes*, Bene omnia fecit, id est, nihil fecit, quod in reprehensionem cujusquam possit cadere. Videtur enim hoc applausu respicere in calumnias Phariseorum, & eas improbare, quia \* *& surdos fecit audire, & mutos loqui*, Græcè τοῖσι, facit, id est, facere solet: quod significat potentiam & usum quotidianum præstandi talia beneficia: quasi dicerent, Omnia ipsius opera redundant in miserorum hominum utilitatem.

37. Et eo amplius admirabantur, dicentes bene omnia fecit: & surdos fecit audire, & mutos loqui.

## CAPUT OCTAVUM.

1. In diebus illis iterum cum turba multa esset, nec haberent quod manducarent, convocatis discipulis, ait illis:
2. Misereor super turbam: quia ecce jam triduo sustinent me, nec habent quod manducant:
3. Et si dimiserò eos jejunos in domum suam, deficient in via: quidam enim ex eis de longe venerunt.
4. Et responderunt ei discipuli sui: Unde illos quis poterit hic saturare panibus in solitudine?
5. Et interrogavit eos: Quot panes habetis? Qui dixerunt: Septem.
6. Et præcepit turbæ discumbere super terram. Et accipiens septem panes, gratias agens fregit, & dabat discipulis suis, ut apponerent, & apposuerunt turbæ.
7. Et habebant pisciculos paucos: & ipsos benedixit, & jussit apponi.
8. Et manducaverunt, & saturati sunt, & sustulerunt quod superaverat de fragmentis, septem sportas.
9. Erant autem qui manducaverant, quasi quatuor millia: & dimisit eos.
10. Et statim ascendens navim cum discipulis suis, venit in partes Dalmanutha.
11. Et exierunt Pharisei, & coeperunt conquerere cum eo, quærentes ab illo signum de cælo tentantes eum.
12. Et ingemiscens spiritu, ait: Quid generatio ista signum quærit? Amen dico vobis, si dabitur generationi isti signum.
13. Et dimittens eos, ascendit iterum navim, & abiit trans fretum.
14. Et oblit sunt panes sumere: & nisi unum panem non habebant secum in navi.
15. Et præcipiebat eis, dicens: Videte & cavete a fermento Phariseorum, & fermento Herodis.
16. Et cogitabant ad alterutrum, dicentes: Quia panes non habemus.
17. Quo cognito, ait illis Jesus: Quid cogitatis, quia panes non habetis? nondum cognoscitis nec intelligitis? adhuc cæcaram habetis cor vestrum?
18. Oculos habentes, non videtis? & aures habentes non auditis? nec recordamini,
19. Quando quinque panes fregi in quinque millia: quot cophinos fragmentorum plenos sustulistis? Dicunt ei: Duodecim.
20. Quando & septem panes in quatuor millia: quot sportas fragmentorum tulistis? Et dicunt ei: Septem.
21. Et dicebat eis: Quomodo nondum intelligitis?

22. \* **E**T veniunt Bethsaidam: quæ sita est ad mare Galilææ, seu lacum Genesareth, civitas Petri, & Andreæ, & Philippi, de qua diximus alibi. \* *Et adducunt ei cæcum*, quem non fuisse talem à nativitate, colligitur ex v. 24. \* *Et rogabant, ut illum tangeret*, sive

22. Et veniunt Bethsaidam & adducunt ei cæcum, & rogabant eum ut illum tangeret.



defectu fidei, ut Theophyl. putat, quasi sine tactu sanare non posset, siue potius scientes consuetudinem ejus & potestatem, quod sicuti tactu leprosum mundare, ita & cæcum illuminare poterat.

23. Et apprehensa manu cæci eduxit eum extra vicum : & expuens in oculos ejus imposuit manibus suis, interrogavit eum si quid videret.

23. \* *Et apprehensa manu cæci, eduxit eum extra vicum*, id est, extra Bethsaidam, quæ quidem Joan. 1. v. 44. vocatur civitas, sed quia exigua, & fortè neque mœnibus cinctæ, dicitur hîc vicus seu pagus. Causa educendi dicta est cap. 7. v. 33. *Et expuens in oculos ejus*, ut intelligeremus etiam salivam esse medicinam, & vel excrementa corporis adferre salutem : \* *imposuit manibus suis*, super oculos, ut patet v. 25. Mysticè *manus* signum est operationis; *spiritum* sermonis ex ore prolati, ad significandum opere & sermone laborandum esse, ut homines ad veritatis cognitionem adducantur, insinuant Theoph. & Euthymius. \* *Interrogavit eum, si quid videret* significans se non ad hoc tetigisse, ut primo contactu clarè videret : proinde hoc non impotentia, sed suæ voluntatis fuisse, & ita ostendere, se non ad unum sanandi modum adstrictum esse, ut subitò totam sanitatem mox conferret omnibus, sed pro libitu suo nunc hoc, nunc illo modo operari, siue sensim, siue repentè. Causa autem videtur hîc fuisse, partim imperfectio fidei cæci istius (nihil enim Dominum rogasse legitur, sed alii tantum pro ipso : quasi ipso facto Christus ei tacitè diceret : fiat tibi secundum fidem tuam, ut Victor Antiochen. notat : partim ut cæcus paulatim ejus operationem sentiens, paulatim etiam in majorem fidem & desiderium & admirationem cresceret. Nam ipsa dilatio sanitatis præ magnitudine sapientiæ & bonitatis Medici promovit sanitatem : quòd in donandis animi virtutibus maximè & quotidie locum habet.

24. Et aspiciens ait : Video homines velut arbores ambulantes.

24. \* *Et aspiciens ait : video homines velut arbores ambulantes* : id est, video homines ambulantes, sed similes arboribus. Quo significat, se ex motu quidem & figurâ rectè corpora quasi humana cognoscere, non tamen discernere ulla membrorum lineamenta, quibus homines ab arboribus discernuntur. Nam, ut Beda notat, condensæ arbores à longè spectantibus, vel certè in luce nocturna ita apparere solent, ut homines an arbores sint, non facilè discernatur. Imperfectè igitur & obscurè se videre indicat, & aliquando clariùs vidisse, ut qui sciret, quæ inter homines & arbores esset differentia.

25. Deinde iterum imposuit manus super oculos ejus : & cepit videre ; & respondit ei ita ut clarè videret omnia.

25. \* *Deinde iterum imposuit manus* : ut juxta augmentum fidei cresceret quoque sanitas ejus, eo usque, \* *ut clare videret omnia* ; Græcum *τηλαυγες* sonat eminùs ac dilucidè, quo magis exprimitur sanitatis perfectio.

26. Et misit illum in domum suam, ne illum huc illuc vagari sinens, divulgare.

26. \* *Et misit illum in domum suam*, ne illum huc illuc vagari sinens, divulgare.

divulgationem miraculi quærere videretur. \* *Et si invicem introieris.* Iam in domum suam, dicens: Bethsaidam scilicet ex necessitate pertingendi in domum tuam. Unde colligitur non fuisse Bethsaidam. \* *Nemini dixeris*, scilicet incolarum istius vici: videtur enim divulgationem non domesticis ejus vel aliis, sed speciatim incolis Bethsaidæ fieri vetuisse, & de industria eum eduxisse extra vicum, quia videlicet indigni erant, qui miracula ejus audirent vel viderent, cum tot antea ejus miracula contempnissent, juxta Matth. 11. v. 21. Quanquam communis illa ratio locum hic habuerit; ut exemplum suis tribueret, ne de his, quæ faciunt, mirandis favorem vulgi requirant, sed divino tantum aspectui, ubi & merces operum restat, placere contenti sint.

tes: Joannem Baptistam, alii Eliam, alii vero quasi unum de prophetis.

29. Tunc dicit illis: Vos vero quem me esse dicitis? Respondens Petrus, ait ei: Tu es Christus.

30. Et comminatus est eis, ne cui dicerent de illo.

31. Et cœpit docere eos, quoniam oportet filium hominis pati multa, & reprobari à senioribus, & à summis sacerdotibus & Scribis, & occidi: & post tres dies resurgere.

32. Et palam verbum loquebatur. Et apprehendens eum Petrus, cœpit increpare eum.

33. Qui conversus, & videns discipulos suos, comminatus est Petro, dicens: Vade retro me, satana, quoniam non sapiſ quæ Dei sunt, sed quæ sunt hominum.

34. Et convocata turba cum discipulis suis, dixit eis: Si quis vult me sequi, deneget semetipsum: & tollat crucem suam, & sequatur me.

35. Qui enim voluerit animam suam salvam facere, perdet eam: qui autem perdiderit animam suam propter me, & evangelium: salvam faciet eam.

36. Quid enim proderit homini, si lucretur mundum totum: & detrimentum animæ suæ faciat?

37. Aut quid dabit homo commutationis pro anima sua?

38. Qui enim me confessus fuerit & verba mea in generatione ista adultera & peccatrice: & filius hominis confitebitur eum, cum venerit in gloria patris sui cum angelis sanctis.

39. Et dicebat illis: Amen dico vobis, quia sunt quidam de hic stantibus: qui non gustabunt mortem, donec videant regnum Dei veniens in virtute.

lam in domum suam, dicens: Vade in domum tuam: & si in vicum introieris nemini dixeris.

27. Et egressus est Jesus, & discipuli ejus, in castella Czſarææ Philippi: & in via interrogabat discipulos suos dicens eis: Quem me dicunt esse homines?

28. Qui responderunt illi, dicen-

## CAPUT NONUM.

1. Et post dies sex assumit Jesus Petrum, & Jacobum, & Joannem: & ducit illos in montem excelsum seorsum solos, & transfiguratus est coram ipsis.

2. Et vestimenta ejus facta sunt splendentia, & candida nimis velut nix, qualia fullo non potest super terram candida facere.

3. Et apparuit illis Elias cum Moyſe, & erant loquentes cum Jesu.

4. Et respondens Petrus, ait Jesu: Rabbi, bonum est nos hic esse: & faciamus tria tabernacula, tibi unum, & Moyſi unum, & Eliæ unum.

5. Non enim sciebat quid diceret: erant enim timore exterriti.

6. Et facta est nubes obumbrans eos; & venit vox de nube dicens: Hic est filius meus charissimus: audite illum.

7. Et statim circumspicientes, neminem amplius viderunt: nisi Jesum tantum secum.

8. Et descendentibus illis de monte, præcepit illis ne cuiquam quæ vidissent, narrarent: nisi cum Filio hominis à mortuis resurrexerit.

9. Et verbum continuerunt apud se, conquirentes quid esset: Cum à mortuis resurrexerit.

10. Et interrogabant eum dicentes: Quid ergo dicunt Pharisei & Scribæ, quia Eliam oportet venire primum?

11. Qui respondens ait illis: Elias cum venerit primum, restituet omnia: & quo modo scriptum est in Filium hominis, ut multa patiatur & contemnatur.

12. Sed dico vobis, quia & Elias venit (& fecerunt illi quæcumque voluerunt) sicut scriptum est de eo.

13. \* **E**T veniens ad discipulos: vidit turbam magnam circa eos, partim spectandi causâ, an sanaturi essent lunaticum: partim ut audirent concertationes eorum contra \* *Scribas conquirentes cum illis*, id est, disputantes & altercantes cum discipulis. Videntur enim

13. Et veniens ad discipulos suos vidit turbam magnam circa eos, & Scribas conquirentes cum illis.



Scribæ tamquam docti discipulos rudes disputando vexasse, ut apud plebem superasse viderentur, qui cum præceptore eorum non audebant congrédi.

14. Et confestim  
omnis populus  
videns Jesum,  
stupefactus est,  
& expaverunt,  
& accurrentes  
salutabant eum.

14. \* *Et confestim omnis populus videns Jesum, stupefactus est*: propter adventum ejus subitum, cum nescisse videantur, ubi fuisset, & opportunum ad Scribascoercendos. \* *Et expaverunt*, præ reverentia & auctoritate ejus, quam apud plebem simplicem parare solet vitæ sanctimonia, & doctrinæ sinceritas. Quanquam non absimile sit vero significari, vultum ejus ex transfiguratione proximâ fuisse solito augustiorem, ut olim Moyse contigit. \* *Et accurrentes salutabant eum*, observantiam & benevolentiam testantes; quod de Scribis & Phariseis non facilè legas.

15. Et interrogavit  
eos. Quid inter  
vos conquiritis?

15. \* *Et interrogavit eos*, Scribas, ut exprimit Græcus: \* *Quid conquiritis*, id est, quid disputatis & altercamini, \* *inter vos*? Nempè cum discipulis. Unde Græca editio Frobeniana legit *ἀντὶς* pro *ἐαυτοῖς*, *adversus ipsos*, spiritu aspero in lenem mutato, quo modo & Syrus legit. Subindicat ægrius se ferre, quòd discipulos illitteratos disputando lacefferent. Ex v. autem 17. & 27. videtur colligi, eos de ista discipulorum impotentia disputasse, & fortasse petulantius. Itaque discipulis, præ verecundia suæ infirmitatis; Scribis verò, tanquam qui sibi conscii essent de calumniandi studio, silentibus,

16. Et respondens  
unus de turba,  
dixit: Magister,  
artuli filium  
meum ad te, habentem  
spiritum mutum;

16. \* *Respondens unus de turba*, pater scilicet cujus filius altercandi occasionem dederat: \* *Artuli filium meum*, habentem spiritum mutum, id est, qui mutum hominem facit, imò & surdum, ut patet v. 24.

17. Qui ubicumque  
eum apprehenderit,  
allidet illum, & spumat,  
& stridet dentibus,  
& arefcit; & dixi  
discipulis tuis ut ejicerent  
illum, & non  
poquerunt.

17. \* *Qui ubicumque eum apprehenderit*, sine ullo discrimine loci, apud ignem, aquam, præcipitium, ut patet v. 21. \* *allidit illum*, id est, in terram dejicit & lacerat, ut etiam Græcum *σπᾶν* verti potest, \* *spumat*, supple puer, \* *stridet dentibus*, & *arefcit*; quæ symptomata solent esse laborantium epilepsiâ seu morbo comitali. Itaque Matthæus vocat simpliciter puerum istum *Lunaticum*. Lunaticus autem propriè dicitur, qui lunationibus seu Lunæ certis mutationibus afficitur, quod contingere solet morbo caduco laborantibus, & maniacis, quia Lunâ crescente vel decrescente, crescunt vel decrescunt humores cerebri membri humidissimi; nam humoribus Luna dominatur. Ex tribus tamen Evangelistis constat, symptomata istius pueri à dæmonio eum possidente promanasse. Itaque Lunaticus videtur, propter similitudinem effectuum, quibus Lunatici seu epileptici laborant, quos in hoc puero dæmon operabatur, latendi videlicet causâ. Unde Hieron. in cap. 5. Matth. Lunaticas ibi vocari dicit, non verò Lunaticos, sed qui putabantur tales, propter dæmonum fallaciam, qui,

qui, inquit, observantes Lunaria tempora creaturam infamare cupiebant, ut in Creatorem blasphemiae redundarent. Quod idem observat Orig. Tra&. 4. in Matth. ubi tamen, quod putare videtur. Lunaticorum seu epilepticorum passiones valde mirabiles semper demonem in hominibus operari, minus verisimile est, cum constet multis naturaliter sanari.

18. \* *Qui respondens eis dixit*: Græcè legitur, *ἀποκριθεὶς αὐτοῖς, respondens ei*, ut referatur ad patrem. Unde plerique veteres hoc Christum dixisse volunt ad patrem pueri, & generationem Judaicam generaliter, propter incredulitatem eorum, quæ patent v. 21. & seqq. Quanquam non malè, etiamsi patri respondeat, ad omnes tamen referri possit, etiam discipulos: nam & illi aliquâ incredulitate laborabant, ut patet Matth. 17. v. 19. Itaque cum dolore & inclinatione increpans eos, ait: \* *ô generatio incredula*, Matth. & Luc addunt, *& perversa*, Græcè *δυσφαινή*, distorta, id est, ô natio pertinaciter incredula, quæ nullis miraculis aut prodigiis à me patratis ad fidem plenam adduci potest. Quibus verbis tangit causam impotentiae discipulorum, nempe incredulitatem non solum ipsorum, sed in primis patris, sanitatem postulantis, & Scribarum adstantium: nam talium incredulitas beneficentiam Dei quodammodò impedit, & continet, ne se effundat, ut patet Matth. 13. v. ult. & Marc. 6. v. 6. \* *Quamdiu apud vos ero?* id est, quousque tandem versabor vobiscum, frustra luctando cum vestra pertinacia? \* *Quamdiu vos patiar?* id est, quamdiu tandem tolerabo mores vestros intolerabiles? Sunt enim verba animi indignabundi, & molestè ferentis, se in ipsis docendis ac juvandis oleum & operam perdere, & interim subindicantis, eos propter incredulitatem incorrigibilem aliquando à se deferendos. \* *Afferte illum ad me*: quò significat, se indignatum fuisse tamquam Medicum, non ut à beneficiendo desisteret, sed ut novo beneficio & corpus ægri à morbo, & ipsa verborum asperitate animum adstantium ab incredulitate sanaret.

18. Qui respondens eis, dixit: O generatio incredula, quamdiu apud vos ero? quamdiu vos patiar? afferte illum ad me,

19. \* *Et cum vidisset eum*, scilicet Jesum puerum, vel potius puer Jesum: nam non posse referri ad spiritum, clarum est ex Græco. Cum ergò *vidisset eum*, id est, ad primum & solum aspectum Jesus; quo significatur magnitudo virtutis ejus, & repugnantia cum immundo spiritu: \* *statim spiritus conturbavit illum*, discernendo ac lacerando, tanquam timens & abhorrens præsentiam ejus.

19. Et attulerunt eum. Et cum vidisset eum, statim spiritus conturbavit illum: & elusus in terram, volutabatur spumans.

20. \* *Et interrogavit patrem ejus &c.* ut intelligeretur scilicet maligravitas & diurnitas & beneficii magnitudo; \* *& ait, ab infantia*: quo intelligimus hujusmodi diabolicas obsessiones non semper propter actua-

20. Et interrogavit patrem ejus: Quantum temporis est ex quo ei hoc accidit? At ille ait: Ab infantia:



a&ualia peccata contingere eorum, qui obſidentur. Pater autem expoſitâ mali magnitudine metuens, ne propterea eſſet incurabile, & prodens infirmitatem fidei ſuâ, ait:

21. Et frequenter eum in ignem & in aquas miſit, ut eum perderet; ſed ſi quid pores, adjuva nos, miſerius noſtri.

22. Jeſus autem ait illi: Si pores credere, omnia poſſibilia ſunt credenti.

21. \* *Si quid potes, adjuva nos.* Naturæ enim & conſuetudinis legibus definiebat & malum ægrotantis, & virtutem curantis, dubitans, utrùm par eſſe poſſit tam gravi & inveterato malo.

22. \* *Jeſus autem ait illi: ſi potes credere,* hoc ipſum videlicet, quod ego te adjuvare poſſum, fide per fiduciam operante: q. d. Noli dubitare, quin ego poſſim, ſed vide, num tu poſſis credere, me poſſe: nam \* *omnia poſſibilia ſunt credenti*, ſcilicet & accipere à me, & facere in nomine meo, quæ voluerit. Sententia enim generalis eſt, quâ omnem potentiam ponit in fide poſtulantis; & quaſi nihil ſibi tribuens ſummâ utitur modetiâ, ut ita ſuaviter patris infirmitas in fide ſanaretur.

23. Et continuo exclamans pater pueri, cum lacrymis aiebat: Credo, Domine: adjuva incredulitatem meam.

23. \* *Et continuo*, ut aſſidit à ſua fide rem pendere, \* *exclamans cum lacrymis aiebat*, indicans & deſiderium ſanitatis, & anguſtiam timoremque animi, ne conditioni non poſſet exactè ſatiſfacere: \* *Credo Domine*, ſcilicet hoc te poſſe, \* *adjuva incredulitatem meam*, augendo ſcilicet fidem meam imperfectam, quam *incredulitatem* vocat, etiamſi jam crederet, quia ubi non eſt perfectâ fides, ibi neceſſe eſt eſſe aliquid incredulitatis.

24. Et cum videret Jeſus concurrentem turbam, comminatus eſt ſpiritus immundo, dicens illi: Surde & mute ſpiritus, ego præcipio tibi, exi ab eo: & amplius ne introeas in eum.

24. \* *Et comminatus eſt ſpiritus immundo.* Græcum *ἐπετίμασε* vertitur apud Matth. *inreparavit*, id eſt, ſeverè imperavit, additis minis; nam idem verbum etiam *imperare* ſignificare volunt. \* *Dicens illi, Surde & mute ſpiritus*: ſic eum ab effectu vocat, & exprobrans ei ſimul malitiam in vitiandis operibus Dei præcipit ei magnâ cum auctoritate & emphafi, ut exeat, & \* *amplius ne introeat in eum*, ut ſcilicet beneficium eſſet perpetuum: nam per intervalla puerum corripiens exire & redire videbatur. Diaboli enim ingenium eſt, ut libentiſſimè redeat ad eos, quorum ſemel vel corpus, vel animam per vitia poſſederit.

25. Et exclamans, & multum diſcrepens eum, exiit ab eo, & factus eſt ſicut mortuus, ita ut multi dicerent: quia mortuus eſt.

25. *Et exclamans &c. exiit ab eo*: quo declaravit, quàm ægrè ferret, quòd cogeretur Chriſto obedire, & à poſſeſſione deſiſtere dum eò impotentius furit, & nocet, quòd efficaciùs exire cogitur.

26. Jeſus autem tenens manum ejus, elevavit eum, & ſurrexit. 27. Et cum introſſet in domum diſcipuli ejus ſe-

27. \* *Et diſcipuli ejus ſecreto interrogabant eum*, id eſt, ſeorſim à publico, idque præ verecundia verentes videlicet, ne aliquâ ſuâ culpâ potestas ejiciendi dæmones ſibi eſſet ſubtracta; ſed Chriſtus cauſam reddit, primam quidem, apud Matth. *Propter incredulitatem veſtram*, id eſt, fidei imbecillitatem, quia perfectâ fides deerat, etſi adeſſet aliqua: quâ de cauſa nonnumquam reprehendit diſcipulos, quaſi modice

dicæ aut pusillæ fidei. Quæ imbecillitas & fluctuatio eis fortasse contigit propter eam, quam videbant dæmonii sævitiam, & mali vetustatem, vel propter Scribarum calumniatorum præsentiam, vel denique tepore per absentiam Domini obrepente, ut vult Hilar. Ubi observanda Domini prudentia, corripientis publicè defectus publicos, tum patris, tum Scribarum; privatim verò defectus non ita notos, & personarum, quarum authoritati consulendum erat, ne in contemptum veniret. Alteram causam exprimunt Matth. & Marcus, videlicet quia

28. \* *Hoc genus*, scilicet dæmoniorum. Chrysof. & D. Thom. in Matth. putant omne genus significari, sed minùs congruè: nam certum genus designari, ipsa loci & verborum circumstantia postulat; & multa dæmonia videntur discipuli sine jejuniis expulisse. Alii igitur accipiunt dæmonia Lunaticorum. Rectius Hieron. in Matth. & S. Leo intelligunt genus dæmoniorum nequissimum, hoc est, atrocissimum obstinatissimumque, & in primis, quod diu hominem possederit, ut malum ferè in naturam versum sit. Nam hac de causa videtur Christus rogasse, quantum temporis esset, quod ei acciderit hoc. \* *Non ejicitur, nisi per orationem & jejunium*: quæ de re diximus in Matth.

creto interrogabant eum: Quare nos non potuimus ejicere eum?

28. Et dixit illis: Hoc genus in nullo potest exire, nisi in oratione, & jejunio.

29. Et inde profecti prætergredebantur Galilæam: nec volebat quemquam scire.

30. Docebat autem discipulos suos, & dicebat illis: quoniam si

lius hominis tradetur in manus hominum, & occident eum, & occisus tertia die resurget.

31. At illi ignorabant verbum & timebant interrogare eum:

32. Et venerunt Capharnaum. Qui cum domi essent, interrogabat eos: Quid in via tractabatis?

33. At illi tacebant; siquidem in via inter se disputaverant, quis eorum major esset.

34. Et relidens vocavit duodecim & ait illis: Si quis vult primus esse, erit omnium novissimus, & omnium ministrus.

35. Et accipiens puerum, statuit eum in medio eorum: quem cum complexus esset, ait illis:

36. Quisquis unum ex hujusmodi pueris receperit in nomine meo, me recepit: & quicumque me susceperit, non me suscipit, sed eum qui misit me.

37. \* *Respondens illi Joannes*, quia scilicet jam audiverat, quàm gratum esset recipere puerum in nomine Christi. Itaque occasione illorum, in nomine meo, narrat Christo, quid ipsi fecissent erga eum, qui ejiciebat dæmonia in nomine Christi, quasi tacitè interrogans, utrùm bene an malè fecissent. Itaque dicit: \* *Vidimus quemdam in nomine tuo ejicientem dæmonia*, id est, invocato nomine tuo: nam in hoc videtur imitatus fuisse Apostolos, ita factitantes. Quod autem quidam suspicantur intelligi posse non ejectionem dæmonum, sed tantum conatum ejiciendi, proprietati verborum repugnat & prohibitioni Apostolorum (nam à frustraneo conatu per se cessasset) & omnibus penè authoribus, qui eum verè dæmonia ejicisse putant in nomine Jesu, ut ita commendaretur virtus & efficacia nominis ejus. \* *Qui non sequitur nos*, corpore scilicet, tamquam Apostolus & discipulus tuus; \* *Et hac de causa prohibuimus eum*, quia scilicet non est de collegio nostro sequentium te, quibus solis mandatum & authoritas ejiciendi dæmonia data est. Itaque non invidia talis potestatis eum videntur prohi-

37. Respondit illi Joannes, dicens: Magister, vidimus quemdam in nomine tuo ejicientem dæmonia, qui non sequitur nos & prohibuimus eum.



prohibuisse, sed zelo alicujus disciplinæ, ne præter ordinem à Domino constitutum, & ita quasi cum injuria Christi dignitatem sibi non concessam quisquam gereret, vel ejus nomine abuteretur. Simile quid contingit Josuë pro Moyse zelanti Num. 11. v. 28. Non ergo temeritas aut superbia aut livor discipulorum fuit, ut hæretici carpunt, sed zelus licet indiscretus: unde factum eorum reprehenditur, non animus.

38. Jesus autem ait: Nolite prohibere eum. Nemo est enim qui faciat virtutem in nomine meo, & possit citò male loqui de me.

38. \* *Nolite prohibere eum*, in simili occasione: Ratio est, \* *nemo est qui faciat virtutem*, id est, miraculum quodcumque, \* *in nomine meo*, & *possit citò male loqui de me*, id est, qui possit calumniando de authoritate & honore meo detrahere: imo cogitur eum admirari, amare, & laudare, cujus nomen tam efficax experitur, & sibi tam honorificum: q.d. Hanc utilitatem habebit ista miraculorum operatio in nomine meo, quòd ita mihi devincietur animo, ut non facilè mihi possit adversari, sed ad fidem Evangelii, & ad benevolentiam ac salutem, tum operantes tum spectantes disponat. Et hæc prima ratio petitur ex gloria Christi, cujus nomen usurpat: altera verò ex utilitate discipulorum.

39. Qui enim non est adversus vos, pro vobis est.

39. \* *Qui enim non est adversus vos, pro vobis est.* Matth. 12. v. 30. per aliam sententiam dicit Christus, quasi contrariam, \* *qui non est mecum, contra me est.* Conciliat ista duo Chrysost. quòd Matth. loquatur de dæmonibus, qui student omnes à Christo separare; Marcus de credentibus, qui tamen corpore Christum non sequantur. Sed etiam optimè de hominibus cohærent; nam per utramque sententiam tollitur ista indifferentia & medietas, juxta quam putant aliqui hominem esse posse, qui neque sit cum Christo, neque contra ipsum. Itaque juxta Matthæum, qui non est Christi, seu cum Christo, necessariò est mundi seu diaboli, & contra Christum: juxta Marcum verò, \* *qui non est adversus vos*, & consequenter adversus me, utpote jam mihi credens, & eadem agens, quæ vos agitis, in nomine meo dæmones expellendo, ille hoc ipso \* *pro vobis est*; quia adjuvat institutum vestrum, & nomen meum, virtutemque commendat. Unde August. utramque sententiam conciliando lib. 4. de consensu cap. 5. exponit eas formaliter, nimirum, inquit, hoc vult intelligi, in tantum cum Christo non esse aliquem, in quantum est adversus illum, & in tantum adversus non esse, in quantum cum illo est. V. g. addit, in quantum operabatur ille virtutes in Christi nomine, in tantum cum ipsis erat, & adversus eos non erat: in quantum verò eorum societati non adhærebat, in tantum cum ipsis non erat, & adversus eos erat. Et hoc fuerat à discipulis prohibendum,

non

non autem illud, quod nomen Magistri ac Domini eorum in dæmoniorum expulsiōe commendabat. Eodem modo interpretatur lib. 1. de Baptism. contra Donatistas c. 7. Aliqui facili explicatione putant hanc Marci sententiā regulam quamdam æquitatis tradi, q. d. Christus, de singulis esse optimè sentiendum, donec contrarium constet, quia nemo præsumendus est malus, nisi re ipsa pateat. Itaque qui non est adversus vos, id est, nihil agit, quod adversetur instituto vestro prædicandi Evangelium, is censendus est etiam animò vobis favere, etsi vos non sequatur, quia nihil in deteriore partem interpretandum est, quod rectè interpretari possumus.

40. \* *Quisquis enim potum dederit &c. non perdet mercedem suam*; ex quo relinquit à minori ad majus inferendum, quantò magis ille non perdet mercedem, qui virtutes in nomine meo operatur, nomini meo quodammodò favens. Hanc mercedem indicat Aug. lib. 4. de consens. c. 6. non esse mercedem propriè dictam, quia sentit eum nondum fuisse Christianum, sed aliam quandam misericordiam, quâ scilicet tales ita gubernentur à Deo, ut Christiani fiant. Merces tamen propriè intelligi potest, si iste jam in Christum crediderat. Porro cùm Christus subjecisset multa de scandalo, quæ Matth. 5. & 18. explicata sunt, dixissetque bonum esse debilem vel claudum, vel luscum introire in regnum Dei, quam sanum mitti in gehennam ignis, repetit tertio sententiam ex Isaïa cap. ult. v. ult. quâ gravitatem poenæ inferorum exaggerat :

40. Quisquis enim potum dederit vobis calicem aquæ in nomine meo : quia Christi estis : amen dico vobis, non perdet mercedem suam.

41. Et quisquis scandalizaverit unum ex his pusillis credentibus in me : bonum est ei magis si circumdaretur mola asinaria collo ejus, & in mare mitteretur.

42. Et si scandalizaverit te ma-

nus tua, abscede illam : bonum est tibi debilem introire in vitam, quam duas manus habentem ire in gehennam, in ignem inextinguibilem :

43. Ubi vermis eorum non moritur, & ignis non exstinguitur.

44. Et si pes tuus te scandalizat, amputa illum : bonum est tibi claudum introire in vitam æternam, quam duos pedes habentem mitti in gehennam ignis inextinguibilis :

45. Ubi vermis eorum non moritur, & ignis non exstinguitur.

46. Quod si oculus tuus scandalizat te, ejice eum : bonum est tibi luscum introire in regnum Dei, quam duos oculos habentem mitti in gehennam ignis :

47. \* *Ubi vermis eorum non moritur, & ignis non exstinguitur* : ubi loquitur quidem Propheta de poenis inferorum, sed metaphorâ sumptâ à victoribus, qui egredi solent, ut stragem hostium castrorum videant. Et cùm corpora eorum brevi tempore vermibus arorentibus consumantur, vel ignibus exurantur : è contrario \* *vermis eorum*, prævaricatorum scilicet Legis Dei & scandalizantium pusillos, qui in inferno damnabuntur, \* *non moritur*, id est, non morietur unquam : \* *& ignis non exstinguitur*, id est, exstinguetur, sed in æternum ardebit & affliget. Ubi quidam & nunc & olim tempore August. ignem intelligunt propriè, qui urit corpus, vermem verò metaphorice pro mœrore animam rodente, atque cruciante, sive pro

47. Ubi vermis eorum non moritur, & ignis non exstinguitur,



remorsu conscientiæ & scelerum perpetuâ ruminacione. Aug. tamen l. 21. de civit. c. 9. non improbable putat etiam vermem corporeum intelligere : Ego, inquit, facilius æstimo, & ad corpus dicam utrumque pertinere, quàm neutrum, & ided tacitum in illis divinæ Scripturæ verbis animi dolorem, quoniam consequens esse intelligitur, etiam si non dicatur, ut corpore sic dolente animus quoque sterili poenitentiâ crucietur. Unde relinquit lectori electionem, utrum & vermis pertineat ad corpus propriè, an solum ad animam metaphoricè. Possunt enim, inquit, animalia etiam in ignibus vivere, in unctione sine consumptione; in dolore sine morte, per miraculum omnipotentissimi Creatoris, cui hoc possibile esse qui negat, à quo sit, quidquid in naturis omnibus miratur, ignorat, id est, ignorat omnia mirabilia esse à Deo, qui facit in creatura sua quidquid voluerit.

48. Omnis enim  
igne salietur,  
& omnis victima  
sale salietur.

48. \* *Omnis enim igne salietur.* Locus perobscurus, ideoque valde diversis modis explicatur. Plerique, quia mentio erat facta de membris præcidendis, quod cum dolore fit, & de scandalis discretione cavendis, regulam putant hic justis tradi, cum allusione ad locum Levit. 2. v. 13. q. d. Sicuti juxta Legem omnis victima per ignem transire debet, & sale condiri: ita omnis justus, ut sit victima Deo grata, igne tribulationis purgari debet, & sapientiæ Evangelicæ sale condiri, ne vel alieni mali contagio corrumpatur, vel suo corrumpat alios. Sed hæc connexio videtur valde remota & obscura. Itaque facilius & rectius dixerimus, proximæ sententiæ rationem dari: sal enim duplici valet qualitate, urendi seu mordendi, & conservandi. Utramque tribuit Christus igni gehennæ; ut sit instar salis corporibus impiorum, eos semper & cruciando & integros conservando, hoc sensu: \* *Omnis enim*, scilicet qui mittitur in gehennam, *igne salietur*, id est, igne quasi sale condietur, ut crucietur semper, & incorruptus maneat. Est enim locutio metaphorica, igne saliri, sicut & igne baptizari. \* *Et omnis victima sale salietur.* Vocula, &, sumitur pro, *sicut*, quod apud Hebræos in comparationibus frequens est, ut patet multis exemplis in lib. Proverb. Vide cap. 25. v. 3. 23. & 25. ut sit hic sensus: Impii instar victimæ, quæ divinæ justitiæ immolatur, igne condientur, quemadmodum juxta Legis præscriptum, omne sacrificium sale condiri debet. Cujus sententiæ & Legis occasione transit Christus ad admonitionem à fide petitam, tacitè explicans, cur sal victimis adhiberetur, eo quod videlicet nihil Deo placeat, nisi sapientiæ & prudentiæ sale condiantur. Itaque

49. Bonum est  
sal: quod si sal  
insillum fuerit,  
in quo illud con-  
dicitis? Habere  
in vobis sal, &  
pacem habete in-  
ter vos.

49. \* *Bonum est sal*, id est, utile, efficax, necessarium cibis condi-

diën-

diendis. \* *Quod si sal insulsum fuerit*, id est, si à nativo illo vigore desciscat, \* *in quo illud condietis?* id est, quo aliò remedio vim perditam ei restituetis? q. d. Fieri hoc non potest, sed potius quantò ante utilius erat, tantò postea sal insulsum est inutilius & magis noxium. Quà symbolica locutione tacitè significat, Apostolos ad hoc delectos esse, ut suâ sapientiâ velut sale condiant terræ, id est, terrenorum hominum, insipientiam, juxta illud Matth. *Vos estis sal terra*: proinde eis esse curandum, ne per cupiditates rerum terrenarum, sive pecuniæ, ut Judas, sive honoris, contendendo de primatu, insipidi fiant & insulsi: alioquin de eorum reparatione desperatum fore, per quos alii condiendi erant. Vide Matth. 5. v. 13. \* *Habete in vobis sal*, id est, sapientiam & prudentiam, cujus sal est symbolum. Unde Apostolus, *Sermo vester sit in gratia sale conditus*: nam Christus hîc à propria significatione salis ad impropriadelabitur. \* *Et pacem habete inter vos*, id est, concordiam, ne de primatu contententes salem istum Evangelicæ prudentiæ amittatis, sicut præcipuè honorum contentione, primatûsque studio amittitur. Videtur enim respicere ad v. 33. ubi à contentione Apostolorum totum hunc sermonem exorsus fuerat:

## CAPUT DECIMUM.

1. Et inde exurgens venit in fines Judææ ultra Jordanem: & conveniunt iterum turbæ ad eum, & sicut consueverat iterum docebat illos.

2. Et accedentes Pharisei interrogabant eum: Si licet viro uxorem dimittere: tentantes eum.

3. At ille respondens, dixit eis: Quid vobis præcepit Moyses?

4. Qui dixerunt: Moyses permisit libellum repudii scribere, & dimittere.

5. Quibus respondens Jesus, ait: Ad duritiam cordis vestri scripsit vobis præceptum istud.

6. ab initio autem creaturæ, masculum, & foeminam fecit eos Deus.

7. Propter hoc relinquet homo patrem suum & matrem, & adhærebit ad uxorem suam:

8. & erunt duo in carne una. Itaque jam non sunt duo, sed una caro.

9. Quod ergo Deus conjunxit, homo non separet.

10. Et in domo iterum discipuli ejus de eodem interrogaverunt eum.

11. Et ait illis: Quicumque dimiserit uxorem suam, & aliam duxerit, adulterium committit super eam.

12. Et si uxor dimiserit virum suum, & alii nupserit, moechatur.

13. Et offerebant illi parvulos ut tangeret illos. Discipuli autem comminabantur offerentibus.

14. Quos cum videret Jesus, indigne tulit, & ait illis: Sinite parvulos venire ad me, & ne prohibueritis eos: talium enim est regnum Dei.

15. Amen dico vobis: Quisquis non receperit regnum Dei velut parvulus, non intrabit in illud.

16. Et complexans eos, & imponens manus super illos, benedicebat eos.

17. Et cum egressus esset in viam, procurrens quidam genu flexo ante eum, rogabat eum: Magister bone, quid faciam ut vitam æternam percipiam?

18. Jesus autem dixit ei: Quid me dicis bonum? Nemo bonus, nisi unus Deus.

19. Præcepta nostrî: Ne adulteres, Ne occidas, Ne fureris, Ne falsum testimonium dixeris, Ne fraudem feceris, Honora patrem tuum & matrem.

20. At illi respondens, ait illi: Magister, hæc omnia observavi à juventute mea.

21. Jesus autem intuitus eum, dilexit eum, & dixit ei: Unum tibi deest: vade, quæcumque habes vende, & da pauperibus, & habebis thesaurum in cælo: & veni, sequere me.

22. Qui contristatus in verbo, abiit moerens: erat enim habens multas possessiones.

23. Et circumspiciens Jesus, ait discipulis suis: Quam difficile qui pecunias habent in regnum Dei introibunt.



24. Discipuli autem obstupesciebant in verbis ejus. At Jesus rursus respondens ait illis: Filioli, quam difficile est confidentes in pecuniis, in regnum Dei introire?
25. Facilius est, camelum per foramen acus transire quam divitem intrare in regnum Dei.
26. Qui magis admirabantur, dicentes ad semetipsos: Et quis potest salvus fieri?
27. Et intuens illos Jesus, ait: apud homines impossibile est, sed non apud Deum: omnia enim possibilia sunt apud Deum.
28. Et cœpit ei Petrus dicere: Ecce nos dimisimus omnia, & secuti sumus te.
29. Respondens Jesus ait: Amen dico vobis: Nemo est, qui reliquerit domum, aut fratres, aut sorores, aut patrem, aut matrem, aut filios, aut agros propter me, & propter Evangelium,
30. Qui non accipiat centies tantum, nunc in tempore hoc domos, & fratres, & sorores, & matres, & filios, & agros cum persecutionibus: & in sæculo futuro vitam æternam.
31. Multi autem erunt primi novissimi, & novissimi primi.

32. Erant autem in via ascendentes Jerosolymam: & præcedebat illos Jesus & stupebant: & sequentes timebant. Et assumens iterum duodecim, cœpit illis dicere quæ essent ei eventura.

33. Quia ecce ascendimus Jerosolymam, & Filius hominis tradetur principibus sacerdotum, & Scribis, & senioribus, & damnabunt eum morte, & tradent eum gentibus:

34. & illudent ei, & conspuent eum, & flagellabunt eum, & interficient eum: & tertia die resurget.

35. Et accedunt ad eum Jacobus & Joannes filii Zebedæi, dicen-

32. \* **E**T erant ascendentes Jerosolymam. Ascendere Hebræis nonnumquam videtur sumi pro simpliciter iter facere: quamquam hic sumi propriè possit, quia à Jordane, unde Christus veniebat, ut est versu 1. versus Jerosolymam, tamquam superiori loco sitam, ascende batur: unde Lucæ 10. v. 30. dicitur vice versâ, *homo quidam descendisse ab Jerusalem in Jericho*, quæ erat prope Jordanem. \* *Et præcedebat illos Jesus.* Cum alias sæpius solerent aliqui discipulorum præire vel dimitti, hæc præcedebat Jesus, ut ostenderet, sicut & Theophyl. notat, se volentem ad mortem, de qua statim sequitur, pro salute nostra properare, non invitum trahi. Discipuli enim videntur cum quadam trepitatione in Judæam tetendisse, propter decretum Judæorum de interficiendo Domino, de quo vide Joan 11. v. 8. & 16. Itaque ut animum eis addat, præbet se alacrem viæ ducem. Unde discipuli \* *stupebant*, consilium ejus, quod ita deliberato animo in manifestum vitæ periculum properaret: \* *& sequentes timebant*, id est, timidi sequebantur. Causam notat Beda, quod scilicet metuerent, ne vel ipsi simul cum eo periclitarentur, vel is, quem diligebant, inimicorum manibus occumberet. Ex reverentia tamen meritò laudanda eum deferere nolunt. Reliqua hujus cap. dicta sunt in cap. 19. & 20. Matthæi. Prætermisso autem undecimo cap. transeamus ad cap. duodecesimum.

tes: Magister, volumus, ut quodcumque petierimus, facias nobis.

36. At ille dixit eis: Quid vultis ut faciam vobis?

37. Et dixerunt: Da nobis, ut unus ad dexteram tuam, & alius ad sinistram tuam, sedeamus in gloria tua.

38. Jesus autem ait eis: Nescitis quid petatis: potestis bibere calicem, quem ego bibo; aut baptismo, quo ego baptizor, baptizari?

39. At illi dixerunt ei: Possumus. Jesus autem ait eis: Calicem quidem, quem ego bibo, bibetis, & baptismo, quo ego baptizor, baptizabimini:

40. Sedere autem ad dexteram meam, vel ad sinistram, non est meum dare vobis, sed quibus paratum est.

41. Et addientes decem, cœperunt indignari de Jacobo, & Joanne,

42. Jesus autem vocans eos, ait illis: Scitis quia hi, qui videntur principari gentibus, dominantur eis: & principes eorum potestatem habent ipsorum.

43. Non ita est autem in vobis, sed quicumque voluerit fieri major, erit vester minister:

44. & quicumque voluerit in vobis primus esse, erit omnium servus.

45. Nam & Filius hominis non venit ut ministraretur ei, sed ut ministraret, & daret animam suam redemptionem pro multis.

46. Et venit Jericho, & proficiente eo de Jericho, & discipulis ejus, & plurima multitudine, filius Timæi Bartimæus cæcus, sedebat juxta viam mendicans.

47. Qui cum audisset quia Jesus Nazarenus est, cœpit clamare, & dicere: Jesu fili David, miserere mei.

48. Et comminabantur ei multi ut taceret. At ille multo magis clamabat: Fili David miserere mei.

49. Et stans Iesus præcepit illum vocari. Et vocant cœcum dicentes ei: Animaquior esto: surge, vocat te.
50. Qui projecto vestimento suo exiliens, venit ad eum.
51. Et respondens Iesus dixit illi: Quid tibi vis faciam? Cœcus autem dixit ei: Rabboni, ut videam.
52. Iesus autem ait illi: Vade, fides tua te saluum fecit. Et confestim vidit, & lequebatur eum in via.

## CAPUT UNDECIMUM.

1. Et cùm appropinquarent Jerosolymæ & Bethaniæ ad Montem olivarium, mittit duos ex discipulis suis,
2. & ait illis: Ite in castellum quod contra vos est, & statim introeuntes illuc, invenietis pullum ligatum, super quem nemo adhuc hominum sedit: solvite illum, & adducite.
3. Et si quis vobis dixerit: Quid facitis? Dicitis, quia domino necessarius est: & continuo illum dimittet huc.
4. Et etquebatur pullum ligatum ante jannam foris in bivio: & solvunt eum.
5. Et quidam de illis stantibus dicebant illis: Quid facitis solventes pullum?
6. Qui dixerunt eis sicut præceperat illis Iesus, & dimiserunt eis.
7. Et duxerunt pullum ad Iesum: & imponunt illi vestimenta sua, & sedit super eum.
8. Multi autem vestimenta sua straverunt in via: alii autem frondes cædentes de arboribus, & sternebant in via.
9. Et qui praibant, & qui sequebantur, clamabant, dicentes: Hosanna: Hosanna:
10. Benedictus qui venit in nomine Domini: Benedictum quod venit regnum patris nostri David: Hosanna in excelsis.
11. Et introivit Jerosolymam in templum: & circumspexit omnibus, cùm jam vespera esset hora, exiit in Bethaniam cum duodecim.
12. Et alia die cum exirent à Bethania, esuriit.
13. Cùmque vidisset à longe ficum habentem folia, venit, si quid forte inveniret in ea, & cum venisset ad eam, nihil invenit præter folia: non enim erat tempus scorum.
14. Et respondens dixit ei: Jam non amplius in æternum ex te fructum quisquam manducet. Et audiebant discipuli ejus.
15. Et veniunt Jerosolymam. Et cum introisset in templum, cepit ejicere vendentes & ementes in templo: & mensas numulariorum, & cathedras vendentium columbas evertit.
16. Et non sinebat ut quisquam transferret vās per templum:
17. & docebat dicens eis: Nonne scriptum est: Quia domus mea, domus orationis vocabitur omnibus gentibus?
18. Vos autem fecistis eam speluncam latronum.
19. Quo audito, principes sacerdotum & Scribæ quærebant quomodo eum perderent: timebant enim eum, quoniam universa turba admirabatur super doctrinam ejus.
20. Et cùm vespera facta esset, egrediebatur de civitate.
21. Et cum mane transirent, viderunt ficum aridam factam à radicibus.
22. Et recordatus Petrus, dixit eis: Rabbi ecce ficus, cui maledixisti, aruit.
23. Amen dico vobis, quia quicumque dixerit huic monti: Tollere, & mittere in mare, & non hæsitaverit in corde suo, sed crediderit, quia quodcumque dixerit, fiat, fiet ei.
24. Propterea dico vobis, omnia quaecumque orantes petitis, credite quia accipietis, & evenient vobis.
25. Et cùm staretis ad orandum, dimitte si quid habetis adversus aliquem: ut & Pater vester qui in cælo est, dimittat vobis peccata vestra.
26. Quod si vos non dimiseritis, nec Pater vester, qui in cælis est, dimittet vobis peccata vestra.
27. Et veniunt rursus Jerosolymam. Et cum ambularet in templo, accedunt ad eum summi sacerdotes, & Scribæ, & Seniores:
28. Et dicunt ei: In qua potestate hæc facis? & quis dedit tibi hanc potestatem ut ista facias?
29. Iesus autem respondens, ait illis: Interrogabo vos & ego unum verbum & respondete mihi & dicam vobis in qua potestate hæc faciam.
30. Baptismus Joannis, de cælo erat, an ex hominibus? Respondete mihi,
31. At illi cogitabant secum, dicentes: si dixerimus, de cælo, dicet, Quare ergo non credidistis ei?
32. Si dixerimus, ex hominibus, timeamus populum. Omnes enim habebant Joannem quia vere Propheta esset.
33. Et respondentes dicunt Iesu: Nescimus. Et respondens Iesus ait illis: neque ego dico vobis, in qua potestate hæc faciam.

## CAPUT DUODECIMUM.

1. Et cœpit illis in parabolis loqui. Vineam plantavit homo, & circumdedit sepem, & fodit lacum, & ædificavit turrim, & locavit eam agricolis, & peregre profectus est.
2. Et misit ad agricolas in tempore servum: ut ab agricolis acciperet de fructu vineæ,
3. Qui apprehensum eum ceciderunt, & dimiserunt vacuum.
4. Et iterum misit ad illos alium servum: & illum in capite vulneraverunt, & contumeliis affecerunt.
5. Et rursus alium misit, & illum occiderunt: & plures alios: quosdam cædentes, alios vero occidentes.
6. Adhuc ergo unum habens filium charissimum: & illum misit ad eos novissimum, dicens: Quia reverentibus filium meum.



7. Coloni autem dixerunt ad idvicens: Hic est hares: venite, occidamus eum: & nostra erit hereditas.  
 8. Et apprehendentes eum, occiderunt: & ejecerunt extra vineam.  
 9. Quid ergo faciet Dominus vineæ? Veniet, & perdet colonos: & dabit vineam aliis.  
 10. Nec scripturam hanc legisistis: Lapidem quem reprobaverunt ædificantes, hic factus est in caput anguli:  
 11. A Domino factum est istud, & est mirabile in oculis nostris?  
 12. Et quærebant eum tenere: & immerunt turbam. Cognoverunt enim quoniam ad eos parabolam hanc dixerit. Et relicto eo abierunt.  
 13. Et mittunt ad eum quosdam ex Phariseis, & Herodianis, ut eum caperent in verbo.  
 14. Qui venientes dicunt ei: Magister, scimus quia verax es, & non curas quemquam: nec enim vides in faciem hominum, sed in veritate viam Dei doces. Licet dare tributum Cæsari, an non dabimus?  
 15. Qui sciens versutiam illorum, ait illis: Quid me tentatis? afferite mihi denarium ut videam.  
 16. At illi attulerunt ei. Et ait illis: Cujus est imago hæc, & inscriptio? Dicunt ei, Cæsaris.  
 17. Respondens autem Jesus dixit illis: Reddite igitur quæ sunt Cæsaris, Cæsari: & quæ sunt Dei, Deo. Et mirabantur super eo.  
 18. Et venerunt ad eum Sadducei, qui dicunt resurrectionem non esse: & interrogabant eum dicentes:  
 19. Magister, Moyses nobis scripsit, ut si cujus frater mortuus fuerit, & dimiserit uxorem, & filios non reliquerit, accipiat frater ejus uxorem ipsius, & resuscitet semen fratri suo.  
 20. Septem ergo fratres erant: & primus accepit uxorem, & mortuus est non relicto semine.  
 21. Et secundus accepit eam, & mortuus est: & nec iste reliquit semen. Et tertius similiter.  
 22. Et acceperunt eam similiter septem, & non reliquerunt semen. Novissima omnium defuncta est & mulier.  
 23. In resurrectione ergo cum resurrexerint, cujus de his erit uxor? Septem enim habuerunt eam uxorem.  
 24. Et respondens Jesus ait illis: Nonne ideo erratis, non scientes Scripturas, neque virtutem Dei?  
 25. Cum enim à mortuis resurrexerint, neque nubent, neque nubentur: sed sunt sicut angeli in cælis.  
 26. De mortuis autem quod resurgant, non legisistis in libro Moysi, super rubum quomodo dixerit illi Deus, in-  
 quiens:  
 27. Ego sum Deus Abraham, & Deus Isaac, & Deus Jacob? Non est Deus mortuorum, sed vivorum. Vos ergo multum erratis.  
 28. Et accessit unus de Scribis, qui audierat illos conquirentes & videns quoniam bene illis responderit, interro-  
 gavit eum quod esset primum omnium mandatum.  
 29. Jesus autem respondit ei: Quia primum omnium mandatum est: Audi Israël, Dominus Deus tuus, unus est:  
 30. & diliges Dominum Deum tuum ex toto corde tuo, & ex tota anima tua, & ex tota mente tua, & ex tota  
 virtute tua. Hoc est primum mandatum.  
 31. Secundum autem simile est illi: Diliges proximum tuum tanquam teipsum. Majus horum aliud mandatum  
 non est.  
 32. Et ait illi Scriba: Bene Magister, in veritate dixisti, quia unus est Deus, & non est alius præter eum.

33. Et ut dili-  
 gatur ex toto  
 corde, & ex toto  
 intellectu, & ex  
 tota anima, & ex  
 tota fortitudine:  
 & diligere proxi-  
 mum tanquam  
 seipsum, majus  
 est omnibus ho-  
 locaustomatibus  
 & sacrificiis.

33. \* **D**iligere proximum &c. majus est omnibus holocaustomatibus, id est, holocaustis, seu sacrificiis illis, in quibus tota vi-  
 ctima per ignem consumebatur Deo, \* & sacrificiis, reliquis scilicet,  
 in quibus pars Deo in altari adolebatur, pars cedebat Sacerdotibus vel  
 convivis. Cum igitur Pharisei magnum momentum ponerent in man-  
 dato de sacrificiis offerendis, quæ propterea scrupulosissimè in maxi-  
 mis periculis offerebant, ut ex Josepho patet, Scriba iste consentiens  
 sententiæ Christi, præfert dilectionem proximi omnibus mandatis,  
 maximè de sacrificiis, quamvis à multis plurimè fierent. Hinc & Osee  
 6. dicitur & Matth. 9. *Misericordiam volo, & non sacrificium*, hoc est,  
 plusquam sacrificium.

34. Jesus autem  
 videns quod sa-  
 pienter respon-  
 disse, dixit illi:  
 non es longè à  
 regno Dei Et ne-  
 mo jam audebat  
 eum interrogare.

34. \* **E**t dixit illi Jesus: Non es longè à regno Dei, id est, non longè,  
 quin in te regnet Deus, quia jam noverat omnium agendorum sum-  
 mam, dilectionem Dei & proximi, per quam Deus regnat in homi-  
 nibus, & vita æterna acquiritur. Neque à faciendo alienus videba-  
 tur. Sola fides in Christum deerat, ad quam eum tacitè invitat, dum  
 eum propè esse dicit, ita insinuando nondum pervenisse.

35. Et respondens Iesus dicebat, docens in templo: Quomodo dicunt Scribæ Christum filium esse David?  
 36. Ipse enim David dicit in Spiritu sancto: Dixit Dominus Domino meo, sède à dextris meis, donec ponam inimicos tuos scabellum pedum tuorum.  
 37. Ipse ergo David dicit eum Dominum, & unde est filius ejus? Et multa turba eum libenter audivit.  
 38. Et dicebat eis in doctrina sua: Cavete à Scribis, qui volunt in stolis ambulare, & salutare in foro,  
 39. & in primis cathedris sedere in synagogis, & primos discubitus in cœnis:  
 40. qui devorant domos viduarum sub obtentu prolixæ orationis: hi accipient prolixius judicium.

41. \* *Sedens contra gazophylacium*, id est, è regione. Vox *Gazophylacium* ex Persica & Græca voce composita est, quasi diceretur, gazæ custodiam, & significat locum, quo gazæ seu divitiæ custodiebantur. Duobus verò modis usurpari solet: primò pro loco vastiore, instar cubiculi, in quo servabantur divitiæ templi, sive pertinerent ad ornatum ejus, ut vasa, vestesque Sacerdotum &c. sive ad sustentationem ministrorum & pauperum, ut erant decimæ & primitiæ. Cujusmodi gazophylacia seu cubicula erant juxta templum, quæ Græci Interpretes vocare solent nunc *Gazophylacia*, nunc *Pastophoria*, Latinus etiam *Exedras*. Secundò usurpatur pro arca, in quam pecunia, sive debita, sive spontè oblata, per foramen mittebatur, qualem fieri jussit Joiada Pontifex 4. Reg. 11. v. 9. De tali hîc est sermo, & vocatur Matt. 27. v. 9. etiam *Corban*, quamvis illa vox ibi pro ipso thesauro sumi possit. Itaque \* *aspiciebat Iesus*, non curiositatis, sed doctrinæ captandæ causâ, \* *quomodo turba jactaret æs in gazophylacium*, id est, pecuniam in arcam seu in ærarium mitteret. Nam quia pecunia primum ex ære cudebatur apud Romanos, hinc postea, ex quocumque metallo fieret, æs dicebatur. \* *Et multi divites jactabant multa*. Erant enim Judæi in Templum liberalissimi, quemadmodum constat ex immensis illis spoliis, quæ Crassus in Parthos expeditionem parans inde abstulit, ut testis est Josephus l. 14 antiq. c. 12.

41. Et sedens Iesus contra gazophylacium, aspiciebat quomodo turba jactaret æs in gazophylacium, & multi divites jactabant multa.

42. \* *Cum venisset autem vidua una pauper, misit duo minuta*, id est, duos munitissimos nummulos æreos, \* *quod est quadrans*, id est, quæ duo minuta simul conficiunt unum quadrantem; ita videlicet ut unumquodque minutum esset octans seu octava pars assis ærei: unde Syrus exprimit, *quæ sunt octava*. Nam duæ octavæ faciunt unam quartam seu quadrantem. Quadrans itaque tamquam quarta pars assis, continentis duodecim uncias, vocabatur alio nomine Teruntius, quasi tres continens uncias. Et hoc quantum ad rationem nominis. Nam As seu Assis postea commoditatis causâ non appendi, sed designari cœpit, & valebat, ut authores volunt, duodecimam partem denarii minoris, seu Regalis Hispanici, hoc est, circiter dimidium stuferum nostratem, cujus proinde quadrans esset noster novenarius. Sed in re nummaria antiquorum magna incertitudo est. Christus igitur explicans, quomodo eleëmofynæ offerentium à Deo penderentur,

42. Cum venisset autem vidua una pauper, misit duo minuta, quod est quadrans,



43. & convocans discipulos suos, ait illis: Amen dico vobis, quoniam vidua hæc pauper plus omnibus misit, qui miserunt in gazophylacium.

44. Omnes enim ex eo, quod abundabat illis, miserunt, hæc vero de penuria sua omnia quæ habuit misit totum victum suum.

43. \* *Convocans discipulos*, tamquam rem magnam & paradoxam docturus, ait: \* *Vidua hæc pauper plus omnibus misit*, etiam divitibus, multa & magna conferentibus, sed iudicio Dei, non hominum. Hoc autem, quia verum esse non potest secundum rem, & absolutè, plus enim divites miserant, idè debet intelligi secundum proportionem, ac tribus modis verum est, qui in textu tanguntur. Primò, quia divites

44. \* *Ex eo, quod abundabat illis, miserunt*, id est, ex eo, quod superfluum erat rebus ad victum necessariis: \* *hæc vero de penuria sua*, id est, ex eo, quod habebat quidem, sed vix ad vitam sustentandam sufficiebat. Nam *Penuria* non significat hic id, quo carebat vidua, juxta vim vocis, sed id quod parcissimè suppetebat, quia opponitur abundantiae. Secundò, quia divites miserunt, \* *ex eo, quod abundabat illis*, id est, partem ejus, quod superfluum erat, plura sibi inde reservantes: illa verò \* *omnia quæ habuit*, nihil sibi reservando; quod ut clariùs intelligeretur, addit, \* *totum victum suum*; quo ad victitandum indigebat. Tertio, quod sequitur ex præcedentibus, quia plus misit, quantum ad effectum; nisi enim animus fuisset liberalissimus ac devotissimus Deo, non obtulisset Deo totum simul victum suum. Non ergo reprehendit hic propriè divites, quasi vel avaros vel illiberales, sed tantum docet à vidua fuisse superatos, quantum ad facultates proportionem personæ, & quantum ad affectum animi, idque ad consolandum penuriam pauperum, & compescendam divitum insolentiam, ne munuscula tenuiorum despiciant, quia, ut Apostolus 2. ad Cor. 8. v. 12. *Si voluntas precepta est, secundum id, quod habet, accepta est, non secundum id, quod non habet*. Affectus enim pretium rebus imponit, ut loquitur Ambr. lib. 1. Offic. c. 3.

## CAPUT DECIMUMTERTIUM.

1. Et cum egrederetur de templo, ait illi unus ex discipulis suis: Magister, aspice quales lapides & quales structurae.
2. Et respondens Jesus, ait illi: Vides has omnes magnas adificationes? Non relinquetur lapis super lapidem, qui non destruat.
3. Et cum federet in Monte olivarum contra templum, interrogabant eum separatim Petrus, & Jacobus, & Joannes, & Andreas:
4. Dic nobis, quando ista fient? & quod signum erit quando hæc omnia incipient consummari?
5. Et respondens Jesus coepit dicere illis: Videte ne quis vos seducat:
6. Multi enim venient in nomine meo dicentes, quia ego sum: & multos seducunt.
7. Cum audieritis autem bella, & opinionibus bellorum, ne timeritis: oportet enim hæc fieri: sed nondum finis.
8. Exurget enim gens contra gentem, & regnum super regnum, & erunt terræ motus per loca, & fames. Initium dolorum hæc.
9. Videte autem vosmetipsos. Tradent enim vos in conciliis, & in synagogis vapulabitis, & ante præfides & reges stabitis propter me, in testimonium illis.
10. Et in omnes gentes primum oportet prædicari Evangelium.
11. Et cum duxerint vos tradentes, nolite præcogitare quid loquamini, sed quod datum vobis fuerit in illa hora, id loquimini. Non enim vos estis loquentes, sed Spiritus sanctus.
12. Tradet autem frater fratrem in mortem, & pater filium: & consurgent filii in parentes, & morte afficient eos.
13. Et eritis odio omnibus propter nomen meum. Qui autem sustinerit in finem, hic salvus erit.
14. Cum autem videritis abominationem desolationis, stantem ubi non debet, qui legit, intelligat: tunc qui in Judæa sunt, fugiant in montes:
15. & qui super tectum, ne descendat in domum, nec introeat ut tollat quid de domo sua:

16. & qui in agro erit, non revertatur retro tollere vestimentum suum.

17. Væ autem prægnantibus & nutrientibus in illis diebus.

18. Orate vero ut hieme non fiant.

19. Erunt enim dies illi tribulationes tales quales non fuerunt ab initio creaturæ, quam condidit Deus, usque æque fient.

20. Et nisi breviasset Dominus dies, non fuisset salva omnis caro: sed propter electos, quos elegit, brevavi dies.

21. Et tunc si quis vobis dixerit: Ecce hic est Christus, ecce illic, ne credideritis.

22. Exurgent enim pseudochristi, & pseudoprophetæ, & dabunt signa & portenta ad seducendos, si fieri potest, etiam electos.

23. Vos ergo videte: ecce prædixi vobis omnia.

24. Sed in illis diebus post tribulationem illam, sol contenebrabitur, & luna non dabit splendorem suum:

25. Et stellæ cæli erunt decedentes, & virtutes, quæ in cælis sunt, movebuntur.

26. Et tunc videbunt filium hominis venientem in nubibus cum virtute multa, & gloria.

27. Et tunc mittet angelos suos, & congregabit electos suos à quatuor ventis, à summo terræ, usque ad summum cæli.

28. A ficu autem discite parabolam. Cum jam ramus ejus tener fuerit, & nata fuerint folia, cognoscitis quia in proximo sit æstas:

29. sic & vos cum videritis hæc fieri, scitote quod in proximo sit in õstis.

30. Amen dico vobis, quoniam non transibit generatio hæc, donec omnia ista fiant.

31. Cælum & terra transibunt, verba autem mea non transibunt.

32. De die autem illa vel hora nemo scit, neque Angeli in cælo, neque Filius, nisi Pater.

33. Videte, vigilate, & orate: nescitis enim quando tempus sit.

34. \* **S**icut homo, qui peregrè profectus, supple, sic agetur in Ecclesia mea, seu in regno Dei sicut cum paterfamilias peregrè proficiscitur, qui tamen dederit \* *servis suis potestatem cujusque operis*, id est, qui officia familiæ distribuit, unicuique suum assignans opus & functionem. Tacitè indicat, se per hominem illum significari, qui victor ascendens in cælum, Ecclesiam suam reliquerit corporaliter, in qua tamen omnium gerendorum autoritatem servis dederit, suum cuique partitus officium, quantumcumque vile & abjectum, juxta illud Apostoli ad Ephes. *Dedit quosdam Apostolos, quosdam autem Prophetas &c.* Peculiariter autem \* *janitori præcepit, ut vigilet*, id vigilanter totius domus omniumque servorum curam gerat, ne vel domestici segnescant, vel hostes intrent, vel fures omnia diripiant. Per hunc janitorem totius domus præfectum intelligit, qui præcipuè omnium vigilare jussus est, ne vel domestici, hoc est, Episcopi, & cæteri in aliquo officio constituti, muneri suo desint, vel hæretici Ecclesiam vastent. Simile est illud præceptum Pauli, Act. 20. v. 28. *Attendite vobis & universo gregi &c. propter quod vigilate &c.* Subaudiendum autem relinquit Christus, ex versu sequenti quòd certum tempus reditûs non indicaverit, ut ita semper suspensi vigilarent. Unde parabolam applicando subjungit.

34. Sicut homo, qui peregrè profectus reliquit domum suam, & dedit servis suis potestatem cujusque operis, & janitori præcepit ut vigilet.

35. \* *Vigilate ergo*, quemadmodum videlicet illi servi patrisfamilias semper vigilarent, si rebus suis bene prospectum vellent. \* *Nescitis enim, quando Dominus domus veniat*, quando scilicet ego ipse Dominus Ecclesiæ meæ rediturus sim ad judicandum, \* *serò*, id est, vesperi, \* *an mediâ nocte, an galli cantu*, quando scilicet maximè omnium canit, ut fieri solet nonnihil ante lucem; quod tempus vocari

35. Vigilate ergo, (nescitis enim quando Dominus domus veniat; serò an mediâ nocte, an galli cantu, an mane)



solet gallicinium : \* *an mane*, id est, diluculo seu illucescente jam die. Quatuor istas noctis partes posuit potius quam dici, tum quia magis ad metaphoram vigilandi quadrant; tum etiam ad rem significatam, quia totum præsens sæculum est quasi nox comparatione diei futuræ æternitatis. Significant autem, juxta Theophyl. & omnes ferè Græcos, quatuor ætatis differentias, sub quibus tamen omnia etiam singularum ætatum momenta comprehenduntur, vespere senectutem, media nox ætatem virilem, gallicinium adolescentiam, quasi ratione jam excitante hominem à somno & stupore, mane pueritiam. Ita omnibus incutit sollicitudinem, quia omnibus hora Domini venturi, id est, mortis, incerta est.

36. Ne cum venerit repente, inveniat vos dormientes.

36. \* *Ne cum venerit repente*, scilicet præter expectationem, \* *inveniat vos dormientes*, id est, imparatos, dum intermissis Christianæ professionis officiis, otio, luxui, sæcularibus curis vacatis. Ne quis verò existimaret hoc, tamquam Apostolis & Ecclesiæ janitoribus dictum, nihil ad se pertinere, epiphonemate ad universum humanum genus directo adjicit.

37. Quod autem vobis dico, omnibus dico. Vigilare.

37. \* *Quod vobis dico, omnibus dico*, seu dictum volo, sive verbo sive scripto, ut scilicet commune omnium præceptum novissimi per primos audiant : \* *Vigilate*, scilicet ne adventus meus vos inveniat dormientes. Sub adventu autem Domini tempus uniuscujusque mortis intelligit, quia ut Aug. epist. 80. docet, tunc unicuique veniet dies ille, cum venerit dies, ut talis hinc exeat, qualis judicandus est illo die. Imperatum autem inveniet, inquit, ille dies, quem imperatum invenerit suæ hujus vitæ ultimus dies.

## CAPUT DECIMUMQUARTUM.

1. Erat autem Pascha & Azyma post biduum : & quærebant summi sacerdotes, & Scribæ, quomodo eum dolo tenerent, & occiderent.

2. Dicebant autem : Non in die festo, ne fortè tumultus fieret in populo.

3. Et cum esset Bethania in domo Simonis leprosi, & recumberet : venit mulier habens alabastrum unguenti nardi spicati pretiosi, & fracto alabastro, effudit super caput ejus.

4. Erant autem quidam indigne ferentes intra semetipsos & dicentes : Ut quid perditio ista unguenti facta est ?

5. Poterat enim unguentum istud venumdari plus quam trecentis denariis, & dari pauperibus. Et fremebant in eam.

6. Jesus autem dixit : Sinite eam, quid illi molesti estis ? Bonum opus operata est in me.

7. Semper enim pauperes habetis vobiscum, & cum volueritis, potestis illis benefacere : me autem non semper habetis.

8. Quod habuit hæc, fecit : prævenit ungere corpus meum in sepulturam.

9. Amen dico vobis : Ubicumque prædicatum fuerit Evangelium istud in universo mundo, & quod fecit hæc, narrabitur in memoriam ejus.

10. Et Judas Iscariotes unus de duodecim, abiit ad summos sacerdotes, ut proderet eum illis.

11. Qui audientes gavisi sunt : & promiserunt ei pecuniam se daturos. Et quærebat quomodo illum opportune traderet.

12. Et primo die azymorum quando Pascha immolabant, dicunt ei discipuli : Quo vis eamus, & paremus tibi ut manduces Pascha ?

13. Et mittit duos ex discipulis suis, & dicit eis : Ite in civitatem, & occurret vobis homo lagenam aquæ bajulans : sequimini eum :

14. \* **U**bi est refectio mea, id est, locus refectiois, Græcè *κατάλοιμα*, *diversorium*, sicut vertitur apud Lucam, ubi scilicet possum cum discipulis \* *Pascha*, seu agnum Paschalem comedere.

15. \* *Et ipse vobis demonstrabit cœnaculum.* Græca vox *ἀνέγειν* significat partem ædium, non infirmam, sed eminentem supra solum: unde apud Originem vocatur locus in superioribus, ubi veteres cœnare solebant; ideoque hîc simpliciter vertitur, \* *cœnaculum grande*, id est, amplum, ut commodè tot discipulis posset sufficere, \* *stratum*, id est, omni supellectile necessariâ instructum, quamvis propriè vox Græca *ἐξοπλισμένον* significet ornatum, id est, stratum stragulis seu tapetibus; additur Græcè *ἐτοιμὸν*, *paratum*, id est, idoneè instructum ad cœnam agni Paschalis. Ex quo colligitur, non fuisse vulgarem hominem, cui superesset ultra privatum suæ familiæ usum tale cœnaculum: quod putatur postea in Apostolorum Ecclesiam conversum, ubi & Spiritum Sanctum in Pentecoste acceperint.

14. Et quocumque introierit, dicite Domino domus, quia magister dicit: Ubi est refectio mea, ubi Pascha cum discipulis meis manducem?

15. Et ipse vobis demonstrabit cœnaculum grande, stratum: & illic parate nobis.

16. Et abierunt discipuli ejus, & venerunt in civitatem: & invenerunt sicut dixerat illis, & paraverunt Pascha.

17. Vespere autem facto, venit cum duodecim.

18. Et discumbentibus eis, & manducantibus, ait Jesus: Amen dico vobis, quia unus ex vobis tradet me, qui manducat mecum.

19. At illi cœperunt contristari, & dicere ei singulatim: Numquid ego?

20. Qui ait illis: Unus ex duodecim, qui intingit mecum manum in catino.

21. Et filius quidem hominis vadit, sicut scriptum est de eo: vix autem homini illi, per quem filius hominis tradetur. Bonum erat ei, si non esset natus homo ille.

22. Et manducantibus illis, accepit Jesus panem: & benedicens fregit, & dedit eis, & ait: Sumite, Hoc est corpus meum.

23. Et accepto calice, gratias agens dedit eis: & biberunt ex illo omnes.

24. Et ait illis: Hic est sanguis meus novi testamenti, qui pro multis effundetur.

25. Amen dico vobis, quia jam non bibam de hoc genimine vitis, usque in diem illum, cum illud bibam novum in regno Dei.

26. Et hymno dicto exierunt in montem Olivarum.

27. Et ait eis Jesus: Omnes scandalizabimini in nocte ista: quia scriptum est: Percutiam pastorem, & dispergentur oves.

28. Sed postquam resurrexero, præcedam vos in Galilæam.

29. Petrus autem ait illi: Et si omnes scandalizati fuerint in te, sed non ego.

30. Et ait illi Jesus: Amen dico tibi, quia tu hodie in nocte hac, priusquam gallus vocem bis dederit, ter me es negaturus.

31. At ille amplius loquebatur: Et si oportuerit me simul commori tibi, non te negabo. Similiter autem & omnes dicebant.

32. Et veniunt in prædium, cui nomen Gethsemani. Et ait discipulis suis: Sedete hîc donec orem.

33. Et assumpsit Petrum, & Jacobum, & Joannem secum: & cœpit pavere, & cadere.

34. Et ait illis: Tristis est anima mea usque ad mortem: sustinete hîc, & vigilate.

35. Et cum processisset paululum, procidit super terram: & orabat, ut si fieri posset, transfret ab eo hora:

36. Et dixit: Abba pater, omnia tibi possibilia sunt, transfer calicem hunc à me, sed non quod ego volo, sed quod tu.

37. Et venit, & invenit eos dormientes. Et ait Petro: Simon, dormis? non potuisti una hora vigilare?

38. Vigilate, & orate ut non intretis in tentationem. Spiritus quidem promptus est, caro verò infirma.

39. Et iterum abiens oravit, eundem sermonem dicens.

40. Et reversus, denuo invenit eos dormientes, (erant enim oculi eorum gravati) & ignorabant quid responderent ei.

41. Et venit tertio, & ait illis: Dormite jam, & requiescite. Sufficit: venit hora: ecce Filius hominis tradetur in manus peccatorum.

42. Surgite, eamus: ecce qui me tradet, prope est.

43. Et adhuc eo loquente, venit Judas Iscariotes unus de duodecim, & cum eo turba multa, cum gladiis & lignis, à summis Sacerdotibus, & Scribis, & senioribus.

44. Dederat autem traditor ejus signū eis, dicens: Quemcumque osculatus fuero, ipse est, tenete eum, & ducite eum.

45. Et cum venisset, statim accedens ad eum, ait: Ave Rabbi: & osculatus est eum.

46. At illi manus injecerunt in eum, & tenuerunt eum.



47. Unus autem quidam de circumstantibus educens gladium, percussit servum summi sacerdotis: & amputavit illi auriculam.

48. Et respondens Iesus, ait illis: Tamquam ad latronem existis cum gladiis & lignis comprehendere me?

49. Quotidie eram apud vos in templo docens, & non me tenuistis. Sed ut impleantur Scripturæ.

50. Tunc discipuli ejus relinquentes eum, omnes fugerunt.

51. Adolescens

autem quidam

sequebatur eum

amictus sindone

super nudo: & te-

nuerunt eum.

51. \* *Adolescens autem quidam*, Græcè *νεανίσκος*, *adolescensculus*. Putat hunc Epiph. Hæresi 78. num. 13. fuisse Jacobum, fratrem Domini, eo argumento, quod solo lineo palliolo totâ vitâ uteretur; quam opinionem & Theophyl. refert. Greg. l. 14. Moral. c. 23. sentit fuisse Joannem Evangelistam; sed neuter erat adolescensculus, ut ex ætate, quâ uterque mortuus est, faciliè probari potest, & quia hic adolescens sequens Jesum opponitur omnibus discipulis fugientibus. Denique modus vestiendi videtur prorsus repugnare: erat enim \* *amictus sindone super nudo*, id est, solo panno lineo, super nudum corpus injecto; qui videtur vestitus hominis non ordinarius seu fortuitus, arripientis scilicet obvium quidlibet, ne mora in vestiendo neceretur. Unde quamvis Theophyl. putat eum fuisse à domo, ubi Pascha comederant: credibilius est tamen, fuisse quempiam ex villa proxima Gethsemani, qui tumultu excitatus è lecto profluerit, studio discendi quid ageretur. Eum autem favisse Christo, videtur ex eo colligi, quod secutus dicitur non milites, sed Jesum. \* *Et tenuerunt eum*, id est, tenere conati sunt, apprensâ veste. Græcè legitur, *καὶ κρατῶσιν αὐτὸν ὁ νεανίσκος*, *adolescensculus tenuerunt eum*, ut significetur pedisse quos adolescensculos in adolescentem irruisse petulantia vel sævitia causâ.

52. At ille rejecta sindone, nudus profugit ab eis.

53. Et adduxerunt Jesum ad summum sacerdotem: & convenerunt omnes sacerdotes, & Scribæ, & seniores.

54. Petrus autem à longe idutus est eum, usque intro in atrium summi sacerdotis: & sedebat cum ministris ad ignem, & calefaciebat se.

55. Summi verò sacerdotes, & omne concilium, quærebant adversus Jesum testimonium, ut eum morti traderent, nec inveniebant.

56. Multi enim testimonium falsum dicebant adversus eum: & convenientia testimonia non erant.

57. Et quidam surgentes, falsum testimonium ferebant adversus eum, dicentes:

58. Quoniam nos audivimus eum dicentem: Ego dissolvam templum hoc manu factum, & per triduum aliud non manu factum ædificabo.

59. Et non erat conveniens testimonium illorum.

60. Et exurgens summus sacerdos in medium, interrogavit Jesum, dicens: Non respondes quidquam ad ea, quæ tibi obijciuntur ab his?

61. Ille autem tacebat, & nihil respondit. Rursum summus sacerdos interrogabat eum, & dixit ei: Tu es Christus, Filius Dei benedicti?

62. Iesus autem dixit illi: Ego sum: & videbitis Filium hominis sedentem à dextris virtutis Dei, & venientem cum nubibus cæli.

63. Summus autem sacerdos scindens vestimenta sua, ait: Quid adhuc desideramus testes?

64. Audistis blasphemiam: quid vobis videtur? Qui omnes condemnaverunt eum esse reum mortis.

65. Et ceperunt quidam conspuere eum, & velare faciem ejus, & colaphis eum cadere, & dicere ei: Prophetiza: & ministri alapis eum cadebant.

66. Et cum esset Petrus in atrio deorsum, venit una ex ancillis summi sacerdotis:
67. Et cum vidisset Petrum calefacientem se, aspiciens illum, ait: Et tu cum Jesu Nazareno eras.
68. At ille negavit, dicens: Neque scio, neque novi quid dicas. Et exiit foras ante atrium, & gallus cantavit.
69. Rursus autem cum vidisset illum ancilla, coepit dicere circumstantibus: Quia hic ex illis est.
70. At ille iterum negavit. Et post pusillum rursus qui astabant, dicebant Petro: Verè ex illis es, nam & Galilæus es.
71. Ille autem coepit anathematizare, & jurare: Quia nescio hominem istum, quem dicitis.
72. Et statim gallus iterum cantavit. Et recordatus est Petrus verbi, quod dixerat ei Jesus: Prius quàm gallus caneret tibi, ter me negabis. Et coepit flere.

## CAPUT DECIMUMQUINTUM.

1. Et confestim mane consilium facientes summi sacerdotes, cum senioribus, & Scribis, & universo concilio, vincientes Jesum, duxerunt, & tradiderunt Pilato.
2. Et interrogavit eum Pilatus: Tu es Rex Judæorum? At ille respondens, ait illi: Tu dicis.
3. Et accusabant eum summi sacerdotes in multis.
4. Pilatus autem rursus interrogavit eum, dicens: Non respondes quidquam? vide in quantis te accusant.
5. Jesus autem amplius nihil respondit, ita ut miraretur Pilatus.
6. Per diem autem festum solebat dimittere illis unum ex vincitis, quemcumque petissent.
7. Erat autem qui dicebatur Barabbas, qui cum seditiosis erat vincitus, qui in seditione fecerat homicidium.
8. Et cum ascendisset turba, coepit rogare, sicut semper faciebat illis.
9. Pilatus autem respondit eis, & dixit: Vultis dimittam vobis regem Judæorum?
10. Sciebat enim quod per invidiam tradidissent eum summi sacerdotes.
11. Pontifices autem concitaverunt turbam, ut magis Barabbam dimitteret eis.
12. Pilatus autem iterum respondens, ait illis: Quid ergo vultis faciam regi Judæorum?
13. At illi iterum clamaverunt: Crucifige eum.
14. Pilatus verò dicebat illis: Quid enim mali fecit? At illi magis clamabant: Crucifige eum.
15. Pilatus autem volens populo satisfacere, dimisit illis Barabbam, & tradidit Jesum flagellus cæsum, ut crucifigeretur.
16. Milites autem duxerunt eum in atrium prætorii, & convocant totam cohortem.
17. Et induunt eum purpura, & imponunt ei plectentes spineam coronam.
18. Et ceperunt salutare eum: Ave Rex Judæorum.
19. Et percutiebant caput ejus arundine: & conspuebant eum, & ponentes genua, adorabant eum.
20. Et postquam illuserunt ei, exserunt illum purpura, & induerunt eum vestimentis suis: & educunt illum ut crucifigerent eum.
21. Et angariaverunt prætereuntem quempiam Simonem Cyrenæum, venientem de villa, patrem Alexandri & Rufi, ut tolleret crucem ejus.
22. Et perducunt illum in Golgotha locum: quod est interpretatum Calvaria locus.
23. Et dabant ei bibere myrrhatum vinum: & non accepit.
24. Et crucifigentes eum, diviserunt vestimenta ejus, mittentes sortem super eis, quis quid tolleret.

25. \* **E**rat autem hora tertia, & crucifixerunt eum, id est, quando

crucifixerunt eum: quod videtur repugnare Joanni, qui c. 19. v. 14. dicit, quod horâ quasi sextâ Pilatus Christum Judæis ostenderit, ut crucifigendus traderetur. Quæ difficultas varias solutiones excogitare fecit. Novator quidam exsculpfit sensum quemdam ex Arabica versione, in qua legitur: *Et illud in tertia hora, cum crucifixus esset.* Ut scilicet hoc referatur ad versum præcedentem, & significetur, partitionem vestium Christi contigisse tertiâ horâ post crucifixionem. Sed Græcus & Latinus Interpres non patiuntur. August. igitur lib. 3. de consensu cap. 13. docet Marcum loqui de tempore, quo Dominum Judæi crucifixerunt, linguâ clamando, *crucifige*: Theophyl. de tempore, quo Pilatus eum per sententiam crucifixit, addit & aliam explicationem, quæ Dionysio Petavio, & aliis quibusdam recentioribus placuit, quod locus apud Joannem sit corruptus,

25. Erat autem hora tertia: & crucifixerunt eum.

26. Et erat titulus causæ ejus inscriptus: Rex Judæorum.

27. Et cum eo crucifigunt duos latrones: unum à dextris, & alium à sinistris ejus.

28. Et implera est scriptura, quæ dicit: Et cum iniquis reputatus esset.

29. Et prætereuntes blasphemabant eum, moventes capita sua, & dicentes: Vah qui destruis templum Dei, &



in tribus diebus  
redificas :

30. Saluum fac  
templum des-  
cendens de cruce.

31. Similiter &  
summitates  
illudentes, ad al-  
terum cum

Scribis dicebant :  
alios saluos fecit,  
seipsum non po-  
test saluum facere.

32. Christus Rex  
Israël descendit  
nunc de cruce, ut

videamus & cre-  
damus. Et qui  
cum eo crucifixi  
erant, convitia-  
bantur ei.

33. Et facta hora  
sexta, tenebræ fa-  
ctæ sunt per to-  
tam terram usque  
in horam nonam.

34. Et hora nona  
exclamavit Iesus  
voce magna di-  
cens : Eloi, eloi,

lamma sabba-  
thani ? quod est  
interpretatum :

Deus meus, Deus  
meus, ut quid de-  
reliquisti me ?

35. Et quidam  
de circumstanti-  
bus audientes,  
dicebant : Ecce Eliam vocat.

36. Currrens autem unus, & implens spongiam aceto, circumponensque calamo, potum dabat ei, dicens : Sinite, videamus si veniat Elias ad deponendum eum.

37. Iesus autem emissâ voce magna, expiravit.

38. Et velum templi scissum est in duo, à summo usque deorsum.

39. Videns autem Centurio, qui ex adverso stabat, quia sic clamans expirasset, ait : Verè hic homo Filius Dei erat.

40. Erant autem & mulieres de longè aspicientes inter quas erat Maria Magdalene, & Maria Jacobi minoris & Jo-  
seph mater, & Salome :

41. Et cum esset in Galilæa, sequebantur eum, & ministrabant ei, & aliæ multæ, quæ simul cum eo ascenderant Ierosolymam.

42. Et cum jam sero esset factum, (quia erat parasceve, quod est ante sabbatum.)

43. Venit Ioseph ab Arimathæa nobilis decurio, qui & ipse erat expectans regnum Dei, & audacter introivit ad Pi-  
latum, & petiit corpus Jesu.

44. Pilatus autem mirabatur si jam obiisset. Et accersito centurione, interrogavit eum si jam mortuus esset.

45. Et cum cognovisset à centurione, donavit corpus Ioseph.

46. Ioseph autem mercatus sindonem, & deponens eum involvit sindone, & posuit eum in monumento, quod erat excisum de petra, & advolvit lapidem ad ostium monumenti.

47. Maria autem Magdalene, & Maria Ioseph aspiciebant ubi poneretur.

## CAPUT DECIMUMSEXTUM.

1. Et cum transisset sabbatum, Maria Magdalene, & Maria Jacobi, & Salome emerunt aromata ut venientes ungerent Iesum.

2. Et

2. Et valde manè una sabbatorum, veniunt ad monumentum, orto jam sole.
3. Et dicebant ad invicem: quis revolvat nobis lapidem ab ostio monumenti?
4. Et respicientes viderunt revolutum lapidem. Erat quippe magnus valde.
5. Et introeuntes in monumentum viderunt juvenem sedentem in dextris, coopertum stola candida, & obstupuerunt.
6. Cui dicit illis: Nolite expavescere, Jesum quaeritis Nazarenum crucifixum: surrexit, non est hic, ecce locus ubi posuerunt eum.
7. Sed ite, dicite discipulis ejus, & Petro, quia praecedit vos in Galilaeam: ibi eum videbitis, sicut dixit vobis.
8. At illae exeuntes fugerunt de monumento: invaserat enim eas tremor & pavor, & nemini quidquam dixerunt: timebant enim.

9. \* *Surgens autem mane prima sabbathi, apparuit primo Maria Magdalene.* Hieron. epist. 150. ad Hedibiam quaest. 3, dicit ferè in omnibus Græciæ libris istud capitulum ab hoc loco non haberi; eo quod cæteris Evangelistis contrarium videatur. Sed Irenæus lib. 3. cap. 11. finem istum Evangelii Marci expressè ponit, quem nos habemus, neque jam ulla dubitandi ratio superest. Notat autem idem Hieron. itemque Theophyl. ponendam esse distinctionem post, *surgens autem*, sive, ut Græcus legit, *Cum surrexisset*: & istud, *mane prima sabbathi* jungendum esse cum verbis sequentibus, *apparuit primò Mariæ Magdalene*; idque quia putant tempus Dominicæ resurrectionis incertum esse. Sed nihil vetat, quin sublatâ distinctione jungantur, & quidem multò suavius, hoc modo: *Surgens mane primâ sabbathi*: ut sensus sit, Christum ipso diluculo surrexisse *primâ sabbathi*, id est, die Dominicâ, & ita citra omnem ambiguitatem expressit Syrus. Apparuit autem primò Mariæ Magdalene, nempe inter discipulos Domini, & apparitione ad veritatem resurrectionis persuadendam ordinatâ: ita ut nihil vetent hæc verba, quin antea apparuerit beatissimæ Matri suæ. \* *De qua eiecerat septem demonia.* Idem dicitur Luc. 8. v. 2. ideoque videtur litteraliter intelligendum, quod à septem spiritibus immundis corporaliter eam possidentibus, liberata fuerit: sicut intelligit Ambros. lib. de Salomone c. 5. Maldonatus & alii: quamvis Gregorius, Beda, Theophylactus & alii intelligant vitia septem vel plura capitalia, numerum certum pro incerto poni volentes. Sed circumstantia loci apud Lucam, & miraculorum corporalium, de quibus agit, omnino suadet sensum illum, quem primò dedimus, & hic verbum, *ejiciendum*, hoc videtur postulare. Expressit hoc Evangelista non distinctionis causâ, quasi fuisset & alia Maria Magdalena, sed ut ita patèret ibi superabundasse gratiam, ubi peccatum abundaverat, & ut sexus femineus primò videret vitam, quæ mortem primò gustaverat.

12. \* *Post hac, eadem videlicet die sub vespera, & duobus ex his.* Nomen alterius expressit Lucas c. 24. vocando eum Cleophas, nam ab illo latius ista historia narratur: \* *Ostenusus est in alia effigie, non*

5. *Surgens autem manè, prima sabbathi, apparuit primò Mariæ Magdalene*, de qua eiecerat septem demonia.

10. Illa vadens nuntiavit his, qui cum eo fuerant, lugentibus & stentibus.

11. Et illi audientes quia videret, & visus esset ab ea, non crediderunt.

12. Post hæc autem duobus ex his ambulantibus ostensus est in alia effigie, eun-  
revera  
tibus in villam:



revera alia, sed prout ipsis videbatur. Effigies enim semper mansit eadem, sed non secundum omnes colores, figuram, lineamenta, gestus, aliasque corporis proprietates, oculos videntium immutabat, neque plenè repræsentabatur eis, & idcirco videbatur alia. Idem iudicium de voce. Unde Lucas notanter dicit, *quod eorum oculi tenebantur, ne eum agnoscerent*. Non enim aliter, quàm erat, sed sicut erat, apparuit eis, quorum oculi tenebantur, ne agnoscerent eum, inquit Aug. l. 3. de consensu c. 25. cuiusmodi aliquid vel caligine vel humore oculis offuso effici posse ibidem docet. \* *Euntibus in villam*: nomen expressit Lucas *Emaus*, quo non villa, sed pagus vocabatur. Villam autem fuisse Cleophæ, tradit Hieron. Epitaphio Paulæ epist. 27.

13. Et illi euntes  
nuntiaverunt cæ-  
teris: nec illis cre-  
diderunt.

13. \* *Et illi euntes nuntiaverunt cæteris*. Quo tacitè intelligendum relinquit, eos tandem Christi effigiem agnovisse, sicut hoc Lucas narrat: \* *nec illis crediderunt*, nempè aliqui ex eis, ut notat August. loco cit. Nam alios credidisse satis colligitur ex Luca c. 24. v. 34. & 35. sicut etiam August. observat. Causa non credendi videtur fuisse rei insolentia, & timor, ne non esset verum, quod maximè, verum esse desiderabant.

14. Novissimè  
recumbentibus  
illis undecim ap-  
paruit, & expro-  
bravit increduli-  
tatem eorum &  
duritiam cordis;  
quia iis qui vide-  
rant eum resur-  
rexisse non cre-  
diderunt.

14. \* *Novissimè recumbentibus illis undecim apparuit*. S. Gregor. in Evang. putat hanc ultimam fuisse apparitionem, quando ascendit in cælum, quod & S. Aug. lib. 3. de consensu cap. 25. probabile putat. Movet eos vox, *novissimè*: sed longè verius est, Marcum eandem apparitionem narrare, quam Lucas c. 24. v. 36. Joan. c. 20. v. 19. & seqq. ita ut hæc fuerit apparitio non absolutè novissima, sed novissima primæ sabbathi, ut est v. 9. ad quem respicit, hoc est, diei resurrectionis. Nam in hac primò apparuerat Mariæ Magdalenæ soli, secundò eidem cum cæteris mulieribus, tertio Simoni, quartò duobus illis discipulis, euntibus in Emaus, quintò undecim discumbentibus, de qua hîc agitur, & apud Lucam loco cit. Quam sententiam tradit & explicat etiam Aug. loco cit. Itaque pro, novissimè, Græcè est *ὑστερον*, tandem seu postea: quo significatur hoc contigisse, postquam apparuisset Mariæ Magdalenæ, & illis duobus discipulis, quorum neutris crediderant, \* *Recumbentibus illis*, id est, mensæ accumbentibus seu cœnantibus, initio scilicet noctis, sub finem cœnæ, dum inter se fabularentur Lucæ 24. v. 36. \* *undecim apparuit*: nam quamvis Thomas deesset, eodem tamen numero Apostolica societas nuncupabatur, inquit Augustinus, à maiore scilicet parte. Plures adfuisse ex versu 33. Lucæ constat; sed hîc nominantur præcipui, & propter quos fiebat apparitio. \* *Et exprobravit*, increpando, \* *incredulitatem eorum*, &

duri-

*duritiam cordis*, hoc est, tarditatem ad credendum, & stuporem animi ex insolentia & magnitudine rei natum. Non enim erat illa incredulitas voluntaria obstinatio, qualis hæreticorum: \* *Quia, iis qui viderant eum resurrexisse, non crediderunt*, oculatis scilicet testibus resurrectionis, Mariæ Magdalenæ & duobus discipulis: respicit enim ad vers. 11. & 13. Plura ex hac apparitione contigerunt, quæ locis citatis ex Joanne & Luca videnda sunt.

15. *Et dixit eis*, non tunc, sed alio tempore in monte Galilææ, de quo Matth. 28. Mos est enim Evangelistarum, res diversis temporibus factas ita conjungere, ut eis, qui usum istum non intelligunt, non aliunde magis error oriatur, quo putent eos non sibi congruere, ut Aug. lib. 3. de consensu cap. 25. & aliis locis sæpè monet. \* *Euntes in mundum universum*, q. d. non in Judæam tantum, sed in universum terrarum orbem, \* *prædicate Evangelium omni creaturæ*, capaci scilicet prædicationis, id est, omnibus hominibus, cujuscumque conditionis & nationis fuerint, quos Deus creaverit. Nec obstat, Apostolos hoc præceptum in ista amplitudine non implevisse: nam Apostolis ita loquitur, ut in ipsis etiam successores eorum & adjutores ad finem usque mundi intelligat. Revellit ergo hîc Christus terminos, quos posuerat Matth. 10. & non alios Evangelii fines, quàm orbis terrarum, ponit.

15. Et dixit eis: Euntes in mundum universum prædicate Evangelium omni creaturæ,

16. \* *Qui crediderit*, Evangelio à vobis prædicato, idque fide non qualibet, sed per dilectionem, sive perfectam sive imperfectam, operante, cujuscumque fides pœnitentiam includit, hoc est, fide credente & faciente id, quod faciendum credit. \* *Et baptizatus fuerit*: nec enim sufficit credere sine baptismo subsequente tanquam causa, quæ salutem operatur; neque baptizari sine fide præcedente, & animum præparante. Porro ex versu præcedente manifestum est, de adultis esse sermonem, quibus solis Evangelium prædicari potest: ut proinde ineptè in hoc loco errorem suum de parvulis non baptizandis Anabaptistæ fundent, eò quòd illi credere nondum possint. \* *Salvus erit*: ex quo quidam alium errorem confinxerunt, putantes eum, qui crediderit, & baptizatus fuerit, perire non posse; contra quos Aug. tum aliis locis, tum lib. de fide & operibus disputat. Sed hujusmodi sententiæ generales, quibus salus vel alius effectus quispiam fidei attribuitur, semper intelligendæ sunt, nisi alia ex parte ponatur impedimentum. Quamquam fides intelligatur non quælibet, sed fides praxim dirigens, seu per dilectionem operans, cujuscumque fide creditur medico, cujus præceptis obtemperatur. Unde S. Greg. hom. 29. in

16. Qui crediderit, & baptizatus fuerit, salvus erit: qui vero non crediderit, condemnabitur.



Evang. Tunc veraciter fideles sumus, cum, quod verbis promittimus, operibus complemus. Vera enim fides est, quæ in hoc, quod verbis dicit, moribus non contradicit, juxta illud Joan. Apost. *Qui dicit se nosse Deum, & mandata ejus non custodit, mendax est.* \* *Qui verò non crediderit, illâ fide jam dictâ, \* condemnabitur.* Non repetit alterum membrum, & baptizatus non fuerit, quia Baptismus non est necessitatis tam absolutæ, quàm fides: nam absque fide salvari nullo pacto potest, absque Baptismo potest, si Sacramentum istud non contemptus religionis, sed articulus necessitatis excludat, ut Aug. lib. 4. de Baptismo c. 22.

17. Signa autem eos qui credi-  
runt, hæc sequen-  
tur: In nomine  
meo demonia  
eicient: linguis  
loquentur novis:

17. \* *Signa autem*, id est miracula, veluti sigilla veritatis divinitus annuntiata & creditæ, *eos qui crediderint, hæc sequentur*, me scilicet operante: q. d. Nolite solliciti esse, ne vobis prædicantibus res invisibiles, omnemque captum superantes, nemo credat, ego miraculis veritatem prædicationis vestræ sigillabo, vobisque auctoritatem conciliabo & fidem. Cæterum notandum est, Christum non dicere, quod ista signa sequentur omnes fideles, neque quod singulos omnia, neque quod statim a suscepta fide: sed sensus est, quod, sicut ipse signis prædicationem suam credibilem fecerat, quando opus erat; ita nec credentibus in se seu Ecclesiæ suæ deerunt, cum ad propagandam stabiliendamque fidei prædicationem fuerit necessarium: finis enim miraculorum est publica utilitas. Ex quo facilè intelligitur, cur nec omnibus fidelibus illa signa dentur, nec omni tempore, nec omni loco, nec omnia, quia necessitas Ecclesiæ, vel prædicantium hoc non exposcit, sicut initio prædicationis exposcebat, ut Greg. loco citato. Miraculis enim multitudo credentium, velut arbores recte plantatæ rigationibus, erat nutrienda, ut perea Christianæ Ecclesiæ fundaretur auctoritas, quâ semel fundatâ, & Ecclesiâ jam per orbem diffusâ, nec miracula illa durare permissa sunt, ne animus semper visibilia quæreretur, & eorum consuetudine frigesceret genus humanum, quorum novitate flagrat, ut Aug. lib. de vera relig. c. 25. \* *Linguis loquentur novis*, quas scilicet antè non noverant, nec didicerant, aliarum nempe gentium; quod initio Ecclesiæ erat familiare, ut citò & facilè fides toto orbe propagaretur.

18. Serpentes  
tollent: & si mor-  
tiferum quid bi-  
berint, non eis  
nocebit: super æ-  
nem manus im-  
ponent, & bene-  
ficient.

18. \* *Serpentes tollent*, id est, venenata animalia auferent ex locis quibus erant infesta: \* *&, si mortiferum quid biberint, non eis nocebit*: sive coacti à persecutoribus, sive casu per ignorantiam; non enim ostentatoribus talis gratia promittitur. Videndus est Euseb. lib. 3. histor. 29. Porro sub his miraculis crebrioribus & minoribus alia ra-  
riora

riora & graviora intellecta voluit, ut suscitationem mortuorum, &c. Nec verò ulla hîc promittit miracula terrifica, qualia fuerunt Moysis, sed solum benefica & utilia, ut non terrore, sed beneficentiâ salutem Evangelii annuntiandam & mundum ad fidem trahendum significaret. Exponit omnia hæc miracula mysticè S. Greg. hom. 29. in Evang. & S. Bernard. ferm. 1. de ascensione, ut fideles *dæmonia ejiciantur*, sive exorcizando, sive poenitentiam in corde generando; *linguis loquantur novis*, Dei laudes resonando; *serpentes tollent*, malitiam de alienis cordibus auferendo. Vide cætera apud Gregorium.

19. \* *Et Dominus quidem Jesus postquam locutus est eis*, quæcumque scilicet eis dicta voluit & oportuit post resurrectionem: non enim dicit, *postquam hæc locutus est eis*, sed generaliter, ut colligitur, de omnibus, quæ post resurrectionem apparens eis locutus est de regno Dei, ut August. notat lib. 3. de consensu cap. 25. \* *Assumptus est in cælum*, secundum humanam naturam. Dicitur autem *assumptus*; & Act. 1. *elevatus*, quasi ab alio; sicut etiam dicitur à Patre suscitatus à mortuis, scilicet per attributionem, per quam ea, quæ magnæ potentiæ sunt, Patri attribuuntur; quamvis juxta Symbolum ipsemet etiam suâ virtute & resurrexerit à mortuis, & in cælum ascenderit, non aërium tantum, se æthereum: adeoque, ut Apostolus ad Ephes. 4. *super omnes calos*, ut impleret omnia. Assumptus est autem in cælum tum suâ, tum fidelium suorum causâ. Suâ quidem, ut glorioso & immortalī corpori locus gloriæ & incorruptionis congrueret; ut inde ab omni natione sub cælo coleretur; ut totum universum inde regeret; ut ipsâ ostenderet, regnum suum non esse de hoc mundo: fidelium verò causâ, ut eorum corda sursum trahendo ipsi discerent ex fide vivere, ut ea, quæ sursum sunt quærere; ut spem daret, membra esse caput suum secutura; ut viam peccato clausam aperiret; ut eis locum & mansionem pararet; ut Spiritum Sanctum inde mitteret. \* *Et sedet à dextris Dei*, tamquam Deo Patri æqualis naturâ, potentiâ, gloriâ, imperio dominando creaturis omnibus. Hæc enim sessio à dextris Dei significat authoritatem & æqualitatem cum Deo Patre regnando, & opponitur ministerio Angelorum, tamquam inferiori, ad Hebr. 1. v. 13. & 15. & 1. ad Cor. 15. v. 25. Vide plura dicta Matth. 22. v. 44.

20. \* *Illi autem profecti*, in mundum scilicet universum, sicut eis præceptum erat v. 15. nam eò respici notat Greg. hom. cit. Profecti autem non statim, sed post Spiritûs sancti missionem, \* *predicaverunt ubique*, non in Judæa tantum, sed in omnibus Gentibus. Quod idè


19. Et Dominus quidem Jesus postquam locutus est eis, assumptus est in cælum & sedet à dextris Dei.

20. Illi autem profecti prædicaverunt ubique Domino cooperante, & testimonium confirmante, sequentibus signis.



Marcus contigisse dicit, quia cùm scriberet hoc Evangelium, jam fieri cœperat, & Prophetico more quod certissimò futurum erat, tamquam factum narrabat. \* *Domino cooperante*, intrinsecus scilicet Evangelio suo, tam in iis, qui prædicabant, quàm qui credebant: illis dando os & sapientiam, cui nemo adversariorum resistere posset: his cor aperiendo, fidemque inspirando. \* *Et sermonem*, prædicationis, \* *confirmante sequentibus signis*, extrinsecus miracula jungendo prædicationi, tum auctoritatem, legitimamque missionem prædicantium, tum Evangelii sui veritatem quodammodò figillabat, ut operatio Dei interna, & externa confirmatio miraculorum simul juncta, testatissimam & credibilem nimis efficerent prædicationem.

F I N I S.





I N

# EVANGELIUM JESU CHRISTI SECUNDUM LUCAM.



## P R Æ F A T I O.

**L**ucam Antiochiâ, Syria Metropoli, oriundum esse inter veteres convenit, non minùs quàm arte Medicum fuisse, ut ex cap. 4. ad Coloss. v. 14. Chrysof. hom. 12. in illam epist. & alii colligunt, qui eo loco hunc Evangelistam Medicum charissimum vocatum volunt. Nicephorus Pictorem egregium fuisse tradit, lib. 2. c. 43. & Christi Domini Matris ejus, ac Principis Apostolorum effigiem adumbrasse, eamque inde in ceteras orbis partes delatam. Nec desunt, qui Lucam tradant fuisse unum ex LXXII. discipulis, à quo non abhorret Greg. Præfat. in Job c. 1. dum eum vult fuisse unum ex duobus discipulis, euntibus in Emaus. Sed Lucas ipse satis manifestè adversatur, quando in Præfatione Evangelii sui declarat se illud ex aliorum traditione scripsisse. Unde antiquiores Scriptores testantur eum non Domini, sed Apostolorum discipulum fuisse, ut Iren. lib. 1. c. 20. & Hieron. qui in c. 65. Isaiâ à Paulo genitum fuisse dicit. In Evangelio Græci sermonis non ignarus fuit: unde stylo cæteris elegantiori usus est, tum in hoc libro, tum in Actibus Apostolorum describendis. Scripsit autem Evangelium in partibus Achaia & Bœotia, ut Hieron. Præfat. in Matth. cum Pållo simul peregrinando, adeoque circa secundum Neronis annum, hoc est, ut Baron. Christi 58. Scriptionis occasio fuit, quòd multos videret Evangelicam historiam non rectè texuisse, quos in initio Evangelii sui suggillat.



gillat. *Author scribendi & hortator putatur fuisse Paulus, quem idcirco, quoties in Epistolis nominat Evangelium suum, hoc Luca Evangelium designare tradit Hieron. de Scriptorib. Eccles. cap. 7. Unde Tertull. lib. 4. contra Marcienem, Luca digestum, inquit, Paulo adscribere solent: cœpit magistrorum videri, quæ discipuli promulgarint. Paulo adhæsit comes usque ad vincula ejus Romæ. Unde discedens prædicavit primum in Dalmatia & Gallia, tum in Italia ac Macedonia, ut Epiphanius Hæresi § 1. Quamquam Oecumenius in Lucam eum quoque Lybiam petiisse tradat, Thebanosque Christianam instituisse Religionem. Vitam duxit calibem ad annum ætatis octogesiumquartum, ut Hieron. in Scriptoribus. Martyrio vitam finivisse insinuat Nazianz. Orat. 1. in Julian. & aperte dicunt SS. Paulinus & Gaudentius. Modum describit Nicephorus loco cit. ubi dicit ex olea arbore fuisse suspensum, quod aridi ligni, unde crux fieret, copia non esset: hocque apud Patras Achaia civitatem contigisse, testis est idem Gaudentius.*

## C A P U T P R I M U M.

1. Quoniam quidem multi conati sunt ordinare narrationem, quæ in nobis completa sunt, rerum.



1. \* *Quoniam quidem multi conati sunt. Taxari hic Pseudo-apostolos & Pseudo-scriptores Evangeliorum, sententia ferè veterum est. Hos Epiph. Hæresi § 1. putat fuisse Cerinthum & Merinthum: Origenes, Basilidem, Beda etiam Apellem: sed hi omnes fuerunt ætate posteriores, quàm Lucas, ut patet ex Euseb. lib. 4. hist. c. 7. & aliis ejus locis. Credibile est, respici ad authores Evangeliorum illorum, quæ dicebantur Thomæ, Matthiæ, Duodecim, secundum Ægyptios &c. Nam quod Maldonatus putat significari Matthæum & Marcum, omni vetere autoritate caret, neque isti videntur multi posse dici. Unde Aug. lib. 4. de consensu cap. 8. illis verbis (conati sunt) significari putat, eos non potuisse susceptum onus implere, cui & Græci, Origenes, Euseb. & Epiphan. assentiuntur. \* Ordinare narrationem, quæ in nobis completa sunt, rerum, id est, historiam texere earum rerum, quæ in nobis certò creditæ firmiterque receptæ sunt. Nam quamvis Latinum verbum significare possit res non à Christo Domino perfectas & gestas, Græcum tamen & Syriacum magis indicant, plenam earum fidem & persuasionem nobis esse factam: quod & Orig. hom. 1. in Luc. & Ambr. hic magis probant.*

2. Sicut tradiderunt nobis, qui ab initio ipsi viderunt, & ministri fuerunt sermonis

2. \* *Sicut tradiderunt nobis, vivâ voce prædicando publicè, & privatim narrando. \* Qui ab initio, non solum prædicationis, sed etiam natiuitatis, & conceptionis, tam ipsius Christi, quàm præcursoris ejus, sub quibus proinde & B. Virgo, & B. Joseph in primis continentur,*

tur, quia quarumdam rerum sibi testes fuerunt, itemque mulieres, & alii discipuli, Zacharias, Anna, Pastores. Unde Aug. l. 3. de consensu c. 1. quæ in Christi nativitate, infantia, pueritia divinitus gesta sunt, & digna memoria, discipuli Domini sive ab ipso Domino, sive a parentibus ejus, sive à quibuscumque aliis requirere & cognoscere potuerunt. \* *Ipsi viderunt*, supple, sermonem: nam Græcè legitur ἀκούοντες, *spectatores*, \* *Et ministri fuerunt sermonis*, id est, qui testes oculati fuerunt, itemque prædicatores sermonis seu Evangelii, cujus prædicatio *Ministerium* appellari solet: quamquam sermo hic non malè Hebraicâ phrasi pro rebus ipsis accipi possit, sicut infrâ cap. 2. v. 15. Porro refertur hic versus non ad sequentem, ut quidam voluerunt, sed ad prædicationem: ita ut significetur, multos pollicitos fuisse, & professos historiam rerum texere, sicut eas tradiderant spectatores earum, & ministri, etsi non fuerint assecuti. Hinc verò patet manifestè, traditionem Evangelii ipsâ scriptione ejus fuisse priorem: imò certissimam fuisse, plenissimeque creditam, antequam scriberetur.

3. \* *Visum est & mihi*, aliorum quidem exemplo, sed alio spiritu, nempe ut benè scribam, quod illi malè: illis enim visum est spiritu humano, mihi Spiritu sancto inspirante. Quo sensu & Apostoli dixerunt, *Visum est Spiritui sancto & nobis*, quia Spiritus sanctus, ut id, quod bonum est, nobis quoque bonum videri possit, operatur, inquit Ambr. \* *Assecuto omnia à principio diligenter*, id est, omnibus rebus, altè petito principio, pervestigatis & percognitis. Nemo enim tam altè historiam Evangelicam exorsus est, quàm Lucas, ab ipsa scilicet Præcursoris conceptione. His autem verbis commendans diligentiam suam, obliquè aliorum taxat negligentiam in pervestigandis rebus, & consequenter fidem eorum in enarrandis. \* *Ex ordine tibi scribere*, id est, congruo servato ordine, non semper minutarum rerum & verborum, sed historiæ, rerumque capitalium, ut scilicet conceptio Joannis conceptionem Christi præcedat, hæc nativitatem, nativitas circumcisionem, ista purificationem, hæc educationem, educatio Baptismum, iste prædicationem, hæc mortem &c. Non addit autem, *omnia*, tametsi assecutus esset omnia, quia elegit ex omnibus ea, quæ judicavit apta, & sufficere officio dispensationis suæ, inquit Aug. lib. 4. de consensu Evang. cap. 8. qui propterea notat lib. 3. c. 5. Evangelistas multa novisse, quæ non scripserunt: ut ita diversa in Evangelio singulorum gratia refulgèret, & propriis quibusdam singuli libri mysteriorum, gestorumque miraculis eminent, inquit Ambrosius. \* *Optime Theophyle*. Multi veteres Ambr. Epiphan. Hæresi 51. & Orig. homil. 1. in Lucam, putant *Theophylum* nomen commune esse, prout signi-

3. Visum est & mihi, assecuto omnia à principio diligenter, ex ordine tibi scribere, optime Theophile.



significat eum , qui diligit Deum , vel , ut alii , qui diligitur à Deo : sed epithetum adjunctum , & versus primus cap. 1. Actorum satis indicant fuisse peculiarem hominem : quis autem fuerit , non constat. Nam quamvis quibusdam videatur ille fuisse , qui apud Nicephorum lib. 3. c. 25. ponitur sextus Antiochenus Episcopus , ætate tamen videtur posterior. Quisquis fuerit , in dignitate fuit constitutus , & illustris , ut probat honorificus ille titulus , *Optime* ; quo & Paulus appellat Felicem ac Festum , Judææ Præsides : quibus fuisse titulum peculiarem , ex eo patet , quod & Claudius Lizeas scribat Felici optimo Præsidi. Tam honorificus autem erat , ut Dio in Traiano testetur , nullum ei gratius fuisse , quàm cognomen *Optimi* ; unde *Optimates* dicti sunt. Tali ergò viro inscripsit Lucas Evangelium suum , & librum Actorum , ut illud nomine ejus insignitum à multis legeretur , minusque haberet invidiæ & periculi , & plus gratiæ : denique propter rationem , quam ipse Lucas dat :

4. Ut cognoscas eorum verborum de quibus eruditus es, veritatem.

4. \* *Ut cognoscas*, id est, agnoscas seu recognoscas, scilicet tamquam in speculo, \* *eorum verborum*, seu rerum, de quibus eruditus es, Græcè *κατακρίνεις*, de quibus catechizatus , seu de quibus vivâ voce institutus es, \* *veritatem*, firmam scilicet certitudinem, ut Græca vox ἀσφάλεια sonat. Non enim parvæ utilitatis & voluptatis est , res magnas , quas vivâ voce didicerimus , etiam scripto historicè & cum summa fide à dignissimo Authore traditas , recognoscere , & ordine legere , cùm voluerimus.

5. Fuit in diebus Herodis, regis Judææ, sacerdos quidam nomine Zacharias, de vice Abia, & uxor illius de filiabus Aaron, & nomen ejus Elizabeth.

5. \* *Fuit in diebus Herodis*: illius primi, qui filius Antipatris fuit, & ab industria, ac felicitate, rebusque gestis *Magnus* dictus est. \* *Regis Judææ*, totius, prout terram totam duodecim tribuum complectitur. Regnum istud acceperat à Romanis, invitisque Judæis tenuit ; quem tamen sub finem regni in legitimum Regem susceperunt , circa quod tempus Joannes Baptista & Christus nati sunt. Hujus Herodis filius Herodes etiam dictus tantum Tetrarcha fuit, qui Joannem Baptistam occidit. \* *Sacerdos quidam nomine Zacharias*: non summus , qui præerat omnibus , quamvis Aug. tract. 49. in Joan. & alii nonnulli hoc putaverint , sed unus \* *de vice Abia*, id est, de classe & familia Sacerdotum illorum , quorum caput erat Abias. Nam cum filii Aaron Sacerdotes in magnum olim excrevissent numerum, ita ut simul in Templo servire non possent , ne inter fungendum Sacerdotio esset confusio , divisit eos David in viginti quatuor classes , ordines seu familias, quæ per vices suas ministrarent in Templo , factâ sortitione, quænam esset classis prima, secunda, tertia, &c. Sors autem octava cecidit in Abiam. Hujus divisionis mentio fit 1. Paralip. 24. & apud Josephum lib. 7.

lib. 7. Antiquit. cap. 11. ubi dicit unamquamque classē seu familiam ministrasse Deo per dies octo, à Sabbatho usque ad Sabbathum, quod satis insinuatur etiam 2. Paralip. c. 23. v. 8. Zacharias igitur erat de familia seu classe eorum Sacerdotum, quorum vices ministrandi erant octavo loco: nam divisionem illam durasse ad sua usque tempora, idem Josephus testis est. \* *Et uxor illius de filiabus Aaron* pari scilicet cum marito nobilitate, quia uterque erat de stirpe Sacerdotali. Nam alioquin licebat Zachariæ de quavis tribu uxorem ducere, etsi de tribu Levi non cogebatur ducere filiam Sacerdotis. Unde Ambr. Non solum à parentibus, sed etiam à majoribus S. Joannis nobilitas propagatur, non sæculari potestate sublimis, sed religionis successionē venerabilis.

6. \* *Erant autem iusti ambo ante Deum.* Quo significatur, quidquid in eis fuerit justitiæ, non fuisse ad homines simulatum, inquit Aug. lib. 2. ad Marcellinum c. 13. sed justos fuisse verâ justitiâ, quæ est ex fide, coram oculis Dei intimos cordis recessus penetrantibus. Itaque evertitur hic figmentum Calvinī, tribuentis eis tantum justitiā imputativā: quod enim in oculis Dei tale est, hoc reverà & solidè tale est, quia decipi nequit. Justitia verò intelligitur generalis, prout omnem virtutem complectitur, in habitu animi sita, quem à creaturæ dilectione avellit & affigit Deo. Unde effectum, imò & causam talis justitiæ explicans adjicit: \* *Incedentes in omnibus mandatis.* Non enim sufficit quædam observare, quibusdam neglectis, sed omnium observatio ad justitiā necessaria est. \* *Et justificationibus Domini,* quas quidam ita differre à mandatis volunt, quòd justificationes ad religionem, mandata ad mores pertineant: sed reverà videntur eadem esse, quæ mandata, ut ex Psalm. 118. patet, ubi sæpius videntur confundi: nam vox Hebræa חֲסִידִים *Chuckim*, quam Lxx. ibi vertunt *Justificationes*, significat *Statuta*. Vocantur autem *Justificationes*, quòd earum observatione homo se justum ostendat, justum conservet, & magis magisque justificetur, juxta illud Jacobi 2. v. 24. *Vides quoniam ex operibus justificatur homo, & non ex fide tantum.* Unde Paulus ad Rom. 2. *Factores legis justificabuntur.* \* *Sine querela:* ita ut nemo de illis justè conqueri posset, etsi non viverent sine peccatis. Non enim qualecumque etiam tentationis humanæ, sed grave peccatum est, quod in querelam venit, inquit Aug. epist. 95. Unde Tract. 42. in Joan. *Sine querela*, intelligit sine crimine. Nulla quippè querela justa est de iis, qui non habent crimen, hoc est, peccatum grave, inquit, accusatione & damnatione dignissimum. Quis enim justè queratur de homine, qui nemini malè vult, & quibus potest fideliter consulit,

6. Erant autem iusti ambo ante Deum, incedentes in omnibus mandatis & justificationibus Domini sine querela.



nec contra cuiusquam injurias tenet libidinem vindicandi, etsi pro quotidianis delictis veraciter dicat, *Dimitte nobis debita nostra?* Ut explicat in lib. de perfectione justitiæ.

7. & non erat illis filius, eo quod esset Elizabeth sterilis, & ambo processissent in diebus suis.

7. \* *Et non erat illis filius, eo quod esset Elizabeth sterilis*: naturâ scilicet etiam tum, cum esset in flore ætatis: \* & ambo processissent in diebus suis, id est, senes essent. Duplex ergo tangitur causa orbitatis, naturalis infœcunditas uxoris, & utriusque senectus. Nam si in summam ducti amborum conjugum anni centenarium numerum excesserint, dicuntur non posse filios procreare, etiamsi mulier non sit sterilis, ut notat Aug. lib. 3. contra Julianum cap. 11.

8. Factum est autem cum Sacerdotio fungeretur, munus scilicet Sacerdotibus, in ordine vicis sue, id est, in illa septimana, quâ recurrentibus in orbem vicibus, juxta constitutionem Davidis, classis Abiæ vocabatur ad ministrandum. Ante Deum, id est, in Templo Dei, ubi Deus habitare censebatur in Sancto Sanctorum.

8. \* *Factum est autem cum Sacerdotio fungeretur*, munus scilicet Sacerdotibus, \* *in ordine vicis sue*, id est, in illa septimana, quâ recurrentibus in orbem vicibus, juxta constitutionem Davidis, classis Abiæ vocabatur ad ministrandum. \* *Ante Deum*, id est, in Templo Dei, ubi Deus habitare censebatur in Sancto Sanctorum.

9. secundum consuetudinem sacerdotii, forte exiit ut incensum poneret, ingressus in templum Domini:

9. \* *Secundum ordinem Sacerdotii*, id est, prout moris erat inter Sacerdotes, \* *forte exiit, ut incensum poneret*, id est, forte obtigit ei hoc munus. Itaque consuetudo illa non refertur ad illas vices, de quibus vers. 8. seu ad sortitionem illam, quam olim David fecerat, vices distribuendo, ut putavit Beda: sed ad illam, quâ Sacerdotes unius vicis sorte designabantur, quis quod ministerium obiret, itemque ad oblationem incensi seu thymiamatis, quod unus Sacerdotum quotidie mane & vespere in altari thymiamatis ex lege offerre cogebatur. Ergo forte obtigit, ut hoc faceret Zacharias, \* *ingressus in Templum Domini*, id est, illam Templi partem, in qua erat altare thymiamatis. Hoc autem stabat in parte anteriori, quæ vocabatur Sanctum, seu Sanctuarium, quod velo dirimebatur à Sancto Sanctorum, ubi tempore Salomonis arca collocata erat. Itaque nullo modo hinc colligitur, Zachariam fuisse summum Sacerdotem, ut multi veteres putaverunt; tum quia dignitatem illam non tacuisset Evangelista: tum quia incensum in altari thymiamatis offerre quibuscumque Sacerdotibus licebat, ut patet Exod. 30. v. 19. & 20. Nec summus Sacerdos juxta ordinem vicis per septimanas ministrabat: nec habitare solebat in montanis Judææ, sed Jerosolymis: denique quia nulla apud Josephum Zachariæ istius tamquam summi Sacerdotis fit mentio.

10. & omnis multitudo populi erat orans foris horâ incensi.

10. \* *Et omnis multitudo populi erat orans*, preces suas Sacerdotis sacrificio jungendo, \* *foris*, in atrio scilicet Israël, quod erat proximum atrio Sacerdotum, & utrumque extra septa Templi, \* *horâ incensi*; hoc enim mane & vespere statâ horâ offerebatur, sicut & juxta Sacrificium, quod populus magno numero confluerebat.

11. \* *Apparuit autem illi.* Quo verbo Ambros. significari vult, repentinum fuisse conspectum: quod maximè verum est in illis rebus, quarum naturæ est non videri, voluntatis autem videri; cuiusmodi est natura Dei & Angelorum. \* *Angelus Domini stans à dextris*, tanquam minister læta nuntiaturus, utpote qui divinæ insigne misericordiæ deferebat, inquit idem, \* *altaris*, incensi. Ex quo etiam colligitur, Zachariam hoc loco non fuisse functum officio summi Sacerdotis in Sancto Sanctorum. Bene autem Angelus & in Templo, & juxta altare, & à dextris apparet, quia & veri Sacerdotis adventum, & mysterium sacrificii universalis, cælestis doni gaudium annuntiabat.

11. Apparuit autem illi Angelus Domini, stans à dextris altaris incensi.

12. \* *Et Zacharias turbatus est videns*: quia, ut Ambrosius alienamur ab affectu nostro, quando perstringimur alicujus superioris potestatis occurso, sicut hoc notat de se Daniël c. 10. v. 8. \* *Et timor irruit super eum.* Quo significatur fuisse vehementem, fortassis ex illa Judæorum opinione natum, quâ vulgò putabant, se etiam Angelo conspecto morituros, ut patet Judic. 6. v. 22. 23. & 24. & Judic. 13. v. 22. quanquam Athanas. in vita S. Antonii notet, quod metus non tantum ex mali apprehensione, quantum ex magnarum rerum sæpè incutitur aspectu.

12. Et Zacharias turbatus est videns, & timor irruit super eum.

13. \* *Ait autem Angelus: Ne timeas Zacharia.* Notârunt enim veteres, Athanas. Hieron. in cap. 28. Matth. & Beda, Angelicæ benignitatis esse turbatos aspectu suo blandiendo solari: contrà verò demoniacæ esse ferocitatis, eos, quos sui præsentia territos esse senserint, ampliore horrore concutere. \* *Quoniam exaudita est deprecation tua*: quam pro filio obtinendo fudisti, inquit Maldonatus. Sed quid petierit, testatur illa celebris gratiarum actio, de qua infra, & desperatione ejus de filio accipiendo, quæ patet v. 18. Itaque verisimilius est, deprecationem ejus fuisse, sicuti decebat Sacerdotem, pro populi salute fufam, ut notat Aug. lib. 2. quæst. Evangelicarum quæst. 1. & omnes penè veteres consentiunt. Nimirum oraverat, ut ad salutem populi Messiam expectatum Deus mittere dignaretur: quam fuisse quotidianam veteris Ecclesiæ orationem, maximèque Sacerdotum ex instituto sacris operantium, notat Euthymius. Unde non subjungit *quia uxor tua &c.* ut ratio esse posset orationis pro filio obtinendo fufæ, sed \* *& uxor tua*: q. d. Itaque uxor tua quamvis sterilis pariet filium. Pandit enim ordinem & modum, quo Messiae adventus futurus esset, \* *& vocabis nomen ejus Joannem.* Quod nomen à Gratia deductum est, q. d. *Gratissimum*, quia per gratiam parentibus datus, gratiâ plenus, & gratiæ per Messiam danda præco futurus erat. Norat autem Ambr. hoc habere merita Sanctorum, ut à Deo nomen accipiant: nam in sacris

13. Ait autem ad illum Angelus: Ne timeas Zacharia, quoniam exaudita est deprecation tua: & uxor tua Elisabeth pariet tibi filium, & vocabis nomen ejus Joannem.



litteris mutatio veteris nominis, vel novi anticipata impositio, semper aliquod mysterium continet, ut patet in nomine *Abraham, Isaac, Israel, Iesu, & aliis*.

14. & erit gaudium tibi, & exultatio, & multi in nativitate ejus gaudebunt;

14. \* *Et erit*, scilicet ille filius, \* *gaudium tibi*, id est, materia gaudii non vulgaris, sed tanti, ut è corde erumpat, quod vocatur \* *exultatio*, quia scilicet sterilitatis & senectutis filius, quia virtute magnus, quia Propheta Altissimi, quia præcurfor Messiae. \* *Et multi in nativitate ejus gaudebunt*: Non domesticum tantum tibi ac tuis, sed toti populo erit gaudium, quia ex signis mirabilibus persuasi erunt, eum ad populi salutem esse datum, sicut hoc patet v. 58. & 66.

15. erit enim magnus coram Domino: & vinum & siceram non bibet, & Spiritu sancto replebitur adhuc ex utero matris sue;

15. \* *Erit enim magnus*, virtute & officio, *coram Domino*: id est, in ministerio ac negotiis Domini: quanquam alii significatum velint magnum futurum, non simulatione, non hominum opinione, sed judicio Domini. Redditur ergo ratio non nominis *Joannis*, ut quidam putant, sed gaudii. \* *Vinum & siceram*, pro quo Hieron. Numer. 6. secutus vim radicis Hebraicæ, vertit, *omne, quod inebriare potest*. Tertull. lib. de jeuniis c.9. uno verbo vocat *ebriamen*: comprehendit enim & vinum, & cerevisiam, potum ex dactylis, ex pomis, ex melle, & quemcumque inebriantem. \* *Non bibet*: nempe toto tempore vitæ, tamquam perpetuus Nazaræus, & perpetuo fulgens Sacerdotio. Nam & Nazaræi omnibus diebus consecrationis suæ, & Sacerdotes, quamdiu agerent in tabernaculo, vino & sicerâ abstinebant, ut patet Numer. 6. v. 3. & Levit. 13. v. 9. \* *Et Spiritu sancto replebitur*, eum sanctificante, & magnâ donorum copiâ implente, ita ut in alios etiam foras redundet, quod illâ repletionem insinuat. \* *Adhuc ex utero matris suæ*; quod hæretici aliqui exponunt, ab infantia, seu statim ab utero: sed per illud, *adhuc*, significatur, eum replendum ex eo ipso tempore, quod adhuc utero gestabatur. Unde Syrus & Arabs verterunt *adhuc in utero*, & sic illam phrasim Græcam accipiendam patet Act. 3. v. 2. Tacite autem simul insinuat, ab infantia per totam vitam Spiritu S. plenum futurum. Atque ita Joannem accepisse Spiritum S. & gratiam ejus in ipso utero passim veteres sentiunt, Origines hom. 4. & 7. in Lucam, qui apertè eum sanctificationem dicit, Cyprian. epist. 13. Itaque his duobus membris explicat magnitudinem Joannis ex sobrietate & Spiritus S. donis, nunc ex officio.

16. & multos filiorum Israel convertet ad Deum, & multi de ipsorum;

16. \* *Et multos filiorum Israel convertet*, efficacissimâ poenitentiae prædicatione, \* *ad Dominum Deum ipsorum*: Christum videlicet, partim ut ei credant, partim mandatis ejus obediant. Itaque non significatur, Judæos ab idololatria convertendos ad Deum, cum tempore Christi non aberrarent à religione veri Dei, sed multos eorum credituros,

\* *Iesum*,

\* *Iesum* quem digito ostendit & prædicavit, esse Dominum Deum ipsorum, ejusque mandatis parituros. Hoc probat id, quod sequitur :

17. \* *Et ipse præcedet ante illum* : scilicet eundem Deum ipsorum Christum Dominum, id est, proximè tamquam præco ante Regem, jam jam adfuturum, præcurret \* *in spiritu*, id est, zelo & fervore, seu cum vehementia atque impetu de intimis prorumpente: nam in Græco deest hîc articulus, quo Spiritus S. designari solet. \* *Et virtute*, Græcè *δυνάμει*, potentiâ, id est, efficacîâ. Unde Eccl. 4. v. 13. de Elia dicitur, quod potentiâ nemo vicit illum. Significatur ergo virtus insuperabilis dicendi & redarguendi impios, quantumvis potentes, Phariseos, Herodem, Herodiadem. \* *Elia*, id est, qualis fuit Eliæ adversus Achab, Jesabel, Pseudopphetas, Baal, &c. & præcipuè qualis erit Eliæ in secundo adventu. Nam hanc similitudinem officii significari hîc plerique veteres notant, Euthymius, Theoph. & Ambr. hîc. Unde Aug. tract. 4. in Joan. Quid est *in spiritu & virtute Eliæ*? In eodem spiritu vice Eliæ. Quare vice Eliæ? Quia quod Elias secundo, hoc Joannes primo adventui fuit. Hanc similitudinem officii, & simul effectum ac finem istius spiritus & virtutis Eliæ ut declararet, adjicit: \* *Ut convertat corda patrum in filios*. Nam ista sunt verba Malach. c. 4. v. 6. de Elia propheticè dicta, quæ hîc Joanni accommodantur. Significant autem Joannem effecturum, ut *corda patrum*, id est, animus seu amor Patriarcharum & Prophetarum, convertantur *in filios*, id est, posteros eorum, seu sui temporis Israëlitas. Cum enim Patriarchæ & Prophetæ non ex lege, sed ex fide Christi venturi, non pecudum, sed sanguine Christi se justificandos credidissent, sanctisque moribus vixissent: filii eorum ab eorum fide & moribus degeneres, ita ex lege justificari voluerunt, ut putarent se suis viribus eam facere, & pecudum sanguinem esse remissionem peccatorum: contra quos Paulus in epist. ad Rom. & ad Ephes. disputat.

Propter istam & fidèi & morum discrepantiam, Patriarchæ à filiis alieni erant, Isaiâ testante, *Abraham nescivit nos*, id est, pro filiis non agnovit nos. Joannes verò contra istos posterorum errores prædicando, *Ecce Agnus Dei, ecce qui tollit peccata mundi*, & ad sanctos mores eos provocando, convertit Patriarchas & Prophetas, à Judæis alienos, ad amandos filios suos, \* *& incredulos*, filios scilicet Græcè *ἀπίστους*, imper-suasibiles, \* *ad prudentiam justorum*, Patrum, ut scilicet similiter Patribus suis antiquis credant de Messia, & sapiant. Hæc est enim periphrasis alterius partis prophetiæ, quâ malachias de Elia dixerat: *& cor filiorum ad patres*. Sensus est igitur, quodd; Joannes instar Eliæ corda Patrum & filiorum inter se mutuò conciliaturus sit prædicatione:

17. & ipse præcedet ante illum in spiritu & virtute Eliæ: ut convertat corda patrum in filios, & incredulos ad prudentiam justorum, parare Domino plebem perfectam,



ne suâ , ut ejusdem sint fidei , sententiæ , sapientiæ , vitæ & morum. Quem ferè sensum aliis verbis dat Augustinus cap. 29. lib. 20. de Civit. \* *Parare Domino plebem perfectam* , id est , ut ita præparet ac disponat rudem populum Judaicum , carnali fidei , ac desiderii assuetum , ad Christum Domini & justitiam fidei ejus spei , & ad perfectionem salutis , quam Evangelium ejus continet , recipiendam : nihil enim , ut Apostolus , ad perfectum adduxit lex. Unde & Zacharias hoc officium Joannis velut maximum prædicat , infra v. 76.

18. Et dixit Zacharias ad Angelum : Unde hoc sciam ? ego enim sum senex , & uxor mea processit in diebus suis.

18. \* *Et dixit , &c. Unde hoc sciam ?* id est , Quo signo ? Nec enim nudis verbis tuis ausim fidere , cum naturæ cursus repugnet. \* *Ego enim sum senex , & uxor mea processit in diebus suis* , id est , provectioris ætatis est , quam ut naturæ ordine concipere possit. Hæsitat igitur diffidentia , non de potentia Dei , seu de objecto fidei , ut Calvinus voluit , sed de teste fidei , & veritate verborum ejus , ut indicatur vers. 20. cum ei satis apertè , & inter sacra apparenti , & signa divine legationis præferenti , facilius credere debuisset : ideoque peccavit. Abraham verò Genes. 17. v. 17. similibus verbis utens non peccavit , quia , ut Aug. quæst. 29. super Numeros , Deus non de verbis , sed de cordibus judicat : eadem enim dici possunt inquirendo modum , vel etiam dubitando , deque veritate diffidendo , ut idem Hom. 44. Itaque Angelus planius exponens conditiones personæ suæ & causas credendi sibi , respondit :

19. Et respondens Angelus dixit ei : Ego sum Gabriël , qui adsto ante Deum : & missus sum loqui ad te , & hæc tibi evangelizare.

19. \* *Ego sum Gabriël* , populo Judaico & tibi satis notus , ex diversis legationibus , quibus ad Daniëlem functus sum : \* *Qui adsto ante Deum* , id est , qui in cælo adstare soleo , velut minister familiarissimus in conspectu Dei , ad excipiendâ prima ejus imperia. Est enim , metaphora à servis , qui parati sunt in suo quisque ordine ad nutum dominorum. \* *Et missus sum* , tanquam legatus à Deo. Mitti enim Angelorum proprium est , ita ut etiam inde nomen acceperint , & ab Apostolo vocentur omnes *administratorii spiritus*. \* *Hæc tibi Evangelizare* , id est , hoc tibi lætum nuntium perferre , tanquam Evangelii de Messia quoddam præludium. Ut autem authoritatem suam probaret , simul punit incredulitatem ejus , & dat signum , quo credat , ut eadem res ei esset supplicium & beneficium.

20. Et ecce eris tacens , & non poteris loqui , usque in diem quo hæc fiant , pro eo quod non credidisti verbis meis , quæ implebuntur in tempore suo.

20. \* *Et ecce eris tacens , & non poteris loqui*. Græci Interpretes primam partem , *tacens* , ferè exponunt , surdus eris , idque quia ex v. 62. satis patet , etiam surdum fuisse , & qui naturâ mutus , ille quoque simul surdus est : & quia alioqui videretur esse tautologia , *eris tacens , & non poteris loqui*. Unde & D. Ambr. dicit : Incredulitas Zachariæ affatum eripuerat & auditum. Quia enim non obedi-  
con-

condemnatur, ut surdus sit; & quia contradixerat, ut non possit loqui, ut ait Theophyl. Posset tamen juxta Latinum textum aliqua esse differentia, ut explicetur quo modo esset futurus tacens, scilicet non solâ voluntate propter Angeli imperium, sed etiam invitus ex loquendi impotentia; idque non perpetuò, sed *\* usque in diem quo fiant*, donec scilicet noveris per eventus ipsarum rerum te jure punitum, *\* pro eo, quod non credidisti verbis meis*. Datur enim hîc ratio supplicii, quod infligitur, non illa, quòd de divina potentia dubitasset, sed quòd nuntii verbis non credidisset. *\* Quae implebuntur in tempore suo*: singula scilicet diverso, prout rerum diversitas exigit.

21. *\* Et erat plebs expectans*, eò quòd non soleret discedere, nisi peracto thymiamatis sacrificio, & acceptâ à Sacerdote benedictione. Nam & Aaron Levit. 9. v. 21. sacrificiis completis benedixit populo. *\* Et mirabantur, quod tardaret in templo*, plus videlicet solito: quod contingere potuit ex illo solo colloquio descripto, & ex turbatione Zachariæ, verba ruminantis, suoque supplicio attoniti. Ut nihil necesse sit cum quibusdam suspicari, Angelum pluribus esse collocutum, quàm hîc describitur. Qui enim divinitus apparent, ut animæ, Angeli, & ipse Deus, verbis sunt præcisissimi.

22. *\* Egressus autem non poterat loqui*: Ita sentiens reipsa esse veram Angeli testificationem, quantum ad pœnam, ut crederet etiam eam esse veram, quantum ad prædictionem beneficii. *\* Et cognoverunt, quod visionem vidisset*: quia credibile est eum adhuc fuisse ex visione animo attonitum, corpore pallidum, ex culpa mœstum, ex pœna trepidum. *\* Et ipse erat innuens illis*, id est, quia loco verborum gestibus utebatur: sic enim, &, nonnunquam Hebraicè sumitur. *\* Et permansit mutus*; simul & surdus, ut annotat Euthymius: Græca enim vox κωφός, & שָׁחָה, Syriaca mutum simul & surdum significat. Porro peculiare est illis, qui cælestes vident visiones, ut non solum toto corporis habitu mutantur, sed & vocem nonnunquam, ipso saltem tempore visionis, amittant. Unde Moyses dicit, se impeditioris linguæ factum, ex quo ei locutus erat Deus: & Daniël cap. 10. v. 17. halitum suum interclusum fuisse.

23. *\* Et factum est, ut impleti sunt dies officii ejus*: Qui ex more erant septem dies, ut supra ex Josepho & Scriptura diximus; quorum initium & finis erat Sabbathum. Toto autem illo tempore habitabant in exedris Templi, separati ab uxoribus, teste Hieron. lib. 1. contra Jovin. ut, negotiis familiaribus liberi, toti vacarent Deo. *\* Abiit in domum suam*. Ex quo colligas, eum nec propter illum adversum casum officium suum deseruisse.

21. Et erat plebs expectans Zachariam: & mirabantur quod tardaret ipse in templo.

22. Egressus autem non poterat loqui ad illos, & cognoverunt quod visionem vidisset in templo. Et ipse erat innuens illis, & permansit mutus.

23. Et factum est, ut impleti sunt dies officii ejus, abiit in domum suam.



24. post hos autem dies concepit Elisabeth uxorem eius, & occultabat se mensibus quinque, dicens:

24. \* *Post hos autem dies concepit Elisabeth.* Quod circa initium Octobris aut finem Septembris contigisse, ex verbis Angeli v. 26. ac tempore conceptionis Christi satis colligitur. \* *Et occultabat se*, id est, celabat se esse gravidam, publicum declinando, conceptumque non propalando. Causam reddit Orig. hom. 6. in Lucam, & latius hinc Ambros. verecundiam. Est enim, inquit, unicuique officio præscripta ætas, & quod tempore decet, tempore dedecet. Senectus regendis liberis aptior est, quàm creandis, &c. Unde & Sara dicebat Gen. 18. *Postquam consenui, voluptati operam dabo?* q. d. Hoc verecundum esse ætati suæ. Colligit autem hinc Ambr. Zachariam & Elisabeth concubitu abstinuisset. Neque enim, inquit, ea, quæ similem non erubesceret coitum, erubesceret partum. \* *Mensibus quinque.* Mense sexto per visitationem B. Mariæ cessavit occultatio; & cessare debuit, ne partus videretur supposititijs: \* *Dicens*, interim apud seipsam:

25. Quia sic fecit mihi Dominus in diebus, quibus respexit auferre opprobrium meum inter homines.

25. *Quia sic fecit mihi Dominus*: scilicet ut præ verecundia occultarem me, \* *in diebus, quibus respexit auferre opprobrium meum*: Ita scilicet auferens mihi opprobrium sterilitatis, ut alteri opprobrio intempestivi concubitûs me exponeret. Simul tamen his verbis tangit beneficium ablata sterilitatis, quæ apud Judæos maximè erat opprobrium, quod pœna videretur esse inflicta à Deo, ut indicant verba Phenennæ, 1. Reg. 1. v. 6. ad Annam; tum quòd pudor sit in feminis, inquit Ambros. nuptiarum præmia non habere, quibus hæc sola est causa nubendi: videntur enim uti conjugio non ad fructum, sed ad voluptatem. Unde qui certò deprehenderant, se esse steriles, infructuosum thorum de mutuo consensu præ pietate separabant, sicut Abraham & Saram fecisse notat Aug. in Epist. ad Galatas: Zachariam verò & Elisabeth. Ambr. in hunc locum. Sed quia fieri poterat, ut neutrà ex causa opprobrium sterilitatis haberet locum apud Deum, sicut in sanctissimis mulieribus patuit, Sara, Rebecca, Rachel, matre Samuëlis, & matre Samsonis; hinc addit, \* *inter homines*.

26. In mense autem sexto, missus est Angelus Gabriël à Deo in civitatem Galilææ, cui nomen Nazareth,

26. \* *In mense autem sexto*, à concepta scilicet prole per Elisabeth, quamvis juxta computum sacrum mensium & anni fuerit mensis primus, videlicet Nisan, & vigesimus quintus Martii nostri. Ex quo intelligimus sex mensibus Joannem Christo fuisse seniore. \* *Missus est Angelus Gabriël*: nomine suo significans fortitudinem Dei. Quem Hieron. in c. 8. Daniëlis præliis præpositum esse docet, ut ita ratione officii aptus esset, qui Christum, Dei virtutem, ad præliandum cum diabolo nasciturum nuntiaret. \* *A Deo*, immediatè scilicet, non per Angelum superiorem interpositum, sicut solent inferiores à superioribus mandata accipere, ut notat Bern. Homil. 1. super Missus. Nam Gabriël

Gabriël unus est ex iis, qui adstant immediatè ante Deum. \* *In civitatem Galilææ*, inferioris. Est enim duplex Galilæa: superior, quæ in Septemtrionem recedit; & inferior, quæ magis versus Austrum, habens ab ortu mare Tiberiadis, ab occasu mediterraneum. \* *Cui nomen Nazareth*: quæ vox scribenda esset non per *s*, & neque per *z*, ut ferè fit Græcè & Latinè, sed per *z*, Tzade, sicut notat Hier. in nominib. Hebraicis, & ex titulo Crucis Romæ asservato constat.

27. \* *Ad virginem*. Quod epitheton deinceps matri Dei tam stabiliter adhæsit, ut Epiphan hæres. 78. n. 8. dicat, neminem extitisse, qui nomen S. Mariæ proferre ausus sit, & non statim Virginis vocem adjiceret. \* *Desponsatam viro*, id est, recenter nuptam, licet incognitam. Nam quamvis vox tam Latina quàm Græca significet promissam, usurpari tamen solet pro nupta, ut patet ex cap. 2. v. 5. Ubi eodem modo *desponsata* vocatur, cùm jam esset prægnans, & in mariti potestate. *Desponsatam* ergo maluit quàm *nuptam* vocare, ut incognitam significaret: quo loquendi usu Sponsus & Sponsa vocantur, quamdiu nullus intercessit concubitus. Causas desponsationis dedimus Matth. 1. \* *Cui nomen erat Joseph*: ut ipso nomine castitatem alterius Joseph referret, fidemque pudicitia, quam servaret Mariæ, tanquam dominæ suæ, ut Bernardus latius. Itaque officio fuit custos virginitatis, curâ paterfamilia, arte faber; cui desponsata Maria, ut omnem typum carnalis nobilitatis extingueret, inquit Aug. lib. de catechizandis rudib. c. 22. \* *De domo David*. Addit hoc præcipuè, ut ejusdem stirpis intelligamus fuisse B. Virginem familiae hæredem, quia juxta legem Num. 36. cogeatur viro non solum ejusdem tribûs, sed & ejusdem familiae nubere, sicut diximus Matth. 1. idque ut hæreditas maneret non solum in tribu, sed & in familia. \* *Et nomen Virginis Maria*. Græcè est ipsissimum nomen Syriacum *Mariâm* dissyllabum indeclinabile, quod Hebraicè dicitur *Mariâm*, vertique potest *amaritudo maris*, vel *Domina maris*. Quomodò autem & illuminatricem maris seu stellam maris juxta multos significet, vide quæ diximus Exod. 15.

28. \* *Et ingressus ad eam Angelus*. Non ergo foris vagabatur, sed in conclavi fuit, ut notat Bernardus hom. 3. in Missus; & Ambros. hic. Sola, inquit, in penetralibus, quam nemo virorum videret, solum Angelus reperiret: sola sine comite, sola sine teste, ne quo degenerare depravaretur affatu. \* *Dixit, ave*: Græcè *χαίρε*, quod, à *χαίρειν*, *Gaudere*, deducitur. Unde Basil. hom. 23. dicit Mariam ab Angelo gaudere jussam; sicut & Raphaël Tobia dixit salutando, *Gaudium tibi sit semper*: & Ecclesia precatur Virgini, *Gaude & latare*, &c. & *Regina celi latare* &c. Noster interpretes vertit *Ave*: quæ vox est salutem

27. ad Virginem desponsatam viro, cui nomen erat Joseph. de domo David, & nomen Virginis Maria.

28. Et ingressus Angelus ad eam dixit: Ave gratia plena: Dominus tecum: Benedicta tu in mulieribus.



apprecantis & gratulantis. Et ita exponendum videtur, ut respondeat communissimæ salutationi Hebraicæ שלום לך, *Schalom lach*, id est, *Pax tibi*, sicut & Syriacè legitur. Ubi *Pax* non aliud significat quàm Latinis, *Salus & omne bonum*, sive Angelus hoc dixerit apprecando, sive potius cum quadam veneratione gratulando: quo sensu ab Ecclesia vox illa frequentatur in Angelica salutatione; & quando dicimus Cruci: *O crux, ave spes unica*; & chrismati: *Ave sanctum Chrisma*.

\* *Gratia plena*. Græcè est participium *κεχαριτωμενη*, quod hæretici, Vulgatam versionem vitantes, diversissimis modis reddiderunt *grata*, *gratiam consecrata*, *dilecta*, *accepta*, *justificata*, plerique *gratiosa*: ita suâ dissensione confirmantes Catholicorum etiam veterum consensionem, qui reddiderunt *gratiâ plenam*, Ambros. August. in Enchir. c. 26. & alii. Gratiâ autem plena dicitur, eò quòd Spiritu Sancto, ejusque donis omnibus, quibus grati efficimur Deo, abundaret, propter quæ Deo esset acceptissima, ita ut Domini sui, imo Domini omnium mater futura esset, inquit Aug. loco cit. Quod plenitudinis genus omnem omninò gratiam comprehendit, quam decebat habere eam, quæ jamjam fieret mater Dei, sive illa esset immunitas à peccato, tam originali quàm actuali, sive ab omni, quod quovis modo ad peccatum incitat, Deoque displicet, ut concupiscentia & ignorantia, &c. sive esset omnis gratia & virtus, quam ullus Sanctorum numquam acceperit, sive aliud quidpiam nobis ignotum. Unde quamvis & aliis nonnullis plenitudo gratiæ & Spiritus Sancti tribuatur, ut Joanni sup. v. 13. Stephano & septem Diaconis Act. 6. & aliis: non tamen propterea Virgini comparandi sunt. Unicuique enim plenitudo tribuitur, officio, cui dedicatur, congrua. Cum ergò matrem Dei esse sit supremum, ad quod præter unionem hypostaticam humana natura possit assumi, plenitudo hîc intelligi debet tanta, quanta congruit tantæ dignitati. Nam & fons & fluvius & rivulus pleni sunt, etsi diversa sit in singulis aquarum abundantia: Christus fons omnis gratiæ; Maria fluvius fonti proximus; reliqui rivuli. Unde non caret emphasi, quòd Angelus, nomine ejus proprio suppresso, vocet eam nomine appellativo *κεχαριτωμενη*, *Gratiâ plenam*, tanquam proprio. Quod fieri non solet, nisi cum nomen aliquod ita singulariter alicui, ut penè, soli, competit, & omnes superat; & cum *sapiens*, ponitur simpliciter pro Salomone, *Iustus* pro Christo, *Apostolus* pro Paulo.

\* *Dominus tecum*; per Incarnationem, inquit Bernardus serm. 3. in Mattheum: sed hoc videtur repugnare vers. 31. & 35. Unde alii exponunt.

nunt, *Dominus tecum*, per Incarnationem mox futuram. Sed Angelus non videtur significare, qualis futura esset, sed qualis jam esset. Unde nec subaudiendum videtur verbum *sit*, sed potius *est*: ut non sit optantis, quemadmodum Ruth 2. v. 4. sed gratulantis, conformiter ad prima verba. Dicitur autem Dominus esse cum illis, quibus favet, quos custodit, quos regit, quibus prosperos successus tribuit, quos ad magna evehit, sicut dicebatur esse cum Joseph, & cum David, & cum Moyse, Josue 1. v. 5. & cum Paulo, Act. 18. v. 10. Itaque tangitur hinc causa, cur sit gratia plena, videlicet favor Dei; cujus effectus amplius explicatur verbis sequentibus. \* *Benedicta tu*; supple, *es*: phrasi Hebræis usitatissimâ, id est, benedictionibus seu beneficiis amplissimis à Domino, qui tecum est, cumculata. \* *In mulieribus*, id est, inter mulieres, sicut eadem omninò verba Græca vertuntur versu 42. quod non significat aliud, quàm præ mulieribus, seu super omnes mulieres. Quas potius nominat quàm viros, tum quòd comparatio inter ea fieri soleat, quæ sunt ejusdem generis, tum quòd benedictiones aliquæ, ut electio ad dignitatem matris Dei, conceptus sine libidine, salvâ virginitate &c. sexui muliebri esset peculiaris: tum denique quod Christus Dominus vir solus esset, super omnia Deus benedictus in sæcula, ut notat Bernard. serm. cit.

29. \* *Qua cum audisset*: Græcè & Syriacè est, *cum vidisset*. Unde Ambr. tum hoc loco; tum l. 1. Offic. c. 18. & Hier. epist. ad Lætiam, collegisse videntur, eam turbatam fuisse ad peregrinam speciem sexus virilis, in qua Angelus apparebat. Quod sicut negari non debet fuisse verum, ita quia visus generalis quodammodò sensus est, ut Aug. loquitur, & pro omnibus sensibus poni solet, videtur hinc poni generaliter tam pro visu quàm auditu, maximè quia sequitur: \* *Turbata est in sermone ejus*, qui non nisi auditu percipitur. Itaque & aspectu Angeli, tanquam viri, & verbis ejus perturbata est, partim anxietate, partim verecundiâ. \* *In sermone ejus*, id est, propter tam insolitam salutationem tot laudibus plenam, quas humilitas & verecundia respueant. \* *Et cogitabat*, id est, præsentis & attentò animo considerabat: quo insinuat: non ita turbatam, ut mens obnubilata fuerit. \* *Qualis esset ista saluatio*, id est, quid sibi vellet, quorsum tenderet saluatio, quâ, ut Bernard. serm. de Nativ. se reputabat indignam: item qualis, sincera an dolosa: divina, an illusoria. Unde etiam tacitè hæc volvens animo, præ modestia nullum responsum retulit, quamvis esset humilis, ut ibidem Ambros.

29. Quæ cum audisset, turbata est in sermone ejus, & cogitabat qualis esset ista saluatio.

30. \* *Et ait Angelus ei*, ut dando causam salutationis, itemque suæ legationis, timorem abstergeret: \* *Ne timeas*, sive aspectu sive verbis

30. Et ait Angelus ei: Ne timeas Maria, invenisti enim gratiâ apud Deum;



meis attonita aut anxia, \* *Maria*; proprio nomine quasi familiarius nectam appellans. Unde Ambr. observat, Virginem, audito nomine suo, Angelum recognovisse, videlicet simili ferè modo, quo Magdalena, audito nomine suo, Dominum agnovit. \* *Invenisti enim gratiam*, id est, beneplacitiam & benevolentiam, \* *apud Deum*. Nam istis verbis videtur dare rationem, cur eam dixerit *gratiâ plenam, & benedictam in mulieribus*. Gratiâ quidem plênâ, eò quòd placeret Deo: benedictam verò, quod Deus ei esset benevolus: quorum utrumque significatur per illud, *invenisti gratiam*: ut proinde his verbis non solus gratus Dei favor, sed potius simul dignitas quædam personæ & meritum insinuetur. Nam & Gen. 6. cùm Noë similiter dictus esset invenisse gratiam coram Domino, cap. seq. exponitur hoc fuisse causa & meritum evadendi diluvii: *Ingrederere in arcam, te enim vidi justum &c.*

31. ecce concipies in utero, & paries filium, & vocabis nomen ejus Jesum.

31. \* *Ecce concipies*. Explicat per signum, quod gratiam invenerit: & quia res admirabilis erat, attentum animum postulans, ideò dicit, *Ecce*: & ut indicaret eam tunc nondum concepisse, addit in futuro, *concupies*. Quo refellitur quorundam magnorum virorum sententia, qui putaverunt jam tum Virginem concepisse. Ut autem veritatem humani conceptus, tam secundum humanæ naturæ materiam, quam concipiendi locum exprimeret, addit, \* *in utero*, ut notat Theophyl. Non enim illud, *in utero*, superfluum est, nihil addens significationi, ut putavit Maldonatus, sed omnia sensu prægnantissima sunt. Nam his verbis refellitur error iste, qui ponebat Christum conceptum circa cor B. Virginis, ex tribus guttis sanguinis cordis, qui Romæ præsentate Cajetano damnatus est, ut ipse testatur in 3. p. D. Th. quæst. 3. a. 5. \* *Et paries filium*: qui proinde ratione veræ conceptionis, & veri paritus, verè filius tuus erit; & tu verâ mater ejus. Alludit autem aperitissimè ad prophetiam Isaïæ 7. *Ecce virgo concipiet & pariet filium &c.* ut indicaret eam esse, de qua locutus est Isaïas, quod Virginem intellexisse non est dubium. \* *Et vocabis nomen ejus Jesum*: utpote qui salvum facturus est populum suum à peccatis eorum. Porro Isaïas dixit *vocabunt Emmanuël*, id est, nobiscum Deus. Ubi non tam nomen ejus proprium prophetatur, quam quid reverà filius iste futurus sit, & vocari possit, nempe Deus in natura humana nobiscum conversans: quo Incarnationis mysterio idoneus fuit, qui merito sanguinis sui effusi esset \* *Jesus*, & salvaret populum suum.

32. Hic erit magnus, & Filius Altissimi vocabitur, & dabit illi Dominus Deus sedem David patris ejus: & regnabit in domo Jacob in æternum,

32. \* *Hic erit magnus*: absolute scilicet omni magnitudinis modo. Quo significat maximum futurum hominem, qui maximus erat Deus, ut Bernardus hom. 3. in Missus: loquitur enim de illo, ut homine futuro. \* *Et filius*, id est, quia Filius, \* *Altissimi vocabitur*, id est, non tantum

tantum erit Filius Dei, sed etiam talis crederetur & celebrabitur, jure scilicet non solâ hominum opinione. Nam juxta phrasin Hebraicam ita vocandum significatur, ut etiam sit Filius Altissimi consubstantialis. \* *Et dabit illi Dominus Deus ejus*: id est, non tyrannicè invadet, sed Deus illi tanquam homini daturus est \* *sedem David patris ejus*, id est, thronum ac regnum David, ex quo tanquam filius nasciturus est. Quibus verbis eum significat futurum Messiam seu Christum, illum videlicet Davidis filium, qui ei promissus erat, succedurus in regnum, & illud restauraturus, de quo Isaïa 9. v. 6. & Psalm. 131. v. 11. Regnum autem intelligitur, quo non solum Judæis, sed omnibus gentibus regnaturus; intus quidem per fidem & charitatem, exterius verò per leges, pœnas, & præmia. Cujusmodi regimen in Christi regno, id est, in Ecclesia jam videmus. Hujus jus ei datum in conceptione, exercitium in prædicatione, perfectio cum collocatus est ad dexteram Patris, complementum post judicium. Vocatur autem *regnum David*, quia sicuti promissum, ita etiam datum est David, sed in filio, & inchoatum in subditis David; nempe Judæis, ac denique, ut Bern. hom. 4. in Missus, quia in carnali Davidis regno veluti typo adumbratum, sicut etiam in Davide Christus: ita ut hac de causa etiam David appelletur, Jerem. 30. v. 9. & Eccles. 34. v. 23.

33. \* *Et regnabit in domo Jacob*, tota scilicet, non una vel altera tribu: per quam intelligit universam Ecclesiam, etiam omnium gentium, quia à posteris Jacob inchoata fuit, & Gentes merito fidei in familiam Jacob adscitæ. Nam ex Judaico populo velut oliva, & ex Gentibus velut oleastro, in olivam illam inserto, una arbor, unus populus, una familia, una Ecclesia, velut una domus Jacob facta est. \* *In æternum*, id est, non per solos annos quadraginta, non per successores, non cum interruptione alicujus captivitatis, sicuti David, sed interruptè, per se, in æternum. Ut autem Aug. notat lib. contra Priscillianistas c. 7. id, quod dixerat *in æternum*, exposuit, addendo: \* *Et regni ejus non erit finis*, ne quisquam *æternum* acciperet pro longo temporis intervallo. Itaque significatur, tam Regem quam regnum, seu cives ejus æternos sine fine futuros, nec ita, ut, aliis moriendo decedentibus, aliis succedentibus oriendo, species perpetuitatis appareat, sicut arbor perenni fronde vestitur; sed ita, ut totum regnum, & cives ejus sint immortales, ut Aug. lib. 22. de Civit. c. 1.

34. \* *Dixit autem Maria ad Angelum*, quem videlicet jam Angelum sentiebat: \* *Quomodo fiet istud?* Ergo credidit id futurum, cujus modum inquirebat, ut Aug. l. 16. de Civit. c. 24. & Ambr. hîc: Hæc, inquit, jam de negotio tractat; ille (Zacharias) adhuc de nuntio dubitat.

33. & regni ejus non erit finis.

34. Dixit autem Maria ad Angelum: Quomodo fiet istud, quoniam virum non cognosco?



bitat. Nam, ut & Beda observat, Zacharias rogabat, *Unde hoc sciam?* Virgo, *Quomodo fiet istud?* Quia ordinem obsequii sui inquirebat, non signum, cui crederet. Ex quibus patet imperitia & impietas Calvinii, qui ex his verbis colligit Virginem restrinxisse Dei potentiam, non minus malignè quàm Zachariam. \* *Quoniam virum*, scilicet meum Joseph, \* *non cognosco*. Hæc est ratio, cur quærat modum, non scilicet curiositas, sed quia ipsius magnopere intererat. Porro illud, *cognosco*, non potest intelligi tantum de facto; futilis enim esset interrogatio, quia posset in futurum cognoscere, nec de nuda consuetudine aut proposito, sicuti dicimus, Non bibo vinum, quia posset consuetudinem & propositum pro re tanti momenti propriâ & prudenti voluntate mutare: sed de consuetudine seu proposito ita firmato, ut resilire non posset: quasi diceret, non possum aut non licet mihi virum cognoscere. Quod cum fieri non soleat nisi ex voto, hinc est quod Bern. Hom. 4. in Missus, Beda, Nissenus Oratione in Nativitatem Christi, & in primis Aug. lib. de Virginit. c. 4. constanter inde colligant, eam fuisse voto virginittis adstrictam, antequam Angelus ei loqueretur: imò antequam nuberet, ut Aug. Quia enim votum virginittis, inquit, Israëlitarum mores adhuc recusabant, desponsata est viro iusto, non violenter ablaturus, sed potius contra violentos custodituro, quod illa jam voverat.

35. Et respondens Angelus dixit ei: Spiritus sanctus superveniet in te, & virtus Altissimi obumbrabit tibi. Ideoque & quod nascetur ex te Sanctum, vocabitur Filius Dei.

35. \* *Et respondens Angelus*, ut modum illius conceptus salvâ virginitate, de qua sollicita erat, explicaret, \* *dixit: Spiritus Sanctus superveniet in te*, id est, loco viri cælitus seu desuper veniet in te. Nominat autem Spiritum Sanctum magis, quàm Patrem aut Filium, duabus de causis: Primò, quia Spiritui Sancto appropriantur opéra gratiæ, ut propterea eum Apostolus ad Hebr. vocet *Spiritum gratiæ*. Summum autem opus gratiæ fuit talis conceptus, & Virgini, ut sic fieret Mater Dei; & ipsi Filio hominis, quia nullis meritis propriis tanta dignitas ei obtigit, ut esset simul Filius Dei, prout declarat Aug. lib. de corrept. & grat. c. 11. & de dono perseverantiæ cap. ultimo; & humano generi, quia eadem gratiâ fit quisque Christianus, quâ ille homo factus est Christus, ut ait idem lib. de prædest. Sanctorum c. 15. Secundò, quia ille est Spiritus sanctificationis, & ejus fons, cui opera sanctitatis appropriantur, ut hoc ipso intelligeret Virgo, conceptum illum summâ puritate esse peragendum. \* *Et virtus Altissimi*, scilicet Dei Patris. Hanc *Virtutem* plerique veteres intelligunt Filium Dei, qui ab Apostolo vocatur *Dei Virtus & Sapientia*, ut ita tota Trinitas hic exprimitur. Posset tamen pro more Scripturæ usitato esse repetitio & explicatio præcedentis, ut sit idem quod Spiritus Sanctus efficaciss-

cissimus, ut sentit Euthymius. Summæ enim potentia opus fuit conceptus Virginis sine viro: unde & cap. 24. de Spiritu Sancto dicitur, *Donec induamini virtute ex alto, \* Obumbrabit tibi.* Locutio est metaphorica, cujus obscuritas multas explicationes peperit. Recentiores aliqui putant honestissimâ metaphorâ significari fœcundationem Spiritûs S. loco complexus virilis: q. d. Spiritus mundissimus divinâ virtute castissimè sine viro te gravidam reddet. Qui sensus quamvis non videatur omninò incongruus, & à Theophyl. ac Tyto insinuatus, qui exponunt, *Obumbrabit*, id est, undique te circumdabit & complectetur te: Antiquiores tamen alias metaphoras in hoc verbo notarunt. Aug. per *obumbrationem* significari sentit virtutem Altissimi velut umbrâ quâdam refrigeraturam carnem Virginis ut sine ullo libidinis æstu conciperet. Unde epist. 57. q. 2. dicit, quod Virgo, cui dictum est, *obumbrabit tibi*, sub tali umbraculo nullo ardore concupiscentiæ carnalis æstuabit: quod etiam tangit Gregor. lib. 3. Moral. c. 3. Hilarius lib. 2. de Trinit. accipit pro protegere & confirmare, quia umbraculum protegit: q. d. Proteget & juvabit te, ut concipere sine viro possis, itemque ut in conceptu & partu ab omni injuria contaminationis defendaris. Theophyl. etiam accipit, protegere ad fovendum, sicut avis, inquit, pullos tegit, ut eos foveat & vivificet. *\* Ideoque*, scilicet propter illam Spiritûs Sancti operationem, *Quod nascetur*, Græcè γεννησθαι quod generatur, seu quod genitum fuerit; non enim agit de nativitate, sed de conceptu, sicut & Matth. 1. v. 20. Accuratè autem observat & urget Epiph. hæref. 54. dici, & quod, ut intelligatur id, quod nascetur, adhuc semel esse genitum, ex Patre scilicet ante tempora, & jam iterum nasciturum secundum carnem. *\* Ex te*, id est, ex substantia tua; ut indicet Filium Dei non allaturum corpus de cælo, inquit Athanas. ep. ad Epiætetum, vel per Virginem ut canalem transiturum. Ne quis videlicet cum Eutiche putaret, quia conceptus Virginis fuit divini operis, quod non de natura concipientis facta esset caro concepti, ut inquit Leo ep. 10. c. 12. *\* sanctum*. Jungendum est cum, *nascetur*, & construendum ex parte posteriori, non anteriori, ut habeat vim adverbii, potius quam nominis: q. d. Quod nascetur ex te sanctè, id est, sancto modo, ex Spiritu S. sine viro; & idè etiam sanctus tamquam gratiâ sanctificationis plenus, sine omni peccati originalis immunditia. Indicat hunc sensum Greg. 1. 18. moral. c. 27. Non ergò hoc verbo unio hypostatica directè, sed puritas conceptus significatur. *\* Vocabitur Filius Dei*: propriè dictus, sicut & erit: quod phrasi Hebraicâ per *vocari* sæpè jam diximus significari. Vanum enim esset ita tantum significari, si non esset. Ideo ergò quia ex vir-



tute Altissimi obumbrante conceptus, erit etiam Filius Dei: non quasi purus homo non potuisset ita concipi, sed quia talis nativitas sine viro, suppleto Deo vices viri, nemini conveniebat, nisi Filio Dei, sicut nec Filium Dei aliter decebat concipi.

36. Et ecce Elisabeth cognata tua, & ipsa concepit filium in senectute tua: & hic mentis sextus est illi, quæ vocatur sterilis:

36. \* *Etece* Domesticum scilicet exemplum in promptu positum: q. d. Non magis difficile Deo erit tibi Virgini, quam illi sterili supra naturam conceptum dare. Neque hoc adfert, ut incredulitatem aut dubitationem Virgini tolleret, sed ut rem arcanissimam sensibili exemplo humano more confirmaret, & juxta Bernardum hom. 4. in Missus, miraculum miraculo addendo, gaudium gaudio cumlaret. \* *Elisabeth cognata tua*; quia Judæa, ut Ambr. initiol. lib. 3. in Luc. nam omnes Judæi vocantur *cognati secundum carnem*, Rom. 9. v. 3. & præcipue quia materno genere erat ex tribu Juda & familia David, quamvis ex parte patris esset de filiabus Aaron. Unde quidam Mariam & Elisabeth filias fuisse putant duarum sororum ex tribu Juda, quarum una nupserit in tribu Levi, Anna verò mater Virginis in tribu Juda. Feminis enim licebat extra tribum suam nubere, quando non erant hæredes; & ita periculum deerat, ne possessiones tribuum & familiarum permiscerentur. Sic enim David duxit Michol ex tribu Benjamin, & Joiada Pontifex duxit Josabet, filiam Regis ex tribu Juda. \* *Et ipsa concepit filium in senectute sua*: id est, etiam ipsa, sicut tu, concepit divinitus in senectute, cum in juventute non potuisset. Comparat enim conceptum in senectute conceptui in virginitate, quia utrobique impotentia. Et ne existimes rem incertam esse, \* *Hic mensis est sextus*, à conceptu, ita ut eum quilibet facile externis indicis cognoscere possit, \* *illi, quæ vocatur sterilis*, id est, cujus sterilitas vulgò est notissima, ita ut non sine probro passim sterilis vocari soleat. Probat autem hypothesin ex generali thesi:

37. quia non erit impossibile apud Deum omne verbum.

37. \* *Quia non erit impossibile apud Deum omne verbum*: id est, nulla res Deo impossibilis; duplici Hebraismo, *non omne*, pro nullum, sicut Psalm. 142. v. 2. & *verbum* pro re, quam Deus dixerit, aut promiserit. Nullum ergò verbum Deo impossibile: quia apud Deum nec verbum dissidet ab intentione, quia veritas est; nec factum à verbo, quia virtus est; nec modus à facto, quia sapientia est, inquit Bern. serm. ult. in Missus. Generalis igitur regula est, omnia Deum posse, præter ea, quæ si posset, non esset omnipotens, ut mori, falli, mentiri & similia, juxta Aug. lib. 5. de Civit. cap. 10.

38. Dixit autem Maria: Ecce ancilla Domini, fiat mihi secundum verbum tuum. Et discessit ab illa Angelus.

38. \* *Dixit autem Maria*, incunctanter verbis credendo. & promissis consentiendo, \* *ecce ancilla Domini*; supple, Ero; sunt enim verba se promptissimam offerentis Deo, Quo sensu Hebræi usitatissimè

simâ phrasi dicere solent, *Ecce ego*, pro præsto sum, ut patet 1. Reg. 3. v. 4. 5. 6. & 9. Porro nomen *Ancilla* spirat sublimem humilitatem, ut Bernard. hom. 4. in Missus, quæ cedere non novit honoribus, nec gloriâ insolescit. Spirat & obedientiam divinæque potentiae commendationem: q. d. Ego ancilla, ipse Dominus, cujus imperio me paratissimam decet obsequi, qui jure suo de me potest quidquid velit. \* *Fiat mihi secundum verbum*, seu promissum, \* *tuum*. Verba sunt non solum perseverantis in obedientia, quam veteres authores passim prædicant, ut Iren. lib. 3. c. 33. qui dicit, quod Maria obediens & sibi & universo generi facta est causa salutis, sicut Eva inobediens causa damnationis: sed sunt etiam verba consensum dantis, quem ab ea Deus expetebat, ut Aug. serm. 18. de Sanctis; itemque desiderantis: desiderii enim signum est, inquit Bernardus, non dubitationis indicium. Unde Ambr. Ecce Ancilla Domini, apparatus officii est: contingat mihi secundum verbum tuum. Conceptus est voti. Consensu igitur Virginis accepto, discessit ab illa Angelus tamquam legatione perfectâ, ne videlicet ipsemet in ea incarnatus crederetur, ut notat Athanas. serm. de Deipara: qui consequenter docet, tunc obumbrante Virginem virtute Altissimi salutarem conceptum fuisse consummatum. Quod longè verisimilius quam id, quod putavit Bernard. serm. 3. in Missus, quod Filius Dei in Maria suum nuntium prævenisset. Nam tunc non dicendum fuisset, Fiat, sed Placet: omniaque verba Angeli rem non factam, sed futuram loquuntur.

39. \* *Exurgens autem Maria abiit*. Pleonasmus est Hebraicus, qualis iste, *Convertit abiit, & Respondens dixit*. \* *In diebus illis*, id est, paucis post diebus, \* *in montana*, id est, regionem montanam \* *Judææ* ( sunt enim & montana Galilææ: ) quæ incipiunt ab Emaus seu Nicopoli, & confurgunt paulatim usque ad montem Oliveti, ut Hieron. in c. 10. Daniëlis. Extendunt se tamen etiam procul ad Austrum Jerusalem, versus Hebron. \* *Cum festinatione*, quæ serii & ardentis affectus testis erat. \* *In civitatem Judææ*, in sorte scilicet tribus Judæ sitam. Hanc aliqui Jerusalem fuisse putant, quod ibi Sacerdotes commorari solerent. Sed ratio hæc parvi momenti est, erant enim sacerdotales civitates per diversas tribus dispersæ. Nec propriè Jerusalem erat civitas Judæ, sed Benjamin. Alii volunt fuisse Hebron, quæ sacerdotalis erat in tribu Judæ & in montanis sita, alii aliam. Causa hujus itineris & festinationis erat, non quod esset incredula de oraculo, vel incerta de nuntio, vel dubitans de exemplo Elizabeth, ut aliqui suspicantur, sed, ut Ambros. quia læta pro voto ( quo diu optaverat tolli sterilitatem Elizabeth ) & religiosa pro officio, & festina præ gaudio.

39. Exurgens autem Maria in diebus illis abiit in montana cum festinatione, in civitatem Judææ:



40. Et intravit in domum Zachariæ, & salutavit Elisabeth.

40. \* *Et intravit domum Zachariæ & salutavit Elisabeth.* Ubi observat Ambr. quod venerit junior ad seniore, priorque salutaverit: decet enim ut quanto castior virgo, tanto humilior sit. Noverat deferre senioribus.

41. Et factum est, ut audivit salutationem Mariæ Elisabeth, exultavit infans in utero eius, & repleto est Spiritu sancto Elisabeth.

41. \* *Et factum est, ut audivit salutationem Mariæ,* id est, simulatque audivit. Vult enim per hoc significare salutationem Mariæ fuisse causam exultationis, quā \* *exultavit infans in utero ejus,* præ gaudio, ut additur v. 44. Porro Græcum *ἐκπληρε* convenit propriè animalibus saltu lascivientibus, & inde ad fortum transfertur à Græcis Medicis. Itaque Aug. epist. 57. putat hanc exultationem factam esse divinitus in infante, non humanitus ab infante, hoc est, sine rationali cognitione: quamvis ibidem non abhorreere videatur; ut divinitus dicatur acceleratus usus rationis. Quod sanè magis placuit cæteris Patribus, tam ante quàm post Augustinum. Nam Iren. lib. 3. c. 18. dicit, quod Dominum cognoscens exultando salutaverit: Tertull. lib. de carne Christi c. 21. Domini sui conscium infantem vocat, & Orig. hom. 7. docet idem latius: Ambr. verò, habebat intelligendi sensum, qui exultandi habebat affectum. Itaque hic impletum est, quod Angelus dixerat v. 13. Spiritu Sancto replendum adhuc ex utero matris, nempe non solum sanctificante infantem, sed & illuminante, & præcursores Prophetam constituyente, ut Origen. Theophyl. Euthym. Quam tamen illuminationem transeuntem fuisse, non permanentem, sicut propheticæ illustrationes esse solent, verisimilius est; etsi non desint etiam antiqui, qui contrarium sentiant. \* *Et repleta est Spiritu Sancto Elisabeth,* scilicet ex filii sui exultatione. Nam quamvis Christus locutus sit per os matris suæ, & quamvis per aures suæ matris audiverit, non tamen prius Elisabeth impleta est Spiritu Sancto, quàm filius; sed, ut Ambr. cum filius esset repletus, replevit & matrem, & utraque mater prophetat spiritu parvulorum.

42. & exclamavit voce magna, & dixit: Benedicta tu inter mulieres, & benedictus fructus ventris tui.

42. \* *Et exclamavit voce magnâ,* præ spiritus divini fervore non se continere valens, \* *& dixit: Benedicta tu inter mulieres,* seu *in mulieribus:* nam Græca eadem omnino verba sunt, quæ v. 28. Ut hinc liqueat eam ex Spiritu Sancto esse locutam: nam, ut Ambr. novit sermonem suum Spiritus Sanctus, nec umquam obliviscitur: & prophetia non solum rerum completur miraculis, sed etiam proprietate (id est identitate) verborum. \* *Et benedictus,* id est, omni divinatorum beneficiorum affluentia repletus secundum humanam naturam, quia ipso fonte omnis benedictionis verbo Dei hypostaticè plenus, \* *Fructus ventris tui,* id est, verus filius tuus: quis enim fructus uteri seu ventris, qui non ex utero germinavit? Qui non in utero radicem egit? inquit

inquit Tertull. loco cit. His itaque verbis & rationem dat, cur Maria sit benedicta, & tacite alludit ad promissionem Davidi factam, Psal. 131. v. 11. & venerando quodammodo salutatur Christum Dominum.

43. \* *Et unde hoc mihi?* Verba sunt non ignorantis aut dubitantis, sed admirantis præ mentis humilitate dignationem matris Domini. *\* Ut veniat mater Domini mei*, id est, Dei seu Verbi incarnati, de quo similiter dixit David, *Dixit Dominus Domino meo*, interprete ipso Domino, Matth. 22. v. 44. Si ipsa mater Domini, consequenter necesse est, ipsum Dominum fuisse filium Mariæ, atque ita contra Nestorium utramque naturam in eadem persona conjunctam esse: qua de causa veteres Orthodoxi vocarunt B. Virginem Θεοτόκον, id est, Deiparam. Itaque prophetico spiritu plena divinitus agnovit jam impletum, quod Angelus futurum dixerat, eum, qui nasciturus erat Sanctus, futurum Filium Dei.

42. Et unde hoc mihi ut veniat mater Domini mei ad me?

44. \* *Ecce enim ut facta est*, id est, simul ac facta est, \* *vox salutationis tuæ in auribus meis*: ita ut vix mente esset percepta, nec animum adhuc meum gaudio affecisset: \* *Exultavit in gaudio infans*, id est, subsiliit præ exultatione seu lætitia. Significat itaque & hinc vocem salutantis fuisse causam exultationis infanti, & hanc sibi fuisse signum, unde cognoverit matrem Domini. Non quod illa sola exultatio ad hoc sufficeret, quæ alia ex causa poterat contingere, sed, ut inquit Aug. epist. 57. Spiritu Sancto revelante cognovit, quid illa exultatio significasset infantis, id est, illius venisse matrem, cujus præcursor ipse & demonstrator futurus esset.

44. Ecce enim ut facta est vox salutationis tuæ in auribus meis, exultavit in gaudio infans in utero meo.

45. \* *Et beata quæ credidisti*, quia fides inchoat beatitudinem. Tacite autem opponit illam credentem marito suo incredulo, quia cum ille negasset, hæc correxit errorem, inquit Ambr. \* *Quoniam perficientur*. Cum enim credita eveniunt credenti, cedunt illi ad gloriam; cum eveniunt non credenti, cedunt ad ignominiam & confusionem: \* *quæ dicta sunt tibi à Domino*, per Angelum nuntium ejus. Porro in his paucis verbis Elisabeth dicendo, *Quæ credidisti*, vaticinatur præterita; dicendo, *Mater Domini*, præsentia; dicendo *perficientur*, futura, ut observat Greg. hom. 1. in Ezech.

45. Et beata, quæ credidisti, quoniam perficientur ea, quæ dicta sunt tibi à Domino.

46. \* *Et ait Maria*, Spiritu S. incitante, Filio dictante: \* *Magnificat anima mea Dominum*: quasi responderet, Tu magnificas matrem Domini, ergo Dominum; ut scilicet sic indicaret, se nihil sibi retinuisse, sed præ humilitate & gratitudine totum refudisse, & omnia nos refundenda docuisse in Deum, ut Bernard. serm. de duodecim stellis. Itaque, *Magnificat anima mea Dominum*, id est, ex intimis animæ meæ medullis magnificentiam Domini erga me admior & prædico.

46. Et ait Maria Magnificat anima mea Dominum:



47. & exultavit  
spiritus meus in  
Deo salutari  
meo.

47. \* *Et exultavit*, id est, præ lætitiæ vehementia gestiit & exilivit, \* *Spiritus meus*. Idem est, quod anima mea: nisi quod magis superiorem animæ partem significare videatur, ut indicet omnes animæ suæ vires magnificasse, seu magnum prædicasse Dominum, & exultasse \* *in Deo*, Græcè ἐπὶ τῷ θεῷ, *super Deo*, seu de Deo & propter Deum; significatur enim objectum exultationis. \* *Salutari meo*, Græcè τῷ σωτηρί μου, *Salvatore meo*, pro quo frequenter *Salutare* in Scripturis accipitur. Itaque nomine *Dei* magnificentiam majestatis ejus extollit; nomine *Saluatoris* beneficentiam, ut & jure metuendum & dilectione dignissimum ostenderet.

48. Quia respexit  
humilitatem an-  
cillæ suæ: ecce  
enim ex hoc bea-  
tam me dicent  
omnes genera-  
tiones.

48. \* *Quia respexit*, benignis scilicet & misericordibus oculis: q. d. Non est adversatus aut dedignatus \* *humilitatem ancillæ suæ*. Humilitatis virtutem intelligit Orig. & Bernard. aliquoties serm. 42. in Cant. & alibi: ut proinde ille sensus esset, quod exultaret in illo Dei judicio, quo beneplacitum ei fuit humilitatis virtutem, quam sibi donaverat, attendere, & ejus intuitu majora donare, videlicet Incarnationem Filii sui, ut similis hæc esset exultatio, & ex eadem causa, ex qua exultatio Christi, Lucæ 10. v. 21. cum dixit, *Confiteor tibi Pater, quia abscondisti hæc à sapientibus & revelasti ea parvulis*, id est, humilibus. Commodior tamen videtur sensus, ut humilitas significet abjectionem personæ, veluti tanto beneficio indignam, quo modo usurpatur Gen. 29. v. 32. & alibi; ita ut eam opponat tacite magnitudini Dei, quo modo exponunt Græci, Titus, Theophyl. & Euthym. q. d. Ideo exultato, quia cum ipse maximus sit, respexit, in tanto beneficio exhibendo, non divitem, non in sæculo sublimem, sed abjectam: se enim deprimit, Deum extollit, & humilitatis virtutem potius exercet opere, quàm voce prædicet, vel animo agnoscat. Verè enim humilitatis est, de humilitate non gloriari, sed eam reipsa exhibere. Unde etiam se *Ancillam* vocat, ita ut humilitas ancillæ idem sit, quod humilis ancilla, id est, non magni pretii, sed inter Dei ancillas minima: non quod revera talis esset, sed quod talē se reputaret.

*Ecce enim ex hoc*, id est, deinceps ex hoc tempore, \* *beatam me dicent omnes generationes*, per sæcula sibi successuræ: nam verba hæc, teste Epiphanio heresi 30. vaticinium continent futurorum præconiorum, quæ in finem sæculi usque Beatæ Virgini ab Ecclesia deferuntur, & deferenda sunt.

49. Quia fecit  
mihi magna qui  
potens est, & san-  
ctum nomen ejus.

49. \* *Quia fecit mihi magna*: Græcè μεγαλεια *magnalia*, quia hæc-  
nus inaudita & admiranda, & omnes naturæ vires superantia, conceptum scilicet Virgini sine viro, & matrem Dei, & virtutum apparatus tantis mysteriis congruentem: \* *qui potens est*, mirabilia scilicet operari.

operari. Nam in istis mysteriis tota ratio facti est potentia facientis, ut Aug. epist. 3. \* *Et sanctum nomen ejus* supple, *fecit mihi magna*: vel potius *cujus nomen sanctum est*. Usitatè enim Hebræi ponunt unum relativum pro altero. Itaque potentia Dei respicit hîc Incarnationis sublimitatē ac difficultatē; sanctitatis verò puritatē, tum conceptionis, tum præviæ præparationis ipsius Virginis, quantum ad corpus & animam.

50. \* *Et misericordia ejus à progenie in progenies*, id est, in infinitas progenies seu generationes sibi mutuo succedentes. \* *Timentibus eum*; supple, *exposita est*: q. d. Non mirum esse, quòd tantam erga se misericordiam exercuerit, cum illa soleat per omnes ætates timentibus benefacere. Respicit autem ad vers. 17. Psal. 102. Et hæc quidem de misericordia Dei: nunc de judicio.

50 Et misericordia ejus à progenie in progenies timentibus eum.

51. \* *Fecit potentiam*, id est, exercuit potentiam suam, fortiter se gessit, \* *in brachio suo*. Humano more loquitur, quia robur hominum in brachio, cujus proinde plerumque symbolum est in Scripturis. Putant aliqui hîc Virginem universè de mirabilibus Dei operibus vel creationis, vel educationis Israël ex Ægypto loqui. Verisimilius credo, prophetico more verbis præteriti temporis expressam. In hoc ergo fecit potentiam, quia \* *disperisit superbos mente cordis sui*, id est, quia Judæos, cogitatione cordis sui seu animo superbos, & ex superbia incredulos, disperisit per orbem terrarum.

51. Fecit potentiam in brachio suo: disperisit superbos mente cordis sui.

52. \* *Deposuit potentes*: Græcè *δυναστες*, id est, Principes & primates Judæorum, tam reipublicæ quam religionis, detraxit \* *de sede*, Græcè *ἀπὸ θρόνων*, de thronis, principatus videlicet & Sacerdotii, propter superbiam adversus Christum Dominum. \* *Et exaltavit humiles*, id est, populum gentilem prius abjectum, & Spiritus S. missione humilem factum, in regnum & regale Sacerdotium exaltavit.

52. Deposuit potentes de sede, & exaltavit humiles.

53. \* *Esurientes implevit bonis*, id est, eosdem Gentiles omni virtute vacuos, & idèd justitiam Dei anhelantes, *implevit bonis*, justitiâ, virtutibus, omnisque generis beneficiis: \* *& divites*, quasi saturos, qui seipso justos esse putabant, & ad justitiam cum sola cognitione legis sibi datæ sufficere, quasi non indigentes Christi auxilio, aut redemptione, \* *dimisit inanes*, quales videlicet erant. Cujus prophetiæ veritatem in effectibus suis nunc conspiciamus, & ad divini sui judicii profunditatem meritò contremiscimus. Nam in omni populo & ætate eadem potentibus seu superbis & humilibus, eadem esurientibus, & divitibus semper accidunt.

53. Esurientes implevit bonis: & divites dimisit inanes.

54. \* *Suscipit Israël puerum suum*, id est, Israël filium suum, qui

54. Suscepit Israël puerum suum, recordatus à misericordis sui.



prima istius populi ætate populus Dei fuit, quasi suppositâ manu sustinuit & erexit, cum prostratus miseris jaceret. Hanc enim vim habet verbum *suscipiendi* in Scripturis. \* *Recordatus misericordiae suæ*; cujus propter longam subveniendi moram quasi oblitus videbatur: Nam Deus *recordari* dicitur, cum postquam ita se gessit, ac si nostri oblitus esset, tandem subvenit. Hæc autem misericordia duo respicit: primò salutem, quam per Christi Incarnationem Judæis, tunc temporis viventibus, attulit: nam, ut Leo serm. 1. de jejun. 10. mensis, causa reparationis nostræ non est nisi misericordia Dei: secundò, salutem, quam Israël, per multa sæcula abjecto, tandem circa mundi finem allaturus est: ut ita B. Virgo perseveret in prophetandis rebus futuris. Recordatus est autem istius misericordiae suæ,

55. Si-ut locutus est ad patres nostros, Abraham, & semini ejus in sæcula.

55. \* *Sicut locutus est*, hoc est, misericordiae promissæ; sive quam promissit, quæ solet in Scripturis, vocari Veritas, ut patet Rom. ad 15. v. 8. Unde Psam. 97. *Recordatus est misericordiae suæ & veritatis suæ domui Israël*: quia misericordia, quæ secundum promissa conceditur, fit veritas. Itaque recordatus est illius misericordiae, sicut locutus est ac promissit, \* *ad patres nostros*, id est, Patribus nostris, (nam & Græcum & Latinum verbum utrumque casum regit; & hujusmodi casuum enallage seu permutatio non inusitata est Hebræis, ut Psal. 102. v. 18.) videlicet \* *Abrahamo* (est enim dativus) & \* *semini*; seu posteris \* *ejus*, Israëlitis, per multa \* *sæcula*: nam utraque salus per diversos Prophetas prænuntiata & promissa fuit. Posset tamen illud, *Abraham & semini ejus*, referri ad *recordatus &c.* ut sensus sit, quod memor fuerit misericordiae, Abrahamo & posteris ejus, qui usque in finem sæculi duraturi sunt, exhibendæ: ita ut illa verba (*sicut locutus est ad Patres nostros*) per parenthesis inserta legantur.

56. Mansit autem Maria cum illa, tum lib. 2. de Virginibus. Addit etiam, causâ profectus tanti vatis, quod & Orig. notat: qui significare videntur usum rationis Joanni in utero permanisse, ut qui primo ingressu exultaverat, ad præsentiam Virginis paulatim proficeret. Unde & illa verba Zachariæ, *Tu Puer Propheta Altissimi*, eum intellexisse volunt. \* *Quasi mensibus tribus*, id est, ferè mensibus tribus: quo probabiliter significari volunt Theophyl. Euthymius, & Nicephor. l. 1. c. 8. Virginem ante partum Elisabeth recessisse, cui, sive causa decentiæ, sive disciplinæ virginalis sciendæ interesse noluerit. Suadet hanc sententiam, quod statim à discessu ejus subjungatur, impletum esse Elisabeth tempus pariendi, & quod legitima nativitas ferè decimi mensis ingressus sit, ut loquitur Tertull. lib. de anima c. 37. intellige, saltem inchoati.

56. \* *Mansit autem Maria cum illa*, officii, obsequii & pietatis causâ, ut Ambr. tum hîc, tum lib. 2. de Virginibus. Addit etiam, causâ profectus tanti vatis, quod & Orig. notat: qui significare videntur usum rationis Joanni in utero permanisse, ut qui primo ingressu exultaverat, ad præsentiam Virginis paulatim proficeret. Unde & illa verba Zachariæ, *Tu Puer Propheta Altissimi*, eum intellexisse volunt. \* *Quasi mensibus tribus*, id est, ferè mensibus tribus: quo probabiliter significari volunt Theophyl. Euthymius, & Nicephor. l. 1. c. 8. Virginem ante partum Elisabeth recessisse, cui, sive causa decentiæ, sive disciplinæ virginalis sciendæ interesse noluerit. Suadet hanc sententiam, quod statim à discessu ejus subjungatur, impletum esse Elisabeth tempus pariendi, & quod legitima nativitas ferè decimi mensis ingressus sit, ut loquitur Tertull. lib. de anima c. 37. intellige, saltem inchoati.

choati. Quamvis non desint, maximè recentiores, qui Virginem par-  
tui interfuisse putant.

57. \* *Elisabeth autem impletum est tempus pariendi*, postquam scilicet Maria discessisset. Impletio autem illa temporis, quæ etiam infrà tri-  
buitur B. Virgini, significat, legitimo naturalique tempore peperisse,  
decimo scilicet mense, quo & virgo peperit & proinde sine abortu  
aut intempestivo partu.

58. \* *Et audierunt vicini, quia magnificavit*, id est, quod manifestasset  
seu magnam fecisset, \* *Dominus misericordiam suam cum illa*, sterili &  
effoetæ non solum conceptum, sed & felicem partum dando. \* *Et con-*  
*gratulabantur ei*. Græcè *συνέχαραον*, *congaudebant*; ut indicet impletum,  
quod v. 14. Angelus prædixerat.

59. \* *Et factum est die octavo*, à partu, juxta Legem, Gen. 17. v. 12.  
quo octavo die Aug. significatum voluit, quod nos per Christi resur-  
rectionem, quæ post septimum sabbathi diem octavo die contigit,  
spiritualiter à vitis carnis & omni corruptionis circumcidimur. \* *Ve-*  
*nerunt*, scilicet amici \* *circumcidere puerum*. Unde intelligas circum-  
cisionem tunc solemnem fuisse, uti nunc Baptismus. Venisse autem  
non in synagogam, sed in domum Zachariæ, suadet Elizabethæ puer-  
peræ præsentia. Nam quamvis Judæi nunc circumcidant in synagogis,  
exempla tamen Scripturæ probant, tum domi, tum alio quovis oppor-  
tuno loco factitatum. \* *Et vocabant eum*, seu vocare voluerunt, de eo  
tractando. Ex quo colligas, in circumcisione nomen plerumque im-  
poni solitum, sicut nunc in Baptismo; fortassis ad imitationem Dei,  
mutantis ipso die circumcisionis nomen Abraham, Gen. 17. v. 5. \* *No-*  
*mine patris sui Zachariam*, tamquam gratus futurum patri, ut in filio  
unico etiam nomine quasi superviveret. Quod cum displiceret matri,  
dixit,

60. \* *Nequaquam, sed vocabitur Joannes*: sive quòd scripto ei hoc  
nomen maritus indicasset, sive quòd juxta Ambrosium à Spiritu Sancto  
hoc didicisset; & idè cum tanta autoritate se eis opponit.

61. \* *Et dixerunt, quia nemo est in cognatione tua, qui vocetur hoc no-*  
*mine*. Ex quo liquet, illius ætatis fuisse consuetudinem, ut liberis  
nomina parentum aut cognatorum imponderentur. Primis tamen sæ-  
culis videntur ferè ex eventis imposita, ut patet de nominibus filio-  
rum Adam, de Isaac, Jacob, ejusque filiis, & aliis multis passim.

62. \* *Innuebant autem patri ejus*, nutibus ac signis interrogando,  
ut etiam surdum fuisse liqueat, \* *quem vellet vocari eum*, ut paternâ  
authoritate controversiam istam dirimerent.

63. \* *Et postulans similiter nutibus, pugillarem*, id est, tabellam,

57. Elisabeth au-  
tem impletum  
est tempus pa-  
riendi, & peperit  
filium.

58. Et audierunt  
vicini & cognati  
ejus, quia magni-  
ficavit Dominus  
misericordiam  
suam cum illa, &  
congratulabantur  
ei.

59. Et factum est  
in die octavo, ve-  
nerunt circumci-  
dere puerum, &  
vocabant eum  
nomine patris  
sui Zachariam.

60. Et respondit  
mater ejus, dixit:  
Nequaquam, sed  
vocabitur Joan-  
nes.

61. Et dixerunt  
ad illam: quia ne-  
mo est in cognat-  
ione tua, qui vo-  
cetur hoc nomi-  
ne.

62. Innuebant  
autem patri ejus,  
quem vellet vo-  
cari eum.

63. Et postulans  
pugillarem scrip-  
sit, dicens: Joan-  
nes est nomen  
ejus. Et mirati  
sunt universi.



in qua scribitur stylo, quales & apud nos in usu, memoriæ causâ. Ex cera fuisse Tertull. notat lib. de Idololatria c. 23. dum ait: Zacharias loquitur in stylo, auditur in cera, manus omni sono clarior. Modus ille scribendi tunc usitatissimus erat: unde Hieron. etiam epistolas longas in cera dictasse indicat epist. 142. in fin. \* *Scriptit, dicens*; id est, in hanc sententiam: *Joannes est nomen ejus*: quasi diceret, Vos petitis, quo nomine velim vocari filium: id non est meæ voluntatis, nam Joannes jam est nomen ejus, ipsi jam dudum ab alio divinitus impositum, ut Ambr. \* *Et mirati sunt universi*, conspirationem utriusque in peregrinum nomen, & præcipuè quia intelligebant hoc à Deo impositum esse.

64. Apertum est autem illico os ejus, & lingua ejus, & loquebatur benedicens Deum.

64. \* *Apertum est autem illico os ejus*, id est, in vocem solutum est; nam mutis os quodammodò clausum videtur. Quodd autem dicit *illico*, hoc est, mox ut scripserat nomen, significat nominis impositionem fuisse causam solutionis linguæ, ut observat Orig. hom. 9. quia tunc quasi manu suâ subscripsit id, quod Angelo nuntianti credere noluerat: ut hinc Ambr. dicat, Linguam, quam infidelitas vinxerat, fides solvit.

65. Et factus est timor super omnes vicinos eorū, & super omnia montana Judææ divulgabantur omnia verba hæc:

65. \* *Et factus est timor*, id est, reverentia hominum erga Deum, existimantium tot signis divinitus editis non posse nisi aliquid admirandum portendi. Itaque \* *divulgabantur*, hominum sermone, \* *omnia verba hæc*, id est, res istæ omnes, apparitio scilicet Angeli cæteraque omnia, quæ in textu narrata sunt.

66. & posuerunt omnes qui audierant in corde suo, dicentes: Quis, putas, puer iste erit? Etenim manus Domini erat cum illo.

66. \* *Et posuerunt in cordi suo*: non tanquam vanos rumores præterire sinendo, sed illa, tanquam magnarum rerum portenta & præludia, attento animo expendendo: \* *Dicentes, quis putas*, Græcè *τί ἀρα*, quisnam, \* *puer iste erit?* id est, quantus vir & Propheta futurus est, cujus conceptus & ortus tot miraculis nobilitantur? \* *Etenim manus Domini erat cum illo*. Verba sunt Lucæ, rationem reddentis sermonum vulgi, quia videlicet ista non poetica fictione, non fortunâ aut casu, sed Dei potestate gerebantur.

67. Et Zacharias pater ejus repletus est spiritu sancto, & prophetauit, dicens:

67. \* *Et Zacharias pater ejus repletus est spiritu sancto*: non ad eum justificandum, nam erat & ante justus: sed ad prophetandum, ut explicando subjungit: \* *& prophetauit dicens*. Simul enim vim loquendi & spiritum prophetandi accepit, ita ut prophetica verba primò ex ejus ore proruperint.

68. Benedictus Dominus Deus Israël: quia visitavit, & fecit redemptionem plebi suæ:

68. \* *Benedictus Dominus Deus Israël*, id est, benedicatur & laudetur Deus populi Israëliti: quæ est periphrasis veri Dei, & opponitur Diis gentium dæmoniis. \* *Quia visitavit*, supple, *plebem suam Judaicam*: nam de gentibus dicit per Prophetam, non *plebs mea vos*.

Sumi-

Sumitur autem *Visitatio* in Scripturis & in malam partem, pro pœnis affligere, ut Levit. 26. v. 16. *Visitabo vos in egestate, &c.* & sæpissimè in bonam, pro beneficiis afficere, aut liberare, maximè quando Deus Prophetam aut Angelum aliquem mittit. Hic autem, *visitavit*, idem est, quòd in propria persona carnem indutus invisit populum suum: idque non ad puniendum, quia \* *fecit redemptionem plebis sue*, id est, redemit eam à captivitate satanæ, & servitute peccati. Redemptionem enim captivitatem respicit, & soluto pretio peragitur, quod juxta Scripturas fuit sanguis Christi. Utitur autem verbo præteriti temporis, partim quia jam per incarnationem fieri cœperat, partim propheticè, quia jamjam futurum erat.

69. \* *Et erexit cornu salutis nobis*, id est, cornu salutare, seu salu-  
tiferum; ut scilicet non solum nos tueatur ab hostibus, sed etiam sa-  
lutem adferat. Per *Cornu* autem significari metaphoricè solet potentia  
& robur, eò quòd animalia cornuta totum in cornibus offendendi  
actuendi robur habeant. Unde consequenter significat sæpius regnum  
seu gloriam ejus: ita ut hîc significetur quòd regnum Davidis jam  
collapsum per Messiam in antiquum splendorem & robur restituerit,  
ad adferendam salutem nobis: idèd enim addit, \* *in domo David*, id est,  
in familia David; cui regnum illud promissum erat, ut dictum est v.  
32. & 33. \* *Pueri sui*, id est, servi, quia Deo placuit & regnum sibi  
à Deo creditum fideliter administravit. Simili ferè phrasi dicitur 1.  
Reg. 2. v. 10. *Dominus dabit imperium Regi suo, & sublimabit cornu  
Christi sui: & Psalm. 131. v. 17. Illic producam (Hieron. oriri faciam)  
cornu David*; ad quem locum Zacharias alludere videtur.

69. Et erexit cor-  
nu salutis nobis,  
in domo David  
pueri sui.

70. \* *Sicut locutus est per os Sanctorum, &c.* id est, ita fecit, quem-  
admodum promiserat per os Prophetarum sanctorum omnium, qui  
ab initio sæculi floruerunt: omnes enim proximè vel remotè Christi  
Incarnationem, Passionem, & regnum, & consequenter salutem po-  
puli Dei vaticinati sunt. Nam quid Deus locutus sit per os Prophe-  
tarum, explicat per sequentia, videlicet,

70. Sicut locutus  
est per os sancto-  
rum, qui à saculo  
sunt, propheta-  
rum ejus:

71. \* *Salutem ex inimicis nostris.* Refertur enim hoc ad verbum  
*locutus est.* Intelligit autem salutem seu salvationem ab illis inimicis,  
quos Christus vicit: hos autem certum est fuisse non visibiles Ro-  
manos, aut Græcos, cujusmodi redemptionem & salutem carnales  
Judæi expectabant; sed spirituales dæmones, qui humano generi do-  
minabantur. Itaque Zacharias interpretatur hîc omnes illas prophe-  
tias, quæ de mittendo Israël liberatore ab hostibus loquuntur. \* *Et  
de manu omnium, qui oderunt nos.* Repetitio est Hebræis familiarissima,  
in Proverbiis, & Psalmis, & Canticis. Unde hæc eadem repetitio ha-  
betur bis in eodem Psalm. 17. v. 18. 41.

71. Salutem ex  
inimicis nostris,  
& de manu om-  
nium qui ode-  
runt nos:



72. Ad faciendam  
miseri-  
cordiam  
cum patribus no-  
stris: & memo-  
rari testamenti  
sui sancti.

72. \* *Ad faciendam misericordiam cum patribus nostris*: ut sic Filium suum mittendo, misericordiam seu gratiam erga patres antiquos re ipsa exhiberet, id scilicet præstando, quod eis tam pro se, quam pro posteris promiserat. Nam & ipsi patres fide & gratiâ Christi iustificati sunt, & ejus adventu è limbo liberati. \* *Et memorari testamenti sui sancti*. Græca constructio est, pro *ad memorandum*, id est, ut ita se memorem declararet re ipsa post longam illam quasi oblivionis moram, foederis sive pacti cum patribus initi, videlicet de Christo ex semine Abraham nascituro. Respicit enim ad illud foedus, quod pepigit cum Abraham, Gen. 22. v. 16. 18. ut clariùs patet Act. 3. v. 25. ex verbis S. Petri; & ipse Zacharias hoc explicat seqq. verbis.

73. Jusjurandum  
quod juravit ad  
Abraham patrem  
nostrum, datu-  
rum se nobis.

73. \* *Jusjurandum, quod juravit ad Abraham patrem nostrum*. Jusjurandum est quartus casus Græcè, & regitur à *memorari*: nam sicut Græcum *μνησθαι*, ita & Latinum, *meminisse*, pro quo hîc sumitur *memorari* regit indifferenter genitivum & dativum. Sensus est ergo, ut se memorem ostenderet testamenti jurisjurandi, seu testamenti, quod est jusjurandum, ad Abraham factum, ut diximus. Ita Theoph. & Euthym. & favet ei textus Syriacus. Simile quid vide sup. v. 55. \* *Daturum se nobis*, id est, ad hoc, ut daret nobis, vel nimirum daturum se nobis ea, quæ sequuntur: explicat enim quid contineatur illo jurejurando, videlicet:

74. Ut sine ti-  
more, de manu  
inimicorum no-  
stro, um liberati  
serviamus illis;

74. \* *Ut sine timore de manu inimicorum nostrorum, &c.* id est, ut ex potestate inimicorum nostrorum, satanæ, peccati, mundi, carnis, per gratiam Christi liberati, deinceps serviamus Deo, sine timore eorum, utpote quorum vires per Christi redemptionem fractæ sunt. Unde Christus ipse Joan. 16. v. 33. *Confidite, ego vici mundum*: & infra c. 12. *Nolite timere pusillus grex*. Et sic ista verba & sequentia de præsentī vita intelligerentur, in qua iusti serviunt Deo in sanctitate, sine timore saltem servili, & illo immodico & anxio, qui mentis hilaritatem tollit. Sed quia hoc beneficium satis videtur indicatum v. 71. hinc maliam istum & sequentem versum ad statum æternæ salutis referri. Neque enim æquum est, ut hoc summum beneficium in isto Cantico prætermittatur, quod & ipsa verba magis postulant. Æternitas enim verè omnes dies nostros comprehendit, ubi juxta Isaiam, timore omnium malorum sublato, sedebit populus in pulchritudine pacis, & tabernaculis fiduciæ, \* *ut serviamus illi*,

75. In sanctitate  
& iustitia coram  
ipso, omnibus  
diebus nostris.

75. \* *In sanctitate*, quæ Deum respicit, & cujus cultus est sanctitas colentis, \* *& iustitia*, id est, omnium virtutum perfectione, quæ generaliter *iustitia* in Scripturis vocari solet, \* *coram ipso*, Deo scilicet facie ad faciem seipsum demonstrante, \* *omnibus diebus nostris* per totam æter-

nita-

nitatem, ubi nulla dies erit à Dei servitio, justitiaque feriata. Postquam autem celebravit beneficia per Christi adventum nobis allata, utitur apostrophe ad puerum recens natum, sive quod usus rationis in utero datus ei permanferit, ut Orig. & Ambros. hic, & ferè Græci; sive poëtico & prophetico more, personam fingendo, sicuti Moyse, Deut. 32. v. 1. & David, 2. Reg. 1. v. 21. ut ita adstantes doceret, quantus puer ille futurus esset, dicendo:

76. \* *Et tu puer*, non cum aliis Prophetis promiscuè Propheta Domini, sed singulariter *Propheta Altissimi vocaberis*, seu eris: utpote quem Altissimus *Angelum suum*, per Malachiam c. 3. v. 10. vocat. \* *Præibis enim ante faciem Domini*, in carne præsentem, vide dicta v. 17. \* *parare vias ejus*, id est, ut pares & disponas mentes Judæorum ad hoc, ut Christum salvatorem & sponsum recipiant. Prædicabis enim poenitentiam, ne Domini doctrina, prædicabis Baptismum, ne Domini disciplina, prædicabis Spiritum Sanctum & ignem, ne Domini gratia, rudes sibi mentes hominum inveniatur, & imparatas exhorreat. Nam explicans modum parandi vias Domini, addit:

77. \* *Ad dandam scientiam salutis plebi ejus*, id est, ut magisterio tuo des populo Judaico primam cognitionem eorum, quæ ad salutem sub novo Testamento erunt necessaria, \* *In remissionem peccatorum eorum*, per Christum videlicet obtinendam. Non enim doctrina Joannis eam dabat, sed eo disponebat, Agnum Dei, tollentem peccata mundi, demonstrando, quod explicat clariùs sequenti versu. Nam quasi quæres, per quem danda esset hæc salus & remissio peccatorum, respondet:

78. \* *Per viscera misericordiae Dei nostri*, seu per viscera miseratione plena, id est, per misericordiam Dei, ex intimis ejus visceribus & affectu prodeuntem. \* *In quibus*, id est, quâ profundissimâ misericordiâ impellente, \* *visitavit nos*, in propria persona ad nos veniendò, ut dictum est versu 68. Visitavit autem, veniendò \* *ex alto*, quia à summo cælo, seu sinu Patris, egressio ejus, ad nos visitandos in assumpta carne \* *Oriens*, id est, is, qui *oriens* à Prophetis vocari solet, scilicet Christus. Porro, *Oriens*, non est hic participium, sed nomen respondens Græco, quod hic habetur ἀνατολή, oriens. Respicit autem ad loca Zachariæ 3. v. 8. & ibid. c. 6. v. 12. ubi Hebraicè est צמח, Tzamách, quod Hier. ibid. vertit *oriens*, & Lxx. Interpretes ἀνατολή, id est *oriens*, seu *ortus*: alibi verò Hieron. subindè vertit, *germen*, quod etiam oritur ex terra. Nam Hebraica radix צמח, Tzamách, propriè quidem *germinare* aut *pullulare* significat; usurpatur tamen etiam generatim pro *oriri*. Utrumque ergo est Christus, & *germen*, quia ex rescisso trunco Davidicæ stirpis, sine viri opera, repentè pullulavit, & in arborem amplissimam

76 Et tu puer, propheta altissimi vocaberis: præibis enim ante faciem Domini parare vias ejus:

77. Ad dandam scientiam salutis plebi ejus in remissionem peccatorum eorum:

78 Per viscera misericordiae Dei nostri: in quibus visitavit nos: oriens ex alto:



crevit; & oriens, quia ipse est lux mundi, & Sol iustitiæ, qui Malachiæ 4. oritur timentibus Deum; & stella, quæ oritura dicitur ex Jacob, Num. 24. v. 17. quam rationem nominis consideravit Orig. hom. 13. in Levit. Greg. 1. 20. Moral. c. 18. alias 21. Theophyl. Euthym. Beda hîc, & alii passim. Nam ipse Zacharias explicans, cur orientem dixerit, adjicit:

79. Illuminare his, qui in tenebris, & in umbra mortis sedent: ad dirigendos pedes nostros in viam pacis.

79. \* *Illuminare*, id est, ut lumen præbeat, seu illucescat \* *his qui in tenebris & in umbra mortis sedent*, id est, qui habitant in tenebris densissimis, & in afflictissimo rerum statu tristissimam mortis imaginem referente. Metaphora est à locis obscuris, ut sepulchris & carceribus, quæ mœstissimâ rerum facie præsentis mortis horrorem incutiunt. Transfertur autem spiritualiter ad significandum teterrimum animæ statum per ignorantiam erroresque miserabilis, & peccata, tanquam æternæ mortis vestibula. \* *Ad dirigendos pedes nostros in viam pacis*, id est, ut lumine doctrinæ & charitatis, quod mentibus infundit, dirigat affectus, consilia, & opera nostra in viam, quâ tenditur ad pacem æternæ beatitudinis. Hæc autem via non est alia, nisi via veritatis & iustitiæ, ut sobriè, justè & piè vivamus in hoc sæculo.

80. Puer autem crescebat; & confortabatur spiritu: & erat in deserto usque in diem ostensionis suæ ad Israël.

80. \* *Puer autem crescebat*, ætate & mole corporis; & crescentibus pari passu virtutibus, \* *confortabatur spiritu suo*; quamvis nonnulli intelligant ipsum spiritum divinum gratiæ & confortationis auctorem. \* *Et erat in desertis*, statim scilicet à prima pueritia, ut videretur sentire Orig. hom. 11. in Luc. & apertius Hieron. lib. contra Luciferianos, ubi dicit, quodd post materni ventris hospitium eremi deserti sectatus sit, & parvulus de serpentibus luserit. Occasio petendi deserti videtur fuisse tyrannis Herodis, pueros Bethleem persequentis, ut Christum assequeretur: quod Nicephorus notat lib. 1. c. 4. Addit Cedrenus, in compendio historiæ, curam ejus ab Angelo susceptam, eò quodd Elisabeth paulò post fugam cum puero in desertum obiisset. \* *Usque in diem ostensionis suæ ad Israël*, id est, usque ad tempus, quo inter homines prædicando & baptizando conversari cœpit, quod fuit circa annum ætatis ejus trigessimum, sicut & Christi.

## CAPUT SECUNDUM.

1. Factum est autem in diebus illis, exiit edictum à Cæsare Augusto, ut describeretur universus orbis.

1. \* *Factum est autem in diebus illis*, circa tempus scilicet nativitatis Joannis, & paulò post, Deo hujusmodi descriptionem orbis, vel procurante, vel certè tempus ejus illud potiùs, quàm aliud ordinante; ut illius occasione Beata Virgo in Bethleem veniret. \* *Exiit edictum à Cæsare Augusto*, nempè Octavio, cui nomen *Cæsaris*, à Julio Cæsare, à quo adoptatus fuerat, adhæsit: cognomine verò dictus est *Augustus*, quodd

quodd urbem & imperium auxisset, & fideliter administrasset. Hinc omnes Romani Principes postea sunt appellati *Cæsares* & *Augusti*, sicut apud Syros *Antiochi*; apud Persas, *Arsacida*; apud Phylistium, *Abimelech*; apud Ægyptios olim *Pharaones*; & post Alexandrum usque ad Cleopatram Ptolomæi, ut Hieron. in c. 29. Ezech. \* *Ut describeretur universus orbis*, Romanis scilicet subiectus, hoc est, ut numerus capitum in acta publica referretur, & tributum pro facultatibus uniuscujusque solutum. Nam facultates singulorum in hujusmodi descriptionibus fuisse causas testis est Josephus lib. 18. Antiq. cap. 1. Capita etiam singulorum non tantum adultorum, sed etiam puero- rum, descripta fuisse probat immunitas, quæ postea Syriæ concessa fuit, ut soli pauperes tabulis adscriberentur, ut patet ex Leg. Forma D. de Censibus. Unde Justinus Martyr Orat. ad Antoninum Pium audacter dicit: Christum natum in Bethleem ex descriptionibus census acti, quæ sub Cyrino, primo vestro in Judæa Procuratore, sunt confectæ, intelligere potestis, & Tertull. lib. 4. contra Marcionem c. 7. Censum, inquit Aug. testem fidelissimum Dominicæ nativitaris Romana archiva custodiunt. Ut credibile sit hac de causa Deum voluisse hanc descriptionem fieri, ut Christiani inde probarent infidelibus Christum in Bethleem de familia David natum esse.

2. \* *Hac descriptio prima facta est à Præfide Syriæ Cyrino*, non prima absolute, sed prima sub isto Cyrino, seu Quirino, ut alii nominant; nam egit ipse & secundum censum post mortem Archelai, filii Herodis, multis scilicet annis post istum primum, de quo loquitur Joseph. sup. cit. Quem cum Eusebius putasset eundem esse cum eo, de quo hic Lucas, hinc factum est, ut Josephum graviter errasse plerique Annalium Scriptores existimaverint, cum fuerit error Eusebii, non Josephi. Prima igitur hæc descriptio dicitur facta à Cyrino, quia inchoavit eam; perficiendam verò reliquit Sentio Senturio, ut Tertull. l. 4. contra Marcion. c. 19. insinuat. Quamquam aliqui putent, hunc censum à Cyrino extraordinariè fuisse actum in Syria, cum neque Consul esset neque Præses Syriæ, sed Saturninus, cui eum propterea adscribit Tertull. Et ideo id quod Lucas dicit, à *Præfide Syriæ*, Græcè est *ὑπερσυνάρχης*, id est, imperante scilicet per præfecturam extraordinariam. Quam rationem exponendi difficultatem esse simplicissimam & à pluribus remoris expeditam, putat Dionys. Petavius. Sed quia istam extraordinariam illius præfecturam probare difficile est, hinc aliqui suspicati sunt, solutionem ex Græca phrasi petendam, quam sic exponi posse volunt, ut sensus sit: Hæc descriptio facta est, priusquam præsideret Syriæ Cyrinus, scilicet Sentio

2. Hæc descriptio prima, facta est à præfide Syriæ Cyrino:



Saturmino. Nam Cyrinus adhuc diu post præfedit Syriæ, juxta testimonium Josephi, de censu agentis.

3. Et ibant omnes ut profiterentur singuli in suam civitatem.

3. \* *Et ibant omnes, ut profiterentur*: Græcè est idem verbum, quod v. 1. ἀπογράφου, ut describerentur, id est, ut nomina & familias suas apud acta denuntiarent, & censum pro facultatibus solverent, \* *singuli in suam civitatem*, scilicet ibant, ubi nimirum familiæ caput erat. Nam Romani videntur in Judæa servasse modum censendi, in illo populo usitatum, qui solebat fieri per tribus, & inde per tribuum familias, & familiarum capita: nam illa ratio datur versu 4.

4. Ascendit autem & Joseph à Galilæa de civitate Nazareth, in Judæam in civitatem David, quæ vocatur Bethlehem: eo quod esset de domo & familia David,

4. \* *Ascendit autem & Joseph à Galilæa*: quia Judææ situs altior erat, quàm Galilææ. Et hinc est, quod in Scripturis passim dicuntur, *ascendere in templum Domini*, quia altissimo loco situm, & *descendere in domum Regis*: & rursus Christus dicitur *ascendisse Jerusalem* & *descendisse Capharnaum*, quæ erat vicina Galilææ, \* *de civitate Nazareth*, ubi habitabat: nam in descriptione nulla habebatur ratio, ubi quis natus esset, vel habitaret, vel domum, aut bona sua haberet, sed loci familiæ celebris. \* *In civitatem David, quæ vocatur Bethlehem*: quod additur distinctionis causâ. Erat enim & alia civitas David, arx Sion, quam armis occupaverat, sed in Bethlehem natus erat: quam parum splendidam, parumque populosam Dominus præelegit nativitati, sicut Jerusalem passioni, inquit Leo serm. 1. de Epiphania. Accedebat & nominis congruentia, nam ex Bethlehem, id est, domo panis, conveniebat panem vitæ procedere. \* *Eo quod esset de domo & familia*, id est de familia \* *David*: nam prius nomen exponitur per posterius. Quamvis alioqui *familia* & *domus* distingui possint: ut *Tribus* dicantur à primis filiis Jacob & Joseph; *Familia* à celebribus quibusdam nepotibus eorum; *Domus* à singulis patribus-familias. Sed hæc distinctio non semper servatur in Scripturis. Insinuatur autem hîc, omnes omninò de stirpe David similiter in Bethlehem esse descriptos.

5. Ut profiteretur cum Maria desponsata sibi uxore pregnante.

5. \* *Ut profiteretur*, Græcè est iterum ἀπογράφου, ut describeretur, sed interpret noster causam descriptionis respexit, quæ fiebat, ut quisque se hujus vel illius se esse familiæ, & Imperatori persoluto censu subiectum esse profiteretur. \* *Cum Maria*: nam & sceminæ censebantur, maximeque quia unigenita & hæres erat de familia David. \* *Desponsata sibi uxore*, id est, sibi nupta, sed incognita, ut dictum est cap. præced. v. 23. \* *pregnante*, id est, partui jam proximâ: ut satis constet actum hoc divinitus, ut tale iter in illo statu susciperet, videlicet in publicis stabulis censuum profiteretur Maria se Josephi uxorem, ortam ex tribu Juda, ex familia David, subiectam Cæsari, atque ita

indubitata fides fieret posteris. Et hinc est, quod Christiani, ut supra diximus, ad illas tabulas censuum provocabant.

6. \* *Factum est autem cum essent ibi*, id est, cum aliquot diebus ibi hærerent, \* *impleri sunt dies, ut pareret*: naturales scilicet & legitimi; quos dies Aug. lib. 83. quæst. Evang. qu. 56. ponit ducentos septuaginta sex, hoc est novem menses, & sex dies: tot enim inveniri ait inter VIII. Kalendas Aprilis, quo conceptus est, & VIII. Kal. Januarii, quo natus est Dominus, sicut à majoribus traditum suscipiens Ecclesiæ custodit autoritas, inquit idem lib. 4. de Trinit. c. 5. ubi hoc latius tractat.

7. \* *Et peperit*, enixa, aliarum matrum more, quâdam activitate, sine qua quidem Christus de matre natus, non tamen mater ita propriè filium peperisse diceretur. In quo partu Aug. lib. 10. de civit. c. ult. agnoscit cum Ecclesia proprium Salvatoris miraculum, quod scilicet Virgo peperit, quod fieri non potuit, nisi claustro virginittis non reſerato, & consequenter non sine penetratione dimensionum. Peperit & sine dolore; quia sine corruptione conceperat, ut Bernardus in illud Apocal. *signum magnum &c.* Additur apud Zenonem serm. de Nativ. filium sine sordibus delibutum prodisse, cum quibus proles solent. Sed Hieron. refragatur, qui lib. contra Helvidium sicut dicit virginem per genitalia peperisse filium, ita & tegmine membranarum solito circumvolutum, & epist. 22. cruentatum. Non enim, inquit, erubescimus, non silemus, quanto sunt humiliora, quæ pro me passus est, tanto plus ei debeo. \* *Filium suum primogenitum*, id est, ante quem nullum alium genuerat: non enim habet hic respectum ad primogenitum; ita ut primogenitus, & unigenitus re ipsa hîc idem sint. Quamquam Epiph. hæref. 78. velit primogenitum vocari non respectu Virginis, quasi diceretur, primogenitum suum, sed absolutè primogenitum omnis creaturæ, sicut Apostolus vocat. \* *Et pannis eum involvit*. Græcè *ἐν πᾶσι διώσας*, *fasciavit* seu *fasciis involvit*, sicut infantes involvi solent. Nulla enim ibi obstetrix, nulla muliercularum sedulitas intercessit: ipsa pannis involvit infantem, ipsa & mater & obstetrix fuit, ut Hier. contra Helvid. Quod & clarius ex eo patet, quia \* *reclinavit eum*, præ teneritudine consistere aut sedere non valentem. Nam fasciare & reclinare, & similia opera facere, non est mulieris decumbentis, aut obstetricibus utentis, ut quidam delirarunt: \* *in praesepio*, tanquam in cunis. Causa erat, \* *quia non erat eis locus*, hospitandi, \* *in diversorio*, sive propter confluum populi, describendi causâ accurrentis, sive simul potius, quod odiosa esset paupertas, & instans mulieris puerperium. Porro insinuat istis verbis Evangelista Christum in stabulo,

6 Factum est autem, cum essent ibi, impleri sunt dies ut pareret.

7. Et peperit filium suum primogenitum, & pannis eum involvit, & reclinavit eum in praesepio: quia non erat eis locus in diversorio.



cujus præsepe est velut mensa, natum esse: quod quidem Ambrosius putat fuisse appendicem diverforii. Euseb. tamen lib. 7. de demonstrat. Evang. & Hieron. qui illis in locis versati fuerunt, alique communius tradunt in agro Bethleëmitico seu in suburbiiis situm fuisse. Fuit autem spelunca, ut Orig. lib. 1. contra Celsum, omnibus aliis consentientibus, ad quam pastores agere solerent de more pecora sua. Unde bovem & asinum præsepi stetitisse alligatos, juxta prophetiam Habac. 3. secundum Lxx. tradit Hieron. epist. 27. Nazianz. de Christi nativ. Nyssen Paulinus & alii. Spelunca ista marmore postea tecta fuit, & super eam structa grandis Ecclesia.

8. Et pastores erant in regione eadem vigilantes, & custodientes vigilas noctis super gregem suum.

8. \* *Et pastores erant in eadem regione*, Bethleëmitica, nempe circa turrin Ader seu Gregis dictam, ubi Jacob paverat gregem suum, ut Hieronym. tum lib. quæst. in Genes. tum epist. 27. Græcum autem *οἱ τῆ χώρα τῆ αὐτῆς*, sonat potius *in eodem agro*, quo videtur magis insinuari, in agro fuisse locum nativitatis Christi. \* *Vigilantes*, Græcum *ἀγρυπνῆες* significat in agro stabulantes seu pernoctantes, ut exponit Euthymius quod etiam hyeme in regionibus calidis frequens est; ut imperitè colligat hinc Scaliger non esse natum Christum hyeme. \* *Et custodientes vigilas noctis*, id est, quatuor illas notissimas noctis vigilas vicissim ordine suo peragentes pro gregibus, adversus lupos & fures, sicut milites contra hostes. Itaque indicatur plures fuisse, quos Beda de locis Sanctis & Bern. serm. 6. de Nativit. tres fuisse ponit. Porro quo mysterio primos discipulos Deus elegit piscatores, eodem & pastores, infirma videlicet mundi præferens, ut confunderet fortia.

9. Et ecce Angelus Domini stetit juxta illos, & claritas Dei circumfulsit illos, & timuerunt timore magno.

9. \* *Et ecce, ex improvviso, Angelus Domini*, qui creditur fuisse idem Gabriël. Unde Beda, verbis ex Ambrosio mutuatis: Angelus Mariam, Angelus Joseph, Angelus Pastores instruit, & concipiendum, & conceptum, & natum, cæli cives Dominum loquuntur; eundem Angelum fuisse insinuans. \* *Stetit juxta illos*, visibili scilicet corpore, & propter nativitatem Christi in humana carne jam familiarior. Nam, ut Aug. l. 9. de civit. c. 9. ad ærumnas hujus vitæ (scilicet ex peccato damnatæ) pertinet, quod Angeli nobis non eâ, quâ homines, familiaritate misceantur. \* *Et claritas Dei*, id est, splendor quidam eximius divinitus circumfusus, \* *circumfulsit illos*, id est, fulsit circum illos, ut & tenebræ noctis dispellerentur, & divinitus missum intelligerent: \* *timuerunt timore magno*, humanâ videlicet infirmitate, quam ad subitam Dei vel Angelorum apparitionem experiri solent.

10. Et dixit illis Angelus: Nolite timere: ecce enim evangelizo vobis gaudium magnum, quod erit omni populo:

10. *Et dixit Angelus: Nolite timere*. Ita quippe boni Angeli solent timorem abstergere, ut animo tranquillo verba sua accipere possint. Ecce enim non est causa timendi, sed gaudendi, \* *quia evangelizo vobis*,

vobis, præ cæteris, qua in re singularis vestra felicitas est, \* *gaudium magnum*, id est, causam seu objectum gaudii magni; \* *quod erit*, non vobis tantum privatim, sed publicum \* *omni populo*, Judaico. Non enim ad Gentiles respici, sed ad expectationem Judæorum suadet circumstantia personarum, ad quas loquitur.

11. \* *Quia natus est vobis*, Israëlitis in Messia sibi promissi expectationem attentissimis, \* *Salvator*: quo nomine sæpè promissus erat à Prophetis, ut Isaïa 62.v. 11. Zachariæ 9.v. 9. \* *qui est Christus*, Messias ille vester, seu unctus, non quolibet modo, sicut & alii *Christi* vocantur, sed \* *Christus Dominus*, qui scilicet unctus est oleo lætitiæ præ confortibus suis, ut non aliorum Christorum conditione servus sit, sed Dominus, quo divinitas ejus indicatur. \* *In civitate David*, scilicet Bethlehem, ut supra dictum. Maluit hæc periphrasi uti, quàm nomine proprio, ut indicaret promissionem Davidi factam, jam impletam esse, ut Iren. l. 3. c. 11.

12. \* *Et hoc vobis signum*, erit, non probativum Salvatoris, humilitas scilicet & paupertas nascentis, ut S. Bernardus voluit, moraliter potius quàm litteraliter: sed signum distinctivum illius infantis ab aliis, quos quærere potuissent. \* *Invenietis infantem pannis involutum*, fasciis puerilibus, \* *Positum in præsepio*, quasi natum more pastoris, qui pastor unus & bonus futurus est, juxta Prophetas. Cum autem ex nomine præsepîi locum pastores intellexerint, consequens videtur, præsepium fuisse publici stabuli, pastoribus passim notum, vel certè non omnia Angeli verba hîc esse expressa. Porro pastoribus maluit Deus primò revelare Christum suum, tum ex illa generali, & archiva regula divinæ providentiæ, ex qua stulta & infirma & ignobilia mundi solet eligere; tum quia quantò vilior eorum persona erat ad humanam prudentiam, tantò pretiosior erat ad faciendam fidem, inquit Ambr. nescit enim fucare vel palliare simplicitas: tum denique ut essent typus pastorum Ecclesiæ, quos primos Deus elegit illiteratos & simplices, ad prædicandam aliis Christi nativitatem.

13. \* *Et subito facta est cum Angelo multitudo militia cælestis*, id est, magna cælestium Angelorum multitudo, instar exercitus; quo nomine passim Angeli vocantur, quia numero innumerabiles sunt, Job 25. v. 3. quia ordine per choros tamquam legiones dispositi sunt, quia potentissimi, quia Deus, Imperatori summo, ad nutum præsto sunt, ad debellandos hostes, tum visibiles, tum aërias dæmonum potestates. Et hinc vocatur Deus ipse *Dominus virtutum*, *exercituum*, *Sabaoth*, quæ idem sunt. \* *Laudantium Deum*, de tanto beneficio, non sibi quidem, sed hominibus præstito. Utîlis fuit ista tantorum testium multitudo, ut non offenderentur paupertate nascentis, cujus majestati & gloriæ servirent.



14. Gloria in altissimis Deo, & in terra pax hominibus bona voluntatis.

14. \* *Gloria in altissimis Deo* : id est, gloria, honor, & laus debetur Deo, qui habitat in altissimis, nempe cælo, vel Angelis : vel potius gloria debetur ac defertur Deo in altissimis, scilicet cælo & cælestibus Angelis, ut significetur, glorificationem esse fructum, qui Angelis, altissimum creaturæ locum obtinentibus, ex Christi nativitate obtigit. \* *Et in terra*, sedibus altissimis opposita : \* *pax hominibus*, scilicet cum Deo, quia per Christi nativitatem homines Deo reconciliati sunt : quæ pax in eis fons est omnium bonorum \* *bona voluntatis* : quod Aug. l. 4. de civit. c. 8. & alibi exponere solet de bona voluntate hominum, q. d. pax hominibus, habentibus bonam voluntatem : sed Græcè est in nominativo *εὐδæxia*, *bona voluntas*, quod significare solet in Scripturis bonam voluntatem, non hominum, sed Dei, quam vocamus benevolentiam & beneplacitum Dei erga homines. Itaque Græci nonnulli trimembrem faciunt hunc hymnum ; ut prima pars sit, \* *Gloria in altissimis Deo* ; secunda, \* *Et in terra pax* ; tertia, *Hominibus bona voluntas*. Sed longè rectius illa postrema in unum conjunguntur, & quidem in genitivo, *In terra pax hominibus bona voluntatis* : sic enim omnes Latini & antiquiores aliqui Græci legerunt ; & ita illud, *bona voluntatis*, referendum est vel ad *pacem*, ut sensus sit, pax bonæ voluntatis, id est, pax non profecta ex meritis, sed ex gratuita Dei benevolentia, obtigit hominibus : vel facilius & mollius ad illud, *hominibus*, hoc sensu : Pax data est hominibus, quos Deus benevolè dilexit, seu in quibus sibi complacuit. Quo nomine electi & prædestinati vocari solent ; nam illis præcipuè Salvator venit, & pax allata est.

15. Et factum est, ut discesserunt Angeli in calum : quod factum est, ut discesserunt ab eis Angeli in calum : pastores loquebantur ad invicem : Transeamus usque Bethlehem, & videamus hoc verbum, quod factum est, quod Dominus ostendit nobis.

16. Et venerunt festinantes : & invenerunt Mariam, & Joseph, & infantem possum in præsepio.

17. Videntes autem cognoverunt de verbo, quod dictum erat illis de pueri hoc.

15. \* *Et factum est, ut discesserunt Angeli in calum* : quo se Angelos bonos fuisse significabant, & ad hunc tantum actum extra ordinem missos à Deo : \* *Pastores loquebantur ad invicem*. Insinuaverant enim Angelo operæ pretium esse, Deoque gratum, si oculis rem explorando visionem adhuc magis credibilem redderent. \* *Videamus hoc verbum, quod factum est*, id est, rem, quæ accidit, phrasi Hebraicâ : quamvis hic satis commodè accipi possit propriè pro verbo seu nuntio, quod ipsis annuntiatum erat, conformiter ad vers. 17. & ad id, quod mox sequitur. \* *Quod Dominus ostendit nobis*, annuntiando per Angelum. Quo indicant se non tantum rei novitate, sed & Domini ostensione moveri ad explorandum, ne beneficio viderentur ingrati aut increduli. Quòd verò Ambr. & Bern. ferm. 22. in Cant. intelligunt Verbum incarnatum seu factum hominem, videtur minùs hoc loco congruere.

17. \* *Videntes autem*, scilicet Mariam, Joseph, & infantem in præsepio,

sepio, \* *cognoverunt de verbo*, id est, re ipsa compererunt verum esse, quod Angelus dixerat \* *de puero hoc*: quatenus dixerat inveniendum in præsepio. Nam eundem esse Salvatorem non viderunt, sed crediderunt, illâ prædictione & Dei internâ illustratione permoti.

18. \* *Et omnes qui audiverunt, mirati sunt*: quo significatur pastores eâ divulgasse. Unde verbum Græcum, διαγνώσκω, quod v. 17. vertitur, *cognoverunt*, quidam transferunt, *divulgaverunt*. \* *Et de his, quæ dicta erant à pastoribus*. Græcè & Syriacè deest, &, videturque sensum impedire. Unde quidam sic exponunt, ut mirati dicantur, quia audiverant concentum Angelicum, & ea, quæ dicebantur à pastoribus: alii, ut dicantur mirati non solum rem, quam audiverant, sed etiam ea, quæ dicebantur à pastoribus de nuntio Angelico: quamvis simplicius, &, accipi possit pro, *id est*.

19. \* *Maria autem conservabat omnia verba hæc*, id est, omnes res istas gestas, tum circa se in concipiendo, & pariendo, tum circa pastores, \* *conferens in corde suo*, sequentia scilicet cum præcedentibus, in quibus videbat magnam omnium conspirationem ad ejusdem mysterii confirmationem & fidem. Singulare exemplum datur virginæ taciturnitatis, prudentiæ, & modestiæ, quod non ipsamet in vulgus jactaret omnia, sed corde perpenderet, ut notat Ambrosius.

21. \* *Et postquam consummati sunt dies octo*. Consummatio refertur non ad ipsos dies, quasi expletis omnino totis octo diebus sit circumcisis, sed ad dierum numerum, qui septem dies integri completi erant, & octavus inchoatus, qui per synecdochen dicuntur octo dies, phrasi Hebræis familiari, ut patet Matth. 27. v. 63. & clarè Gen. 40. v. 13. & 19. collatis cum versu 20. \* *Ut circumcideretur puer*, id est, quo juxta legem circumcidendus erat, idque sine legalis quidem præcepti necessitate, sed ut propriâ dignatione factus sub lege, legis obedientiam nobis commendaret: ut declararet se veram assumpsisse carnem, contra Manichæum: ut ostenderet se non cæleste corpus detulisse de supernis, contra Valentinum, neque consubstantialiale divinitati, contra Apollinarem: ut Judæis tolleretur excusationem, quod idè non receperant eum, quia circumcisione caruisset, sicut hæc indicat Epiphanius Hæres. 30. Circumcisis autem fuit secundum quosdam à Maria, quod Epiphanius videtur improbare; secundum alios à Joseph. Aug. tamen lib. 2. contra Parmenian. c. 17. dicit hoc fieri solitum à Judæis. Cui Epiphanius magis favet, & res magis postulat, ut veritas circumcisionis ejus per publicum extraneorum testimonium esset extra suspicionem. \* *Et vocatum est nomen ejus Jesus*, de cujus etymologia dictum est Matth. 1. v. 21. \* *Quod vocatum est ab Angelo*: significans

18. Et omnes, qui audierunt, mirati sunt: & de his, quæ dicta erant à pastoribus ad ipsos.

19. Maria autem conservabat omnia verba hæc, conferens in corde suo.

20. Et reversi sunt pastores glorificantes & laudantes Deum, in omnibus quæ audierant & viderant, sicut dictum est ad illos.

21. Et postquam consummati sunt dies octo ut circumcideretur puer: vocatum est nomen ejus Jesus, quod vocatum est ab Angelo prius quam in utero conciperetur.



ita non temerè, non casu, non humano, sed divino impositum fuisse consilio: \* *Præiusquam in utero conciperetur.* Quo clarissimè ostenditur, Christum conceptum non nisi absolutâ angelicâ legatione, non autem antè, ut quidam putaverunt.

22. Et postquam impleti sunt dies purgationis ejus secundum legem Moysi, tulerunt illum in Jerusalem, ut sisterent eum Domino,

22. \* *Et postquam impleti sunt dies purgationis ejus*, Mariæ scilicet; est enim Græcè femininum *ἡμέρας*, id est, dies, quibus legaliter purganda videbatur, \* *secundum legem Moysi*: quæ statuit Levit. 12. ut, si peperisset masculum, immunda esset septem diebus, juxta dies separationis menstruæ, hoc est, sicut immunda erat mulier menstruata, quæ quidquid tangeret reddebat immundum, etiam homines. Deindè alios triginta tres dies manebat immunda, juxta ritum observatu faciliorem, quo solum arcebatur à Sanctuario, & à contactu rei sanctæ; ita ut dies purgationis essent simul quadraginta. Eaque de causa totidem sunt à die nativitatis Dominicæ usque ad diem purificationis utrimque inclusivè. Itaque *postquam impleti sunt dies*, &c. Phrasis omninò similis est præcedenti, *Postquam consummati sunt dies octo.* Nam quadagesima dies purgationis adhuc agebatur, in quo per oblationem sacrificii finiebatur purificatio. Lex ista in Virgine non habuit locum, partim, quia non pepererat suscepto semine, ut Lex loquitur, sed de Spiritu Sancto; partim, quia foedi illi & horrendi sanguinum & sordium fluxus, quos puerperæ per plurimos dies pati solent, & quibus purgantur, non est passa, quæ sine dolore naturæque contumelia peperit, ut Aug. lib. de quinque hæresib. c. 15. & Cyprian. serm. de nativ. Dom. Eam tamen observavit, sicut filius Legem de didragmo solvendo, ne videlicet ignorantes puritatem ejus offenderentur. \* *Tulerunt eum in Jerusalem, ut sisterent eum Domino*, id est, ut eum tamquam Domino debitum ratione primogenituræ Domino offerrent.

23. sicut scriptum est in lege Domini: Quia omne masculinum adaperiens vulvam, sanctum Domino vocabitur.

23. \* *Sicut scriptum est in lege Domini.* Hæc est alia Lex, quæ habetur Exodi 13. v. 12. De masculis primogenitis, tam in pecoribus quàm hominibus, ista videlicet: \* *Omne masculinum adaperiens vulvam.* Periphrasis est primogeniti ex matre, q. d. Omne quod primò nascitur; hoc enim videtur matris uterum adaperire, ut aliis nascituris viam faciat. Hinc est, quòd Ambr. & Hier. l. 2. contra Pelag. & alii quidam putent hanc legem soli Christo convenisse, eò quòd ipse solus matris vulvam clausam, licet permanentem, nascendo adaperuerit, quod aliis mulieribus fit concumbendo. Sed certum est, Legem Exodi etiam brutis convenisse, itemque hominibus. Alii volunt Christo soli non convenire, eò quòd ne nascendo quidem matris vulvam adaperuerit: sed hæc sententia videtur Evangelio repugnare, utpotè quod

quod hanc Legem Christo adaptare videatur. Rectius ergo dixerimus, periphrasim esse nativitatis primogeniti, sicut supra indicavimus, sive illa fiat aperiendo vulvam, sive aliter. Loquitur enim Scriptura juxta morem nascendi usitatum. Nam Hebraicum verbum **רִאשׁוֹן**, *Péter*, solummodo significat uterilaxationem, seu dimissionem, quâ fœtus ab utero dimittitur, sive interim adaperiatur uterus, ut communiter fit, sive clausus maneat. Et hinc est, quod Scriptura aliquando soleat illam jam dictam periphrasim explicare nomine primogeniti, ut patet Levit. 27. v. 26. \* *Sanctum Domino vocabitur*, id est, dedicatum Domino erit ad opea religionis: nam primogenita mundorum animalium immolabantur Deo, primogenitum hominis, redimebatur pretio quinque siclorum, eo quod Levitæ in locum primogenitorum successissent ad serviendum Deo.

24. \* *Et ut darent hostiam*, supple, profecti sunt in Jerusalem, non autem tulerunt eum: nam ad offerendam hostiam non erat necesse ferre puerum ad templum. \* *Secundum quod dictum est*, seu statutum, \* *in lege Domini*. Hæc est tertia Lex de sacrificio purificationis puerperæ, quæ habetur Levit. 12. & statuit, ut, si mulier pauper fuerit, & non potuerit Agnum offerre, offerat \* *par turturum, aut duos pullos columbarum*: unum scilicet in holocaustum, quod cremabatur Deo, in gratiarum actionem pro felici partu; alterum pro peccato, scilicet legalis immunditiæ, à qua mulier purgabatur. Nam pro muliere immediatè offerebatur illa hostia, ut manifestè patet Levit. 12. v. 7. Mediatè tamen videtur hæc oblatio etiam fuisse pro ipsa prole ut à peccato originali mundaretur, ut Aug. sæpius, & maximè q. 40. in Levit. & Leo epist. 4. Cæterum Lucas non indicat, utrum obtulerint turtures, an columbas, quia verba Legis nudè recitat, omit- tens primam ejus partem de offerendo agno anniculo in holocaustum, quæ ad divites pertinebat, ut per hoc significaret eorum tantam fuisse paupertatem, ut vel non possent eum offerre, vel certè non deceret eos oblatione divitum fastum eorum præferre. Porro utrâque oblatione sive turturum sive pipionum castitas significatur: turtur enim, quacumque ætate casta est, columbæ verò libidinose quidem, sed in pullis earum per ætatem adhuc libido sopita est, ut Bern. serm. 59. in Cant.

24. & ut darent hostiam secundum quod dictum est in lege Domini, par turturum, aut duos pullos columbarum.

25. \* *Et ecce*, rem novam & opportunam, \* *homo erat in Jerusalem*: quâ epitheti simplicitate significatur fuisse vulgarem & laicum; nec enim Sacerdotis dignitatem, qualem quidam fuisse putant, taciturus fuisse videtur Lucas. \* *Cui nomen Simeon*, seu Simo, Hebræis enim & Syris idem nomen est: \* *& homo iste justus & timoratus*:

25. Et ecce homo erat in Jerusalem, cui nomen Simeon, & homo, iste justus, & timoratus, expectans consolationem Israël, & Spiritus sanctus tunc erat in eo.



timore, qui Deum reveretur & offendere timet : Græcè enim est, *δὴλας ἡ εὐλαβία*, *pius & religiosus*. \* *Exspectans consolationem Israël*, quam Christus Dominus allaturus erat adventu suo; ut scilicet finem acciperet peccatum, & adduceretur justitia sempiterna, sicut prædixit Angelus apud Daniëlem : hoc enim ardentibus votis antiqui expectabant. \* *Et Spiritus Sanctus erat in eo* : non solum quia justus erat, sed etiam quia prophetavit. Nam videtur respicere ad id, quod sequitur, & causam dare, propter quam

26. Et responsum acceperat à Spiritu sancto, qui in ipso tamquam templo suo habitans responsa dabat. Quale enim templum, in quo non loquitur, nec respondet Deus? inquit Aug. Prolog. in lib. de doctr. Christ. Loquitur autem diversis modis, sive cognitas semper veritates in memoriam revocando, sive novas abstrusasque revelando, sicut hoc loco : \* *non visurum*, seu experturum, \* *se mortem*, id est, non moriturum : quæ phrasis in Scripturis usitata, ut Psal. 88. v. 49. & alibi. \* *nisi videret*, non solâ fide, quemadmodum justî & Prophetæ cæteri, sed oculis corporis, \* *Christum Dominum*, illum videlicet qui præ cæteris omnibus à Domino unctus est Spiritu sancto, qui omnium unctorum, Regum videlicet & Sacerdotum, architypus & scopus fuit : unde Græcè additur articulus *τοῦ Χριστοῦ*.

26. \* *Responsum acceperat à Spiritu sancto*, qui in ipso tamquam templo suo habitans responsa dabat. Quale enim templum, in quo non loquitur, nec respondet Deus? inquit Aug. Prolog. in lib. de doctr. Christ. Loquitur autem diversis modis, sive cognitas semper veritates in memoriam revocando, sive novas abstrusasque revelando, sicut hoc loco : \* *non visurum*, seu experturum, \* *se mortem*, id est, non moriturum : quæ phrasis in Scripturis usitata, ut Psal. 88. v. 49. & alibi. \* *nisi videret*, non solâ fide, quemadmodum justî & Prophetæ cæteri, sed oculis corporis, \* *Christum Dominum*, illum videlicet qui præ cæteris omnibus à Domino unctus est Spiritu sancto, qui omnium unctorum, Regum videlicet & Sacerdotum, architypus & scopus fuit : unde Græcè additur articulus *τοῦ Χριστοῦ*.

27. Et venit in spiritu, id est, Spiritu S. eum inhabitante instigatus : nam quos ille inhabitat, eos etiam dirigere solet, & in eis tales effectus operari. \* *Et cum inducerent*, seu inferrent, \* *puerum Jesum parentes ejus*, ut facerent secundum consuetudinem legis pro eo : non quæ jubebat offerre sacrificium, nam hoc non fiebat propriè pro prole, sed quâ proles debebat sisti Domino tamquam primogenita, & quinque siclis redimebatur.

27. \* *Et venit in spiritu*, id est, Spiritu S. eum inhabitante instigatus : nam quos ille inhabitat, eos etiam dirigere solet, & in eis tales effectus operari. \* *Et cum inducerent*, seu inferrent, \* *puerum Jesum parentes ejus*, ut facerent secundum consuetudinem legis pro eo : non quæ jubebat offerre sacrificium, nam hoc non fiebat propriè pro prole, sed quâ proles debebat sisti Domino tamquam primogenita, & quinque siclis redimebatur.

28. & ipse accepit eum in ulnas suas, & bene dixit Deum, & dixit :

28. \* *Et ipse accepit eum in ulnas suas* : ubi illud, &, quidam superfluum esse putant, sicut apud Hebræos frequenter; alii pro, *tunc*, accipi : sed propriè accipi potest, ut copulet Simeonem cum parentibus Jesu, tamquam qui videns puerum in ulnis portari, ex manibus Virginis etiam ipse eum acceperit, ut Iren. lib. 3. c. 18. indicat. \* *Et benedixit Deum*, cum gratiarum scilicet actione laudando, quod consolationis expectatæ fructu non esset frustratus; nec tantum videre Christum Domini, sed & ulnis dilectionis amplecti licuisset.

29. Nunc dimittis servum tuum Domine, secundum verbum tuum in pace.

29. \* *Nunc dimittis* : quod multi pro *dimittes*, positum volunt; sed potius pro præsentî usurpari dixeris, quasi significaret, quem hætenus contra propriam quasi inclinationem naturæ in vita detinuisti, ut promissum tuum erga me impleres, \* *nunc tandem* \* *dimittis servum tuum*, ut juxta naturæ inclinationem in mortem decidat, idque \* *se-*

*cundum verbum*, seu responsum \* *Tuum* : quia non ultra hoc tempus se extendit promissionis tuæ veritas, ut mortem non videam \* *in pace*, quod refer ad, *dimittis* : q.d. Nunc dimittis me contentum tranquillo pacatoque animo ; quo modo Jacob dixit, *Jam latus moriar*, quia vidi faciem tuam & superstitem te relinquo. Causam enim omninò similem hîc subjicit :

30. \* *Quia viderunt oculi mei*, etiam corporis, \* *salutare tuum*, id est salutem tuam, Christum videlicet salutis nostræ authorem. Verbum enim Hebraicum, quod Lxx. Interpretes plerumque *salutare* vertunt, nihil aliud quàm salutem significat: sed *salutare* potius vertere maluerunt, ut causam salutis sive Deum sive Christum insinuent: quem loquendi modum hîc Lucas sequitur.

31. \* *Quod*, supple *salutare*, seu quem salutis authorem, \* *paraisti ante faciem omnium populorum*, id est, oculis totius mundi proposuisti, ut in eum credendo salutem assequantur. Loquitur autem propheticè de re per prædicationem futura, tanquam de præterita.

32. \* *Lumen*, id est, lucem quartus enim casus est \* *ad revelationem gentium*, id est, paraisti eum, ut sit lumen ad illuminandas gentes, in summa veritatis ac Dei ignoratione versantes. Alludit enim ad prophetias, quæ Christum peculiariter ad miserabilem gentium cæcitatem auferendam missum prædicant: de quo Isaïas c. 42. v. 6. *Dedi te in fœdus populi, in lucem gentium, ut aperires oculos cæcorum, &c.* \* *& gloriam plebis tuæ Israël*, id est, ut sit gloria ac decus Israëlitis qui peculiaris tibi populus ab initio fuit. Magnam quippe gloriam attulit Christus Israël, quòd ex illo populo carnem assumpsit, in illo natus & conversatus est, ab illo gentibus prædicatus. Quamvis igitur & plebi Israël Christus lumen fuerit, & gentibus gloria, utrique tamen populo tribuit id quod ei maximè peculiare fuit.

33. \* *Et erat pater ejus*, Græcè, *Joseph*, qui pater dicitur, non tantùm ex hominum opinione, putantium Jesum ex Joseph mœre aliorum natum, sed etiam jure conjugii, quo multò conjunctiùs dicitur pater ejus, qui ex ejus conjuge natus fuit, quàm si esset aliunde adoptatus, ut Aug. lib. 2. de consensu c. 1. \* *Et mater mirantes*: nam & ipsi matri ordo misteriorum, quæ jam generatim Angelo nuntiante noverat, enucleatiùs innotescabant. \* *Super his, quæ dicebantur de illo*. Euthymius ad sola jam dicta Simeonis verba refert, Orig. hom. 16. ad omnia præcedentia: sed non malè referri possunt simul etiam ad sequentia, ut sit & epilogus præcedentium, & præfatio sequentium; quæ ipsis maximè mirandi causam præbere potuerunt. Cùm enim Simeon benedixisset eis, sive benè precando sive talem eis filium gratulando ;

30. Quia viderunt oculi mei salutare tuum,

31. Quod paraisti ante faciem omnium populorum:

32. Lumen ad revelationem gentium, & gloriam plebis tuæ Israël.

33. Et erat pater ejus, & mater mirantes super his, quæ dicebantur de illo.



34. Et benedixit illis Simeon : & dixit ad Mariam matrem ejus Ecce positus est hic in ruinam, & in resurrectionem multorum in Israël, & in signum, cui contradicetur :

34. \* *Dixit ad Mariam matrem ejus* : nam Joseph, cum hæc contingere debebant, scilicet in prædicatione & passione Domini, juxta multorum opinionem, ex hac vita migraverat, \* *Ecce positus est hic in ruinam*, id est, ad ruinam; seu ut sit ruina & perditio multorum in Israël : effectum enim positionis, non finem significat. Alludit autem ad prophetiam Isaïæ c. 8. ubi dicitur Dominus futurus *in lapidem offensionis, & petram scandali*, id est, in lapidem, in quem offendant, metaphorâ sumptâ ab offendiculis pedum : nam exponens verba sua (scilicet Isaïas) addit, *In laqueum & ruinam habitantibus Jerusalem, & offendent ex eis plurimi, & cadent, & conterentur, & irritentur, & capientur*. Factum est hoc per Judæorum incredulitatem, sicut hic locus exponitur. 1. Pet. 2. v. 7. *Et in resurrectionem multorum in Israël*, id est, non solum ad perditionem, sed etiam ad salutem multorum in populo Israël positus est. Nam illud, *multorum*, ad utrumque referri debet, differenter tamen : nam ad ruinam est ex hominum vitio; ad resurrectionem ex Salvatoris beneficio : & utroque metaphoricè significatur perditio & salus. Quo sensu dicit & Apost. 1. ad Cor. 1. Christum crucifixum, *Judais esse scandalum, Gentibus autem stultitiam*, itemque seipsum aliis esse odorem mortis in mortem, aliis odorem vitæ in vitam. Et positus est etiam hic \* *in signum*, in quod collimant sagittarii; Græcè *ἐς σκοπόν* in scopum, juxta illud Thren. 3. v. 12. *Posuit me quasi signum ad sagittam*. Cui contradicetur, Siriaccè, *In signum contradictionis*, seu contentionis : in quod certatim omnes & passim jacent sagittas contradictionis suæ, tam manu, quàm linguâ tam factis, quàm verbis, donec blasphemiiis confixum, & calumniis oppressum in crucem egerint. Quò respiciens Apostolus ait, ad Heb. 12. *Recogitate eum, qui talem sustinuit à peccatoribus adversus semetipsum contradictionem*. Et quia hoc toti corpori cum suo capite commune est, ideo Christus apud Isaïam dicit c. 8. *Ecce ego & pueri mei in signum & in portentum Israël*; cui scilicet portentose contradicetur.

35. & tuam ipsius animam pertransibit gladius, ut revelentur ex multis cordibus cogitationes.

35. \* *Et tuam ipsius animam*, Nonnulli, *ipsius*, ad Christum retulerunt, hoc sensu, animam Christi, quæ tua est; vel etiam animam tuam, quæ est ipsius Christi : sed textus Græcus omnem tollit ambiguitatem, quia *ipsius*, est femininum. Itaque verus sensus est : Non solum Christo velut scopo contradicetur, sed etiam tuam propriam \* *animam pertransibit gladius* : quem aliqui intelligunt verbum Dei; alii amorem, quo vulnerata fuit; alii etiam dubitationem in fide, tempore passionis : sed interpretationes istæ partim falsæ, partim è scopo alienæ sunt. Gladius igitur intelligitur tribulationis, quo materna anima vulnerata fuit doloris affectu, inquit Aug. ep. 59. quæst ult. Q. 10 sensu

sensu dicit Psal. 104. de Joseph, compedibus vincto, *Ferrum pertransit animam ejus*. tribulatio autem ac dolor intelligitur ille, quem sensit ex illa omnium contradictione, quæ præcedit, tamquam gladio, quo filius petebatur, & quo in cruce & filius & mater transverberati sunt; ille patiendò, hæc audiendò & spectandò. Incredibili namque dolore transfixum esse matris affectum fateri cogit cruciatuum acerbitas, diuturnitas, & infamia, blasphemiarum indignitas ac multitudo, omnium in unum conspiratio, omnis consolationis defectus, amoris denique magnitudo, quo talem filium, talia coram patientem, talis mater spectabat. Ut meritò S. Bern. serm. 29. in Cant. dicat compassionis affectum in dolore exsuperasse corporeæ passionis sensum. \* *Ut reveleantur ex multis*, seu multorum, \* *cordibus cogitationes*. Referenda sunt ista verba ad versum præcedentem, ut illa, & *tuam ipsius animam*, &c. quasi per parenthesin insertalegantur, & iste sensus sit: Positus est Christus in ruinam, & resurrectionem, & in signum, &c. Ut ita secreta cordium multorum, quæ antè latebant, in apertum proferantur, quo videlicet animo quisque sit erga Christum ac Deum, pio an impio, fideli an infideli. Nam ut Beda notat, incertum erat antea, qui Judeorum Christum & gratiam ejus, quem venturum noverant, & credebant ac desiderabant, reciperent, qui respuerent, qui verà, qui simulatà pietate justitiam sectarentur. Adventu & prædicatione ipsius patefactum est, quis esset singulorum erga Deum, Christum, & justitiam animus.

36. \* *Et erat Anna Prophetissa*, hoc scilicet cognomine passim nota: quo quidam recentiores nihil aliud significari putant, quàm quòd esset in Scripturis exercitata, docens juvenculas legem Dei. Sed rectius Aug. lib. de bono viduit. c. 7. veram Prophetissam intelligit. quia, inquit, credendum est, eo spiritu prævidisse Christum ex virgine proximè esse venturum, quo potuit agnoscere & parvulum. \* *Filia Phaniel de tribu Aser*. Nam ante adductam tribum Aser in captivitatem Babylonicam, multi de singulis tribubus transierant religionis causà, ad Judam & Benjamin, ut est 2. Paralip. 11. v. 16. Multi quoque captivitatem Assyriorum evaserant, etiam ex Aser, ut patet 2. Paral. 3. v. 6. & 11. ex quorum reliquiis potuit esse Anna ista. Hæc cum esset provectæ ætatis, \* *vixerat cum viro suo septem annis à virginitate sua*, id est, à die, quo virgo nupserat. Quibus verbis tacitè indicat castitatem ejus & virginalem ante nuptias, & conjugalem post nuptias; vidualem verò versu sequenti.

37. \* *Et hæc vidua*: quia noverat jam tempus esse, quo Christo non officio pariendi, sed studio continendi, melius serviretur, in-

36. Et erat Anna prophetissa, filia Phaniel, de tribu Aser: hæc processerat in diebus multis, & vixerat cum viro suo annis septem à virginitate sua,

37. Et hæc vidua usque ad annos octoginta quatuor: quæ non discedebat de templo, jejuniis & obsecrationibus serviens nonne ac die,



quit Aug. loco cit. \* *Usque ad annos octoginta quatuor, non viduitatis, sed ætatis. Meritum ergo Annæ eò maximè commendatur, inquit c. 13. quia cùm tam citò in juventute expulisset virum, per prolixam ætatem suam diu cum carne confligit & vicit. Et quia parum est esse viduam, nisi pietate commendetur, addit hyperbolicà locutione, \* Quia non discedebat de templo: non quòd in illo habitaret, sed in eo frequenter & penè assiduè studio religionis versaretur, \* jejuniis & obsecrationibus serviens, id est, per jejunia & orationes serviens Deo, Græcè λατρεύων, seu latrariam exhibens; quod sacrorum Scriptorum usu cultum Deo debitum significat. Ex quo apertum relinquitur tam per jejunia secundum se, quàm per orationem coli Deum, non verò tantum, quatenus carnem macerando jejunia serviunt orationi, ut vult Calvinus in Harmonia sua evang. \* nocte ac die, id est, assiduè, præveniens jam tum præceptum Apostoli 1. ad Thimoth. v. 5. ubi viduam jubet instare obsecrationibus & orationibus nocte ac die.*

38. \* *Et hac, tot videlicet nominibus commendata: nam, ut Ambros. notat ideò Anna & stipendiis viduitatis & moribus talis inducitur, ut digna planè fuisse credatur, quæ redemptorem omnium venisse nuntiaret: \* ipsa hora, quâ Simeon de puerò & matre prophetabat, opportunè & providentiâ Dei gubernante, \* Superveniens confitebatur Domino, id est, laudando gratias agebat pro accepto beneficio: illa quippe vis est verbi Confitendi, in Scripturis frequentissima. \* Et loquebatur de illo, scilicet Domino, ut præcessit. Cùm autem constet intelligi puerum; consequenter de illo Domino tanquam omnium Domino loquebatur \* Omnibus, qui expectabant redemptionem Israël, eum videlicet declarans esse messiam & redemptorem illum, quem Israël expectabat.*

39. \* *Et ut perfecerunt omnia secundum legem, quæ de purificatione matris, de oblatione & redemptione primogeniti statuta sunt, \* reversi sunt in Galileam: non immediatè ex Jerosolymis vel Bethlehem, sed post interpositam fugam in Ægyptum. Nam Joseph ex Ægypto in Judæam, non verò in Galilæam redire voluit, ut patet Matt. 2. v. 22. non alia sanè de causa, ut videtur, nisi quia ex Judæa fugerat. Itaque etiam hîc notanda est consuetudo Evangelistarum, ita connectentium gesta diversa, quasi nihil intercesserit, cùm tamen multa interposita fuerint.*

40. \* *Puer autem crescebat, corpore, \* & confortabatur, robore membrorum, ut pueri solent. Has enim vicissitudines ætatum subire voluit, ne, si plenâ staturâ prodiisset, phantasma fuisse videretur: \* plenus sapientia, q. d. non tamen simpliciter crescebat sapientiâ, sed ab initio*

38. P. hæc, ipsa hora superveniens, confitebatur Domino: & loquebatur de illo omnibus, qui expectabant redemptionem Israël,

39. Et ut perfecerunt omnia secundum legem Domini, reversi sunt in Galileam in civitatem suam Nazareth.

40. Puer autem crescebat, & confortabatur, plenus sapientia: & gratia Dei erat in illo.

initio plenus erat; sicut & \* *gratia Dei*, stabilis scilicet sine incremento, erat in illo. Nam his verbis quodammodo præmunivit nos Lucas, ne perperam intelligeremus id, quod infra v. 52. dicit, eum sapientiâ & gratiâ profecisse, nimirum ita, ut profectus ille cum hac stabili plenitudine consistere possit.

41. \* *Et ibant parentes ejus per omnes annos in Jerusalem*, videlicet ad templum Domini. Præceptum enim erat Deuter. 16. v. 16. ut ter in anno appareret omne masculinum in conspectu Domini in solemnitate Hebdomadarum, id est, Pentecostes, & in solemnitate Tabernaculorum, & præcipue \* *in die solemnī Paschæ*, ut videlicet istâ frequentatione in Dei veri cultu continerentur. Et quamvis virgō istâ lege non teneretur, pro sua tamen pietate virum comitata est. Sed cur non timuerunt Archelaum, qui, ut colligitur ex Josephi lib. 17. Antiq. cap. 15. tunc adhuc superstes regnabat in Judæa? Respondet Aug. lib. 2. de consensu cap. 10. habitationem in Jerosolymis timuisse parentes propter Archelaum, non tamen brevem peregrinationem, cum tantâ turbâ undique confluyente facilè esset latère. Unde & Christus ipse quasi in occulto dicitur ascendisse aliquando ad diem Festum, Joan. 7. v. 10.

42. \* *Et cum factus esset annorum duodecim*. Hoc unico actu Christi pueritiam & adolescentiam complexus est: idque opportunè, ut, quia totum illud disciplinæ suscipiendæ tempus est, adolescentiæ præberet formulam discendi, tractandique cum doctoribus, sicut postea vir viris exemplum fuit agendi cum discipulis.

43. \* *Consummatisque diebus, Azymorum, qui septem erant, cum redirent in Galilæam, remansit puer Jesus in Jerusalem, & non cognoverunt parentes*, id est, mansit insciis parentibus: Causa non fuit error, non casus, aut inobedientia, sed Dei consilium, ut ostenderet se in sui Patris cælestis negotiis esse suæ libertatis & authoritatis, independentem à parentibus carnis: ut specimen aliquod suæ divinitatis in illa ætate præberet: ut modestiæ magnitudinem intelligeremus, qui, cum talia posset, & antè & postea tot annos in silentio privatus ignotusque latuit, nihil more vanorum hominum & fervidorum moliens ante tempus.

44. \* *Existimantes autem illum esse in comitatu: in quo negotiis aliquibus in urbe implicati eum verisimiliter reliquerant*. Addit hoc, ut omnem incuriæ culpæque suspicionem à parentibus removeret, taciteque insinuaret, puerum cum parentibus ascendere redireque solitum: nam illa consuetudo videtur eis fuisse causa talis probabilis estimationis \* *Venerunt*, seu progressi sunt, \* *iter diei*, tamquam se-

41. Et ibant parentes ejus per omnes annos in Jerusalem, in die solemnī Paschæ.

42. Et cum factus esset annorum duodecim, ascendit illis Jerosolymam secundum consuetudinem diei festi,

43. consummatisque diebus, cum redirent, remansit puer Jesus in Jerusalem, & non cognoverunt parentes ejus.

44. Existimantes autem illum esse in comitatu, venerunt iter diei & requirebant eum inter cognatos, & notos,



curi, quodd in communi diversorio sub vesperam eum invenirent : distat enim Nazareth Jerosolymis itinere circiter triduo. Itaque \* *requirebant eum inter cognatos & notos*, civitatis Nazarenæ; sive quodd eum inter illos reliquerant, sive quodd gregatim oppidani ejusdem urbis maximèque consanguinei simul redire solerent.

45. Et non invenientes, regressi sunt in Jerusalemem, querentes eum.

45. \* *Et non invenientes regressi sunt in Jerusalem* : eod quodd nec præcessisse comitatum, nec eum cum aliis egressum satis intelligerent. In hoc iter secundus dies impensus est : \* *requirentes eum*, tamquam depositum curæ suæ carissimum illius ætatis. Sed cur tanta sollicitudo de illo, quem Deum esse non ignorabant? Nimirum quod, sicuti cætera corporis incommoda, famem, sitim, imbecillitatem ambulandi, & similia patiebatur, instar puerorum cæterorum, nisi parentum curâ arcerentur : ita meritò solliciti erant, ne & istis itineris & errorum incommodis subjaceret, quibus cæteri pueri solent : nec enim divina potestas ejus parentes à sollicitudine & cura paterna eximebat.

46. Et factum est, post triduum invenerunt illum in templo, sedentem in medio doctorum, audientem illos, & interrogantem eos.

46. \* *Et factum est, post triduum invenerunt illum*, id est, tertio die ab amissione. Phrasis est enim Scripturæ familiaris, ut id, quod certo die futurum significare velit, dicat futurum post diem illum, scilicet inchoatum, ut sup. v. 21. & 22. Itaque primo die amissus, secundo regrediendo quæsitus est, tertio invenerunt eum, \* *in templo*, aliquo scilicet ejus loco, sive in atrio sive in exedra, ad docendam legem ac disputandum deputato. Unde Paulus Actor. 24. v. 12. *Neque in templo invenerunt me cum aliquo disputantem* : & alibi dicit, se juxta pedes Gamalielis eruditum. \* *Sedentem in medio Doctorum* : non cum illis occupando locum Doctoris, ut aliqui putaverunt, sed instar discipuli inter Doctores hinc inde in subselliis confidentes : non enim invenerunt eum docentem; sed, pro illius ætate congrua, \* *audientem illos*, docentes, \* *& interrogantem*, id est, quæstiones ex iis, quæ traderant, excitantem, ut, cum eos docere vellet, servatâ decentiâ discere velle videretur. Nam, ut optimè Orig. in hunc locum, ex uno doctrinæ fonte manat interrogare & respondere sapienter : & ejusdem scientiæ est, scire quid interrogas, quidve respondeas. Itaque servavit hîc præceptum, quod per Ecclesiasticum adolescentulis dederat, *In multis esto quasi inscius, & audi tacens simul & quarens, & pro reverentia accedet tibi bona gratia.*

47. Stupebant autem omnes, qui eum audiebant, super prudentia & responsis ejus.

47. \* *Stupebant autem omnes*, id est, quasi extra se in extasin rapti mirabantur, ut sonat Græcum *Ἐξίστατο*, \* *super prudentia*, seu intelligentia, quæ in interrogando, dubiisque proponendis, servato ubique decoro, elucebat : \* *& responsis ejus*, quæ ipse vicissim ad interrogata,

rogata,

rogata dabat, dum admirabundi, quid de profundis mysteriis dicturus esset, explorare vellent. Itaque voluit hinc admirandæ suæ sapientiæ specimen dare Christus, ut ipsos Doctores ad inquirendum de adventu Messiae excitaret, & facilius post annos octodecim reciperetur.

48. \* *Et videntes*, parentes ejus, \* *admirati sunt*, actum illum pueri duodecennis tam insolitum : \* *& dixit mater ejus ad illum*, tamquam potior jure geniti dolore amissi, amore & gaudio inventi filii : \* *Fili, quod fecisti nobis sic?* Mirantis dolentisque, non reprehendentis verba sunt : nec rogat, cur remanserit, aut cur disputaverit cum Doctoribus, quæ jure suo facere poterat, sed *quid fecisti nobis sic?* Ut scilicet nobis insciis remanseris, qui tuo amore & dolore torquebamur. Hanc enim causam istius interrogationis produnt verba sequentia : \* *Ecce pater tuus & ego* (maritum præponit sibi, ut ubique humilitate esset prima) \* *dolentes*, quia summopere amantes, \* *quarebamus te* : quasi dicerent, cum te hoc scire non ignoremus, miramur, cur feceris nobis sic, si facere constitutum erat. Nam sicut mater non minùs affectuosè quam humiliter & fiducialiter exprimit animum suum.

49. \* *Et ait ad illos* : *Quid est, quod me quarebatis?* Ubi specie reprehendentis non tam reprehendit curam eorum, quàm docet altiora de se esse cogitanda, ut notavit Beda : \* *Nesciebatis quia in his quæ Patris mei, cælestis, sunt, oportet me esse*, seu occupari? Templum intelligunt quidam, quasi noluisse Jerosolymis, sed tantum in templo quæri. Verum non locum loco, sed negotia Patris negotiis humanis, societati videlicet parentum, opponit; quasi diceret eis: Cum sciretis officium meum & causam adventus mei in hunc mundum, cogitandum vobis erat officii illius mei causâ, in quo à vobis non dependeo, me mansisse Jerosolymis. Ita tacitè causam doloris eorum & culpam omnem à se removet : ipsosque docet, cujusmodi cogitationes de ipso habere deberent.

50. \* *Et ipsi non intellexerunt verbum, quod locutus est, &c.* non illud, quo satis clarè Patrem suum Deum esse, & se ejus negotiis occupandum indicaverat. Sed quia non satis intelligebant, quænam essent illa negotia Patris, & quo pacto ista dispositio cum Doctoribus ad ea negotia pertineret : utpotè ante eventum rerum, non satis consciï, quo ordine salutem populi procuraturus esset, primum scilicet docendo, deinde moriendo. Cum autem etiam non intellecto sermone nihil ampliùs interrogant, sed obticescunt, satis hinc elucet, quanta fuerit parentum erga Christum reverentia & veneratio : quo tamen non obstante,

48. Et videntes admirati sunt. Et dixit mater ejus ad illum : Fili, quid fecisti nobis sic? ecce pater tuus & ego dolentes quarebamus te.

49. Et ait ad illos: Quid est quod me quarebatis? nesciebatis quia in his, quæ patris mei sunt, oportet me esse?

50. Et ipsi non intellexerunt verbum, quod locutus est ad eos



51. Et descendit cum eis, & venit Nazareth: & erat subditus illis. Et mater ejus conservabat omnia verba hæc in corde suo.

51. \* *Descendit cum eis*, ut ostenderet se nondum ab eorum potestate mancipandum esse; \* *& erat subditus illis*, declarans in perfrendis unâ cum ipsis laboribus, quibus quotidianum sibi victum quæritabant, morigeram obedientiam suam, ut Basil in constitutionibus Monast. c. 4. Quo exemplo graviter monet Ambr. itemque Orig. hom. 20. in Luc. hoc officium & exemplum pietatis omnibus filiis imitandum, qui longè amplius quàm Christus carnalibus parentibus debent. \* *Et mater ejus conservabat omnia verba hæc*, dicta scilicet & facta Jesu omnia, ea excipiendo, non tamquam pueri, sed perfecti viri, non tamquam hominis puri, sed Filii Dei, & proindè mysteriis plena. Hanc diligentiam etiam supra c. 19. commendaverat, ut videlicet hæc repetitione indicaret & fidei ejus & venerationis magnitudinem erga puerum, ex qua talis cura nascebatur. \* *In corde suo*, ea ruminando, eorumque mysteria perscrutando, quibus intellectum pasceret, & aliis postea divulganda proferret. Quo insinuatur & modestia Virginis, & simul prudentia, quæ nihil de filio muliebri loquacitate jactitaret.

52. Et Jesus proficiebat sapientia, & ætate, & gratiâ apud Deum & homines.

52. \* *Et Jesus proficiebat sapientia & gratiâ*, id est, sapientiæ & gratiæ operibus, seu effectis & signis, quæ in Scripturis nomine *Sapientiæ* & *gratiæ* significari solent, ut patet de *Sapientia* infra. c. 11. v. 31. & Jacobi 3. v. 13. & 14. de *Gratiâ* verò Psal. 44. v. 3. Non enim profecit habitu sapientiæ vel gratiæ, quibus ab initio conceptionis plenus fuit, sed emicatio sapientiæ & gratiæ, ut loquitur Theophl. profectus ejus fuit, quia hominibus ignaris secundum proportionem singularum ætatum magis magisque paulatim emicando apparebant, ut Nazianz. Orat. in vitam Basilii & Orig. hom. 20. Ita ergo proficiebat, quemadmodum sol ab ortu in meridiem progrediens claritate quoque dicitur proficere, non quod illa in se crescat sed in effectu tantum, quia majorem lucem apud nos paulatim diffundit. \* *Et ætate*: Græcum *ἡλικία* etiam *staturam* significat, sicut vertitur c. 12. v. 25. Profecit ergo ætatē, ut testaretur se veram humanitatem assumpsisse, inquit Aug. epist. 3. & ut in profectu suo per singulas ætates quamlibet ætatem nostram consecraret accipiendæ gratiæ Dei, ut latius Iren. lib. 2. c. 39. \* *apud Deum & homines*, id est non fictè, non simulatè, sed verè ac syncerè, Deo ac hominibus testibus ac judicibus. Nam quemadmodum lex naturalis est, ut homo non subito, sed paulatim secundum profectum corporis sapientiâ & virtute proficiat, ita Jesus isti legi sese accommodans, paulatim etiam juxta quamque ætatem opera sapientiora magisque grata & meritoria edebat, magis magisque revelans ac detegens sapientiam ac gratiam animi, quâ semper plenus erat, nube

nube quasi corporis & ætatis infirmitate tectam, ut explicat. Cyril. lib. 10. Thesauri c. 7. Si enim virilem sapientiam & gratiam edidisset ante ætatem, visus fuisset monstrum aut prodigium, ut Theophyl. supra in v. 40. His itaque paucis verbis complexus est Lucas totam Christi vitam, ab anno duodecimo usque ad Baptismum, quod videlicet parentibus obediverit, quod in omnibus sapientiæ & virtutis operibus juxta incrementa ætatis profecerit, velut radios suæ divitiatis magis magisque semper denudando.

### CAPUT TERTIUM.

**R**elictis igitur pueritiæ & adolescentiæ gestis tam Joannis quam Christi, ad virilem ætatem utriusque transit, expressis omnibus temporis, loci, ac personarum circumstantiis, ad majorem historiæ claritatem ac certitudinem & fidem.

I. \* *Anno quinto decimo imperii Tiberii Cæsaris* : qui successit Augusto, adoptatus ab eo in filium & imperii heredem. Ex quo Lucæ loco manifesti erroris arguitur Tert. qui lib. contra Judæos c. 8. docet: Christum anno isto decimo quinto Tiberii esse passum, cum triennio circiter post contigerit. \* *Procurante pontio Pilato Judæam*, strictè dictam, ut à Galilæa cæterisque vicinis regionibus distinguitur. Hæc post mortem Herodis Magni erat Archelao filio ejus Tetrarchiæ nomine attributa : quo in exilium pulso præfectura ejus in provinciam redacta est, & adjecta Syriæ, cui tamen proprius Procurator seu Præses datus est. *Pontius* autem prænomen est, *Pilatus* nomen ejus, quemadmodum dicitur *Cajus Antonius*. Missus fuit hic à Tiberio Cæsare, anno duodecimo imperii ejus, in Judæam, revocato Valerio Grato. Præfuit Judææ annos decem, ipsoque anno mortis Tiberii; qui viginti duos annos imperavit, Romam à Vitellio Syriæ Præsidi remissus est, ut criminibus objectis responderet, teste Joseph. l. 18. Antiq. c. 3. & 5. Ex quo colligitur, Joannem & Christum anno Pilati tertio prædicare cœpisse. Dicitur autem procurasse Judæam, non solum, quia Cæsaris jussu ac nomine administrabat, sed etiam, quia subjacebat Præsidi Syriæ, cui Judæa erat attributa. Undè quamvis Græcum *ὑπερμεύοντος* subinde vertatur *præsidere*, ut sup. c. 2. v. 2. magis tamen propriè procurator quàm Præses erat. \* *Tetrarcha autem Galilææ Herode*, antipa, Herodis Magni seu Ascalonitæ filio. Nam Augustus Cæsar, juxta testamentum Herodis, assignaverat dimidium regni ejus, scilicet Judæam, Idumæam, & Samariam, Archelao: reliquum dimidium partitus est inter duos Herodis filios, ita ut quisque haberet quartam partem; Herodes scilicet, Antipas Galilæam & Peræam, Philippus verò, Ituræam & Tra-

I. Anno autem quinto decimo imperii Tiberii Cæsaris, procurante Pontio Pilato Judæam, tetrarcha autem Galilææ Herode, Philippo autem fratre ejus tetrarcha Iturææ, & Trachonitidis regionis, & Lyfania Abilinæ tetrarcha,



Traconitidem, quæ hîc nominantur, unâ cum Batanæa, Auranitide, & parte domus Zenedori, ut vocabatur, teste Josepho l. 17. Antiq. c. 13. & hinc patet, quod isti duo filii vocantur hîc Tetrarchæ à quarta regni parte; quamquam latius postea hoc nomen usurpari à Romanis cœperit pro Præfectura infra Regiam. Vide dicta Marci 6. v. 14. -

\* *Philippo autem fratre ejus*, ex alia tamen matre Jerosolymitana, cùm Herodes esset ex Samaritide, ut Joseph. l. 17. Antiq. c. 1. nam Herodes Magnus eodem tempore novem habebat uxores. \* *Tetrarcha Ituræ*, quæ initium sumens à Jordane fluvio juxta Libanum versus Occidentem pertendit usque ad montes Tyri ac Sidonis, \* & *Traconidis regionis*, sic dictæ Græcè, quia aspera & saxosa est. Hæc itidem in fontibus Jordanis & monte Libano versus Orientem tendit, ex opposito Ituræ, in qua dimidia tribus Manassæ olim ultra Jordanem collocata fuit. \* *Et Lysania Abilina Tetrarcha*. Quis ille *Lysanias* fuerit non constat, nisi quod non fuerit Herodis filius, ut aliqui perperam putaverunt. Mentionem Lysaniæ cujusdam facit Josephus l. 15. Antiq. c. 13. & Tetrarcham nominat l. 19. Antiq. c. 4. quem filium fuisse istius prioris non est incredibile. Regio autem Abilina ab Abila civitate dicta est, apud montem Libanum sita.

2. sub principibus sacerdotum Anna & Caïpha: factum est verbum Domini in per Joannem, Zacharia filium, in delicto.

2. \* *Sub principibus Sacerdotum Anna & Caïpha*. *Annas* iste vocatur passim *Annanus* à Josepho, qui in eo mirificè laudat eloquentiam, virtutem, consilium, gratiam, auctoritatemque apud populum, denique felicitatem præ omnibus Pontificibus maximam, eo quod ad satieta-tem functus Pontificatu quinque filios post se Pontifices habuerit. Constitutus fuerat ipse Pontifex à Quirino Syriæ Præsidi statim post mortem Archelai, sed amotus à Valerio Grato, Judææ Præsidi, successorem habuit post aliquot Pontifices interpositos Josephum Cai- pham generum suum, paulo ante adventum Pilati in Judæam, qui Caiphas toto tempore Pilati videtur Pontifex mansisse. Videndus Josephus lib. 18. Antiquit. c. 3. & lib. 20. c. ult. Difficultas igitur est, quomodo vocentur hîc simul duo Pontifices seu Principes Sacerdotum. Nonnulli hoc factum probabiliter volunt, non quod essent simul duo Pontifices, quod numquam in Josepho factum legitur, in quantacumque perturbatione Reipublicæ, sed quod *Annas* nomen Pontificis retinuerit, quod semel habuerat, & quod maximæ esset auctoritatis; sicut Episcopi vocantur etiam, qui Episcopatum dimiserunt. Unde Josephus lib. 20. Antiq. & lib. 4. de bello Jud. passim Pontifices vocat eos, qui semel illâ dignitate functi fuerant. Alii hoc factum volunt, quod cum essent omnia venalia apud Romanos, ita ut Pontifices contra antiquam Dei institutionem creberrimè mutarentur, duo

duo isti alternis annis fungerentur Pontificatu : favet Scriptura Joan.

II. v. 49. ubi Caiphas vocatur Pontifex anni illius.

\* *Factum est verbum Domini super Joannem*, &c. id est, facta est inspiratio, locutio, & jussio Domini cælitus ad Joannem. Phrasis est Scripturæ usitata, quâ significatur aliquis Propheta non ex se proficere, sed divinitus vocari seu mitti ad prophetandum vel prædicandum. Ex quo rectè colligitur, nullos esse veros Doctores, nisi qui speciali vocatione Dei sive ordinariâ sive extraordinariâ, ad hoc munus vocantur, sicut victus veritate fatetur hîc in Harmonia sua evang. Calvinus, seipsum & omnes sectarios jugulans.

3. \* *Et venit in omnem regionem Jordanis*, id est, circa Jordanem sitam. Matthæus dicit eum in deserto Judææ prædicasse, quod procul à Jordane collocant : sed non negat eum ad regiones Jordani vicinas excurrisse, quod hîc indicat Lucas, quamquam circa Jordanem loca deserta fuisse notum sit. De reliquis in v. 3. & 4. contentis vide dicta Matth. 3. & Marci r.

5. \* *Omnis vallis implebitur*. Prophetia est ex Isaia sumpta per quam metaphoricâ locutione à consuetudine Regum derivatâ significat Christo tamquam Regi venturo, omnia itinera esse paranda, & rectas faciendas vias, id est, æquandas seu complanandas, per quas transiturus est. Modus autem parandi Regibus viam est, ut vallibus & collibus complanatis tota via æqua & recta fiat. Hoc est ergo, quod hîc dicit, futuris utens pro imperativis, Hebraico more, \* *omnis vallis implebitur*, id est, impleatur, \* *& omnis mons & collis humiliabitur*, id est, humilietur, seu deprimatur : \* *& erunt prava in directa*, id est, viæ distortæ seu curvæ sint ac fiant rectæ : \* *& aspera*, id est, asperæ viæ, propter sentes aut petras aut offendicula atque inæqualitatem, fiant \* *in vias planas*. Quâ metaphorâ significatur, omnem pusillanimitatem ac desperationem animi in spem divinæ gratiæ & virtutis erigendam, omnem præsumptionem sapientiæ ac justitiæ suæ, omnemque superbiam esse deprimendam : omnem pravitatem & asperitatem vitæ in mores rectos seu rationi consentaneos, tractabiles & mansuetos esse mutandam.

6. \* *Et videbit*, pro, quia videbit, modo loquendi Hebræis satis familiari. Datur enim ratio parandi vias, quia scilicet \* *videbit omnis caro salutare Dei*, id est, omnis homo corporeis oculis conspiciet Christum salutis mundi authorem à Deo missum : quem quisquis cum fructu videre & excipere volet, ei via seu mores istâ ratione æquandi & parandi sunt. Itaque per v. 5. paulò latius declaratur prima pars prædicationis Joannis, quam alii Evangelistæ ponunt, scilicet *Pœnitentiam*

3. Et venit in omnem regionem Jordanis, prædicans baptismum pœnitentiæ in remissionem peccatorum,

4. sicut scriptum est in Libro sermonum Isaia propheta : Vox clamantis in deserto : Parate viam Domini : rectas facite semitas ejus :

5. omnis vallis implebitur : & omnis mons, & collis humiliabitur : & erunt prava in directa, & aspera in vias planas :

6. & videbit omnis caro salutare Dei.

7. Dicebat ergo ad turbas quæ exibant ut baptizarentur ab ipso : Genimina viperarum, quis ostendit vobis fugere à ventura ira ?



8 Facite ergo fructus dignos poenitentiae, & ne cœperitis dicere: tatem habemus Abraham: Dico enim vobis, quia potens est Deus de lapidibus istis suscitare filios Abraham.

*agite*: versu verò 6. pars altera, *Appropinquavit regnum calorum*. Quæ sequuntur usque ad v. 10. explicata sunt Matth. 3. Itaque cum magna verborum acrimonia ex tota turba præcipuè Phariseos perstrinxisset, solæ turbæ, id est, plebs simplicior ejus oratione commota interrogavit:

\* *Quid ergo faciemus*, ad adferendos scilicet fructus dignos poenitentiae? Qui respondit:

9. Jam enim secutus ad radicem arborum possumus. Omnis ergo arbor non faciens fructum bonum, excidetur, & in ignem mittetur.

10. Et interrogabant eum turbæ, dicentes: Quid ergo faciemus?

11. Respondens autem dicebat illis: Cui habet duas tunicas, dei non habenti: & qui habet escas, similiter faciat.

12. Venerunt autem & publicani ut baptizarentur, & dixerunt ad illum: Magister, quid faciemus?

13. At ille dixit ad eos: Nihil amplius, quam quod constitutum est vobis, faciatis.

14. Interrogabant autem eum & milites, dicentes: Quid faciemus: & nos? Et ait illis: Neminem concutatis, neque calumniam faciatis: & contenti estote stipendiis vestris.

11. \* *Qui habet duas tunicas*, id est, vestimenta superflua, seu plura, quam ipsi opus fuerit: ponitur enim numerus certus pro incerto, & species pro genere. Nam fieri potest, ut etiam pluribus quam duobus vestimentis opus habeat ad tutandam vitam, nec tamen juxta præceptum Joannis danda sit pauperi. In binario igitur superfluitas notatur. \* *Det non habenti*, id est, indigenti, sive unam habeat, sive non.

Itaque obligationem dandæ eleëmofynæ ex duabus præfinit partibus, ex superfluitate divitis, si plus habeat, quam ipsi sit necessarium, & ex inopia pauperis, si vitæ tuendæ desint necessaria. \* *Et qui habet escas*, id est, superfluum cibum, \* *similiter faciat*, det scilicet esurienti seu indigenti. Itaque ut notat Ambr. illa servatur misericordiæ mensura, ut non sibi unusquisque totum eripiat, sed quod habet cum paupere partiatur. Sub duobus autem operibus misericordiæ, quorum unum tangit vestitum, alterum victum, tamquam maximè necessariis & communibus omnia misericordiæ opera comprehendit, ut videlicet succurramus proximorum indigentiae de superfluo. Et quidem in turbis dat præceptum omnibus commune benefaciendi: in Publicanis verò & militibus propria ipsorum vitia prohibet. Publicanis enim dicebat:

13. \* *Nihil amplius quam quod constitutum est vobis*, à Principe vel Magistratu, \* *faciatis*, id est, exigatis: hoc enim proprie significat verbum Græcum, *παράτε*, ut Commentatores Græci exponunt. Itaque permittit exigi vectigalia, sed vetat excedi Principis constitutionem. Militibus autem dixit Judæis scilicet sive Herodi sive Romano Imperatori militantibus; nam & hoc Judæis licitum erat.

14. \* *Neminem concutatis*, id est, neminem malè tractetis vi metuque aliquid extorquendo: \* *neque calumniam faciatis*, falsa crimina impingendo tamquam insidiatoribus vel fautoribus hostium &c. \* *Et contenti estote stipendiis vestris*: Græcè *ἐφ' ὧν*, obsoniis, quia cibaria sæpè militibus in stipendii partem solvi solent. Hæc ultimâ præcepti parte præcidit radicem concussionis & calumniæ, seu violentiæ & fraudis: nam idè illis injuriarum generibus utuntur plerumque milites, quia non sunt contenti stipendiis suis.

15. Existimant autem populo, & cogitantibus omnibus in cordibus suis de Joanne, ne forte ipse esset Christus.  
 16. respondit Joannes, dicens omnibus: Ego quidem aqua baptizo vos: veniet autem fortior me, cujus non sum dignus solvere corrigiam calceamentorum ejus: ipse vos baptizabit in Spiritu sancto, & igni:  
 17. cujus ventilabrum in manu ejus, & purgabit aream suam, & congregabit triticum in horreum suum, & paleas autem comburet igni inextinguibili.  
 18. Multa quidem & alia exhortans evangelizabat populo.  
 19. Herodes autem tetrarcha, cum corripere ab illo de Herodiade uxore fratris sui, & de omnibus malis quæ fecit Herodes,  
 20. adjecit & hoc super omnia, & inclefit Joannem in carcere.  
 21. Factum est autem cum baptizaretur omnis populus, & Jesu baptizato, & orante, apertum est cælum:  
 22. & descendit Spiritus sanctus corporali specie sicut columba in ipsum: & vox de cælo facta est: Tu es filius meus dilectus, in te complacui mihi.

23. \* *Et ipse Jesus erat incipiens quasi annorum triginta.* Omnes penè Annalium Scriptores locum istum velut anchoram sacram arripuerunt, quâ nixi verum Dominicæ nativitatis annum figerent. Itaque Baronius, Franciscus Lucas, Scaliger, & alii tamquam certum putant significari, quod Lucas hic expresse rit annum Christi trigessimum expletum, & trigessimum primum per paucos dies inchoatum, eò quod tunc aliquis propriè dicatur esse triginta annorum, cum eos expleverit: atque illud, *quasi*, volunt non dubitativè sed assertivè sumi, sicut Joan. 1. *Gloriam quasi unigeniti à Patre.* Pro qua sententia citatur maximè S. Ignat. epist. ad Trallianos, cum reverà nihil stringat. Alii contra putant significari, quod Christus inchoasset tantum trigessimum annum per tredicem dies, tum quia dicitur, *erat incipiens*, tum quia illud, *quasi*, diminutionem significat. Ita clarè tenet Irenæus lib. 2. cap. 39. Sed reverà videtur illud, *quasi*, dubitativè sumi, sicut sumitur cap. 22. v. 41. ut aliqui legunt: & suprâ cap. 1. v. 56. & passim usurpari solet: ut simplicissimus sensus sit, quod Christus esset circiter seu plus minus triginta annorum, sicut apertè intellexit Justinus Dialogo cum Triphone. Illud autem, *incipiens*, non significat, quod inciperet esset triginta annorum, sed sensus est, quod erat circiter triginta annorum, cum inciperet officium suum seu prædicationem suam, ut satis indicant alia Scripturæ loca Actor. 1. v. 22. & ibid. cap. 10. v. 37. Ut proinde propter locum istum nemo cogatur recedere ab ea sententia de anno natalis Domini, quam ei argumenta prægnantia sive Historiæ sive Matheseos certam demonstrare videantur. Permittere enim videtur libertatem aliquam, ut non præcisè anno trigésimo ætatis, sed circiter, hoc est, vel vigésimo nono expleto vel trigésimo primò inchoato baptizatus dici possit. Quo verò anno præcisè sit & consequenter natus & mortuus, lis Chronologorum penè interminabilis est. Hoc ferè inter omnes recentiores Chronologos constat, epocham illam seu computum communem, qui Dionysianus dicitur, juxta quem nos vulgò annos à Christo nato computamus, esse æquo breviorē, hoc est, aliquot annos ei adjiciendos. Unde Baronius ei adjicit duos, quem multi alii secuti sunt, volentes

23. Et ipse Jesus erat incipiens quasi annorum triginta, ut putabatur, filius Joseph, qui fuit Helii, qui fuit Mathat, qui fuit Levi, qui fuit Melchior, qui fuit Jo-  
 24. seph, qui fuit Mathathia, qui fuit Amos, qui fuit Nahum, qui fuit Hesi, qui fuit Nagge, qui fuit Mathathia, qui fuit Semei, qui fuit Joleph, qui fuit Juda.



Christum esse natum Lentulo & Messallino Consulibus, anno scilicet Julianæ correctionis quadragesimo tertio. Quæ sententia gravibus difficultatibus non caret, maximè quia cogitur fidem abrogare Josepho & Dionis magnæ authoritatis Scriptoribus, quorum primus de rebus recentissimis, quas penè viderat, scribebat. Unde alii nonnulli quatuor annis communem computum antevertunt, ita scilicet, ut, quem vulgò dicimus annum à Christo nato millesimum sexcentum trigésimum tertium, sit reverà millesimus sexcentus trigésimus septimus, dicuntque Christum natum anno Julianæ Correctionis 41. Aug. 12. Cornelio Sulla Consulibus. Favent ei admodum testimonia vetustissimorum Historicorum Josephi & Dionis, & quòd hoc ipso anno Janus clausus fuerit pace per totum Orbem composità, itemque Judæi se Sceptro Herodis alienigenæ suâ voluntate subjecerint, quæ Christi nascituri signa à veteribus traduntur. Nec ei quidquam difficultatem facit, nisi locus iste S. Lucæ. Cogitur enim hæc sententia ita exponere illud, *quasi*, ut Christus illo anno decimo quinto Tiberii, cùm baptizaretur, explevisset annum ætatis trigésimum primum, & inchoasset trigésimum secundum per tredecim dies; ut sic mortuus consequenter dici debeat annis triginta quatuor expletis, & trigésimo quinto per tres circiter menses inchoato. Ex Evangelistis enim constat, post Baptismum per tres annos & totidem mensibus prædicasse. Quæ difficultas non videtur esse tanta, ut dici possit illud, *quasi*, latitudinem illam admittere; maximè quia in ætatibus seu annis exprimendis rotundi numeri in Scriptura sæpè assignantur, omisissis minutis.

De Ecclesia verò quæ in libris suis computu Dionysiano utitur difficultas exigua est: nam illum computum usurpat quidem, sed non probat; sicut annos antè nativitatem Christi computat juxta editionem Lxx. Interpretum, & juxta computum eorum, in quo multas centurias annorum redundare nemo paulò eruditior negat, & fateri coguntur, quotquot voluerint authoritatem editionis Hebraicæ & nostræ vulgatæ sequi. Et hæc de ætate Christi nascentis & baptizati fati.

\* *Ut putabatur, filius Joseph*, Græcè additur *ὡς*, id est *existens*, seu cùm esset, ut putaretur filius Joseph, id est, vulgi opinione & famâ non naturâ filius Joseph. \* *Qui fuit Heli*. Difficultas hîc magna est, quomodò Joseph dicatur filius Heli, cùm Matth. i. dicatur filius Jacobi. Recentior quidam facilè rem expedit, dicendo illud, *qui*, referendum esse non ad Joseph, sed ad Jesum, ut sensus esset, qui Jesus erat filius Heli, matre scilicet Mariâ interpositâ, quia Heli iste pater erat Beatæ Virginis, alio nomine dictus Eliachim & Joachim: Nam ista nomina eadem

eadem sunt, ut patet ex nomine Pontificis, qui Judith 4. v. 5. & 11. vocatur Eliachim, & tamen c. 15. v. 9. dicitur Joachim: unde & 4. Reg. 23. v. 34. nomen Eliachim vertitur à Pharaone in Joachim. Alii quoque recentiores, qui putant ipsum Josephum vocari filium istius Heli, ita hoc explicant, ut fuerit gener ejus: nam generi socerorum filii vulgò dici solent, & soceri eorum patres. Utroque modo describeretur hic genealogia Beatæ Virginis ex parte Patris. Sed utraque sententia difficultatem gravem patitur, eò quod isto modo promissiones Davidi factæ de Christo nascituro non essent impletæ per Salomonem, sed per Nathan. Itaque longè satiùs diceretur istum Heli esse patrem non Mariæ, sed Annæ matris ejus, avum scilicet maternum Mariæ, ut Joseph dicatur filius ejus, quia nepos ejus, non consanguinitate, sed affinitate, quia Maria, quam duxerat uxorem, erat neptis Heli: & sic describeretur hic genealogia B. Mariæ ex parte matris, sicut apud Matth. ex parte patris, ut ex utroque latere ipsa & Christus ex Regali stirpe descenderint. Plerique tamen veteres duas alias solutiones amplexi sunt. Prima est, ut Joseph fuerit filius Jacob naturâ, filius Heli adoptione, sicut contigit Ephraim & Manasse, qui à Jacob adoptati sunt, à Joseph geniti. Tradit hanc latè Aug. l. 2. de consens. c. 3. & lib. 2. quæst. Evang. q. 5. Secunda solutio est, quam plures probaverunt, Joseph fuisse filium Jacob naturalem, Heli verò legalem, eò quòd Jacob juxta legem Deut. 25. v. 5. coactus fuerit ducere viduam Heli fratris sui uterini, id est, ex eadem matre, sed alio patre nati, & sine liberis defuncti, ex qua genuerit Josephum. Hanc primus tradidit Julius Africanus in epist. ad Aristidem, tamquam acceptam ab ipsis cognatis Christi post ascensionem, quam tota antiquitas postea maximè probavit, ut Euseb. lib. 1. Historiæ c. 7. Hieron. in Matth. Ambr. in Luc. & in primis Aug. 2. Retract. c. 7. & alibi.

Sed objiciunt, quid ad rationem genealogiæ filiatio illa legalis, quâ filius naturalis secundogeniti dicebatur filius primogeniti, absque liberis defuncti? Respondetur, quia filiatio illa legalis in veteri testamento tanti momenti erat, ut etiam familiæ perinde ut per filiationem naturalem propagarentur: deinde, quia lex illa Deut. in typum Christo erat lata, ut scilicet significaretur quod Christo mortuo fratres ejus Apostoli non sibi sed primogenito in multis fratribus Christo scilicet spirituales filios generare deberent. Cùm ergò lex illa in Christo debuerit impleri, operæ quoque pretium erat, ut in ipsius etiam genealogia ad litteram impleretur.

27. \* *Qui fuit Zorobabel, qui fuit Salatiël.* Isti duo planè diversi sunt <sup>27 qui fuit Joann.</sup> <sub>21, qui fuit Re-</sub>



12. qui fuit Zo-  
robabel, qui fuit  
Salathiël, qui fuit  
Neri,  
28. qui fuit Mel-  
chi, qui fuit Ad-  
d., qui fuit Co-  
tan, qui fuit El-  
madan, qui fuit  
Hier,  
29. qui fuit Jeshu,  
qui fuit Eliezer,  
qui fuit Joëlm,  
qui fuit Mathar,  
qui fuit Levi,  
30. qui fuit Si-  
mion, qui fuit  
Judas, qui fuit Jo-  
seph, qui fuit Jo-  
na, qui fuit Elia-  
kim,  
31. qui fuit Me-  
lea, qui fuit Men-  
na, qui fuit Ma-  
thatha, qui fuit  
Nathan, qui fuit  
David,  
32. qui fuit Jesse,  
qui fuit Obed,  
qui fuit Booz,  
qui fuit Salmon,  
qui fuit Naasson,  
33. qui fuit Ami-  
nadab, qui fuit  
Aram, qui fuit  
Elston, qui fuit  
Thares, qui fuit  
Judæ,  
34. qui fuit Ja-  
cob, qui fuit  
Iaac, qui fuit  
Abraham, qui fuit  
Thare, qui fuit  
Nachor,  
35. qui fuit Sa-  
rug, qui fuit Ra-  
gaur, qui fuit Pha-  
leg, qui fuit He-  
ber, qui fuit Sale,  
36. qui fuit Cai-  
nan, qui fuit Ar-  
phaxad, qui fuit  
Sem, qui fuit  
Noë, qui fuit La-  
mech,  
37. qui fuit Ma-  
thufale, qui fuit  
Henoch, qui fuit  
Jared, qui fuit  
Malaleël, qui fuit  
Cainan,  
38. qui fuit He-  
nos, qui fuit S-  
th, qui fuit Adam,  
qui fuit Dei.

36. \* *Qui fuit Cainan* Gen. 11. v. 12. Cainan iste à Moyse præter-  
mittitur, secundum textum Hebraicum & vulgatum : sed insertus  
fuit à Lxx. Interpretibus, quos Lucas hîc sequitur. Discordiam istam  
conciliavimus in illum locum *Genesis*, eo sensu, ut Cainan à Lxx. Pro-  
phético spiritu adjectus sit, & certi mysterii causâ à Moyse præter-  
missus salvâ veritate. Sunt tamen, qui putant Cainan à Lxx. malè  
fuisse interpositum : Lucam verò non ex opinione sua, sed juxta li-  
brorum censualium tabulas loqui, in quibus Cainan insertus reperie-  
batur : & hoc satis significari illâ voce maximè Græcâ, quæ habetur  
v. 23. ( *ut putabatur* ) quam ad omnia sequentia referri volunt, ut  
scilicet Lucas significet sedet Christi parentibus loqui, quemadmo-  
dum in tabulas relati erant. Neque mirum hoc esse, cum simile quid  
reperiatur 2. Esdræ 7. v. 5. & seqq. ubi recensentur nomina eorum,  
qui ascenderant ex Babylone juxta tabulas publicas : quæ tamen re-  
censentur in multis longè aliter ab Esdra juxta propriam scientiam  
lib. 1. Esdræ c. 2.

38. \* *Qui fuit Adam*. A Christo ad adam usque Lucas progressus  
est, ut ostenderet primum & secundum Adamum ejusdem esse na-  
turæ, Christumque venisse, ut etiam ipsi Adæ, & omnibus ab eo  
oriundis gentibus salutem adferret. Matthæus autem quia Judæis  
scripsit, ab Abraham Judæorum & fidei parente, genealogiam suam  
incepit : idque descendendo, Lucas verò ascendendo, quia ab illo  
significatur nostrorum susceptio peccatorum, ab hoc eorum abolitio:  
quam quia consequimur per baptismum Christi, ideo Lucas baptizato  
tandem Domino seriem generationis ejus exorsus est, eamque per-  
duxit usque ad Deum, quia per peccati remissionem Deo reconciliati  
reddimur filii ejus, non naturales, sed adoptivi ; qua de causâ filios  
etiam adoptivos catalogo suo texuit. Vide plures consonantias &  
dissonantias utriusque scalæ genealogiæ apud Aug. l. 2. de consensu  
Evang. c. 4. \* *Qui fuit Dei*, scilicet filius, quod supplendum in om-  
nibus præcedentibus, non quòd Adam à Deo generatus sit, sed fa-  
ctus. & eâ locutione filius, quâ dicitur Job. 33. v. 28. *Quis est plu-  
via pater* ? Benè autem respondet finis hujusce scalæ principio, ut &  
Adam dicatur filius Dei, & Joseph filius Heli neuter propriè scilicet  
gene-

generatione naturali: itemque ut credibilius fiat Christum, novum Adam, sine semine & terreno patre esse natum, quàm credibile est veterem Adam sine semine & matre terrena prodiisse.

## CAPUT QUARTUM.

1. Jesus autem pius Spiritu sancto regressus est à Jordane: & agebatur à Spiritu in desertum
2. diebus quadraginta, & tentabatur à diabolo. Et nihil manducavit in diebus illis: & consummatis illis esuriit.
3. Dixit autem illi diabolus: Si filius Dei es, dic lapidi huic ut panis fiat.
4. Et respondit ad illum Jesus: Scriptum est: Quia non in solo pane vivit homo, sed in omni verbo Dei.
5. Et duxit illum diabolus in montem excelsum, & ostendit illi omnia regna orbis terrarum in momento temporis,
6. & ait illi: Tibi dabo potestatem hanc universam, & gloriam illorum: quia mihi tradita sunt, & cui volo do illa.
7. Tu ergo si adoraveris coram me, erunt tua omnia.
8. Et respondens Jesus, dixit illi: Scriptum est: Dominum Deum tuum adorabis, & illi soli servies.
9. Et duxit illum in Jerusalem, & statuit eum super pinnam templi, & dixit illi: Si filius Dei es, mitte te hinc deorsum.
10. Scriptum est enim quòd Angelis suis mandavit de te, ut conservent te:
11. & quia in manibus tollent te, ne fortè offendas ad lapidem pedem tuum.
12. Et respondens Jesus, ait illi: Dictum est: Non tentabis Dominum Deum tuum.
13. Et consummata omni tentatione, diabolus recessit ab illo, usque ad tempus.
14. Et regressus est Jesus in virtute Spiritus in Galilæam, & fama exit per universam regionem de illo.
15. Et ipse docebat in synagogis eorum, & magnificabatur ab omnibus.

16. \* **E**T venit Nazareth: non primum statim à tentatione, sed cùm jam alia Galilææ loca peragrasset, ut satis patet, & hinc v. 14. & 15. & Matt. v. 13. & seq. Nam quod ibi dicitur *relictà Nazareth*, intelligitur prætermisâ & neglectâ Nazareth oppido educationis suæ. \* *Intravit secundum consuetudinem suam*, quam scilicet jam ab initio prædicationis observabat, ut diebus sabbatinis synagogas officii sui causâ ingrederetur, de quo Marci 1. v. 21. \* *& surrexit*, honoris & venerationis causâ, \* *legere*, scilicet Scripturam Sacram. Moris enim erat tunc in synagogis aliquid de Lege, & Prophetis legere, ut patet Act. 13. v. 15. & clarissimè ibid. c. 15. v. 21. quibus etiam indicatur lectioni prædicationem subjungi solitam: nam lectio Scripturæ præmittebatur, ut inde materia prædicandi sumeretur. Quem morem postea Ecclesia videtur imitata, dum concionibus Episcoporum Scripturæ lectionem per Lectores præmittebat, ut videlicet, quemadmodum ait Cyprian. initio libri de Mortalitate, vigore pleno, & serm. de Dominica lectione concepto, ad populum cum fructu diceretur.

17. \* *Et traditus est illi liber Isaia*, divinâ scilicet providentiâ procurante, ut ille traderetur, ubi clarissimè de Christo prophetatum erat. Ex qua etiam factum est, ut libro revoluto quasi casu inveniret locum per quem Nazarenis, inter quos diu privatus vixerat, auctoritatem prædicandi & munus publicum legati agendi velut per litteras patris sui probaret.

18. \* *Spiritus Domini super me*, supple est vel *requiescit*: quibus paucis.

16. Et venit Nazareth, ubi erat nutritus, & intravit secundum consuetudinem suam die sabbati in synagogam, & surrexit legere.

17. Et traditus est illi Liber Isaia propheta. Et ut revolvit librum, invenit locum ubi scriptum erat:

18. Spiritus Domini super me.



propter quod  
unxit me, evan-  
gelizare paupe-  
ribus misit me,  
sanare contritos  
corde,

paucis verbis mysterium Trinitatis exprimitur. *Spiritus* enim Spiritum Sanctum, *Dominus* Patrem, *me* Christum ipsum, juxta dispensationem tamen carnis assumptæ significat: q. d. Nihil humano spiritu aut consilio mihi præsumo, sed ipse Spiritus Dei Patris super me requievit, qui me agit & regit.

\* *Propter quod unxit me*, supple *Dominus*, ut additur Hebraicè Isaiæ 61. v. 1. hoc est, quia spiritus mihi datus est à Patre, non secundum mensuram, idè per spiritum illum omne genus gratiarum in me diffudit, velut unguentum, quo me tamquam unctum suum & Messiam consecravit ad officium prædicationis. Primum enim est causa posterioris, ut significavit & Apostolus ad Rom. 5. v. 5. *Charitas diffusa est per Spiritum Sanctum, qui datus est nobis*. Alludit autem ad unctiones antiquas quibus ad certa munera consecrabantur Deo. Hæc unctio obligit Christo ab initio conceptionis: designatio autem publica ad officium prædicandi in Baptismo, ubi Spiritus Sanctus super eum descendit visibiliter, non ut ungeret propriè, sed ut unctum, & plenum Spiritus Sancti donis esse demonstraret. Explicans autem finem istius unctionis seu consecrationis,

\* *Evangelizare*, inquit, *pauperibus misit me*: pauperibus, inquam, secundum seculum. Unde & alibi hoc dat signum sui adventus, *Pauperes evangelizantur*; qui sicut à fastu solent esse remotiores, ita Evangelio recipiendo propinquiores. Nam quod Beda & alii intelligunt pauperes spiritu, difficile reperias tales, quibus Christus passim evangelizaverit, quamvis per ejus prædicationem tales facti sint. \* *Sanare*, seu ad sanandum, \* *contritos corde*: per poenitentiam, inquiunt quidam, sed longè rectius intelligas non bonum, sed miserabilem animæ statum describi, sicut circumstantia loci clamat, ut contriti corde sint fracti ac desperabundi animo, propter peccatorum multitudinem: nam ut Basil. in Catena, peccatum cor humanum præ cæteris prosternit: unde & Scriptura, *Qui alligat contritiones eorum*: est enim metaphora ab iis qui vulneribus contusi & contriti sunt.

19. \* *Prædicare captivis remissionem* seu dimissionem, id est, ad proclamandam omnibus captivis libertatem redeundi ad patriam ex captivitate. Quâ metaphora significatur Christum prædicaturum & allaturum libertatem ex captivitate satanæ & peccatorum vinculis, ut Deo vero Domino nostro restituamur & justitiæ serviamus. \* *Et cæcis visum*: nam unum ex præcipuis beneficiis Christi est, quod genus humanum ex horrendis ignorantiae & peccatorum tenebris vocavit in admirabile lumen suum: de quo etiam c. 1. v. 79. prophetavit Zacharias c. 2. v. 32. Simeon. \* *Dimittere confractos in remissionem*, id est,

19. prædicare  
captivis remissionem, & cæcis  
visum, dimittere  
confractos in remissionem, præ-  
dicare annum  
Domini acceptum, & diem re-  
stitutionis,

est, ad dimittendos liberos eos, qui peccatorum jugo obtriti & fracti sunt animo, vel etiam eos qui omnibus facultatibus exuti, pro gravissimis tamen peccatorum debitis tenentur in vinculis: ad hos, inquam, dimittendos liberos, juxta illud Isaïæ 58. ad quod per hanc metaphoram alluditur, *Dimitte eos, qui confracti sunt, liberos.* \* *Prædicare annum Domini acceptum*, id est, tempus divini beneplaciti, quo scilicet Deo placuit benevolentiam ac beneficentiam suam hominibus declarare. Ubi certum est, allusionem fieri ad annum Jubilæi, in quo similis proclamatio libertatis & remissionis debitorum fiebat, ut patet Levit. 15. v. 10. & Deut. 13. Hoc autem tempus non fuit solus primus annus prædicationis Christi, ut putavit Epiph. Hæresi 51. existimans neminem tunc contradixisse Christo neque Judæos, neque Samaritanos, neque Gentes; cum contrarium satis pateat hic v. 19. sed est totum tempus ab adventu Christi, usque ad sæculi consummationem, in quo vocantur hi, qui accepti fiunt à Deo, ut Iren. lib. 2. c. 38. & sic perspicuè exponit ipse Apostolus 2. ad Cor. 2. \* *Et diem retributionis*: Hieron. vertit *ultionis*, nempe extremi judicii, quam Christus passim prædicavit: vel potius quia tota hæc prædicatio læta est, intelligitur ultio de inimicis generis humani, diabolo & angelis ejus. Unde idem tempus est salutis seu acceptabile, & retributionis seu ultionis, sicut utrumque etiam conjungit Isaïas c. 35. v. 4. *Dicite pusillanimis: Confortamini, ecce Deus vester ultionem adducet retributionis*, scilicet in hostes, Deus ipse veniet, & salvabit vos.

20. \* *Et cum plicuisset librum, reddidit ministro, Synagogæ, & sedit*, more Doctoris, \* *& omnium in Synagoga oculi erant intendentes*, id est, defixi, \* *in eum*, curiositate potius quam docilitate audiendi, quid dicturus esset, qui cum tanta fama repente prodiiisset, cum numquam litteras didicisset, ut est Joan. 5. Dixit autem,

21. \* *Quia*, quod redundat hic, sicut alibi sæpissimè in Scripturis, \* *hodie impleta est hæc Scriptura in auribus vestris*, id est, impletur, vobis audientibus, quando vobis Evangelium prædicantem auditis. Quo tacitè significat, se esse illum, de quo Propheta loquebatur, hoc est Messiam, divinoque actum spiritu & autoritate se facere, quæ faceret.

22. \* *Et omnes testimonium ei dabant, sapientiæ, doctrinæque singularis*, ut satis colligitur ex Marci 6. v. 2. \* *Et mirabantur in verbis gratiæ*: id est, propter verba ejus, gratiæ decorisque plena: quod alii eodem sensu exprimunt per hypallagen, propter gratiam verborum, juxta illud jam olim de eo vaticinatum, *Diffusa est gratia in labiis tuis*. Significat autem *Gratia* non compositionem verborum, sed vim divi-

20. Et cum plicuisset librum, reddidit ministro, & sedit. Et omnium in synagoga oculi erant intendentes in eum.

21. Cœpit autem dicere ad illos: Quia hodie impleta est hæc scriptura in auribus vestris.

22. Et omnes testimonium illi dabant: & mirabantur in verbis gratiæ, quæ procedebant de ore ipsius, & dicebant: Nonne hic est filius Joseph?



nam, quā ejus oratio in animos auditorum decorē, suaviter, & efficaciter influebat. \* *Et dicebant*, non causam adjurationis proferendo, sed auctoritati verborum gratiæ derogando: nam Matth. in fine c. 13. dicit quod scandalizabantur in eo, in carnalis scilicet originis abjectione.

23. Et ait illis: Utique dicitis mihi hanc similitudinem: Medice cura teipsum: quanta audivimus facta in Capharnaum, fac & hic in patria tua.

23. \* *Dicentes*: Nonne hic est filius Joseph, plebei scilicet & fabri? \* *Et ait illis*: Utique dicitis mihi hanc similitudinem, id est, hanc parabola, ut Græcè, seu hoc proverbium vulgare, quod in Medicos cum convictio jaci solet, si artem medendi aliis profitendo, se suosque juvare nequeant, \* *Medice cura teipsum*, q. d. Si ars tua valeret aliquid, primò sibi ferret opem. Applicat autem proverbium Christus: \* *Quanta audivimus facta in Capharnaum*, civitate scilicet tibi exterâ, \* *fac & in Patria tua*, cui tamquam propinquiore magis obstrictus es: quasi dicerent, Non credimus illa esse facta, quæ fama vulgavit, cum nihil hîc talis beneficii præstes nobis. Idem omninò proverbium aliis verbis Christo in ipsa cruce objectum fuit Matth. 27. v. 42. Respondet autem hîc Christus, retorquendo proverbium simile, quo docet nulli minùs miracula debere se facere, quàm ubi ipsi maximè putabant.

24. Ait autem: Amen dico vobis, quia nemo propheta acceptus est in patria sua.

24. \* *Quia nemo Propheta acceptus est*, id est, in honore & pretio est, \* *in patria sua*: unde apud Matth. *Non est Propheta sine honore nisi in patria*. Causam dat Cyrillus lib. 2. in Joan. cap. 113. quia solemus id quod tritum est atque quotidianum, etiamsi magnum sit, parvi pendere, imò & in iis, quæ ejusdem sortis nobiscum sunt, si in aliqua re excelluerint, invidere. Causam ergo tacitè in ipsos retorquet: cum enim miracula in eum fiant finem ut credantur, minimè autem credantur, ubi Propheta sine honore est, & contemnitur, minimè in patria fieri debent, Quod declarat ex factis aliorum Prophetarum Eliæ & Elizæi. Nam

25. In veritate dico vobis, ut ultix viduæ erant in diebus Eliæ in Israël, quando clausum est calum annis tribus, & mensibus sex, cum facta esset fames magna in omni terra: 26. & ad nullam illarum missus est Elias, nisi in Sarepta Sidoniæ, ad mulierem viduam.

25. \* *Multæ viduæ*, egenæ scilicet laborantes inediâ, \* *erant in diebus Eliæ in Israël, quando clausum est calum*, id est, non pluit \* *annis tribus & mensibus sex*: quod tempus non exprimitur in Scriptura veteris Testamenti, sed ex propria scientiâ Christus tradit, & ex Christo Jacobus c. 5. v. 17.

26. \* *Et ad nullam illarum missus est Elias, nisi*, quod non exceptivè intelligendum est, quia non erat vidua Israëlitis, verùm adversativè pro sed, q. d. sed in \* *Sarepta Sidoniæ*, Græcè Σαρδωνος, id est, urbem illam spectantem ad ditionem Sidonis seu Sidoniorum: duobus enim milliaribus ab illa distat, & ejus incolæ Gentiles erant. \* *Ad mulierem viduam*: cujus præ omnibus viduis Israël tantopere excelluit fides, Charitas, & veneratio erga Prophetam, ut unius diei cibum, quem solum habebat, apposuerit, & Prophetæ esuriem necessitati suæ &

filii prætulit, inquit Leo serm. 4. de Quadrag. Maximæ enim fidei fuit, quod verbis simplicibus hominis esurientis, & tamen ei victum promittentis, crederet; maximæ charitatis & honorificentæ, quod satius judicaret ipsum, quàm se vel filium, vivere.

27. \* *Et multi leprosi erant in Israël &c. & nemo mundatus est nisi Naaman Syrus*, id est, extraneus Israëlitis. Causa erat etiam hæc, fides in Deum Israël, & Prophetas ejus, ex qua tantum laborem itineris susceperat, & gratitudo in benefactorem Prophetam. Unde Ambros. cur non curabat fratres Elizæus, cum sanaret alienos? Nisi quia voluntatis est medicina, non gentis: & divinum munus votis elicitur, non naturæ jure defertur: fastidiosos viros cælestium profectus munerum non sequuntur. Hæc Ambrosius. Itaque Christus tacitè & verècundè significat etiam gestis antiquorum congruere, quod nulla ibi faceret miracula, culpam in ipsis esse, non in se, videlicet contemptum sui, ingratitudinem, &c, ut Matth. incredulitatem eorum. Hunc verborum Christi sensum, cum ipsi satis intelligerent,

28. \* *Repleti sunt omnes in Synagoga irâ*: partim quod sui taxationem non ferrent, ut pestilentes homines solent; partim quod ipse se Prophetis antiquis cõparet; ac denique quod ab eis Dei beneficia auferenda, & in alienigenas transferenda insinuaret.

29. \* *Et surrexerunt*, abruptâ scilicet Christi concione, \* *& ejecerunt illum extra civitatem*, tanquam reum mortis, quâ extra civitatem fontes plectere solebant, ut colligitur ex morte Christi, & Stephani, Act. 7. v. 57. \* *& duxerunt eum*, protrahendo, inquit Tertull. 4. contra Marcionem cap. 8. \* *Usque ad supercilium*, seu verticem & eminentissimum aliquid jugum, \* *montis super quem civitas illorum erat adificata*, in aliqua ejus planitie decliviori.

30. \* *Ipse autem transiens per medium illorum* ita, ut eum videntes tenere non possent, inquit Ambros. Orat. contra Auxent. nec enim se invisibilem hæc Christus reddidit, sicut putatur fecisse apud Joan. quando abscondit se, & exivit de templo. Variis autem id modis fieri potuit, sive resolvendo manus eorum, quibus tenebatur, sive mutatâ subito sive obstupefactâ furentium mente, ut sentit Ambrosius. \* *Ibat*, id est, intrepidus sine festinatione abibat, non ut fugientes solent occultè, sed libero gradu ambulans, ut solebat, inquit Cyril. 12. in Joan. c. 22. Nullam autem aliam furentibus inflixit pœnam, tanquam qui sanare adhuc mallet, quàm perdere, ut inefficaci furoris exitu desinerent velle, quod implere non possent, ut idem Ambros. ait.

habens demonium immundum, & exclamavit voce magnâ.

34. dicens: Sine, quid nobis, & tibi Jesu Nazarene? venisti perdere nos? scio te quis sis, Sanctus Dei.

35. Et increpavit illum Jesus, dicens: Obmutescere, & exi ab eo. Et cum projecisset illum demonium in medium, exiit ab illo, nihilque illum nocuit.

27. Et multi leprosi erant in Israël sub Elifæo propheta: & nemo eorum mundatus est nisi Naaman Syrus.

28. Et repleti sunt omnes in synagoga irâ, hæc audientes.

29. Et surrexerunt, & ejecerunt illum extra civitatem: & duxerunt illum usque ad supercilium montis, super quem civitas illorum erat adificata, ut præciperent eum.

30. Ipse autem transiens per medium illorum, ibat.

31. Et descendit in Capharnaüm civitatem Galilee, ibique docebat illos tabbas.

32. Et stupebant in doctrina eius, quia in potestate erat sermo ipse.

33. Et in synagoga erat homo



36. Et factus est pavor in omnibus, & colloquebantur ad invicem, dicentes: Quod est hoc verbum, quia in potestate & virtute imperat immundis spiritibus, & exeunt?

37. Et divulgabatur fama de illo in omnem locum regionis.

38. Surgens autem Jesus de synagoga, introivit in domum Simonis. Socrus autem Simonis tenebatur magnis febris: & rogaverunt illum pro ea.

39. Et stans super illam, imperavit febrī: & dimisit illam. Et continuo surgens ministrabat illis.

40. Cum autem sol occidisset, omnes qui habebant infirmos variis languoribus, ducebant illos ad eum. At ille singulis manus imponens, curabat eos.

41. Exhibant autem dæmonia à multis, clamantia & dicentia: Quia tu es filius Dei: & increpans non sinebat ea loqui: quia sciebant ipsum esse Christum.

42. *Facta autem die*, id est, primo crepusculo, seu, ut Marcus, *\* diliculo valde*: Insinuatur autem Christus totā nocte curandis ægris operam dedisse: *\* Ibat ad desertum locum*, non tantum orandi causā, vel fugiendi turbam, sed in primis vitandi jactantiam, ut Ambr. Ita nos docens exemplo suo à perfectis viris omnem vanitatis cupiditatem ex præstitis beneficiis vel magnalibus abesse debere. *\* Et turbæ requirebant*, seu quærebant eum nocturnis illectæ beneficiis. Ad quem modum pulchrè Ambros. docet Christum spiritualiter quærendum, non nocte, sed die; non in foro, sed in deserto.

43. Quibus ille ait: Quia & aliis civitatibus oportet me evangelizare regnum Dei: quia idcirco misus sum.

44. Et erat prædicans in synagoga Galilææ.

1. Factum est autem, cum turbæ irruerent in eum, ut audirent verbum Dei, & ipse stabat secus stagnum genesareth.

## CAPUT QUINTUM.

1. *\* Factum est autem, &c.* Utrum hæc historia sit eadem cum ea, quam narrat Matth. cap. 4. v. 18. non ita constat. Multa suadent esse diversam, & quidem tempore priorem, sicut tenet Aug. lib. 2. de consensu cap. 17. nam ibi Christus dicitur juxta mare ambulasse, hinc stetit: ibi nulla turbæ mentio, hinc plurimæ: ibi Christus in littore dixit, *Faciam vos fieri piscatores hominum*, hinc in navi ait, *Eris homines capiens*; ibi Petrus & Andreas mittebant rete in mare, Joannes verò & Jacobus reficiebant, hinc omnes lavant retia sua. Sunt tamen quædam aliæ circumstantiæ ita similes, ut non videatur diversa esse historia. Itaque verum videtur esse id, quod August. ait, præcessisse quidem hanc historiam ante vocationem, quam Matthæus narrat, sed sic tamen, ut illa vocatio ei prorsus conjuncta fuerit.

2. *\* Et Vidit duas naves stantes secus*, id est, juxta stagnum, & proinde in ipso littore: *\* Piscatores autem descenderant & lavabant retia*. Quo pulchrè significatur eos, qui piscantur homines, debere statutis temporibus à piscatione feriari, ut fordes adhærentes verbis & officiis, quibus homines quasi retibus ad Christum trahunt, per poenitentiam abluant & corrigant, ut in posterum mundiora & expeditiora sint retia.

3. *\* Et ascendens in navem*, ut quietius & minus à turba pressus doceret, *\* quæ erat Simonis*; ut mysterium adumbraretur, quod ipse præficiendus esset Ecclesiæ, in qua doceret Christus: *\* rogavit eum*, ne in hominem sibi necdum adhærentem imperium usurpare videretur, *\* à terra reducere pusillum* quantum sufficeret; ut vox quidem ejus audiri

3. Ascendens autem in unam navim, quæ erat Simonis, rogavit eum à terra reducere pusillum. Et sedens docebat de navicula turbam.

diri posset à turba, non tamen ipse comprimi. Quo significatum vult Greg. 17. Moral. c. 12. eos, qui erudiunt turbam, nec in profundum mysteriorum se abripere debere, nec etiam in terra quasi terrena prædicare, sed pro captu turbæ medium tenere. Cum ergo finitâ concione Petrus \* *in verbo Domini*, id est, juxta jussum Christi, projiciendo laxasset rete suum captâ multitudine piscium copiosâ,

7. \* *Annuerunt sociis*, id est, signis, non voce advocarunt ad adjuvandum. Quod factum fuit non tam ex stupore & timore, quo loqui non possent, ut quidam putant (statim enim loquebatur Petrus Christo) quàm propter nimiam distantiam.

8. \* *Quod cum videret Petrus procidit ad genua Jesu*, adorabundus: mirabatur enim Dominici præcepti virtutem & tamquam in arte piscandi exercitatus sissimus satis cernebat, non nisi divinâ virtute rem esse gestam: \* *Dicens, Exi à me*, id est, discede à me. Causam adjicit, \* *quia homo peccator sum*, id est, multis peccatis obnoxius, tu verò sanctissimus, ut proinde consortio tuo indignus sim. Itaque verba ista videntur profecta ex duplici affectu: primò ex humilitatis magnitudine, ut fuerint similia verbis Centurionis, *Non sum dignus ut intres sub tectum meum*: quasi diceret Petrus, non sum dignus, ut sis in navi mea. Secundò ex timore: unde Cyril. in cap. 6. Isaïæ dicit, Petrum ex reverentia horruisse esse cum Christo, velut peccatorem cum sancto. Timor ergo iste fuit, sive carnalis, ut aliqui putant, quasi timuisset, ne fortè illa occasione vindicta iniquitatum ejus fumeretur; quo sensu mulier Sareptana 3. Reg. 17. v. 18. ingressui Eliæ imputabat mortem filii sui: sive potius timor religiosus ac pavor ex admiratione divinæ virtutis præsentis, quàm ex illo facto sentiebat; nam hoc indicare videtur id, quod sequitur:

9. \* *Stupor enim circumdederat eum*, nempe quo animus ex admiratione attonitus percellitur. Cujusmodi stupor nimius quia animum impedit, neque sui satis compotem esse finit, hinc Dominus:

10. \* *Noli timere*, percussus ex conscientia peccatorum tuorum, meæque virtutis: q. d. non exerui eam, ut te quamvis peccatorem à præsentia mea deterrerem, sed potius, ut longè majus meum in te beneficium figurarem. Nam \* *ex hoc jam*, seu *ἀπὸ τῆ νῦν*, *ex hoc nunc*, ut est Græcè, id est, ex præsentis hoc tempore posthac non pisces ad mortem, sed, quod longè sublimius est, \* *homines eris capiens*, scilicet ad vitam: Græcum enim *ζωοποιῶν* propriè significat vivum capere, q. d. Homines capies, non ut ad servitutem tuam & mortem eos capias, sed ut libertati & vitæ tamquam ex hostium manibus erepti serventur. Est autem hæc prædictio non vocatio Petri; nam verba ista in navi

4 Ut cessavit autem loqui, dixit ad Simonem: Duc in altum, & laxate retia vestra in captivam.

5. Et respondens Simon, dixit illi: Præceptor, per totam noctem laborantes, nihil cepimus: in verbo autem tuo laxabo rete.

6. Et cum hoc fecissent, conclusæ sunt piscium multitudinem copiosam, rumpebatur autem rete eorum.

7. Et annuerunt sociis, qui erant in alia navi, ut venissent, & adjuvant eos. Et venerunt, & impleverunt ambas naviculas, ita ut panem mergerentur.

8. Quod cum videret Simon Petrus, procidit ad genua Jesu, dicens: Exi à me, quia homo peccator sum, Domine.

9. Stupor enim circumdederat eum, & omnes, qui cum illo erant, in captura piscium, quam ceperant:

10. Similiter autem Jacobum & Joannem, filios Zebedæi, qui erant socii Simonis. Et ait ad Simonem Jesus: Noli timere: ex hoc jam homines eris capiens,



Christus prout. Vocavit autem eum cum fratre, cum jam ad littus appulisset, juxta Matth. & inde paululum digressus etiam Jacobum & Joannem, filios Zebedæi: qui similiter parumper à piscatione jam digressi fuerant. Itaque Lucas relictâ vocatione quatuor Apostolorum, ipsisque verbis, quibus vocati sunt, & Matth. 4. narrantur, effectum dumtaxat vocationis omnium exprimit, nempe quod omnes quatuor,

11. Et subductis ad terram navibus, relictis omnibus secuti sunt eum.

12. Et factum est cum esset in una civitatum, & ecce vir plenus lepra, & videns Jesum, & procidens in faciem, rogavit eum, dicens: Domine, si vis, potes me mundare.

13. Et extendens manum, tetigit eum dicens: Volo: Mundare. Et confestim lepra discessit ab illo.

14. & ipse præcepit illi ut nemini diceret: sed, Vade, ostende te sacerdoti, & offer pro emunda-

11. \* *Subductis ad terram navibus, relictis omnibus*, scilicet piscibus, retibus, navibus, adeoque instituto piscandi, \* *secuti sunt eum*, ut tamquam discipuli jam Christo inseparabiliter adhærent. Eadem est igitur vocatio, quæ apud Matth. & Marcum, & quæ hîc apud Lucam textitur: ita tamen, ut illi omittant celebris istius piscationis miraculum, quod hîc narratur, & animum eorum ad obtemperandum vocationi disposuit. Reliqua vide Matth. 4. Porro piscationem istam mysterii alicujus causâ gestam esse res ipsa clamat: unde Ambros. & passim Greg. 17. Moral. c. 12. aliàs 13. & Aug. diversis locis, præcipuè verò tract. 122. in Joan. allegoricè eam explicant. Navis enim Petri significat Ecclesiam cui Petrus præfuit, & ex cujus autoritate Christus turbas docet: binarius navium sunt duo populi, circumcisio & præputium: jubetur Petrus in altum ducere, ut scilicet Evangelium apud remotiores gentes prædicet: ruptura retium sunt hæreses & schismata, quæ per multitudinem hominum carnalium cum suis malis moribus in Ecclesiam intrantium fieri solent, per quos fit, ut pœnè mergantur naves, id est periclitentur Ecclesiæ. Vide cætera latius apud Aug.

lione tua, sicut præcepit Moyses, in testimonium illis.

15. Perambulabatur autem magis sermo de illo: & conveniebant turbæ multæ ut audirent, & curarentur ab infirmitatibus suis.

16. Ipse autem secedebat in desertum, & orabat.

17. Et factum est in una dierum, & ipse sedebat docens, Et erant Pharisei sedentes, & legis doctores, qui venerant ex omni castello Galilææ, & Judææ, & Jerusalem: & virtus Domini erat ad sanandum eos.

18. Et ecce viri portantes in lecto hominem, qui erat paralyticus: & quærebant eum inferre, & ponere ante eum.

19. Et non invenientes qua parte illum inferrent præ turba, ascenderunt supra lectum, & per regulas summisserunt eum cum lecto in medium ante Jesum.

20. Quorum fidem ut vidit, dixit: Homo remittuntur tibi peccata tua.

21. Et cœperunt cogitare Scribæ & Pharisei, dicentes: Quis est hic, qui loquitur blasphemias? Quis potest dimittere peccata, nisi solus Deus?

22. Ut cognovit autem Jesus cogitationes eorum, respondens, dixit ad illos: Quid cogitatis in cordibus vestris?

23. Quid est facilius dicere: Dimitte: ut tibi peccata; an dicere: Surge, & ambula?

24. Ut autem sciatis quia filius hominis habet potestatem in terra dimittendæ peccata: (ait paralytico) Tibi dico, surge, tolle lectum tuum, & vade in domum tuam.

25. Et confestim confurgens coram illis, tulit lectum, in quo jacebat: & abiit in domum suam, magnificans Deum.

26. Et stupor apprehendit omnes, & magnificabant Deum. Et repleti sunt timore, dicentes: Quia vidimus mirabilia hodie.

27. Et post hæc exiit, & vidit publicanum nomine Levi, sedentem ad Telonium, & ait illi: Sequere me.

28. Et relictis omnibus, surgens secutus est eum.

29. Et fecit ei convivium magnum Levi in domo sua: & erat turba multa publicanorum, & aliorum qui cum illis erant discumbentes.

30. Et murmurabant Pharisei & Scribæ eorum, dicentes ad discipulos ejus: Quare cum publicanis & peccatoribus manducatis, & bibitis?

31. Et respondens Jesus, dixit ad illos: Non egent qui sani sunt medico, sed qui malè habent,

32. Non veni vocare iustos, sed peccatores ad poenitentiam.  
 33. At illi dixerunt ad eum : Quare discipuli Joannis jejunant frequenter, & obsecrationes faciunt, similiter & Pharisæorum : tui autem edunt & bibunt ?  
 34. Quibus ipse ait : Numquid potestis filios sponsi, dum cum illis est sponsus, facere jejunare ?  
 35. Venient autem dies : cum ablati fuerint ab illis sponsus, tunc jejunabunt in illis diebus.  
 36. Dicebat autem & similitudinem ad illos : Quia nemo commissuram à novo vestimento immittit in vestimentum vetus : alioquin & novum rumpit, & veteri non convenit commissura à novo.  
 37. Et nemo mittit vinum novum in utres veteres : alioquin rumpet vinum novum utres, & ipsum effundetur, & utres peribunt.  
 38. sed vinum novum in utres novos mittendum est, & utraque conservantur.  
 39. Et nemo bibens vetus, statim vult novum, dicit enim : Vetus melius est.

## CAPUT SEXTUM.

**M**agna pars Capituli hujus diversis locis apud Matth. & Marcum explicata est : quædam supersunt notanda.

1. Factum est autem in sabbato secundo, primo,

- cum transiret per sata, vellebant discipuli ejus spicas, & manducabant conficantes manibus.  
 2. Quidam autem Phariseorum dicebant illis : Quid facitis quod non sicut in sabbatis ?  
 3. Et respondens Jesus ad eos, dixit : Nec hoc legistis quod fecit David, cum esurisset ipse, & qui cum illo erant :  
 4. quomodo intravit in domum Dei, & panes propositionis sumpsit, & manducavit, & dedit his qui cum ipso erant : quos non licet manducare nisi tantum sacerdotibus ?  
 5. Et dicebat illis : Quia Dominus est Filius hominis, etiam sabbati.  
 6. Factum est autem & in alio sabbato, ut intraret in synagogam, & doceret. Et erat ibi homo, & manus ejus dextra erat arida.  
 7. Observabant autem Scribæ, & Pharisei, si in sabbato curaret : ut invenerunt unde accularent eum.  
 8. Ipse vero sciebat cogitationes eorum : & ait homini, qui habebat manum aridam : Surge, & sta in medium. Et surgens stetit.  
 9. Ait autem ad illos Jesus : Interrogo vos, si licet sabbatis benefacere, an malè; animam salvam facere, an perdere ?  
 10. Et circumspexit omnibus dixit homini : Extende manum tuam. Et extendit : & restituta est manus ejus.  
 11. Ipse autem repleti sunt insipientia, & colloquebantur ad invicem, quidnam facerent Jesu.  
 12. Factum est autem in illis diebus, exiit in montem orare, & erat pernoctans in oratione Dei.  
 13. Et cum dies factus esset, vocavit discipulos suos : & elegit duodecim ex ipsis ( quos & Apostolos nominavit )  
 14. Simonem, quem cogeominavit Petrum, & Andream fratrem ejus, Jacobum, & Joannem, Philippum, & Bartholomæum ;  
 15. Matthæum, & Thomam, Jacobum Alphæi, & Simonem, qui vocatur Zelotes,  
 16. Et Judam Jacobi, & Judam Iscariotem, qui fuit proditor.  
 17. Et descendens cum illis, stetit in loco campestri, & turba discipulorum ejus, & multitudo copiosa plebis ab omni Judæa, & Jerusalem, & maritima, & Tyri, & Sidonis,  
 18. qui venerant ut audirent eum, & sanarentur à languoribus suis. Et qui vexabantur à spiritibus immundis, curabantur.  
 19. Et omnis turba quærebat eum tangere : quia virtus de illo exibat, & sanabat omnes.  
 20. Et ipse elevatis oculis in discipulos suos, dicebat : Beati pauperes : quia vestrum est regnum Dei.  
 21. Beati, qui nunc esuritis : quia saturabimini. Beati, qui nunc fletis : quia ridebitis.  
 22. Beati eritis cum vos oderint homines, & cum superaverint vos, & exprobraverint, & ejecerint nomen vestrum tamquam malum, propter Filium hominis.  
 23. Gaude e in illa die, & exultate : ecce enim merces vestra multa est in cælo : secundum hæc enim faciebant Prophetis partes eorum.

24. \* *Verumtamen vae vobis divitibus.* Quatuor generibus hominum, quos beatos prædicaverat, quatuor alia opponit, quibus vae intonat, id est, æternam miseriam prædicit : & primò quidem divitibus scilicet spiritu, hoc est animo & affectu, sive divitias simul habeant, sive non habeant : opponuntur enim hîc divites pauperibus spiritu, quos Matth. expressit, sicut ibi explicuimus. *Divites* ergo hîc vocantur, qui divitiis inhiant, vel incubant, amore scilicet cum divitiis colligati, ut inde avelli nequeant : nam si qui divitias habeant tamquam non habentes, & observent præceptum Apostoli 1. ad Tim. 6. v. 17. & seqq. ab hoc vae immunes sunt : non enim sensus sed affectus

24. Verumtamen vae vobis divitibus, quia habetis consolationem vestram.



festus in crimine est, inquit Ambrosius. \* *Quia habetis consolationem vestram*, id est, recipitis in hac vita ex divitiis beatitudinem vestram, nemo enim divitias diligit eo quo diximus, modo, quin ex iis beatitudinem sive ex toto sive ex parte percipere velit: hoc est enim commune omnibus qui frui volunt creaturis.

25. Væ vobis, qui saturati estis: quia esuriatis. Væ vobis, qui ridetis nunc: quia lugebitis & flebitis.

25. \* *Væ vobis, qui saturati estis*, id est, qui in hoc studetis, ut cibo potuque farti genio indulgeatis: illis enim væ minatur, quorum, ut Apostolus loquitur, Deus venter est, qui in comestationibus & potationibus suam felicitatem ponunt. \* *Quia esurietis*: nam per quæ quis peccat, per hæc & punietur: unde & Isaias, *Ecce servi mei comedent, & vos esurietis: Ecce servi mei bibent, &c.* Nam sub esurie etiam sitis hic comprehenditur: & sub his duobus omnium rerum necessariarum inopia. \* *Væ vobis, qui ridetis nunc*, id est, qui hoc unum spectatis, ut in rebus hujus mundi transitorii gaudium capiat in lascivia, in luxu, cæterisque divitiis, \* *quia lugebitis animo*, \* *& flebitis*, corpore, hoc est, intus & extrâ voluptas vobis in dolorem animi & cruciatum corporis commutabitur.

26. Væ cum benedixerint vobis homines: secundum hæc enim faciebant pseudo-prophetas patres eorum.

27. Sed vobis dico, qui auditis: Diligite inimicos vestros, benefacite his qui oderunt vos.

28. Benedicite maledicentibus vobis, & orate pro calumniatoribus vos.

29. Et qui te per-

26. \* *Væ cum benedixerint vobis homines*, id est, cum major pars Judæorum (nam de Judæis illius temporis loquitur) vobis prædicantibus applauserit: hoc enim signum est vos eis loqui placentia, vitia potius eorum demulcendo, quàm redarguendo: unde Christus, *Me odit mundus, quia ego testimonium perhibeo de illo, quòd opera ejus mala sunt.* \* *Secundum hæc enim faciebant Pseudo-prophetas patres eorum*, scilicet Judæorum, inter quos jam vivitis. Attestatur hoc Jeremias c. 5. v. 31. *Propheta prophetabant mendacium, & sacerdotes applaudebant manibus suis, & populus meus dilexit talia.* Hoc igitur postremum væ deterret discipulos à captando hominum plausu per doctrinam, & opponitur beatitudini, quæ v. 22. & 23. promittitur ex hominum maledictione, propter doctrinam & fidem Christi.

cutit in maxillam, prabe & alteram. Et ab eo, qui auferit tibi vestimentum, etiam tunicam noli prohibere.

30. Omni autem petenti te, tribue: & qui auferit quæ tua sunt, ne repetas.

31. Et prout vultis ut faciant vobis homines, & vos facite illis similiter.

32. Et si diligitis eos, qui vos diligunt, quæ vobis est gratia? nam & peccatores diligentes se diligunt.

33. Et si benefeceritis his, qui vobis benefaciunt, quæ vobis est gratia? siquidem & peccatores hoc faciunt,

34. Et si mutuum dederitis his, à quibus speratis recipere, quæ gratia est vobis? nam & peccatores peccatoribus sœnerantur, ut recipiant æqualia.

34. \* *Et si mutuum dederitis his à quibus speratis recipere*, nempè simile beneficium vel mutui vel alterius beneficentiæ, \* *quæ gratia est vobis*, quàm magnam initis gratiam apud Deum, ut ab eo magnam mercedem speretis? Unde Matth dicit, *Quam mercedem habebitis?* \* *Nam & peccatores peccatoribus sœnerantur*, id est mutuum dant, quia Græcè est δανέζω, eadem vox, quæ initio hujus versus: \* *Ut recipiant æqualia*, id est, parèm mutui vel beneficii vicem in sua necessitate, Itaque.

35. \* *Mutuum date, nihil inde sperantes*, id est, nullam expectantes ex isto beneficio parem beneficii vicem: non enim hic agitur de recipienda pecunia ultra sortem. Sic ergo duos istos versus plerique exponunt, ut excludatur à beneficentia Christiani omnis proprii commodi consideratio. Quamquam videatur valdè congrua (quæ adhuc perfectiorem præscribit benefaciendi modum) interpretatio S. Ambr. Præfat. in Lucam, *Date mutuum, nihil inde sperantes*, id est, etiam cum desperatione recuperationis, seu recuperandæ sortis. Quod clariùs docet lib. de Tobia c. 16. *Date*, inquit, *mutuum iis, à quibus non speratis vos, quod datum fuerit, recepturos: quando videlicet petitur non donum, sed mutuum causâ honestatis vel verecundiæ, quamvis videas præ paupertate numquam esse reddendum.* Ita ut Christus hîc pro tempore & loco mutuum dare jubeat, non solum sine usura, spe similis beneficii, sed etiam sine spe recuperandæ sortis, subveniendò scilicet iis, qui præ verecundia non audent eleemosynam petere, sed mutuum: quod reipsa quidem est idem quod donare, non tamen in modo. Unde rectè observat Hieron. in cap. 18. Ezech. profectum virtutis ac legis, ut initio lex quidem à fratribus usuram tolleret, *Non fœnerabis fratri, sed alieno*: deinde Propheta ab omnibus, Ezech. 18. v. 8. denique Dominus in Evangelto præciperet mutuum dare etiam iis, à quibus non speraremus sortem recipere. Quæ de causa pulchrè Tertull. lib. 4. contra Marcionem c. 17. annotat in hunc Lucæ locum. Prius fuit, ut Dominus fructum fœnoris (id est, usuram) eradicaret, quo faciliùs assuefaceret hominem ipsi quoque fœnori (id est, forti. in mutuum datæ) perdendo, cujus fructum (id est, usuram) didicisset amittere. Consentit Aug. l. 1. de serm. Domini in monte, ad verba, *qui vult à te mutuari ne averse-*

35. Verumtamen diligite inimicos vestros: benedicite, & mutuum date, nihil inde sperantes: & erit merces vestra multa, & eritis filii Altissimi, quia ipse benignus est super ingratos & malos.

36. Estote ergo misericordes, sicut & Pater vester misericors est.

37. \* *Nolite judicare & non judicabimini*: quæ de re diximus Matt. 7. Solum notandum, nihil hâc justitiâ benignius, nihil hâc retributione clementius dari posse, ubi sententia judicis in Potestate ponitur judicandi.

38. \* *Date & dabitur vobis &c.* Quibus verbis diffidentia sollicitudo, & avaritiæ est amputata cunctatio, ut quod reddituram se promittit veritas, secunda expendat humilitas, inquit Leo serm. 6. de jejuniis decimi mensis. \* *Mensuram bonam*: q. d. Dantibus non solum dabitur, sed ad eos redibit magno cum fœnore beneficium; quod exprimit per metaphoram mensuræ frumentariæ. *Mensuram* itaque bonam, id est, plenam, cujus integritati nihil deest, \* *& confertam*, Græcè *πληρωμένη*, *pressam*, id est, manibus constipatam, \* *& coagitatam*, vale scilicet concusso, quo amplius capiat. \* *Et superfluentem*, id est, ita im-

37. Nolite judicare, & non judicabimini: nolite condemnare, & non condemnabimini. Dimitte, & dimitte-

38. Date, & dabitur vobis: mensuram bonam, & confertam, & coagitatam, & superfluentem dabunt in sinum vestrum. Eadem quippe mensurâ, qua mensi fueritis, remetietur vobis.



tem illis & similitudinem: Numquid potest cacus cacum ducere? nonne ambobus in foveam cadunt?

40. Non est discipulus super magistrum: perfectus autem omnis erit, si sit sicut magister ejus.

41. Quid autem vides festucam in oculo fratris tui, trabem autem, quia in oculo tuo est, non consideras?

42. Aut quomodo potes dicere fratri tuo: Frater, sine ejciam festucam de oculo tuo: ipse in oculo tuo trabem non videns? Hypocrita, ejice pri-

pletam, ut redundet & undique disfluat: q. d. liberalitati vestrae dabunt mensuram liberalissimam. Omnia hæc epitheta applicat S. Bernardus ipsi Deo, qui futurus est merces omnium. Ipsum vide serm. 5. de vigilia natalis & 11. in Cant. \* *Dabunt in sinum vestrum*, id est, vobis, tamquam vestrum, & firmissimè possidendum dabunt; supple illi, qui retributioni præerunt. Quamquam Aug. lib. 2. qu. Evang. qu. 8. referat ad eos, qui beneficium acceperint: non enim diceret, inquit, *dabunt* &c. nisi quia per illorum merita, quibus dederint, mercedem celestem recipere merebuntur. \* *Eadem quippe mensura, qua mensi fueritis, remetietur vobis*. Quod referri debet ad omnia tria præcedentia, ad iudicium, ad condemnationem, ad dimissionem, ut patet ex Matt. 7. v. 1. & 2. maximè verò hîc refertur ad erogationem seu dationem, scilicet pro rata abundantia, quâ quis usus fuerit in erogando, restitutum iri mercedem incomparabiliter quidem in se majorem, proportionem tamen quâdam respondentem mensuræ liberalitatis. Ut idem significet, quod Apostolus, *Qui parce seminat, parce & metet, & qui seminat in benedictionibus*, id est, copiosè & abundanter, *de benedictionibus & metet*. Vide Matth. 7.

nam trabem de oculo tuo: & tunc perspicies ut educas festucam de oculo fratris tui.

43. Non est enim arbor bona, quæ facit fructus malos: neque arbor mala, faciens fructum bonum.

44. Unaqueque enim arbor de fructu suo cognoscitur. Neque enim de spinis colligunt ficus, neque de rubo vinum demant urani.

45. Bonus homo de bono thesauro cordis sui profert bonum: & malus homo de malo thesauro profert malum. Ex abundantia enim cordis os loquitur.

46. Quid autem vocatis me Domine, Domine: & non facitis, quæ dico?

47. Omnis qui venit ad me, & audit sermones meos, & facit eos: ostendunt vobis cui similis sit:

48. similis est homini ædificanti domum, qui fodit in altum, & posuit fundamentum super petram; inundatione autem facta, illi unus est flumen domui illi, & non potuit eam movere: fundata enim erat super petram.

49. Qui autem audit, & non facit: similis est homini ædificanti domum suam super terram sine fundamento: inquam illius est fluxus, & continuo cecidi: & facta est ruina domus illius magna.

## CAPUT SEPTIMUM.

1. Cum autem impleset omnia verba sua in aures plebis, intravit Capharnaum.
2. Centurionis autem ejusdam servus malè habens, erat moriturus: qui illi erat pretiosus.
3. Et cum audisset de Jesu, misit ad eum seniores Judæorum, rogans eum ut veniret, & salvaret servum ejus.
4. At illi cum venissent ad Jesum, rogabant eum sollicitè, dicentes ei: Quia dignus est ut hoc illi præstes.
5. Diligit enim gentem nostram: & synagogam ipse ædificavit nobis.
6. Jesus autem ibat cum illis. Et cum jam non longè esset à domo, misit ad eum Centurio amicos, dicens: Domine noli vexari: Non enim sum dignus ut sub tectum meum intres.
7. Propter quod & meipsum non sum dignum arbitratus ut venirem ad te: sed dic verbo, & sanabitur puer meus.
8. nam & ego homo sum sub potestate constitutus, habens sub me milites: & dico huic vade, & vadit; & alii, veni, & venit; & servo meo, fac hoc, & facit.
9. Quo audito Jesus miratus est: & conversus sequentibus se turbis, dixit: Amen dico vobis, nec in Israël tantam fidem inveniri.
10. Et reversi, qui missi fuerant domum, invenerunt servum, qui languerat, sanum.
11. Et factum est: deinceps ibat in civitatem, quæ vocatur Naim: & ibant cum eo discipuli ejus, & turba copiosa.

II. \* **I**bat Jesus in civitatem, quæ vocatur Naim. Civitas est Galilææ, ad radices montis Hermon minoris, duobus circiter milliariibus à monte Thabor, ut Hieron. De locis Hebraicis, juxta torrentem Cyson,

Cyson, ut ait in Epithaphio Paulæ. \* *Et turba copiosa* : quod addit, ut indicet multos miraculi fuisse testes. Qua de causa etiam divinâ providentiâ factum est, ut ad ipsam portam civitatis fieret, ubi & judicia olim fiebant, & maximè esse solebat hominum concursus. Voluit tamen fortuitum videri occursum funeris, ne minor esset miraculi gloria, si quæsitus videretur.

12. \* *Ecce defunctus efferebatur*. Mos enim Judæorum erat, ut mortui extra civitatem sepelirentur, ut minùs facilè legalis immunditia contraheretur ex sepulchrorum commercio. Unde & Christi sepulchrum extra civitatem extructum fuit. \* *Filius unicus*, Græcè *μονογενής*, *unigenitus*, quod amplius est : unde & in unigeniti morte luctus est acerbissimus Zachariæ 2. v. 10. & Jeremiæ 6. v. 26. \* *Et hæc vidua* : ideoque desolatio, & viro & filio, herede & solatio senectutis extincto : \* *Et turba civitatis multa cum illa* ; ad meritum gravitatis, ut Ambr. ad consolandam viduam mæroris societate, funeris pompâ & solemnitate, nam hæc, ut Aug. in Enchiridio, magis pertinet ad vivorum solatium, quam ad suffragium mortuorum.

12. Cum autem appropinquaret portæ civitatis, ecce defunctus efferebatur filius unicus matris : hæc & hæc vidua erat : & turba civitatis multa cum illa.

13. \* *Quam cum vidisset Dominus*, non solum corpore, sed in primis animo, expensis causis luctûs ejus, \* *miserericordia motus super eam*, seu propter illam, spontè scilicet doloris & compassionis motu in animum admissio. Unde colligit Ambros. citò flecti divinam misericordiam lachrymis viduæ, præsertim quæ unici filii labore vel morte frangatur. \* *Dixit illi : noli flere*, fide scilicet & spe futuræ resurrectionis, partim generalis omnium (quod solatium est verum, & ex virtute profectum) partim jam proximè instantis : q. d. inquit Beda, desiste quasi mortuum flere, quam mox resurgere vivum videbis.

13. Quam cum vidisset Dominus, misericordia motus super eam, dixit illi : Noli flere,

14. \* *Et accessit & tetigit loculum*, non ut contactu suscitaret, sed ut portantes loculum sisteret; & ait : \* *Adolescens tibi dico*, seu impero, \* *surge*. Ostendit enim se non alienâ sed suâ autoritate; ideoque divinâ suâ virtute mortuum suscitare. Quâ consideratione dixit Ambr. Mortuis vitam imperare solius divinæ est potestatis. Petrus autem non dixit in Actis *Tabitha surge*, nisi præmissa oratione, quâ etiam usi sunt Elias & Elishæus.

14. Et accessit & tetigit loculum, (Hi autem, qui portabant, steterunt) Et ait : *Adolescens, tibi dico, surge.*

15. \* *Et resedit, qui erat mortuus*, id est, erexit se ad sedendum, ut qui in lætica supernè patula jaceret, \* *et cepit loqui*. His duobus manifestissimis effectis & indiciis se verè resuscitatum indicans, ut notant Titus ac Theophyl. \* *et dedit illum matri suæ*; in argumentum, quod ipsius commiseratione, & in ejus præsidium eum suscitaverat. Allegoriam hujus historiæ prosequitur Ambr. Quid verò significetur per tres mortuos à Christo suscitatos, scilicet Archisynagogi filiam, hunc

15. Et resedit qui erat mortuus, & cepit loqui. Et dedit illum matri suæ.



adolefcentem, & Lazarum, pulchrè ad mores informandos tractat Aug. ferm. 43. de verbis Domini c. ult. & 44. toto, & tract. 49. in Joan. Summa est, quod puella mortua in domo jacens significet eos, qui intus in corde peccatum decernunt; adolescens foras elatus, eos, qui actibus externis perpetrant; Lazarus quatrduanus in sepulchro fœrens, eos, qui consuetudinis pondus supra se habent, & in peccatis putent sive fœrent. Hi omnes à Domino suscitantur, sed ita ut postremi magna ejus voce, hoc est, potentissimâ gratiâ, ad vitam revocari debeant. Vide ibidem latius.

16. Accepit autem omnes timor: & magnificabant Deum, dicentes: Quia propheta magnus surrexit in nobis: & quia Deus visitavit plebem suam.

17. Et exiit hic sermo in universam Judæam de eo, & in omnem circa regionem.

18. Et nuntiaverunt Joanni discipuli ejus de omnibus his.

19. Et convocavit duos de discipulis suis Joannes, & misit ad Jesum, dicens: Tu es qui venturus es, an alium expectamus?

20. Cum autem venissent ad eum viri, dixerunt: Joannes Baptista misit nos ad te dicens: Tu es, qui venturus es, an alium expectamus?

21. (in ipsa autem hora multos curavit à languoribus, & plagis, & spiritibus malis, & cæcis multis donavit visum.)

22. Et respondens, dixit illis: Euntes renuntiate Joanni quæ audistis, & vidistis: Quia cæci vident, claudi ambulant, leprosi mundantur, surdi audiunt, mortui resurgunt, pauperes evangelizantur:

23. & beatus est quicumque non fuerit scandalizatus in me.

24. Et cùm discisissent nuntii Joannis, cœpit de Joanne dicere ad turbas: Quid existis in desertum videre? arundinem vento agitatam?

25. Sed quid existis videre? hominem mollibus vestimentis indutum? Ecce qui in veste pretiosa sunt & deliciis, in domibus regum sunt.

26. Sed quid existis videre? prophetam? Utrique dico vobis, & plusquam Prophetam:

27. hic est, de quo scriptum est: Ecce mitto angelum meum ante faciem tuam, qui præparabit viam tuam ante te.

28. Dico enim vobis: Major inter natos mulierum propheta Joanne Baptista nemo est; qui autem minor est in regno Dei, major est illo.

29. Et omnis populus audiens & publicani, justificaverunt Deum, baptizati baptismo Joannis.

30. Pharisei autem, & legis periti consilium Dei spreverunt in semetipsos, non baptizati ab eo:

31. Ait autem Dominus: Cui ergo similes dicam homines generationis hujus? & cui similes sunt?

32. Similes sunt pueris sedentibus in foro, & loquentibus ad invicem, & dicentibus: Cantavimus vobis tibiis, & non saltastis: lamentavimus, & non plorastis.

33. Venit enim Joannes Baptista, neque manducans panem, neque bibens vinum, & dicitis: dæmonium habet.

34. Venit filius hominis manducans, & bibens, & dicitis: Ecce homo devorator, & bibens vinum; amicus publicanorum, & peccatorum.

35. Et justificata est sapientia ab omnibus filiis suis.

36. Rogabat autem illum quidam Phariseus: Infrà vocatur Simon, quem Aug. lib. 2. de consensu c. 79. distinctum fuisse putat ab eo, qui Matth. 26. & Marci 14. vocatur Leprosus, quasi ad distinctionem hujus Simonis. Accedit locorum & temporis diversitas, Sed nihil istorum

36. \* Rogavit autem illum quidam Phariseus. Infrà vocatur Simon, quem Aug. lib. 2. de consensu c. 79. distinctum fuisse putat ab eo, qui Matth. 26. & Marci 14. vocatur Leprosus, quasi ad distinctionem hujus Simonis. Accedit locorum & temporis diversitas, Sed nihil istorum

rum cogit, ut diversum fuisse credamus: potuit enim eadem mulier diversis locis ac temporibus Jesum ungere, & Simon etiam habere duo domicilia in distinctis locis, in vico scilicet Bethania, & in civitate. Itaque Orig. hom. 1. in Cant. & Cyprian. serm. de ablutione pedum, eundem fuisse censent.

37. \* *Et ecce mulier, quæ erat in civitate peccatrix*, id est, quæ per civitatem passim habebatur famosa peccatrix; prout putat insinuari Aug. in Psal. 125. quamquam Græca simpliciter legant, *Ecce mulier in civitate, quæ erat peccatrix*, id est, meretrix, prout disertè nominant veteres, Ambros. Greg. in hæc verba & alii; ipsumque nomen *peccatricis* mulieribus tributum, hoc significare solet. Nomen honoris causatacet, sed fuit Maria, quæ cap. seq. v. 2. dicitur Magdalena, & alibi soror Lazari ac Marthæ. \* *Ut cognovit*; quo significatur occasionem captasse accedendi Dominum: \* *quod accubisset in domo Pharisæi*, tamquam in loco opportuno ad id, quod meditabatur, quod in plateis minimè licuisset. Attulit alabastrum unguenti, id est, vasculum ex alabastrite pleno unguenti. Nam quamvis Epiph. putet, hoc esse nomen mensuræ, verius tamen, esse nomen materiæ vasculi seu pixidis excavatæ, conservandis unguentis aptissimæ. Vide dicta Mat. 26.

38. \* *Et stans retro*, à tergo propter verecundiam, malamque conscientiam. Nam hæc sola legitur ex professo Dominum causa remissionis peccatorum consequendæ accessisse. Stans autem coepit, etsi prostrata perrexerit: quamquam illud, *stans*, generalius accipi posset pro, *existens*, seu *manens*, ut nullum certum situm corporis indicet. \* *Secus pedes ejus*, Græcè *παρ τοὺς πόδας*, ad seu *juxta pedes*, in morem supPLICANTIS. Facile hoc fuit, si more Orientalium ita in thoro jacuerit, ut caput spectaret mensam, pedes partem exteriorem: nam thori erant alti, & tres ferè personas capiebant, unde Triclinia dicta. Quamquam in Scriptura frequens sit, Judæos sedisse ad mensam, ut patet de fratribus Joseph, Gen. 37. Ruth quoque sedit ad messorum latus, & 1. Reg. 20. v. 5. David ex more sedere solebat juxta Regem ad vescendum: & v. 25. Rex sedit super cathedram suam, \* *Lachrymis coepit rigare pedes ejus*. Quo significatur, fluvium fuisse lacrymarum, & consequenter dolorem maximum de peccatis. Observat autem ordinem humanitatis, hospitibus exhiberi solitæ, qui notatur v. 44. & seqq. ut primò pedes quasi à sordibus itineris ablueret, inde tergeret, oscularetur, ungeret: itemque ordinem poenitentiae, cujus primus effectus est fletus & planctus. \* *Et capillis*, quibus ad emphasin addit; \* *capitis sui*, ut pedibus eos opponeret, \* *tergebat*, abluendis sordibus. Non quod ei deessent lintea, sed quod potius seipsam quam sua Christi obles-

37. Et ecce mulier, quæ erat in civitate peccatrix, ut cognovit quod accubisset in domo Pharisæi, attulit alabastrum unguenti:

38. & stans retro secus pedes ejus, lacrymis coepit rigare pedes ejus, & capillis capitis sui tergebat, & osculabatur pedes ejus, & unguento ungebat.



obsequio consecraret, & caput suum quasi calcandum pedibus Jesu pro suppedaneo præberet, ut loquitur Cyprian. serm. de ablut. pedum. Spectabat autem & hoc ad testandum poenitentiae magnitudinem, ut in capillatura se deformaret, in qua mulieres solent esse curiosissimæ. Nam & idem Cyprian. lib. de lapsis, inter indicia mœroris reponit neglectum capillitium, & ad publice poenitentes spectare dicit squallorem deformitatemque corporis. \* *Et osculabatur pedes ejus*: in argumentum amoris, ut Ambros. quo jam Christum ut justitiæ fontem diligebat; ac propterea etiam odio adversus peccata movebatur, juxta Trident. sess. 6. \* *Et unguento ungebat*, ex more regionis fecit hoc, non solum honorificentiae & amoris testandi causa, sed etiam ut bonis operibus peccata compensaret. Nam & hoc officium verè poenitentis est: cujus hinc omnes actus accuratè concurrunt, dolor in lachrymis, humilitas in abjectione ad pedes, deformatio in capillis, amor in osculis, peccatorum compensatio, & bonorum operum exhibitio in unguento. Nam & odor unctionis odorem bonæ conversationis allegoricè significat, ut Ambr. lib. 2. de poenitentia c. 8.

39. Videns autem Phariseus, qui vocaverat eum, ait intra se dicens: Hic si esset propheta, sciret utique, quæ, & qualis est mulier, quæ tangit eum: quia peccatrix est.

39. \* *Videns autem Phariseus &c. ait*: Hic si esset propheta, sciret quia peccatrix est, id est, sciret, quod peccatrix sit, notæque impudicitiae & consequenter repelleret eam, ne contaminaretur. Itaque ex permisso contactu colligit Christum nescire, quænam esset mulier, ut observat Aug. in Psal. 125. Insinuat ergo se repulsurum fuisse, illis videlicet verbis, *Recede à me, noli me tangere*, quia mundus sum. Itaque multis modis errabat: primò, quod colligeret Christum ignorare mulierem: secundò, ulteriùs eum propterea non esse Prophetam, cum Prophetæ non sciant omnia, ut ex Elízæo patet, 4. Reg. v. 27. tertiò, quod medicum ab ægroto tangi miraretur: quartò, quod repellendam judicaret à Christo, quasi alioquin contaminando. Itaque Dominus declarans se nosse & mulierem & Simonis cogitationes, ut ita aperiret temerarium ejus judicium, ait:

40. Et respondens Jesus, dixit ad illum Simon, habeo tibi aliquid dicere. At ille ait: Magister, dic.

40. \* *Simon habeo tibi aliquid dicere*. Reprehensurus enim, quasi veniam precatur, & suaviter attentionem captat. Nam, ut Aug. hom. 23. & ipsum sanare cupiebat, ne gratis apud eum panem comederet. Cum itaque tamquam magister morem hospiti suo detulisset, & veniam accepisset, ait:

41. Duo debito- res erant cuidam fœneratori: unus debebat denarios quingentos, & alius quinquaginta.

41. \* *Duo debito- res erant cuidam fœneratori*. Parabola est, quâ significare vult, non solum Mariam, sed & Simonem, quantumvis sibi justus videatur, debitorem esse, & indigere peccatorum remissione. Dicitur autem Deus hic fœnerator, id est, creditor ex mutuo, quia certa talenta unicuique credit, quæ reposcit etiam cum usura. Quam-

quam

quam hîc magis aliâ consideratione Deus creditor, & peccata debita esse significantur, quia obnoxios nos faciunt Deo ad injuriam reparandam. \* *Unus debebat*: ex mutuo accepto, \* *denarios quingentos, & alius quinquaginta*. Duplices esse denarios diximus, minorem & majorem: ille drachmam, hic didrachmum valebat. Parum interest, uter hîc intelligatur; solum enim habetur ratio proportionis quingentorum ad quinquaginta, id est, debiti nonies majoris ad minus.

42. \* *Non habentibus illis unde redderent*. Nam si ve multa, si ve pauca peccata commiserimus, nemo poenâ, si ve æternâ si ve temporali poenitendo, per se potest satisfacere. \* *Donavit utrisque*, gratis scilicet & misericorditer. \* *Quis ergo eum plus diligit?* Proclive esset hoc intelligere de dilectione, quæ remissionem gratitudinis ergo consequitur; nam de illa verissimum est, quodd major consequi soleat in debitoribus, quibus plura remittuntur: sed Christi exploratio videtur postulare dilectionem, quæ peccatorum remissionem præcessit. Enumerate enim officia multa maximæ dilectionis, quibus magna remissio retributa fuit, ut patet v. 47. Itaque *quis eum plus diligit?* id est, Quem tu judicas, ex eventu rem conjectando, plus antea creditorem suum dilexisse, ut illo intuitu utrique remitteret, uni plus, alteri minus? Ita videtur exponere Aug. hom. 23. expressè legit, *Quis ergo plus eum diligit*; quamvis nunc in Græco textu legatur *ἀγαπᾷτε, diligit*.

43. \* *Æstimo quia is, cui plus donavit*. Hoc enim respondit, quod ratio respondere compellebat, ut Aug. ibid. Cui Dominus, \* *recte judicasti*: Nam, ut Cyprianus libro de lapsis, quàm magna aliquis deliquit, tam granditer desilire debet, ut poenitentia non sit minor crimine.

42. Non habentibus illis unde redderent, donavit utrisque. Quis ergo eum plus diligit?

43. Respondens Simon dixit: Æstimo quia is, cui plus donavit. At ille dixit ei: Rectè judicasti.

44. \* *Et conversus ad mulierem*: Hactenus enim à tergo ad pedes provoluta fuerat. Itaque in solatium poenitentis etiam ipse se corporaliter convertit, ut ipso gestu externo id interiùs impletum significaret, *Convertimini ad me, & ego convertar ad vos*. \* *Dixit Simoni*, ut parabolam explicaret, & accommodaret proposito suo: \* *Vides hanc mulierem?* id est, Videsne quid agat circa me? Confer illam tibi, & videbis te multum ab ea mei dilectione superari. Vehemens est enim & elegans antithesis, tu vir, ista mulier; tu Phariseus, ista peccatrix; tu in domo tua, ista in aliena; tu convivæ & hospiti, ista ignoto; tu aquâ in promptu positâ non lavasti pedes, ista lachrymis profusissimis & continuis rigavit eos; tu os meum ne quidem semel osculatus es, illa non destitit osculari pedes; tu nec caput quidem unxisti, illa & pedes: tu nec vulgari pauperum oleo, illa etiam prætiosissimo unguento.

44. Et conversus ad mulierem, dixit Simoni: Vides hanc mulierem? Intravi in domum tuam, aquam pedibus meis non dediisti: hæc autem lacrymis rigavit pedes meos, & capillis suis tersit.

45. Osculum mihi non dediisti: hæc autem ex quo intravit, non cessavit osculari pedes meos.

46. Oleo caput meum non unxisti: hæc autem unguento unxit pedes meos.



47. Propter quod  
dico tibi: Re-  
mittuntur ei pec-  
cata multa: quo-  
niam dilexit  
multum. Cui au-  
tem minus di-  
mittitur, minus  
diligat.

47. \* Propter quod dico tibi: Remittuntur ei peccata multa, per quæ mihi tamquam creditori obnoxia erat: \* Quoniam dilexit multum, id est, quia insignem dilectionem tot tam magnæ pœnitentiæ officiis erga me creditorem suum testata est. Significatur enim dilectionem ejus fuisse causam dispositivam remissionis. Ita intelligit Aug. hom. 23. & in Psalm. 140. & res ipsa clamat, mulierem hanc imaginem pœnitentis & remissionem peccatorum ambientis toto habitu præ se ferre. Unde & in Ecclesia velut effigies pœnitentis omnibus proponitur. Quare non rectè Calvinistæ volunt illud, *quoniam*, significare non causam rei, sed probationis, q. d. Inde patet, quod ei peccata multa dimissa sunt, quia jam ex gratitudine accepti beneficii diligit multum. Sed, ut dixi, clarum est acta & lachrymas mulieris non esse gratias agentis, sed pœnitentis. Quod autem opponitur, charitatem non posse ante peccati remissionem possideri, sicut hic factum esset, hoc intelligi debet de charitate illa perfecta, & per modum habitus infusa, de qua Apostolus 1. ad Tim. 1. v. 5. Sed est alius amor inferior, quo Deus tamquam justitiæ fons incipit diligi à pœnitentibus propter Deum. Ex quo amore dolor, abjectio, fletus procedunt, qualem dilectionem Concil. Trid. sess. 6. in pœnitentibus etiam ante Baptismum postulat. \* Cui autem minus dimittitur, id est, qui pauca se putat habere peccata, quæ sibi remittantur, inquit Aug. hom. cit. ille *minus diligit*, id est, ex illa opinione minorem dilectionem & inferiora dilectionis ac pœnitentiæ officia parare solet ad remissionem consequendam, sicuti tu fecisti. Nam hæc verba propter Pharisæum esse dicta vult Aug. c. 6. ejusdem hom. 23. non epim Dominum invitasset, nisi aliquantulum dilexisset, inquit: sed ideò parum diligebat, quia parum sibi dimitti suspicabatur. Quo sensu possunt hæc verba vel ad aliquam consolationem Simonis esse dicta, ut qui rationabilem causam habuisset non exhibendi tantæ opera pœnitentiæ, scilicet minora peccata, ut quidam volunt; licitum est enim ei, qui pauciora peccavit, inferiorem agere pœnitentiam: vel ad reprehensionem Simonis tamquam minus diligentis quam deberet. Nam quamvis fortè pauciora peccata commisisset, debebat tamen omnia sibi dimissa deputare, quæ vel fecisset peccata, vel Deo regente non fecisset, juxta illud Aug. l. 2. conf. c. 7. Omnia mihi dimissa esse fateor, & quæ meâ sponte feci mala, & quæ te duce non feci. Quo sensu sæpè exponit hæc verba Domini, ut loco cit. Conf. & cit. hom. 23. & de Virgin. c. 37. v. 40. monens neminem debere putare, quod sibi pauciora quàm aliis dimittenda sint, ne ex illa opinione minus Deum diligat.

48. \* *Dixit autem ad illam : Remittuntur tibi peccata.* Græcè ἀφέναι, remissa sunt, scilicet me tibi loquente, nam Præteritum pro præsentī accipitur, sicut vulgò dicimus, hoc tibi donatum est, id est, donatur : & sic intellexerunt convivæ, & ex v. seq. patet. Non enim fuissent offensi, si tantum declarasset ei fuisse remissa peccata à Deo : hoc quippe & Nathan olim fecerat Davidi. Unde Cyril. l. 8. Thes. c. 2. dicit hæc verba summa cum potestate dicta. Ex quo etiam patet amorem illum, quo Deus, ut iustitiæ fons, juxta Conc. Trid. incipit à pœnitentibus diligi, non habere ipso momento adjunctam peccati remissionem, sed cum dispositio perfecta fuerit, vel Deo visum. Sed quomodo igitur versu præcedente dictum fuit, *remittuntur ei peccata*? Respondetur, quia jamjam erant remittenda : erant enim verba narrantis, & remittere disponentis, quæ talem amplitudinem patiuntur; unde nec illis offensi fuerunt convivæ. Cum ergo potestatem remittendi peccata non crederent esse in Christo, cœperunt in animo suo cogitare,

49. \* *Quis est hic*, qui tantam præsumit auctoritatem, ut non solum se putet non contaminari tactu meretricis, sed etiam peccata dimittat? Sunt enim verba non admirantium, ut quidam putant, sed murmurantium & accusantium.

50. \* *Dixit autem ad mulierem*, adhuc pedibus inhærentem : \* *Fides tua*, quâ credidisti me tibi posse remittere peccata. Fidem enim ejus opponit convivarum incredulitati, quæ præcesserat, ut fidei commendatione murmur eorum compesceret, & modeste à se invidiam tantæ potestatis amoveret. \* *Te salvam fecit*, à peccatis tuis, quia radix fuerat spei obtinendæ remissionis, dilectionis & pœnitentiæ, quibus obtenta fuerat. Itaque declarat hic, dilectionem ejus ex firma fide processisse, & fidem operibus pœnitentis fuisse cooperatam, & ex operibus consummatam, ut loquitur Jacobus. Non ergò agitur in isto loco de fide speciali, ut hæretici somniant, quâ quis scilicet credat sibi remissa esse peccata, sed de illa, quâ credidit sibi posse remitti : quam scilicet habebat etiam antequam remitterentur, vi dilectionis, etiam cum nesciret adhuc sibi remissa esse; hoc enim adhuc petebat tam magna pœnitentia. \* *Vade in pace*, id est, animo tranquillo, securus de dimissis peccatis. Est formula dimittendi cum benedictione. Ex his ergo verbis Christi, & ex aliis v. 48. debuit hæc mulier credere sibi jam esse remissa peccata; & ex v. 47. etiam se sufficienter dignèque pœnituisse. Fuit igitur ista fides quidem specialis, non tamen justificans in sensu hærecicorum, sed justitiam vi dilectionis jam factam consequens & supponens. Mysticam singularum circumstan-

48. Dixit autem ad illam : Remittuntur tibi peccata.

49. Et cœperunt qui simul accumbebant, dicere intra se : Quis est hic, qui etiam peccata dimittit?

50. Dixit autem ad mulierem : Fides tua te salvam fecit : Vade in pace.



tiarum totius historiæ expositionem vide apud S. Gregorium hom. 33. in Evangelia.

## CAPUT OCTAVUM.

1. Et factum est 2. **E**T mulieres aliquæ, supple cum illo erant; quæ sequebantur eum, oppida Galilææ peragrantes: \* *Quæ erant curata à spiritibus malignis*, corporaliter eas possidentibus, \* *& infirmitatibus*, corporis. Sequebantur itaque in testimonium gratitudinis. Erant autem \* *Maria, quæ vocatur Magdalene*, vulgari scilicet & celebri nomine, ut ab aliis Mariis distingueretur: proinde unicam tantum agnoscit Lucas Mariam Magdalenam. Orta putatur ex vico Bethaniæ in Judæa, Joan. 11. v. 1. habitasse tamen subinde in Galilæa, in castello Magdalum dicto, sitoque juxta mare Tiberiadis, unde Magdalena dicta est. Viduam vocat Author Comment. in Marcum apud Hieron. in v. 40. c. 15. \* *De qua septem demonia exierant*, Christo scilicet ejiciente, ut testis est Marcus c. 16. v. 9. Tertull. lib. de anima c. 25. & Ambros. de Salomone c. 5. hoc ad litteram intelligunt de septem demoniis obsidentibus, illa enim propriè ejiciuntur. Quod longè verisimilius, quam id, quod Gregor. hom. 33. in Evang. & Beda putant, universa vitia significari, & numerum certum pro incerto poni.
3. \* *Et Joannæ uxor Chusæ procuratoris*, seu œconomi Herodis qui Tetrarcha erat Galilææ. Indicat itaque & hanc, sicut & \* *Susannam*, fuisse vel à spiritibus malignis, vel ab infirmitatibus liberatam. Nominat autem solum celebriores: unde de reliquis addit, \* *Et aliæ multe quæ ministrabant ei de facultatibus suis*: suppeditantes vitæ necessaria ipsi & Apostolis, urbes & rura assidue peregrinantibus. Notat autem Hieron. in cap. 27. Matth. consuetudinis Judæicæ fuisse, ideoque sine culpa vel scandalo, ut mulieres de substantia sua victum atque vestitum præceptoribus ministrarent. Hoc Paulus 1. ad Cor. 9. v. 5. inter gentiles in se fieri non admisit, sive scandali inter eos vitandi causâ, sive studio perfectionis. Christus verò admisit, ut more misericordiæ suæ infirmioribus compatiens sic ostenderet, quid Dei ministris deberetur, ut, si quis eo uti nolle, sicut Paulus noluit, amplius impenderet Ecclesiæ, inquit Aug. de opere Monachorum c. 5.
6. Et aliud cecidit supra petram: & natum aruit, quia non habebat humorem.
7. Et aliud cecidit inter spinas, & simul exorta spina suffocaverunt illud.
8. Et aliud cecidit in terram bonam: & ortum fecit fructum centuplum. Hæc dicens clamabat: qui habet aures audiendi, audiat.
9. Interrogabant autem eum discipuli ejus, quæ esset hæc parabola.
10. Quibus ipse dixit: Vobis datum est nosse mysterium regni Dei, ceteris autem in parabolis: ut videntes non videant, & audientes non intelligant.
11. Est autem hæc parabola: Semen est verbum Dei.
12. Qui autem secus viam, hi sunt qui audiunt; deinde venit diabolus, & tollit verbum de corde eorum, ne credentes salvi fiant,

13. Nam qui supra petram: qui cū audierint, cum gaudio suscipiunt verbum: & hi radices non habent: qui ad tempus credunt, & in tempore tentationis recedunt.

14. Quod autem in spinas cecidit: hi sunt, qui audierunt, & a sollicitudinibus, & divitiis, & voluptatibus vitæ, euntes, suffocantur, & non referunt fructum.

15. Quod autem in bonam terram: hi sunt, qui in corde bono & optimo audientes verbum retinent, & fructum afferunt in patientia.

16. Nemo autem lucernam accendens, operit eam vase, aut subtus lectum ponit: sed supra candelabrum ponit, ut intrantes videant lumen.

17. Non est enim occultum quod non manifestetur: nec absconditum, quod non cognoscatur, & in palam veniat. 18. Videre ergo quomodo audiat. Qui enim habet, dabitur illi: & quicumque non habet, etiam quod putat se habere, auferetur ab illo.

19. Venerunt autem ad illum mater & fratres ejus, & non poterant adire eum præ turba.

20. Et nuntiatio est illi: Mater tua, & fratres tui sunt foris, volentes te videre.

21. Qui respondens, dixit ad eos: Mater mea, & fratres mei hi sunt, qui verbum Dei audiunt, & faciunt.

22. Factum est autem in una diebus, & ipse ascendit in naviculam, & discipuli ejus, & ait ad illos: Transfretemus trans stagnum. Et ascenderunt.

23. Et navigantibus illis, obdormivit, & descendit procella venti in stagnum, & complebantur, & periclitabantur.

24. Accedentes autem suscitaverunt eum, dicentes: Præceptor, perimus. At ille surgens, increpavit ventum, & tempestatem aquæ, & cessavit: & facta est tranquillitas.

25. Dixit autem illis: Ubi est fides vestra? Qui timentes, mirati sunt ad invicem, dicentes: Quis putas hic est, quia & ventis & mari imperat, & obediunt ei?

26. Et navigaverunt ad regionem Gerasenorum, quæ est contra Galilæam.

27. Et cum egressus esset ad terram, occurrit illi vir quidam, qui habebat dæmonium jam temporibus multis, & vestimento non induebatur, neque in domo manebat, sed in monumentis.

28. Is, ut vidit Jesum, procidit ante illum: & exclamans voce magnâ, dixit: Quid mihi, & tibi est Jesu Fili Dei Altissimi? obsecro te, ne me torqueas.

29. Præcipiebat enim spiritui immundo ut exiret ab homine. Multis enim temporibus arripiebat illum, & vinciebatur catenis & compedibus custoditus; & ruptis vinculis agebatur ad dæmonio in deserta.

30. Interrogavit autem illum Jesus, dicens: Quod tibi nomen est? At ille dixit: Legio: quia intraverant dæmonia multa in eum.

31. Et rogabant illum ne imperaret illis, ut in abyssum irent.

32. Erat autem ibi grex porcorum multorum pascentium in monte: & rogabant eum, ut permitteret eis in illos ingredi. Et permisit illis.

33. Exierunt ergo dæmonia ab homine, & intraverunt in porcos: & impetu abiit grex per præceptum in stagnum, & suffocatus est.

34. Quod ut viderunt factum qui pascebant, fugerunt, & nuntiaverunt in civitatem, & in villas.

35. Exierunt autem videre quod factum est, & venerunt ad Jesum: & invenerunt hominem sedentem, à quo dæmonia exierant, vestitum, ac sanâ mente, ad pedes ejus, & timuerunt.

36. Nuntiaverunt autem illis & qui viderant, quomodo sanus factus esset à legione:

37. & rogaverunt illum omnis multitudo regionis Gerasenorum ut discederet ab ipsis: quia magno timore tenebantur. Ipse autem ascendens navim, reversus est.

38. Et rogabat illum vir, à quo dæmonia exierant, ut cum eo esset. Dimisit autem eum Jesus, dicens:

39. Redi in domum tuam, & narra quanta tibi fecit Deus. Et abiit per universam civitatem, prædicans quanta illi fecisset Jesus.

40. Factum est autem cū rediisset Jesus, excepit illum turba; erant enim omnes expectantes eum.

41. Et ecce venit vir, cui nomen Jairus, & ipse princeps synagogæ erat: & cecidit ad pedes Jesu, rogans eum ut intraret in domum ejus,

42. quia unica filia erat ei ferè annorum duodecim, & hæc moriebatur. Et conigit, dum iret, à turbis comprimebatur;

43. Et mulier quædam erat in fluxu sanguinis ab annis duodecim, quæ in medicos erogaverat omnem substantiam suam, nec ab ullo potuit curari:

44. accessit terrò, & tetigit fimbriam vestimenti ejus: & confestim stetit fluxus sanguinis ejus.

45. Et ait Jesus: Quis est, qui me tetigit? Negantibus autem omnibus, dixit Petrus, & qui cum illo erant: Præceptor, turba te comprimit, & assurgunt, & dicis: Quis me tetigit?

46. Et dixit Jesus: Tetigit me aliquis; nam ego novi virtutem de me exiisse.

47. Videns autem mulier, quia non latuit, tremens venit, & procidit ante pedes ejus: & ob quam causam tetigerit eum, indicavit coram omni populo: & quemadmodum confestim sanata sit.

48. At ipse dixit ei: Filia, fides tua salvam te fecit: vade in pace.

49. Adhuc illo loquente, venit quidam ad principem synagogæ, dicens ei: Quia mortua est filia tua, noli vexare illum;

50. Jesus autem, audito hoc verbo, respondit patri puellæ: Noli timere, crede tantum, & salva erit.

51. Et cum venisset domum, non permisit intrare secum quemquam, nisi Petrum, & Jacobum, & Joannem, & patrem & matrem puellæ.

52. Elebant autem omnes, & plangebant illam. At ille dixit: Noli flere, non est mortua puella, sed dormit.

53. Et deridebant eum, scientes quod mortua esset.

54. Ipse autem tenens manum ejus clamavit, dicens: Puella, surge.

55. Et reversus est spiritus ejus & surrexit continuo. Et jussit illi dari manducare.

56. Et stupuerunt parentes ejus, quibus præcepit ne alicui dicerent quod factum erat,



## CAPUT NONUM.

1. Convocatis autem duodecim Apostolis, dedit illis virtutem & potestatem super omnia dæmonia, & ut languores curarent.
2. Et misit illos prædicare regnum Dei, & sanare infirmos.
3. Et ait ad illos: Nihil tuleritis in via, neque virgam, neque peram, neque panem, neque pecuniam, neque duas tunicas habeatis.
4. Et in quancumque domum intraveritis, ibi manete, & inde ne exeatis.
5. Et quicumque non receperint vos: exeuntes de civitate illa, etiam pulverem pedum vestrorum excutite in testimonium supra illos.
6. Egredi autem circuibat per castella, evangelizantes & curantes ubique.
7. Audivit autem Herodes tetrarcha omnia quæ fiebant ab eo, & hæliabat eò quòd diceretur.
8. à quibusdam: Quia Joannes surrexit à mortuis: à quibusdam verò: Quia Elias apparuit: ab aliis autem: Quia propheta unus de antiquis surrexit.
9. Et ait Herodes: Joannem ego decollavi: Quis est autem iste, de quo ego talia audio? Et quærebat videre eum.
10. Et reversi Apostoli, narraverunt illi quæcumque fecerunt: & assumptis illis secessit seorsum in locum desertum, quæ est Bethsaida.
11. Quod cum cognovissent turbæ, secutæ sunt illum: & excepit eos, & loquebatur illis de regno Dei, & eos, qui cura indigebant, sanabat.
12. Dies autem cœperat declinare. Et accedentes duodecim dixerunt illi: Dimitte turbas, ut euntes in castella villosque quæ circa sunt, divertant, & inveniant escas: quia hic in loco deserto sumus.
13. Ait autem ad illos: Vos date illis manducare. At illi dixerunt: Non sunt nobis plus quàm quinque panes, & duo pisces: nisi forte nos eamus, & emamus in omnem hanc turbam escas.
14. Erant autem ferè viri quinque millia. Ait autem ad discipulos suos: Facite illos discumbere per convivia quinquagenos.
15. Et ita fecerunt. Et discumbere fecerunt omnes.
16. Acceptis autem quinque panibus, & duobus piscibus, respexit in cælum, & benedixit illis: & fregit, & distribuit discipulis suis, ut ponerent ante turbas.
17. Et manducaverunt omnes, & saturati sunt. Et sublatum est quod superfuit illis, fragmentorum cophini duodecim.
18. Et factum est, cum solus esset orans, erant cum illo & discipuli: & interrogavit illos, dicens: Quem me dicunt esse turbæ?
19. At illi responderunt, & dixerunt: Joannem Baptistam, alii autem Eliam, alii verò quia unus Propheta de prioribus surrexit.
20. Dixit autem illis: Vos autem quem me esse dicitis? Respondens Simon Petrus dixit: Christum Dei.
21. At ille increpans illos, præcepit ne cui dicerent hoc,
22. dicens: Quia oportet filium hominis multa pati, & reprobari à senioribus, & principibus sacerdotum, & scribis, & occidi, & tertii die resurgere.
23. Dicebat autem ad omnes: Si quis vult post me venire, abneget semetipsum, & tollat crucem suam quotidie, & sequatur me.
24. Qui enim voluerit animam suam salvam facere, perdet illam: nam qui perdiderit animam suam propter me, salvam faciet illam.
25. quid enim proficit homo, si lucretur universum mundum, se autem ipsum perdat, & detrimentum sui faciat?
26. Nam qui me erubuerit, & meos sermones: hunc Filius hominis erubescet, cum venerit in maiestate sua, & Patris, & sanctorum Angelorum.
27. Dico autem vobis verè: sunt aliqui hic stantes, qui non gustabunt mortem donec videant regnum Dei.
28. Factum est autem post hæc verba ferè dies octo, & assumpsit Petrum, & Jacobum, & Joannem, & ascendit in montem ut oraret.
29. Et facta est, dum oraret, species vultus ejus altera: & vestitus ejus albus & refulgens.
30. Et ecce duo viri loquebantur cum illo. Erant autem Moyles & Elias,
31. visi in maiestate: & dicebant excessum ejus, quem completurus erat in Jerusalem.
32. Petrus verò, & qui cum illo erant, gravati erant somno. Et evigilantes viderunt maiestatem ejus, & duos viros, qui stabant cum illo.
33. Et factum est cum discederent ab illo, ait Petrus ad Jesum: Præceptor, bonum est nos hic esse: & faciamus tria tabernacula, unum tibi, & unum Moyli, & unum Elia: nesciens quid diceret.
34. Hæc autem illo loquente, facta est nubes, & obumbravit eos: & timerant, intransibis illis in nubem.
35. Et vox facta est de nube, dicens: Hic est filius meus dilectus, ipsum audite.
36. Et dum fieret vox, inventus est Jesus solus. Et ipsi tacuerunt, & nemini dixerunt in illis diebus quidquam ex his quæ viderant.
37. Factum est autem in sequenti die, descendentibus illis de monte, occurrit illis turba multa.
38. Et ecce vir de turba exclamavit, dicens: Magister, obsecro te, respice in filium meum, quia unicus est mihi:
39. & ecce spiritus apprehendit eum, & subito clamat, & elidit, & dissipat eum cum spuma, & vix discedit dilanians eum:
40. & rogavi discipulos tuos ut ejicerent illum, & non potuerunt,

41. Respondens autem Jesus, dixit : O generatio infidelis, & perversa, ulquequid ero apud vos, & patiar vos ?  
 Adduc huc filium tuum.  
 42. Et cum accederet, elisit illum dæmonium, & dissipavit.  
 43. Et increpavit Jesus spiritum immundum, & sanavit puerum, & reddidit illum Patri ejus.  
 44. Stupebant autem omnes in magnitudine Dei : omnibusque mirantibus in omnibus quæ faciebat, dixit ad discipulos suos : Ponite vos in cordibus vestris sermones istos : Filius enim hominis futurum est ut tradatur in manus hominum.  
 45. At illi ignorabant verbum istud, & erat velatum ante eos ut non sentirent illud : & timebant eum interrogare de hoc verbo.  
 46. Intravit autem cogitatio in eos, quis eorum major esset.  
 47. At Jesus videns cogitationes cordis eorum, apprehendit puerum, & statuit illum secus se,  
 48. & ait illis : Quicumque susceperit puerum istum in nomine meo, me recipit : & quicumque me receperit, recipit eum, qui me misit. Nam qui minor est inter vos omnes, hic major est.  
 49. Respondens autem Joannes, dixit : Præceptor, vidimus quemdam in nomine tuo ejicientem dæmonia, & prohibuimus eum : quia non sequitur nobiscum.  
 50. Et ait ad illum Jesus : Nolite prohibere : qui enim non est adversum vos, pro vobis est.

§1. \* **F**actum est autem dum compleretur, id est, paulatim impleri inciperent, \* dies assumptionis ejus, id est, statutum tempus assumpti muneris prædicationis & redemptionis, juxta illud A&C. 13. Segregate Paulum & Barnabam in opus, ad quod assumpsi eos. Quamquam verisimilius & phrasi congruentius accipi possint dies assumptionis ejus in cælum peractâ passione, illa namque frequentissimè & absolutè assumptio Domini vocari solet, ut patet A&C. 1. v. 2. & 11. & Marci 16. v. 19. & alibi, quomodo intelligunt Græci, Euthymius, Theophylactus, Titus. \* Et ipse faciem suam firmavit ut iret in Jerusalem : Obfirmato proposito rectâ tetendit in Jerusalem omni deposito incommodorum Jerosolymis impendentium metu. Duo enim includit hæc firmatio faciei : primum constantem animi & faciei directionem in Jerusalem, ita ut non ampliùs huc illuc vicòs concionibus obeundo vagaretur, secundum animi fortitudinem spontè properantis ad passionem, ut Hieron. quæst. 5. ad Algasiam. Quamquam hoc iter non videatur multis fuisse prorsus ultimum ad passionem, sed ad festum Scenopægiæ, quod septimo mense celebrabatur. Post quod ascendit adhuc iterum ad encœnia in hième, ac denique ad passionem, prout hæc videntur colligi ex Joan. c. 7. v. 3. & c. 10. v. 22.

§2. \* Et misit nuntios, Apostolos ante se, \* ut pararent illi, hospitium videlicet, & ea, quæ necessaria erant ipsi & comitibus ejus.

§3. \* Et non receperunt eum, hospitio scilicet adventantem. Causa erat, \* quia facies ejus erat euntis in Jerusalem : id est, eò quòd exteriori habitu præ se ferret speciem proficiscentis in Jerusalem, ut clarè reddit Syrus. Erat enim summa contentio inter Samaritanos & Judæos de religione & loco adorationis, an esset Jerosolyma, an mons Garisim, ut patet ex Josepho l. 12. antiq. c. 1. & ex Joan. c. 4. v. 9. & 20. Itaque cum intelligerent Samaritani Jesum ad festum Judaicum Scenopægiæ honorandum tendere, eum recipere noluerunt, putantes hoc esse injuriam suæ religionis, Ita ferè Hieron, quæstione citatâ.

§1. Factum est autem dum complerentur dies assumptionis ejus, & ipse faciem suam firmavit ut iret in Jerusalem.

§2. Et misit nuntios ante conspectum suum : & euntes intraverunt in civitatem Samaritanorum ut pararent illi.

§3. Et non receperunt eum, quia facies ejus erat euntis in Jerusalem.



54. Cum vidissent autem discipuli ejus Jacobus & Joannes, dixerunt: Domine, vis dicimus ut ignis decendant de caelo, & consumat illos?

54. \* *Cum vidissent autem Jacobus & Joannes* : qui missi videntur fuisse ad parandum : ideoque atrocius tacti illâ inhospitalitate dixerunt, \* *Vis dicimus*. Non petunt, ut Dominus faciat, quod scirent longè abesse ab ejus mansuetudine, sed se ministros offerunt, dummodò permittere velit. Insinuat ergò, eos eandem habuisse potestatem, quam Elias, ut notat Ambr. ut scilicet ad eorum preces \* *Ignis descendat de caelo & consumat illos*; quemadmodum Elias fecerat; quod Græcè additur, & à plerisque Latinis animadvertitur. Itaque respexisse videntur Apostoli vel ad vindictam, quæ lege permitti videbatur, ut sentit Hieron. quæst. 5. ad Algasiam, vel certè ad mandata; Matth. 10. accepta, ubi jussi erant pulverem de pedibus excutere, eoque facto tollerabilius fore terræ Sodomorum, quæ igne cælesti arserant, quam illi civitati.

55. Et conversus increpavit illos, dicens: Nescitis cuius spiritus estis.

55. \* *Et conversus*, quia à tergo videntur hæc suggessisse, \* *increpavit illos*, quòd non meminissent doctrinæ suæ in monte traditæ, & benignitatis Evangelicæ, quæ jubet non resistere malo & inimicos diligere, ut Hieron. suprâ. Nam zelus eorum justus quidem fuit, quamvis non consentaneus vocationi eorum, cujus tamen executionem sententiæ judicis submiserunt: ut immeritò Calvinus hîc Apostolorum tamquam stultam fiduciam tam acriter carpat. \* *Nescitis cuius spiritus estis*, id est, ad quem spiritum pertineatis, & à me vocati sitis, nempe ad Evangelicum benignitatis & mansuetudinis, non ad legalem severitatis, qualem Elias habuit. Nam Spiritus Sanctus diversos effectus secundum diversos hominum status operatur, sub Lege præcipuè timorem, & consequenter severitatem: sub Evangelio amorem. August. tamen contra Adimantum c. 17. putat Apostolos adhuc imperfectos odii & vindictæ cupiditate contra inhospitales motos fuisse, ideoque nescivisse, cuius spiritus essent, eò quòd sub prætextu zeli spiritu vindictæ moverentur, & eo se moveri non intelligerent.

56. Filius hominis non venit animas perdere, sed salvare. Et abierunt in aliud castellum.

57. Factum est autem ambulatibus illis in via, dixit quidam ad illum: Sequar te quocunque ieris.

58. Dixit illi Jesus: Vulpes foveas habent, & volucres cæli nidus: Filius autem

56. \* *Filius hominis non venit animas perdere*, id est, ut peccatores igne de caelo missò perdat, sicut Elias suo tempore justè fecerat, \* *sed salvare*, id est, sed ut pœnitentiâ & benignitate ad pœnitentiam trahat. Significat ergo non convenire scopo sui primi adventûs, ut id concedat, quod postulaverant, ut Hieron. ad Algasiam. Primus adventus non est in potestate judicandi, sed in humilitate; non in patris gloria, sed in hominis vilitate. Unde tacitè Christus innuit venturum tempus, quo rebelles ac pertinaces pro meritis perditurus est: nam potestate puniendi morte corporali rarò Christus ante ultimum judicii diem utitur; rarissimè Apostoli usi sunt, propter clementiam

novi Testamenti, idque non nisi post acceptum Spiritum Sanctum, per quem potuerunt sine odio vindicare, ut August. loco citato.

61. \* *Et ait alter: Sequar te Domine*, id est, paratus sum in tuum disciplinatum me penitus tradere, sed \* *permittle mihi primum*, antequam me prorsus tibi dedam, \* *renuntiare his, quæ domi sunt*. Græcè ἀποτάξασθαι τῶν ἐν τῷ οἴκῳ μου, quod intelligi potest vel de personis, ut sit idem, quod valedicere domesticis, ut videtur accepisse Syrus, & Aug. serm. 7. de verbis Domini, ubi exponit, ut nuntiem eis me sequi te, ne fortè, sicut solent, quærant me: vel aptius & secundum textum nostrum, de rebus, id est, permittle mihi renuntiare bonis meis, ac de illis disponere, ut Cyril. in Catena D Thomæ.

62. \* *Et ait Jesus: Nemo mittens manum suam ad aratrum*, id est, nemo stivam arripiens, ut aret, rectosque sulcos ducat, \* *& respiciens retrò*, id est, ad ea, quæ à tergo sunt, oculos suos convertens: supplenda est altera pars parabolæ, videlicet aptus est ad ducendum seu regendum aratrum, quia necesse est oculos habere ante se intentos in sulcum, ut rectus esse possit: quemadmodum etiam, ut scribas, ut pingas, &c. Christus verè relicto cortice parabolæ significantis subitò transiit ad rem significatam: \* *Aptus est regno Dei*, promerendo & prædicando. Significat ergo parabola, quòd similiter, ut in arantibus contingit, nemo aratrorum ducendo convenit, qui à tergo respicere voluerit, ita nec aptus sit ad regnum Dei, id est, ad officium Christiani, religiosi prædicatoris, qui cum id susceperit semel, deinde ad alia negotia, curas & negotiationes distrahitur, quæ eum inde deducant. Nam Evangelii sectatorem & prædicatorem instar militis expeditum esse oportet, & liberum, & nullis aliis affixum curis. Unde eodem sensu Paulus, 2. Timoth. 2. *Nemo militans Deo, implicat se negotiis secularibus*: & 1. Corinth. 9. *Qui in stadio currunt, ab omnibus se abstinent*. Militare enim Deo, & in stadio currere, hoc est idem, quod mittere manum ad aratrum, quod qui fecerit, ea, quæ retrò sunt, oblivisci debet; & in ea, quæ sunt priora, se extendere, ut ait ad Philip. v. 13. & 14. hoc est, non respicere retrò.

## CAPUT DECIMUM.

1. \* **P**ost hac autem. Ergo etiam post iter Jerosolymitanum v. 51. præcedentis Capitis susceptum, \* *designavit Dominus*, hoc est, ex credentibus jam sibi selegit, ad promulgandum Evangelium suum, \* *alios*. Nam etiam nuper Apostolos designaverat. \* *Septuaginta duos*, qui inferioris erant ordinis quam Apostoli. Libri Græci & Syriaci scribunt septuaginta, & ita nominantur à multis veterum. Sed

hominis non habet ubi caput reclinet.

59. Ait autem ad alterum: Sequere me. Ille autem dixit: Domine, permittle mihi primum ire, & sepelire patrem meum.

60. Dixitque ei Jesus: Sine ut mortui sepeliant mortuos suos: tu autem vade, & annuntia regnum Dei.

61. Et ait alter: Sequar te Domine, sed permittle mihi primum renuntiare his quæ domi sunt.

62. Ait ad illum Jesus: Nemo mittens manum suam ad aratrum, & respiciens retrò, aptus est regno Dei.

1. Post hac autem designavit Dominus & alios septuaginta duos: & misit illos binos ante faciem suam, in omnem civitatem & locum, quò erat ipse venturus.



2. Et dicebat illis : Mellis quidem multa, operarii autem pauci. Rogato ergo dominum mellis, ut mittat operarios in mellem suam.

3. Ite : ecce ego mitto vos sicut agnos inter lupos.

4. Nolite portare sacculum, neque peram, neque calceamenta, & neminem per viam saluaveritis.

5. In quamcumque domum intraveritis, primum dicite : Pax huic domui :

6. & si tibi fuerit filius pacis, requiescet super illam pax vestra ; sin autem, ad vos reverteretur.

7. In eadem autem domo manete, edentes & bibentes quæ apud illos sunt : dignus est enim operarius mercede sua. Nolite transire de domo in domum.

8. Et in quamcumque civitatem intraveritis, & susceperint vos, manducate quæ apponuntur vobis :

9. & curate infirmos, qui in illa sunt, & dicite illis : Appropinquit in vos regnum Dei.

10. In quamcumque autem civitatem intraveritis, & non susceperint vos, exeunte in plateas ejus, dicite :

11. Etiam pulverem, qui adhæsit nobis de civitate vestra, extergimus in vos : tamen hoc scitote, quia appropinquit regnum Dei.

12. Dico vobis, quia Sodomis in die illa remissus erit, quam illi civitati.

13. Væ tibi Corozain, væ tibi Bethsaida : quia si in Tyro & Sidone factæ fuissent virtutes, quæ factæ sunt in vobis, olim in cilicio & cinere sedentes pœniterent.

14. Verumtamen Tyro & Sidoni remissus erit in iudicio, quam vobis.

15. Et tu Capharnaum usque ad cælum exaltata, usque ad infernum demergèris.

16. Qui vos audit, me audit : & qui vos spernit, me spernit. Qui autem me spernit, spernit eum, qui misit me.

17. Reversi sunt autem septuaginta duo cum gaudio, dicentes : Domine, etiam dæmonia subji-ciuntur nobis in nomine tuo.

17. \* *Reversi autem sunt septuaginta duo, ut Domino rationem redderent suæ legationis & successus, & fructus : cum gaudio de felici scilicet prædicationis & miraculorum successu, quod futurum præ-nuntiaverat Isaïas c. 9. v. 3. dicentes, scilicet inter cætera, quæ de successu exponebant. Domine etiam dæmonia, id est non solum morbi, sed & dæmones, creaturæ spirituales, liberi arbitrii, summæ potestatis, subji-ciuntur nobis, tamquam servi dominis, ut ad nutum nostrum habitatione & loco cedant ; non tamen nostrâ virtute, sed in nomine tuo, id est, adhibitâ autoritate tuâ, & invocatione nominis tui. Quo sensu totam gloriam Christo retulissent, nullâ elati prærogativâ, sed læti tantum de prædicationis successu, prout sentit Theophyl. Nonnulli autem veteres putant, discipulos hoc animi quâdam vanitate dixisse, ut Greg. l. 23. Moral. c. 4. aliàs 7. quod satis congruit v. 29.*

Domini

Dominus autem ut jam erectos in superbiam ac modestiam revocaret, vel etiam, ne lætitiâ inordinatâ in superbiam erigerentur, ait illis :

18. \* *Videbam satanam sicut fulgur de cælo cadentem.* Hoc aliqui ad Incarnationem Christi referunt : q. d. Nihil novi mihi refertis, non ferri à dæmoniis nomen meum : hoc & antequam vos mitterem, imo cùm in mundum venirem, futurum videbam, quòd scilicet satanicæ vires meâ potestate de gloria sua ruerent. Ita Theophyl. Sed convenientior videtur sensus Ambr. lib. de fuga sæculi c. 7. & Greg. diversis locis, qui referunt ad casum Angeli per superbiam, quem scilicet Christus viderit suâ se voluntate à splendore justitiæ avertentem ; & ita tacitè monuerit eos, ne simili superbîâ elati caderent. Quamvis possit casus intelligi non culpæ, sed pœnæ : q. d. Nolite mirari, dæmones vobis subijci in nomine meo : meum est enim hoc opus, non vestrum. Nam ego sum, qui etiam justo judicio satanam præcipitans, vidi eum de cælo cadentem, instar fulguris, subito, summâ vi, irreparabiliter. Et ita est argumentum quasi à majori ad minus : ad quem sensum congruenter adjicit Dominus :

19. *Ecce dedi vobis*, id est, itaque ut intelligatis, nihil vos vobis hâc in re tribuere debere, ecce ego, penes quem dixi summam esse potestatem præcipitandi satanam, sum ille, qui dedi vobis potestatem calcandi supra serpentes, & scorpiones, quos ad litteram intelligunt quidam, uti sonant : quomodo Paulo nihil nocuit vipera, quemadmodum Christus discipulis suis promiserat, Marci 16. v. 18. Rectius tamen metaphoricè intelligi videntur diversa dæmonum genera, hoc discrimine, quòd quia serpentes dente nocent, scorpiones caudâ, idè illi significant dæmones apertè sævientes, hi clanculum insidiantes. Ut ergo explicaret se de metaphoricis serpentibus, hoc est, de dæmonibus loqui, generaliter adjicit, se iis dedisse potestatem \* *super omnem virtutem inimici*, id est, super universum exercitum diaboli.

\* *Et nihil vobis nocebunt*, congregientibus cominùs cum ipsis. Ubi notandum in illis verbis, *ecce dedi vobis potestatem*, quòd opus sit peculiarem accipere potestatem à Christo, ut invocatio nominis ejus effectum suum fortiaur. Itaque Aug. lib. 83. quæst. Evang. q. 79. docet aliquando dæmones nolle cedere, ipso Deo occultis modis prohibente, ne cedant, cùm id justum & utile judicat. Hoc autem facit vel ad confundendos malos, quemadmodum Scevæ filiis contigit, Act. 19. v. 15. vel ad admonendos bonos, ut proficiant in fide atque ista non jactanter, sed utiliter possint : vel denique ad discernenda dona membrorum Ecclesiæ, sicut Apostolus ait : *Numquid omnes virtutes?*

20. \* *Verumtamen*, quamvis magnum sit Dei istud donum, \* *in hoc*

18. Et ait illis : Videbam satanam sicut fulgur de cælo cadentem.

19. Ecce dedi vobis potestatem calcandi supra serpentes, & scorpiones, & super omnem virtutem inimici : & nihil vobis nocebit.

20. Verumtamen in hoc nolite



gaudere quia spiritus vobis subiungitur: gaudere autem, quod nomina vestra scripta sunt in cælis.

21. In ipsa hora exultavit Spiritu sancto, & dixit: Confiteor tibi Pater, Domine cali & terræ, quod abscondisti hæc à sapientibus, & prudentibus, & revelasti ea parvulis. Etiam Pater: quoniam, sic placuit ante te.

22. Omnia mihi tradita sunt à Patre meo. Et nemo scit quis sit Filius, nisi Pater; & quis sit Pater, nisi Filius, & cui voluerit Filius revelare.

23. Et conversus ad discipulos suos dixit: Beati oculi, qui vident quæ vos videtis.

24. Dico enim vobis, quod multi prophete & reges voluerunt videre quæ vos videtis, & non viderunt; & audire quæ auditis, & non audierunt.

25. Et ecce quidam Legisperitus surrexit tentans illum, & dicens: Magister quid faciendo vitam æternam possidebo?

26. At ille dixit ad eum: In lege quid scriptum est: quomodo leges?

27. Ille respondens dixit: Diliges Dominum Deum tuum ex toto corde tuo, & ex tota anima tua, & ex omnibus viribus tuis,

*nolite gaudere*, nempe principaliter, & in eo hærendo, sicut superbientes, & sibi placentes, in gaudio de Dei donis hærerent, solent, \* *quia spiritus vobis subiungitur*: existimantes, ut Aug. ibid. in talibus factis majora dona esse quàm in operibus iustitiæ, quibus æterna vita comparatur. Unde optimè monet S. Antonius apud Athanas. in Vita ejus, ut magis nobis esset vitæ quàm signorum sollicitudo, nullusque signa faciens, aut ipse superbiâ intumesceret, aut despiceret eos, qui facere non possunt. Nam signa facere, inquit, non est nostræ parvitatibus, sed Domini potestatis, qui ad discipulos gloriantes ait, Ne gaudeatis, quia dæmonia vobis subiecta sunt, sed \* *quod nomina vestra scripta sunt in cælis*; hoc enim & solidum gaudium est, & solis Deum diligentibus vel à Deo dilectis competit. Nam nomina in cælis, hoc est in Dei memoria esse scripta, dupliciter intelligi potest, vel ratione præsentis iustitiæ, qui Psal. 68. v. 29. dicitur *liber viventium*, potius quàm vitæ; ubi Aug. docet, eo modo omnes iustos in cælo esse scriptos: vel ratione æternæ, & immutabilis electionis ad salutem. Neutro verò modo Christus hîc revelat, omnes Apostolos fuisse iustos vel electos; sed videtur per concessionem loqui, videlicet, sicut vos existimatis & meritò confidere debetis. Itaque quia discipuli in lætitiâ privata & temporali mentem posuerant, quando de miraculis gaudebant, revocantur hîc de lætitiâ privata ad communem, de temporali ad æternam. Discipulis enim veritatis gaudium esse non debet, nisi de eo bono, quod commune cum omnibus habent, & in quo finem lætitiæ non habent, ut Greg. lib. 9. epist. 58.

25. \* *Et ecce quidam legisperitus surrexit*. Alius videtur fuisse ab eo, quem Matthæus introducit c. 22. quærentem, quod sit mandatum magnum in Lege, sicut probabilius arbitratur August. & multis probat lib. 2. de consensu c. 73. \* *tentans illum*, id est, tam scire volens veritatem, quàm experiri, utrum aliquid à lege alienum traditurus esset, ut eum argueret: ideoque Dominus non ei respondet directè, sed ipsum rogat vicissim, ut ipse sibi responderet, & cum rectè respondisset, addit: \* *hec fac & vives*, id est, possidebis vitam æternam, quod à me quæсивisti. Tantumdem hoc est atque illud Matthæi 19. v. 17. *Si vis ad vitam ingredi serva mandata*.

29. \* *Ille autem volens justificare seipsum*, id est, ostendere quàm esset tenax ac studiosus iustitiæ tam cognoscendæ quàm faciendæ. Videtur enim putasse proximum à Christo definiendum esse more pharisaico amicum, ut sic iustus esse videretur, qui amicus tamquam proximos diligeret. Dixit itaque: \* *& quis est meus proximus?* Non petit quid proximo impendendum sit: nam in hoc non multum differat

rebat

rebat Lex ab Evangelio, sed quis sit proximus: quàm latè enim ille & ex omni mente tua: & proximum tuum sicut teipsum.  
 28. Dixitque illi: Rectè respondisti: hoc fac & vi-  
 ves.  
 29. Ille autem volens iustificare seipsum, dixit ad Jesum: Et quis est meus proximus?  
 30. Suscipiens autem Jesus, dixit: Homo quidam descendebat ab Jerusalem, & incidit in latrones, qui etiam despoliaverunt eum: & plagis impotens abierunt semivivo relicto.  
 31. Accidit autem, ut Sacerdos quidam descenderet eadem via, verus Jerichontem, demissionis scilicet loco quàm Jerusalem sitam, propè Jordanem fluvium: & viso illo præteriiit, Græcè ἀνελπάζων, ex ad-  
 32. Similiter & Levita, cum esset secus locum, & videret eum, præterivit.  
 33. Samaritanus autem quidam, genere & religione alienus & Judæis maximè invisus, eo quod Samaritani soli vellent haberi populus Dei, & verum Dei cultum, verumque templum se habere iactarent. Hic ergo \* videns eum, misericordia motus est, tamquam qui existimaret calamitatem ejus tamquam proximi ad se pertinere, immemor omnis antiquæ contentionis.  
 34. Et appropians, trahente scilicet eum propius intimo miserationis affectu, \* alligavit vulnera ejus, id est, fasciis obligavit, ne medicamentum infusum respueret: \* Infundens, id est, postquam antè infudisset \* oleum & vinum; quæ viatici loco secum sumplerat: oleum, ut obsonium ad panem, vinum loco potus. Et opportunè quidem: vinum enim purgat vulnera, arrodit putrida, constringit purgata: oleum lenit, fovet, & sanat. \* Et imponens illum in jumentum suum, quo ipse venerat, \* duxit, ipse pedes, dux viæ factus, \* in stabulum, seu diversorium, \* & curam ejus egit, accuratiorem in hospitio. Significatur ergo omnia, quæ habuit, & potuit, afflicti istius necessitatibus impendisse.

31. Accidit autem, ut sacerdos quidam descenderet eadem via: & viso illo præterivit.  
 32. Similiter & Levita, cum esset secus locum, & videret eum, præterivit:  
 33. Samaritanus autem quidam, genere & religione alienus & Judæis maximè invisus, eo quod Samaritani soli vellent haberi populus Dei, & verum Dei cultum, verumque templum se habere iactarent. Hic ergo \* videns eum, misericordia motus est, tamquam qui existimaret calamitatem ejus tamquam proximi ad se pertinere, immemor omnis antiquæ contentionis.  
 34. Et appropians, trahente scilicet eum propius intimo miserationis affectu, \* alligavit vulnera ejus, id est, fasciis obligavit, ne medicamentum infusum respueret: \* Infundens, id est, postquam antè infudisset \* oleum & vinum; quæ viatici loco secum sumplerat: oleum, ut obsonium ad panem, vinum loco potus. Et opportunè quidem: vinum enim purgat vulnera, arrodit putrida, constringit purgata: oleum lenit, fovet, & sanat. \* Et imponens illum in jumentum suum, quo ipse venerat, \* duxit, ipse pedes, dux viæ factus, \* in stabulum, seu diversorium, \* & curam ejus egit, accuratiorem in hospitio. Significatur ergo omnia, quæ habuit, & potuit, afflicti istius necessitatibus impendisse.

33. Samaritanus autem quidam, genere & religione alienus & Judæis maximè invisus, eo quod Samaritani soli vellent haberi populus Dei, & verum Dei cultum, verumque templum se habere iactarent. Hic ergo \* videns eum, misericordia motus est, tamquam qui existimaret calamitatem ejus tamquam proximi ad se pertinere, immemor omnis antiquæ contentionis.  
 34. Et appropians, trahente scilicet eum propius intimo miserationis affectu, \* alligavit vulnera ejus, id est, fasciis obligavit, ne medicamentum infusum respueret: \* Infundens, id est, postquam antè infudisset \* oleum & vinum; quæ viatici loco secum sumplerat: oleum, ut obsonium ad panem, vinum loco potus. Et opportunè quidem: vinum enim purgat vulnera, arrodit putrida, constringit purgata: oleum lenit, fovet, & sanat. \* Et imponens illum in jumentum suum, quo ipse venerat, \* duxit, ipse pedes, dux viæ factus, \* in stabulum, seu diversorium, \* & curam ejus egit, accuratiorem in hospitio. Significatur ergo omnia, quæ habuit, & potuit, afflicti istius necessitatibus impendisse.

34. Et appropians, trahente scilicet eum propius intimo miserationis affectu, \* alligavit vulnera ejus, id est, fasciis obligavit, ne medicamentum infusum respueret: \* Infundens, id est, postquam antè infudisset \* oleum & vinum; quæ viatici loco secum sumplerat: oleum, ut obsonium ad panem, vinum loco potus. Et opportunè quidem: vinum enim purgat vulnera, arrodit putrida, constringit purgata: oleum lenit, fovet, & sanat. \* Et imponens illum in jumentum suum, quo ipse venerat, \* duxit, ipse pedes, dux viæ factus, \* in stabulum, seu diversorium, \* & curam ejus egit, accuratiorem in hospitio. Significatur ergo omnia, quæ habuit, & potuit, afflicti istius necessitatibus impendisse.



35. Et altera die protulit duos denarios, & dedit stabulario, & ait: Curam illius habet: & quodcumque supererogaveris, ego cum rediero reddam tibi.

35. \* Et altera die, cum itineris perficiendi necessitate premeretur, protulit duos denarios, expendendos in curationem faucii, & ait \* *stabulario*, seu hospiti: \* *Curam illius habet, & quodcumque supererogaveris*, super impensam tibi traditam, seu de tuo, \* *ego cum rediero reddam tibi*: quo declarat se non quieturum, donec sanatum viderit. In qua historia non solum præclare lucet pulcherrimus & plenissimus dilectionis modus, dum nihil omittit eorum, quæ ad proximum juvandum requiri poterant, sed etiam mysterium lapsus & reparationis humani generis, quod in ea omnes penè veteres annotarunt. Videri poterunt Ambros. & Theophyl. & alii in hunc locum, Chrysost. hom. hæc de re, & latè Aug. serm. 37. de verbis Domini, brevius verò lib. 2. quæst. Evang. q. 19. Succinctissimè complexus est pleraque Orig. hom. 34. in Luc. tamquam ab antiquiore presbytero sibi tradita. jam inde scilicet ab initio nascentis Ecclesiæ. Dicebat ille, inquit, *hominem, qui descendit*, esse Adam, *Ferusalem paradisum*, *Fericho mundum*, *latrones* contrarias fortitudines, id est, dæmones, *Sacerdotem legem*, *Levitam Prophetas*, *Samaritanum Christum*, *vulnera inobedientiam*, *jumentum corpus Domini*, quo incarnatus est, *pandocheum*, id est, stabulum, quod universos volentes introire suscipit, Ecclesiam interpretari. Porro *duos denarios* patrem & filium intelligi, *stabularium* Ecclesiæ præsidem, cui dispensatio credita est; *reversionem Samaritani*, secundum Salvatoris adventum. Cum qua expositione ferè convenit illa Aug. loco cit. qui tamen per *Ferusalem* intelligit civitatem cælestis pacis, *Fericho* mortalitatem, *duos denarios* duo præcepta charitatis, alii duo testamenta.

36. Quis horum trium videtur tibi proximus fuisse illi, qui incidit in latrones?

36. \* *Quis horum trium videtur tibi proximus fuisse, qui incidit in latrones?* id est, agnovisse se illi & præstitisse proximum per charitatis officia: nam, ut Aug. tract. 43. in Joan. Samaritanus faucio se præstitit proximum, quem non putavit alienum. Ex hoc autem colligendum relinquit Christus, illum faucium fuisse etiam proximum illius Samaritani, quia, ut idem Aug. lib. 1. de doct. christ. c. 39. proximi nomen ad aliquid est: nec quisquam esse proximus nisi proximo potest. Sic ergo indirectè solvit quæstionem Legis periti, quis esset ejus proximus, circa quem deberet implere legem de diligendo proximo, nempe quoslibet opis indigentes, etiam extraneos.

37. At ille dixit: Qui fecit misericordiam in illum. Et ait illi Jesus: Vade, & tu fac similiter.

37. \* *At ille dixit: Qui fecit misericordiam in illum*: nam ipso opere dilectionis declarabat Samaritanus, se proximum esse Judæo faucio, & consequenter illum sibi. Itaque respondit ei Dominus \* *vade & tu fac similiter*, ut censeas tibi proximum esse non solum genere, patriâ, amicitia, religione conjunctum, sed quemvis hominem, cui vel exhi-

ben-

bendum est officium misericordiæ, si indiget, vel exhibendum esset, si indigeret, inquit Aug. loco citato. Omnis enim homo est omni homini proximus, nec ulla cogitanda est longinquitas generis, ubi est natura communis, ut idem Concione 8. in Psalm. 118.

38. \* *Factum est autem dum irent*, id est, dum pergerent Jerosolymam; nam hæc in eodem itinere videntur contigisse. Intravit \* *in quoddam castellum*, Græcè *κἀστὴν λέγ*, pagum quemdam, qui videtur fuisse Bethania: nam hæc Joan. 11. vocatur castellum Mariæ & Marthæ. \* *Et mulier quidam Martha nomine excepit illum*, sive quod maior esset natu, ut Bern. serm. 3. de Assumpt. fuisse putat, sive quod ipsa rem familiarem communemque procuraret & administraret: & ideo dicitur eum excepisse \* *in domum suam*, quamvis & Maria & Lazarus in ea habitarent.

38. Factum est autem, dum irent, & ipse intravit in quoddam castellum: & mulier quidam Martha nomine, excepit illum in domum suam.

39. \* *Et huic erat soror, &c. quæ etiam sedens*: q. d. non obiter, sed ex composito, ut Aug. serm. 26. de verbis Domini notat, nempe cum quiete, attentione, diligentia, assiduitate, quæ per sessionem innuuntur: \* *secus*, seu juxta \* *pedes*, prout & Paulus *juxta pedes Gamalielis* eruditus fuit, nam iste habitus est discipulæ, humilitatem & reverentiam erga docentem declarantis. Unde Aug. ibid. Quânto humilior ad pedes sedebat, tantò ampliùs capiebat: confluit enim aqua ad humilitatem convallis, denatat de tumoribus collis.

39. & huic erat soror nomine Maria, quæ etiam sedens secus pedes Domini, audiebat verbum illius.

\* *Audiebat verbum illius*, loquentis de regno Dei, simul ac domum ingressus fuit, ne quid temporis sine fructu laberetur.

40. \* *Martha autem satagebat*, Græcè *περιεργαζομένη*, distrahebatur, \* *circa frequens ministerium*, id est, sollicita erat in variis ministeriis ad convivium & ad obsequium Christi, ac discipulorum ejus pertinentibus, ne quid talibus hospitibus deesset. \* *Quæ stetit*, nempe tandem vel lassata, ut Basil. in constitut. Monasticis c. 2. vel obeundis ministeriis omnibus non sufficiens, & interpellans Dominum concionantem ait: \* *Domine non est tibi cura*, per te metipsum; verba videntur subaccusantis incuriam, vel certè excitantis ad respectum sui: \* *quod soror mea reliquit me solam ministrare*, in apparandis convivio necessariis: \* *Dic ergo illi*, saltem à me admonitus, \* *ut me adjuvet*. Dici hoc vult à Domino, eò quòd se frustrà id Mariæ dicturam existimaret, vel indecens videretur, eam à docente avellere citra veniam.

40. Martha autem satagebat circa frequens ministerium: quæ stetit, & ait: Domine non est tibi cura, quod soror mea reliquit me solam ministrare? dic ergo illi, ut me adjuvet.

41. \* *Et respondens dixit, Martha, Martha*: quâ geminatione nominis compescit Martham, ac turbatam sedat, & tacitè subreprehendit: quamquam Aug. serm. illo 26. repetitionem nominis velit esse indicium dilectionis, aut fortè, inquit, movendæ intentionis, ut audiret attentius. \* *Sollicita es & turbaris erga plurima*, eâ turbatione qualis conse-

41. Et respondens dixit illi Dominus: Martha, Martha, sollicita es, & turbaris erga plurima.



consequi solet sollicitudinem de pluribus rebus uno tempore curandis.

42. Porro unum  
est necessarium.  
Maria optimam  
partem elegit,  
quæ non auferetur  
ab ea.

42. \* Porro unum est necessarium. Aug. ad sequentia hoc referre solet, ut significetur, contemplationem illius Deitatis esse necessariam, quam opponit multis ministeriis hujus vitæ, bonis quidem, sed carnalibus, quibus occupabatur Martha. Alii unum intelligunt illud, quod Maria faciebat, scilicet audire verbum Dei; quod in idem ferè reddit. Non incongruam tamen interpretationem dant plerique Græci, Titus, Theophyl. & in primis Basil. in Reg. fusiùs disputatis quæst. 20. juxta quam Christus significet unum esse necessarium, ut scilicet necessitati corporis fiat satis, ad quod paucis vel uno opus est cibo, quia natura paucis contenta; ut ita unum tacitè opponatur pluribus ferulorum generibus, quibus Martha parandis intenta erat. \* *Maria optimam partem elegit*: Græcè τὴν ἀγαθὴν, bonam, sed cum articulo emphasin significante, q.d. illam bonam seu excellenter bonam, quod noster *optimam* dixit & consequenter meliorem, quam Martha, sicut legit Aug. Itaque non opus Marthæ reprehendit, sed partem, id est, functionem, studium, genusque vitæ Mariæ prætulit. Non tu malam, inquit Aug. serm. 27. de verbis Dom. sed illa meliorem. Pars autem illa est federe ad pedes Jesu, & audire verbum ejus, hoc est, discendis & contemplandis rebus divinis incumbere, quod Maria elegerat, id est, toto vitæ studio tamquam partem seu sortem sibi propriam sectandam cœperat, sicut è contrario Martha officia pietatis corporalia, de quo etiam Joan. 12. v. 2. \* *Quæ non auferetur ab ea*, neque in hac vita, neque in futura. Auferetur enim aliquando onus necessitatis, seu corporalis hospitalitatis: æterna est dulcedo veritatis, inquit Aug. Per hoc ergo Dominus dat rationem, cur melior sit pars Mariæ, sicut & Apostolus charitatem dicit esse majorem fide, & spe, eo quod his transeuntibus illa maneat in æternum. Hoc ergo signum est corporalia exercitia non per se intendi à Deo, sed ut media, per quæ ad optimam partem, hoc est, ad scientiam, charitatemque veritatis veniatur. Notant autem plerique Patres & in primis Aug. serm. 26. & 27. de verbis Dom. duas vitas in his mulieribus figurari, tropologicè quidem activam & contemplativam, anagogicè verò præsentem & futuram, laboriosam & quietam, ærumnosam & beatam, temporalem & æternam. Vide Aug. latius.

## CAPUT UNDECIMUM.

1. Et factum est:  
cum esset in quodam  
loco orans,  
ut cessavit, dixit  
unus ex discipulis  
ejus ad eum:

I. \* **C**um esset in quodam loco orans, ut cessavit: neque enim fuit ausus discipulus ille orantem interpellare, cum oratio tamquam colloquium cum Deo doctrinæ longè præferenda sit, nisi necessitas aliud postulet. \* *Dixit unus: Domine doce nos orare*, præscriptâ scilicet

scilicet certâ quâdam orationis formulâ. Quæ petitio congruentissima Domine, doce nos orare, sicut docuit & Joannes discipulos suos, fuit auctoritate Aug. tract. 7. in Joan. Qui enim habent causam, inquit, & volunt supplicare Imperatori, quærunt aliquem Jurisperitum, à quò sibi preces ( id est, libellus supplex ) componantur : ne fortè si aliter petierint, quàm oportet, non solum non impetrent, quod petunt, sed & pœnam pro beneficio mereantur. Itaque \* *doce nos orare*, id est, Jurisperite noster, assessor Dei, imò confessor, com- pœne nobis preces, seu libellum supplicem, inquit ibidem Aug. \* *Sicut docuit & Joannes discipulos suos.* Ex quo constat Joannem aliquam certam & antè non usitatam orandi formulam suis tradidisse, ut & illi de proprio magistri sui instituto aliter Deum orarent, inquit Ter- tull. 4. contra Marcion. cap. 20. Religionis enim pars non infima est oratio, quam propterea etiam novam inferre solet, quisquis re- ligionem innovaverit.

2. \* *Cum oratis dicite.* Eadem est hæc ratio, quantum ad substan- 2. Et ait illis: Cum oratis, di- citate: Pater san- ctificetur nomen tuum. Adveniat regnum tuum. 3. Panem no- strum quodia- num da nobis hodie. 4. Et dimitte no- bis peccata no- stra, siquidem & ipsi dimittimus omni debenti ro- bis. Et ne nos in- ducas in tenta- tionem, tiam, cum ea, quam tradidit Matth. 6. Græcè etiam quantum ad verba. Suppletur enim in singulis petitionibus non solum id, quod explicationis gratiâ apud Matth. additur, sed etiam suppleantur pe- titiones duæ, quæ Latinè omittuntur. Verùm quia exemplaria La- tina etiam antiquissima illis carent, verisimile est à nonnullis quamvis perperam fuisse Græcè inserta, ne fortassis manca hæc oratio vide- retur. Quinque igitur tantum sunt hîc petitiones; tertia verò & septima deficiunt, ut notat Aug. in Enchiridio cap. 116. quia septi- ma in sexta utcumque comprehenditur, sicut & tertia in prima & secunda. Nam nomen Patris à nobis sanctificari non potest, neque regnum ejus serîo optari, nisi velimus fieri voluntatem ejus : & à præcipuo malo liberatur, qui remissis debitis in tentationem nullam inducitur, cui liberatio à reliquis malis suo tempore velut merces da- bitur. Itaque ut disceremus in oratione non tam de verbis quam de re- bus esse anxii, ac de spirita orationis, diversis verbis orationem tradidit, quam fidelibus quotidianam esse voluit. Nam circumstantiarum hîc & apud Matth. tanta diversitas est, ut videatur Christus illas orandi formulas diverso tempore tradidisse; utram priùs non constet. Expi- cationem autem totius orationis vide apud Matth.

5. \* *Et ait ad illos.* Hactenus de orandi formula; nunc de orandi 3. Et ait ad illos: Quis vestrum ha- bebit amicum, & ibit ad illum me- dia nocte, & di- ceret illi: Amice, commoda mihi i- ues panes, modo, ardore, & perseverantia, de quibus per parabolam subjungit. \* *Quis vestrum habebit amicum?* q. d. Cui habenti amicum non id eve- niet, quod dicturus sum? Multò ergò magis eveniet oranti amicum Deum; est enim argumentum à minori ad majus, sicut & v. 13. \* *Et ibit ad illum media nocte*: quæ intempesta dici solet, ut Aug. notat Conc.



Conc. 29. in Psalm. 118. quia ad agendum importuna est. *Media ergò nocte*, hoc est, importunissimo tempore, quod ad impetrandi difficultatem spectat. \* *Et dicet illi: Amice, commoda mihi*, id est, da mihi commodatò, seu mutuò: quod spectat ad petentis verecundiam, & petitionis mediocritatem, quia minus est, quàm si dari peteret \* *tres panes*, unum scilicet hospiti, alterum mihi, tertium utrique communem, si unus uni non esset satis: est enim parabola ex usu communi sumpta.

6. quoniam amicus meus venit de via ad me, & non habeo quod ponam ante illum.

6. \* *Quoniam amicus meus venit de via &c.* fessus scilicet & famelicus, \* *& non habeo quod ponam ante eum*, cum nec tempus permittat emi. Duas ergo causas allegat impetrandi: quod non sibi petat, sed amico, quem iniquum est deserere; & quod sibi etiam panis sit penuria. In utroque elucet petentis verecundia & humilitas.

7. Et ille deintus respondens dicit: Noli mihi molestus esse, iam ostium clausum est, & pueri mei mecum sunt in cubili, non possum surgere, & dare tibi.

7. \* *Et ille respondens dicat*, hoc est, vel quamvis ille responderet: est enim hypothesis, licet non omnino verisimilis, tamen apta ad ostendendum, quantum valeat ad impetrandum importuna perseverantia. \* *Iam ostium clausum est*, pessulis videlicet firmatum, ut aperiri molestum sit, & fortè intempestà nocte periculosum. \* *Et pueri*, id est, filii, ut Græca insinuant, & Syrus explicat, \* *mecum in cubili*, sive cubiculo, sive etiam lecto, ut vertit Syrus, qui proinde expergeri deberent. Pertinent hæc omnia ad ostendendam justitiam repulsæ.

8. Et si ille perseveraverit pulsans: dico vobis, & si non dabit illi surgens eò quod amicus ejus sit, propter improbitatem tamen ejus surget, & dabit illi quotquot habet necessarios.

8. \* *Et si ille perseveraverit pulsans*, id est, quod si nihil territus excusatione instet rogando, urgeat, ac tundat ostium: \* *propter improbitatem tamen ejus*, Græcè ἀναιδέως, inverecundiam seu impudentiam, hoc est, propter importunam & molestam perseverantiam, quâ etiam post primam amici excusationem rogare, imo pulsando instare non destitit. Hoc enim cujusdam improbitatis speciem habere videbatur; quo sensu dicitur labor improbus omnia vincere. \* *Dabit illi*, & non solum accommodabit: neque solum tres dabit, sed \* *quotquot habet necessarios*, id est, etiam plures, quàm postulaverit.

9. Et ego dico vobis: Petite, & dabitur vobis: querite, & invenietis: pulsate, & aperietur vobis.

10. Omnis enim qui petit, accipit: & qui querit, invenit: & pulsanti aperietur.

11. Quis autem ex vobis patrem petit panem, numquid lapi-

9. \* *Et ego dico vobis*, hoc est, ad illum eundem modum. Est enim accommodatio parabolæ ad propositum, quâ includit similes in petendo condiciones adhibendas erga Deum, verecundiam, humilitatem, & in primis perseverantissimam instantiam. Nam ad hoc pertinent illa tria, *Petite, Querite, Pulsate*, sicut ex Aug. 1. Retract. c. 19. patet, & in Matth. latius diximus. Delectatur enim Deus sibi quodammodò vim ab orantibus inferri. Vis autem illa non in sola petitione sita est, sed etiam in aliis orationis adjumentis: inter quæ primo est continentia, de qua Hieron. epist. 22. ad Eustochium: nisi, inquit, vim feceris, cælorum regnum non capies: nisi pulsaveris importunè, panem

panem non accipies sacramenti. An non tibi videtur violentia, cum caro cupit esse, quod Deus est, & illuc, unde Angeli corruerunt, Angelos judicare conscendit? Secundò pœnitentiæ quædam austeritas, de qua Tertull. in Apologetico c. 40. Nos jejuniis aridi, omni continentia expressi, ab omni vitæ fruge ( id est, deliciis ) dilati in sacco & cinere volutantes, invidia cælum tundimus, Deum tangimus, & misericordiam extorquemus. Tertiò, concordia orantium, de qua ibid. c. 39. Corpus sumus de conscientia religionis, & disciplinæ unitate, & spei fœdere, quò-imus in cœtum & congregationem, ut ad Deum quasi manu facta precationibus ambiamus orantes. Hæc vis Deo grata est. Ita Tertull. Ne quis verò peccator terreretur, putans impetrationem illam esse justis propriam, occurrunt illi suspicioni verba parabolæ, *Et si non dabit illi, quòd amicus ejus sit, &c.* sicut notat Basil. in Constitut. Monast. cap. 2. ubi monet, & si complures anni in petendo prætereant, perseverandum esse tamen, donec impetretur. Unde Judith meritò reprehendit Oniam, quòd non ultra quinque dies Dei auxilium expectandum esse judicaret, Judith 8. v. **II. & 12.**

bub principe dæmoniorum ejicit dæmonia.

16. Et alii tentantes, lignum de calo quærebant ab eo.

17. Ipse autem ut vidit cogitationes eorum, dixit eis: Omne regnum in seipsum divisum desolabitur, & domus supra domum cadet.

18. Si autem & satanas in seipsum divisus est, quomodo stabit regnum ejus: quia dicitis in Beelzebub me ejicere dæmonia.

19. Si autem ego in Beelzebub ejicio dæmonia: filii vestri in quo ejiciunt? Ideò ipsi judices vestri erunt.

20. Porro si in digito Dei ejicio dæmonia: profectò pervenit in vos regnum Dei.

21. Cum fortis armatus custodit atrium suum, in pace sunt ea quæ possidet.

22. Si autè fortior eo superveniens vicerit eum, universa arma ejus auferet, in quibus confidebat, & spolia ejus distribuet.

23. Qui non est mecum, contra me est: & quinon colligit mecum, dispergit.

24. Cum immundus spiritus exierit de homine, ambulat per loca inaquosa, quærens requiem: & non inveniens

dicit: Revertar in domum meam unde exivi.

25. Et cum venerit, invenit eam scòpis mundatam, & ornatam.

26. Tunc vadit, & assumit septem alios spiritus secum nequiores se, & ingressi habitant ibi. Et fiunt novissima hominis illius pejora prioribus.

27. \* *Factum est autem, &c. extollens vocem quædam mulier, admirata scilicet sapientiam revincentem adversarios, miraculorum virtutem, verborumque vim, non potuit se continere, quin admirationem suam clamore & laudibus expromeret. Quo indicatur magnitudo affectus ejus erga Jesum eo ipso tempore, quo calumniis Phariseorum petebatur. \* Dixit, beatus venter, qui te portavit, & ubera, quæ suxisti.* Periphrasis est matris, ab iis partibus, quæ gignendo alendoque Christo servierunt: q. d. Otali filio felicem matrem. Honor enim filii in parentes redundat: unde & ipsa sancta Virgo hanc beatitudinis prædicationem sibi futuram prophetavit in Cantico, dicendo, *Ecce enim ex hoc beatam me dicent, &c.* An autem hæc mulier solum sensu muliebri hoc dixerit, sicut solent matres beatæ prædicari pro-

dem dabit illi? aut piscem: numquid pro pisce serpentem dabit illi?

12. Aut si petierit ovum: numquid porriget illi scorpionem?

13. Si ergo vos cum sitis mali, nostis bona dare filiis vestris: quanto magis Pater vester de cælo dabit spiritum bonum petentibus se?

14. Et erat ejiciens dæmonium, & illud erat mutum. Et cum ejecisset dæmonium, locutus est mutus, & admiratae sunt turbæ.

15. Quidam autem ex eis dixerunt: In Beelze-

27. Factum est autem, cum hæc diceret: extollens vocem quædam mulier de turba, dixit illi: Beatus venter qui te portavit, & ubera, quæ suxisti.



pter filios, an verò ex fide Incarnationis Christi, non constat. Illud postremum sentit Beda, qui hanc mulierem typum Ecclesiæ gessisse notat; primum plerique posteriores.

28. At ille dixit: Quinimò beati, qui audiunt verbum Dei, & custodiunt illud. 29. Turbis autem concurrentibus coepit dicere: Generatio hæc, generatio nequam est: signum quærit, & signum non dabitur ei, nisi signum Jonæ prophetæ.

30. Nam sicut fuit Jonas signum Ninivitis: ita erit & Filius hominis generationi istæ.

31. Regina Austri surgit in iudicio cum viris generationis huius, & condemnabit illos: quia venit à finibus terræ audire sapientiam Salomonis: & ecce plus quam Salomon hic.

32. Viri Ninivita surgent in iudicio cum generatione hac, & condemnabunt illam: quia poenitentiam egerunt ad prædicationem Jonæ, & ecce plus quam Jonas hic.

33. Nemo lucernam accendit, & in abscondito ponit, neque sub modio: sed supra candelabrum, ut qui ingrediuntur, lumen videant.

34. Lucerna corporis tui, est oculus tuus. Si oculus tuus fuerit simplex, totum corpus tuum lucidum erit: si autem nequam fuerit, etiam corpus tuum tenebrosum erit.

35. Vide ergo ne lumen, quod in te est, tenebræ sint.

36. Si ergo corpus tuum totum lucidum fuerit, non habens aliquam partem tenebrarum, erit lucidum totum, & sicut lucerna fulgoris illuminabit te.

28. \* *At ille dixit: Quinimò beati.* Græcum *ἡσυχῶντες*, sonat, imo vero, quod Erasmus notat nec affirmare nec negare illud, cui subjungitur. Aug. tract. 10. in Joan. & lib. de sancta Virginit. c. 3. legit *imò*. Videtur itaque Christus apertè nec admittere, nec negare id, quod mulier dixerat; ne vel se & matrem laudaret, vel falsum diceret; sed aliud elogium subjicit, tamquam certius & potius, & pluris æstimandum: q. d. Tu beatam prædicas matrem, &c. ego verò dico, \* *Beati qui audiunt verbum Dei*; nam inde concipitur fides, quæ ex auditu est: \* *& custodiunt illud*, animo diligendo & opere adimplendo, quia hoc hominem facit meliorem, Deo gratiorem, veraque dignum beatitudine. Nam, ut optimè August. materna propinquitas nihil Mariæ profuisset, nisi felicius Christum corde quam carne gestasset: beatior enim percipiendo fidem Christi, quàm concipiendo carnem Christi. Cum ergo non neget Christus matrem suam beatam, neque primo illo genere beatitudinis, quatenus mater ejus fuit, neque secundo, quatenus Dei verbum audivit & custodivit, immeritò reprehendit Ecclesiam Calvinus, quòd illa mulieris verba, *Beatus venter, &c.* absolutè de Virgine Maria usurpet, sine adjuncta Christi correctione: non enim est correctio attributæ beatitudinis, sed extensio.

36. \* *Si ergo corpus tuum.* Diximus de tota ista comparatione apud Matth. Lucas hunc versum adjicit, quo Matthæus caret, ac difficultatem facit, quia tautologiam videtur contingere. Posset autem hoc modo explicari, & connecti cum præcedentibus, ut per oculum, sicut in Matthæo dictum est, intelligatur mens hominis, ex intellectu constans & voluntate, quæ si munda fuerit, & soli intenta Deo, \* *totum corpus*, reliquarum scilicet omnium facultatum & affectuum participatâ luce justitiæ & munditiæ fulgebit. Quod si fuerit, ita ut \* *non habeat aliquam partem tenebrarum*, ita videlicet ut nihil pravæ cupiditatis ei adhæreat, \* *erit lucidum totum*. Non est hic supplendum, *corpus*, sed est absoluta, locutio, id est, quidquid inde proficiscetur, omnes scilicet actiones inde promanantes erunt rectæ: q. d. Si corpus tuarum facultatum & affectuum, totum fuerit mundum ac lucidum

dum, nihil erit inte, quod non sit lucidum. \* *Et sicut lucerna fulgoris, seu fulgida, \* illuminabit te*, supple, oculus ille tuus simplex: ille enim diffundit lumen suum instar lucernæ splendidissimæ super omnes facultates, & affectus, & actiones.

37. \* *Et cum loqueretur*, videlicet præcedentia: quamvis Aug. lib. 2. de consensu c. 39. incertum esset putet, utrum de præcedentibus intelligat, an de aliis alio tempore dictis; eò quòd non dicat, *cum loqueretur hac*, sed absolutè, *cum loqueretur*, seu concionaretur, scilicet quodam tempore. \* *Rogavit illum quidam Phariseus*, non satis fortassis sincero animo, propter durissimam increpationem Christi, quæ secuta est: \* *& ingressus recubuit*; statim scilicet, ne lotis quidem prius manibus, ut ita etiam exemplo suo Pharisaicam superstitionem destrueret.

38. \* *Phariseus autem cepit intra se reputans dicere*: id est, tacitè secum cogitatione cœpit quærere causam. Quod Græcè clarè dicitur *ἐδαβουαεν*, *miratus est*, quia admiratio ex causæ ignoratione nasci solet: \* *Quare non baptizatus esset*, id est, lotus \* *ante prandium*: transgrediens scilicet tam facilè traditiones Pharisaicas. Nam in istis lotionibus cæremonialibus magnam ponebant religionem Pharisei, neglectâ animi munditiâ, ut patet Marci 7. v. 3. & Matth. 15. initio.

39. \* *Et ait Dominus ad illum*, tamquam cognitor cordis & humanorum secretorum testis & iudex, ut notat Aug. de unit. Ecclesiæ c. 5. Nam Phariseus iste nihil adhuc dixerat, unde mentem ejus colligeret, sicut nos facere debemus, antequam vituperemus: \* *nunc*, quod significat hîc opportunitatem præsentis reprehensionis: q. d. Nunc opportunum est, ut vos præposteræ vestræ religionis admoneam. \* *Quod de foris est calicis, & catini*, seu disci, quibus continetur potus ac cibus, \* *mundatis*. Quo parabolicè significat, eos externam manuum & corporis munditiem affectare, internam verò animi, qui in corpore velut calice aut catino continetur, negligere. Vide dicta Matth. c. 23. v. 24.

40. \* *Stulti*, quia hâc in parte ab omni ratione alieni. Utitur illâ in recreatione tam acerbâ non convitiandi, sed reprehendendi causâ, ut animus se dissimulans acrimoniâ istâ stimuletur, ad considerandam fœditatem suam, & præposteram munditiei curam. \* *Nonne qui fecit, quod de foris est*, id est, corpus humanum, calice & catino significatum, \* *etiam id, quod intus est, fecit*? Scilicet animum, mentem, & conscientiam: q. d. Si vos movet cultus Dei, ad servandam illam exactam corporis munditiem, quasi, creaturæ Dei, quomodo non sapitis etiam conscientiam seu animam multò maximè mundam esse servandam? Itaque post hanc increpationem suggerit Dominus modum legitimum obtinendæ dictæ munditiei, rejecta superstitione Pharisaicâ.

37. Et cum loqueretur, rogavit illum quidam Phariseus ut pranderet apud se. Et ingressus recubuit.

38. Phariseus autem cepit intra se reputans dicere, quare non baptizatus esset ante prandium.

39. Et ait Dominus ad illum: Nunc vos Pharisei, quod de foris est calicis & catini, mundatis: quod autem intus est vestrum, plenum est rapina, & iniquitate.

40. Stulti, nonne qui fecit quod de foris est, etiam id, quod deintus est, fecit?



41. Verumtamen  
quod superest,  
date eleëmofy-  
nam: & ecce om-  
nia munda sunt  
vobis.

41. \* *Verumtamen*, id est, non obstante, quod vos rapinâ & iniquitate plenos dixerim, non tamen est desperandum; sed \* *quod superest*, id est, quod unicum remedium restat, ut quodam loco Beda; seu si summam rei sciri vultis: in quem sensum Syrus hoc exponit. Alii explicant, *quod superest*, id est, id quod cultui & victui necessario superfluum est. Ita S. Thomas & Beda alio in loco: sed Græcæ phrasi magis congruit, ut subintelligatur *ἄλλα*, id est, *secundum*: q. d. Secundum quod adest, aut licet vobis, seu pro facultatibus vestris, ut quisque potest, \* *date eleëmofynam*, factâ scilicet prius rapinarum restitutione. Qui sensus Græcis placet Euthymio, Theophyl. & inter Latinos, Tertull. 4. contra Marcionem c. 27. qui legit: *Date quæ habetis eleëmofynam*, hoc enim avaris hominibus optimum remedium est, ut curentur: \* *Et ecce omnia*, non solum scilicet quod de foris est, seu corpus, sed etiam quod intus est, seu anima, \* *munda sunt vobis*, id est, munda erunt à rapinis & omni iniquitate. Facit autem hoc eleëmofyna, non quasi fides in Christum, & pœnitentia, & restitutio raptorum non requirantur, sed quia fidem in Christum & pœnitentiam impetrat à Deo, faciliè misereunte ejus, qui miseretur aliorum: pœnitentia autem non est vera, nisi malè parata restituantur. Itaque Angelus Tobix juxta hunc sensum c. 12. v. 9. dicit: *Ipsa purgat à peccato, & facit invenire misericordiam*. Aug. tamen ferm. 30. de verbis Domini & in Enchiridio c. 75. per *eleëmofynam* intelligit opus misericordiæ generaliter, etiam erga seipsum. Illa quippe ordinatè facienda est, ut à seipso quisque incipiat, juxta illud Eccles. 3. *Miserere anima tue placens Deo*. Itaque vult monere Christus, ut eleëmofynam darent, à seipsis, recto misericordiæ & dilectionis ordine, incipiendo: quod fit per fidem, dilectionem, pœnitentiam, restitutionem, superflui erogationem, cujusmodi eleëmofynas facere non curabant. Itaque hâc consideratione notat Aug. Dominum subjecisse:

42. \* *Sed vobis Phariseis, quia decimatis mentham & rutam*, id est, decimam partem minutissimorum olerum scrupulosè in eleëmofynas erogatis. \* *Et prateritis judicium*, id est, id quod æquum & justum est, aliena rapiendo, \* *& charitatem Dei*, & proximi; quæ tamen est eleëmofyna & beneficentia, quam præcipuè erogare debebatis: nam \* *hac oportuit facere*, judicium scilicet, charitatem & fidem, ut addit Matth. \* *& illa non omittere*, quæ in corporales eleëmofynas, decimas illas minutas dando, erogatis.

45. \* *Respondens quidam ex Legis peritis*, id est, Legis Interpretibus, qui Scribæ dicebantur \* *ait illi: magister*, hac dicens, adversus Phariseos, \* *etiam contumeliam nobis facis*, ordini scilicet Scribarum, quem simul

43. Sed vobis  
his Phariseis,  
quia decimatis  
mentham, & ru-  
tam, & omne  
olus, & præteri-  
tis judicium &  
charitatem Dei:  
hac autem oportuit  
facere, & illa  
non omittere.

43. Vobis  
Phariseis, quia  
diligitis primas  
cathedras in syna-  
gogis, & salu-  
tationes in foro.

44. Vobis  
quia estis ut mo-  
numenta quæ  
non apparent,  
& hominesambu-  
lantes supra nesciunt.

45. Respondens  
autem quidam ex  
Legisperitis, ait  
illi: Magister, hac  
dicens etiam con-  
tumeliam nobis  
facis,

simul verbis istis contumeliosis lædis. Scribarum enim propriè erat docere & explicare Legem : Phariseorum observare , doctrinæque traditæ insistere ; rigidi enim observatores videri volebant Legis doctores. Quamvis idem esse posset Scriba & Phariseus; unde Theoph. Pharisei, inquit, videbantur ut monachi, quia ab aliis se segregabant, quasi majoris sanctitatis professione: Legis periti verò doctores erant, qui solvebant quæstionem legis. Hæc ille Itaque Christus per sequens Væ, redarguit etiam Scribas, quod gravissima docendo; onerarent homines, & nihil eorum facerent : præcedentia verò magis proxim Legis & vitam spectant. Hæc ergo cum diceret tanta cum severitate,

46. At ille ait : Et vobis Legis peritis væ : quia oneratis homines oneribus , quæ portare non possunt , & ipsi uno digito vestro non tangitis sarcinas.

47. Væ vobis , qui ædificatis monumenta Prophetarum : patres autem vestri occiderunt illos.

48. Profecto testificamini quod consentitis operibus patrum vestrorum : quoniam ipsi quidem eos occiderunt, vos autem ædificatis eorum sepulchra.

49. Propter eam & sapientia Dei dixit : Mittam ad illos Prophetas, & Apostolos, & ex illis occident, & persequentur :

50. ut inquiratur sanguis omnium Prophetarum , qui effusus est à constitutione mundi à generatione ista ,

51. à sanguine Abel , usque ad sanguinem Zachariæ , qui periit inter altare & ædem. Ita dico vobis , requiritur ab hac generatione.

52. Væ vobis Legis peritis , quia tulistis clavem scientiæ , ipsi non introistis , & eos , qui introibant prohibuistis.

53. \* *Cœperunt Pharisei & Legis Periti*, offensi tantâ reprehendendi libertate , quia æstimatio sanctitatis Phariseorum , & autoritas doctrinæ Scribarum elevabatur , \* *graviter insistere* , id est , vehementer instando eum urgere : \* *& os ejus opprimere* , id est , loquentem reprimere , \* *de multis*, quæ dixerat : multa scilicet ex eis quasi consequentia captiosè interrogando , ut perplexus fieret , nec ad tot hinc inde interrogata respondere posset : vel etiam multa simul obijciendo , ut tot argumentis pulsatus aliquid minùs consideratè responderet, nimirum ut sequitur.

53. Cum autem hæc ad illos diceret , cœperunt Pharisei & Legis periti graviter insistere , & os ejus opprimere de multis ,

54. \* *Insidiantes ei, & quærentes aliquid capere de ore ejus* : quem tot interrogationibus & objectionibus vellicatum , minùs putabant fore oculatum & cautum ad respondendum ; sicut hominibus contingere solet, discursu & collatione, ideoque & tempore indigentibus, quorum non indiget scientia beatorum. Notat autem Aug. quamvis Matt. & Lucas eadem Christi verba narrare videantur, diversis tamen temporibus esse dicta, quia Lucas ea narrare videtur dicta in domo Pharisei, antequam venisset Jerosolymam ; Matthæus verò Jerosolymis.

54. insidiantes ei , & quærentes aliquid capere de ore ejus , ut accusarent eum.

## CAPUT DUODECIMUM.

1. Multis autem turbis circumstantibus , ita ut se invicem conculcarent, cœpit dicere ad discipulos suos : Attendite à fermento Phariseorum , quod est hypocritis.

2. Nihil autem opertum est , quod non revereatur : neque absconditum , quod non sciatur.

3. Quoniam quæ in tenebris dixistis , in lumine dicentur , & quod in aurem locuti estis in cubiculis , prædicabitur in rectis.

4. Dico autem vobis amicis meis : Ne terreamini ab his qui occidunt corpus , & post hæc non habent amplius quid faciant.

5. Offen-



5. Ostendam autem vobis quem timeatis : timete eum, qui, postquam occiderit, habet potestatem mittere in gehennam. ita dico vobis, hunc timete.

6. Nonne quinque passeresset vaneunt dipondio, & unus ex illis non est in oblivione coram Deo?

7. Sed & capilli capitis vestri omnes numerati sunt. Nolite ergo timere: multis passeribus pluris estis vos.

8. Dico autem vobis: omnis quicumque confessus fuerit me coram hominibus, & Filius hominis confitebitur illum coram Angelis Dei:

9. qui autem negaverit me coram hominibus, negabitur coram Angelis Dei.

10. Et omnis qui dicit verbum in Filium hominis, remittetur illi: ei autem, qui in Spiritum sanctum blasphemaverit, non remittetur.

11. Cum autem inducent vos in synagogas, & ad magistratus & potestates, nolite solliciti esse qualiter aut quid respondeatis, aut quid dicatis.

12. Spiritus enim sanctus docebit vos in ipsa hora, quid oporteat vos dicere.

13. Ait autem ei quidam de turba: Magister, dic fratri meo ut dividat tecum hæreditatem.

13. \* **A** *It ei quidam, terrenis magis quam spiritualibus capiendis intentus: \* Dic, pro tua autoritate, \* fratri meo, ut dividat tecum hæreditatem,* quia videtur ille solus occupasse totam. Itaque magnum quid de Domino sentiebat, à quo fratri suo hoc præcipi voluit; fortè ex opinione, quod Messiam crederet, qui pauperum causas esset defensor. Reprehendit petitionem Christus, quia, ut Ambrosius, majoribus intento non est minoribus obstrependum.

14. At ille dixit illi: Homo, quis me constituit judicem aut divisorem super vos?

14. \* *At ille dixit illi: Homo, qui per terrena interrumpis aut abruptis divina: nam Homo in Scripturis subinde dicitur non ex natura, sed ex vitio, juxta illud Apostoli: Nonne homines estis, & secundum carnem ambulatis?* Unde Aug. Qui enim pro magno habes istam hæreditatem, quid nisi homo es? Volebant eum avaritiam tollere, quod plusquam hominis est. Quamquam sæpè etiam sit idiotissimus linguæ de aliquo, cujus ignotum nomen est, ut patet ex phrasi Petri infrà cap. 22. v. 58. & 60. \* *Quis me constituit judicem,* controversiarum de rebus terrenis, \* *aut divisorem, hæreditatis?* q. d. Nullus, non quasi non posset defectu potestatis, sed quod non deceret eum, qui propter divina descenderat, terrenis occupari, quæ docebat esse spernenda, ut Ambros. latius. Sed difficultas est, quomodo hæc responsio sit ad rem, cum non esset à Christi officio alienum, homines moneri officii sui de dividenda hæreditate, quod alter petiverat. Videtur itaque plus vel verbo vel animo petivisse, quam hîc exprimitur, ut videlicet, si frater recusaret, Christus ipse divideret, vel ortâ difficultate se judicem aut arbitrum interponeret. De his duobus redarguit importunum interpellatorem; primum verò indirectè præstitit, hoc ipso, quo dixit ad illos:

15. Dixitque ad illos: Videte, & cavete ab omni avaritia: quia non in abundantia cujusquam vita ejus est, ex his quæ possidet.

15. \* *Videte & cavete,* id est, attentè cavete, seu videte, ut caveatis, \* *ab omni avaritia,* id est, immodicâ habendi cupiditate: nam, ut Basil. hom. 6. Avarus est, qui eo, quod satis esse debet, non est contentus: addit autem, *ab omni,* scilicet tam occulta quàm manifesta, tam retinendi cupidè sua, quàm appetendi aliena, ut Aug. exponit serm. 28. de diversis c. 3. Utrumque ergò fratrem simul his verbis sanare voluit Christus: nam si illis obtemperarent, nihil inter se de dividenda hære-

hæreditate contenderent. \* *Quia non in abundantia cuiusquam vita ejus est ex his quæ possidet*, seu ex opibus ejus. Sensus est, Vita hominis non constat ex opibus, quas possidet, cum illæ abundaverint: q. d. Non consistit vita hominis in opum abundantia, quasi quisque quod ditior fuerit, eò diutius vivat, prout exponunt Theophyl. Euthym. & Bonavent. Itaque evertit fundamentum avaritiæ, quæ solet vitæ producendæ præsidia in opum abundantia collocare, cum illa pendeat non ex divitiis, sed ex solo nutu Dei, quod mox declarat sequenti parabolâ: non enim historia, sed parabola videtur, ut vox Græca sonat; sed talis parabola, quæ faciliè reipsâ potest contingere.

16. \* *Hominis divitis uberes fructus ager attulit*: Græcè ἡ χώρα, id est, regio seu latifundium, quo significatur latissima possessio hominis agrum agro copulantis.

16. Dixit autem similitudinem ad illos, dicens: Hominis cuiusdam divitis uberes fructus ager attulit.

17. \* *Et cogitabat intra se, &c. quid faciam*. Verba sunt anxii de divitiis: quarum magnitudine indicat propriam etiam expectationem superatam. Unde Basil. hom. 6. Non ei fructus, sed gemitus terra producit. Similes sunt voces ejus qui cum paupertate luctatur. Ex istis ergo verbis rectè notat, tum maximè anxios fieri divites, cum maximè abundant bonis.

17. & cogitabat intra se dicens: quid faciam, quia non habeo quò congregem fructus meos?

18. \* *Et dixit*, adhibita in consilium non charitate, sed avaritiâ: \* *Destruam horrea mea, vetera, & majora faciam &c.* cum, ut monet Ambr. hom. 6. de Naboth, dicere debuisset, Aperiam horrea, ingrediantur, qui famentolerare non possunt, repleant sinus suos: ut quid ego abscondam, cui Deus facit abundare, quod largiar? \* *Et illuc congregabo omnia, &c.* ut solus meis divitiis incubem, non tam ad usum, quam oblectamentum, sicut avaris proprium.

18. Et dixit: Hoc faciam: Destruam horrea mea, & majora faciam: & illuc congregabo omnia quæ nata sunt mihi, & bona mea,

19. \* *Et dicam anima mee*: cujus vitam in corpore, nunc quasi securus per opes jam in tuto collocatas, prorogandam putabat: \* *Habes multa bona posita*, seu recondita \* *in annos plurimos*; quasi fruendi diuturnitas opum abundantiam sequeretur. Sed illa est cæcitas mentis quâ Deus avaros percutit. Itaque \* *requiesce*, à laboribus, quibus te fatigasti: \* *epulare*, q. d. Hactenus necessitati fecisti satis, nunc indulge genio & voluptatibus. Unde Basiliius, O dementiam, inquit, singularem! si porcinam animam habuisses, quid ei aliud enuntiare potuisses?

19. & dicam animæ meæ: Anima habes multa bona posita in annos plurimos: requiesce, comedere, bibe, epulare.

20. \* *Dixit autem illi Deus*, eo, quo solet, modo, sive per occultos instinctus in conscientia, quæ morbo urgente sibi mortem præfagit, sive per Angelos loquentes. Unde Aug. quæst. 47. in Numeros, hoc exemplo docet, non esse gloriandum homini, si ei loquatur Deus: nam & impiis loquitur, quomodo novit talibus esse loquendum, ut in Balaam patuit: \* *stulte*, in hoc ipso, ubi prudentissimum consilium tibi

20. Dixit autem illi Deus: Stulte, hac nocte animam tuam repetunt à te: quæ autem parasti, cujus erunt?



invenisse videris, inquit Aug. serm. 19. de verbis Apostoli; vel *stulte*, quia futurorum improvide, \* *hac nocte*, quia, ut est apud Job c. 33. quando sopor irruit super homines, & dormiunt in lectulo, tunc instruit hominem disciplina, ut avertat eum ab his, quæ fecit. Per *noctem* autem allegoricè designari tenebras mentis, in quibus erat, notat Greg. l. 11. Moral. c. 11. aliàs 12. \* *Animam tuam repetunt ad te*, id est, anima seu vita tua repetitur à te: est enim idiotissimus linguæ, sicut dicimus *ferunt pro fertur*. Deus interim est, qui reposcit animas per Angelos, sive bonos, sive subinde malos, tamquam executores iudicii sui. Itaque significatur, animam esse non proprii, sed alieni juris, à Deo, non parentibus, datam, & manere post mortem; quod enim repetitur, manet, inquit Ambr. lib. de bono mortis c. 10. itemque ei ad tempus tantum esse commendatam, quam sibi in longum promittebat. \* *Quæ autem parasti cujus erunt?* Certè non tibi, pro quo solo sollicitus videbaris, quia, ut Ambrosius hinc sola virtus comes est defunctorum. Adde, *cujus erunt*, quia ignoras, ut Ecclesiastes ait, qualem sis habiturus hæredem. Porro Deum dicere alicui, *stulte*, est eum tanquam stultum, & regni exclusionem dignum, damnare; ideoque gravissima hæc pœna fuit, ut notat Aug. serm. illo 19. cit.

21. Sic est qui sibi thesaurizat, & non est in Deum dives.

21. *Sic est*, id est, similem sortitur eventum ille, \* *qui sibi thesaurizat*, id est, suis solius usibus & luxui accumulat, & recondit \* *opes, & non est in Deum dives*: Græcè *μή εἰς Θεὸν πλεῖον, non ditescit, in Deum*, id est, non ditescit rebus ad Deum spectantibus, virtutibus scilicet, & in primis misericordiâ in pauperes, quâ divitias suas non recondat, sed dispergat, juxta consilium Apostoli 1. Tim. 6. v. 17. & seqq. talis enim scelerat Deo. Hæc ergo conclusione effecit Christus id, quod postulat ab eo fuerat, tacitè monendo fratrem, ut hæreditatem divideret. Si enim talis manet exitus eos, qui tenaciter servant sua, quid expectent, qui rapaciter detinent aliena; ut notat Aug. Quæ sequuntur usque ad versum 32. de deponenda sollicitudine temporalium, apud Matth. explicata sunt; quibus appositè hinc subjungit:

22. Dixitque ad discipulos suos: Ideo dico vobis: Nolite solliciti esse animæ vestræ quid manducetis, neque corpori quid induamini.

23. Anima plus est quam esca, & corpus plus quam vestimentum.

24. Considerate corvos, quia non seminant neque metunt, quibus non est cellarium neque horreum, & Deus pascit illos. Quanto magis vos pluris estis illis?

25. Quis autem vestrum cogitando potest adjicere ad staturam suam cubitum unum?

26. Si ergo neque quod minimum est potestis, quid de ceteris solliciti estis?

27. Considerate lilia quomodo crescunt: non laborant; neque nent: dico autem vobis, nec Salomon in omni gloria sua vestibatur sicut unum ex istis.

28. Si autem scenum, quod hodie est in agro, & cras in clibanum mittitur, Deus sic vestit: quanto magis vos pusillæ fidei?

29. Et vos nolite querere quid manducetis, aut quid bibatis: & nolite in sublime tolli:

30. hæc enim omnia gentes mundi querunt. Pater autem vester scit quoniam his indigetis.

31. Verumtamen querite primum regnum Dei, & iustitiam ejus: & hæc omnia adjicientur vobis.

32. \* *Nolite timere pusillus grex*, ne scilicet vobis vitæ defint necessaria, si sollicitudinem eorum deponatis. *Pusillum gregem* vocat discipulorum, in quorum persona instruit omnes verè fideles, ac tacitè pastorem eorum se esse indicat: q. d. Nolite timere de temporalibus, quamvis sitis pusillus, mundoque contemptus grex. \* *Quia complacuit Patri vestro dare*, id est, quia gratuita voluntate & benignitate prædestinavit vobis Pater vester, qui non potest filiis non benè velle: \* *regnum calorum*, in quo omnium bonorum thesaurus comprehenditur. Argumentum est à majori ad minus, ut non dubitent se curæ futuros Patri suo, ad habendum victum & vestitum in hoc sæculo, à quo in hæreditatem regni cælorum tam liberaliter gratis adoptati sunt. Itaque cum sciatis tantam ei esse curam vestri, non solum non sitis anxii de adipiscendis temporalibus, sed etiam

32. Nolite timere pusillus grex, quia complacuit patri vestro dare vobis regnum.

33. \* *Vendite quæ possidetis, & date eleemosynam*: partim ut ab eorum sollicitudine liberi discatis pendere à tam benefici Patris providentiâ, & in illo solo, non divitiis fidere; partim ut ita vos bonis operibus adaptetis, ad illud regnum comparandum. Quamvis enim sine meritis regnum illud præpararetur, non tamen sine meritis datur. \* *Facite vobis sacculos*, seu marsupia, \* *qui non veterascunt*, id est, qui nec tempore nec usu deterantur, ut fieri solet, & pecuniæ pereant. Quid autem hoc sit, statim explicat, hoc est, per erogationem pecuniarum in pauperes facite seu reponite vobis \* *thesaurum non deficientem in calis*, quò pervenire & in æternum permanere cupitis. Sic ergo timorem eis tollit, ne pecunias perituras putent, si pauperibus erogaverint, quandoquidem illæ futuræ sunt thesauri inexhausti loco apud Deum. Ex quo & alia utilitas sequitur, quòd, si totus thesaurus noster eo modo collocetur apud Deum, etiam cor & amor noster eodem sequatur, quia, ut addit:

33. Vendite quæ possidetis, & date eleemosynam. Facite vobis sacculos qui non veterascunt, thesaurum non deficientem in calis: quòd fur non apprehendat, neque tinea corrumpat.

34. \* *Ubi est thesaurus vester, ibi & cor vestrum erit*, id est, cura, occupatio, & amor cordis, quia naturaliter quisque studet servando, augendo, fruendoque, quod instar thesauri diligit. Ex qua cordis in cælum translatione sequitur mox cælestium rerum perpetua meditatio, & consequenter liberatio à multis vanitatibus & peccatis, quibus corda in sæculum effunduntur, & ibi cum thesauro sepeliuntur. Ut autem ostenderet, quo mentis habitu & vigilantia ad regnum cælorum erecti esse debeamus, addit:

34. Ubi enim thesaurus vester est, ibi & cor vestrum erit.

35. \* *Sint lumbi vestri præcincti*: per carnis continentiam, inquit Greg. hom. 13. in Evang. lib. 28. Moral. cap. 7. alias 4. & Aug. lib. de continentia cap. 7. rectius serm. 39. de verbis Dom. intelligit continentiam generalem ab omnibus illicitis concupiscentiis: \* &

35. Sint lumbi vestri præcincti, & lucernæ ardentibus vestris,



*Lucerna ardentes in manibus vestris*, id est, bonis operibus fulgeatis. Itaque *lumbos habere praeinctos*, Augustino est declinare à malo; *lucernas tenere*, facere bonum. Sensus videtur magis moralis, quàm literalis: nam si vim phras eos istius ex Scripturis attendamus, praeinatio lumborum est habitus hominis expediti ad iter, seu ad opus ministerii, ut patet infra v. 37. & clariùs c. 17. x. 8. *Præcinge te, & ministra*, aliisque multis locis. Orientales enim olim, sicut & nunc, talaribus utebantur vestibus quas elevatas, & collectas ad lumbos cingebant, ne operantibus essent impedimento. Itaque *sint lumbi vestri praeincti*, id est, sitis expediti, & semper parati ad implendam voluntatem Domini vestri, & ita parati, ut etiam *sint lucerna ardentes in manibus vestris*, ita scilicet, ut nequidem accensione opus sit, cum Dominus vester venerit. Nam simili de causa fatuæ virgines exclusæ sunt. Parabolica igitur locutio est, ab officio bonorum famulorum sumpta, Dominum scilicet suum noctu expectantium, ut sequitur qui eum facibus præcedere solent. Itaque qui per *faces ardentes* intelligunt fidem, vel intentionem bonam, ut Aug. l. 2. quæst. Evang. q. 25. bonum, sed moralem sensum explicant, per quem declaratur modus, quo quis debeat præcingere, & lucernas tenere. Sensum ergò genuinum esse, quem diximus, patet ex sequentibus.

36. & vos similes hominibus expectantibus dominum suum quando revertatur à nuptiis: ut, cum venerit, & pulsaverit, confestim aperiant ei.

36. \* *Et vos similes hominibus expectantibus Dominum*; qui omnia parata tenent, & attentè auscultant, utrum dominus pulset fores. \* *Quando revertatur à nuptiis*, seu convivio nuptiali, quod noctu celebrabatur, ut ex eadem parabola virginum patet, ideoque tunc homines minimè parati esse solent. Per hanc igitur similitudinem indicat Christus adventum suum redeuntis à nuptiis, quæ etiam nunc cum animabus iustis in cælo celebrentur, ad iudicium. Hinc semper erectos animo, & fide, & operibus expectare nos jubet. \* *Ut cum venerit & pulsaverit*, id est, indicia adventus sui dederit, \* *confestim aperiant ei*, id est, promptè & cum gaudio ipsum excipiamus nulla mortis tergiversatione, nullâ interpositâ sui præparandi morâ. Nam quamvis Christus de suo adventu ad generale iudicium loquatur, ut plerumque loqui solet, hoc ipsum tamen contingit unicuique tempore mortis suæ, sicut latius in Matth. diximus. Unde Greg. hom. cit. Pulsat, cum per agnitum molestias mortem esse vicinam designat, cui confestim aperimus, si hunc cum amore suscipimus, de quo ipse latius. Itaque pulchrè S. Cypr. lib. de mortal. Quàm præposterum est, quamque perversum, ut, cum Dei voluntatem fieri postulemus, quando evocat nos, & accersit de hoc mundo, non statim voluntatis ejus imperio pareamus. Obnitimus & reluctamur, & pervicacium

vacuum more servorum ad conspectum domini cum tristitia & mœrore perducimur, exeuntes istinc necessitatis vinculo, non obsequio voluntatis. Et volumus ab eo præmiis cælestibus honorari, ad quem venimus inviti? Hæc ille.

37. \* *Beati servi illi.* Persistit adhuc in eadem metaphora seu parabola, \* *quos cum venerit Dominus*, videlicet Christus eo, quo dictum est, modo, \* *invenerit vigilantes*, seu paratos. \* *Amen dico vobis, quod præcinget se*, in morem ministri, \* *& faciet illos discumbere*, tamquam dominos: \* *& transiens*, id est, ultrò citròque obambulans, ut despiciat, num quid desit, \* *ministrabit illis*, id est, quidquid ad refectiorem, recreationem æternamque felicitatem fecerit, suppediet, instar perhumani patrisfamilias, qui benè cœnatus ex nuptiis rediens famulos officiosos, & dilatâ propter dominum cœnâ incœnatos, vicissim copiosâ cœnâ velut minister exciperet. Quod quamvis carnalibus dominis non sit usitatum, ideò tamen Christus libentius dixit, ut efficacius significaret inusitatum futurum honorem, quem eis exhibebit, quasi dominis, & coheredibus, secum in gloria confidentibus.

37. Beati servi illi, quos cum venerit dominus invenerit vigilantes: amen dico vobis, quod præcinget se, & faciet illos discumbere, & transiens ministrabit illis.

38. \* *Et si venerit in secunda vigilia*, id est, circa noctis medium, quo finitur, \* *& si in tertia vigilia venerit*, quæ post mediam noctem incipit, & singulæ per tres horas durant, ut alibi dictum est. Quartæ vigiliæ, quæ terminatur ortu Solis, & primæ, quæ ab occasu incipit, non meminit, tum quia tantum importunissimum inopinatissimumque tempus adventus seu reditus sui significari voluit; tum quia metaphoræ redeundi à nuptiis non ita congruunt illæ vigiliæ: nec enim tam citò, nec tam serò rediri, sed circa noctis medium nuptiæ solvi solent. Scopus tamen est docere, quod omni ætate, quamdiu hæc vita durat, sit vigilandum. Reliqua usque ad v. 47. vide Matth. 24.

38. Et si venerit in secunda vigilia, & si in tertia vigilia venerit, & ita invenerit, beati sunt servi illi.

39. Hoc autem scitote, quoniam si sciret paterfamilias, qua hora tur veniret, vigilaret utique, & non sineret perfodi domum suam.

- 40. Et vos estote parati: quia qua hora non putatis, Filius hominis veniet.
- 41. Ait autem ei Petrus: Domine, ad nos dicis hanc parabolam, an & ad omnes?
- 42. Dixit autem Dominus: Quis putas, est fidelis dispensator, & prudens, quem constituit Dominus supra familiam suam, ut det illis in tempore critici mensuram?
- 43. Beatus ille servus, quem cum venerit dominus, invenerit ita facientem.
- 44. Verè dico vobis, quoniam supra omnia quæ possidet, constituet illum.
- 45. Quod si dixerit servus ille in corde suo: Moram facit dominus meus venire: & coepit percutere servos & ancillas, & edere, & bibere, & inebriari:
- 46. Veniet dominus servi illius, in die qua non sperat, & hora qua nescit, & dividet eum, partemque ejus cum infidelibus ponet.

47. \* *Ille autem servus, qui cognovit voluntatem Domini sui*, qualis ille, qui constitutus fuerit super familiam: ille enim tamquam habens concredita sibi omnia patrisfamilias secreta, scit, aut scire debet voluptatem ejus. De Episcopis enim futuris sermo est, ut Euthymius notat. \* *Et non præparavit*, id est, nequidem animum suum compo-

47. Ille autem servus, qui cognovit voluntatem Domini sui, & non præparavit, & non fecit secundum voluntatem ejus, vapulabit multis:



fuit, ut voluntatem domini faceret, & proinde etiam \* *non fecit* : *Vapulabit multis* ; gravior est enim cognitæ veritatis & præcepti prævaricatio.

48. qui autem non cognovit, & fecit digna plagis vapulabit paucis. Omnis autem cui multum datum est, multum quæretur ab eo: & cui commendaverunt multum, plus petent ab eo.

48. \* *Qui autem non cognovit*, voluntatem Domini, quales plerumque magis esse solent servi inferiores, & tamen \* *fecit digna plagis*, à Domino scilicet prohibita, quæ ipsius erat noscere, & culpabiliter nescit, \* *vapulabit paucis*, id est, paucioribus, quàm ille, qui novit, vapulabit tamen. Unde Basil. quæst. 267. inter breviores, notat significari discrimen poenæ non in æternitate sed in acerbitate tantum, hoc est utramque æternam fore, unam tamen alterâ mitiorem. Ne verò res suas in tuto positas existimarent, si neque scienter, neque ignoranter prævaricarentur officium, mox addit, etiam de bonis operibus reddendam esse rationem: quod \* *omni, cui multum datum est*, id est, qui multis Dei donis ornatus fuerit, sive illa sit scientia voluntatis Domini, sive aliud quippiam, \* *multum quæretur ab eo*, id est, multum repositur in iudicio, cum Dominus à nuptiis redierit, videlicet rectus usus singulorum, & lucrum ex eis. Unde Greg. hom. 9. in Evang. Cum augentur dona, rationes etiam crescunt donorum. Nam inter homines quoque pluribus affectus beneficiis plus debet gratitudinis. Et *cui commendaverunt multum*, id est, cujus fidei magna functio fuerit concredita, scilicet salutis aliorum procurandæ. Videtur enim hic distingui datum à commendato, ut datum referatur ad donum, quod propriam salutem spectat, commendatum ad alienam. \* *Plus petent ab eo*, quia reddenda erit ei ratio etiam de animabus alienis. Itaque clarè indicat doctorum pastorumque iudicium, ceterorum iudicio non parum gravius & periculosius futurum.

49. Ignem veni mittere in terram, & quid volo nisi ut accendantur?

49. \* *Ignem veni mittere in terram*. Persecutionem quidam recentiores intelligunt; sed certè non rectè dicitur, Christum velle, ut illa accendatur, cum eam tantum permittat. Nec quisquam sanctiùs eam optat in se accendi; nam ut Aug. l. 10. Confess. nemo quod tolerat, amat, tamen tolerare amat. Rectiùs ergò dicitur, *ignem* esse charitatem, prout exponitur apud Ambr. serm. 13. in Psalm 118. & apud Aug. serm. 108. de tempore. Cum quo in idem redit, quod plerique veteres intelligunt Spiritum S. ut Greg. hom. 30. in Evang. & alii, quatenus scilicet non in se, sed in hominum cordibus ardet, & omnes immunditias consumit. \* *Et quid volo*, id est, quid aliud volo, seu quantopere, quàm unicè desidero, \* *ut accendantur*? Ad magis magisque bene orandum, & bene utendum donis Dei. Nam per hanc sententiam Christus declarat suæ voluntatis esse, ne dona & commendata, de quibus versu præcedenti, sint otiosa. Et quia ignis

nis ille incensæ charitatis per Domini Passionem in hominum cordibus maximè accendendus erat, hinc adjicit de sua passione.

50. \* *Baptismo*, sanguinis mei, \* *habeo baptizari*, id est, baptizandus sum seu perfundendus. Ex quibus verbis Baptismus sanguinis in Scholis nomen accepit. \* *Et quomodo coarctor*, id est, angor, seu quantopere pavore, ac mærore contrahor, ad quas angustias redigor? Qui sensus videtur esse ex mente Ambrosii. Alii tamen coarctationem illam intelligunt esse tristitiæ de dilata passione, seu vehementis desiderii ad patiendum: ut sint quasi impatientis amoris verba, cui omnis mora longa est. Sed primus sensus videtur congruentior; nam & verba hoc magis sonant, & similem affectum expressit passioni proximis: *Tristis est anima mea usque ad mortem*. \* *Usque dum*, id est, donec, \* *perficiatur*: quo indicat se non tantum passione imminente, sed toto prædicationis vel vitæ tempore ad passionis mentionem aut recordationem, pavore, (licet voluntario) contractum esse & contremuisse. Unde Joan. 12. factâ passionis mentione per similitudinem grani cadentis in terram, mox exclamavit: *Nunc anima mea turbata est, Pater salvifica me ex hac hora*.

54. \* *Dicebat autem & ad turbas*: nam superiora ad discipulos videntur dicta. \* *Cum videritis nubem orientem ab occasu, statim dicitis nimbus venit, &c.* quia cum ab occasu Judææ sit mare Mediterraneum, si vapores aquei inde surgunt, & in Judæam vento propelluntur, verisimile est, & experienciâ compertum, in aquas brevi resolvendos.

56. \* *Hypocrita faciem cali & terræ nostis probare*, id est, dispositionem eorum explorare, & discernere nostis, ita ut ex hac vel illa cæli constitutione sciatis, quid in terra futurum portendat: facies enim terræ secundum cæli constitutionem modo jam dicto juvari solet. \* *Hoc autem tempus*, hujus præsentis adventus mei & regni cælorum propinquum, \* *quomodo non probatis?* id est, non dijudicatis & agnoscitis esse præsens, cum ejus indicia extent plurima, longè certiora istis, quas dixi, aëris constitutionibus. Sententia ferè similis est Matth. 16. initio, & Sapientiæ 13. v. 9. Sed quia turbæ causari possent, se mysteriorum occultorum ignaros non posse tempora illa discernere, prævenit eas Christus:

57. \* *Quid autem & à vobis ipsis*, id est, ex iis, quæ inter vos juxta prophetias adimplentur, & oculis vestris videtis, \* *non judicatis quod justum est?* id est, Quod æquum est vos judicare, tempus scilicet expectati Messiae jam esse præsens. Ita ferè Tertull. 4. contra Marcionem c. 29. perperam verò verba illa, *ex vobis ipsis*, eo torquentur à Cassiano Col-

50. Baptismo autem habeo baptizari & quomodo coarctor usque dum perficiatur?

51. Putatis quia pacem veni dare in terram? Non, dico vobis, sed separationem:

52. erunt enim & hoc quinque in domo una divisi, tres in duos & duo in tres.

53. dividuntur: pater in filium, & filius in patrem suum, mater in filiam, & filia in matrem, focus in aurum suum, & nurus in focum suum.

54. Dicebat autem & ad turbas: Cum videritis nubem orientem ab occasu, statim dicitis: Nimbis venit: & ita fit.

55. & cum austrum flantem, dicitis: quia aestus erit: & fit.

56. Hypocritæ, faciem cali & terræ nostis probare: hoc autem tempus quomodo non probatis?

57. Quid autem & à vobis ipsis non judicatis quod justum est?

58. Cum autem vadis cum adversario tuo ad principem, in via da operam liberari ab illo, ne forte trahat te ad iudicem, & iudex tradat te exactori, & exactor mittat te in carcerem.

59. Dico tibi, non exies inde, donec etiam novissimum minuat, cum reddas.

lat, cum reddas.



lat. 13. & aliis, quasi Christus significatum vellet, eos id posse agnoscere viribus naturalibus. Tantum enim vult Christus ea, quæ contingebant inter illos, esse sufficientia argumenta externa, ut Judæi jam antea fide imbuti agnoscerent Christum esse aliquid supra hominem, & eum quem expectabant. Argumenta autem externa in credentibus non excludunt gratiam Dei, quâ juvante Judæi in notitiam & fidem Christi devenire potuissent, nisi mala sua voluntate hoc Dei adjutorium repulissent.

## CAPUT DECIMUMTERTIUM.

1. Aderant autem quidam ipso in tempore, nuntiantes illi de Galilæis, quorum sanguinem Pilatus miscuit cum sacrificiis eorum.

1. \* **A**derant autem quidam ipso in tempore, quo Christus ista prædicabat, \* nuntiantes ei, tamquam novum aliquid & recenter gestum. Talia enim nuntiari solent, res olim gestæ commemorari: ut satis hinc patet, falli eos, qui historiam istam xxx. circiter annis antè contigisse putant. \* *De Galilæis*, non tam natione, quam sectâ, ut videtur: nam aliòquî natio Galilæa non suberat Pilato. \* *Quorum sanguinem Pilatus miscuit, &c.* quia eos offerendis sacrificiis occupatos occidit. De nulla hujusmodi Galilæorum clade extat usquam mentio. Unde aliqui putant per Galilæos hîc intelligi Samaritanos, tamquam Galilæis vicinos: nam eorum aliquos Pilatus propè montem Garizin occidit, de quo Josephus 18. Antiquit. cap. 5. & Hegesippus lib. 2. de excidio Jerosolymæ. Multò verisimilius, quod narrat Chrysost. in Catena, & sequuntur Theophyl. Euthym. Titus Bostrensis in hunc locum, fuisse sectatores Judæ Galilæi, qui, teste Hieron. in cap. 3. ad Titum, & Josepho, duraverunt usque ad tempora Christi, & ultrâ. Docebant isti, non esse tributum dandum Cæsari, nec agnoscendum dominum nisi Deum; proinde pro Imperatore, Romanoque imperio non esse sacrificandum. Propter istos vult Hieron. Apostolum scripsisse ad Rom. *Cui tributum, tributum*: & ad Titum, *Admone illos Principibus & potestatibus obedire*, & ad Tim. *Obsecro fieri orationes &c. pro Regibus*. Horum igitur aliquos in sacrificando deprehenso jussit Pilatus velut seditiosos opprimi. An autem hoc contigerit in Galilæa, an potius Jerosolymis, ubi erat sacrificandi locus, ex Scriptura vel aliunde non liquet.

2. Et respondens dixit illis: Putatis, quod hi Galilæi præ omnibus Galilæis peccatores fuerint, quia talia passi sunt?

2. \* *Et respondens dixit*, occasionem captans ex quolibet eventu corrigendi homines: \* *putatis, quod hi Galilæi &c.* more scilicet hominum, qui ex calamitate unius præ alio, statim augurari solent, majorem unius quam alterius esse culpam. Hanc itaque vulgi opinionem corrigit Christus.

3. Non dico vobis: sed nisi poeni-

3. \* *Non, dico vobis*, id est, non propterea Galilæi illi sceleratiores cæteris

cæteris Galilæis fuisse existimandi sunt; *\* sed, hoc dico vobis, \* nisi pœnitentiam habueritis, omnes, sive Judæi sive Galilæi ( intelligit autem multo maximam eorum partem ) \* similiter peribitis :* nempe gladio Cæsaris, morte violentâ in ipsis sacrificiis vestris, propter rebellionem adversus Cæsarem. Nam eo modo multos periisse, & illam fuisse excidii Jerosolymitani originem, narrat Josephus. Sed quia tali modo pauci eorum, qui præsentés aderant, perierunt, rectius dixeris, illud *similiter* non aliud significare, quàm perinde seu æquè, non minùs, quam alii peribitis, sive in hoc sæculo, sive in futuro, quod maximè patet ex versu 5. Neque enim omnes neque multi similiter lapsu turris perierunt; nam pauci à Deo in exemplum terroremque multorum pœnis illis extraordinariis puniri solent.

4. *\* Sicut illi decem & octo, Jerosolymitani, \* supra quos cecidit turris in Siloë :* id est, ad Siloë ædificata. Est autem fons ad radices montis Sion, ut tradit Hieron. in v. 6. c. 8. Isaïæ, itemque aquæ ductus ex eo fonte manans, qui efficit in Jerusalem piscinam seu natatorium Siloë : de qua mentio est Joan. 9. v. 7. & 2. Esdræ c. 3. v. 5. Hic ergo turris ædificata oppresserat lapsu octodecim viros. *\* Putatis ergo, quia & ipsi debitores fuerim, hujusmodi violentæ & intempestivæ mortis, propter peccata scilicet sua \* præter omnes homines, id est, præ omnibus, παρὰ πάντας, sicut eadem phrasis Græca vertitur v. 2. \* Habitantés in Jerusalem ?* Per quod insinuat ibidem, scilicet juxta natatorium Siloë ruinam illam contigisse.

6. *\* Dicebat autem hanc similitudinem, Græcè parabolam : \* Arborem fici habebat quidam, pater familias, qui Deum hoc loco videtur significare ; \* plantatam in vinea sua, id est, agro vitibus consito ; quia ficus sunt vitibus familiares. Aug. serm. 31. de verbis Domini & Greg. in hoc Evang. per Ficum intelligunt genus humanum. Sed genus humanum propter amaritudinem rectius comparatur Sicomoro & Oleastro : nec facile ostendi potest, quænam sit vinea, in qua plantata erit ficus, si ficus est genus humanum. Itaque aptius per Ficum intelligas populum Jerosolymitanum seu Jerusalem, de qua proximè præcesserat ; ut ita vinea Domini Sabaoth sit tota domus Israël, juxta prophetiam Isaïæ c. 5. v. 7. in cujus medio Jerusalem plantata, & ad dulcedinem spiritualium fructuum proferendam per Prophetas & Sacerdotes exculta fuerat, \* & venit, frequenter scilicet, nam Græcè præteritum est, ἦλθε, \* querens fructum in illa, pietatem, justitiam, bona opera ; \* & non invenit, sed folia tantum, solam scilicet externarum cæremôniarum pompam. Quæsit autem non quasi nesciret ficum fructibus carere, sed ut sic ostenderet in figura, quod fructus jam habere deberet, inquit Ambrosius.*

gentiam habuerit, omnes simili er peribitis.

4. Sicut illi decem & octo, supra quos cecidit turris in Siloë, & occidit eos: putatis quia & ipsi debitores fuerint præter omnes homines habitantes in Jerusalem?

5. Non dico vobis: sed si pœnitentiam non egeritis, omnes similiter peribitis.

6. Dicebat autem & hanc similitudinem: Arborem fici habebat quidam plantatam in vinea sua, & venit querens fructum in illa, & non invenit.



7. Dixit autem ad cultorem vineæ : Ecce annus tres sunt ex quo venio quarens fructum in ficulnea hac , & non invenio : succide ergo illam : ut quid etiam terram occupat ?

7. \* *Dixit autem* , Deus scilicet , tamquam paterfamilias , \* *ad cultorem vineæ* , quem Aug. intelligit esse omnem sanctum , quia intercedunt pro peccatoribus : Ambr. Apostolos , Hieron. in c. 3. Habacuc satis commodè Michaëlem & Gabriëlem , quibus Synanogæ fuerat commissa cura : sed opportunius videtur Titus , Euthymius & Theophyl. intelligere Christum Dominum , utpote quem Pater in mundum miserit , ut Judæos , velut vineam suam , & in primis Jerusalem , tamquam ficum , doctrinâ & miraculis excoleret . \* *Ecce anni tres sunt* , quia tertius jam agebatur annus prædicationis Christi , quo toto tempore sterilis ficus permanerat . Rectè itaque tres annos exprimit , quod illi sunt justum tempus expectationis fructuum , respectu ficus , post quos si non ferat , numquam latura & sterilis judicatur . Itaque \* *Succide illam ut quid etiam terram occupat ?* q. d. Ne quidem digna est loco suo , quo plantata est , quia ille , si alia arbore esset confusus , fructus uberes proferre posset : unde Græcè *καταργη* , *terram inertem facit* . Colonus verò respondit :

8. At ille respondens , dixit illi : Domine dimitte illam & hoc anno ulque dum fodiam circa illam , & mittam stercorea :

8. \* *Dimitte illam & hoc anno* , id est , uno adhuc anno : quod Hier. dictum putat tempore passionis Christi jam instantis , quo Jerusalem excidenda fuerat , nisi Christus ei adhuc tempus poenitentiae impetrasset . \* *Usque dum fodiam circa illam , & mittam stercorea* , id est , donec extremam culturam foecundandis arboribus utilem tentavero , quod solet fieri effodiendo humum , ut radix aëri pateat , & humorem colligat , & rursus injecto fimo contegatur . Ista cultura quarto prædicationis anno & sequentibus per Apostolos adhibita fuit , sicut Acta Apostolorum testantur .

9. & siquidem fecerit fructum : sin autem , in futurum succides eam .

10. Erat autem docens in synagoga eorum tabatis .

9. \* *Et siquidem fecerit fructum* . Oratio suspensa est , ut Hier. notat , quâ significare voluit , se iudicium de ficu Domino relinquere . Suppleri autem potest hoc vel simili modo , benè se res habebit seu non erit opus eam succidere : \* *sin autem* , supple nullum fecerit fructum , cum tanta culturæ diligentia , \* *in futurum succides eam* , cum scilicet placuerit . Non enim determinat tempus , quasi urgens Dominum , & statim à quarto anno succidatur ; sed relinquit hoc prudentiæ & longanimitati Domini sui . Unde non nisi post annos circiter quadraginta ficus illa Jerusalem à Deo per Romanos excisa est , cum audita esset vox Angelorum , in templo dicentium . *Migremus hinc* , prout testatur Josephus in libris de bello Judaico .

11. Et ecce mulier , quæ habebat spiritum infirmitatis annis decem & octo : & erat inclinata , nec omnino poterat sursum respicere .

11. \* *Et ecce mulier* , supple aderat , \* *quæ habebat spiritum infirmitatis* , id est , dæmonem , qui efficiebat in ea infirmitatem corporis . Dæmones enim ordinibus sibi congruis distributi sunt , ad inferenda mala , tum corporis , ut patuit Job ; tum animi , unde dicitur *Spiritus fornicationis* ,

tionis, superbia, &c. sicut Angeli boni ad præstanda bona. Porro genus infirmitatis erat, quod esset \* *inclinata nec omnino poterat sursum respicere*, hoc est, erat toto corpore & vultu in terram curvata, ita ut non posset dorsum & cervicem, & consequenter faciem atque oculos in cælum erigere, idque \* *annis decem & octo*. Quo insinuat, inveteratam fuisse & à medicis desperatam infirmitatem. Non rectè autem putant quidam hinc magicam intervenisse incantationem: nam ut Tertull. docet in Apologetico c. 23. potestas dæmoniaca totis viribus etiam per se studet operari, quod per magos operatur.

12. \* *Quam cum videret Jesus, vocavit ad se*, ut voluntatem ejus beneficio præveniret, cum plerumque non nisi rogatus sanaret; \* & ait: *Mulier, dimissa es ab infirmitate tua*. Græcè ἀπολῦσαι, soluta es: eadem metaphorâ, quâ v. 19. dicitur satanas eam infirmitate quasi vinculis quibusdam deorsum ligasse. Porro *dimissa es* idem est quod *dimitteris*, seu liberaris, per hunc ipsum scilicet sermonem, qui operatorius fuit, utpote faciens cælesti potestate id, quod significabat.

13. \* *Et imposuit illi manus*, hoc scilicet dicendo; simul enim fieri poterant, quæ non simul narrari. \* *Et confestim erecta est*, id est, naturalem corporis habitum recepit, contactu simul & verbis absolutis: quæ operabantur quidem cum essent, sed tamen effectum suum exprimunt in factum esse, non in fieri, eo quod eis absolutis simul extaret. Allegoricè explicat istam erectionem Aug. ep. 156. & Ambr. ferm. 8. in Psalm. 118. quod Christus vinculis peccatorum in terrena curvatos erigat ad cælestia. Itaque

14. \* *Archisynagogus*, seu synagogæ præfectus, \* *indignans, quia sabbatho curasser*. Vera indignationis causa erat invidia gloriæ Christi, ut observat Cyrill. in Catena, sed ei prætexit sollicitudinem religionis. Quare veritus Christum ipsum reprehendere, quasi fungens officio suo, dicebat turbæ: \* *sex dies sunt, &c. q. d.* Non vobis invideo beneficium sanitatis, sed sabbatho dari non potest, ideoque nec peti, quia consentitis legis transgressioni. Christus autem larvam tali doctori detrahens, dixit ad illum, etiam reliquis consentientibus:

15. \* *Hypocrita*, quia invidiam vestram religione palliantes, aliud corde premitis, aliud verbo præfertis, \* *unusquisque vestrum sabbatho non solvit*, pro usitato scilicet & vulgato inter vos more *Bovem aut asinum*, animal ignavum, nec homini comparandum; \* *ducit adquare?* Quod longè majoris operæ, quam verbo, aut manus contactu sanare. Ex quo patet Synagogam tunc tenuisse, quod operibus, quæ spectarent ad vitam sanitatemque tuendam, non solum hominum, sed & brutorum, non violaretur sabbathum.

12. Quam cum videret Jesus, vocavit eam ad se, & ait illi: Mulier, dimissa es ab infirmitate tua.

13. Et imposuit illi manus, & confestim erecta est, & glorificabat Deum.

14. Respondens autem archisynagogus, indignans quia sabbatho curasset Jesus, dicebat turbæ: Sex dies sunt, in quibus oportet operari: in his ergo venite, & curamini, & non in die sabbati.

15. Respondens autem ad illum Dominus dixit: Hypocritæ, unusquisque vestrum sabbatho non solvit bovem suum aut asinum à præsepio, & ducit adquare?



16. Hanc autem  
filiam Abraham,  
quam alligavit  
satanas, ecce de-  
cem & octo an-  
nis, non oportuit  
solvi à vinculo  
istò die sabbati?

16. \* *Hanc autem filiam Abraham*; quo dignitatis epitheto magis lu-  
culentè eam opponit vilibus illis & stupidissimis animalibus, \* *quam*  
*alligavit satanas*, tam miserabilis infirmitatis vinculo, idque tot an-  
nos, \* *non oportuit solvi, &c.* cum opus, quòd Lex permittit fieri omni  
animæ, non denegat animæ humanæ, inquit Tertull. 4. contra Mar-  
cionem c. 30. Spirant singula Christi verba rei indignitatem, quod  
sanationem hominis, pecoris curæ postponerent, argumento quasi à  
minore ad majus, propter cujus evidentiam

17. Et cum hæc  
diceret, erubesc-  
bant omnes  
adversarii ejus:  
& omnis popu-  
lus gaudebat in  
universis, quæ  
gloriosè fiebant  
ab eo.

17. \* *Cum hæc diceret, erubescbant omnes adversarii ejus*, tamquam  
derisione digni, quorum improbitas simul & imperitia patebant po-  
pulo; qui \* *gaudebat in universis, quæ gloriosè fiebant ab eo*: non cum  
ostentatione scilicet & jactantiâ, sed publicâ approbatione & præ-  
dicatione. Nam eò magis diligebant gloriam Christi, atque operum  
ejus, ut fieri solet, quò luculentius constabat eam non affectari.

18. Dicebat ergo: Cui simile est regnum Dei, & cui simile æstimabo illud?

19. Simile est grano sinapis, quod acceptum homo misit in hortum suum, & crevit, & factum est in arborem  
magnam: & volucres cæli requieverunt in ramis ejus.

20. Et iterum dixit: Cui simile æstimabo regnum Dei?

21. Simile est fermento, quod acceptum mulier abscondit in farinæ sata tria, donec fermentaretur totum.

22. Et ibat per civitates & castella, docens, & iter faciens in Jerusalem.

23. Ait per-  
illi quidam: Do-  
mine, si pauci  
sunt, qui salvan-  
tur? Ipse autem  
dixit ad illos:

23. \* *Ait quidam: si pauci sunt*, id est, num pauci sunt, \* *qui sal-  
vantur?* Quemadmodum scilicet ex doctrina observatu satis difficili  
videtur sequi. Ad quam quæstionem ita respondet Dominus, ut &  
causam aperiat, cur pauci salventur, & simul hortetur, ut salventur  
multi, dum dicit:

24. Contendite  
intrare per angus-  
tam portam:  
quia multi, dico  
vobis, quarent  
intrare, & non  
poterunt.

24. \* *Contendite intrare*, in regnum scilicet cælorum, \* *per angus-  
tam portam*, viam virtutis: quâ de re plura diximus Matth. 7. v. 13. &  
14. \* *Quia multi quarent intrare*, id est, summo desiderio nitentur in-  
trare, ut salvi sint, viâ videlicet jam absolutâ: \* *& non poterunt*, quia  
totâ viâ aberraverunt. Putaverunt enim se non per angustam por-  
tam, sed per spatiosas vias, quæ perditionis erant, deliciando eò posse  
pertingere.

25. Cum enim  
intraverit pater-  
familias, & clau-  
serit ostium, in-  
cipietis foris sta-  
re, & pulsare  
ostium, dicentes:  
Domine, aperi  
nobis: & respon-  
dens dicit vobis:  
Nescio vos unde  
sitis:

25. \* *Cum autem intraverit paterfamilias*, in regni sui possessio-  
nem, unâ cum prudentibus virginibus, quæ per angustam portam in-  
trando, eum secutæ fuerant, nam ad illam parabolam alludere vi-  
detur: \* *& clausit ostium*, ita ut nemini ampliùs pateat ingres-  
sus, vel ingrediendi spes, \* *incipietis foris stare*, vos videlicet Israë-  
litæ, seu vestrûm plurimi, \* *& pulsare ostium*, hoc est, ut Beda, à beato-  
rum sorte secreti incipietis misericordiam, quam neglexeratis, frustra  
flagitare, dicentes: \* *Domine aperi nobis*; non quòd illa ad litteram sic  
dicenda sint, vel agenda, sed magnitudo desiderii salutis exprimitur,  
simulque præsumptio de pristina familiaritate, quam cum patrefa-  
milias

millias habuerant in hac vita, cum eo scilicet conversando, vel etiam fidem, religionem, cultum ejus inaniter profitendo. \* *Unde ille respondens dicit vobis: Nescio unde sitis, quia non estis ex Deo, nec eâ; quam straveram, viâ ad me venistis. Vide dicta Matthæi cap. 7. v. 23.*

26. \* *Tunc incipietis dicere, id est, cum admiratione apud vos cogitabitis; quomodo ego non agnoscam vos, cum fuerim inter vos tam familiariter conversatus? Signa enim notitiæ meæ proferetis: \* manducavimus coram te, & bibimus, cum scilicet multa simul millia panibus tuis miraculosè refectioni fuimus, tecum vel te præsentem in eadem urbe, in eadem subinde domo, conversati sumus, simul edendo, bibendo, & ad prandium invitando: nam ad Judæos propriè hæc videntur dici. \* Et in plateis nostris docuisti, nobis proinde præsentibus tamquam discipulis tuis notissimis, cujus doctrinam memoriâ retentam etiam recitare possemus: quasi dicerent, Quomodo dicis, te non novisse nos, unde simus, cum tecum fuerint omnia tam profana quàm sacra communia? Reliqua usque ad v. 31. vide dicta diversis locis in Matthæum.*

31. \* *In ipsa die, quâ hæc postrema jam dicta concio contigit, dixerunt ei \* quidam Phariseorum: Exi & vade hinc. Ex Jerosolymis, inquit Aug. lib. 6. cont. Jul. c. 19. putans hæc Jerosolymis esse dicta; sed quia pro ratione subjungunt, \* quia Herodes te vult occidere, qui nullam habebat jurisdictionem in Jerusalem, rectius videtur idem Aug. tradere lib. 2. de consensu c. 75. hæc alibi quàm Jerusalem contigisse, scilicet in ditione Herodis, sive Galilæa sive potiùs Peræa, quæ ultra Jordanem erat. Putant autem non pauci Phariseos specie benevolentia erga Christum hoc mendacium ei obtruisse, sed reverà ut terrore Herodis à se discederet, & in Judæam transiens ibi occideretur. Probabile hoc fit, quia Herodes numquam legitur Christum persecutus, ne quidem in Passione, sed quia Christus alibi quoque, cum audisset, quòd Joannes esset traditus, secessisse legitur ex Herodis ditione; & quia Phariseis istis ita respondet, quasi veritatem, non calumniam ei dixerint; verisimile est, Herodem saltem tunc temporis mortem ejus quæsisse, & Phariseos invidiâ gloriæ Christi eum à se amotum voluisse. Respondet igitur:*

32. \* *Ite & dicite vulpi illi. Vulpes animal dolosum ac timidum est, ut Aug. in Psalm. 62. ubi propterea hoc nomine Reges impios in Scripturis subinde vocari notat. Unde in Psalm. 88. exponit hoc de Herode, quia vaser ac timidus erat, instar vulpis, quem terrebatur virtus aliena. Addit Beda de natura vulpis, odore esse tetro, putidum animal, semper tortuosis anfractibus ambulans; quod in Herodem &*

26. tunc incipietis dicere: Manducavimus coram te, & bibimus, & in plateis nostris docuisti. 27. Et dicit vobis: Nescio vos unde sitis: discendite à me omnes operarii iniquitatis.

28. Ibi erit fletus, & stridor dentium: cum videritis Abraham, & Isaac, & Jacob, & omnes Prophetas in regno Dei, vos autem expelli foras.

29. Et venient ab Oriente, & Occidente, & Aquilone, & Austro, & accumbent in regno Dei.

30. Et ecce sunt novissimi qui erunt primi, & sunt primi qui erunt novissimi.

31. In ipsa die accesserunt quidam Phariseorum, dicentes illi: Exi, vade hinc: quia Herodes vult te occidere.

32. Et ait illis: Ite, & dicite vulpi illi: Ecce ejicio demonia, & sanitates perficio hodie & cras, & tertiam diem consummabo.



similes Reges, optimè quadrat. Jesus ergo velut Leo de tribu Juda intrepidus in argumentum authoritatis suæ ei renuntiari jubet: \* *Ecce, quidquid vos vel Herodes moliamini, aut cogitetis, ego neminem timens, vitamque & mortem meam habens in mea potestate, \* ejicio damonia, & sanitates perficio*, id est, pergam in opere beneficentiæ, quod suscepi: præsentia enim ponuntur pro futuris. \* *Hodie & cras*, id est, exiguo adhuc tempore, \* *& tertiâ die consummor*, id est, brevi autem postea per mortem consummandus sum. Mors enim Christi consummatio etiam à S. Paulo vocatur ad Heb. 5. v. 9. sive quòd in illa omnia consummaverit, omnibusque sui officii partibus perfunctus fuerit, juxta quòd ipse dixit: *Consummatum est*; sive quòd per eam ipse perfectè in gloria consummatus fuerit. Sensem istum tradit Theophyl. & Euthymius velut genuinum. Aug. verò lib. 2. de consensu cap. 75. & lib. 6. contra Julian. cap. 19. & aliis locis hæc vult intelligenda esse de Christi corpore, id est, de Ecclesia, ut significet, neminem impediri posse, quin in Ecclesia *damonia ejiciantur*, id est, peccata remittantur, & *perficiantur sanitates*, id est, quotidianâ spiritûs renovatione perficiantur, donec *tertiâ die fiat consummatio*, id est, donec ad plenitudinem Angelicam per corporis etiam immortalitatem perducatur. Sed figurata & mystica videtur hæc expositio, sicut & Aug. eam vocat loco cit. de consensu: quamvis ipse eam putet primò intentam, & maximè litteralem. Sed sic nihil hæc verba spectarent ad id, quod de Herode Pharisei dixerant, neque cohærent cum sequentibus.

33. Verumtamen oportet me hodie & cras & sequenti die ambulare: quia non capit prophetam perire extra Jerusalem.

34. Jerusalem, Jerusalem, quæ occidis Prophetas, & lapidas eos, qui mittuntur ad te, quoties volui congregare filios tuos, quemadmodum avis nidum suum sub pennis, & nolueris?

35. Ecce relinquitur vobis domus vestra deserta. Dico autem vobis, quia non videbitis me, donec veniat cum

33. \* *Verumtamen oportet me hodie, & cras, & sequenti die ambulare*: q. d. Quamvis mihi supersit tam breve tempus, tamen non obstantibus cujusvis hominis insidiis aut minis, oportet me, juxta divinæ providentiæ dispositionem, toto illo tempore non hîc hære, multò minùs mori, sed adhuc per diversa loca proficisci, & in Jerusalem pertingere. Itaque idem omninò tempus hoc versu significat, quòd præcedenti; hoc tamen discrimine; quòd in priore versu significet se tertiâ die moriturum, hîc verò se usque ad tempus consummationis mortis functurum esse officio prædicandi, sanandi, &c. Nam, ut diximus, illud tempus tertiæ seu sequentis diei non consistit in indivisibili, seu uno solum die. \* *Quia non capit*, Græcè *οὐκ ἐνδέχεται*, non contingit seu fieri non potest, spectato scilicet modo agendi hujus populi, itemque divinæ providentiæ \* *Prophetam*, id est, quemcumque Prophetarum; nam generalem esse sermonem ex sequente versu patet, \* *perire extra Jerusalem*. Non quòd nulli extra Jerusalem interfecti fuerint, sed hyperbolicâ & usitatâ locutione significatum voluit,

luit, civitatem istam, in qua residerent Principes, Sacerdotes, Scribæ, Pharisei, monitionum impatientes, quia sapientes in oculis suis, eò malitiæ pervenisse, ut neces Prophetarum aliis urbibus præiperet, solaque capax esset tanti sceleris, quantum in nece Sancti Sanctorum perpetrandum erat.

## CAPUT DECIMUMQUARTUM.

1. \* **C**um intraret *Iesus*, invitatus scilicet ad prandium, ut patet ex v. 7. & 12. \* *Sabbatho manducare panem*, id est, ut cibum sumeret, Hebraicâ phrasi. Judæis autem usitatum erat, in sabbathis ac festis convivium celebrare, propter lætitiâ ac celebritatem diei, ut colligitur Tobie 2. v. 9. Quod primos Christianos ad se traxisse, excluso excessu, indicare videtur Tertull. lib. de idololatria cap. 14. \* *Et ipsi observabant eum*, Legisperiti scilicet & Pharisei, de quibus sequitur, utpote attenti in omnia, quæ agebat. Itaque occasione præsentis hydropici.

dicetis: Benedictus, qui venit in nomine Domini.

1. Et factum est cum intraret Iesus in domum cuiusdam Principis Phariseorum sabbato manducare panem, & ipsi observabant eum.

2. Et ecce homo quidam hydropicus erat ante illum.

3. \* *Respondens Iesus*, id est, loqui exorsus, Hebraico loquendi modo, quem alibi notavimus, \* *dixit*; per pleonasmum in Scriptura frequentem: \* *Si licet*, id est, an licet, \* *sabbatho curare*? Ut, quod ipse noverat licere, bonâ eorum pace faceret, vel certè errorem corrigeret.

3. Et respondens Iesus dixit ad Legisperitos, & Phariseos, dicens: Si licet sabbato curare?

4. \* *At illi tacuerunt*, quasi ad quæstionem perplexam: invidia enim securitæ gloriæ Christi non sinebat eos verum dicere, neque pudor & reprehensionis timor, falsum. \* *Ipsè verò apprehensum*, id est, cum eum apprehendisset manu, quasi ipsâ manus impositione curaturus, \* *sanavit eum*, aquâ subito exhaustâ, & tumore depresso, \* *ac dimisit*, in testimonium restitutæ sanitatis, ac declinatæ ostentationis.

4. At illi tacuerunt. Ipse verò apprehensum sanavit eum, ac dimisit.

5. \* *Et respondens*, id est, cum illo loqui pergens, siquidem nihil adhuc dixerat: vide versum 3. \* *dixit: Cujus vestrum asinus, &c.* & non continuò absque mora, absque conscientie scrupulo, absque publica reprehensione vel ejus metu, \* *extrahet illum*, magno scilicet labore & molestiis? Argumentum est à minori ad majus, à liberatione scilicet bovis & asini ad liberationem hominis; ab opere tam molesto cupiditatis ad opus facillimum charitatis. Relinquit autem ipsis conclusionem inferendam, tamquam perspicuam. Nam propter argumenti evidentiam,

5. Et respondens ad illos dixit: Cujus vestrum asinus, &c. & non continuò extrahet illum die sabbati?

6. \* *Non poterant ad hæc respondere*: atque ita tacuerunt, non tam approbatione veritatis, quàm pudore tuendæ veritatis. Sanato itaque morbo corporali, antequam accumberent mensæ, mox pergit ad sanandum spiritualement, scilicet ambitionem, quâ maximè Pharisei laborabant. Hoc igitur scopo,

6. Et non poterant ad hæc respondere illi,



7. Dicebat autem & ad invitatos parabolam, intendens quomodo primum os accubitus eligerent dicens ad illos :

7. \* *Dicebat ad invitatos parabolam* : ut sub similitudine , à ritu conviviali sumptâ , doceret , humilitatem ubique esse servandam , ut patet ex conclusione v. 11. nam hoc præcipue spectabat in hac parabola Christus. \* *Intendens quomodo &c.* id est , attendens seu considerans ; designabat enim non finem , sed occasionem hujus doctrinæ , quâ concertationes de primatu sanare volebat.

8. Cum invitatus fueris ad nuptias , non discumbas in primo loco , ne forte honoratiores te sit invitatus ab illo :

8. 9. & 10. \* *Cum invitatus fueris ad nuptias* , id est , convivium nuptiale , ut eo quasi de alio convivii genere loquente minùs offenderentur , & sine animi molestia ipsimet doctrinam ejus ad præsens convivium extenderent. \* *Non discumbas in primo loco* , id est , non te ingeras in locum honoratorem , sive primus ille sit , sive medius ; sed *recumbe in novissimo loco* , id est , quàm potes humillimum eligas , quantum in te est , licet tibi primo dignus videaris. \* *Ut , cum venerit* , id est , ex quo fiet , ut , cum venerit ( non enim significat finem ; qui sub fraudulenta humilitate vitium ambitionis tegeret , sed eventum : )

9. & veniens is , qui te & illum vocavit , & dicat tibi : Da huic locum : & tunc incipias cum robore novissimum locum tenere.

\* *qui te invitavit* , cujus est loca hospitibus assignare ex honestate & consuetudine. Rectè autem monet D. Basil. in Catena citatus non minùs vitium esse , pertinaciter contendere de ultimo loco , quàm de primo , sed per se appetendum esse id quod Christus hic monet , nobisque decorum est ; ordinis tamen constitutionem alterius arbitrio relinquendam. \* *Dicat tibi , Amice , ascende superius* , cui planè similis parabola narratur proverb. 25. v. 6. & 7. \* *Tunc erit tibi gloria* , vera scilicet , quæ ab aliis datur , non ambitur.

10. sed cum vocatus fueris , vade , recumbe in novissimo loco : ut cum venerit qui te invitavit , dicat tibi : Amice , ascende superius. Tunc erit tibi gloria coram simul discumbentibus :

11. \* *Quia omnis* , in quocumque genere actionum , etiam civilium , *qui se exultat* , suprà quàm meretur , imò etiam juxta quod meretur , si exaltationem illam impatienter per se arripere , non ab aliis sibi deferri velit : \* *humiliabitur* , propter ambitionis suæ impatientiam , non ferentem exaltationis moras : \* & *qui se humiliat* , *exaltabitur* . Talis enim retributio non solum divino , sed & humano judicio conveniens videtur , & justa , ut propterea in omni genere hominum & actionum hæc sententia Domini habere locum debeat. Unde Bern. serm. 17. in Cant. applicat rebus spiritualibus , rectissimèque monet , quòd , si liquiddè cognosceremus , in quonam statu unumquemque nostrum haberet Deus , nec suprà nec infrà secedere deberemus , sed in omnibus acquiescere veritati. Nunc autem quia hoc occultum est , justius ac tutius fuerit , juxta ipsius veritatis consilium , minorem se reputare , quàm habeat occulta veritas : nam grande periculum , si quis vel modicè se amplius extollat. Hæc Dominus , instruens invitatos : nunc ad invitantem.

11. quia omnis qui se exultat , humiliabitur : & qui se humiliat , exaltabitur.

12. Dicebat autem & ei , qui se invitaverat : Cum

12. \* *Cum facis prandium , &c. Noli vocare amicos , &c. divites. Re-* feren-

ferendum hoc est , ad omnes præcedentes : q. d. Noli vocare divites , qui tibi sint vel amici , vel fratres , vel cognati , vel vicini. Nec tamen etiam simpliciter tales divites vocare prohibet , sed tantum sub conditione , si quis velit convivium suum quàm fructuosissimè collocare : dissuadet enim potius quàm prohibeat. Causa est , \* *ne forte te & ipsi reinvent* , id est , Ne fortè hoc spectes , aut eo contentus sis ; affectus enim talis magis quàm effectus excluditur. Nam hospitem esse remuneraturis ; affectus avaritiæ est , inquit Ambr. quo sensu etiam præceptum esse potest.

facis prandium , aut cenam , noli vocare amicos tuos , neque fratres tuos , neque cognatos , neque vicinos divites : ne forte te & ipsi reinvent , & fiat tibi retributio.

13. \* *Sed voca pauperes*. Refer & ad hoc omnia tria sequentia ; nam alioqui possent esse debiles , claudi , & cæci divites , qui præcedenti versu exclusi sunt. Et ne quis vereretur perituras sibi impensas , quia non possunt par retribuere , ex hoc ipso docet crescere hominis felicitatem.

13. sed cum facis convivium , voca pauperes , debiles , claudos , & cecos :

14. \* *Retribuetur enim tibi in resurrectione iustorum* , id est , loco pauperum habebis Deum , numquam obliviscentem debitorem , ut Chrysost. qui longè excellentius rependet epulum , de quo supra c. 12. v. 37. & infra c. 22. v. 30. Hanc Domini exhortationem aliquæ ex parte implent , qui sumptus convivii reliquos in pauperes distribuunt , si opportunum non fuerit adhibere mensæ : quamquam sine dubio plenior ipsa esset hospitalitas , & admonitioni Christi conformior. Porro quia & pauperes malè vel indifferenti sine invitari possunt , & divites bono , ut concordiae fovendæ causâ & similibus , Dominus censendus est doctrinam de invitatione tradere , quemadmodum ut plurimum fieri solet , affectu scilicet vel retributionis , vel amicitiae carnalis , vel aliis indifferentibus causis.

14. & beatus eris quia non habent retribuere tibi : retribuetur enim tibi in resurrectione iustum.

15. \* *Hæc cum audisset quidam* , præcipuè quod dixerat de retributione exhibiti convivii , erupit in hanc vocem : \* *Beatus qui manducabit panem* , id est , cibum sumet , seu fruetur convivio , \* *in regno Dei* , quod mox à resurrectione iustorum futurum iudicabat. Christus autem confirmat quidem beatos fore , quos ille dixerat , sed simul assignat causam , cur plerique Judæorum , secus quàm putabant , extra numerum & sortem illorum futuri sint. Itaque dixit ei per parabolam seu similitudinem.

15. Hæc cum audisset quidam de simul discumbentibus , dixit illi : Beatus , qui manducabit panem in regno Dei.

16. \* *Homo quidam fecit cenam magnam*. Homo iste Deum hominum amatorem significat ; *cena* ineffabilem æternæ beatitudinis fructuonem , quia mentes hominum suavissimâ Dei contemplatione satiabit : quæ *cena* , potius quàm *prandium* dicitur , quia in fine vitæ mortalis tamquam diei ita exhibenda est , ut eam nulla alia refectio sit secutura , & ei quies æterna velut nocturna conjungenda sit , ut Greg. hom. 36.

16. At ipse dixit ei : Homo quidam fecit cenam magnam , & vocavit multos ,



in Evang. & Tertull. 4. contra Marcionem cap. 21. Alia igitur est cœna ista, aliud prandium, de quo Matth. 22. ut ibi dictum est. \* *Et vocavit multos*, universum videlicet Judæorum populum, cui cœlestem beatitudinem in figuris per Prophetas proposuerat, eumque à longè per legis prædicationem & observationem præparaverat talem qualem.

17. Et misit servum suum horum cœnæ dicere invitatis ut venirent, quia jam parata sunt omnia.

17. \* *Et misit servum suum*. Gregorius intelligit totum ordinem prædicantium regnum cælorum; quamquam aptius intelligi posset ipse Christus Dominus, quia singulariter servus vocatur, prout sentit Cyril. in Catena & Theophyl. vel certè Christus cum Apostolis suis, per quos prædicatio Judæis facta est. \* *Hora cœnæ*, quâ jam mox accumbere licebat mensæ, quia jamjam in ascensione Christi propalatâ Sanctorum viâ aperiendum erat regnum cælorum. \* *Dicere invitatis ut venirent*, id est, per fidem & Evangelii receptionem, ad regni cœlestis gaudia post mortem adeunda præpararent. \* *Quia parata sunt omnia*. Pretium scilicet sanguinis persolutum, ipse introitus reſeratus, ita ut nihil restet ad participationem ejus accipiendam, nisi tantummodò, ut fide vitæque bonitate venire velint.

18. Et cœperunt simul omnes excusare. Primus dixit ei: Villam emi, & necesse habeo exire, & videre illam: rogo te habe me excusatum.

18. \* *Et cœperunt simul omnes*, quasi ex condicito & communi pacto, \* *excusare*, persuasi se justis occupationibus detineri: sed excusatio est partim frivola, quia nihil ponderis habet ad rem tantam recusandam; partim nihil ad rem, quia vocatio spectabat bonum vocatorum, non vocantis. In quo errore olim fuerunt Judæi, putantes oblationes suas prodesse Deo, quòd refutatur Psalm. 19. v. 9. & seqq. \* *Primus dixit ei: Villam emi*, Græcè agrum, sed intellige cum domo conjuncta, \* *rogo te habe me excusatum*. Humilitas scilicet sonat in voce, sed superbia in actione, dum dicit, Rogo te, & tamen venire contemnit, ut notat Greg. hom. 39. in Evangelia.

19. Et alter dixit: Jura boum emi quinque, & eo probare illa: rogo te habe me excusatum.

19. \* *Alter dixit: Jura seu paria*, \* *boum emi quinque* & eo probare illa, utrùm idonea sint ad labores trahendi currus & aratra. Porro triplex illa classis se excusantium triplex hominum genus designat, virorum scilicet proborum judicio hujus mundi (nam de apertè sceleratis nullus hic sermo est) qui humanis negotiis ac per se licitis immerſi, à cœlesti convivio revocantur. Et quamvis plerique recentiores non malè per duo prima genera intelligant eos, qui divitiis rerum, sive immobilium, quales agri & villæ sunt, sive mobilium, ut boum &c. implicati sunt, per tertium verò carnalibus voluptatibus deditos: antiquiores tamen, Aug. serm. 33. de verb. Domini, Prosper 3. parte Promiss. c. 39. Greg. hom. cit. intelligunt illa tria, quæ testatur Apostolus Joannes esse in mundo, concupiscentiam carnis, concupiscentiam oculorum, & superbiam vitæ. Docent enim per villam

significari terrenarum rerum amplas possessiones, sive secundum se, ut significetur juxta Greg. sola avaritia, sive quatenus per illas, homines hominibus præcellere ac dominari volunt, hoc est, superbiam vitæ; nam, ut Aug. sæpè repetit, proprius vermis divitiarum est superbia: per *juga boum quinque*, corporis sensus, hoc est, concupiscentiam oculorum seu curiositatem, inquietissimum malum, quia relictis internis exteriora scrutantur & explorant; unde rectè in parabola dicitur *eo probare*, id est, explorare illa: per *uxorem* concupiscentiam carnis, quæ cum impotentissimè in homine dominetur, & animum prorsus obruat, iste tertius per istam animi impotentiam expers omnis civilitatis, quâ dixerant, *rogo te, &c.* absolute dicit 20. \* *non possum venire.* Quod etiam propter maximas conjugii distractiones, seu (ut Apostolus loquitur) carnis tribulationes significandas dictum esse potuit.

20. Et alius dixit: Uxorem duxi, & ideo non possum venire.

21. \* *Et reversus servus nuntiavit hæc Domino.* Quod additur propter parabolæ consequentiam, non quasi Deus hæc ignoraret. \* *Tunc iratus paterfamilias*, quod & cœna luculenta, & humanitas invitantis tam abjectis occupationibus postponeretur, \* *dixit servo suo*, eidem Christo Domino: *Exi citò*, quasi diceret, tempus tuæ prædicationis breve est. Priusquam igitur te occupet mors, festina egredere \* *in plateas*, spatiosas scilicet vias, \* *& vicos*, vias angustiores, ædibus utrimque septas, \* *civitatis*, nempe ejusdem Jerusalem seu Judææ. Nam, ut notat Tertull. 4. contra Marcionem cap. 31. & Aug. lib. 2. quæst. Evang. q. 30. & Greg. per hæc verba significatur adhuc gentem Judaicam adduci debere, quia Christus non fuit per prædicationem suam minister nisi solius circumcisionis. Sed hoc discrimen est inter hos vocatos, & præcedentes, quod primi erant ditiores, & primores Judæorum, Scribæ & Pharisei, &c. quibus recusantibus, in locum eorum introduci jubet idiotas, dum dicit: \* *Pauperes ac debiles, & cæcos, & claudos introduc huc*; id est, plebem imperitam, & per peccata manifesta humiliorem: q. d. Quoscumque miseros in plateis & vicis obvios habueris, etiam publicanos & peccatores introduc. Ubi respectus habetur ad humanum morem, quo honoratiores primò invitantur: nam alioqui à Christo simul vocati fuerant; sic tamen, ut Scribas & Phariseos, tamquam divinis functionibus propinquiore & instructiores, præ cæteris venire debuissent insinuetur.

21. Et reversus servus nuntiavit hæc domino suo. Tunc iratus paterfamilias, dixit servo suo: Exi citò in plateas & vicos civitatis: & pauperes, ac debiles, & cæcos, & claudos introduce huc.

22. \* *Et ait servus: Factum est ut imperasti*, id est, pauperes, ex Israël introducti sunt. Nam quamvis non omnes venerint, longè tamen plures quam ex primoribus. \* *Et adhuc locus est*, hoc est, numerus electorum nondum ex solo Israël impletus, dicente Baruch: *O Israël quam*

22. Et ait servus: Domine, factum est ut imperasti, & adhuc locus est.



*magna est domus Dei, & quam ingens locus possessionis ejus. Itaque cum Deo Patri valdè exiguum videretur, tot Christi laboribus non nisi fœces Judæorum, hoc est, pauperes, debiles, &c. retribuere, juxta illam præclaram prophetiam Isaïæ 49. v. 6. Parum est, ut sis mihi servus ad suscitandas tribus Jacob, & fœces Israël convertendas; hinc ait Dominus servo:*

23. Et ait Dominus servo: Exi in vias, & sepes: & compelle intrare, ut impleatur domus mea.

23. \* *Exi in vias, &c.* scilicet extra civitatem ad Gentiles, Isaia verbis ante citatis subjungente: *Ecce dedi te in lucem Gentium, ut sis salus mea usque ad extremum terra.* Non addit hîc, *Exi cito*, quia Gentilium adductio non erat Christo adhuc vivente implenda, & proindè non opus tantâ festinatione. Itaque per Apostolos ac discipulos tuos, *exi in vias*, id est, ad eos, qui certis limitibus quasi muris civitatis, sicut Judæi terminis terræ Chanaan, non sunt conclusi, & præcipuè eos, qui accessu faciles sunt; unde alibi, *In viam gentium ne abieritis: & sepes*, id est, loca sepibus cincta, illos scilicet Gentilium, qui se aculeis quibusdam obfirmant adversus Evangelium. Nam utraque voce significantur Gentiles, tamquam populus agrestis, animo efferatus, quasi extra urbem patris-familias seu Judæam belluinis moribus sine civilitate educatus. Nam Judæi propter civiliores vitam, divinâ lege gubernatam, quasi intra civitatem erant, ut notant Titus & Theoph. itemque Greg. hom. cit. Itaque quod Aug. per eos, qui sunt in viis, intelligit epist. 204. hæreticos quietè viventes; in sepibus verò eos, qui infestant Catholicos; vel rursus alibi per vias hæreses, per sepes schismata; accommodatum est, quia non agitur de hæreticis vel schismaticis revocandis, sed de Gentilibus vocandis. \* *Et compelle intrare:* quo significatur primò ardens desiderium patrisfamilias, deinde servi invitantis, id est, prædicationis aut prædicantium quædam constantia, & quasi violentia quædam divina ad edomandam barbariem Gentium virtute spiritûs & miraculorum. Nam quod Aug. hinc probare solet Principes Christianos rectè uti, ad reducentes errantes poenis corporalibus, hoc facit consequenter ad sensum illum ex ipso jam traditum de hæreticis & schismaticis. \* *Ut impleatur domus mea*, quæ tantæ multitudinis electorum capax est, ut eam dinumerare nemo possit. Non addit hîc servus, *Factum est, ut imperasti*, quia durat adhuc illa vocatio usque ad finem sæculi.

24. Dico autem vobis, quod nemo virorum illorum qui vocati sunt, gustabit cenam meam,

24. \* *Dico autem vobis, quod nemo virorum illorum, qui vocati sunt, id est, illo honore affecti, ut primi ipsâ horâ cœnæ vocarentur, \* gustabit cenam meam*, seu manducabit panem in regno Dei. Nam quamvis hæc verba adhuc pronuntiari videantur ex persona patrisfamilias, loquentis servo suo & adstantibus, tamen alluditur ad verba v. 15. quæ para-

parabolæ occasionem dederant, cuius hîc scopum Christus explicat, tacitè insinuans convivis, primates Judæorum, Scribas scilicet & Phariseos, quales hîc aderant, plures à cœna excludendos. Et quia omnium similiter se excusantium eadem ratio est, rectè monet Greg. Nemo contemnat, ne dum vocatus excusat, cum voluerit intrare, non valeat. Quæ sequuntur v. 26. & 27. explicata sunt Matth. 10. v. 37. Solum illa differentia est, quòd hîc dicat, *qui non odit patrem, &c.* apud Matth. verò, *qui amat plusquam me*: ubi Matth. ha-tenus explicat Lucam, quatenus significat odisse nos patrem & matrem, &c. quando in negotio salutis, parentum voluntatem Christo postponimus. Sed tamen Lucas aliquid amplius postulat, ita scilicet eorum malam voluntatem Christo postponendam esse, ut illam etiam detestemur, indignè feramus, & extinguere conemur, Aug. dicente epist. 38. quod carnalem affectum eorum, quo & seipsos, & eos, quos genuerunt, irritamentis hujus sæculi obligare conantur, piè fidenterque percutere & occidere debeamus. Rursus illa differentia est, quòd hîc dicat Matth. *non est me dignus*, supple præceptore: nam sic explicat hæc verba Lucas, dum dicit hîc; *\* non potest meus esse discipulus*: q. d. Discipulatus meus postulat, ut ego & patri, & matri, & omnibus hujus mundi rebus, etiam propriæ vitæ præponar, & omnia quantumvis molesta, etiam crux & tormenta, pro disciplina mea conservanda perferantur, & qui eam amplecti voluerit, animo ad omnia ista paratus sit. Itaque duabus similitudinibus familiaribus declarat, quo modo quisque vires suas explorare debeat, ad rem tam arduam suscipiendam & perficiendam. Prima sumitur ab homine ædificante

28. *\* Turrim*: qui si prudenter agere velit, antequam inchoet *\* sedens computat*, id est, per otium, apud se subductis calculis, ut Græcum *ὑπολογίζω*, sonat, computat facultates suas, utrum sint ferendis sumptibus ad opus perficiendum: ne alioqui, si res ei angustior fuerit præter damnum impensæ perditæ adhuc rideatur ab hominibus, dicentibus: *\* quia hic homo cepit ædificare, &c.* id est, imprudenter ac temerè incepit rem supra vires. Altera similitudo à Rege prælium commissuro dicitur, qui priusquam quidquam molietur, *\* sedens*, & ex otio *\* prius cogitat*, Græcè *βέλτελει*, consultat adhibitis scilicet etiam aliis in consilium, utrum vires regni ferant, ut saltem *\* decem millia* producat in aciem contra *\* viginti millia*, hoc est, simplum adversus duplum. Minus enim sine aperto sui statûs discrimine producere non potest.

32. *\* Alioqui illo adhuc longè agente*, id est, si inveniat vires suas

25. Ibant autem turbe multe cum eo: & conversus dixit ad illos:

26. Si quis venit ad me, & non odit patrem suum, & matrem, & uxores, & filios, & fratres, & sorores, adhuc autem & animam suam, non potest meus esse discipulus.

27. Et qui non bajulat crucem suam, & venit post me, non potest meus esse discipulus.

28. Quis enim ex vobis volens turrim ædificare, non prius sedens computat sumptus, qui necessarii sunt, si habeat ad perficiendum;

29. ne, posteaquam posuerit fundamentum, & non potuerit perficere, omnes qui vident, incipiant illudere ei,

30. dicentes: Quia hic homo cepit ædificare, & non potuit consummare:

31. Aut quis rex iturus committere bellum adversus alium regem, non sedens prius cogitat, si possit cum decem millibus occurrere ei, qui cum viginti millibus venit ad se?

32. alioquin adhuc illo longè agente, legationem mittens, rogat ea quæ pacis iungat.



non sufficere ad conflictum, satius ei fuerit, tractare de conditionibus pacis, illo longè agente, id est, ante proelium, dum adhuc procul abest. Utramque similitudinem applicat Christus ad propositum concisè & obscurè.

33. Sic ergo omnis ex vobis, qui non renuntiat omnibus quæ possidet, non potest meus esse discipulus.

33. \* Sic ergo omnis ex vobis, qui non renuntiat omnibus, quæ possidet, non potest meus esse discipulus. Quæ conclusio concordat cum prima propositione, quæ habetur vers. 26. Nam renuntiare omnibus, quæ quis possidet, continet in se odisse patrem, & matrem, & animam, &c. prout notat Aug. epist. 38. Ex quo colligitur jam ulterius, quod turrim ædificare, & bellum committere, significant discipulum esse Christi, seu Christianam militiam aut vitam suscipere: nam & perfectio ejus instar turris ædificanda est, ut in cælum usque pertingat, & varia bella cum carne, mundo ac diabolo gerenda. Sumptus autem ad ædificandum, & copix ad bellandum, sunt vires ad discipulatum Christi perficiendum, hoc est, ad renuntiandum omnibus, quæ quis possidet, cum hoc articulus necessitatis postulaverit, prout exponit Aug. lib. 2. quæst. Evang. q. 31. & epist. 89. in fine. Proinde, ut monet Basil. in Catena, similitudinum istarum scopus non est relinquere in uniuscujusque arbitrio, ut discipulus fiat Christi, vel non: sed sollicitè expendendam esse necessariam Christianismi conditionem, quod videlicet unusquisque paratus animo esse debeat universo mundo & propriæ etiam vitæ valedicere, si cum præceptis Christi servari nequeant: ne videlicet lusum vel delicias esse putet Christi disciplinam, eamque inconsultis viribus suis amplexus, facile quoque relinquat, majori cum salutis jactura ac dæmonum ludibrio, ac si ei numquam se subdidisset. Quod ergo hæ similitudines à nonnullis applicentur ad statum Religionis suscipiendum, vel ad solam vitam Apostolicam, ne quis videlicet temerè illam suscipiat, qui se imparem tantæ moli senserit, accommodatio est, & non scopus earum litteralis, sicut perspicuum est ex y. 26. & 27. qui apertè de omnibus Christi sectatoribus, id est, Christianis intelliguntur; quemadmodum etiam apud Matth. c. 10. in fine. Proinde etiam illa comparatio salis, quæ sequitur:

34. Bonum est sal. Si autem sal evanuerit, in quo condietur?

34. \* Bonum est sal, quamvis Matth. 5. v. 13. hoc solis Apostolis & Apostolicis viris tribuatur, hic tamen à Christo ad omnes ejus discipulos extenditur, hoc sensu: Sicut res bona & utilis est sal, sed \* si evanuerit, id est, si fatuum, evanidum & inefficax factum fuerit, non potest alio sale condiri, ut vires ejus restituantur: ita res præclara est, esse discipulum meum, ut vitâ, verbo, totâque conversatione alios condiat, sed si amore rerum, quibus renuntiandum erat, infatuetur, & divinæ sapientiæ vigorem & acrimoniam amittat, non faciliè pristino statui restituetur.

35. \* Ne-

35. \* *Neque in terram utile est*, quia sal terram reddit sterilem. Unde <sup>35. Neque in terram, neque in sterquilinum utile est, sed foras mittetur. Qui habet aures audiendi, audiat.</sup> legimus in Scripturis urbes quasdam ita victorum sale seminatas, ut nullum in ipsis germen oriretur, inquit Hieron. in v. 13. c. 5. Matth. \* *neque in sterquilinum*, ut saltem instar fimi habeatur, quia utrumque vitiat & terram & fimum. \* *Sed foras mittetur*, id est, foras projici solet in plateas, ut conculcetur ab hominibus. Quo significat discipulum Christi infatuatum, neque sibi, neque aliis esse utilem, sed utrisque noxium, ideoque foras tandem in gehennam projiciendum. Et quia locutio erat allegorica, & res significata gravissima, à captu & affectibus vulgi aliena, maximèque necessaria, omnium aures & mentes pungit hoc familiari suo epiphonemate: \* *Qui habet aures audiendi*, seu intelligendi, \* *audiat*, id est, si cui inest sapientia, conetur intelligere, quæ dicò. Est enim exhortatio ad conatum intelligendi, & consequenter etiam obediendi: nam ut August. lib. de dono persever. c. 14. aures audiendi ipsum est donum obediendi.

## CAPUT DECIMUMQUINTUM.

1. \* **E**rant appropinquant *ei*, spontè scilicet ad ipsum veniebant <sup>1. Erant autem appropinquant *ei* publicani, & peccatores, ut audirent illum.</sup> 1. \* *Publicani*, Græcè additur, *πῶλες*, omnes, id est, quivis sine discrimine, \* & *peccatores*, publicis peccatis infames, tamquam ægroti ad medicum, allekti videlicet promissione regni cælorum & spe sanitatis, \* *ut audirent illum*, ad concipiendam pœnitentiam.

2. \* *Et murmurabant Pharisei &c. quia hic peccatores recipit*, ad colloquium, & familiaritatem, imò quod indignius, \* *manducat cum illis*, passim scilicet occasione datâ. Significatum volunt, si vir sanctus esset, malorum consuetudinem ei vitandam fuisse, quod cum non faciat, eis esse similem quorum utitur consuetudine. Ipsi enim præfastu ad sanctimonix ostentationem diligenter vitabant peccatorum consortia, ne scilicet contaminarentur. Dominus verò se rectè facere declarat tribus parabolis seu similitudinibus ex communi usu sumptis, de ove & drachma perditis, ac de filio prodigo. Primæ verò parabola, quæ Matth. 18. magna ex parte explicata est, & secundæ, quæ ei similis est, scopus non est alius, nisi ut ostendat, quemadmodum pastor pecorum, qui ex multis ovibus unam amissam diligenter quærit, de inventa gaudet, eamque reportat in humeris, & alios ad congaudendum excitat, non reprehenditur, sed laudatur, multò minùs se reprehendi debere, qui velut pastor animarum ultrò ad se venientes erraticas oves suscipit, & humaniter tractat. Idem judicium de parabola drachmæ. Quamvis ergo ille sit utriusque scopus, & ex eo utramque facile liceret intelligere, sine scrupulosa inquisitione, quid per



per singulas earum partes significetur : quia tamen omnes veteres tam Latini , quam Græci per earum singulas aliquid significatum esse voluerunt , & ipse delectus exemplorum atque accurata descriptio hoc videtur postulare , meritò quoque de hoc satagendum est. *Homo* igitur ille Christum , verum pastorem , designat : *centum oves* , plerique antiqui , ut Cyril. in Catena, Greg. in hoc Evang. Theophyl. & alii intelligunt totam naturam rationalem ex hominibus & Angelis constantem , & ita *nonaginta novem in deserto relictas* , esse Angelos in cælis , *unam* verò *perditam* sive errantem humanum genus. Sed quia ovis perdita cum relictis reliquis ejusdem gregis ante fuit , Angeli verò velut aliud armentum sub eodem pastore constituunt , hinc insinuat Aug. lib. 2. quæst. Evang. q. 32. & , ut videtur , aptius ad propositum , gregem centum ovium esse humanum genus : quamvis quod nonaginta novem in deserto putet esse Phariseos , solitudinem in animo , id est , superbiam gerentes , quod soli justi videri vellent , proposito minùs quadret , quia certum est , illas nonaginta novem oves fuisse salvas. Itaque ovis perdita est singularis quisque peccator , per fidei aut morum dissonantiam aberrans à societate bonorum. Hunc docet Christus non esse negligendum , quasi jactura esset parvi pretii , sed reliquorum curâ ad tempus postpositâ esse sollicitè reducendum.

5. Et cum invenit eam , imponit in humeros suos gaudens :  
6. Et veniens domum convocat amicos & vicinos , dicens illis : Congratulamini mihi , quia inveni ovem meam , quæ perierat :

5. \* *Talem* itaque cum Christus \* *invenit* , *imponit in humeros* , id est , per summam humanitatem supportat infirmitatem ejus , donec paulatim robur accipiat , ad subeundos labores pœnitentiæ , de qua Christi humanitate vide Matth. 11. v. 23. & in primis Isaiam c. 40. v. 11. *in brachio suo congregabit agnos* , &c. Facit etiam hoc \* *gaudens* , præ humanitatis magnitudine , quasi sibi adhuc magnum obtigisset beneficium. Quod exemplar humanissimæ pietatis tanti fecerunt veteres , ut hanc imaginem pastoris , ovem in humeris reportantis , sacris calicibus insculperent , teste Tertull. de pudicitia cap. 7. & 10. Quæ verò v. 6. pastor pecorum ad amicos & vicinos narratur dicere , exponit ipse Christus , applicans parabolam ad propositum , ex aliqua parte relinquendo reliqua.

7. Dico vobis , quod ita gaudium erit in cælo super uno peccatore pœnitentiâ agente , quam super nonaginta novem justis , qui non indigent pœnitentiâ.

7. \* *Dico vobis* , seriò & graviter , licet rem vobis incognitam & vestro judicio paradoxam , \* *quod ita* , ad similitudinem scilicet pastoris gaudentis , & amicos ad congratulandum invitantis , \* *gaudium erit in cælo* , tum ipsi pastori Christo ut homini , tum Angelis , & animabus justis , tamquam vicinis in cælo commorantibus. Hæc enim omnia comprehendit illud , *erit* , tametsi tunc neque Christus ut homo , neque animæ in cælo essent : quamquam illud , *erit* , etiam pro est vel esse tolet , exponi posset. \* *Super uno peccatore pœnitentiâ agente* , & ita scili-

scilicet revertente ad pastorem & gregem, \* *quam super*, subaudi, magis quàm, \* *nonaginta novem justis*, id est, super multis, numerus enim certus pro incerto ponitur: sed habetur respectus ad parabolam, ubi expressus erat ille numerus: \* *qui non indigent pœnitentia*, quâ revertantur ad Deum ab errore, quo carent. Ex quibus duabus particulis, uno peccatore & nonaginta novem justis, patet, quam rectè suprà dixerimus, ovem errantem esse unumquemque peccatorem, & nonaginta novem in deserto esse, non superbos, sed bonorum societatem.

8. \* *Aut quæ mulier habens drachmas decem*. Idem & hic scopus est: ubi similiter *mulier* typum gerit Christi, seu sapientiæ incarnatæ; *drachma*, id est, nummus argenteus vel aureus, pondere unius drachmæ cufus, significat hominem, cujus menti imago Dei impressa est, sicut nummo imago Regis. Miratur autem lateque tractat Aug. lib. 8. Confess. unde fiat, quòd majus sit gaudium de uno pœnitente, quàm de multis justis, cum majus bonum videatur postulare majus gaudium: & allatis pluribus exemplis, concludit, illum esse modum omnium rerum, ut majus gaudium majore molestiâ aut periculo præcedatur. Quo significat hoc per accidens fieri ratione periculi seu mali conjuncti, quo animus magis extimulatur in affectum novum, quia ab asueto non fit passio.

11. \* *Ait autem*. Hæc tertia parabola idem spectat, quod præcedentes, sed cum aliqua differentia; quòd illæ significant quidem, quantâ curâ Deus requirat reversionem peccatoris, hæc verò, quantâ benignitate & lætitiâ suscipiat revertentem: ita ut sit quasi appendix præcedentium, & explicatio illius lætitiæ, quam dixerat esse in inventionem perditionis peccatoris, ut sic amplius confunderet Phariseos, qui murmurabant, quòd cum peccatoribus versaretur. \* *Homo quidam habuit duos filios*. Quòd *Homo* hîc significet Deum Patrem, vel simpliciter Deum, vel, quæferè in idem redeunt, Christum Dominum, non est dubium: de *duobus filiis* est authorum dissensio. Aug. lib. 2. quæst. Evang. q. 33. sentit per seniores significari populum Judæicum, per juniores Gentes. Ita & Cyrill. hîc in Catena, & alii. Ambr. verò lib. 2. de pœnitentia c. 3. Pacianus epist. 1. idem Aug. tract. de tempore barbarico c. 7. & alii intelligunt justos & pœnitentes, & quidem multò aptius, & ad litteram: quandoquidem hoc spectaret maximè ad scopum Christi, cum Phariseis disputantis. Hoc & Hieron. amplectitur epist. 146. ad Damasum, sed hac ratione, ut sensu mystico etiam de Judæis & Gentibus intelligi posse doceat; quod nobis verissimum videtur. Itaque *Homo quidam habuit duos filios*, ambos sibi dilectos & morigeros.

8. Aut quæ mulier habens drachmas decem si perdidit drachmam unam nonne accendit lucernam, & everrit domum, & quærit diligenter, donec inveniat?

9. Et cum invenit, convocat amicas & vicinas dicens: Congratulamini mihi, quia inveni drachmam, quâ perdideram?

10. Ita dico vobis, gaudium erit coram angelis Dei super uno peccatore pœnitentiam agente.

11. Ait autem: Homo quidam habuit duos filios.



12. & dixit adolescentior ex illis patri : Pater , da mihi portionem substantiæ quæ me contingit. Et divisit illis substantiam.

12. \* *Et dixit adolescentior ex illis* , ut solet ætas illa minus sapere , esse inconstans , avidaque libertatis. Nam , ut Ambr. lib. de interpellat. cap. 7. habet pueritia innocentiam , senectus prudentiam , juvenis verecundiam delinquendi : adolescentia sola est invalida viribus , infirma consiliis , vitio calens , fastidiosa monitoribus , illecebrosa deliciis : \* *pater da mihi portionem substantiæ* , hoc est bonorum , \* *quæ me contingit* , jure filiationis in emancipatione dari solita : volebat enim per emancipationem sui juris fieri , suæque suo administrare arbitratu. \* *Et divisit illis substantiam* , seu bona sua , unicuique in potestate partem tradens. Quo significatur , Deum unicuique homini distribuisse dona sua , tam naturæ quàm gratiæ quæ per liberum arbitrium acceperint in sua potestate , ut Aug. & Hieron. locis citatis.

13. Et non post multos dies , congregatis omnibus , adolescentior filius peregrè profectus est in regionem longinquam , & ibi dissipavit substantiam suam vivendo luxuriose.

13. \* *Et non post multos dies , congregatis omnibus* , id est , corrogatis omnibus bonis , quæ acceperat , ædibus scilicet atque agris in pecuniam reductis , tamquam festinans suâ frui libertate , *adolescentior filius* , quia senior tamquam prudentior apud patrem remanserat , \* *profectus est in regionem longinquam* , ut ex oculis patris atque amicorum liberiùs viveret : \* *& ibi dissipavit substantiam suam vivendo luxuriose* , scilicet cum meretricibus , ut exponit infra Frater senior. Hæc regio longinqua , ut Aug. est oblivio Dei & honestatis : non enim locorum spatii , sed affectibus cum Deo sumus , aut ab eo discedimus. Unde Amb. quid longinquius , quàm à se recedere nec regionibus , sed moribus discrepare ? Dissipamus substantiam quando malè utimur naturalibus bonis.

14. Et postquam omnia consummasset , facta est fames valida in regione illa , & ipse cepit egere.

14. \* *Et postquam omnia consummasset* , seu consumplisset , \* *facta est fames valida* , quia luxuries est mater famis , \* *& cepit egere* , in tyrum status miserabilis , in quem incidunt peccatores , dum mens peccatis obscuratur , voluntas infirmatur , & ad summam inopiam redigitur.

15. Et abiit , & adhæsit uni civium regionis illius. Et misit illum in villam suam , ut pasceret porcos.

15. \* *Et abiit , & adhæsit* , non conductus , sed ultrò & supplex sese ingerens ad serviendum pro solo victu necessario ad quodlibet obendum paratus , \* *uni civium regionis illius* , scilicet primùm obvio : qui importunitate supplicis victus & quasi nesciens , quàm in re ejus ministerio uti posset , \* *misit illum in villam suam* , tamquam indignum , qui in oculis heri sui versaretur , \* *ut pasceret porcos* , hoc est , ad vilissimum ministerium. Quibus omnibus indicatur status ærumnosus peccatoris , dum arctiùs sese subdit diabolo , vitiaque brutalissima sectatur , vel etiam tandem eò delabitur , ut alicujus dæmonis , cui serviat , imploret auxilium.

16. Et cupiebat implere ventrem suum de fiquis , quas porci marducebant : & ne , mo illi dabit ,

16. \* *Et cupiebat* , non edere aut saturari , sed qualibet re ut summe

mè famelici solent, vorando vacuum \* implere ventrem suum, ut rabidam sedaret famem, \* *de siliquis*, id est, folliculis, quibus fabæ, pisa, & similia legumina inclusa sunt, quamvis Græcum *χερσικον* significet certum fructum, quo porci certis locis vescuntur, ut apud nos glandibus. \* *Et nemo illi dabat*: quo significatur, peccantes voluptatibus peccatorum, velut dæmonum immundorum cibo, satiari velle, nec posse, ut Hieron. epist. cit. Solet enim spiritus malignus cultoribus suis opes ostentare ac promittere, & nihil dare. Quamquam idem Hieron. & Aug. per *siliquas* dicant intelligi posse carmina Poëtarum, sæcularem sapientiam, verborum pompam, quæ multum strepitus habent, cum sint veritatis inania, nec animum eorum, qui dereliquerunt Deum, satiant.

17. \* *In se autem reversus*, vexatione dante intellectum tamquam expergiscens ab ebrietate, aut gravi somno, & intelligens jam per experientiam discrimen pristinæ abundantiae & suavitatis gratiæ Dei ab hac extrema miseria, \* *dixit quanti*, Græcè *πολλοι*, *quam multi*, seu quot, \* *mercenarii*, id est, ministri mercede conducti, qui distinguuntur à servis seu mancipiis. Nam, ut in familia temporali sunt mancipia, mercenarii & filii, ita Deus in familia sua habet mancipia, qui solo timore poenæ vitant mala; mercenarios, qui spe mercedis temporalis & sæpè multis Dei donis fruuntur; & filios, qui ex amore ingenuo, & filiali Deo serviunt. Comparat hic se mercenariis, quia & ipse pro mercede serviebat, quamvis mercenariis longè miserior, eò quòd illi \* *abundarent panibus*, id est, omni victu ad satietatem, ipse vero \* *fame periret*. Hæc fames inopiam spiritualis alimoniae significat, quam animus peccatorum patitur: nam humana mens ad imaginem Dei condita nullà voluptate terrenâ, sed solâ Dei immensitate impleri, & quietem adipisci potest, juxta illud Aug. 6. Confess. cap. 16. Væ animæ audaci, quæ speravit, si à te recessisset, se aliquid melius habituram. Versa & reversa in tergum, & in latera & in ventrem, & dura sunt omnia, & tu solus requies. Hæc Aug. Ex hoc autem versu patet initium resipiscendi à consideratione miserationum suarum proficisci, & parere sequens propositum:

18. \* *Surgam*, quia in peccato jacebat, \* *& ibo*, quia longè aberat, \* *ad patrem meum*, quia sub principe porcorum erat, \* *& dicam*, cum scilicet venero. Nam hæc & sequentia sunt verba poenitentiam meditantis, in confessione peccati, nondum tamen agentis: non enim jam dicit patri sed dicturum se esse promittit, prout hæc notat Aug. \* *Pater*: ex quo patet, eum post malorum suorum considerationem paternæ clementiæ intuitu erectum fuisse in spem veniæ, juxta ordinem, quo

17. In se autem reversus dixit: Quanti mercenarii in domo patris mei abundant panibus, ego autem hic fame perco!

18. Surgam & ibo ad patrem meum, & dicam ei: Pater, peccavi in cælum, & coram te:



Tridentinum sess. 6. peccatores ad justificationem disponi docet: *\* peccavi in cælum*, id est, adversus Deum, qui in cælo habitat, *\* & coram te*, id est, contra te hominem. Quo sensu hæc verba optimè conveniunt filio typum gerenti peccatoris, ut prius in Deum, deinde in hominem se peccasse dicat. De peccatore verò sic exponi possunt: *peccavi in cælum*, id est, adversus eos, qui cælum incolunt, in quibus est sedes Dei, qui offenditur: *& coram te*, id est, contra te Deum: quomodo loquitur & Daniël c. 6. *Coram te Rex*, id est, contra te, *delictum non feci*: q. d. filius, Non habeo, quod prætexam stultitiæ meæ, vel quo me purgem. Hæc est prima confessio, inquit Ambros. apud authorem naturæ, præfulem misericordiæ, arbitrum culpæ. Nam etsi Deus novit omnia, vocem tamen nostræ confessionis expectat, quia allevat pondus erroris, quisquis ipse se onerat.

19. jam non sum dignus vocari filius tuus: fac me sicut unum de mercenariis tuis.

19. *\* Jam non sum dignus*, non modò recipi in honorem & gradum pristinum filii, sed nec *\* vocari filius tuus*, quia tot tantaque paternâ tuâ dignitate indigna commisi. *\* Fac me sicut unum de mercenariis tuis*, q. d. excidi primo gradu, dignare me misericorditer vel secundo tantum, ne penitus abjicias.

20. Et surgens venit ad patrem suum. Cum autem adhuc longè esset, vidit illum pater ipse, & misericordia motus est, & accurrens cecidit super collum ejus, & osculatus est eum.

20. *\* Et surgens venit ad patrem*, quia bono voluntatis proposito opus adjungi debet. *\* Cum autem adhuc longè esset*, in ipsis videlicet initiis poenitentiae suæ constitutus, *\* vidit illum pater ipse*: quia Deus sicut prima initia conversionis inspirat, ita illam tamquam sibi placentem respicere, & ejus intuitu placari incipit. Itaque *\* misericordia motus est*, quemadmodum optimè Psal. 9. *Desiderium pauperum exaudivit Dominus, præparationem cordis eorum audivit auris tua*: & Isaïas c. 65. v. 24. *Antequam clament, ego exaudiam*. Quo significatur admiranda Dei clementia & benignitas in eos, qui vel parant se ad ineundam poenitentiam. Quamobrem *\* accurrens* obviam, præ amoris & gaudii vehementia, quasi impatiens moræ, *\* Cecidit super collum ejus, & osculatus est eum*: ad significandum, quod poenitentibus & ad se revertentibus blanditur Deus, spem veniæ & reconciliationis liberalissimè offerens. Proinde tantâ benignitate animatus, ausus est loqui:

21. Dixitque ei filius. Pater, peccavi in cælum, & coram te, jam non sum dignus vocari filius tuus.

21. *\* Pater peccavi, &c.* non omittens videlicet, quod sui erat officii, quantumvis benevolentiam patris erga se animadverteret. Omittit autem id, quod proposuerat se dicturum, *Fac me sicut unum de mercenariis tuis*, quod patris benignitate obrutus, videret hoc minùs necessarium. Quamquam Aug. ex generositate hoc omitti à Poenitente velit, utpote qui osculum expertus dedignatur Deo animum servilem aut mercenarium exhibere, qui pace carens vel mercenarius esse desiderabat.

22. \* *Dixit autem pater ad servos suos*, immemor videlicet omnium injuriarum : \* *cito*, Græcè *deest*, significare tamen potest remissionis peccati celeritatem, quam in momento Deus homini verè poenitenti tribuit : \* *proferte stolam primam*. Stola Latinis est vestis muliebris : Græcis autem sumitur generalius pro feste maximè oblonga. Itaque proferte ei togam pristinam, pretiosam scilicet, filiis peculiarem : quo significatur restitutio amissæ justitiæ seu charitatis, quæ filiis propria est. Unde Hieron. & Ambr. eamdem esse dicunt cum veste illa nuptiali, Matth. 22. \* *Et date annulum in manus ejus*, qui est ornatus hominis liberi & locupletis, hoc est, iisdem authoribus, pignus Spiritus Sancti, ut hominem jam justitiâ imbutum Spiritus Sanctus tamquam templum suum inhabitet. \* *Et calceamenta in pedes ejus* : Nam & iste habitus erat filii tenerè educati, quo pedes muniuntur. Significat autem divinæ gratiæ custodiam, quâ hominis affectus muniuntur, ne rursus offendant ad lapidem pedem suum, & scandalizatus corruat. Pulchrè igitur hîc indicantur quatuor, ad perfectam hominis reconciliationem necessaria, quæ eodem ordine exprimuntur in Psal. 50. nam & ibi poenitens petit remissionem peccati, cum dicit, *Averte faciem tuam à peccatis meis*, sicut hîc, *pater peccavi*; justitiæ infusionem seu stolam, cum dicit, *Cor mundum crea in me Deus*; Spiritus S. pignus & incolatum, hoc est, annulum, cum dicit, *Spiritum Sanctum ne auferas à me*; gratiæ custodiam, id est, calceamenta, cum dicit, *Spiritu principali confirma me*. Et quia reconciliatis congruit, ut justificationes Dei, quas experti sunt, alios etiam exemplo bonorum operum vel verbo doceant, hinc Hier. & Aug. per *calceamenta* etiam volunt prædicationem Evangelii significari, juxta illud Apostoli, *Calceati pedes in præparationem Evangelii pacis*; quod etiam sequitur in Pl. 50. *Docebo iniquos vias tuas*.

23. \* *Et adducite vitulum saginatum*, Græcè *τὸν σιτευτὸν*, illum saginatum, quem scilicet ad lætum aliquod epulum celebrandum jussi saginari : \* *& occidite &c.* Quo significatur antiquorum consensu Christus Dominus, omni scilicet Spiritus pinguedine delibutus, qui non solum in cruce, sed quotidie in Ecclesia pro salute omnium immolatur, cum lætitia omnium comeditur, maximè in gratiarum actionem poenitentium seu reconciliatorum, ut Hieron. & Aug. Quamquam etiam aptè significari posset illa consolatio interni gaudii, quæ peccatoribus initio conversionis tribui solet, ut sibi contigisse narrat Aug. 1. 9. conf. c. 1. & maximè in fine 6. \* *Et manducemus & epulemur*, tanti Sacramenti participatione, idque in azymis sinceritatis & veritatis.

24. \* *Quia hic filius meus mortuus erat, & revixit*, id est, quia cum

22. Dixit autem pater ad servos suos : Cito proferte stolam primam, & induite illum, & date annulum in manum ejus, & calceamenta in pedibus ejus.

23. & adducite vitulum saginatum, & occidite, & manducemus, & epulemur :

4. quia hic filius meus mortuus erat, & revixit; perierat, & inventus est. Et comperunt epulari.



pro mortuo esset habitus, propter longam absentiam, quasi ad vitam revocatus est: nam, ut sensum illum explicet, addit, \* *perierat*, miser videlicet, ignotis, & vagis errans sedibus, \* *& inventus est*. Quæ in re figurata longè veriora sunt. Peccator enim reverà erat mortuus, & pœnitendo reviviscit: perierat à salute, æternæ damnationi proximus, \* *& inventus est*, seu recuperatus ad salutem. Porro in eo, quod dicit *inventus*, eum quæsitum fuisse insinuat, sicut ovem & drachmam perditam, quia nemo pœnitet, nisi occultâ Dei quærentis inpiratione tangatur, ut homo in se revertatur. \* *Et cæperunt epulari*. Græcè *εὐφραίνεσθαι*, *laturi*, scilicet inter epulas; pater nempe ac tota familia ejus, ex Angelis & Sanctis constans. Nam sic etiã tacitè insinuatum vult id, quod dixerat, gaudium esse in cælo super uno peccatore, pœnitentiam agente, magis quàm, &c.

25. Erat autem filius ejus senior in agro: & cum veniret, & appropinquaret domui, auditit symphoniam & chorum:

26. & vocavit unum de servis, & interrogavit quid hæc essent.

27. Ilque dixit illi: Frater tuus venit, & occidit pater tuus vitulum saginatum, quia salvum illum recepit.

25. \* *Erat autem filius senior in agro*. Ea quæ sequuntur, in figura difficultatem non habent, nec ad aliud adferuntur, nisi ut tacitè reddatur causâ querimonix, & invidiæ fratris: quædam etiã ad decorem parabolæ spectant. In re figurata aliquid negotii facessit illa invidia fratris senioris, quæ non videtur justis posse convenire: & ista ratio fuit, cur multi totam parabolam ad Judæos & Gentes declinaverint. Sed pergendo in suscepta à nobis explicatione omnia salvari possunt. Quod igitur filius senior erat in agro, significat justos in Ecclesia non otiosi, non bacchari, sed semper versari in operibus patris sui. Itaque \* *cum veniret & appropinquaret domui* (pertinent hæc ad consequentiam & ornatum parabolæ) *auditit symphoniam*, id est, concordem concentum canentium, \* *& chorum*, qui est tripudiantium & canentium cœtus. Quo nihil aliud significatur, quàm insignis lætitia de peccatoris conversione. Quam ob rem

28. Indignatus est autem, & nolebat introire. Pater ergo illius egressus, cœpit rogare illum.

28. \* *Indignatus*, non de reconciliatione vel inventione fratris, neque enim hoc in tota parabola significatur, sed de tanta solemnitate, \* *nolebat introire*, ut & ipse gauderet cum gaudentibus. Quo Hieron. epist. cit. absolutè significari putat invidiam, eò quòd nullum sit inconveniens peccata etiã in justos cadere, sicut Apostoli de primatu contenderunt. Alii volunt ea, quæ in parabola de fratre seniore tamquam de justis dicuntur, dirigi à Christo contra Scribas & Phariseos, qui se justos haberi volebant, quasi tacitè in hoc versu eos moneret per concessionem: Esto, sitis vos justi, quemadmodum filius senior, nolite propterea indignari de resipiscencia & salute Publicanorum & peccatorum. Aptius videtur dici, quòd solùm significetur, esse tantam Dei in eos, qui resipiscunt, gratiam, indulgentiam, consolationum magnitudinem in initio, ut non solùm perfectis admirationem

tionem moveat ( quale quid significat quoque parabola de operantibus in vinea , Matth. 20. v. 11. ) sed etiam imperfectis quamdam indignationem & querimoniam , non quidem de salute peccatorum , sed de tam immodica Dei quasi congratulatione , erga se verò austeritate : cuiusmodi imperfectorum affectus peccati venialis rationem non excedit. Ita ferè Theophyl. Titus & Euthym. \* *Pater ergo illius egressus*, ut præ humanitatis magnitudine etiam filio seniori , id est , talibus infirmis satisfaceret , ad sedandas eorum querimonias , ostendendo videlicet per internas inspirationes , vel aliter , quòd ita fieri debeat , sicut reverà congruit , \* *cæpit rogare illum* , ut introiret , hoc est , ut lætitiæ Patris & totius domûs vellet esse particeps.

29. \* *At ille dixit : Ecce tot annis servio tibi* , obsequium tibi benè agendo deferens , \* *& numquam mandatum tuum præterivi* , ut per peccatum mortale à iustitia exciderem ; nam talium iustorum frater senior figuram gerit : \* *& numquam dedisti mihi hædum* , id est , numquam inferioris præstantiæ epulum mihi parasti , \* *ut cum amicis meis epularer* , publico videlicet gaudio in perseverantiæ & laborum congratulationem instituto.

30. \* *Sed postquam filius tuus hic* , egregius scilicet , tam perditè à te amatus : sunt enim verba indignabundi , nec dignantis quidem fratrem appellare , prout indignatio subinde affectum bonum non extinguit , sed reprimit : \* *qui devoravit* , instar helluonis , \* *substantiam cum meretricibus* . Et hoc addit exaggerandi causâ , prout solet indignatio. Addit & improprium in patrem , \* *occidisti illi* , &c. Ubi patet , eum nihil conqueri de receptione vel reconciliatione fratris , sed solummodò de tam extraordinaria lætitiæ solemnitate.

31. \* *At ipse dixit* , admittens verum esse de non exhibito ei epulo peculiari. Causam addit , quia \* *tu semper mecum es* , perseverans scilicet in familiaritate mea , quod tibi instar jugis convivii esse debet : q. d. Nihil in te novi accidit , nullam dedisti occasionem alicujus novæ & inusitatæ lætitiæ excitandæ : \* *& omnia mea tua sunt* , ut non fuerit necesse , me tibi quidquam de novo dare ad magnificum epulum , novamque gaudii testificationem , quia omnibus in familia uti poteras.

32. \* *Epulari autem & gaudere oportebat* , me scilicet , totamque familiam , & consequenter etiam te , \* *quia hic frater tuus mortuus erat* . Nam sicut natura docet , in temporalibus peculiare gaudium instituere de rebus recuperatis , & non de conservatis , quemadmodum in parabola de ove & drachma inventis vidimus , ita etiam fieri convenit in spiritualibus. Hæc sententia Christi tangit scopum totius parabolæ , quâ docet Phariseos , sive iusti sint , sive haberi velint , non indignari ,

29. At ille respondens , dixit patri suo : Ecce tot annis servio tibi , & numquam mandatum tuum præterivi , & numquam dedisti mihi hædum ut cum amicis meis epularer :

30. sed postquam filius tuus hic , qui devoravit substantiam suam cum meretricibus , venit , occidisti illi vitulum saginatum ,

31. At ipse dixit illi : Fili , tu semper mecum es , & omnia mea tua sunt :

32. epulari autem & gaudere oportebat , quia frater tuus hic mortuus erat . & revixit , perierat , & invenus est.



vel murmurare debere, quod peccatores susciperet ad salutem, sed potius collatari. Ex his, quæ diximus, non est difficile parabolam allegorico sensu ad duos populos, Judaicum & Gentilem, extendere, sicut Ambros. hic, Hieron. & August. locis cit. faciunt. Filius enim major est Israël, qui Exodi 4. vocatur primogenitus: junior Gentilis, qui in illa prima discessione, quæ in primo parente facta est, perseveravit, ac deinde fide, religione, & moribus longius recessit à Deo: tandem fame veritatis stimulante, Deoque illustrante, revertitur in se, & amplectitur poenitentiam. Deus illum suscipit, indultâ ei fide, & justitiâ & Sacramento Corporis Christi tamquam vituli saginati, celebrato insuper publico gaudio cum symphonia & choris, per totum terrarum orbem jam resonantibus, super populi tam longè diffiti ac ferè desperati conversione. Interim filius senior est in agro, id est, in terrenis operibus, & pro terrena hæreditate servit Deo: & audiens illam lætitiâ Ecclesiæ gentium, vocat unum de servis, id est, legit aliquem Prophetarum, & intelligens fieri hoc propter resipiscentiam populi perdit, indignatur, quia torquetur invidiâ, videns Ecclesiam, ac tam opima ejus Sacramenta, & non vult adhuc in eam intrare. Stomachatur adversus patrem, quod nihil simile sibi contigerit, qui patris mandatum nunquam præteriverit, opinione scilicet suâ, quia hoc arrogantius quàm verius dicit: quamquam posset de perseverantia in cultu Dei intelligi. Vide cætera latius apud August. lib. 2. quæst. Evang. q. 33.

## CAPUT DECIMUMSEXTUM.

1.\* **C**um præcedentes tres parabolas ad Scribas & Phariseos, tamquam contra se murmurantes, direxisset, nunc aliam addit \* ad discipulos suos, generaliter dictos, hoc est, ad sectatores suos, qui se disciplinæ ejus subicere volebant, etiamsi nondum reliquissent omnia. Agitur enim de divitiarum dispensatione.

1. Dicebat autem ad discipulos suos: Homo quidam erat dives, qui habebat villicum: & hic diffamatus est apud illum quasi dissipasset bona ipsius.

1. \* *Homo quidam erat dives*; parabola narratur non historia, \* *qui habebat villicum*, Græcè δικονόμων, id est, *dispensatorem seu administratorem familiæ*, qui scilicet omnes proventus reciperet & expenderet, sub onere reddendæ rationis. Unde *Villicatio* in sequentibus est domus administratio, seu officium administrandi familiam: nam alioqui *Villicus* propriè est gubernator villæ, ut notat Hieron. epist. 151. ad Algasiam quæst. 6. \* *Et hic diffamatus est*, seu delatus, quasi dissipasset bona ipsius, in alios usus ea convertendo, quam ratio officii postularet. Et quia res non constabat, cum eum vocasset, ait illi:

2. \* *Quid hoc audio de te?* Hæc est infamia, quæ viam aperire solet inquit.

2. Et vocavit illum, & ait illi: Quid hoc audio

inquisitioni : \* *redde rationem villicationis*, id est, totius administrationis tuæ : \* *jam enim*, Græcè *ἤδη*, adhuc seu amplius, \* *non poteris villicare*, id est, ut Hieron. mea dispensare, supple, si defeceris in reddenda ratione : non enim ante cognitionem causæ propter solam delationem officium abstulit, ut patet ex v. 4. Itaque villicus, sciens se crimen dissipationis amoliri non posse,

3. \* *Ait intra se*, secum deliberans : \* *quid faciam?* Ut mihi victum conquiram, \* *quia dominus meus aufert*, id est, auferet; nam malè sibi conscius hoc eventurum prævidebat : \* *fodere non valeo*, id est, manibus operari, species pro genere : nempe ex desuetudine aut corporis imbecillitate, & quia honoratus vixi, \* *mendicare erubescō*. Deliberanti incidit opportuna ratio vitæ sustentandæ, quam statim amplectitur per hoc, quod dicit :

4. \* *Scio quid faciam*; nihil enim homines hujus mundi curant, jure an injuriâ victum comparent, dummodò sine infamia vivant : \* *ut cum amotus fuero, &c. recipiant me*, supple, debitores domini mei : q. d. Talibus beneficiis eos mihi devinciam, ut cum depositus fuero, nunc unus, nunc alius non gravatè me suscipiant ac tractent in domo sua.

5. 6. & 7. \* *Convocatis itaque singulis debitoribus*, ut & fraus minùs patesceret, dum singulis partem remittit, & uni soli postea esset minùs onerosus aut invisus. Primus itaque debebat \* *centum cados olei* : Græcè est *βάτεις*, sed noster accepit *Batum* & *Cadum*, pro eadem mensura, sicut & aliquando Hieron. Porro *Batus* & *Ephi* mensuræ æquales erant; sed *Batus* in liquidis, & *Ephi* in aridis, & utraque continebat decimam partem *Cori*, sicut hoc patet Ezech. 45. v. 11. ita ut unus Corus comprehenderet decem Batos seu Cados in rebus liquidis : itemque decem Ephi in rebus aridis. \* *Dixitque illi : Accipe cautionem tuam*, Græcè *τὸ γράμμα*; *scriptum*, id est, chirographum tuum, seu litteras, quibus obligaris hero meo ad centum Cados olei, accipe à me tibi porrectas, ut eos comburas aut laceres, ne quisquam invitum te cogere possit ad solvendum centum. \* *Et sede cito*, quia verabatur, ne ad singula momenta vocaretur ad reddendam rationem : \* *scribe quinquaginta*, id est, scribe aliud chirographum, quo fatearis te debere quinquaginta. Itaque dimidium remittit primo, quintam verò partem secundo, dum pro \* *centum coris tritici*, scribi jubet \* *octoginta*. Quæ remissio quamvis proportionem ad præcedentem esset minor, in se tamen erat major, quia cum unus Corus contineat decem Batos, viginti Cori, quos remittebat, consciebant ducentos Batos, cum tamen primo non remississet nisi quinquaginta. Relinquit autem intelligendum, similiter actum esse cum reliquis debitoribus, singulosque monitos, ut essent memores beneficii.

de te? redde rationem villicationis tuæ : jam enim non poteris villicare.

3. Ait autem villicus intra se : Quid faciam quia dominus meus aufert à me villicationem? fodere non valeo, mendicare erubescō.

4. Scio quid faciam, ut, cum amotus fuero à villicatione, recipiant me in domos suas.

5. Convocatis itaque singulis debitoribus domini sui, dicebat primo: Quantum debes domino meo?

6. At ille dixit : Centum cados olei. Dixitque illi Accipe cautionem tuam : & sede cito, scribe quinquaginta.

7. Deinde alii dixit : tu vero quantum debes? Qui ait: Centum coros tritici. Ait illi : Accipe litteras tuas, & scribe octoginta.



8. Et laudavit Dominus villi- cum iniquitatis, quia prudenter fecisset: quia filii hujus sæculi prudentiores filiis lucis in generatione sua sunt.

8. \* *Et laudavit dominus*, Hieron. epist. 16. pro, *Dominus*, legit, *Salvator*, quasi essent verba Evangelistæ: sed rectius acceperis cum eodem epist. 151. & Aug. lib. 2. quæst. Evang. q. 34. ut sint verba Christi de domino illius villici, qui intellectâ fraude laudaverit \* *villicum iniquitatis*, id est, iniquum, quia & olim administrando, & jam remittendo iniquè læserat dominum suum. Laudavit autem non injustitiam aut fraudem, sed quia \* *prudenter fecisset*, id est, quia solerter & industriè in commodum suum, & opportunè ad scopum suum. Non enim erat vera prudentia, sed astutia cum fraude juncta. Astutia quippè est degener quædam & vitiosa prudentia. Quamvis igitur læsus, laudavit tamen, sicuti cum audivimus improbum aliquod facinus, laudamus tamen, quia ingeniosum: \* *quia filii hujus sæculi*, id est, homines, qui huic sæculo & ejus moribus ac legibus serviunt, \* *prudentiores sunt*, id est, sagaciores & magis industrii, scilicet ad consulendum sibi in posterum, quamvis fraude, non jure, prout supplet Aug. 11. de Genesi ad lit. cap. 2. \* *Filiis lucis*, id est, hominibus, lucem divinam diligentibus & sequentibus, hoc est, qui Deum, justitiam, & virtutem diligunt, velut lucem, quam in agendo sequantur. Quâ antithesi, *lucis* ad *sæculi*, tacitè insinuat, filios hujus sæculi esse filios tenebrarum, quia sæculum diligunt, per quod à vera luce averfi, in tenebris peccatorum detinentur. \* *In generatione sua*, id est, in genere suo, seu in iis, quæ pertinent ad genus suum, ad commoda scilicet vitæ præsentis dextrè procuranda. Additum est hoc, tum corrigendi tum restringendi causâ, ne putarentur vel verè esse prudentes, vel in omnibus superare filios lucis. Suppleri autem debet altera pars comparisonis, hoc modo: quàm sint filii lucis in generatione sua, seu in rebus ad virtutem, vitamque æternam pertinentibus. Non enim est sensus, quòd homines mundani sint magis industrii in commodis secularibus, quàm in iisdem procurandis sint filii lucis; quia hoc nec ad scopum Christi spectabat, nec opus erat dicere, quia per se patet; amor enim rerum, quas multum diligunt, acuit & excitat in eis omnes prudentiæ vires, & suggerit quoslibet assequendi modos, cum filii lucis ea negligant: sed sensus est, quod filii hujus sæculi sint prudentiores in rebus secularibus, quàm filii lucis in rebus divinis; illi magis in malum, quàm hi in bonum, nempe

9. Et ego vobis dico: facite vobis amicos de mammona iniquitatis: ut, cum deseceritis, recipiant vos in æterna tabernacula,

ut plurimum: nam hoc scopo, ut simus prudentes in rebus divinis, concludit Christus parabolam:

9. \* *Et ego dico vobis: facite vobis amicos*, erogando eleëmofynas justis & sanctis, qui apud Deum abundant meritis, \* *de mammona iniquitatis*, seu iniquo, id est, de divitiis injustis. *Mammona* enim Syriaci

riaca vox est, divitias significans, quæ vocantur iniquæ multis modis; vel quia sola iniquitas eas divitias reputat, dum veras, id est, spirituales ignorat, ut Aug. cit. quæst. 34. & 21. de Civit. cap. ult. Unde Christus hic versu 11. opponit eis id, quod verum est; vel quia mendaces & fallaces sunt; vel quia iniquæ eas habemus pro nostris, cum sint alienæ, solo dispensationis titulo nobis commissæ. Qui sensus maximè congruunt parabolæ, in qua tacitè Deus comparatur homini diviti, nos omnes villico; bona temporalia, quæ possidere videmur bonis alienis, quæ villicus iste per fraudem sibi vindicabit. Nam quòd Hieron. addit quæst. 1. ad Hedibiam, *Mammona iniquum* dici, quia omnes divitiæ de iniquitate descendant, eò quòd omnis dives aut iniquus sit, aut iniqui heres, non videtur huic loco convenire. Non enim ex injustè partis divitiis eleëmofynæ fieri debent, sicut villicus ille de bonis domini sui fecerat; quia non in omnibus similitudo parabolarum quærenda est, sed in iis, quæ ad propositum spectant. Ludit itaque Christus in verbo, *iniquitatis*, dum de villico & mammona dicitur, sicut alibi in voce, *mortuus*, *finite mortuos sepelire mortuos suos*. \* *Ut cum defeceritis*, à justitia in hac vita, inquit Maldonatus: sed non videtur ita congruere scopo parabolæ, quæ proponit, quid nobis in reddenda ratione continget, in die scilicet judicii. Itaque *cum defeceritis*, in reddenda ratione, vel, ut ferè Græci, *cum defeceritis*, à vita & officio dispensandi, quod sit in morte uniuscujusque, quando reddenda est ratio villicationis, \* *recipiant vos*, illi amici pauperes scilicet, quibus benefecerimus, \* *in æterna tabernacula*, seu cælestes mansiones in cælo. Fit autem hoc, vel quia sancti in cælo memores beneficiorum pro suis benefactoribus intercedunt, vel quia propter eleëmofynas, quibuslibet pauperibus datas, hoc facit Christus, dum sibi datum imputat, quidquid in egenos, etiam malos, contulerimus: ut proinde hoc locum etiam habeat; etiamsi illi, quibus datum fuerit, à tabernaculis illis exclusi sint, ut Aug. lib. 2. quæst. Evang. q. 38.

10. \* *Qui fidelis est in minimo*, id est, in rebus parvi pretii dispensandis, \* *Et in majori*, rebus scilicet magni momenti, \* *fidelis est*. Præbet enim argumentum, quòd fidelitatem per se diligat, & non tantum ratione materiæ. E contrario verò, \* *qui in modico iniquus est*, multò magis \* *in majori iniquus erit*, dispensando. Sententiæ sunt proverbiales, à communi usu sumptæ, ubi plerumque sic accidit, & meritò sic præsumitur. Has autem sententias mox applicat proposito suo.

11. \* *Si ergo in iniquo Mammona*, id est, in falsis & fallacibus divi-

10. Qui fidelis est in minimo, & in majori fidelis est: & qui in modico iniquus est, & in majori iniquus est.

11. Si ergo in iniquo mammona fideles non fuistis: quod verum est, quis crederet vobis?



tiis dispensandis, quæ scilicet verarum divitiarum rationem non habent, ut antè diximus, & meritò in rebus minimis deputantur, \* *fideles non fuistis*, eas non erogando secundùm voluntatem Domini, qui vobis eas commisit, \* *quod verum est*, id est, verum mammona, seu veras divitias spirituales, quæ videlicet hoc præstant, quod pollicentur, bonos beatosque reddendo possessores suos, \* *quis credet*, seu committet vobis? Nemo sanè, si sapiat, ne quidem ipse Deus.

12. Et si in alieno fideles non fuistis, quod vestrum est, quis dabit vobis?

12. \* *Et si in alieno*, dispensando, \* *fideles non fuistis*, quemadmodum ille villicus, de quo audistis, \* *quod vestrum est, quis dabit vobis?* *Alienum* vocat id, quod antè *iniquum mammona* vocaverat, terrenas scilicet divitias, quia nec pleno jure eas possidemus, nec in nostra sunt potestate, ut eas vel habeamus vel servemus, nec à morientibus auferri possunt, ut Aug. quæst. 35. *Quod vestrum* verò nominat bona spiritualia, ad quæ propriè conditi sumus, & intra in ipso animo, non extra nos sunt, & in nostra sunt potestate, ut à nemine amittantur invito, *quis dabit vobis?* Quia præcedentis dispensationis infidelitas reddit indignos, & meritò præsumere facit, ne hîc similiter faciamus. Difficilius est enim spiritualia, quàm temporalia rectè administrare. Simili modo colligit Apostolus, *Si quis domui suæ præesse nescit, quomodo Ecclesiæ Dei diligentiam habebit?* 1. ad Timoth. 3. v. 5. Cum ergo hæc, & alia, quæ in Matth. explicata sunt, adversus avaritiam dicta \* *Pharisæi avari deriderent*, Græcè efficacius *ἔειπον ὀπίσσω, ναὶ σὺς σὺς σὺς*, *nafo suspendere*, externis scilicet gestibus contemptum significantes, respondit illis:

13. Nemo servus potest duobus dominis servire: aut enim unum odiet, & alterum diliget: aut uni adharebit, & alterum contemnet: non potest Deo servire & mammonæ.

14. Audiebant autem omnia hæc Pharisæi, qui erant avari: & deridebant illum.

15. Et ait illis: Vos estis qui justificatis vos coram hominibus: Deus autem novit corda vestra: quia quod hominibus altum est, abominatio est ante Deum.

15. \* *Vos estis, qui justificatis vos*, id est, qui justî videri, & haberi, & vocari vultis, justos vos venditatis, \* *coram hominibus*, qui externa intuentur: \* *Deus autem novit corda vestra*, quàm sint scilicet procul à justitia, hoc est, plena avaritiâ & hypocrisi & omni iniquitate, plus enim insinuat quàm dicit, quod probat subjuncta ratio: \* *Quia quod hominibus*, id est, hominum æstimationi, qui non nisi de externis judicant, \* *altum est*, id est, suspiciendum, & in magno pretio, cujusmodi sunt, esse divitem, esse ab hominibus honoratum, præ se ferre sanctitatem: \* *abominatio*, seu abominabile, \* *est ante Deum*, quia plerumque tales sunt pleni avaritiâ, fastu & hypocrisi. Sententiam magni ponderis, juxta quam plerumque fit, ut, quod homines admirantur, horrore sit apud Deum, & contra, ut discamus humana judicia parvi facere. Et quia Pharisæi prætexere potuissent legem, quæ promittit abundantiam temporalium observatoribus suis præoccupat Christus:

16. Lex & prophetæ, usque ad Joannem: ex eo regnum Dei evangelizatur, & omnis in illud vim facit,

16. \* *Lex & Prophetæ*, id est, scripta Prophetarum, \* *Usque ad Joannem*.

*Joannem*, tamquam legis terminum, inter veteres desinentes & incipientes novos constitutum, inquit Tertull. l' b. 5. contra Marcionem cap. 2. supple, munere suo functi sunt, prophetando scilicet Christum venturum, & regnum ejus, promittendo temporalia : at \* *ex eo*, tempore, non ampliùs terrena promittuntur, sed \* *regnum Dei evangelizatur*, seu annuntiatur, tamquam præmium benè operantibus expositum; ut proinde non mirum vobis videri debeat, si nova hæc prædicatio, nova quoque præcepta de contemptu temporalium fanciat. Et quamvis vobis ridicula videatur, non est tamen inefficax, quia \* *omnis in illud vim facit*, id est, multi alii ad illud summo fervore confluunt : vide dicta Matth. 11. Nec tamen putetis me legem destruere, quia dixi eam usque ad Joannem vigere.

17. \* *Facilius est calum & terram præterire*, id est, corrumpi, \* *quam de lege unum apicem cadere*, qui scilicet non impleatur.

18. \* *Omnis, qui dimittit uxorem, &c.* Explicata est hæc sententia apud Matth. Cohæret autem præcedentibus, ut notavit Tertull. 4. contra Marcionem c. 34. nam quia mentionem Joannis fecerat, in Herodem eam jaculari voluit, qui & suam uxorem, Arethæ Regis filiam, dimiserat, & aliam fratris uxorem contra legem duxerat.

19. \* *Homo quidam erat dives.* Historia est, non parabola, ut sentit Iren. lib. 4. c. 4. Tertull. lib. de anima, Ambr. hîc, Greg. hom. 40. in Evang. August. in Psalm. 45. & 47. Orig. & alii, qui ex nominis expressione hoc probant, quod in parabolis inusitatum. Respicit autem hæc historia versum 9. & seqq. de dispergendis in pauperes divitiis, & in primis ad versum 15. maximeque percellit eos, qui retributionum vitæ futuræ sunt increduli, dicentes, ut est Sap. 2. v. 20. *Non est, qui agnitus sit, reversus ab inferis*: nam hæc historia reversioni ab inferis æquivalet. Itaque \* *homo quidam* (nomini parcit, tum propter famam ejus, tum præcipuè, quia impios nescit Dominus; de quibus Psalm. *Nomen eorum delesti in æternum*) *erat dives*, nempe de suo, inquit Aug. serm. 19. de verb. Apostoli, hoc est, de rebus justè acquisitis; non enim arguitur fuisse vel raptor, vel pauperum oppressor, vel calumniator, &c. Noli ampliùs quærere, quàm audis à veritate, inquit Augustinus, qui solam inhumanitatem in pauperem in eo reprehensam putat. Quamquam aliquibus vitio non carere videatur, quòd \* *induebatur purpura*, id est, vestibus purpureis, qui tunc temporis, erat vestitus pretiosissimus, Regum & Principum virorum proprius, \* *& byssus*, id est, telâ seu lino candidissimo & delicatissimo. Notat ergo splendorem cum mollietate: *purpura*, quippè cultum externum, *byssus*, molitiem significat. \* *Et epulabatur*, cum

17. Facilius est autem calum & terram præterire, quàm de Lege unum apicem cadere.

18. Omnis qui dimittit uxorem suam, & alteram ducit, moechatur: & qui dimissam à viro ducit: moechatur.

19. Homo quidam erat dives, qui induebatur purpura & byssis: & epulabatur quotidie splendide.



lætitia indulgens genio, non subinde vel genialibus diebus, sed \* *quotidie & splendide*, ita ut nihil deesset, quòd ad ciborum apparatus, pretia, condimenta, splendorem vasorum spectaret.

20. Eterat quidam mendicus, nomine Lazarus, qui jacebat ad januam ejus, ulceribus piensus,

20. \* *Et erat quidam mendicus nomine Lazarus*, Quid hîc Lazari nomen, si non in veritate res est? inquit Tertull. lib. de anima c. 7. Probans non esse parabolam, sed historiam, quo modo & Chrysost. Hom. hac de re & Ambr. argumentantur. \* *Qui jacebat*, Græcè ἐβέλητο, *projectus erat*, tamquam ægrotus, qui se movere non posset, \* *ad januam ejus*, Græcè πρὸς τὴν πόλυν, *ad vestibulum*, quod scilicet januam vestit, hoc est, in via publica, ita tamen ut eum non posset ignorare, \* *ulceribus piensus*, ut totum corpus ulcera videretur, inquit Chrysost. Similia spirant emphasim singularem, ad exprimendam Lazari miseriam, augendamque divitis immisericordiam.

21. cupiens saturari de micis, quæ cadebant de mensa divitis, & nemo illi dabat: sed & canes veniebant, & lingebant ulcera ejus.

21. \* *Cupiens saturari*: quo indicatur potius miseriæ ostensione quàm clamore petiisse. Notat enim Basil. in Regulis fusiùs disputatis c. ult. nusquam esse scriptum, quod quidquam umquam à divite illo petierit, in argumentum, quod æquo animo rerum suarum statum ferret: unde exemplum est sapientiæ in tollerandis mollioribus doloribus, sicut Job in gravioribus. *Cupiebat itaque satiari*, non sumptuosius ferculis, sed \* *de micis, quæ cadebant de mensa divitis*, ut ita vel canis loco haberetur, quorum est de micis è mensa cadentibus vivere, ut est Matth. 15. v. 27. Insinuatur extrema paupertas, & fames ejus sicut contra, extrema duritia divitis, & familiæ ejus, per hoc, quod \* *nemo illi dabat*. Sed quâ culpâ, inquires, si, ut diximus, non petierit? Respondetur, quia, ut Ambr. lib. 2. Offic. c. 16. non solas aures præbere debemus audiendis precantium vocibus, sed etiam oculos considerandis necessitatibus. Unde 1. Joan. 3. v. 17. non dicitur, qui audiverit fratrem mendicantem, sed qui viderit fratrem suum necessitatem habere, & clausit viscera sua ab eo, quomodo charitas Dei manet in eo? \* *Sed & canes veniebant*, allecti pure & sanie, cujus linctu canes delectantur. Quod addi putat Chrysost. ad indicandum miserabilem statum corporis ejus, ad quod velut ad cadaver canes accurrerent, & ægri maximam debilitatem, eos abigere non valentis. Hieron. in c. 2. Malach. ad arguendum divitem, quòd feritate bestias superavit, ut qui hominis non miseretur, cujus etiam canum lingua miserebatur.

22. Factum est autem ut moreretur mendicus, & portaretur ab Angelis in sinum Abraham. Mortuus est autem & leprosus est in inferno,

22. \* *Factum est autem ut moreretur mendicus, & portaretur ab Angelis*, id est, Angelorum ministerio deduceretur anima mendici. Quo loco manifestè discimus animas justorum corporibus exutas in salutis locum ab Angelis duci. Unde orat Ecclesia: *Jubeas me à sanctis Angelis sus-*

*suscipi, & ad Patriam paradisi perducī. Et iterum: Signifer s. Michaël repræsentet eas: signifer tamquam bellum adhuc gerens, eo quòd in illo etiam animarum transitu dæmones oblucentur Angelis, ut earum translationem in cælum impediunt. \* In sinum Abraham, ut ibi quiesceret, foveretur, refocillaretur, tamquam Abraham communis omnium iustorum patris filius. Metaphora enim videtur ab humano sinu sumpta, in quem filii tenerè dilecti recepti reconduntur. Significatur itaque per sinum Abraham remota quædam & secreta sedes quietis in societate Abraham, ut Ambr. hic & Aug. lib. 4. de anima cap. 16. & epist. 99. & aliis multis locis, ut ita simul quies & societas Abraham insinuetur, qui tamquam communis pater omnium credentium filios suos ibi colligat. Hunc sinum satis apertè tradit idem Aug. in Psal. 85. & Greg. lib. 4. Moral. cap. 27. fuisse apud inferos limbum quem dicimus Patrum: nam distinguunt ab eo quemdam infernum inferiorem, ubi sint animæ damnatorum. Porro ex hoc loco manserunt illæ phrasæ apud Christianos, ut animæ iustorum dicantur à morte deferri in sinum Abraham, quamvis à Christi ascensione status rerum mutatus sit: nam, ut Cyril. lib. 12. in Joan. cap. 36. ex quo Christus moriens dixit, *Pater in manus tuas commendo spiritum meum*, certam spem & fidem habemus, quòd à morte ad Deum Patrem transitori sumus. \* *Mortuus autem est & dives, & sepultus in inferno*, id est, ita corpus terræ mandatum, ut anima per angelos malos in infernum demersa fuerit in pœnas: nam sepultura ista inferni pœnarum profunditatem significat, ut Aug. lib. 2. quæst. Evang. q. 88.*

23. \* *Elevans autem oculos suos*. Isti oculi, & lingua divitis, & Lazari conspectus, totaque rei velut corporalis descriptio multos in errorem duxit. Greg. Nyssenus omnia spiritualiter intelligenda putavit: Tertullianus animam etiam esse corpoream. Sed observandum Christum, quia de divite, & Lazaro tamquam hominibus loqui cœperat, de iisdem post mortem similiter loqui pergere, synecdochicè personis tribuens velut corporea membra adhuc habentibus, id quòd in sola anima agebatur. Atque ita futuræ vitæ statum repræsentat corporaliter, accommodatè ad captum nostrum, quemadmodum subinde etiam Deo corporea membra tribui solent. Quis enim rudiorum facillè intelligeret, eos sine oculis vidisse, sine lingua locutos, sine corpore cruciatos? Itaque elevasse oculos dicitur, quia considerationem in ea, quæ supra se erant, coniecit. \* *Cum esset in tormentis*, diversa enim tormentorum genera sunt, \* *vidit Abraham à longè*, in loco altè supra se posito, ut v. 26. Quibus verbis Tertul. colligit 4. contra Marcionem c. 24. sinum Abraham ab inferis discerni. Nam nec elevasset dives

23. Elevans autem oculos suos, cum esset in tormentis, vidit Abraham à longè & Lazarum in sinu ejus.



oculos, & quidem de longinquo, nisi in superiora per immensam distantiam sublimitatis & profunditatis. Ut enim in domo Patris, ita & in inferno mansiones multæ sunt, sublimitate & profunditate distinctæ. \* *Et Lazarum in sinu ejus*, ejusdem cum eo participem quietis atque felicitatis.

24. & ipse clamans dixit: Pater Abraham, misere mei, & mitte Lazarum, ut intingat extremum digiti sui in aquam, ut refrigeret linguam meam, quia crucior in hac flamma.

24. \* *Et ipse clamans*, per quod vehementia desiderii, exprimitur & loci longinquitas: \* *Pater Abraham*, quia ex ipso secundum carnem natus erat, quod jure naturæ ad commiserationem movendam valet. Quamvis autem damnati non invocent Sanctos ex pietate, nihil tamen vetat, eos invocare impulsu naturæ, summis viribus afflictionem fugitantis. \* *Misere mei*: prius enim vult excitare in patre commiserationis motum, ut inde ulterius sequatur sui subventio. Itaque \* *mitte* (quia videbat Abraham istius loci, qui sinus ejus dicitur, esse dominum, quem venire non deceret) \* *Lazarum*, eo quod alium in eo loco non videret, Deo quos vult, damnatis manifestante: \* *ut intingat extremum digiti sui in aquam*, id est, ut vel guttulam aquæ tribuat. Opponitur enim gutta micæ, ut notatur apud Aug. serm. 227. de tempore: \* *& refrigeret linguam meam*: in qua plus cruciabatur, quia plus linguâ & ore peccaverat, ut Cyprian. epist. 53. Per quæ enim quis peccat, per hæc & torquetur. Porro cum hîc de anima sermo sit, à corpore per mortem separata, quæ linguâ corporeâ caret, intelligendum superest, linguam sumi metaphoricè, talique pœna affectam fuisse animam, qualem sensisset, si corpore igni tradito sitim passa fuisset. Quandoquidem enim anima igne materiali affligi sensibiliter potest, verisimile est pœnis quoque similibus, quibus affliguntur hîc sensus, affligi posse. Ut propterea non sit necesse, etiam flammam intelligere metaphoricè, cum dicit, \* *quia crucior in hac flamma*: ignis enim tamquam instrumentum divinæ justitiæ in spiritum potest agere, ut latè S. Greg. 4. Dialogorum cap. 28. & 29.

25. Et dixit illi Abraham: Fili, recordare quia recepisti bona in vita tua, & Lazarus similiter mala: nunc autem hîc consolatur, tu verò cruciaris.

25. \* *Et dixit illi Abraham*, quia animo suo tale responsum divinitus reddi sensit: \* *fili*, sedatè scilicet & cum tranquillitate etiam damnato respondet, instar illius, qui cum tranquillitate judicat: nec humanitatis vocabulum, quod ei ratione originis competeat, ulla negat inclementia, ut observant Græci. \* *Recordare*: ex quo patet contra obliviam, quæ animabus transmigrantibus quidam tribuebant, animas posse recordari & actorum & personarum, nempe ad pœnam suam, ut Greg. hom. 40. \* *Quia recepisti bona in vita tua*, sanitatem, divitias, honores, epulas; \* *& Lazarus similiter mala*, morbos, & paupertatem. Ex quo colligas cum Irenæo, Abraham scire, quid hic agatur, sive hoc noverit, Lazaro narrante, ut Aug. lib. de cura pro mor-

tuis c. 14. sive Deo potius revelante, sicut jam Sanctis, ad conspectum Dei perductis, contingit. Unde Greg. Quid non vident, ubi omnia videntem vident? Cui consentanea docent Bernardus ser. 77. in Cant. Basil. de virgin. & Ambr. de viduis qui Martyres speculatores vitæ actuumque nostrorum nominat. \* *Nunc autem mutatis rerum vicibus*: sicut æquitas postulat, \* *hic consolatur*, id est, solatio afficitur, \* *tu vero cruciaris*. His ergo verbis iustitiæ, & rectissimi ordinis intuitu monet eum æquanimittatis, quamvis ea non esset usus.

26. \* *Et in his omnibus*, id est, super hæc omnia, ut Græcè. Accedit etiam hoc, quod scilicet præter æquitatem istius jam dictæ vicissitudinis, rem petis impossibilem, quia \* *inter nos & vos chaos magnum*. Græcè *χάσμα*, id est, hiatus magnus, seu ingens inane spatium (nam *Chaos* propriè significat rerum confusionem) \* *firmatum est*, seu constitutum divino decreto. Quo significatur, partim vera loci distantia, quæ est inter locum damnatorum & salvatorum, partim & maximè impervium esse ab utrisque transitum, & impermutabilem statum, propter incommutabilitatem divinæ sententiæ, prout notant Aug. qu. 38. Titus & Euthymius: & hoc explicat id, quod sequitur, \* *Ut hi, qui volunt*, id est, qui, quam maximè vellent, \* *hinc transire ad vos, non possint*, maximè ad adferendum solatium. Hoc itaque desperato, ait:

27. \* *Rogo ergo te pater*, quandoquidem tale chasma non sit firmatum inter vos & eos, qui in mundo degunt,

28. \* *Ut mittas eum in domum Patris &c. ut testetur illis*, tamquam testis oculatus eorum, quæ hîc geruntur. Hanc divitis precationem S. Greg. 4. Dialog. cap. 23. amore sui extortam esse docet, ne videlicet sibi tormenta ex iis auferentur, quos exemplo suo ad eandem vitæ dissolutionem & immisericordiam provocaverat: Aug. verò epist. 125. fraterno amori eam adscribit: nam sicut non exuunt amorem sui, ita neque fortè consanguineorum. Alii minùs probabiliter ex invidia profectam docent: ex qua quamvis mallens neminem liberari, si tamen aliqui liberandi sunt, suos mallent, quàm alienos liberari. Respondet Abraham:

29. \* *Habent Moysen & Prophetas*, id est, scripta Moysis & Prophetarum, quæ in eorum synagogis per omne sabbatum leguntur, ac de tormentis inferorum, & vita rectè instituenda, & agenda pœnitentia accurratè docent: \* *audiant illos*, id est, credant & obediant eis: & non erit opus ex mortuis audire, quid hîc geratur.

30. \* *At ille dixit, Non*. Quod referri potest vel ad primam partem sententiæ superioris, vel ad secundam: si ad primam, supple-

26. & in his omnibus, inter nos & vos chaos magnum firmatum est: ut hi, qui volunt hinc transire ad vos, non possint, neque inde huc transinire,

27. Et ait: Rogo ergo te pater ut mittas eum in domum patris mei.

28. habeo enim quinque fratres, ut testetur illis, ne & ipsi veniant in hunc locum tormentorum.

29. Et ait illi Abraham: Habent Moysen, & prophetas: audiant illos.

30. At ille dixit: Non, pater Abraham: sed si quis ex mortuis ierit ad eos, pœnitentiam agent.



dum est, non est satis, quod habeant Moysen & Prophetas: si ad secundam, tunc supple, non audient eos; quod ipse partim ex perspicuis eorum moribus, partim ex seipso conjiciebat, qui prædicationi Moysis & Prophetarum non crediderat. Sed si quis ex mortuis ierit ad eos, Lazarus videlicet, quem antè noverant, tunc rei novitate, vel timore, vel horrore stimulat, \* *pœnitentiam agent.*

31. Ait autem illi: Si Moysen & prophetas non audiant, neque si quis ex mortuis resurrexerit, credent.

31. \* *Ait autem illi: Si Moysen & Prophetas*, quorum est sacrosancta autoritas, & fides divinitus confirmata, \* *non audiant*, monitis eorum credendo & obediendo, \* *neque si quis ex mortuis resurrexerit*, qui narret, quid apud inferos agatur, \* *credent*: tantum abest, ut acturi sint pœnitentiam: dicent enim, esse phantasma, esse illusionem diabolicam, & ita reditus Lazari offensionem potius erit, quam fructui. Quod duplici exemplo verissimum esse patuit, videlicet Lazari, fratris Magdalenæ, quem redivivum Judæi iterum interficere voluerunt, & ipsiusmet Christi, cujus resurrectionem Moyses & Prophetæ prædicaverant, nec tamen ei crediderunt, ut notat Aug. lib. 2. quæst. Evang. q. 38. apud quem vide totius historię sensum mysticum.

## CAPUT DECIMUMSEPTIMUM.

1. Et ait ad discipulos suos: Impossibile est ut non veniant scandala: vix autem illi, per quem veniunt. 2. Utilius est illi, si lapis molatis imponatur circa collum ejus, & projiciatur in mare, quam ut scandalizet unum de pusillis istis.

3. Attendite vobis: Si peccaverit in te frater tuus, increpa illum: & si pœnitentiam egerit, dimitte illi.

4. Et si septies in die peccaverit in te, & septies in die conversus fuerit ad te, dicens: Pœnitet me: dimitte illi.

5. Et dixerunt Apostoli Domino: Adauge nobis fidem.

6. Dixit autem Dominus: Si habueritis fidem, sicut granum sinapis, dicetis huic arbori moro: Eradicare, & transplantare in mare: & obediet vobis.

7. Quis autem vestrum habens servum arantem aut pascemem, qui regresso de agro dicat illi: Statim transi, recumbe:

7. \* *Quis autem vestrum habens servum*, præsertim conditione, qui mancipium vocatur, \* *arantem aut pascemem*, id est, qui colendis agris, aut pascendis gregibus, toto die occupatus fuerit, \* *Qui regresso de agro*, vespere scilicet, \* *dicat ei: statim transi*, id est, perge in domum, \* *& recumbe*, id est, accumbe mensæ.

8. & non dicat ei: Para quod cœnem, & præcinge te, & ministra mihi donec manducem & bibam, & post hæc tu manducabis & bibes?

8. \* *Et non dicat ei: Para quod cœnem*, Præcinge te, ministra, Græcè περιζωοῦντος διακονεῖ μοι, præcinctus ministra mihi: nam cum apud orientales longis uterentur & adhuc utantur vestibus, extremas lascinias in cingulum retrahebant, ut essent expeditiores.

9. Numquid gratiam habet servo illi, quia fecit quæ ei imperaverat? Non puto.

9. \* *Numquid gratiam habet servo illi?* id est, numquid ei aget gratias, rebus aut verbis, quasi obligatus servo, propter acceptum ab eo aliquod beneficium? \* *Non puto*, quia non est hoc heris in more positum, ut qui persuasi sint serviendi necessitatem servis incumbere.

10. Sic & vos, cum

10. \* *Sic. Non infert Christus, sic & vobis, cum omnia feceritis, &c.*

Pater

*Pater meus celestis faciet*, quemadmodum applicatio parabolæ videbatur postulare, sed de industria mutat sermonem : \* *Sic & vos dicite, Servi inutiles sumus*, ut videlicet magis intelligeremus, quàm humiliter de nobis sentire debeamus, quales nos reputet Deus, aut quomodo nobiscum acturus sit. Non enim *servos inutiles* vocaturus est, sed, ut in alia dicit parabola, *euge serve bone & fidelis*; & alibi : *Fam non dicam vos servos, sed amicos*. Nam bonitas ejus eos, qui naturâ sunt servi, & ita istâ consideratione nihil mereri possent, dato spiritu adoptionis, elevavit ad dignitatem amicorum, imo filiorum Dei, quâ ratione à Deo mereri possunt. Porro, vult ut servos inutiles nos dicamus; primò, quia spectatâ conditione naturæ nostræ servilis, omnia debemus Deo & nihil commodi ei adferimus : secundò & maxime, quia nihil ultrâ, quàm debuimus facere, fecimus, ejus præcepta sola adimplendo. \* *Sic enim & in rebus humanis servum inutilem vocamus*, qui nihil ex se facit, sed ea tantum, quæ imperantur : nam hanc rationem explicat ipse Dominus, cum subjungit : \* *quod debuimus facere, fecimus*. Græcè expressè ponitur particula causalis, ὅτι ὅ, quia quod &c. id est, quia nihil aliud fecimus, quàm quod facere debebamus. Ex quibus patet, nihil hunc locum facere contra meritum bonorum operum, ut Calvinistæ volunt : tantum enim præscribit, quàm humiliter de nobis sentire debeamus, si summo jure Deus nobiscum, spectatâ nostrâ conditione, agere voluisset, non quid ipse servis in filios adoptatis promiserit, aut repensurus sit.

II. \* *Dum iret in Jerusalem, transibat per mediam Samariam & Galileam*, quia rectum iter in Jerusalem ex Paneade seu Cæsaræa Philippi, unde veniebat, est per Galilæam, ac deinde per Samariam. Cum ergo \* *ingrederetur quoddam castellum*, id est, jam proximè ingressurus esset vicum quemdam seu pagum; nam intra ipsum castellum seu pagum leprosi cum hominibus conversari non poterant, vetante Lege, Num. 5, v. 2. \* *Occurrerunt ei decem leprosi*, quos partim morbi communicatio, partim studium impetrandæ sanitatis conjunxerat. Nam alioqui Judæi non conitebantur Samaritanis, qualis unus eorum erat. \* *Qui steterunt à longe propter immunditiam suam, quia vetebantur versari cum sanis*.

13. \* *Et levaverunt vocem*, propter distantiam scilicet altâ voce clamaverunt, \* *dicentes*, unanimi scilicet clamore, omnes pro singulis, & singuli pro omnibus, ut hujusmodi concordie mutæque dilectionis significatione quasi factâ conspiratione Christi misericordiam expugnarent : \* *Jesu præceptor*, Græcè ἐκπαιστήτης, quod propriè significat præfectum seu præsidem, qui suo imperio res moderatur : unde

feceritis omnia quæ præcepta sunt vobis, dicite : Servi inutiles sumus : quod debuimus facere, fecimus.

11. Et factum est, dum iret in Jerusalem, transibat per mediam Samariam & Galilæam.

12. Et cum ingrederetur quoddam castellum, occurrerunt ei decem viri leprosi, qui steterunt à longe :

13. Et levaverunt vocem, dicentes : Jesu præceptor, miserere nostri,



& Latinum Præceptor à præcipiendo, id est, imperando dictum est. Plus itaque hic significat quàm doctorem, ut etiam Theophyl. observavit: \* *miserere nostri*, impertitâ sanitate.

14. Quos ut vidit, dixit: Ite, ostendite vos sacerdotibus. Et factum est, dum irent, mundati sunt.

14. \* *Quos ut vidit*, nam clamor eorum videtur Christi oculos ad se convertisse, \* *Dixit: Ite ostendite vos sacerdotibus*, utpote quorum est lepram dubiam explorare, vel eâ curatâ immunes declarare, denique præscriptis legis ritibus purificare.

Cur ergo, inquires, mittuntur ad Sacerdotes isti, quorum notoria erat lepra; idque antequam ab ea sanati essent? Respondetur, quia sufficiebat eos mundatos esse, non antequam pergerent, sed antequam pervenirent ad Sacerdotes. Ac proinde Christi verba tacitam continent promissionem, eos mundos fore, si præcepto suo obedierint, quia eos in itinere mundare decreverat. Fecit hoc ad probandam & exercendam eorum fidem, dum immundi mittuntur ad Sacerdotes, quos jam mundi accedere debebant, ut sic colligerent intereâ se mundandos, sicut etiam factum est. Nam \* *dum irent* seu inter eundem, \* *mundati sunt*, potius quam sanati. Nam quamvis lepra his temporibus nota sit gravis, ac deploratus morbus, multoque gravior olim post reditum ex terra sancta fuit, Judaica tamen coloris potius vitium erat, quàm valetudinis aut integritatis sensuum & membrorum, ut Aug. lib. 2. quæst. Evang. q. 40. & leprosum consortium magis vetitum erat propter significationem aliquam, quàm propter periculum. Vide Lev. 13.

15. Unus autem ex illis, ut vidit quia mundatus est, regressus est, cum magna voce magnificans Deum.

15. \* *Unus autem ut vidit quia mundatus est*, mundatione non tantum reali, sed etiam jam declaratâ per Sacerdotem. Credibile est enim eos animadversâ suâ mundatione explevisse præceptum Christi & Legis: quod ex eo probabiliter colligitur, quia unus eorum statim familiariter cum Christo conversatur v. 16. Itaque mundatus & à Sacerdote purificatus, & sic hominum societati restitutus, \* *regressus est*, ad Christum, ubi eum tunc versari continebat, sive eodem, sive alio loco, \* *cum magna voce*, magnæ gratitudinis & affectûs teste, \* *magnificans Deum*, Græcè, *δοξάζων*, glorificans, seu gloriosum & magnum prædicans, atque laudans Christum tamquam Deum. Nam ex hoc ipso facto videtur divinam ejus potentiam agnovisse: cujus indicium est, tum profunda illa humilitas & reverentia, quâ

16. & cecidit in faciem ante pedes ejus gratias agens: & hic erat Samaritanus.

16. \* *Cecidit in faciem ante pedes ejus*, scilicet pronus in terram; tum ipsum relativum, *ejus*: nam cujus, nisi Dei, cujus mentio præcesserat? \* *Gratias agens*; ita ut magnificando exhibuerit Christo, tamquam Deo, debitam laudem; procidendo majestati ejus, venerationem; gratias agendo, beneficentiæ ejus gratitudinem. \* *Et hic erat Samaritanus*: proinde ex alia gente, fortè & religione, quàm Israël.

litæ. Erant enim Samaritani plerique genere Babylonii, Chutæi, vel ex aliis gentibus oriundi, quas Salmanaſſar pro Iſraëlitis in Samaria collocaverat, & ideò mox vocatur *alienigena*: quamvis interim Samaritani etiam de genere Iſraël gloriarentur, ut patet Joan. 4. v. 14. Jeſus itaque dixit.

17. \* *Nonne decem mundati ſunt?* q. d. maximè; \* *& novem ubi ſunt?* 17. Respondens autem Jeſus, dixit: Nonne decem mundati ſunt? & novem ubi ſunt?  
Ut ſimiliter agnoſcant beneficium: verba enim ſunt non ignorantis, ſed arguentis eorum ingratitudinem. Cùm autem taceret præ modèſtia Samaritanus, ut qui non alios accuſaturus, ſed pro ſe gratias acturus veniſſet, adjicit Chriſtus ad circumſtantes:

18. \* *Non eſt inventus, qui rediret.* Quo inſinuat, ad gratitudinem Deo debitam non eſſe ſatis affectum internum, ſed congrua quoque gratitudinis officia eſſe adjungenda: \* *& daret gloriam Deo,* aperiendo conſitendoque veritatem, quâ Chriſtus tamquam Deus, vel Deus per Chriſtum glorificandus erat. Quâ phraſi dicitur 1. Reg. 6. v. 5. *Dabitis Deo Iſraël gloriam*, id eſt, conſitendo agnoſcetis plagas iſtas à Deo Iſraël vobis inflictas eſſe, & ita eum glorificabitis. Peccaverunt igitur novem leproſi, non, ut aliqui putant, inſidelitate & ſuperbiâ, quaſi ſuo merito ſanitatẽ obtinuiffent; nam contrarium videtur patere ex verſu 13. ſed ſolâ ingratitudinẽ, quæ ex mera ſocordia & beneficiorum Dei oblivione naſcitur. Vult enim Deus ſua in ſe refundi dona, quodammodo amiſſum reputans, quod ingratus acceperit: quæ de re vide latiùs Bernard. ſerm. contra vitium ingratitudinis. \* *Niſi hic alienigena*: à quo proinde minùs gratitudinis expectandum fuerat, quia minùs de Deo inſtructus erat. Quòd plerumque contingere ſolet, quia conſiderant magis indignis conferri beneficium. Unde Bern. ibid. Felix, qui ſe alienigenam reputans, etiam pro quibuſque minimis beneficiis non minimas refert gratias, gratuitum eſſe non dubitans, quidquid alieno impenditur & ignoto.

19. \* *Et ait illi: Surge.* Nam venerationis explendæ cauſâ huc uſque proſtratus in faciem jacuerat. \* *Vade,* utpote officio gratitudinis, & omnibus, quæ ad ſanitatẽ fides poſcebat, ritè p̄ſeſſus: 19. Et ait illi: Surge, vade: quia fides tua te ſalvum fecit.  
\* *quia fides tua*, quâ cum cæteris credidiſti verbis meis, *Ite, oſtendite vos Sacerdotibus*: \* *te ſalvum fecit*, à lepra. Nam quamvis iſte Samaritanus etiam animo fortaiſſis per juſtificationem ſanatus fuerat, non videtur tamen eò Chriſtus reſpicere. Fidẽ ergo commendat, quia illo tempore fides potiſſimum fundanda, & quid poſſet, declarandum erat. Allegoricè exponit hanc hiftoriam Aug. lib. 2. quæſt. Evang. q. 40. & Greg. 5. Moral. c. 11. aliàs 10. qui per *leproſos* ſignificari volunt hæreticos, & per *lepram* hæreſim. Nam ut lepra cutis colores



variat, atque maculat, ita hæresis veris falsa permiscet. Unde & Christum præceptorem vocaverunt, & ad Sacerdotes missi sunt, quorum est curare hæreticos doctrinæ sanitate. Vide latius præcipuè Aug.

20. Interrogatus autem à Phariseis: Quando venis regnum Dei? respondens eis, dixit: Non venit regnum Dei cum observatione:

20. \* *Interrogatus autem à Phariseis*, qui sæpè audiverant eum prædicantem appropinquare regnum Dei, cujus tamen nullum apparebat indicium: \* *Quando venit*, id est, venturum esset, seu venire oporteret, \* *regnum Dei*? Quo gloriosus & palam omnibus dominabitur. Somniabant enim tunc Judæi mundanum quoddam regnum, sicut & nunc, in quo Deus Christum, & ipsi cum eo cæteris imperarent nationibus. Moribus itaque Phariseorum satis congruum videtur, ut hoc potius irridendi, quàm discendi causa interrogaverint. Quibus respondit: \* *Non venit*, seu veniet, \* *regnum Dei cum observatione*; ita scilicet, ut, antequam veniat, observandis signis sciri possit, quando venturum sit, quia ex improvviso unicuique & omnibus suo tempore aderit. Nam illa signa adventus sui, quæ Christus c. 21. tradit, non sunt signa, quibus adventus diu antè præsciatur, sed quibus præsens agnoscatur.

21. neque dicent: Ecce hic, aut ecce illic. Ecce enim regnum Dei intra vos est.

21 \* *Neque dicent*, de illo regno aut Rege ejus: \* *Ecce hic, aut ecce illic*, scilicet in determinato aliquo loco aut civitate regnum illud quærendum est. Nam quamvis hæretici possint primum Christi adventum & regnum ejus in hoc mundo fallaci quadam similitudine effingere, quam ob causam prædixit Dominus, Matth. 24. v. 23. eos dicturos, *ecce hic est Christus, ecce illic*: secundus tamen adventus Regis & regni ejus tam erit manifestus, dicente Psalm. 49. *Deus manifestè veniet*, ut circa illum fallacia aut fictio habere non possit locum. Porro ne nihil ad quæstionem Christus attulisse videretur, transfilit à futuro regno ad præsens, quod futuri typus & inchoatio est; quemadmodum Matth. 37. de vero Elia, interrogatus, transfilit ad Joannem, ejus figuram. Dicit igitur, \* *ecce regnum Dei intra vos est*: q. d. Quid opus est observare tempus ac locum regni Dei, cum sit intra vos? Cur quæritur foris, quod intus quæri debet, & inveniri potest? Cur expectatis venturum, quod jam adest? Quia ubicumque est animus diligens justitiam, superior opibus, voluptatibus, honoribus mundi, &c. ibi est regnum Dei. Quo sensu cum dicit, *intra vos est*, non necessaria procedit de reali existentia, quasi reverà in Phariseis regnum illud fuisset, sed de natura regni illius, quod de se spirituale & invisibile est. In hunc ferè sensum Theophyl. & Beda, dum Deum fidem bonamque conversationem intra nos regnare docent.

22. Et ait ad discipulos suos: Venient dies quando desidereris videre unum diem Filii Hominis, & non videbitis.

Neglectis itaque Phariseis contemptoribus,

22. \* *Ait ad discipulos suos*, ut eos doceret, eà, quam habebant, salutis.

lutis occasione frui, dum cum ipsis in corpore versaretur, tamquam Rex regni illius, quod intra ipsos esse dixerat, sed fide credendus: \* *Venient dies, quando desideretis videre unum diem filii hominis*, id est, vel uno die præsentiâ meâ frui, quemadmodum jam fruimini, ut à me instructionem, consolationem, & animi robur accipiat: \* *& non videbitis*, me per assumptionem à vobis ablato. Quibus verbis eos armat non solum ad patientiam, sed etiam ad vivendum ex fide, postquam ab eis ablati fuerit. Quæ sequuntur in hoc Capite explicata sunt diversis locis apud Matth. præter illud vers. 32.

lum multa pati, & reprobari à generatione hac.

26. Et sicut factum est in diebus Noë, ita erit & in diebus Filii hominis.

27. Edebant, & bibebant: uxores ducebant, & dabantur ad nuptias, usque in diem, quâ intravit Noë in arcam: & venit diluvium, & perdidit omnes.

28. Similiter sicut factum est in diebus Loth: Edebant, & bibebant: emebant, & vendebant: plantabant, & ædificabant:

29. quâ die autem exiit Loth à Sodomis, pluit ignem & sulphur de cælo, & omnes perdidit:

30. secundum hæc erit quâ die Filii hominis revelabitur.

31. Si in illa hora, qui fuerit in tecto, & vasa ejus in domo, ne descendat tollere illa; & qui in agro, similiter non redeat retro.

32. \* *Memores estote uxoris Loth*, quod videlicet illi acciderit, dum amicorum & rerum pereuntium amore contra Angeli vetitum retrò respexit. Nempe quia consequente mox ultione divinâ unâ cum Sodomis periit, in statuam salis commutata: ut ita hominibus condimentum & documentum præberet, quo sapiant aliquid, unde illud caveatur exemplum, inquit Aug. 16. de Civit. c. 30. Illud autem est juxta mentem Christi hoc loco, ut memores illius exempli caveamus ne capti amore rerum, quas cum mundo perire necesse est, cum eas salvâs esse volumus, & ad eas animo respicimus, una cum illis Dei judicio opprimamur & pereamus.

unus assumetur, & alter relinquetur:

33. duæ erunt molentes in unum; una assumetur, & altera relinquetur: duo in agro; unus assumetur, & alter relinquetur.

36. Respondentes dicunt illi: Ubi Domine?

37. Qui dixit illis: Ubicumque fuerit corpus, illuc congregabuntur & aquilæ.

## CAPUT DECIMUM OCTAVUM.

1. \* **D**icebat autem & Parabolam, id est, similitudinem: ex qua intelligeremus, à minori ad majus, \* *quoniam oportet*, id est, quod oporteat, \* *semper orare*, juxta illud Apostoli 1. ad Thessalonicenses 5. v. 17. *Sine intermissione orate*. Per quæ quidam tantum significari putant, non debere nos desperare, etsi non statim obtineamus: nam, inquiunt, saltem somno oratio interrumpi debet. Sed præterquam quod illa perseverantia magis sequentibus verbis indicatur, major certè orandi assiduitas hoc verbo, *semper*, juxta antiquos significata est, ut videlicet, quantum fieri potest, numquam oratio interrumpatur. Unde Anna dicitur orationibus & obsecrationibus serviisse Domino die ac nocte: & de vidua Apost. *Instet orationibus die ac nocte*. Et Cæcilia non die-

23. Et dicent vobis: Ecce hic, & ecce illic. Nolite ire, neque leste-  
mini.

24. nam, sicut fulgur coruscans de sub cælo, in ea quæ sub cælo sunt, fulget: ita erit Filius hominis in die sua.

25. Primum autem oportet il-

32. Memores  
estote uxoris  
Loth.

33. Quicumque  
quæsierit animam  
suam salvam fa-  
cere, perdet il-  
lam: & quicum-  
que perdidit il-  
lam, vivificabit  
eam.

34. Dico vobis:  
in illa nocte erunt  
duo in lecto uno;

1. Dicebat autem  
& parabolam ad  
illos, quoniam  
oportet semper  
orare & non de-  
ficere,



diebus, neque noctibus ab oratione cessabat: & Martinus invictum ab oratione spiritum non relaxabat. Itaque Aug. epist. 121. c. 9. & aliis locis, docet continuam orationem esse continuum desiderium: continuè enim orat, qui continuè desiderat, etsi non moveat labia, nec flectat genua. Basiliius verò in regula 37. fusiùs disputata, ad semper orandum plus requirit, ut videlicet in medio occupationum & fori desiderium illud mente Deo exponatur: quomodo hoc Sanctos intellexisse, eorum vita probat, quæ non aliud esse solet, quantum infirmitas humana permittit, nisi perpetua quædam oratio. \* *Et non desicere*; Græcum *μη ἐξηραίνω*, alii vertunt, *non animo concidere vel succumbere*, subjiciendo præ tædio & successus desperatione orandi studium, si non statim sequatur effectus.

2. dicens: Iudex quidam erat in quadam civitate, qui Deum non timebat, & hominem non reverebatur.

2. \* *Dicens: Iudex quidam erat, &c. qui Deum non timebat*, id est, qui nec Dei timore, nec hominum verecundiâ movebatur, ut jus ex officio diceret, sive cui, neque conscientiæ cura erat, neque famæ.

3. Vidua autem quædam erat in civitate illa, & veniebat ad eum, dicens: Vindica me de adversario meo.

3. \* *Vidua autem quædam erat*. Vidua & hîc & alibi in Scripturis proponi solet velut exhortationis exemplum ad suscipiendum orandi studium, ut notat Aug. epist. 121 cit. c. 26. & patet in Anna, Samuëlis matre, & illa filia Phaniel, Lucæ 2. & 1. ad Tim. 5. v. 5. Quid autem, inquit Aug. in hoc operis genere in viduis electum est, nisi destitutio & desolatio? Quapropter si se omnis anima intelligat in hoc sæculo destitutam ac desolatam, quamdiu peregrinatur à Domino, profectò quamdam viduitatem suam Deo defensori assiduâ & intensissimâ prædicatione commendat. Hæc ergò de causa viduæ personam Christus inducit, dicentem: \* *Vindica me*, id est, defende me (non enim videtur hîc sumi in significatione ulciscendi). \* *de adversario meo*, qui mecum litigat, & opprimit justitiâ causæ meæ, opibus, gratiâ, & violentiâ. Petit itaque, ut sibi jus ex officio dicat, & ita liberetur.

4. Et nolebat per multum tempus. Post hæc autem dixit intra se: Etsi Deum non timeo, nec hominem revereor:

4. \* *Et nolebat per multum tempus*, defectu non potestatis, sed bonæ voluntatis, idque contra officium iudicis, utpote cujus est etiam non rogati subvenire oppresso, judicare pupillo, defendere viduam, ut est Isaïæ 1. v. 17. Postea autem dicebat:

5. tamen quia molesta est mihi hæc vidua, vindicabo illam, ne in novissimo veniens fugillet me.

5. \* *Quia molesta est mihi hæc vidua, vindicabo illam*, id est, jus illi dicendo, liberabo eam ab invidiâ, \* *ne in novissimo*; Græcè *ἐν τῇ ῥῆσιν*, in finem, id est, assiduè, semper; Syrus *omni tempore*, quo modo sumitur Psal. 78. v. 5. & Psal. 12. v. 1. \* *veniens*, id est, pergens mihi esse molesta, \* *fugillet me*, quod propriè, sicut & Græcum *ἐκωλύειν*, significat plagis lividum reddere; hîc autem per metaphoram significat maledictis obloqui, & famam lædere, quod ultimum refugium esse solet

solet mulierum, quæ passæ sunt injuriam, vel certè tædio aures obtundere, quomodo intellexit Beda & Aug. lib. 2. qu. Evang. q. 45. & epist. cit. c. 8.

6. \* *Ait autem Dominus*, similitudinem hanc accommodaturus ad propositum: \* *Audite, quid iudex iniquitatis*, id est, iniquus, quia scilicet impius erga Deum, impudens in homines, nec iustitiam administrans intuitu iustitiæ, sed pro commodo vel incommodo suo, \* *dicit*, nempe quod vindicabit illam precandi scilicet assiduitate ac tædio victus: nam hoc solum in verbis ejus attendi vult.

6. Ait autem Dominus: Aud te quid iudex iniquitatis dicit.

7. \* *Deus autem*, qui clemens est, qui propensus in oppressos, qui fons iustitiæ ac misericordiæ, qui precum assiduitate non obtunditur, sed delectatur, ut occasionem habeat citò subveniendi, \* *non faciet vindictam electorum suorum*, id est, non vindicabit, seu liberabit à violentia, quâ premuntur fideles & electi, quos ille non averfatur, ut ille iudex, sed ab æterno eligendo dilexit. \* *Clamantium ad se*, id est, non simpliciter rogantium, sed ex totis animæ visceribus clamantium pro liberatione; neque tantum singulis diebus, sed \* *die ac nocte*: quo vehementissimæ & perseverantissimæ preces significantur; nam singula verba spirant emphasin, & argumentum à minori ad majus peti indicant. \* *Et patientiam habebit in illis*? Græcè ἐν αὐτοῖς, *super illis*, id est, semperne longanimis erit, ac patienter feret injurias eorum, differendo liberationem, quam petunt? Quo sensu dicitur Eccles. 35. v. 22. *Dominus non elongabit, sed judicabit iustos, & faciet iudicium: & fortissimus non habebit in illis patientiam*. Respondet autem Christus interrogationi suæ:

7. Deus autem non faciet vindictam electorum suorum clamantium ad se die ac nocte, & patientiam habebit in illis.

8. \* *Dico vobis, quia cito faciet vindictam illorum*; eos à malis omnibus liberando. Non quod statim eis precantibus subveniat; sic enim periret precum perseverantia, ad quam hortatur: sed quia ne momento quidem tardat ultra articulum temporis, quo recta ratio, id est, iustitia & veritas Dei dictaverit esse subveniendum. Sed quia, ut Aug. notat ferm. 36. de verbis Dom. c. 1. si fides deficit, perit etiam oratio, & maximè orationis perseverantia, hinc Christus adjicit: \* *Verumtamen filius hominis veniens*, ad faciendam vindictam, seu ad liberandum simul & semel electos suos ab acerbissimis, quæ tunc erunt, tribulationibus, & quæ maximè poscunt, ut assiduæ orationi vacent, \* *putas*, Græcè, ἄρα, *nūm*, sive *utrum*, quomodo sæpè sumitur illud, *putas*, in Scripturis, ut suprâ c. 12. v. 42. & Matth. 24. v. 25. \* *Inveniet fidem in terra*, seu in hominibus? Quâ interrogationis figurâ fidei raritatem significat, ut Theophyl. notat; non tamen omnimodum interitum, quasi tunc Ecclesia fidelium peritura sit: quem perversissi-

8. Dico vobis: quia citò faciet vindictam illorum. Verumtamen Filius hominis veniens, putas, inveniet fidem in terra?



num esse sensum docet Aug. lib. 2. contra Gaudentium c. 6. Nam Donatistæ ex hoc loco probare conabantur, apostasiam totius orbis factam esse. Itaque idem Aug. duplici sensu hoc exponere solet; vel de fide formata per charitatem, ut hoc dictum sit propter iniquorum abundantiam, bonorumque paucitatem, juxta illud Domini, *Quoniam abundabit iniquitas, refrigescet charitas multorum*: vel de fide perfecta, quâ montes transferuntur, atque ita difficilis est in hominibus, inquit, ut in ipsis quoque admirabilibus Sanctis, sicut in ipso Moyse, inveniatur aliquid, ubi trepidaverint, vel trepidare voluerint; talis enim fides efficacissima est ad orandum, & impetrandum. Utrumque sensum tradit lib. de unit. Ecclesiæ c. 15. postremum loco cit. cont. Gaudentium, & latius serm. 36. de verbis Dom. c. 1. Cum ergo docuisset Dominus, orationem esse debere perseverantem, nunc ut doceret esse debere humilem,

9. Dixit autem & ad quosdam, qui in se confidebant tamquam justî, & aspernabantur ceteros, parabolam istam:

9. \* *Dixit ad quosdam*, Phariseos videlicet, de superbia maximè notabiles; \* *qui in se confidebant, tamquam justî*, supple, *essent*, ut Græcè additur, id est, qui confidebant seu confidenter sibi persuadebant, se esse justos: nam Græcè est, *πεποιθότας ἐπ' ἑαυτοῖς*; *persuasi in seipsis*, id est, qui sibi persuaserant &c. \* *Et aspernabantur ceteros*, tamquam injustos, arbitrati videlicet se solos esse justos. Superbia enim vult esse singularis, perversè appetens id, quod Deo maximè proprium est, ut scilicet unus omnibus excellat, de quo Aug. lib. de vera religione c. 45. Et hæc est causa, cur superbos Aug. communiter per unicorner intelligat. Hanc superbiam etiam ipso nomine Pharisei ræferebant, tamquam separati à reliquis. Ad hos ergo dixit \* *parabolam istam*: quæ fortassis res verè gesta fuit, sed ad hoc proposita, ut inde tamquam ex parabola aliquid simile pro omnibus orantibus eliciatur.

10. Duo homines ascenderunt in templum ut orarent: unus Phariseus, & alter publicanus.

10. \* *Duo homines ascenderunt in templum*, tamquam in monte situm, ut isto corporali ascensu monerentur oraturi, mentem simul ad Deum elevandam esse, cum orationis non postrema pars sit mentis in Deum elevatio. \* *Unus Phariseus*, opinione sanctitatis suæ tumens, \* *& alter publicanus*, peccator publicus, & agnoscens se esse talem.

11. Phariseus stans, hæc apud se orabat: Deus gratias ago tibi quia non sum sicut ceteri hominum: raptores, injusti, adulteri: velut etiam hic publicanus.

11. \* *Phariseus stans*, superbè & arroganter, quasi jure suo de propria justitia cum Deo disserturus; nam sublimitas animi etiam in corpore suam similitudinem operabatur & operari solet: \* *hæc apud se orabat*, id est, hæc loquebatur in corpore suo cum Deo: nihil enim orabat a Deo, prout oratio postulationem significat, ut notat Aug. serm. 36. cit. \* *Deus gratias ago tibi, quia non sum*, per tuam scilicet gratiam præservatus (nemo enim veraciter agit gratias alicui, nisi agnoscat ejus beneficium) \* *sicut ceteri hominum*. Diceret saltem,

sicut

sicut multi homines. Quid est, sicut ceteri hominum, nisi sicut omnes prater me? Ego justus sum, ceteri peccatores, prout hoc expendit Aug. ibid. quibus in verbis multipliciter peccabat. Primò, quia verbotenus agens Deo gratias, re ipsa sibi met placebat in donis Dei, quod in viris etiam bonis superbiam germen esse solet. Secundò, quia non solum sibi placebat, sed etiam ceteris omnibus se cum quodam contemptu præferebat, adeoque sub specie gratiarum actionis laudabat: omnis autem qui se exaltat, etiam si vera dicat, offendit, ut Amb. serm. 3. in Psalm. 118. v. 5. Tertiò, quia falsò se peccatorum numero eximebat: nam illa verba, \* raptores, injusti, &c. vim habent enumerationis omnium vitiorum, etiam superbiam, (pauca enim tangens, relinquit reliqua) cum tamen illa destrueret, quidquid reliqua ejus justitia edificaverat, ut ait S. Paulinus epist. 58. apud Aug. ideoque falsa fuit hæc oratio. Quartò addit, \* velut etiam, seu qualis est etiam, \* hic publicanus, unus videlicet ex illis ceteris raptor & injustus. Nam eum tamquam digito ostendens, jubet Deum animadvertere, quantum inter se & illum intersit. Quam in re continetur intolerabilis superbia cum temerario judicio conjuncta: superbia est enim insultare peccatori, ut notat Aug. in Psalm. 93. & insignis temeritatis, hominem condemnare, externo gestu poenitentem. Cum ergò se laudasset, quòd declinasset à malo, nunc ulterius enumerat, quæ fecerit bona, ut utrimque se justum ostenderet.

12. \* *Jejuno bis in sabbato*, id est, quaque septimanà, de quo dictum Matth. 28. v. 1. Phariseos autem secundam & quintam hebdomadam diem Jejuniò dedicasse tradit Epiphanius. Hæresi 16. \* *Decimas de omnium, quæ possideo*, in elemosynas videlicet erogando, ut Aug. in Psalm. 146. Neque enim omnium omninò rerum decimas propriè dictas Sacerdotibus dare tenebantur. Observat autem idem Aug. tum illo serm. 36. tum lib. de spiritu & littera c. 13. Phariseum se tantum laudasse, nihil verò omninò à Deo petiisse, tamquam scilicet nihil Deo indigeret amplius, sive ad peccati cujuscumque remissionem, sive ad conservandam, augendam, perficiendamque justitiam. Unde rectè loco quodam Ambr. Phariseus arrogans in prece, jactans innocentiam, præsumptor gloriæ, exprobrator misericordiæ, (fortè miseriam) prædicator sui, criminatorem alieni, qui magis conveniret (id est, debitum suis meritis posceret) quam rogaret Deum.

13. \* *Et Publicanus à longè stans*, id est, longè ab altari & sanctis locis, conscientiam id operante, quam agnoscebat, se per dissimilitudinem morum longè esse à Deo, & salute, \* *nolebat*, quia non audebat, \* *nec oculos quidem ad cælum levare*, multò minùs aliud quidpiam

12. *Jejuno bis in sabbato*: decimas de omnibus quæ possideo,

13. *Et publicanus à longè stans*, nolebat nec oculos ad cælum levare: sed percutiebat pectus suum, dicens: Deus propitius esto mihi peccatori,



audaciùs cum Deo facere, quod Cyprian. de orat. Dom. in initio ad-  
scribit verecundiæ; attollere verò oculos impudentiæ: \* *sed percutie-*  
*bat pectus suum*, ut peccata intùs inclusa testaretur, juxta Cyprian. ibid.  
ut ea contereret, juxta Aug. in Psalm. 31. tunſio enim pectoris, in-  
quit, obtritio cordis est: denique ut evidenti pulſu occultum caſti-  
garet peccatum, & à ſe pœnas exigeret, juxta eundem; ſerm. 8. &  
36. de verbis Domini. Hæc enim omnia importat pectoris tunſio,  
quam natura pœnitentes docuit. tum Judæos olim, tum deinde Chri-  
ſtianos, ut patet infrà c. 23. v. 48. Qui ritus olim tam familiaris erat  
Chriſtianis, ut ſimulatque audirent verbum, *Conſiteor*, etiam pro laude  
uſurpatum, pectus tunderent, teſte Aug. ſerm. illo 8. \* *dicens: Deus*  
*propitiuſ eſto mihi peccatori*. Quibus paucis verbis & peccati confeſſio,  
& veniæ petitio exprimitur, & Spiritùs ſancti infuſio poſtulat:ur:  
nam, ut Aug. epiſt. 57. Spiritus ſanctus inhabitat propitiuſ. Itaque  
quidquid ad juſtificationem eſt neceſſarium, iſto compendio compre-  
henſum eſt. Unde quia cor contritum & humiliatum Deus non deſ-  
piciat, meritò pronuntiat Chriſtus:

14. Dico vobis,  
deſcendit hic ju-  
ſtificatus in do-  
mum ſuam ab il-  
lo: quia omnis  
qui ſe exaltat, hu-  
miliabitur: & qui  
ſe humiliat, exal-  
tabitur.

15. Afferebant  
autem ad illum  
& infantes, ut eos  
tangeret. Quod  
cum viderent diſcipuli,  
inreprobant illos.

16. Jeſus autem convocans illos, dixit: Sinite pueros venire ad me, & nolite vetare eos, talium eſt enim regnum  
Dei.

17. Amen dico vobis: Quicumque non acceperit regnum Dei ſicut puer, non intrabit in illud.  
18. Et interrogavit eum quidam princeps, dicens: Magiſter bone, quid faciens vitam æternam poſſidebo?  
19. Dixit autem ei Jeſus: Quid me dicis bonum? nemo bonus niſi ſolus Deus.  
20. Mandata noſtri: Non occides: Non mœchaberis: Non furtum facies: Non falſum teſtimonium dices: Ho-  
nora patrem tuum & matrem.

21. Qui ait: Hæc omnia cuſtodivi à juventute mea.  
22. Quo audito, Jeſus ait ei: Adhuc unum tibi deeſt: omnia quæcumque habes vende, & da pauperibus, & ha-  
bebis theſaurum in cælo: & veni, ſequere me.

23. Hiſ ille auditis, contriſtatuſ eſt: quia dives erat valde.  
24. Videns autem Jeſus illum triſtem factum, dixit: Quam difficile, qui pecunias habent, in regnum Dei intrabunt,  
25. Faciliuſ eſt enim camelum per foramen acus tranſire, quam divitem intrare in regnum Dei.

26. Et dixerunt qui audiebant: Et quiſ poteſt ſaluſ fieri?  
27. Ait illis: Quæ impoſſibilia ſunt apud homines, poſſibilia ſunt apud Deum.  
28. Ait autem Petruſ: Ecce noſ dimiſimus omnia, & ſecuti ſumus te.

29. Qui dixit eis: Amen dico vobis, nemo eſt, qui reliquit domum, aut parentes, aut fratres, aut uxorem, aut  
filios, propter regnum Dei,

30. & non recipiat multò plura in hoc tempore, & in ſæculo venturo vitam æternam.  
31. Aſſumpſit autem Jeſus duodecim, & ait illis: Ecce aſcendimus Jeroſolymam, & conſummabuntur omnia,  
quæ ſcripta ſunt per Prophetas de Filio hominis.

32. tradetur enim Gentibus, & illudetur, & flagellabitur, & conſpuetur:  
33. & poſtquam flagellaverint, occident eum, & tertià die reſurget.  
34. Et ipſi nihil horum intellexerunt, & erat verbum iſtud abſconditum ab eis, & non intelligebant quæ dicebantur:

35. Factum est autem, cum appropinquaret Jericho, cæcus quidam sedebat secus viam, mendicans,  
 36. Et cum audiret urbem prætereuntem, interrogabat quid hoc esset.  
 37. Dixerunt autem ei, quod Jesus Nazarenus transiret.  
 38. Et clamavit, dicens: Jesu fili David miserere mei.  
 39. Et qui præbant, increpabant eum ut taceret. Ipse verò multò magis clamabat: Filii David miserere mei,  
 40. Stans autem Jesus iussit illum adduci ad se. Et cum appropinquasset, interrogavit illum,  
 41. dicens: Quid tibi vis faciam? At ille dixit: Domine ut videam.  
 42. Et Jesus dixit illi: Respice, fides tua te salvum fecit.  
 43. Et confestim vidit, & sequebatur illum magnificans Deum. Et omnis plebs ut vidit, dedit laudem Deo:

## CAPUT DECIMUMNONUM.

1. \* **E**T ingressus perambulabat Jericho, id est, plateas obibat civitatis, animas, ut videtur, quærens perditas, sicut medici ægrotorum domos obire solent.

1. Et ingressus perambulabat Jericho.

2. \* Et ecce vir nomine Zachæus; nomen est Syriacè à munditiè deductum: \* Et hic princeps erat publicanorum, Græcè ἀρχιτελωνης, quasi dicas Archipublicanus, seu Publicanorum plurium præfectus, ad quem tamquam ad quæstorem primarium, vectigalia publica inferiores Publicani deferrent, ut indicat Aug. serm. 36. de verbis Domini \* & ipse dives, quia, ut idem ait, multos presserat, multis abstulerat, multa congefferat: & inde habebat divitias; quamquam v. 8. indicet eum etiam iustis facultatibus divitem fuisse.

2. Et ecce vir nomine Zachæus & hic princeps erat Publicanorum, & ipse dives:

3. \* Et quærebat videre Jesum quis esset, secundum faciem, quem jam dudum ex rumore, & secundum virtutem & sapientiam nove-  
 rat: \* & non poterat præ turba, quæ Jesu ambulanti circumfunde-  
 batur, quia statura pusillus erat.

3. & quærebat videre Jesum, quis esset: & non poterat præ turba, quia statura pusillus erat.

4. \* Et præcurrens ascendit in arborem sycomorum. Si per ω mega scribatur, ut est in textu Lucæ συκομαρτίαν, sonat ficum fatuam; si per ο micron, ut plerumque fit; ficum moro similem: quam describit Discorides l. 1. c. 182. esse gustus inefficacis, hoc est, ignavi & fatui: unde Syrus ficum inspidam transfert: Plinius l. 13. c. 7. arborem moro similem foliis, magnitudine, aspectu, & Ægyptiam ficum vocat Aug. serm. de verbis Apostoli c. 3. testatur eam in Africa, aut omninò nusquam aut rarò inveniri, in Judæa esse frequentem. Moralem sensum pusillæ staturæ Zachæi, & ascensus ejus in lignum, vide ibidem apud Aug. & Ambr. in hunc locum, & Greg. 17. Moral. c. ult. Jesus igitur ei dixit:

4. Et præcurrens ascendit in arborem sycomorum ut videret eum: quia inde erat transiturus.

5. \* Zachæe festinans descende, omni scilicet cunctatione ac tergiversatione postpositâ; quod ideò dicit, ne conscientia forsitan territum trepidaret præ verecundia status publicani talem virum hospitio recipere: Quia hodie in domo tua oportet me manere, id est, hospitari decrevi: non quòd alia non essent hospitia, sed quia, quamvis vocem invitantis Zachæi Dominus non audiverat, viderat tamen affe-

5. Et cum venisset ad locum, suscipiens Jesus vidit illum, & dixit ad eum: Zachæe festinans descende: quia hodie in domo tua oportet me manere.



Etum ejus, inquit Ambr. quem etiam verbis deprompisset, nisi conscientia peccatorum & infamia publica obstitisset. Ista igitur humanitate præventus, & anxietate suâ liberatus,

6. Et festinans descendit, & excepit illum gaudens,

6. \* *Festinans descendit, & excepit illum gaudens*, id est, magna animi alacritate, libentissimè, tamquam magno affectus honore & beneficio, præter omnem opinionem. Ubi Maldonatus apertè confirmari putat, facienti, quod in se est, Deum gratiam non denegare posseque hominem sese aliquo modo ad gratiam disponere. Sed multum fallitur: hoc enim ipsum, quod Zachæus Dominum videre voluit, nempe cujusmodi esset, severus an placidus, quem peccator fidenter posset accedere, gratiæ tribui debet, sicut Aug. tribuit serm. 8. de verbis Apostoli c. 3. & 4. Vidit Dominus, inquit, ipsum Zachæum: visus est (Zachæus) & vidit. Sed nisi visus esset, non videret, quos enim prædestinavit, illos & vocavit. Et hinc est, quod Concilium Arausicanum, cum definivisset c. ult. in omni opere bono non nos incipere, & postea per Dei misericordiam adjuvari, subjicit: Unde manifestissimè credendum est, quod & illius latronis, & Cornelii Centurionis, & Zachæi, qui ipsum Dominum suscipere meruit, illa tam admirabilis fides non fuit de natura, tamquam scilicet incipiente illud opus bonum: verissimum est enim illud Scripturæ, & generalissimum Jeremiæ 30. v. 21. *Applicabo eum, & accedet ad me. Quis enim iste est, qui applicet cor suum, ut appropinquet mihi?* Itaque quod Maldonatus quosdam juvari judicat, sequentes Christum, alios eum præcurrentes, non potest cum doctrina Aug. ex Scripturis hausta, consistere: cui conformiter & Prosper contra Collatorem c. 7. de Christo, præparavit, inquit, sibi ejus animum, cujus elegit hospitium. Vide ibi latius.

7. Et cum viderent omnes, murmurabant, dicentes quod ad hominem peccatorem diverfisset,

7. \* *Et cum audirent omnes*, turba scilicet tota præsens, \* *murmurabant*, quod, cum tota urbe oberrasset, & quasi quæxivisset hospitium, tandem tamen \* *ad hominem peccatorem diverfisset*, publicum scilicet, quales habebantur publicani. Quamquam Tertull. l. 4. contra Marcionem c. 37. Zachæum putat fuisse gentilem, quod & Cyprianus epist. 63. & Ambr. l. 1. Offic. c. 30. sentire videtur, ut proinde causam murmurationis etiam fuisset accessus ad gentilem hominem, & quidem talem.

8. Stans autem Zachæus, dixit ad Dominum: Ecce dimidium bonorum meorum, Domine, do pauperibus: & si quid aliquem defraudavi, reddo quadruplum,

8. \* *Stans autem Zachæus*, tanquam refutaturus murmur turbæ ægrè ferentis ingressum Jesu \* *Dixit ad Dominum, Ecce, &c. q. d. Fateor*, peccator fui, sed ecce emendationem meam, quia \* *dimidium bonorum meorum do pauperibus*, id est, dare paratus sum, & jam quasi assignans do. Nam quod quidam exponunt, *do*, id est, dare soleo, videtur repug-

pugnare versui 9. Unde & plerique auctores tunc illam mutationem factam esse censent, Theophyl. Aug. & alii. \* *Et si quid aliquem defraudavi*, id est, per injustitiam & calumniam, ut Græcum indicat, extorsi, \* *reddo quadruplum* : q. d. Alterum dimidium mihi servo, non ut eo fruatur, sed ut debita mea solvam, reddens quadruplum, ut Aug. serm. cit. & Tract. 5. in epist. Joan. Non enim habet gratiam liberalitas, si injuria perseverat, quia non spolia, sed dona quaeruntur, inquit Ambr. nec dimittitur peccatum, nisi restituatur ablatum, ut Aug. epist. 54. Quadruplum autem reddit, propter plenissimum studium justitiæ; sua cuique tribuentis, cui non sufficit reddere æquivalens, ut notat Bernardus serm. 1. de omnibus Sanctis. Quod enim Lex Exodi 22. v. 1. de solis ovibus ablati constituerat, ipse in formulam generalem faciendæ restitutionis traxit, ut abundè damnum omne resarciret, quod quantum esse posset, ei incertum erat. Quod autem aliqui hinc consequens esse putant, eum nihil sibi reservasse, non firmiter videtur colligi : cum enim esset dives, potuit etiam post quadrupli restitutionem aliquid superesse.

9. \* *Et ait Jesus ad eum*, ut aliquam ipsi Zachæo securitatem & consolationem daret, ac turbæ causam redderet, cur ad peccatorem divertisset, ut notat Aug. cit. serm. 8. c. 5. \* *quia hodie salus domui huic facta est*, quia videlicet patrifamilias & consequenter domui, in quam salus primum intravit cum Christus intravit : tunc enim avaritiæ & fraudibus renuntiavit Zachæus : unde de illo solo subjicit Christus, \* *eo quod & ipse*, id est, etiam ipse Zachæus, cujus est hæc domus, quantumvis eum vos despiciatis, \* *Filius sit Abraham*, nimirum verus filius Abraham, non solum genere, sed maximè fidei & justitiæ imitatione : quo sensu Christus negat Judæos esse filios Abraham, Joan. 8. v. 39. & 44.

10. \* *Venit enim filius hominis*. Causam assignat salutis ejus, unde videlicet peccator publicus & infamis possit esse factus filius Abraham, ut notat Prosper, loco suprâ citato contra Collatorem, nimirum eo quod ipse Filius hominis in mundum venisset, ut eum cum cæteris tamquam ovem errantem, \* *quereret & salvum faceret, quod perierat*, id est, ut ad justitiam & salutem reduceret eos, qui peccatis suis perierant, ut ita videlicet, quem agnosceremus à Christo quærente salvum esse factum, sciremus à quærente præventum, inquit Prosper. Sensem allegoricum hujus historiæ, vide apud Aug. serm. 8. cit. & Theophyl. in Luc.

11. \* *Hæc illis audientibus*, tam plebe videlicet quàm discipulis. Unde videntur hæc præ foribus esse dicta, ubi populus egressum Do-

9. Ait Jesus ad eum : Quia hodie salus domui huic facta est : eo quod & ipse filius sit Abraham.

10. Venit enim Filius hominis querere & salvum facere quod perierat.

11. Hæc illis audientibus, adjiciens dixit parabolam, eo quod esset prope Jerusalem : & quia existimaret quod confestim regnum Dei manifi-  
festaretur,



mini expectabat : \* *adjiciens dixit parabolam*, quâ sanare volebat quorundam carnalem existimationem , quam tangit sequentibus verbis , \* *eo quod esset prope Jerusalem* , utpote quæ à Jericho non nisi septem circiter horis distabat : \* *& quia existimarent , quod confestim*, simulatque Jerosolymam , urbem Regiam , pervenisset , \* *regnum Dei*, gloriosum , quod Deus Christo suo per Prophetas promiserat , & de quo toties ipsemet , etiam tamquam jam appropinquante , mentionem fecerat , \* *manifestaretur* , Christo scilicet mox occupaturo solium regium , in urbe Regia , ad quam tendebat. Carnale namque regnum terreno simile somniabant , ut patuit in filiis Zebedæi , Matth. 20. v. 21. Hanc opinionem tollit hæc parabolâ , docens eos regnum illud in longinqua regione , in cælo videlicet , inchoandum , nec nisi in reditu suo manifestandum in terris : interim verò iis , qui participes ejus esse vellent , hîc negotiandum esse : Est autem parabola hæc ei , quæ narratur Matth. 25. de talentis , valde similis , & eundem scopum habens ; alio tamen tempore & loco & occasione dicta , & in quibusdam circumstantiis narrationis diversa.

12. Dixit ergo : Homo quidam nobilis abiit in regionem longinquam accipere sibi regnum, & reverti.

12. \* *Homo quidam nobilis* , Christus Dominus , juxta Aug. l. 2. Quæst. Evang. q. 46. quia secundum divinam naturam ex Deo Patre natus ; secundum humanam , ex regia progenie David , rebusque à se mirabiliter gestis nobilitatus : \* *abiit in regionem longinquam* , per ascensionem in cælum ; quæ regio & loco & rerum conditione à terris remotissima est : quamquam & longitudo absentiae usque ad judicii diem nomine longinquitatis insinuetur , \* *Accipere sibi regnum*, cujus possessio ei post ascensionem data est , prout luculentè describitur Danielis 7. v. 13. & 14. \* *Et reverti* , tempore opportuno , quod erit in novissimo die. Sed antequam discederet ,

13. Vocatis autem decem servis suis, dedit eis decem mnas, & ait ad illos : Negotiamini dum venio,

13. \* *Vocatis decem servis suis* : quo numero denario tota multitudo ministrorum Ecclesiæ significatur ; ponitur enim certus numerus pro incerto , *dedit eis decem Mnas* , ut ex iis singulis acciperent unam , sicut patet infra ex verbis servorum , rationem domino reddentium. Significantur autem diversa dona , quæ ministris suis tradidit. Porro *Mna* , Græcè , Latinis dicitur *Mina* , & significat libram pecuniarum Atticam constantem duodecim uncis & semis , id est , centum drachmis ; nam uncia continet octo drachmas. Mina verò Hebraica continebat duas libras & dimidiam , ut testatur Josephus lib. 14. Antiq. c. 13. aliàs 12. in initio , & indicatur Ezech. 45. v. 12. ubi dicitur , quod viginti sicli & viginti quinque sicli , & quindecim sicli ( hoc est in universum sexaginta sicli ) mnas faciant. Nam duo sicli faciunt unciam , & viginti quatuor sicli unam libram , Itaque *Mna* valde

valde diversa est à talento, sed ad idem significandum in parabola assumitur. \* *Et ait ad illos: Negotiamini*, laborando in usu pecuniæ, & lucrum adferendo, \* *dum venio*, id est, donec reversus fuero. Destruit ergo opinionem non solum de instante jamjam regno, sed etiam de regno suaviter ac molliter sine laboribus sibi deferendo.

14. \* *Cives autem ejus*, inter quos natus, & educatus, & conversatus fuerat, nempe Judæi, maximeque Jerosolymitani, \* *oderant eum*, dum cum illis viveret. Ita ut etiam tum palam dicerent, *Non habemus Regem nisi Casarem*; eaque de causa eum interficerent, dicentes Pilato, *Noli scribere Rex Judæorum*. Itaque idem odium obstinata voluntate prosequentes, eo jam in cælum profecto, \* *miserunt legationem*, seu legatos, \* *post illum dicentes*, non illi, sed aliis, id est, dantes eis in mandatis, ut toti rationi Judaicæ denuntiarent istud: \* *nolumus hunc*, quem præ contemptu nec nominare dignantur, \* *regnare super nos*, quem vidistis velut indignum à nobis exturbatum & crucifixum. Factum est hoc, quando Apostolos persecuti sunt, & cæsis denuntiaverunt, ne in nomine Jesu cuidam loquerentur, quando Paulo data sunt epistolæ à Pontificibus in Damascum, ut Christianos victos perduceret in Jerusalem.

15. \* *Et factum est, ut rediret*, in patriam scilicet suam, \* *accepto regno*, id est, postquam regnum suum in cælis inchoasset & accepisset: quia in manifestissima & eminentissima claritate rediturus est ad judicium ille, qui eis humilis apparuit, ut Aug. quæst. 36. Quæ verò de ratione cum servis posita hic sequuntur, vide in cap. 25. Matth. Aliqua tamen est differentia: nam sicut hic in servis inæqualitas laboris & industriæ fuit, ita & inæquale datur eis præmium. Primus enim dicit:

16. \* *Mna tua decem mnas acquisivit*, seu lucrificet: q. d. Non ego per industriam meam, sed per gratiam tuam decem mnas acquisivi: quo numero maximum lucrum significatur, sicut per *quinque* duplo minus. Qua de causa gratulando dicit Dominus:

17. \* *Euge serve bone*. Quæ vox est laudantis, & applaudentis, perinde ac si diceret, *rectè, præclare se res habet*; componitur enim ex *Eu*, id est, benè, & *Ge* enclitico: \* *quia in modico*, Græcè ἐν ὀλίγῳ, in minimo, in una scilicet mna, \* *fuiſti fidelis: eris*, Græcè ἰδιῶς, esto, seu sis \* *potestatem habens super decem civitates*, super plurimas videlicet animas, eas maximè, quibus causa salutis fuisti. Hinc Psalm. *Jerusalem edificatur ut civitas*: & Ambros. Civitates illæ sunt animæ, quibus jure præponitur, qui pecuniam Domini, hoc est, eloquia Dei mentibus hominum sæneraverit. Nam sicut Angeli, inquit, præsumt,

ita

14. Cives autem ejus oderant eum: & miserunt legationem post illum, dicentes: Nolumus hunc regnare super nos,

15. Et factum est ut rediret accepto regno: & iussit vocari servos, quibus dedit pecuniam, ut fectret quantum quisque negotiatus esset.

16. Venit autem primus dicens: Domine, mna tua decem mnas acquisivit.

17. Et ait illi: Euge bone serve, quia in modico fuisti fidelis, eris potestatem habens super decem civitates.

18. Et alter venit, dicens: Domine, mna tua fecit quinque mnas,



ita & hi, qui vitam meruerint Angelorum: q. d. Christus, esto ex primis proceribus & præfectis regni mei. Alteri verò, qui minus priore laboraverat, insignem tamen & ipse fructum fecerat, dicit:

19. Et huic ait:  
Et tu esto super  
quinque civitates

19. \* *Et tu esto super quinque civitates*, parem videlicet studio ejus honorem præfecturæ tribuens: quo præmium exprimitur accidentale: in Matthæo verò fit mentio præmii essentialis, quando dicitur, *intra in gaudium Domini tui.*

20. Et alter venit,  
dicens: Domine,  
ecce mna tua,  
quam habui  
repositam in sudario:

20. Quod verò tertius dicit, se habuisse mnam \**repositam in sudario*, idem est quantum ad sensum intentum cum eo, quod dicitur apud Matth. *Abfcondi talentum tuum in terra.* Vide dicta de excusatione servi illius, & increpatione Domini loco Matth. citato.

21. timui enim  
te, quia homo austerus es:

22. Dicit ei: De ore tuo te  
judicio serve nequam.

23. & quare non dedisti  
pecuniam meam ad mensam,

24. Et astantibus dixit:

25. Et dixerunt ei: Domine,

26. Dico autem vobis,

27. Verumtamen

28. Et huic dixit,

29. Et factum est,

30. dicens: Ite in castellum,

31. Et si quis vos interrogaverit:

32. Abierunt autem qui missi erant:

33. Solventibus autem illis pullum,

34. At illi dixerunt: Quia Dominus

35. Et duxerunt illum ad Jesum.

36. Eunte autem illo, substernebant

37. Et cum appropinquaret jam ad

38. dicentes: Benedictus, qui venit

39. Et quidam Phariseorum de turbis,

40. Quibus ipse ait: Dico vobis,

41. Et ut appropinquavit, videns

42. Et quidam Phariseorum de turbis,

43. Et quibus ipse ait: Dico vobis,

44. Et ut appropinquavit, videns

45. Et quibus ipse ait: Dico vobis,

46. Et ut appropinquavit, videns

47. Et quibus ipse ait: Dico vobis,

48. Et ut appropinquavit, videns

49. Et quibus ipse ait: Dico vobis,

50. Et ut appropinquavit, videns

51. Et quibus ipse ait: Dico vobis,

52. Et ut appropinquavit, videns

53. Et quibus ipse ait: Dico vobis,

54. Et ut appropinquavit, videns

55. Et quibus ipse ait: Dico vobis,

56. Et ut appropinquavit, videns

57. Et quibus ipse ait: Dico vobis,

58. Et ut appropinquavit, videns

59. Et quibus ipse ait: Dico vobis,

60. Et ut appropinquavit, videns

61. Et quibus ipse ait: Dico vobis,

62. Et ut appropinquavit, videns

63. Et quibus ipse ait: Dico vobis,

64. Et ut appropinquavit, videns

65. Et quibus ipse ait: Dico vobis,

27. \* *Verumtamen*, id est, verum: q. d. Ignavum quidem servum sic plectendum esse judico, verum \* *inimicos meos illos*, genere scilicet cives meos, animo verò hostes infensissimos, longè gravius tractari volo. Nimirum \* *adducite eos huc & interficite ante me*, Græcè *κατασφάζετε ἐμπροσθέν μου*, *ingulate coram me*. Quo significatur æterna & irreparabilis poena Judæorum infidelium; quodque ipsi adeoque omnes reprobi, inspectante cum Sanctis Christo, in infernum latâ damnationis sententiâ demergendi sunt.

30. dicens: Ite in castellum, quod contra est: in quod introeuntes, invenietis pullum asinæ alligatum, cui nemo umquam hominum tedit: solvite illum, & adducite:

31. Et si quis vos interrogaverit: Quare solvitis? sic dicetis ei: Quia Dominus operam ejus desiderat,

32. Abierunt autem qui missi erant: & invenerunt, sicut dixit illis, stantem pullum.

33. Solventibus autem illis pullum, dixerunt domini ejus ad illos: Quid solvitis pullum?

34. At illi dixerunt: Quia Dominus eum necessarium habet.

35. Et duxerunt illum ad Jesum. Et jactantes vestimenta sua supra pullum, imposuerunt Jesum.

36. Eunte autem illo, substernebant vestimenta sua in via.

37. Et cum appropinquaret jam ad descensum Montis Oliveti, coeperunt omnes turbæ discipulorum gaudentes

laudare Deum voce magna super omnibus, quas viderant, virtutibus,

38. dicentes: Benedictus, qui venit rex in nomine Domini, pax in cælo, & gloria in excelsis.

39. Et quidam Phariseorum de turbis, dixerunt ad illum: Magister, increpa discipulos tuos.

40. Quibus ipse ait: Dico vobis, quia si hi tacuerint, lapides clamabunt.

41. Et ut appropinquavit, videns civitatem, flevit super illam,

id est, propter illam, cum perpenderet, hinc ejus ingratitude, obduratamque cæcitatē, illinc verò impendentium calamitatum magnitudinem. Flevit ergo intimo compassionis affectu, in mediis festivis acclamationibus & gaudiis, ut ostenderet non sibi honorem illum, sed salutem civitatis esse cordi. Hoc contigit eodem loco ac

tempore anni, quo postea Romani castra posuerunt, ut patet ex Josepho lib. 6. de bello Jud. c. 3. & 4.

42. \* *Dicens: quia; illud, quia*, Latinè redundat ex phrasi Græca, ut alibi sæpius: \* *si cognovisses & tu*. Greg. hom. 39. vult esse sermonem conditionalem, sicut sonat, ideoque supplendum (*scires & tu:*) nihil enim respondet illi conditioni. Sed facilius videtur esse posse sensus optativus, nullà indigens suppletionem: quasi diceretur, *ô si cognovisses etiam tu*, videlicet sicut ego, & hæc turba discipulorum meorum. Græcum enim *εἰ* pro *utinam*, sæpè sumitur, sicut in translatione Græca Lxx. apertissimum est, Josué 7. v. 7. & Job 10. v. 4. prout notavit Olympiodorus. Utinam igitur cognovisses: sed quid; nempè, \* *quæ ad pacem tibi*, supple, pertinent: nam illud, *quæ*, Græcè pluralis numeri est, & ita intelligunt ferè Græci, Orig. hom. 38. in Luc. Euthym. ac Theophyl. *pacis* autem nomine Hebraico more intelligitur salus ac prosperitas: q. d. Utinam intelligeres ea, ex quibus salus tua ac prosperitas dependet, nempè me Salvatorem tuum præsentem, fidem ac prædicationem meam: & quidem \* *in hac die tua*, quâ te Deus adhuc benignis oculis aspicit, dum te per meipsum, tamquam humilem & mansuetum Regem, ad salutem tuam visitat. Abruptus est sermo, sicut silentium, & ex intimo pectore gementium esse solet, quibus affectus vehementia interrumpit orationem. \* *Nunc autem abscondita sunt ab oculis tuis*, id est, ignota tibi sunt, supple ea, quæ faciunt ad pacem & salutem tuam. Nimirum quia mentis oculos claudis, ne agnoscas. Non enim hoc dicitur ad levandam culpam ejus, sed ad arguendum stuporem.

43. \* *Quia venient dies, & circumdabunt*, id est, in quibus circumdabunt \* *te inimici tui vallo*. De Romanis loquitur, qui ducibus Tito & Vespasiano totam civitatem uno continuo vallo circumcinxerunt, triginta novem stadiorum longitudine, tridui labore, ita ut nemini pateret introitus vel exitus. Hinc orta fames intolerabilis; qua de re vide Josephum l. 6. de bello Judaico c. 13. Et hoc est, quod adjicit, exponendo, \* *& circumdabunt te*. Græcè aliud verbum est à præcedente, *καὶ περικυκλώσουσι σε*, id est, *& in circuitu te cingent*: ex quo sequitur, quod \* *coangustabunt te undique*, id est, ad illas angustias te redigent, ut fame & miseriis pereas. Nam hinc præcipuè factum est, ut toto obfidionistempore undecies centena millia perierint.

44. \* *Et ad terram prosternent te*, id est, solo te æquabunt ac destruent; \* *te & filios tuos*, id est, cum civibus seu incolis tuis: \* *& non relinquet lapidem super lapidem*, id est, lapidem lapidi cohærentem Phrasis hyperbolica est, nihil aliud significans, nisi extremam ejus

41. Quia si cognovisses & tu, & quidem in hac die tua, quæ ad pacem tibi: nunc autem abscondita sunt ab oculis tuis,

43. Quia venient dies in te, & circumdabunt te inimici tui vallo, & circumdabunt te: & coangustabunt te undique,

44. & ad te & in te prosternent te, & filios tuos, qui in te sunt, & non relinquent in te lapidem super lapidem: eo quod non cognoveritis tempus visitationis tuæ,



45. Et ingressus in templum, coepit ejicere vendentes in illo, & eementes,

46. dicens illis, Scriptum est: Quia domus mea domus orationis est. Vos autem fecistis illam speculam latronum.

47. Et erat docens quotidie in templo. Principes autem facerdotum, & Scribæ & Principes plebis quærebant illum perdere:

48. & non inveniebant quid facerent illi. Omnis enim populus suspensus erat audiens illum.

eversionem ac desolationem, q. d. funditus destrueris. Quod completum esse testis est Josephus lib. 7. c. 18. ubi dicit Cæsarem jussisse totam funditus erui civitatem ac templum. Itaque civitatis ambitum ita complanavere diruentes, ut qui ad eam accessissent, inquit, habitatam aliquando esse vix crederent. Relictæ tamen fuerunt tres turres, & muri pars occidentalis, ut esset indicium posteris, qualem civitatem expugnasset. Postea tamen & illa destructa sunt, civitate in alium locum translatâ, ut perfectiùs Christi prophetia impleretur.

\* *Eo quod non cognoveris tempus visitationis tuæ, quo scilicet te Deus per filium suum visitavit, doctrinaque & miraculis ad pacem & salutem provocavit. Quo significat causam perditionis ejus fuisse ingratitude nem & impietatem in filium Dei.*

Caput vigesimum explicatum est, partim apud Matthæum, partim apud Marcum.

Caput vigesimum primum similiter explicatum est, partim apud Matthæum, partim apud Marcum.

## CAPUT VIGESIMUM.

1. Et factum est in una dierum, docente illo populum in templo, & evangelizante, convenerunt Principes sacerdotum, & Scribæ cum senioribus,
2. & aiunt dicentes ad illum: Dic nobis, in qua potestate hæc facis? aut: Quis est, qui dedit tibi hanc potestatem?
3. Respondens autem Jesus, dixit ad illos: Interrogabo vos & ego unum verbum. Respondete mihi:
4. Baptismus Joannis de cælo erat, an ex hominibus?
5. At illi cogitabant intra se, dicentes: Quia si dixerimus, De cælo, dicet, Quare ergo non credidistis illi?
6. Si autem dixerimus, Ex hominibus, plebs universa lapidabit nos: certi sunt enim, Joannem prophetam esse.
7. Et responderunt se nescire unde esset.
8. Et Jesus ait illis: Neque ego dico vobis in qua potestate hæc facio.
9. Coepit autem dicere ad plebem parabolam hanc: Homo plantavit vineam; & locavit eam colonis: & ipse peregrè fuit multis temporibus.
10. Et in tempore misit ad cultores servum, ut de fructu vineæ darent illi. Qui casum dimiserunt eum inanem.
11. Et addidit alterum servum mittere. Illi autem hunc quoque cadentes, & afficientes contumelia, dimiserunt inanem.
12. Et addidit tertium mittere: qui & illum vulnerantes ejecerunt.
13. Dixit autem dominus vineæ: Quid faciam? mittam filium meum dilectum: forsitan, cum hunc viderint verebuntur.
14. Quem cum vidissent coloni, cogitaverunt intra se, dicentes: Hic est heres, occidamus illum, ut nostra fiat hereditas.
15. Et eiecunt illum extra vineam, occiderunt. Quid ergo faciet illis dominus vineæ?
16. Veniet, & perdet colonos istos, & dabit vineam aliis. Quo audito, dixerunt illi: Absit.
17. Ille autem aspiciens eos, ait: Quid est ergo hoc, quod scriptum est: Lapidem quem reprobaverunt ædificantes, hic factus est in caput anguli?
18. Omnis qui ceciderit super illum lapidem, conquassabitur: super quem autem ceciderit, comminuet illum.
19. Et quærebant principes sacerdotum, & Scribæ, mittere in illum manus illâ horâ: & timerunt populum: cognoverunt enim quod ad ipsos dixerit similitudinem hanc.
20. Et observantes miserunt insidiatores, qui se justos simularent, ut caperent eum in sermone, ut traderent illum principatui & potestati præsidis.
21. Et interrogaverunt eum, dicentes: Magister, scimus, quia rectè dicis & doces: & non accipis personam, sed viam Dei in veritate doces:
22. licet nobis tributum dare Cæsari, an non?
23. Considerans autem dolum illorum, dixit ad eos: Quid me tentatis?
24. Offendite mihi denarium. Cujus habet imaginem & inscriptionem? Respondentes dixerunt ei: Cæsaris.
25. Et ait illis: Reddite ergo quæ sunt Cæsaris, Cæsari; & quæ sunt Dei, Deo.
49. Et non potuerunt verbum ejus reprehendere coram plebe: & mirati in responso ejus: tacuerunt.

27. Accesserunt autem quidam Sadduceorum, qui negant esse resurrectionem, & interrogaverunt eum,  
 28. dicentes: Magister, Moyses scripsit nobis: Si frater alicujus mortuus fuerit habens uxorem, & hic sine libe-  
 29. ri fuerit, ut accipiat eam frater ejus uxorem, & suscitet semen fratri suo.  
 30. Septem ergo fratres erant: & primus accepit uxorem, & mortuus est sine filiis.  
 31. Et sequens accepit illam, & ipse mortuus est sine filio.  
 32. Et tertius accepit illam. Similiter & omnes septem, & non reliquerunt semen, & mortui sunt.  
 33. Novissimè omnium mortua est mulier.  
 34. In resurrectione ergo, cujus eorum erit uxor? siquidem septem habuerunt eam uxorem.  
 35. Et ait illis Jesus: filii hujus sæculi nubunt, & traduntur ad nuptias:  
 36. illi vero, qui digni habebuntur sæculo in illo & resurrectione ex mortuis, neque nubent, neque ducent uxores.  
 37. neque enim ultra mori poterunt: aequales enim Angelis sunt, & filii sunt Dei, cum sint filii resurrectionis.  
 38. Quia vero resurgant mortui, & Moyses ostendit secus rubum, sicut dicit Dominum, Deum Abraham, & Deum  
 Isaac, & Deum Jacob.  
 39. Deus autem non est mortuorum, sed vivorum: omnes enim vivunt ei.  
 40. Respondentes autem quidam Scribarum, dixerunt ei: Magister, benè dixisti.  
 41. Et amplius non audebant eum quidquam interrogare.  
 42. Dixit autem ad illos: Quomodo dicunt Christum, filium esse David?  
 43. & ipse David dicit in libro Psalmorum: Dixit Dominus Domino meo, sede à dextris meis,  
 44. donec ponam inimicos tuos, scabellum pedum tuorum?  
 45. David ergo Dominum illum vocat: & quomodo filius ejus est?  
 46. Attendite autem omni populo, dixit discipulis suis:  
 47. Attendite à Scribis, qui volunt ambulare in stolis, & amant salutationes in foro, & primas cathedras in sy-  
 nagogis, & primos discubitus in conviviis:  
 48. qui devorant domos viduarum, simulantes longam orationem. Hi accipient damnationem majorem.

## CAPUT VIGESIMUM PRIMUM.

1. Respiciens autem, vidit eos, qui mittebant munera sua in gazophylacium, divites.  
 2. Vidit autem & quamdam viduam pauperculam mittentem æra minuta duo.  
 3. Et dixit: Verè dico vobis, quia vidua hæc pauper, plus quàm omnes misit.  
 4. Nam omnes hi ex abundantia sibi miserunt in munera Dei: hæc autem ex eo quod deest illi, omnem victum suum  
 quem habuit, misit.  
 5. Et quibuldam dicentibus de templo, quòd bonis lapidibus & donis ornatum esset, dixit:  
 6. Hæc quæ videtis, venient dies, in quibus non relinquetur lapis supra lapidem, qui non destruat.  
 7. Interrogaverunt autem illum, dicentes: Præceptor, quando hæc erunt, & quod signum cum fieri incipient?  
 8. Qui dixit: Videte ne seducamini: multi enim venient in nomine meo, dicentes quia ego sum: & tempus ap-  
 propinquavit: nolite ergo ire post eos.  
 9. Cum autem audieritis prælia, & seditiones, nolite terreri: oportet primum hæc fieri, sed nondum statim finis.  
 10. Tunc dicebat illis: Surge gens contra gentem, & regnum adversus regnum.  
 11. Et terramotus magni erunt per loca, & pestilentia, fames, terroresque de celo, & signa magna erunt.  
 12. Sed ante hæc omnia injicient vobis manus suas, & persequentur, tradentes in synagogas & custodias, tra-  
 hentes ad reges & principes, propter nomen meum:  
 13. continger autem vobis in testimonium.  
 14. Ponite ergo in cordibus vestris, non præmeditari quemadmodum respondeatis.  
 15. ego enim dabo vobis os & sapientiam, cui non poterunt resistere & contradicere omnes adversarii vestri.  
 16. Trademini autem à parentibus, & fratribus, & cognatis, & amicis, & morte afficient ex vobis:  
 17. & eritis odio omnibus propter nomen meum:  
 18. & capillus de capite vestro non peribit.  
 19. In patientia vestra possidebitis animas vestras.  
 20. Cum autem videritis circumdari ab exercitu Jerusalem, tunc scitote quia appropinquavit desolatio ejus?  
 21. tunc qui in Judæa sunt: fugiant ad montes: & qui in medio ejus, discedant: & qui in regionibus, non in-  
 trent in eam.  
 22. Quia dies ultionis hi sunt, ut impleantur omnia quæ scripta sunt.  
 23. Væ autem prægnantibus & nutriendis in illis diebus, erit enim pressura magna super terram, & irapopulo huic.  
 24. Et cadent de ore gladii: & capiivi ducentur in omnes Gentes, & Jerusalem calcabitur à Gentibus: donec  
 impleantur tempora nationum.  
 25. Et erunt signa in sole, & luna, & stellis, & in terris pressura Gentium præ confusione sonitus maris, & fluctuum:  
 26. arebunt hominibus præ timore, & expectatione, quæ supervenient universo orbi. Nam virtutes celo-  
 rum movebuntur:  
 27. & tunc videbunt filium hominis venientem in nube cum potestate magna, & majestate.  
 28. His autem fieri incipientibus, respicite, & levate capita vestra: quoniam appropinquat redemptio vestra.  
 29. Et dixit illis similitudinem: Videte ficulneam, & omnes arbores:  
 30. cum producant jam ex se fructum, scitis quoniam propè est æstas:  
 31. ita & vos cum videritis hæc fieri, scitote quoniam propè est regnum Dei.



32. Amen dico vobis, quoniam non præteribit generatio hæc, donec omnia fiant.  
 33. Cælum & terra transibunt: verba autem mea non transibunt.  
 34. Attendite autem vobis, ne fortè graventur corda vestra in crapula, & ebrietate, & curis hujus vitæ: & superveniat in vos repentina dies illa:  
 35. tamquam laqueus enim supervenient in omnes, qui sedent super faciem omnis terræ.  
 36. Vigilate itaque, omni tempore orantes, ut digni habeamini fugere ista omnia, quæ futura sunt, & stare ante Filium hominis.  
 37. Erat autem diebus docens in templo: noctibus verò exiens, morabatur in monte, qui vocatur Oliveti.  
 38. Et omnis populus manebat ad eum in templo audire eum.

## CAPUT VIGESIMUM SECUNDUM.

1. Appropinquabat autem dies festus Azymorum, qui dicitur Pascha:  
 2. & quærebant principes sacerdotum, & Scribæ, quomodo Jesum interficerent: timebant verò plebem.  
 3. Intravit autem satanas in Judam, qui cognominabatur Iscariotes, unum de duodecim.  
 4. & abiit, & locutus est cum principibus sacerdotum, & magistratibus, quemadmodum illum traderet eis,  
 5. Et gavisi sunt, & pacti sunt pecuniam illi dare.  
 6. Et proposuit. Et quærebat opportunitatem ut traderet illum sine turbis.  
 7. Venit autem dies Azymorum, in qua necesse erat occidi pascha.  
 8. Et misit Petrum & Joannem, dicens: Euntes paratæ nobis pascha, ut manducemus.  
 9. At illi dixerunt: Ubi vis paremus?  
 10. Et dixit ad eos: Ecce Introeuntibus vobis in civitatem, occurret vobis homo quidam amphoram aquæ portans: sequimini eum in domum, in quam intrat,  
 11. & diceris paritfamilias domûs: Dicit tibi Magister: Ubi est diversorium, ubi pascha cum discipulis meis manducem?  
 12. Et ipse ostendit vobis cœnaculum magnum stratum, & ibi parate.  
 13. Egressi autem, invenerunt sicut dixit illis, & paraverunt pascha.  
 14. Et cum facta esset hora, discubuit, & duodecim Apostoli cum eo.  
 15. & ait illis: Desiderio desideravi hoc pascha manducare vobiscum, antequam patiar.  
 16. Dico enim vobis, quia ex hoc non manducabo illud, donec impleatur in regno Dei.  
 17. Et accepto calice gratias egit, & dixit: Accipite, & dividite inter vos.  
 18. dico enim vobis quod non bibam de generatione vitis, donec regnum Dei veniat.

19. Et accepto pane gratias egit, & fregit, & dedit eis, dicens: Hoc est corpus meum quod pro vobis datur: hoc facite in meam commemorationem.

19. \* **H**oc facite: quod scilicet in hac actione à me fieri videtis, & vos ipsi facitis. Nam antiqui Patres referunt illud, hoc, non ad solam actionem Christi, sed etiam nonnumquam ad actionem discipulorum, ut ex Cyrillo patet lib. 12. in Joan. c. 58. Hoc igitur facite, id est, actis Deo gratis frangite, corpus meum consecrate, & in sacrificium offerre, ipsi comedite, aliis distribuite. Per quod ex consequenti etiam aliis præceptum sumendi posuit, sicut constituendo Apostolos judices, per illa verba, *Quorum remisistis peccata, &c.* imposuit aliis obligationem confitendi: q. d. Mens mea non est, ut hoc semel à me, & vobis dumtaxat fiat, sed ut perpetuò in Ecclesia mea frequentetur. Nam his verbis Apostolos ordinavit Sacerdotes, eisque potestatem sacerdotalem dedit: quæ ad istas omnes actiones se extendit. Quid autem inter ista sit semper necessarium, quid mutationem aut dispensationem admittat, Ecclesiæ, Spiritu suo imbutæ, judicandum relinquit. \* In meam commemorationem, id est, in mei memoriam seu recordationem, ut Græcum τὴν ἐμὴν ἀνμνησιν sonat. Quid verò hoc sit exponit Apostolus 1. Cor. 11. v. 26. explicans eadem verba: *Quotiescumque enim manducabitis panem hunc, & calicem bibetis, mortem Domini annuntiabitis, donec veniat.* Ut sensus verborum Christi.

Christi juxta Apostolum sit, Hoc facite in gratam memoriam mortis meæ, quam pro vobis redimendis passus sum: non nudam & sterilem memoriam, sed ut per eam in amorem & gratitudinem erga me concitemini.

20. \* *Hic est calix novum Testamentum in sanguine meo.* Græcè deest verbum, *Est*, quod Latinus causâ claritatis expressit. Sed commodius positum fuisset post vocem, *Calix*, hoc modo, *Hic calix est novum Testamentum, &c.* quomodo Paulus posuit 1. ad Cor. 11. Nam calix est subjectum propositionis. Quæ verba quia paulò obscuriora sunt, Calvinus, & Beza velut regulam proponi volunt, per quam verba clarissima Matthæi & Marci exponantur, hoc est, obcurentur, contra verissimam & æquissimam Regulam S. Augustini lib. 2. de doct. Christ. qui vult obscura ex clarioribus esse explicanda. Cum igitur alii Evangelistæ clarissimè dicant, sine ullo tropo, *Hic est Sanguis meus novi Testamenti* (quæ in nullo differunt à forma corporis apertissima, *Hoc est Corpus meum*, nisi quòd sanguinem ad novum Testamentum pertinere dicant:) verba Lucæ in eundem sensum exponenda sunt. Et sanè vix ab illis differunt, nisi quòd verba Lucæ postponent vocem, *sanguine*, post *novum Testamentum*, Matthæus verò & Marcus præponant. Sensus igitur genuinus & simplex esse videtur: *Hic calix*, quem manibus teneo, est instrumentum authenticum, quo sancitur & obsignatur novum Testamentum *in sanguine meo*, id est, per sanguinem, seu ratione sanguinis mei, quem calix iste continet: nam per illum propriè Testamentum novum confirmatum est. Nullus igitur hîc tropus est, neque in voce, *calix*, quasi continens ponatur pro contento (nam ipse calix in sanguine, id est, per sanguinem, seu ratione sanguinis, quem continet phrasi Hebraicâ, est propriè Testamentum:) neque rursus in voce, *Testamentum*, nam illa dupliciter accipitur: primò, pro voluntate seu dispositione ultima testatoris, quomodo sumitur in Matth. & Marco: secundò, pro instrumento, in quo continetur, vel quo probatur, vel sancitur ista voluntas; & ita sumitur hîc, & apud Paulum. Quo sensu Gen. 17. v. 13. dicitur circumcisio esse pactum, hoc est, ut explicatur v. 11. *signum pacti seu fœderis*: & de eadem Eccles. 44. v. 21. dicitur: *In carne ejus stare fecit Testamentum.* Ex quo patet, in eundem prosus redire sensum verba Lucæ & Pauli cum verbis Matthæi & Marci. Nam sive dicas, sumpto in manu calice, *Hic est sanguis meus*, quo sancitur & confirmatur Testamentum novum: sive dicas, *Hic calix* ratione sanguinis mei, quem continet, est signaculum seu instrumentum, quo sancitur & confirmatur Testamentum novum, idem planè

20. Similiter & calicem, postquam coenavit, dicens: *Hic est calix novum testamentum in sanguine meo*, qui pro vobis fundetur.

21. Verumtamen ecce manus tradentis me, cum est in mèia.

22. Et quidem Filius hominis, secundum quod definitum est, vadit: verumtamen vix homini illi, per quem tradetur.

23. Et ipsi coeperunt querere inter se, quis esset ex eis, qui hoc facturus esset.

24. Facta est autem & contentio inter eos, quis eorum videretur esse major.

25. Dixit autem eis: Reges Gentium dominantur eorum: & qui potestatem habent super eos, benefici vocantur.

26. Vos autem non sic: sed qui major est in vobis, fiat sicut minor: & qui præcessor est, sicut ministrator.

27. Nam quis major est, qui recumbit, an qui ministrat? nonne qui recumbit? Ego autem in medio vestrum sum, sicut qui ministrat.

28. Vos autem estis, qui permanistis mecum in tentationibus meis:

signi-



significatur. Vide latius dicta Matt. 26. \* *Qui pro vobis fundetur*, Græcè τὸ ὑπὲρ ὑμῶν ἐκχυνόμενον, quæ præcedentibus juncta sic verbotenus sonant, Hic calix in sanguine meo pro vobis effusus, nisi quod pro effusus, est participium præsentis temporis, quo Latini hîc carent, q. d. qui calix funditur, scilicet jam in cœna. Itaque clarissimè indicatur, Latinum, *qui*, non posse referri ad *sanguinem*, sed ad *calicem*, seu *poculum*. Unde Euthymius expressè dicit: Quod pro vobis effunditur, ad *peculum*, inquit, referendum est. Quod si ipse calix pro Apostolis, & ut Matth. ait, pro multis, seu pro multorum salute, in remissionem peccatorum, in ipsa cœna effundebatur, perspicuum est, verum Christi sanguinem in illo calice fuisse, cum vinum non fuerit pro hominum salute in remissionem peccatorum fustum, & verum sacrificium tunc fuisse oblatum: non enim ait, *fundetur vobis*, scilicet ad bibendum, sed *pro vobis*, nempe Deo. Malè habet hoc Beza, qui solœcismum maluit adscribere Evangelistæ, quam veritatem fateri. Unde contra omnium librorum fidem vertit, *Hoc poculum est novum istud Testamentum, per sanguinem meum, qui pro vobis effunditur*: doletque non reperiri codices, qui isti corruptulæ saveant. Quæ sequuntur usque ad v. 28. exposita sunt partim Matth. 26. partim 20.

29. Et ego dispono vobis sicut disposuit mihi Pater meus regnum,

29. \* *Et ego dispono vobis*, id est, & idcirco, quia constanter mihi in tribulationibus adhæsisitis, aliis me deserentibus, ego vicissim decerno vobis in præmium, \* *regnum*, illud beatissimum cælorum, tamquam hæreditate possidendum, quod vobis à constitutione mundi paratum erat, \* *sicut disposuit mihi pater meus*, id est, quemadmodum illud idem regnum gloriosum mihi Pater in præmium tribulationum decrevit, ut ego ibi caput, vos membra sitis.

30. ut edatis & bibatis super mensam meam in regno meo: & sedearis super thronos judicantes duodecim tribus Israël.

30. \* *Ut edatis & bibatis*, non separatim à me, ut servi solent, sed \* *super mensam meam*, id est, ut tamquam primi procures regni mei veris omnis generis deliciis ac voluptatibus mecum perfruamini, videlicet ut laborum, ita & honoris, quietisque socii, juxta Apostolum 2. ad Cor. 1. v. 7. \* *& sedearis super thronos, &c.* de quo vide Matth. 19. v. 28. Spectant tamen hæc eò, ut desinant de primatu in hoc mundo, aliisque rebus frivolis contendere, qui tantum sibi in futuro præmium repositum esse scirent.

31. Ait autem dominus: Simon, Simon, ecce satanas expetivit vos ut cribraret sicut triticum:

31. \* *Ait autem Dominus*, ut scirent ante regni illius adeptionem multas tribulationes esse adhuc sufferendas, & ita lætitiā eorum temperaret, nec securitatem sibi sponderent ex ista permanēte cum Christo: \* *Simon, Simon*. Quia subitā conversione ad solum Simonem, tacitè dirimit contentiōnem discipulorum de primatu, ipsum indicans futurum caput, utpote qui confirmare deberet reliquos. Repetitio autem

tem

tem nominis attentioni ejus excitandæ , & affectui suo tamquam ser-  
riò loquentis indicando servit. \* *Ecce satanas* , tamquam adversarius  
vestræ omnium salutis ; \* *expetivit vos* , id est , depoposcit vos à Deo  
ad tentandum & vexandum , sicut olim expetivit Job , nimirum \* *ut*  
*cribraret* , id est , concuteret atque agitare : unde Cyprianus epist. 8.  
legit , \* *ut vexaret* ; ut ita videlicet fidem vobis excuteret , \* *sicut triti-*  
*cum* , scilicet cribratur & agitur in vanno aut cribro : quod etiam  
satanas paulò post magna ex parte assecutus est.

32. \* *Ego autem rogavi pro te* , peculiariter tamquam pro capite cæ-  
terorum , per quem reliquos ad salutem adducere decrevi : ut \* *non de-*  
*ficiat* , id est , non penitus eradicetur , & extinguatur , \* *fides tua*. Nam  
quamvis cribrandus & concutiendus esset usque ad negationem Christi,  
quam ore fecit , fidem tamen internam , quâ ad justitiam corde credi-  
tur , non amisit ; sicut arbor folia vi tempestatis abjicit , non tamen  
vitam in radice permanentem , ut sentit Ambr. in v. 12. Psal. 43. &  
explicat Theophyl. Et hoc quidem personale fuit Petri privilegium,  
de quo Aug. lib. de corrept. & gratia c. 8. Quando , inquit , rogavit,  
ne fides ejus deficeret , quid aliud rogavit , nisi ut haberet in fideli-  
berrimam , fortissimam , invictissimam , perseverantissimam volun-  
tatem ; Sed quia confirmare fratres , quod sequitur , ad officium pasto-  
ris pertinet , & proinde perpetuum esse debet : hinc juxta sensum an-  
tiquorum impetravit ei & aliud privilegium , ad successores propagan-  
dum , ut videlicet tamquam caput Ecclesiæ numquam , nec ipse , nec  
successores ejus in docenda vera fide deficerent , juxta illud Leonis  
serm. 3. de assumptione sua ad Pontificatum , in Petro omnium forti-  
tudo munitur : & illud Bernardi epist. 190. ad Innocent. Dignum  
arbitror , ibi potissimum refarciri damna fidei , ubi non possit fides  
sentire defectum. Cui enim alteri sedi dictum est aliquando. \* *Ego ro-*  
*gavi pro te* , & c. & tu aliquando conversus , à peccato negationis tuæ ,  
inquit Theophyl. Quamquam alius percommodus possit esse sensus , ut  
illud , aliquando , jungatur cum , \* *confirma fratres tuos* , & illud , *con-*  
*versus* , non significet conversionem ad poenitentiam , sed ad eos , quos  
confirmaturus erat , hoc sensu : Et tu aliquando , cum opus fuerit , &  
aliquos in fide nutantes videris , ad eos conversus , confirma illos :  
quomodo dicitur Psalm. 84. v. 7 *Deus tu conversus* , scilicet ad nos ,  
*vivificabis nos*. Cum autem Petrus , audiens se cribrandum , & in fide  
periclitaturum , animosius de se multa promitteret , negationem sui  
Christus ei prædixit , & mox conditiones instantis temporis clariùs  
explicans , dixit omnibus discipulis :

32. Ego autem ro-  
gavi pro te ut non  
deficiat fides tua :  
& tu aliquando  
conversus confir-  
ma fratres tuos.

33. Qui dixit ei:  
Domine , tecum  
paratus sum & in  
carcerem & in  
mortem ire.

34. At ille dixit:  
Dico tibi Petre ,  
non cantabit ho-  
die gallus , donec  
erabneges nosse  
me. Et dixit eis :

35. Quando misi  
vos sine sacculo ,  
& pera , & calcea-  
mentis , nunquid  
aliquid defuit  
vobis ?

35. \* *Quando misi vos* , prædicaturos in Judæa regnum cælorum ,

\* *sine*



\* *sine sacculo & pera*, id est, sine pecunia & cibo, seu viatico, continens enim utrobique pro contento ponitur, nam pro sacculo Græcè est *σαλάντιον*, marsupium, seu loculi \* *numquid aliquid defuit vobis*, scilicet ad vivendum necessarium? q. d. Nihil omnino, eò quòd in mei favorem & amorem omnia vobis liberaliter ab auditoribus suppeditarentur.

36. At illi dixerunt: Nihil. Dixit ergo eis: sed nunc qui habet sacculum, tollat; similiter & peram; & qui non habet, vendat tunicam suam, & emat gladium.

36. \* *Sed nunc*, talia instant tempora, ut in odium mei etiam vobis nocituri sint: ut meritò qui habet sacculum, pecuniâ refertum, \* *tollat*, id est, sumat illum secum, quòd abire voluerit: \* *similiter & peram*, supple, qui habuerit, tollat illam, seu ferat secum. Sic enim distinguendum esse, textus etiam Græcus clarè indicat. \* *Et qui non habet*, gladium scilicet, quod ex sequentibus repetendum est, \* *vendat tunicam suam, & emat gladium*. Quibus verbis non revocat doctrinam olim datam, neque præcipit sumere sacculum, aut peram, aut uti gladio, utpote quòd paulò post etiam prohibuit, sed solummodò describit, ut Euthymius observat, temporis jamjam instantis & persecutionis acerbiter, in qua, si humanâ providentiâ nitendum esset, meritò sacculo, & perâ, & gladiis cum jactura vestium comparatis, ad vitæ tuendæ præsidium uti deberent. Causam reddit:

37. Dico enim vobis, quoniam adhuc hoc quod scriptum est, oportet impleri in me: Et cum iniquis deputatus est. Etenim ea, quæ sunt de me, finem habent.

37. \* *Dico enim vobis*, quantumvis vobis videatur incredibile, \* *quoniam adhuc*, id est, præter omnia mala, in me impleta & implenda, etiam illud, quod cæterorum caput est, oportet impleri in me; nam illud, *adhuc* magnam emphasin spirat: \* *& cum iniquis*, id est, inter iniquos & sceleratos, \* *deputatus est*, quia more iniquorum tractatus, dum instar latronis captus, flagellatus, damnatus, & in medio latronum velut coryphæus eorum crucifixus est. \* *Etenim ea quæ sunt de me*, prædicta scilicet per Legem & Prophetas, \* *finem habent*, id est, jamjam perficienda & consummanda sunt. Unde sequenti die ex cruce proclamavit, *Consummatum est*.

38. At illi dixerunt: Domine, ecce duo gladii hic. At ille dixit eis: Satis est.

38. \* *At illi dixerunt: Domine ecce duo gladii hic*, Multi satagunt invenire, unde gladii in familia Christi. Sed nihil mirum, si in domo hospitis, strata cœnacula habentis, & consequenter locupletis, essent duo gladii. Vide alias causas in versum 51. cap. 26. Matth. Satis autem patet, Apostolos non intellexisse verba Christi. Unde Christus etiam respondet: \* *Satis est*, non ad confirmandam eorum opinionem, quasi dicere vellet, duos gladios sufficere ad sui defensionem, sed *satis est*, videlicet verborum hac de re. Est enim modus abrumpendi sermonem, ut cum dicimus, *Bene habet, Satis est*; quo significamus nos amplius de re nolle loqui. Quem sensum tradit Theophyl. Applicat hunc locum allegoricè Bernard. lib. 4. de considerat. c. 4.

ad duos gladios, quos habet Ecclesia: spiritalem, manu Sacerdotis; materialem, manu Imperatoris, & militis exercendum.

43. \* *Apparuit autem illi Angelus de celo confortans eum*, id est, addens ei animum in ista extrema angustia instantis passionis, quando humanam naturam, solatium tam divinum quam humanum destituerat. Verisimile est autem confortationem istam ab Angelo factam, suggerendo ei fructum, qui ex passione ad gloriam Patris illustrandam & ipsi Christo, & toti humano generi sequeretur. Demonstrari verò voluit hanc Angeli confortatione fructum orationis perseverantis, ne frustra orasse videretur, quando passionis translationem impetrare non potuit. \* *Et factus in agonia*, id est, anxietate, timore, & lucta animi secum. Nam *Agonia* propriè est ille angor animi, quo quis trepidat & æstuat, qui in certamen descensurus est. Itaque Lucas uno verbo exprimit id, quod alii dixerunt pluribus, *contristari, pavere, tædere, tristem esse usque ad mortem*, ex horrore scilicet instantis passionis. \* *Prolixius orabat*, quia tertio ad orationem rediit: nam omnes tres orationes Lucas tamquam unam perstringit.

44. \* *Et factus est sudor ejus sicut guttæ sanguinis*, id est, sanguineæ, quia guttæ quidem veræ erant, sed aqueæ, mixtæ tamen sanguine, non purus sanguis; quod significatur illâ particulâ similitudinis, \* *decurrentis in terram*: quo indicat, sudorem illum copiosissimè fluxisse. Græcè est *ῥοῦσοι αἱματός*, *grumi sanguinis*, quo significantur guttæ crassiores. Ideoque putant quidam istum sudorem miraculo tribuendum. Sed quia Græcum semper usurpatur simpliciter pro guttis, non est improbabile naturaliter hoc contigisse, sive hoc fecerit anxietas ac metus in delicatissima complexione corporis rari & sanguinis subtilis; metus enim & æstuatio animi vehemens sudorem exprimere sollet: sive potius animi fortitudo eum exprefferit, luctando contra timorem. Animus enim fortis dum vehementer adversus anxietates ac timores insurgit, etiam sudorem exprimit.

de duodecim, antecedeat eos: & appropinquavit Jesu ut oscularetur eum.

48. Jesus autem dixit illi: Juda, osculo Filium hominis tradis?

49. Videantes autem hi, qui circa ipsum erant, quod futurum erat, dixerunt ei: Domine, si percutimus in gladio?

50. Et percussit unus ex illis servum principis sacerdotum, & amputavit auriculam ejus dexteram.

51. Respondens autem Jesus, ait: Sinite, usque huc. Et cum reigisset auriculam ejus, sanavit eum.

52. Dixit autem Jesus ad eos, qui venerant ad se, principes sacerdotum, & magistratus templi, & ieniores: Quasi ad latronem existis cum gladiis & fustibus?

53. Cum quotidie vobiscum fuerim in templo, non extendistis manus in me: sed hæc est hora vestra, & potestas tenebrarum.

54. Comprehendentes autem eum, duxerunt ad domum principis sacerdotum: Petrus verò sequebatur a longè.

55. Accenso autem igne in medio atrii, & circumsedentibus illis, erat Petrus in medio eorum.

56. Quem cum vidisset ancilla quædam sedentem ad lumen, & eum fuisse intuita, dixit: Et hic cum illo erat.

57. At ille negavit eum, dicens: Mulier, non novi illum.

58. Et post pusillum alius videns eum, dixit: Et tu de illis es. Petrus verò ait: O homo non sum.

59. Et intervallo facto quasi horæ unius, alius quidam affirmabat, dicens: Verè & hic cum illo erat: nam & Galilaëus est.

60. Et ait Petrus: Homo, nescio quid dicis. Et continuo adhuc illo loquente cantavit gallus.

Gggg

43. Apparuit autem ei Angelus de celo, confortans eum. Et factus in agonia, prolixius orabat.

44. Et factus est sudor ejus, sicut guttæ sanguinis decurrentis in terram.

45. Et cum surrexisset ab oratione, & venisset ad discipulos suos, invenit eos dormientes præ tristitia.

46. Et ait illis: Quid dormitis? Surgite, orate, ne iniretis in tentationem.

47. Adhuc eo loquente, ecce turbabatur Judas, unus



61. Et conversus Dominus respexit Petrum. Et recordatus est Petrus verbi Domini, sicut dixerat : Quia prius quam gallus caneret, ter me negabis :

62. Et egressus foras Petrus flevit amare.

63. Et viri, qui tenebant illum, illudebant ei, cædentes.

64. Et velaverunt eum, & percutiebant faciem ejus : & interrogabant eum, dicentes : Prophetiza, quis est, qui te percussit ?

65. Et alia multa blasphemantes dicebant in eum.

66. Et ut factus est dies, conveniunt seniores plebis, & principes sacerdotum, & Scribæ, & duxerunt illum in concilium suum, dicentes : Si tu es Christus, dic nobis.

67. Et ait illis : Si vobis dixerò, non credetis mihi :

68. si autem & interrogaverò, non respondebitis mihi, neque dimitteris.

69. Ex hoc autem erit Filius hominis sedens à dextris virtutis Dei.

70. Dixerunt autem omnes : Tu ergo es Filius Dei ? Qui ait : Vos dicitis, quia ego sum.

71. At illi dixerunt : Quid adhuc desideramus testimonium ? ipsi enim audivimus de ore ejus.

## CAPUT VIGESIMUM TERTIUM.

1. Et surgens omnis multitudo eorum, duxerunt illum ad Pilatum.

2. Cœperunt autem illum accusare, dicentes : Hunc invenimus subvertentem gentem nostram, & prohibentem tributa dare Cæsari, & dicentem se Christum regem esse.

3. Pilatus autem interrogavit eum, dicens : Tu es Rex Judæorum ? At ille respondens ait : Tu dicis.

2. \* **C**OEperunt autem illum accusare: cum scilicet Pilatus eum condemnare nolisset, nisi auditâ causâ, ut constat ex Joanne 11.

v. 30. & 31. Itaque tria crimina ei objiciunt, omnia politica, & magni momenti eorum judicio futura apud judicem ethnicum, qui quæstiones de sabbatho, de cæremoniis, de traditionibus non multum curaturus videbatur. Primum est, \* *hunc invenimus*, id est, non finximus nos, non audivimus ex aliis, sed reipsa per nos ipsos deprehendimus, \* *subvertentem gentem nostram*: Græcè *διασπείοντα*, *pervertentem*, id est, novæ doctrinæ prædicatione seducentem populum Judaicum. Secundum est, \* *& prohibentem tributa dare*, seu dari, \* *Cæsari* Romanorum. Tertium, \* *& dicentem se Christum*. Quo nomine satis intelligebatur conditio Principis Judæorum; sed invidiæ creandæ causâ, quò clariùs pateret eum læsæ majestatis esse reum, addunt \* *Regem esse*, quasi videlicet utrumque molitus esset, Principatum Judææ Cæsari ereptum, cum regni gloria in se transferre, ut loquitur Cyril. 12. in Joan. c. 7. Omnia tria erant falsa in ipsorum sensu. Primum neglexit Pilatus, quia videbatur spectare Judaicam superstitionem : secundum dependebat à tertio, tamquam à causa sua. Unde inter illos duos articulos Græcè nulla est conjunctio, hoc modo, *Prohibentem dare tributa Cæsari, dicentem se Christum &c.* id est, eo quod dicat se esse Christum Regem. Hoc ergo postremum non nihil inquirendum censuit in ipso prætorio, sed mox egressus dixit \* *ad Principes Sacerdotum*, foris expectantes responsum :

4. Ait autem Pilatus ad principes sacerdotum, & turbas : Nihil invenio causâ in hoc homine.

5. At illi invalescebant, dicentes : Commovet populum, docens per universam Judæam, incipiens à Galilæa usque huc.

4. \* *Nihil invenio causâ*, propter quam scilicet morte plectendus sit : Græcè expressius *ὁυδὲν εἶλον*, *nullum crimen*, scilicet mortis, seu morte dignum, sicut v. 22. dicitur, *nullam causam mortis invenio*.

5. \* *At illi invalescebant*, scilicet clamoribus, quemadmodum solent ii, quos veritas destituit, ut importunitate extorqueant, quod ratione non possunt, \* *dicentes : commovet populum*, ad seditionem, doctrinæ novitate, utpote \* *docens per universam Judæam*, prout totam terram

pro-

promissionis comprehendit, \* *incipiens à Galilæa*, sicut patet hoc Matt. 4. v. 13. & Lucæ 4. v. 14. *Galilæa* meminerunt, ut Pilato suspicionem affectati regni injicerent, recordando seditionis Judæ Galilæi, & nuper sectatorum ejus, quorum sanguinem Pilatus cum sacrificiis miscuerat, Lucæ 13. v. 1. \* *usque huc*, Judææ & regni metropolin, tamquam illam crescente multitudine invasurus. Verum nec istam accusationem magnificet Pilatus, ut qui sciret non ad seditionem, sed ad virtutem commovisse populum. Unde ab illo molesto & invidioso judicio se liberare volens; auditâ mentione Galilææ,

7. \* *Ut cognovit, quod de Herodis potestate esset*, id est, tamquam Galilæus educatione, Herodi subditus, qui Tetrarcha erat Galilææ, Pilatus verò Præses Galilææ propriè dictæ tantum; nativitas enim Christi in Bethlehem non videtur multum innotuisse: \* *Remisit eum ad Herodem*: quamvis non teneretur. Agebatur enim de reo in Judæa capto, & accusato de delicto, tamquam ibidem commissio, de quo non erat Herodis extra ditionem suam judicare. Fecit hoc ergo specie honorandi Herodem, sed reverà sui ipsius causâ. Porro Herodes iste Antipas dictus est, qui & Joannem Baptistam occidit, filius Herodis magni infanticidæ, sub quo Christus natus fuit. \* *Qui & ipse Jerusalemis erat illis diebus*, Paschatis celebrandi causâ sicut omnibus Judæis præceptum erat. Nam Herodes iste patre proselyto natus, religione Judæus erat.

8. \* *Herodes autem viso Jesu, gavisus est, &c. & sperabat signum aliquod videre*, id est, miraculum aliquod, quo curiositatem suam pasceret: quod sibi, pro dignitate personæ suæ, & officio Judicis, quod sustinebat, non dubitabat sibi concedendum esse, ut facilius liberaretur. Qua in re peccato tentationis Dei peccavit: nam & Aug. lib. 10. confel. c. 35. In ipsa religione tentatur Deus, cum signa & prodigia flagitantur, non ad aliquam salutem, sed ad solam experientiam desiderata.

9. \* *Interrogabat autem eum multis sermonibus*, ad ejusmodi curiositatem, & vanitatem spectantibus. \* *At ipse nihil illi respondebat*, quia ad constantiam Christi pertinebat, non respondere, ubi res non postulabat, imo ubi curiositas & ineptia interrogantis responso indigna erat: Quam constantiam commendat Cyprianus de carnalibus Christi operibus. Non potuit, inquit, vel altitudo potestatum ad interrogata extorquere responsum. Multò minus decebat, ut cælestia signa coram illo ederet, qui præstigiis spectandis addictior erat, quam divinæ virtutis miraculis venerandis.

10. \* *Stabant autem Principes Sacerdotum, &c. constanter*, id est, per-

6. Pilatus autem audiens Galilæam, interrogavit si homo Galilæus esset.

7. Et ut cognovit quod de Herodis potestate esset, remisit eum ad Herodem, qui & ipse Jerusalemis erat illis diebus.

8. Herodes autem visum Jesum, gavisus est valde, erat enim cupiens ex multo tempore videre eum, eo quod audierat multa de eo, & sperabat signum aliquod videre ab eo fieri.

9. Interrogabat autem eum multis sermonibus. At ipse nihil illi respondebat,

10. Stabant autem principes sacerdotum & scribæ constanter accusantes eum,



tinaciter, \* *accusantes eum*, verentes videlicet, ne si interrogatis Herodis, nihil ad suum scopum facientibus, sapienter responderet; vel signa faceret, dimissus elaberetur. Unde mirabile fuit hoc silentium, quod nec principis benevoli auctoritate, nec talium accusatorum improbitate, neque contemptu & irrisione aulicorum, mox inde secuturâ, rumpi potuit.

11. Sprevit autem illum Herodes, tamquam hominem agrestem, vel potius semi-fatuum, qui, cum maxime opus esset, nihil in propriam causam ad propositum vel facere vel dicere noller. \* *Cum exercitu suo*, id est, satellitio, quo cingebatur, seu cum comitatu, satellitibus, nobilibus, pedisequis: & *illusit indutum veste alba*, quo loquendi modo significatur, illusionem istam sitam fuisse in eo, quod albam vestem ferret. Græca sic legunt, *καὶ ἐμπαιξας, περιβαλὼν αὐτὸν ἐσθῆλα λαμπράν*, & cum illusisset, induissetque ipsum veste albâ, remisit eum Pilato: quibus verbis, sicut & Syriacâ translatione, significatur aliis modis ante illum fuisse, risu videlicet, sannis, scommatibus. Vox quoque Græca non significat propriè albam, sed splendidam & elegantem, qualis est Jacobi 2. quæ v. 2. vertitur candida & v. 3. praeclara, & opponitur vesti sordida: unde Syrus vertit coccineam; sed qualiscumque coloris fuerit, adhibita videtur fuisse, illudendi Jesu causâ, tamquam fatui, non facinorosi, in quo regni affectatio potius ridenda esset, quam timenda vel pleetenda.

12. \* *Et facti sunt amici Herodes & Pilatus*, eo quod unusquisque alterius jurisdictioni detulisset, & se mutuo honorassent: nam Christus, ut significaret se reconciliaturum esse per crucem duos populos, Judaicum & Gentilem, interficiens inimicitias in semetipso, ex abundanti duos istos Principes inter se dissidentes ejusdem suæ passionis occasione conciliare voluit, ut notat Ambros. in Luc. Itaque Pilatus dixit Judæis:

12. Et facti sunt amici Herodes & Pilatus in ipsa die: nam antea inimici erant ad invicem.

13. Pilatus autem convoca is principibus sacerdotum, & magistratibus, & plebe,

14 dixit ad illos: Oblulistis mihi hunc hominem quasi avertentem populum, & ecce ego coram vobis interrogans, nullam causam invenio in homine isto ex his, in quibus eum accusatis.

15. Sed neque Herodes: nam remisisti vos ad illum & ecce nihil dignum morte actum est ei.

14. \* *Oblulistis mihi hunc hominem, quasi avertentem populum*, à religione vestra, à tributis Cæsari dandis, à Cæsare; & ecce ego \* *nullam causam inveni ex his, in quibus eum accusatis*, quia videlicet doctrina ejus populum compositum & morigerum esse facit: Principum jura confirmat, Cæsari, quod Cæsaris est, reddi jubens: nec regnum ejus contentiosum aut seditiosum est, sed ad testimonium perhibendum veritati.

15. \* *Sed neque Herodes*, supple, ullam invenit in eo mortis causam, seu crimen, \* *quia nihil dignum morte actum est ei*, id est, nihil ab Herode factum est contra eum, quo significaverit re vel verbis esse morte dignum, sed solum illusionem.

16. \* *Emendatum ergo illum dimittam* : Græcè castigatum, *κατεύουα*, ergo illi dimittam. 17. Necessè autem habebat dimittere eis per diem festum, unum. 18. Exclamavit autem simul uni-

quod v. 22. vertit *corripiam eum*, id est, virgis aut flagellis tamquam poenâ mitiori eum castigabo : quam poenam Romani criminibus non capitalibus adhibebant. Fecit hoc Pilatus injustè quidem, sed tamen, ut Judæorum furori aliquo modo satisfaceret, quorum animos Jesus offenderat.

versa turba, dicens : Tolle hunc, & dimitte nobis Barrabam. 19. qui erat propter seditionem quamdam factam in civitate & homicidium, missus in carcerem. 20. Itetum autem Pilatus locutus est ad eos, volens dimittere Jesum. 21. At illi succlamabant, dicentes : Crucifige, crucifige eum. 22. Ille autem tertio dixit ad illos : Quid enim mali fecit iste ? nullam causam mortis invenio in eo : corripiam ergo illum, & dimittam. 23. At illi instabant vocibus magnis postulantes ut crucifigeretur : & invalescebant voces eorum. 24. Et Pilatus adjudicavit fieri petitionem eorum. 25. Dimisit autem illis eum, qui propter homicidium & seditionem missus fuerat in carcerem, quem petebant : Jesum verò tradidit voluntati eorum. 26. Et cum ducerent eum, apprehenderunt Simonem quemdam Cyrenensem, venientem de villa : & imposuerunt illi crucem portare post Jesum.

27. \* *Sequebatur autem illum turba mulierum, quæ plangebant*, manibus videlicet pectus vel femora tundendo, crines vellendo, & similibus signis dolorem præferendo ; hoc enim propriè est plangere : \* & *lamentabantur eum*, id est, fletu & lugubri sermone vicem ejus deplorabant. Solet enim sexus infirmior pro illis etiam, qui morte digni sunt, in lachrymas commoveri, & damnatorum exitus, pro naturæ communis consideratione, misereri, inquit Leo serm. 10. de passione. Quamquam hæc doloris testimonia ex innocentiae & beneficentiae ejus recordatione profluxisse verisimile sit.

28. \* *Conversus autem ad illas, corporaliter, dixit : Filia Jerusalem*, id est, mulieres Jerosolymitanæ, usitatâ Hebræis phrasi, \* *nolite flere super me*, tamquam impotente & miserabili, sicut eum deflebant. Unde idem Leo : Planctum, qui damnatis promiscuè impenditur, dedignabatur Dominus sibi impendi, quia non decebat luctus triumphum, nec lamenta victoriam. Adde quodd calicem passionis usque ad fæces bibere voluit, dum & illud solatii genus adjicit, quod ex aliorum commiseratione & compassione obvenire solet. Est autem prohibitio, verbis quidem absoluta, sed sensu comparativa : q. d. Nolite tam flere super me, quàm \* *super vos ipsas &c.* cujusmodi & illa, *Misericordiam volo ; non sacrificium*, ut alibi dictum est : \* & *super filios vestros*, hujus peccati authores & heredes : unde Scriptura, *Super fatuum plora, deficit enim sensu*. Quamquam præcipuè fletum imperare videatur, propter supplicii magnitudinem quod eis impendebat. Nam rationem fletus reddit :

29. \* *Quoniam ecce venient dies*, ossidionis futuræ per Romanos, \* *in quibus dicent, homines, & maximè mulieres* : \* *Beata steriles & ven-*

16. Emendatum ergo illi dimittam.

17. Necessè autem habebat dimittere eis per diem festum, unum.

18. Exclamavit autem simul uni-

27. Sequebatur autem illū multa turba populi, & mulierum : quæ plangebant, & lamentabantur eum.

28. Conversus autem ad illas Jesus, dixit : Filia Jerusalem, nolite flere super me, sed super vos ipsas flete, & super filios vestros.

29. Quoniam ecce venient dies : in quibus dicent : Beata steriles, & ventres qui non genuerunt, & ubera quæ non lactaverunt,



*ventres, &c. & ubera qua non lactaverunt.* Per hæc tria idem quidem significatur, sed cum magna exaggeratione, videlicet perquam beatas esse mulieres, quæ liberis careant, quorum scilicet calamitatibus non torqueantur. Nam intollerabilior solet matribus esse dolor de afflictione filiorum, quàm de propria.

30. Tunc incipiet dicere montibus: Cadite super nos; & collibus: Operite nos.

30. \* *Tunc incipient dicere montibus, præ malorum tunc præsentium magnitudine, & impendentium expectatione ac metu: \* Cadite super nos, & collibus: Operite nos.* Eadem & ista sunt familiari Hebræis repetitione: q. d. Utinam vel montium ruinis opprimeremur; vel hiatu terræ absorberemur, ut, quamvis horrendo, ceteri tamen mortis genere eriperemur malis. Significat enim Christus homines tunc mortem desideraturos, quæ fugit ab eis: nam ut prædixit Matth. 24. v. 21. erit tunc tribulatio magna, qualis non fuit ab initio mundi ulque modò, neque fiet. Justè autem hæc passuros Judæos, declarat subjecta pulchrâ similitudine:

31. Quia si in viridi ligno hæc faciunt, in arido quid fiet.

32. Ducebantur autem & alii duo nequam cum eo, ut interficerentur.

33. Et postquam venerunt in locum, qui vocatur Calvaria, ibi crucifixerunt eum; & latrones, unum a dextris, & alterum a sinistris.

31. \* *Quia si in viridi ligno hæc faciunt, id est, si tam dira Deo permittente & judicante perpetrantur in me, qui velut arbor virens & fecunda, gratiâ, justitiâ, & bonorum operum fructibus plenus, excisione & combustione minimè dignus sum, \* in arido quid fiet?* id est, quid æquum est fieri in gentem istam Judaicam, quæ propter impietatem & omnis boni sterilitatem velut arbor arida non nisi ignis pabulum esse debet? Est enim similis locutio, qualis 1. Petri 4. v. 18. *Si iustus vix salvabitur, id est, non sine magnis tribulationibus, impius & peccator ibi parebunt?* Porro, quamvis nonnulli hæc supra dicta extendant ad pœnas æternas, in quibus sine dubio hæc verba etiam maximè vera sunt, directè tamen videtur Christus ad Jerosolymitani excidii calamitatem respicere.

34. Jesus autem dicebat Pater, dimitte illis: non enim sciunt quid faciunt. Dividentes vero vestimenta ejus, miserunt sortes.

35. Et stabat populus spectans, & deridebant eum principes cum eis, dicentes: alios salvos fecit, se salvum faciat, si hic est Christus Dei electus.

36. Illudabant autem ei & milites accedentes, & acetum offerentes ei.

\* 34. \* *Pater dimitte illis, non solum pœnam tantæ injuriæ, tam meæ quam tuæ, sed etiam culpam.* Nam his verbis impetravit Judæis non tantum veniam, si pœnituerint, sed etiam fidem & agnitionem tanti peccati, & conversionem, ut pœniterent. Ut enim Cyprian. serm. de passione, Christo orante, malignantium perfidia demum credidit & intellexit: nam effectus illius orationis fuit, quod tot millia statim crediderunt, & quod usque ad quadraginta duos annos tempus pœnitentiæ reliquis dilatum fuit, ut Hieron. qu. 8. ad Hedibiam. Ita factò munivit præceptum, quod Matth. 5. dederat, *Orate pro persecutibus vos; sicuti Isaia 53. prædictum erat, Et pro transgressoribus rogabit.*

\* *Non enim sciunt quid faciunt, quantum scelus perpetrent, se scilicet, Dominum gloriæ, Filium Dei crucifigere.* Eandem ignorantiam allegat Petrus, Act. 3. v. 17. *Scio quia per ignorantiam fecistis, sicut &*

*Principes vestri.* Quæ quidem in plurimis erat supina & crassissima; in multis, maximè Principibus, affectata: quarum illa nonnihil culpam minuit, hæc eatenus saltem veniæ locum facit, quia hominem reddit magis miserabilem, utpote penè desperatum; ideoque magis divinæ opis indigum, qui rebus desperatis succurrere solet. Quæ consideratio maximè in illis locum habet, si qui scientes & prudentes Filium Dei occiderunt, juxta illud, quod in parabola dixerunt: *Hic est heres, venite occidamus eum.* Hi enim maximè nesciebant, quid facerent, quia maximè ignorabant suam in suo scelere miseriam ac cæcitatem: nam, ut Aug. serm. 61. De tempore, nesciebant se à diabolo horum facinorum incentore, graviolem persecutionem pati, quam Christo inferebant. Valet ergo talis ignorantia in eorum, si non excusationem, saltem commiserationem.

39. \* *Unus autem de his, qui pendebant, latronibus.* An unus tantum, an uterque initio blasphemaverit, diximus in cap. Matth. 27. v. 44.

40. \* *Respondens autem alter, Jesu scilicet ad convitia obmutescente, increpabat eum, dicens: Neque tu times Deum, hostem convitiantium, & miseris insultantium, vel, ut aliqui, Deum, hunc ipsum scilicet Christum pendentem in cruce, quem in loci, & temporis, & omnium circumstantiarum summa iniquitate Deum esse, non solum admirabili fide credidit, sed etiam constantissimè confessus est. Multò enim magnificentiùs fuit, quod hominem inter extrema supplicia deficientem, Deum credidit, quam si inter virtutum opera, inquit, Aug. credidisset. Porro emphaticum est illud, Neque tu: q. d. Ut non timeant Deum, qui nos circumstant Principes & Judæi, an non saltem times Deum, \* quod seu quia, \* in eadem damnatione es? id est, cùm in eodem, quo ipse, sis supplicio, morti scilicet ac judicio Dei proximus? Nam mors & judicium Dei impendens per se urget ad coercendum linguæ petulantiam, amplectendamque pœnitentiam: consortium verò pœnæ cum ipso Deo invitat ad veniam. Itaque verba ista causam continent, cur Deum præ cæteris timere debeat. Ne autem sicut eandem Christo damnationem, ita & eandem damnationis causam ei tribuisse putaretur, discernendo adjicit:*

41. \* *Et quidem justè, supplè in eadem damnatione crucis sumus:* 41. Et nos quidem justè, nam \* *nam digna factis recipimus, dignam latrocinii nostris mercedem.* digna factis recipimus: hic verò nihil mali gessit. Hæc post fidem, est peccati agnitio & confessio, & justæ pœnæ approbatio: unde nihil vetat esse quamdam satisfactionem pro peccatis, quæ includat præeuntem cordis pœnitentiam. \* *Hic vero nihil mali gessit, id est, innocentissimus est, & consequenter in justo supplicio damnatus. Itaque verba ista continent aliam rationem temperandi*

37 & dicentes: Si tu es rex Judæorum, salvum te fac.

38. Erat autem & superscriptio scripta super eum literis Græcis, & Latinis, & Hebraicis: Hic est rex Judæorum.

39. Unus autem de his, qui pendebant, latronibus, blasphemabat eum, dicens: Si tu es Christus, salvum fac te metipsum, & nos.

40. Respondens autem alter increpabat eum, dicens: Neque tu times Deum, quod in eadem damnatione es,



randi à blasphemis (bis enim inhumanum est & moribundo & innocenti maledicere) & mirabilem constantiam spirant in defensione Jesu: dum non veretur & Pilatum, & Scribas, & Sacerdotes, & omnes Judæos supplicii auctores, coram adstantes injustitiæ damnare. Ut meritò dixeris, simul fuisse præstantissimum actum charitatis, sive erga Christum, sive erga fratrem, quem de peccato tantâ libertate corripuit, ut Greg. 18. Moral. cap. 23. aliàs 25. Per tales ergo actus jam strata viâ ad reconciliationem, magnâ spe & fiduciâ obtinendi orans.

42. Et dicebat ad Jesum: Domine, memento mei, cum veneris in regnum tuum.

42. \* *Dicebat ad Jesum: Domine*, rerum omnium (quem enim ante Deum crediderat, nunc tamquam Dominum summâ dominii significatione invocat) \* *memento mei*. Maxima in isto verbulo pœnitentis elucet verecundia: non enim liberationem à cruce, non regni participationem, sed solam sui memoriam aliquam postulat. \* *Cum veneris in regnum tuum*. Ergo Regem credit, & salvatorem, à quo salutem petit, & regnum ejus à turpissima crucis morte incipere, ac proinde non esse de hoc mundo, sicut coram Pilato Christus dixerat. Quæ omnia tam magna sunt, ut & Apostolos ipsos fide & notitiâ superaverit, ut notat Ambr. serm. 50. Hinc non mirum, si etiam fuerit uberior gratia quàm precatio, Domino plus tribuente, quàm alter rogaverat, ut idem notat. Itaque

43. Et dixit illi Jesus: Amen dico tibi: Hodie mecum eris in paradiso:

44. Erat autem fere hora sexta, & tenebræ factæ sunt in universam terram usque in horam nonam

45. Et obscuratus est sol: & velum templi scissum est medium.

43. \* *Dixit ei Jesus*, ad convitia surdus, ad preces attentissimus. \* *Amen dico vobis*, id est, asseverantissimè tibi tamquam verum ac certum affirmo. Nimirum, ut tam constanti affirmatione latronem ad perseverationem adversus diffidentiam, moribundis infestam, roboraret: \* *hodie*, id est, non aliquando, ut tu petis tantum, sed hâc ipsâ die, non solum tui memor ero, sed \* *mecum eris*, tamquam socius consolationis, qui nunc es socius patientiæ & passionis, \* *in paradiso*, id est, in loco voluptatis & amœnitatis, ubi sunt animæ justorum post hanc vitam. Nam Græcis & Latinis *Paradisus*, Hebræis פֶּרְדִּים *Pardes*, propriè significat horum fructiferis arboribus confitum, id est, pomarium, ut vertitur Eccles. 2. v. 5. Unde locus ille voluptatis, in quo Deus Adam collocaverat, *Paradisus* à Lxx. vocatus fuit, ubi alia Hebraica vox generalius horum significat. Hinc itaque extenso per metaphoram vocabulo, sicut locus animarum impiarum post hanc vitam vocatus est *Gehenna*, à valle filiorum Ennom Jerosolymis proximâ, ita locus beatorum, ubi quietè & firmiter vivunt, vocatus est *Paradisus*, non solum à Judæis, sed & à Christianis; sive ille esset limbus Patrum ante resurrectionem Christi, sive nunc regnum cœlorum post resurrectionem. Unde Aug. lib. 12. de Genesi ad litt. cap. 34. *Paradisum* exponit, vel sinum Abraham, vel

gene-

generaliter locum, ubi sunt animæ justorum. Is autem locus tunc erat limbus Patrum, qui propter præsentiam Christi, & manifestationem divinitatis ejus, non solum locus quietis, sicut & antea fuerat, sed etiam voluptatis & deliciarum, ac proinde regnum Christi fuit. Notat autem Aug. tract. 31. in Joan. Christum jam in cruce significasse id, quod facturus est cum vivis & mortuis, alios positurus ad dextram, alios ad sinistram. Nam ipsa crux tribunal fuit, quia in medio iudex; hinc latrō, qui credidit, liberatus, illinc alter, qui insultavit, damnatus est. Porro ex hoc Christi facto meritō docet Ecclesia, quod in ipso mortis articulo poenitentiam Dei benignitas non aspernatur. Nec enim serum est, quod verum est; nec irremissibile, quod voluntarium, de quo apud Cyprianum serm. de cœna Domini. Unde Dominus toti Ecclesiæ hic publicum, ut vocat Ambrosius, condidit testamentum, tacite scilicet simul omnibus, qui in extremis convertuntur, cum latrone promittens indulgentiam & salutem.

46. \* *Et clamans voce magna*, in argumentum magni roboris, vehementis affectus, denique summæ fiduciæ in patrem, ne vel propter insultationes aliorum, dicentium, *Confidit in Deo &c.* vel propter orationem, quam præmiserat, *Deus meus ut quid dereliquisti me*; in desperationem actus putaretur; sicut impiè putavit Calvinus, confidentissimè ait: Pater, quæ vox est intimi amoris, & conjunctionis, & fiduciæ, \* *in manus tuas*, id est, tibi, seu in manus providentiæ, potentiae, & bonitatis tuæ, \* *commendo spiritum meum*, id est, animam meam, jam jam separandam à corpore depono, ut eam excipias, custodias, & veluti depositum suo tempore reddas. Unde Theophyl. in Matth. Ambr. hic, & alii notant significationem depositi in verbo tam Græco quàm Latino, quod propriè etiam voce Hebraicâ Psal. 30. v. 6. significatur, unde hæc verba Christi sumpta sunt. Porro tam Hebraicè quam Græcè est futurum, *Commendabo*, id est, jam jam spiritum meum deponam, & sic verba continent prædictionem rei statim futuræ; sic tamen, ut simul præsentem supplicationem involvant. Hoc autem piè moriendi exemplum Christus præbere voluit, ut credentes spiritum nostrum esse immortalem, eum quasi depositum quoddam resurrectionis beneficio resumendum, ejus manibus, id est, curæ, custodiæ, defensionis contra malignos spiritus cum fiducia deponamus: de quo Cyrill. lib. 12. in Joan. cap. 36. & lib. 2. ad Reginas.

47. \* *Videns autem Centurio*, quod factum fuerat, id est, quæ fiebant, ut est versu seq. Unde Matth. 27. v. 54. habetur, *Viso terræ motu, & his, quæ fiebant*: inter quæ præcipuè erat id, quod Marcus

46. Et clamans voce magna Jesus ait: Pater, in manus tuas commendo spiritum meum. Et hæc dicens, expiravit.

47. Videns autem Centurio quod factum fuerat, glorificavit Deum, dicens: Verè hic homo justus erat.

H h h h

EX



expresse notat, quia sic clamans expirasset, id est, quod post tantum clamorem, statim expirasset. Hoc enim signum erat, eum non necessitate, sed propriâ voluntate animam deponere, sicut hoc prædixerat Joan. 10. v. 18. Unde etiam Pilato res ista Marci 15. miraculo fuit, ut observat Aug. 4. de Trin. cap. 13. \* *Glorificavit Deum*, confitendo id, quod res erat (Deus enim veritas est, & idè confessio veritatis, maximè si fiat amore veritatis, quædam Dei glorificatio est) \* *dicens: Vere hic homo iustus erat*, id est, innocens à calumniis ei impositis. Impositum autem ei fuerat quàm maximè, quòd blasphemasset, asserendo se Filium Dei. Iustum ergò fatendo, & consequenter veracem, tacitè confitetur eum esse verè Filium Dei, sicut Matth. clarè dixit. Quamquam dici possit hæc esse confessionem distinctam

48. Et omnis turba eorum, qui simuladerant ad spectaculū istud, & videbant quæ fiebant, percutientes pectora sua reveriebātur.

ab illa altera:

48. \* *Et omnis turba percutientes pectora revertébantur* in signum penitentiæ, de indignitate tanti facinoris conceptæ. Quid enim tundere pectus, inquit Aug. nisi arguere, quod latet in pectore, & evidenti pulsu occultum castigare peccatum?

49. Stabant autem omnes noti eius à longè, & mulieres quæ secutæ eum erant à Galilæa, hæc videntes.

50. Et ecce vir nomine Joseph, qui erat decurio, vir bonus & iustus:

51. hic non consenserat consilio, & actibus eorum, ab Arimathæa civitate Judææ, qui expectabat & ipse regnum Dei.

52. Hic accessit ad Pilatum, & petiit corpus Jesu:

53. & depositum involvit sindone, & posuit eum in monumento exciso, in quo nondum quisquam positus fuerat.

54. Et dies erat parasceves, & sabbatum illucescebat.

55. Subsecutæ autem mulieres, quæ cum eo venerant de Galilæa, viderunt monumentum, & quemadmodum positum erat corpus ejus.

56. Et reverentes paraverunt aromata, & unguenta: & sabbatho quidem suserunt secundum mandatum.

## CAPUT VIGESIMUMQUARTUM.

1. Una autem sabbati valdè diluculo venerunt ad monumentum, portantes, quæ paraverant, aromata:

2. & invenerunt lapidem revolutum à monumento.

3. Et ingressæ non invenerunt corpus Domini Jesu.

4. Et factum est, dum mente consternatæ essent de isto, ecce duo viri steterunt secus illas in veste fulgenti.

5. Cum timerent autem, & declinarent vultum in terram, dixerunt ad illas: Quid queritis viventem cum mortuis?

6. Non est hic, sed surrexit: recordamini qualiter locutus est vobis, cum adhuc in Galilæa esset,

7. dicens: Quia oportet filium hominis tradi in manus hominum peccatorum, & crucifigi, & die tertiâ resurgere.

8. Et recordatæ sunt verborum ejus.

9. Et egressæ à monumento puntiaverunt hæc omnia illis undecim, & cæteris omnibus.

10. Erat autem Maria Magdalene, & Joanna, & Maria Jacobi, & cæteræ quæ cum eis erant, quæ dicebant ad Apostolos hæc.

11. Et visa sunt ante illos, sicut deliramentum, verba ista: & non crediderunt illis.

12. Petrus autem surgens cucurrit ad monumentum: & procumbens vidit linteamina sola posita, & abiit secum mirans quod factum fuerat.

13. Et ecce duo ex illis, quos scilicet v. 9. commemoraverat, ex illis ibant ipsa die in castellum, quod erat in spatio stadiorum sexaginta ab Ierusalem, nomine Emmaus.

14. Et ipsi loquebantur ad in-

13. \* **E** ecce duo ex illis, quos scilicet v. 9. commemoraverat, quæ scilicet mulieres ad monumentum venerant & redierant, hoc est, ipsâ unâ sabbathi seu Dominicâ, (respicit enim ad v. 1. unde dependent omnia hucusque narrata: \* *in castellum*, id est, pagum: hoc quippe Græcum *χώμη* significare solet, quamquam & villam subinde significet, quomodo vertitur Marci 16.

v. 12. ut fortassis hæc villa fuerit per modum castelli munita in pago: *vicem de his omnibus quæ acciderant.*  
 \* quod erat in spatio stadiorum, Græcè εἰς κόμην ἀπέχουσαν, quod distabat stadiis \* sexaginta ab Ierusalem, id est, septem miliaribus cum dimidio, prout miliare significat mille passus. Nam stadium est octava pars milliaria; hoc est, continet centum & viginti quinque passus: nam sexaginta stadia continent septem millia passuum & quadringentos, hoc est, septem milliaria cum dimidio, seu iter horarum circiter duarum cum media. \* Nomine Emaus. Hæc postea Nicopolis dicta fuit, civitas Palæstinæ, ut Hieron. de locis Hebraicis, ubi dicit Cleopham ex hoc loco fuisse.

15. \* Et factum est, dum fabularentur, Græcè est idem verbum, *15. Et factum est, dum fabularentur, & secum quærent: Scipio* quod versu præcedente, καὶ τῷ ὁμιλεῖν, dum colloquerentur, \* & secum quærent, id est, se mutuò rogarent de rebus illis, quæ acciderant circa Iesum, & quorum alter altero melius meminerat. \* Et ipse Iesus, de quo scilicet loquebantur, \* appropinquans ibat cum illis, comes viæ, qui tamquam viator paulò celerius incedens, eos affecutus erat.

16. \* Oculi autem eorum tenebantur, per aliquod impedimentum, \* ne eum agnoscerent. Hoc enim impedimento prohibebantur, ne dignoscerent propriam Christi speciem ab aliena, sive hoc contingeret offusâ oculis caligine, sive humore, sive per aërem interjectum, sive quòd aliqua pars corporis Christi species non entitteret. Unde Aug. l. 3. de consensu c. 25. sentit effigiem Christi non fuisse mutatam. Vide dicta Marci 16. v. 12. Porro ut oculi, ita & aures tenebantur, ne familiarem ejus vocem agnoscerent. Apparuit autem in specie hominis peregrini, appositè scilicet ad eorum animi statum, quia resurrectionis ejus erat ipsis peregrina, juxta Greg. in Evang. Quod fecit non fallendi causâ, sed sese occultandi, ut ulcere eorum inter colloquendum detecto, eos sanaret, ac dulcius innotesceret. Cum ergò rogasset, qua de re loquerentur, cur tristes essent, Græcè σοδοῦντοί, vultu tristi & inamæno, quasi tactus eorum malo & consolaturus eos,

18. \* Respondens unus, cui nomen Cleophas, qui maritus fuit Mariæ, quæ dicitur Cleophæ, Joan. 19. v. 25. quamquam alii alium hunc Cleopham fuisse volunt: socium ejus vocatum esse Simonem docet Basil. in cap. 6. Isaïæ: \* Tu solus peregrinus es in Ierusalem, id est, tu solus es inter omnes peregrinos Judæos, qui hoc Paschali festo Ierusalem appulerunt, \* & non cognovisti, id est, qui ignoret ea, quæ his diebus contigerunt? Itaque illud, solus, quamvis verbotenus jungatur cum, peregrinus, quantum ad sensum tamen magis conjungitur cum, non cognovisti. Supponunt autem eum conjicere debuissè,



qua de re loquerentur, ex eo, quòd res illa tam stupenda & recens & vulgata esset ut in omnium ore versaretur: vel certè eum audivisse partem sermonis ipsorum, & tamen non intellexisse, de quo homine sermo esset.

19. Quibus ille dixit: Quæ? Et dixerunt: De Jesu Nazareno, qui fuit vir propheta potens in opere & sermone, coram Deo & omni populo:

19. \* *Quibus ille dixit: Quæ? Ut ita totam animi sui infirmitatem proderent, quam curare posset. \* Et dixerunt: De Jesu Nazareno: Græcè clariùs, τὸ πρὸς τὸν Ἰησοῦ τὸν Ναζωραῖον, ea quæ spectant ad Jesum Nazarenum; \* Qui fuit potens in opere, id est, miraculis & sanctitatis operibus, \* & sermone, doctrinæ scilicet autoritate, & eloquentiæ efficacità, ad docendum & persuadendum, \* Coram Deo, qui aliquoties ei testimonium perhibuerat, \* & omni populo. Nam populus, quidquid frenderent Pharisei, semper magni fecit Jesum, dum passim clamaret: numquam sic apparuit in Israël, Propheta magnus surrexit in nobis, bene omnia fecit, &c. Itaque narrant hîc publicam de Jesu existimationem, ut eo mirabilior & miserabilior appareat historia de indigna tanti viri morte. De divinitate mortui nihil dicunt, vel quod ipsimet fluctuarent, vel non crederent, juxta v. 21. vel ne peregrino essent risui.*

20. Et quomodo eum tradiderunt summi sacerdotes & principes nostri in damnationem mortis, & crucifixerunt eum.

20. \* *Et quomodo tradiderunt eum. Pilato Præsidi, tamquam executori lævitæ suæ, non arbitro causæ, ut loquitur S. Leo, In damnationem mortis, id est, ad mortem, ad quam eum latâ sententiâ damnaverant. Unde in initio nihil à Pilato inquiri voluerunt, sed statim velut apertè reum, & convictum, & damnatum, morte plekti.*

21. Nos autem sperabamus quia ipse esset redempturus Israël: & nunc super hæc omnia, tertia dies est hodie quod hæc facta sunt.

21. \* *Nos autem sperabamus, quia ipse esset redempturus Israël, à jugo Gentium, quæ pes erat vulgi Judæorum: quamquam quia hi à Christo jam instructiores erant, intelligi posset à servitute diaboli, peccati, & legis. Bene autem urget Aug. serm. 140. de tempore c. 2. verbum, sperabamus: O discipuli, inquit, sperabatis? Ergo jam non speratis. Unde tum ibi, tum in Præfat. in Psalm. 96. docet eos spe suâ excidisse, adeoque arguisse quodammodò se ipsos, quòd ex illo redemptionem sperassent; sed tamen quia tristes erant, doluisse eum sine culpa occisum, quia noverant innocentem, prout loquitur tract. 9. in Joan. tract. verò 103. sicut & serm. cit. docet eos non tantum spem illam, sed etiam ipsam fidem abjecisse, quâ in eum ante crediderant; nam spes illa redemptionis Israël amitti sine fidei jactura non poterat. \* Et nunc super hæc omnia, id est, præter hæc omnia, quòd scilicet damnatus, crucifixus, & mortuus est, \* tertia dies est hodie, quod hæc facta sunt, id est, ex quo hæc facta sunt, & facta perseverant, ipso mortuo remanente. Nam hæc verba videntur continere rationem, cur dixissent, sperabamus, quasi tacitè invenirent se non sine ratione spem abjecisse.*

22. \* *Sed & mulieres quædam ex nostris*, condiscipulis Jesu, scilicet Maria Magdalene & Maria Cleophæ, \* *terruerunt nos*, Græcè *ἐξέστησαν ἡμᾶς*, obstupefecerunt, quasi extra nos constituerunt. Pertinet enim magis ad magnitudinem admirationis, quàm timoris, eò quòd referrent mulieres, quòd Angeli dixissent, \* *eum vivere*. Nam nec ipsæ quidem mulieres primâ vice credebant eum resurrexisse, sed ex monumento sublatum esse, ut patet Joan. 20. v. 22. quod & Apostoli verum esse putaverunt, ibid. v. 8. Et istud significant etiam hoc loco, dum dicunt:

24. \* *Abierunt quidam ex nostris ad monumentum*, Petrus & Joannes, periculum facturi, utrum mulieres vera nuntiarent: \* *& ita invenerunt sicut mulieres dixerunt*, scilicet de monumento, quod apertum esset, & vacuum. \* *Ipsam vero non invenerunt*, ut proinde argumentum aliquod esse posset, eum reverà vivere, & resurrexisse: sunt enim verba hæsitantium, nescientium, quid sentire deberent, inter exiguum spem aliquam, metumque vacillantes.

25. \* *Et ipse dixit ad eos*, cum jam totum animi sui statum simpliciter declarassent: \* *O stulti*, qui dictis magis mulierum quàm Angelorum movemini, magisque mortis horrore, quàm tot resurrectionis prædictionibus ducimini: nam hoc non est sapientiæ: \* *& tardi corde*, id est, difficiles ac segnes, quia duri corde, ut est apud Marc. c. 16. v. 14. \* *ad credendum in omnibus*, id est, omnibus, Hebraicâ phrasi, \* *quæ locuti sunt Prophetæ*, nempe de ignominia, passione, morte, resurrectione. Nam quæ de regno Christi prædicta erant, faciliè credebant, ut patet Lucæ 2. v. 11. & maximè Matth. 20. v. 21. Ideò autem dicit, *quæ locuti sunt Prophetæ*, quia quæ Christus ipse de morte & resurrectione sua prædixerat, & Angeli mulieribus nuntiaverant, ea ipsa Prophetæ vaticinati sunt. Pungit Judæos itaque acerbis illis verbis, ut eos attentiores redderet ad ea, quæ tamquam doctor aliquis ex Prophetis dicturus erat: nec tamen adhuc se agnoscere finit, ut eorum fidem de se magis ex Scripturis firmaret, nec inter docendum mens eorum ab attentione vel fide avocaretur.

26. \* *Nonne hæc*, quæ vos ipsi narrastis passum esse Jesum, \* *oportuit pati Christum*, scilicet secundum vaticinia Prophetarum, quomodo explicat illud, *oportet*, ipse Dominus, Matth. 26. v. 54. \* *& ita*, mediante morte, & consequenter resurrectione: \* *intrare in gloriam suam*, ei tamquam Deo propriam, à Prophetis prædictam, & passione promeritam? q. d. Tantùm abest, ut propter mortis ignominiam de illo diffidere ac desperare debeatis, ut potius è contrario hoc vobis firmissimum argumentum esse debeat, eum esse verè Christum, & re-

22. Sed & mulieres quædam ex nostris terruerunt nos, quæ ante lucem fuerunt ad monumentum,

23. &, non invento corpore ejus, venerunt, dicentes se etiam visionem angelorum vidisse, qui dicunt eum vivere.

24. Et abierunt quidam ex nostris ad monumentum: & ita invenerunt sicut mulieres dixerunt, ipsum verò non invenerunt.

25. Et ipse dixit ad eos: O stulti, & tardi corde ad credendum, in omnibus quæ locuti sunt Prophetæ!

26. Nonne hæc oportuit pati Christum, & ita intrare in gloriam suam?



demptorem Israël ; cū hęc omnia Prophetę de vero Christo vaticinati sint.

27. Et incipiens à Moyse, & omnibus Prophetis ; omnes enim de ipso patenter aut latenter prophetant : \* interpretabatur illis in omnibus Scripturis ; quę de ipso erant.

28. Et appropinquarent castello quod ibant : & ipse se finxit longius ire,

27. \* Et incipiens à Moyse, libris Moysis, & deinceps \* omnibus Prophetis ; omnes enim de ipso patenter aut latenter prophetant : \* interpretabatur illis quę de ipso erant in omnibus Scripturis ; nam isto modo videtur oratio esse ordinanda.

28. \* Et appropinquarent castello, quod ibant, nempe Emaunti, ut expressum erat v. 13. Quo refelluntur ii, qui significari hic putant castellum multò propinquius Jerosolymis : \* & ipse finxit se longius ire, id est, composuit se & præ se tulit, tamquam longius iturus. Excusat hoc August. à mendacio saltem facti lib. 2. quęst. Evang. q. ult. & lib. contra mendaciū c. 13. quia aliquid Christus per hoc factum significavit : nam quę ad aliquid figurandum dicuntur, aut fiunt, non sunt mendacia, ut patet in fabulis, & parabolis, & comœdiis. Significavit autem, quod longius postea per ascensionem super omnes cęlos iturus esset, nec tamen discipulos deserturus. Ita Augustinus : sed res facilius expediri potest. Nam cū facta pleraque de se indifferentia sint, nec ex natura sua certam veritatem asserant, sicut verba, ad multos fines referri possunt. Composuit ergo se ita Christus, quasi ulteriùs perrecturus, partim, ut provocaret alios ad sese retinendum & hospitalitatem exercendum : partim, ut rêverà pergeret, si eum non retinerent. Utrumque fieri potest sine ullo mendacio.

29. Et cœgerunt illum, dicentes : Mane nobiscum, quoniam advenit perasceit, inclinata est jam dies. Et intravit cum illis :

29. \* Et cœgerunt illum, instantissimè scilicet rogando. Nam eodem modo componebat se quasi longius iturus, ut ab iis invitaretur, & difficilem se invitantibus præbuit, ut magis urgeretur. Itaque exemplo suo docuerunt, peregrinos non solum invitandos ad hospitium, sed etiam trahendos, ut Greg. hom. 23. in Evang. \* dicentes : Mane nobiscum Domine, &c. Unde verisimile fit, coactionem illam instantiâ precum factam esse, & allatâ oportunâ ratione diei jam inclinatę ad occasum : quomodo 2. Reg. 13. dicitur Absolon cœgisse Regem ut dimitteret filios suos. Civiliter itaque acquiescens precibus eorum, \* intravit cum illis, gręcè εἰσῆλθε τὸ μέγαρον αὐτοῦ, intravit ut maneret cum illis, videlicet eâ nocte hospitaretur. Ex quibus verbis & invitandi modo non incongruè colligunt quidam, veram esse sententiam Hieronymi, qui tum lib. de locis Hebr. tum epist. 27. dicit, hanc domum fuisse Cleophę, & à Christo Domino in Ecclesiam consecratam, nempe ipsâ celebratione sacrę Eucharistię. Nam

30. Et factum est, dum recumberet cum eis, accepit panem, & benedixit, ac fregit, & porrigebat illis.

30. \* Dum recumberet cum eis, ad mensam, \* accepit panem, & benedixit, eâ benedictione, de qua sermo est apud Evangelistas in institutione Eucharistię. Hoc enim probant tum omnes similes circum-

stan-

stantiæ, acceptio panis, benedictio, fractio, distributio, effectus consecutus; tum etiam consensus antiquorum, Theophylacti hic, Hier. epist. cit. Aug. serm. 140. de tempore c. 3. & lib. 3. de consensu c. 35. Bedæ, & aliorum.

31. \* *Et aperti sunt oculi eorum*, remoto scilicet impedimento, quo tenebantur, ne eum agnoscerent, ut ibidem Aug. Unde etiam lib. 1. de nuptiis c. 5. & aliis diversis locis docet, primorum parentum oculos post peccatum apertos dici, Gen. 3. non quòd ante nihil viderent, sed quia aliquid tunc animadvertere cœperint, quod ante non adverterant. \* *Et cognoverunt eum*, scilicet in fractione panis, ut est v. 35. hoc est, cum panem de manibus ipsius porrigentis fumerent, & manducarent: hoc enim significat panis fractio, juxta illud Apost. 1. ad Cor. 10. v. 16. *Panis quem frangimus, nonne participatio corporis Domini est?* Fractionis enim nomine Lucas reliqua intelligere solet, maximeque usum sacrosanctæ Eucharistiæ, quæ juncta est fractioni, ut patet Act. 2. v. 42. & 46. Quod autem cognoverunt Dominum tunc potius, quàm antea, contigit quidem Domini voluntate, sed tamen certi mysterii causâ ad commendandum scilicet sanctissimum illud Sacramentum, ut notat utroque loco Aug. v. 30. citatus, quia per illud, nos Dominum in agnitionem sui congregare, nullus debet ambigere, inquit epist. 59. quæst. 8. \* *Et ipse evanuit ex oculis eorum*, non quidem quòd umbra esset, aut phantasma, sed per potestatem animæ suæ gloriosæ in corpus suum, non amplius apparuit. Unde Hieron. epist. 61. & Epiphan. hæresi 32. tribuunt hanc disparitionem potestati Dei: nimirum, ut, quemadmodum discipuli ex colloquio & factis ejus cognoverant veram resurrectionem, ita & ex disparitione agnoscerent redivivi corporis alias qualitates, quod substantiâ quidem esset verum corpus, agilitate tamen & subtilitate spiritale.

32. \* *Et dixerunt ad invicem*, confirmantes sibi alio argumento, verè sibi Christum apparuisse: \* *Nonne cor nostrum ardens erat in nobis?* id est, ardebat affectu? Nam omnis quidem sermo Dei ignitus est: quia de causa per Jeremiam dicit c. 32. v. 20. *Numquid non verba mea sunt quasi ignis?* & Psalm. 118. *Ignitum eloquium tuum vehementer*: præcipuè tamen sermo, quem Christus proprio ore profert. Pungit enim, rapit, urit, inflammat, relinquit scintillas & aculeos in animis auditorum. \* *Dum loqueretur in via*, &c. q. d. Nonne jam faciliè est conjicere, unde iste ardor nobis afflatus fuerit, quem in ejus colloquio sentiebamus?

33. \* *Et surgentes*, è mensa \* *eàdem horâ*, id est, sine mora, eodem

31. Et aperti sunt oculi eorum, & cognoverunt eum: & ipse evanuit ex oculis eorum.

32. Et dixerunt ad invicem: nonne cor nostrum ardens erat in nobis, dum loqueretur in via, & aperiret nobis Scripturas?

33. Et surgentes eàdem horâ recessi sunt in Jerusalem.



rusalem: & invenerunt congregatos undecim, & eos qui cum illis erant,

momento, \* *regressi sunt in Jerusalem*, ut quantocyus discipulorum animos suâ testificatione erigerent, desperationem ac tristitiam abstergerent: \* *& invenerunt congregatos undecim Apostolos*, \* *& eos qui cum illis erant*, id est, & cæteros discipulos, qui cum Apostolis tunc Jerosolymis morabantur.

34. dicentes: Quod surrexit Dominus verè, & apparuit Simoni.

35. Et ipsi narrabant quæ gesta erant in via: & quomodo cognoverunt eum in fractione panis.

34. \* *Dicentes*, istis duobus intrantibus, tamquam gestientes præ gaudio: nam illud, *dicentes*, est Græcè quarti casus, λέγοντας, & refertur ad eos, qui cum undecim erant, non ad illos duos redeuntes ex Emaunte. Proinde se frustra fatigant hic aliqui, disputando, unde isti duo scire potuerint, Christum apparuisse Simoni, & ideò fingentes alium istum Simonem esse quàm Petrum. \* *Quod surrexit Dominus verè*, id est, realiter, in proprio corpore, sine ulla dubitatione, ita ut in posterum controversiæ causa ablata sit: \* *& apparuit Simoni*, seu Petro. Unde Aug. lib. 3. de consensu c. 25. probabiliter, inquit, creditur, posteaquam Petro apparuit, deinde apparuisse istis duobus. Ipsi ergo vicissim \* *narrabant, quæ gesta erant in via*, &c.

36. Dum autem hæc loquuntur, stetit Jesus in medio eorum, & dicit eis: Pax vobis: ego sum, nolite timere.

36. \* *Dum autem hæc loquuntur*, antequam scilicet narrationem suam finivissent, stetit Jesus in medio eorum adhuc recumbentium, ut Marcus: nam eadem est hæc apparitio cum ea, quam narrat Joan. c. 20. v. 19. & Marcus c. 16. ut ibidem latius diximus, & causam dedimus, cur apud Marcum tantum undecim Apostoli nominentur, cum deesset Thomas, & adessent alii multi. Ergo in medio stetit, tamquam pastor in medio ovium dissipatarum, ut ab omnibus facilius videretur & audiretur, idque subito sine ullo indicio prævio adventus, ostiorum, fenestræ, aut pedum strepitu; nam hoc insinuat verbo, \* *stetit*, & dicit eis: *Pax vobis*, consuetâ salutationis humanissimæ formulâ, tamquam largitor veræ pacis hominum cum Deo, & inter se. Quid autem *Pax* significet, illaque salutationis formula, explicuimus v. 12. c. 10. Matth. \* *Ego sum*, qui scilicet ex forma corporis & sono vocis vobis notus sum. Ex quo rectè colligitur, Christum eadem corporis formâ apparuisse, vel certè eadem voce locutum esse, quâ prius: sic enim loquimur familiaribus, qui nos aut non vident, aut dubitant, quisnam adsit. Unde simili modo Magdalena cognovit Jesum simulatque voce solita dixisset *Maria*, statimque respondit *Rabboni*, id est, Magister mi: \* *nolite timere*, ex hoc repentino & inusitato aspectu mei, utpote à quo nihil vobis timendum scitis. Voluit ergo Dominus pro sua benignitate timorem ab eis avertere; sed infirmitate, suavitati salutationis prævalente.

37. Conturbati verò, & contreriti, existimabant se spiritum videre.

37. \* *Conturbati & contreriti existimabant se spiritum videre*, incorporale scilicet dæmonium, inquit Hieron. Præfat. libri 18. in Isaiam, idque

idque ex Evangelio Nazareæorum. Solent enim dæmones etiam amicorum simulare effigiem, vel potius spiritum bonum ipsius Jesu, ut qui vel corpore in spiritum conversus fuisset, vel secundum animam phantasticè appareret. Unde infra Dominus responsione sua non tam probat, se verè esse illum, quam se non esse spiritum. In illam opinionem lapsi videntur fuisse, eo quod se intra clausa parietum improvius infunderet, ut putat Ambros. Quamobrem.

38. \* *Dixit eis: Quid turbati estis*, velut ex apparitione spiritus im-  
provisò se ingerentis, \* & *cogitationes*, variæ, dubiæ, anxie, à re præ-  
fenti & veritate alienæ, \* *ascendunt in corda vestra*; Ascendunt, inquit  
mysticè Aug. serm. 145. de tempore, quia cogitationes istæ terrenæ  
sunt: si enim cælestes essent, descenderent in cor, non ascenderent.

38. Et dixit eis:  
Quid turbati  
estis, & cogita-  
tiones ascendunt  
in corda vestra?

39. \* *Videte manus meas & pedes*, servantes videlicet adhuc clavo-  
rum vestigia: nec enim alia ratio est, cur potius manus & pedes, quàm  
alias corporis partes ostenderet. Unde Joan. 20. v. 20. addit etiam  
ostendisse latus, quod adhuc magis patet ibid. v. 27. Hinc constans  
antiquorum sententia est, Christum post resurrectionem in manibus,  
pedibus & latere ipsa vulnera servasse, seu passionis notas, non ulce-  
rosas & sanguinolentas, sed sanas, ut patet ex Aug. tract. 121. in  
Joan. Cyrillo lib. 12. in Joan. c. 58. Leone serm. 1. de Ascensione, &  
aliis. Quæ vulnera etiam cælo inferre maluit, ut Deo Patri pretium  
nostræ libertatis ostenderet juxta Ambros. æternumque suæ victoriæ  
trophæum circumferret. Nam, ut optimè Aug. lib. 22. de civit. c. 20.  
non sunt deputanda vel appellanda vitia, virtutis indicia. Non enim  
deformitas in eis, sed dignitas erit, & quædam quamvis in corpore,  
non corporis, sed virtutis pulchritudo fulgebit. \* *Quia ego ipse sum*, id  
est, ipsissimus ego totus, non solum secundum spiritum, sed & secun-  
dum corpus. Unde Tertull. c. ult. 4. contra Marcionem: Ego sum,  
quem scilicet corporeum retrò noveratis. Nam eo tendit tota hæc  
Christi demonstratio, ut eum verum corpus habere intelligerent. Ita-  
que adjicit: \* *Palpate*, q. d. Si vidisse non sufficiat, etiam manibus con-  
trectate me, ut probent sibi manus vestræ, si mentiantur oculi vestri,  
inquit Aug. \* & *videte*, id est, diligenter attendite oculis, ut veritas  
corporis mei visu simul & tactu vobis explorata sit. Nam illis, quibus  
in posterum tamquam testibus credere debebant cæteri, voluit suæ  
carnis veritatem evidentissimâ veritate demonstrari, ut idem Aug. ep.  
120. c. 9. Unde Joan. epist. 1. c. 1. *Quod vidimus oculis nostris, & manus  
nostræ contrectaverunt &c.* Palpate ergo & videte, \* *quia spiritus carnem  
& ossa non habet*, non quomodolibet; nam verisimile est quod & illa  
assumere possit: sed *sicut me videtis habere*, hoc est, non habet car-

39. Videte ma-  
nus meas, & pe-  
des, quia ego ipse  
sum: palpate, &  
videte: quia spi-  
ritus carnem &  
ossa non habet,  
sicut me videtis  
habere,



nem & ossa vitaliter, & eo modo quo ego. Quod ut argumentum præbeat veræ resurrectionis in vero humano corpore, videtur discrimen corporis rediviui, & à spiritibus assumpti, visu, tactuque posse discerni, si non evidentiâ Mathematicâ, saltem humanâ & morali, qualis ab humanis sensibus expectari potest.

40. Et cum hoc dixisset, ostendit eis manus, & pedes.

40. \* *Et cum hoc dixisset, ostendit eis*, id est, contritandas præbuit, \* *manus & pedes*, habentes adhuc vera foramina clavorum, ut Euthym. Cyrill. in Catena, & Beda. Unde Joan. 20. Thomas etiam jubetur digitum inferre. Discipulos enim reverà contractasse, expressè dicit Aug. in Psalm. 147. & lib. de unit. Ecclesiæ c. 10. quod ex verbis 1. Joan. 1. v. 1. jam citatis fit valde verisimile.

41. Adhuc autem illis non credentibus, & mirantibus præ gaudio, dixit: Habetis hic aliquid, quod manducetur?

41. \* *Adhuc illis non credentibus*, nempe \* *præ gaudio*, ut sequitur: nam istud cum verbo, *non credentibus*, jungendum esse ex Græco & Syriaco perspicuum est, & ita legit Aug. in Psalm. cit. Non credentibus autem, quod verâ resurrectione à mortuis in vero suo corpore redivisset, quamvis spiritum Jesu sibi loqui jam crederent. Causa incredulitatis erat non obstinata voluntatis duritia, sed gaudii, & rei magnitudo ne videlicet temerè rem tantam credendo, gaudio postea amisso miseres fierent. Nam, ut Aug. ibid. optimè dicit, quæ multum læta sunt, vix creduntur. Dubitatio quædam veluti tardius credentis, condit voluntatem tenentis. Neceffe est, ut homo plus gaudeat cum venerit, quod desperatum est. Hinc ad ipsum gaudium quoque condiendum & augendum, noluit etiam se statim cognosci à discipulis, euntibus in Emaus. Ita August. Simile quid habemus Gen. 45. v. 26. de Jacob, non credente Josephum vivere, quod maximè optabat. \* *Et mirantibus*, præ rei novitate & magnitudine. Pulcherrimè autem docet S. Leo serm. 1. de ascens. Deum ideo hæc credendi hæitationes, cunctationes ac dubitationes in Apostolis permisisse, ne dubitaretur à nobis, ut tot videlicet ostentationibus roboraremur ad fidem. Discipulis igitur dixit: \* *Habetis hic aliquid, quod manducetur*, in quo scilicet experimentum veri & vivi hominis præbeam? Et hæc humana & moralis, non metaphysica probatio est. Nam quo pacto homo inter homines se verum humanum corpus probet habere, nisi colore, figurâ, cicatricibus, carniū & ossium ostensione, tactu, sermone, esu, & potu?

42. At illi obtulerunt ei partem piscis assi, & favum mellis.

42. \* *At illi obtulerunt ei partem piscis assi*, ut qui piscatoribus familiaris esset, & ex cœna reliquus, & ideo partem, non integrum, \* & *favum mellis*, Mysticas utriusque cibi causas, vide apud Greg. hom. 24. in Evangelia.

43. Et cùm manducasset coram eis, sumens reliquias dedit eis.

43. \* *Et cùm manducasset coram eis*, circumstantibus, attentissimè- que

que spectantibus. Vera fuit ista manducatio, quia vi corporis viventis, vivis instrumentis cibi comminutio, & in verum stomachum, trajectio, non tamen vera nutritio, vel in corpus ejus conversio, nec ex egestate seu esurie, sed potestate facta. Nam, ut Aug. epist. 49. quæst. 1. futuræ resurrectionis corpus, imperfectæ potestatis erit, si cibos sumere non potuerit, imperfectæ felicitatis, si cibis eguerit. Sed aliter absorbet aquam terra sitiens, aliter Solis radius candens. Quibus verbis cibum ab immortali corpore manducatum statim consumi indicat, non in corpus verti. Porro nulla in hac manducatione mentio benedictionis, ut intelligeremus fuisse manducationem communem. Benedictio autem commestioni numquam à Christo adhibita legitur, nisi ad miraculum. Vide dicta v. 30. *\* Et sumens reliquias, dedit eis:* tum ut certius de comestionis veritate constaret, cujus reliquias habuissent; tum ut testes essent, se cum redivivo comedisse. Nam hic impletum videtur id, quod Petrus ait Act. 10. v. 41. Jesum manifestatum, non omni populo, sed testibus præordinatis à Deo, nobis, qui manducavimus & bibimus cum illo, postquam resurrexit à mortuis.

44. *\* Et dixit ad eos.* Hic duo gravissima adjungit suæ resurrectionis testimonia, prædicationem scilicet suam, quam eis ad memoriam revocat, & vaticinia Prophetarum: *\* Hac sunt verba, quæ locutus sum ad vos,* id est, hæc quæ contigerunt, & ipsi vos experti estis, de mea passione, morte, sepulturâ, resurrectione, sunt ipsissima illa, quæ diu prædixi vobis, si recordamini, *\* Cum adhuc essem vobiscum,* in carne scilicet mortali, consortio infirmitatis humanæ, in qua estis & vos, inquit Aug. tract. 64. in Joan. & Greg. hom. 24. in Evang. Unde nihil est hoc contra præsentiam Christi in sanctissima Eucharistia. *\* Quoniam necesse est impleri omnia &c.* Deus enim, qui illa prædixit, non potest falli. *\* Quæ sunt scripta in lege Moysi, & Prophetis & Psalmis de me.* Ubi Christus sequitur usum Hebræorum veterum, qui libros sacros dividebant, teste Hieron. in Prologo Galeato, in Legem, Prophetas, & Hagiographa, sub quibus in primis continentur Psalmi: alioqui Psalmi subinde comprehenduntur sub Prophetis, ut supra v. 27.

45. *\* Tunc aperuit illis sensum,* id est, mentem, τὸν νοῦν, ut est Græcè, cor scilicet intus illuminando, ut nunc tandem eventuum cum Scripturis, quas sæpè audiverant, consonantiam animadvertarent, & intelligerent, & gustarent. Quo datur intelligi, Scripturarum intelligentiam esse Spiritûs Sancti donum. Apertis igitur sensibus discipulorum,

46. *Dixit eis: Quoniam sic scriptum est.* Quâ loquendi formulâ indicatur, eum, protulisse diversæ Scripturæ loca; quasi dixisset, sic

44. Et dixit ad eos: Hæc sunt verba, quæ locutus sum ad vos, cum adhuc essem vobiscum, quoniam necesse est impleri omnia, quæ scripta sunt in lege Moysi, & Prophetis, & Psalmis de me.

45. Tunc aperuit illis sensum ut intelligerent Scripturas.

46. & dixit eis: Quoniam sic scriptum est, & sic oportebat Christum pati, & reïurgere à mortuis tertiâ die



scriptum est per Isaiam, sic per Jeremiam, sic in Psalmis: \* *Et sic oportebat Christum pati*, prout scilicet hæc & ista loca vaticinantur. Nimirum Christus, ne quid fallaciter cum carnalibus discipulorum sensibus egisse putaretur, majore documento Scripturarum eos de veterum librorum testificatione formavit, ut August. notat 4. contra Faustum c. 2. & lib. de unit. Ecclesiæ cap. 10. Nam, ut idem ait tract. 2. in epist. Joan. firmitas fidei in eo est, quia omnia, quæ evenerunt in Christo, prædicta sunt.

47. & prædicari in nomine ejus pœnitentiam & remissionem peccatorum in omnes gentes incipientibus à Jerosolyma.

47. \* *Et prædicari in nomine ejus*, id est, vice, jussu, & autoritate ejus \* *pœnitentiam*. Nam & ipse pœnitentiam prædicare cœpit, & Apostolis eam loco suo prædicare præcepit, & in hoc ipso ejus autoritate usi sunt, juxta illud Apost. 2. ad Cor. 5. *Pro Christo legatione fungimur: obsecramus pro Christo, reconciliamini Deo.* \* *Et remissionem peccatorum*, veluti fructum pœnitentiæ, vi passionis Christi & resurrectionis accipiendum. Nemo enim potest bene agere pœnitentiam, nisi qui speraverit indulgentiam, inquit Ambr. lib. 1. de pœnit. c. 1. \* *In omnes gentes*, id est, per omnes nationes, prout tam Judæos quam Gentiles comprehendit. Nam hoc explicat, addendo, \* *incipientibus*, prædicatoribus, \* *ab Jerosolyma*, juxta vaticinium Isaïæ c. 2. *De Sion exibit Lex, & verbum Domini de Jerusalem.* Porro sæpè observat Aug. ut videre licet lib. de unit. Ecclesiæ tract. 2. in epist. Joan. & in Psalm. 147. his Christi verbis totum Christum esse expressum. Nam cum dixit, *Neceesse est impleri omnia, quæ scripta sunt de me, & sic oportebat Christum pati &c.* designavit semetipsum, tamquam Ecclesiæ suæ seu corporis sui caput & sponsum per quem acceperetur remissio peccatorum: illis verò, *In omnes gentes incipientibus ab Jerosolyma*, designavit, ubi corpus capitis illius, hoc est, ubi sponsa sua seu Ecclesia sua Catholica quærenda sit, in qua illa remissio peccatorum acciperetur, nempe non in parte aliqua, ut de illa dicatur, ut hæretici dicunt, *Ecce hic, & ecce illic*, sed in omnibus gentibus diffusa: cujus fides ab Jerusalem exordium sumpsit, & paulatim totum orbem occupavit. Nam & hoc ad veram Ecclesiam discernendam certissimum signum est.

48. Vos autem testes estis horum.

48. \* *Vos autem testes estis horum*. Ubi designat, quod sit officium Apostolorum futurum, nempe testificari ea quæ oculis suis viderant, mortem, & resurrectionem Christi, idque in Jerusalem, & in omni Judæa, Samaria, usque ad ultimum terræ, ut dicitur Act. 1. v. 8. Unde videntur hæc verba, licet à Luca hic subjuncta, spectare ad diem ascensionis. Ut autem tanto muneri sitis idonei,

49. Ego mitto promissum Patris mei in vos: Vos autem sedete in civitate, quoadusque induamini virtute ex alto.

49. \* *Ego mitto*, id est, brevi in Pentecoste missurus sum, \* *promissum*,

missum, Græcè ἐπαγγελίαν, promissionem, \* Patris mei in vos, id est, Spiritum Sanctum, quem & olim Pater meus per Prophetas, & nuper per os meum promisit me missurum, ad vos docendos, & roborandos. \* Vos autem sedete in civitate, id est, deinceps manete in Jerusalem, quod Græcè additur; nam inde lex seu prædicatio Evangelica misso Spiritu Sancto incipere debebat: \* Quoad usque induamini virtute ex alto, id est, donec fortitudine animi cælitus per Spiritum Sanctum afflatâ roboremini, ablatâ pristinâ illâ infirmitate ac timiditate testificandi nomen & fidem meam. Explicantur ista verba clariùs Act. 1. v. 4. 8.

50. \* Eduxit autem eos, saltem Apostolos, illis quidem conspicuus, cæteris verò Judæis invisibilis, \* foras, nempe extra Jerusalem, idque in ipso, ut videtur, die ascensionis, \* in Bethaniam: ubi erat domicilium Magdalenæ & Marthæ. Proinde videtur ex Bethania postea in montem Oliveti, unde ascendit, reversus esse: nam iste mons erat medio circiter itinere inter Jerusalem & Bethaniam. \* Et elevatis manibus, non in cælum, per modum precantis, sed super eos, quibus benedictionis gratia erat impertinenda; nam ille erat antiquus benedictionis ritus, ut patet Levit. 9. v. 22. sicut & nunc fit adhibitio signo crucis, tamquam fonte omnis nostræ benedictionis. Quæ cæremonia ab Apostolica manavit traditione, & fortassis ab hoc ipso facto Christi, ut non solum recentiores aliqui sentiunt, sed etiam S. Hieron. in v. 19. c. 66. Isaiæ, ubi dicit, quod hoc signum, Tau, nobis ad Patrem ascendens Dominus dereliquit, sive in frontibus nostris posuit. \* Benedixit eis, tamquam Sacerdos ab illis abiturus. Quæ benedictio non inanis fuit, sed vim dedit, quæ eos usque ad adventum Spiritus Sancti custodiret.

50. Eduxit autem eos foras in Bethaniam: & elevatis manibus suis benedixit eis

51. Inter benedicendum autem \* recessit ab eis, & ferebatur in cælum, non disparendo, seu evanescendo, ut in cæteris apparitionibus, sed paulatim sursum se attollendo, illis videntibus, donec tandem nubes eum secluderet ab oculis eorum, ut narratur Act. 1. v. 9. Faciem habebat versus occidentem, sicut ex ultimis vestigiis pedum ejus patet, quæ ascensurus petræ veluti ceræ impressit, & adhuc ibi cerni dicuntur.

51. Et factum est dum benediceret illis, recessit ab eis, & ferebatur in cælum,

52. \* Et ipsi adorantes, Christum jam nubibus susceptum in cælum, juxta mandatum Domini, \* regressi sunt in Jerusalem; idque \* cum gaudio magno, de glorificatione scilicet Domini sui, juxta illud Christi: Si diligeritis me, gauderetis utique, quia ad Patrem vado; itemque de imminente adventu Spiritus Sancti, cujus effectus jam prægustaverant.

52. Et ipsi adorantes regressi sunt in Jerusalem cum gaudio magno:



53. Et erat  
semper in tem-  
plo, laudantes &  
benedicentes  
Deum. Amen.

43. \* *Et erant semper in templo*, omni scilicet die temporibus opportunis, \* *laudantes & benedicentes Deum*, quia Christum suum glorificasset, & ejusdem gloriæ spem sibi dedisset. Quæ verba nonnulli referunt ad tempus, quo jam acceperant Spiritum Sanctum: nam Lucas similiter A&t. 2. v. 46. & A&t. 3. v. 1. narrat Apostolos perdurasse unanimiter in templo. Quibus favet, quòd ante adventum Spiritûs Sancti insinuetur, Apostolos domi in cœnaculo mansisse. Theophyl. tamen, Beda, & alii, valde verisimiliter putant, hæc contigisse statim post ascensionem, etiam ante Pentecosten, quod series narrationis videtur postulare. Nec enim cogit illa Scriptura A&t. 1. ut semper domi in cœnaculo delituisse credantur.

F I N I S.





I N  
EVANGELIUM  
JESU CHRISTI  
SECUNDUM JOANNEM.



P R Æ F A T I O.

**J**oannes Evangelista patrem habuit Zebedæum, matrem Salomen, ut ex Matth. 27. v. 56. collato cum Marci 15. v. 40. colligitur: nam quæ ab illo dicitur mater filiorum Zebedæi, ab hoc vocatur Salome. Frater fuit Jacobi, Majoris vulgò dicti, qui primus Apostolorum ab Herode non Terrarcha Galilæa, ut putavit Maldonatus; sed Herode Agrippa Rege occisus est. Oriundus fuit à Bethsaida, Galilæa oppido non ignobili, & à Christo Domino adolescens ac penè puer, inquit Hieron. lib. 1. contra Jovin. ad Apostolatam vocatus est, sicut atas arguit: nam, ut idem Hieron. ibidem ait, sicut & in Catalogo, vitam usque ad sexagesimum octavum post Christi Passionem annum produxit. Virginem fuisse Tertull. lib. de monogamia c. ult. testatur, Christi spudonem vocans, & latè contra Jovin. Hieron. qui eum nominat Maritum & Virginem. Ex quo fortassis loco fluxit, quòd Author Prologi in tract. August. in Joan. Beda, & alii, putant eum à nuptiis jam desponsis revocatum. Christo singulariter dilectum fuisse, & familiarem, probant recubitus in sinu Jesu: fiducia interrogandi Christum de proditore, quòd Petrus non audebat, Mater Domini in tutelam ejus tradita. Unde seipsum sapius nominat discipulum, quem diligebat Jesus. Vide cap. 10. v. 26. cap. 20. v. 2. Causam esse tradit Hieron. ibidem, perpetuam virginitatem ejus; cujus plura vide apud eundem privilegia. Post ascensionem Christi, Asiam



ei ad prædicandum Evangelium obtigisse testis est Iren. lib. 3. c. 3. Euseb. in Historia & alii passim : quod & Apocalypsis ad septem Asia Ecclesias, velut ejus cura commissas, satis indicat. Propriè tamen Ephesiorum Episcopum fuisse iidem decent. Scripsit post omnes ceteros Evangelistas Evangelium suum, & quidem, ut Theophyl. Dorotheus, & alii inferioris noæ authores, in Pathmos insulâ ; ut vero Iren. lib. 3. c. 1. Euseb. lib. 5. c. 8. & alii volunt, Ephesi. Nisi ita concilientur, ut in Pathmos scripserit, Ephesi ediderit, sicut quidam volunt, idque anno primo Nervæ Imperatoris. Scripsit autem rogatus ab Asia Episcopis, duabus de causis. Primò, ut Cherinchi & Ebionis hæreses, contra Christi divinitatem emergentes, refelleret, qui Christum purum hominem fuisse, & ante Mariam non fuisse dicebant. Secundo, quod ceteros Evangelistas unius tantum anni, quo Christus passus est, post Joannis videlicet carcerem gesta, & quidem ferè humana narrasse deprehenderet. Unde & supplevit prætermissa, & qua divinitatem Christi præcipuè spectant, persecutus est. Itaque indicto fratribus jejunio, ut Hier. Præfat. in Matth. & ut alii addunt, fulguribus & tonitruis præviis, sicut alter Moyses, & verus filius Boanerges, altissimum illud proœmium intonuit, In principio erat Verbum &c. Quod quidam Platonici olim aureis litteris conscribendum, & per somnes Ecclesias in locis eminentissimis proponendum esse dicebat, teste Aug. 10. de Civit. 27. Ex omnium sensu scripta sit Græcè, quamvis Epiphani. Hæresi. 30. testetur illud Hebraicè translatum, Tyberiadè in Judæorum secretioribus penetralibus olim servatum fuisse.

## C A P U T P R I M U M.

1. In principio erat verbum, & verbum erat apud Deum, & Deus erat verbum.

**I**N principio. Duo præcipui istius loci sunt sensus. Primus est, ut \* *In principio*, idem sit, quod in Patre, qui est principium seu origo & Filii & Spiritus Sancti, & causarum omnium : cui commodissimè jungitur, \* *erat*, ut sensus sit, Filium semper fuisse in æterno omnium principio. Nam, ut optimè Cyril. lib. 1. c. 1. in Joan. Si in principio erat, quæ mens poterit umquam ultra illud, *Erat*, convolare ? Aut quando illud, *Erat*, mente ita tenebimus, ut cogitationes nostras non antecedit ? Ita & Hilar. lib. de Trin. & Aug. 6. de Trin. c. 2. Secundus est, \* *in principio*, temporis, quo esse cœpit, quidquid factum est, & ante quod nihil factum est, \* *erat*, id est, jam tum erat, & veraciter atque immutabiliter subsistebat. Nam isto verbo, *Erat*, includente quodammodò in sensu suo particulam, *jam*, denotatur quædam antecessio ante principium illud temporis. Unde Aug. loco citat. exponit, ante omnia. Quæ vis verbi præclare exprimitur Proverb. 8. Nam quod v. 22. dixerat : *Dominus possedit me in initio viarum suarum*, mox explicat:

plicat : *antequam quidquam fecerat* , *antequam terra fieret* , *nondum erant abyssi* , & ego jam concepta eram ; ante omnes colles , ego perturiebar . Significatur ergo æternum esse Verbum , seu principio carens ; ita ut istis tribus vocabulis , *in principio erat* , falsum convincatur illud , quod jactabant Ariani : Erat aliquando , quando non erat . Nam , ut acutè Ambr. lib. I. de fide c. 5. indefinitè tenditur , *Erat* . Quidquid excogitaveris , erat Filius : quod enim jam erat in principio , non includitur tempore , non principio prævenitur . Itaque respicere videtur Evangelista & supplere initium Genesis : q. d. In principio illo temporis , quo Deus creavit cælum & terram , non creavit Verbum , quo cætera creabantur , sed ipsum jam tunc erat ante cælum & terram .

\* *Verbum* , Græcè λόγος , quod ab antiquis , variis modis redditur : ab aliquibus *Ratio* , à multis *Sermo* , quod Erasmo & Novatoribus maximè placet . Sed omnibus in Ecclesia Catholica præfertur , & antiquis ac recentioribus celeberrimum est *Verbum* : & meritò , quia alienissimum à compositione , quam *Sermo* includere vel admittere videtur , utpotè pluribus constans verbis : quæ multitudo ex imperfectione vel loquentium vel audientium proficiscitur . *Ratio* quoque neque respectum ad principium significat , neque ad opera , quæ verbo fiunt ; sicut utrumque notat Aug. 83. q. 63. quorum utrumque significatur nomine *Verbi* . Addit Basil. in principium hujus Evangelii , *Verbum* hîc dici , non Filium , quia ex mente processit , quia citra carnalem affectionem natus est , quia imago est genitoris , totum in seipso genitorem ostendens . Verbum quippe perfecta imago est ejus , cujus est Verbum . Non enim de externo Verbo , quod propriè dicitur Vox , sed de interno agitur , quod Cogitationem dicimus . Sed cogitationis nomen horret Evangelista , nè aliquid volubile credatur in Deo , ut Aug. l. 15. de Trin. c. 16. Est autem Græcè additus articulus ὁ λόγος , *illud verbum* , ut articuli adjectione , inquit Chrys. illud à reliquis separaret : q. d. In principio jam erat illud Verbum Dei , Primum , Divinum , Increatum , quo creaturæ omnes dictæ & creatæ sunt .

\* *Et Verbum erat* , id est , & idem istud Verbum jam tum in principio subsistebat , \* *apud Deum* , Græcè , τὸν Θεόν , *illum Deum* , celeberrimum Israël , à Patribus prædicatum , cujuserat hoc Verbum . Significatur ergò hîc ; Primò , Verbum istud fuisse Verbum ipsius Dei . Cum enim Verbum non possit esse nisi dicentis , & nihil esset præter Deum , necesse est , fuisse Verbum Dei , tamquam dicentis , & proindè Patris . Secundò , & præcipuè , Verbum personâ distingui ab illo Deo , cujus Verbum est , id est , à Patre , ut notavit Theophyl. Cyril. Basil. & quotquot antiqui locum hunc tractavêre . Quomodo enim ,



inquit Cyrillus, quod unum numero est, id est, una persona, ipsum apud seipsum esse intelligeretur? Tertiò, Verbum, non ut conceptum humani animi, in Patre esse, tamquam accidens in subjecto, sed ut personam distinctam per se subsistere. Idcirco enim usus est, *apud*, potius, quam *in*. Unde Theophyl. & Hilar. l. 2. de Trinit. reddunt *cum Deo*, quo significatur idem, quod *apud Deum*. \* *Et Deus erat verbum*. Græcè articulus additur *Verbo*, & non *Deo*, ut indicetur, *Verbum* esse subjectum, & *Deus* prædicatum, hoc modo: *Et illud Verbum erat Deus*. Quo in verso loquendi modo usus est, propter concinnitatem sermonis, maximè Hebraici, ut scilicet vox, *Deus*, quæ finis fuerat sententiæ præcedentis, esset initium sequentis; quemadmodum hoc fit quater statim v. 4. & 5. Porro magnâ consideratione non addidit articulum voci, *Deus*, ut indicaret, non sumi hîc pro persona, ut paulò antè, sed pro natura communi; ut sensus sit: Verbum erat Deus, sicut ille, apud quem erat, alius non aliud, ejusdem cum illo naturæ ac Deitatis, idem cum illo, consubstantialis ac simplicissimus Deus, ut notat Cyrillus. Ex quo patet, primâ sententiâ expediri quæstionem, an sit Verbum, nempe in principio, seu ab æterno: secundâ, quo modo sit persona, scilicet à Patre distincta: tertiâ, quid sit, nempe Deus. Omnia verò tria pulchro compendio in unam summam colligens, addit:

2. Hoc erat in principio apud Deum.

2. \* *Hoc erat in principio apud Deum*, id est, hoc idem Verbum, quod Deum esse dixi, erat in principio apud Deum, cujus Verbum est, tamquam scilicet unus cum eo Deus. Causa duplex talis epilogi est: prima, ne quis tria illa pronuntiata de diversis verbis intelligeret; uno videlicet, quod sit internum Deo Patri; altero, quod illi interno simillimum sit, & vocetur Filius Dei, tamquam Verbum Verbi, & Splendor Splendoris, & Imago Imaginis, ut Eunomiani putarunt, teste Cyrillo lib. 1. in Joan. cap. 4. Secunda causa est, eaque præcipua, quam urget & explicat S. Hilar. l. 2. de Trin. ne contra Moysen, novum Deum, ideoque plures Deos cum Gentilibus introducere videretur, dicendo, *Deus erat Verbum*. Statim enim explicat, \* *Hoc erat &c.* id est, hoc idem Verbum Deus unus & verus erat apud Deum, cujus Verbum est. Explicatâ igitur Verbi æternitate, distinctione, naturâ, nunc ad opera ejus tam creanda, quam restauranda pergit.

3. Omnia per ipsum facta sunt: & sine ipso factum est nihil, quod factum est.

3. \* *Omnia per ipsum facta sunt*. Compendium exprimit, quidquid Moyses fusè initio Genesis deduxerat, quia ad opus redemptionis, novo Testamento proprium, festinabat. *Omnia* igitur, id est, ut explicat Paulus ad Coloss. 1. v. 16. *Universa in calis & in terra, visibilia & invisibilia*

*invisibilia*, nullo penitus extra Deum excepto. Cum enim dicit, *Omnia*, sine dubio præter eum, qui subjecit ei omnia, sicut idem Apostolus argumentatur 1. ad Cor. 15. v. 27. *Per ipsum* verò facta seu creata sunt, non ut per ministrum, per organum, per instrumentum, sicut Ariani senserunt, sed per efficacissimum, omnipotens, & coæternum Patri Verbum, quo Deus Pater dixit: *Fiat, & factum est*. Cum enim verbum non nisi à dicente sit, significatur tantum per istud, *Per*, potestatem faciendi, sicut & ipsam essentiam, Filio à Patre communicatam, sed ab æterno. Non enim putandum est, cum in Genesi scribitur, *Dixit Deus, Fiat lux*, &c. temporalem aliquem sonum, aut dictionem, aut jussionem significari; sed denotatur æternus conceptus, seu Verbum Patris de universis condendis, cujus effectus temporalis tunc effluxit, quando fieri debuisse, in illo verbo continetur. *Æternum* quippe est hoc ipsum in Verbo Dei, quando fieri aliquid debeat, ut Aug. lib. 1. de Genesi ad litt. cap. 2. Porro ex hoc, quod per Verbum omnia dicuntur facta, rectè colligitur, ipsum Verbum non esse factum, sicut colligunt ferè veteres adversus Arianos, Aug. tr. 1. Cyril. lib. 1. cap. 5. & alii: sicut enim seipso non potest esse prius, ita nec per seipsum fieri. Ut autem de omnibus cæteris creatis nulla fieret cavillatio, per exceptiones, aut commodas distributiones, id, quod affirmativè dixerat, generalissimè exprimit negativè: \* *Et sine ipso factum est nihil*, neque corporalium neque spiritualium. Quo jugulantur Platonici, & Manichæi: illi, quia corporalia per Deos minores, id est, per Angelos; hi, quia mundum corporeum per principium malum factum sentiebant: contra quos Aug. tum tr. 1. in Joan. tum l. 12. de Civit. c. 20. Porro illud, *sine*, quamdam concomitantiam significat, ut alia intelligatur persona socia, nempe pater, ut Hilarius. q. d. Sine eo à Patre nihil factum est. \* *Quod factum est*. Jungendum est præcedentibus, sicut jungit Nazianz. Orat. 5. de Theologia, Hier. diversis locis, Chrysost. & alii. Itaque tamquam explicationis ergo adjectum est, ut facilius intelligeres, quænam per ipsum facta censeantur, nempe omnia, quæ facta sunt: sic enim nulla difficultas est in excludendo ab ea generalitate Patrem & Filium, & præcipuè Spiritum sanctum; itemque peccatum. Illi namque non sunt facti, quia æterni; hoc non fit, quia fieri nequit, utpote defectus ab eo, quod est. Augustinus tamen & Cyrillus in Joan. Athanas. aliique multi veteres jungunt sequentibus, hoc modo: *quod factum est, in ipso vita erat*, quod Augustinus exponit tr. 1. in Joan. & 5. de Genesi ad litt. cap. 14. res creatæ erant vita, antequam fierent, non in se ipsis, sed in verbo seu in sapientia Dei, tamquam in arte vivente, quæ factæ sunt. Porro quo



modo hoc exordio Joan. interficiantur plurimæ hærefes, Ariana, Sabeliana, Photiniana, Eunomiana, Manichæa, vide Ambrosium lib. 1. de fide c. 5.

4. in ipso vita erat, & vita erat lux hominum:

4. \* *In ipso*, scilicet verbo, \* *vita erat*. Quod Chrysof. & Cyrill. videntur causaliter intelligere, respectu vitæ naturalis creaturarum, quam causat creando & gubernando: recentiores verò plerique respectu vitæ spiritualis & æternæ, quam attulit hominibus. Rectius Aug. tract. 1. in Joan. & aliis multis locis, exponit hunc & sequentem adhuc versum de vita essentiali Verbi Dei. *In principio ergo vita erat*, quia ipsemet vita erat, sicut infra dicit, *Ego sum vita*, quia est ipsa scilicet æterna & vivens Sapientia, & Veritas. Nec refert, quòd *in ipso* esse dicatur; sic enim & c. 5. v. 25. dicit, *Sicut Pater habet vitam in semetipso*, quia ipse est vita sua, ut Aug. notat loco de Genesi citato. \* *Et vita*, illa eadem divina Sapientia, \* *erat lux*, non quorumcumque animalium, sed \* *hominum*, quia ad imaginem Dei facti rationalem habent mentem, quâ possunt videre sapientiam Dei, æternamque veritatem. Ita Aug. Tract. 1. Hanc enim lucem æternæ sapientiæ vidit, quisquis æternam Dei legem vidit, ex qua sapienter vivendo vitam suam format. Quia verò stulta hominum corda, quæ peccatis, terrenisque desideriis aggravata lucem illam videre non possunt, putare possent lucem illam sibi absentem esse, addit:

5. & lux in tenebris lucet, & tenebræ eam non comprehendunt.

5. \* *Et lux*, ista æternæ Veritatis & Sapientiæ, \* *in tenebris lucet*; id est, in tenebrosis & cæcis peccatorum cordibus. Ut enim crebrò explicat & appositè Aug. sicut homini cæco præsens est Sol, sed ipse Soli absens est, sic omnis stultus, id est, impius, & iniquus cæcus est corde. Præsens est illa Sapientia, & veluti cæco Sol, ideoque oculis ejus absens est. Hinc est ergò, quod \* *tenebræ*, id est, homines peccatis tenebrati, \* *eum non comprehenderunt*, id est, non perceperunt, nempe quia immundos habebant oculos. Beati enim mundo corde, quoniam ipsi Deum videbunt. Tollantur ex animo impedimenta peccatorum & affectuum terrenorum, & videbis sapientiam, quæ præsens est, quia Deus est ipsa sapientia, inquit Aug. His ergò de divinitate Verbi Dei præmissis, & tenebris eum non comprehendentibus, accedit ad œconomiam divinæ providentiæ, quâ mundum in notitiam istius lucis adducere voluit.

6. Fuit homo missus à Deo, cui nomen erat Joannes.

6. \* *Fuit homo missus à Deo*, & proindè divinæ autoritatis, pondus ad testificandum habens, quam ei conciliaverat miraculosa natiuitas, vita solitaria, victus austeritas, conversationis innocentia, prædicationis libertas & efficacia: \* *Cui nomen erat Joannes*, divinitus videlicet impositum ante circumcisionem, & ipsâ suâ etymologiâ gratiam Dei sonans.

7. \* *Hic venit in testimonium, ut testimonium perhiberet de lumine*, id est, causa missionis & adventus ejus fuit, ut testaretur istius lucis carne vestitæ præsentiam in hoc mundo. Nam quamvis Sol corporeus non indigeat lucernâ, ut videatur, lux tamen illa animi mundi, sapientia Dei, per se inaccessibleis est cordibus maximè tenebrosis. Itaque prædicatione suâ testimonium ei perhibuit Joannes, quòd ipse esset lux & Sapientia Dei; ut sic omnes, qui non possent eam capere eâque contemplando & amando frui, ejus autoritate moti, saltem \* *crederent per illum*, Joannem. Fides enim, nondum re perfectâ, innititur testificationibus fide dignis, fide jam habitâ mundatur paulatim animus, ut tandem videre possit, quod credidit.

8. \* *Non erat ille lux*, illa increata, Sapientia scilicet Dei, sed potius lucerna ab illa luce accensa, sicut vocatur c. 5. \* *sed ut testimonium perhiberet de lumine*, q. d. Non erat lux, sed testis ac præcor lucis: non Sol, sed lucifer, Solis præcursor. Quod tam sollicitè inculcat, ut suspicionem tolleretur, quæ aliquando fuerat, Lucæ 3. v. 15. quòd ipse esset Christus. Itaque illud lumen, de quo perhibuit Joannes testimonium, ab æterno,

9. \* *Erat lux vera*, primigenia, summa, substantialis, non lucis particeps, sed ipse fons luminis spiritualis, quia ipsa \* *illuminat omnem hominem venientem in hunc mundum*, id est nascentem: ergo & ipsum Joannem. Hæc autem illuminatio dupliciter intelligi potest fieri: primò per creationem mentis rationalis, velut oculi interioris, sicut Aug. exponi posse tradit lib. 4. de peccatorum meritis c. 25. præsertim si attendamus, nihil omninò veri, qualecumque sit, agnosci ab humana mente posse, nisi judicet juxta regulas quasdam immutabiles, quas supra mentem suam omnis anima rationalis scriptas videt in libro lucis illius, quæ æterna veritas dicitur, ut Aug. sæpè tradit, & in primis lib. 4. de Trinit. c. 25. lib. de vera religione c. 39. & alibi. Secundò intelligi potest, ut Aug. plerumque intelligit, de illuminatione pietatis, quâ anima per gratiam verè fit sapiens & iusta. Nam quamvis homo audiat dicentem hominem vel Angelum, ut tamen sentiat & agnoscat, credendo & amando verum esse, quod dicitur, illo lumine intus mens aspergitur, quod in æternum manet, ut idem loco de pecc. meritis citato, ubi dicit, hunc locum exponendum esse negativè, quia scilicet nemo illuminatur, nisi ab ista luce: q. d. Cui soli competit illuminare omnes, qui illuminantur.

10. \* *In mundo erat*, essentiâ, potentiâ, præsentia, non mundo quasi conclusus, sed uti continens mundum: \* *& mundus per ipsum factus est*, tamquam per artem viventem & subsistentem. omnipotentis artificis, quæ regit opus, quod fecit: \* *& mundus*, id est, sed vit

mundus.



mundus in illis creaturis, quæ eum agnoscere debuissent, \* *eum* ( quod refertur Græcè non ad lucem seu lumen, quod præcessit, sed ad personam verbi, quod Græcè masculinum est λόγον ) \* *non cognovit*, cæcitate mentis, quâ post peccatum tenebrata est, impediēte, ne auctorem suum agnosceret; illâ præsertim agnitione, quâ Deus agnoscī & amari & colī à creatura sua debet.

11. In propria venit, & sui eum non receperunt.

11. \* *In propria venit*, id est, in mundum à se factum præcipuèque in Judæos carne cognatos venit, per incarnationem, inquit, Aug. tract. 2. nempe qui invisibilis per divinitatem in mundo erat, visibilis & palpabilis per humanitatem fieri voluit, ut, quemadmodum Athanas. de corporali adventu verbi Dei dicit homo hominum sensus in sensibilia defixos præoccuparet. Nimirum, ut ita homines humana solum cogitantes, quocumque sensus suos conferrent, ibi se anticipari, & undecumque insinuari veritatem sibi animadverterent. \* *Et sui*, id est, Judæi, quos ut populum peculiarem sibi adsciverat, Deut. 32. v. 9. item *sui*, quia contribules ejus & cognati, ut Aug. \* *eum non receperunt*, per fidem, id est, noluerunt in eum veluti creatorem domus ac liberatorem suum credere, ut mox exponitur; imo rejecerunt eum. Ne verò à nemine prorsus receptus esse, & Judæorum incredulitas fidem, quâ Deus in promissis suis fidelis est, evacuasse putaretur, adjicit à quibusdam receptum, & quanto fructu:

12. Quotquot autem receperunt eum, dedit eis potestatem filios Dei fieri, his qui credunt in nomine ejus:

12. \* *Quotquot autem receperunt eum*, quod, quomodo fiat, statim explicat; credendo scilicet \* *in nomine ejus*, id est, in ipsum, prout se inter homines cognoscendum & nominandum exhibuit, videlicet in Jesum Christum Filium Dei, \* *dedit eis potestatem filios Dei fieri*, hoc ipso quo receperunt eum, seu crediderunt in eum. Nam, ut clarè & breviter Aug. lib. 2. ad Bonifac. c. 3. datur potestas, ut Dei filii fiant, qui credunt in eum, cum hoc ipsum datur, ut credant in eum. Hoc autem solet communiter intelligere Aug. de fide viva & operatoria per charitatem, quæ scilicet non steriliter credit, sed facto ostendit, se verum putare, quod credit. Et tunc potestas illa est actui conjuncta. Et versus sequens erit explicatio, qualis illa fides, quâ fiunt filii Dei, esse debeat, regenerationi scilicet juncta. Intelligi tamen potest de potestate ab actu separatâ, & consequenter de fide inchoata: nam per illam ad baptismum regenerationis ducimur, & orando ex fide impetramus spiritum poenitentiae & charitatis, quâ constituimur filii Dei. Et tunc sequens versus erit enumeratio eorum, quæ præter fidem illam requiruntur, videlicet qui non solum crediderunt in nomine ejus, sed etiam

13. qui non ex sanguinibus, ne-

13. \* *Qui non ex sanguinibus*, maris & feminae, conceptus materiam

riam ex concocto sanguine subministrantium, ut Aug. tract. 2. Quod <sup>que ex voluntate</sup> plenius explicat, \* *neque ex voluntate carnis*, id est, concupiscentiâ <sup>carnis, neque ex</sup> mariti, qui non humanâ, non carnali, non concupiscentiali, & im- <sup>voluntate viri,</sup> mundissimâ generatione, \* *sed ex Deo nati sum*, id est, ex sanctissima <sup>sed ex Deo nati</sup> illa divina voluntatē. *Voluntariē enim genuit nos Deus verbo veritatis*, sunt. ut est Jacobi 1. Unde Aug. apud Prosperum sent. 301. Justus ex Deo, non ex hominibus nascitur, quoniam renascendo, non nascendo fit justus. Unde etiam renati, filii Dei vocantur.

14. \* *Et verbum*, illud scilicet, de quo hætenus locutus sum. Po- <sup>14. Et verbum</sup> nitur verò *Et pro Nam*, quia quantum ad sensum modus exponitur; <sup>caro factum est,</sup> quo in propria venerit, & simul ratio datur tantæ gratiæ hominibus <sup>& habitavit in</sup> collatæ, quâ Filii Dei fierent, nempe quia illud ipsum æternum Ver- <sup>nobis & vidimus</sup> bum ineffabili quodam amoris excessu, \* *Caro factum est*, id est, <sup>gloriam ejus,</sup> homo, sicut unanimiter Patres explicant, Cyrill. August. & alii, per <sup>gloriam quasi</sup> synecdochen scilicet pro toto ponendo partem, eamque viliorē, ut <sup>unigeniti à patre,</sup> Christi humilitatem magis ostenderet, & ne carnis nomen quasi in- <sup>plenum gratiæ &</sup> dignum aliquid refugisse videretur, inquit Aug. epist. 120. c. 4. Simi- <sup>veritatis,</sup> les locutiones in Scripturis frequentes sunt, ut Lucæ 3. v. 6. *Videbit omnis caro salutare Dei*. Itaque ad commendandam extremam Dei di- gnationem, summum opposuit infimo, nobilissimum abjectissimo, verbum omnipotens & beatissimum infirmissimæ miserrimæque carni; sic tamen, ut *Caro*, non significet hîc, neque partem naturæ humanæ, neque naturam humanam, neque personam humanam, sed hominem, quia Verbum non pars naturæ, non natura, non persona, sed homo *factum est*. Sic ut Verbum, seu persona Verbi subsistens, in natura divina simul sit verè homo, id est, subsistens per modum personæ in natura humana. Ita quippe verba ista librata sunt, ut uno ictu om- nes hæreses de Christo perimantur. Nam neque dicitur, verbum fa- ctum esse, quod putabant Ariani; neque verbum in carnem mutatum, quod Appollinaristæ; neque carnem in verbum, quod alii; neque verbum & carnem in naturam tertiam, quod Eutychiani; neque verbum carnem sibi tantummodò conjunxisse; neque personam ho- minis sumpsisse, quod Nestoriani; neque in carnem venisse, sicut apud Prophetas & Sanctos olim venit: sed verbum carnem seu ho- minem factum esse: utrâque scilicet naturâ in unitatem personæ coa- lescente, ita ut verbum sit caro seu homo, eademque persona verbum simul & homo. \* *Et habitavit in nobis*, id est, Verbum jam caro fa- ctum in terris visum est, & cum hominibus conversatum, ut expli- cat Baruch c. 3. v. 38. ne scilicet propter magnitudinem excellentiæ suæ hominum consortium dedignatus fuisse putaretur. Quamquam

Cyrill.



Cyrrill. 1. in Joan. c. 16. & l. de incarnat. unigeniti c. 23. velit esse explicationem particulæ præcedentis, ut significetur, quod Verbum non ita sit caro factum, ut mutatum fuerit in carnem, vel cum carne in naturam tertiam, sed ut in illa non sibi confusâ, permixtâve, sed distinctâ, velut in templo animato corporaliter habitaverit. \* *Et vidimus*, Græcè *ἑωράκαμεν*, *spectavimus*, scilicet oculis corporalibus tamquam testes oculati admirandum spectaculum, \* *glorium ejus*, id est, majestatem divinitatis ejus, per humanam naturam coruscantis, non qualem Prophetæ, Moyses; Angeli habuerunt, sed \* *quasi unigeniti à Patre*, id est, talem, qualis decebat Filium Dei Patris unigenitum. Itaque *Gloria* significat illam majestatem, sive splendorem divinitatis occultæ, quæ vel in facie relucebat, ut Hieron. c. 9. Matth. vel etiam in vestibus, ut in transfiguratione; vel per miraculorum magnitudinem se prodebat, ut infra c. 2. v. 11. Et illud, *quasi*, non similitudinis nota est, sed confirmationis ac determinationis indubitatæ, ut loquuntur Chrysost. & Theophyl significans, tamquam, id est, verè, quemadmodum dicit Apostolus, *Ut filii lucis ambulare*, id est, tamquam qui verè filii lucis sitis. Unde Aug. in Psalm. 125 scribit esse subinde notam proprietatis, ut quando dicitur, *Fecit sicut vir bonus, sicut Senator*, &c. \* *plenum gratiæ & veritatis*, plenum Græcè *Νομινα*tivus est, *πλήρης χάριτος*, & referendus est ad *Verbum caro factum*; ita ut quæ sequuntur (*vidimus gloriam ejus*, &c.) parenthesi includantur. Itaque Verbum caro factum, erat plenum gratiæ, non solum quatenus ipsa divinitas in eo habitabat corporaliter, sed etiam quia ipse fons omnium gratiarum Spiritus Sancti in ipsum cum tota plenitudine gratiæ, tam gratum facientis, quàm gratis datæ, sine mensura effusus erat, ita ut in nos plenitudo ejus redundaret. Legem quippe nobis in gratiam mutavit, timorem in amorem. \* *Et veritatis*, quia ut est 1. Joan. 5. Christus est veritas, & ita veritas, ut totum in illo verum fuerit, verum verbum, vera anima, vera caro, verus homo, verus Deus, vera nativitas, vera passio, vera mors, vera resurrectio, ut Aug. tract. 1. in Joan. Hinc consequenter, plenum veritatis, in verbis sine mendacio, in conversatione sine peccato; plenum veritatis in rebus, quia omnes umbras ac typos, omnes promissiones veteris Legis implevit, juxta Apostolum, 2. ad Cor. 1. v. 20.

15. Joannes testimonium perhibet de ipso, & clamat dicens: Hic erat, quem dixi: Qui post me venturus est, ante me factus est: quia prior me erat.

15. \* *Joannes testimonium perhibet de ipso*, id est, non solum nos, quod vidimus, testamur, sed & Joannes à Deo missus, tantæque auctoritatis, ut Christus esse putaretur, testando \* *clamat*, id est, non clanculum, non obscure, non trepidè, sed magnâ cum libertate professus est: \* *Hic erat, quem dixi*, id est, Hic est ille, de quo prædixi, antequam

quam vidissem eum, ut patet Lucæ 3. v. 16. \* *Qui post me venturus est*, jamjam scilicet ad prædicandum, quia jam ab eo baptizatus fuerat. \* *Ante me factus est*, id est, mihi antepositus est dignitate, ut Aug. tract. 3. \* *quia prior me erat*, id est, æternitate prior, dignitate præstantior. Utroque enim modo *prior* accipi potest, ut & temporis præcessionem significet, & naturæ tam divinæ, quam humanæ præcellentiam. Unde Ambr. 3. de fide c. 5. Prior me erat, æternitatis est; ante me factus, honoris. Interposito breviter Joannis testimonio, pergit declarare illam, quam dixerat, plenitudinem gratiæ & veritatis.

16. \* *Et de plenitudine ejus*: q. d. Tanta fuit ejus plenitudo, ut de redundantia fontis illius, \* *nos omnes acceperimus*, quidquid scilicet habemus gratiæ & veritatis, ad benè vivendum & prædicandum id, quod vidimus. Sunt enim verba non Baptistæ, sed Evangelistæ, ut sentit Chrysost. & Cyril. lib. 1. c. 20. Sed quid est illud, quod acceperimus? Nempe gratiam fidei, remissionis, justitiæ, quâ hic ex fide vivimus, \* *& gratiam pro gratia*, id est, & insuper gratiam vitæ æternæ pro ista gratia justitiæ, hoc est, mercedem pro meritis, quæ contulit gratia. Ita utramque partem exponit Aug. tract. 3. & lib. de corrept. & gratiâ c. 13. & aliis diversis locis: nam & Apostolus gratiam Dei vocat vitam æternam. Idem tamen Aug. in Psalm. 81. Cyril. & Chrysost. & ferè Græci exponunt, *gratiam*, propriè dictam & beneficentissimam novi Testamenti, *pro gratia*, id est, loco gratiæ veteris Testamenti. Nam & illa gratia, id est, beneficium peculiare, & gratuitum Dei fuit, juxta Psalm. *Non fecit taliter omni nationi, & judicia sua non manifestavit eis*. Cui sensui percommode subjungit, quasi rationem reddens sententiæ præcedentis.

16. Et de plenitudine ejus nos omnes acceperimus, & gratiam pro gratia.

17. \* *Quia lex*, quæ docet ac præcipit benè vivere, \* *per Moysen data est*, tamquam donum gratuitum & magnum, erudiendo, coërcendo, seu in officio continendo, & ad Christi fidem & gratiam præparando populo Judaico: \* *sed gratia* illa propriè dicta, quâ Lex impleri potest, \* *& veritas*, quæ per cæremonias & sacrificia, terrenaque promissa, velut per umbras ac typos figurata prophetabatur, \* *per Jesum Christum facta est*, id est, revelata, præstita & præsens exhibita, veterum umbrarum usu & observatione sublata. Ita Aug. lib. 22. contra Faustum cap. 6. Nam, ut ait etiam lib. 17. cap. 6. gratia pertinet ad charitatis plenitudinem, veritas ad Prophetiarum impletionem; de quo & vide lib. 19. cap. 18. Et quasi aliquis diceret, Ergone Moyses, qui Deum vidit, non revelavit & præstitit veritatem? Respondet:

17. quia lex per Moysen data est, gratia & veritas per Jesum Christum facta est.

18. \* *Deum nemo*, mortali carne circumdatus, \* *vidit unquam*, si-

18. Deum nemo vidit unquam: unigenitus filius, qui est in sinu patris, ipse enarra-



cumscriptam. Quicumque enim Deum vidisse dicuntur, Jacob, Moyses, Elias, Isaïas, imagines quasdam viderunt, non ipsam essentiam Dei, ut latè Iren. lib. 4. c. 37. & Aug. epist. 112. \* *Unigenitus* : quia solus & unicus ex Patre genitus est, utpote tam perfectè & plenè de Patre expressus, ut alteri verbo non possit esse locus, ut notat Athan. pro decretis Conc. Nicæni. \* *Filius*, tamquam ex utero consubstantialis genitus. Nam sine consubstantialitate genitum verbum utcumque dici posset, sicut à nobis gignitur, non tamen Filius, \* *Qui est in sinu Patris*, id est, in intimo charitatis paternæ & naturæ secreto, inquit Ambr. lib. de benedictionibus Patriarch. cap. 11. Designatur itaque Filius esse in Patre, & ejusdem naturæ cum Patre, ut notat etiam Cyrill. in hunc locum, & consequenter omnia Filio, tamquam in ultimo Patris secreto commoranti, esse certa atque perspicua, ut Chrys. \* *ipse narravit*, id est, ipse tamquam solus ad hoc idoneus palam re-  
 tractis omnibus umbris, ac figuris, explicuit, & velut spectanda exhibuit : quasi tacitè diceret, propterea nemo præcedentium hoc prout, quia non viderant fontem secretorum divinorum.

19. Et hoc est testimonium Joannis, quando miserunt Judæi ab Jerosolymis Sacerdotes & Levitas ad eum, ut interrogarent eum: Tu quis es?

19. \* *Et hoc est testimonium Joannis*. Multi exponunt, *Et*, pro, etiam seu insuper, quasi aliud à præcedente Joannis testimonium proferret : sed v. 27. satis indicat esse idem, sed latius cum omnibus aliis circumstantiis expressum. Itaque redit ad explicandum hoc testimonium Joannis, quod interruperat. Perhibitum autem ab eo tunc fuit, \* *quando miserunt Judæi ab Jerosolymis*, Consilium scilicet supremum, quod Sanedrin vocabatur, & Jerosolymis residebat : nam illius erat de rovis doctrinis, sectis & Prophetis judicare, ne fraus subreperet, ut alibi diximus. Fuit ergo hæc solemnitas legatio, & proinde necessariò à Magnatibus missa, quia missi fuerunt, dignitate & statu, \* *Sacerdotes & Levites*, qui post summum Pontificem erant præcipuæ personæ in republ. Judaica. Secta verò erant Pharisæi, ut patet v. 24. \* *Ut interrogarent eum* : Tu quis es ? Videlicet personâ, qualitate, officio ? Sic enim quantum ad ista tria explicant se postea ipsi Legati. Causa mittendæ legationis videtur tangi à Luca c. 3. v. 15. quod dubitarent, an ipse esset Christus, nimirum ob varias causas supra datas, & inter cætera, quia ausus esset baptizare inquit Aug. Itaque eos statim in ingressu interrogasse, an esset Christus, patet ex responso Joannis, quia

20. Et confessus est, & non negavit : & confessus est: Quia non sum ego Christus.

20. \* *Confessus est*, palam disertisque verbis, \* *& non negavit*, id est, non retractavit. Nam affirmando & negando idem exprimit, ut & v. 3. diximus : \* *& confessus est*, quæ repetitio ad constantiam pertinet, quâ confessus est, \* *quia non sum ego Christus*, ut existimatis. Quo auditio interrogaverunt de persona, an saltem.

21. \* *Elias es tu?* Qui Christi præcurfor esse debet. Nam Scribarum doctrina erat, ut est Matth. 17. v. 10. quod Eliam oporteret primum venire antequam veniret Christus: confundebant enim primum adventum cum secundo. Nec absurda erat hæc quæstio: videbant quippe eum habitatione deserti, vitæ austeritate, zonæque pellicæ Eliæ similem. Cum negasset, quærunt de qualitate ejus: \* *Propheta es tu?* Græcè δ̄ *αποφήτης*, ille *Propheta*, nempe promissus à Moyse, Deut. 18: *Prophetam de fratribus tuis, sicut me, suscitabit tibi Dominus.* Qui quidem erat ipse Christus; sed Judæi eum tunc ab eo distinguebant, sicut & nunc, qui sensus ferè est Græcorum, Cyrill. lib. 1. c. 14. Chryf. & discipulorum ejus. Aug. tamen hic & Greg. hom. 7. in Evang. generaliter intelligunt unum de antiquis Prophetis, qualem putant aliqui Matth. 16. esse etiam ipsum Christum. \* *Et respondit: Non.* Nempe sive illum jam dictum, sive etiam generaliter alium. Non quasi significare vellet, se esse plusquam Prophetam, sicut Dominus vocavit eum diu postea, Matth. 11. quia talis propria laus minùs quadrabat in ejus humilitatem: sed quia mens interrogantium erat, Prophetas illos intelligere, qui verbis & factis Christum futurum prænuntiabant: qualis non erat Joannes, sed qui digito demonstraret præsentem.

22. \* *Dixerunt ergo ei: Quis es, ut responsum demus his, qui miserunt nos?* Affirmativum scilicet, cui per negativum responsum Joannis, asserentis quis non esset, non poterat satisfieri. Judicibus igitur publice ex officio interrogantibus palàm respondens, \* *ait: Ego vox clamantis in deserto, &c.* quæ vide Matth. 3. v. 3. explicata. Nam illud \* *dirigite viam, &c.* idem est, quod *rectam facite viam.*

24. \* *Et qui missi fuerant, erant ex Phariseis, se etiam scilicet, & proinde præcipuè in Repub. autoritatis, ut attestatur Josephus. Quamquam & alia potest esse ratio expressæ illius circumstantiæ, ut scilicet pateret, cur interrogaverint id, quod sequitur:*

25. \* *Quid ergo baptizas, si tu non es Christus, neque Elias, neque Propheta?* Pharisei quippe cum ablutionibus tamquam sibi traditis abundarent, & eorum imitatione cæteri Judæi, sicut patet Marci 7. v. 3. & 4. judicabant audaciæ esse, ut hîc loquitur Augustinus, Baptismum poenitentiae in remissionem peccatorum inducere. Nam, ut idem ait lib. 3. contra Donatistas cap. 9. nulli Prophetarum, nulli prorsus hominum in Scripturis divinis legimus concessum esse, baptizare in aqua poenitentiae, in remissionem peccatorum, quod Joanni concessum fuit: quâ mirabili gratiâ suspendens corda populorum, viam præparabat Christo Domino, remissionis datori. Itaque de Baptismo illo videntur vulgo maximam habuisse opinionem: unde & Matth. 21. non

21. Et interrogaverunt eum: Quid ergo? Elias es tu? Et dixit: Non sum. Propheta es tu? Et respondit: Non.

22. Dixerunt ergo ei: Quis es, ut responsum demus his, qui miserunt nos? quid dicis de te ipso?

23. Ait: Ego vox clamantis in deserto: Dirigite viam Domini, sicut dixit Isaias Propheta.

24. Et qui missi fuerant, erant ex Phariseis.

25. Et interrogaverunt eum, & dixerunt ei: Quid ergo baptizas, si tu non es Christus, neque Elias, neque Propheta?



ausi fuerunt Pharisei negare Baptismum Joannis esse de cælo. Quod fortassis impulerant eos verba Prophetarum, Ezech. 36. v. 25. *Effundam super vos aquam mundam : & Zachariæ 13. v. 1. in die illa erit fons patens domui David , &c.* Quæ de Baptismo divinitus instituendo intelliguntur. Proinde

26. Respondit eis Joannes , dicens : Ego baptizo in aqua : medius autem vestrum stetit , quæ vos nescitis ,

26. \* Respondit Joannes : Ego baptizo in aqua , mera scilicet & nuda , sine interioris hominis regeneratione : q. d. Rectè sentitis , baptismum non nisi divinæ autoritatis esse , imò ad Christi tempora pertinere ; sed non arrogo mihi officium ejus , quia baptismus meus præter aquam nihil habet , inquit Chrysost. \* *medius autem vestrum stetit* , id est , in medio vestrum , seu inter vos conversatus est , ut quando inter Doctores duodecennis sedit , quando paulò ante baptizatus fuit , \* *quem vos nescitis* , cujus sit dignitatis atque conditionis.

27. Ipse est , qui post me venturus est , qui ante me factus est : cujus ego non sum dignus ut solvam ejus corrigiam calceamenti.

27. \* Ipse est , qui post me venturus est , Græcè δὲ ἑρχόμενος , venit , publicè prædicaturus , & miracula factururus , id est , qui jamjam adest , cujus videlicet adventum , & prædicationem , & maximè baptismum præcurro , tamquam longè perfectiorem meo futurum. Nam eo respici notant hîc Græci , Chrysost. Cyril. & Theophyl. Unde & alteram partem responsionis Joannis expressè supplet Matth. c. 3. v. 11. *Ipse vos baptizabit in Spiritu Sancto , & igne* , baptismo scilicet longè dissimili , cujus meus est tantum rudimentum & præambulum. \* *Cujus ego non sum dignus , ut solvam , &c.* quod in finem est famulorum in heros ministerium , ut sic magnitudinem sanctitatis ac dignitatis ejus exprimeret. Vide Matth. 3.

28. Hæc in Bethania facta sunt trans Jordanem , ubi erat Joannes baptizans.

28. \* Hæc in Bethania facta sunt , non illâ , quæ est propè Jerusalem , ubi Mariæ & Marthæ domicilium , sed alia \* *trans Jordanem* , scilicet eadem , quæ Bethabara , id est , domus transitus , quia ibi vel flumen vulgò trajiciebatur , vel ab Israëlitis olim trajectum erat. Unde antiqui scriptores quidam malunt legi *Bethabara* : sed tamen omnia exemplaria Græca , Latina , Syriaca , constanter legunt *Bethania*. \* *Ubi erat Joannes baptizans* , quia propè desertum erat , & confluxu populi propter trajectum abundabat.

29. Altera die vidit Joannes Jesum venientem ad se , & ait : Ecce agnus Dei , ecce qui tollit peccata mundi ,

29. \* Altera die , id est , postridie ejus diei , quo satisfecerat legationi Judæorum , \* *vidit Joannes Jesum venientem ad se* , è deserto post jejunium , ut Joanni occasionem demonstrandi se præberet : jam enim baptizatus fuerat , ut ex eo colligitur , quod paucis diebus post Jesus cum discipulis ivit ad nuptias in Cana Galilææ , c. 3. v. 1. Et \* *ait* , circumstantibus , de Jesu adhuc absente , \* *Ecce Agnus Dei* , Græcè δὲ ἄγνος , ille Agnus videlicet verè innocens , verè victima immaculata à Moyse figurata , Nam ille agnus Paschalis in figuram innocentiae Christi debebat

bebat esse sine macula : in typum sexus aut animi virilis masculus; in signum juvenilis ætatis, in qua crucifixus est, agniculus. Dicitur autem, *Dei*, quia Deo per mortem offerendus pro salute hominum. Nam ad illum effectum & finem exprimendum, addit, \* *ecce qui tollit*, id est, qui portat tamquam hostia humeris suis impositum à Deo, \* *peccatum mundi*, id est, totius mundi delicta. Alludit enim ad prophetiam, quæ dicit Isaïæ 53. *Posuit Dominus in eo iniquitatem omnium nostrum : iniquitates eorum ipse portavit, ipse peccata multorum tulit.* Unde & 1. Pet. 2. *Peccata nostra ipse pertulit in corpore suo super lignum.* Quamquam & portando abstulerit. Bis autem repetit, *Ecce*, q. d. Ecce hic est, de quo vobis locutus sum; hic est, qui in Spiritu Sancto baptizans, peccata remittit, quod non feci; & consequenter hic est Redemptor mundi. Nam statim applicat ei id, quod suprà v. 15. dixerat.

30. Hic est, de quo dixi: Post me venit vir, qui ante me factus est: quia prior me erat.

31. \* *Et ego nesciebam eum*, nempe in deserto, antequam ad baptizandum missus essem. Quod ideo dicit, ne fortè gratiæ, familiaritati, aut cognitioni aliquid dare videretur, sed tantum divinæ revelationi, ut Chrysost. & Theophyl. \* *Sed*, cum mihi & aliis esse, incognitus, ut à me \* *manifestetur in Israël*, propterea veni ego in aqua baptizans, ut videlicet populo, prædicationis, & baptismi mei novitate excitato, simul hæc occasione adveniret ipse Christus, & sic Patris voce, Spiritus Sancti descensu, meâ demonstratione ostenderetur, & agnosceretur in Israël.

31. Et ego nesciebam eum, sed ut manifestetur in Israël, propterea veni ego in aqua baptizans,

32. \* *Et testimonium perhibuit Joannes.* Verba sunt Evangelistæ subito interposita testimonio Joannis, quo prosequens suum sermonem dicebat, \* *Vidi spiritum descendentem, &c.* quod contigit inter baptizandum Christum.

32. Et testimonium perhibuit Joannes, dicens: Quia vidi Spiritum descendentem quasi columbam de caelo, & mansit super eum.

33. \* *Et ego nesciebam eum*, in deserto ante missionem meam ut diximus. Nam quamvis in genere Christum venisse sciret, nesciebat tamen facie & determinatè, quis esset. \* *Sed qui misit me baptizare in aqua*, sine Spiritu Sancto, \* *ille mihi dixit*, hoc tamquam signum ejus internoscendi statuens: \* *super quem videris spiritum descendentem, & manentem*, hic est qui baptizat in Spiritu Sancto, id est, qui non meram aquam, ut ego, sed simul Spiritum Sanctum super baptizatos effusus est. Difficultas tamen manet, quomodo Joannes dicatur eum nescivisse, quandoquidem ipse, Christo ad baptismum accedente, ante descensum Spiritus Sancti diceret, *Ego à te debeo baptizari.* Respondet Chrysost. ut suprà insinuavimus, antequam veniret ad baptismum Christus, scivisse Joannem, quod Christus in mundum venisset, quod in Spiritu Sancto baptizatus esset, ut satis indicatur Matth. 3. v. 11.

33. Et ego nesciebam eum: sed qui misit me baptizare in aqua, ille mihi dixit: super quem videris Spiritum descendentem, & manentem super eum, hic est, qui baptizat in Spiritu S.



& 12. Nescivisse tamen, quisnam esset, quia facie ignotus erat. In ipso verò accessu Christi ad baptismum, revelationem interiorē accepisse, quis esset, & idēd à baptismo prohibuisse; eodemque tempore ad maiorem revelationis certitudinem, signum externum ejus internoscendi ei esse datum, ut per hoc posset de ipso aliis testimonium perhibere. Aug. rem aliter expedit, videlicet Joannem non nescivisse personam Christi, neque hoc signum ei propterea datum: sed nescivisse qualitatem istam, quod ipse esset, *qui baptizaret in Spiritu Sancto*, id est, quod in baptismo non minister, qui baptizat, exhibens ministerium, sed ipse Christus det Spiritum Sanctum in ministerio etiam servorum suorum. Ita latè toto tract. 5. & 6. in Joan. & aliis diversis locis. Unde illud ejusdem Aug. Baptizet Petrus, baptizet Paulus, baptizet Judas, hic est, qui baptizat in Spiritu Sancto.

34. Et ego vidi:  
& testimonium  
perhibui quia hic  
est Filius Dei.

34. \* *Et ego vidi Spiritum*, scilicet descendentem & manentem sicut mihi prædictum fuerat; non ad sanctificationem Christi, qui in utero matris Spiritu Sancto plenus erat, sed in signum: ideoque hoc signo agnito, testimonium perhibui & adhuc perhibebo, \* *quia hic est Filius Dei*. Nam & hoc disertis verbis Pater cælestis, voce de cælo lapsâ cum Spiritu Sancto descendente, denuntiaverat Matth. 3.

35. Altera die  
iterum stabat Joan-  
nes, & ex discipu-  
lis ejus duo.

36. Et respiciens  
Jesum ambulante-  
m, dicit: Ecce  
agnus Dei.

37. Et audierunt  
eum duo discipu-  
li loquentem, &  
secuti sunt Jesum

35. \* *Alterâ die*, id est, postridie testimonii illius proximè perhibiti Christo. Est hoc tertium Joannis testimonium. Nam primum fuit coram Legatis Judæorum: secundum postridie, quod jam proximè explicatum est à v. 29. huc usque: tertium jam præsens, quod proinde contigit secundo die post primum testimonium coram Legatis datum. \* *Respiciens Jesum ambulante*, domum versus, ut patet ex sequentibus: (videtur enim Christus rursus Joannis concionibus cum turba interfuisse: ) \* *dicit: Ecce agnus Dei*, Deo scilicet pro redemptione mundi immolandus, ut sic iterum iterumque inculcaret eum esse, non solum Filium Dei, sed & mundi redemptorem. Quo audito, discipuli duo Joannis, \* *secuti sunt Jesum*; ut in pleniorē ejus notitiam & familiaritatem se insinuarent.

38. Conversus  
autem Jesus, &  
videns eos se-  
quentes se, dicit  
eis: Quid queri-  
tis? Qui dixerunt  
ei: Rabbi, (quod  
dicitur interpre-  
tatum Magister)  
ubi habitas?

38. \* *Conversus Jesus*, ut quos intus gratiâ suâ jam prævenerat, etiam foris humanitate præveniret, fiduciamque loquendi daret, \* *dicit eis: Quid queritis?* me sequendo, \* *qui dixerunt ei: Rabbi: Honoris ac dignitatis apud Hebræos nomen est, magis quàm apud Latinos aut Græcos, Magister: à multitudine scilicet ac magnitudine scientiæ ac virtutis derivatum. Unde etiam Magnatibus tribui solet. Indicant ergo se discendi causâ venisse tamquam à Doctore fide dignissimo. \* Ubi habitas?* id est, hospitarius, tamquam peregrinus? nec enim circa Jordanem Christus, Galilæe educatione, habebat domicilium.

39. \* *Dicit eis: Venite & videte*, ultrò scilicet comiter invitans ad hospitium, & consequenter ad colloquium, quo instruentur. Itaque \* *apud eum manserunt die illo*, id est, residuo illius diei, quæ declinaverat, vel etiam noctem sequentem, ut Aug. tract. 7. Nam \* *hora erat quasi decima*, ab ortu Solis, & consequenter duabus circiter horis ante Solis occasum.

40. \* *Erat autem Andreas unus ex duobus*. Alterum putat Epiphan. Hæresi 51. & indicat quoque Chrysof. fuisse unum ex filiis Zebedæi, nempe ipsum Evangelistam.

41. \* *Invenit hic primum*, antequam scilicet ullum alium notum, \* *fratrem suum Simonem*, quem Epiphan. ætate minorem fuisse, quam Andream tradit. Unde non potest Petrus alibi primus vocari, quod cæteros ætate præcederet, ut hæretici volunt. \* *Et dicit ei: invenimus*, quod verbum esse animæ desiderantis, & cælitus adventum expectantis rei diu quæsitæ, notat Chrysof. cum suis. \* *Messiam (quod est interpretatum Christus)* id est, unctus. Intelligit illum antonomaticè Messiam seu unctum, quem gens Judaica præstolabatur. Cum enim & Sacerdotes & Reges & Prophetæ in illa gente ungerentur, unus tamen expectabatur Messias, Christus seu unctus, qui per illos omnes præfigurabatur, ut Aug. 12. contra Faustum c. 44.

42. *Et intuitus eum Jesus*, eo scilicet modo, quo Deum decet, inquit Cyrill. qui corda scrutatur & renes, & omnia perspecta habet, præsentia & futura, \* *tu es*, id est, vocaris \* *Simon filius Jona*, seu, ut dicitur Matth. 16. v. 17. *Bar-Jona*, id est, filius Joannis. Nam *Jona* quamvis per se, ut integra dictio significet columbam, tamen contractum hic videtur ex *Johanna* seu *Johannan*, quod Syriacè significat *Joannem*: q. d. Christus id, quod olim dixit Deus Moyfi: *Jam ex nomine novi te, etiamsi numquam viderim*. \* *Tu vocaberis Cephas*. Syriacum est, sed terminationem habet hic Græcam, significans *Petram*; de quo vide dicta Matth. 16. Vocaberis ergò *Cephas*, nomine scilicet majoris autoritatis & consequenter alius eris: non enim nudum nomen sed rem potissimum significatam pollicetur. Id quod hic promittit, postea in Apostolorum vocatione imposuit, ut patet Marci 3. v. 16. Nominis verò rationem & quàm aptè ei conveniat, explicuit Matth. 16. vocabulo ipso commodè significans, inquit Cyrill. hic, quod in eo, tamquam in petra lapideque firmissimo, suam esset ædificaturus Ecclesiam, quasi apud Matth. dixisset ei Christus, *Tu es Petrus*, id est, tu verè secundum nomen tuum petra es, &c. Quem admodum 1. Reg. 25. v. 25. dicit Abigail de Nabal, *Secundum nomen suum stultus est*.

39. Dicit eis: venite, & videte. Venerunt, & viderunt ubi maneret, & apud eum manserunt die illo: hora autem erat quasi decima.

40. Erat autem Andreas frater Simonis Petri unus ex duobus, qui audierunt à Joanne, & secuti fuerant eum.

41. Invenit hic primum fratrem suum Simonem, & dicit ei: invenimus Messiam. (quod est interpretatum Christus.)

42. Et adduxit eum ad Jesum. Intuitus autem eum Jesus, dixit: Tu es Simon filius Jona: tu vocaberis Cephas, quod interpretatur Petrus.



41. In crastinum  
voluit exire in  
Galilæam, & in-  
venit Philippum.  
Et dicit ei Jesus :  
Sequere me,

43. \* *In crastinum*, postridie scilicet ejusdiei, quo Petrus addu-  
ctus fuerat, \* *voluit exire in Galilæam*, ut nuptiis interesset, sicut se-  
quitur c. 2. Erat enim Christus adhuc in Judæa circa Jordanem,  
ubi ista contigerunt. \* *Et invenit Philippum*, sive in itinere, sive in  
ipsa jam Galilæa, \* *& dicit ei Jesus : Sequere me.* Quibus verbis eum  
ad individuum sequelam vocatum fuisse, videtur insinuare Aug. l. 2.  
de consens. c. 17. Et proinde Philippus ante Petrum & Andream  
& filios Zebedæi vocatus fuisset : nam isti non hîc, sed aliquamdiu  
postea vocati sunt, ad hoc, ut Christo inseparabiliter inhererent sicut  
patet Matth. 4.

44. Erat autem  
Philippus à Beth-  
saida, civitate An-  
dræ & Petri.

44. \* *Erat autem Philippus à Bethsaida* : quam alibi in Galilæa ad  
lacum Tyberiadis fuisse diximus. Antè erat vicus, cui urbis speciem  
addidit Philippus Tetrarcha, Herodis filius, & nomen ei à Julia Cæ-  
saris filia imposuit, ut Joseph. 18. Antiquit. c. 3. *Civitate Andræ &  
Petri.* Quo insinuat, eum ab illis suis concionibus instructum de  
Christo ante fuisse, ut Theopyl. vel certè eorum exemplo permo-  
tum tam citò secutum esse.

45. Invenit Phi-  
lippus Nathanaël  
& dicit ei : Quem  
scripsit Moyses in  
lege, & Prophete,  
invenimus Jesum  
filium Joseph à  
Nazareth.

45. \* *Invenit Philippus*, jam vocatus à Domino, \* *Nathanaël ;  
& dicit ei : Invenimus Jesum, &c.* multo videlicet studio quæsitum,  
ut Cyrill. Porro Nathanaël fuisse in Scripturis sacris, & consequen-  
ter de Messia eruditum, notat Aug. & plerique Interpretes. Unde  
eruditioni ejus se accommodans Philippus, ut scilicet attentiorem  
& avidiorem redderet, adjecit, \* *Quem scripsit Moyses, &c.* Proinde  
Nathanaël tanquam Legis & Prophetarum peritus respondet :

46. Et d'xit ei  
Nathanaël : à Na-  
zare h potest ali-  
quid boni esse :  
Dicit ei Philip-  
pus : Veni, & vi-  
de,

46. \* *A Nazareth potest aliquid boni esse ?* Et quidem tantum, quan-  
tum est Messias ; quod ideò dicit, eò quòd à Galilæa, juxta Phari-  
sæorum opinionem, Propheta non surgeret, ut est c. 7. v. 52. &  
maximè quia Scripturæ Messiam ex Bethlehem venturum prædicunt,  
ut Græci hîc notant & Hieron. in cap. 65. Isaïæ \* *Dicit ei Philippus*,  
cùm nodum illum solvere non posset : \* *Veni & vide* quid boni  
à Nazareth prodierit. Tacitè autem insinuat, eum post initum cum  
eo sermonem, & experientiam virtutis ejus sibi assensurum, ut Cy-  
rill. utpotè quòd ineffabilis quædam gratia, inquit, in verbis Christi  
fuerit, quibus auditorum animi allicerentur. Cum ergo vidisset Jesus  
Nathanaël, ait :

47. Vidit Jesus  
Nathanaël veni-  
entem ad se, &  
dicit de eo : Ecce  
verè Israëlita,  
in quo dolus non  
est.

47. \* *Hic est verus Israëlita.* Causa additur, \* *in quo dolus non est* : hoc  
est, quia sine dolo & fūco candidus & sincerus. Non ideo ergo dici-  
tur *verè Israëlita*, quia verè ex stirpe Jacob, vel quia ratio nominis  
Israël ei verè competit ; sed quia verus imitator morum Israël seu Ja-  
cob, qui Genes. 25. v. 2. vocatur *vir simplex*, Græcè *ἁπλως*, sine  
fitione

fictione & fuco. Hoc ei dixit Dominus accedenti, ita ut audiret; quo scilicet ostenderet se ejus interiora nosse. Itaque Nathanaël neque laude captus, neque in adulationem effusus, respondet magna cum simplicitate, quasi suboffensus:

48. \* *Unde me nosti?* Cum nihil mecum consuetudinis fuerit. Dominus verò, ut non temerè se de occultis ejus locutum significaret, duo alia, quæ putabat Nathanaël occultissima, ei manifestat, scilicet à Philippo vocatum, & sub arbore fici se eum vidisse: \* *priusquam Philippus te vocaret, cum esses sub ficu*, ubi sine arbitris te putabas cum solo Deo esse, atque tractare, \* *vidi te*, tamquam præsens utrique negotio. Sed Aug. ad allegoriam trahere solet, hoc sensu: Cum esses in umbra mortis, ut Adam, qui foliis ficulneis se succinxit, misericorditer te respexi. His ergo duobus motus Nathanaël, quod scilicet videret absentia tamquam præsentia, occulta cordis tamquam publica, respondet:

49. \* *Rabbi, tu es Filius Dei*, ille verus & genuinus, ut satis indicat Aug. Quamvis Chrysost. putet vocari *filium Dei* vulgari modo, adoptivum scilicet: \* *Tu es Rex Israël*, ille videlicet Prophetis promissus, ab Israël expectatus. Utraque enim vox & *filius* & *Rex*, articulum præpositum habet, quo id usu linguæ Græcæ denotari solet, quod propriè & singulariter tale est, ut Cyrill. annotat. Nam eum fuisse confessum articulum fidei, Christus indicat, dum respondet:

50. \* *Quia dixi tibi: Vidi te sub ficu, credis*, scilicet me Doctorem; me filium Dei, me Regem Israël Messiam: \* *magis his videbis*, id est, majora fidei argumenta ad causandam tuam fidem, quam revelationem istam occultorum.

51. \* *Et dicit ei, Nathanaëli*, ita tamen, ut simul omnibus præsentibus; nam idèò mutat numerum: \* *Amen amen*, seu certò certius, \* *Dico vobis, videbitis calum apertum & Angelos Dei ascendentes & descendentes super Filium hominis*, in ministerium ejus, ut inde intelligatis esse eum Dominum Angelorum, Regem cælorum, ideoque Deum verum. Quando hoc impletum sit, laborant omnes interpretes. Alii qui in baptismo, & statim à jejunio factum volunt; sed illa jam peracta erant: alii post, etsi non sit scriptum. Verisimile est id, quod docet Chrysost. in resurrectione, maximeque ascensione contigisse, quando Angeli apparuerunt in ministerium Christi. Quod olim significatum fuit in illa visione Jacob, Gen. 28. ad quam Christus alludit. Nam petra, cui indormivit & quam unxit Jacob, significabat Christum, ut Aug. lib. 12. contra Faustum c. 26. Ubi moribus hanc doctrinam accommodans, docet Angelos esse prædicatores Christi, qui ascendunt, cum ad intelligendam eminentissimam divinitatem

48. Dicit ei Nathanaël: unde me nosti? Respondit Jesus, & dixit ei: priusquam te Philippus vocaret, cum esses sub ficu, vidi te.

49. Respondit ei Nathanaël, & ait: Rabbi, tu es Filius Dei, tu es Rex Israël.

50. Respondit Jesus, & dixit ei: Quia dixi tibi: Vidi te sub ficu, credis: magis his videbis.

51. Et dicit ei: Amen, amen dico vobis, videbitis calum apertum, & Angelos Dei ascendentes, & descendentes super Filium hominis.



ejus excedunt universam creaturam : descendunt , cum sibi & aliis infirmitatem ob oculos ponunt. Porro Nathanaëlem istum aliqui Bartholomæum Apostolum fuisse censent. Aug. tract. 7. negat , dum negat istum Apostolum electum fuisse , quia eruditus & peritus Legis erat. Volebat autem Christus idiotas eligere, & infirma mundi, ut conderet fortia.

## CAPUT SECUNDUM.

1. Et die tertia nuptiæ facta sunt in Cana Galilææ & erat mater Jesu ibi.

1. \* **E**T die tertiâ, quam ipsam quidam putant fuisse crastinum, quod volebat ire in Galilæam , ut est cap. 1. v. 43. Sed sic Christus debuisset eâdem die cum discipulis usque in Cana migrasse à Jordane, Philippum & Nathanaëlem vocasse , & interfuisse nuptiis , cum iter facile bidui sit interjectum. Itaque tertiâ die à profectione in Galilæam, ut Orig. in Joan. \* *nuptiæ factæ sunt in Cana Galilææ*, inferiore, quæ minor dicebatur , ut Hieron. in locis Hebraicis. Nam erat & alia Cana in Phœnicia prope Sidonem. Prima, de qua hîc sermo est, erat patria Nathanaëlis , ut est c. 21. v. 2. \* *& erat mater Jesu ibi*, quia Cana erat valde vicina Nazareth. Unde verisimiliter colligunt fuisse nuptias istas alicujus cognatorum.

2. Vocatus est autem & Jesus, & discipuli ejus, ad nuptias,

2. \* *Vocatus est autem & Jesus*, ut vulgaris, ac notus : idque ut miraculo viam sterneret , ut confirmaret adversus hæreticos , quod ipse fecerit nuptias, inquit Aug. Denique ut intemperantiam nuptiarum adstringeret , inquit Epiphan. Hæresi 51. \* *& discipuli ejus*, illi quatuor , quos sibi paulò antè adsciverat , & si qui forsan alii.

3. Et deficiente vino, dicit mater Jesu ad eum: Vinum non habent

3. \* *Et deficiente vino*, Græcè *ὀψέσθαιτος*, cum defecisset, nempe penitus. Quod & verba præcisa Matris Domini indicant , \* *Vinum non habent*, desponsati scilicet & convivæ. Quæ nuda indicatio necessitatis, modesta petitio erat apud virum prudentem & humanum, compatiens hospitum suorum verecundiæ. Nam & verba Virginis ex tali compassione provenisse notat Bernar. serm. 1. in hoc Evang. Defectus etiam fortasse ex paupertate natus fuit , vel alio casu, qui misericordiam mereretur.

4. Et dicit ei Jesus: Quid mihi, & tibi est mulier? non dum venit hora mea.

4. \* *Et dicit ei Jesus: Quid mihi, & tibi est mulier?* Nomen est non corruptionis, sed sexus præsertim jam nuptiis apti, ut patet Genes. 2. v. 22. & notat Hieron. in c. 4. ad Galat. & Aug. tum hîc, tum lib. de fide contra Manichæos c. 22. ubi addit etiam mulierem dici; quia peperit: Epiphan. Hæresi 79. ne plus quam mulier putaretur, quæ peperat Filium Dei. *Quid ergo, mihi & tibi est*, id est, quid mihi tecum in hoc negotio; non absolutè, sed quantum ad horam faciendi, quam Pater, qui omnia tempore suo facit, in sua notitia & potestate collo-

collocaverat. Quæ hora quia ad nullius instantiam præveniri debuit, hinc festinatio matris erat adhuc importuna, ut notat Ambr. serm. 26. in Psalm. 118. & ante eum Iren. lib. 3. c. 18. Nam istam rationem dicti sui reddit ipse Dominus: *\* nondum venit hora mea*, à Patre scilicet præcognita, præfinita, ut idem Iren. quæ meritò præferri debebat horæ, quæ placuerat matri. Itaque non repulit, sed distulit matrem, meritoque precibus ejus satisfecisse putari debet, quia dicendo *nondum*, tempus miraculi non adesse, sed tamen mox adfuturum insinuat, & se voluntatem habere, cujus exequendi horam expectat. An autem serior hora præstituta fuerit, quia necessitas ante magis innotescere debebat, ut miraculi constaret ratio & fructus, juxta Chrysost. an verò quia nondum omnia ad miraculum patrandum erant à ministris parata, non ita constat. Nam forsan mater prælagiens quod futurum esset, & ut viam miraculo sterneret,

5. *\* Dicit ministris*, tamquam de Domini affectu & mente secura: *\* Quodcumque dixerit vobis, facite*; quia conjiciebat eum operà ministrorum aliquâ in re usurum. Porro ex istis verbis ad ministros, quasi ex aliqua auctoritate dictis, sicut & ex eo, quod v. 1. simpliciter dicitur mater Jesu fuisse ibi, nullâ invitationis mentione, sicut de aliis; non improbabiler colligas eam ibi non tam convivam egisse, quam additisse notis in præparatione ac directione convivii nuptialis.

6. *\* Erant autem ibi lapideæ hydia sex*, aquis scilicet plenæ, *\* secundum purificationem Judæorum*, id est, juxta ritum purificationis Judæis usitatæ: de qua vide Marc. 7. v. 3. & 4. Lavabant enim se sæpè Pharisei, non tam ad abstergendas immunditias legales, quæ etiam lotis durabant ferè usque ad vespem, quàm ex traditionibus Pharisaicis inductas, *\* capientes singula metretas binas vel ternas*, aliæ scilicet binas, aliæ ternas, ut hic Aug. indicat. Est autem *Metreta* nomen Gr. Μετρητή; à μετρέω, *Metiendo*, dictum, significans mensuram certam, quæ Hebræa dicitur Bathus in liquidis, Ephî in aridis. Quantum præcisè juxta nostras mensuras continuerit, auctores variant. Probabiliter sentiunt, qui dicunt fuisse idem, quod amphoram Romanam, vas scilicet quod tam in longitudine, quam latitudine continebat pedem Romanum, ita ut contineret sextarios Romanos quadraginta octo, Hebræos verò septuaginta duos. Quod conforme est S. Epiphanius lib. de mensuris & ponderibus: ita ut appenderit circiter libras octoginta. Alii multo majorem faciunt, librarum octo & centum.

7. *\* Dicit eis Jesus*, id est, ministris: idque ideo juxta Chrysost. ut ipsos miraculi testes haberet, qui aquam hausissent, ne qua fraus vel præstigium putaretur, si ipse hydrias implevisset. Simulatque igitur

5. Dicit mater ejus ministris: Quodcumque dixerit vobis facite.

6. Erant autem ibi lapideæ hydia sex positæ secundum purificationem Judæorum, capientes singula metretas binas vel ternas.

7. Dicit eis Jesus: Implete hydrias aqua. Et impleverunt eas usque ad summum.



eas impleverant, ut miraculum esset evidentius, absque mora, sine verbis, sine signis eas convertit, dicens ministris:

8. Et dicit eis  
Jesús: Haurite  
nunc. & ferte ar-  
chitriclino. Et  
tulerunt.

8. \* *Haurite nunc*, jam statim, ne quis putet morâ temporis, naturæ vi, vel artificio hominum conversas. Ex quo verbo *Hauriendi* colligunt quidam, hydrias supernè apertas fuisse. \* *Et ferre*, gustandum scilicet, \* *Architriclino*, id est, convivii præfecto. *Triclinium* enim erat cœnaculum convivii à tribus lectulis seu thoris convivialibus dictum. Unde subinde Græci *Συνοδείσθον* vocant, itemque alio vocabulo *Οινόμενον*. Illius erat loca convivis dare, convivium obire, ac dispicere, quid esset opus, nec cum cæteris discumbere. Illi ergo tamquam sobrio & gustus integri, ac testi idoneo miraculi, vinum ferri jubet.

9. Ut autem gu-  
stavit architricli-  
nus aquâ vinum  
factam, & non  
sciebat unde el-  
set, ministri au-  
tem sciebant, qui  
hauserunt aquam  
vocat sponsum  
architriclinus,

9. \* *Ut autem gustavit Architriclinus, aquam vinum factam*, id est aquam, quæ jam mutata erat in vinum, seu ut gustavit vinum, quod ex aqua factum erat. Non quasi illam mutationem gustando prehenderit; sensus est materialis: nam, ut sequitur, \* *non sciebant, unde esset*, seu unde provenisset hoc vinum: \* *ministri autem sciebant, qui hauserant aquam*, id est, quia hauserant aquam puram; habet enim vim causæ. Itaque vocato sponso tamquam domino domus, dicit Architriclinus:

10. & dicit ei:  
omnis homo pri-  
mum bonum vi-  
num ponit: &  
cum inebriati  
fuerint, tunc id,  
quod deterius est.  
Tu autem serva-  
sti bonum vinum  
usque adhuc,

10. \* *Omnis homo primum bonum vinum ponit*, initio videlicet mensæ, cum palati integritas sanctissimè de vini bonitate judicat: \* *& cum inebriati fuerint*, id est, ex hilarati (neque enim semper in malam partem hoc verbum sumitur, maximè Hebraicè,) \* *tunc id, quod deterius est*, quia palato jam infecto, fraus illa vini deterioris substituti non animadvertitur. In quo elucet mundi indoles, qui inescandigratiâ meliora præponit, ut mox viliora deceptis obtrudat. \* *Tu autem servasti bonum vinum usque adhuc*, contra commune scilicet hominum judicium: sunt enim verba humaniter reprehendentis. Hic relinquit intelligendum Evangelistâ, sponsum hoc negasse, ministrôs rogasse, rem totam inclausisse.

11. Hoc fecit ini-  
tium signorum  
Jesús in Cana Ga-  
lilæ: & manife-  
stavit gloriam  
suam, & credide-  
runt in eum discipuli  
ejus,

11. \* *Hoc fecit initium signorum Jesús*, hoc primum ex manifestis miraculis: nam nativitas ex Virgine occulta fuerat, ideoque non fuerat signum. Notat hoc Evangelistâ, ne fides adhiberetur iis, quæ circumferuntur pueri Christi miracula. Neque enim fuisset opus Joannis testimonio, si jam ipse miraculis clauisset; ut observat Euthymius: \* *Et manifestavit gloriam suam*, divinitatis suæ, seu unigeniti à Patre, ut est v. 14. c. 1. Nam aquam in vinum suâ potestate mutare illius solius est, qui omni anno hoc facit in vitibus, ut Aug. & Chrys. Quapropter eo viso, firmitus quam antea \* *crediderunt in eum discipuli ejus*, supra nominati, qui ei, non relictis quidem omnibus (nisi fortè Phi-

Phi-

Philippum exceperis ) sed studio audiendi adhærebant : quales multi postea discipuli extra Apostolos fuerunt, de quo Aug. lib. 2. de consensu c. 17. Allegoricè Christus aquam inspidam Legis Moysaicæ in vinum Evangelicum mutavit. Vide Cyrill. lib. 2. in Joan. c. 26. & de hydriis latissimè Aug. tract. 9.

12. \* *Post hoc descendit Capharnaum ipse, & mater, & fratres ejus*, qui recensentur Matth. 13. v. 55. & Marci 6. v. 3. Causam aliqui fuisse putant, ut in civitate populosâ docere inciperet, & inclaresceret : sed ad hoc non solet adducere matrem, multo minùs fratres. Forſan rectius diceretur, eum ex causâ familiari Capharnaum descendisse, sicut antea in Cana : ut quia sciebat se suosque Nazarenis invisos futuros, quippe qui mox eum de monte præcipitare voluerunt, matri & cognatis suis ab eorum improperiis ac furore tutam sedem provideret, quo subinde se reciperent. Quâ de causâ \* *ibi manserunt non multis diebus*, quia videlicet

13. \* *Prope erat Pascha Judæorum*, nempe primum post Baptismum Christi, qui contigerat ante jejunium mense Januario : ideoque \* *ascendit Jesus Jerosolymam*, partim ut legi satisfaceret de celebrando Paschate quotannis, partim ut auspicaretur legationem suam prædicando, eamque miraculis asserendo. De expulsiōe vendentium ex templo, vide dicta Matth. 21. v. 12. & seqq.

18. \* *Responderunt ergo Judæi : Quod signum ostendis nobis, quia hæc facis ?* id est, quo miraculo ostendis hanc auctoritatem tibi competere, ut exturbes cum ignominia ex templo eos, quos Sacerdotes admisierunt ? Similis quæstio est Matth. 21. v. 23. *In qua potestate hæc facis ?* Tendit autem eo, ut eum publicæ potestatis usurpatorem, adeoque seditiosum esse ostendant, nisi divinitus acceptam prober. Et quia de auctoritate circa templum agebatur, promittit ipsis signum circa templum, modò ipsi materiam darent.

19. \* *Respondit ergo Jesus : solvite templum hoc, &c.* Prædicentis est, non jubentis, ut Cyrill. lib. 2. c. 32. q. d. Scio vos occidendo me, corpus ab anima separaturos, in quibus velut in templo habitat plenitudo divinitatis corporaliter : sed ego \* *in tribus diebus excitabo illud*, propriâ scilicet virtute, ut Cyrill. notat, resurgens à mortuis intra triduum. Appositissimum fuit responsum Christi : nam sive intelligerent ipsi de templo materiali, ille, qui tantæ potestatis est, ut hoc dissolutum intra triduum erigat, profectò multò magis potuit etiam templum ab injuriis vindicare : sive de templo corporis ejus, hæc ipsa resurrectio esse debebat eis, sicut etiam postea reverà fuit, signum peremptorium veri Christi, divinæque potestatis ejus, quâ hoc fecit.

12. Post hoc descendit Capharnaum ipse, & mater ejus : & fratres ejus, & discipuli ejus : & ibi manserunt non multis diebus.

13. Et prope erat Pascha Judæorum, & ascendit Jesus Jerosolymam :

14. Et invenit in templo vendentes boves, & oves, & columbas, & numularios sedentes.

15. Et cum fecisset quasi flagellum de funiculis, omnes eiecit de templo, oves quoque, & boves, & numulariorum effudit, & mensas subvertit.

16. Et his qui columbas vendebant, dixit : auferte ista hinc, & nolite facere domum patris mei, domum negotiationis.

17. Recordati sunt vero discipuli ejus quia scriptum est : Zelus domus tue comedit me.

18. Responderunt ergo Judæi, & dixerunt ei : Quod signum ostendis nobis quia hæc facis ?

19. Respondit Jesus, & dixit eis : Solvite templum hoc, & in tribus diebus excitabo illud.

Cui illud,



Cui signo multa millia Judæorum crediderunt. Et ista causa est cur istud signum eis sæpè Christus dederit, ut infrà Joan. 8. v. 28. & Matth. 12. v. 39. vocatur signum Jonæ Prophetæ.

22. Dixerunt ergo Judæi: Quadräginta & sex annis ædificatum est templum hoc, & tu in tribus diebus excitabis illud?

20. \* *Dixerunt ergo Judæi*, neutrum intelligentes: \* *Quadräginta & sex annis ædificatum est templum hoc*. Non posse hoc intelligi de templo Salomonis videtur, eo quod illud non nisi septem circiter annis ædificatum fuerit, 3. Reg. 6. v. 38. Itaque plerique veteres hoc intelligunt de templo secundo, quod ædificatum fuit sub Cyro, usque ad annum sextum Darii Regis, ut est 1. Esdræ 6. v. 15. Ita Euseb. lib. 8. de demonstrat. Evang. Chrysost. Theoph. in Joan. & Hieron. in c. 9. Daniëlis. Sed hi omnes coguntur includere multos annos, quibus ab opere cessatum fuit: ut proinde falsum sit, tot annos impenso fuisse templi ædificationi. Unde, ut verba Judæorum vera sint, quos credibile est vulgò notam protulisse veritatem, intelligenda sunt de templo tertio, quod Herodes struere cœpit anno regni sui decimo octavo scilicet caprâ Jerosolymâ, qui erat annus Julianus vigesimus septimus. Absolvit autem magnam exterioris templi partem annis octo: sed reliqua structura duravit usque ad tempora Neronis, laborantibus in eo octodecim millibus operariorum, sicut testatur Josephus lib. 15. Antiquit. c. 14. & lib. 20. c. 8. Si igitur computentur anni structi templi illius à 27. Juliano usque ad 15. Tiberii, quo Christus baptizatus est, & hæc à Judæis audivit; incidemus in 73. Julianum, qui præcisè constituunt quadräginta sex annos. Quod autem quidam huic rei opponunt, Herodem non struxisse templum novum, sed tantum ampliassse & sublimassse, falsum est. Expresè enim dicit Josephus, erutis veteribus fundamentis nova posuisse.

21. Ille autem dicebat de templo corporis sui.

21. \* *Ille autem dicebat de templo corporis sui*, id est, de templo, quod erat corpus suum, quod vocatur & ab Apostolo *Templum Spiritus S.* Quomodò verò mysticè numeri illi quadräginta sex annorum conveniant structuræ corporis Christi in utero matris, vide Aug. lib. 4. de Trinit. c. 3. & lib. 83. quæst. Evang. q. 56.

22. Cum ergo resurrexisset à mortuis, recordati sunt discipuli eius, quia hoc dicebat, & crediderunt scripturæ, & sermoni, quem dixit Jesus.

22. \* *Cum ergo resurrexisset, &c. recordati sunt discipuli, quia hoc dicebat*, id est, quod hoc dixisset Christus, & quid sibi verba illa vellent, quæ nec ipsi antea videntur intellexisse, \* & *eventu cum illa prædictione collato, crediderunt scripturæ*, tamquam quæ resurrectionem ipsius Christi prædixisset; \* & *sermoni, quem dixit Jesus*, id est, crediderunt eum per ista verba prædixisse mortem & resurrectionem suam & vera esse, quæ dixerat.

23. Cum autem esset Jerosolymis in Pascha.

23. \* *Cum autem esset Jerosolymis in Pascha*, id est, in diebus Paschalis, qui septem erant numero, atque etiam omnes vocabantur Pascha,

cha. Ut autem ipsum diem magis specificaret, adjicit, \* *in die festo*, id est, in ipsa solemnitate azymorum, seu primâ die, quæ sequebatur vesperam agni immolati, eratque decima quinta mensis primi, ac peculiariter vocabatur festum Paschæ, ut patet Levit. 23. v. 5. & infra c. 13. v. 1. \* *Multi crediderunt in nomine ejus*, id est, in eum, Hebraicâ phrasi. Nam Exodi 14. v. ult. id, quod Latinus transtulit, *crediderunt Domino & Moyse servo ejus*, Hebraicè est, *crediderunt in Dominum & in Moysen*.

die festo, multi crediderunt in nomine ejus, videntes signa ejus, quæ faciebat,

24. \* *Ipse autem Jesus non credebatur semetipsum eis*, id est, non eis se suaque committebat, seu non confidebat illis iisdem, qui crediderant, tamquam legitimis discipulis, committendo scilicet eis vel animi sui secreta, vel doctrinæ suæ mysteria, vel personam suam. Ludit enim eleganter in verbo *Credendi*, usurpando illud in duplici sensu, sicut fit in nomine *Mortuos*, Matth. 8. v. 22. \* *eo quod ipse nosset omnes*. Non quod illi fictè credidissent, ut aliqui volunt; Scriptura enim testatur contrarium: sed quod sciret quinam constantes, quinam inconstantes essent, quibus proinde fidendum, à quibus cavendum. Idque non alieno testimonio sciebat, \* *ipse enim sciebat, quid esset in homine*, hoc est, ipsum animum hominis penetrabat, sciens quid ibi lateret, vel inconstantia, vel fallacia, vel perfidia. Plus enim noverat artifex, inquit Aug. tract. 111. quid esset in opere suo, quàm ipsum opus, quid esset in semetipso. Unde Cyrill. lib. 2. c. 32. vult hic significatam esse ab Evangelista Christi divinitatem, tamquam cordium arcana pervadentis.

24. Ipse autem Jesus non credebatur semetipsum eis, eo quod ipse nosset omnes,

25. & quia opus ei non erat ut quis testimonium perhiberet de homine: ipse enim sciebat quid esset in homine,

## CAPUT TERTIUM.

1. **I**nter illos autem credentes, \* *erat homo* (quod Hebræi pro *quidam* ponere solent, ut in Levit. frequens est) \* *ex Phariseis*, ad credendum difficillimis, \* *Nicodemus nomine, Princeps Judæorum*, id est, unus ex principibus, sive nobilitate, sive opibus, sive magisterio, ut v. 10. Nemo enim unus extra Pontificem erat Princeps omnium Judæorum tunc temporis. Notantur hæc ab Evangelista, tamquam causæ ejus, quod sequitur.

1. Erat autem homo ex Phariseis, Nicodemus nomine, princeps Judæorum,

2. \* *Hic venit ad Jesum nocte*, ut ita scilicet Magister in Israël pudoris suo, & Princeps gravitati personæ suæ, & Phariseus metui Judæorum consuleret, ne in odium cæterorum incurreret. \* *Scimus quia à Deo venisti magister*, id est, in eum finem, ut sis magister Israël. Causa hujus persuasionis est, quia \* *nemo potest hæc signa facere, &c. nisi fuerit Deus cum eo*, id est, nisi virtute Dei opitulantis, utpote quæ excedunt omnes creaturæ naturæ vires. Cum ergo illis tamquam sigillis

2. Hic venit ad Jesum nocte, & dixit ei: Rabbi, scimus quia à Deo venisti magister: nemo enim potest hæc signa facere, quæ tu facis, nisi fuerit Deus cum eo.

Dei



Dei obsignes doctrinam tuam, necesse est te à Deo venisse magistrum. Quâ præfatione significat se sincere ad discendum venisse. Non indicat autem Evangelista, quid; sed ex responso Christi colligitur, cum rogasse aliquid, vel de Rege Messia, vel de regno Dei, quod Christus prædicabat: nam

3. Respondit Jesus, & dixit ei: Amen, amen dico tibi, nisi quis renatus fuerit denuo, non potest videre regnum Dei.

4. Dicit ad eum Nicodemus: quomodo potest homo nasci cum sit senex? numquid potest in ventrem matris sue iterato introire, & renasci?

3. \* Respondit Jesus: *Nisi quis*, quâ phrasi neminem excipit, non adultum, non infantem, non aliquâ præventum necessitate, ut Ambros. lib. 2. de Abraham c. 11. \* *renatus fuerit denuo*, id est, iterum. Nam quamvis Græcum *ἀναβῆν*, Cyrill. & alii multi Græci, exponant *desuper* seu *supernè*: Chrysost. tamen quando dicit etiam sumi posse pro *ἄνωθεν*, id est, pro *iterum*, attestatur nostræ translationi, & Syriaco, & responso Nicodemi. \* *Non potest videre*, id est, possidere, \* *regnum Dei*. Quomodo dicimus *Hæreditatem cernere*, pro adire q.d. Ad regnum Dei adeundum, de quo quæris, non est satis prima nativitas, sed opus est secundâ. Quod cum Nicodemus carnaliter intellexeret, & judicaret impossibile, utpote non agnoscens, ut Aug. ait, nisi unam nativitatem ex Adam & Eva, Christus non dedignatur apertius explicare.

5. Respondit Jesus: Amen, amen dico tibi, nisi quis renatus fuerit ex aqua & Spiritu sancto, non potest introire in regnum Dei.

5. \* *Nisi quis renatus*, Græcè *γεννηθῇ*, generatus seu genitus, \* *fuerit ex aqua*, tamquam principio materiali subeunte vicem matris, \* & *Spiritu Sancto*, vice patris, seu principii activi respectu istius generationis. Nam ista verba continent explicationem istius, *denuo*, sicut illa, \* *non potest introire in regnum Dei*, explicant, quid sit *videre regnum Dei*. Est ergo hæc periphrasis baptismi, quem ea de causa Apostolus vocat *lavacrum regenerationis & renovationis Spiritus Sancti*: *lavacrum*, propter aquam; *regenerationis*, propter Spiritum Sanctum. Nam aquam & Spiritum Sanctum hic esse distincta, & unum non esse explicationem alterius, quasi dictum esset, ex aqua, hoc est, Spiritu Sancto, sicut vult Calvinus, probat unanimis Patrum consensus, qui semper intellexerunt his verbis significatum, aquæ baptismum esse necessarium ad salutem: idque etiam si Spiritus Sancti sanctificatio præcessisset. Nam hac de causa cum familia Cornelii Centurionis jam accepisset Spiritum Sanctum, Petrus tamen divini præcepti memor, inquit Cyprian. epist. 72. præcepit eam aquâ baptizari. Unde ipse Petrus dixit Act. 10. v. 47. Numquid aquam quis prohibere potest, ut non baptizentur hi, qui Spiritum Sanctum acceperunt, sicut & nos? Instituitur ergo hic baptismus: nam statim v. 26. dicitur Jesus baptizasse, & explicatur vis ejus in eo sita, quod hominem de novo generet, ut regni cælestis capax fiat. Unde indirectè significatur, hominem ex prima generatione ita corruptum esse, ut à regno Dei nascatur

catur alienus, & proinde sub peccato & ira Dei. Nisi ergo ita renatus fuerit, \* *non potest introire in regnum Dei*, & consequenter salvus esse, quia nulla salus extra regnum Dei, sicut Aug. diversis locis exponere solet contra Pelagianos, volentes hominem sine baptismo intrare quidem non posse in regnum Dei, salvari tamen posse. Hæc ergo necessitas baptismi, tamquam medii necessarii ad salutem in regno Dei assequendam, justè imposita fuit, quia, ut Aug. lib. de corrept. & grat. c. 10. jam omnes damnatione tenentur obstri&i. Unde etiam si nullus liberaretur, justum Dei judicium nemo justè reprehenderet. Itaque arbitrii divini fuit, quam vellet salutis recuperandæ viam instituere: idque eo justius, quòd si quibus deesset per ignorantiam invincibilem, nemo inde ad lapsum, vel perditionem impelleretur sed tantum non à lapsu erigeretur. Quia verò Nicodemus adhuc totus hærebat in nativitate carnali, explicat Christus se loqui de nativitate spiritali. Nam

6. \* *Quod natum est ex carne*, ex patre & matre secundum carnem generantibus, \* *caro est*, id est, corporeum, carneum, habens esse tantum humanum, simile scilicet principio generationis suæ: \* *sed quod natum est ex Spiritu*, nempe Sancto, \* *Spiritus est*, id est, accipit esse spirituale, fit Spiritus particeps, Spiritui regeneranti simile.

6. Quod natum est ex carne, caro est: & quod natum est ex Spiritu, Spiritus est.

7. \* *Non mireris igitur*. Est illatio ex superioribus: q. d. Noli igitur mirari verba mea: non enim disputamus de nativitate carnis, quæ iterari nequit; sed de nativitate Spiritus, quâ homo ex carne natus carneus fiat, ex Spiritu spiritus seu spiritalis, & ex Deo Filius Dei, ut c. 1. v. 12. & 13. Addit & alteram causam, cur minus mireretur, dum non intelligeret nativitatem Spiritus: quia

7. Non mireris quia dixi tibi: oportet vos nasci denuò:

8. \* *Spiritus ubi vult spirat*. Quod Cyrill. l. 2. c. 44. Chrysost. & Theophyl. intelligunt de vento: Ambr. vero l. 2. de fide c. 3. & Aug. hîc rectius de Spiritu Sancto, quem Greg. Bernard. aliique multi Latini secuti sunt, multi etiam Græci præcessere. Ventus enim nec vult, nec ignoratur, unde veniat, aut quo vadat. Itaque *Spiritus*, nempe Sanctus, de quo præcesserat, *ubi vult spirat*, id est, afflat, quos voluerit, dividens singulis, prout vult, ut Apostolus loquitur, variisque donis imbuens. Alludere enim videtur ad eos, qui in veteri Testamento variis modis à Spiritu acti sunt, sicut induit Gedeonem, Sampsonem, Saulem, Prophetas. \* *Et vocem ejus audis*, id est, ejus effecta percipis exteriora, dum loquitur futura per Prophetas, mysteria per sapientes, operatur mira per Sanctos: \* *sed nescis, unde veniat, aut quo vadat*, id est, interiorum accessum, recessumque Spiritus, dum hominem vel corrigit, vel deserit, non intelligunt homines.

8. Spiritus ubi vult spirat: & vocem ejus audis, sed nescis unde veniat, aut quo vadat: sic est omnis, qui natus est ex Spiritu.

9. Respondit Nicodemus, & dixit ei: Quomodo possunt hæc fieri?



\* *Sic est omnis, qui natus est ex Spiritu*, id est, sic agitur cum eo, qui renascitur ex Spiritu sancto & aqua. Quia occultissimo modo illabitur cordie ejus, & inhabitans transformat eum in justum, sanctum, Filium Dei & spiritalem: & similiter occultissimo modo deserit. Quod cum Nicodemus, tamquam Phariseus corporalibus intentus, nihilo magis intelligeret, respondit ei Dominus:

10. Respondit  
Jeſus, & dixit ei:  
Tu es magister in  
Iſraël, & hæc igno-  
ras?

10. \* *Tu es magister in Iſraël, & hæc ignoras?* Notans videlicet ejus imperitiam, qui se cæteris de magisterio præferebat, inquit Aug. 1. de peccatorum meritis, c. 31. Idque ut ita deprimeret fastum ejus, qui intelligentiam rerum divinarum impedit, ut idem hic notat. Nam Scripturæ Sacræ, quas Nicodemus alios docebat, inculcant sæpius regenerationem Spiritus, ut patet Ezech. 36. v. 25. & 26. & Psalm. 50. v. 9. atque aliis locis.

11. Amen, amen  
dico tibi, quia  
quod ſcimus lo-  
quimur, & quod  
vidimus testa-  
mur, & testimo-  
nium noſtrum  
non accipitis.

11. \* *Amen dico tibi, quia, quod ſcimus*, de nativitate Spiritus, non opinionibus aut conjecturis, sed certissimâ scientiâ, \* *hoc loquimur, & quod vidimus testamur*. More enim hominum loquitur, inquit Chrysostomus, apud quos oculatus testis persuaderet maximè, quamvis ejus scientia visum superet. \* *Et testimonium nostrum non accipitis*, id est, mihi testanti non creditis. Notat enim in Judæis generaliter incredulitatem: q. d. Vis scire, quomodo possint hæc fieri? crede & intelliges. Nam homines incapaces, non intelligendi subtilitas, sed credendi simplicitas tutissimos facit, inquit Augustinus.

12. Si terrena  
dixi vobis, & non  
creditis: quomo-  
do, si dixerò vo-  
bis cælestia, cre-  
detis?

12. \* *Si terrena dixi vobis*, de creata regeneratione filiorum Dei per terrenum elementum, tamquam hominum mortalium captui accommodatâ; \* *& non creditis: Quomodo, si dixerò vobis cælestia, credetis?* de generatione scilicet increata Filii Dei, de processione Spiritus S. cæterisque altissimis mysteriis, prout exponit Chrysost. & Cyril. Itaque eum tacitè ad credendum dictis allicit spe discendi longè subtiliora.

13. Et nemo aſ-  
cendit in cælum,  
niſi qui deſcendit  
de cælo, Filius  
hominis, qui eſt  
in cælo.

13. \* *Et nemo aſcendit in cælum, &c.* Quæ verba sic accipit Aug. loco de peccat. meritis citato, quem & sequitur Greg. lib. 27. Moral. c. 8. aliàs 11. & Beda, ut explicet Christus, quomodo possint hæc fieri, id est, quomodo fiat spiritualis hominis regeneratio, nempe eo modo, ut homo ex terreno fiat cælestis. Hoc autem nemo adipisci potest, nisi filio hominis, tamquam membrum suo capiti, incorporetur: ut, quando quidem caput & corpus Ecclesiæ unus est Christus, idem ipse ascendat, qui descendit de cælo. Non minus tamen commodus potest esse sensus, ut ratio detur sententiæ præcedentis, cur scilicet sibi, quem à Deo magistrum venisse dixerat Nicodemus, etiam cælestia dicenti præ omnibus magistris & Prophetis credere deberet, quia vi-  
deli-

delicet solus ipse esset homo simul & Deus, ut ita fidelissimè testari posset in terra, quæ in cælis viderat. Quomodo & c. I. v. 18. dixit Evangelista: *Deum nemo vidit umquam: unigenitus qui est in sinu Patris, ipse enarravit.* Ita Chrysost. cum suis, nec non Cyrill. Porro idem Christus descendisse, & esse in cælo dicitur, propter unionem duarum naturarum in unam personam: ex qua fit, ut utriusque naturæ proprietates seu idiomata eidem personæ tribui possint. Itaque *nemo ascendit in calum*, id est, nullus hominum in cælo fuit, quod ascendendo fieri solet, ut ibi cælestia contempleretur, nisi ille, \* *qui descendit de cælo*, assumendo in unitatem personæ naturam humanam, ratione cujus ita in terris videbatur esse, ac si revera descendisset, nempe \* *Filius hominis*, qui sic existens simul homo ac Deus descendendo non deseruit cælum, sed \* *est in cælo*, non minus quàm in terra. Nam istam unitatem personæ in duabus naturis hîc significatam esse, omnes citati, etiam Aug. fatentur. Cum ergo hæc ratio credendi sibi petita esset ex divinitate, nunc alteram subjicit ex humanitate.

14. \* *Et sicut Moyses exaltavit*, id est, signum seu vexillum quoddam ab omnibus conspiciendum in hasta elevavit, \* *Serpentem æneum*, \* *in deserto*, ut scilicet omnis, qui à serpentibus ignitis morsus eum aspiceret, sanaretur; quod viro Legis perito intelligendum reliquit, \* *ita exaltari*, id est, sublimen in cruce elevari, \* *oportet filium hominis*: extra muros civitatis velut in deserto, ut simili ratione.

14. Et sicut Moyses exaltavit serpentem in deserto; ita exaltari oportet Filium hominis:

15. \* *Omnis, qui credit in ipsum*, id est, qui in eum crucifixum oculis mentis seu fidei intuitus fuerit, credendo scilicet eum isto modo suum & mundi esse Salvatorem, \* *non pereat*, peccato quo tamquam morfu & veneno serpentis sauciatus est, \* *sed habeat vitam æternam*. Itaque Dominus se serpenti æneo, tamquam veneno carenti, comparat, quia in carnem suam non peccatum transtulit, tamquam venenum serpentis, sed tamen transtulit mortem, per quam fuit similis peccatoribus: ut esset in similitudine carnis peccati pœna sine culpa, per quam in carne peccati, id est, in peccatoribus, & culpa solveretur & pœna, inquit Aug. 1. de peccat. meritis c. 32. Sed quænam causa tam ignominiosæ exaltationis in cruce? Non fatum, non culpa crucifixi, non infirmitas Dei, sed amoris immensitas: quod verbis valdè emphaticis subjungit:

15. ut omnis, qui credit in ipsum, non pereat, sed habeat vitam æternam.

16. \* *Sic enim Deus dilexit mundum*, id est, tantoperè Deus Pater dilexit genus humanum, ut non Prophetam, non Angelum, sed \* *Filium suum*, sibi proinde consubstantialem, eumque non unum de multis, sed \* *unigenitum*, proinde pretiosissimum, & charissimum non venderet, aut pro re pretiosa commutaret, sed gratis solo amore

16. Sic enim Deus dilexit mundum, ut Filium suum unigenitum daret: ut omnis, qui credit in eum, non pereat sed habeat vitam æternam, ~



impulsus, \* *daret*, ad incarnandum, ad crucifigendum. Non ut sibi vel Filio inde fructus accresceret, sed ut omnis, cujuscumque sexûs, nationis, conditionis, quantiscumque peccatis vulneratus; qui rem facillimam dumtaxat fecerit, hoc est, \* *qui credit in eum*, fide sincerâ & verâ, quæ facit id, quod faciendum credit, \* *non pereat*, &c. Nam per fidem, velut radicem omnis boni, accipit potestatem Filium Dei fieri, ut supra dixit: quo ipso est heres vitæ æternæ. Cujus rei causam ulteriorem reddit.

17. Non enim misit Deus Filium suum in mundum, ut judicaret mundum, sed ut salvaretur mundus per ipsum.

17. \* *Non enim misit Deus Filium suum in mundum*, id est, hominem fieri, quo fieret pars hujus mundi, eo fine, \* *ut judicaret mundum*, id est, ut, quemadmodum merebatur mundus, justam sententiam damnationis in eum ferat, sed ut è statu damnationis, \* *salvetur mundus per ipsum*, merito scilicet passionis & mortis ejus, per illam jam dictam fidem: cujus fidei momentum & vim inculcans, addit:

18. Qui credit in eum, non judicatur: qui autem non credit, jam judicatus est: quia non credit in nomine unigeniti Filii Dei.

18. \* *Qui credit in eum*, legitimâ scilicet fide, quæ per dilectionem operatur, \* *non judicatur*, illo jam dicto judicio damnationis, sed potius à damnatione, in qua natus est, liberatur. \* *Qui autem non credit*, quid dicturum speras, inquit Aug. nisi, ille judicatur? Amplius dicit, \* *jam judicatus est*; q. d. inquit, nondum apparuit iudicium, & nempe jam factum est, quia damnationi obnoxius natus est, sententiâ damnationis jam olim in Adamum & omnes peccatores latâ: à qua per solam fidem in Christum, tamquam unicum salutis adipiscendæ authorem liberari potest. Hoc ipso ergo, quo non credit, judicatus & damnatus manet, sicut erat, \* *Quia non credit in nomine unigeniti Filii Dei*, id est, quia rejicit unicum, quod supererat salutis remedium, fidem in Salvatorem.

19. Hoc est autem iudicium: quia lux venit in mundum, & dilexerunt homines magis tenebras, quam lucem: erant enim eorum mala opera.

19. \* *Hoc est autem iudicium*, id est, hæc est origo iudicii & condemnationis ejus, \* *quia lux*, unigenitus ille Filius Dei, \* *venit in mundum*, eo fine scilicet, ut omnis, qui crederet illuminaretur: & tamen \* *dilexerunt homines magis tenebras*, ignorantix suæ, errorum, in quibus nati & educati fuerunt, \* *quam lucem*, æternæ veritatis, qua illuminari possent, id est, quam me, qui, ut infra c. 12. v. 46. dicit, *lux in mundum veni*, ut omnis, qui credit in me, in tenebris non maneat. Nihil ergò mirum, si damnantur, quia manent in tenebris, statuque damnationis, in qua jam erant; & insuper non credendo luci, peccatum inexcusabile committunt. Sed unde illa averfatio lucis? \* *Erant enim eorum mala opera*. Nam

20. Omnis enim qui male agit, odit lucem, & non venit ad lucem, ut non arguantur opera eius;

20. \* *Omnis qui male agit, odit lucem*, veritatis, & consequenter me, qui sum veritas, \* *& non venit ad lucem*: non quod eam propter seipsam oderit; nam omnibus per se amabile est scire veritatem: sed prop-

propter quamdam proprietatem veritatis, videlicet, \* *ut non arguantur opera ejus*. Ut enim optimè Aug. l. 10. Conf. c. 23. Oderunt homines veritatem propter eam rem, quam pro veritate amant. Amant eam lucentem, oderunt redarguentem: amant eam, cùm se ipsam indicat, & oderunt eam, cùm eos ipsos indicat. Inde retribuet eis, ut, qui se ab ea manifestari nolunt, & eos nolentes manifestet, & eis ipsa non sit manifesta.

21. \* *Qui autem facit veritatem*, id est, qui operatur id, quod verum, rectum, & justum est, sive secundum legem Dei; nam, ut dicit Psalm. 118. v. 142. *Lex tua veritas*: & iterum v. 86. *omnia mandata tua veritas*; \* *Venit ad lucem*, id est, delectatur manifestatione veritatis, ut per eam & secundum eam \* *manifestentur opera ejus*, id est, ut pateant opera sua omnibus, tam sibi quàm aliis \* *quia in Deo*, id est, secundum voluntatem & legem Dei, \* *sunt facta*. Nam talibus veritas detecta non est formidini, sed consolationi: quia Deo illuminante abscondita tenebrarum laus erit unicuique à Deo, ipso iudice qui veritas est, dicente bene operantibus: *Euge serve bone, &c.* Quamvis ergò recentiores plerique hæc intelligant de operibus futuris, ut per lucem ad quam venit, intelligat, qualia esse debeant, quæ facere decernit: textus tamen à v. 19. huc usque evidenter postulat, ut de operibus jam factis intelligatur.

22. \* *Post hæc venit Jesus in terram Judæam*, id est, ex Jerosolymis, ubi tempore Paschatis hoc colloquium cum Nicodemò peractum fuit, transit in campestram Judæam, seu agrum Judaicum, \* & *illic baptizabat*, id est, baptizare cœpit; nam ante non legitur baptizasse. Baptizavit autem in primis discipulos suos, maximèque Petrum, prout agnoscit Aug. epist. 108.

23. \* *Erat autem & Joannes baptizans in Ænnon juxta Salim*: quod Hieron. epist. 126. scribit esse non Jerusalem, sicut aliqui videntur putasse, seu oppidum juxta Scythopolin, quod & Salem dicitur Gen. 33. v. 18. Et in libro de locis Hebraicis dicit esse juxta Jordanem. Nec refert, inquit, utrum *Salim* an *Salem* nominetur, cùm vocalibus in medio litteris perrarè utantur Hebræi, & pro voluntate lectorum atque varietate regionum eadem verba diversis sonis atque accentibus proferantur. Quæ quidem ab eruditissimis illius gentis se didicisse profitetur. \* *Quia aquæ multæ erant illic*, utpote juxta Jordanem. Ex quo etiam colligitur, Joannem totius corporis immersione baptizasse. Sicut & Chrysost. colligit eum usque ad incarnationem baptizasse, ex verbis sequentibus.

24. \* *Nondum erat missus Joannes in carcerem*: nam ille erat terminus functionis ejus à Deo præstitutus,

21. qui autem facit veritatem, venit ad lucem, ut manifestentur opera ejus, quia in Deo sunt facta,

22. Post hæc venit Jesus, & discipuli ejus, in terram Judæam: & illic demorabatur cum eis, & baptizabat.

23. Erat autem & Joannes baptizans in Ænnon, juxta Salim: quia aquæ multæ erant illic, & veniebāt, & baptizabantur.

24. Nondū enim missus fuerat Joannes in carcerē,



25. Facta est autem quaestio ex discipulis Joannis cum Judæis de Purificatione.

26. Et venerunt ad Joannem, & dixerunt ei: Rabbi, qui erat tecum trans Jordanem, cui tu testimonium perhibuisti, ecce hic baptizat, & omnes veniunt ad eum.

27. Respondit Joannes, & dixit: non potest homo accipere quidquam, nisi fuerit ei datum de cælo.

28. Ipsi vos mihi testimonium perhibetis, quod dixerim: Non sum ego Christus: sed quia missus sum ante illum.

29. Qui habet sponfam, sponsum est: amicus autem sponsi, qui stat, & audit eum, gaudium gaudet propter vocem sponsi. Hoc ergo gaudium meum impletum est.

25. \* *Facta est autem quaestio ex discipulis Joannis*, id est, contentio mota per discipulos Joannis, \* *cum Judæis de purificatione*, id est, de præstantia baptismatum Joannis & Christi: discipulis scilicet Joannis effectibus baptismum sui magistri, Judæis baptismum Christi. Itaque

26. \* *Venerunt ad Joannem*, cum ista controversia, ut eam arbitrio suo dirimeret, vel potius ut querelam apud eum deponerent, dicentes: \* *Rabbi*. In quo verbo adulationem hîc latere, notant hîc aliqui, ut scilicet tamquam magister honorem suum tueretur. \* *Qui erat tecum trans Jordanem*, ubi quoque à te ipse baptizatus est, \* *cui testimonium perhibuisti*, scilicet illud, de quo cap. 1. v. 27. & 29. & maximè 32. q. d. quem tu ipse, cum ignotus esset, celebrem reddidisti, \* *ecce hic* (ô rem scilicet indignam) *baptizat*, id est, tuum usurpat officium, \* *& omnes veniunt ad eum*, ut baptizentur ab eo, & audiant eum, tamquam qui præcellat autoritate & gloriâ: tamquam dicerent, ille tuæ autoritati & celebritati non parum detrahit, cum minimè deberet.

27. \* *Respondit Joannes: Non potest homo accipere quidquam*, potestatis, administrationis, officii, \* *nisi fuerit ei datum de cælo*, id est, nisi detur ei aliunde, scilicet à Deo. Indicare enim vult, se non posse arrogare sibi id, quod sibi de cælo non esset datum, ut se scilicet præponeret Christo. Nam

28. \* *Ipsi vos testimonium mihi perhibetis*, nempe immediatè ante v. 26. \* *Quod dixerim: Non sum ego Christus: sed quia missus sum ante illum*, ut tamquam præcursor & præco parem viam ejus. Nihil igitur mirum, si omnes me relicto veniant ad eum, & baptismus ejus præferatur meo. Ut ergo uberiùs declaret Christum magis quàm se honorandum esse, addit similitudinem:

29. \* *Qui habet sponfam*, ille solus \* *sponsus est*, ad quem tamquam dominum sponsa pertinet, & solus ut sponsus honorandus: \* *amicus autem sponsi, qui stat & audit*, id est, cujus officium est stare paratum ad ministerium sponsi, & tacitè auscultare colloquia sponsi cum sponfa, \* *gaudio gaudet propter vocem sponsi*, id est, magnopere lætatur, quod audiat sponsum cum sponfa colloquentem, tantum abest, ut hoc ægrè ferat, vel seipsum loco sponsi honorari velit. Quo significat, Christum verum sponsum esse Ecclesiæ, se verò amicum sponsi: proinde se non ægrè ferre debere, quòd homines ad Christum accurrerent, tamquam sponsa ad sponsum, sed potius gaudere debere. *Hoc ergo gaudium meum impletum est*, cum scilicet ex vobis jam intelligo populum ad Christum turmatim fluere. Ille enim finis fuit legationis meæ, ut tamquam sponsi paranympus sponfam ei jungerem.

30. \* *Illum oportet crescere*, existimatione, concursu hominum meum colentium, miraculorum gloriâ, famæ ac nominis celebritate; ut quemadmodum ipse Deus est, ita etiam à toto orbe habeatur. Nam hisce modis juxta prophetiam Daniëlis 2. v. 35. Christus tamquam lapis abscissus de monte sine manibus, id est, natus ex Virgine sine cooperatione humana, factus est mons magnus, & implevit universam terram. \* *Me autem minui*, id est, minoris fieri, quantum ad illa supradicta: sicut lux luciferi fulgentis in nocte minui videtur oriente Sole, ut explicat Cyrillus. Nam cum antè Christus esse putaretur, discipulis floreret, magno concursu hominum coleretur, omnia illa Christo præsentente cessarunt. Quia

30. Illum oportet crescere, me autem minui.

31. \* *Qui desursum venit*, id est, de cælo, ut v. seq. hoc est, ut explicat Cyrillus, qui ex superiori germinavit radice, seu ex sublimi & ineffabili Patris substantia, ille \* *super omnes est*, id est, omnibus hominibus major est: ut proinde justum sit ipsum crescere, & omnibus celebriorem fieri. \* *Qui est de terra*, id est, originem ex limo terræ ducit, \* *de terra est*, id est, terrenus est, terram refert, terram sapit, si naturæ conditionem spectes, ut Aug. Quod si spectes etiam gratiam, semper servat suæ originis mediocritatem, habetque gratiam homini creato & terrigenæ commensuratam: \* *& de terra loquitur*, id est, doctrina ejus non est altior quam quæ ex terrenis principiis, humanisque sensibus deduci queat: qualem enim habet originem & naturam, talem sermonem & doctrinam, \* *qui de cælo venit*, ex Deo scilicet Patre natus, ut jam diximus, \* *super omnes est*, naturâ, intelligentiâ, doctrinâ, sermone.

31. Qui desursum venit, super omnes est, Qui est de terra, de terra est, & de terra loquitur. Qui de cælo venit, super omnes est.

32. \* *Et quod vidit, & audivit*, scilicet in cælo apud Patrem apud quem videre & audire eadem sunt, certissimamque rei notitiam significant, \* *hoc testatur*, tamquam testis oculatus rerum sibi compertissimarum, quantumvis humanam intelligentiam superent. Et tamen cum ille talis sit, tam divina doctrina ejus \* *testimonium ejus nemo accipit*, id est, nemo ei credit. Quod Aug. intelligit de reprobatis: nam statim adjicit, aliquos credidisse. Alii exponunt, quod nemo accipiat ejus testimonium suis viribus, quia Dei donum sit. Chrysost. hom. 29. itemque Cyrillus, neminem pro paucis explicat, ut Baptista exaggeret magnam hominum incredulitatem, maximè apud discipulos, conquerentes, quòd omnes ad Jesum confluerent.

32. Et quod vidit, & audivit, hoc testatur: & testimonium ejus nemo accipit.

33. \* *Qui vero accipit testimonium ejus*, credens ejus doctrinæ, hic \* *signavit*, Græcè, *ἐσφράγισεν*, id est, tamquam sigillo impresso & ap- penso approbavit, \* *quia Deus verax est*. Nam quemadmodum ille, qui Deo testanti credere detrectat, si non verbis, certè reipsâ menda-

33. Qui accipit ejus testimonium, signavit quia Deus verax est.



cem facit Deum , ut est 1. Joan. 5. v. 10. ita vice versâ qui Deo credit, re ipsa profitetur Deum esse veracem , quia nemo credit, nisi ei, quem verum dicere putat. Probat autem sententiam superiorem.

34. Quem enim misit Deus, verba Dei loquitur: non enim ad mensuram dat Deus spiritum.

34. \* *Quem enim misit Deus*, Pater scilicet in mundum, \* *verba Dei loquitur*, atque ita verbis non hominum, sed ipsius Dei credit, ipsumque Deum veracem esse suâ fide profitetur. Porro irâ dicit, *verba Dei loquitur*, ut significet, eum nihil nisi divinum & à Patre traditum loqui: secus ac Prophetæ, qui subinde sua & humana loquebantur. Quod ex eo ostendit, quia \* *non ad mensuram dat Deus spiritum*, illi scilicet, quem Deus misit, seu Filio suo, hoc est, ut Augustinus exponit, cæteris quidem hominibus datur Spiritus Sanctus, ac dona ejus ad certam mensuram, pars videlicet uni, pars alteri, dum, juxta Apostoli doctrinam, alii datur per Spiritum sermo sapientiæ, alii sermo scientiæ, alii &c. sed Christo dedit sine mensura profusissimè omnia Spiritus Sancti dona, & in summo gradu. Totus enim fons Spiritus Sancti, qui arescere non potest, in eum effusus est, ut Hieron. in cap. 11. Isaïæ; qua de causa suprâ dictus est, *plenus gratia & veritatis*: omnesque thesauros sapientiæ, & scientiæ in eo absconditos esse, docet Apostolus: & S. Thomas cum Theologis, Christi gratiam esse infinitam, & consequenter immensam, seu non ad mensuram. Ratio est, quia

35. Pater diligit filium: & omnia dedit in manu ejus.

35. \* *Pater diligit Filium*, intellige ut Pater Filium, non ut Dominus servum, ut unigenitum, non ut adoptatum, sicut notat Augustinus. \* *Et, ex ista unigeniti Filii sui dilectione, veluti causa, omnia dedit in manu ejus*, id est, in ejus arbitrio & potestate posuit omnia: non sibi auferendo, sed suam cum ipso communicando potestatem. Ut autem sciremus, quo fructu testimonium Filii acciperemus, credendo in eum, addit:

36. Qui credit in Filium, habet vitam æternam: qui autem incredulus est Filio, non videbit vitam, sed ira Dei manet super eum.

36. \* *Qui credit in Filium*, illâ fide, quæ obedit doctrinæ, quæ creditur, \* *habet vitam æternam*, in certa scilicet spe, atque animi dispositione, sicut fructum in arbore. Unde plerique illud, *habet*, exponunt, certissimè habebit in tempore suo. \* *Qui autem incredulus est Filio*, Græcè δὲ ἀπειθῶν, *qui est inobediens*, scilicet sive non credendo, sive non faciendo, quod credit. Ex quo intelligitur non fidem nudam paulò ante significatam esse. \* *Non videbit vitam*, id est, non assequetur vitam æternam. Ex quo rectè colligas, non sufficere ad salutem fidem in Deum, in providentiam Dei, in Salvatorem, sed fidem in Filium Dei incarnatum esse necessariam: \* *sed ira Dei manet super eum*, illa scilicet ira, quæ jam ante super eum esse cœperat per peccatum, quo nati sumus omnes filii iræ, ut Aug. Nam nec ab ea, quæ per

per proprias iniquitates adjecta est, quisquam liberari potest, nisi per fidem Filii Dei.

CAPUT QUARTUM.

1. \* **U**T ergo cognovit Jesus, quia audierunt Pharisei, &c. Quo loquendi modo significatur Jesum id recenter didicisse, scilicet vel aliorum relatione, vel propriâ observatione. Nam alioqui ipse omnia futura ab æterno noverat. Unde Apostolus: *Didicit ex iis, quæ passus est, obedientiam*: quæ aliter cognoscitur per experientiam, aliter per sapientiam.

1. Ut ergo cognovit Jesus, quia audierunt Pharisei quod Jesus plures discipulos facit, & baptizat, quàm Joannes,

2. \* *Quamquam Jesus non baptizaret* suis scilicet manibus, *\* sed discipuli ejus*. Quod Tertull. lib. de Baptismo cap. 11. intelligit de Baptismo Joannis; sed rectius Aug. & Cyrill. accipiunt de baptismo Christi, quo discipuli baptizabant, præbendo scilicet ministerium, Christus verò præbendo adjutorium majestatis, ut Augustinus. Nimirum quia ipse erat, non solum qui intus baptizabat in Spiritu Sancto, ut prædixerat Joannes cap. 1. v. 33. sed etiam quia ipsius jussu, authoritate, & nomine, exterius baptizabant discipuli. Causa hujus rei fuit, ut functioni majori, majoremque requirenti scientiam & gloriam, vacaret, doctrinæ scilicet prædicandæ, sicut & Paulus 1. ad Cor. 1. v. 17.

2. (quamquam Jesus non baptizaret, sed discipuli ejus)

3. \* *Reliquit Judæam*, ut superbæ æmulationi Phariseorum aliquantisper cederet. Nam ut cognovit Jesus eorum scientiam, quæ didicerant, eum plures discipulos facere, cognovit etiam eorum invidentiam: non enim hoc propterea didicerant, ut eum sequerentur, sed ut persequerentur, inquit Augustinus. *\* Et abiit iterum in Galilæam*. Hæc enim fuit secunda profectio ejus in Galilæam. Nam prima fuit, quando post baptismum & ostensionem sui à Joanne factam, venerat in Cana Galilææ.

3. reliquit Judæam, & abiit iterum in Galilæam,

4. \* *Oportebat autem eum transire per Samariam*, non ipsam urbem Metropolin, quæ eodem nomine vocabatur, sed ipsam provinciam, quæ media jacet inter Judæam strictè dictam & Galilæam.

4. oportebat autem eum transire per Samariam,

5. \* *Venit ergo in civitatem Samaria*, id est, in territorium cujusdam civitatis, ut patet ex v. 9. *\* quæ dicitur Sichar*, tempore scilicet Christi, corrupto jam vocabulo. Est enim eadem, quæ in veteri Testamento vocatur *Sichem* vel *Sichima*, ut testatur Hieron. in Epitaphio Paulæ. Et juxta Josephum 11. Antiquit. c. ult. erat caput seu metropolis regionis Samariæ. Erat autem sita *\* juxta pradium quod dedit Jacob Joseph filio suo*, ut patet Genes. 48. v. 22. Ubi dicit Jacob se dare Josepho partem unam, quam tulerat de manu Amorrhæi in gladio & arcu suo, id est; quam jure belli acquisiverat.

5. Venit ergo in civitatem Samariæ, quæ dicitur Sichar: juxta pradium, quod dedit Jacob Joseph filio suo.



6. Erat autem ibi  
fons Jacob. Jēsus  
ergo fatigatus ex  
itinere, sedebat  
sic supra fontem.  
Hora erat quasi  
sexta.

6. \* *Erat autem ibi*, in illo scilicet prædio, \* *fons Jacob*. Infrà vocatur *puteus*, quia scilicet erat utrumque. Nam, ut Aug. ubi aqua de terra manat, *Fons* dicitur. Sed si in promptu & superficie sit, *Fons* tantum dicitur: si autem in alto & profundo sit, ita *puteus* vocatur, ut fontis nomen non amittat. Dicitur ergò fons Jacob, quia ille puteum foderat, donec inveniret scaturiginem fontis, quæ puteum aquis impleret. \* *Jēsus ergo fatigatus ex itinere*, secundum humanam naturam, utpote qui pedibus iter faceret, ut ad vitam laboriosam nos erudiret, inquit Chrysost. \* *sedebat sic*, fatigatus scilicet & anhelus. Quamquam Syrus illud, *sic*, omittat, indicans nihil esse aliud nisi encliticam particulam, quæ connectit antecedens cum consequente, cujusmodi Belgis admodum familiaris est; \* *supra fontem*, Græcè clariùs, ἐπὶ τῇ πηγῇ, ad seu *juxta fontem*. Quod ex phrasi Hebraica venit, quâ, *supra*, sæpius sumitur pro, *juxta*: ut *Supra flumina Babylonis, illic sedimus & flevimus, &c.* Quamquam hic intelligi possit, eum sedisse super fontis peripheriam seu extremam & supremam oram, quæ in circuitu fontis sive putei erat. \* *Hora erat quasi sexta*, & proinde circiter meridiana, quâ æstus est maximus, & fatigati maximè cibo & potu, quiete & refrigerio, indigent.

7. Venit mulier  
de Samaria haurire aquam. Dicit ei Jēsus: Da mihi bibere.

7. \* *Venit mulier de Samaria*, id est, Samaritana, seu de Samaria regione oriunda. Nam illud, *de Samaria* jungendum est cum, *mulier*, non cum, *venit*, quia venerat de Sichar proxima. \* *Dicit ei Jēsus*, colloctionis initium faciens ab ipsa re, quam mulier tractabat, ut ei retia tenderet.

8. (Discipuli enim ejus abierant in civitatem ut cibos emarent.)

8. \* *Discipuli enim ejus abierant, &c.* à quibus alioqui operam sedandæ sitis petere potuisset. Datur enim ratio, cur à muliere petierit.

9. Dicit ergo ei mulier illa Samaritana: Quomodo tu Judæus cum sis, bibere à me possis, quæ sum mulier Samaritana? non enim cohabitunt Judæi Samaritanis.

9. \* *Dicit ergo ei mulier*: *Quomodo tu Judæus, &c.* cum scilicet ex habitu, itemque sermone, eum Judæum esse cognovisset, ut Chrysost. & Cyrill. notant. Nam Samaritani origine erant Babylonii, qui characteribus utebantur antiquis, & valde diversis à characteribus Judæorum, testibus libris, qui adhuc extant, & Hieron. Præfat. in libros Reg. Ita & dialectus eorum diversa fuit à Judaica. *Non enim cohabitunt Judæi Samaritanis.* Verba sunt mulieris tacitè exprobrantis Christo transgressionem Judaicæ consuetudinis, & averfationem Judæorum à Samaritanis: q. d. Quâ fronte petis à me bibere cum Judæi non habeant commercium cum Samaritanis? Intellige in mensa, cibis, potu, & vasculis, quibus illa ministrantur, ut notat Aug. Nam Judæi Samaritanos habebant pro gentilibus, cum quibus quidem civiliter versabantur, contractusque miscebant (unde & hîc discipuli à Samaritanis emunt cibos: ) non tamen comedebant aut bibebant cum

cum illis , ut patet Act. 11. v. 3. verentes videlicet ne polluerentur. Porro præter illam generalem causam, erat alia duplex ratio aversionis Judæorum à Samaritanis. Prima, quia olim terram Israëlitis promissam Samaritani occupaverant, ut patet 4. Reg. 17. Secunda, quia gentiles ritus Mosais misceverant, volentes Judaicæ religionis videri. Et ista causa fuit, cur Judæis olim ædificantibus templum, Samaritani simul ædificare voluerint. Sed cum repulsi essent, primò quidam ædificationem omni conatu impediverunt, 1. Esdræ 4. deinde proprium templum in monte Garisim extruxerunt, ubi per proprios Sacerdotes, non Levitici generis, sua sacrificia offerebant, eoque desertores legis Judaicæ transfugiebant, ut testis est Josephus lib. 11. Antiquit. cap. 4. Quod ergo hæretici sunt Catholicis, hoc Samaritani Judæis, quos utrique magis quàm gentiles averfantur. Unde Christo Domino tamquam maximum opprobrium obijciunt: *Nunquid bene dicimus, quia Samaritanus es, & dominium habes?* Christus ergo volens Christianam communicationem inter Judæos & Samaritanos à modicis iniitiis introducere, extincto odio & discordia, religionisque diversitate; unde odium nascebatur,

10. \* *Dixit ei: si scires donum Dei.* Quod Aug. & ferè veteres, intelligunt Spiritum Sanctum. Nam illud donum videtur Christus intelligere, quod statim se daturum promittit, nempe aquam vivam. Si ergo scires, quod sit illud donum, quod ab eo peti debet, ac dari solet, \* *& quis est qui dicit tibi:* &c. id est, si scires me esse Christum Filium Dei, tanti doni largitorem, \* *tu forsitan petisses ab eo:* Græcum, *ἄν*, non est dubitantis, sed potius affirmantis. Unde interpres, *forsitan*, vertisse videtur, ut significaret, etiam illo cognito mansurum fuisse mulieri liberum petere. \* *Et dedisset tibi*, id est, non recusasset tibi, quamvis Judæus, sicuti tu illi recusas, \* *aquam vivam*: per quam intelligit Spiritum Sanctum, qui instar aquæ sitim terrenorum bonorum extinguit, concupiscentiam refrigerat, animam fecundam facit, mentem sensu pietatis humectat. *Viva* verò, quia viventes vivificat. Mulier autem intelligebat adhuc corporaliter aquam non stagnantem quidem, sed de fonte scaturientem. Unde respondet:

11. \* *Domine.* Attenderat enim verba, *si scires quis est, &c.* Ex quibus, sicut ex sermonis gravitate & mansuetudine, observabat eum esse personam gravem & eminentem, cum ante satis contemptum Judæum vocasset: \* *neque in quo haureas, habes.* Græcè *ὅπου ἀντὶμα ἔχει*, neque haurium habes, id est, situlam: sub qua & funem, quo illa trahitur intelligit. Idèdque addit: \* *& puteus altus*, seu profundus est, ita ut sine eo non possis ad aquam pertingere. \* *Undè ergò habes aquam*

10. Respondit  
Jes. & dixit ei:  
Si scires donum  
Dei, & quis est,  
qui dicit tibi: Da  
mihi bibere: tu  
forsitan petisses  
ab eo, & dedisset  
tibi aquam vi-  
vā.

11. Dicit ei mu-  
lier: Domine,  
neque in quo  
haurias habes, &c.  
puteus altus est:  
undè ergò habes  
aquam vivam?



*vivam?* Tamquam potiozem videlicet hac, quæ hauritur ex hoc puteo. Nam propter potioris aquæ promissionem, adjicit.

12. Numquid tu major es patre nostro Jacob, qui dedit nobis puteum, & ipse ex eo bibit, & filii ejus, & pecora ejus?

12. \* *Nunquid tu major es patre nostro Jacob?* Ut aliquid præstantius mihi dare possis? Patrem verò vocat Jacob, quia idem Josephus ibidem testis est, quod Samaritani videri vellent Judæi, maximè cum res Judæis prosperæ cederent. \* *Qui dedit nobis puteum istum*, tamquam appendicem prædii, de quo v. 5. Nam Samaritani occupabant sortem tribûs Ephraim, in qua erat Samaria. \* *Et ipse ex eo bibit, & filii ejus*, quod signum est bonitatis aquæ: \* *& pecora ejus*, quod signum est abundantiae, ut notat Theophyl. q. d. Non solum dulcis fuit hominibus bibentibus, sed etiam ita copiosa, ut multitudini pecorum suffecerit, hæc igitur aqua non habuit Jacob potiozem. Cum ergo mulier ex personæ excellentia, aquæ bonitatem colligeret, ad mentem ejus respondet Christus:

13. Respondit Jesus, & dixit ei: Omnis qui bibit ex aqua hac, sitiet iterum: qui autem biberit ex aqua, quam ego dabo ei, non sitiet in æternum:

13. \* *Omnis qui bibit ex aqua hac*, hujus videlicet aut similis putei, sitiet iterum, quia sitim non nisi ad tempus sedat. Quod Aug. verum esse declarat etiam de illa aqua, quæ per aquam putei significatur, videlicet de voluptatibus hujus mundi: non enim sitim cupiditatis extinguunt, sed inflammant acrius. \* *Qui autem biberit ex aqua, quam ego dabo ei*, id est, quem ego Spiritu Sancto meo potavero, \* *non sitiet in æternum*, quia æternâ beatitudine, tam corpore quam anima, satiabitur. Nam de vita æterna hoc exponit August. sicut & versus sequens postulat. Tunc enim propriè, ut Isaias, *Non esurient, neque sitient amplius*: tunc, ut Psalm. *Inebriabuntur ab ubertate domus tuæ*: tunc satiabitur in bonis desiderium eorum. Modum autem ejus explicans, ait:

14. sed aqua, quam ego dabo ei, fiet in eo fons aquæ salientis in vitam æternam.

14. \* *Sed aqua, quam ego dabo ei, fiet in eo*, id est, non extrinsecus haurietur, sed in ipsis ejus visceribus fiet \* *fons aqua*, non stagnantis aut dormientis, sed vivæ, videlicet \* *salientis in vitam æternam*. Metaphora est à fonte ducta, qui tam altè scaturit aquam, quam est altum principium ejus. Principium autem hujus aquæ Deus est, qui est æternitas & vita æterna. Unde aqua illa in animis hominum ad Deum usque & vitam æternam salit, quia Dei & vitæ æternæ possessores facit. Mulier verò adhuc non intelligens donum Dei, sed carnalibus hærens cogitationibus, ait:

15. Dicit ad eum mulier: Domine, da mihi hanc aquam, ut non sitiam, neque veniam huc haurire.

15. \* *Domine, da mihi hanc aquam*, tam excellentem, \* *ut non sitiam, neque veniam huc haurire*: sitire enim molestum, huc venire laboriosum, ad quem laborem, inquit Aug. indigentia cogebat, & infirmitas recusabat.

16. Dicit ei Jesus: Vade, voca virum tuum, & veni huc.

16. \* *Dicit ei Jesus; Voca virum*, seu maritum tuum, \* *& veni*, hoc

hoc est, redi iterum, \* *huc*. Quod Cyrill. ei dictum putat propter ruditatem ejus, ut sit quædam increpatio mulieris. Quò tendit etiam Aug. explicatio, quamvis ipse mysticè per *Virum* intelligat mentem seu intellectum, qui instar viri regit partem sensitivam tamquam mulierem, ut sensus sit: Relictis sensibus adhibe, inquit, intellectum, per quem docearis. Valdè verisimile est, Christum duo spectasse in hisce verbis. Primum, ut, quia carebat viro, occasione revelationis rei secretæ perduceret eam ad agnoscendum, quisnam esset. Secundum, ut eam hoc artificio ad pœnitentiam impudicæ vitæ disposeret, sine qua nemo ad aquam illam accipiendam idoneus est.

17. \* *Respondit: Non habeo virum*, quia sciebat illegitimum virum non esse virum, cùm interim turpitudinem suam hâc ambidextrâ locutione dissimularet. Laudat Christus ingenuitatem veracis confessionis, dicens: \* *bene dixisti*. Sed mox supplet, quod illa celaverat, verum sensum ejus aperiendo.

17. Respondit mulier, & dixit: Non habeo virum. Dicit ei Jesus: Bene dixisti, quia non habeo virum:

18. \* *Quinque enim viros habuisti*, legitimos, unum post alterum, quæ communis est antiquorum & recentiorum explicatio. Nam qui eam tot simul viros habuisse putat Maldonatus, non potest rationem dare, cur peculiariter de præsentī dicat, \* *non est tuus: Hoc verè dixisti*, id est, hoc sensu verè dixisti, *non habeo virum*. Hinc ergo agnoscere à longè incipiens, quis esset, qui loqueretur secum, ait:

18. quinque enim viros habuisti, & nunc, quem habes, non est tuus vir: hoc verè dixisti.

19. \* *Domine, video quia Propheta es tu*, revelando mihi rem, tibi naturaliter occultam, cùm sis peregrinus. Prophetarum est enim non solum futura prædicere, sed & præsentia, si naturaliter arcana sunt: cujus exemplum est 4. Reg. 5. v. 26. Simul itaque mulier fatetur peccatum, & Christum agnoscit, saltem tamquam Prophetam, ut notat Rupertus, & ante illum Cyril. Itaque arreptâ hâc occasione, saltem proponit ei tamquam Prophetæ quæstionem tunc maximè controversam inter Samaritanos & Judæos, ut eam sibi enodaret.

19. Dicit ei mulier: Domine, video quia Propheta es tu.

20. \* *Patres nostri*, communes Judæorum & Samaritanorum scilicet Jacob & prisci Patriarchæ, \* *in monte hoc*, Garisim, qui proximus erat civitati Sichem, ut patet Judic. 9. v. 7. In cujus montis latere erat puteus Jacob, juxta quem Christus sedebat, teste Hier. ep. 27. \* *adoraverunt*, id est, sacrificare consueverunt, ut patet Gen. 33. v. 20. Nam ferè in montibus sacrificabant antiqui, ut ipso secretioris & altioris loci situ mens facilius in Deum sustolleretur. Unde toties dicuntur Judæi sacrificasse in excelsis: & ipsum templum in monte ædificatum fuit, & Christus in monte oblat. Subintelligit autem mulier Samaritanos Patrum suorum exemplum sequi ædificato scilicet etiam ibi templo: quamquam reverà illud ex æmulatione quadam ibi extructum fuerit, ut narrat Josephus.

20. Patres nostri in monte hoc adoraverunt, & vos dicitis, quia Jerosolymis est locus, ubi adorare oportet.



11. Antiquit. cap. ult. qui tamen lib. 13. cap. 17. tradit illud post annum ducentefimum sub Hircano Pontifice, aliquot annis ante natum Christum, fuisse desolatum. Unde rectè mulier mentionem facit, non templi, sed montis tantum. Nam, ut Tertull. 5. contra Marcionem, semper sibi placentes erant Samaritani de montibus & puteis Patrum. Unde Amos 6. v. 1. *Va qui confiditis in monte Samaria. \* Et vos Judæi, \* dicitis, quia Jerosolymis est locus, ubi adorare oportet*, id est, sacrificare. Nam juxta legem generaliter quidem adorari poterat extra Jerosolymam, non tamen prout hoc verbum significat illum peculiarem adorationis cultum per sacrificia, prout & sumitur Gen. 22. v. 5. *Ego & puer postquam adoraverimus*. Nam Lex Deutron. 12. v. 14. & 26. jubebat offerri sacrificia tantum in loco, quem elegerat Deus, qui antea fuerat locus tabernaculi. Sed cum tabernaculo successisset templum, Judæi interpretabantur eum locum esse Jerosolymam; Samaritani Garisim. Decisa fuerat aliquando ista antiqua controversia à Ptolomæo Philometore, Ægypti Rege, ad quem partes provocaverant, & sententia pro Judæis lata. Quae de re Josephus 13. Antiquit. cap. 6.

21. Dicit ei Jesus: Mulier crede mihi, quia venit hora, quando neque in monte hoc, neque in Jerosolymis adorabitis Patrem.

21. \* *Dicit Jesus: Mulier crede mihi*. Rem enim incredibilem tam Judæis quam Samaritanis prædicebat, quæ fide percipienda erat: \* *Quia venit hora*, id est, in propinquo tempus adest, \* *quando neque in monte hoc, neque in Jerosolymis adorabitis Patrem*, id est, neutri, imò nulli certo loco adstringemini. Non enim vult adorationem ab illis locis excludere, sed à locis determinatis absolvere: significans consequenter, totam illam quæstionem jamjam fore supervacaneam, eò quòd lex nova & cultus novus promulgandus esset, qui nec Jerosolymam, nec Garisim postulare. Mox tamen, quantum ad præsentem cultum, præfert Judæos Samaritanis.

22. Vos odoratis quod nescitis: nos adoramus quod scimus, quia salus ex Judæis est.

22. \* *Vos odoratis quod nescitis: quod inverso modo dici posset: Vos nescitis, quod odoratis*. Nam & cum Deo vero Deos Gentium colebant, ut est, 4. Reg. 17. v. 33. & proinde non Deum verum, qui non nisi unus est, colebant; & in loco rituque colendi aberrabant. Non enim ritu ex lege præscripto, sed humanitùs adinvento adorabant Deum, ut ibidem patet v. 34. Nos, Judæi, ex quorum persona loquitur \* *adoramus quod scimus*, Deum scilicet verum, loco divinitus præscripto, ritu legitimo \* *quia salus*, id est, Christus salutis author. \* *ex Judæis est*, quia Judæis seu tribui Judæ promissus & inde natus est. Quomodo exponit & S. Leo epist. 72. Cyrill. & alii. Datur itaque ratio, cur Judæi adorarent quod scirent, nempe quia indignum erat, ut Christus author salutis, humano generi nasceretur ex gente,

cui

cui non constaret Dei cognitio, & verus cultus ejus; ne alioqui & ipse putaretur vel magister vel discipulus erroris. Cum ergò hanc brevem sententiam interjecisset, perficit sensum v. 21. inchoatum.

23. \* *Sed venit hora, & nunc est* quia adventu Christi patefacto, Jam jam imminebat, \* *quando veri adoratores* (per quos omnium interpretum judicio, Christianos intelligit, quia verum Deum vero & per se desiderato cultu colent,) \* *adorabunt patrem*, id est, externo ritu etiam sacrificabunt Deo. Nam de vero sacrificio & loco ejus, Samaritana interrogaverat. Cum ergo Christus eodem verbo *Adorandi* utatur, justa & digna præscriptio est ut ad sensum interrogantis pertineat sensus respondentis, ut ait Tertull. 4. contra Marcionem c. 38. \* *In spiritu & veritate*. Quæ verba duobus modis legitime intelligi possunt. Primò, ut spiritus opponatur carni, & veritas figuris: & ita per utramque particulam, sacrificium novi Testamenti, totusque cultus Christianus opponetur Judaico. Primò, quia Judaicus, ut talis, seu ut veteris Testamenti, erat carnalis, consistens in ablutionibus & sacrificiis carnalibus, bonaque spectans carnalia. Nam si quid spiritus ei conjectum erat, hoc trahebat ex novo Testamento. Secundò omnia illa sacrificia erant typica, id est, figuræ rerum futurarum. Sacrificium verò Christianorum, quamvis etiam externum sit, præcipuè tamen spiritale est. Nam quòd ibi exterius apparet, minus præcipuum est: præcipuum verò, ex parte objecti, id est, quod fide creditur, seu Christus ipse, qui offertur; ex parte sacrificantis, sunt spirituales actus fidei & charitatis, & invisibilis consecratio, ut meritò dicatur cultus iste esse in Spiritu & veritate. Quo sensu hæc exponunt Cyrill. l. 2. c. 93. & Chrysost. & Euthymius in hunc locum. Alter exponendi modus est, quem etiam tradit D. Thom. in Joan. & Theophyl. ut adoratio in spiritu sit Christianorum, & opponatur cultui Judaico, qui, ut diximus, totus erat corporalis & carnalis: adoratio in veritate cultui Samaritano, qui multis falsitatibus & erroribus admixtus erat. Et ita neutro modo cultus externus seu sacrificium externum excluditur ab adoratione in spiritu & veritate sicut hæretici volunt. Nam etiam quod in sacrificio Christianorum externum est, non per se Deo placet, sed quatenus ab interna & spiritali, & vera pietate proficiscitur. Unde etiam de ipso sacrificio crucis dicit Apostolus ad Hebr. 9. v. 14. quòd per Spiritum Sanctum Christus seipsum obtulit immaculatum Deo. Pater ergò posse planè sacrificium esse externum, & tamen simul in spiritu. \* *Nam & Pater tales querit, qui adorant eum*, id est, nam Deus omnium Pater tales querit adoratores, qui scilicet in Spiritu & veritate eum adorent.

Quòd



Quòd si tales quærit, cur ergò, inquires, cultum Judaicum tam carnalem & umbraticum instituit? Cur bona tantum carnalia promisit? Respondetur, Rudi & carnali populo, & carnalibus bonis additissimo, ad tempus correptionis cultum illum aptavit, ut ad fidem Christi, verumque cultum, & vera à Deo expetenda erudiretur.

24. Spiritus est Deus: & eos, qui adorant eum, in spiritu & veritate oportet adorare.

24. \* *Spiritus est Deus*: Syrus addit causalem, *enim*, quæ subaudiri debet; datur enim ratio, cur tales adoratores Deus quærat, quia scilicet Deus est spiritus, purus, & incorporeus, & ideo, \* *eos, qui adorant eum, in spiritu & veritate oportet adorare*: ut ita sit proportio inter adorationem & adoratum, Deus enim cum spiritus sit, deletur hostiis spiritualibus, & veritas hostiis non typicis aut mendacibus, sed veris, quia tales hostiæ per se placent. Unde Tertull. lib. de orat. cap. 10. Debet esse oratio de tali spiritu missa, qualis est spiritus ad quem mittitur: neque enim agnosci poterit à Spiritu Sancto spiritus inquinatus, aut tristis à læto, aut impeditus à libero. Nemo adversarium recipit, nemo nisi comparem suum admittit.

25. Dicit ei mulier: Scio quia Messias venit (qui dicitur Christus) cum ergo venerit ille, nobis annuntiabit omnia.

25. \* *Dicit ei mulier*, cum verba non omnino assequetur, nec solutam quæstionem putaret: \* *Scio quia Messias venit*. Præsentis temporis est, pro venire debet, seu brevi venturus est, ut respiciat ad Christi verba v. 21. Nam Samaritani recipiebant Pentateuchum, ubi Christi adventus prophetatur & rumor tunc erat popularis de adventu Messiae. \* *Cum ergo venerit ille, nobis annuntiabit omnia* de loco & ritu adorationis, sopitâ omni inter nos contentione.

26. Dicit ei Jesus: Ego sum, qui loquor tecum.

26. \* *Dicit ei Jesus: Ego sum*, scilicet Messias, ego, inquam, \* *qui loquor tecum*: q. d. Oportet ergo te hæitationem tuam solvere, mihi-que docenti credere. Et his dictis,

27. Et continuo venerunt discipuli ejus: & mirabantur quia cum muliere loquebatur. Nemo tamen dixit: Quid quæris, aut quid loqueris cum ea?

27. \* *Continuo venerunt discipuli*, ex Sichar, emptis cibis, \* & *mirabantur*, tantam scilicet humanitatem, \* *quia cum muliere loquebatur*, Samaritanâ & tam objectâ, prout exponit Cyrillus & Chrysost. Unde & Aug. bonum mirabantur, non malum suspicabantur. Quamvis expositio Cypriani lib. de singularitate Clericorum, non inconcinna videatur, miratos fuisse, quòd non cum hac vel alia quapiam, sed sicuti verba sonant, *cum muliere loquebatur*, cum extranea & sine arbitris; hoc enim videtur fuisse ei insolitum. Cum ergo soleant admirantes causam rei quærere, \* *Nemo tamen dixit: Quid quæris*, ex illa, \* *aut quid loqueris cum ea*, eò quòd tantâ essent erga magistrum reverentiâ, ut non dubitarent rectè ab ipso fieri, quidquid fieret.

28. Reliquit ergo hydrium tuum mulier, & abiit in civitatem, & dicit illis hominibus:

28. \* *Reliquit ergo*, quia scilicet audiverat & crediderat eum esse Messiam, ut notat hic Aug. stupefacta igitur rei admiratione, & incensa

cenſa ardore fidei, \* *reliquit hydriam ſuam*, omni curâ rei familiaris abjectâ, \* *& abiit in civitatem*, ut Meſſiam, quem invenerat, aliis evangelizaret, ut Aug. In quo elucet exemplum hominis verè converſi, ac divinitùs inſpirati. Itaque dixit:

29. \* *Venite, & videte hominem, qui dixit mihi omnia, quacumque feci*, etiam occultiſſima. Quo modo loquendi uſa eſt, vel quia plura Chriſtus ei dixiſſet, quàm hic ſcripta ſint, vel quia dixerit ei id, quod in ejus vita præcipuum erat: unde nihil dubitabat, quin noſſet & reliqua. Ita præparat auditores ad fidem, inquit Cyrill. \* *Nunquid ipſe eſt Chriſtus?* Non dubitans, ſed dubitantis modo loquitur, ne de re tanta imperita & infamis præjudicare videretur, eoque vehementius traheret, quo minùs præ ſe ferebat hoc velle. Cum autem diſcipuli itinere, æſtu, jejunio fatigatum ad commedendum invitaffent.

32. \* *Dicit eis: Ego cibum habeo manducare*, id eſt, me oportet alium cibum manducare. Cujusmodi phraſi Græca dicitur & alibi, *Baptiſmo habeo baptizari*, pro, oportet me meo perfundi ſanguine. \* *Quem vos nescitis*, quæ verba cùm intelligerent de vulgari cibo, ſicut mulier de vulgari aqua, explicat eis Jeſus, non per circuitum ſicut mulieri, ſed apertè,

34. \* *Meus cibus*, quo ſcilicet mens mea inſtar cibi reſtitur, ſuſtentatur, delectatur: nam, ut Pſalm 18. *Judicia Dei deſiderabilia ſuper aurum & lapidem pretioſum multum, & dulciora ſuper mel & favum.* \* *Ut faciam voluntatem ejus, qui miſit me*, idque tantâ inſtantiâ, \* *ut perficiam* ſeu omni ex parte conſummem, \* *opus ejus*, ab eo mihi impoſitum. Hoc autem opus erat, hominum ſalutem procurare exemplo & merito, prædicatione & paſſione. Hic propriè de doctrina & prædicatione ſermo eſt. Nimirum docet exemplo ſuo, diſcipulos Magiſtros orbis futuros, & Paſtores ejus, ut hominum ſalutem proprii corporis commodis præferant, ut obſervat Cyrillus.

35. \* *Nonne vos dicitis, quod adhuc quatuor menſes ſunt, & meſſis venit?* id eſt, Nonne quatuor menſibus adhuc abeſt meſſis? q. d. maximè conſtat. Ex quo colligas, hæc dicta eſſe circa menſem Februarium, vel finem Januarii, cùm meſſis incideret in menſem circiter Maium, utpote inter Paſcha & Pentecoſten, ut patet Levit. 23. \* *Ecce dico vobis.* Correctio eſt, pro, *ſed ego dico vobis: \* levate oculos veſtros*, ſive mentis, ſive corporis: nam reſpicit partim ad Judæos, Legis & Prophetarum lectione præparatos ad fidem; partim ad propinquam Samaritanorum adventantium converſionem. \* *Et videte regiones, quia alba ſunt jam ad meſſem*, maturæ ſcilicet inſtar ſpicarum flavſcentium, quæ Evangelii prædicatione veluti falce demetantur, & in Eccleſiam

29. Venite, & videte hominem qui dixit mihi omnia quacumque feci: nunquid ipſe eſt Chriſtus?

30. Exierunt ergo de civitate, & veniebant ad eum.

31. Interè rogabant eum diſcipuli, dicentes: Rabbi, manduca.

32. Ille autem dicit eis: Ego cibum habeo manducare, quem vos nescitis.

33. Dicebant ergo diſcipuli ad invicem: Numquid aliquis attulit ei manducare?

34. Dicit ei Jeſus: Meus cibus eſt, ut faciam voluntatem ejus, qui miſit me, ut perficiam opus ejus,

35. Nonne vos dicitis, quòd adhuc quatuor menſes ſunt, & meſſis venit? Ecce dico vobis: Levate oculos veſtros, & videte regiones, quia alba ſunt jam ad meſſem,



transferantur : q. d. inquit Aug. Vos quatuor menses computatis ad messem usque , ego messem aliam albam , maturam , & paratam , vobis ostendo.

36. Et qui metit , mercedem accipit , & congregat fructum in vitam æternam : ut , & qui seminat , simul gaudeat , & qui metit.

36. \* *Et qui metit* , Prædicator scilicet Evangelii , ille non gratis laborat , sed \* *mercedem accipit* , id est , accipiet à Domino messis suo tempore , scilicet vitam æternam. Neque hoc tantum , sed \* *& congregat fructum* , quem demessuit , homines scilicet conversos ; idque non in horreum corporale , sed \* *in vitam æternam* , hoc est , duplici gaudio perfruetur , & essentiali & accidentali , quia salutem & suam lucrabitur , & aliorum , ut isto modo , \* *& qui seminat , simul gaudiat* , & *qui metit* , hoc est , & satores & messores. Satores autem sunt Moyse & Prophetæ , teste Aug. utpote qui gentem Judaicam præseminaverant & excoluerant.

37. In hoc enim est verbum verum : quia alius est qui seminat , & alius est qui metit.

37. \* *In hoc enim est verbum tuum* , id est , eatenus namque est verum illud tritum proverbium , quo vulgò dicitur , \* *alius est qui seminat* , & *alius est qui metit* , ad significandum , alium laborasse & alium ejus laboribus frui. Accomodat enim illud Christus ad Prophetas , & ad Apostolos sequenti versu : videlicet quia

38. Ego misi vos metere quod vos non laborastis : quia alii laboraverunt & vos in labores eorum introistis.

38. \* *Ego misi vos metere* , in Judæa ; dixerat enim jam eis , *Ite ad oves , quæ petierunt , domus Israel* : \* *quod vos non laborastis* : quod exponit , quia \* *alii laboraverunt* , Moyse , Patriarchæ , & Prophetæ , quia præfiguraverunt fidem nostram , & disseminaverunt in terra adventum Filii Dei , ut Aug. & Iren. l. 4. c. 40. rudemque populum ad aliquam disciplinam redegerunt , in quo maximus labor fuit : \* *Et vos in labores eorum introistis* , id est , quòd illorum labore creverat , messuistis : in quo minus laboris , plus voluptatis , ut Chrysost. Nam ille cultus prævius Legis & Prophetarum causa fuit , ut eunuchus ille Actor. 8. facillimè in curru Philippo crederet , & juxta Iren. & Aug. ut subito tot millia Judæorum res omnes suas venditas ad pedes Apostolorum posuerint , quod in Gentibus non fiebat. Unde Iren. ibidem c. 41. notat , ideo Paulum dicere , *plus omnibus laboravi* , quia in Gentibus prædicavit , indisciplinatis , rudissimis , vaticinia Prophetarum & Scripturas ignorantibus , quibus in prædicando juvari potuissent.

39. Ex civitate autem illa multi crediderunt in eum Samaritanorum , propter verbum mulieris testimonium perhibentis : quia dixit mihi omnia quæcumque feci.

39. \* *Ex civitate ista multi crediderunt propter verbum mulieris* , &c. Cui verisimile est addidisse mulierem , quod se dixisset Christum esse. Nam alioqui ex secretorum revelatione tantum sequebatur Prophetam esse. Cum verò postea plures credidissent , dixerunt mulieri : 42. \* *Quia jam non propter tuam loquelam credimus* , id est , non propter illam tantum. Non enim significant se fidem priorem abjecisse ,

40. Cum venissent ergo ad illam Samaritanam rogaverunt eum ut ibi maneret. Et mansit ibi duos dies.

41. Et multo plures crediderunt in eum propter sermonem ejus.

42. Et mulieri dicebant : Quia jam non propter tuam loquelam credimus : ipsi enim audivimus , & scimus , quia hic est verus saluator mundi ,

tiſſe, ſed auxiſſe; tacita quippe latet in verbis comparatio. \* *Ipsi enim* 43. Poſt duos  
*audivimus*, ex ore ejus, ſcilicet id, quod ſequitur: & ideo etiam in  
 dubitanter credendo, \* *ſcimus, quia hic eſt vere ſalvator*, non Iſraëls  
 tantum, ſed mundi totius. Credendo autem Salvatorem mundi, con-  
 ſequenter credebant mundum indigere ſalvatione, & proinde peccato  
 perditum eſſe.

44. \* *Post duos dies exiit inde*, ex Sichar Samaritanorum, \* & *abiit* 44. Ipſe enim  
*in Galilaam*, perambulaturus ſcilicet provinciam reliquam, præteritâ  
 patriâ ſuâ Nazareth, quamvis eſſet in Galilæa. Nam illius ratio ſub-  
 jungitur: \* *quia Propheta in Patria ſua honorem non habet*: de quo dixi-  
 mus Matth. 13. v. 57.

46. \* *Et erat quidam Regulus*, Græcè nunc eſt βασιλεύς, *Regius*, Regii  
 generis vel dignitatis, ut vult Chryſoſt. vel potius de aula Regia, ſci-  
 licet Herodis, q. d. quidam Aulicus, vel Palatinus, ut Hieron. in v. i.  
 c. 65. Iſaiæ. Noſter videtur legiſſe βασιλικός, id eſt, *Regulus*: nam  
 inter Regulum & Regium Græcè non eſt differentia, niſi unius lit-  
 teræ. Senſus enim in idem redit, fuiſſe ſcilicet Præfectum aliquem  
 Regium ſub Herode Antipa, qui ſubinde Rex, ſubinde Tetrarcha  
 Galilææ dicitur. Hic ergo famâ excitatus,

47. \* *Abiit ad eum*, in occurſum ejus jam adventantis circa fines  
 Galilææ; \* & *rogabat eum, ut descenderet, & ſanaret, &c. incipiebat*  
*enim mori*. Nam putabat Dominum arte curare: ars verò poſtulat  
 medici præſentiam ad explorandum ægroti ſtatum, idque antequam  
 moriatur; nam poſt mortem, nullum artis remedium. Unde & v. 49.  
 urget, ut feſtinet, antequam moreretur. Tales erant & illi, qui Marci  
 5. v. 35. dicebant Archiſynagogo: *Filia tua mortua eſt, quid ultra ve-*  
*nas Magiſtrum?* id eſt, artificem ſeu medicum.

48. \* *Dixit ergo Jeſus: Nifi ſigna & prodigia videritis, non creditis*.  
 Quibus verbis reprehendit vel incredulitatem Reguli, vel imperfe-  
 ctionem fidei ejus, quam verbis ſuis expreſſerat: tacitè opponens eum,  
 cæterosque Judæos Samaritanis, qui tam facilè nullis viſis prodigiis  
 aut ſignis, crediderant. Nam duritiæ Judaicæ proprium fuit, ſigna  
 petere, teſte Apoſtolo, 1. ad Corinth. 1. v. 22. *Quoniam & Judæi ſigna*  
*petunt. Signa autem & Prodigia in Scripturis ferè pro iſdem uſurpantur.*

50. \* *Dicit ei Jeſus: Vade*, id eſt, nihil opus eſt, ut ſcendam ego  
 tecum, \* *quia filius tuus vivit*, id eſt, ſanus & incolumis eſt, depulſo  
 mortis & periculo & initio. Itaque idem ſermo Chriſti, erat & pro-  
 phetia dere abſente, & imperium ſanitatis. Erat enim propoſitio ope-  
 ratoria, efficiens id, quod enuntiat, qualis eſt illa, *Hoc eſt corpus meum*.  
 Nam utraque designat rem in factum eſſe, quæ præſupponit fieri. \* *Cre-*

43. Poſt duos  
 autem dies exiit  
 inde: & abiit in  
 Galilaam.

44. Ipſe enim  
 Jeſus testimoni-  
 um perhibuit,  
 quia Propheta in  
 ſua patria hono-  
 rem non habet.

45. Cum ergo  
 veniſſet in Gali-  
 laam, excepe-  
 runt eum Gali-  
 læi, cum omnia  
 vidiffent quæ fe-  
 cerat Jerofoly-  
 mis in die feſto:  
 & ipſi enim ve-  
 nerant ad diem  
 feſtum.

46. Venit ergo  
 iterum in Cana  
 Galilææ, ubi fe-  
 cit aquam vi-  
 num. Et erat qui-  
 dam regulus,  
 cujus filius inſir-  
 mabatur Caphar-  
 naum.

47. Hic cum at-  
 diſſet quia Jeſus  
 adveniret à Ju-  
 dæa in Galilæam,  
 abiit ad eum, &  
 rogabat eum ut  
 deſcenderet, &  
 ſanaret filium  
 ejus: incipiebat  
 enim mori.

48. Dixit ergo  
 Jeſus ad eum:  
 Nifi ſigna & pro-  
 digia videritis,  
 non credetis.

49. Dicit ad eum  
 regulus: Domine  
 deſcende prius  
 quam moriatur  
 filius meus.

50. Dicit ei Je-  
 ſus: Vade filius  
 tuus vivit. Cre-  
 didit homo ſer-  
 moni, quem di-  
 xit ei Jeſus, &  
 ibat.

51. Jam autem  
 eo deſcendente,  
 ſervi occurrerunt  
 ei, & nuntia-  
 verunt ei, quod  
 filius ejus vi-  
 vit.



runt; dicentes,  
quia filius ejus  
viveret.

52. Interroga-  
bat ergo horam  
ab eis, in qua  
melius habuerit.  
Et dixerunt ei:  
Quia heri horâ  
septimâ reliquit  
eum febris.

53. Cognovit  
ergo pater, quia  
illa hora erat, in  
qua dixit ei Je-  
sus: Filius tuus  
vivit: & credidit  
ipse, & domus  
ejus tota.

54. Hoc iterum  
secundum sig-  
num fecit Jesus,  
cum venisset ad  
Judæa in Gali-  
læam,

didit homo, non dicit in Jesum, sed \* *sermoni, quem dixit ei Jesus*, illum  
scilicet esse verum, quod viveret filius, quocumque modo hoc con-  
tigisset, sive naturaliter Christo rem revelante, sive supernaturaliter  
iplo faciente. Sed postea, cum intellexisset, quod eâdem horâ febris  
eum reliquisset, quâ Christus hoc dixerat, videlicet horâ septimâ,  
quæ est hora prima post meridiem.

53. \* *Credidit ipse*, videlicet absolutè Jesum esse Christum Filium  
Dei. Hoc enim est totius fidei principium ac fundamentum, dicente  
Evangelistâ cap. 20. v. ult. *Hæc scripta sunt, ut credatis, quia Jesus est  
Christus Filius Dei.*

54. \* *Hoc iterum secundum signum fecit Jesus, cum venisset, &c.* Hy-  
perbaton est: nam illud iterum non est jungendum cum *secundum*,  
sed cum, *venisset*, hoc sensu: *Hoc secundum signum fecit, cum iterum*,  
secundâ vice, *venisset in Galilæam*. Nam primò in Galilæam veniens,  
mutaverat aquam in vinum, idque in Cana: nunc secundò veniens,  
fecit secundum miraculum, sanans Reguli filium, idque in eadem  
Cana Galilææ, prout colligitur ex v. 46. prout etiam sentire videtur  
Aug. lib. 4. de consensu c. 10.

## C A P U T Q U I N T U M.

1. Post hæc erat  
dies festus Ju-  
dæorum, & as-  
cendit Jesus Je-  
rosolymam.

2. Est autem Je-  
rosolymis Proba-  
tica piscina, quæ  
cognominatur  
Hebraicè Beth-  
saida, quinque  
porticus habens.

3. In his jacebat  
multitudo mag-  
na languentium,  
cæcorum, clau-  
dorum, arido-  
rum, expectan-  
tium aquæ mo-  
tum.

1. \* *Post hæc erat dies festus Judæorum*, Pascha scilicet, ut sentit Iren.  
1. 2. c. 39. idque secundum à Baptismo Christi quamvis Chry-  
sost. & Cyril. putent fuisse Pentecosten: \* *& ascendit Jesus Jerosolymam*,  
juxta Legem, idque secundâ vice post baptismum, ut idem Irenæus.

2. \* *Est autem Jerosolymis Probativa piscina*, quasi diceret, pecua-  
ria piscina, sive quòd ad portam pecoris seu gregis esset sita, de qua  
mentio est 2. Esdræ 3. v. 1. sive quòd lavandis pecoribus & hostiis  
serviret, ut vult Hieron. de locis Hebraicis. *Piscina* autem propriè  
est lacus pisces continens, quod Vivarium dicimus, sed transfertur ad  
amplas congregationes aquarum, etsi piscibus careant, sive serviant  
natationi, sive aliis usibus. Unde Græcè est hîc *κολυβήδρα*, *Lavacrum*,  
seu *Natatoria*, ut vertitur c. 9. v. 7. \* *Quæ cognominatur Hebraicè*, id est,  
illo idiomate, quo tunc Hebræi utebantur, quod erat Syro-chaldaï-  
cum, \* *Bethsaida*, quod significat *domum piscationis*, ut ita cum *pis-  
cina* conveniat. Sed Græcè legitur *Βηθεσδα*, *Bethesda*, quod ab Hieron.  
& Interprete Arabe exponitur, *domus misericordiae*, sicut & Hebraicè  
sonat, propter misericordiam scilicet Dei, sanantis ægros in ista pis-  
cina. \* *Quinque porticus habens*, in circuitu suo, quæ ambulandi causâ  
extra pluviam ædificari solent. Serviebant autem ad recipiendos  
ægros, qui sanitatis causâ illic expectabant, sicut patet ex v. 3.

4. \* *Angelus autem Domini descendebat secundum tempus*, Deo cognitum, hominibus incertum. Nulla enim fuisset causa ibi continuo hærendi in porticu, si certis temporibus, sive Pentecostes, ut Cyrill. sive in Kalendis, sive aliis festis determinatis, Angelus in piscinam descendisset: \* *& movebatur aqua*, Græcè ἐκτάρασε τὸ ὕδωρ, turbabat aquam Angelus strepitu scilicet excitato, ut esset signum, Angelum descendisse, quod notat Cyrill. & Ambros. lib. de iis qui initiantur c. 4. Ex quo etiam intelligi datur, virtutem illam sanandi divinitus aquis inditam fuisse, cum Angelus movebat aquam. Nihil enim pertinet ad naturalem vim sanandi, & quidem quamcumque infirmitatem, aquæ motus, & ab Angelo factus. Similiter si tanta vis fluxisset ab hostiis in piscina lotis, vel à ligno, unde crux fabricata est, in piscinæ fundo posita, ut aliqui fabulantur; fuisset perpetua, nec opus fuisset aquæ motu. \* *Et qui prior descendisset in piscinam*, &c. tamquam diligentior. Quo innuit, quòd si postea quis venisset, non sanaretur, ut August. notat. Et hoc virtutis non naturalis, sed inditæ à Deo signum: qui ipsâ beneficii raritate voluit illud reddere commendatius, tamquam verè miraculosum.

5. \* *Erat autem quidam homo triginta & octo annos habens in infirmitate sua*, & proinde infirmitatis incurabilis, ac desperatæ. Non tamen significatur eum tam diu in porticibus jacuisse. Paralyticum fuisse suadet v. 7. & 8. Hunc ergò rogavit Jesus:

6. \* *Vis sanus fieri?* Non quasi hoc dubitari posset, sed ut excitaret eum in actuale desiderium, & spem sanitatis, & ita attentus fieret ad miraculum, & miraculi authorem. Nam hoc dicendo tacitè insinuabat, se in sua potestate habere aliquem sanandi modum. Unde similiter æger exponendo miseriam suam, \* *hominem non habeo*, &c. tacitè invocabat opem Christi. Quapropter dicit ei:

8. \* *Surge*, Ita imperat, ut vires conferat. Non enim operis imperium tantum fuit, sed operatio sanitatis, inquit Aug. unde statim effectus secutus est. Et quia sabbati dies erat, dicebant ei Judæi:

10. \* *Non licet tibi tollere grabatum tuum*, id est, ferre lectum, quo ferebaris, quia videbatur contra Legem, Jerem. 17. v. 21. *Nolite portare pondera in die sabbati*. Quod & Nehemias 2. Esdræ 13. v. 15, se prohibuisse testatur. Cum autem rectè monere viderentur,

11. \* *Respondit eis: Qui me sanum fecit, ille mihi dixit*, &c. id est, non spontè feci, sed illius mandato cessi, cui tam pertinax morbus momento cesserat: q. d. religioni sibi fuisse, præcepto tantæ virtutis non obedire, & grabati portatione mirabile Dei opus in se ostendere, non tam violando quam sacrando sabbatum.

4. Angelus autem Domini descendebat secundum tempus in piscinam: & movebatur aqua. Et qui prior descendisset in piscinam post motionem aquæ, sanus fiebat à quacumque infirmitate.

5. Erat autem quidam homo ibi triginta & octo annos habens in infirmitate sua.

6. Hunc cum vidisset Jesus jacentem; & cognovisset quia jam multum tempus haberet, dicit ei: Vis sanus fieri?

7. Respondit ei languidus: Domine, hominem non habeo, ut cum turbata fuerit aqua, mittar me in piscinam: dum venio enim, ego, alius autem me descendit.

8. Dicit ei Jesus: Surge, tolle grabatum tuum, & ambula.

9. Et statim sanus factus est homo ille: & sustulit grabatum suum, & ambulabat. Erat autem sabbatum in die illo.

10. Dicebant ergo Judæi illi qui sanatus fuerat: Sabbatum est non licet tibi tollere grabatum tuum.

11. Respondit eis: Qui me sanum fecit, ille mihi dixit: Tolle grabatum tuum, & ambula.



12. Interroga-  
verunt ergo eum  
quis est ille ho-  
mo, qui dixit tibi:  
Tolle grabatum  
tuum, & ambu-  
la?

12. Illi verò repleti insipientiâ, \* *interrogaverunt eum*, non quis eum sanum fecisset: nam ex hoc intellexerunt eum esse, qui fecit sabbatum, & proinde dispensare posse in Lege sabbati: sed \* *quis est ille homo?* tantæ scilicet præsumptionis, ut non obstante Lege, \* *dixerit tibi: Tolle grabatum, &c.* Tam scilicet superstitiosè addicti erant externæ cæremoniæ, ut nullo casu observationem ejus prætermitti posse crederent, zelo quodam Legis, sed non secundum scientiam.

13. Is autem qui  
sanus fuerat effe-  
ctus, nesciebat  
quis esset, Jesus  
enim declinavit  
à turba constitui-  
ta in loco.

13. \* *Is autem, &c. nesciebat quis esset*, ut quem neque nomine sciret, nec ante vidisset, neque monstrare præsentem posset. \* *Jesus enim declinavit à turba constituta in loco*, propè sanatum: idque ne præsentia suâ vel laudem popularem quærere videretur, vel iram invidiorum magis exasperaret, prout notat illud quidem Ambr. hoc verò Cyrill.

14. Postea in-  
venit eum Jesus  
in templo, & di-  
xit illi: Ecce sa-  
nus factus es:  
jam noli peccare  
ne deterius tibi  
aliquid contin-  
gat.

14. \* *Postea, cum jam & miraculi rumor, & Judæorum tumor defecisset, invenit eum Jesus in templo*, gratias videlicet agentem Deo, pro præstito beneficio, \* *& dixit illi: Ecce sanus factus es, jam noli peccare*, Græcè *μὴ πᾶσι μαρτυρᾶν*, ne amplius pecces. Quibus verbis significat, & se conscium esse vitæ ipsius præteritæ, & propter ejus peccata morbum accidisse, ut Aug. lib. de fide & operibus c. 20. \* *ne deterius tibi aliquid contingat*. Peccata enim iterata propter ingrati-  
tudinem, majorem poenam accerfunt. Itaque tum beneficii accepti memoriâ, tum futurorum malorum metu eum in sanitate confirmat.

15. Abiit ille  
homo, & nuntia-  
vit Judæis, quia  
Jesus esset, qui  
fecit eum sanum.

15. \* *Abiit ille homo, & nuntiavit Judæis, quia Jesus esset, quo nomine jam palam innotuerat, qui fecit eum sanum*. Dixit autem hoc non ut proderet, sed ut benefactorem gratus divulgaret.

16. Propterea  
perlequebantur  
Judæi Jesum,  
quia hæc faciebat  
in sabbato.

16. \* *Propterea, id est, propter hunc prætextum soluti sabbati, perlequebantur eum, ad mortem, ut patet ex v. 8. Vera autem causa erat invidia.*

17. Jesus autem  
respondit eis:  
Pater meus usque  
modo operatur,  
& ego operor.

17. \* *Jesus autem respondit: Pater meus usque modo operatur, id est, à mundo condito adhuc usque diem, nullo sabbati discrimine, operatur*. Continuationem enim quamdam ostendit operis ejus, quo universam creaturam continet & administrat, inquit Aug. l. 4. de Genes. c. 12. Itaque tacitè indicat, eos non intelligere, quomodo Deus dicatur requievissè die sabbati: nempe sic, ut jam novam naturam ulterius nullam conderet, non autem ut, quod condiderat, continere & gubernare cessaret. \* *Et ego operor*. Utrobique supplenda est vocabula similitudinis: q. d. *Sicut Pater meus usque modo operatur, ita & ego operor*, id est, usque modò disponens ac regens cum eo cuncta, nullâ sabbati ratione habitâ. Ex quo intelligendum relinquit, se Deum esse, & authorem sabbati, & nihil mirandum, si etiam hoc unum opus

opus in sabbato fecisset, & grabatum portare in sabbato jussisset. Hinc ergo magis exacerbat,

18. \* *Magis querebant eum Judai*, seu Principes Judæorum, \* *interficere*: *Quia non solum solvebat sabbatum*, juxta eorum opinionem, \* *sed & Patrem suum dicebat Deum*, longè scilicet alio modo, inquit Aug. quàm homines, qui etiam Patrem Deum invocabant inter Iudæos. Naturâ igitur, non adoptione intelligebant ab eo dici Patrem suum Deum: \* *æqualem se faciens Deo*, id est, quandoquidem æqualem se faciebat Deo. Quia significatur eos inde collegisse, quod Patrem suum naturalem, Deum diceret, quia æquabat se Deo, non verbo scilicet solo, sed operibus asserendo sibi perpetuam administrandi mundi potestatem eandem cum Patre, prout observat Chrysost. Nam ista verba, & *ego operor*, indicant & personarum distinctionem, & earum æqualitatem in autoritate & operatione.

18 Propter eam ergo magis querebant eum Judai interficere: quia non solum solvebat sabbatum, sed & patrem suum dicebat Deum, æqualem se faciens Deo. Respondit itaque Jesus, & dixit eis:

19. \* *Respondit itaque Jesus*, uberiùs declaraturus verba, quibus offensus fuerant: \* *Non potest Filius à se facere quidquam, nisi quod viderit Patrem facientem*, id est, Filius nihil omninò à se ipso potest facere sed hoc tantummodò, quod videt Patrem, non fecisse sed facere: ita significans se Filium Dei accipere à Patre, quemadmodum naturam, ita etiam scientiam faciendi, non aliud quippiam, sed idem omninò numero opus, quod facit Pater. Ut proinde non indicetur hic imitatio, sed simultanea utriusque operatio: atque ita consequenter intelligant se accusari non debere de sabbato violato, nisi & Pater accusetur, inquit Cyrill. q.d. Ego numquam curassem paralyticum istum in sabbato, nisi vidissem hoc Patrem facere: \* *Quæcumque enim ille fecerit*, circa creaturas, \* *hæc & Filius similiter facit*, id est, non alia, sed hæceadem numero, non dissimiliter, sed similiter facit, ut, inquit Aug. proinde pari majestate, potentiâ, scientiâ, autoritate. Nec illa verba, *Non potest Filius*, inferunt imbecillitatem in Filio, quia similiter Pater facere non potest sine Filio. Unde istud, *Non posse*, quando tribuitur Deo, est naturalis perfectionis atque virtutis, à qua recedere non magis potest, quàm à natura sua, juxta illud Apostoli. *Negare se ipsum non potest*. Unde Aug. contra sermonem Arianorum c. 14. Non deficienter Filius non potest, sed potenter, non enim deficientis est, sed in eo, quod de Patre natus est, permanentis.

19. Amen, amen dico vobis: non potest Filius à se facere quidquam, nisi quod viderit Patrem facientem: quæcumque enim ille fecerit, hæc & Filius similiter facit.

20. \* *Pater enim diligit Filium*, amore infinito, quantum diligit potest, ac proinde vult ei omne bonum, & consequenter \* *omnia demonstrat ei, quæ ipse facit*, id est, communicat ei omnem scientiam faciendi quidquid ipsemet facit. Illud enim *demonstrare Patris*, est generare ipsius, & ipsum *videre Filii*, est nasci, quia nascendo videt, in-

20. Pater enim diligit Filium, & omnia demonstrat ei, quæ ipse facit: & majora his demonstrabit ei opera, ut vos miremini.

quit.



quit Aug. tract. 21. Nam ipsa visio est Filius, & ipsa scientia & sapientia Patris est Filius: \* *& major his*, scilicet sanatione paralytici, \* *demonstrabit ei opera*. Non quali antea non demonstrasset, sed humano more per futurum loquitur, quia de futuro opere sermo est. Et reverà, quia demonstratio illa æterna est, non minùs futurum, quàm præsens & præteritum de illa enuntiari potest. Sicut enim semper Pater Filium generat, & generavit, & generabit, & Filius semper nascitur, natus, ac nasciturus est; ita Pater Filio semper demonstrat, demonstravit, ac demonstrabit. \* *Ut vos miremini*, etiam increduli & refractarii, ut patet infrà c. 9. v. 32. & c. 11. v. 48. Explicans autem, quænam sint illa opera majora, addit:

21. Sicut enim Pater suscitavit mortuos, & vivificat: sic & Filius, quos vult, vivificat.

21. \* *Sicut enim Pater suscitavit mortuos, & vivificat*, id est, sicut Pater potestatem habet suscitandi, & vitæ restituendi; tempus enim Præsens, quo utitur, perpetuitatem quamdam significat: \* *Sic & Filius vivificat*, seu potestatem habet revocandi ad vitam, \* *quos vult*. Quo significatur æqualitas, non tantum potestatis, sed etiam libertatis, ne Filius non putetur suâ electione, sed alienâ, velut minister Patris demonstrantis, operari, ut August. eisdem enim vivificat Pater & Filius eâdem potestate, eâdem voluntate.

22. Neque enim Pater judicat quemquam; sed omne iudicium dedit Filio,

22. \* *Neque enim Pater judicat quemquam*. Videtur esse alia probatio v. 20. majorum scilicet operum, quæ Pater Filio demonstrabit, ex quibus appareat esse Deus, nempè quia cum iudicium orbis terrarum in æquitate sit maximè proprium Deo, tamen \* *Pater non judicat*, seu iudicabit; \* *quemquam*, per suæ præsentiæ manifestationem; \* *sed omne iudicium dedit Filio*, ut tamquam Iudex omnibus appareat, & iudicium secundum visibilem Iudicis maiestatem, & exteriorem iudicii formam exerceat. Non tamen propterea desinet tam Pater, quam Spiritus Sanctus, occulto secundum divinitatem iudicio unâ cum Filio, & per adventum Filii hominis iudicare, ut Aug. 20. de Civit. c. 30. & lib. 1. de Trinit. c. 13. Ubi sic explicat, quasi dixisset: Patrem nemo videbit in iudicio, sed omnes Filium.

23. ut omnes honorificent Filium, sicut honorificant Patrem; qui non honorificat Filium non honorificat Patrem, qui misit illum.

23. \* *Ut omnes honorificent Filium*, carne vestitum; \* *sicut honorificant Patrem*, æquali scilicet honore ac veneratione, ut qui tunc Patri apparebit æqualis. Cum enim Iudici honor debeat, dies etiam iudicii in Scripturis celebratur, ut dies gloriæ & maiestatis Jesu. \* *Qui non honorificat Filium, non honorificat Patrem*, quia ut eadem natura & maiestas utriusque, ita & honor esse debet. Unde in primis contumelia Filii cadit in Patrem, \* *qui misit illum*, non ut servum, sed ut Filium suum, per quem honoratur ab hominibus. Itaque tacitè perstringit Judæos, à quibus contumeliosè tractabatur Filius, cujus Patrem ho-

morare videbantur. Mox autem adjicit, quis fructus sequatur eos, qui utrumque honorificaverint.

24. \* *Qui verbum meum audit*, fide excipiendo, & moribus obediendo doctrinæ meæ; hoc est enim verè audire, obedire: \* *& credit ei, qui misit me*, tamquam Filium suum, per quem homines doceri voluit (Filio autem docenti credi non potest, nisi simul credatur Patri, qui eum semisississe testatus est: ) \* *habet vitam æternam*, id est, eam suo tempore certissimè habiturus est. Quod per antithesin Hebræis familiarem declaratur: \* *& in judicium non venit*, id est, in damnationem non incidit, inquit Aug. Unde ipse legit, *non veniet*. De qua sententia vide suprà c. 3. v. 18. \* *sed transit à morte ad vitam*. Quod Præteritum similiter multi pro Futuro positum esse volunt propter rei certitudinem: atque ita erit repetitio sententiæ præcedentis, & mors intelligetur æterna in pænis, eò quòd nulla major & pejor sit mors, quàm ubi non moritur mors, ut Aug. 1. 6. de Civit. cap. 12. In commentario tamen hujus loci intelligit transitum à morte infidelitatis ad vitam justitiæ fidei. Et sic dabitur ratio, cur in judicium seu damnationem non sit venturus, quia scilicet hîc fide justificatus fuit. Itaque consequenter addit:

25. \* *Amen amen dico vobis, quia venit hora, & nunc est*. Quo indicat se de præsentis tempore loqui. Unde id, quod sequitur, \* *quando mortui*, Chrysost. cum suis exponit de mortuis, quos Christus paulò post in vitam revocavit ante passionem; Aug. verò de mortuis spiritu, qui \* *audient vocem Filii Dei*, per gratiam intùs loquentis ad cor; \* *& qui audierunt, vivent*. Non addit, *si voluerint*, sed absolutè, *vivent*, quia vox illa infallibiliter frangit duritiam cordis, & facit vivere. Idèò quippe se audiri facit, ut duritia cordis primitùs auferatur:

26. \* *Sicut enim Pater habet vitam in semetipso*, ita scilicet ut vivere suum in illo sit, & non aliunde participatum à vita, quæ non sit ipse: sed ita eam habet in semetipso, ut ipsa vita sibi sit ipse, inquit Aug. tract. 19. \* *Sic dedit & Filio*, per æternam generationem, \* *habere vitam in semetipso*: non ut participando habeat vitam, sicut lucerna habet lucem, & anima sapientiam; sed sic, ut ipse sit ipsa vita. Quasi proinde diceret, inquit Aug. ibid. Pater genuit Filium, qui nascendo vita est, sicut Pater est vita gignendo.

27. \* *Et potestatem*, seu authoritatem, \* *dedit ei*, tamquam Filio hominis, \* *judicium*, generale & novissimum, visibili formâ, \* *facere* idque idèò, \* *quia Filius hominis est*, id est, quia præterquam quod idem Deus, simul tamen etiam homo est. Nam, ut Aug. rectum est, ut judi-

24. Amen, amen dico vobis, qui audit, & credit ei qui misit me, habet vitam æternam, & in judicium non venit, sed transit à morte in vitam.

25. Amen, amen dico vobis, quia venit hora, & nunc est, quando mortui audient vocem Filii Dei: & qui audierint, vivent.

26. Sicut enim Pater habet vitam in semetipso sic dedit & Filio habere vitam in semetipso:

27. & potestatem dedit ei judicium facere, quia Filius hominis est.



candi suum judicem videant. Et quia judicandi sunt boni & mali, forma servi videbitur à bonis & malis, forma Dei solis servabitur bonis.

8. Nolite mirari hoc, quia venit hora, in qua omnes, qui in monumentis sunt, audient vocem Filii Dei:

28. \* Nolite mirari hoc, tamquam videlicet incredibile esset id, quod de spirituali vivificatione, & judicandi potestate dixi, *\* quia venit, id est, adventat, \* hora.* Non addit, *& nunc est*, sicuti antea dixerat, quia loquitur hîc de resurrectione novissima, quæ in fine sæculi futura est, ut notat Aug. *\* in qua omnes*, tam justi quam injusti, *\* qui in monumentis sunt.* Quod non potest intelligi de mortuis tantum spiritu, sicut v. 25 sed de mortuis carne, ut intelligit Aug. Nam, ut Tertull. de resurrect. c. 37. Monumenta nihil aliud, quam cadaverum sunt stabula. A majori autem parte intelligit omnes, etiamsi monumentis caruerint. *\* Audient vocem Filii Dei*, id est, sentient vim & effectum vocis, quæ jussu Filii Dei per Archangelum ad mortuos fiet. Quam vocem Apostolus, *novissimam tubam*, vocat, & aliquod evidentissimum ac præclarissimum adventus Dominici signum esse, alibi ex Aug. diximus.

29. & procedent qui bona fecerunt, in resurrectionem vitam; qui vero mala egerunt, in resurrectionem judicii.

29. \* Et procedent, de abditis suis receptaculis, in quibus mortuorum tam corpora quam animæ delituerunt, *\* qui bona fecerunt in resurrectionem vite*, id est, quam vita æterna comitabitur, *\* qui vero mala in resurrectionem judicii*, id est, damnationis. Ut autem ostenderet judicium illud novissimum justum futurum, addit:

30. Non possum ego à meipso facere quidquam. Sicut audio, judico: & judicium meum justum est quia non quero voluntatem meam, sed voluntatem ejus, qui misit me.

30. \* Non possum ego, sive ut Filius hominis, sive ut Filius Dei: *\* à me ipso facere quidquam*, quod non acceperim à Patre, & quod Pater per me non faciat, ne quidem ipsum judicare alios. Sed *\* sicut audio*, à Patre esse judicandum, *\* sic judico*, seu judicabo, & non aliter. Nam ut Deus, non minus sapientiam quam naturam à Deo accepit, cui etiam ut homo voluntatem suam conformem facit. Et propterea *\* judicium meum justum est*, perinde ac si Pater ipse illud pronuntiaret, *\* quia non quero voluntatem meam*; quæ scilicet mihi propria sit, & à voluntate Patris aliena, *\* sed voluntatem ejus qui misit me*: quam tamquam regulam in omnibus sequor, inquit Cyrill. adeoque voluntas illius etiam mea est. Et quia tam magnifica de seipso prædicando, fidem sibi derogare videbatur, præoccupat objectionem,

31. Si ego testimonium perhibeo de meipso, sim, sine aliis argumentis, testimonium meum non est verum.

31. \* Si ergo testimonium perhibeo de me ipso, quis, qualis, & quantus sim, sine aliis argumentis, *\* testimonium meum non est verum*, juxta humanum censendi modum, id est, non idoneum, non legitimum, aut fide dignum, quia nemo in causa propria idoneus testis est, ut exponit Athanas. contra Sabellii gregales: non enim, inquit, fide dignum videtur, neque recepti moris est, ut homo de seipso testimonium perhibeat

32. \* Alius

32. \* *Alius est, qui testimonium perhibet de me*, inter homines, scilicet Joannes Baptista; de cælo verò Deus Pater. Unde utriusque testimonium statim distinctè profert. \* *Et scio*, etiam citra illorum testificationem, \* *quia verum est*, &c.

33. \* *Vos*, proceres Judæorum, ultrò \* *misistis ad Joannem*, tamquam dignum arbitrati, cui fides adhiberetur : \* *& testimonium perhibuit veritati*, id est, non amicitie, non gratie datum, sed ab ipsa veritate expressum, etiam postpositâ propriâ gloriâ, dum & negavit se esse Christum, & asseruit de me, *Ecce Agnus Dei &c.* itemque, *Hic est Filius Dei*, Joan. 1. v. 34.

34. \* *Ego autem non ab homine*, quantumcumque magno, \* *testimonium accipio*, quasi illius indigerem. Quo tacitè significat, se super homines esse Deum, qui seipsum non solum ipsâ suâ veritate, sed etiam signis ac miraculis prodere possit. \* *Sed hæc dico*, de Joannis testimonio, non propter me, sed \* *ut vos salvi sitis*, illi saltem credendo, quem vos ipsi vobis tamquam Prophetam & maximæ autoritatis judicem constituistis. Ne autem testimonium Joannis elevari videretur, adjungit :

35. \* *Ille est*, non lux quidem, quod Deo proprium est, Joan. 1. sed \* *lucerna*, ab illo fonte luminis accensa, \* *ardens* charitate, \* *& lucens* doctrinâ ac sermone : \* *sed vos voluistis ad horam*, id est, ad breve tempus, \* *exultare in luce ejus*, magno cum fervore & gaudio eum recipiendo, atque ad ejus conciones & baptismum accurrendo. Indirectè verò taxat eorum inconstantiam, quòd tam citò ab illo fervore refrixerint, dum vitia eorum perstringeret Joannes, & hominem vulgarem testaretur esse Christum.

36. \* *Ego autem habeo testimonium majus Joanne*, id est, testimonio Joannis, ipsa scilicet opera mea mirabilia, quæ nemo calumniari potest ad gratiam esse facta, sicuti de humanis testimoniis potest. \* *Opera enim testimonium perhibent de me*, id est, clarissimâ voce testantur, \* *quia Pater misit me*, per incarnationem in mundum. Nimirum quia Christus patrabate tamquam à Patre, & cum Patre, & in Patris nomine, & ad hanc ipsam veritatem confirmandam : quibus modis Deus testis falsitatis esse non potest. Ita ferè Cyril. l. 3. in fine. Præter hæc verò,

37. \* *Et qui misit me Pater*, id est, etiam ipse Pater verus Deus \* *ipse testimonium perhibuit de me*. Quod aliqui intelligunt de testimonio per eadem Christi opera; alii de testimonio per Scripturas Sacras: aptius Chrysost. de testimonio, quod cælitus in baptismo dedit, dicendo : *Hic est Filius meus dilectus*, &c. \* *Neque vocem ejus unquam audistis*, terribilem scilicet, qualis olim in monte Sinai audita fuit, \* *ne-*

32. Alius est, qui testimonium perhibet de me: & scio quia verum est testimonium, quod perhibet de me.

33. Vos misistis ad Joannem: & testimonium perhibuit veritati.

34. Ego autem non ab homine testimonium accipio: sed hæc dico ut vos salvi sitis.

35. Ille erat lucerna ardens, & lucens. Vos autem voluistis ad horam exultare in luce ejus.

36. Ego autem habeo testimonium majus Joanne. Opera enim, quæ dedit mihi Pater ut perficeriam ea, ipsa opera, quæ ego facio, testimonium perhibent de me, quia Pater misit me:

37. & qui misit me Pater, ipse testimonium perhibuit de me: neque vocem ejus unquam audistis, neque speciem ejus vidistis.



*que speciem ejus vidistis*, ignem scilicet & lampades, & fulgura. Al-  
ludit ad verba Deut. 18. v. 16. ubi cūm territus populus diceret, *ultrā  
non audiam vocem Domini*, & ignem hunc maximum ampliū non videbo,  
*ne moriar*; statim subjicit Deus: *Bene omnia sunt locuti. Prophetam sus-  
citabo eis*, scilicet Christum, & *ponam verba mea in ore ejus*, ut scili-  
cet non ampliū horribilem illam Patris vocem audiretis, nec speciem  
horribilem videretis: sed non vultis audire Prophetam, quem ipse  
vobis promisit, & vos audituros spondestis. Hoc est enim id, quod  
adjicit:

38. & verbum  
ejus non habetis  
in vobis manens:  
quia quem misit  
ille, huic vos non  
creditis.

38. \* *Et verbum ejus*, seu mandatum, quod imposuit Deus, de illo  
scilicet Propheta audiendo, \* *non habetis in vobis manens*, dum illud  
implere vultis; quia quem misit ille tamquam Prophetam, quem au-  
dire deberetis, \* *huic vos non creditis*.

39. Scrutamini  
Scripturas, quia  
vos putatis in ip-  
sis vitam æter-  
nam habere: &  
ille sunt, quæ  
testimonium  
perhibent de me.

39. \* *Scrutamini Scripturas*. Cyrill. putat esse Indicativum; sed re-  
ctius Chrysost. & alii accipiunt, ut sit Imperativi modi, hoc sensu:  
Diligenter excutite mysteria Scripturarum. Quod ideo dicit, quia  
velamen adhuc super cor habentes, quod in solo Christo cognito eva-  
cuatur, inhærebant litteræ, sicut & nunc, & Scripturarum cortices  
rodebant. \* *Quia vos putatis in ipsis vitam æternam habere*, id est, in  
ipsis inveniri posse rationem obtinendæ vitæ & salutis æternæ; quod  
tamen numquam fiet, nisi in eis Christum inveniatis: \* *Et illæ sunt quæ  
testimonium perhibent de me*, me scilicet esse illum Christum vobis pro-  
missum. Nā anima, scopus & finis omnium Scripturarum veterum  
est Christus: unde Act. 10. v. 43. *Huic omnes Prophete testimonium  
perhibent*.

40. & non vul-  
tis venire ad me  
ut vitam habe-  
atis.

40. Et tamen, non obstante perspicuā Scripturarum attestatōne,  
\* *non vultis venire ad me*, per fidem me tamquam Christum recipiendo:  
quibus verbis malitiam voluntatis accusat, velut causam ignorantie  
& cæcitatē. Ne verō per hoc magisterii celebritatem affectasse vide-  
retur, præoccupat objectionem:

41. Claritatem  
ab hominibus  
non accipio.

41. \* *Clarityatem*, seu gloriam, \* *ab hominibus profectam*, \* *non ac-  
cipio*, id est, non requiro humanas laudes, quasi eis ego delecter.

42. Sed cognovi  
vos, quia dilec-  
tionem Dei non  
habetis in vobis.

42. \* *Sed cognovi vos, quia dilectionem Dei non habetis*: q. d. Sed  
scio, quid causæ sit, cur mihi nolitis credere, tametsi munito mille  
testimoniis, videlicet quia nulla vobis cura est, ut Deum diligatis, &  
ita quod ei gratum est, faciatis.

43. Ego veni in  
nomine Patris  
mei, & non ac-  
cipitis me: si alius  
venerit in nomi-  
ne suo, illum ac-  
cipietis.

43. \* *Ego veni in nomine Patris mei*, id est, semper professus sum  
me à Patre missum, me ipsius mandata dicere & facere, me omnia  
ipsius nomine & autoritate gerere; \* *& tamen non accipitis me*, ne  
quidem Dei Patris reverentiā vel autoritate permoti, in argumen-  
tum

tum quod eum non diligitis. *Si alius venerit*, id est, cum alius venerit, ut legunt Iren. & Cyprian. Est enim prædictio rei absolutè futuræ, sed conditionaliter expressæ, propter dependentiam à libero arbitrio, cujus eventus ambiguus esse solet. *Si ergò alius venerit \* in nomine suo*, id est, suâ solius autoritate privata nixus, nullis testimoniis munitus, suam quærens, non Dei gratiam, \* *illum accipietis*. Quod veteres, ut Iren. lib. 3. cap. 25. Hieron. quæst. 11. ad Algasia, & in Abdiam Prophetam, Cyrill. Chrysost. & alii, exponunt de Antichristo. Aperit autem causam aliam, cur se non reciperent, imo receptionem sui quodammodo redderent impossibilem, quamdiu illa prava affectio duraret.

44. \* *Quomodo vos potestis credere, in me tamquam Christum, & Filium Dei, \* qui gloriam ab invicem accipitis*, id est, qui gloriam humanam & vanam quæritis, quæ consistat tantum in hominum opinione & sermone: \* *& gloriam, quæ à solo Deo est, qui nititur solo Dei, seu ipsius veritatis occulto testimonio, \* non quæritis?* Hic ergo fuit scopulus Phariseorum, inanis gloria, quam ut assequerentur ab hominibus, externam sanctitatem in omni conversatione ostentabant. Ne verò eam amitterent, Christo eos reprehendenti in omnibus repugnabant: nam & doctrina ejus hanc pestem capitalem funditus ab animo excindi jubet. Ne autem se Moysis patrocinio tutos putarent, cujus præcepta assidue crepabant.

45. \* *Nolite, inquit, putare, quia ego accusaturus sum vos apud Patrem, tamquam qui solus vobis contrarius sim: \* est qui accusat vos Moyses, in quo vos speratis*, id est, ipse Moyses, quem putatis vos habere contumaciæ vestræ patronum, utpote cujus zelo me persequimini, ipse accusat vos, tamquam qui litis & ipsi increduli. Quod declarat addendo:

46. \* *Si enim crederetis Moysi, crederetis forsitan & mihi*. Ubi illud, *forsitan*, respondet Græco *ἂν*, quod sonat utique, vel certè redundat. Latine, instar expletivæ particulæ. \* *De me enim ille scripsit*. Ubi quidem præcipuè Christus respicit ad locum Deuter. 18. v. 16. sed sic tamen, ut significet Moysen non uno aut altero loco, sed passim & ex proposito de se, imò nihil nisi propter se scripsisse, prout notat Aug. l. 16. contra Faustum c. 22. in fine.

47. \* *Si autem illius, quem tanti facitis, & in auctoritatem recipientis, \* litteris non creditis*, ea, quæ de me etiam apertè pronuntiavit, in alios detorquendo sensus: \* *quomodo verbis meis credetis?* Homines videlicet recentis, & de se testimonium perhibentis, quod vulgò invalidum esse creditur, & quem contemnitis.

44. Quomodo vos potestis credere, qui gloriam ab invicem accipitis; & gloriam, quæ à solo Deo est, non quæritis?

45. Nolite putare quia ego accusaturus sum vos apud Patrem est qui accusat vos Moyses, in quo vos speratis, quo vos speratis.

46. Si enim crederetis Moysi, crederetis forsitan & mihi: de me enim ille scripsit.

47. Si autem illius litteris non creditis: quomodo verbis meis credetis?



## CAPUT SEXTUM.

1. Post hæc abiit  
Jesús trans mare  
Galilææ, quod  
est Tiberiadis:

1. \* **P**ost hæc, multis videlicet interjectis de missis Apostolis, de nece Joannis Baptistæ, & similibus. Nam ea, quæ proximè superiori Cap. descripta sunt, contigerunt in Paschate, vel certè ut alii, in Pentecoste, ut ad v. 1. c. 5. diximus: sequentia verò circa Pascha sequens, ut patet hîc v. 4. hoc est, interjecto vel anno integro, vel circiter decem mensibus: \* *Abiit trans mare Galilææ*, quod idem est cum lacu seu stagno Genesareth: Hebræi enim, & Scriptura, magnas congregationes aquarum vocant maria, ut Hieron. in cap. 47. Ezech. \* *Quod est Tiberiadis*, scilicet mare, ita vocatum, quia adjacet Tiberiadi, quæ civitas ab Herode Tetrarcha, in amicitiam Tiberii Cæsaris recepto, condita fuit, & Tiberii nomine vocata, ut Joseph. 18. Antiquit. cap. 3.

2. & sequeba-  
tur eum multi-  
tudo magna, quia  
videbant signa,  
quæ faciebat su-  
per his qui infir-  
mabantur.

2. \* *Et sequebatur eum*, itinere pedestri, ut Marcus c. 16. v. 33. \* *multitudo magna*, quæ, ut idem ait, prævenerat Dominum, propter impeditiorem scilicet navigationem: \* *quia viderat signa super his, &c.* quibus erant rapti in admirationem & amorem Domini, ut ab eo avelli non possent.

3. Subiit ergo  
in montem Je-  
sus: & ibi sede-  
bat cum discipu-  
lis suis.

3. \* *Subiit ergo in montem Jesus*, ut ibi requiesceret à turba, ut ait Marc. loco cit. \* *& ibi sedebat cum discipulis*, quietis captandæ causâ.

4. Erat autem  
proximum Pascha  
dies festus Judæ-  
orum.

4. \* *Erat autem proximum*, seu propinquum, \* *Pascha tertium à baptismo Christi*, sicut plerique docent: nec difficultatem habent in eorum sententia, qui Christum quarto Paschate à baptismo suo passum esse tradunt. \* *Dies festus Judæorum*, quod adjicit emphaticè, ad indicandam eximiam festi Paschalis celebritatem.

5. Cum suble-  
vasset ergo ocu-  
los Jesus, & vi-  
disset quia mul-  
titudo maxima  
venit ad eum, di-  
xit ad Philippum  
Unde ememus  
panes, ut mun-  
ducent hi?

5. \* *Cum sublevasset ergo oculos Jesus*, ut illis moris est, qui longè latèque prospicere volunt. Sed antequam hoc faceret, multa præces-  
serunt, quæ ab aliis tanguntur Evangelistis. Priùs enim descendit de monte, excepit eos, docuit, sanavit, Soleque ad occasum vergente, monitus à discipulis de turba dimittenda, jussit eos turbam pascere, & cum negarent se posse, tunc tandem \* *dixit ad Philippum*, tamquam ad eum, qui fortassè minùs quàm cæteri divinæ fideret providentiæ: \* *Unde ememus panes?* id est, unde comparabimus pretium, ut emamus. Non enim de loco agitur; nam in proximis villis emi potuisse indicant discipuli apud Marcum.

6. Hoc autem  
dicebat ten ans-  
eum: ipse enim  
sciebat quia esset  
facturus.

6. \* *Hoc autem dicebat tenans eum*, id est, explorans, utrum deficientibus humanis mediis ad Christi omnipotentiam & providentiam recurreret, idque non ut sibi, sed ut Philippo propria fidei imbecillitas innotesceret. \* *Ipse enim sciebat, quid esset factururus*, ne quis fortè sus-

pice-

picetur eum ex ignorantia, vel inopia consilii interrogasse.

7. \* Respondit Philippus : Ducentorum denariorum panes non sufficiunt. Qui si fuerint denarii majores, valentes didrachmo, seu duobus Regalibus Hispanicis, æstimatis nunc ad sex circiter stuferos, essent simul centum & viginti floreni, seu quinquaginta quos vocant patacones, hoc est, stuferi bis mille quadringenti : sin autem denarii minores, qui dimidio minoris, hoc est, unâ drachmâ seu Regali æstimantur, essent sexaginta floreni, mille ducenti stuferi. Ex quo facillè patet eos non potuisse sufficere ad cibanda quinque millia virorum, præter mulieres & parvulos. Porro ex eo, quòd apud Marcum dicunt discipuli, *Euntes emamus ducentis denariis panes*, colligunt quidam Apostolos tunc illam summam in communi præsto habuisse, & consequenter eos fuisse affectu valde liberali, ut qui omnia in refectiorem multitudinis effundere vellent. Quamquam alii ironicam locutionem fuisse malunt : q. d. Præcipis nobis rem impossibilem, quâ scias tantas non esse nobis pecunias. Cum ergo Christus rogasset, juxta Marcum, *Quot panes habetis? ite & videte*; & ipsi hoc recognovissent, respondit omnium nomine Andreas :

9. \* Est puer unus hic, id est, adolescens, quem alii volunt fuisse unum de turba, qui multitudini cibos venales ferret, alii adolescentem, Apostolis deservientem, eò quòd Christus jussisset eos recognoscere, quot panes ipsimet haberent : \* *Qui habet quinque panes, &c. sed hæc quid sunt inter tantos?* Græcè *deis τοσούτοις*, inter tot, seu tam multos? significans omne humanum præsidium hic deficere.

11. \* Accepit ergo Jesus panes, ut se miraculi istius & multiplicationis authorem ostenderet, \* & cum gratias egisset, Deo Patri, pro beneplacito faciendi tantum miraculum in salutem hominum tum corporalem cum spiritalem. Matth. & Marc. insinuant hanc gratiarum actionem per aspectum in cælum : Joannes verò sub ea comprehendit etiam benedictionem, non Dei, sed panum : nam Lucas expressè dicit, *Benedixit illis* : & Marcus, *Benedixit & fregit panes* : ad effectum scilicet multiplicationis. \* *Distribuit discumbentibus*, non per se, sed ministerio discipulorum, ut Græca hic, & alii Evangelistæ suis locis dicunt : \* *similiter & ex piscibus quantum volebant*, ad plenam refectiorem. Porro facta est hæc multiplicatio panum, non de novo creando, sed materiam præjacentem æris in panes vertendò, ut Iren. lib. 3. c. 11. ut ita declaret, inquit, se esse eundem, qui omnia ex nihilo creaverat. Multiplicavit eos autem, partim in manibus suis, ut Aug. hic, partim in manibus discipulorum, ut Chrys. partim in manibus discumbentium, ut Hilar. 3. de Trinit. Unde Ambr. in Lucam ea conjungit, in manibus distribuentium & comedentium,

7. Respondit ei Philippus : Ducentorum denariorum panes non sufficiunt eis, ut unusquisque modicum quid accipiat.  
8. Dicit ei unus ex discipulis ejus, Andreas frater Simonis Petri :

9. Est puer unus hic, qui habet quinque panes hordeaceos, & duos pisces : sed hæc quid sunt inter tantos?

10. Dixit ergo Jesus : Facite homines discumbere. Erat autem fœnum multum in loco. Discubuerunt ergo viri, numero quasi quinque milia.

11. Accepit ergo Jesus panes : & cum gratias egisset, distribuit discumbentibus : similiter & ex piscibus quantum volebant.



12. Ut autem impleri sunt, dixit discipulis suis : Colligite quæ superaverunt, ne pereant.

12. \* *Ut autem impleri, seu saturati sunt, dixit discipulis suis: Colligite quæ superaverunt*, id est, quæ superfuerunt, \* *fragmenta*; primò, ut extaret memoria abundantiae suavitatis Domini, quod ipse uberior sit in dando, quam humanæ mentis angustia in sperandò: secundò, ut magis commendaretur miraculi magnitudo; tertio, \* *ne pereant*: id enim & æconomia bonorum Domini, & reverentia erga ejus liberalitatem postulat.

13. Collegerunt ergo, & impleverunt duodecim cophinos fragmentorum, ex quinque panibus hordeaceis, quæ superfluerunt his qui manducaverant.

13. \* *Collegerunt ergo & impleverunt duodecim cophinos, &c.* id est, canistra seu corbes (non enim significat hîc mensuræ genus, sicut aliquando) \* *fragmentorum*, non solum ex panibus, sed & ex piscibus, ut Marcus addit. Itaque multo plus superfuit, quam antequam comedisset: quod non patuisset, nisi fragmenta recondi jussisset. Mysticum sensum hujus miraculi vide accuratè apud Aug. tract. 25. in Joan. Homines ergò attoniti miraculo dicebant:

14. Illi ergo homines cum vidissent quod Jesus fecerat signum, dicebant: Quia hic est verè propheta, qui venturus est in mundum.

14. \* *Quia hic est verè Propheta, qui venturus est in mundum*, id est, hic est verè Messias, seu Christus, de quo dixerat Moyses, Deut. 18. *Prophetam suscitabit vobis Dominus, sicut me*: nam ad illum locum, qui in synagoga notissimus erat, alludere videtur.

15. Jesus ergo cum cognovisset, quia venturi essent ut raperent eum, & facerent eum regem, iugit iterum in montem ipse solus.

15. \* *Jesus ergo cum cognovisset, quia venturi essent*, animo scilicet non divinitus incitato, sed planè terreno, ut Aug. idque quia jam inter se egerant vel constituerant, \* *ut raperent eum*, illatâ vi, quia invirum noverant, \* *& facerent eum Regem*, terrenum ac temporalem, qualem plurimi ipsorum Messiam expectabant, qui totum orbem sibi subjugaret; \* *fugit*, Græcè ἀνεχώρησε, *secessit*, quia subduxit se clandestinum cum turbam dimisisset, ut Marcus, \* *iterum in montem*, qui ex montis vertice in ejus planiora descenderat, inquit Aug. \* *ipse solus*, ut orationi vacaret, simulque fastum honoris & potestatis secularis declinaret. Unde cum Matth. dicat Christum in montem ascendisse, ut oraret, Joan. verò eum fugisse; utrumque concilians Aug. lib. 2. de consensu c. 54. dicit significari magnam nobis esse causam orandi, quando est causa fugiendi.

16. Ut autem fiero factum est, descenderunt discipuli ejus ad mare.

17. Et cum ascendissent navim, venerunt arans mare in

Capharraum: & tenebræ jam factæ erant: & non venerat ad eos Jesus.

18. Mare autem, vento magno flante, exurgebat.

19. Cum remigrassent ergo quasi stadia viginti quinque aut triginta, vident Jesum ambulantiem supra mare, & proximum navi fieri, & timuerunt.

20. Ille autem dicit eis: Ego sum, nolite timere.

21. Voluerunt ergo accipere eum in navim: & statim navis fuit ad terram, in quam ibant.

22. Alterâ die, turba quæ stabat trans mare, vidit quia navicula alia non erat ibi nisi una, & quia non intio sset cum discipulis

22. \* *Alterâ die, &c. turba, quæ stabat trans mare*, eodem videlicet loco, quo discipuli conscenderant navem, circa montem, ubi saturati fuerant, ubi etiam pernoctasse videntur, \* *vidit quia navicula, &c.* Græcè ἰδὲν διηκολούριον ὅκ' ἄλλο οὐκ ἦν, *postquam vidit, quia ibi non esset alia navicula, &c.* Quo indicatur aliquid in fine istius periodi esse subaudien-

diendum, videlicet quod, cum hoc vidisset turba, quæſiverit Jeſum; <sup>ſuis Jeſus navim</sup> vel certè jungendum ei eſſe verſum 24. qui multis interpoſitis ſup- <sup>ſed ſoli diſcipuli</sup> pleat orationem. Nam ſicut hîc exprimitur, planè manca eſt. <sup>ejus abiſſent:</sup>

23. \* *Alia vero ſupervenerunt naſes*, eodem videlicet die, dum adhuc expectarent Jeſum, \* *juxta locum, ubi manducaverant panem* (quod jungendum eſt cum verbo, *ſupervenerunt*, non cum, *Tiberiade*) \* *gratias agens Domino*, quod idèò rurfus inculcat, ut nobis magnam Chriſti gratitudinem erga Patrem pro beneficiis nobis exhibitis in exemplum commendaret.

25. \* *Et invenerunt eum trans mare*, nullius ſcilicet navigii adminiculo (nam illud *trans mare*, adfertur tamquam cauſa admirationis) \* *dixerunt ei: Rabbi, quando huc veniſti?* Potiùs quærendum erat, *quomodo?* Unde quidam curioſam fuiſſe quæſtionem annotant, cum hoc non multum attineret ſcire: niſi fortè potius per illud, *quando*, ſignificatum velint, ſe non ſemper obſervafſe, an intraret in aliquam navem. Chriſtus autem, neglectâ eorum quæſtione, ſeverè corripit ſtudioſum, quo ſe ſequebantur:

26. Quia, inquit, \* *quæritis me, non quia vididiſtiſ ſigna: & tamen* verſ. 2. dicitur, quod *ſequebatur eum multitudo magna, quia videbant ſigna*. Unde neceſſe videtur, quòd iſti, de quibus hoc v. 26. non ampliùs quæſiverint eum, propter ſigna, ut ſcilicet eis viſis Chriſto crederent & obedirent, ſed carnali ſaturitatis iterandæ deſiderio: ut ita Chriſtum, tamquam Regem ſuum, otioſi ſine cura victus & labore ſequerentur. Itaque à cibi corporalis appetitu eos transferre ſatagens ad ſtudioſum rerum ſpirituàlium, ſicut antea Samaritanam ab aqua corporali ad ſpiritualem, dixit eis:

27. \* *Operamini non cibum, qui perit, id eſt, operam & ſtudioſum* impendite, ut comparetis cibum: non qui inſtar corporalis conſumatur, & in ſeceſſum emittatur, ut Matthæus loquitur; quâ phraſi dicit Paulus: *ſalutem veſtram operamini: \* ſed qui permanet in vitam æternam*, non ſolùm quia in ſe incorruptibilis eſt, ſed etiam quia effectus ejus & fructus eſt, ut homo in æternum beatè vivat. Qui cibis, ne longè petendus videretur, \* *quem*, inquit, *Filius hominis dabit vobis*: intellige non naſeantibus, ſed deſiderantibus, & ipſo deſiderio ad accipiendum præparatis. Nam his verbis tacitè invitatur ad illum cibum à ſe quærendum. \* *Hunc enim*, ſupple Filium hominis, \* *Pater ſignavit*, Græcè ἐσφάρισεν, ſigillavit: quod Aug. exponit tamquam ſigno ſeu ſigillo impreſſo ſegregavit à cæteris, quia ſcilicet non ſolùm Filius hominis, ſed etiam Filius Dei eſt. Unde conſequenter, Hilar. lib. 8. de Trinit. & Cyrill. expreſſionem Paternæ divinitatis in Filio his

23. alia verò ſupervenerunt naſes à Tiberiade, juxta locum ubi manducaverunt panem, gratias agente Domino, 24. Cùm ergo vidiffet turba quia Jeſus non eſſet ibi, neque diſcipuli ejus, aſcenderunt in naviculas, & venerunt Capharnaï quærentes Jeſum.

25. Et cùm inveniffent eum trans mare, dixerunt ei: Rabbi, quando huc veniſti?

26. Reſpondit eis Jeſus, & dixit: Amen, amen dico vobis: quæritis me, non quia vididiſtiſ ſigna, ſed quia manducaſtiſ ex panibus, & ſaturati eſtiſ.

27. Operamini non cibum qui perit, ſed qui permanet in vitam æternam, quem Filius hominis dabit vobis. Nunc enim Pater ſignavit Deus,



verbis significatam accipiunt. Character enim & imago Patris est Filius Dei, qui Filio hominis in eodem supposito junctus est. Hæc ergo ratio est, cur tantæ autoritatis sit Filius hominis, ut talem cibum dare possit. Unde alii exponunt, *signavit*, seu sigillavit, id est, quasi sigillo impresso & appposito ei autoritatem dedit, nempe coniungendo divinitatem humanitati, miraculis quasi sigillis eam confirmando. \* *Deus* quia divina Patris virtus in hac re maximè enituit.

28. Dixerunt ergo ad eum: Quid faciemus ut operemur opera Dei?

28. \* *Dixerunt ergo: Quid faciemus*, seu facere debemus, \* *ut operemur opera Dei?* Deo scilicet grata, ut cibum illum à te commendatum comparemus? Respiciunt enim ad verba Christi dicentis, *operamini cibum*, &c. Itaque Christus non multa & laboriosa, sed unicum tantum, & facile opus inculcans, quod est initium & fundamentum omnium bonorum operum, dixit eis:

29. Respondit Jesus, & dixit eis: hoc est opus Dei, ut credatis in eum quem misit ille.

29. \* *Hoc est opus Dei*: id est, Deo gratum, & ab ipso Deo in vobis operandum, inquit August. \* *ut credatis in eum, quem misit ille*: id est, in me; sed modestiæ causâ utitur tertiâ personâ.

30. Dixerunt ergo ei: Quod ergo tu facis signum, ut videamus, & credamus tibi? quid operaris?

30. \* *Dixerunt ergo ei: Quod ergo tu facis signum, ut credamus tibi?* q. d. Signa tua præcedentia, quæ velaudivimus, vel jam proximè vidimus, non sufficiunt, ut in omnibus tibi credamus, ac te tamquam Messiam missum à Deo, tantique cibi largitorem, recipiamus. Sunt enim verba ex improbitate profecta, parvi facientium præcedens Christi miraculum, ut Aug. tract. 25. Idè quippè subjungunt:

31. Patres nostri manducaverunt manna in deserto, sicut scriptum est: Panem de cælo dedit eis manducare.

31. \* *Patres nostri*, sexcenta scilicet millia hominum, \* *manducaverunt manna in deserto*, omnium scilicet frugum sterili, idque per annos quadraginta, quibus in deserto vagati sunt. Confirmant verba sua per Scripturam, quæ dicit: *Panem de cælo*, id est, cælestem, cælitus datum, \* *dedit eis manducare*. Sensus igitur eorum est: Miraculum, quod Patribus nostris à Moyse præstitum est, incomparabiliter majus fuit illo, quod tu proximè fecisti; nec tamen Moyses propterea postulavit, ut in se tamquam in Messiam crederemus: quod signum ergo tu facis, ut tibi credamus? Porro *MAN*, *Man*, & inde deductum *Manna*, non est nomen significans *paratum*, vel etiam *donum*, ut aliqui recentiores volunt: sed esse pronomen interrogativum significans *quid*, & conversum in nomen istius cibi, latius diximus in c. Exodi 16. & ex ejusdem c. v. 15. manifestissimè colligitur.

32. Dixit ergo eis Jesus: Amen, amen dico vobis: Non Moyses dedit vobis panem de cælo, sed Pater meus dat vobis panem de cælo verum.

32. \* *Dixit eis Jesus: Non Moyses dedit vobis panem de cælo*, id est, cælestem, non enim aliter panis de cælo vocatus fuit, quam quia non ex terra, sed ex nubium regione depluit: quo modo dicitur Psalm. 17. *Tonuuit de cælo Deus*: \* *sed Pater meus*, & consequenter ego, \* *dat vobis panem de cælo verum*, id est, verè cælestem. Est enim antithesis, inter:

inter Moyſen & Patrem ſuum, & conſequenter ſeipſum: & inter panem & panem. Auguſt. tamen & Cyrill. panem verum dici volunt; duplici ex cauſa: unâ, quia non figura eſt, ſed res ipſa, per *Man* figurata; alterâ, quia verè dat vitam mundo, ut mox ſequitur. Intelligit autem hunc panem eſſe ſeipſum, qui de cælo deſcendit in terram, quando Filius Dei per Incarnationem homo factus eſt: nam ex duobus effectibus probat eſſe panem de cælo verum.

33. \* *Panis enim Dei eſt*, id eſt, nam ille eſt panis verè divinus ac cæleſtis, \* *qui de cælo deſcendit*, id eſt, qui non ſolùm ut manna mittitur alienâ authoritate, ſed qui ipſemet ſuâ voluntate deſcendit, non de nubibus, ſed de vero cælo, ubi Deus habitat, ſeu de ſinu Patris, \* & *qui dat vitam*, ſcilicet beatam, \* *mundo*, id eſt, orbi univerſo, qui illo pane paſcitur. Itaque carnales carnalia cogitantes dixerunt:

34. \* *Domine, da nobis ſemper panem hunc*, ut ſcilicet ſine morte, tali pane in otio fruamur. Ut ergo ſomnium illud de cibo vulgari eis excuteret, aperit, quid ille panis ſit:

35. \* *Ego ſum panis vitæ*, id eſt, ſum ille panis vivificus, per manna figuratus, qui dat vitam mundo. Modum autem & manducandi panem illum, & vivificandi explicans, addit: \* *Qui venit ad me non eſuriet*, id eſt, qui mihi crediderit, aſſequetur ſaturitatem illam vitæ æternæ. Nam ne quis carnaliter iſta verba intelligeret, alio modo eundem ſenſum exprimit, \* & *qui credit in me non ſitiet umquam*. Unde Aug. tract. 25. *Qui venit ad me*, inquit, hoc eſt, quod ait, *Et qui credit in me*: & quod dixit, *Non eſuriet*, hoc intelligendum eſt, *non ſitiet umquam*. Utroque enim ſignificatur illa æterna ſatietas, ubi nulla eſt egeſtas.

36. \* *Sed dixi vobis, quia & vidiftis me*, & conſequenter ſigna plurima quæ à me poſtulat, ut credatis mihi; \* & *tamen non creditis*, verbis meis & ſignis. Ut ergo aperiret eis altius ſecretiusque principium fidei, quam ſigna viſibilia; & quod, quamvis ipſi non crederent ſibi, non tamen deſuturi eſſent, qui crederent, addit:

37. \* *Omne quod dat mihi Pater*, id eſt, quemcumque cujuſcumque conditionis Pater mihi, tamquam homini hominum mediatori, ſalvandum tradidit, \* *ad me veniet*, id eſt, reipſâ indeclinabiliter mihi credet: quia quos Deus ab æterno ſalvandos prædeſtinavit, hos ſine dubio ſecundum illud propoſitum ſuum vocabit. Nam illos ſolos Chriſto homini Pater dat, quos elegit atque prædeſtinavit. Unde A&.

33. v. 48. *Crèdiderunt quotquot erant præordinati ad vitam æternam*. Itaque his verbis non deſperationem eis injicit, ſed tacitè monet, ad illius auxilium eſſe recurrendum, qui dat filio & facit credere, & cre-

33. Panis enim Dei eſt, qui de cælo deſcendit. & dat vitam mundo.

34. Dixerunt ergo ad eum: Domine, ſemper da nobis panem hunc.

35. Dixit autem eis Jeſus: Ego ſum panis vitæ: qui venit ad me, non eſuriet: & qui credit in me, non ſitiet umquam.

36. Sed dixi vobis, quia & vidiftis me, & non creditis.

37. Omne, quod dat mihi Pater, ad me veniet: & eum, qui venit ad me, non ejiciam foras:



dendo venire ad Filium, cum magnâ fiducia sperando se esse ex eorum numero, quos Pater Filio dedit. Quadere latius Aug. lib. de dono persever. \* *Et eum qui venit ad me*, credendo, \* *non ejiciam foras*, illum repellendo à meo contubernio, vel bonorum meorum societate. Et quasi quæreret, inquit August. quare non ejiceret eum foras, causam reddit :

38. quia descendi de cælo, non ut faciam voluntatem meam, sed voluntatem ejus, qui misit me.

38. \* *Quia descendi de cælo*, per incarnationem suscipiens hominem, \* *non ut faciam voluntatem meam*, humanam, à voluntate Patris dissentaneam, \* *sed voluntatem ejus*, qui misit me; ut scilicet non velim aut faciam quippiam, quod non velit Pater sed id ipsum prorsus quod Pater: nihil enim æquiùs est, quàm ut legatus legantis voluntatem sequatur. Sed quænam ista voluntas Patris?

39. Hæc est autem voluntas ejus, qui misit me, Patris: ut omne, quod dedit mihi, non perdam ex eo, sed resuscitem illud in novissimo die.

39. \* *Hæc est enim voluntas ejus, qui misit me, Patris, ut omne, quod dedit mihi*, ex decreto prædestinationis ejus salvandum, \* *non perdam ex eo*. Quod Tertull. lib. de resurreçt. carnis c. 34. intelligit de ipsa corporis resurrectione; ut significetur non solum corpus esse resurrecturum, sed etiam nihil omnino corporis periturum, nec capillum, nec oculum, nec dentem, inquit, ideoque dici, \* *non perdam ex eo, sed resuscitem illud in novissimo die*. August. tamen & Cyrill. significari volunt, quod neminem ex electis perditurus sit, seu ejecturus foras, sicut promiserat, imo etiam post mortem eos suscitaturus in die judicii, & æterna salute etiam corporis salvaturus. Quod clarius explicat, repetendo,

40. Hæc est autem voluntas Patris mei, qui misit me: ut omni qui videt Filium, & credit in eum, habeat vitam æternam, & ego resuscitabo eum in novissimo die.

40. \* *Hæc est autem voluntas Patris, qui misit me*. Aug. & Cyrill. legunt, enim, ut reddatur ratio præcedentium, \* *ut omnis, qui videt Filium*, id est, qui Filium attentè consideravit, oculis sive corporis sive mentis, quæ visio fidem præcedere debet & sine consensu voluntatis esse potest, ideoque addit: \* *Et credit in eum*, consentiendo verum esse, quod proponitur. Nam ut Prosper lib. 2. de vocat. gentium c. 26. Virtus nolentium nulla est: nec potest asseri, vel fidem vel spem vel charitatem eis inesse, quorum ab his bonis consensus alienus est. \* *Habeat*, meo beneficio & meritis, \* *vitam æternam*. Quibus verbis explicat, quid sit, non ejici foras, & non perdi. Ne verò tanta vitæ æternæ bona nostræ vetustatis & mortalitatis deformitas speraret, subjungit: \* *Et ego resuscitabo eum*, ad plenissimam etiam corporis immortalitatem, per quam vita illa æterna compleatur. Cum ergo murmurarent de eo, quod dixisset,

41. Murmurabant ergo Judæi de illo, quia dixisset: Ego sum panis vivus, qui de cælo descendi,

41. \* *Ego sum panis vivus*, id est, vitæ, prout habetur v. 35. itemque \* *qui de cælo descendi*, tamquam non esset more mortalium genitus, sed quasi Angelus de cælo originem traheret, compescuit eos Jesus, dicendo:

43. \* *Nolite murmurare in invicem*, Græcè, *μὴ ἐν ἀλλήλων*, cum *invi-*  
*cem*, seu *inter vos mutuo*: q. d. Verba illa mea nullam continent mur-  
murandi materiam, sed in vobis culpa est, qui caretis lumine illo  
divino, ad intelligenda vel credenda verba mea necessario, quia,

44. \* *Nemo potest venire ad me*, id est, credere in me, sicut hoc  
explicat Christus ipse infra v. 64. & 65. & Aug. diversis locis obser-  
vat, \* *nisi Pater, qui misit me, traxerit eum*, ad me scilicet, hoc est,  
ad credendum mihi. Fit autem ille tractus non foris, sed intus in  
corde: & quidem, ut Prosper contra Collat. c. 14. diversissimis mo-  
dis, sive contemplatione elementorum, sive prædicatione rerum ge-  
starum, sive lectione, sive timore gehennæ, sive aliqua lætitia, sive  
aliis innumerabilibus modis. Sed revera isti trahendi modi vel ex-  
terni tantum sunt, vel dispositivi ad verum tractum; qui propriè in  
eo situs, quod cor mutetur, ut id diligat, quod ante fastidiebat:  
quod non fit, nisi per mutationem amoris, sicut Prosper ibidem in-  
dicat, & apertius lib. de vocat. gentium cap. 27. ubi dicit: Qui ergo  
veniunt, amore ducuntur: dilecti enim sunt, qui & dilexerunt, &  
quod eos voluit Deus velle, voluerunt. Et Aug. tract. 26. in Joan.  
Nolite cogitare, invitum trahi; trahitur animus & amore. Porro  
in voce *trahendi* insinuat quædam repugnantia in eo, qui trahitur,  
saltem ante tractum: omnis enim voluntas, quæ ex non credente fit  
credens, & ipsâ naturæ corruptione, & voluntatis aversione, fasti-  
dium ac difficultatem in credendo percepit, quam tollit ipse tractus,  
dum ex nolente volentem facit. Itaque tacitè Judæos his verbis hor-  
tatur, ut non murmurarent de verbis suis, sed ad Deum converte-  
rentur supplices, à quo trahi deberent, ut se intelligerent. Probat  
autem id, quod de Deo trahente dixerat, autoritate Scripturæ:

45. \* *Est scriptum in Prophetis*, Isaïæ 54. v. 13. ut ibi observat  
Hieron. \* *Et erunt omnes docibiles Dei*, Græcè *docti Dei*, seu à Deo:  
pro quo est in Isaïa, *Ponam filios tuos doctos à Domino*. Quo significat  
tempore novi Testamenti universos filios Ecclesiæ docendos esse,  
non solum voce extrinsecus insonante, sed à Deo intus incremen-  
tum dante: nam, ut Aug. Et si ab hominibus audiunt homines, quod  
tamen intelligunt (id est, credunt) intus datur, intus coruscat, in-  
tus revelatur. Quantâ vero efficacîâ à Deo doceantur, consequenter  
aperit Christus: \* *Omnis qui audit à Patre, & didicit*; quæ duo vel  
idem sunt, prout accipit Aug. de prædestinatione Sanctorum c. 8.  
vel certè *audire* ad informationem intellectûs tantum pertinet, *discere*  
ad tractum voluntatis. Omnis ergo talis, non solum potest venire ad  
me, quasi Deus tantum tribuat per gratiam, posse si velit, sed \* *venit*

42. & dicebant:  
Nonne hic est  
Jesus filius Jo-  
seph, cujus nos  
novimus patrem,  
& matrem? Quo-  
modo ergo dicit  
hic: Quia de cælo  
descendi?

43. Respondit  
ergo Jesus, & di-  
xit eis: Nolite  
murmurare in  
invicem:

44. nemo potest  
venire ad me,  
nisi Pater, qui  
misit me, traxe-  
rit eum: & ego  
resuscitabo eum  
in novissimo  
die,

45. Est scriptum  
in Prophetis: Et  
erunt omnes do-  
cibiles Dei Om-  
nis, qui audit à  
Patre, & didicit,  
venit ad me,



*ad me, id est, credit re ipsa, ubi jam & possibilitatis profectus, & voluntatis affectus, & actionis effectus est, inquit Aug. de grat. Christi c. 4.*

46. Non quia Patrem vidit, quia m, nisi is, qui est à Deo, hic vidit Patrem.

46. \* *Non quia Patrem vidit quisquam*: q. d. Non debetis ex verbis meis imaginari, quod Pater velut ludimagister discipulos doceat, ita ut eum illi secundum naturam ejus videant. Nam, ut Aug. loco de prædest. citato, valde remota est à sensibus carnis hæc Schola, in qua Pater auditur & docet. Nimiùm gratia ista secreta est. A qua tamen generali regulâ seipsum excipit Christus, \* *nisi is qui est à Deo*, nascendo secundum divinitatem, \* *hic vidit Patrem*, utpotè ejusdem naturæ & scientiæ cum Patre, in cujus sinu manet. Cùm ergò redarguisset Christus Judæorum incredulitatem, & eorum murmurationes repressisset à v. 36. huc usque, jam tandem redit ad v. 35. ut pergat in explicatione istius panis & fidei,

47. Amen, amen dico vobis: Qui credit in me, habet vitam æternam.

47. \* *Amen amen dico vobis*, quâ geminatâ utitur assertione, ut solidius confirmet fidei efficaciam: \* *Qui credit in me, habet vitam æternam*, quia habet pignus vitæ æternæ certissimum illam ipsam fidem, quæ per dilectionem operatur: vel *habet vitam æternam*, ipsum Christum, qui est vita æterna, & per talem fidem in corde habitat, ut Aug. & Cyrill. Cui congruit id, quid sequitur.

48. Ego sum panis vitæ.

48. \* *Ego sum panis vitæ, &c.* q. d. Ego enim sum (datur quippè ratio sententiæ præcedentis) *panis vitæ*, supple æternæ: hoc est, vivificus, vitam æternam in me credentibus, & per fidem manducantibus præbeo, hîc inchoando, postea consummando. Quod antithesi mannæ uberius declarat:

49. Patres vestri manducaverunt manna in deserto, & mortui sunt.

49. \* *Patres vestri manducaverunt manna*, non quatenus erat figura Christi, quia sic erat esca spiritalis, ut Apostolus, sed ut cibum merè corporalem: \* *& mortui sunt*, corpore, nec virtute mannæ possunt reviviscere, cùm tamen ad corporalem vitam tuendam datum esset.

50. Hic est panis de cælo descendens: ut si quis ex ipso manducaverat, non moriatur.

50. \* *Hic verò est panis de cælo descendens*, per incarnationem, ut supra explicuimus v. 32. & 33. Loquitur autem in tertia persona, aut modestiæ causâ, aut ut panem præsentem præterito efficacius opponeret. Descendit autem in eum finem, \* *ut si quis ex ipso manducaverit*, ita nempe, ut per fidem, vi dilectionis operantem, eum sibi incorporaverit. Nam ex eo fit, ut, cùm ille sit justitia, & sanctitas, homo eum diligens, justus, sanctusque fiat, justè sanctèque operetur, & ita \* *non moriatur*, scilicet in æternum, neque animæ neque corporis morte, quia vi panis illius etiam corpora vitaliter suscitanda sunt. Ex quo patet excellentia panis istius supra manna. Rationem autem assignat tantæ excellentiæ, quia

51. Ego sum panis vivus, qui de

51. 52. \* *Ego sum panis vivus*, in me ipso: per quod insinuat ni-

hil

hil mirum esse, si sit etiam vivificus aliorum, qui ipsum credendo discendoque manducaverint. Nam à v. 19. hucusque fidem in se tamquam in Deum & hominem commendavit. Cum enim Christus v. 27. promississet eis, se panem quemdam, quem, Sacramentum corporis sui intellexerat, daturum esse, ut eos ad tantum mysterium intelligendum aptiores redderet statim à v. 29. explicare incœpit hucusque rem istius Sacramenti, hoc est, descensum suum de cœlo per incarnationem, & fidem illius descensus commendare, tamquam maximè necessariam. Nam ut optimè S. Leo serm. 6. de Jejunio septimi mensis docet, frustrà de corpore & sanguine in Eucharistia satagimus, si contra illa in propria Christi persona disputamus; hoc enim ore sumitur, quod fide creditur, isto igitur strato fundamento, transit jam hîc Christus ad manducationem sui, non solum spiritalem per fidem, sed etiam realem per Sacramentum: & ideo futuri temporis verbo uti incipit, dicendo, \* *& panis, quem ego dabo*. Ubi respicit ad illa verba sua v. 27. *quem Filius hominis dabit vobis*, per quæ Sacramentum corporis sui, id est, Eucharistiæ promiserat. Sed antequam illud accuratiùs explicaret, necessariò præmittenda, & munienda erat apud istos incredulos suæ incarnationis fides, utpote cui Sacramentum Eucharistiæ prorsus nititur. Itaque sermo iste Christi à pane Eucharistiæ incipit, & in illum desinit: manducationem interim spirituales per fidem incarnationis recto ordine præmittens corporali, in quam semper collimat. Quæ etiam ratio est, quòd cum de incarnatione est sermo, illam attribuat Patri, non Filio hominis, dicendo v. 32. *Pater meus dat vobis panem*. Eucharistiam verò tam hîc, quàm v. 27. tribuit Filio hominis, quia incarnationis Filius hominis ut talis, non causa, sed effectus est. Eucharistiam verò ipse Filius hominis dedit, dum panem sumpsit in manibus, vertitque in corpus suum. Itaque \* *panis, quem ego dabo vobis* in cibum, in ultima scilicet cœna mea, \* *caro mea est*, id est, corpus meum. Est enim differentia inter *Corpus* & *Carnem*, quòd corpus præter carnem, etiam ossa, nervos, venas, reliquamque struem comprehendat. \* *Pro mundi vita*, supple, danda; Græcè enim clariùs *dabo*, hoc modo: *Quam ego dabo pro mundi vita*, scilicet in cruce, ut Euthym. & Theophyl. Quod addidit, ut per hoc indicaret, se non figuram vel similitudinem carnis suæ in cœna daturum esse, sed veram carnem suam, illam ipsam, quam erat & in mortem daturus. Qua de causa & in cœna dixit, *Corpus meum, quod pro vobis tradetur*, scilicet in mortem, & generis humani redemptionem.

53. \* Litigabant ergo Judæi ad invicem, Græcè ἐμάχοντο ἑνὶ πρὸς ἄλλήλους, 53. Litigabant ergo Judæi ad invicem.



vicem, dicentes:  
Quomodo potest  
hic nobis carnem  
suam dare ad  
manducandum?

*pugnabant*, inter se contententes, aliis scilicet affirmantibus, aliis cum stomacho contradicentibus: \* *Quomodo hic potest suam carnem dare ad manducandum?* Intelligebant enim eam more aliorum ciborum frustratim discerpendam, ut notat Aug. Tract. 27. Quæ causa fuit, ut, cum se sæpius *panem* appellasset, nihil offensi fuerint, facile suspicantes methaphoram aliquam ibi latere posse: sed cum dixit illum ipsum panem quem eis daturus esset, esse carnem suam, scandalizati sunt, dicendo: *Quomodo potest hic, &c.* Ubi *Hic* contemptum spirat. *Quomodo* verò esse vocem Judaicam notat Cyrill. & incredulitatis esse signum, Chrysost. & alii. Quod si tantummodo figuram carnis suæ vel nudum panem Christus eis promississet, ut Calvinistæ volunt, facillimè totam contentionem uno verbo sedare potuisset, dicendo se carnem suam figuratè daturum, sicut manna figuratè spiritalis cibus fuerat; & aqua, spiritalis potus. Sed quia rectè intellexerant verba de vera carne Christi, hinc auget sententiam præcedentem, gravissimæ confirmatione manducationi carnis suæ, quam horrebant, etiam sanguinis sui potum adjungit, quo Judæis nihil magis illicitum, ac belluinum videri poterat, utpote quibus usus omnis sanguinis, nudum humani, interdictus erat.

54. Dixit ergo  
eis Jesus: Amen,  
amen dico vobis:  
Nisi manducave-  
ritis carnem Fi-  
lii hominis, &  
biberitis ejus  
sanguinem, non  
habebitis vitam  
in vobis.

54. \* *Dixit ergo eis Jesus*, q. d. inquit Aug. *Quomodo* quidem edatur, & quismodus sit manducandi istum panem, ignoratis: verumtamen \* *nisi manducaveritis carnem Filii hominis*, id est, meam humanam, quam oculis vestris cernitis, \* *& biberitis ejus sanguinem.* Hæc ipsa carnis & sanguinis differentiâ insinuans, se sacrosanctum quoddam convivium, non solum carnis, sed & sanguinis, instituturum: ad quam institutionem adhuc futuram cum respiciat, verba non nisi post illud tempus obligationem manducandi & bibendi adferebant. Porro sensus hujus propositionis compositæ non est disjunctivus, quasi sensus esset: Si vel non manducaveritis, vel non biberitis, &c. sic enim alterutrius speciei prætermisio esset illicita, quod hæretici volunt: sed sensus est copulativus universalis, etiam secundum rigorem Dialecticum. Nam illud, *nisi*, includit negationem, idem valens quod, *si non*, & repeti debet etiam in secunda parte propositionis compositæ: quasi diceretur hoc modo: *Si non manducaveritis carnem Filii hominis, & biberitis ejus sanguinem, &c.* hoc est, si nec manducaveritis carnem, nec biberitis sanguinem, \* *non habebitis vitam*, supple *æternam*, ut ipse Christus mox exponit, & Aug. observat, ne scilicet putarent de vita temporali esse sermonem. \* *In vobis*, id est, non perseverabitis in vita, ut sit vobis æterna. Vitam enim jam habere supponuntur illi, qui isto cibo & potu uti debent: nam mor-  
tuis

tuis non servit cibus aut potus, ut reviviscant; sed viventium vita, ut perseveret, illis nutriti debet, ut Basil. lib. 1. de baptismo, & Catholici Doctores passim notant. Datur ergo hîc præceptum, sub pœna mortis æternæ, utendi hoc Sacramento, reipsâ vel certè desiderio, si necessitas rem excludat: non tamen utendi hac vel illâ specie, ut satis diximus. Ut autem non solum pœnâ terreret fastidientes, sed etiam utilitatis magnitudine alliceret, adjungit,

55. \* *Qui manducat*, id est, manducaverit in posterum, \* *meam* 55. Qui manducat meam carnem, & bibit, seu biberit, \* *meum sanguinem*, eo scilicet modo, quo manducari ac bibi debet, ut spiritualis manducatio per dilectionem fidei cum corporali jungatur. Quo sensu Aug. ait: Qui non manet in Christo, & in quo non manet Christus, non manducat & bibit, licet premat dentibus Sacramentum Corporis & Sanguinis Domini. \* *Habebit vitam æternam*, jam scilicet in se manentem & perseverantem, vi talis cibi & potûs, utpotè qui quemadmodum est vivus, ita etiam vivificus. Intellige autem, nisi alio ex capite sit defectus, quomodo tales propositiones universales intelligi debent, quemadmodum & de baptismo patet, Matth. 28. & de invocatione, ad Rom. 10. Quia verò perfecta vita æterna non est solius animæ, sed & corporis, de illa subjicit: \* *Et ego resuscitabo eum*, gloriosum ejusdem carnis & sanguinis mei virtute, \* *in novissimo die*, quando mors Christi, & sacramenta ejus, finem, plenamque perfectionem in electis consequentur. Nam, ut præclarè docet Cyrill. l. 4. c. 14. & 15. non solum animæ, sed & corpora nostra ex manducatione reali corporis & sanguinis Domini, immortalitatis incorruptionem trahunt. Quod & ante ipsum docuit Iren. lib. 5. c. 2. & lib. 4. c. 34. Quam vivificationis efficaciam non statim in hac vita exerit caro & sanguis Christi, sed solum in novissimo die: ne scilicet propter removendam mortis molestiam delicatius crederetur in Christum. Nam, ut Aug. lib. 2. de pecc. meritis cap. 31. sic homines mortem istam timent, ut non ob aliud felices dicerent esse Christianos, nisi quod mori omninò non possent. Sic verò tali beneficio carni quædam felicitas quidem adderetur, sed minueretur fidei fortitudo, quæ per contemptum mortis ad immortalitatem tendit.

56. \* *Caro enim mea vere est cibus*, id est, non metaphoricè, non allegoricè, non mysticè, sed reipsâ & verè cibus & potus sunt, & proinde verè, & realiter more cibi & potûs manducanda, & bibenda, ut vita servetur, roboretur, augeatur. Hoc ergo addit, tamquam causam præceptæ manducationis; & bis repetit illud, *verè*, ne quis ænigmaticum & parabolicum sermonem esse crederet, ut Chrysost.

cat meam carnem, & bibit meum sanguinem, habet vitam æternam: & ego resuscitabo eum in novissimo die,

56. Caro enim mea, verè est cibus: & sanguis meus, verè est potus,



& Euthymius notant. Probat hoc ex effectu cibi & potus, qui est uniri & commisceri viventi : Nam

57. qui manducatur meam carnem, & bibit meum sanguinem, in me manet, & ego in illo.

57. \* *Qui manducat meam carnem, & bibit meum sanguinem in me manet & ego in illo*, non solum per fidem & charitatem, voluntatisque unitatem, sed etiam naturali quadam & corporali unione seu commixtione, sicut Chrysost. hom. 61. ad populum Antioch. Hilar. lib. 8. de Trinit. & accuratissime Cyril. lib. 10. in Joan. cap. 13. & lib. 4. cap. 17. explicat hoc exemplo liquefactæ ceræ, quæ alteri ceræ liquefactæ ita commiscetur, ut unum quid cum ea effici videatur. Hæc autem unio est causa vitæ; quod sequentibus verbis tradit:

58. Sicut misit me vivens Pater, & ego vivo propter Patrem: & qui manducat me, & ipse vivet propter me.

58. \* *Sicut misit me vivens Pater*, quando me hominem fecit, divinitatem humanitati jungendo: \* *& ego vivo propter Patrem*, quia ut Deus, à vivente vivens genitus sum; ut homo, vitam divinitatis ejus, & omnis gratiæ ab eo accepi: ita \* *& qui manducat me*, manducando carnem meam, ratione cujus factus sum cibus sub specie panis. Insinuat igitur se totum esse etiam sub illa specie, quæ manducatur; cui propterea etiam totum effectum utriusque speciei tribuit, dicendo, \* *& ipse*, id est, etiam ipse, \* *vivet propter me*, quia scilicet vitam meam habet in se, seu mihi viventi per manducationem meæ carnis unitus est. Hic ergo absolvit Christus probationem versûs 55. q. d. hoc modo: Caro mea verè est cibus: cibus unitur, misceturque manducanti, unio verò vitam tribuit: ergò qui manducat meam carnem, habet vitam æternam. Itaque rediens ad sententiam primam versûs 33. occasione cujus tanta dixerat, concludit sermonem.

59. Hic est panis, qui de celo descendit. Non sicut manducaverunt patres vestri manna, & mortui sunt. Qui manducat hunc panem, vivet in æternum.

59. \* *Hic est ille panis, qui de celo descendit*, seu delapsus est (est enim præteriti temporis) quia per Incarnationem quantum ad rem contentam, panis iste quasi præparatus & coctus fuit: \* *non sicut manducaverunt Patres, &c.* id est, non sicut manna, seu non talis est panis, qualis manna, quod manducaverunt Patres vestri, \* *& mortui sunt*, id est, & per hoc non potuerunt à morte, sive corporis sive animæ liberari. \* *Qui verò manducat hunc panem, vivet in æternum*, de quibus vide v. 49. 50. & 52. Hoc interim hic notandum, quòd manducationi sub sola specie panis non minùs vitam æternam adscribat, quàm si sub utraque specie lumeretur;

60. Hæc dixit in synagoga docens, in Capharnaum.

60. \* *Hæc dixit in synagoga*, id est, in loco publico, in conventu omnium, \* *docens in Capharnaum*, celebri civitate. Quæ circumstantiarum expressio eo facit, ut mirabilis ille sermo plus fidei haberet, nec à quoquam confictus putaretur.

61. Multi ergo audientes ex discipulis ejus, dixerunt: Durus est hic sermo, & quis potest eum audire.

61. \* *Multi ergo audientes ex discipulis ejus*, id est, ex septuaginta discipulis, ut patet ex v. 67. & 68. \* *dixerunt: Durus est hic sermo*,

id est, intellectu & creditu difficilis. Tertull. de resurrect. cap. 36. exponit, intolerabilis. Nam ideò subjungunt, *\*quis potest eum audire?* id est, cujus aures eum ferre possent, dum se dicit de cælo descendisse, carnemque humanam comedendam, & sanguinem bibendum præcipit? Nam hoc ipsum carnaliter intellectum, horrorem incutit. Has duas murmurationis causas intelligens Jesus, & ordine refutans,

62.\* *Dixit eis: Hoc vos scandalizat?* id est, hoc vos offendit, & à me alienos facit?

63. *\*Si ergo videritis Filium hominis ascendentem, in cælum, supra omnem naturæ creatæ potestatem, \*ubi erat prius?* Antequam de cælo descenderet? Idem enim suppositum est, quod & antè propter incommutabilem divinitatem in cælo erat, indeque humanitatem assumendo descendit, & quod postea per eandem humanitatem ascendit. Est autem aposiopesis seu reticentia, hoc modo supplenda: Quid tunc dicetis? An adhuc scandalizabimini verbis meis, quibus dixi, me de cælo descendisse? Sic ergò tollit primam offensionis causam. Nunc ad secundam, quâ putabant carnem ejus more ferarum dentibus esse laniandam, ut Aug. tract. 11. & Cyril. hîc.

64. *\* Spiritus est, qui vivificat, caro non prodest quidquam.* Quæ verba à Chrysoft. cum suis, itemque Aug. in Psalm. 98. sic exponuntur, ut significant, carnalem intelligentiam eorum de modo manducandi, nihil ad vitam prodesse, sed spiritalem, quâ caro Christi reipsâ quidem, sed tamen in Sacramento, non solâ fide, sed non sine fide atque dilectione manducanda est. Cui sensui congruè subjungitur: *\* Verba quæ ego locutus sum vobis, spiritus & vita sunt,* id est, non ita carnaliter, ut suspicamini, intelligi debent, sed tradunt res spirituales, æternam vitam adferentes. Non quasi de manducatione carnis figuratâ, metaphoricâ, vel per solam fidem loqueretur, ut hæretici somniant; sed quia de manducatione veræ carnis, non tamen carnali, non mortuæ, non discerpendæ, non in propria specie, sed sub speciebus panis testæ. Idem tamen Aug. tract. 27. in Joan. & lib. 10. de Civit. c. 24. & ex professo Cyril. in hunc locum, explicant etiam aliter, ut scilicet Christus assignet veram causam vivificationis, quam carni suæ sæpius attribuerat. *Spiritus est qui vivificat,* id est, divinitas mea carni conjuncta, est illa, quæ vitam, de qua locutus sum, tribuit, per ipsam carnem meam: *caro verò sola, seu à spiritu divinitatis separata, non prodest quidquam,* ad vivificandum. Cui sensui Aug. dicit similem esse sententiam Pauli: *Scientia inflat,* sola scilicet sine charitate, *charitas verò adificat,* etiam per scientiam. Itaque hoc sensu di-

62. Sciens autem Jesus apud semetipsum, quia murmurarent de hoc discipuli ejus, dixit eis: Hoc vos scandalizat? 63. Si ergo videritis Filium hominis ascendentem ubi erat prius?

64. Spiritus est. qui vivificat: caro non prodest quidquam. verba, quæ ego locutus sum vobis, spiritus & vita sunt.



rectè tradisset Christus modum, quo caro sua vitam tribuit, scilicet per spiritum: consequenter verò eam non sic edendam esse, ut putabant, quemadmodum editur caro mortua animalium, sed sicuti spiritu animata, non carnali, sed spirituali modo, nempe sub Sacramento. Spiritualis enim talis caro spirituali modo edenda est. Itaque *\* verba, quæ ego locutus sum*, de manducanda carne mea, *\* spiritus & vita sunt*, seu spiritus vivens, ut præcesserat, id est, sunt spiritualia, & sic vitam adferunt, vel sunt de spiritu vivificante per carnem intelligenda, non de carne per se sumptâ, quam vobiscum fateor non prodesse quidquam.

Ad quid ergò, inquires, caro manducatur, si spiritus solus ad hoc sufficit? Resp. primò, quia caro vivificans homini vivificando magis congruit. Secundò, quia inæstimabilis dignitatis est, ipsissimi corporis & sanguinis Christi sumptione concorporeum & consanguineum Christo fieri. Tertiò, quia maximi momenti est, ad fructum partæ redemptionis assequendum, ipsissimo pretio redemptionis, hoc est, carni & sanguini Christi pro nobis datis uniri. Quartò, quia hoc efficacissimum est ad sanandam in nobis sævientem membrorum legem, ipsi carni Christi, ab omni cupiditate alienissimæ, conjungi & commisceri.

63. Sed sunt quidam ex vobis, qui non credunt, Sciebat enim ab initio Jesus qui essent non credentes, & quis traditurus esset eum.

65. *\* Sed sunt quidam ex vobis, qui non credunt*, mihi docenti, & ideo verbamea non intelligunt. Intelligentia enim ex fide nascitur, juxta illud Isaïæ 7. secundum Lxx. *Nisi credideritis, non intelligetis*. q. d. incredulitas quorundam est causa murmurationis, non sermonis duritia: *\* sciebat enim ab initio*, id est, non solum post expertam murmurationem, sed ab initio conversationis discipulorum secum sciebat, *\* qui essent non credentes*, ex discipulis, *\* & quis*, impulsus illo spiritu incredulitatis, *\* traditurus*, seu proditurus *\* esset eum*. Nam, ut S. Leo serm. 11. de Passione, nihil unquam verborum Domini cordi ejus inhæsit. Hunc ergò insinuat Evangelista hoc Christi sermone ex incredulitate fuisse scandalizatum, & alienato animo tandem in proditorem erupisse.

66. Et dicebat: Propterea dixi vobis, quia nemo potest venire ad me, nisi fuerit ei datum à Patre meo.

66. *\* Et dicebat, Propterea dixi vobis*, quia scilicet quidam ex vobis non credunt mihi, *\* quia nemo potest venire ad me*, hoc est, credere in me, *\* nisi fuerit ei datum à Patre meo*, ut credat: nam est explicatio ejus, quod dixerat v. 44. *Nisi pater meus traxerit eum*, quia ut Aug. lib. 1. ad Bonifac. cap. 3. ille trahitur ad Christum, cui datum fuerit à Patre, ut credat in Christum.

67. Ex hoc multi discipulorum ejus abierunt retro.

67. *\* Ex hoc*, tempore istius duri sermonis, *\* multi discipulorum ejus abierunt retro*, Græcè ἀπῆλθον εἰς τὰ ὀπίσω, abierunt ad ea, quæ retrò, hoc est,

est, ad pristinum vitæ modum, quem deseruerant. Quod magis explicat, addendo, \* *Et jam non*, Græcè *ἔτι καὶ οὐκ ἔτι*, & non amplius, \* *cum illo ambulabant*, sicuti solebant. Ubi Aug. notat in Psalm. 54. primam hæresim in discipulis Christi velut ad duritiam sermonis ipsius factam esse; intellige circa Eucharistiam. Christus ergo ne turbari vel angī videretur eorum discessu,

68. \* *Dixit ad duodecim*, qui remanebant: \* *Numquid & vos vultis abire?* Offensū doctrinā meā, ut quæretis alium Doctorem? Quasi insinuans, hoc per se licere. Quā libertatis & optionis permissione significabat, quod ipse illis non illi Christo essent necessarii, ut Aug. notat tract. 11. ut videlicet ita magis eos ad remanendum accenderet, omnibusque pateret, quod neque vi, neque ignorantia, neque verrecundiā retinerentur; ac denique ut sequentem confessionem eliceret.

69. \* *Respondit ergo Petrus*, nomine totius collegii Apostolici, cuius caput erat, ut Cyril. notat, & cuius sententiam exploratam se habere putabat: \* *Domine, ad quem ibimus*, te relicto? q. d. Non inveniendum esse simile: cuius ratio sequitur, quia \* *verba æternæ vitæ habes*, id est, non dura, non quæ fieri nequeant, ut alii putant, sed verè divina & vivifica, quibus qui obtemperant, vitam æternam assequuntur. Alludit enim ad verba Christi v. 63. & tacitè refutat murmur infidelium. Unde adjungit,

70. \* *Et nos credidimus*, jam antè, tum Joanni testificanti, tum tibi, & intelligentiā fidem consequente, etiam \* *cognovimus*, ex factis tuis mirabilibus, \* *quia tu es Christus Filius Dei vivi*: Græcè *ὅτι Χριστὸς ὁ υἱὸς τοῦ Θεοῦ*, ille Christus, ille Filius Dei vivi & veri, ut observat Cyril. Quibus paucis verbis summam fidei Christianæ complectebatur, insinuans se verba Christi, quantumvis minus intellecta, vel dura, majestatis intuitu amplecti tamquam veracissima. Christus verò emendans Petrum, quatenus indivarerat omnes credere, ne fortè visâ postea proditiōe Judæ, se quoque deceptum fuisse suspicarentur, respondit;

71. \* *Nonne ego vos duodecim elegi*, in domesticos & Apostolos, & tamen \* *ex vobis unus diabolus est?* id est, Diabolicum, mihiq; adversantem animum gerit? Neminem exprimit, ut omnes solliciti essent ac timerent, juxta Aug. & Cyril.

72. \* *Dicebat autem*, id est, notabat his verbis, \* *Judam Simonis filium, Iscariotem*, de quo dictum Matt. 10. \* *hic enim erat traditurus eum*; id est, magnum illud scelus proditiōis commissurus, \* *cum esset*, id est, quamvis esset \* *unus ex duodecim*, electis ad Apostolatam. Quod autem Deus tam exiguum numerum duodenarium noluit esse sine malo, hoc ad exemplum nostræ patientiæ valere voluit, quoniam necesse erat, ut inter malos viveremus, ut Aug. in Ps. 34.

trò: & jam non cum illo ambulabant.

68. Dixit ergo Jesus ad duodecim: Numquid & vos vultis abire?

69. Respondit ergo ei Simon Petrus: Domine ad quem ibimus? verba vitæ æternæ habes.

70. & nos credimus, & cognovimus, quia tu es Christus Filius Dei.

71. Respondit eis Jesus: Nonne ego vos duodecim elegi? & ex vobis unus diabolus est?

72. Dicebat autem Judam Simonis filium Iscariotem: hic enim erat traditurus eum, cum esset unus ex duodecim.



## CAPUT SEPTIMUM.

1. Post hæc autem ambulabat Iesus in Galilæam, non enim volebat in Iudæam ambulare, quia quærebant eum Iudæi interficere.

1. \* **P**ost hæc ambulabat Iesus in Galilæam, Græcè est in Galilæa, sicut paulò post etiam, in Iudæa: & significatur, quòd perambularet oppida Galilææ, declinando Iudæam strictè dictam, in qua templum erat & Pascha debebat celebrari. Causa erat, \* quia quærebant eum Iudæi interficere, propter rationem assignatam cap. 5. v. 16. & 18. quæ etiam tangitur hoc c. 7. v. 20. & 21. Itaque datur hîc ratio, cur non perrexerit in Iudæam ad Pascha celebrandum, quod c. 6. v. 4. proximum fuisse dixerat, nempe periculum vitæ. In quo, ut Aug. infirmitati nostræ exemplum præbere voluit, pericula prudenter declinandi, quando non postulat charitas, ut vita profundatur.

2. Erat autem in proximo dies festus Iudæarum, Scenopegia.

2. \* **E**rat autem in proximo dies festus Iudæarum, Græcè ἑορτή, festum Iudæarum: non enim erat unus dies, sed durabat per septem continuos dies, Levit. 27. Dicebatur autem \* Scenopegia, Græcè Σκηνοπέγεια, hoc est, tabernaculorum fixio, quia mense septimo sub dio in tabernaculis habitabant, in memoriam habitationis per quadraginta annos in deserto, & protectionis divinæ. Unum erat ex festis tribus, quibus debebant comparere coram Domino, ut patet Deuter. 16. v. 16.

3. Dixerunt autem ad eum fratres ejus, Transi hinc, & vade in Iudæam, ut & discipuli tui videant opera tua, quæ facis.

3. \* **D**ixerunt autem ad eum fratres ejus, quo nomine ex consuetudine Scripturarum vocantur quilibet consanguinei, ut notat Aug. Fratres ergò sive ex parte matris verè cognati essent, sive ex parte Joseph esse putarentur. \* Transi hinc, &c. q. d. Quid hic in Galilæa obscurus delitescis? Sânt enim verba reprehendentium, & ipsâ reprehensione exhortantium, ut iret \* in Iudæam, Ierosolymam scilicet tamquam ad theatrum mundi, ut indicatur fuisse Act. 2. v. 5. \* Ut & discipuli tui, id est, studiosi doctrinæ tuæ, quos illic tibi conciliasti, neque te sequuntur quaquaversum, \* videant opera tua, quæ facis, admiranda, hoc est, ut etiam ibi eadem facias mirabilia, quæ videant.

4. Nemo quippe in occulto quid facit, & quærut ipse in palam esse: si hæc facis, manifesta te ipsum mundo.

4. \* **N**emo quippe in occulto quid facit, id est, nemo aliquid præclarum faciens, latebras quærut, aut quærere debet, \* & quærut ipse in palam esse, id est, sed è contrario desiderat publico innotescere. \* Si hæc facis, id est, quandoquidem opera tam admiranda perpetras, \* manifesta te ipsum mundo, id est, redde te celebrem universis hominibus, Ierosolymam proficiscendo, ut scilicet ibi à Sacerdotibus & Scribis approberis.

5. Neque enim fratres ejus, credebant in eum.

5. \* **N**eque enim fratres ejus credebant in eum, tamquam Christum, quem se esse asserbat: quamvis id verum esse desiderarent, propter gloriam, quæ inde ad se redundaret. Nam ex humanæ gloriæ desiderio eos hæc verba dixisse, notat Aug.

6. \* Dixit eis Iesus : Tempus meum , mihi opportunum , ut proficiscar in Judæam , & mundo manifestetur , \* nondum advenit : tempus autem vestrum proficiscendi Ierosolimam , \* semper est paratum , id est , opportunum , utpote quibus ibi nihil periculi imminet : nam hanc rationem subjicit ,

6. Dixit ergo eis Iesus : Tempus meum nondum advenit : tempus autem vestrum semper est paratum.

7. \* Non potest mundus odisse vos , quia nulla in vobis odii causa est , utpote quorum vita & sermo non multum à mundi moribus discrepat : \* me autem odit , quia testimonium perhibeo de illo , id est , testor ac doceo , \* quod opera ejus mala sunt. Talis autem veritas reprehensionis odium parit , quia ut Cyril. animus voluptati deditus graviter fert , si à voluptate revocetur. Et quantumvis omnes homines ament veritatem lucentem , oderunt tamen redarguentem : amant eam , cum se ipsam indicat ; oderunt eam , cum eos ipsos indicat , ut Aug. l. 10. Confess. c. 23. Idèò igitur

7. Non potest mundus odisse vos : me autem odit : quia ego testimonium perhibeo de illo , quod opera ejus mala sunt ,

8. \* Vos ascendite ad diem festum , ego autem non ascendo. Et tamen constat ex v. 10. eum ascendisse. Itaque Porphyrius apud Hieron. lib. 2. contra Pelagianos , hinc arguebat Christum inconstantiam , quòd tam citò mutasset propositum. Laborant autem plerique ut hæc concilient. Cyril. negat eum ascendisse , celebrandi scilicet festi causâ : Aug. tract. 28. exponit eum non ascendisse gloriæ suæ causâ , sicut fratres ei consulebant. Sed expeditior solutio est , quam ibidem Aug. suggerit , & ipse textus indicat : quia non ascendit ad diem festum illum , hoc est , ad primum vel secundum diem festivitatis : sed ascendit sequentibus diebus , ut indicatur v. 14. Vel facilius adhuc dici potest , quando dicitur , non ascendo , illud Latinum , non , poni pro eo , quod in Græco est , *ὅτι οὐκ* , nondum : nam Græcè habetur hic eadem vox , quæ v. 6. ubi dicit , Tempus meum nondum advenit ; & quæ habetur hoc eodem versu , \* Meum tempus nondum impletum est , quod scilicet ego propterea expecto. Quo impleto ,

8. Vos ascendite ad diem festum hunc , ego autem non ascendo ad diem festum illum : quia meum tempus nondum impletum est.

9. Hæc cum dixisset , ipse mansit in Galilæa.

10. \* Tunc & ipse ascendit , cum scilicet fervor Judæorum aliquantulum fortasse deferbuisset , ut minore cum periculo venire posset. Ascendit autem , \* non manifeste , sed quasi in occulto : quia neque rectâ viâ profectus est , sed per diverticula & devia , transmissio scilicet Jordane per Peræam , ut ex collatione Evangeliorum colligitur : neque cum notabili comitatu , ut adventui suo celebritatem adimeret.

10. Ut autem ascenderunt fratres ejus , tunc & ipse ascendit ad diem festum non manifeste , sed quasi in occulto.

11. Judæi ergo quærebant eum in die festo , & dicebant : Ubi est ille ?

11. \* Judæi ergo , Principes scilicet , \* quærebant eum in die festo , ut eum apprehenderent , \* & dicebant : Ubi est ille ? Quam esse vocem contemptus , notat Chrysost. cum suis.

12. Et murmur multum erat in turba de eo. Quidam enim dicebant : Quia bonus est. Alii autem dicebant : Non . sed seducit tur-

12. \* Et murmur multum , id est , multa mustratio , variæ scilicet variorum sententiæ erant , \* in turba de eo.



13. Nemo tamen palam loquebatur de illo, propter metum Judaeorum.

13. \* *Nemo tamen*, eorum, qui defenderent eum, \* *palam*, Græcè, *παρρησια*, liberè seu cum *libertate*, \* *loquebatur de illo*: nam, ut Aug. *seducit turbas*, clariùs sonabant; *bonus est*, pressius susurrabant, \* *propter metum Judaeorum*, Principum, quibus eum invisum esse sciebant.

14. Jam autem die festo mediantem, ascendit Jesus in templum, & docebat.

14. \* *Jam autem die festo mediantem*, hoc est, cum ejus jam esset mediam, quarto scilicet festivitatis die, qui inter septem medius est, \* *ascendit Jesus in templum*, publicè scilicet, \* & , præsens ibi inimicis, \* *docebat*. Ut satis hinc pateat, antea exempli nostri causâ, eum, ut diximus, latuisse; nunc verò divinæ suæ potestatis ostendendæ causâ prodiiisse; ut utrumque notat Aug. tract. 29.

15. Et mirabantur Judæi, dicentes: Quomodo hic litteras scit, cum non didicerit?

15. \* *Et mirabantur*, dicentes: *Quomodo hic litteras scit*, Scripturas scilicet sacras, quas allegat, ac divina mysteria, \* *cum non didicerit*? Quia multi noverant, inquit Aug. ubi natus, quemadmodum fuisset educatus, quem tamen numquam viderant litteras discentem.

16. Respondit eis Jesus, & dixit: Mea doctrina non est mea, sed ejus, qui misit me.

16. \* *Respondit Jesus*: *Mea doctrina*, quam vobis trado, \* *non est mea*. Quam apparentem contradictionem solvit Athanas. serm. 2. contra Arianos, & brevius Aug. hoc loco, cum dicit: Doctrina Christi ipsius erat, quia Christus erat verbum, in quo omnes thesauri sapientiæ absconditi; & ipsius non erat, quia verbum necesse est, ut alicujus sit. Quid verò tam tuum, quàm tu? Et rursus, quid tam non tuum, quàm tu, si alicujus es, quod es? Unde & Christus adjicit, \* *sed ejus, qui misit me*, id est, Patris, à quo sicut essentiam, & scientiam, & sapientiam, ita & doctrinam accepi. Unde c. 8. *Sicut me docuit Pater, hæc loquor*.

17. Si quis voluerit voluntatem ejus facere: cognoscat de doctrina, utrum ex Deo sit, an ego à seipso loquar.

17. \* *Si quis voluerit ejus voluntatem facere*; conformando voluntatem & facta sua præceptis Dei, \* *cognoscat de doctrina*, utrum ex Deo sit: intellectus enim bonus omnibus facientibus eum. Nam, ut Aug. q. 96. super Exodum, Prius oportet verbis Dei reddere faciendi servitutem, ut ad intelligentiam earum rerum, quæ ipso præcipiente fiunt, merito devotionis istius ipse perducatur. \* *An ego à me ipso loquar*, id est, an mea doctrina humano sensu inventa sit, Deoque contraria. Hoc enim dicit, *à me ipso*, ita scilicet ut non sit ex Deo, quod necesse est Deo esse contrarium. Nam

18. Qui à semetipso loquitur, gloriam propriam quarit, qui autem quarit gloriam ejus, qui misit eum, hic verax est, & injustitia in illo non est.

18. \* *Qui à semetipso loquitur*, tamquam author atque inventor doctrinæ suæ, \* *gloriam propriam quarit*, id est, affectat gloriam proprii ingenii & inventionis, ut inde ab hominibus in pretio habeatur: \* *Qui autem quarit gloriam ejus, qui misit eum*, Dei scilicet, quemadmodum me ubique facere videtis, \* *hic verax est*. Immediatè dicendum erat, *hic à seipso non loquitur*, & consequenter, *verax est*, deferens auctori suo id, quod ei debetur, \* & *injustitia*, id est, impostura injusta, quâ studio

studio adulandi fallat aliquem, \* *non est in eo*. Nullam enim adulandi vel fallendi causam habet, sed doctrinam Dei, sive gratam sive ingratam, auditoribus sine dissimulatione tradit. Et hactenus de primo capite Judaicæ accusationis, quod Patrem suum diceret Deum: nunc ad alteram, quod legem Moysis & sabbatum violaret.

19. \* *Nonne Moyses dedit vobis legem: & nemo ex vobis facit legem?* 19. Nonne Moyses dedit vobis legem: & nemo ex vobis facit legem?

q. d. Nonne vos ipsi solvitis legem Moysis, cujus transgressionem mihi obijcitis? Ut videlicet hoc modo in ipsosmet accusantes crimen obiectum regerat. Sed in quo Judæi non servarent Legem, non ita liquet aut convenit, Chrysost. Cyril. & Aug. intelligunt eos non servare Legem, eo quod innocentem occidere vellent, quod lex prohibet: versui tamen 22. videtur magis congruere, ut neminem eorum intelligat facere legem illam, de qua sermo erat, de non violando sabbato, utpote in quo tota illa natio hominum circumcidebat, cum tamen hoc sit violare sabbatum, juxta sententiam illam, quâ putabant à Christo sabbatum violari, hominem sanitati restituendo.

20. \* *Quid ergo me queritis interficere?* scilicet ob violatum sabbatum, cum ipsi vos non minus in eo rei sitis? Quæ verba cum essent ad Principes dicta; \* *respondit turba*, putans & in se esse conjecta, & se criminis illius ream agi: \* *daemonium habes*, mendacii scilicet, & calumniæ istius authorem: \* *quis nostrum te querit interficere?* Quibus inconditis turbæ turbatæ verbis, tamquam ex consuetudine hominum irritatorum dictis, Dominus in veritate tranquillus respondit sine maledicto:

21. \* *Unum opus feci*, sanando unum hominem languidum in sabbato, \* *& omnes miramini*; alii indignantes atque damnantes, ut v. 23. alii saltem mirum judicantes, quod non alio die hoc fecerim, ut sic nulla in me caderet reprehensio.

22. \* *Propterea*, ut hanc tum indignationem vobis auferam, attendite, scilicet id, quod vobis dicam: \* *Moses dedit vobis circumcisionem*, id est mandatum de circumcisione, ut patet Levit. 12. v. 3. ubi dicit, *Die octavo circumcidetur infantulus*: quibus verbis circumcisio in legis Sacramentum transivit: \* *non quia ex Moyse est*, tamquam primo promulgandæ circumcisionis authore, \* *sed ex Patribus*, Abraham, Isaac, & cæteris Moyse vetustioribus Patriarchis, \* *& in sabbato*, etiam à Moyse vobis præcepto, \* *circumciditis hominem*, si videlicet dies octavus nativitatis ejus in sabbatum incideret. His præmissis argumentatur adversus eos Christus in hunc modum:

23. \* *Si circumcisionem accipit homo in sabbato*, quæ ex suo genere servile quoddam opus est, præsertim cum ei conjungitur, quæ conjungi



jungi solet, medicinalis illa chirurgia, ad sanandum vulnus necessaria, ut Cyril. notat, \* *ut non solvatur lex Moysi*, id est, ita ut tamen per hoc non violetur lex de observando sabbato : \* *mibi indignamini quia totum hominem*, id est, toto corpore paralyti dissolutum, \* *sanum feci in sabbato* ? Cum scilicet sit hoc longè remotius ab opere fervili, utpote solo jussu factum, sine ulla membri præcisione, vel medicinæ, vel fasciarum applicatione. Itaque

24. Nolite judicare secundum faciem, sed justum judicium quærunt interficere ?

24. \* *Nolite judicare secundum faciem*, id est, secundum acceptionem facierum seu personarum, hoc est, non ex æquitate causæ, sed ex odio, amore, aut alio affectu erga personam, ad causæ meritum non pertinente : q. d. Nolite ex favore Moysen vel vos absolvere ; ex odio me condemnare : \* *sed justum judicium judicate*, ex causæ meritis conceptum. Quo tacite eis revocat in memoriam legem Dei, quæ ferè eisdem verbis expressa est, Deut. 1. v. 16. & 17.

25. Dicebant ergo quidam ex Ierosolymis : Nonne hic est, quem quærunt interficere ?

25. \* *Dicebant ergo quidam ex Ierosolymis*, Græcè ἐκ τῶν Ἱερουσαλὴμ, *Ierosolymitanis*, quibus videlicet magis perspecta erant Principum suorum consilia : \* *Nonne hic est, quem quærunt interficere* ? &c. Sunt verba mirantium, ut Aug. notat, quâ tandem potentiâ fieret, ut non lætaretur ; imò nec verbum ei diceretur, quem antea Principes tantâ sævitia persequabantur. Et cum dubitarent, an hoc fieret ex eo, quod agnoscerent eum esse Christum, respondent sibi ipsis :

26. Et ecce palam loquitur, & nihil ei dicunt. Numquid verè cognoverunt principes quia hic est Christus ?  
27. Sed hunc scimus unde sit : Christus autem cum venerit, nemo scit unde sit.

27. \* *Sed, &c.* q. d. Non est hoc verisimile, quia \* *hunc scimus unde sit*, hoc est, novimus ejus patrem & matrem, ut suprâ cap. 6. v. 42. *Christus autem cum venerit, nemo scit*, id est, sciet, *unde sit*, id est, ex quibus parentibus. In quam persuasionem inducti sunt, forsan ex verbis Scripturæ malè intellectis, ut ex illo Isaïæ 53. *Generationem ejus quis enarrabit* ? Et illo Michææ 5. *Egressus ejus ab initio à diebus æternitatis* ; & similibus, quæ de ipsius divinitate loquuntur.

28. Clamabat ergo Jesus in templo docens & dicens : Et me scitis, & unde sim scitis, & unde sim scitis ; & à meipso non veni, sed pater, qui misit me, quem vos nescitis.

28. \* *Clamabat ergo Jesus in templo docens & dicens : Et me scitis*, nomen, faciem, conversationem : \* *unde sim scitis*, id est, quibus, ut putatis, parentibus, quâ patriâ natus, ubi educatus : verumtamen adhuc occultior mihi origo est, \* *quia à meipso non veni*. Ubi per, *veni*, significat suâ se quidem voluntatè venisse, sed addendo, *non à meipso*, indicat hoc suum *velle & venire* ab alio derivari. Quam ob causam congruè dicitur *missus* : missio enim origo est legationis. Ideoque adjicit : \* *sed est verus*, absolutè & in omnibus, quia & verus Deus, & verus Pater ex quo omnis paternitas in cælo & in terra nominatur, & verum habens Filium, verus in dictis, in promissis, in factis. Hic ergo per omnia verus & verax *misit me*, de cælo in terram ; per quod incarnationem suam indicat : \* *quem vos nescitis*, supple ex versu seq. quod

## SECUNDUM JOANNEM. CAP. 7. 701

ab ipso sum &c. q. d. inquit Aug. Unde sim scitis, & unde sim nescitis: insinuans secundum carnem se illis notum esse potuisse & gente & patriâ, secundum divinitatem verò incognitum.

29. \* *Ego scio eum, quia*, seu quod, \* *ab ipso sum*, id est, scio me ab ipso esse per æternam generationem, \* *& ipse me misit*, per incarnationem. Nam, ut Aug. magnificè utrumque monstravit, *ab ipso sum*, quia Filius de Patre natus, & *ipse me misit*, quia principii generantis autoritate incarnatus.

29. Ego scio eum, quia ab ipso sum, & ipse me misit.

30. \* *Quærebant ergo eum apprehendere*, aliqui scilicet de turba, verbis illis irritata, ut videtur colligi ex v. 32. utpote quia putabant se magistratui gratum facturos, vel quia ab eo apprehendendi facultas jam ante data fuerat: \* *& nemo misit in eum manus, quia nondum venerat hora illius*, quâ teneri & pati decreverat. Itaque occulta Domini virtus conatum eorum cohibebat. Cum ergo multi alii de turba propter multitudinem signorum crederent, & Pharisei timerent, ne eum omnes sequerentur, dixit Jesus eis, qui missi fuerant ad eum apprehendendum:

30. Quærebant ergo eum apprehendere, & nemo misit in illum manus, quia nondum venerat hora eius.

33. \* *Adhuc modicum tempus vobiscum sum*, id est, quantumvis inter vos constitutum sit, me apprehendere, velitis nolitis, adhuc modico tempore inter vos conversabor, & illo peracto propriâ sponte meâ, \* *vado ad eum, qui misit me*, per mortem, resurrectionem & ascensionem in cælum.

31. De turba autem multi crediderunt in eum, & dicebant: Christus cum venerit, numquid plura signa faciet quam quæ hic facit?

34. \* *Quæretis me*. Hoc multi intelligunt de quæstione in malum: q. d. Etiam post discessum meum quæretis extinguere me, & nomen meum, sed \* *non invenietis*; & ita consequenter exponi deberent sequentia: quia \* *ubi ego sum*, seu ero tunc, \* *vos non potestis venire*. Et iste sensus satis congruit versui 21. capitis seq. ubi eadem verba illo sensu repetuntur. Christus ipse tamen c. 13. v. 33. repetit eadem sua verba apud Apostolos, & exponere videtur de quæstione etiam in bonum. Itaque sensus esse poterit etiam ille, sine præjudicio sensus præcedentis: Ubi in cælum ascendero, plerique vestrum compuncti quæretis, optabitisque præsentiam meam corporalem, ut me docentem audiat, & signa videatis; sed non invenietis. Ita ferè Aug. \* *Et ubi ego sum*. Illud, *Et*, est causaliter accipiendum, pro *Nam*, ubi ego tunc ero; & jam etiam sum, propter divinitatem ejusdem suppositi, \* *vos non potestis*, seu poteritis tunc \* *venire*, quamdiu scilicet mortali corpore gravati me quæsieritis. Judæi ergo cum hoc non intelligerent,

32. Audierunt Pharisei turbam murmurantem de illo hæc: & miserunt Principes & Pharisei ministros, ut apprehenderent eum.

33. Dixit ergo eis Jesus: Adhuc modicum tempus vobiscum sum; & vado ad eum, qui me misit.

34. Quæretis me, & non invenietis: & ubi ego sum, vos non potestis venire.

35. \* *Dixerunt ad semetipsos*, id est, inter se: Quo, id est, in quem alium locum orbis terrarum \* *iturus est*? Non enim apprehendebant rudes homines eum de cælo loqui. \* *Numquid in dispersionem Gentium*

35. Dixerunt ergo Judæi ad semetipsos: Quo hic iturus est, qui non invenimus eum?



numquid in dis-  
persum est? id est, Ad dispersas toto orbe terrarum Gentes? Quomodo  
personam Gen-  
tium iturus est, & docturus Gen-  
tes? & 1. Petri 1. v. 1. Gentilitas vocatur, *Dispersio Ponti, & Galatia, &c.*  
quia Gentes non unam regionem, sicuti Judæi terram Chanaan, sibi

assignatam habebant. \* *Et docturus Gentes?* Græcè utrobique est *ἐκδιδάσκων*,  
Græcos: per quos intelligebant reliquas nationes hominum præter Ju-  
dæos. Nam ex eo tempore, quo Græci rerum potiti fuerant, divide-  
bant Judæi totum orbem in Judæos & Græcos, ut patet ex Apostolo  
sapius in epist. 1. ad Romanos.

37. In novissimo  
autem die magno  
festivitatis, Ra-  
bat Jesus, & cla-  
mabat, dicens:  
Si quis sitit, ve-  
niat ad me, & bi-  
bat.

37. \* *In novissimo autem die magno festivitatis*: quem aliqui septi-  
mum fuisse putant; sed quia Scriptura non notat in feriis Scenopegiæ  
diem septimum fuisse magnum, imò nec ab opere servili fuisse feriatum,  
hinc verisimilius est, designari octavum, qui proprio nomine  
dicebatur *Dies Catus atque Collectæ*, quia totus populus eo die conflue-  
bat, tamquam postridiè domum discessurus. Unde & Salomon die  
octavo dedicationis dicitur fecisse collectam. Hic ergo dies octavus  
Scenopegiæ, quia Levit. 23. v. 36. vocatur celeberrimus atque sanctis-  
simus, meritò debet intelligi esse dies magnus festivitatis: in quo pro-  
pter frequentissimum auditorium, & jamjam dimittendum, Christus  
velut viaticum daturus, \* *stabat*, tamquam rem maximè seriam asser-  
turus; & ex intimo animi sensu loquens, \* *clamabat*, ut facilius ab  
omnibus exaudiretur: \* *si quis sitit*, id est, vehementer desiderat, sa-  
lutem, beatitudinem, & summum bonum, quia sitientium appetitus  
vehementissimus est: \* *veniat ad me*, tamquam ad fontem publicum,  
unde nemine prohibente, refocillationem suæ sitis, hoc est, salutem  
hauriat. Alludere videtur ad locum Isaïæ 55. v. 1. *Omnes sitientes ve-  
nite ad aquas.* \* *Et bibat*, potum salutis, quem ego ei propino, Spiritum  
videlicet sanctum, qui ita sitim ejus implebit, ut nullam umquam in-  
opiam passurus sit. Ut autem intelligerent, quid sit venire ad se, ex-  
plicando subjungit:

38. Qui credit in  
me, sicut dicit  
Scriptura, flumi-  
na de ventre ejus  
fluunt aquæ vitæ.

38. \* *Qui credit in me*, (credendo enim venit, non credendo dis-  
cedit) \* *sicut dicit Scriptura*, diversis locis, magnam Spiritus &  
gratiæ abundantiam promittens hominibus, ut videre licet Isaïæ 58.  
v. 11. Joëlis 2. v. 28. & aliis locis, \* *flumina aquæ vitæ*, id est, multi-  
plicia Spiritus Sancti & gratiarum dona abundanter, instar fluminum,  
\* *fluent de ventre ejus*, id est, non solum ipsum intus reficient, sed etiam  
ex animo ejus, seu intimis ejus sensibus per omne genus sanctæ ope-  
rationis in alios erumpent. Hunc esse sensum Evangelista ipse expo-  
nit, dum testatur hoc esse dictum \* *de spiritu, quem accepturi erant cre-  
dentes*, utpote qui dona sua profusissimè instar fluminum in credentes  
fusus erat in Pentecoste.

39. \* *Nondum enim erat spiritus datus*, visibiliter scilicet & cum tanta plenitudine, signorumque & effectuum gloriâ. Nam, ut Aug. omnes Prophetæ & iusti Spiritum Sanctum olim acceperant; sed modus quidam futurus significatur donationis hujus, qui omnino ante non apparuerat. Causa erat, \* *quia Jesus nondum erat glorificatus*, per crucem seu mortem, ut Chrysost. cum suis, itemque Hier. epist. ad Hedi- biam quæst. 9. Sed rectius Aug. intelligit glorificationem per resurre- ctionem & ascensionem in cælum, quando exaltatus fuit ad dexte- ram Patris. Unde Christus ipse ait: *Si non abiero, Paracletus non venit ad vos; si autem abiero, mittam eum ad vos*. Causa dilationis istius fuit, quia inordinatum videbatur glorificare Ecclesiam, seu membra Chri- sti, antequam capitis glorificatio completa esset. Quod respexit S. Pe- trus Act. 2. v. 33. *Dextera igitur Dei exaltatus* (id est glorificatus) & *promissione Spiritûs Sancti acceptâ à Patre: effudit hunc, quem vos videtis, & auditis*. Sic enim patuit, tantam donorum profusionem esse fructum victoriæ & glorificationis Christi. Cum ergo turbâ inter se dissen- tiente, ministri fuissent à Phariseis reprehensi, cur Jesum non addu- xissent captivum, causam reddiderunt: quia

46. \* *Numquam sic locutus est homo*, hoc est, cum tanta eloquentia, & efficacia, & vi spiritûs: nam ex solo concionandi modo aliquid divinum in eo latere judicarunt.

47. \* *Responderunt Pharisei*, cæteris magis implacabiles: \* *Numquid & vos*, qui nobis ministerio & clientelâ estis obstricti, \* *seducti estis*, verborum ejus pulchritudine, ut ei tamquam Prophetæ vel Messiaæ adhæreatis?

48. \* *Numquam ex Principibus aliquis*, autoritate scilicet præcellen- tibus, \* *aut ex Phariseis*, sanctitate aut Legis peritiâ eximiis, \* *credit in eum*, quos scilicet tutò sequi possitis? Errore enim sæculari ar- bitrabantur, ex personis fidem, non ex fide personas æstimari oportere, ut Tertul. de præscrip. c. 5. Sed Christus in illis initiis non mul- tos sapientes secundum carnem, potentes, aut nobiles vocavit, qui suâ autoritate alios provocarent, ne divitiis, potentiâ, honore, fa- vore, sæculari sapientiâ, homines ad se traduxisse videretur.

49. \* *Sed turba hæc, quæ non novit legem*, & ideò non servat eam, neque in credendo, neque in agendo, dum istum loco Prophetæ vel Messiaæ tam facilè contra legem recipiunt, \* *maledicti sunt*, juxta id, quod Lex dicit Deut. 27. v. 26. *Maledictus, qui non permanet in ser- monibus legis hujus*.

50. \* *Dixit Nicodemus illè, qui venit ad eum nocte*: ideoque tunc non incredulus quidem, sed adhuc timidus, nunc verò paulò constantior,

39. Hoc autem dixit de Spiritu, quem accepturi erant credentes in eum: nondum enim erat Spiritus datus, quia Jesus nondum erat glorificatus.

40. Ex illa ergo turba, cum audissent hos sermo- nes ejus, dice- bant: Hic est verè propheta.

41. Alii dicebant: Hic est Christus. Quidam autem dicebant: Num- quid à Galilæa venit Christus?

42. Nonne Scrip- tura dicit: Quia ex semine David, & de Bethlehẽm castello, ubi erat David, venit Christus?

43. Dissensio ita- que facta est in turba propter eum.

44. Quidam au- tem ex ipsis vo- lebant apprehen- dere eum: sed ne- mo misit super eum manum.

45. Venerunt er- go ministri ad Pontifices, & Pha- riseos. Et dixe- runt eis illi: Qua- re non adduxe- stis illum?

46. Responde- runt ministri: Numquam sic lo- cutus est homo, sicut hic homo.

47. Responde- runt ergo eis Pha- risei: Numquid & vos seducti estis?

48. Numquid ex principibus ali- quis credit in eum, aut ex Pha- riseis?

49. Sed turba hæc, quæ non novit legem, maledicti sunt.

50. Dixit Nicodemus ad eos.



ille qui venit ad  
eum nocte, qui  
unus erat ex ip-  
sis.

41. Numquid lex  
nostra iudicat  
hominem, nisi  
prius audierit ab  
ipso, & cognov-  
erit quid faciat?

ut qui auderet eorum furorem saltem ad examen revocare :

§ 1. \* *Numquid lex nostra iudicat hominem, nisi prius, &c.* id est, Numquid lex Dei quemquam condemnari sinit inauditum, ut \* *ab ipso*, præfente scilicet, causa ejus diligenter cognoscatur, utrum reus sit, an non; quantumcumque multos habeat accusatores? Ut notat Basiliius in Moralibus reg. 54. c. 5. Quod & Judæos observasse patet ex forma condemnandi Susannam, itemque Romanos, ex Act. 25. v. 16. Hinc & Deut. 13. v. 14. sollicitè & diligenter Lex veritatem quæri jubet, antequam ad punitionem procedatur. Itaque Nicodemus non tam Jesum defendit, quam Legem, ut ei efficacius profit: credebatur enim, inquit Aug. quia si tantummodò eum vellent patienter audire fortè similes ministris credentibus fierent.

52. Responde-  
runt, & dixerunt  
ei: Numquid &  
tu Galilæus es?  
Scrutare Scriptu-  
ras, & vide quia  
à Galilæa propheta  
non surgit.

53. Et reversi  
sunt unusquisque  
in domum suam.

§ 2. *Responderunt, & dixerunt ei, ferociùs cum eo vitio: \* Numquid & tu Galilæus es?* Ut scilicet propter communem patriam ei faveas? Vel potiùs sensus videtur: Numquid & tu ex discipulis ejus es? Nam, ut postea discipuli glorioso nomine dicti sunt Christiani, ita antea probroso videntur dicti Galilæi, quia plerique tales erant, & quia Christus ipse in Galilæa educatus fuit. Unde ancilla Lucæ 22. probat Petrum esse discipulum Christi, quia Galilæus erat: & Julianus Apostata morti proximus exclamabat, *Vicisti Galilæe.* \* *Scrutare Scripturas, & vide, quia à Galilæa Propheta non surgit,* Græcè ἐξηγῆσαι, *surrexit*, id est, deprehendes nullum hætenus Prophetam ex Galilæa prodisse, & proinde neque hunc esse prophetam vel Messiam. Ineptum planè argumenti genus: sic enim & Eliæ autoritatem elevare potuissent, dicendo, quod ex habitatoribus Galaad Propheta non surgeret; & omnium eorum, qui primi ex aliqua gente excitantur. Interim consilium Nicodemi illum successum habuit, ut reverteretur \* *unusquisque in domum suam*, re videlicet infectà & nihil decernendo adversus Jesum.

## C A P U T O C T A V U M.

1. Jesus autem  
perrexit in mon-  
tem Oliveti:

2. & diluculo  
iterum venit in  
templum, & om-  
nibus populus ve-  
nit ad eum, & te-  
dens docebat eos.

3. Adducunt au-  
tem denibæ, &  
Pharisæi, mulie-  
rem in adulterio  
deprehenfam, &  
stant eam in me-  
dio.

4. & dicunt ei:

1. \* *Jesus autem*, tamquam carens hospitio, nemine illud offerente, \* *perrexit in montem Oliveti*, in hortum scilicet Gethsemani, situm ad latus Occidentale montis Olivarum: nam illic Christum frequenter convenisse cum discipulis suis, testatur Joannes infra c. 18. v. 2. idque ad orandum & pernoctandum sub dio, ut colligitur ex Lucæ 21. v. 37. & ex historia Passionis.

2. \* *Et diluculo iterum venit in templum*, ubi pridie docuerat. Cum ergo adduxissent ei mulierem, \* *deprehenfam in adulterio*, in ipso scilicet facto per testes, ita ut negari non posset; dixerunt ei:

5. \* *In Lege Moyses mandavit nobis hujusmodi*, mulieres, \* *lapidare.*

Lex

Lex tam Levit. 20. v. 10. quàm Deut. 22. v. 22. tantum decernit pœnam mortis, nullâ factâ mentione lapidationis; sed verisimile est Judæos, sive ex regula interpretandi Scripturas, sive ex traditione, extendisse lapidationem, cujus fit mentio loco Deuter. cit. in versu tam antecedente, quam sequente, etiam ad mœchos: de quo latius diximus in locum Levit. allegatum. \* Tu ergo, quid dicis? Non tamquam Judex, sed tamquam Magister ac Doctor.

Magister, hæc mulier modo deprehensa est in adulterio.

5. In lege autem Moyses mandavit nobis hujusmodi lapidare. Tu ergo quid dicis?

6. \* Hoc autem dicebant tentantes eum, hoc est, non discendi, sed experimentum sumendi causa, utrum aliquid ex ore ejus elicerent, \* ut possent accusare eum, nempe ut, si lapidandam censeret, famam mansuetudinis apud populum amitteret, imo adversus finem propositi sui agere videretur, qui dixerat se venisse, non ut judicet mundum c. 3. v. 17. sin autem non lapidandam diceret, eum Levi vel traditioni, & consequenter cathedræ Moysis contrarium clamarent. \* Jesus autem inclinans se deorsum, digito scribebat in terra, in pavimento scilicet templi, seu in pulveribus ejus formando characteres, quia sub dio erat. Quid scripserit alii aliud conjecant. Ambros. putat eum scripsisse id, quod habetur Matth. 7. v. 3. Quid vides festucam in oculo fratris, &c. D. Thomas in Comment. cum aliis, sentit eum scripsisse idem, quod ore dixit, Qui sine peccato est vestrum, &c. Causa cur scriberet, juxta Aug. lib. 4. de consensu c. 10. fuit, ut significaret illos in terra scribendos, non in cælo. Euthymius tamen & alii quidam putant Christum scribendo, & quasi aliud agendo, judicium istud declinare voluisse, captiosam quæstionem à se avertere, adeoque contemnere. Unde editio Complutensis addit in Græco, μή προτιόμην, dissimulans, seu quæstionem non ad se trahens, quemadmodum prudentes viri nonnumquam facere solent. Cui bene respondet id, quod sequitur:

6. Hoc autem dicebant tentantes eum, ut possent accusare eum. Jesus autem inclinans se deorsum, digito scribebat in terra.

7. \* Cum ergo perseverarent interrogantes, crexit se. Quo insinuat, Christum non nisi coactum importunitate respondisse. Perseverabant autem interrogare, quia & ipsi suspicabantur eum tergiversari tamquam perplexum. \* Dixit eis: Qui sine peccato est vestrum, id est, ex vobis. Per quod omnes intus ad interiorem judicem revocat, tacitèque significat eos non minoribus criminibus obnoxios esse. \* Primus in illam lapidem mittat, q. d. Mulierem quidem dignam lapidatione judico, sed non est congruum, ut in illa punienda Lex impleatur à puniendis; ut videlicet transgressor transgressorem judicet, inquit August. Itaque neque Legem læsit, nec mulierem damnavit, sed ita temperavit responsionem, ut & justitiæ de vindicta criminis, & Legi ac mansuetudini satisfaceret, & ferociam accusantium deprimeret.

7. Cum ergo perseverarent interrogantes eum, crexit se, & dixit eis: Qui sine peccato est vestrum, primus in illam lapidem mittat.

8. \* Et iterum se inclinans, scribebat in terra, tamquam rediens ad opus.

8. Et iterum & inclinans, scribebat in terra.



opus præmeditatum, quod ipsi interruperant, idque ut clementissimus Judex daret eorum verecundiæ spatium recedendi, ut notat Hier. l. 2. contra Pelag.

9. Audientes autem unus post unum exibant, incipientes à senioribus: & remansit solus Jesus, & mulier in medio stans.

9. \* *Audientes autem*, & istâ altissimâ justitiæ regulâ tamquam telo percussi, inquit Aug. quia videlicet redarguti à propria conscientia, \* *unius post unum exibant*, pudore profitendi se sine peccato, & timore audiendi pejora; \* *incipientes à Senioribus*, eo quod ipsi plura haberent crimina, qui diutius vixerant, vel quia priores vim sententiæ intellexerant, quasi prudentiores, ut Ambr. ep. 58. \* *Et remansit solus Jesus, & mulier in medio stans*, nempe coram Jesu, Apostolis, & auditorio.

10. Erigens autem se, dixit ei: Mulier, ubi sunt, qui te accusabant? nemo te condemnavit?

10. \* *Erigens autem se, dixit: Ubi sunt, qui te accusabant?* Quo significat se cum Scribis & Phariseis hæcenus egisse, tamquam cum accusatoribus, non iudicibus. Unde etiam dixerat, *primus lapidem mittat*, eo quod hoc soleret esse testium, non iudicum. Eaque de causa facilius etiam fuerat accusatores ab instantiæ severitate compescere, quam Iudices à condemnatione rei convicti. \* *Nemo te condemnavit?* id est, te nemo lapidavit, juxta sententiam condemnationis à me latam? Non enim agebatur de convincendo, sed de puniendo crimine.

11. Quæ dixit: Nemo, Domine. Dixit autem Jesus: Nec ego te condemnabo: Vade, & jam amplius noli peccare.

11. \* *Nec ego te condemnabo.* Quibus verbis, inquit Ambros. ep. 76. dimittitur mulier, non absolvitur, quia deerat accusator, non quia innocens approbatur. Quid ergo quererentur Judæi, qui priores à persecutione criminis, & ab executione supplicii destiterunt? Et quandoquidem accusatore deficiente liber sit reus, addit Jesus: \* *vade*, libera quidem à supplicio, sed \* *jam amplius noli peccare*: ut se homini pepercisse, non hominis culpam sibi placuisse monstraret, inquit Aug. epist. 54.

12. Iterum ergo locutus est eis Jesus, dicens: Ego sum lux mundi: qui sequitur me, non ambulat in tenebris, sed habebit lumen vite.

12. \* *Iterum ergo locutus est eis Jesus*, id est, perrexit sermonem à Judæis interruptum facere, videlicet ad populum, qui v. 2. dicitur ad eum venisse, \* *dicens: Ego sum lux mundi*, non solum quatenus sum Sapientia & Veritas, in æternum manens, sed etiam quatenus in carne vivo. Nam de verbo incarnato dixit Isaïas c. 9. *Populus, qui ambulabat in tenebris, vidit lucem magnam*: & Christus ipse c. 9. v. 5. *Quamdiu sum in mundo, lux sum mundi*. Itaque *sum lux mundi*, seu mentium humanarum, ita ut illa lux per verba, per conversationem, per mores, per totam corporis compositionem resplendeat, adeoque ut per sensus etiam externos hominum observari, & morum regula esse possit: & idèd, \* *qui sequitur me*, verbo, doctrinâ, & exemplo prælucentem conversationi suæ, \* *non ambulat in tenebris*, id est, non vivet in erroribus aut peccatis; utrumque enim damnat ac tollit doctrina, & conversatio mea: \* *sed habebit lumen vite, æternæ*, inquit Aug. cum scilicet ad

metam

metam ambulationis suæ pervenerit. Nam, ut est Psal. 35. *Apud te est  
fons vitæ, & in lumine tuo videbimus lumen.*

13. \* *Dixerunt ei : Tu de teipso testimonium perhibes : ideoque \* testi-  
monium tuum non est verum,* quemadmodum scilicet tu dixisti c. 5. v. 25. Sed tunc loquebatur ad hominem, hoc est secundum morem inter ho-  
mines usitatum; ubi propter suspicionem falsitatis, quæ ex amore  
sui nasci solet, homini de se testificanti non creditur: quem morem  
tunc Dominus non tamquam omni ex parte verum probavit; sed  
saltem circa se Phariseorum causâ admisit, utens aliis notioribus de  
se testimoniis. Hic verò totam auctoritatem suam, etiam ratione  
divinitatis sibi competentem proferre volens, docet casum dari in  
quo rectissimè suo de se uti posset testimonio: ita tamen ut *testimo-  
nium suum verum sit.* Ratio est, \* *quia scio*, id est, accuratissimâ cog-  
nitione comprehendo, \* *unde veni*, nempe ex sinu Patris, in hunc mun-  
dum, tamquam Deus ex Deo: \* *& quo vado*: iterum scilicet ad Pa-  
trem absoluta dispensatione legationis meæ. Quibus verbis breviter  
completur omnia de se credenda, videlicet & se Deum esse ex Deo  
& initium ac finem incarnationis suæ, ac proinde sibi maximè cre-  
dendum esse: quia, ut Chrysost. Deus sibi ipsi idoneus testis est; &  
ut Aug. lumen idoneum est, ut & alia demonstret, & se. \* *Vos autem  
nescitis, unde venio, aut quo vado*, id est, ignoratis originem & egres-  
sum meum ex Patre, & regressum ad Patrem.

15. \* *Vos secundum carnem judicatis*, id est, secundum suggestionem  
carnis, & affectuum carnalium vestrorum: itemque secundum infir-  
mitatem carnis meæ oculis vestris conspicuam pronuntiatis de me.  
\* *Ego verò non judico quemquam*, supple, secundum carnem, sicut sup-  
plet Augustinus, id est, nihil pronuntio de me, aut de aliis ex affectu  
carnali, & ex iis, quæ solis sensibus foris apparent. Proinde

16. \* *Si judico ego*, id est, testificor quippiam de me, aut aliis \* *ju-  
dicium meum verum est*, id est, testimonium illud meum legitimum est,  
& non suspectum. Nam & præcedentia & sequentia aperte postulant,  
ut *judicare & judicium pro testari & pro testimonio* sumantur, \* *quia  
solus non sum*, qui scilicet testimonium de me perhibeo: \* *sed ego, &  
qui misit me Pater*, hoc est, quia duo sumus.

17. \* *Et in lege vestra scriptum est, quia duorum hominum, nihil in se  
divinitatis habentium, \* testimonium verum est*, id est, pro vero, & le-  
gitimo recipiendum est, ita ut ei sit standum: quantò magis testi-  
monium Patris & meum? Alludit enim ad locum Deut. 19. v. 15.  
Nunc verò:

18. \* *Ego sum, qui testimonium perhibeo de meipso, & Pater.* Quibus

13. Dixerunt er-  
go ei Pharisei: Tu  
de te ipso testi-  
monium perhi-  
bes: testimonium  
tuum non est ver-  
um.

14. Respondit  
Iesus, & dixit eis:  
Et si ego testi-  
monium perhibeo  
de meipso, ve-  
rum est testi-  
monium meum: quia  
scio unde veni, &  
quo vado: vos  
autem nescitis  
unde venio, aut  
quo vado.

15. Vos secun-  
dum carnem ju-  
dicatis: ego non  
judico quem-  
quam:

16. & si judico  
ego judicium  
meum verum est:  
quia solus non  
sum: sed ego, &  
qui misit me, Pa-  
ter.

17. Et in lege  
vestra scriptum  
est, quia duorum  
hominum testi-  
monium verum  
est.

18. Ego sum  
qui testimonium  
perhibeo de me



ipſo : & teſtimonium perhibet de me, qui miſi me, Pater.

verbis explicat id, quod dixerat v. 16. nempe duos eſſe, qui de ſe teſtimonia perhibeant, ſeipſum ſcilicet tamquam Deum, & Patrem ſuum; quorum uterque per os humanæ naturæ Chriſti, & per opera mirabilia de Chriſto teſtimonium ferebat.

19. Dicebant ergo ei : Ubi eſt Pater tuus ? Reſpondit Jeſus : Neque me ſciitis, neque Patrem meum : ſi me ſciiretis, forſitan & Patrem meum ſciiretis.

20. Hæc verba locutus eſt Jeſus in gazophylacio, docens in templo : & nemo apprehendit eum, quia necdum venerat hora ejus.

19. \* *Dicebant ergo ei : Ubi eſt Pater tuus ?* Satis animadvertentes de alio Patre, quàm de Joſeph eſſe ſermonem : diſſimulant tamen, & quaſi per ludibrium rogant, ut clariùs expreſſum in calumniam trahant. \* *Reſpondit Jeſus*, palàm eis exprobens ignorantiam, occultè autem ſatiſfaciens quæſtioni, ut calumniæ non pateret locus : \* *Neque me ſciitis*, ſicuti putatis, \* *neque Patrem meum*. Quamvis enim eum noveritis aliquatenùs ſub ratione Dei; non tamen ſub ratione Patris mei : q. d. inquit Aug. Dicitis, *ubi eſt Pater tuus ?* Quaſi jam me ſciatis, & quaſi totum hoc ſim, quod videtis. \* *Si me ſciiretis*, id ſcilicet, quod potiffimùm ſum ſecundùm divinitatem meam, & præſertim ſecundùm proprietatem divinitatis meæ perſonalem; \* *forſitan & Patrem meum ſciiretis*. Pro, *forſitan*, eadem vox Græca *ἂν*, infra cap. 14. v. 7. transfertur, utique : *Patrem meum utique cognoviſſetis*, hoc eſt, ſciiretis me æternum habere Patrem, qui me ex utero ante luciferum genuit æqualem ſibi : non enim poteſt intelligi in divinis Filius ſine Patre, neque contrà.

21. Dixit ergo iterum eis Jeſus : Ego vado, & quæretis me, & in peccato veſtro mori emini. Quo ego vado, vos non poteſtis venire.

21. \* *Dixit ergo iterum eis Jeſus*, quia in perverſa voluntate apprehendendi eum perfeverabant : \* *Ego vado*, ex hoc mundo ad Patrem, q. d. Non ſitis anxii de me tollendo, non diu hærebo inter vos : moriar enim brevi; ſcelere quidem veſtro, ſed ſponte meâ : \* *& quæretis me*, non deſiderio, ſed odio, inquit Aug. ut eradatis nomen meum de terra viventium, \* *& in peccato veſtro*, odii mei, \* *mori emini*. Ubi ſententiam condemnationis eis prædictam eſſe ex ore veritatis, notat idem Aug. quamvis nonnulli hoc tantùm dictum eſſe velint ratione periculi, in quo verſabantur. \* *Et quo ego vado*, per mortem regnaturus apud Patrem, \* *vos non*, ſeu numquam, \* *poteſtis venire*, impediti ſcilicet illo odii & incredulitatis peccato.

22. Dicebant ergo Judæi : Numquid interficiet ſemetipſum, quia dixit : Quo ego vado, vos non poteſtis venire.

23. Et dicebat eis : Vos de deo ſum, ego de ſupernis ſum. Vos de mundo hoc eſtis, ego non ſum de hoc mundo.

22. \* *Dicebant ergo Judæi*, ad ſe invicem muſſitantes : \* *Numquid interficiet ſemetipſum*, quia dixit : *Quo ego vado*, (quibus verbis videbatur ſignificari ſpontaneus, ac propriæ actionis voluntarius diſceſſus) \* *vos non poteſtis venire*. Intelligebant enim hæc quaſi dixiſſet : Interficiendo meipſum effugiam manus veſtras. Nuper c. 7. v. 35. aliam conjecturam multò benigniorem ex iſdem verbis fecerant; utramque verò, quia ignorabant eum habere poteſtatem ponendi animam ſuam.

23. \* *Et dicebat eis*, id eſt, & addebat Jeſus verbis ſuis; non enim tam eſt reſponſio, quam continuatio ſermonis præcedentis, cui Evan-

gelista illam impiam conjecturam Judæorum interposuerat : \* *Vos de deorsum estis*, id est, de terra, & ita terram sapitis, terrenis cogitationibus impleti; \* *ego de supernis sum*, id est, de cælo ex Patre natus, ideoque cælestia loquor & sapio. \* *Vos de mundo hoc estis*, & proinde pleni iis, quæ in hoc mundo corrupto sunt, concupiscentiâ carnis, concupiscentiâ oculorum, & superbiâ vitæ; \* *Ego non sum de hoc mundo*, quia à mundi vitiis & concupiscentiis ejus, vanitate & pravitate prorsus liber.

24. \* *Dixi ergo vobis*, meritò scilicet, quia tales estis, \* *quia moriemini in peccatis vestris*. Nam ex illa mundana prudentia eorum nascebatur acerbissimum istud odium in Jesum : ex odio incredulitas, quæ fidem in Mediatorem, unicum remedium liberationis, excludebat. Nam hoc est quod addit : \* *si enim non credideritis*, quod eos non facturos prævidebat, & prædixerat, tacitè suggerens modum, quo possent à peccatis liberari : q. d. ex opposito, ergo si credideritis, non moriemini in peccatis vestris. Atque ita in spem aliquam revocavit eos, qui erant ex eis credituri : non enim omnes erant reprobī, ut hīc Aug. \* *quia ego sum*, absolutè. Respicit enim ad locum Exodi 3. v. 14. ubi Deus admirabile nomen suum exprimens, dicit Moyse : *Ego sum qui sum*. Quo nomine docet Aug. propriè significari immutabilitatem esse divini, & consequenter æternitatem, infinitatem, &c. hoc est, esse divinum principio & fine carens. Hoc enim propriè dicitur esse, quod numquam mutatur, id est, cujus futurum numquam transit in præteritum, sed semper est. Unde istud, *Nisi credideritis, quia ego sum*, idem est quod, *Nisi credideritis, quia ego sum Deus*, ut fusiùs Aug. Vide dicta Exodi 3. Quia verò Christus non explicaverat, quidnam vel quisnam esset, putantes aliquid subaudiri, dicebant ei :

25. \* *Tu quis es?* Quibus respondit : \* *principium, qui & loquor vobis*, id est, principium omnium creaturarum, qui etiam per assumptam humanitatem vobis loquor, prout exponit Ambr. lib. 3. de fide c. 4. & aliis locis, Aug. sæpiùs, Prosper, Bernard. & alii Latini. Sed textus Græcus omnes, maximè recentiores torquet, in quo illud, *principium*, est quarti casus, & pro *qui*, est *quia*, vel, *quodd*, τὴν ἀρχὴν ὁλοκαλῶμεν. Neque potest referri ad *principium*, tamquam relativum ejus, quia genere differunt. Itaque Aug. tract. 28. in Joan. dicit Christum respondere non ad verba, sed ad mentem Judæorum, qui dicendo & interrogando, *Tu quis es?* tacitè rogabant, Quem vis te esse credamus? Quibus respondet Christus : *Principium*, supple, me credite. Quæ constructio quia durior est, hinc alii aliis multis modis, sed à Latino textu valdè recedentibus, difficultatem expedire conantur. Dicendum videtur, illud ἀρχὴν Græcè poni adverbialiter, ut sub-

24. Dixi ergo vobis, quia moriemini in peccatis vestris: si enim non credideritis quia ego sum, moriemini in peccato vestro.

25. Dicebant ergo ei: Tu quis es? Dixit eis Jesus: Principium, qui & loquor vobis.



audiatur præpositio *καὶ τὸ*, quemadmodum subauditur, quando dicunt *τὸ τέλος*, id est, *finem*, pro *tandem*, *denique*, *in fine*. Et ita sensus erit: *A principio*, supple, *ego sum*, quia omni tempore prior sum, apud quem non est fuisse vel fore, sed immutabiliter semper esse: *qui*, vel *quia* (in idem enim redit) etiam *loquor*, seu dico hoc ipsum *vobis*, quando dixi, *Ego sum*. Hic sensus Græci textus videtur commodissimus, & vulgato textui maximè vicinus, & vix differt ab illo primo sensu Ambr. Aug. & aliorum antiquorum, qui non tam verba Græca, quam sensum reddiderunt.

26. Multa habeo  
de vobis loqui, &  
judicare, sed qui  
me misit, verax  
est: & ego quæ  
audiui ab eo, hæc  
loquor in mun-  
do.

26. \* *Multa habeo de vobis loqui*, id est, quæ de vobis loquar & expostulem, \* *& judicare*, id est, imo propter quæ vos meritò condemnare possem (ingratitude enim & incredulitate eorum præcipuè notat: ) \* *sed qui misit me, verax est*, q. d. Sed omisiss omnibus illis, hoc unum vobis dicam, ad redargutionem infidelitatis vestræ, quod Pater, qui misit me, verax est: \* *& ego, quæ audiui ab eo, hæc loquor in mundo*, id est, & nihil loquor in hoc mundo, nisi quæ à verace audiui; ac proinde necesse est, veram esse doctrinam meam, cui tamen credere & obedire recusat.

27. Et non cognoverunt quia Patrem ejus dicebat Deum.

27. \* *Et non cognoverunt, quia Patrem ejus dicebat Deum*, id est, non observarunt, seu non intellexerunt, quod de Deo tamquam Patre suo naturali loqueretur: nescientes videlicet, quid sibi vellet in illis verbis versu 25. Quod promittit eos aliquando cognituros, addendo:

28. Dixit ergo eis Jesus: Cum exaltaveritis Filium hominis, tunc cognoscetis quia ego sum, & à meipso facio nihil, sed sicut docuit me Pater, hæc loquor:

28. \* *Cum exaltaveritis Filium hominis*, in cruce, prout explicat ipse Evangelista c. 12. v. 33. \* *tunc cognoscetis*, ex miraculis in passione contingentibus, ex successu eventuum prædictorum, ex signo Jonæ Prophetæ, hoc est, resurrectione, & ex mirabilibus, quæ post ascensionem acciderunt, \* *quia ego sum*, id est, me Deum esse æternum, & immutabilem. Et ne ipse putaretur Pater, subjungit prout notat Aug. \* *& à meipso facio nihil*: id est, cognoscetis, me non esse primum actionum mearum principium, sed esse Deum de Deo, à quo habeo omnia, quæ sum, & facio; \* *quia sicut docuit me Pater, hæc loquor*. Docuit autem Pater, quatenus sciens scientem genuit: nam quemadmodum illi gignendo dedit, ut esset, sic gignendo dedit, ut nosset. Non enim sic docuit, quasi indoctum genuerit, sed in natura simplici veritatis, hoc est esse, quod nosse, ut Aug. tract. 40.

29. & qui me misit, mecum est, & non reliquit me solum: quia ego, quæ placita sunt ei, facio semper.

29. \* *Et qui misit me*, id est, cujus auctoritate tamquam paternâ incarnatus sum, \* *mecum est*, id est, non recessit à me, etsi non simul incarnatus sit: \* *& non reliquit me solum*, id est, misit quidem, sed non dimisit, seu non deseruit me, neque secundum divinitatem, neque secundum humanitatem. Cujus rei argumentum ac signum est, \* *quia*

quæ

que placita sunt ei, facio semper, cum ipso scilicet ut Deus, cuncta componens, & ordinans, & gubernans sine intermissione, tamquam ejusdem cum ipso voluntatis & operationis : ut homo verò nihil volens aut faciens à paterna voluntate dissentaneum. Ex quo patet, quàm accuratè, quàm studiosè, ac sollicitè Christus omnia sua deferat Patri tamquam principio ac fonti. Ut ita nos doceret rem gravissimam maximeque necessariam, videlicet ut animus noster Deo tamquam principio semper inhæreat, & ad illum cuncta referat, ne aliquid sibi reservando, vel sibi placendo, quodammodò sibi suum fiat principium, & per superbiam cadat, ut Aug. 14. de civit. c. 13. Cùm ergo ei loquenti multi credidissent, dicebat eis Jesus :

31. \* Si vos manseritis in sermone meo, id est, perseveraveritis in fide, & obedientia verborum meorum, \* veri discipuli mei eritis, id est, tunc verè merebimini nomen discipulorum, quia fructum ac fidem discipulatus assequimini, vitam scilicet æternam, juxta illud, qui perseveraverit usque in finem, hic salvus erit. Qui enim credunt, & in temptatione recedunt non merentur nomen discipulorum Christi. Quo verò fructu futuri sint discipuli, exponit, addendo :

32. \* Et cognoscetis veritatem, proficiendo ad rerum creditarum intelligentiam. Fides enim est, inquit Aug. credere quod non vides ; veritas ( seu cognitio veritatis ) videre, quod credis : qui est fructus fidei. \* Et veritas, credita atque cognita, \* liberabit vos, id est, ex servis liberos faciet, sicut Græcum ἐλευθερώσει, sonat, libertate scilicet propriè dictâ, & oppositâ servituti, quâ concupiscentiis peccatorum dominantibus servitis ; ut videlicet deinceps Deo, non timore poenæ, sicut servi, sed ingenuo amore ipsius Dei, seu justitiæ serviatis. Ita plerumque Aug. ut serm. 48. de verbis Domini, lib. 1. operis imperf. contra Julian. & aliis locis. Quem sensum & ipsa coherrentia verborum sequentium postulat : nam illi ex Judæis, qui increduli remanserant, audito nomine liberationis,

33. \* Responderunt ei : Semen Abraha sumus, & nemini servivimus unquam. Quod si de se intelligant, verum dicunt, quia Romanorum non erant servi seu mancipia, sed politico jure subditi & ingenui ; sin de majoribus, splendidum mendacium fuisse testatur servitus Ægyptiaca & Babylonica. \* Quomodo tu dicis : Liberi eritis ? Quasi scilicet liberi non sumus, vel ante non fuimus, quandoquidem libertas, de qua tu loqueris, non sit nisi à servitute. Quod cum Christus refutare potuisset, etiam juxta carnalem eorum intellectum, ostendere tamen maluit, se non de corporis, sed animi libertate loqui.

34. \* Respondit ergo : Amen, amen, id est, quàm verissimè, \* dico vobis quia omnis, qui facit peccatum, servus est peccati

30. Hæc illo loquente, multi crediderunt in eum.

31. Dicebat ergo Jesus ad eos, qui crediderunt ei, Judæos: Si vos manseritis in sermone meo, vere discipuli mei eritis :

32. & cognoscetis veritatem & veritas liberabit vos.

33. Responderunt ei : Semen Abraham sumus, & nemini servivimus unquam, quomodo tu dicis : Liberi eritis?

34. Respondit eis Jesus: Amen, amen dico vobis: quia omnis, qui facit peccatum, servus est peccati



*vobis* ( nam superlativum , seu excessum , Hebræi sæpe repetitione ejusdem vocis exprimere solent : ) *quia omnis , qui facit peccatum* , sive de cætero sit corpore servus , sive liber , \* *servus est peccati* , dominantis imperio ejus . Nam peccato perpetrato non solum non potest homo viribus suis inde liberari per remissionem peccati , sed etiam desiderio peccandi ita tenetur obstrictus , ut nisi gratia retineat , in alia deinceps peccata præcipitur : quod Apostolus vocat *regnare peccatum* , ac *dominari peccatum* . Ubi nomine *peccati* certum est intelligi imperiosam illam concupiscentiam , quæ servos suos semper ad peccata sollicitat , & certissimè impellit , nisi vi majore gratiæ compescatur : & eam hoc quoque loco intelligi Aug. tradit . Ab hac ergo peccati seu concupiscentiæ peccandi servitute liberantur illi , quos veritas per potentem gratiam , seu justitiæ oppositæ delectationem liberos facit : quæ libertas arbitrii , & opposita ei servitus , luculentè describitur ab Apostolo Rom. 6. v. 12. usque ad finem , & 2. Petri 2. v. 16. Ut autem magis eos terreat , explicat conditionem talis hujus servitutis & libertatis , adhibitâ similitudine ex jure politico .

35. Servus autem non manet in domo in æternum : Filius autem manet in æternum.

35. \* *Servus autem non manet in domo in æternum* , id est , hæc est conditio servorum ; ut non semper maneant in familia , sicuti filius jure suo tamquam heres ; sed ejicitur , aut venditur , cùm domino placuerit . Relinquit autem eis tacitè supplendam alteram similitudinis partem , nimirum , ita justo Dei judicio servus peccati ex domo Dei ejicietur . Nam in hujus rei figuram Ismaël tamquam servus ejectus fuit juxta illud Scripturæ , *ejice ancillam & filium ejus* . Isaac verò tamquam filius est retentus .

36. Si ergo vos filius liberaverit , verè liberi eritis.

36. \* *Si ergo vos filius* , id est , ego , qui sum veritas illa , de qua ante locutus fui , \* *liberaverit* , ab ista servitute peccati , cui obstricti estis , \* *verè liberi eritis* , non solum libertate civili , de qua gloriâmini , sed libertate verà animi : quæ in eo sita est , ut homo neque concupiscentiæ peccatorum in se dominanti , & consequenter neque dæmoni , sed soli Deo per charitatem sinceram , tamquam filius serviat .

37. Scio quia filii Abraham estis : sed queritis me interficere , quia sermo meus non capit in vobis.

37. \* *Scio quia filii Abraham estis* , Græcè *σπέρμα* , *semen Abraham* ; respicit enim ad verba illorum v. 33. ut retundat eorum gloriationem de patre Abraham : \* *sed queritis me interficere* , *quia sermo meus non capit in vobis* , id est , non invenit locum in corde vestro . Retenta est enim phrasis Græca *ὁ λόγος ἐν ὑμῖν* , tam inusitata , quàm Latina , quâ tribuitur sermoni id , quod cordibus conveniebat . Significat enim eos propter servitutem peccati , non capere sermonem suum , seu sermonem non capi ab eis : quo sensu alibi dicitur , *non omnes capiunt verbum hoc* .

38. \* *Ego quod vidi apud Patrem meum loquor*, hoc est, Veritatem vidi, veritatem loquor, inquit Aug. & simili modo, vos, \* *quæ vidistis apud Patrem vestrum, facitis*, dum scilicet quæritis me interficere, & sermonem meum repellere. Relinquit eis tacite subsumendum: sed non vidistis hoc apud vel in Abraham, ergo ille non est pater vester, sed alius aliquis scelerator. Quam argumentationis tacite vim cum Judæi satis intelligerent,

39. \* *Responderunt: Pater noster Abraham est*, apud quem scilicet nihil mali exempli vidimus. \* *Dicit eis Jesus: Si filii Abrahæ estis*, legitimi, & benedictionis ejus hæredes, \* *opera Abrahæ facite*, quia veri filii Abrahæ censentur, non filii carnis, sed filii promissionis, seu gratiæ Dei, hoc est, non qui ex Abraham carne nati sunt, sed qui per gratiam Dei renati, imitantur fidem & opera Abrahæ, sicut docet Apostolus ad Rom. 4. & ibid. c. 9. v. 7. & 8. & ad Galat. 3. v. 7.

40. \* *Nunc autem quaritis me interficere, &c. hoc Abraham non fecit*. Ergo non potestis jactare vos esse filios Abrahæ genuinos, sed potius ad dedecus vestrum degeneres.

41. \* *Vos facitis opera Patris vestri*, id est, opera consentanea operibus patris vestri, nempe alterius quam Abrahæ, qui homicida non fuit: quem patrem eorum intelligit esse diabolum, ut sequitur v. 44. sed eum ante non clare exprimit, quam eos à filiatione tam Abrahæ, quam Dei exclusisset. Itaque cum animadverterent non de carnali generatione, sed de spiritali Christum loqui, hoc est, non de carnis propagatione, sed de vitæ institutione, inquit Aug. scirentque idololatriam in Scripturis fornicationem vocari, quando Diis falsis & multis anima tamquam prostituta subjicitur; \* *dixerunt ei: Nos ex fornicatione non sumus*, id est, non fornicatoribus seu idololatriis, sed ex veri Dei cultoribus: proinde \* *unum Patrem habemus*, videlicet \* *Deum*, quem tamquam patrem religionis nostræ, verumque Deum colimus & imitatur. Nihil habes igitur, quod nobis objicias de patre nostro, neque secundum carnem, neque secundum spiritum.

42. \* *Dixit ergo eis Jesus: Si Deus vester Pater esset*, adoptione, & vos germani filii Dei, \* *diligeretis utique me*, qui sum Filius Dei naturalis. Non est enim filii adoptivi filium ejusdem patris naturalem odisse, aut non diligere: \* *Ego enim ex Deo processi*, ut Filius unicus, ut æqualis, ut verbum Patris, ait Aug. \* *& veni*, in mundum per incarnationem: \* *neque enim à meipso veni*, proprio scilicet consilio, secluso Patre, \* *sed ille me misit*.

43. \* *Quare loquelam meam non cognoscitis?* Hoc est, si Deus est pater vester, ut gloriamini, cur non agnoscitis linguam seu idioma meum, cum

38. Ego quod vidi apud Patrem meum, loquor: & vos quæ vidistis apud patrem vestrum, facitis.

39. Responderunt, & dixerunt ei: Pater noster Abraham est. Dicit eis Jesus: Si filii Abrahæ estis, opera Abrahæ facite.

40. Nunc autem quaritis me interficere, hominem, qui veritatem vobis locutus sum, quam audivi à Deo: hoc Abraham non fecit.

41. Vos facitis opera patris vestri. Dixerunt itaque ei: Nos ex fornicatione non sumus nati: unum patrem habemus Deum.

42. Dixit ergo eis Jesus: Si Deus vester esset, diligeretis utique me. Ego enim ex Deo processi, & veni: neque enim à me ipso veni, sed ille me misit.

43. Quare loquelam meam non cognoscitis? Quia non potestis audire sermonem meum,



cum sit divinum, utpote & patris vestri, & fratris vestri? Nam contranei, & præcipuè domestici, linguam suam invicem familiarissimè intelligunt: *\* quia*, id est, nisi quia, (est enim magis increpatio, quam responsio) *\* non potestis audire sermonem meum*, id est, præ animi aversione, & odii magnitudine, me neque loquentem ferre potestis. Unde Sapientia 2. v. 15. dicunt Judæi de Christo: *Gravis est nobis etiam ad videndum, quoniam dissimilis est aliis vita illius, &c.* Quapropter ut apertius vobis loquar,

44. Vos ex patre diabolo estis: & desideria patris vestri vultis facere. Ille homicida erat ab initio, & in veritate non stetit: quia non est veritas in eo, cum loquitur mendacium, ex proprio loquitur, quia mendax est, & pater ejus.

44. *\* Vos ex patre diabolo estis*, non creatione, aut generatione, aut adoptione; quibus modis dicuntur in Scripturis filii alicujus, sed morum imitatione, ut Aug. quo modo omnes credentes vocantur filii Abraham. Unde & Christus quasi rationem redderet istius filiationis, subjungit: *\* & desideria patris vestri*, de me occidendo jam diu meditata, *\* vultis facere*, ea ad effectum deducendo. Explicat autem duo tantum genera desideriorum diaboli, quæ Judæi accuratè exprimebant, homicidium & mendacium. Nam *\* ille homicida erat ab initio*, hominis scilicet conditi, quia primis parentibus peccatum persuadendo, totum genus humanum occidit, juxta illud Sapientia 2. *Invidia diaboli mors introivit in orbem terrarum.* Unde eodem homicidii amore docuit paulò post Cain occidere fratrem suum, quia, ut Basil. hom. de Invidia, illam artem nemo adhuc hominum illo tempore excogitaverat. Deinceps verò ipse est, qui bellis & homicidiis infinitis totum orbem implevit & implet. *\* Et in veritate*, id est, amore possidendæ, dicendæ & faciendæ veritatis, *\* non stetit*, id est, non permanfit. Ergo in veritate fuit aliquando, sed non stando ac perseverando, de veritate lapsus est, ut notat hic Aug. Significatur enim mutatio ejus in deterius, à veritate ad fraudes & mendacia. *\* Quia non est veritas in eo.* Signum redditur, non causa ejus, quod in veritate non stetit, ut idem notat. 11. de Civit. c. 14. q. d. Quod ex eo perspicuum est, quia nunc in affectu ejus non est veritas, eo quod eam non diligit, neque in dicendo, neque in faciendo. Insinuat ergo eum creatum fuisse in veritate: neque enim fieri potest, ut à Deo extra veritatem creetur. Ergo cum nunc in eo non sit veritas, meritò arguitur, non quod in veritate non fuerit, sed quod in ea non steterit, id est, perseveraverit. Itaque *\* cum loquitur mendacium*, quod fit, quandocumque aliquis contra id, quod sentit, loquitur voluntate fallendi, prout definit Aug. in Enchiridio c. 22. *\* ex propriis loquitur*, quia diabolus non aliunde mendacium accepit, sicut ille, cui ab alio persuadetur mendacium. Hunc enim sensum Christus ipse declarat, addens: *\* quia mendax est*, id est, quia diligit mendacium. Sic enim distinguitur

Men-

*Mentiens à Mendace*, quòd mentiens est etiam, qui mentitur invitus; *Mendax* verò amat mentiri, atque habitat animo in delectatione mentiendi, mentiens videlicet solà mentiendi fallendique libidine, ut Aug. lib. de mendacio c. 11. & 14. \* *Et Pater ejus*, supple mendacii, quod præcessit, hoc est, est primus author, & inventor mendacii, utpotè quod ipse à nemine didicit, quàm à se ipso, & statim primis parentibus persuasit. Nam, ut idem Aug. Quomodo Deus Pater genuit Filium veritatem, sic diabolus lapsus genuit quasi filium mendacium; & ideo est pater mendacii, sicut Deus est Pater veritatis.

45. \* *Ego autem*, quomodo textus Græcus & Aug. \* *quia veritatem dico, non credidistis mihi*. Significatur ergo summa perversitas eorum, quòd ideo ei non crederent, quia dicebat veritatem, cùm è contrario magis unicuique credendum sit, quia veritatem dicit. Contingere autem hoc solet ex odio dicentis, & ex amore vitii, quod arguitur. Adfert hoc Christus argumentum, quod sunt filii diaboli, qui amat mendacium.

46. \* *Quis ex vobis arguet me de peccato?* id est, quis redarguet, seu argumentis convincet de ullo peccato, maximè mendacii, aut falsitatis in dicendo ac docendo? Supple, ut propter hoc non videamini mihi credere. Si autem \* *veritatem dico vobis*, irrefragabilem, \* *quare non creditis mihi?* Cùm scilicet nullam causam non credendi mihi, nec ex doctrina, nec ex verbis, nec ex moribus meis prætexere possitis: q. d. Quare non creditis, nisi quia non ex Deo, sed ex patre diabolo estis, cui invisa est veritas? Hanc enim causam tacitè tangit, quando subjungit:

47. \* *Qui ex Deo est*, tamquam Patre per imitationem, & animi morumque similitudinem, \* *verba Dei audit*, id est, ea libenter accipit, tamquam auribus, affectui, & moribus suis consona. \* *Propterea autem vos non auditis*, id est, non recipitis ac diligitis verba Dei, \* *quia ex Deo non estis, sed ex patre diabolo*. Quod ideo dicit, ut non propterea excusabiles viderentur, sed de illa perversitate compuncti, aures audiendi à Deo peterent.

48. \* *Responderunt ergo Judæi*, quasi laceffiti hâc invidiâ: \* *Nonne bene dicimus nos*, id est, optimo jure dicere solemus inter nos: numquam enim leguntur hoc expressè objecisse Christo; quamquam nihil vetet, sapiùs objectum fuisse, licet non sit scriptum, ut notat Chrysost. \* *quia Samaritanus es tu*, origine, affectu, religionis Moysaicae, & gentis contemptu, moribus, \* & *dæmonium habes* quod scilicet tibi & verba illa inspirat, & signa in te perpetrat? Itaque quia Christus negaverat eos esse ex patre Abraham, & asseruerat esse ex



diabolo ; reddunt ei in utroque convitiando rationem , dicendo eum esse ex infami stirpe Samaritanorum , & à diabolo agitari. Primam calumniam, quia notoriè falsa erat, negligit : ad secundam verò, quæ atrocissima erat, & omnem detrahebat fidem dictis factisque suis, respondit Jesus summa cum mansuetudine & clementia, qui summâ cum vehementia improbitatem eorum redarguerat, ut utrumque notat Chrysost.

49. Respondit  
Jesus : Ego da-  
monium non ha-  
beo : sed honori-  
fico Patrem  
meum, & vos in-  
honoratis me.

49. \* *Ego demonium non habeo*, id est, nihil mihi cum dæmone com-  
merci, \* *sed honorifico Patrem meum*, id est, in omnibus gloriam Dei  
Patris mei specto ac tueor, etiam dum vos homicidas ac mendaces non  
sino filios Dei atque Abrahæ vocari : \* *Et inhonorastis me*, tantâ me  
afficiendo contumeliâ, ut non possitis atrociori.

50. Ego autem  
non quæro glo-  
riam meam : est  
qui quærat, &  
judicet.

50. \* *Ego autem*, ne me putetis contumeliis vestris angere, \* *non quæro  
gloriam meam*, id est, non admodum curo, non affecto, non pro-  
pugno : \* *Est qui quærat*, supple, *gloriam meam*. Intelligit Patrem,  
inquit Aug. \* *Et judicet*, id est, ulciscatur contumelias meas, ut non  
putetis eas vos impunè laturos. Itaque neglectis contumeliis eorum,  
pergit asserere fructum doctrinæ suæ, quasi connectens hæc versui 31.  
& 32. ex quibus postrema Judæorum contradictio nata fuerat.

51. Amen, amen  
dico vobis : si quis  
sermonem meum  
servaverit, mor-  
tem non videbit  
in æternum.

51. \* *Si quis sermonem meum servaverit*, fide & opere, \* *mortem non  
videbit in æternum*, id est, non experietur mortem æternam : subin-  
finuans mortem quidem temporalem visurum, sed ab ea transiturum  
ad vitam æternam.

52. Dixerunt ergo  
Judæi : Nunc  
cognovimus quia  
demonium habes.  
Abraham  
mortuus est, &  
Propheta : & tu  
dicis : Si quis ser-  
monem meum  
servaverit, non  
gustabit mortem  
in æternum.

52. \* *Dixerunt ergo Judæi*, quasi audito ingenti paradoxo : \* *Nunc  
cognovimus*, certò certius, \* *quia demonium habes*, cujus instinctu tan-  
tam arrogantiam spirantia verba loqueris. \* *Nam Abraham mortuus  
est, & Propheta*, qui tamen sermonem Dei servaverunt : \* *Et tu dicis*,  
majora quasi arrogans verbis tuis, quàm Deus suis : \* *Si quis sermo-  
nem meum servaverit &c.* quæ Christi verba ipsi quasi de morte tem-  
porali dicta arripuerant.

53. Numquid  
tu major es pa-  
tre nostro Abra-  
ham, qui mor-  
tuus est? Et Pro-  
pheta mortui  
sunt. Quem te  
ipsum facis?

53. \* *Numquid tu major es Patre nostro Abraham &c.* Consequentia  
postulabat, ut dicerent : Numquid tu major es Deo ? Et qui te au-  
diunt, majores Abraham, & Prophetis ? Sicut Chrysost. notat : sed  
contenti sunt dicere, *Numquid tu major es Abraham &c.* eò quòd per-  
absurdum illis videretur, eum vel Abrahamo & Prophetis majorem  
dici. Necesse enim erat eum, qui suâ autoritate quemquam ad vi-  
tam revocat, esse majorem eo, qui necessitate moritur ; \* *Et Prophe-  
te mortui sunt*, id est, & Prophetis, qui mortui sunt. \* *Quem te ipsum  
facis*, per ipsam tuam jactantiam ?

54. Respondit  
Jesus. Si ego glo-  
rifico me ipsam,

54. \* *Respondit Jesus*, ad illud scilicet, quod proximè præcedit,

Quem

quem teipsum facis? \* Si ego glorifico meipsum, id est, si ego verbis illis magnificis propriam gloriam capto, meipsum laudando, sicut vos putatis, \* gloria mea nihil est, id est, inanis est, quia ex parte laudantis, nullius omnino apud homines autoritatis est, nec veram gloriam inter homines facit: sed \* est Pater meus, qui glorificat me: oraculis Prophetarum, testimoniis de cælo, miraculis indubitatis, testando vera esse, quæ dico, & me talem esse, qualem dico. Quod si quæritis, quis sit Pater meus? Is, inquam, est, \* quem vos dicitis, quia Deus vester est, ne fortè putetis testimonium ejus à vobis repudiari posse. Significat igitur se esse Filium illius Dei naturalem.

55. \* Et, pro sed, non cognovistis eum, neque ut Patrem meum neque ut glorificantem me signis ac miraculis: \* Ego autem novi eum, utpote Filius ejus naturalis. Quod iterum arrogantiae videri poterat; sed non ita arrogantia caveri debet, ut veritas relinquatur, inquit Aug. ideoque addit: \* Et si dixero, quia non scio eum, ero similis vobis mendax, quia contra mentem meam & conscientiam loquar more vestro, qui veritati etiam agnitæ resistitis, & non agnitam vos scire dicitis. \* Sed scio eum, cujus signum est, quia \* sermonem, id est, mandata, \* ejus servo: tacitè indicans eos non servare, ideoque non cognovisse Deum, & mendaces esse. Nam, ut aptissimè dicitur 1. Joan. 2. v. 3. & 4. In hoc scimus, quoniam cognovimus eum, si mandata ejus observemus. Qui dicit se nosse eum, & mandata ejus non custodit, mendax est. Amotà igitur jactantiæ opinione, jam ex ipso Abraham ostendit, eum non ægrè laturum fuisse, quod ei præferretur.

56. \* Abraham pater vester, quem mihi objicitis, \* exultavit, id est, gessivit, seu summo affectu desideravit, \* ut videret diem meum. Quod Aug. nonnumquam exponit de illo die, qui nullo finitur crastino, nullo prævenitur hesterno, hoc est, de ipsa æternitate, in qua Filius coæternus est Patri, prout loquitur lib. de pecc. orig. c. 27. Sed verisimilius est per Hebraismum, diem Christi vocari tempus, quo vixit mortalis in hoc mundo, quod Abraham videre desideravit, quia desideravit videre vicinam salutem, & omnium Gentium benedictionem in semine suo, hoc est, Christo. Ex quo colligit Aug. ibid. fuisse Abraham fide Incarnationis ejus imbutum. \* Vidit, reipsâ, inquit aliqui recentiores, Deo scilicet illi revelante in limbo, ubi tunc degebat. Sed communis veterum interpretatio est, Christum loqui de visione, vel per fidem, vel per particularem & propheticam revelationem. Itaque eum vidisse diem Christi, quando Filium immolare voluit, atque arietem cornibus inter vepres hærentem vidit: uterque enim Christi patientis typum gessit. Ita Chrysost., Theophyl. itemque

gloria mea nihil est: Est Pater meus qui glorificat me, quem vos dicitis quia Deus vester est.

55. & non cognovistis eum: ego autem novi eum. Et si dixero eum, ero similis vobis mendax. Sed scio eum, & sermonem ejus servo.

56. Abraham pater vester exultavit ut videret diem meum: vidit, & gavisus est.



Iren. c. 14. & 15. Vel vidisse quando jussit, ut servus poneret manum suam sub femora ejus, & juraret per Deum cæli. Quo significabat Deum cæli de femore suo nasciturum, ut Aug. tum hîc, tum loco supra citato. \* *Et gavisus est*, propter beneficii prophetice prævisi magnitudinem. Quo indicat se Abrahamo longè majorem esse, ut Chrysost.

57. Dixerunt ergo Judæi ad eum: Quinquaginta annos nondum habes, & Abraham vidisti?

57 \* *Dixerunt ergo Judæi*, existimantes hoc dici de corporali visione per oculos carnis, \* *quinquaginta annos nondum habes*, & *Abraham vidisti?* qui tot sæculis vixit. Supponunt enim Christum vidisse Abrahamum, tamquam tempore cœtaneum. Colligit ex his verbis Iren. lib. 2. c. 40. Christum tunc temporis excessisse annum quadragesimum, & quinquagesimo propinquasse. Sed argumentum est inefficax; utuntur enim numero longè majore annorum, quàm revera Christus exegerat, ut efficacius eum refutarent.

58. Dixit eis Jesus: Amen, amen dico vobis, antequam Abraham fieret, ego sum.

58 \* *Dixit eis Jesus: Antequam Abraham fieret*, Græcè *πρὶν γενέσθαι*, factus seu natus esset, \* *ego sum*. Quo vocabulo, *Essendi*, constans & immobilis æternitas ejus exprimitur: ideoque non dicit, *fui*, aut, *eram*, sed *sum*: sicut olim dixerat Deus ad Moysen, *ego sum, qui sum*. Unde & Aug. hic notat illud, *fieret*, ad humanam facturam; *sum*, verò ad divinam subsistentiam pertinere, omnis scilicet temporis & mutationis expertem.

59. Tulerunt ergo lapides, ut jacerent in eum: Jesus autem abscondit se, & exivit de templo.

59 \* *Tulerunt ergo lapides, ut jacerent in eum*, tamquam in blasphemum juxta Legem Levit. 24. v. 16. ubi tales jubentur lapidari. Intelligebant enim eum asserere voluisse istis verbis divinitatem suam. \* *Jesus autem abscondit se*, invisibilem se reddendo insidiatoribus, ut notant Theod. Heracliensis in Catena Græca, & ex illo Theoph. & Euthym. \* *Et*, sic inconspicius per medium eorum, prout additur Græcè & Syriacè, \* *exivit de templo*. Nam alioqui in templo omnibus præsentibus non erat locus abscondendi se in atrio templi.

## CAPUT NONUM.

1. Et præteriens Jesus vidit hominem cæcum à nativitate:

1 \* **E**T præteriens, per viam, in ipso scilicet egressu de templo, (indicat enim Evangelista, ista sermonis continuatione, paulò post eadem die hoc magnum miraculum editum fuisse, ut jam non verbis, sed rebus ipsis probaret Judæis divinitatem suam) \* *vidit hominem cæcum à nativitate*, & proindè naturalibus remediis incurabilem.

2. & interrogaverunt eum discipuli ejus: Rabbi, quis peccavit, hic, aut parentes ejus, ut cæcus nasceretur?

2 \* *Et interrogaverunt eum discipuli: Quis peccavit, hic, aut parentes ejus, &c.* id est, cujus peccato factum est, ut hoc singulare malum cæcitatæ ei infligeretur? Nam quamvis nossent nulli malo obnoxium futurum fuisse genus humanum, nisi peccatum originale præ-

præcessisset, suspicabantur tamen particularia quæque mala non obvenire cuiquam sine particulari vel suo vel parentum delicto. Tollit hanc fallam suspicionem, respondendo :

3. \* *Neque hic peccavit, neque parentes ejus*, supple, ut cæcus nasceretur, ut notat Aug. & Chrysost. Nam quamvis prima transgressio sit fons generalis omnium miserationum nostrarum, causa tamen proxima, cur hoc vel istud huic vel illi obtingat malum, non est semper proprium vel parentum peccatum, sed in diversis valdè diversa est, & aliquando (sicut in hoc cæco) causa est, \* *ut manifestentur opera Dei in illo*, scilicet sanando: hoc est, idèd cæcitas hæc juxta vitiosam dispositionem vel materiæ vel generantium, obtingere permissa est, vel etiam inflata est, ut occasio daretur operandi illustre miraculum, quo Dei potestas & bonitas glorificetur. Quod quia per ipsum Christum explendum erat addit :

4. \* *me enim oportet operari opera ejus, qui misit me*, id est, Dei Patris opera, quæ scilicet mihi tanquam legato suo edenda præcepit, ut per ea homines ad fidem & salutem adducam. Nam de operibus legationis, vitæque temporalis Christi sermonem esse, patet ex eo, quod sequitur : \* *donec dies est : venit nox, quando nemo potest operari*. Diem vocat præsentis vitæ tempus; Noctem, mortem : quia sicuti dies hominibus ad operandum opportuna est, nox verò importuna; ita & vita mortalis Christi destinata erat implendæ per ipsum legationi, à morte vero cessandum.

5. \* *Quamdiu sum in mundo*, id est, in vita hac mortali, \* *lux sum mundi*, doctrinâ, conversatione, & moribus, exemplar vitæ. Evangelicæ me præbendo, & intus gratiâ, foris miraculis persuadendo.

6. \* *Hæc cum dixisset, exivit in terram, & fecit lutum ex sputo, & linxit super oculos ejus*, quo scilicet etiam videntes facilius excæcantur, quam cæci sanantur : ut ita magis vim miraculosam suæ operationis ostenderet, ut Chrysost. notat hom. in Epist. 1. ad Cor. Idem vero observat hic, sicut & Iren. lib. 5. c. 13. Christum hoc facto probare voluisse, se eundem esse, qui totum hominem ex luto fecerat, dum partem, quam imperfectam reliquerat, ex eodem luto perfecterat. Miscuit autem sputum, ut ostenderet quàm salutaris esset & medica caro sua.

7. \* *Et dixit ei : Vade, lava in natatoria Siloë*, Græcè ἐν τὴν κολυμβήτριαν, in piscina, ut vertitur c. 5. v. 2. seu in lavacro Siloë. Est autem Siloë fons ad radices montis Sion, qui non jugibus aquis (hoc est perpetuis) sed incertis horis diebusque ebullit, & per terrarum concava & antra cum magno sonitu venit, prout Hier. in v. 6. c. 8. Isaïæ dicit, se non est.

dubi- 9. Alii autem : Nequaquam, sed

3. Respondi-  
tus : Neque hic  
peccavit, neque  
parentes ejus :  
sed ut manife-  
stentur opera Dei  
in illo.

4. Me oportet  
operari opera  
ejus, qui misit  
me, donec dies  
est : venit nox  
quando nemo  
potest operari.

5. Quamdiu sum  
in mundo, lux  
sum mundi  
6. Hæc cum di-  
xisset, exivit in  
terram, & fecit  
lutum ex sputo,  
& linxit lutum  
super oculos ejus  
7. & dixit ei :  
Vade, lava in na-  
tatoria Siloë  
(quod interpre-  
tatur Missus) A-  
biit ergo, & la-  
vit, & venit vi-  
dens.

8. Itaque vicini,  
& qui viderant  
eum prius quia  
mendicus erat,  
dicebant: Nonne  
hic est, qui sede-  
bat, & mendica-  
bat? Alii dice-  
bant: Quia hic  
est.



Emilise est ei. Ille vero dicebat quia ego sum.

10. Dicebant ergo ei: Quomodo aperti sunt tibi oculi?

11. Respondit: Ille homo, qui dicitur Jesus, in tum fecit, & aperuit oculos meos, & dixit mihi: Vade ad synagoga Siloe, & lava. Et abiit, & lavit, & videro.

12. Et dixerunt ei: Ubi est ille? At: Nescio.

13. Adducunt eum ad Phariseos qui cæcus fuerat.

14. Erat autem sabbatum, quando Iesus fecit, & aperuit oculos ejus.

15. Iterum ergo interrogabant eum Pharisei quomodo vidisset. Ille autem dixit eis: Lavanti mihi posuit super oculos, & lavi, & videro.

16. Dicebant ergo ex Phariseis quidam: Non est hic homo a Deo, qui sabbatum non custodit. Alii autem dicebant: Quomodo potest homo peccator hæc signa facere? Et schisma erat inter eos.

17. Dicunt ergo cæco iterum: Tu quid dicis de illo qui aperuit oculos tuos? Ille autem dixit: Quia propheta est.

18. Non crediderunt ergo Judæi de illo, quia cæcus fuisset, & vidisset, donec vocaverunt parentes ejus, qui viderat:

19. & interro-

dubitare posse, eo quod in illa provincia habitaret. Hic autem sumitur Siloe propiscina seu receptaculo aquarum, ex illo fonte tandem confluentium: \* *quod interpretatur Missus*, quia derivatur ex Hebraico verbo שילש *Scalach*; id est, *Misit*. Significare voluit Evangelista interpretationem istam ad rem præsentem spectare, sive quia nunc sanandus esset cæcus, cum fuisset eò missus, ut canit Nonnus & Euthym. sive ut indicaret Siloën figuram esse Christi, qui peculiariter tamquam fons omnis illuminationis & gratiæ nostræ, à Patre missus est, ut Aug. & Theoph. Unde ulterius idem Aug. notat cæcum à natiuitate significare genus humanum; aquas Siloe, baptismum Christi.

\* *Abiit ergo & lavit*; nihil hæsitans in fide, nihil in obedientia, nihil disputans, ad quid lutum, ad quid lotio, ut perpendit Chrysost.

Ideoque \* *venit*, id est, rediit, \* *videns*, ut scilicet gratias ageret curatori suo. Quo insinuat, sicut & v. 11. quod lavando, hoc est, non nisi absolutâ lotionem, visum sit consecutus. Post disceptationem igitur aliquam populi, de modo & authore miraculi istius,

13. *Adducunt eum ad Phariseos, qui cæcus fuerat*, tamquam ad iudices, qui eo diligentius interrogato, & re accuratiùs perpensâ, de tam publico miraculo judicarent.

14. \* *Erat autem Sabbatum, &c.* Quo indicat hanc fuisse illis dubitandi causam de veritate miraculi, & utrum probandum, an improbandum esset; quia videbatur religioni sabbati repugnare. Quam falsam opinionem ut Christus ex Judæis tolleret, constantissimè in sabbatis miracula operatus est. Phariseis verò, aliis aliud sentientibus,

17. \* *Schisma erat inter eos*, hoc est, dissidium in opinionibus. Ut ergo aliquid certi elicerent, vel fortè etiam ut calumniandi miraculi causam captarent, si cæcus ipse Christum vel reprehenderet, vel eum laudando, causam ejiciendi se ex Synagoga præberet, \* *Dicunt cæco iterum: Tu quid dicis de illo, &c.* hoc est, quid hominis eum esse putas? Bonum an malum? Ille autem constanter, quod sentiebat, expressit: \* *quia Propheta est*; sciebat enim Prophetas olim miracula faciendo, populumque divina docendo, probavisse, se esse servos Dei: nec enim quidquam sublimius adhuc de Christo noverat.

18. \* *Non crediderunt ergo, quia cæcus fuisset, donec vocaverunt parentes.* Per quod Chrysost. indicari notat, eos multis modis miraculum tegere & abolere voluisse. Sed illa est veritatis natura, ut, unde magis oppugnatur, inde magis confirmetur.

19. \* *Et interrogaverunt eos*, primò quidem, \* *Hic est filius vester?* Ut scilicet primò constaret, utrum idonei essent ad ferendum testi-

monium. Deinde, \* *quem vos dicitis, quia cæcus natus est?* Ordinatissimum est enim, ut ante constet de ægritudine, ut inde pateat veritas curationis. Ex quo fit, ut, qui etiam nunc nova miracula explorant, ante omnia inquirant de veritate ægritudinis. Tertiò interrogant, si cæcus natus fuit, \* *quomodo ergo nunc videt*, cùm hoc sit naturaliter impossibile? Consequens est enim, ut exploratâ infirmitate, modus curationis indagetur, utrùm sit naturalis, an supernaturalis. Ad duo priora respondent affirmativè: tertium tergiversando declinant, dicendo:

21. \* *Nos nescimus*; quia id tam exploratè non cognoverant, utpotè qui curationi ejus non interfuerant: \* *ipsum interrogate, ætatem habet*; q. d. Nullus magis idoneus istius rei testis esse potest, quàm ipsemet, qui neque puer est, neque desipit. Ita cautè & verè à se amovent responsionis periculum, quia filius minori invidiâ & majori fide, rem totam prædicare poterat. Itaque causam talis responsi indicans Evang. v. 22. dicit eos timuisse, \* *ne extra synagogam fierent*, id est, timuisse anathema, seu interdictionem ab ingressu Synagogæ, multoque magis templi. Unde id videtur fuisse Judæis olim, extra Synagogam fieri, quòd nunc Christianis excommunicari. Audito igitur, quòd esset filius eorum, & cæcus natus,

24. \* *Dixerunt ei: Da gloriam Deo*, id est, glorifica Deum, confitendo simpliciter veritatem, quasi præsentem Deo. Videtur fuisse phrasim & modum adjurandi aliquem, ut hanc gloriam & honorem deferret Deo, quatenus reverendo majestatem, & omniscientiam ejus, palam mallet confiteri veritatem, quàm coram eo mentiri, ut patet Josué 7. v. 19. Scopus tamen Phariseorum fuit, ut negaret se beneficium à Christo accepisse, ut notat Chrysost. & Aug. idque hoc fingendo sibi aliunde constare, quia videlicet \* *nos*, tamquam litterati & sancti viri, & talis rei competentes judices, certò \* *scimus, quia hic homo peccator est*, id est, scelestus & impius, cui proinde nullâ ratione potest adscribi curatio tua.

25. \* *Dixit illi: Si peccator est, nescio*, quia nullum ejus rei argumentum habeo: \* *Unum scio, quia cæcus cum essem, modo video*, supple, ipsius beneficio: nam tacitè redarguit Phariseos, q. d. Res ipsa loquitur, utrùm peccator, an Propheta sit, qui hoc mihi fecit. Nam sic acceperunt Pharisei responsum ejus, quando dixerunt:

26. \* *Quid fecit tibi? Quomodo aperuit, &c.* tot iteratis percunctationibus nihil aliud captantes, nisi ut in narrando non constaret sibi, & ita fides ejus vacillaret. Ille pertæsus superfluas interrogationes audire, respondit eis:

averunt eos, dicentes: Hic est filius vester, quem vos dicitis quia cæcus natus est? Quomodo ergo nunc videt? 22. Respondērunt eis parentes ejus, & dixerunt: Scimus quia hic est filius noster, & quia cæcus natus est:

21. quomodo autem nunc videat, nescimus: aut quis ejus aperuit oculos, nos nescimus: ipsum interrogate: ætatem habet, ipse de se loquatur.

22. Hæc dixerunt parentes ejus, quoniam timebant Judæos: jam enim conspiraverant Judæi, ut si quicumque confiteretur esse Christum, extra synagogam heret.

23. Propterea patentes ejus dixerunt: Quia ætatem habet, ipsum interrogate.

24. Vocaverunt ergo rursus hominem, qui fuerat cæcus, & dixerunt ei: Da gloriam Deo, nos scimus quia hic homo peccator est.

25. Dixit ergo eis ille: Si peccator est, nescio: unum scio, quia cæcus cum essem, modo video.

26. Dixerunt ergo illi: Quid fecit tibi? Quomodo aperuit tibi oculos?



27. Respondit eis : Dixi vobis jam , & audistis : quid iterum vultis audire ? Numquid & vos vultis discipuli ejus fieri ?

28. Maledixerunt ergo ei , & dixerunt : Tu discipulus illius sis : inquit Aug. si cor discutias loquentium , non si verba perpendas. Quid enim eo animo profertur , ut alter afficiatur contumeliâ , maledictum est ; licet verbum per se non videatur contumeliosum , ut ait Basil. Interrogatione breviori

29. Nos scimus quia Moyse locutus est Deus : hunc autem nescimus unde sit.

30. Respondit ille homo , & dixit eis : In hoc enim mirabile est , quia vos nescitis unde sit , & aperuit meos oculos :

31. Scimus autem quia peccatores Deus non audit : sed si quis Dei cultor est , & voluntatem ejus facit , hunc exaudit.

27. \* *Dixi vobis jam &c. Numquid & vos vultis discipuli ejus fieri ,* scilicet sicuti ego ? Est enim hæc confessio discipulatus sui , & simul falsa irrisio Phariseorum , utpotè quos sciebat , præsuperbia & odio Jesu nihil ignominiosius sibi ducere , quàm discipulos ejus fieri.

28. \* *Maledixerunt ergo ei ,* Græcè *ἐλοιδίεσαν* , *convitiari sunt ei ,* irritati scilicet tantâ mendici libertate , \* *& dixerunt* , sequentibus verbis ei convitiantes : \* *Tu discipulus illius sis.* Quod maledictum est , inquit Aug. si cor discutias loquentium , non si verba perpendas. Quid enim eo animo profertur , ut alter afficiatur contumeliâ , maledictum est ; licet verbum per se non videatur contumeliosum , ut ait Basil. Interrogatione breviori 24. \* *Nos autem Moyse discipuli sumus* , quâ particulâ adversativâ indicant Jesum Moyse esse contrarium. Causam addunt , cur Moysem præferant :

29. \* *Nos scimus* , ex sacris scilicet litteris eruditi , \* *quia Moyse locutus est Deus* : ut proinde dubitari nequeat , nos Deum ipsu & sequi infallibilem quando Moyse doctrinam sequimur : \* *hunc autem nescimus unde sit* , hoc est , unde ad nos venerit , & consequenter unde tam docendæ autoritatem seu missionem , quàm doctrinam ipsam acceperit , à Deo , an à seipso. Ille nihil turbatus maledicto intrepidè respondit :

30. \* *In hoc enim mirabile est , quia vos , &c.* id est , enimverò mirabile quiddam in hac re contingit , quod vos viri tam perspicaces ac docti , nesciatis unde sit : \* *& aperuit meos oculos* , id est , & tamen aperuit , sive cùm tamen aperuerit oculos meos. Obliquè enim perstringit eos , quod ex miraculo tam illustri nihil moti adhuc missionem Jesu sibi ignotam esse fingerent. Probat autem eos hoc scire debere.

31. \* *Scimus autem nos etiam idiotæ , ex communi , & publica hominum sententia ,* \* *quia peccatores Deus non audit* , id est , non exaudit , ut sequitur : nam Græcè utrobique idem verbum est , ἀκούει : \* *sed si quis Dei cultor est* , non verbis tantum ac cæremoniis , sed qui per obedientiam mandatorum ejus , \* *voluntatem ejus facit , hunc exaudit.* Quæ cæci sententia difficultatem habet : nam constat peccatores non solum in temporalibus , sed etiam in spiritualibus multis exaudiri à Deo , ut patet ex Publicano : imo & ad miracula facienda , Matth. 7. v. 22. Unde Aug. tum hic , tum homilia 43. c. 5. & lib. 2. contra epist. Parmeniani c. 8. ex professo docet , hanc sententiam esse hominis nondum intus illuminati. Si quis tamen eam , ut generaliter veram accipere velit , exponenda esset , quod Deus non exaudiat peccatores , ad facienda hujusmodi miracula , quibus probent innocentiam suam , & se , doctrinamque suam esse à Deo ; nam de istis agebatur. Subsumit autem cæcus.

32. \* *A saculo non est auditum*, &c. q. d. Sed in tot signis, & in primis in hoc tanto miraculo, quod ad confirmationem innocentiae, & a uthoritate sui edidit, palam est eum esse exauditum à Deo: ex quo concludit:

32. A saculo non est auditum, quia quis apernit oculos cæci nati.

33. \* *Nisi esset hic à Deo*, scilicet missus & approbatus, tamquam cultor & observator voluntatis ejus, \* *non poterat facere quidquam*, nempe tale, ut jam diximus. Quasi concluderet; ergo ille homo non est peccator, sed Dei cultor, &c.

33. Nisi esset hic à Deo, non poterat facere quidquam.

34. \* *Responderunt & dixerunt ei: In peccatis natus es totus*, non solum animâ peccato infectâ, sed etiam corpore abominabilem statum animæ testante; nam, ut Chrysost. & Theophyl. notant, convitium est, quo ei cæcitatem exprobrant: \* *& tu*, ita corpore & animâ maledictus, \* *doces nos*, Legisperitos & sanctitatis cultores? Cum scriptum sit, *Peccatori dixit Deus: Quare tu enarras justitias meas*, & *assumis testamentum meum per os tuum?* \* *& ejecerunt eum foras*, extra conclave. Nam simul è synagoga hic ejectum fuisse, non est verisimile, quia nondum professus erat eum esse Christum.

34. Responderunt, & dixerunt ei: In peccatis natus es totus, & tu doces nos? Et ejecerunt eum foras.

35. \* *Et cum invenisset eum Jesus, dixit ei*, ad consolandam & compendandam illam ignominiam: \* *Tu credis in Filium Dei*, missum scilicet in mundum? Nam cæcus intelligens illam quæstionem includere, quod esset aliqua persona visibilis, quæ esset Filius Dei respondit:

35. Audivit Jesus quia ejecerunt eum foras: & cum invenisset eum, dixit ei: Tu credis in Filium Dei?

36. \* *Quis est Domine*, scilicet ille Filius Dei, \* *ut credam in eum?* Est vox hominis non diffidentis, sed parati credere, seu, ut Chrysost. loquitur, est vox animæ valde desiderantis, & inquirentis, ut eum veritatis amatorem fuisse intelligas.

36. Respondit ille, & dixit: Quis est, Domine, ut credam in eum?

37. \* *Dixit ei Jesus*, non id, quod brevius erat & clarius, *Ego sum*, sicut Samaritanæ dixerat; sed quod erat modestius & ad incitandum efficacius, in tertia persona: \* *& vidisti eum*, quando abstersâ cæcitate, in gratiarum actionem redivisti. Quo verbo revocat ei memoriam præstitæ sanitatis. Sed quia illud, *vidisti*, adhuc dubium erat verbum, addit manifestius: \* *& qui loquitur tecum, ipse est*.

37. Et dixit ei Jesus: Et vidisti eum, & qui loquitur tecum, ipse est.

38. \* *At ille ait: Credo Domine*. Compendiosè profitens, & Deum habere Filium, & eum esse incarnatum, seu hominem factum, adeoque ipsum esse Jesum, qui loquebatur. \* *Et procidens adoravit eum*, fidem suam non verbo tantum, sed & opere protestando. Itaque adoratio hæc fuit fidei, quam profitebatur, congrua; hoc est, adoratio patriæ, soli Deo debita.

38. At ille ait: Credo Domine. Et procidens, adoravit eum.

39. \* *Et dixit Jesus*, circumstantibus scilicet occasione cæci, animo jam videntis, sic tamen, ut ad corporalem ejus illuminationem & cæcitatem alludat: \* *In judicium ego in hunc mundum veni*, id est, veni ut

39. Et dixit Jesus: In judicium ego in hunc mundum veni: ut qui non vident videant, & qui vident cæci fiant.



faciam iudicium, seu discretionem hominum in duas contrarias partes: ita videlicet, \* *ut qui non vident*, animo, simpliciter scilicet ignorant res salutis suæ necessarias, & ignorantiam suam agnoscetes, \* *videant*, id est, per fidem illuminentur; \* *& qui vident*, suâ scilicet opinione, sicut exponit Christus v. 41. hoc est, qui sibi persuadent, omnia se nosse, nec indigere doctrinâ meâ, \* *cæci fiant*, id est, animo excæcentur per incredulitatem. Nam talibus, cujusmodi Pharisei erant, contingit id, quod Apostolus de Philosophis dicit, *dicentes se esse sapientes, stulti facti sunt*. Itaque illud, *in iudicium*, & particula, *ut*, non scopum aut finem adventûs Christi in hunc mundum significat, sed effectum potius seu consecutionem: nam proprio vitio excæcati sunt superbi ex ipsa luce, id est, doctrinâ & miraculis Christi.

40. Et audierunt quidam ex Phariseis, qui cum ipso erant, & dixerunt ei: Numquid & nos cæci sumus.

40. \* *Et audierunt quidam ex Phariseis*, qui eum quaquaversum sequebantur, ut observarent, quid diceret atque faceret, \* *& dixerunt ei: Numquid & nos*, id est, etiam nos, qui Legis peritiâ excellimus, & aliorum doctores, \* *cæci sumus*, per adventum videlicet tuum omni scientiæ nostræ luce privati? Videbant enim se notari, ideoque rogant, ut rem paradoxam & per se absurdam, quemadmodum putabant, clariùs exprimat.

41. Dixit eis Jesus: Si cæci essetis, non haberetis peccatum nunc verò dicitis: Quia videmus: Peccatum vestrum manet.

41. \* *Dixit ei Jesus: Si cæci essetis*, corpore, inquit Chrysost. & Theophyl. Sed multò rectiùs exponitur, ut sit antithesis ad id, quod sequitur, *dicitis, quia videmus*. Itaque si cæci essetis, iudicio scilicet vestro, id est, si vos cæcos esse adverteretis, cæcosque fateremini, ut exponit Aug. \* *peccatum non haberetis*, id est, jam videretis: nam ipsa cæcitas seu incredulitas eorum, peccatum erat. Ideo autem peccatum non haberetis, quia cæcitatatis consciî ad me medicum sanandi curreteris. \* *Nunc verò dicitis, quia videmus*, id est, persuasi estis, vos esse sapientes, nec indigere ullius doctrinâ, \* *peccatum vestrum manet*, id est, perfidia & incredulitas, quâ me repellitis tamquam non necessarium, perseverat in vobis, sine ulla venia aut excusatione.

## CAPUT DECIMUM.

r. Amen, amen, dico vobis: qui non intrat per ostium in ovile ovium, sed ascendit aliunde, ille fur est, & latro.

I. \* **A** Men, amen dico vobis, Phariseis in primis: nam ex v. 19. & 21. videtur hic sermo occasione cæci paulò antè sanati habitus, ut scilicet Christus declararet, non esse veros pastores ovilis Dei, qui excluderent eos à synagoga, qui eum Messiam esse faterentur. \* *Qui non intrat per ostium*, viâ scilicet regiâ, \* *in ovile ovium, sed ascendit aliunde*, per fenestram scilicet aut fracto pariete, \* *ille fur est, & latro*, ille judicari solet fur & latro: fur, qui id quod alterius est, suum esse putet; latro verò, qui quod est furatus, occidat, inquit Aug.

2. \* *Qui*

2. \* *Qui autem intrat per ostium, viâ legitimâ, \* pastor est ovium*, id est, per hoc tamquam primum & capitale argumentum ostendit re- ipsa se pastorem esse. Alterum autem argumentum est, quòd

3. \* *Huic ostiarius aperit, non furi aut latroni. Loquitur enim Christus de ovili quasi magni patris-familias, in qua quispiam constitutus est, qui claves omnium portarum curet. \* Et oves vocem ejus audiunt*, id est, discernunt eam, tamquam vocem veri pastoris sui, eique obediunt; non sic voci furis aut latronis: \* *& proprias oves vocat nominatim*, id est, suas sibi que propriè commissas, sigillatim ad se vocat, ut curet singulas, \* *& educit eas*, ad pascua, non ad lanienam, sicut fur & latro. Hæc sunt alia tria indiçia veri pastoris.

4. \* *Et cum proprias oves emisserit, ante eas vadit*, id est, præcedit eas, ut eis viam monstret ad pascua & defendat in periculis. Hoc est sextum veri pastoris argumentum. Septimum verò, \* *Et oves illum sequuntur*. Causa est, \* *quia sciunt vocem ejus*, id est, quia assuetæ sunt sibilis & sonis ejus.

5. \* *Alienum autem, furem scilicet aut latronem, tamquam alienâ voce sibi loquentem, \* non sequuntur*.

6. \* *Hoc proverbium dixit eis Jesus*, id est, hanc parabolam, ex vulgari usu desumptam. Proverbium enim alioquin brevis est & vulgò trita sententia: *Parabola* verò prolixior sermo multumque figuratus, & ideo etiam plerumque obscurus. Atque hac de causa Pharisei & Judæi \* *non cognoverunt, quid loqueretur eis*, id est, quid sibi vellet ille sermo, seu quem sensum innueret. Per quod indicatur, eos cognovisse, quòd esset parabola ex rebus rusticis petita, sed sensum ejus ignorasse. Voluit itaque Christus in hac parabola delineare conditiones veri pastoris ovilis sui, seu Ecclesiæ suæ: Primò, quòd intrat per ostium, non ascendens aliundè, id est, non intrudens se in superiorem locum regendi, sicut fur clanculum & per fraudes, vel sicut latro per violentiam. Tali ergò ostiarius Christus, vel Spiritus S. aperit. Oves voci ejus obediunt, & ille nominatim novit & vocat singulas ad se gratiâ suâ, tamquam quas nominatim descriptas habet in libro vitæ singularumque curam gerit. Præcedit eas exemplo vitæ bonæ, & oves eum imitantur, quia sciunt vocem ejus, ut qui potenter eas ad imitationem sui voce, & moribus, & gratiâ provocet. Porro per *Oves* hîc intelliguntur non omnes fideles, quemadmodum Joan. ultimo nec omnes justî, sed solielecti, sicut patet v. 14. 15. 16. 26. & 27. & in primis 28. Nam quamvis ovile sit tota Ecclesia, non tamen ita vocatur, quòd omnes & solas contineat oves; sed quia oves, id est, electi, præcipua Ecclesiæ membra sint, sta-



bilia, & propter quos Ecclesia instituta est, & unde ovilis nomen sortitur.

7. Dixit ergo eis iterum Iesus: Amen dico vobis, quia ego sum ostium ovium.

7. \* *Dixit ergo eis iterum: Ego sum ostium ovium*, de quo scilicet in parabola locutus sum. Cum autem ostium sit, per quod ingrediuntur tam oves quam pastores, dicitur Christus *Ostium*, quia per illum oves habent aditum ad populum Dei, & consequenter ad salutem & vitam æternam, quia per fidem ejus, per meritum, per inspirationem: rursum per illum ingrediuntur alii pastores, quia per auctoritatem ejus, sive de cælo immediatè datam, sive legitimâ successione transmissam.

8. Omnes quotquot venerunt, fures sunt, & latrones, & non audierunt eos oves.

8. \* *Omnes quotquot venerunt*, scilicet à seipsis, non per me, seu per auctoritatem meam: vel, quod idem est, quotquot venerunt non missi, prout exponit Aug. lib. 16. contra Faustum c. 12. Non enim notantur hic Moyses & Prophetæ, quia missi ab ipso, & per ipsum venerunt, & ipsum prædicaverunt: sed de illis loquitur, qui non missi, sed suâ sponte venientes, se duces ovibus ad beatitudinem exhibere voluerunt, de quibus Jerem. c. 14. v. 14. & 15. & cap. 23. v. 21. Tales ergo \* *fures sunt, & latrones*, quia vel dolosè vel violentè in ovile ascendunt, ut oves instar furum sibi vindicent, & instar latronum in exitium præcipitent. Sed \* *non audierunt eos oves*, vel nullo modo; vel non perseveranter, ut August. hic. Efficit enim Deus providentiâ & inspiratione suâ, ut eos oves prædestinatæ saltem finaliter exhorreant.

9. Ego sum ostium. Per me si quis introierit, salvabitur: & ingredietur, & egredietur, & pascua inveniet.

9. \* *Ego sum ostium*. Repetitione confirmat sermonem, & simul explicat, \* *si quis introierit per me*, inspiratione & auctoritate meâ, seu *per me*, intus vocantem, & exterius auctoritatem dantem, \* *salvabitur*. Per quod satis indicat, ingressum illum etiam per gratiam internam debere fieri. Multi enim Christi quidem auctoritate accipiunt præfecturam in ovili: sed non salvantur, quia non spiritu ejus vocante, sed spiritu cupiditatis vel ambitionis impellente profiliunt ad gubernacula: \* *ingredietur*, secundum fidem interiùs contemplando res divinas, \* *egredietur*, externa officia operando; & utrovis modo \* *pascua inveniet*, id est, pabulum, quo & se, & gregem reficiat. Vel *ingredietur* in Ecclesiam, & *egredietur*, discedendo ex hoc mundo in cælestem gloriam, ubi pascitur Israël pabulo æternæ veritatis. Utrumque sensum dat Aug. Quamquam *Ingredi & egredi* significare soleat in Scripturis totam hominis conversationem, ut clarè patet Act. 1. v. 21. & Psalm. 120. v. 8. q. d. Quocumque se vertet, prosperè agat, & pascua inveniet.

10. Fur non venit nisi ut furetur, & mactet, & perdat. Ego veni ut vitam habeant & abundantius habcant.

10. \* *Fur non venit, nisi ut furetur*, id est, sui commodi causâ, ut oves à Deo abstrahat, & faciat suas; \* *& eas mactet*, veneno pravæ do-

doctrinæ occidendo; \* & perdat, æternâ perditione. E contrariò verò \* ego veni, ut oves vitam habeant, justitiæ per fidem in hac vita, \* & abundantius habeant, æternam in futuro, ut Aug. tract. 45. Ratio autem curæ tam beneficæ & salutaris subjicitur: quia

11. \* Ego sum Pastor bonus, q. d. Non solum sum ostium, per quod ingrediantur alii, sed etiam ipse sum Pastor, & quidem bonus. Quod non diceret, inquit Aug. nisi essent & pastores mali, fures scilicet & latrones, aut certè mercenarii. Bonum ergo se esse pastorem, ostendit ex proprietate ejus: quia \* bonus Pastor animam suam dat pro ovibus suis, id est, vitam ipsam, multò magis commoda temporalia profundere paratus est pro salute ovium suarum, si necessitas earum hoc postulet. In quo perspicua differentia est ab iis, qui fures sunt & latrones. Sed quia nonnulli sunt veri pastores quantum ad authoritatem, non quantum ad affectum pastorem, etiam ab illis se discernit, addendo:

12. \* Mercenarius autem, & qui non est Pastor. Quis in cortice parabolæ Mercenarius sit, perspicuum est, ille scilicet, cujus non sunt oves, sed mercede ad hoc officium pascendi conducitur: cujus conditio est, ut pericula à lupis imminencia parum curet, quia non illi, sed Domino oves pereunt. Unde pulchrè alicubi Aug. Viles habent oves, quia non emerunt eas. In re autem significata Mercenarius est, qui pascit oves, non salutis earum vel Dei causâ, ad quem pertinent, sed mercedis & sui commodi gratiâ, sua scilicet quærens, non quæ Jesu Christi: \* & qui non est Pastor, ovium, ita scilicet, ut earum salutem tamquam proprii gregis, & suam ipsius quærat; quales mercenarios pastores præclarè describit Isaïas cap. 56. v. 10. & 11. \* videt lupum venientem, id est, pseudo-doctorem, sicut hoc exponit Apostolus Act. 20. v. 26. Intrabunt post discessum meum lupi rapaces; quos statim explicat esse eos, qui abducunt discipulos post se. Ponit autem Christus speciem pro genere: nam sub lupis intelliguntur etiam schismatici, & quarumlibet persecutionum ac periculorum authores. \* Et dimittit oves & fugit, abjectâ curâ & protectione earum. De cujusmodi pastoribus Tertull. de corona militis cap. 1. Novi pastores eorum in pace leones, in prælio cervos. \* Et lupus rapit oves, per falsas doctrinas, \* & dispergit, per divisiones & persecutiones, quæ pastoris præsentia & protectione dissipari potuissent.

13. \* Mercenarius autem fugit, quia mercenarius est, hoc est, quia solam mercedem, seu commodum suum spectat, \* & non pertinet ad eum de ovibus, id est, non est ei cura de earum salute, sed mercede dumtaxat sua. Cujusmodi pastoris sensus & voces sunt, quod moritur,

11. Ego sum pastor bonus, Bonus pastor animam suam dat pro ovibus suis.

12. Mercenarius aurem, & qui non est pastor, cujus non sunt oves propriæ, videt lupum venientem, & dimittit oves, & fugit: & lupus rapit, & dispergit oves:

13. mercenarius autem fugit, quia mercenarius est, & non pertinet ad eum de ovibus,



*moriatur; & quod succiditur, succidatur, ut est apud Zachar. c. 11. Unde de talibus dicit Spiritus Dei, O pastor & idolum, derelinquens gregem.*

14. Ego sum pastor bonus: & cognosco meas, & cognoscunt me meæ.

14. \* *Ego sum*, non fur, non latro, non mercenarius, sed \* *Pastor bonus*. Quod declarat duobus argumentis, cognitione ovium, & animæ suæ profusione: \* *& cognosco oves meas*, id est, quia singularum conditionem distinctissimè novi, non sterili cognitione, sed ut eis subveniam: est enim hæc cognitio æternæ electionis ac dilectionis, juxta quam dicit alibi, *Ego scio quos elegerim*: & Apostolus, *Novit Dominus, qui sunt ejus*. \* *Et cognoscunt me meæ*, tamquam pastorem & salvatorem suum: infirmæ quidem ut medicum; proficientes ut ductorem; tentatæ ut adiutorem; valentes ut nutritorem. Quam cognitionem pastoris sui, ut oves habeant, dicit Ambr. lib. 3. de Virginib. Si vultus curare desideras, medicus est; si febribus æstuas, fons est; si gravaris iniquitate, justitia est; si auxilio indiges, virtus est; si mortem times, vita est; si cælum desideras, via est; si tenebras fugis, lux est; si cibum quæris, alimentum est. Ut autem declaret, quàm sit affectuosa illa mutua pastoris & ovium cognitio, explicat hoc adjectâ similitudine, & quasi per parenthesis interpositâ.

15. Sicut novit me Pater, & ego agnosco Patrem: & animam meam pono pro ovibus meis.

15. \* *Sicut me novit Pater*, supple, sic ego nosco meas: \* *& sicut ego agnosco Patrem*, supple, sic cognoscunt me meæ (ita enim videntur hæc membra intra inter se conferenda: ) hoc est, sicut me Pater Filium suum, ita ut dilectissimum habeat, curet & servet: sic ego cognosco oves meas: & vicissim, sicut ego novi Patrem, ita ut eum gratissimè agnoscam omnium bonorum meorum fontem; sic oves meæ noverunt me, ut supra explicuimus. Itaque illud, *sicut*, similitudinem, non æqualitatem significat, & respicit illa verba v. 11. quæ præcesserunt, *Cognosco meas, & cognoscunt me meæ. Sicut novit me Pater, &c.* \* *Et animam meam pono pro ovibus meis*, id est, vitam ipsam pro eis liberandis profundo; quod signum consummatæ dilectionis. Nam, ut Christus dicit, *Majorem hac dilectionem nemo habet, ut animam ponat quis pro amicis suis*: quod ipse pro inimicis fecit. Ut autem scirent Judæi quænam sint illæ oves, adjicit:

16. Et alias oves habeo, quæ non sunt ex hoc ovili: & illas oportet me adducere, & vocem meam audient, & fiet unum ovile, & unus pastor.

16. \* *Et alias oves habeo*, id est, habeo autem & alias oves à Patre mihi traditas, scilicet ex Gentibus, dicente Patre ad Christum, *Isaïæ 49. Parum est, ut sis mihi servus ad suscitandas tribus Jacob, & facies Israël convertendas. Ecce dedi te in lucem Gentium, &c.* \* *Quæ non sunt ex hoc ovili*, id est, ex populo Israël, ut exponit Aug. Vocantur autem *Oves*, vel per anticipationem, quia oves erunt, vel potius ratione prædestinationis Dei. \* *Et illas oportet, juxta decretum æterni Patris, me adducere*, ad ovile meum, seu Ecclesiam meam, nempe

nempè per discipulos meos; nam Christus per præsentiam corporalem non fuit minister, nisi circumcisionis: \* *& vocem meam audient*, obediendo prædicationi meæ, per ora discipulorum meorum resonanti. Et ita \* *siet unum ovile*, id est, grex, *μία ποιμήν*, ut est Græcè, ex duobus scilicet populis, Judaico & Gentili, \* *& unus Pastor*, ego scilicet ipse Christus, tamquam lapis angularis, faciens utraque unum, sicut præclarissimè prophetatum hoc est apud Ezech. c. 37. v. 21. usque ad 25.

17. \* *Propterea me diligit Pater*, quia, juxta mandatum ejus, ut est versu sequenti, \* *ego pono animam meam*, scilicet pro diligendis ovibus, seu hominibus, quos mihi salvandos dedit. Ita tamen eam pono, \* *ut iterum sumam eam*, non resumitur autem anima, nisi quæ à corpore separata fuerit; ut proinde *ponere animam*, sit idem, quodd eam emitte. *Iterum autem sumere*, est eam propriâ autoritate & virtute corpori restituere; sic enim seipsum Christus exponit:

17. Propterea me diligit Pater; quia ego pono animam meam, ut iterum sumam eam.

18. \* *Nemo tollit*, id est, tollet, \* *eam à me*, invito ac nolente, \* *sed ego pono eam à meipso*, id est, sponte, quando & quomodo voluero. Quod fecit non solum, quia se sponte ad crucem tradidit, sed etiam quia sponte mortuus, ex divinitatis autoritate; cum virtute propriâ divinitus vivere potuisset, ut ex illo magno clamore morientis patuit. \* *Et potestatem habeo*, plenam ac liberam, \* *ponendi eam & sumendi eam*, id est, moriendi & resurgendi, ita ut nemo me invitum posset vel occidere, vel in morte retinere. \* *Hoc mandatum accepi à Patre meo*: quod refert ad, *ponere animam*, seu ad passionem; nam ad resurrectionem non erat dandum mandatum. Hoc autem ipsunt mandatum non fuit invito, sed volenti & consentienti datum. Insinuat autem mandatum Patris non intulisse sibi necessitatem, sed integram sibi reliquisse arbitrii libertatem.

18. Nemo tollit eam à me: sed ego pono eam à meipso, & potestatem habeo ponendi eam: & potestatem habeo iterum sumendi eam: Hoc mandatum accepi à Patre meo.

19. \* *Dissensio iterum facta est inter Judæos*. Nam prior dissensio facta fuerat cap. præced. v. 16. Idem enim verbum est hic Græcè, quod ibi, scilicet schisma: \* *propter sermones hos*, parabolicos, quos non intelligebant. Unde \* *dicebant multi: demonium habet, quid eum auditis?* &c.

19. Dissensio iterum facta est inter Judæos propter sermones hos, 20. Dicebant autem multi ex ipsis: Demonium habet, & insanit: quid eum auditis?

22. \* *Facta sunt autem Encania*, id est, festum Encæniorum: quod ita dicitur, quasi festum innovationis, quia est festum renovatæ dedicationis structuræ sacræ. Quidam Græci intelligi putant dedicationem templi primi, structi per Salomonem; sed illius dedicatio fiebat mense septimo, non hyeme. Chrysost. ac Theophyl. accipiunt dedicationem templi secundi, per Zorobabel erecti post captivitatem; fiebat enim mense duodecimo, scilicet Adar, respondente nostro

21. Alii dicebant: Hæc verba non sunt demonium habentis: numquid demonium potest cæcorum oculos aperire?

22. Facta sunt autem Encania in Jerosolymis: & hiems erat.

par-



partim Februario, partim Martio. Verius est intelligi de anniversaria dedicatione altaris facta per Judam Machabæum, quæ incidebat in 25. mensis Casleu, id est, noni, respondentis nostro Novembri ac Decembri, & proinde \* *hyems erat*, de quo festo vide Machab. 4. v. 59. & 2. Machab. 10. v. 5. & seqq. ubi describitur modus celebrandi, instar festi Tabernaculorum.

23. Et ambulabat  
Jesús in templo,  
in porticu Salo-  
monis.

23. \* *Et ambulabat Jesús*, non recreandi sui, sed docendi causâ quasi paratus, si se offerret opportunitas, \* *in templi*. Quod ne putares fuisse vel in ipsa æde sacra, vel in loco sacrificii, ubi hoc dedecisset, addit explicandi causâ, \* *in porticu Salomonis*: per quam intelligit atrium, non Sacerdotum, sed populi, sub dio cinctum porticu, ita ut à parte totum nominetur: & quia eodem loco structum erat, quo illud Salomon olim seruxerat, dicebatur *porticus Salomonis*. De quo atrio Salomonis agit Josephus lib. 8. Antiquit. c. 2.

24. Circumde-  
derunt ergo eum  
Judæi, & dice-  
bant ei: Quous-  
que animam no-  
stram tollis: si tu  
es Christus, dic  
nobis palam.

24. \* *Circumdederunt ergo eum*, quasi nacti opportunitatem insignem, dum ab aliis rebus vacaret, \* & dicebant: *Quousque animam nostram tollis?* id est, quamdiu nos suspensos ac dubios tenendo enecas? \* *Si tu es Christus*, Patribus promissus, \* *dic nobis palam*, sine parabolis, & verborum involucris: quasi insinuantes, hanc esse causam, cur hæcenus ei non credidissent, & auditâ veritate se credituros: verum, ut Aug. notat, non veritatem desiderabant, sed calumniam præparabant. Itaque

25. Respondit eis  
Jesús: Loquor  
vobis, & non cre-  
ditis. opera, quæ  
ego facio in no-  
mine Patris mei,  
hæc testimonium  
perhibent de me:

25. \* *Respondit eis: Loquor vobis*, id est, jam diu dixi vobis, supple, me esse Christum, & non creditis, q. d. Non oritur hoc ex obscuritate verborum meorum, sed ex incredulitate vestra. Causa autem, cur non hic palam dicat, *Ego sum Christus*, prima est, quia, ut dixi, non quærebant veritatem, sed calumniam; ut si assereret, quod res erat, accusarent eum, quod se faceret Christum Regem, sicut ei in passione objectum fuit. Secunda, quia operibus id probare malebat, quam nudis assertionibus, reservans responsum talem in terminis publico concilio Sacerdotum, quando coram iudicibus ad exemplum nostrum palam veritatem professurus erat. \* *Opera quæ facio in nomine Patris mei*, id est, voluntate & autoritate & virtute Patris mei, tamquam superantia omnem creaturæ potestatem, \* *hæc testimonium perhibent de me*, supple, quis ego sim.

26. sed vos non  
creditis, quia non  
estis ex ovibus  
meis.

26. \* *Sed vos non creditis*, neque verbis, neque operibus. Causa est, \* *quia non estis ex ovibus meis*, id est, ex prædestinatis ad vitam æternam, sed potius ad interitum, prout exponit Aug. Cujus rei causa cum non possit esse nisi culpa hominum, tacite taxat obduratam eorum malitiam, propter quam divinâ gratiâ destituti erant. Probat

autem eos non esse ex ovibus suis, ex conditionibus verarum ovium.

27. \* *Oves mea*, id est, prædestinati, & mihi ad salvandum dati, *vocem meam audiunt*, id est, obediunt, credendo mihi. Nam *audire* subinde significat nudam perceptionem vocis Dei, sive exterioriorem, sive etiam interiorem, ut *Hodie si vocem ejus audieritis, &c.* Subinde assensum & obedientiam respectu vocis Dei, ut, *locutus sum, & non audistis, &c.* prout & hîc sumitur. Porro dicendo, *vocem meam audiunt*, significat se ovibus prius loqui, easque ad se convertere; quod clarius indicat addendo: \* *& ego cognosco eas*, non sterili solius mentis cognitione, sicut & hædos novit, sed simul affectus, quâ trahuntur oves ad pastorem, \* *& sequuntur me*, verbum meum scilicet credendo, & exemplum operando. De tali cognitione loquitur Apostolus ad Galat. 4. v. 9. *Cum cognoveritis Deum, imo cogniti sitis à Deo*: per quod significat ipsam cognitionem Galatarum à Deo, tamquam pastore cognoscente oves suas, provenisse. Ne verò parvi facerent, esse ovem Christi, eumque pastorem sequi, subjicit:

27. Oves meæ-  
vocem meam au-  
diunt: & ego cog-  
nosco eas, & se-  
quatur me;

28. \* *Et ego vitam æternam do eis*, in præmium, quo nullum majus bonum ovium excogitari potest, \* *& non peribunt in æternum*, propriâ aliquâ voluntatis mutabilitate vel defectu. Sic enim eis dabitur vita æterna, ut ne quidem per proprium velle ab ea excidere possint: nam eis perseverandi possibilitas & voluntas, divinæ gratiæ largitate donatur, ut latius Aug. de corrept. & grat. c. 12. Insinuat autem eos è contrario in æternum perituros, eò quòd non essent ex ovibus suis, ut notat Aug. tract. 48. \* *Et non rapiet eas quisquam*, non fur, non latro, non mundus, non caro, non dæmones, non prospera, non adversa, \* *de manu mea*, id est, de potestate mea, quâ proteguntur: quod addit, ne alienâ vi, fraudibus aut insidiis, à Christo avelli posse putarentur. Ne verò mirarentur tantam suam potestatem in tanta carnis infirmitate, rationem reddit: quia

28 & ego vitam  
æternam do eis:  
& non peribunt  
in æternum, &  
non rapiet eas  
quisquam de ma-  
nu mea,

29. \* *Pater meus quod dedit mihi*, id est, id, quod dedit mihi Pater gignendo, ut essem videlicet unigenitus Filius Dei, \* *majus omnibus est*, id est, potentius omni re creatâ: \* *& nemo potest rapere violentè oves*, \* *de manu Patris mei*, supple; ergo nec de mea. Ratio sequitur v. 30. Porro Græcè sensus est faciliior in masculino, Pater qui dedit mihi, servandas scilicet oves, major omnibus est. Nemo autem potest rapere de manu Patris; ergo nec de mea. Consequentiam illam probat, quia

29. Pater meus  
quod dedit mihi,  
majus omnibus  
est: & nemo po-  
test rapere de  
manu Patris mei;

30. \* *Ego & Pater unum sumus*, naturâ divinâ, & consequenter potestate & voluntatē: nam ubi unitas, adeoque identitas, ibi nulla prorsus disparitas. Notant autem communi consensu Interpretes &

30 Ego & Pater  
unum sumus,



Patres, Aug. Orat. de quinque hæresib. Hieron. cap. 6. Isaiæ, Ambr. lib. de Spiritu S. & alii passim, illud, *Unum*, designare identitatem substantiæ seu naturæ; *sumus*, distinctionem personarum. Unde Aug. epist. 174. docet his verbis significari, Filium esse *ἑνωσιν* Patri, id est, ejusdem individualis substantiæ. In quem sensum & Judæi hoc acceperunt, cùm visus est eis blasphemasse; quod nullo modo judicassent, si tantum significatam existimassent concordiam voluntatis.

31. Sustulerunt ergo lapides Judæi, ut lapidarent eum.

31. \* *Sustulerunt ergo lapides Judæi, ut lapidarent eum*, tamquam blasphemum. Intellexerunt enim Judæi, inquit Aug. quod Ariani non intelligunt. Senserunt enim non posse dici, ego & Pater unum sumus, nisi ubi est æqualitas Patris & Filii. Christus autem intrepidè

32. Respondit eis Jesus: Multa bona opera ostendi vobis ex Patre meo, propter quod eorum opus me lapidatis:

32. \* *Respondit eis*, blandiusculè, ut furorum eorum, ratione temperaret: \* *multa opera bona ostendi vobis*, id est, multis beneficiis vos affeci; nam *Ostendere bona* vel *mala*, apud Hebræos est benè vel malè facere, ut patet Psal. 70. v. 20. & Psal. 59. v. 5. *Ostendisti populo tuo dura*: \* *Ex Patre meo*, id est, tamquam virtute Patris mei facta: quem semper tamquam operum meorum, & missionis principium agnovi, & proinde probant me esse Filium ejus. \* *Propter quod eorum opus me lapidatis*, id est, ad lapidandum vos præparatis?

33. Responderunt ei Judæi: De bono opere non lapidamus te, sed de blasphemia: & quia tu homo cum sis, facis te ipsum Deum.

33. \* *Responderunt Judæi: De bono opere*, id est, propter bonum opus, \* *non lapidamus te, sed de blasphemia*, quam te admisisse probamus: \* *Et quia*, (illud, &, est exegeticum seu declarativum pro, *id est*: nam hæc ipsa est blasphemia, quam designare volunt) \* *tu homo cum sis, facis*, id est, jactas & prædicas \* *te ipsum Deum*. Benè enim intellexerant, quod verbis v. 30. positis se verum Deum asseruisset: sed illo principio nitebatur error ipsorum de blasphemia, quod nemo posset esse simul homo & Deus. Existimantes forsan hoc aliter non posse fieri, quam per conversionem divinæ naturæ in humanam, aut humanæ in divinam aut per commixtionem utriusque in aliquam substantiam tertiam. Unde Aug. tract. 18. in Joan. In homine non intelligebant Deum: carnem videbant, Deum nesciebant: habitaculum cernebant, habitationem ignorabant: caro illa templum erat, Deus inhabitabat intus: per unionem scilicet naturæ divinæ ac humanæ in eandem personam. Quamobrem Athan. pro decretis Conc. Nicæni notat eos potius sermonem convertere debuisse hoc modo: cur tu Deus cùm sis, homo factus es? Nam opera, sicut & verba, eum Deum esse declarabant.

34. Respondit eis Jesus: Nonne scriptum est in lege vestra: Quia ego dixi, dii estis?

34. \* *Respondit eis*, non negando se Deum esse, sicut omninò facere debuisset, si fuisset falsum; sed tuendo verba sua, argumento à minori: \* *Nonne scriptum est in lege vestra*, id est, in S. Scriptura à vobis.

vobis in auctoritatem recepta, & proinde vobis irrefragabili: nam *Lex* hic totam Scripturam comprehendit, sicut & infra c. 15. v. 25. quamvis sæpius usurpetur pro solo Pentateucho, ut Luc. ult. v. 44. \* *Quia ego dixi: Dii estis?* Verba sunt ex persona Dei ad iudices dicta, quos uti potestatis, ita & nominis sui participes fecit, ut sint tamquam Dii quidam terreni in administranda iustitia.

35. \* *Si illos dixit Deos, ad quos sermo Dei factus est*, id est, quos Deus in illo Psalmi loco compellat, \* *& non potest solvi Scriptura*, id est, erroris redargui, vel irrita reddi, quasi malè, vel blasphemè homines mortales appellaverit Deos.

35. Si illos dixit deos, ad quos sermo Dei factus est, & non potest solvi Scriptura:

36. \* *Quem Pater sanctificavit*, sanctitatem, quâ ipsemet sanctus est, communicando ei, hoc est, sanctum per essentiam gignendo, prout exponit Aug. Nam hæc sanctificatio videtur præcedere missionem in mundum, quam subjungit; & proinde non videtur ita convenienter intelligi de sanctificatione humanæ naturæ, sive per gratiam, sive per unionem divinæ naturæ cum humana, sicut aliqui interpretantur. \* *Vos dicitis: Quia blasphemas, quia dixi, Filius Dei sum?* Vos dicitis me blasphemare, èd quòd me dixerim esse Filium Dei? q. d. Immeritò hoc dicitis: longè quippè iustius est, ut ille, quem Pater sanctum genuit, vocetur Filius Dei, & consequenter naturâ Deus; quàm illi, quos Deus alloquitur, & exiguam aliquam divinæ proprietatis participationem habent, prout Aug. per antitheses aliquas declarat. Probat autem se à Patre sanctificatum:

36. Quem Pater sanctificavit, & misit in mundum, vos dicitis: Quia blasphemas: quia dixi, Filius Dei sum?

37. \* *Si non facio opera Patris mei*, id est, opera Patri propria, seu quæ non possunt alteri adscribi, quàm Patri, \* *nolite credere mihi*, asserenti me unum esse cum Patre. Nam vis argumenti in eo sita est, quòd quorum eadem sunt numero opera, illi unum idemque sint necesse est. Quæ veritas, quia in hac vita valde remota est ab hominum clarâ cognitione, remittit eos ad operum testimonium.

37. Si non facio opera Patris mei, nolite credere mihi.

38. \* *Si autem facio*, scilicet opera Patris mei, miracula, quæ à nemine fieri poterant, nisi à Deo Patre: simul verò palàm erat, ea quoque à Christo fieri propriâ auctoritate: \* *Et si mihi non vultis credere*, propter verba scilicet mea, \* *operibus credite*, id est, propter opera mihi credite, ut per opera \* *cognoscatis & credatis*, id est, cognoscatis credendo, neque enim clarè ex operibus cognosci potest, sed tantum credendo: \* *Quia Pater in me est, & ego in Patre*, per naturam. Nam ista verba idem continent, quòd illa superiora, *Ego & Pater unum sumus*. Unitas enim ista in eo sita est, quòd personæ in se mutuò sint ratione unius individuæ essentiæ: nam per illam intimam inhabitationem, seu circuminseffionem fit, ut singula sint in singulis, & omnia

38. Si autem facio: & si mihi non vultis credere, operibus credite, ut cognoscatis, & credatis quia Pater in me est, & ego in Patre.



nia in singulis, & singula in omnibus, & omnia in omnibus, & unum omnia, ut loquitur Aug. lib. 6. de Trinit. c. 10.

39. Quarebant ergo eum apprehendere & exivit de manibus eorum.

39. \* *Quarebant ergo eum apprehendere*, quia videbant eum perfisteri in eo, quod dixerat: \* *Et exivit de manibus eorum*. Quo insinuat eum jam penè apprehensum è manibus elapsum esse, sive ipsa fiducia egressioneis, sive etiam occultâ divinitatis virtute eos cohibente.

40. Et abiit iterum trans Jordanem, in eum locum, ubi erat Joannes baptizans primum: & mansit illic.

40. \* *Et abiit iterum trans Jordanem*, ut per absentiam ejus sedaretur indignatio, \* *in locum, ubi erat Joannes baptizans primum*, hoc est, in Bethania seu Bethabara, de quo c. 1. v. 28. nam postea Joannes migravit in Aenon juxta Salim, ut est c. 3. v. 23.

41. Et multi venerunt ad eum, & dicebant: quia Joannes quidem signum recit nullum.

41. \* *Et multi dicebant*, admoniti scilicet ipso loco, in quo Joannes baptizaverat: \* *Quia Joannes quidem signum fecit nullum*, supple, & tamen ei credidimus; q. d. Quantò justius est, ut ei credamus, qui innumeris miraculis verba sua confirmat.

42. Omnia autem quaecumque dixit Joannes de hoc, vera erant. Et multi crediderunt in eum.

42. \* *Omnia autem quaecumque dixit Joannes de hoc*, Jesu scilicet \* *vera erant*, id est, vera esse ipso eventu demonstratum est. Hoc est secundum argumentum credendi. Itaque duobus illis adducti, scilicet miraculis Jesu, & testimonio Joannis in memoriam revocato, \* *multi crediderunt in eum*, quòd scilicet esset Christus Filius Dei.

## CAPUT UNDECIMUM.

1. Erat autem quidam languens Lazarus à Bethania, de castello Marix, & Marthæ sororis ejus.

1. \* *Erat autem quidam languens*, Græcè ἀδελφὸν ἀγrotὸς, \* *Lazarus*, distinctus tamen ab illo mendico, de quo Luc. 16. \* *à Bethania*, quæ quid sit, statim adjicit, explicationis causâ: \* *de castello Marix & Marthæ*, hoc est, de pago seu vico, in quo habitabant; quo modo Bethsaida dicitur civitas Andræ & Petri c. 1. v. 44. Describit tam exactè circumstantias, ut miraculum omnium celeberrimum credibilius fieret.

2. (Maria autem erat, quæ unxit Dominum unguento, & extersit pedes ejus capillis suis: cujus frater Lazarus infirmabatur.)

2. \* *Maria autem erat, quæ unxit Dominum unguento*, id est, liquore odorifero. In quo attestatur Joan. Lucæ narranti hanc concionem c. 7. ut sic distingueretur hæc Maria ab aliis eodem vocatis nomine.

3. Miserunt ergo sorores ejus ad eum dicentes: Domine, ecce quem amas infirmatur.

3. \* *Miserunt ergo sorores ejus*, nuntium è Bethania trans Jordanem: nam luctus earum. & cura infirmi, & sexus conditio, & fiducia in Jesu, satis erat, ne ipsemet proficiscerentur, ut notat Chrysost. \* *dicentes*, id est, cum mandato dicendi ei præscriptis verbis nomine suo: \* *Domine, Ecce quem amas, infirmatur*. Tacitè ipsum & verecundè & prudenter provocantes ad sanandum: nam super omnes preces ægri, & amicorum ejus, est amor benefactoris. Unde Aug. Amanti satis est nuntiassè; non enim amas & deseris. Scopus earum fuit, ejus adventum impetrare; qua in re quædam fidei imperfectio fuit, non spe-

sperantium solo jussu ab absente conferri posse sanitatem, sicut hoc patet clariùs infra v. 21. & 32.

4. \* *Audiens autem Jesus, dixit eis, sororibus per eundem illum internuntium: \* Infirmas hac non est ad mortem, quia nec mors ipsa ejus erat ad mortem, sed ad miraculum, inquit Aug. hoc est, infirmitas ista non adferet ei mortem talem, qualem vos timetis, ut sit ultimus terminus vitæ hujus mortalis, quia jamjam resuscitandus est: \* sed pro gloria Dei inflicta est hæc infirmitas; quod explicat addendo, \* ut glorificetur Filius Dei, id est, ut credatur & celebretur; tamquam Patri æqualis & verus Deus, \* per eam, supple, infirmitatem, non mortem, ut ex Græco patet.*

5. \* *Diligebat autem Jesus Martham, &c. Quod addit, tum ut redderet rationem v. 3. tum ut indicaret Lazarum ad vitam revocatum esse non tantum ex amore Lazari, sed etiam sororum ejus: tum denique ut hinc disceremus, non mirari vel ægrè ferre, si viri boni, Deoque dilecti morbis & incommodis affligantur, ut Chrysost. monet.*

6. \* *Ut autem audivit, mansit in eodem loco duobus diebus, ut interea & moreretur, & sepeliretur Lazarus, ne quisquam calumniam struere posset miraculo. Postea verò dixit:*

7. \* *Eamus in Judæam, id est, in sortem tribus Judæ & Benjamin, nam tunc agebat ultra Jordanem, ut colligitur ex c. 10. v. 40. Cum ergo discipuli eum ab itinere, periculo lapidationis objecto, deterrent.*

9. \* *Respondit Jesus: Nonne duodecim sunt horæ diei, ab ortu scilicet ad occasum Solis? Æstate quidem longiores, hyeme breviores, ut Aug. lib. de vera Relig. c. 43. Lyranus & multi post ipsum, putant proverbium fuisse, prout & nunc vulgò usurpatur, quo significetur Judæos mutari posse, ut quod unâ horâ diei voluerint, aliâ nolint, sed sequentia isti sensui difficulter aptantur. August. sensu magis mystico, quam litterali per Diem intelligit Christum, per Heras Apostolos duodecim, quos Christus moneat non debere sibi dare consilium, sed potius se sequi sicut horæ sequuntur diem, non contrâ. Videtur Christus significare velle duodecim esse horas diei, hoc est, certis horis spatium diei esse definitum; ita ut, \* si quis ambulaverit in die, quicumque scilicet horæ ejus, etiam ultimâ, \* non offendat, pedibus, \* quia adhuc \* lucem videt.*

10. Die autem finito, statim \* si ambulaverit in nocte, offendit, defectu scilicet lucis. Quâ similitudine significatum vult, lux quoque vitæ mortali tamquam diæ suo certum spatium à Deo præfinitum, quod nullis persecutionibus minui possit. Illius diei adhuc aliquid

4. Audiens autem Jesus dixit eis: Infirmas hac non est ad mortem, sed pro gloria Dei, ut glorificetur Filius Dei per eam.

5. Diligebat autem Jesus Martham, & sororem ejus Mariam, & Lazarum.

6. Ut ergo audivit quia infirmabatur, tunc quidem mansit in eodem loco duobus diebus.

7. deinde post hæc dixit discipulis suis: Eamus in Judæam iterum.

8. Dicunt ei discipuli: Rabbi, nunc quærebant te Judæi lapidare, & iterum vadis illuc.

9. Respondit Jesus: Nonne duodecim sunt horæ diei? Si quis ambulaverit in die, non offendit, quia lucem hujus mundi videt:

10. si autem ambulaverit in nocte, offendit, quia lux non est in eo.



superesse, quo in Judæam turò ambulare possit : sed cùm nox, hoc est, tempus passionis, & occasus vitæ advenerit, tunc offensionis, quæ à Judæis imminet, periculum esse. Ita Rupertus, quem alii multi secuti sunt.

11. Hæc ait, & post hæc dixit eis: Lazarus amicus noster dormit : sed vado ut a somno excitem eum.

11. \* *Post hæc dixit eis, cùm eos hoc suo sermone securos de periculo reddidisset : \* Lazarus amicus noster dormit, sed vado, &c.* De mortuo tamquam de dormiente loquitur, partim modestiæ causâ, ne resurrectionem apertè promittendo, seipsum jactare videretur : partim ut indicaret tantam esse facilitatem resuscitandi Deo, quanta est nobis excitandi dormientem de lecto, ut Aug.

12. Dixerunt ergo discipuli ejus: Domine, si dormit, salvus erit.

12. \* *Dixerunt ergo discipuli: Si dormit, salvus erit*, quia, ut Tertull. lib. de Anima c. 43. Somnus probator valetudinis, hoc est, ut Aug. Somnus ægrotantium, est salutis indicium. Itaque tacitè significant, non esse proindè opus, periculosum iter suscipere.

13. Dixerat autem Jesus de morte ejus de mortui subindè Dormientes, quia, ut Aug. 4. de Anima c. 18. Consanguineus, id est, cognatus seu affinis est lethi sopor : nimirum non solum, quia omnes instar dormientium ad vitam resurgent, sed etiam, ut Ambr. de resurrectione. quia postquam ab ipsius mundi laboribus requietum fuerit, vigor nobis vivacior refundetur.

13. \* *Dixerat autem Jesus de morte ejus : quæ Somnus dicitur in scripturis, & mortui subindè Dormientes, quia, ut Aug. 4. de Anima c. 18. Consanguineus, id est, cognatus seu affinis est lethi sopor : nimirum non solum, quia omnes instar dormientium ad vitam resurgent, sed etiam, ut Ambr. de resurrectione. quia postquam ab ipsius mundi laboribus requietum fuerit, vigor nobis vivacior refundetur.*

14. Tunc ergo Jesus dixit eis manifeste: Lazarus mortuus est :

14. \* *Tunc ergo, cum videret eos præ ruditate non intelligere, \* dixit eis manifeste, sine allusione vel metaphorâ : \* Lazarus mortuus est :* q. d. Somnus, de quo locutus sum, mors ejus est.

15. & gaudeo propter vos, ut credatis, quoniam non eram ibi sed eamus ad eum.

15. \* *Et gaudeo propter vos, ut credatis, quoniam non eram ibi.* Retiùs ordo verborum est : gaudeo, quoniam non eram ibi propter vos, ut credatis. Causa ergò gaudii erat, quòd non esset ibi quia precibus & ploratu amantium permotus fuisset, ut eum vel à morte præservaret, vel statim suscitaret : neutrum conveniebat, propter vos, ut credatis. Loquitur de fidei incremento, quæ ex perspectis fidei evidentissimis argumentis magis firmatur. Cum ergò dixisset Christus, \* *eamus ad eum*, discipuli forsitan adhuc trepidare videntur ;

16. Dixit ergo Thomas, qui dicitur Didymus, ad discipulos: Eamus & nos, ut moriamur cum eo.

16. \* *Dixit Thomas, qui dicitur Didymus, id est, alio nomine Græco etiam appellabatur Didymus. Nam sicut primus Apostolorum vocatur Cephæ & Petrus, utroque nomine idem significante, ita iste dicebatur Thomas & Didymus, & utrumque significat geminum sive gemellum : \* ad discipulos, minus alacres : \* Eamus & nos, ut moriamur cum eo, quia non obstantibus verbis Domini, putabat & ipsum, & discipulos certum mortis periculum adituros. Verba sunt ergò viri constantis juxta Bedam & Rupertum, Christumque diligenter potius quam timidi, sicut putavit Chrysost. & Theophyl. quasi per ironiam fuissent dicta.*

17. \* *Ve-*

17. \* *Venit itaque, & invenit eum quatuor dies jam in monumento habentem*, ut proinde faciliè quinque diebus aut sex fuerit mortuus: nec enim eodem die maximè ab amantibus sepeliri solent. Permiserit hoc, ut & mors esset probator, & miraculi gloria illustrior. De quibus diebus quatuor, vide mysticè Aug.

17. Venit itaque Jesus: & invenit eum quatuor dies jam in monumento habentem.

18. \* *Erat autem Bethania juxta Jerosolymam*. Quod addit, ut rationem reddat confluentis Judæorum ex Jerosolymis, utpote quæ non abesset, \* *nisi stadiis quindecim*, id est, quasi duobus miliaribus Italicis, seu duobus millibus passuum: nam *stadium* continet centum viginti quinque passus, ita ut octo stadia conficiant mille passus, hoc est, milliare Italicum, & tria milliaria circiter iter unius horæ. Propter hanc ergo propinquitatem

18. (Erat autem Bethania juxta Jerosolymam quasi stadiis quindecim.)

19. \* *Multi ex Judæis venerant*, officii causâ; \* *ut consolarentur eas*, verborum humanitate. Ex quo colligitur Lazarum & sorores ejus non vulgares fuisse personas, quibus hujusmodi officia maximè post quintum aut sextum diem impendi non solent, sed fuisse vel divitiis, vel nobilitate conspicuas.

19. Multi autem ex Judæis venerant: ad Martham & Mariam, ut consolarentur eas, de fratre suo.

20. \* *Martha ergo, &c. occurrit illi*, tamquam hospiti ac Domino, honoris atque amoris causâ: \* *Maria autem domi sedebat*, excipiens Judæos consolatores suos, & ab eis detenta.

20. Martha ergo ut audivit quia Jesus venit, occurrit illi: Maria autem domi sedebat.

21. \* *Dixit Martha: Domine, si fuisses hic, frater meus non fuisset mortuus*. Eadem sunt & verba sororis v. 32. quibus & modestè luctum suum exprimunt, & Domini potentiam, & benignitatem, ad arcendam à fratre suo mortem; quamvis in eo deficiant, quòd potentiam ejus ad potentiam corporalem adstringant. Et quia verba speciem querelæ præ se ferebant, mitigat eam, addendo:

21. Dixit ergo Martha ad Jesum: Domine, si fuisses hic, frater meus non fuisset mortuus:

22. \* *Sed & nunc scio*, etiam fratre mortuo, \* *quia quæcumque poposceris à Deo, dabit tibi Deus*, etiamsi poposceris, ut frater mortuus ad vitam redeat. Non audet hoc directe petere, propter rei magnitudinem. Unde neminem legimus, hoc à Christo petiisse: relinquit igitur rem judicio ejus, ut notat Aug. Quamquam non desint, qui putent Martham de resurrectione desperasse, ut probabiliter colligitur ex v.

22. Sed & nunc scio, quia quæcumque poposceris à Deo, dabit tibi Deus,

24. & 39. & ista verba hujus versus, *Nunc scio, &c.* dicunt intelligi, quòd Christus impetraturus esset quidlibet, ad hoc, ut ostenderet sermonem suum v. 4. ad sorore transmissum (scilicet *infirmas hac non est ad mortem*) verum esse. Unde ut Christus sensum ejus explicaret Martha:

23. Dicit illi Jesus: Resurget frater tuus.

23. \* *Dixit illi: Resurget frater tuus*. Quod cum modestiæ causâ ambigüe dictum esset, & Martha de resurrectione generali intelligeret, ut quæ præsentem sperare non audiret,

24. Dicit ei Martha: Scio quia resurget in resurrectione in novissimo die.

25. \* *Dicit ei Jesus: Ego sum resurrectio & vita*, id est, non opus est, fuerit, vivet:

25. Dixit ei Jesus: Ego sum resurrectio, & vita: qui credit in me, etiamsi mortuus est, fuerit, vivet:



est, ut poscam à Deo : ego ipse sum author resurrectionis, & fons vitæ mortuis, qui eos exsulcito, vitamque tribuo, quibus volo. Intelligit autem vitam eam, quæ vera vita est, æterna ac beata : nam vita communis bonis & malis includitur in nomine *resurrectionis*. Ut autem ostenderet, quâ ratione fieri quis posset particeps tanti boni, utrumque explicat : \* *Qui credit in me*, quidquid, & quo modo credendum est, \* *etiamsi mortuus fuerit*, carne, sicut Lazarus mortuus est, prout supplet Aug. \* *vivet* iterum carne immortaliter : & ita non turberis de fratre tuo jam mortuo, utpote qui crediderat in me. Et hoc quidem de jam mortuis ; nunc de viventibus.

26. & omnis, qui vivit, & credit in me, non morietur in æternum. Credis hoc ?

26. \* *Et omnis, qui vivit*, adhuc in corpore in hoc sæculo, \* & *credit in me*, etiamsi moriatur ad tempus propter mortem corporis, \* *non morietur in æternum*, propter vitam beatam spiritus, & immortalitatem resurrectionis. Promittit itaque credentibus in se, mortuis quidem resurrectionem vitæ, viventibus verò immortalitatem ; ita ut & illi quidem recuperent vitam, hi numquam amittant. \* *Credis hoc ?* Quæ interrogatio est ad credendum provocatio. Cum verò Martha verba Christi non satis intelligeret.

27. Ait illi : Utique Domine ego credidi, quia tu es Christus filius Dei vivi, qui in hunc mundum venisti.

28. Et cum hæc dixisset, abiit, & vocavit Mariam sororem suam silentio, dicens : Magister adest, & vocat te.

29. Illa ut audivit, surgit citò, & venit ad eum.

30. Nondum enim venerat Iesus in castellum, sed erat adhuc in illo loco, ubi occurreret ei Martha.

31. Judæi ergo, qui erant cum ea in domo, & consolabantur eam, cum vidissent Mariam quia citò surrexit & exiit, secuti sunt eam dicentes : Quia vadit ad monumentum, ut ploret ibi.

32. Maria ergo,

27. \* *Ait illi : Utique Domine, ego credidi*, jam pridem, \* *quia*, id est, quod, \* *tu es Christus Filius Dei vivi*. De quibus verbis dictum Maith. 16. v. 16. q. d. Hoc autem credendo, ergo consequenter credidi, quod tu sis resurrectio & vita, &c. ut Aug. Et ita patet appositum esse responsum Marthæ.

28. \* *Et cum hæc dixisset, abiit, & vocavit Mariam sororem suam*, iussa scilicet à Domino ; quod brevitatis causâ suppressit Evangelista. Vocavit autem eam \* *silentio*, id est, clam submissâ voce, ne Judæi intelligerent, ac turbam testem ad miraculum contra consuetudinem suam Christus advocasse videretur, \* *dicens : Magister adest*. Ante vocaverat eum *Domini* : ex quo advertas, promiscuè à discipulis vocatum fuisse *Magistrum*, ac *Domini*, non solum ab Apostolis, quibus infra c. 13. v. 3. dicit, *Vos vocatis me Magister & Domine, &c.* sed etiam ab aliis.

29. \* *Illà ut audivit, surgit citò*, præ amoris vehementiâ, & moræ impatientiâ, oblita luctus, urbanitatis, ac decori erga consolatores circumstantes :

30. \* *Nondum enim venerat Iesus in castellum*, id est, in pagum Bethaniam. Causa erat, quod Lazarum suscitaturus erat, cujus monumentum, sicut communiter omnium Judæorum, extra oppida & vicos esse solebant. Sequentibus verò eam Judæis,

32. \* *Cecidit ad pedes ejus*, nihil morata præsentium Judæorum turbam,

bam, & malè de Christo sentientium. Unde videtur magis perspetam habuisse dignitatem Jesu, & ferventiùs amasse, quàm soror: nam vitæ contemplativæ studium, cui vacabat, plus in ea pepererat devotionis, reverentiæ, humilitatis. \* *Et dicit ei: Domine, si fuisses hic, &c.* Post quæ pauca verba videtur tacuisse, & rem lacrymis magis egisse, quam verbis.

33. \* *Jesus autem ut vidit eam plorantem &c. infremuit spiritu*, id est, cum venisset ubi erat Jesus, videns eum, cecidit ad pedes ejus, & dicit ei: Domine, si fuisses hic, non esset mortuus frater meus. 33. Jesus ergo, ut vidit eam plorantem, & Judæos, qui venerant cum ea, plorantes, intremuit spiritu, & turbavit seipsum. Est autem *Fremitus*, sonitus quidam indignantis, qui flatu oris represso fit: quo modo congruè dicitur Marci 14. v. 6. quòd Apostoli fremebant in Magdalenam. Fremitum autem Christi fuisse contra peccatum, unde mors nata est, putat Aug. alii contra mortem; alii contra diabolum mortis autorem; alii non improbabiler contra Judæorum incredulitatem, propter quos mors Lazari permissa fuerat. Sed quia *fremere* subinde sumitur generaliùs, cum & mare & leo fremere dicantur, videtur per fremitum significari quidam lugentis condolentisque affectus: quod & Evangelista indicat, cum eum significat expressum esse ex lachrymis Mariæ, & Judæorum. Unde quasi explicans id, quod dixerat, addit: \* *& turbavit seipsum*, motu tristitiæ & compassionis, tamquam radice fremitus istius, quem etiam usque ad lachrymas exteriores permisit. Porro dicendo, *turbavit seipsum*, significat eum non turbatum illis motibus ex naturæ infirmitate, sicut nos, sed à seipso, tamquam talium affectionum arbitro, quia in illius potestate erat sic vel sic affici vel non affici: ubi enim summa potestas est, inquit Aug. secundum voluntatis nutum tractatur infirmitas. Hæc autem turbatio affectuum, qui hominem interiorem reddunt impacatum, in illa visione æternæ pacis nulla erit, ut Aug. 14. de civit. c. 9.

34. \* *Et dixit: Ubi posuistis eum?* Humano modo cum hominibus agens, etsi non ignoraret, ut scilicet miraculo patrandò ordinatè fieret locus. Ideoque & exoratus lachrymis illud fecit, ne se ingessisse videretur. 34. & dixit: Ubi posuistis eum? Dicunt ei: Domine, veni, & vide.

35. \* *Et lachrymatus est Jesus*, veram tristitiam sinens in vera ejus signa prorumpere. Nam, ut Aug. loco cit. in quo verum erat hominis corpus, & verus hominis animus, non erat falsus humanus affectus. Causa tristitiæ & lachrymarum erat mors amici Lazari, quæ verum in se malum erat; de quo tristiari & lachrymari moderatè voluit, cum lachrymantibus, ut se verum hominem, & humanum ostenderet: nam absque compassione nullius commiseratione tangi, inclementiam & immanitatem quamdam feram indicat. Immoderatè verò lamentari mulierum est, non viri sapientis, ut Basil. hom. 4. & Theophyl. 35. Et lacrymatus est Jesus: 36. \* *Dixit*



36. Dixerunt ergo Judæi : Ecce quomodo amabat eum.

36. \* *Dixerunt ergo Judæi*, visis lacrymis : \* *Ecce quomodo*, seu quantopere , \* *amabat eum*, amore scilicet lacrymas exprimente in viro tam gravi & constante. Hi colligunt inde amoris magnitudinem, alii vero virtutis impotentiam : quia

37. Quidam autem ex ipsis dixerunt : Non poterat hic, qui aperuit oculos cæci nati, facere ut hic non moreretur ?

37. \* *Quidam ex ipsis dixerunt*, non satis benè affecti Domino : \* *Non poterat hic, qui aperuit oculos cæci nati, facere, ut hic non moreretur ?* cum sit facilius morbum arcere, vel ægrotum sanare, quàm cæco nato visum restituere ; & eum invitum fuisse lacrymæ testentur ?

38. Jesus ergo rursum fremens in semetipso, venit ad monimentum. erat autem spelunca : & lapis superpositus erat ei.

38. \* *Jesus ergo rursum fremens*. Particula, *ergo*, designat causam fremitus ejus à præcedentibus pendere. Fremuit ergò præ indignitate in improbitatem illam, quâ beneficia ipsi vertebant in improprium, & affectus sui humanitatem in incredulitatem potestatis ejus. Fremuit igitur \* *in semetipso*, quia sonum indignationis intra semetipsum cohibuit. \* *Erat autem spelunca*, non, uti Christi sepulchrum, supra terram ex lapide excisa, sed deorsum tendens : ut satis colligitur ex eo, quòd \* *lapis*, quo claudebatur, non erat advolutus ostio, sed \* *superpositus erat ei*, speluncæ : quæ proinde videtur fuisse similis foveæ, cujus os esset æquale terræ, sicutamen, ut gradibus in eam discenderetur, quemadmodum adhuc extare dicitur.

39. Ait Jesus : Tollite lapidem. Dicit ei Martha, soror ejus qui mortuus fuerat : Domine, jam factet, quatrduanus est enim,

39. \* *Ait Jesus : Tollite lapidem*. Sed cur vel ipse non sustulit imperio suo, vel immoto lapide Lazarum eduxit ? Respondetur, primò, ne res tota spectrum magicum videretur, ac dicerent non esse Lazarum, sicuti de cæco dixerunt. Secundò, ut Judæi vel oculis suis crederent, qui mente credere nolebant. Removent ergo ipsi lapidem, vident cadaver, foetorem sentiunt, institas rumpunt, non possunt negare defunctum, quem vident resurgentem. Vident signa mortis, & vitæ munera; dumque conantur, ipso labore emendantur, sicut hæc expendit Ambr. lib. de fide resurrect. \* *Dicit ei Martha, soror ejus, qui fuerat mortuus*, ideoque testis magis idonea quatrduanæ mortis : \* *Domine jam factet*. Tacita est ac modesta prohibitio, ne foetor erumpens sensum ejus & adstantium offenderet. Nam videtur putasse, quòd solum amici videndi causâ lapidem jussisset amoveri, neque sperasse quatrduani mortui & foetentis resurrectionem : nam hac de causa tamquam parum tenacem fidei ac memorem, reprehendit eam, dicens :

40. Dicit ei Jesus : Nonne dixi tibi, quoniam si credideris, videbis gloriam Dei?

40. \* *Nonne dixi tibi : Quoniam si credideris videbis gloriam Dei ?* id est, opus præclarum, quò glorificetur & celebretur Deus. Dixit hoc autem, quando per nuntium transmisit similia verba v. 4. Quamvis alii putent hoc ei dictum v. 23. & 25. ubi dicitur, *resurget frater tuus*, &c. quod reipsa idem est, quod videre gloriam Dei resuscitan-

tis.

tis. Addit autem, *\* si credideris*, quia potest hanc gloriam Dei infirmis tas fidei impedire, sicut impedivit in Petro, quando videns ventum validum cœpit mergi. Itaque confirmat hic Christus Marthæ fidem non nihil labascentem, sicut & fidem Jairi, Lucæ 8. v. 50. *Crede tantum, & salva erit.*

41. *\* Tulerunt ergo lapidem*, quia scilicet Dominus pergebat urgere amotionem lapidis. Interea verò dum amotus esset, & sepulchrum quisque inspiceret, fœtoremque hauriret, nulla posset esse dubitatio de mortuo ibi condito, *\* Jhesus elevatis sursum oculis*, tamquam alloquens Patrem suum (oculos enim in eos figimus, quos alloquimur) & illi omnia accepta referens, dixit: *\* Pater gratias ago tibi, quoniam audisti me*, de Lazaro suscitando. Quod quamvis petiisse non legatur, voluisse tamen ac desiderasse, certum est. Non solum autem preces sed & desiderium pauperum & præparationem cordis eorum exaudiri Dominus, ut Psalm. 9. v. penult.

41. Tulerunt ergo lapidem: Jhesus autem elevatis sursum oculis, dixit: Pater gratias ago tibi quoniam audisti me.

42. *\* Ego autem sciebam, quia semper me audis*, in omnibus, quæ vel postulo, vel volo: q. d. Non est mihi hoc novum, vel inopinatum, *\* sed propter populum, qui circumstat, dixi*, verba scilicet illa, quod gratias ago tibi: idque eo fine, *\* ut credant, quia tu me misisti*, ut qui per hoc ipsum videbunt, me tantum opus tuâ autoritate & potestate fecisse, cui hoc adscripsi, antequam fieret. Loquitur in his omnibus secundum formam hominis.

42. Ego autem sciebam quia semper me audis, sed propter populum, qui circumstat, dixi: ut credant quia tu me misisti.

43. *\* Hæc cum dixisset, voce magnâ clamavit*, ut omnibus constaret se esse, qui suscitabat, figuramque daret illius tubæ & vocis magnæ, quâ suscitabit mortuos in novissimo die, ut hîc notat Theophyl. & Ambr. lib. de fide resurrectionis: *\* Lazare*, quæ est vox significans compositum ex corpore & anima & suppositum: & quamvis hoc jam non esset, tamen Dei est vocare ea, quæ non sunt, tamquam ea, quæ sunt, quia vocando facit, ut sint. Proprio autem nomine vocat Lazarum, ne, inquit Ambr. loco cit. alius pro alio suscitatus videretur, aut fortuita magis resurrectio, quàm imperata videretur. Per illam ergo vocem, *\* Lazare*, suscitatus est; per istam verò, *\* veni foras*, jam vivus ex antri profundo vel latere ad ostium prodire jussus. Itaque

43. Hæc cum dixisset, voce magnâ clamavit, voce magnâ, na clamavit: Lazare veni foras.

44. *\* Statim*, nullâ interpositâ morâ post vocem clamantis, quasi in momento, in ictu oculi, sicut Apostolus dicit futuram omnium resurrectionem, *\* prodiit*, de sepulchro, *\* ligatus manus & pedes in fittis*, id est, fasciis quibusdam, juxta ritum Judaicum sepeliendi mortuos, qui tangitur infrâ c. 19. v. 40. Sed quomodo processit ligatis pedibus? Respondet Aug. hîc & Basil. hom. 4. fuisse miraculum in miraculo, potentiam scilicet Dei hoc operatam esse, non vires Lazari. Nam etiam *\* facies illius sudario erat ligata*, ut obvinctis oculis

44. Et statim prodiit qui fuerat mortuus, ligatus pedes & manus in fittis, & facies illius sudario erat ligata. Dixit eis Jhesus: Solvite eum, & finite abire,



lis videre non posset, quò vel quà pergeret. Simili sudario ligatam fuisse faciem Christi patet c. 20. v. 7. \* *dixit eis Iesus: Solvite eum*, omnibus fasciis sepulchralibus, \* & *finite abire*, liberum, quò voluerit; idque ut conversatio inter homines esset veritatis confirmatio. Miraculosè ergo prodiit, utpote qui nunc foris constitutus, adhuc ambulare non posset. Jussit Christus per alios eum solvi, cùm verbo solo potuisset, quia non solet miraculum adhiberi in iis, quæ possunt ab hominibus fieri, ut scilicet non sint vacua sapientiæ suæ opera, ut est Sapientiæ 14. v. 5.

45. Multi ergo ex Judæis, qui venerant ad Mariam & Martham, & viderant quæ fecit Iesus, crediderunt in eum.

46. Quidam autem ex ipsis abierunt ad Phariseos, & dixerunt eis quæ fecit Iesus.

47. Collegerunt ergo Pontifices & Pharisei concilium, & dicebant: Quid facimus, quia hic homo multa signa facit?

45. \* *Multi ergo ex Judæis, qui convenerant, crediderunt in eum*, evidentiâ miraculi, & simul gratiâ intus persuadente convicti.

46. \* *Quidam ex ipsis*, similiter miraculi spectatoribus, \* *abierunt ad Phariseos*. Quo insinuat eos neque sic credidisse in Christum, sed insuper rem ad Phariseos detulisse, malo scilicet animo, ne amplius gloria Christi cresceret: videntur enim ex illis fuisse, qui v. 37. notantur. Cùm ergo res consultatione digna videretur,

47. \* *Collegerunt Pontifices concilium*, Græcè ἀρχιερεῖς, *summi sacerdotes*, penes quos solos congregandi concilii potestas erat. Videntur fuisse Caiphas & Annas, qui nominantur Lucæ 3. v. 2. ubi & causas diximus, cur plures vocentur summi Pontifices, cùm nonnisi unus ex divino instituto præesse deberet. Concilium autem intelligit illud magnum septuaginta duorum virorum, ad quod causæ gravissimæ de religione & republica referebantur, qualis causa videbatur hæc esse de Christo. \* *Et Pharisei*, non autoritate, sed instigatione: nam illi ut tales, nullâ pollebant potestate in clerum Judaicum, sed tantum quorundam rituum, & externæ sanctitatis professione eminebant. \* *Et dicebant: Quid facimus*, quòd hominem toties apprehendere conati, huc usque non apprehendimus? Continent enim verba tacitam ignaviæ suæ reprehensionem: \* *quia hic homo*, quem propter contemptum nec nomine dignantur, \* *multa signa facit?* Quibus videlicet magis magisque clarescit in dies, populoque fit gratus & mirandus.

48. Si dimittimus eum sic, omnes credent in eum: & venient Romani, & tollent nostrum locum, & gentem.

48. \* *Si dimittimus eum sic*, hoc est, ut sine obstaculo, quæ quantaque voluerit faciat miracula, \* *omnes credent in eum*, tamquam in Christum Regem. Quo sanè consententur maximam fuisse miraculorum vim in persuadendo fidem, & è contrario duritiam fuisse obstinatissimam in repellendo. Plus enim perditii homines cogitabant, quomodo nocerent, ut perderent, quàm quomodo sibi consulerent, ne perirent, inquit Aug. \* *Et venient Romani*, tamquam adversus eos, qui, deserto Cæsare, alium Regem suscitaverimus; nam hoc ipsum ei postea coram Pilato objecerunt: \* *Et tollent nostrum locum*, templum, civitatem,

totamque Judæam sibi usurpabunt, \* & gentem, in alium locum transferendo, sicut olim fecerunt Babylonii. Ita invidiâ & odio prætexunt salutem Reipublicæ, cum satis intelligerent nihil terreni regni Christum querere, & intelligere deberent, eum, qui suscitabat mortuos, pericula vivorum posse dispellere, nec propter incerta pericula ce rtam claramque veritatem opprimendam esse.

49. \* *Unus autem ex ipsis Caiphas nomine, cum esset Pontifex anni illius* ( non quod annui essent Pontificatus tunc temporis, sed quod per avaritiam Romanorum Præsidum frequenter personæ mutarentur ) \* *dixit eis*, tamquam Præses concilii majori loquens autoritate & libertate, vel, ut Chrysost. ait, majori impudentiâ: \* *Vos nescitis quidquam*, ad expediendas res perplexas. Indicat enim eos variasse opinionibus, tamquam inopes consilii.

50. \* *Non cogitatis quia expedit vobis*, Græcè *ἡμῖν, nobis*, id est, longè satius est, seu magis expedit ( habet enim vim comparativi ) ad omnium nostrum & Reipublicæ salutem, \* *ut unus homo*, sive nocens, sive innocens, \* *moriatur pro populo*, id est, occidatur à nobis pro salute populi; \* & *non tota gens pereat*, id est, potius quàm in illo superstite tota natio Judaica à Romanis excidatur. Hæc fuit mens Caiphæ falsa & impia, politico spiritu concepta, cui propositum est quibuscumque mediis temporalem Reipublicæ statum salvum esse velle, eoque colore & prætextu obumbrare impietatem suam.

51. \* *Hoc autem à semetipso non dixit*, id est, proprio instinctu, quatenus videlicet veram sententiam continebat; nam quatenus falsam jam dictam, planè hoc dixit à semetipso, quia ex odio in personam: \* *sed cum esset Pontifex anni illius*, in quo Deus respiciebat sacram sacerdotii à se instituti unctionem ac dignitatem, \* *prophetavit*, quatenus Spiritus S. ita verba ejus moderatus est, ut veram prophetiam, mente nesciente, imò errante, proferret. Nam Caiphas dicendo, *Vos nescitis quidquam*, eorum stupiditatem despiciebat; Spiritus S. verò significabat rei prophetatæ notitiam nemini ex seipso loquenti in mentem venire posse. Caiphas dixit, *expedit vobis*, non *nobis*, quia non ipsi sed alijs erat fructus ex passione obventurus, dixit, *ut moriatur*, non *ut occidatur*, quia scelesti illa innocentis interfectio non est, quæ profuit, sed morsejus: dixit, *pro populo & non tota gens*, ut sensus ad Judæos non coarctaretur, sed universus orbis comprehendi posset, cum tamen ipse omnia contrario modo intelligeret. Unde exponit breviter Evangelista, quidnam prophetaverit, videlicet, \* *quod Jesus moriturus erat pro gente*, Judaica, quam Caiphas solam intelligebat, ut Aug. notat.

49. Unus autem ex ipsis Caiphas nomine, cum esset Pontifex anni illius, dixit eis: Vos nescitis quidquam;

50. nec cogitatis quia expedit vobis ut unus moriatur homo pro populo, & non tota gens pereat,

51. Hoc autem à semetipso non dixit: sed cum esset Pontifex anni illius, prophetavit, quod Jesus moriturus erat pro gente,



52. & non tantum pro gente, sed ut filios Dei, qui erant dispersi, congregaret in unum.

52. \* *Et non tantum pro gente*, scilicet illâ Judaicâ moriturus erat, quam etiam ob causam Dei instinctu assumpta fuerant per Caiphā verba generalia; \* *Sed ut Filio Dei*, non ex justificatione, sed ex Dei prædestinatione (non enim adhuc crediderant, \* *qui dispersi erant*, per universum mundum in variis populis & erroribus) \* *congregaret in unum*, non locum, sed in unum corpus, seu Rempublicam, quæ est Ecclesia, ut ita fieret unum ovile & unus Pastor.

53. Ab illo ergo die cogitaverunt ut interficerent eum.

53. \* *Ab illo ergo die cogitaverunt*, id est, communi consilio firmiter decreverunt, ut Græcum *συμβουλευσαντο* indicat, arripientes avidè Caiphæ sententiam, non ut vaticinium, quod & ipsi ignorabant, sed ut prudentissimum, ad arcendum temporale malum, consilium, \* *ut interficerent eum*, quantumvis innocentem. Nam antea in hoc tantum tumultuariè & segniter incubuerant.

54. Iesus ergo jam non in palam ambulabat apud Judæos, sed abiit in regionem juxta desertum, in civitatem quæ dicitur Ephrem, & ibi morabatur cum discipulis suis.

54. \* *Iesus ergo*, sciens decretum eorum, \* *jam non in palam ambulabat*, more hominis cavens sibi, inquit Aug. & more justi cavens etiam aliis; ne vel illos magis exasperaret, vel se studio in periculum præcipitaret, cum nondum venisset hora sua, \* *sed abiit in regionem juxta desertum Judææ*, non procul à Jordane, \* *in civitatem, quæ dicitur Ephrem*, Græcè *Ἐφραίμ*, Ephraim. Urbs obscura est; nam quamvis aliqui putent fuisse Ephron, de qua 1. Machab. 5. v. 46. minùs est verisimile, quia erat ultra Jordanem. Verius est esse Ephron, de qua 2. Paralip. 13. v. 19. quæ erat propè Bethel in tribu Ephraim.

55. Proximum autem erat Pascha Judæorum, & ascenderunt multi Jerosolymam de regione ante Pascha, ut sanctificarent se ipsos.

55. \* *Proximum autem erat Pascha Judæorum*, quartum prædicationis Christi, in quo & crucifixus est: \* *Et ascenderunt multi Jerosolymam de regione*, id est, ex tota terra promissionis, \* *ut sanctificarent se ipsos*, id est, purificarent, seu mundarent per aliqua sacrificia, pro peccatis oblata: de cujusmodi sanctificatione prævia secundum præscriptum ante comestionem agni Paschalis, fit mentio 2. Paralip. 30. v. 18.

56. Quærebant ergo Jesum, & colloquebantur ad invicem, in templo stantes: Quid putatis, quia non venit ad diem festum? Dederant autem Pontifices & Pharisei mandatum, ut si quis cognoverit ubi sit, indicet, ut apprehendant eum.

56. \* *Quærebant ergo Jesum*, ut qui soleret festum istud multis diebus ad docendum prævenire, \* *& colloquebantur*: *Quid putatis, quia non venit?* Græcè *τί δοκεῖ ὑμῖν*, &c. *Quid videtur vobis, an non veniet ad diem festum?* Est enim interrogatio hominum, qui de adventu ejus incerti sunt, idque propter illud mandatum, de quo sequitur Chrysof. tamen cum suis, itemque Aug. Rupertus, & alii putant eos hoc malo animo quæsisse, ut eum scilicet juxta mandatum Pontificum comprehenderent.

## CAPUT DUODECIMUM.

**H**istoria convivii hujus latè explicata est Matth. 26. solum observandum, quod dicitur de Juda, murmurasse eum de unguenti effusione, tamquam nociva pauperibus:

1. Jesus ergo ante sex dies Paschæ venit Bethaniam, ubi Lazarus fuerat mortuus, quem suscitavit Jesus.
2. Fecerunt autem ei coenam ibi: & Martha ministrabat, Lazarus verò unus erat ex discumbentibus cum eo;
3. Maria ergo accepit libram unguenti nardi pistici, pretiosi, & unxit pedes Jesu, & extersit pedes ejus capillis suis: & domus impleta est ex odore unguenti.
4. Dixit ergo unus ex discipulis ejus, Judas Iscariotes, qui erat eum traditurus:
5. Quare hoc unguentum non vauit trecentis denariis, & datum est egenis?

6. \* *Non quia de egenis pertinebat ad eum*, Græcè *οὐχ ὅτι περὶ τῶν πτωχῶν ἐμελεν αὐτῷ*, non quia de pauperibus ei cura erat; \* *sed quia fur erat*, in usum privatum rapiens, quæ in communem Christi & Apostolorum dabantur. Unde Basil. de hac furti specie loquens in Constit. Monast. c. 53. Societatis, inquit, expilatio est, rei cujuscumque & undecumque in privatum usum sevocatio; & qui id facit, alter Judas est. \* *Et loculos*, seu marsupium, \* *habens* suæ fidei creditos, \* *ea qua mittebantur*, Græcè *τὰ βιβλόμενα*, quæ conjiciebantur: scilicet intrò in loculos, \* *portabat*, tamquam dispensator & œconomus familiæ Christi: non tamen, ut videtur pro libitu suo, sed juxta jussu Domini, qui videtur administrationem loculorum sibi servasse, tam quoad dandas eleëmofynas, quàm res familiares. Nam idèò putabant discipuli c. 13. v. 29. Christum dicendo, *quod facis, fac citius*, jussisse, ut aliquid emeret necessarium, vel egenis daret. Porro hinc & ex cap. seq. patet, non sic Christum sectatum esse paupertatem, quin aliquid in communi possideret, quod ei à piis viris, vel mulieribus, ut est Luc. 8. v. 3. offerebatur, non in puram eleëmofynam, sed in stipendium, tamquam naturali jure debitum iis, qui prædicant Evangelium. Patet item, hoc non repugnare mandato de deponenda sollicitudine in crastinum, quam prohibet Matth. 6. v. ult.

9. \* *Cognovit ergo turba multa, quia illic est*, id est, quòd esset Jesus in Bethania: \* *Et venerunt*, non propter Jesum tantum, sed ut Lazarum viderent, id est, curiositatis, non charitatis causâ, ut Aug. experiri scilicet volentes videndo, & interrogando, an verum esset, quod fama narrabat. Et quia Lazari celebritas, & publica conversatio & continua præsentia reviviscere faciebat quotidie miraculum, mirabili invidiâ & cæcitate ducti,

10. \* *Cogitaverunt, ut & Lazarum interficerent*, unâ scilicet cum Jesu, ne etiam Jesu occiso, propter Lazarum superstitem in ipsum mortuum crederent, sicut propter ipsum credebant in viventem; vel ne Lazari superstitis præsentia esset perpetua redargutio impietatis ipsorum. Sed

stulta

6. Dixit autem hoc, non quia de egenis pertinebat ad eum, sed quia fur erat, & loculos habens, ea quæ mittebantur, portabat.

7. Dixit ergo Jesus: Sinite illam, ut in domum sepulchræ meæ servet illud.

8. Pauperes enim semper habetis vobiscum: me autem non semper habetis.

9. Cognovit ergo turba multa ex Judæis quia illic est: & venerunt, non propter Jesum tantum, sed ut Lazarum viderent, quem suscitavit a mortuis.

10. Cogitaverunt autem principes sacerdotum ut & Lazarum interficerent:



11. quia multi propter illum abibant ex Judæis, & credebant in Jesum.

12. In crastinum autem, turba multa, quæ venerat ad diem festum, cum audissent quia venit Jesus Ierosolymam:

stulta erat hæc cogitatio, & cæca sævitia; Dominus enim qui suscitare mor potuittuum, etiam posset occidum, inquit Aug. tract. 50. in Joan.

12. \* *In crastinum autem*, id est, postridie illius cœnæ, quæ erat dies quinta ante diem festum Azymorum, seu Pascha, incidens in diem, quem dicimus Dominicum, seu primam Sabbati, eratque decima mensis primi, quâ die Agnus Paschalis deligebatur, & in locum immolationis ducebatur, immolandus in Paschate, juxta Legem Exodi 12. v. 3. Quam figuram implendo Christus eadem die Ierosolymam intrare voluit. \* *Turba multa, quæ venerat ad diem festum*, jam instantem, partim purificationis, partim agni maturè præparandi causâ, \* *cum audivissent, quia venit Ierosolymam*, id est, quod veniret, & jam esset in itinere.

13. Acceperunt ramos palmarum, & processerunt obviam ei, & clamabant: Hosanna, benedictus, qui venit in nomine Domini, Rex Israël.

13. \* *Acceperunt ramos palmarum, &c.* ut cum insigniis victoriæ ipsum festivè, & quasi triumphantem, Ierosolymam introducerent, jumento vectum, more eorum, qui inaugurantur. Porro de hac introductione vide dicta latè Matth. 21.

14. Et invenit Jesus asellum, & sedit super eum, sicut scriptum est:

15. Nolite timere filia Sion: ecce rex tuus venit sedens super pullum asinæ.

16. Hæc non cognoverunt discipuli ejus primum: sed quando glorificatus est Jesus, tunc recordati sunt, quia hæc erant scripta de eo, & hæc fecerunt ei.

17. Testimonium ergo perhibebat turba, quæ erat cum eo quando Lazarum vocavit de monumento, & suscitavit eum à mortuis.

18. Propterea & obviam venit ei turba: quia audierunt eum fecisse hoc signum.

19. Pharisei ergo dixerunt ad semetipsos: Videtur quia nihil proficimus? Ecce mundus totus post eum abiit.

17. \* *Testimonium ergo perhibebat*, cæteris scilicet præsentibus, qui non viderant miraculum, \* *turba, quæ cum eo, &c.* id est, quæ oculis suis spectaverat suscitationem Lazari, totamque rei gestæ seriem.

18. \* *Propterea & obviam venit ei turba.* Ubi Evangelista dat rationem, cur totus populus obviam Christo effusus fuerit, quod nunquam antea contigerat, nempè quia fama tanti miraculi totam civitatem impleverat.

19. \* *Pharisei ergo*, tamquam rebus desperatis indignissimè ferentes populi fidem in Christum, tantamque gloriam ejus, \* *dixerunt ad semetipsos*, id est, inter se; erubescabant enim coram aliis fateri, se irritis conatibus suis ab eo esse superatos: \* *Videtur quia nihil proficimus*, omni nostrâ contradictione, resistentiâ, mandatis? \* *Ecce mundus totus post eum abiit*, credendo eum, & confitendo Messiam, spretis nobis: q. d. Opus est celeri & severiore remedio. Verba sunt enim hominum hyperbolicè exaggerantium mali magnitudinem, ut se acuunt ad exequendum quantocyùs occisionis decretum.

20. Erant autem quidam Gentiles ex his qui ascenderant ut adorarent in die festo.

20. \* *Erant autem quidam Gentiles.* Græcè vocantur ἑθνη, *Græci*, qui phrasi Scripturæ Novi Testamenti solent Judæis opponi. Chrys. itém, quæ Cyrill. putant eos de Judaïsimo suscipiendo cogitasse, hoc est,

ut profelyti fierent, \* *qui ascenderant* Jerosolymam, templi viscendi causâ, quod pro sui veneratione & sanctitate per universum mundum honorabatur, ut 2. Machab. 2. v. 12. \* *Ut adorarent in die festo*, non solum precibus, sed & sacrificiis per Sacerdotes offerendis. Nam hoc factitatum fuisse patet ex sacrificiis, quæ Heliodorus ethnicus obtulit, ibid. v. 35. Hinc enim erat & atrium Gentium, ubi orare sinebantur Deum Israël. s.

21. \* *Hi ergo accesserunt ad Philippum*, sive primum obvium, sive aliunde notum, sive in extrema turba versantem, ut, si quid fortè esset Domino concionanti nuntiandum, viâ per turbam tanquam auctoritate discipulatus sui factâ, nuntiaret. \* *Et rogabant eum: Domine, volumus Jesum videre*, quod propter circumfusam undique turbam non poterant. Hoc ipsum verò erat argumentum propensi animi in Jesum: nam sic etiam Zachæus voluit tantummodo videre Jesum, non alloqui ex sycomoro. Per alios verò accessum quærere, erat submissionis, reverentiæ, & honorificentiae non exiguæ. Sciebant enim Judæos, ipsumque Christum Gentilium consortium declinare.

22. \* *Venit Philippus, & dicit Andrea*, tanquam seniori, prius vocato, majoris auctoritatis. Ratio communicandi rem Andræ fuit, quia præter consuetudinem & Christi præceptum Gentiles ad eum adducere, videbatur Philippo esse majoris momenti. Re verò intellectâ,

23. \* *Jesus respondit eis*, tam Apostolis, quàm Gentilibus à longè audientibus; nec enim aliud eis responsum dedisse legitur: \* *Venit*, seu instat, \* *hora*, ut clarificetur Filius hominis, id est, ut ego multò illustrius, quàm inter Judæos, brevi glorificer inter Gentiles; quod iste accursus istorum ad me significat. Itaque tacitè indicat, gratam sibi esse visitationem istorum, qui tanquam Gentium primitiæ nomine omnium profitebantur, Christi conspectum sibi fore acceptissimum. Sed quia ista glorificatio non nisi morte suâ præeunte fieri poterat, explicat hoc Christus familiari similitudine.

24. \* *Amen, amen dico vobis, nisi granum frumenti cadens in terram*, id est, seminatum, \* *mortuum fuerit*, terræ scilicet humore & calore resolutum, ac putrefactum, \* *ipsum solum manet*, unicum scilicet & sterile, & sine fructu: nam ei opponitur, quod mortuum \* *multum fructum adfert*, nempe pro uno grano plurima. Relinquit sup- plendam alteram similitudinis partem, hoc vel simili modo; ita ego, si mortuus fuero, instar unici grani messem ingentem, fidem & salutem omnium Gentium prolaturus sum. Nam, ut Aug. Christus est granum illud mortificandum, & multiplicandum; mortificandum

21. Hi ergo accesserunt ad Philippum, qui erat à Bethsaida Galilææ, & rogabant eum, dicentes: Domine, volumus Jesum videre.

22. Venit Philippus, & dicit Andreas: Andreas tursum & Philippus dixerunt Jesu.

23. Jesus autem respondit eis, dicens: Venit hora, ut clarificetur Filius hominis.

24. Amen, amen dico vobis, nisi granum frumenti cadens in terram, mortuum fuerit,



in fidelitate Judæorum, & multiplicandum in fide omnium populorum. Porro exhortans omnes ad istius passionis sectanda vestigia, ut sicuti tribulationis, ita & clarificationis Christi participes esse possint, addit:

25. ipsum solum manet, si autem mortuum fuerit, multum fructum affert. Qui amat animam suam, perdet eam; & qui odit animam suam in hoc mundo, in vitam æternam custodit eam.

26. Si quis mihi ministrat, me sequatur: & ubi sum ego, illic & minister meus erit. Si quis mihi ministraverit, honorificabit eum Pater meus.

25. \* *Qui amat animam suam*, hoc est, semetipsum, videlicet in hoc mundo, sicut ex sequenti parte supplendum est. *Amat* autem sic *animam suam*, qui non nisi hujus mundi sibi quærit commoda, & fugit incommoda: *edit* autem, qui hujus mundi austeritates & afflictiones non fugit propter justitiam. De qua sententia vide latius dicta Matth. 10. v. 39.

26. \* *Si quis mihi ministrat*, id est, si se ministrum meum profiteri velit, \* *me sequatur*, id est, imitetur, ut Aug. in odiendo scilicet animam suam in hoc mundo. Christus enim pro nobis passus est, inquit S. Petrus, relinquens nobis exemplum, ut sequamur vestigia ejus; & ideo Petro ministrorum primo dicit, *sequere me*. Sed quâ mercede? Ne timeat animam suam à morte interituram, \* *quia ubi sum ego*, id est, brevi ero, in æterna scilicet & ineffabili gloria apud Patrem, \* *illic & minister meus erit*, ejusdem confors gloriæ, beatitudinis, & honoris: nam hoc quasi explicans subjungit: \* *Honorificabit eum Pater meus*, illo scilicet honore maximo, ut ibi sit adoptatus, ubi est Filius unicus & naturalis, non æqualis factus divinitati; sed consociatus æternitati, inquit Aug. Ubi enim bene erit sine illo? Aut quando esse malè poterit cum illo? Factâ autem passionis instantis mentione, subjicit:

27. \* *Nunc anima mea turbata est*, id est, passionis horrore & mœnore concussa, adeoque istis affectibus inquietata. Nec verò ab alio quopiam turbata est, sed, ut cap. præced. dixit, *turbavit seipsum*, quia animo præmeditato, suppliciorum & passionis amaritudinem sibi proposuit, eosque affectus non necessitate, sed electione voluntatis induit, ut latius dictum in cap. 26. Matth. Hujusmodi autem turbatio videtur Christo non hîc tantum, sed totius vitæ decursu sæpè contigisse, quoties subiret animum passionis instantia. Nam inde sunt illa verba apud Lucam c. 12. v. 50. *Baptismo*, scilicet sanguinis mei, *habeo baptizari*: & *quomodo*, id est, quantopere, *coarctor animo, usque dum perficiatur*? Cujus angustiae exemplum hîc editum voluit, ut inde conjiceremus, quod frequenter animo pateretur. \* *Et quid dicam?* Patri, id est, quid rogabo eum? Sunt enim verba anxii & deliberantis; cui in hominibus infirmis, quorum figuram in se exprimere voluit, primum occurrere solet liberatio ab angustis. Quid ergo rogabo? \* *Salvifica me ex hac hora*? id est, an istud petam, ut liberes me ab hac instantis passionis angustia? Videtur enim aptè legi posse interrogativè, sicut insinuat Theophyl. Quamquam si assertivè legatur,

27. Nunc anima mea turbata est. Et quid dicam? Pater, salvifica me ex hac hora. Sed propterea veni in horam hanc.

gatur, ut Aug. & alii legunt, exponi potest eo modo, quo orationem Christi in horto fufam pro transferendo calice exposuimus. \* *Sed propterea veni in horam hanc*, ut scilicet non salver ex ea, sed moriar. Importunum est autem, onus aliquod aggredi, & cum ad rem veniatur, tergiversari. Est enim correctio naturalis istius desiderii, quo passionem horrebat: q. d. Non hoc rogabo Patrem, sed istud potius:

28. \* *Pater clarifica*, Græcè δόξα, *glorifica, nomen tuum*, sive vitâ, sive morte meâ. Est enim simile illi, quod in passione dixerat, *Fiat voluntas tua*. \* *Venit ergo vox de calo: & clarificavi*, id est, jam glorificavi nomen meum, tot scilicet mirabilibus in vita tua, \* *& iterum clarificabo*, per mortem & exaltationem tuam. Ex illis enim fides & cultus Patris inter Judæos propagatus fuerat; ut ideo dixerit postea, *ego te clarificavi super terram*: ex his verò etiam religio ejus inter Gentiles propaganda.

29. Cum ergo quidam putarent \* *tonitruum esse factum*, propter vocis magnitudinem, & quia non nisi inarticulatum sonum exceperant: alii verò minùs hebetes existimarent, \* *Angelum ei locutum esse*, cujus ministerio vox tam excellens nomine Patris sonuisset,

30. \* *Respondit Jesus: Non propter me hæc vox venit*, ut per eam instruar de ignotis, vel conforter in adversis quasi turbatus; \* *sed propter vos*, ut inde discatis, me esse missum à Deo, me non esse adversarium ejus, me esse curæ ipsi, me gloriam quærere. Statim autem explicat, quid sibi vox illa voluerit, hoc est, modum, quo clarificatus esset Pater, dicendo:

31. \* *Nunc judicium est mundi*, id est, jamjam instat tempus, quo causa humani generis definienda est. Intellige non in malum, per justum judicium condemnationis, sed in bonum pro mundo, adversus Principem hujus mundi, quem ipse captivum tenebat. Nam explicans id, quod dixerat, \* *nunc*, inquit, *Princeps hujus mundi*, diabolus (non quasi cæli terræque dominus sit, inquit Aug. absit; sed *mundi*, id est, hominum in mundo habitantium, quibus universis peccati persuasionem dominatus est) \* *ejicietur foras*, ex cordibus hominum tamquam ex arce, quam occupavit. Fecit hoc Deus, dum eum priùs justitiæ, deinde potentiæ suæ vinculis alligavit. Justitiæ quidem; justum enim erat, ut quia diabolus meritò tenebat eos, quos peccati reos conditione mortis obstrinxerat, hos per eum meritò dimitteret, quem nullius peccati reum immeritò pœnâ mortis affecit. Hæc justitiâ victus, & hoc vinculo vinctus est fortis, ut vasa ejus diriperentur, inquit Aug. lib. 13. de Trinit. c. 15. Merebatur enim omnium amittere servitutem, dum unius nihil debentis persequitur libertatem, ut ait

28. Pater, clarifica nomen tuum. Venit ergo vox de calo: Et clarificavi, & iterum clarificabo.

29. Turba ergo, quæ stabat, & audierat, dicebat tonitruum esse factum. Alii dicebant: Angelus ei locutus est.

30. Respondit Jesus, & dixit: Non propter me hæc vox venit, sed propter vos,

31. Nonne judicium est mundi: nunc princeps hujus mundi ejicietur foras,



S. Leo serm. 8. de Passione. Postea verò vinculis potestatis alligat diabolus, quando eum iustè innocenti sanguine victum, potenter ejicit in baptismo extra corda hominum, & coërcet eum, ne ampliùs intus tyrannicè Dei electis dominetur, sed tantummodò foris oppugnet.

32. Et ego si exaltatus fuero à terra, omnia traham ad meipsum.

32. \* *Et ego si exaltatus fuero à terra*, id est, nam ego cùm in crucem actus fuero ( datur enim ratio versus præcedentis ) explicando modum, quo Princeps ille à principatu suo in homines dejiciendus erat ) \* *omnia*, quæ possidebat & ex quibus ejicitur foras, inquit Aug. hoc est, omnes nationes, vel omnia hospitum genera, sive in linguis omnibus, sive in statibus omnibus, sive in gradibus honorum omnibus, sive in artium licitarum & utilium professionibus omnibus, prout idem explicat : non enim omnibus omninò individuis hominibus loquitur, propter id, quod sequitur, \* *traham ad meipsum*, ut sim caput eorum, & illi membra mea, hoc est, ut in me credant, & mihi amore cohæreant : nam talem esse tractum Dei, patet Joan. 6. v. 44. Hoc verò non in omnibus omninò contigit. In verbo autem *Trahendi* indicatur & potestas gratiæ trahentis, & vis diaboli resistentis, & infirmitas ejus, qui trahitur.

33. (Hoc autem dicebat, significans quia morietur)

33. \* *Hoc autem*, de sua exaltatione, \* *dicebat significans quia morietur*, id est, quo mortis genere. Videtur enim hæc phrasis apud Judæos fuisse usitata ad significandam mortem crucis, sicut apud nos significat suspendium; nam, ut ex versu sequenti patet, Judæi sic statim intellexerunt. Nisi dicamus eos in verbis ejus intellexisse id, quod facere cogitabant, ut eis verborum istorum obscuritatem aperuerit, non infusà sapientià, sed stimulatà conscientià, ut sentit Aug. Itaque

34. Respondit ei turba: Nos audivimus ex lege, quia Christus manet in aeternum: & quomodo tu dicis, oportet exaltari Filium hominis? Quis est iste Filius hominis?

34. \* *Respondit turba: Nos audivimus ex Lege*, id est, ex sacris literis, prout & Psalmi suprà nomine *Legis* vocati sunt, \* *quia Christus manet*, id est, manebit, viveat, regnabit, \* *in aeternum*, juxta illud Psalmi, *Tu es Sacerdos in aeternum*: & illud Isaïæ 9. v. 7. *Super solium David, & super regnum ejus sedebit amodò & usque in sempiternum*; de quo & Danielis 7. v. 14. & aliis locis. \* *Et quomodo tu dicis: Oportet exaltari Filium hominis*, id est, quomodo ergo dicis te Filium hominis ( sciebant enim eum sic se vocare solitum, vel sic se in superiori sententia vocasse, etsi Evangelista non exprefferit ) in cruce moriturum?

35. Dixit ergo eis Jesus: Adhuc modicum lumen in vobis est. Ambulare dum lucem habetis, ut non vos tenebræ comprehendant: & qui ambulat in tenebris, nescit quo vadat.

Cùm videlicet una ex parte te pro Christo geras, & nunc pro Christo receptus sis; & ex altera parte, mori repugnet Christi æternitati. Ex quo patet, eos existimasse Messiam suum in æternum victurum. \* *Quis est iste Filius hominis*, quem in cruce moriturum esse dicis? Quo tacitè videntur indicare velle ipsum proinde non esse verum Christum.

35. \* *Dixit ergo eis Jesus*, non respondens ad quæstionem, quia im-

portunum erat; sed potius fidem verbis suis habendam suadens: \* *adhuc modicum*, id est, adhuc exiguo tempore, Græcè *ἔτι μικρόν χρόνον*, *ad modicum tempus*, \* *lumen in vobis est*, seu vobiscum est, hoc est, Ego, qui instar lucis vobis monstro viam veritatis in credendis & agendis verbo & exemplo, non diu vobis adero, sed brevi moriar. \* *Ambulate*, in me credendo, & sequendo, \* *dum lucem habetis*, me scilicet vobis præsentem, & prælucentem. Nam quod Chrysost. cum suis, itemque Rupertus putant vitam uniuscujusque vocari *Lucem*, mortem verò *Tenebras*, non congruit præsentī loco, ut patet ex versu sequente. \* *Ut non vos tenebra*, errorum, excæcationis, & obdurationis, \* *comprehendant*: Et qui *ambulat in tenebris*, nescit quo vadat. Nec enim viam videt, vel terminum viæ, ideoque errat, offendit, præcipitatur. Relinquit supplendam alteram partem similitudinis: ita qui ambulat in mentis errore, & cæcis animi sui affectibus, viam vitæ nescit, & in æternæ mortis exitium præceps ruit. Proinde

36. \* *Dum lucem habetis*, me scilicet adhuc præsentem ac docentem, \* *credite in lucem*, ita scilicet, ut de veritate & virtute doctrinæ meæ, quamvis non intellectæ, non dubitetis, \* *ut filii lucis sitis*, seu esse possitis. Fides enim integra, & indubitata, est certissima ad filiationem Dei via, quamvis non sit completa ejus forma. \* *Hæc locutus est Jesus*, & abiit, & abscondit se. Græcè *ἀπελθὼν ἐκρύβη ἑαυτὸν* cum abiisset, fuit absconditus ab eis. Nempe abiit vespere in Bethaniam, ut tradit Marc. c. 11. v. 11. & Matt. c. 21. v. 17. idque clam æmulis suis, ne sciretur, ubi nocte diversaretur, ad evitandas eorum insidias.

37. \* *Cum autem tanta signa fecisset*, in tanta scilicet multitudine, & magnitudine, & varietate & virtute, idque \* *coram eis*, ut nullus esset tergiversandi locus, \* *non credebant in eum*. Principes intelligit, maximamque turbæ partem. Ex quo faciliè intelligas, cur tanto studio inculcaverit Christus, ut in se tamquam in lucem crederent.

38. \* *Ut sermo Isaia impleretur*, hoc est, ita ut prophetia ejus impleretur, eventum enim, non causam denotat, ut: non enim quia hoc dixit Isaias, idcirco non crediderunt, sed quia non erant credituri, idèd prævidit atque prædixit, ut ait Chrysost. \* *quem dixit*, id est, prædixit sancti Spiritus afflatu de Judæis istis. Voluit enim Deus hoc propterea prænuntiari, ne multos perplexos teneret tanta incredulitas erga Messiam, ipsis promissum & expectatum. \* *Domine quis credidit auditui nostro?* id est, quàm rarus est, qui credidit rebus auditis ex nobis, hoc est Evangelio, quod ex nobis prædicantibus auditum est, ut exponit Apostolus ad Rom. 10. v. 16. Et ipse Propheta exponens auditum illum, seu rem auditam, adjicit: \* *& brachium Domini*,

36. Dum lucem habetis, credite in lucem, ut filii lucis sitis. Hæc locutus est Jesus: & abiit, & abscondit se ab eis.

37. Cum autem tanta signa fecisset coram eis, non credebant in eum:

38. ut sermo Isaia: prophetæ impleretur; quem dixit: Domine, quis credidit auditui nostro? & brachium Domini cui revelatum est:



*Domini*, id est, Christus Dominus, qui *brachium* dicitur ( quia virtus Patris est, & verbum ejus, per quod omnia facta sunt, ut declarat Aug. quia per verbum fit operatio ) \* *cui revelatum est?* id est, quam raris per fidem agnitum est. Et quia dixerat, quod non crediderant, jam auget sermonem, quasi causam ejus reddens :

39. Propterea non poterant credere, quia iterum dixit Isaias :

40. Excavavit oculos eorum, & induravit cor eorum: ut non videant oculis, & non intelligant corde, & convertantur, & sanentur eos,

39. \* *Propterea non poterant credere, quia iterum dixit Isaias*, non quasi prædictio Isaiæ, sed quia res prædicta, erat causa illius impotentiae, excæcatio scilicet & obduratio voluntatis; ut sensus proinde sit, non poterant credere propter cæcitatem suam, quam prædixit Isaias. Nam superiore v. 38. prædixerat Isaias tantummodò incredulitatem Judæorum, hic verò reddit causam ejus, & quidem talem; ut cum ea fides non possit consistere. Mentis enim excæcatio, & voluntatis obduratio talis est, ut, quamdiu durat, nullo modo admittat fidem: est enim credendi impotentia, non prævia voluntati, quasi quæ jam volentem credere impediat; sed in ipsa firmissima & voluntaria voluntatis determinatione consistens, ideoque quam maximè culpabilis. Sic itaque dictum est, *non poterant*, ubi intelligendum est, quod nolebant; quemadmodum dictum est de Deo, *Negare seipsum non potest*. Sicut ergò quod Dominus negare seipsum non potest, laus est voluntatis divinæ; ita quod illi non poterant credere, culpa est voluntatis humanæ, inquit Aug. tract. 53. in Joan. Ecce dico & ego, inquit ibidem, quod qui tam superbè sapiunt, ut suæ voluntatis viribus tantum existiment esse tribuendum, ut negent sibi esse necessarium divinum adjutorium ad benè vivendum, non possunt credere in Christum, scilicet tamquam in mediatorem, in salvatorem, in adiutorem. Nam illa est propriè fides in Christum; & illi directè repugnabat illa Judaica, itemque Pelagiana superbissima præsumptio de viribus & justitia sua. Non poterant ergo credere, non quia mutari in melius homines non possunt, sed quamdiu talia sapiunt, non possunt credere, ut Aug. ibidem docet. Porro quæ sequuntur v. 40. de excæcatione & obduratione, explicata vide Matth. 13. v. 14. & 15. Nam quod ibi dicitur, *Incrassatum est cor, & oculos suos clauferunt*; hic verò, *excavavit, &c.* significatur excæcationem atque obdurationem & ad homines & ad Deum referri. Ut intelligeremus in uno eodemque opere, aliud venire de astutia suadentis, aliud de nequitia volentis, aliud de justitia punientis; dum diabolus suggerit, homo consentit, Deus deserit, ut docet Aug. 21. contra Faustum c. 9.

41. Hæc dixit Isaias, quando vidit gloriam ejus & locutus est de eo.

41. \* *Hæc dixit Isaias, quando vidit gloriam ejus*, id est, majestatem Christi in illa gloriosa visione, \* *& locutus est de eo*, Christo in mundum venturo; in quem Judæos post tanta signa prævidit non credituros.

turos. Nam Isaia 6. ubi illa visio describitur, habetur etiam v. 10. illa prædicatio excæcationis. Vidit autem Isaia sub specie corporali significativo modo gloriosam quamdam repræsentationem sanctissimæ Trinitatis, & consequenter etiam Filii Dei: nam illa verba apud Isaia, *Quem mittam?* sunt verba Dei Patris, qui de missione Filii sui in mundum singulariter sibi competente loquitur. Et quia Filius ex omnium personarum assensu incarnatus est, hinc subjungitur, *Et quis ibit nobis?* Cui respondit Isaia, nomine Filii Dei se paratum offerens, *ecce ego, mitte me*, prout appositè exponit Athanas. in illud Evangelii, *Omnia mihi tradita sunt.* Nam illa, quæ sequuntur apud Prophetam, *Excæca cor populi ejus, &c.* non satis aptè quadrant in personam Prophetæ, nisi prout figuram gerebat Filii Dei: ut hanc ob causam rectè dicat Evangelista Isaia hoc dixisse, \* *quando locutus est de eo*, scilicet Christo Filio Dei.

42. \* *Verumtamen* &, id est, etiam, \* *ex Principibus*, seu optimatibus & Rempubicam gubernantibus, \* *multi crediderunt in eum*: insinuans etiam ex vulgo credidisse in eum tamquam Deum incarnatum, ac Messiam. Addidit hoc per modum correctionis v. 37. ne quis nullum omninò Judæorum putaret credidisse. Sed tamen \* *propter Pharisæos*, professos hostes Jesu, \* *non confitebantur*, id est, non se gerebant publicè pro discipulis ejus, celantes se in ipsum credere, \* *ut è synagoga non ejicerentur*, sicut constitutum erat c. 9. v. 22. Quamvis ergo major esset potestas Principum, quam Phariseorum, tanta tamen erat authoritas horum & gratia apud plebem, ut nec Principes eos audent offendere.

43. \* *Dilexerunt enim gloriam hominum*, quæ ex conventibus, & confessibus in synagoga, & ex primis cathedris proficiscitur, \* *magis quam gloriam Dei*, id est, gloriam, quæ est à solo Deo, ut explicatur c. 5. v. 44. vel, ut Apostolus ad Rom. 4. v. 2. gloriam, quæ est apud Deum, quam scilicet Deus promisit, ac tribuit confessoribus veritatis. Nam alioqui *Gloria Dei* etiam dicitur, quâ glorificatur Deus; sed de illa non videtur hic agi.

44. \* *Jesus autem clamavit*, id est, clarâ ac liberâ voce, non obstantibus Phariseis, professus est, ut scilicet reipsâ confitendi fiduciam doceret: \* *Qui credit in me, non credit in me*, id est, non tantum credit in me, quem abjectum hominem putatis, \* *sed etiam in eum, qui misit me*, hoc est, in Patrem. Cum enim nemo credat in Christum, nisi qui crediderit eum esse Filium Dei, necesse est, ut hoc ipso credat & in Patrem. Similis est locutio c. 9. *Mea doctrina non est mea, sed ejus qui misit me.* Addidit hoc, ut metum ac pudorem detraheret illis, qui non confite-

42. Verumtamen & ex principibus multi crediderunt in eum: sed propter Pharisæos non confitebantur, ut è synagoga non ejicerentur.

43. dilexerunt enim gloriam hominum magis quam gloriam Dei.

44. Jesus autem clamavit, & dixit: Qui credit in me, non credit in me, sed in eum, qui misit me.



stebantur, ut, quia non erubescabant in Patrem tamquam Deum credere, scirent nihil causæ esse, cur non etiam in se crederent, utpotè qui esset Filius ejus æqualis.

44. Et qui videt me, videt eum, qui misit me.

45. \* *Et qui videt me*, id est, per nonnullam fidei intelligentiam, perspectam habet naturam ac dignitatem meam, \* *vidit eum, qui misit me*, quia una est & inseparabilis utriusque natura, juxta id, quod suprâ dixit, *Ego & Pater unum sumus*. Adde, quia nec Filius sub ratione Filii intelligi potest, nisi intelligatur simul & Pater.

46. Ego lux in mundum veni: ut omnis, qui credit in me, in tenebris non maneat.

46. \* *Ego lux in mundum veni*, id est, ego cum essem lux æterna in principio apud Deum, per assumptam hominis naturam in mundum veni, ut videlicet mundo lucis seu solis orientis officium præstarem. Tacitè enim insinuat, ut Aug. notat, totum mundum in tenebris jacuisse. Qua de causa adjicit: \* *ut omnis, qui credit in me*, obediendo scilicet doctrinæ meæ tamquam radiis lucis, \* *in tenebris non maneat*, erroris, & iniquitatis, & mortis æternæ, in quibus jam erat.

47. Et si quis audierit verba mea, & non custodierit: ego non judico eum, non enim veni ut judicem mundum, sed ut salvificem mundum.

47. \* *Et si quis audierit verba mea*, auribus corporis, \* *& non custodierit*, credendo, obediendo, servando, Græcus legit *καὶ μὴ τηρέσῃ*, & non crediderit, scilicet fide per dilectionem operante, \* *ego non judico eum*, id est, non cōdemno eum, scilicet nunc in præsentī sæculo, ut supplet Aug. & Euthym. Causam reddit, \* *non enim veni, ut judicem mundum, sed ut salvificem*, id est, ad salutem revocem, \* *mundum*: q. d. Nunc in hoc adventu meo tempus est misericordiæ, postea erit judicii. Itaque ne se propterea impunem fore putaret, subjicit:

48. Qui spernit me, & non accipit verba mea: habet qui judicet eum, sermo, quem locutus sum, ille judicabit eum in novissimo die.

48. \* *Qui spernit me*, Quid hoc sit, explicat sequentibus verbis, \* *& non accipit verba mea*, nam qui non credit verbis Christi, spernit eum, & afficit injuriâ, \* *habet qui judicet eum*, id est, qui cōdemnet & puniat. \* *Sermo, quem locutus sum*, quem Aug. intelligit ipsum verbum Dei, seu Christum, quem ipse annuntiabat: sed commodius videtur intelligi posse, esse ipsam Christi prædicationem. \* *Ille ergo sermo judicabit eum in novissimo die*, quia præbebit materiam judicandi, causamque damnandi, adeoque tamquam testis dignum æternis suppliciis esse clamabit, propter contemptum sui.

49. Quia ego ex me ipso non sum locutus, sed qui misit me Pater, ipse mihi mandatum dedit: quid dicam, & quid loquar.

49. \* *Quia ego ex me ipso non sum locutus*, id est, propriâ privatâque authoritate, sed Dei Patris, quia \* *qui misit me Pater, ipse mandatum dedit, quid dicam, & quid loquar*. Quæ duo vel idem sunt, vel, si quid discriminis est, *Dicere* significat meditatam orationem, sed *Loqui* sermonem familiarem: ut sic indicaret nullum prorsus verbum sibi excidisse, multo minus factum, quod non Pater sibi præscripserit & præceperit. Itaque reddit rationem, cur sermo suus eos judicaturus sit, qui non crediderunt.

50. \* *Et scio quia mandatum ejus vita aeterna*, id est, via ad vitam aeternam, & causa ejus credentibus & obedientibus, juxta illud Christi, *Si vis ad vitam ingredi, serva mandata*. Quâ causâ phrasi dicitur Prov. 16. v. 24. *Dulcedo animæ sanitas osium*, id est, lætitia animi est causa sanitatis. \* *Quæ ergo ego loquor, sicut dixit mihi Pater, sic loquor*, id est, sicut præscripsit & jussit me ea secundum naturam humanam loqui. Et proinde qui spernit sermonem, quem locutus sum, spernit eum, qui misit me.

50. Et scio quia mandatum ejus vita aeterna est. Quæ ergo ego loquor, sicut dixit mihi Pater, sic loquor.

## CAPUT DECIMUMTERTIUM.

1. \* **A**nte diem Festum Pascha. Non dicit ante Pascha, nam hæc ablutio pedum facta est Paschate jam inchoato, utpote illâ vespere, quâ agnus immolatus fuerat: sed dicit, *ante diem festum Pascha*, Græcè uno verbo *πρὸ δὲ τῆς ἑορτῆς ἑορτῆς*, ante festivitatem, seu ante lucem festivitatis Paschalis. Distinxit illa duo accuratè Moyses, Levit. 23. v. 5. *Mense primo, quartadecimâ die mensis ad vespertum, Phase Domini est: & quintadecimâ die mensis hujus, solemnitas Azymorum Domini est*. Quæ distinctio observatur & Num. 28 v. 16. & utroque loco est in lxx. eadem vox Græca, quæ hîc. \* *Sciens Jesus*, ab æternitate tamquam Deus, ab initio conceptionis, ut homo, \* *quia venit hora*, divinitus constituta, \* *ut transeat ex hoc mundo ad Patrem*, per mortem, & subsequentem resurrectionem, & ascensionem; mors enim sola non fuisset ille transitus. Porro alludit ad nomen Hebraicum *Pascha*; transitum vel transultum significans, quod quodammodò nobis Evangelista hîc interpretatur, ut notat Aug. tract. 55. \* *Cùm dilexisset eos*, Apostolos, seu familiares; nam toto tempore conversationis suæ nihil eis nisi dilectionis officia verbis & factis exhibuerat: \* *in finem dilexit eos*, id est, usque in finem vitæ suæ, imo etiam in finem usque dilectionis; quia nihil ejus dilectioni addi potuit, dum & summo humilitatis officio, quod mentibus eorum præcipuè commendabat, pedes eorum lavit. Et Sacramentum corporis & sanguinis sui eis præbuit, & sermone nihil nisi amorem spirante eos consolatus est, ac denique animam suam pro eis posuit, quâ nulla est alia major charitas, ut est c. 15. v. 13. Ita Aug.

1. Ante diem festum Paschæ: sciens Jesus quia venit hora ejus, ut transeat ex hoc mundo ad Patrem: cum dilexisset suos, qui erant in mundo, in finem dilexit eos.

2. \* *Et cœnâ factâ*, id est, absolutâ. Hanc aliqui intelligunt legalem seu agni Paschalis; sed illa stando fiebat, juxta Legem: Christus autem dicitur hîc surrexisse à cœnâ. Intelligit ergo cœnam communem seu ordinariam, quæ post esum agni Paschalis, si quis largiore cibo indigeret, apponebatur, & propriè *Cœna* dicitur. Illâ ergo finitâ, quamvis mensâ, ciborumque reliquiis nondum sublati, ut qui

2. Et cœnâ factâ, cum diabolus jam misisset in cor, ut traderet eum Judas Simonis Iscario.



veller, adhuc comedere posset. *Cum diabolus jam misisset in cor*, id est, suggessisset. Quod additur, non ad excitationem Judæ, sed ad sceleris exaggerationem: nam ante sæpius videtur Judas meditatus, \* *ut traderet eum inimicis*, sed benignitate & delinimentis pietatis Christi revocatus fuisse, donec diabolus ei hoc persuaderet, ut notat Ambr. Hoc ergo adjicit Evangelista, ad designandum excessum humilitatis Christi, quod etiam illi non dedignatus est pedes lavare, cujus manus jam prævidebat in scelere, inquit Aug. tam execrando. Multo autem magis magnitudo istius humilitatis elucet ex magnitudine majestatis ejus, de qua sequitur:

3. sciens quia omnia dedit ei Pater in manus, & quia à Deo exivit, & ad Deum vadit:

3. \* *Sciens quia omnia dedit ei Pater in manus*, id est, cum non esset ignarus se Dominum universorum constitutum, quibus uti posset ad ministerium suum, \* *& quia à Deo exivit*, id est, ex Deo natus homo apparuit, \* *& ad Deum vadit*, per ascensionem in cælum. Quæ ideo notat Evangelista, ut sciremus Christum humilem fuisse electione & voluntate, non ignorantia sui, ut Bernardus serm. 42. in Canticum. Cum ergo tantum se esse sciret, tamen

4. surgit à cœna, & ponit vestimenta sua: & cum accepisset linteam, præcinxit se.

4. \* *Surgit à cœna*, id est, à mensa, cibis adhuc apposis in structa; \* *& ponit vestimenta sua*, non omnia, ut videtur Origines tom. 32. in Joan. putavisse, ideoque linteo fuisse succinctum, sed tunicam anteriorem & laxiorem, quam propriè vox Græca *iudæon* significat, vel certè pallium. Nam plures vestes gessisse Christum, præter tunicam inconstitilem, manifestè patet Joan. 19. v. 23. & Matth. 27. v. 35. \* *Et cum accepisset linteam, præcinxit se*, eodem illo linteo ad extendendos discipulorum pedes. Fecit hæc omnia, ut expeditior esset ad istud ministerii genus, pleneque formam servi acciperet, nec alio ministro indigeret; ideoque tam minutè hæc describuntur, ut omnibus magis admirabilis appareret humilitas.

5. Deinde mittit aquam in pelvim, & cœpit lavare pedes discipulorum, & extergere linteo, quo erat præcinctus.

5. \* *Deinde mittit aquam in pelvim*, manibus scilicet suis. Ubi Tertull. notat Christum uti voluisse linteo, urceo, pelvi, & similibus instrumentis, quæ à Diis Gentilium adinventæ creduntur, quia meras utilitates, & certa subsidia, & honesta solatia necessitatibus vitæ humanæ procurant, ut ab ipso Deo inspirata credantur, prospectore, & instructore, & oblectatore hominis sui. \* *Et cœpit lavare*, id est, se composuit ad lavandum: vel certè istis verbis rem prius in genere exprimit, ut deinde ad singularia descendat. Non enim aliquos ante lavit, & postea venit ad Petrum, ut putat Orig. qui à Juda initium factum docet: sed à Petro, tamquam Apostolorum primo, lavando cœpisse videtur, ut Aug. tract. 59. & Bern. serm. 2. de cœna Dom. & ferè Latini. \* *Pedos discipulorum*, quia discalceati videntur inces-

fisse,

fisse. Pedes autem elegit potius, quàm manus aut caput, quia in iis lavandis, & major humilitas, & affectuosior charitas. Pedes subinde charioribus hospitibus lavari solitos ante convivium, satis colligitur ex Luc. 7. v. 44. Transtulit hunc ritum Christus in finem convivii, ut significaret se sacrationem eis adhuc parare cœnam. Quid singula significent allegoricè, vide Aug. in fin. tract. 55. in Joan.

6. \* *Venit ergo ad Simonem Petrum*, ut ab illo inchoaret illud humilitatis officium. \* *Et dicit ei Petrus*, expavescens videlicet ad personæ magnitudinem, & inauditum illud abjectionis exemplum: \* *Tu mihi lavas pedes?* Singula verba spirant emphasin, quam expendens Aug. ait, quid est *Tu*? quid est *Mihi*? quid est *Pedes*? Cogitanda sunt potius, quàm dicenda, ne fortè quod ex his verbis aliquatenus dignum concipit anima, non explicet lingua. Ita ille. Habent autem vim tum recusantis præ reverentia, tum increpantis Christum quod rem se indignam facere videretur.

7. \* *Respondit Jesus: Quod ego facio tu nescis modo.* Nam ut Cyrillus, Petrus putabat ad quamdam solummodò corporis quietem, ut fieri solet, lotionem istam adhiberi, ad mitigandum scilicet laborem itineris, aut stationis, aut sordes abluendas: \* *scies autem postea*, cum receptis vestibus accubuero, & postea cum Spiritus S. vos docuerit omnem veritatem. Tunc enim discipulis insinuatum est, lotionem istam fuisse fidei mysterium, & humilitatis insigne, ut loquitur lib. 3. de Virgin. Utrumque explicat, & primum quidem licet obscurè v. 10. alterum verò v. 14. 15.

8. \* *Dicit ei Petrus*, præter nimiam quamdam & pietatis plenam ergà Dominum reverentiam, arbitratus gravari humilitatem servi, si sibi obsequium Domini patienter admitteret, inquit Ambrosius, quia ut notat Cyrill. lib. 9. cap. 4. in Joan. mirabilis horrorisque plena res erat videre Filium Dei ad suos pedes prostratum. Cui similia habet Aug. tract. 16. Itaque Petrus Dominici facti altitudine exterritus, ait: \* *Non lavabis mihi pedes in æternum*, hoc est, inquit Aug. numquam hoc feram, numquam hoc patiar, numquam hoc sinam: hoc quippe in æternum non fit, quod numquam fit. Quæ Petri recusatio, quia ab ejus fide, à reverentia, à dilectione, ab humilitate proficiscebatur, excusabilis erat ante severam illam Christi comminationem: imo laudabilis, quia etiam civili honestati maximè congruebat. \* *Respondit Jesus: Si non laverò te*, id est, si pertinaciter te non permiseris lavari, \* *non habebis partem mecum*, in mensa, in consortio, in familia, in regno: q. d. Nihil mihi tecum ampliùs commune erit. Non quod humilis illa & verecunda Petri recusatio, quæ præcesserat, tantum poenam me-

6. Venit ergo ad Simonem Petrum. Et dicit ei Petrus: Domine tu mihi lavas pedes?

7. Respondit Jesus, & dixit ei: Quod ego facio, tu nescis modo, scies autem postea,

8. Dicit ei Petrus: Non lavabis mihi pedes in æternum. Respondit ei Jesus: Si non laverò te, non habebis partem mecum.



reretur, sed pertinax illa inobedientia meruisset illam, superstitisset, ut insinuat Cyril. & Basil. in præmio lib. de Moribus. Qui verò, intelligunt Christum minari, quòd, nisi eum laverit à peccatis venialibus præcedentibus, non sit habiturus partem cum Christo, eò quod nihil inquinatum intrare possit in regnum Dei, sensum dant mysticum, non litteralem.

9. Dicit ei Simon Petrus: Non tantum pedes meos, sed & manus, & caput.

9. \* *Dicit ei Simon Petrus*, adhuc vehementior in admittendo, quam fuerat in detrectando; quia amore & timore perturbatus, inquit Aug. plus expavescerebat Christum sibi negari, quam usque ad pedes suos humiliari: \* *Domine, non tantum pedes meos, sed & manus, & caput*, supple, lavari sino potius, quam non habeam partem tecum. Ex quo patet, eum antea potius ex amore & observantia, quam ex inobedientia lotionem recusasse.

10. Dicit ei Jesus: Qui lotus est, non indiget nisi ut pedes lavet, sed est mundus totus. Et vos mundi estis, sed non omnes.

11. Sciebat enim quisnam esset qui traderet eum propterea dixit: Non estis mundi omnes.

10. \* *Dicit ei Jesus: Qui lotus est*, v. g. in balneis, ille \* *non indiget nisi ut pedes lavet*, utpotè qui facillimè propter contactum terræ iterum inquinantur, si vel tantillum egressus fuerit, \* *sed est, mundus totus*, præter pedes videlicet quos solos habet opus lavare, inquit Aug. Hæc est igitur prima pars similitudinis, cui Christus adjungit alteram:

\* *Ita & vos*, discipuli mei, \* *mundi estis*, toti scilicet: hoc est, ita & vos loti estis à peccatis omnibus per baptismum, prout exponit Aug. vel per fidem & obedientiam sermonis mei, ut insinuat Christus c.

15. v. 3. Relinquit supplendum ex præcedentibus, hoc vel simili modo: ut proinde non indigeatis, nisi ut vobis laventur pedes. Itaque transiit subito Christus à lotionem pedum corporali ad spiritalem, quàm ex Christi mente significabat. Unde etiam *Pedes*, eodem interprete Aug. significant humanos affectus, sine quibus in hac mortalitate non vivitur. Nam per illos terrenis rebus afficimur in quotidiana conversatione, & sordibus peccatorum venialium inquinamur, ita ut subinde non tam pulvere aspergi, quàm luto obliniri videantur, inquit hom. 50. \* *Sed non omnes*, uno videlicet Judà excepto, quia numquam mundatus, vel certè post mundationem mutatus fuerat. Hæc, juxta Cyrillum, fuit quædam correptio & quidem prima Judæ, ut stimulo conscientie percussus, à consilio prodendi revocaretur.

12. Postquam ergo lavit pedes eorum, & accipit vestimenta sua, cum recubisset iterum, dixit eis: Scitis quid fecerim vobis?

13. Vos vocatis me Magister, & Domine: & bene dicitis: sum etc.

12. \* *Postquam ergo lavit pedes eorum*. Quo insinuat, cæteros, exemplo Petri eruditos, lotioni consensisse. \* *Dixit ei: Scitis quid fecerim vobis?* id est, quo consilio, quâ significatione laverim pedes vestros? Interrogat ignorantes, ut attentiores reddat ad explicationem, quàm supra v. 7. promiserat Petro.

13. \* *Vos vocatis me, Magister*. Vocativus est, sicut & illud, \* *& Domine*, quamvis Græcè sit utrumque Nominativus: \* *Et bene dicitis,*

*tis*, quia verum dicitis, \* *sum etenim*. Veritas enim & sapientia Dei est, quæ docet hominem scientiam, quæ doctrix est disciplinæ Dei, quæ in omni gente primatum habet, quæ omnium sublimium & superborum colla propriâ virtute calcat. Ergo nec arroganter Christus hoc sibi tribuit, quia verè competit: nec jactanter, quia Deus, quantumcumque se laudat, non potest se extollere. Nec hoc faciendo, illi vitium est, sed nobis beneficium; ut latius declarat Aug. tract. 58.

14. \* *Si ergo ego lavi pedes vestros, Dominus & Magister*, multò perfectò magis \* *& vos*, servi atque discipuli, \* *debetis alterius pedes lavare*. Est enim argumentum à minore, hoc est, à minùs verisimili ad majus; vel, si rem ipsam spectes, à maximo ad minimum. Non tamen de solâ pedum ablutione sermo est, sed de quibusvis humanitatis obsequiis atque ministeriis, cum quadam abjectione conjunctis. Et quia hæc lotio externa pedum ex Christi mente significabat, mundandos esse terrenos affectus, seu maculas leviores, tamquam pulvires pedum iis, qui corpus & sanguinem Domini suscipere debent: hinc ulterius sub lotione obsequia spiritalia comprehendit, quibus delicta proximorum lavare debemus, sive orando, sive docendo, sive increpando, sive exemplariter conversando, sive peccata in se admissa dimittendo, ut satis indicat Aug. & Beda. Utròque ergo modo & sensu Christus in hoc facto suo nobis exemplum dedit, ut significat v. 15.

15. \* *Exemplum enim dedi vobis*. Ne quis verò suspicaretur, Apostolos & ministros Christi, propter legationis sui sublimitatem, à talibus abjectis obsequiis eximendos, subjicit duas proverbiales sententias:

16. \* *Non est servus major Domino suo, &c.* ut proinde non dedignari debeat, quod non dedignatus est ejus Dominus: sed potius hoc ipsum ad gloriam ei valere & sufficere debet, quod humilitati magistri sui ac Domini æquetur, ut Tertull. in Scorp. c. 9.

17. \* *Si hæc fecitis, beati eritis*, non solâ cognitione, sed \* *si etiam feceritis ea*, quia, ut Apostolus ait, *Non auditores Legis justî sunt apud Deum, sed factores Legis justificabuntur*. Verùm quia sciebat aliquos ex ipsis facturos ea, quæ sciebant, beatosque futuros, aliquem autem non; hinc ad illorum consolationem, hujus autem correptionem addit:

18. \* *Non de omnibus vobis dico*, quod facturi sitis ea, vel beati futuri: \* *Ego scio quos elegerim*, ad beatitudinem: q. d. Est enim aliquis inter vos, qui neque beatus erit, neque faciet ea. Ita August. & quasi aliquis quæreret, cur ergo eum inter tuos domesticos esse permisisti? Respondet objectioni: \* *Ut adimpleatur Scriptura*, id est, voluntas

14. Si ergo ego lavi pedes vestros, Dominus, & Magister: & vos debetis alterius pedes lavare.

15. Exemplum enim dedi vobis, ut quemadmodum ego feci vobis, ita & vos faciatis.

16. Amen, amen dico vobis: Non est servus major Domino suo: neque Apostolus major est eo, qui misit illum.

17. Si hæc fecitis, beati eritis si feceritis ea.

18. Non de omnibus vobis dico: ego scio quos elegerim: sed ut adimpleatur Scriptura: Qui manducat mecum panem, levabit contra me calcaneum suum.



luntas Dei per Scripturam expressa, quâ decretum fuit, ut infidelitatem & proditorem unius permitterem. Posset tamen etiam exponi de electione ad Apostolatam, hoc sensu: Ego novi, qui & quales sint, & quales sint futuri, quos in Apostolos meos elegi: non enim vel præsens, vel futuri status eorum ignarus hoc feci, sed ut adimpleretur Scriptura, quæ dicit: \* *Qui manducat mecum panem*, id est, qui eodem mecum cibo alitur, & mensâ fruitur (per quod familiarissima conjunctio significatur) \* *levabit contra me calcaneum*, id est, calce me petet, seu calcitrabit contra me, vel potius calcaneo, seu pede inter pedes posito, me supplantabit. Est enim methaphora, vel ab equo dolosè Dominum calcibus vulnerante, vel potius ab homine luctante, qui industriâ quâdam pede suo supplantat adversarium. Utroque modo significatur fallacia proditoris Judæ, qui sub specie discipuli & pacis, osculo magistrum tradidit. Unde Lxx. legunt in Psalm. 40. *Magnificabit super me supplantationem*, id est, magnam fecit supplantationem quia mirum in modum decepit. Hæc secunda fuit Judæ ammonitio.

19. Amodo dico vobis, priusquam fiat: ut cum factum fuerit, credatis quia ego sum.

19. \* *Amodo*, Græcè ἀρ' ἀρτι, *ex nunc*, \* *dico vobis*, priusquam fiat, quodd scilicet à domestico meo supplantandus sum. \* *Ut cum factum fuerit, credatis, quia ego sum*, is scilicet, qui sum, id est, ut credatis, quia sum verus Deus, cujus nomen proprium est, *Esse*, de quo Exodi 3. v. 14. Prædicat ergo eis proditorem à proprio discipulo futuram, ne etiam videntes postea fieri, putarent eum ignarum fuisse, & vacillarent in fide divinitatis ejus. Probatio enim divinitatis, veritas est divinationis, inquit Tertull. in Apologet. Sed quia dicere posset aliquis infirmorum, si Apostolis in tam humilibus officiis verandum est, quâ ratione tuebuntur, auctoritatem suam, cum ab omnibus contemnendi videantur? occurrit Christus:

20. Amen, amen dico vobis: Qui accipit si quem misero, me accipit: qui autem me accipit, accipit eum quime misit.

21. Cum hæc dixisset Jesus, turbatus est spiritu: & protensus est, & dixit: Amen, amen dico vobis: Quia unus ex vobis tradet me.

20. \* *Qui accipit si quem misero, me accipit*, &c. q. d. Homines in eis Deum ipsum veneraturi sunt, & proinde auctoritas eorum pendebit, non à pompa visibili, sed ex respectu suo, & Patris sui, quorum personam gerunt. Nam superiorum quidem est humilia obsequia non detrectare, sed inferiorum est, eos propterea non minoris facere.

21. \* *Cum hæc dixisset Jesus*, amanter, placidè, & cum totius animi quiete, \* *turbatus est*; non tamen immediatè post illa dicta: nam interposita fuit tota institutio sanctissimæ Eucharistiæ, ut patet ex Luc. cap. 22 quam Joannes hic prætermittit, tanquam sufficienter ab aliis Evangelistis expressam. Itaque quod Matth. sequentia in Joanne verba narrat, tanquam ante Eucharistiæ institutionem à Christo dicta, uti videtur anticipatione. Quamvis Aug. lib. 3. de consensu c. 1.

putet

putet hæc sequentia Christi verba eadem cum iis, quæ narrantur apud Matthæum & Marcum, tamquam ante Eucharistiæ institutionem prolata: quâ institutâ continuaverit sermonem de eodem Juda, sicut narrat Lucas cap. 22. v. 21. 22. & 23. ubi interrogant inter se discipuli, quis hoc esset factururus: cui interrogationi docet Aug. subiungendum esse id, quod Joannes hic dicit v. 23. *Erat ergo recumbens, &c.* Sed, ut ante monui, facilius videtur dici posse, quod Matthæus & Marcus anticipatione usi fuerint in narrando, & omnia illa de Juda post Eucharistiæ institutionem dicta fuerint. Cum ergo Christus mentem suam convertisset ad imminentem jam passionem, & præcipuè ad facinus Judæ, quod jamjam executurus erat, \* *turbatus est spiritu*, id est, animo suo: potestate scilicet non infirmitate, quia sponte turbavit seipsum, ut Aug. tract. 60. Nam affectum humanum in seipso suâ potestate commovit, motu scilicet doloris, de duritia & perditione Judæ, ut eum efficacius revocaret. Quam ob causam etiam cum ante bis eum occultè perstrinxisset, nunc tandem tertio \* *protestatus est*, id est, palam contestatus est, & apertè affirmavit, constanti etiam utens asseveratione, \* *amen, amen.*

22. \* *Aspicebant ergo ad invicem discipuli*, partim stupentes rei novitate & atrocitate, partim ut observarent, si quod indicium in aliquo, ex voce vel vultu appareret, utpote \* *hesitantes de quo diceret.* Lucas addit eos quævisse inter se, quis esset hoc factururus; imò Marcus etiam eos singulos interrogasse Dominum: *Numquid ego sum?*

22. Aspicebant ergo ad invicem discipuli, hesitantes de quo diceret.

23. \* *Erat ergo recumbens unus in sinu Jesu*, quod infra v. 25. dicitur, *supra pectus Jesu*, ut notat Aug. Quidquid enim est inter stomachum & brachia, *sinus* vocari solet. Nam Orientales plerumque recumbant ad mensam in lectulis, seu thoris convivalibus, eo situ ut in cubitum sinistrum incumbere, & reliqua pars corporis inferior extrorsum, in longum protenderetur. Ex quo situ fiebat, ut caput ejus, qui secundus accumbebat, respiceret pectus, aut umbilicum primi; & sic deinceps de cæteris. Sic ergo cum Joannes accumberet Christo proximus, posterior pars capitis ejus respondebat sinui seu pectori Christi. \* *Quem diligebat Jesus.* Hac periphrasi seipsum significat Evangelista, modestiæ causâ nomen suum suppressens. Quod Scriptoribus sacris esse familiare, Moyse, Matthæo, Paulo, tradit Augustinus. Porro hæc dilectio Christi erga Joannem erat familiarior quidam usus ejus, & quædam peculiaris benevolentiæ demonstratio, quia junior erat & virgo, & morum fortasse verecundiâ, & suavitate singulari, ut multi sentiunt. Hæc ergo attentâ Joannis cum Christo familiaritate, & loci propinquitate.

23. Erat ergo recumbens unus ex discipulis ejus in sinu Jesu, quem diligebat Jesus.



24. Innuvit ergo huic Simon Petrus : & dixit ei : Quis est , de quo dicit ?

24. \* *Innuvit huic Simon Petrus* ( unde constat eum à Christo fuisse remotiorem , fortassis è regione , ut facilius innuere potuerit ) \* & *dixit ei* , hoc est , innuendo seu nutu dixit , non aliquid sonando , ut notat Aug. nam si aliquid verbo dixisset , non erat opus innuere. Unde Græcè tantum est , *ἔνεκεν ὧν λόγου* , innuit huic Petrus , ut scilicet interrogaret , \* *Quis est , de quo dicit ?* Scire avidus , non quod de seipso timeret , ut aliqui putant ; quia constat eum de seipso fuisse confidentissimum : sed ut pro suo amore ac zelo impediret.

25. Itaque cum recubisset ille supra pectus Jesu , dicit ei : Domine quis est ?

25. \* *Itaque cum recubisset ille* , Græcè *ἐπὶ τῶστων* , cum incidisset , seu recidisset , \* *supra pectus Jesu* ; erexerat enim se aliquantulum , sed ineunte Petro reclinavit se iterum ad pectus Jesu , eo situ , quo supra diximus : \* *dicit ei* , secretò & quasi in aurem : \* *Domine quis est ?* Cui respondit :

26. Respondit Jesus : Ille est , cui ego intinctum panem porrexero. Et cum intinxisset panem , dedit Judæ Simonis Ilicatio-  
tæ.

26. \* *Ille est , cui panem intinctum porrexero* , id est , buccellam panis , ut est v. 27. instar offulæ condimento intinctam , quæ benevolentiae causâ subinde alicui dari solet. \* *Et cum intinxisset panem , dedit Judæ* , & eo facto manifestè proditorem Joanni designavit. Porro hæc buccella non fuit corpus Domini , ut tradit Aug. tum tract. 62. tum aliis locis , & Concil. Bracar. III. Can. 1. nam Judas cum cæteris Apostolis corpus Domini acceperat , sicut Lucam evidentissimè narrare dicit Aug.

27. Et post buccellam , introiit in eum satanas. Et dixit ei Jesus : Quod facis , fac citius.

27. \* *Et post buccellam* , acceptam & comestam , simulato animo quasi gratum habendo signum istud benevolentiae , \* *introiit in eum satanas* , ut sibi jam traditum plenius possideret , tamquam dominus videlicet cogitationum & voluntatum ejus , in quem prius intraverat , ut deciperet , inquit Aug. Causam addit Hieron. in Epist. ad ephes. quia tunc , inquit , vel maximè diabolo in potestatem damur , quando nec humanitate , nec clementiâ , nec mansuetudine ejus vincimur , quem indignè odimus. Nimirum Judas cum animadverteret vel indicio illo buccellæ se Joanni esse proditum , vel etiam cæteris co-apostolis per illa verba , *Tu dixisti* , quæ sunt apud Matth. exacerbatus in Christum , obfirmavit prorsus animum ad perficiendum scelus , quod pactus erat. \* *Et dixit Jesus* , videns animum ejus ad executionem paratum : \* *Quod facis* , id est , facere paras , \* *fac citius*. Vox est non jubentis , sed sinentis , non trepidi , sed parati , qui ostenderet se moram non facere traditori ; & sic paternam exequi voluntatem , ut facinus nec impelleret , nec timeret , prout explicat S. Leo serm. 7. de Passione , cui consentit Aug. tract. 62. Cessit enim Jesus his verbis , ut posset Judas ; non egit , ut vellet : q. d. Non impedio , per me licet , ut facias , imo ut citissimè facias. Eadem phrasi dixit Judæis , *solvite templum hoc* : &

Elizæus filiis Prophetarum importunè urgentibus, ut mitteretur aliquis ad quærendum Eliam, *Mittite*: & Cyprianus moriturus dixit Proconsuli: *Fac quod tibi præceptum est*, ut Aug. refert.

28. \* *Hoc autem nemo scivit discumbentium*, &c. ne Joannes quidem: quia quamvis proditorem sciret, non tamen eâ nocte, & jam statim perpetrandum esse scelus. Vel certè Joannes in eo numero se ipsum non comprehendit, sicut nec Judam. Ex quo colligere licet, quanta fuerit & Judæ hypocrisis, omnia dissimulantis, & Apostolorum simplicitas in malo, & Christi benignitas in Judam. Nam ex istis tribus capitibus factum est, ut in nullius mentem cadere posset alicujus mali suspicio.

30. \* *Cum ergo accepisset ille buccellam*, quâ tamquam signo Joanni se indicatum suspicabatur, utpotè quem aliquid interrogasse vel locutum esse viderat, \* *exivit continuo*, specie exequendi præcepti Domini; sed reverà furore quodam actus, diabolo admovente calcaria. Unde Cyrill. cursim & gressu præcipiti Judam se proripuisse tradit, diabolo videlicet timente, ne morando daretur locus pœnitentiæ, & quasi è temulentia mentem suam rectius cogitando eriperet. Quia & addit, diabolum quoque timuisse, ne Eucharistia sumpta scintillam aliquam illuminationis in animo ejus accenderet. Nihil enim vetat corpus Domini etiam indignè sumptum præter legem quasi miraculo aliquid correctionis operari; qualem effectum tribuit Aug. baptismo in homine abominante baptismum, lib. 4. Confess. c. 4. \* *Erat autem nox*, quæ appositè significabat Judæ tenebras, cui occiderat Sol justitiæ, ut Aug. lib. 2. de Cain & Abel c. 4. Cum ergò supradictis verbis, *Quod facis*, &c. Judam Christus è familia sua ablegasset, sicut olim Joseph Ægyptios, ne quis adesset alienus agnitioni mutux, cœpit ab hoc tempore suavissimis verbis viscera charitatis suæ, & quasi animam suam in discipulos effundere: nam ideò utitur particulâ illâ continuativâ.

31. \* *Cum ergo exiisset*, Judas nocte intempesta, \* *Dixit Jesus*, familiarius tamquam ab eo liberatus, coram quo minùs conveniebat has intimæ dilectionis margaritas effundere. Erupit itaque in hæc verba: \* *Nunc clarificatus est*, id est, glorificatus, seu clarus & celebris effectus est, \* *Filius hominis*, cælesti videlicet doctrinâ & admirandis miraculis: \* *Et Deus clarificatus est in eo*, id est, gloriosè inclaruit per Filium hominis, tum quod illa semper ad Deum Patrem retulisset; tum quod manifestum esset, ut fatebatur Nicodemus, neminem posse hæc signa facere, nisi Deus esset cum eo: cujus proinde virtus & bonitas per ea clarescebat.

28. Hoc autem nemo scivit discumbentium ad quid dixerit ei.

29. Quidam enim putabant, quia oculos habebat Judas, quod dixisset ei Jesus: Eme ea, quæ opus sunt nobis ad diem festum: aut egenis ut aliquid daret.

30. Cum ergo accepisset ille buccellam, exivit continuo. Erat autem nox.

31. Cum ergo exiisset, dixit Jesus: Nunc clarificatus est Filius hominis: & Deus clarificatus est in eo.



32. Si Deus clarificatus est in eo & Deus clarificabit eum in semetipso: & continuo clarificabit eum.

32. \* *Quod si Deus clarificatus est in eo*, id est, si hæcenus glorificatus fuit per Filium hominis: \* *Et Deus clarificabit eum in semetipso*, id est, jam vicissim tempus instat, ut Deus illustrem & gloriosum faciat Filium hominis, seu humanitatem ejus, \* *in semetipso*, id est, per seipsum faciet, declarans eum esse Filium Dei, idque \* *continuo*, etiam in media passionis imminentis ignominia; maximè verò per gloriosam resurrectionem, & ascensionem in cælum, quæ statim consequentur. Utrumque tangit Chrysostomus.

33. Filioli, adhuc modicum vobiscum sum. Quæretis me: & sicut dixi Judæis, vos non potestis venire: & vobis dico modo.

33. \* *Filioli*, tenerrimè scilicet dilecti. Videtur enim vox blandientis; quamvis etiam significare posset, eos adhuc tenellos esse, qui adhuc quasi uberibus Christi lactati nondum possent perfectiora portare. Quo sensu Apostolus vocabat Galatas *Filiolos*, quos iterum parituri erat, donec formaretur in eis Christus. \* *Adhuc modicum vobiscum sum*, id est, vobiscum more mortalium, & cum ista familiaritate conversabor. \* *Quæretis me*, id est, præsentiam meam corporalem, ut ex ea solatium & adjutorium hauriatis in tribulationibus ingruentibus: \* *& sicut dixi Judæis*, supple, sic etiam vobis dico, prout infra sequitur. \* *Quo ego vado*, ad possidendam gloriam meam in cælo, \* *vos non potestis venire*, id est, non potestis me sequi. Sed quia aliquando secuturi erant, adjicit explicationis causâ: \* *Et vobis dico, modo*. Ubi illud, *modo*, conjungi potest vel cum *dico*, vel potius cum *venire*, ut sensus sit: Non potestis eo nunc venire, sed postea sequemini; sic enim videtur exponere hæc verba Christus ipsi Petro v. 36. Ratio, cur non possent, erat, ed quòd gloriæ illius participatio multis laboribus ac discursibus, imo morte ac passione ipsorum comparanda erat, ad quam tolerandam nondum erant satis fortes. Sic enim tamquam infirmitatis suæ notam accepit ea verba Petrus v. 37.

34. Mandatum novum do vobis: Ut diligatis invicem, sicut dilexi vos, ut & vos diligatis invicem.

34. \* *Mandatum novum do vobis*, hoc unicum scilicet, ex quo tamquam compendio discatis, quam vivendi formam me absente inter vos tenere debeatis, videlicet, \* *ut diligatis invicem*, non verbo scilicet, neque linguâ, sed opere & veritate. Nam ut regulam quamdam mutux istius dilectionis haberent, adjicit: \* *sicut dilexi vos, ut & vos diligatis invicem*, hoc est, dilectione non carnali, sed spiritali, ut Aug. tract. 65. dilectione, quâ temporalem vitam, incolumitatem, & commoda, æternæ salutis proximorum postponatis, sicut ego meam postposui vestræ. Sed cur *novum* vocat hoc *mandatum*, cum mandatum dilectionis ab initio fuerit? Diversæ rationes à Doctoribus tum antiquis tum novis excogitatæ sunt. Aug. quia innovat hominem à vetustate. Sed Christus videtur novitatem non in dilectione, sed in ipso dilectionis mandato, quasi noviter dato, constituere. Unde alii

alii volunt novum dici, quod huc usque non sit datum. Sed hoc non videtur esse verum, ut patet ex illo magno præcepto dilectionis Dei & proximi toties inculcato. Alii aliter rem expediunt. Verisimilius videtur posse dici, *Mandatum novum do*, quasi dixisset: Mandatum de novo do vobis, ut diligatis invicem, hoc est, meo exemplo, singularique affectu & studio, meo denique nomine instauro & commendo vobis præceptum dilectionis mutux. Nam inde est, quod Paulus illam vocat ad Galat. 6. *Legem Christi*; Joannes, teste Hieron. *præceptum Domini*: à quorum utroque propterea tantopere inculcatum fuit. Proinde addit Christus:

35. \* *In hoc cognoscent omnes quia discipuli mei estis*, q. d. Non ex jejuniis, vitæque austeritate, ut discipuli Joannis; non ex vestitûs genere, & observantiis corporalibus, ut Pharisei; non ex certis Philosophiæ placitis, ut Philosophi; non ex miraculis, linguis, Sacramentis, prophetiis, scientiâ, fide, vel quocumque dono, quod habere possunt & mali: sed ex sola dilectione, tamquam genuino symbolo, discipulatus mei, cognoscemini ad me pertinere. Nam sine charitate reliqua omnia nihil profunt, ut Aug. ex Apostolo, 1. ad Cor. 13. Unde Tertull. in Apolog. cap. 39. Vel maximè dilectionis operatio notam nobis inurit penes quosdam. Vide, inquit, ut se invicem diligunt. Hæc ergo genuina nota est, non Christianismi, non professionis Christi, non Ecclesiæ, sed veri, hoc est, sinceri, & boni Christiani. Cum autem Petro nihil altius inhæreret, quam quod dixisset Christus, *quò ego vado*, vos non potestis venire; hinc quasi taxatus de infirmitate à Domino, ait:

35. In hoc cognoscent omnes quia discipuli mei estis, si dilectionem habueritis ad invicem,

36. \* *Domine, quò vadis?* quò scilicet non possum te sequi? \* *Respondit Jesus*, potius ad mentem Petri, quàm ad verba, nam animo sequendi hoc interrogaverat, ut Chrysost. & Aug. notant: \* *Quò ego vado*, per mortem ad regnum Dei, \* *non potes me sequi modo*, quia vires tibi defunt ad passionem pro nomine meo tolerandam: \* *Sequeris autem postea*, quando & exemplo meo, & Spiritu Sancto infuso, mortis terrorem didiceris superare, & omnia bona & mala temporalia contemnere.

36. Dicit ei Simon Petrus: Domine, quò vadis? Respondit Jesus: Quo ego vado, non potes me modo sequi: sequeris autem postea,

37. \* *Dicit ei Petrus*, impatiens quod Christus de se vel tantillum submissè sentiret; nam plenus præsumptione virium suarum, nihil putabat esse tam difficile, quod non suâ animositate superaret: \* *Quare non possum te sequi modo?* q. d. Estnè aliquod incommodum, aut periculum vitæ, quod impediatur? \* *Animam meam*, hoc est, vitam quæ præ omnibus rebus diligitur, \* *pro te ponam*, quânto magis reliqua? *Pellem enim pro pelle, & cuncta, quæ habet, homo dabit pro anima sua*, ut

37. Dicit ei Petrus: Quare non possum te sequi modo? animam meam pro te ponam.



est Job 2. Dixit hoc Petrus bono quidem animo, sed virium suarum ignaro: putabat enim hoc posse, quod se velle sentiebat. Nam charitas quidem ejus erga Christum vera erat, sed invalida adhuc, quæ multum crescere debebat, ut Aug. lib. de gratia & libero arbitrio c. 17.

32. Respondit ei  
Jesús: Animam  
tuam pro me po-  
nes? Amen, amen  
dico tibi: Non  
cantabit gallus,  
donec ter me ne-  
ges.

38. \* *Respondit ei Jesús: Animam tuam pro me pones?* q. d. Multum abest. Non enim tibi satis erit amore vitæ tuæ conservandæ fugere, vel confessionem nominis mei silentio declinare, sed \* *non cantabit gallus*, id est, non erit tempus gallicinii, \* *donec ter me neges*, seu negaveris. Quæ de re diximus latius Matth. 26. v. 33. Solum hic notandum, prædictionem istam trinæ negationis fuisse primam, & contigisse domi, quam & Lucas narrat c. 22. Illa verò, quam narrat Matthæus & Marcus, contigit postea in itinere versùs montem Oliveti, cum nondum Petri præsumptio esset satis compressa prædictione Christi.

## CAPUT DECIMUMQUARTUM.

Cum ergo videret Dominus, discipulorum animos prædictione tum proditionis suæ, & imminētis mortis, tum negationis Petri, qui omnium animosissimus videbatur, consternari, & pusillanimes fieri, occurrit motibus illis:

1. Non turbetur  
cor vestrum. Cre-  
ditis in Deum &  
in me credite.

I. \* *Non turbetur cor vestrum*, timore, vel mœrore ex dictis meis. Modum verò comparandi roboris & præsidii adversùs instantes difficultates suggerens, \* *creditis*, inquit, *in Deum*. Supplenda est ex idiotismo Hebraico particula similitudinis: q. d. Sicuti ex lege Moysis instructi creditis in unum Deum, ita & in me credite, tamquam in eundem & Filium Dei, & quidem incarnatum. Nam hoc totum illis verbis indicat, ut Cyril. notat. Fidem enim divinitatis, quæ sub Lege explicitè prædicabatur, non ad alium Deum transferendam esse docet, sed ad plures personas extendendam. Itaque tacitè monet Christus, ut oculos mentis in divinitatem suam figant: nam ita fore, ne turbarentur, quidquid ei tandem accideret. Ne verò ad illam domum Patris, quò Christus migrabat, hoc est, ad regnum Dei, putarent non posse pervenire, nisi eos qui summâ essent virtute, & animi robore præditi, & ab omni lapsu alieni, adjicit:

2. In domo Pa-  
tris mei mansio-  
nes multæ sunt.  
Nunc quò minus di-  
xisssem vobis:  
Quia vado parare  
vobis locum.

2. \* *In domo Patris mei mansiones multæ sunt*, quia magna illa beatitudinis aula non solum capax est innumeræ multitudinis, sed in ea quoque diversissimi sunt beatitudinis, honorum & dignitatum gradus. Utrumque enim notari & loci capacitatem, & gloriæ cujusque differentiam, observat Cyril. \* *Si quò minus*, Græcè *ἂν δὲ μὴ*, si autem non, hoc est, alioquin, prout vertitur v. 11. q. d. Si non essent multæ mansiones, quibus excipi possētis, ego \* *dixisssem vobis*, scilicet non esse.

esse, neque lactassem vos inanis spe obtinendæ mansionis alicujus, \* *quia vado parare vobis locum*, id est, quia discessurus sum vestri causâ, ut videlicet, quia cælum hætenus hominibus inaccessible fuit, introitum ejus vobis aperiâ ad capiendam possessionem ejus. Nam alioqui quantum ad prædestinationem, regnum & locus regni, unicuique paratus est à constitutione mundi, ut est Matth. 25. v. 34.

3. \* *Et si*, id est, cùm vel postquam abiero, \* *& præparavero vobis locum*, iterum *venio*, ad judicium omnium, \* *& accipiam vos ad me ipsum*, id est, in consortium meum introducam, \* *ut ubi sum ego*, in domo scilicet & gloria Patris, corpore & animâ glorificatus, \* *& vos sitis*, ejusdem gloriæ & beatitudinis participes: q. d. Digressus à vobis non diu abero, nec obliviscar vestri, sed citò rediturus sum. Quod maximè valebat ad eos à turbatione recreandos. Porro sub adventu ad judicium, Christus more suo adventum ad unumquemque in morte, quâ ex hac vita singulos educit, intelligere solet, ut alibi dictum.

4. \* *Et quo ego vado scitis*, ex iis, quæ proximè & sæpiùs dixi, nempe ad Patrem in cælum, in gloriam meam: \* *& viam scitis*, quâ ego illuc profecturus sum, scilicet per mortem meam. Nam & utrumque eis prædictum fuerat. Sed quia, juxta Aug. 14. de civit. cap. 7. habemus in abdito mentis quarundam rerum notitias, quas videmur ignorare, vel quia inde non cogitamus, vel non recordamur, vel modum non satis penetramus, hinc Thomas dicit:

5. \* *Domine, nescimus quo vadis & quomodo possumus viam scire*? Nam sicuti motus ita etiam via speciem sumit à termino: q. d. Tu dicis nos utrumque scire; nos utrumque nescimus. Quamobrem Christus latentem discipulorum scientiam eis ad memoriam revocans, & plenius eos instruens,

6. \* *Dicit ei*, utrumque scilicet explicans, & viam, & terminum viæ: \* *ego*, ut homo scilicet, & mediator Dei ac hominum, \* *sum via*, illa scilicet, de qua quæritis, tam mihi ipsi, quam aliis. Nam Christus sibi quidem via fuit, quia propriæ passionis merito intravit in gloriam suam, & Patris, ut patet Lucæ c. 23. v. 33. & ad Philip. 2. Aliis verò via est, doctrinâ, exemplo, & merito, quia non nisi per ipsum habemus accessum ad Patrem. Majorem obscuritatem habet, quod adjicit, \* *& veritas & vita*. Plerique recentiores probabiliter volunt esse majorem explicationem viæ: q. d. Ego sum Via Veritatis & Vitæ: Via vera, non fallax, non erratica; Via, quæ sine errore ducit ad vitam æternam. A qua interpretatione non abhorret Hilar. lib. 7. de Trinit. Cui sensui appositè subjungit, \* *nemo venit ad Patrem*,

3. Et si abiero, & præparavero vobis locum: iterum venio, & accipiam vos ad me ipsum, ut ubi sum ego, & vos sitis.

4. Et quo ego vado scitis, & viam scitis.

5. Dicit ei Thomas: Domine, nescimus quo vadis: & quomodo possumus viam scire?

6. Dicit ei Jesus: Ego sum via, & veritas, & vita. nemo venit ad Patrem, nisi per me.



*trem*, tamquam ad terminum viæ, ( sic enim explicat, quò vadat )  
 \* *nisi per me*, id est, per doctrinam meam, cui obtemperet; per conversationem, quam imitetur; per mortem, qua redimatur. Sed quia singulis oculis valdè emphaticè est additus Græcè articulus ἡ ὁδός, &c. *illa via*, *illa veritas*, *illa vita*; videntur singula in abstracto meritò de Christo explicari posse, præsertim quia ei sic propriissimè conveniunt. Itaque Aug. tum hîc, tum alibi, plerumque vult his duobus vocabulis explicari terminum viæ, nempe divinitatem Christi, quam eandem habet cum Patre suo; primo verò verbo explicari ipsam viam, scilicet humanitatem ejus. Creatura quippè rationalis in suum terminum, sub ratione veritatis & vitæ consideratum, propriè & principaliter tendit, quia nihil anima fortius desiderat, quàm veritatem & vitam, quorum utrumque Deus est. Unde & ejus beatitudo non est aliud, quàm immortale, nullâ molestiâ interpellante, de ipsa sola, per quam vera sunt omnia, veritate gaudium, ut Aug. lib. 10. Confess. cap. 23. Itaque tract. 69. Christus, inquit, ibat ad veritatem, ibat ad vitam. Ibat ergo ad seipsum, per seipsum. Et nos quò imus, nisi ad ipsum? ( id est, ad fruitionem vitæ & veritatis, seu divinitatis ejus ) & quò imus, nisi per ipsum? Ipse igitur ad seipsum per seipsum, nos ad ipsum per ipsum; imò utrique ad Patrem, qui eadem cum ipso Veritas & Vita est, seu idem & unus Deus. Nam ne alium viæ terminum induxisse videretur, quàm Patrem, addit juxta hunc Augustini sensum, *nemo venit ad Patrem, nisi per me*. Et quia causari possent discipuli, se quidem jam ipsum scire, quòd sit Veritas & Vita, ad quam venire debeant, sed se Patrem ejus ignorare, tollit eis hanc excusationem :

7. Si cognovissetis me, & Patrem meum utique cognovissetis : & ainodo cognoscetis eum, & vidistis eum.

7. \* *Si cognovissetis me*, secundum divinam naturam meam, \* & *Patrem meum*, id est, etiam Patrem, \* *utique cognovissetis*, quia propter divinæ naturæ identitatem non potest natura Filii cognosci, nisi & natura Patris cognoscatur. Imo nec una persona sine altera cognosci potest, tum quia divina natura propter summam simplicitatem ejus, cum qua personalitas identificatur, non nisi tota videri potest : tum quia ratio personæ, seu proprietas personalis est relativa; quo fit, ut qui unam videat, videat & alteram : \* & *modo cognoscetis eum*, cum Spiritus Sanctus brevi in vobis complebit cognitionem Dei, ac personarum divinarum : imo \* & *vidistis eum*, quatenus naturam seu divinitatem meam, ex doctrina & mirabilibus operibus meis, & ex revelatione Patris credidistis, & utrumque cognovistis : nam illa eadem est ipsissima natura Patris. Adde, quòd jam omnes Apostoli per revelationem cognoverant Christum esse Filium Dei vivi, prout Petrus profi-

profiteretur Matth. 16. Non potest autem Filius agnosci sub ratione Filii, nisi agnoscatur Pater.

8. \* *Dicit ei Philippus : Domine ostende nobis Patrem*, id est, exhibe eum oculis nostris corporalibus præsentem, quem nos vidisse dicis. Arripit enim Christi verbum, quo omnes Patrem vidisse dixerat, non audens apertè respondere, quod ita esset : q. d. Fac, ut quod dicis, verum sit, & eum clarè demonstra : \* *& sufficit nobis*, hoc est, & nihil aliud ultrà quærimus, utpotè qui te jam satis novimus atque vidimus. Quamquam Cyril. & nonnumquam Aug. hoc ita exponunt, ut id sufficere velit Philippus ob plenam beatitudinem, quæ in perfecta Dei visione sita est.

8. Dicit ei Philippus : Domine, ostende nobis Patrem, & sufficit nobis.

9. \* *Dicit ei Jesus, ut declararet ejus inexcusabilem imperitiam* : \* *Tanto tempore vobiscum sum*, docendo vos verbis, & operibus quis ego sim, \* *& non cognovistis me ?* Per hoc indicans non solum eos Patrem, sed ne se quidem novovisse, quem oculis videbant, maximèque se cognoscere putabant. Ratio est, \* *quia qui videt me, videt & Patrem*. Non quod ipse esset Pater simul & Filius, quod in Sabellianis Catholica fides damnat, sed quod tam similes sint Pater & Filius, ut qui unum noverit, ambos noverit, inquit Aug. Nam propter naturæ unitatem, uno intuitu conjunctim videntur Pater & Filius; propter personarum verò ordinem, consequenter. Insinuat ergo duas in se esse naturas, eo ipso, quo significat se ab illis non videri, etiamsi corporalibus oculis hominem viderent. \* *Quomodo tu dicis*, id est, quomodo igitur tam imprudenter, & imperitè loqueris, ut dicas, \* *Ostende nobis Patrem ?* qui Patrem tam quoad naturam, quàm proprietatem personalem in meipso videre potuisti. Quod tamen si nondum intelligitis, an saltem

9. Dicit ei Jesus : Tanto tempore vobiscum sum : & non cognovistis me? Philippe, qui videt me, videt & Patrem. Quomodo tu dicis : Ostende nobis Patrem ?

10. \* *Non creditis*, ( Græcè *ὁὐ πιστεύετε*, non creditis, ut solum Philippum alloquatur ) \* *quia ego in Patre, & Pater in me est ?* propter unam & eandem utriusque naturam ? q. d. Non creditis, quod ego & Pater unum & idem sumus, tamquam duæ personæ unius naturæ? Probat hoc autem ab effectis : quia \* *verba, quæ ego loquor vobis, à meipso non loquor*, ita scilicet, ut non à Deo Patre. Nam quamvis Filius haberet in se principium loquendi, hoc ipsum tamen habebat à Patre. \* *pater autem in me manens* ( quo significat se ita à Patre processisse, ut tamen ab eo non sit divulsus aut separatus ) \* *ipse facit opera*, tam verba scilicet, quæ loquor, quam miracula, quæ facio. Per quod manifestum relinquit, inquit Ambr. lib. 3. de fide c. 5. quod unum omninò opus Patris & Filii credere debeamus, & consequenter inseparabilem esse utriusque naturam, quâ Filius sit in Patre, & Pater in Filio : quod probandum suscepserat.

10. Non creditis, quia ego in Patre, & Pater in me est? Verba, quæ ego loquor vobis, à me ipso non loquor. Pater autem in me manens, ipse facit opera.



11. Non creditis, quia ego in Patre, & Pater in me est?

11. \* *Non creditis*, igitur mihi affirmanti, \* *quia ego in Patre, & Pater in me est*? Neque enim si separati essemus, inseparabiliter operari ullâ ratione possemus, inquit Aug. \* *Alioquin*, si scilicet verbis minùs creditis, \* *propter opera ipsa*, mirabilia, \* *credite*, quæ in testimonium hujus veritatis edidi, quod ego & Pater unum & idem sumus, hoc est, unus Deus, & consequenter ego in Patre, & Pater in me. Nam opera evidenter probabant Christum esse Deum, partim omnigenâ suâ varietate & magnitudine, propter quod dicit c. 15. se opera fecisse, quæ nemo alius fecit: partim ex facientis autoritate, quia faciebat ea non tam rogatu, ut alii Sancti, sed jussu & imperio suo, tamquam evidenti propriæ virtutis testimonio: partim quia ad hanc ipsam veritatem adstruendam ea faciebat. Quod si adhuc ista non sufficiant, addo adhuc aliud potentius.

12. Alioquin propter opera ipsa credere. Amen, amen dico vobis, qui credit in me, opera quæ ego facio; & ipse faciet, & majora horum faciet: quia ego ad Patrem vado.

12. \* *Amen dico vobis*, qui credit in me, istud scilicet credens, quod asserui, me esse in Patre, & Patrem in me, seu me esse Filium Dei continentialem Patri, \* *opera miraculosa, quæ ego facio*, quæ ego homo mortalis hætenus feci, \* *& ipse faciet*, q.d. Non solum mihi est illa facultas patrândi miracula, sed, quod amplius est, eam etiam aliis dabo, ut & ipsi inde colligant sanam esse fidem suam de divinitate mea, & hoc aliis persuadeant. \* *Imo majora horum faciet*, id est, majora his: Primò, amplitudine, quia Christo prædicante pauci Judæi miraculis crediderunt, discipulis verò omnes Gentes. Secundò, quodam faciendi modo, quia Christus simbriâ suâ, Petrus etiam umbrâ suâ sanavit ægros. Utrumque modum tangit Aug. Tertiò, etiam difficultate faciendi; Christus enim quatrîduo mortuum & fœtentem, nonnulli Sancti etiam multis annis defunctos suscitaverunt. Quartò, visibilia miracula Christus ferè circa corpus fecit, discipuli etiam circa animas, dum visibiliter Spiritum Sanctum impositione manuum dederunt: Nec tamen propterea Sancti sunt majores Christo, quia per Sanctos illa eadem fecit Christus; quod in sequentibus significat, \* *quia ego ad Patrem vado*, sessurus ad dexteram ejus in gloria Patris, tamquam Dominus omnium.

13. Et quodcumque petieritis Patrem in nomine meo, hoc faciam: ut glorificetur Pater in Filio.

13. Et propterea \* *quodcumque petieritis Patrem in nomine meo*, id est, per me, & propter merita mea, insinuans discipulos hæc majora per invocationem Dei Patris, interposito Christi nomine facturos, ac facere debere, \* *hoc faciam*, unâ scilicet cum Patre exaudiens & faciens, tamquam author istorum operum mirabilium: \* *ut glorificetur Pater*, tamquam originalis effector istorum operum majorum, \* *in Filio*, id est per Filium, tamquam per mediatorem, utpotè cujus invocatione factâ sint: deinde tamquam per artem omnipotentis Dei Patri æqualem, quâ

quâ facta sunt. Indicat ergo finem miraculorum esse gloriam, quâ glorificatur Pater in Filio, & vicissim Filius in Patre, quoniam unum sunt Pater & Filius, & neuter sine alterutro facit, ut Aug. Ut verò, scirent etiam ipsum Christum invocari posse, & non solum Patrem per Christum, ut quidam hæretici arbitrati sunt, subjungit opportunè:

14. \* *Si quid petieritis me in nomine meo*, id est, propter meipsum, & gloriam nominis mei, \* *hoc faciam*. Quamquam Græcè desit illud, *me*, ut sit tantum repetitio sententiæ præcedentis, asseverandi causâ quia ritum orandi hætenus inusitatum introducebat, per merita scilicet Incarnationis suæ. \* *Hoc faciam*, tamquam æqualis Patri, idque non minus, ac si essem præsens corpore. Quomodo verò hujusmodi promissio intelligenda sit, dictum est Matth. 7. v. 7. Et hætenus quidem respondit ad quæstiones Thomæ & Philippi; nunc pergit eos consolari & hortari.

15. \* *Si diligitis me, mandata mea servate*, id est, operibus explete ea, quia observatio mandatorum non solum est signum dilectionis, sed etiam effectus, ita necessarius, ut pereat dilectio, nisi in opus erumpat. Unde 1. Joan. 5. v. 3. *Hæc est charitas Dei, ut mandata ejus custodiamus*.

16. \* *Et ego, si hoc feceritis, non ero inmemor vestri, sed \* rogabo Patrem*, tamquam homo, seu mediator Dei & hominum: quomodo etiam nunc interpellat, & orat pro nobis, teste Apostolo ad Rom. 8. v. 34. Non tamen supplex, & cum lacrymis, quemadmodum in diebus carnis ejus conveniebat; sed gloriosus, ut advocatus noster assidens Patri, \* *Et alium Paraclætum dabit*, Spiritum Sanctum scilicet. Quo ostendit & se Paraclætum, seu consolatorem esse, sed alium, quia personâ non naturâ distinctum. Adde, *alium*, propter quemdam distinctum quoque consolationis modum, quia Christus ut homo, suos consolabatur præsentia & operatione verborum sensibili; Spiritus Sanctus verò præsentia & operatione spiritali, quatenus amittentes temporalia, interno & sempiterno gaudio perfrui facit, ut Aug. lib. 1. de sermone in monte. Quam Spiritus Sancti operationem clariùs explicat addendo, \* *ut maneat vobiscum in æternum*: nam Christi Corporis paraclæsis non nisi paucorum annorum fuerat. Et quamvis ipse quoque æternus & internus fidelium consolator sit, tamen sicuti Patri potentia, & Filio sapientia, ita Spiritui S. bonitas ac favor, atque amor, & consequenter quæ sunt amoris & consolationis, per quamdam appropriationem, tribui solent. Promittitur autem hic eis Spiritus S. cum tamen eum jam haberent, quia plenius & superabundantiùs & manifestiùs eis infundendus erat, ut latius Aug.

14. Si quid petieritis me in nomine meo, hoc faciam,

15. Si diligitis me, mandata mea servate,

16. Et ego rogabo Patrem, & alium Paraclætum dabit vobis, ut maneat vobiscum in æternum



17. Spiritum veritatis, quem mundus non potest accipere, quia non videt eum, nec scit eum; vos autem cognoscitis eum, quia apud vos manebit, & in vobis erit.

17. \* *Spiritum veritatis*, id est, meum : Christus enim veritas est, à quo Spiritus ille procedit: vel *Spiritum veritatis*, id est, veracem, phrasi Hebraicâ, seu veritatis authorem ac doctorem : quomodo dici solet *Spiritus errores & mendacii*. \* *Quem mundus*, id est, mundi dilectores, seu homines mundani, mundo addicti, \* *non potest accipere*, quamdiu scilicet mundus est, ita nempe ut simul mundum diligat, & à Spiritu Sancto inhabitetur. Nam amor mundi, & amor ille, per quem Spiritus Sanctus animum inhabitat, ex diametro repugnant. \* *Quia non videt eum*, oculis corporeis; imò \* *nec scit eum*, id est, non cognoscit, aut intelligit, aut gestat eum, juxta illud Apostoli, *Animalis homo non percipit ea, quæ sunt Spiritus Dei*. Stultitia enim est illi, & non potest intelligere, utpote rerum temporalium amore cæcus & nauseans. Vos \* *autem cognoscetis eum*, credendo, & utcumque videndo naturam ejus, & gustando suavitatem ejus. Ratio est, \* *quia apud vos manebit*, familiariter, atque perseveranter. Ne verò putarent ita mansurum, quemadmodum apud hominem, inquit Aug. hospes visibiliter manere consuevit, exposuit addendo : \* *Et in vobis erit* : q. d. Non ita visibiliter vobiscum manebit, ut ego, sed in ipsis vestris animis habitabit. Et hæc est ratio, cur eum cognoscerent, quia cognosci, quemadmodum cognoscendus est Spiritus S. non potest à nobis, si non sit in nobis.

18. Non relinquam vos orphanos : veniam ad vos.

18. \* *Non relinquam vos*, per discessum meum, \* *orphanos*, id est, velut filios Patre orbatos; nam superius paterno, tenerrimoque affectu eos *Filiolos* appellaverat. \* *Veniam ad vos*, id est, iterum redibo : quod dicit, non solum quia incepit eis esse divinitate propinquior, ut quidam exponunt, sed \* *veniam*, id est, redibo etiam corporaliter. Respicit enim ad resurrectionem post diem tertium futuram, ut Aug. & Euthymius exponunt.

19. Adhuc modicum : & mundus me jam non videt. Vos autem videtis me : quia ego vivo, & vos vivetis.

19. \* *Adhuc modicum*, scilicet tempus erit, \* *& mundus me jam non videt*, id est, non amplius videbit, quia scilicet formam suam visibilem Christus subtraxit mundo per mortem, nec eam videndam & contrectandam reddidit post resurrectionem, nisi tantum discipulis suis. Propter quod addit, \* *vos autem videbitis me*, id est, brevi post mortem videbitis, \* *quia ego vivo*, hoc est, vivam seu reviviscam à morte, \* *& vos vivetis*, id est, reviviscetis mecum, particeps facti & immortalitatis & divinitatis meæ. Hæc est tertia consolandi ratio; nam secunda continebatur v. 18. Jam addit quartam :

20. In illo die vos cognosceris, quia ego sum in Patre meo, & vos in me, & ego in vobis.

20. \* *In illo die*. Quod multi referunt ad diem Pentecostes; alii ad tempus à resurrectione ad ascensionem usque : sed multò rectius cum Cyrillo, Aug. & aliis, refertur ad diem æternæ beatitudinis; tunc enim propriè videbimus, & cognoscemus contemplando, quod nunc credi-

credimus. Nam hoc est, quod dicit: \* *in illo die vos cognoscetis*, per speciem scilicet & evidentiam, \* *quia ego sum in Patre meo*, tamquam verus Patris Filius, ejusdem omnino cum ipso substantiæ. Tunc etiam cognoscetis, quod \* *& vos in me estis*, tamquam corpus in capite, & palmities in vite per Incarnationem meam; \* *& ego in vobis*, tamquam caput in membris, influens, regens, sanctificans ea. Tria itaque mysteria indicantur perfecte cognoscenda, Trinitatis, Incarnationis, & Sanctificationis, quæ capita sunt totius doctrinæ divinæ.

21. \* *Qui habet mandata mea*, mente & notitiâ retinendo, \* *& servat ea*, operibus implendo. Unde Aug. Qui habet in memoria, & servat in vita; qui habet in sermonibus, & servat moribus; habet audiendo, & servat vivendo; \* *ille est qui diligit me*, maximè si servat ea, studio atque animo mihi placendi: nam ea pro jussione facere, servientis est; studio verò placendi, diligentis. \* *Qui autem diligit me, diligitur à Patre meo*: nam Pater diligit eos, qui diligunt Filium suum, quem ipse omnium maximè diligit, juxta illud cap. 16. v. 27. *Ipse Pater amat vos, quia vos me amastis*. \* *Et ego, unà cum Patre, diligam eum*, tamquam jam amicum; ego enim diligentes me diligo: \* *Et manifestabo ei meipsum*, per revelationem, non humanitatis meæ, quam cernitis, sed divinæ essentia meæ, ut Aug. 1. de Trinit. c. 19. idque in præmium istius dilectionis mei.

22. \* *Dicit ei Judas, non ille Iscariotes*: utpotè qui jam exiverat, sed alius, frater scilicet Jacobi, dictus Thaddæus & Lebbaeus, scriptor Epist. Canonice & Catholicæ, ut Aug. \* *Domine, quid factum est*, id est, quid causæ, unde fit, \* *quia manifestaturus es nobis teipsum, & non mundo?* Cui Christus ita respondet, ut significet etiam aliis præter Apostolos hanc manifestationem obtinere posse; dixit enim ei generalissimè:

23. \* *Si quis diligit me*, quicumque tandem ille fuerit, \* *sermonem meum*, seu doctrinam & præcepta mea, \* *servabit*. Charitas enim necessariò & indefinenter conjunctam habet præceptorum observantiam, ut ait Basil. lib. de Baptis. c. ult. quia hæc est proprius & immediatus & adæquatus effectus dilectionis, usque ad eò ut nec dilectio sine isto effectù, nec iste effectus sine dilectione esse possit, ut significatur v. seq. & hac de causa, \* *Pater meus diligit eum*, sicut & ego: nam sermo pluralis, qui sequitur, satis indicat, quod etiam se comprehendat. \* *Et ad eum veniemus*, Pater & ego, intellige per incrementum dilectionis, & consequenter inhabitationis; quia non omnes, quos Deus inhabitat, inhabitat æqualiter, ut Aug. epist. 57. quia paulatim perficit in proficientibus inhabitationem suam. \* *Et mansionem apud eum faciemus*, faciendo eum in eadem dilectione, & bonis ope-

21. Qui habet mandata mea, & servat ea: ille est qui diligit me. Qui autem diligit me, diligitur à Patre meo: & ego diligam eum, & manifestabo ei meipsum,

22. Dicit ei Judas, non ille Iscariotes: Domine quid factum est, quia manifestaturus es nobis teipsum, & non mundo?

23. Respondit Iesus, & dixit eis: Si quis diligit me sermonem meum servabit, & Pater meus diligit eum, & ad eum veniemus. & mansionem apud eum faciemus:



ribus perseverare. Nam dicendo, *faciemus mansionem*, seu stabilem inhabitationem, significat se futuros causam perseverantiæ, dando scilicet suis electis non solum, ut possint perseverare, sed ut re ipsâ perseverent. Relinquit autem intelligendum, quod se illis, apud quos manet, manifestaturus sit; & ita simul habes expositam causam, cur se suis manifestaturus sit; & non alienis, quos Judas *mundum* appellaverat; nimirum quod hi diligant, illi non diligant, ut notat Aug.

24. qui non diligit me, sernones meos non servat. Et sermonem quem audistis, non est meus: sed ejus, qui misit me, Patris.

24. \* *Qui non diligit me, sermones meos*, id est, mandata mea, \* *non servat*. Quibus ut majorem adjiceret auctoritatem apud eos, qui suam divinitatem nondum satis plenè cognitam habebant, idè addit: \* *Et sermonem, quem audisti, non est meus*, quia ipsemet Filius, qui loquebatur, non est suus, sed Patris. De quo vide cap. 7. v. 16. Dominus enim tamquam studiosissimus Paternæ auctoritatis, & observantissimus ordinis ex origine sibi competentis, passim in omni occasione inculcat se suæque à Patre esse, tamquam qui sit verbum Patris.

25. Hæc locutus sum vobis, apud vos manens.

25. \* *Hæc locutus sum vobis, apud vos manens*, id est, dum his tribus annis visibiliter vobiscum conversatus sum. Quo subindicat se jam jam corpore discessurum.

26. Paraclitus autem Spiritus Sanctus, quem mittet Pater in nomine meo, id est, propter me, quia scilicet propter merita mea, & preces meas, ut est v. 16. Item in nomine meo, id est, loco meo, qui vices meas impleat, consolando, docendo, &c. juxta eundem versum 16. ubi Spiritus Sanctus vocatur *alius Paraclitus*. \* *Ille vos docebit omnia*, internâ inspiratione, atque illustratione insinuando menti vestræ scientiam. Doctrinam enim seu scientiam non auditus, aut memoria, sed intellectus rerum facit. Nihil enim prodest, multa vel audivisse, vel legisse, nisi intellexeris quæ vel legeris vel audieris, ut Ambr. ferm. 10. v. 1. in Psalm. 118. \* *Et suggeret vobis omnia*, ut vobis vel oblita, vel etiam retenta tempore suo in mentem veniant. Quod ad peculiarem Spiritûs S. directionem pertinere agnoscit & Prosper epist. ad Demetr. & Aug. lib. 4. de doct. Christ. \* *Quacumque dixero, Græcè εἶπον, dixi*, seu dixerim, \* *volis*, supple, apud vos manens. Opponit enim doctrinam interiorem Spiritûs S. exterioribus verbis suis, ut videlicet ita consoletur eos, si quæ minùs à se dicta intelligerent, vel postea oblivioni traderent.

26. \* *Paraclitus autem Spiritus Sanctus, quem mittet Pater in nomine meo*, id est, propter me, quia scilicet propter merita mea, & preces meas, ut est v. 16. Item *in nomine meo*, id est, loco meo, qui vices meas impleat, consolando, docendo, &c. juxta eundem versum 16. ubi Spiritus Sanctus vocatur *alius Paraclitus*. \* *Ille vos docebit omnia*, internâ inspiratione, atque illustratione insinuando menti vestræ scientiam. Doctrinam enim seu scientiam non auditus, aut memoria, sed intellectus rerum facit. Nihil enim prodest, multa vel audivisse, vel legisse, nisi intellexeris quæ vel legeris vel audieris, ut Ambr. ferm. 10. v. 1. in Psalm. 118. \* *Et suggeret vobis omnia*, ut vobis vel oblita, vel etiam retenta tempore suo in mentem veniant. Quod ad peculiarem Spiritûs S. directionem pertinere agnoscit & Prosper epist. ad Demetr. & Aug. lib. 4. de doct. Christ. \* *Quacumque dixero, Græcè εἶπον, dixi*, seu dixerim, \* *volis*, supple, apud vos manens. Opponit enim doctrinam interiorem Spiritûs S. exterioribus verbis suis, ut videlicet ita consoletur eos, si quæ minùs à se dicta intelligerent, vel postea oblivioni traderent.

27. Pacem relinquo vobis, pacem meam do vobis: non quomodo mundus dat, ego do vobis. Non turbetur cor vestrum, neque formidet

27. \* *Pacem relinquo vobis*, id est, commendo vobis discessurus, tamquam testamentum meum, supremamque voluntatem, prout notat Aug. tract. de ovib. c. 13. Quam pacem clariùs explicans, \* *Pacem*, inquit, \* *meam*, hoc est, spiritualem, internam, divinam, quæ includit tria: primò, pacem seu reconciliationem, & amicitiam homi-

hominis cum Deo : secundò, pacem seu tranquillitatem hominis in seipso : tertio, pacem seu concordiam hominis cum hominibus ; quarum posterior ordine , semper ex priore nascitur. Sed quia parum prodesset pacem istam extremâ voluntate nobis commendari, nisi eam ipsemet cordibus heredum suorum infunderet, ideò addit : \* *do vobis*. Et adhuc clariùs differentiam tum pacis suæ, tum modi donandi notat : \* *non quomodo mundus dat*, pacem, \* *ego do vobis*. Pax enim hujus mundi est, ut homines in rebus hujus mundi nihil adversi sentiant, hoc est, ut mundo & bonis ejus sine molestia litium & bellorum perfruantur, inquit Aug. Quæ pax ferè malis artibus acquiritur, & externa est, brevis, lubrica, fallax, imò perniciofa. Et hanc ipsam pacem mundus verbis quidem optare potest, non autem dare; sicut Christus pacem suam internam, stabilem, perpetuam, & complementum omnis humani desiderii, ut doctissimè & fulissimè tradit Aug. l. 19. de Civit. c. 12. & seqq. \* *Non turbetur cor vestrum*, auditâ mentione discessus mei, \* *neque formidet*, tamquam ab omni auxilio deferendi. Nam

28. \* *Audistis, quia ego dixi vobis*, jam ante v. 2. & 3. & 18. & 19. \* *Vado*, id est, hinc abeo ad Patrem per mortem subtrahendo vobis visibilem speciem meam : sed iterum \* *venio ad vos*, tum per secuturam continuò resurrectionem, tum verò maximè per exhibitionem perpetuæ præsentiaæ meæ in cælo. \* *si diligeritis me*, sincero illo amore amicitiaæ, qui non spectat proprium commodum, sed id, quod amico placet, & bonum est, ut declarat Cyrill. in hunc locum, \* *gauderetis utique, quia ad Patrem vado*, id est, gauderetis de discessu meo ad Patrem. Ratio est, \* *quia Pater*, ad quem vado, \* *major me est*. Et proindè non potest illa profectio ad Patrem mihi cedere nisi in majorem honorem, gloriam, dignitatem, felicitatem, de qua mihi congratulandum esset. Significat ergo amoris discipulorum, quo Christum diligebant, multum amoris proprii fuisse permixtum, ex quo de discessu tristabantur. Porro dicitur hîc Pater major Filio, non ratione personæ, quatenùs Pater est origo Filii, ut quidam voluerunt; quia hoc non tollit æqualitatem eorum: sed ratione humanitatis, per quam solam ibat ad Patrem. Per illam igitur Filius minor est, non Patre solo, sed etiam Spiritu Sancto, imò & seipso, inquit hîc Aug. quia major est forma Dei, quæ amissa non est; quam forma servi, quæ accepta est.

29. \* *Et nunc dixi vobis*, me scilicet iturum ad Patrem, & rediturum, \* *priusquam fiat*: ut cum factum fuerit, credatis; non id, quod videritis esse factum, quia fides est argumentum non apparentium

28. Audistis quia ego dixi vobis: Vado, & venio ad vos. Si diligeritis me, gauderetis utique, quia vado ad Patrem: quia Pater major me est.

29. Et nunc dixi vobis priusquam fiat: ut cum factum fuerit, credatis, sed



sed ut credatis, quod credendum est de me, videlicet quia ego sum, prout suppletur c. 13. v. 19. Vel ut credatis quòd sum Filius Dei, qui potuit hoc facere, cum prædixit; & prædicere, antequam faceret. Non quasi antè non crederent, sed ut tunc crederent fide auctà, non novà; aut certè fide resectà cum resurrexit, quæ cum moreretur, defecerat. Fides enim illa, quæ tunc, quando loquebatur discipulus, erat parva, & cum moreretur, jam penè nulla aut nulla, visis eventis revixit, & credenda credidit, ut idem exponit. Nam, ut ex Tertull. diximus, probatio divinitatis, veritas est divinationis.

30. Jam non  
multa loquar  
vobiscum, venit  
enim princeps  
mundi hujus, &  
in me non habet  
quidquam,

30. \* *Jam non multa loquar vobiscum*, mortalis cum mortalibus. Cujus rationem dat Christus: \* *venit enim princeps mundi hujus*, id est, diabolus, princeps non cæli & terræ, sed mundi, hoc est, peccatorum, seu amatorum hujus mundi. Unde & Paulus ad Ephes. 5. v. 12. cum dæmones vocasset *Rectores mundi*, exposuit, addendo *tenebrarum harum*, id est, cæcorum amatorum mundi. Venit ergo, seu jam jam veniet princeps ille, ut scilicet per se suosque me interimat, imò etiam examinet animi mei & vitæ statum. Hoc enim omnibus hominibus circa finem vitæ contingere, author est S. Basil. in Psal. 7. ut si quid peccati habeant, detineantur. Ideoque Christus addit, \* *& in me non habet quidquam*, id est, nihil juris, ut me occidat, quia nihil peccati, siue proprii siue ex parente tracti: meritum enim mortis peccatum est. Quia verò jure quæri posset, qua de causa ergo morieris? præoccupat Christus: sed

31. Sed ut cognoscat mundus quia diligo Patrem, & sicut mandatum dedit mihi Pater, sic facio. Surgite, camus hinc.

31. \* *Surgite*, ex mensa; discumbens enim discumbentibus loquebatur: \* *eamus hinc*, ad locum, unde sum tradendus in mortem: q. d. Ecce me paratum offero ad mortem, ultrò sine merito subeundam. Non enim his d. ctis statim surrexit & abiit, ut patet ex cap. 18. v. 1. \* *Eamus ergo hinc*, ut cognoscat mundus, ex hoc scilicet quod sponte me offero adversariis meis, \* *quia diligo Patrem*, id est, quod morior non infirmitate, non aliquo reatu, non satanæ violentià, non futuri eventus ignorantia, sed purè ex Patris dilectione, itemque ex obedientia mandati ejus. Nam illam tangit addendo: \* *Et sicut mandatum dedit mihi Pater*, moriendi scilicet in cruce, \* *sic facio*. Quemadmodum enim valde inculcaverat discipulis, conjungendam esse dilectioni mandatorum observationem, ita hîc utriusque se exemplum statuit. Sic ergo videtur hic versus construendus, ut illud, *surgite, &c.* præcedat, & unus sensus ex toto illo versu fiat, sicut videtur intelligere Aug. tum hic, tum lib. 2. de peccat. merit. c. 29. v. 31. Cyril. tamen & Chrysost. cum suis, statuunt in illis ultimis verbis, *surgite, &c.* novam sententiam. Sed prius videtur nobis esse verisimilius.

## CAPUT DECIMUMQUINTUM.

1. \* **E**go sum vitis. Hic jam incipit hortari discipulos, quod valde necessarium erat, ne se umquam ab ipso, quamvis hinc discedente, hoc est, ab ejus fide & amore, avelli paterentur. \* Ego igitur sum vitis, id est, similis viti (est enim locutio allegorica) secundum humanam naturam quidem, sed quatenus unitam Deo. Nam quamvis vitis & palmites unius naturæ esse debeant, hoc est, humanæ; Christus tamen influentiam vitis suis palmitibus non præstaret, nisi simul Deus esset, ut notat Aug. \* vera, ratione effectus scilicet, quia longè nobilius & perfectius influit in palmites suos homines, succum, vigorem, alimentum, vitam, quàm vitis naturalis in sarmenta sua. Cujusmodi sensu vocatur ipse Joan. 1. v. 9. *Lux vera*, & Joan. 6. *Panis vivus*. Non quod verè sit corporalis illa lux, vel panis, sed quia tam verè, imò longè veriùs & perfectius illuminat & nutrit, quam lux aut panis. \* Et Pater meus agricola est, id est, cultor vitis & palmitum. Nulla quippe arbor tantà indiget culturâ, atque vitis. Et quamvis ipse Christus, ut Deus, etiam agricola sit, utpote unum cum Patre, convenientius tamen hoc Patri tribuebat, tum ad decorem parabolæ, in qua vitis & agricola distingui solent, tum quia ipsum nomen Patris providentiam quamdam sonat.

2. \* *Omnem palmitem in me non ferentem fructum*, id est, omnem hominem mihi, seu corpori meo, tamquam viti insitum per fidem & fraternitatis amorem (permiscet enim hic Christus parabolam cum re significata) *non ferentem fructum*, in operibus scilicet justitiæ, sed solâ fidei & religionis professione, tamquam pampinis contentum, \* *tollit eum*, id est, à compage vitis separabit tamquam inutilem palmitem. Quod sit vel eum deferendo, ut per hæreses vel schismata ab Ecclesia separaretur, in pœnam sterilitatis, vel etiam morte tollendo. \* *Et omnem qui fert fructum, purgabit eum*, putando & refecando superflua, \* *ut fructum plus afferat*. Fit hæc purgatio non solum internis, externisque admonitionibus, & increpationibus, sed in primis per adversitates, tribulationes, & persecutiones, variasque tentationes, per quas tollit ab eis Deus ignorantiam, cupiditatem animale, timores, amorisque sæculares, desideria inania, curas superfluas, idque, *ut fructum plus afferat*, quia appetitus hujusmodi vitiosi in quos vires cordis effunduntur, distinent animum, & à fructibus pietatis impediunt. Hanc generalem parabolam applicat jam præsentibus.

3. \* *Jam vos mundi estis*, id est, jam vos non solum mihi tamquam viti inserti estis, sed etiam purgati palmites, \* *propter sermonem, quem locutus sum* bis. *sum* bis.

1. Ego sum vitis  
vera : & Pater  
meus agricola  
est.

2. Omnem pal-  
mitem in me  
non ferentem  
fructum, tollit  
eum : & omnem  
qui fert fructum,  
purgabit eum, ut  
fructum plus af-  
ferat.

3. Jam vos mun-  
di estis propter  
sermonem, quem  
locutus sum vo-  
bis.



*sum vobis*, id est, per doctrinam Evangelicam, vobis à me traditam. Nam illa quoque est unum falcis genus, quo Deus utitur ad purgandos palmites. Jam hinc usque ad v. 12. instantissime septem argumentis hortatur discipulos, ut in ista vite per dilectionem Dei perseverent.

4. Manete in me: & ego in vobis. Sicut palmes non possunt ferre fructum à semetipso, nisi manserint in vite: sic nec vos, nisi in me manseritis.

4. \* *Manete in me*, perseverando in fide, in charitate, in bonis operibus; nam etiam purgati palmites subinde ad priora relabuntur, & à vite separantur: \* *& ego in vobis*, id est, ut sic ego vicissim possim perpetuò vitam & vigorem in vos influere. Deus enim non deserit, si non deseratur, ut pie semper sanctèque vivatur, inquit Aug. lib. de natura & grat. c. 26. Necessitatem autem hujusce permanfionis, & continui influxus sui declarat istà similitudine: \* *Sicut palmes non potest ferre fructum à semetipso*, id est, separatum à vite, & ex se solo, \* *nisi manserit in vite*, id est, sed tantum si manserit, & manendo vixerit, de radice ex ea succum trahens: \* *sic nec vos, nisi in me manseritis*, credendo ac diligendo. Quæ permanfio opus est quidem liberi arbitrii, sed sic tamen, ut occultiori quâdam gratiâ Deus in hominis animo operetur, ut in Christo manere velit: ne vel hoc ipsum suis viribus homo tribuat, & non gratiæ Dei. Ut autem apertius explicaret totam hanc parabolam, repetit Christus, \* *ego sum vitis, vos palmites*.

5. Ego sum vitis, vos palmites: qui manet in me, & ego in eo, hic fert fructum multum: quia sine me nihil potestis facere.

5. \* *Qui manet in me, & ego in eo*, id est, ita, ut & ego vicissim in eo maneam, per continuum gratiæ meæ influxum, \* *hic fert fructum multum*, quia illa stabilitas justitiæ perseverans nullum tempus irritum vel vacuum à bonis operibus esse finit. Qui verò à justitia excidunt, & postea revertuntur, multos dies fructibus vacuos ducunt: similes videlicet Nazaræis, quorum dies, Num. 6. v. 12. censebantur irriti, si casu aliquo, tempore suæ sanctificationis fuissent contaminati: \* *Quia sine me*, id est, sine succo seu auxilio gratiæ meæ, faciente, ut faciatis (non enim significatur hic auxilium sine quo non, sed auxilium, quo fit opus, quale est auxilium Christi, ut docet Aug. l. de corrept. & grat. c. 12.) \* *nihil potestis facere*, id est, nullum fructum vitæ dignum, sive nullum opus bonum, nec parvum, nec magnum, nec facile, nec difficile potestis non solum non perficere, sed nec facere, prout hæc omnia urget Aug. contra Pelagian. diversis locis, & in primis lib. 2. ad Bonif. c. 8. Nam per illud, *nihil*, initium finemque omnis boni operis comprehendit. Quod Apostolus clariùs ait, *Deus est, qui operatur in vobis & velle & perficere*.

6. Si quis in me non manserit: mittetur foras sicut palmes, & arefcet. & colligent eum, & in ignem mittent, & ardet.

6. \* *Si quis in me non manserit*, non solum fide, sed etiam dilectione, & operibus bonis, \* *mittetur foras sicut palmes*, id est, sicut sarmen-

tum

tum infructuosum à vite seu Ecclesiæ communionem separabitur, hoc est, omni succo gratiæ, fidei, spei spoliabitur, eo modo, quo dictum est v. 2. \* & arefcet, utpotè omni humore gratiæ amisso, quemadmodum sarmentum humi abjectum arefcere solet, \* & colligent eum, messores Angeli, quos dicit Christus alligaturos zizania in fasciculos ad comburrendum, Matth. 13. v. 30. 41. Unde & hic verbum, colliget, videtur pluralitatem eorum, qui colliguntur, indicare, & pro, eum, Græcè est eos. \* Et in ignem mittent, sicut aridis sarmentis congruit. Nam, ut Aug. unum in duobus palmiti congruit, aut vitis, aut ignis: si in vite non est, & igne erit. Ne quis autem in igne sine afflictione futuros putaret, ut quidam somniant, subjicit, \* & ardet, hoc est, ita ut mox & perpetuum ardeat. Significatur enim & ignis vehementia statim inflammantis sarmentum aridum, & ejusdem ardoris perpetuitas. Hinc & Matth. 15. ignis æternus, in quem discedere jubentur, exponitur per supplicium æternum, quod Aug. legit combustionem æternam; ne quis putaret hujusmodi in Scripturis ad terrorem dumtaxat commemorari, non ad supplicii veritatem.

7. \* Si manseritis in me, tamquam fructuosi palmites per dilectionem mihi inserti atque conjuncti, \* & verba mea in vobis manserint, non solum memoriâ, sed animi affectione & observatione. Nam, ut Aug. tunc dicenda sunt verba ejus in nobis manere, quando facimus, quæ præcepit, & diligimus quæ promisit. Hoc addidit Christus, ut significet deprecationes solas parum ad impetrandum valere, nisi operum accessione sarciantur, ut loquitur Cyprian. lib. de opere & eleemosyna. \* Quodcumque volueritis, petetis, intellige quod congruit manenti in Christo velle. Non enim par est, ut qui manet in Christo, petat aliquid, quod non congruat Christo, ut Aug. ait, vel quod non placeat Deo, ut Cyrill. unde 1. Joan. 5. v. 14. quasi explanationis loco dicitur, Quodcumque petierimus secundum voluntatem ejus, audit nos. \* Fiet vobis, id est, impetrabitis. Vide dicta cap. superiori & Matth. 7. v. 7. & 8.

8. \* In hoc clarificatus est Pater meus, id est, in hoc glorificabitur Pater meus, seu gloria ejus in eo sita est, \* ut fructum plurimum afferatis, bonorum operum, tam in vobis ipsis, quàm in aliis. Unde Christus ipse Matth. cap. 5. v. 16. quasi explicans, quod hic dixit. Sic luceat, inquit, lux vestra coram hominibus, ut videant opera vestra bona, & glorificent, &c. \* Et efficiamini, id est, & sitis isto modo, seu ista permanendi in me stabilitate, bonorumque operum fecunditate, \* mei discipuli, veri & germani. Quæphrasi dixerat cap. 8. v. 31. Si manseritis in sermone meo, verè discipuli mei eritis. Verè

7. Si manseritis in me, & verba mea in vobis manserint: quodcumque volueritis petetis, & fiet vobis,

8. In hoc clarificatus est Pater meus, ut fructum plurimum afferatis, & efficiamini mei discipuli,



enim discipulus est, qui obtinet effectum & finem discipulatus Christi.

5. Sicut dilexit me Pater, & ego dilexi vos. Manete in dilectione mea.

9. \* *Sicut dilexit me Pater*, amore videlicet maximo summum illud humanæ naturæ conferendo beneficium, ut sit in persona unita Deo: quam mirabilem susceptionem nulla ejus opera bona meruerunt, sed ex ea omnia suo tempore profluxerunt, ut notat Aug. \* *Et ego*, hoc est, ita & ego \* *dilexi vos*, magno illo beneficio, quo vos elegi de mundo, mihi que tamquam viti palmites inserui, Apostolos feci, &c. Similitudo enim, non æqualitas significatur. \* *Manete igitur in dilectione mea*, ista scilicet, quæ ego vos diligo, hoc est, manete in gratia mea, seu benevolentia mea, ut Aug. Non enim loquitur de dilectione Christi passiva, sed activa; unde & Interpres noster vertit, *dilectione mea*, non *mei*: q. d. Curate igitur, ut digni maneatis ista dilectione meâ, quæ dilexi vos, quæque vobis omnium bonorum causa est. Modum autem docens, quo possent permanere in dilectione, seu gratia sua, adjungit:

10. Si præcepta mea servaveritis, manebitis in dilectione mea, sicut & ego Patris mei præcepta servavi, & maneo in ejus dilectione.

10. \* *Si præcepta mea servaveritis, manebitis in dilectione mea*, id est, pergam vos diligere. Nam observatio mandatorum, quamvis in nobis esse non possit, nisi nos dilexerit Deus, gratiam observandi tribuendo, jam tamen exhibita, in eadem dilectione & gratia Dei nos permanere facit. \* *Sicut & ego præcepta Patris mei servavi*, quatenus homo, factus obediens usque ad mortem. Et hac de causa, \* *maneo in ejus dilectione*, eâ scilicet, quæ ipse me diligit, ut idem Aug. notat.

11. Hæc locutus sum vobis, ut gaudium meum in vobis sit, & gaudium vestrum impleatur.

11. \* *Hæc locutus sum vobis, ut gaudium meum in vobis sit*, hoc est, ut tale vestrum gaudium sit, quale meum, ut scilicet iisdem rebus, quibus ego gaudeo, & vos gaudeatis, gloriâ Dei, & profectu proximi, &c. ita Cyrill. Sed quia est oppositio inter *gaudium meum*, & *gaudium vestrum*, congruentior videtur expositio Aug. *ut gaudium meum*, quo ego gaudeo, *in vobis sit*, id est, permaneat de nobis, sicut esse cœpit. Sic enim dicimur in aliqua re gaudere, quæ nobis placet. Et hic ergo tacitè hortatur, ut sibi fide & dilectione conjuncti maneant, quæ est Christo materia gaudii, quam dignatur habere de nobis: \* & *gaudium vestrum*, quo vos in me, seu de me gaudetis, non solum augeatur, sed \* *impleatur*, id est, consummetur in æterna mecum beatitudine. Quid est enim gaudium nostrum, quod dicit implendum, inquit Aug. nisi ejus habere consortium? Jam hinc patet primum argumentum ad permanendum cum Christo v. 4. sumptum esse à sterilitate: secundum v. 5. à fecunditate: tertium v. 6. à poenæ magnitudine: quartum v. 7. à promissa utilitate: quintum v. 8. à Gloria Dei: sextum v. 9. à dilectione Christi, cui ingrati esse non debent: sep-

septimum v. 11. à mutuo amantis & redamantium gaudio. Et quia per hæc satis eos de dilectione Dei instituerat, jam pergit ad inculcandam dilectionem proximorum.

12. \* *Hoc est præceptum meum*, id est, peculiariter meum, quia mihi præcipuè cordi est, & ut paulò antè inculcatum est, præcipuè observatum volo. Nam cap. 14. vocaverat *mandatum novum*, tamquam non fuisset ante mandatum; hîc *meum*, tamquam non sit aliud ejus mandatum, inquit Aug. \* *ut diligatis invicem*, non quolibet modo, nam & homines se mutuo, ut homines diligunt, sed \* *sicut dilexi vos*, ratione scilicet tam finis, quàm modi diligendi. Finis diligendi esse debet, ut fruatur Deo: modus verò, ut non solum temporalia bona, sed etiam vita salutis eorum postponatur. Nam ad utrumque Christus præcessit exemplo suo. Quem dilectionis modum statim explicat.

12. Hoc est præceptum meum ut diligatis invicem, sicut dilexi vos.

13. \* *Majorem hac dilectionem*, id est, majus dilectionis opus, \* *nemo habet*, scilicet erga amicos, \* *ut animam suam ponat pro amicis suis*, id est, ut vitam impendat pro iis, quos diligit. Vitâ enim inter omnia, quæ alterius causâ contemni possunt, nihil habet homo pretiosius. Dicendo autem, *pro amicis*, tacitè significat, sicut & versu sequenti se animam pro discipulis tamquam amicis posuisse: cum tamen Apostolus ad Rom. 5. commendat charitatem Christi, quia pro impiis & inimicis mortuus est. Nempè quia utrumque verum est: pro amicis quidem, quia jam amici reipsa erant, quando pro eis Christus se in mortem tradidit: pro inimicis verò, quia per mortem Christi etiam ipsi discipuli, cum fuissent inimici, facti fuerant amici. Non ergo his verbis præfert Christus dilectionem amicorum dilectioni inimicorum usque ad mortem, sed mortem pro amicis toleratam præfert omnibus aliis dilectionis operibus, quæ iisdem amicis exhibentur. Nam eodem modo dicere potuisset: Majorem dilectionem nemo habet, ut animam suam ponat quis pro inimicis suis. Quamquam non sit improbable, *amicos* hîc poni generaliter pro iis, qui diliguntur ab aliquo, sive ex parte sua redament illi, & amici sint, sive non: & ita occasione illius verbi, *amicis*, transitum Christus faceret ad declarandum, quo pacto Apostoli amici sui esse possint. Sed prior sensus videtur esse probabilior, quia textus connexio satis indicat Christum de propriè dictis amicis loqui, quales esse dicit discipulos v. 14. & 15.

13. Majorem hanc dilectionem nemo habet, ut animam suam ponat quis pro amicis suis,

14. \* *Vos amici mei estis*, id est, eritis (hoc enim postulat verbum subjunctivi modi, quod sequitur) \* *si feceritis, quæ ego præcipio vobis*: hæc enim non fiunt, nisi Christum, qui nos amavit, redamando, juxta illud cap. 14. v. 21. *Qui amat mandata mea, & servat ea, ille est, qui*

14. Vos amici mei estis, si feceritis quæ ego præcipio vobis.



*diliget me.* Porro, *eritis*, intelligit permanenter, seu permanebitis: jam enim erant amici, ut patet v. seq.

15. Jam non dicam vos servos: quia servus nescit quid faciat Dominus ejus. Vos autem dixi amicos: quia omnia quaecumque audivi à Patre meo, nota feci vobis:

15. \* *Jam non dicam vos servos*, Græcè *ὅτι ἐκ ἐμῶν λέγω*, non dico; id est, non vos habeo loco servorum, \* *quia servus nescit*, seu nescire solet, \* *quid faciat Dominus ejus*, id est, quid, quo consilio facere decreverit. Non enim eis secreta domini consilia communicari solent. \* *Vos autem dixi amicos*, quia omnia mysteria ad salutem hominum pertinentia, \* *quaecumque audivi à Patre meo*, tamquam mediator & legatus ad eos missus, \* *nota feci vobis*. Cùm tamen paulò post dicat: *Multa habeo vobis dicere*, sed non potestis portare modò. Verum, Aug. notat, propter rei certitudinem utitur præsentì tempore, dicendo se nota fecisse etiam ea, quæ noverat jamjam se nota esse facturum. Hoc ergò utitur tamquam signo amicitiae, quia, idem ait ferm. 21. de verbis Domini. Illum in amicitiam recipimus, cui omnia nostra consilia refundere audemus. Ut autem intelligerent magnitudinem illius beneficii, quo gratis eis obtigerat illa prærogativa amicitiae, subjungit:

16. Non vos me elegistis: sed ego elegi vos, & posui vos ut eatis, & fructum afferatis; & fructus vester maneat: quodcumque petieritis Patrem in nomine meo, det vobis.

16. \* *Non vos me elegistis*, in amicum, vel præceptorem, vel dominum, \* *sed ego elegi vos*, ut me amaretis & sequeremini. Sed quomodo inquires? Nonne Apostoli elegerunt Dominum, & omnibus bonis hujus sæculi prætulerunt? Respondet Aug. lib. de prædestinat. Sanctorum cap. 17. & lib. de gratia & libero arbitrio c. 18. ideo hoc dici, quia non elegerunt eum, ut eligeret eos, sed, ut eligerent eum, elegit eos. Nam gratia Dei prævenit voluntatem eorum, ut ei crederent, eum eligerent, diligerent, sequerentur. \* *Et posui vos*, id est, constitui vos jam electos, \* *ut eatis*, in mundum universum, \* *& fructum afferatis*, & fructus vester maneat, id est, fructum afferatis non perituum, sed permanens in vitam æternam; nempe tam in vobis ipsis prædicantibus, quam iis, quibus Evangelium vitæ æternæ prædicabitis. Ex hoc autem consequetur, \* *ut quodcumque petieritis Patrem in nomine meo*, det vobis, quod & v. 7. dixerat. Nam fructus justitiæ quò est uberior, eò dat majorem fiduciam impetrandi.

17. Hæc mando vobis, ut diligatis invicem.

17. \* *Hæc mando vobis*, ea scilicet quæ à v. 12. huc usque dicta sunt; est enim conclusio præcedentium. Hæc igitur idcirco dixi vobis, \* *ut diligatis invicem*, eo scilicet modo, quo ego vos dilexi, animam meam pro vobis ponendo, & gratuitis beneficiis præveniendo. Stabilito igitur amore inter eos mutuo, pergite eos armare adversus odia & persecutiones mundi.

18. Si mundus vos odit, scitote quia me priorem vobis odio habuit.

18. \* *Si mundus vos odit*, non sit vobis hoc novum aut molestum, sed solatii loco, \* *scitote*, quia me priorem vobis odio habuit, id est, prius quam

quàm vos , quamvis innocentem Filium Dei , qui mundum perpetuis affeci beneficiis. Recusat enim esse in corpore , qui non vult odium mundi sustinere cum capite , inquit Aug.

19. \* *Si de mundo fuissetis* , id est , si essetis de numero mundanorum hominum , moribus & vitâ illis similes , in quibus videlicet nihil regnat nisi concupiscentia carnis , concupiscentia oculorum , & superbia vitæ : \* *mundus quod suum erat diligeret* , tamquam sibi similes , quia similitudo est causa amoris . \* *Quia vero de mundo non estis* , neque propriis cupiditatibus mundi immersi , neque lactandis alienis cupiditatibus servientes \* *sed ego* , per gratiam meam , \* *elegi vos de mundo* , fide , moribus , studio vos sequestrando ab eorum numero , qui diligunt mundum , \* *propterea odit vos mundus* , tamquam sibi dissimiles , quorum vitâ & moribus tacitè redarguitur. Hoc autem ne vobis molestum videatur , aut nimis iniquum , remedii loco ,

20. \* *Mementote sermonis mei* , quem dixi vobis , tum cap. 13. tum Matth. 10. \* *Non est servus major Domino suo* , id est , non solet pluri fieri : ut proinde nec indignari , nec gravari debeatis , si ea servis tolleranda sint , quæ priùs tolerare dignatus est Dominus. Quapropter \* *si me persecuti sunt* , & vos persequentur , quia , ut Matth. 10. v. 25. dicitur , *Si patrem familias Beelzebub vocaverunt* : cum ei longè major debeatur reverentia : *quantò magis domesticos ejus ?* \* *Si sermonem meum servaverunt* , id est , doctrinam , monita , præcepta mea , \* *& vestrum servabunt* . Ubi è contrario sensu relinquit intelligendum : Atqui meum non servaverunt , sed contempserunt , ergo & vestrum. Ut proinde non debeat vobis mirum videri , aut animum vestrum dejicere.

21. \* *Sed hæc omnia* , quæ dixi de odio & persecutione vestri , de contemptu sermonis vestri , inquit Aug. \* *facient vobis propter nomen meum* , id est , non aliquâ culpâ vestrâ , sed quia me in vobis odio habebunt , me in vobis persequentur. Quod quia maximæ erat injustitiæ , idèò tamquam maximi solatii , & patientiæ causam eis suggerit : qui tantò beatiore , qui propter nomen hoc meum ista patiuntur , quantò miseriore , qui propter hoc nomen ista faciunt. Idèò autem facient hæc vobis propter nomen meum , \* *quia nesciunt eum* , qui *misit me* , id est , eum cujus personam gero in peragendo isto magno incarnationis & legationis meæ mysterio , Patrem scilicet , & consequenter me esse Filium ejus , ab eo missum. Quibus verbis non excusat eos , sed potius taxat eorum affectatam ignorantiam , & incredulitatem , prout probat v. seq.

22. \* *Si non venissem* , ad Judæos , quibus promissus fui , \* *& non locutus eis fuissetem* , id est , non prædicassetem eis , eaque prædicatione pro-

19. Si de mundo fuissetis, mundus quod suum erat diligeret : quia vero de mundo non estis, sed ego elegi vos de mundo, propterea odit vos mundus.

20. Mementote sermonis mei, quem ego dixi vobis : Non est servus major domino suo. Si me persecuti sunt, & vos persequentur : si sermonem meum servaverunt, & vestrum servabunt.

21. Sed hæc omnia facient vobis propter nomen meum : quia nesciunt eum, qui misit me.

22. Si non venissem, & locutus fuissetem eis, peccatum non haberent : nunc autem excusationem non habent de peccato suo.



bassem multis modis me esse Filium Dei, & missum à Deo, \* *peccatum non haberent*, non quodlibet, cùm etiam ante adventum Christi pleni essent multis magnisque peccatis; sed peccatum intelligit incredulitatis, quo in eum tamquam in Christum coram positum & probatum non crediderunt, ut Aug. tum hîc, tum lib. 3. ad Bonif. c. 3. & consequenter intelligit peccatum odii, & persecutionis Christi usque ad ipsum deicidium, ut idem lib. de grat. & libero arbit. c. 2. \* *Nunc autem excusationem non habent de peccato suo*, quia detractus est eis penitus omnis prætextus ignorantiae, ex quo familiare est hominibus dicere, si scivissem, fecissem, ut idem notat. Nam usque adeo manifestum fuit, eos noluisse credere, ut studio non credendi ignorare affectaverint eum esse Filium Dei.

23. Qui me odit:  
& Patrem meum  
odit.

23. \* *Qui me odit*, in natura, in doctrina, in consiliis reformandi homines, in operibus, \* *& Patrem meum odit*, cujus autoritate missus sum, & loquor, & me uti Christum gero; quia scilicet ejusdem est naturæ, doctrinæ, consilii, operum. Quæ verba interferit duobus versibus idem tractantibus, ne leve peccatum eorum esse putaretur.

24. Si opera non  
fecissem in eis,  
quæ nemo alius  
fecit, peccatum  
non haberent:  
nunc autem &  
viderunt, & ode-  
runt & me, &  
Patrem meum.

24. \* *Si opera non fecissem in eis*, seu coram oculis ipsorum, \* *quæ nemo alius fecit*, tam scilicet admiranda, tam multa, tam assidua, tam hominibus utilia, tantâ potestate & facilitate: quas conditiones operum hîc meritò ponderat Aug. quia Prophetæ multa quoque miranda patrarunt, sed nemo umquam Prophetarum similia fecit; ut sanè maximam gratiam & benevolentiam auctori suo conciliare debuissent, ut idem ait lib. de utilit. credendi c. 16. \* *peccatum non haberent*, tantæ videlicet pervicaciæ & ingratitude, cui nullum aliorum hominum peccatum æquiparari potest: nam hujusmodi opera Christum etiam facturum esse Prophetæ vaticinati fuerant, ut magis & hinc essent inexcusabiles. \* *Nunc autem & viderunt*, supple ex sequentibus, \* *me & Patrem*: Me quidem in proprio corpore, mirandis operibus probantem, me esse Filium Dei, & beneficiorum magnitudine, cultus majestate, sermonum benignitate ad vicissitudinem amoris provocantem: Patrem verò, quatenus viderunt non posse ista à quocumque fieri, nisi esset Deus cum eo: \* *& tamen his non obstantibus, & oderunt & me & Patrem meum*, qui per me virtutem & operationem, & benignitatem suam exeruit. Hoc autem nullâ quidem culpâ meâ contingit,

25. Sed ut adim-  
pleatur scriptura,  
qui in lege eo-  
rum scriptus est:  
Quia odio ha-  
buerunt me gra-

25. \* *Sed ut adimpleatur sermo, qui in lege eorum scriptus est*, id est, in Scripturis illi populo datis, & ab eo in pretio habitis: ita ut propriæ legis, de qua superbi sunt, censurâ perstringantur, \* *quia odio habuerunt me gratis*, id est, absque ulla omninò causa, sed ex invidia,

dia, puraque malitia. Citat autem verba Psalm. 34. ubi David ex persona Christi loquebatur.

26. \* *Cum autem venerit, &c.* Hoc addit, ut significet illud odium, quod mendaciter à Judæis Dei zelo palliatum fuerat, non semper sine redargutione mansurum, sed suo tempore convincendum. \* *Cum ergo venerit Paracletus, quem ego mittam vobis*, quo significat Spiritum Sanctum à se procedere, quia divinæ personæ non mittuntur, nisi à principio à quo procedunt, \* *à Patre*, mihi per generationem communicante mittendi potestatem, simulque mittente. Quod posterius quia obscurius significatum fuerat, ne putaretur Pater mittendi potestatem à se in Filium transtulisse, adjungit: \* *Spiritum veritatis*, id est, Spiritum Filii, qui est veritas in Patre subsistens, vel *veritatis*, id est, veracem, veritatisque doctorem, \* *qui à Patre procedit*, tamquam primo originali principio simul mittente, \* *ille testimonium perhibebit de me*, de divinitate mea, de innocentia mea, quod sine culpa, imo bene meritis, odia & persecutiones toleraverim. Incepit hoc testimonium perhibere, Primò invisibiliter, cum repente mutavit mentem Centurionis, & per ipsius os testatus est in passione, *verè Filius Dei erat iste*. Secundò visibiliter in die Pentecostes, cum tantâ efficacîâ testificatus est, ut millia Judæorum fidem divinitatis & innocentiae Christi receperint. Quæ testificatio Spiritûs S. quia non tantum intus in cordibus Judæorum, sed & per os discipulorum facta fuit, hinc addit:

27. \* *Et testimonium perhibebitis*, de eadem divinitate & innocentia mea: sicut eos efficacissimè & luculentissimè fecisse testatur c. 2. & 3. Act. Unde Act. 4. v. 20. dicunt, *Non possumus quæ vidimus & audivimus non loqui*, \* *quia ab initio mecum estis*, à baptismo scilicet Joannis usque in diem assumptionis, sicut explicat S. Petrus Act. 1. v. 21. q. d. Jure vestro, & meritò id poteritis testimonium reddere, ut qui ab initio mihi familiariter juncti, & ingressum egressumque meum observantes, habetis totam vitam meam, & innocentiam exploratissimam.

26. Cum autem venerit paracletus, quem ego mittam vobis à Patre, spiritum veritatis, qui à Patre procedit, ille testimonium perhibebit de me:

27. & vos testimonium perhibebitis, quia ab initio mecum estis.

## CAPUT DECIMUMSEXTUM.

I. \* **H**æc locutus sum vobis, de odio vestri & persecutionibus, & Judæorum incredulitate, \* *ut non scandalizemini*, id est, ut non offensi tot adversitatibus tamquam inexpectatis, à fide mea, vel à patientia, vel ab officio vobis imposito decidatis. Nam, ut Cyrill. quod inexpectatum præter opinionem subito irruit, magnos etiam plerumque animos turbat. Tela verò prævisa minus feriunt. Itaque duo per-

I. Hæc locutus sum vobis, ut non scandalizemini.

secu-



secutionum genera graviora proponit : unum pertinens ad summam ignominiam , alterum ad maximam pœnam.

2. Absque synagogis facient vos : sed venit hora , ut omnis qui interficit vos , arbitretur se obsequium se præstare Deo.

2. \* Absque Synagogis , Græcè uno verbo ἀποσυναγώγης , exortes synagoga , \* facient vos , expellendo scilicet vos à synagogis , tamquam seductores , & Judæis execrabiles. Neque hoc tantum , \* sed venit hora , seu brevi aderit , \* ut omnis , qui interficit vos , arbitretur se obsequium præstare Deo , utpote credens , quod deserant Deum Israël , quorquot convertuntur ad me , zelo scilicet incitatus non secundum scientiam. Prædicatur enim hîc persecutio Apostolis imminens , non à Gentilibus , qui diis seu dæmoniis obsequium se præstare credebant , cùm hoc facerent ; sed à Judæis , verum Deum colentibus , ut observat Aug.

3. & hæc facient vobis , quia non noverunt Patrem , nec me.

3. \* Et hæc facient vobis , quia non noverunt Patrem , sub ratione Patris mei , hoc est , quia non noverunt Deum verum esse Patrem meum ; noverant enim eum sub ratione Dei , Christo eis dicente c. 8. v. 54. Quem vos dicitis , quia Deus vester est. \* Neque me , tamquam Filium ejus incarnatum.

4. Sed hæc locutus sum vobis : ut cum venerit hora eorum , reminiscamini quia ego dixi vobis.

4. \* Sed hæc locutus sum vobis , id est , prophetice hæc omnia prædixi , \* ut cùm venerit hora , tempus scilicet , quo reipsa vobis accident , \* eorum reminiscamini , quia ego dixi vobis , id est , recordemini me vobis ea prædixisse , ut ita veritas vaticinii mei fidem divinitatis meæ confirmet vobis , armetque ad patientiam.

5. Hæc autem vobis ab initio non dixi , quia vobiscum eram. Et nunc vado ad eum , qui misit me ; & nemo ex vobis interrogat me , Quo vadis ?

5. \* Hæc autem vobis ab initio non dixi. Et tamen Matth. 10. v. 17. & seqq. similia eis prædicta legimus. Unde quidam putant illa fuisse à Matthæo per anticipationem temporis dicta , quia prædicta tantum tempore passionis : sed hoc perabsurdum est , ut patet ex Matthæo 11. v. 1. Itaque Aug. illud hæc , refert ad id , quod prædixerat de Paracleto mittendo. Sed reverà contextus omninò videtur postulare , ut illud hæc , hujus versûs referatur ad eadem , ad quæ refertur illud , hæc , quod habetur v. 3. itemque 4. de iisdem enim loquitur ; & certum videtur , quòd priora ad persecutiones referantur. Itaque , hæc , intellige proximè prædicta de ejectione à synagogis , de morte ipsorum Apostolorum determinatè , & quidem tanta cum rabie , ut obsequium se putent præstare Deo. Nam prædictiones apud Matth. generales sunt , & de omnibus quidem discipulis Christi ; hæ verò speciales. \* Quia vobiscum eram , hoc est , quia præsentia mea corporalis faciebat , ut non esset tunc adhuc necessarium , tum quia impediēbam , ne acciderent vobis , tum quia non erat opus ante tempus vos terrefacere. \* Et tunc Græcè νῦν δὲ , nunc verò , \* vado ad eum , qui me misit , & proinde non expedit ultrà differre id , quod præscire vobis necessarium est ; \* & nemo ex vobis interrogat me. Verba sunt quasi mirantis

is eorum taciturnitatem : q. d. Cùm audiatís me hinc discedere, mĩrum est neminem vestrũ amplius instare interrogando , \* *quò vadis?* id est, in quem locum, qua de causã, quo consilio, quo fructu, quid facturus ? &c. sicut ab abeuntibus, amici solent.

6. \* *Sed quia hæc locutus sum*, de discessu meo, & malorum acerbitate, \* *tristitia implevit cor vestrum*, ita ut attoniti sitis, & de aliis rebus interrogare vel cogitare non occurrat, vel non lubeat. Est enim suavis excusatio taciturnitatis eorum, ut Cyrill. notavit. Ut ergò tolleretur mœrorem ex animis eorum, subjungit :

7. \* *Sed ego veritatem dico vobis : expedit vobis, ut ego vadam*, q. d. Absentia mea corporalis non debet vobis esse mœrore, sed magno potius solatio, cùm vobis sit futura utilissima. Ratio est, \* *si enim non abiero, Paraclitus*, id est, consolator ille toties jam à me promissus vobis, \* *non veniet ad vos*, ut vobis copiosisque donis suis perfundat, & in virtute perficiat. Causa triplex hujus dilationis. Prima, quia placuit Deo, ut ad plenitudinem gratiæ spiritualis etiam Apostoli paulatim pertingerent, ut latè Tertul. lib. de velandis virginibus c. 1. Secunda, ut distinctè ac sigillatim mysterium trium personarum mundo innotesceret, ut indicat hic Aug. Pater per mundi creationem ac gubernationem, Filiusque missionem; Filius per carnis assumptionem; Spiritus sanctus per visibilem donorum profusionem. Tertia, ut abundantia Spiritus sancti in homines ostenderetur esse fructus mortis & glorificationis Christi, prout indicatur Joan. 7. v. 39. Ideoque & hĩc subjungit, \* *si autem abiero*, resuscitatus in cælum, \* *mittam eum ad vos*, ut & certissimi sitis de adventu futuro ejus, & ut glorificationis mortisque mœæ fructum agnoscatís. Quæ verò etiam in publicum utilitas inde consecutura sit, consequenter explicat.

8. 9. \* *Et cum venerit ille, arguet mundum de peccato &c.* Locus admodum perplexus, in cujus enodatione duæ ferè sunt sententiæ celebriores. Prima Aug. & Bedæ, cui ex parte Cyrillus adhæret. Secunda Chrysostomi cum suis. Aug. quidem intelligit quod Spiritus sanctus \* *arguet mundum*, id est, perspicuis argumentis vincet mundum, seu mundanos homines, \* *de peccato incredulitatis*. \* *quia* ut sequitur, \* *non crediderunt in me*, quod de Judæis potissimum intelligitur, juxta versum 22. c. 15. \* *Et de justitia*, id est, per justitiam, scilicet credentium : quia, inquit, fidelium comparatio infidelium est vituperatio, quod eam non sint imitari. Quem sensum Aug. ex eo colligit, quia sermone ad Apostolos credentes converso, rationem subjungit :

10. \* *Quia ad Patrem vado, & jam non videbitis me.* Justa enim Apostolorum, & fidelium omnium in eo sita est, ut credant in eum, quem non vident.

6. Sed quia hæc locutus sum vobis, tristitia implevit cor vestrum.

7. Sed ego veritatem dico vobis : expedit vobis ut ego vadam si enim non abiero, Paraclitus non veniet ad vos : si autem abiero, mittam eum ad vos,

8 Et cum venerit ille, arguet mundum de peccato, & de justitia, & de judicio.  
9. De peccato quidem, quia non credide-  
runt in me :

10. de justitia verò, quia à Patre vado & jam non videbi-



11. de iudicio  
autem, quia prin-  
ceps huius mun-  
di jam iudicatus  
est,

11. \* *De iudicio autem*, id est, de condemnatione : quia mundus cum suo principe damnatur, quem imitatur, \* *quia princeps huius mundi jam iudicatus*, seu damnatus \* *est*. Quæ interpretatio quia aliqua ex parte durior videtur, hinc aliis magis placet sententia Chrysostomi, qui exponit, quod Spiritus sanctus \* *arguet*, seu perspicuè convincet \* *mundum*, tam Judæos, quàm Gentes, \* *de peccato*, infidelitatis, quo non credunt in Christum, \* *& de iustitia* ipsius Christi, id est, convincet Christum esse iustum & innocentem, inò omnis iustitiæ in hominibus authorem. Quod ex eo demonstrabitur, \* *quia ad Patrem vado*, & *jam non videbitis me*, in ista scilicet carnis infirmitate & contemptu, ut prius. Nam antea habebat aliquid, quod incredulitati suæ prætexere possent. Sed postquam resurrexit, & tamquam Deo gratissimus ascendit ad Patrem gloriosus, nihil fuit excusationis reliquum, quin eum & innocentem & iustum, & omni humano generi iustitiæ authorem esse crederent, per cuius fidem & ipsi homines iustificari possent. \* *De iudicio autem* convincet mundum, ut scilicet se iudicio ac damnationi obnoxium esse intelligat, \* *quia princeps huius mundi*, diabolus, cui tamquam principi mundus peccati meritò subiectus, \* *jam iudicatus est*, id est, damnatus à Deo, quatenus suo in homines dominio per iustitiam Christi spoliandus, & iudicio ignis æterni irrevocabiliter destinatus est. Per hoc autem ostendetur etiam mundum cum suo principe damnandum esse, qui eum adhuc superbum & impium imitari voluerit. Utitur autem præterito tempore pro futuro, quod jamjam instabat.

12. Adhuc multa habeo vobis dicere : sed non potestis portare modo,

12. \* *Adhuc habeo multa vobis dicere*, id est, dicenda seu explicanda, & ut S. Leo serm. 2. de Pentecoste, enarranda. Ut proinde non significet aliam eis veritatem ac doctrinam esse prædicandam, inquit idem, sed eandem enucleatius percipiendam. Et hæc sunt profundiora, quæ in ipsis rebus etiam revelatis continentur. \* *Sed non potestis portare modo*, id est, intelligere, propter incapacitatem vestram, quæ per illam Spiritus sancti affluentiam tollenda est. Ut enim nonnulla mysteria, quæ creduntur, etiam intelligantur, non est satis fidelem esse, sed profecisse oportet in Spiritu. Quare ut eos redderet non desperando frigidiores, sed desiderando capaciores, spem certam facit, eorum cognitionem eis per Spiritum sanctum esse tradendam.

13. Cum autem venerit ille Spiritus veritatis, docebit vos omnem veritatem : non enim loquitur à seipso : sed quæcumque audiet loquetur, & quæ ventura sunt annuntiabit vobis,

13. \* *Cum autem venerit ille Spiritus veritatis*, id est, verax, vel *veritatis*, id est, Filii Dei, qui est Veritas, & à Veritate, quia Deus de Deo, \* *docebit vos*, absque verborum involucribus, per infusa vobis dona scientiæ & sapientiæ (nam per illa fit ipse homo intrinsecus capaxior) \* *omnem veritatem*, non de futuris eventibus, vel de occultis natu-

naturalis Philosophiæ difficultatibus, sed omnem veritatem eorum, quæ ad instruendam Ecclesiam, & ad perficiendos homines in fide & bonis moribus erunt necessaria: hoc est, quidquid veritatis in verbis atque institutis meis, & in Scripturis latet. Nam eorum intellectus à Spiritu Sancto eis datus est, & in illis, comprehenditur, quidquid ad fidem & bonos mores instruendos, & ad Ecclesiæ gubernationem requiritur. Itaque singulis personis sua assignat munia, ut Verbum caro factum disciplinam veritatis traderet ore suo, Spiritus verò Sanctus ejusdem intelligentiam daret; partim ut sic homo ab externo auditu incipiendo, ad rerum scientiam ordine quodam proficeret: partim, ne, si Spiritus S. sine externo Verbi incarnati ministerio novas veritates revelasset, occasionem majorem inde arriperent hæretici, sicut quidam postea fecerunt, dicendi hæc vel illa novæ fidei mysteria à Spiritu S. de novo esse inspirata. Qua de re vide latius Aug. tract. 97. & 98. Dans verò rationem, cur *spiritum veritatis* appellasset, & simul occurrens errori, quo quis putare posset Spiritum, qui docturus erat omnem veritatem, quam Filius nondum explicuisset, esse majorem Filio, vel aliena & contraria doctrinæ fidei docturum, opportunè subjicit: \* *non enim loquitur à semetipso*, quia non est à semetipso, & proindè nihil loquetur veritati seu Filio, à quo est, dissenteum. Nam sicuti de semetipso dixerat c. 14. v. 10. *A me ipso loquor*, hoc est, nihil præter Patris voluntatem, nihil à me inventum, Patrique contrarium; ita etiam de Spiritu veritatis, \* *sed quæcumque audiet, loquetur*, id est, nihil præterquam quod audiet, seu quod intelliget, seu accipiet ex me. Nam ab illo audiet, à quo procedit. Audire autem illi est scire; scire verò, esse. Quia ergo non est à semetipso, sed à Filio, consequenter à quo est illi essentia, ab illo & scientia & locutio: ab illo igitur & audientia, quæ nihil est aliud quam scientia, prout hæc tractat Aug. \* *Et quæ futura sunt*, maximè ea, quæ spectant ad pericula fidelium vitanda, fidemque confirmandam, \* *annuntiabit vobis*, id est, longè ante prædicet. Per quod, interprete Chrysost. animos eorum excitavit, quia ad nihil tam cupidum est humanum genus, quàm ad futura cognoscenda.

14. \* *Ille me clarificabit*, id est, celebrem gloriosumque reddet toto orbe terrarum, secundum naturam & humanam & divinam, quia revelabit fidelibus, quanta sit virtus, & potentia divinitatis Christi. Hoc autem dixit Spiritum facturum, quod Apostoli per Spiritum facturi erant. \* *Quia de meo accipiet*; & *annuntiabit vobis*, id est, quia id, quod annuntiabit vobis, scilicet omnem etiam de futuris rebus veritatem, accipiet de meo, hoc est, de me, seu de plenitudine & in-

14. Ille me clarificabit: quia de meo accipiet, & annuntiabit vobis.



finito thesauro divinitatis & sapientiæ meæ. Per quod significat Spiritum S. & à se procedere, & sibi consubstantialiorem esse. Utrumque notat Cyrill. Ne verò crederetur Filius dixisse quod hoc, *suum*, de quo Spiritus S. acciperet, haberet à se, & ita detraxisset aliquid Patris gloriæ, subjecit:

15. Omnia quæcumque habet Pater, mea sunt. Propter hæc dixi: quia de meo accipiet, & annuntiabit vobis.

15. \* *Omnia quæcumque habet Pater*, potentiam, sapientiam, veritatem, essentiam, quæcumque scilicet in illa simplici divina natura multipliciter continentur. Per hoc autem, quod non dicit, *Deus*, sed *Pater*, insinuat illud, *Omnia*, de iis intelligi debere, quæ sunt naturæ, non personæ, quia persona habet naturam; ut sic Sabellianus error excludatur, sicut notavit Didymus lib. 2. de Spiritu S. \* *Mea sunt*, non gratiâ, sed naturâ, non aliquid quasi mihi jam existenti donatum possidendo, sed nascendo. Itaque \* *propterea*, id est, hoc sensu, \* *dixi: quia de meo accipiet*, nimirum ne ullo modo videar mihi quidquam omnino vindicare, quod non habeam à Patre. In quo lucet mirabiliter, quantopere & quàm accuratè deferat Filius Patri etiam secundum divinam naturam. Sed quid miramur si defert Patri, qui subditur etiam matri? ut Ambr. lib. 2. in Luc.

16. Modicum, & jam non videbitis me: & iterum modicum, & videbitis me: quia vado ad Patrem. 17. Dixerunt ergo ex discipulis ejus ad invicem: Quid est hoc, quod dicit nobis: Modicum, & non videbitis me: & iterum modicum, & videbitis me, & quia vado ad Patrem?

18. Dicebant ergo: Quid est hoc, quod dicit, Modicum? Nescimus quid loquimur.

19. Cognovit autem Jesus, quia volebant eum interrogare, & dixit eis: De hoc quæritis inter vos, quia dixi, Modicum, & non videbitis me: & iterum modicum, & videbitis me.

16. \* *Modicum*, id est, pusillum adhuc temporis spatium est, \* & *jam non videbitis me*, id est, post quod non amplius me videbitis conversantem vobiscum, quia scilicet per mortem subtrahar oculis vestris: \* & *iterum*, supple, simile quid continget, videlicet \* *modicum* temporis erit, \* & *videbitis me*, id est, quo exacto rursus redivivum me videbitis. Itaque primum illud, *modicum*, completitur tempus, quod restabat usque ad passionem, paucarum scilicet horarum: secundum verò, *modicum*, completitur tempus à morte usque ad resurrectionem. Ita sentiunt Cyrill. & Aug. qui tract. 101. hoc exponens, Post paululum, inquit, passus est, & non viderunt eum: rursus post paululum resurrexit, & viderunt eum. Nam phrasis ista, *modicum* &, significat, *post modicum*, sicut patet Aggæi 2. v. 7. *Adhuc unum modicum est, & movebor, &c.* & Osæ 1. v. 4. *Adhuc modicum, & visitabo sanguinem.* Quod bene notandum, propter diversos sensus, in quos hæc verba trahuntur. \* *Quia vado ad Patrem*, id est, quia jam jam instat tempus, quo per mortem & resurrectionem intercedentem mihi eundem est ad Patrem. Et sic datur ratio utriusque brevis intervalli, scilicet mox sublata, & statim redditæ visionis: idque sive *ire ad Patrem* accipiatur pro ascensione, quam mors & resurrectio debebant, ut diximus, antecedere, sive etiam, ut aliqui malunt, pro ipsa immortali resurrectione, sed minùs congruè ad istam phrasim Scripturæ. Cùm ergò discipuli non intelligerent, quid sibi vel-

lent

lent ista verba, quæ obscuritatem adferebant, eò quòd tamquam prophetica nondum essent impleta, dixit Dominus :

20. \* *Amen amen dico vobis*. Est vehementissimè confirmantis, per illam repetitionem : quod frequentius in Evangelio secundum Joannem invenitur, quia, ut Ambr. in Psal. 40. ipse maximè de cælestibus & profundis mysteriis est locutus. \* *Quia plorabitis & flebitis vos*, scilicet post illud primum *modicum*, quando per mortem auferar à vobis : \* *mundus autem*, Judæi, amici huic mundo, & interfectores mei, \* *gaudebit*. Lætati enim sunt occiso Christo, quando discipuli sunt contristati, inquit Aug. \* *sed tristitia vestra vertetur in gaudium*, post illud secundum *modicum*, quando me iterum videbitis ex mortuis resuscitatum. Itaque non explicat Christus quæstionem discipulorum, neque quid esset illud *modicum*, neque quando implendum, utpotè quod illos ex eventu potius discere volebat : sed explicat, quid ipsis interim esset eventurum. Porro vicissitudinem illam gaudii post eorum tantam tristitiam declarat similitudine :

21. \* *Mulier cum parit*, &c. supple, *sicut*, quod apud Hebræos sæpissimè supprimitur, quemadmodum & sequenti versu deest, *ita*, vel ejus loco positum est, *igitur* : q. d. Tristitiam, doloresque capietis in morte mea, sed quales sunt dolores puerperarum, qui lætitiæ causa sunt, omnem non solum tristitiam, sed etiam memoriam ejus absorbentis. Sic igitur

22. \* *Et vos nunc quidem tristitiam habetis*, id est, mox habebitis in passione & morte mea, post primum scilicet illud *modicum*, quando non videbitis me : \* *iterum autem videbo vos*, statim à morte & sepultura mea, post secundum illud *modicum* exactum, \* *& gaudebit cor vestrum*, id est, ex intimo corde gaudebitis de me immortaliter resuscitato, sicut patet Joan. 20. \* *& gaudium vestrum nemo tollet à vobis*, id est, nemo tollere poterit ; & proinde perpetuum erit de me vivo, florente, ac triumphante. Significat enim quòd resurgens à mortuis non morietur amplius, & mors illi ultra non dominabitur, sicut Aug. & Chrysost. notant. Porro idem Aug. alio sensu ab eo, quem prius dederat, & post illum Beda, accipiunt illud primum *modicum* pro tempore à morte usque ad ascensionem, post quam non essent amplius visuri Christum, sed tristes futuri in miseriis & laboribus hujus mundi : secundum verò *modicum* accipiunt tempus totum usque ad resurrectionem universalem, post quam eum iterum visuri erunt, & æterno incorruptili gaudio gavisuri in cælo. Et intelligunt consequenter diem, in quo lumine gloriæ illustrati nihil interrogabunt amplius, ipsâ scilicet manifestatione æternæ veritatis scientes omnia.

Sed

20. Amen, amen dico vobis : quia plorabitis, & flebitis vos, mundus autem gaudebit : vos autem contristabimini, sed tristitia vestra vertetur in gaudium.

21. Mulier cum parit, tristitiam habet, quia venit hora ejus : cum autem pepererit puerum, jam non meminit pressuræ propter gaudium, quia natus est homo in mundum.

22. Et vos igitur nunc quidem tristitiam habetis, iterum autem videbo vos, & gaudebit cor vestrum : & gaudium vestrum nemo tollet à vobis.



Sed ad primum sensum continuandum convertendo subjicit Christus :

23. Et in illo die  
me non rogabitis  
quidquam. Amen,  
amen dico vobis : si  
quid petieritis  
Patrem in nomine  
meo dabit vobis.

23. \* *Et in illo die*, id est, illo tempore, quo resuscitatus fuero, \* *non rogabitis quidquam*, id est, non interrogabitis me amplius. Respicit enim ad diem Pentecostes, quo Spiritus Sancti lumine illustrati nihil opus habuerunt amplius, os Christi secum loquentis consulere. Ita Chrysost. & ferè Græci. \* *Amen, amen dico vobis : si quid petieritis Patrem*, post subtractam vobis præsentiam meam corporalem, \* *in nomine meo*, id est, per me tamquam redemptorem, mediatorem, & caput. Nam ut redemptor, sanguine suo nosemit, & meritis suis omnia salutis nostræ necessaria nobis procuravit : ut mediator, insuper in dextera Dei Patris interpellat pro nobis : ut caput nostrum, ipsemet in membris suis accipit illa, quæ petimus. Quâ ratione dicit Psalmus, *Accepisti dona in hominibus*. Quæ tria simul juncta ineffabilem obtinent vim ad impetranda postulata. \* *Dabit vobis*. De cujusmodi promissionum intelligentia jam sæpe diximus.

24. Usque modo  
non petistis quid-  
quam in nomine  
meo : Petite, &  
accipietis, ut gau-  
dium vestrum sit  
plenum,

24. \* *Usque modo non petistis quidquam in nomine meo*, id est, hætenus non petivistis quidquam à Patre in nomine meo, tamquam redemptoris, mediatoris, & capitis vestri, quia, ut rectè Cyrill. hic orandi ritus priscis omnibus ignotus fuit, quia nondum peracta redemptio, neque confessus ad dexteram, neque dignitas capitis ei delata fuerat. Unde nec Christus Apostolis illum orandi ritum nisi jamjam moriturus tradidit, ut Patri post glorificationem suam offerretur : quem propterea Ecclesia ex hac Domini institutione in omnibus suis precibus frequentat. Itaque deinceps, \* *petite*, in nomine scilicet meo, \* *&*, experti talis efficaciam petitionis, \* *accipietis*, ut gaudium vestrum sit plenum, tum in hac vita impetrando postulata, quæ ad sanctificationem vestram faciunt, tum in futura, quæ ad glorificationem. *Gratiam enim & gloriam dabit Dominus*, ut est Psalm. 83.

25. Hæc in pro-  
verbiis locutus  
sum vobis. Venit  
hora, cum jam  
non in prover-  
biis loquar vo-  
bis, sed palam de  
Patre annuntiabo  
vobis.

25. \* *Hæc in proverbii locutus sum vobis*, id est, tamquam per proverbialia & parabolas, sermone videlicet obscuriore, & qui non facile à discipulis capiebatur, ut Cyrill. quia ferè de rebus futuris locutus fuerat, de orando in nomine suo, de abitu & reditu suo, de Patre & Paracleto, de illo modico &c. Sed ne vos contristet sermonis obscuritas, \* *venit hora, cum jam non, &c. sed palam de Patre annuntiabo vobis*, id est, de Deo & rebus divinis disseram vobis apertissime. Respicit enim ad illos dies quadraginta, quibus post passionem cum ipsis conversatus est, & ad missionem Spiritus Sancti, qui eos docturus erat omnia. Primum Chrysost. secundum notat Aug.

26. In illo die in  
nomine meo pe-  
tetis, & non dico  
vobis quia ego  
rogabo Patrem  
de vobis :

26. \* *In illo die*, seu tempore peractâ scilicet redemptione & obtentâ mediatoris & capitis jam glorificati dignitate, \* *in nomine meo petetis*,

petetis, quia tunc cœpit ille modus orandi invalescere: \* *Et non dico vobis, quia ego rogabo Patrem de vobis.* Non quasi significet Christus, se nullo modo in cœlis pro eis rogaturum, cum constet eum hoc facere ex c. 8. ad Rom. v. 34. & ad Hebr. 7. v. 25. & ibid. c. 9. v. 24. sed significat se jam nolle facere mentionem illius interpellationis suæ, ne putarent discipuli nullam omninò habendam esse rationem à Patre precum etiam suarum propriarum, sed aliquid ampliùs se ad eorum consolationem velle dicere, videlicet quòd etiam se non petente impetrabunt.

27. \* *Ipse enim Pater amat vos*, ut proinde ultrò ex isto amore au- 27. Ipse enim Pa-  
res ejus attentè sint ad preces vestras. Significat ergo merita tam dis-  
cipulorum, quàm Christi ad eundem fructum orationis obtinendum  
concurrere; tantùm abest, ut, quod hæretici dicunt, meritis nostris  
merita Christi obscurantur: sicut nec precibus nostris preces Christi  
& bonitas Dei obscurantur, quando ad eundem effectum concur-  
runt, sicut concurrebant, cùm diceret Deus 4. Reg. 20. v. 6. *Pro-*  
*tegam urbem istam propter me, & propter David servum meum.* Idè au-  
tem Pater amat vos, \* *quia vos me amastis*, id est, quia genuini estis  
discipuli, & amici mei; quamvis eos jam ante Pater amore suo præ-  
venisset, ut amici fierent: \* *Et credidistis, quia ego à Deo exivi*, id est,  
quòd ex Deo tamquam Verbum & Filius natus sum, juxta illud Eccl.  
24. *Ego ex ore Altissimi prodivi.*

28. \* *Exivi à Patre*, æternâ generatione nascendo tamquam verus 28. Exivi à Patre,  
Filius ejus, \* *Et veni in mundum*, naturam humanam assumendo ex  
Virgine: \* *iterum relinquo mundum*; corporali discessione, \* *Et vado ad*  
*Patrem*, per ascensionem in cælum.

29. \* *Dicunt ei discipuli: Ecce nunc palam loqueris, &c.* id est, nullo 29. Dicunt ei  
parabolico & obscuro sermone nobis loqueris de amore Patris, de  
exitu & reditu tuo, præstans scilicet id, quod initio promisisti, pa-  
lâm te locuturum. Putabant enim se jam plenè intelligere ea, quæ  
Christus loquebatur, cùm reverà multum eis deesset.

30. \* *Nunc scimus*, ex hoc scilicet perspicuo sermone tuo, \* *quia* 30. nunc scimus  
*scis omnia*, etiam humanorum cordium arcana, \* *Et*, ut illa scias, \* *non*  
*opus est tibi, ut quis te interroget*, id est, ut tibi quæstionem suam pro-  
ponat, quam dissolvi velit: quia scilicet priusquam interrogaris, ipsius  
interrogantis nosti voluntatem. Quod ex eo colligebant, quia cùm  
vellent eum paulò ante interrogare, quid esset quod eis dixerat,  
*modicum & non videbitis me*, &c. ipse præveniendò interrogationem  
eorum, dissolverat quæstionem, prout hæc notant Aug. & Chrysost.  
\* *In hoc*, id est, ex hoc argumento, quòd nosti omnia, \* *credimus*,  
quia



quia à Deo existi, id est, quòd sis genuinus Filius Dei, quia solius Dei est omnia etiam abscondita cordis nosse, ut Hilar. lib. 6. de Trinit. Cyrill. & Theophyl. in hunc locum. Quæ verba discipulorum cum tacitam gloriationem continere viderentur, quasi perfectà jam essent fide, reprimit eos aliquantulum Christus, fidei infirmitatem ostendendo.

31. Responditeis  
Jesús: Modò cre-  
ditis?

31. \* *Sed creditis*, tranquillo videlicet rerum statu, absente periculo: sed

32. Ecce venit  
hora, & jam ve-  
nit, ut disperga-  
mini unusquis-  
que in propria, &  
me solum relin-  
quatis: & non  
sum solus, quia  
Pater mecum  
est.

32. \* *Ecce venit hora, & jam venit*. Primum illud, *venit*, est præsentis temporis, secundum verò præteriti: quo vis orationis augetur: q. d. Brevi tempus aderit, imò ecce nunc adest: Judas enim cum cohorte jam se parabat. \* *Ut dispergamihi unusquisque in propria*, id est, in suum quisque locum, ubi tutius consultiusve esse putet. Quo significatur non sola fuga discipulorum, sed confusa eorum dispersio, juxta Scripturam, ad quam hîc alludit, & quam postea citat, *Percutiam pastorem, & dispergentur oves*. \* *Et me solum relinquantis*, inter hostium manus, sicut factum ostenditur Matth. 26. v. 56. quasi eis diceret, Tunc apparebit, quàm virilis sit vestra fides de Filio Dei, quæ sic formidine dejecta succumbet. Quam fidem statim iterum confirmat addendo: \* *&*, pro, *sed*, vel *quamquam*, \* *non sum solus*, neque nunc, neque tunc, \* *quia Pater mecum est*, qui mihi sit præsidio in omni tribulatione, utpote à me inseparabilis.

33. Hæc locutus  
sum vobis, ut in  
me pacem habe-  
atis. In mundo  
pressuram habebitis: sed confidite,  
ego vici  
mundum.

33. \* *Hæc locutus sum vobis*, de fidei vestræ infirmitate & fuga, \* *ut in me pacem habeatis*, id est, ut discatis contrà omnes adversitates esse stabiles in fide ac dilectione mei, sine scandalo, sine perturbatione, sine fluctuatione. Accipi enim videtur hîc *Pax*, pro illo animi statu, quo in maximis periculis tranquillus & inconcussus permanet. Itaque quamvis discipuli postea his verbis non obstantibus scandalizati sint, fructum tamen suum Christi verba post ascensionem habuerunt, quando etiam fugiendo stabiles manserunt, ut Aug. hîc. Nam \* *in mundo pressuram habebitis*, id est, tribulationes, quamdiu in eo vixeritis: \* *sed confidite*, mundum à vobis esse superandum, \* *quia ego*, cui fide & amore cohæretis, \* *vici mundum*. Non autem soli mihi vici, sed maximè vobis: q. d. Magnum quidem habebitis adversarium, sed majorem auxiliatorem me, qui vici mundum, quia principem ejus diabolus vici. Quod præteriti temporis verbo dicit, quia certissimè & jamjam futurum erat. Itaque idem hîc ait Christus, quod postea Joannes Apostolus epist. 1. c. 4. v. 4. *Vicistis mundum, quoniam major est, qui in vobis est, quam qui in mundo*.

## CAPUT DECIMUMSEPTIMUM.

1. \* **H**æc locutus est Jesus: Et sublevatis oculis in cælum, externo orantis habitu. Nam ita se voluit hic exhibere precatorem, ut meminisset nostrum se esse Doctorem, ut Aug. Docuit autem nos orando, omnem fructum doctrinæ à Deo pro discipulis expectandum ac petendum esse, omnemque spem adversus pericula in Deo ponendam. Dixit ergo: \* *Pater venit hora*, ignominiosæ passionis ac mortis meæ, \* *clarifica Filium tuum*, id est, glorifica manifestando toti mundo innocentiam ac dignitatem meam; perindè ac si diceret. Jam tempus est, quo Filius tuus tuâ glorificatione maximè opus habet, quando tam abjecta mors est subeunda; ut nisi perspicuis miraculis declaraveris eum innocentem & Filium tuum esse, ab omnibus impostor ac sceleratus habendus sit. \* *Ut Filius tuus clarificet te*, id est, ut gloria mea in te velut fontem & authorem redundet. Q<sup>uo</sup> significat gloriæ humanitatis suæ desiderium non in se sistere, sed pergere in debitum finem suum, gloriam Patris. Quibus verbis velut parenthesi circumscriptis adjungit ad præcedentia:

2. \* *Sicut dedisti ei potestatem, &c.* Latet hyberbaton in verbis istis, quæ sic collocanda sunt & jungenda præcedentibus: *Clarifica Filium tuum, ut omne, quod dedisti ei, det eis vitam æternam, sicut dedisti ei potestatem omnis carnis*, id est, per glorificationem suam omnibus, quos ei morte suâ salvandos tradidisti, vitam æternam largiatur, quandoquidem per Incarnationem dedisti ei tamquam homini potestatem & imperium omnis carnis, seu totius humani generis. Significat itaque esse consentaneum rationi, ut, cui potestas in omnes homines data sit, ipse quoque eis credentibus vitam æternam tribuat.

3. \* *Hæc est autem vita æterna*, id est, in eo sita ratio assequendi vitam æternam; est enim locutio causalis, non formalis, ut \* *cognoscant te solum Deum verum*. Græci communi consensu, Cyrill. Chrysost. Theophylact. & alii ita ponunt, ut illud, *Solum*, non afficiat subiectum propositionis, scilicet *Te*, quasi sensus esset, Cognoscant te solum esse Deum verum; sed potius prædicatum, scilicet *Deum*: quemadmodum, & dictio, *verus*, illud afficit, hoc modo, cognoscant te esse illum solum verum Deum seu illum, qui solus est verus Deus. Quod aptius Græcè significatur, ubi inter, *te* & *solum*, interjectus est articulus, *ὅτι* *μόνός*. Itaque significatur esse tantum unum verum Deum, ad distinctionem falsorum deorum, & Patrem esse illum solum verum Deum. Q<sup>uo</sup> tamen non significatur, solum Patrem esse illum solum verum Deum, seu illum, qui solus est verus Deus. Et hoc est, quod dici solet, illud *Solum*, non excludere aliam personam, sed aliam naturam! \* *Et,*

1. Hæc locutus est Jesus: & sublevatis oculis in cælum, dixit: Pater venit hora clarifica filium, tuum, ut filius tuus clarificet te,

2. Sicut dedisti ei potestatem omnis carnis, ut omne, quod dedisti ei, det eis vitam æternam,

3. Hæc est autem vita æterna: Ut cognoscant te, solum Deum verum, & quem misisti Jesum Christum,



ut cognoscant , \* *quem misisti Jesum Christum*. Ordo verborum est, & ut cognoscant Jesum , quem misisti , esse Christum , illum promissum mundiredemptorem, qui suo merito vitam æternam largiatur. Significatigitur his verbis, vitæ æternæ comparandæ rationem in duobus consistere : in fide unius veri Dei, & in fide Christi mediatoris. Loquitur autem more suo tamquam homo, qui Patri tamquam divinitatis fonti, quidquid divinum est adscribere solet , ideoque illi nomen Dei tamquam proprium tribuere. Quod & Paulus imitatus est pluribus locis, ut 1. ad Tim. 1. v. 5. 1. ad Cor. 8. v. 6. *Unus vobis Deus Pater, ex quo omnia, & unus Dominus Jesus* : item ad Ephes. 5. v. 5. Aug. tamen videtur hunc locum in sensu formali accipere, quod vita æterna in eo sita sit, ut Pater & Christus cognoscatur unus solus Deus, hic inchoatè, postea perfectè.

4. Ego te clarificavi super terram : opus consummavi , quod dedisti mihi ut faciam :

4. \* *Ego te clarificavi*, seu glorificavi , \* *super terram*, vitâ, doctrinâ ac prædicatione gloriæ tuæ, tamquam fontis omnium , & ostensione signorum & nomine tuo : \* *opus consummavi*, quod dedisti, seu commisitisti , \* *mihi ut faciam*, opus scilicet humanæ redemptionis, quod propter rei jamjam futuræ certitudinem, tamquam præteritum exprimit, quamvis mors adhuc subeunda superesset.

5. & nunc clarifica me tu Pater apud temetipsum , claritate, quam habui prius, quam mundus esset, apud te.

5. \* *Et nunc clarifica me*, &c. q. d. Haftenus ego te commissæ redemptionis executione glorificavi , nunc eâ absolutâ deinceps \* *glorifica me apud temetipsum*, in cælis , \* *claritate*, quam habui apud te priusquam fieret mundus, id est, gloriâ non alienâ, aut adventitiâ, inquit Cyril. sed propriâ ac naturali, quam habui apud te ab æterno. Petit hinc igitur, ut statim ab ignominiosa morte Deus glorificet humanam suam naturam gloriosâ, filioque Dei dignâ resurrectione, & exaltatione ad dexteram Patris, ut sic à toto mundo verus Deus agnoscatur, quemadmodum ab æterno fuerat. Nam illâ gloriâ ad tempus in mundo caruerat, dum formam servi acceperat. Orationem istam Christi impletam fuisse significat Paulus ad Philipp. 2. v. 2. Et haftenus Christus oravit pro se ; nunc pro Apostolus usque ad v. 20. ubi descendit ad omnes secuturos fideles, quemadmodum observat & prolixè tradit Augustinus tract. 106. in Joannem. Itaque

6. Manifestavi nomen tuum hominibus, quos dedisti mihi de mundo: tui erant, & mihi eos dedisti : & sermonem tuum servaverunt.

6. \* *Manifestavi nomen tuum hominibus*, non quo Creator dicitur cæli & terræ, sed quo Pater Filii sibi æqualis, quem ex mundi perditione misit in mundum. Nam, ut Aug. In hoc, quod fecit hunc mundum, cælo terraque conspicuum, etiam antequam imbuerentur in fide Christi, notus omnibus gentibus Deus : in hoc autem quod non est injuriis suis cum falsis diis colendus, notus in Judæa Deus : in hoc verò, quod Pater est hujus Christi, per quem tollit peccata mundi, hoc nomen ejus prius occultum omnibus, nunc manifestavit eis, \* *quos dedit*.

*dedit ei de mundo*, id est, quos ex promiscua peccatorum multitudine selegit, salvandosque Christo tradidit. De Apostolis sermo est: \* *Tui erant*, æternâ electione, \* & *mibi eos dedisti*, tamquam homini & redemptori docendos, justificandos, & ad æternam salutem perducendos. Nam tamquam Dei, non minùs erant ab æterno Filii, quam Patris, ut hîc Aug. & Cyril. \* *Et sermonem tuum*, quem eis prædicavi, \* *servaverunt*, fide & observatione, hoc est, non inanis in eis excolendis opera mea, & gratia tua fuit.

7. \* *Nunc cognoverunt, quia omnia quæ dedisti mihi*, id est, quæcumque dico & facio, \* *abs te sunt*, in me latenter operante, non à principe dæmoniorum, ut Judæi calumniati sunt. Ita Græci. Aug. tamen hoc de natura divina intelligit, quasi dixisset, cognoverunt, quia abs te sum. Simul enim Pater dedit omnia, quando genuit eum, qui haberet omnia. Sed sequentia magis poscunt priorem sensum: nam quasi exponeret, quæ sint illa, quæ Pater ei dederit, addit:

8. \* *Quia verba, quæ dedisti mihi*, id est, doctrinam, quam mihi promulgandam tradidisti, \* *dedi eis*, clarè omnia annuntiando: \* & *ipsi acceperunt*, credendo, opereque complendo. Et ideo videlicet cognoverunt, omnia mea abste esse, quia ut cap. 7. v. 17. dixit, *Si quis voluerit voluntatem ejus facere, cognoscit de doctrina, utrum ex Deo sit*. Et consequenter \* *cognoverunt verè, quia à te exivi*, tamquam Filius à Patre secundum divinam naturam: & præterea \* *crediderunt quia tu me misisti*, hominem mundi salvatorem, hoc est, crediderunt me verum Deum Filium tuum, & verum hominem. Hâc ergo quasi commendatione Apostolorum præmissâ, ut facilius impetraret, nunc orationem pro eis fundit.

9. \* *Ego pro eis rogo*, tamquam mediator hominum: \* *Non pro mundo rogo*. Ubi *Mundum* intelligit, inquit Aug. eos, qui vivunt secundum concupiscentiam mundi, & non sunt in ea sorte gratiæ, ut ab illo eligantur ex mundo, hoc est, intelligit reprobos. \* *Sed pro his quos dedisti mihi*, ex mundo eripiendos, eruditione, protectione, gratiâ. Ideo autem pro eis rogo, \* *quia tui sunt*, æternâ salutis electione. Quod perindè est ac si diceret: *Æquum est*, ut peculiarem curam geram, ut orem, ut à te exaudiar pro eis, quos tantopere tibi charos esse istâ electione declarasti.

10. \* *Et omnia mea tua sunt*, hoc est, quemadmodum certè omnia, quæ mihi dedisti, sive naturaliter tamquam Deo per generationem, sive donatione temporali tamquam homini, sunt ac manent tua, \* & *tua, quæcumque secundum divinitatem habes, quam solam habes, mea sunt*, quia mihi vel generatione tamquam Deo, vel donatione

7. Nunc cognoverunt, quia omnia quæ dedisti mihi, abs te sunt:

8. quia verba, quæ dedisti mihi, dedi eis: & ipsi acceperunt, & cognoverunt verè quia à te exivi, & crediderunt quia tu me misisti.

9. Ego pro eis rogo: Non pro mundo rogo, sed pro his, quos dedisti mihi: quia tui sunt:

10. & mea omnia tua sunt, & tua mea sunt: & clarificatus sum in eis,



tamquam homini data. Per hanc ergo parenthesin interpositam exponit, quo sensu dixerit sapius, *quos dedisti mihi*, nempe per incarnationis dispensationem, ne quia Pater Apostolos dedit, putaretur amisisse, quos dedit, inquit Aug. Nam & antequam darentur, erant Filii, & postquam dati sunt, permanebant Patris, propter naturæ divinæ, honoris bonorumque omnium unitatem. \* *Et clarificatus sum in eis*, subaudi, *quia*, quod ante parenthesin positum est. Datur enim duplex ratio, cur oret pro eis: prima, quia tui sunt; altera, quia clarificatus seu glorificatus sum in eis, quatenus scilicet mundo licet repugnante crediderant Christo, & mandatis ejus obediverant.

11. Et jam non sum in mundo, & hi in mundo sunt, & ego ad te venio. Pater sancte, serva eos in nomine tuo, quos dedisti mihi: ut sint unum, sicut & nos,

II. \* *Et jam non sum in mundo*, id est, jam verò brevi non amplius ero per visibilem præsentiam in mundo, quia jamjam moriturus, \* *& hi in mundo sunt*, id est, adhuc permanent multis periculis expositi, præsentiaque meâ, quâ custodiebantur, orbat, \* *&*, seu quia, \* *ego ad te venio*, per mortem & resurrectionem. Sic enim exponit, inquit Aug. cur dixerit, *Et jam non sum in mundo*. Itaque hoc versu dat rationem, cur jam oret pro Apostolis magis quam antè. Igitur \* *Pater Sancte*, & proinde fons omnis sanctitatis quam eis peto, \* *serva eos*, in gratia, quam consecuti sunt, \* *in nomine tuo*, id est, propter honorem nominis tui, \* *quos didisti mihi*, id est, quos mihi homini in hoc mundo agenti servandos dederas. Explicat autem modum, quo servari eos desiderat: \* *ut sint unum*, spiritu, voluntate, charitate, ita scilicet, ut credentium permaneat cor unum & anima una, \* *sicut & nos*, unum sumus & permanemus inter nos, ut videlicet ista voluntaria eorum unio, quædam naturalis nostræ unitatis imago sit, inquit Cyril. Nam illud, *Sicut*, non est æqualitatis, sed similitudinis significativum.

12. Cum essem cum eis, ego servabam eos in nomine tuo. Quos dedisti mihi, custodi, & nemo ex eis perit, nisi filius perditionis, ut Scriptura impleatur.

12. \* *Cum essem cum eis*, corporaliter conversando. (loquitur enim quasi jam discessisset, qui mox discessurus erat) \* *Ego servabam eos*, in illa animorum unitate, \* *in nomine tuo*, tamquam cui id à te injunctum erat. \* *Quos dedisti mihi custodi*, tuendo eos à periculis non solum animæ, sed & corporis, ut stabiles & salvi in sua vocatione persisterent: quâ custodiâ meâ protectus, \* *nemo ex eis perit*, morte vel æternâ vel corporali. Nam & de corporali Christum loqui patet ex c. 18. v. 9. ubi significat hæc verba impleta esse, quando Apostoli liberè abire permitti sunt. Ab illo verò spiritali casu, in quem Christo patiente inciderant, ejusdem gratiâ liberati sunt ut non esset æternus. \* *Nisi Filius perditionis*, id est, perditioni à te destinatus, quia perditione per suam culpam dignus. Sic enim *Filius mortis & gehenna* dicitur, quia morte gehennâque dignus est, & ei propterea destinatur. \* *Ut Scriptura impleatur*, hoc est, perit autem non negligentia meâ, sed

sed ut Scriptura impleretur , quâ prædictum erat eum propter scelera à te perdendum. Itaque per ista omnia significat se perfunctum esse omnibus partibus officii sui , neminem suâ negligentia , sed propriâ culpâ periisse , sicut hoc ipsum prædictum fuerat.

13. \* *Nunc autem ad te venio* , ideoque non ampliùs eos corporali præsentia , doctrinâ , & protectione servaturus. Supplendum autem: Itaque rogo , ut eos tu serves. Pendet enim sermo à versu præcedenti & utroque simul datur ratio versûs undecimi , cur scilicet pro eis nunc roget , nimirum quia æquum sit , ut jam deinceps Pater ipse sibi commendatos tueatur: quasi quodammodo excusaret importunas preces suas. \* *Et hæc loquor in mundo* , commendando eos custodiae tuæ , dum adhuc in mundo sum , \* *ut gaudium meum* , quo de me tanquam protectore suo gaudent , \* *habeant impletum in semetipsis* , intelligendo se tibi esse curæ , nec minùs me absente per Spirit. S. custodiam protegi , quam præsentem. Ita ferè Chrysost. Sed duriùs videtur vocari *gaudium meum* . Itaque rectiùs videatur gaudium Christi vocari materiam gaudii mei , quod scilicet res eò deducta esset , ut posset discipulos hætenùs parvulos à visibili pædagogia ablaetare , & quasi emancipare , atque invisibili protectione Spiritûs S. committere. Vel denique ut Aug. gaudium Christi intelligit illud , quod Christus eis infuderat , nempe gaudium unitatis animorum , quod hic in eis inchoatum erat , sed in cælo tandem in illa æterna pace & beatitudine implebitur.

14. \* *Ego dedi eis sermonem tuum* , doctrinam , quam in mundo prædicari jusseras , supple , eumque credendo , & obediendo receperunt. \* *Et mundus eos odio habuit* , cujus causa est , \* *quia non sunt de mundo* , affectionibus , studiis , actionibus , hoc est , quia mundo , vitâ & moribus dissimiles sunt , \* *sicut & ego non sum de mundo* : quam ob causam & ego ipse mundo invisus sum.

15. \* *Non rogo , ut tollas eos de mundo* , id est , ex hac mortali vita (videtur enim mundus hîc accipi aliter , quam in præcedentibus:) hoc enim nec ipsis expedit , utpotè quibus est utile odiis dilectionem reddere , odiaque charitatis officiis sanare ; nec aliis , quorum iniquitas dilectione , & obsequio debet ad meliora converti : \* *sed ut serves eos à malo* , peccato scilicet quod solum & propriè malum est. Nam à mundo affligi non est malum ; sed afflictioni succumbere , ut scilicet vel odiis irritatus vicem reddas , vel officia dilectionis prætermittas , vel sufferentiam amittas , mundumque repetas.

16. \* *De mundo non sunt* , sicut dictum est v. 14. Repetit hoc tamquam rationem impetrandi id , quod mox petit : q. d. Quandoquidem igitur isti non sint de mundo ,

13. Nunc autem ad te venio : & hæc loquor in mundo , ut habeant gaudium meum impletum in semetipsis,

14. Ego dedi eis sermonem tuum , & mundus eos odio habuit , quia non sunt de mundo , sicut & ego non sum de mundo.

15. Non rogo ut tollas eos de mundo , sed ut serves eos à malo,

16. De mundo non sunt , sicut & ego non sum de mundo,



17. Sanctifica eos in veritate. Sermo tuus veritas est.

17. \* *Sanctifica eos*, ad opera Religionis, divinique cultus eos segregando, consecrando, atque idoneos faciendo, tamquam ministros novi Testamenti, \* *in veritate*, id est, non sanctitate legali Judæorum, quæ erat umbra veritatis, non apparenti, qualis est Paganorum, sed verâ per Spiritum sanctificationis internum. Talis enim sanctitas est accuratissimè conformis veritati, seu verbo Dei, & hoc est, quod adjicit: \* *Sermo tuus veritas est*, quia omnis expers mendacii & falsitatis.

18. Sicut tu me misisti in mundum, & ego misi eos in mundum.

18. \* *Sicuti tu me misisti in mundum*, ut sanctitatis, veritatisque operatione, & prædicatione essem lux mundi, similiter \* *& ego misi eos in mundum*, ut in ipsa sanctificatione veritatis præparati, sint utroque modo lux mundi.

19. Et pro eis ego sanctifico meipsum: ut sint & ipsi sanctificati in veritate.

19. \* *Et pro eis ego sanctifico meipsum*, id est, confesco & offero me tibi tamquam hostiam vivam, & sanctam per actualem mei immolationem, quam jamjam in cruce paro; sic enim exponit hoc verbum *sanctificandi* Chrysost. & Græci: idque \* *pro eis*, sanctificandis scilicet \* *ut sint & ipsi sanctificati*, id est, interiori Spiritûs S. unctiōe consecrati, & præparati Deo, non figurali & umbraticâ sanctitate, nec etiam apparenti, & in speciem per hypocrisin, sed in justitia & sanctitate veritatis.

20. Non pro eis autem rogo tantum, sed & pro eis, qui credituri sunt per verbum eorum, id est, per prædicationem eorum per universum mundum. Postulat autem eis id ipsum, quod antè pro Apostolis postulaverat, videlicet

20. \* *Non pro eis autem rogo tantum*, id est, pro Apostolis istis præsentibus, \* *sed & pro eis, qui credituri sunt per verbum eorum*, id est, per prædicationem eorum per universum mundum. Postulat autem eis id ipsum, quod antè pro Apostolis postulaverat, videlicet

21. ut omnes unum sint, sicut tu Pater in me, & ego in te, ut & ipsi in nobis unum sint: ut credat mundus, quia tu me misisti.

21. \* *Ut omnes*, postquam crediderint, \* *unum sint*, inter se velut membra unius corporis, unione animorum, & charitatis glutine confstructa, \* *sicut tu Pater in me, & ego in te*, supple, unum sumus, quem admodum supplet Aug. Nam idem hîc rogat pro omnibus, quod v. 11. pro Apostolis, ut sint unum, sicut & nos, scilicet unum sumus unitate naturæ, & voluntatis, & amoris mutui. Quod ut magis explicaret, adjicit: \* *ut & ipsi in nobis unum sint*, q. d. Ut unum, inquam, sint, non qualibet animorum consensione ad iniquitatum & scelerum societatem, sed *in nobis*, id est, in Deo, seu unitate nobis consentaneâ, divinæ scilicet charitatis & pietatis. Itaque etiam hîc, ut ex Cyrill. diximus, illud, *Sicut*, imitationem quamdam divinæ unitatis, non æqualitatem significat; nam ad tantam unitatem non potest creatura pertingere. \* *Ut credat mundus*, id est, ut cæteri homines, adhuc infideles; hac unionis & concordie suavitate tacti, etiam ipsi credant, \* *quia tu me misisti*, quod erat summa & legationis, & prædicationis Apostolorum. Itaque petit, ut ille sit fructus unitatis Christianorum, propagatio fidei Christianæ. Proinde cum Christus orasset primò pro

Apo-

Apostolis, deinde pro cæteris, qui per ipsos crediderant, ut essent unum; his tandem verbis etiam pro illis orat, quatincreduli erant, ut & ipsi crederent,

22. \* *Et ego claritatem, quam dedisti mihi, dedi eis.* Hanc claritatem Aug. intelligit immortalitatem, quam prædestinando jam dederat: Chrysost. verò celebritatem nominis per opera mirabilia. Convenientiùs Cyril. lib. 11. Joan. c. 26. & 27. *claritatem* intelligit divinitatem, quâ potissimùm Christus clarus & gloriosus est, \* *quam dedisti mihi*, hominì, eam humanitati in unitatem personæ copulando, \* *dedisti eis*, Apostolis, omnibusque per eos credituris. Tunc autem dedit eis, quando corpus & sanguinem suum, divinitati unitum, eis in cibum & potum dedit, ut sic consequenter supremæ istius naturæ divinæ participes fierent. \* *Ut sint unum*, supple nobiscum: nam unitatem eorum inter se per amorem mutuum jam antè eis apprecatus fuerat. Hic ergo loquitur de unitate longè sublimiori, quâ scilicet sint unum etiam cum Deo, \* *sicut & nos unum sumus*, id est, ut participent & illam unitatem ex nobis, quâ nos unum sumus. Quo verò pacto hoc fiat, statim explicat, ut scilicet \* *ego in eis*, sim per carnem meam & sanguinem, corporaliter & realiter ab eis sumptum, \* *& tu in me*, per divinitatem tuam, eidem carni & sanguini realiter unitam: \* *ut isto modo sint consummati in unum*, id est, sint consummati unum, Græcè τετελειωμένοι ἐς ἐν, *perfecti in unum*: sicut alibi dicitur, *Erunt duo in carne una*, seu *in carnem unam*, id est, erunt duo una caro. Significatur ergo, quod illa unitas cum Deo, quam Christus habet, quatenus natura ejus humana est unita divinitati, communicetur & nobis; per hoc scilicet, quod nos realiter eidem humanitati, cui divinitas copulata est, comedendo bibendoque commiscemur.

23. \* *Ut cognoscat mundus, ex illa stabili unione eorum cum Deo, & inter se, quia tu me misisti*, quem illi tantæ suæ unitatis authorem colunt: & cognoscat etiam, *quia dilexisti eos*, utpotè quos tantis donis cælestibus cumulaveris, \* *Sicut & me dilexisti*, quatenus me omnibus thesauris donorum, ipsaque divinitate mihi unitâ plenum exhibuisti mundo. Itaque significatur hic maxima quædam similitudo Christianorum, licet inæqualis, cum Christo, idque tam in intima illa unitate cum Deo, quam in causa unitatis, videlicet dilectione Dei, utpotè quæ talis est erga ipsos, qualis erga Christum, & erga ipsos propter Christum dilectum. Quæ similitudo cum pertineret ad præsentem vitam, pergìt eis petere & aliam pro futura:

24. \* *Pater, quos dedisti mihi, volo ut ubi sum ego, id est, desidero accipere, ut in regno tuo, ubi ego brevi post ascensionem meam ero, &*

22. Et ego claritatem, quam dedisti mihi, dedi eis: ut sint unum, sicut & nos unum sumus,

23. Ego in eis, & tu in me: ut sint consummati in unum: & cognoscat mundus quia tu me misisti, & dilexisti eos, sicut & me dilexisti.

24. Pater, quos dedisti mihi, volo ut ubi sum ego, & illi sint mecum, ut videant claritatem meam, quam dedisti mihi: quia dilexisti me ante constitutionem mundi.



*illi sint mecum*, ejusdem gloriæ statim à morte mecum participes, ut Cyrillus : \* *ut videant claritatem meam*, tam divinitatis meæ, quam humanitatis. Utrumque promisit Isaias, quando dixit c. 33. v. 17. *Regem in decore suo videbunt oculi ejus*. Nam in illius fruitiva visione consistit beatitudo primariò; in hujus secundariò : & ita adimplebimur in omnem plenitudinem Dei, \* *quam dedisti mihi*, divinam naturam humanæ copulando, humanamque omnium bonorum plenitudine glorificando : \* *quia dilexisti me*, purâ gratiâ tuâ, \* *ante mundi constitutionem*, id est, ab æterno : quâ phrasi æternitas in Scripturis significari solet. Significatur hîc ergo, gratuitam dilectionem Dei esse fontem ineffabilis istius beneficii ; quo divinitas humanitati Christi in unitatem personæ conjuncta est : nam ut Aug. lib. de prædest. Sanctorum c. 15. Eâ gratiâ fit ab initio fidei suæ homo quicumque Christianus, quâ homo ille ab initio factus est Christus. Et ita consequenter significat, hanc visionem claritatis suæ in gloriam Patris tamquam fontis omnium redundaturam.

25. Pater justus, mundus te non cognovit : ego autem te cognovi : & hi cognoverunt, quia tu me misisti.

25. \* *Pater juste*, quo epitheto indicat ignorantiam, seu incredulitatem, quâ \* *mundus*, hoc est, dilectores mundi, maximèque Judæi, \* *non cognovit Patrem*, justo Dei judicio eis permissam vel inflictam : \* *ego autem te cognovi*, tam ut homo, quàm ut Deus, perfectissimâ cognitione : \* & me revelante, \* *hi cognoverunt, quia tu me misisti*, hoc est, ut Cyril. quod tuâ voluntate tamquam Filius tuus pro salute hominum in mundum venerim. Causam ergò istius notitiæ indicans, addit :

26. Et notum feci eis nomen tuum, & notum faciam : ut dilecti, quâ dilexisti me, in ipsis sit, & ego in ipsis.

26. \* *Et notum feci eis nomen tuum*, exteriùs prædicando, & interiùs gratiam Spiritûs S. infundendo, quâ cognoscant nomen tuum, quod scilicet sis Pater Verbi tui, & spirator Spiritus tui : \* & *notum faciam*, uberiùs post passionem, maximèque in æterna gloria, \* *ut dilectio, qua dilexisti me*, hominem destinando ac perducendo ad supremum cognitionis tui ac dilectionis & gloriæ gradum, qui effectus est summæ dilectionis Dei, \* *in ipsis*, quoque sit, hoc est, ad ipsos quoque derivetur, & erga ipsos in æternum perseveret, \* & *ego in ipsis*, hoc est, inquit Aug. quia ego in ipsis sum tamquam caput in membris, ita videlicet ut & ego & ipsi tamquam caput & membra unum simus. Datur enim hîc ratio seu causa diligendi cæteros homines, quia sunt membra mediatoris. Alii per *dilectionem, qua dilexisti me*, intelligunt ipsum Spiritum S. qui est amor Patris & Filii, ita ut Christus hîc petat à Patre, ut ipse Spiritus S. quoque sit in fidelibus suis per claram ejus visionem, atque ita compleatur in eis beatificæ visionis objectum, idque propterea, quia sunt membra Christi. Prior sensus Augustini videtur congruentior.

## CAPUT DECIMUM OCTAVUM.

1. \* **H**æc cum dixisset, egressus est, ita scilicet ut non antè, quàm his dictis egressus sit. Poterant tamen & alia quædam interponi, ut quod Matthæus dicit, hymnum fuisse dictum in gratiarum actionem, & si quæ cum illis in via sermocinatus est. \* *Trans torrentem Cedron*, Græcè τὸν Κέδρων, *Cedronum*, quasi à Cedris ita diceretur. Sed corrupta est lectio; nullæ enim ibi Cedri, quæ potiùs montibus gaudent: sed est nomen proprium torrentis, qui inter montem Olivarum & Orientem situm, & inter Jerosolimam ad Occidentem fluit per mediam valem Josaphat, quæ & vallis Ennon seu Gehennon dicitur. Et ita Christus hic adimplevit figuram Davidis, qui fugiens Absalonem mæstus transivit torrentem Cedron, 2. Reg. 15. \* *ubi erat hortus*, pertinens ad villam, seu prædium Gethsemani, de qua Matthæus.
2. \* *Sciebat autem & Judas locum*. Quod addit, ne putetur Christus latebras quævisisse, cum se receperit in locum familiarem, ubi eum sciebat Judas quærendum: \* *quia frequenter convenerat illuc*. Quod Lucas dixit, *Ibat secundum consuetudinem in montem Olivarum*, in cujus radice hortus ille situs erat.
3. \* *Judas ergo cum accepisset cohortem*, non Judæorum, sed militum, idque à Præfide, tamquam ad capiendum reum, servato ordine legitimæ potestatis, ut nullus capientibus vel tenentibus auderet obistere, ut notat Aug. \* & præter milites, cum accepisset etiam, \* *A Pontificibus*, seu Principibus Sacerdotum, ut est Græcè \* & *Pharisæis*, quos aliqui vocant Scribas & Seniores populi, quia plerique sectâ Pharisei erant, \* *Ministros*, quibus utebantur, partim in privatis, partim in publicis negotiis, quales sunt satellites. Hos adjunxerunt, ut quibus magis fiderent, quam ethnicis militibus. \* *Venit illuc cum laternis & facibus*, ut, si faces ex aëris intemperie extinguerentur, iterum ex laternis accendi possent, \* & *armis*, gladiis & fustibus, ut Matth.
4. \* *Jesus itaque sciens omnia, quæ ventura erant super eum*, ne quis eum imprudentem putet in manus inimicorum incidisse, \* *processit*, Græcè ἤρθεν, *egressus est*, scilicet hortu, vel ad egrediendum se parans processit obviam eis, \* & *dixit eis: Quem queritis?* Cui respondent, \* *Jesum Nazarenum*; quo nomine vulgò vocabatur. Itaque quia non dicunt; Querimus te, significatur isto responso, eos quamvis præsentem & loquentem necdum agnovisse, ac proinde signum Judæ tunc nondum fuisse exhibitum, ut quidam putant. Unde etiam
5. \* *Stabat Judas cum ipsis, expectans opportunitatem ejus tradendi*, finito colloquio, ac dissimulans se de illorum esse societate, ut quasi casu in eos incidisse videretur.
6. \* *Ut*

1. Hæc cum dixisset Jesus, egressus est cum discipulis suis trans Torrentem Cedron, ubi erat hortus, in quem introivit ipse, & discipuli ejus.

2. Sciebat autem & Judas, qui tradebat eum, locum: quia frequenter Jesus convenerat illuc cum discipulis suis.

3. Judas ergo cum accepisset cohortem, & à Pontificibus & Phariseis ministros, venit illuc cum laternis, & facibus, & armis.

4. Jesus itaque sciens omnia, quæ ventura erant super eum, processit, & dixit eis: Quem queritis?

5. Responderunt ei: Jesum Nazarenum. Dicit eis Jesus: Ego sum. Stabat autem & Judas, qui tradebat eum, cum ipsis.



6. *Ut ergo dixit eis* : Ego sum : abierunt retrorsum , & ceciderunt in terram.

6. \* *Ut ergo dixit eis* : Ego sum , abierunt retrorsum , & ceciderunt , id est , retrorsum repulsi in tergum ceciderunt , unius videlicet vocis non increpatione , non comminatione , sed majestate , veluti turbine prostrati. Nam illa verba , *Ego sum* , divinitatis confessionem continent , quâ eis voluit manifestius quodammodo divinitatis suæ virtutem exhibere , ut meritò S. Leo dicat serm. 1. de Passione : Quid jam poterit majestas ejus judicatura , cujus hoc potuit humilitas judicanda ? Hoc igitur suæ virtutis specimine exhibito , sciens quid magis suscepto mysterio conveniret , in hac potestate , inquit Leo , non perstitit , sed persecutores in facultatem dispositi sceleris redire permisit.

7. Iterum ergo interrogavit eos : Quem quaritis ? Illi autem dixerunt : Jesum Nazarenum.

7. \* *Iterum ergo interrogavit* : Quem quaritis ? Illi autem dixerunt , personæ ipsius , ut videtur , adhuc ignari , vel ignominia casus sui eam nolentes confiteri , rursus non dicunt , *Te quarimus* ; sed \* *Jesum Nazarenum*. Unde patet manifestissima miracula in illos ipsos peccatores edita conversioni non sufficere , nisi interna Dei gratia cor emolliat.

8. Respondit Jesus : Dixi vobis , quia ego sum : si ergo me queritis , finite hos abire.

8. \* *Respondit Jesus* : Dixi vobis , quia ego sum , id est , me esse. Quæ verba continent tacitam exprobrationem stuporis eorum , quod præsentem , clarèque se profitentem non agnoscerent ; & imbecillitas eorum , quod non comprehenderent. Nam ad ostendendam illam imbecillitatem eorum , suamque majestatem , & voluntariam comprehensionem , uno verbo eos prostraverat. \* *Si ergo me queritis , finite hos abire* , liberos & illæsos. Quæ verba continent efficax præceptum , seu potius efficacem operationem , quâ discipulos ab eorum manibus vindicavit. Nam illo factum est , ut ne Petrum ferociter pugnantes , nec postea in medio sui deprehensum , nec Joannem sub cruce , nec quemquam aliorum apprehenderint. Quo iterum ostendit , se liberum abire posse , si vellent. Causa hujus dimissionis Apostolorum erat , quod ipsum solum nunc pati , Apostolos testes passionis ejus esse conveniret : effectus verò ut sic

9. *Ut impletur sermo* , quem dixit : Quia quos dedisti mihi , non perdimi ex eis quemquam.

9. \* *Impleretur* , id est , ne falsus videretur , \* *sermo* , quem dixit , cap. præced. v. 12. ubi expositus est.

10. Simon ergo Petrus habens gladium eduxit eum : & percussit pontificis servum : & abscidit auriculam ejus dexteram. Erat autem nomen servo Malchus.

10. \* *Simon ergo Petrus* , defensionis sui Domini aviditate , & majore quàm fas erat commotione , quia fretus , inquit Chrysost. his , quæ facta erant , scilicet eorum prostratione , \* *percussit Pontificis servum* , ferocius instantem , inquit Leo , \* *& abscidit auriculam ejus dexteram*. Quo notat illos significari Aug. lib. de agone Christianorum c. 29. qui audire non possunt quod dexterum est , id est , res bonas.

11. Dixit ergo Jesus Petro : Mitte gladium tuum in vaginam. Calicem , quem dedisti mihi Pater , non bibam illum ?

11. \* *Dixit ergo Jesus Petro* , compescens impetum ejus , vitiosum quidem , sed qui servire virtuti posset , moderatus. Nam , ut August. lib. 22. contra Faustum c. 70. Animæ virtutis capaces & fertiles præmittunt

mittunt subinde vitia, quibus indicent, cui virtuti potissimum sint accommodatæ, si fuerint præceptis excultæ. Quale quid & in Moyse contigisse docet occidente Ægyptium. Uterque enim ostendebat sibi non deesse animum defendendi innocentes. Compescit autem Petrum inter cætera etiam hac ratione : \* *Calicem, quem dedit mihi Pater &c.* id est, hanc patiendi sortem quam mihi Pater veluti calicem bibendum miscuit, non suscipiam? q. d. Patiarne cujusquam humanitate aut studio ab hoc tam acceptabili Dei beneficio me prohiberi? Quo animi ardore dicitur in Psal. 115. ex persona Martyrum : *Quid retribuam Domino pro omnibus, quæ retribuit mihi? Calicem salutaris accipiam.*

12. \* *Cohors ergo & tribunus*, Græcè *χιλίαρχος*, id est, *præfectus mille virorum*. Ex cujus præsentia colligunt quidam non malè totam cohortem vel magna ex parte adfuisse, quam constituisse volunt mille & paulò pluribus capitibus : timebant enim virtutem ejus, fautorum multitudinem, tumultumque aliquem plebis. \* *Comprehenderunt Jesum, & ligaverunt*, securitatis suæ, & ipsius ignominie causâ, tamquam sceleratum.

12. Cohors ergo, & tribunus, & ministri Judæorum non comprehenderunt Jesum, & ligaverunt eum :

13. \* *Et adduxerunt eum ad Annam*, non ex professo, cum ad Caipham eundum esset; sed ex occasione domus Annæ, quæ occurrebat, ut Aug. in itinere, nempe quasi triumphum ducentes, inquit Chrysost. & præ voluptate de tali captivo gestientes, ut oculos Annæ tali spectaculo pascerent. \* *Erat enim socer Caiphæ*, qui proinde Annam tamquam patrem honorabat, propter affinitatem ac dignitatem viri. Itaque simul Caiphæ hac in re gratum facere voluerunt, \* *qui erat Pontifex anni illius*, qua de re, sicut & de versu 14. alibi dictum est. In quo versu 14. latet tacita transitio. Significat enim Jesum ab Anna ad Caipham tamquam verum tunc Pontificem traductum esse. Nam & vox, *Pontifex*, sæpius in sequentibus absolutè posita eum significat, qui absolutè Pontifex erat, hoc est, Caipham. Nam Annas non nisi socer Caiphæ Pontificis vocatur v. 13. & Matt. satisclare significat examen sequens in domo Caiphæ esse factum, nempe c. 16. v. 57. & seqq.

13. Et adduxerunt eum ad Annam primum, erat enim socer Caiphæ, qui erat pontifex anni illius.

14. Erat autem Caiphæ, qui consilium dederat Judæis: Quia expedit, unum hominem mori pro populo,

15. \* *Sequebatur autem Jesum Simon, & alius discipulus, qui erat notus Pontifici* : & hâc notitiâ fretus nihil sibi evenire posse, ausus est introire \* *cum Jesu in atrium Pontificis*, hoc est, in aulam, ut Græcè; *εἰς τὴν αὐλὴν*, non enim hîc intelligitur locus sub dio. Quis discipulus ille fuerit, contenditur : Chrysost. Joannem Evangelistam fuisse putat; alii alium ex discipulis non Apostolis, quod circumstantiæ illius temporis reddunt valdè verisimile. Augustinus rem incertam esse dicit, eo quod nomen taceatur : maximèque facit pro iis, qui putant non esse Joannem, quia Joannes se significans addere solet, *quem diligebat Je-*

15. Sequebatur autem Jesum Simon Petrus, & alius discipulus. Discipulus autem ille erat notus pontifici, & introivit cum Jesu in atrium pontificis.

16. Petrus autem stabat ad ostium foris. Exivit ergo discipulus alius, qui erat notus pontifici, & dixit ostiariæ, & introduxit Petrum.

17. Dicit ergo



Petrus ancilla o-  
stia: Numquid  
& tu ex discipu-  
lis es hominis  
istius? Dicit ille:  
Non sum.

18. Stabant au-  
tem servi & mi-  
nistri ad prunas  
quia frigus erat,  
& calefaciebant  
se: erat autem  
cum eis & Petrus  
stans, & calefa-  
ciens se.

19. Pontifex ergo  
interrogavit Je-  
sum de discipulis  
suis, & de do-  
ctrina ejus.

20. Respondit ei  
Jesus: Ego palam  
locutus sum mün-  
do: ego semper  
docui in synago-  
ga, & in templo  
quò omnes Ju-  
dæi conveniunt:  
& in occulto lo-  
cutus sum nihil.

21. Quid me in-  
terrogas? inter-  
roga eos, qui au-  
dierunt quid lo-  
cutus sim ipsis:  
ecce hi sciunt  
quæ dixerim ego.

22. Hæc autem  
eum dixisset, u-  
nus assistens mi-  
nistrorum dedit  
alapam Jesu, di-  
cens: Sic respon-  
des Pontifici?

*sus*, vel simile quid. Quæ hic de Petri negationibus sequuntur, ex-  
posita sunt Matth. 26.

19. \* *Pontifex ergo.* Continuat hîc sermonem cum v. 13. & 14. ubi  
de Pontifice Caipha loqui cœperat, eumque occasione Petri interrup-  
perat. \* *Interrogavit Jesum de discipulis suis*, quos in collegium novæ  
sectæ sibi cooptasse videbatur. Nova autem sodalitia Principibus sus-  
pecta esse solent, maximè apud Judæos, ubi jam tumultuatum fuerat  
contra Cæsarem à quibusdam. Sed quia defensio illa facilis erat, ut qui  
non nisi duodecim pauperes & inermes secum duceret; rogavit eum  
in primis \* *de doctrina ejus*, ut qui novam vel clanculariam, sus-  
pectamque doctrinam ac dogmata inferret.

20. \* *Respondit Jesus, Ego palam locutus sum mundo*, id est publicè, qui-  
buslibet, idque Jerosolymis in totius mundi theatro: \* *Ego semper docui*  
*in synagoga*, in illis locis, ubi templum non erat, Jerosolymis verò  
etiam \* *in templo, quo omnes Judæi conveniunt*. Nam & synagogæ & tem-  
plum non erant loca occultæ suspectæque doctrinæ infusurrandæ,  
\* & *in occulto locutus sum nihil*, quod scilicet occultatum vellem, cum  
contrà de seorsim enarratis dixerim, quod in aure auditis, publicate  
super tecta, ut Epiphan. Hæresi 45. Unde Aug. Ergo hoc ipsum, quod  
ab ipso docebatur occultè, quodammodò non dicebatur in occulto,  
quia non ita dicebatur, ut ab eis, quibus dictum fuerat, taceretur, sed  
ita potius, ut usque quaque prædicaretur.

21. \* *Quid me interrogas?* Cum juxta jura tribunalium, reus pro sua  
causa loquens non faciat fidem. Nam, ut Ambr. epist. 20. Testis verus  
est, qui non sibi, sed aliis fert testimonium. \* *Interroga eos, qui au-*  
*dierunt, quid locutus sim ipsis.* Acriter respondet ad repellendam calum-  
niam quæsitam de doctrina clancularia; non tamen arroganter, quia  
fretus publicâ veritate. Nam, ut Chrysost. id veritatis maximum est  
argumentum, cum quis inimicos in eorum, quæ dicit, testimonium  
adducit. Nec tales longè tibi quærendi sunt, quia \* *ecce hi sciunt, quæ*  
*dixerim ego.* Digito ostendebat quosdam præsentés, ut Cythill. qui  
eum audierant. Nam olim quidam ex ministris eum audientes retu-  
lerant, Numquam sic locutus est homo. Cum ergo inter medios inimicos  
constitutus ac desertus ab omnibus dedisset hoc responsum, non minùs  
æquum quàm fortè, intrepidum ac liberum,

22. \* *Unus assistens ministrorum*, apparitorum, qui captum tene-  
bat, \* *dedit alapam Jesu.* Quod fieri solet manu apertâ, idque in fa-  
ciem; virisque fit magis contumeliæ causâ quam doloris. Colaphi  
sunt etiam pugno, & in alias capitis, colli, & corporis partes. \* *Di-*  
*cens: Sic respondes Pontifici?* id est, tam superbè, tam contumaciter,  
tantæ dignitatis Præfuli, tu reus & tam abjectus?

23. \* *Re-*

23. \* Respondit Iesus, quasi qui se factis vindicare non posset, ver-  
bis constanter pergens asserere innocentiam suam, maximè ubi ar-  
guebatur improbitatis admixtæ in Pontificem: \* *Si male locutus sum,*  
*testimonium perhibe de malo*, id est, ostende quid malè à me prolatum  
sit in Pontificis dignitatem. Quo nos docet, ut Cyprian. ait epist. 65.  
Sacerdotes veros legitimè & plenè honorari debere, dum circa falsos  
Sacerdotes ipse talis existit, ut videlicet nequidem eis malè locutus  
videri velit. \* *Si autem bene, quid me cadis?* innocentem coram judi-  
cibus constitutum, tu minister, citra sententiam? quibus modis pecca-  
bat iste minister. Hoc ergo facto explicuit Christus doctrinam suam  
de præbenda altera maxilla percutienti. Demonstrantur enim, inquit  
Aug. maxima illa præcepta patientiæ, non ostentatione corporis, sed  
cordis præparatione facienda: fieri enim potest, ut alteram maxillam  
visibiliter præbeat, & iratus. Quantò ergo melius & respondet vera  
placatus, & ad perferenda graviora tranquillo animo sit paratus? Tunc  
igitur re ipsa etiam implenda sunt, cum spes est, quod fatiganda, & ad  
pœnitentiam commovenda sit improbitas patientiâ sufferentis, ut Ter-  
tull. de patientia c. 8.

24. \* *Et misit eum Annas ligatum ad Caipham.* Conjunctio, *Et*, poni-  
tur pro, *autem*, quod Hebræis propter inopiam particularum valdè fa-  
miliare est, & Græcis Aoristus ἀπέστειλεν, *misit* pro *miserat*, quemad-  
modum & v. 26. *abscidit* pro *absciderat*. Nam propter interruptam  
historiam negationum Petri, ad quam redire volebat, quædam neces-  
sariò erant repetenda, ea scilicet quæ habentur v. 25. Quia ratione &  
illam Christi missionem ad Caipham repetit, vel potius clariùs expli-  
cat id, quod antè tantum insinuaverat. Quam sententiam apertè do-  
cet S. Cyrill. & omninò tenenda videtur. Nimis enim perspicuum  
videtur ex aliis Evangelistis maximèque Matthæo, omnes negationes  
Petri in domo Caiphæ contigisse, præsertim quia & hîc aliquoties  
indicatur, præcedentia accidisse apud Pontificem, qui tunc absolute  
non erat, nisi Caiphas.

28. \* *Erat autem mane*, primi dici Azymorum, qui incidebat in Lu-  
nam decimam quintam: \* *& ideo ipsi non introierunt in pratorium*, id  
est, domum Pilati, Præsidis Romanorum, quæ adhærebat arci Anto-  
niæ, \* *ut non contaminarentur*, id est, ne legaliter immundi fierent in-  
gressu domus, utpotè in qua non vitarentur ea, quæ faciébant im-  
mundum. Nusquam ingredi Gentiles domum lege vetitum fuisse le-  
gitur: ut & hoc videatur fuisse traditionis Pharisaicæ. Unde præpo-  
steram earum religionem taxans Aug. ô impia, inquit, & stulta cæ-  
citas! habitaculo videlicet contaminarentur alieno, & non contami-  
naren-

23. Respondit ei  
Iesus: Si malè  
locutus sum, te-  
stimonium per-  
hibe de malo: si  
autem bene, quid  
me cadis?

24. Et misit eum  
Annas ligatum  
ad Caipham pon-  
tificem.

25. Erat autem  
Simon Petrus  
stans, & calefa-  
ciens sc. Dixe-  
runt ergo ei:  
Numquid & tu  
ex discipulis ejus  
es? Negavit ille,  
& dixit: Non  
sum.

26. Dicit ei unus  
ex servis pontifi-  
cis, cognatus e-  
jus, cujus absci-  
dit Petrus auri-  
culam: Nonne  
ego ei vidi in  
horto cum illo?

27. Iterum ergo  
negavit Petrus:  
& statim gallus  
cantavit.

28. Adducunt er-  
go Jesum à Cai-  
pha in prato-  
rium. Erat autem  
mane: & ipsi non  
introierunt in  
pratorium, ut  
non contamina-  
rentur, sed ut  
manducarent Pas-  
cha.

naren-



narentur scelere proprio. \* *Sed ut manducarent Pascha*, cujus manducationem impediēbat legalis immunditia. Per *Pascha* verò intelligitur non agnus Paschalis, qui jam immolatus fuerat vespērā præcedente, sed victimæ cateræ, quæ per septem dies solemnitis Paschalis magno numero immolabantur, juxta Legem Num. 18. v. 19. & 24. cujusmodi victimæ etiam *Pascha* seu *Phase* vocantur Deuter. 16. v. 2. *Immolabis Phase Domino Deo tuo de ovibus & bobus*; itemque 2. Paralip. 35. v. 8. & 9. Taliunrigitur victimarum, imò nullarum omnino poterant immundi esse participes, juxta Legem Levit. 22. v. 3. Ut ergo tantæ religioni ipsorum subveniret Præses, egressus foras dixit eis, prout ordo justitiæ postulabat.

29. Exiit ergo Pilatus ad eos foras, & dixit: Quam accusationem affertis adversus hominem hunc?

30. Respondunt, & dixerunt ei: Si non esset hic malefactor, non tibi tradidimus eum.

29. \* *Quam accusationem adfertis adversus hominem hunc?* absurdum videlicet ratus judicium eos præsumere, & supplicium sibi permitti.

30. \* *Responderunt*, declinando accusationem, in qua sciebant se defecturos: \* *Si non esset hic malefactor*, quem scilicet nobis constaret esse morte dignum, \* *non tibi tradidissimus eum*, morte plectendum; nos videlicet Senatus totius populi Israël, eruditione, religione, vitæ integritate clari: quasi dicerent, meritò tibi autoritas nostra sufficere deberet. Nam tacitè conqueruntur de ipsius erga se dissidentia, ut eorum auctoritatem secutus Præses desineret quærere, quid ei objiceretur, inquit Aug. sed ob hoc tantum nocentem crederet, quod sibi ab eis tradi meruisset.

31. Dixit ergo eis Pilatus: Accipite eum vos, & secundum legem vestram judicate eum. Dixerunt ergo ei Judæi: Nobis non licet interficere quemquam.

31. \* *Dixit ergo Pilatus: Accipite eum vos*, quia, ut aiebat Festus, Præses item Romanorum, A&t. 25. v. 16. Non est Romanis consuetudo damnare aliquem hominem, prius quam is qui accusatur, præsentibus habeat accusatores, locumque defendendi accipiat ad abluenda crimina: \* *& secundum legem vestram judicate*. Permittit igitur eis occisionem, sed secundum legem, insinuans eis, quod si ex odio, vel invidia, vel contra legis præscriptum occiderent, pænæ obnoxios fore.

*Dixerunt ergo Judæi: Nobis non licet interficere quemquam*, gladii potestate nobis adempta per Romanos, utpotè quæ supremi juris est, ut S. Thomas & alii: vel certè *Nobis non licet* &c. in hiscè diebus Azymorum, ut aliqui volunt; propter quam causam dicunt Herodem servasse Petrum A&t. 12. ut post Pascha produceret eum populo.

32. Ut sermo Jesu impleretur, quem dixit, significans quod moriturus esset.

32. \* *Ut sermo Jesu impleretur quem dixit, significans quod moriturus*, id est, idè recusaverunt eum interficere, ut sic prophetia Christi impleretur de morte à Gentilibus inferenda, imò & de morte crucis. Nam quamvis & Judæis crux in usu esset, ut patet Num 25. v. 4. tamen Pilatus non permittebat occisionem nisi secundum Legem, id est, propter aliquod crimen, cui Lex ipsorum decerneret

mor-

mortem; & juxta genus mortis, quod decerneret. Blasphemia autem, quam ei imputabant, juxta Legem lapidatione pledebatur: nam crimen rebellionis contra Cæsarem, non pertinebat ad Judæos punire.

33. \* *Introivit ergo iterum in pratorium Pilatus, & vocavit Jesum,* <sup>33. Introivit ergo iterum in pratorium Pilatus, & vocavit Jesum, & dixit ei: Tu es Rex Judæorum?</sup> Relinquit cætera ei objecta, quæ à Luca c. 23. exprimuntur, & id unum arripit, quod læsam Cæsaris majestatem spectare videbatur. De sensu verborum illorum dictum est Matth.

27. v. 11.

34. \* *Respondit Jesus,* non statim fatendo de se rem sibi honorificam, sed aliquid interjiciens, quo appositè ad responsionem veniret. \* *A temetipso hoc dicis,* seu interrogas tamquam illam de me opinionem habens, \* *an alii dixerunt tibi de me?* id est, An aliorum suggestionem? q. d. Ex tua ne, an ex aliorum sententia id rogas? Videtur enim Jesus non adstitisse, quando primam accusationem instituerunt.

35. \* *Respondit Pilatus: Numquid ego Judæus sum,* ut mihi curæ sit istius nationis Messiam vel stemmata nosse? Dixerunt enim Sacerdotes eum esse determinatè Christum Regem, ut est Lucæ 23. & idè de tali Rege Judæorum sermo erat. Insinuat igitur Pilatus, hoc ab aliis sibi fuisse suggestum. \* *Gens tua,* quæ simul copiosa affluebat, \* *& Pontifices tradiderunt te mihi,* interficiendum. Silens autem quam accusationem adversus eum instituissent, conatur causam concitati tumultus ex ipsomet cognoscere, interrogando eum: \* *Quid fecisti?*

36. \* *Respondit Jesus,* obliquè, & tamen satis apertè ad primam questionem, quæ caput erat totius causæ; ita tamen ut statim Pilatum liberet sollicitudine de læso Cæsare: \* *Regnum meum non est de hoc mundo,* id est, non est de numero regnorum hujus mundi, neque illius conditionis, cujus est regnum Cæsaris, ut proinde nihil de ipso læso timeas. Probat autem à communiter accidente, quia alioqui \* *ministri mei,* satellites, milites, exercitus, \* *utique decertarent,* pro me, \* *ut non traderer Judæis,* hostibus videlicet meis: \* *nunc autem,* q. d. quando quidem videas hoc non fieri juxta consuetudinem hujus mundi, consequenter liquet, quòd \* *regnum meum non est hinc,* id est, non habet originem suam, neque condiciones suas ex hoc mundo.

37. \* *Dixit itaque ei Pilatus: Ergo Rex es tu?* Necessè est enim esse Regem eum, qui habet regnum. \* *Respondit Jesus: Tu dicis, quia Rex,* seu quod Rex, \* *sum ego.* Cæteri Evangelistæ simpliciter dicunt respondisse, *Tu dicis,* quæ est usitata Judæis, sed modesta confessio rei præsertim honorificæ: quod explicuit Marcus cap. 14. ubi loco ejus quod

33. Introivit ergo iterum in pratorium Pilatus, & vocavit Jesum, & dixit ei: Tu es rex Judæorum?

34. Respondit Jesus: A temetipso hoc dicis, an alii dixerunt tibi de me?

35. Respondit Pilatus: Numquid ego Judæus sum? Gens tua, & pontifices tradiderunt te mihi: quid fecisti?

36. Respondit Jesus: Regnum meum non est de hoc mundo, si ex hoc mundo esset regnum meum, ministri mei utique decertarent ut non traderet Judæis: nunc autem regnum meum non est hinc.

37. Dixit itaque ei Pilatus: Ergo rex es tu? Respondit Jesus: Tu dicis quia rex sum ego. Ego in hoc natus sum, & adhuc veni in mundum, ut testimonium perhibeam veritati: omnis qui est ex veritate, audit vocem meam.



quod Matthæus dixerat, *Tu dicis*, refert, *ego sum Rex*, videlicet ab æterno, ut Ambr. lib. 2. de fide c. ult. Nam idè post enuntiatam suam regiam dignitatem, statim descendit ad nativitatem temporalem.

\* *Ego in hoc natus sum*, seu ad hoc, sicut statim sequitur: nam Græcè utrobique est eadem vox *ἐγώ*: \* *Et ad hoc veni in mundum*, per nativitatem temporalem seu incarnationem, (quo tacitè indicat se fuisse etiam antequam nasceretur in mundo) \* *ut testimonium perhibeam veritati*, Dei, seu ipsi Deo, verum ejus cultum homines docendo, eorumque vitia seu deflexus à veritate corrigendo \* *omnis, qui est ex veritate*, illà primà, id est, omnis, qui est ex Deo eum eligente, sensumque cognoscendæ veritatis inspirante (nam, ut Aug. gratiam hîc commendavit, quæ secundum propositum vocat) \* *audite vocem meam*, seu prædicationem, id est, ei credit atque obtemperat, tamquam quæ conformis sit interno sensui, quem à veritate sibi inspiratum atque insitum accepit. Itaque qui non audiunt eam, illi non sunt ex veritate, nec acceperunt illud divini beneplaciti beneficium.

36. Dicit ei Pilatus: Quid est veritas? Et cum hoc dixisset, iterum exivit ad Judæos, & dicit eis: Ego nullam invenio in eo causam.

36. Est autem conseruendo vobis, ut unum dimittam vobis in Pascha: vultis ergo dimittam vobis regem Judæorum?

40. Clamaverunt ergo rursus omnes, dicentes: non hunc, sed Barabbam. Erat autem Barabbas latro.

1. Tunc ergo apprehendit Pilatus Jesum, & flagellavit.

2. Et milites placentes coronam de spinis, imposuerunt capiti ejus: & veste purpureâ circumdederunt eum.

3. Et veniebant ad eum, & dicebant: Ave Rex Judæorum: & cabant ei alas.

4. Exiit ergo iterum Pilatus foras, & dicit eis: Ecce adduco vobis eum foras, ut cognoscatis quia nullam invenio in eo causam.

38. \* *Dicit ei Pilatus: Quid est veritas?* Fastidientis, non discere cupientis verba sunt. Putasse enim videtur quod tamquam Philosophus de veritate regnoque disputaret. Itaque nolens isti rei diutius insistere, tamquam quæ non esset suæ professionis aut fori, simul atque hoc dixisset, \* *iterum exivit ad Judæos, & dicit: Ego nullam invenio in eo causam*, id est, crimen, de quo eum accusatis. Satis enim intellexerat regnum, de quo ipse loquebatur, sine apparatu ac milite, non esse contrarium Cæsari. Postquam ergo multa intercessissent, Barabbæ postulatio, flagellatio, coronatio, illusio, de quibus latè in Matthæum diximus, Præses uti volens illà miserabili flagellati & coronati effigie ad atroces illos animos emolliendos,

## CAPUT DECIMUM NONUM.

4. \* *Exiit iterum foras*, in locum scilicet illum, qui v. 13. vocatur *Lithostrotos*: erat enim opportunus, ut totum populum inde alloqui posset, ut ibi dicemus. Itaque dixit eis: \* *Ecce adduco vobis eum foras, ut cognoscatis*, publicâ hâc meâ & iteratâ denuntiatione, \* *quia nullam invenio in eo causam*; mortis, inquiunt nonnulli: sed verius videtur generalius intelligendum esse nullam omninò causam seu noxam, ne quidem flagellationis, & coronationis istius: ut, cum videatis eum innocentem à me tam malè tractatum, tantummodò ut vobis satisfacerem, indè colligatis, me non paritulum ei fuisse, si quam causam cruce dignam invenissem. Itaque Cyril. notat Pilatum hîc ingenuè fateri peccatum suum, quod injustè flagellasset, & eduxisset foras, ut & Judæi agnoscerent ita esse.

5. \* *Exiit*

5. \* *Exiit ergo Jesus*, plagis lividus, flagris confectus, vulnerum cruore, à capite per faciem ad pedes usque defluente, sanguinolentus, sputis horridus, & ad ignominiam \* *portans spineam coronam, & purpureum vestimentum*, quod ex Græco *ἰμάτιον* redditur *Pallium*, ut Matth. 5. v. 40. dictum, ut proinde totius coporis livores & vulnera apparuerint. Eductus est ergo, ut Aug. non clarus imperio, sed plenus opprobrio, idque ut hanc ejus miseriam & ludibria libenter biberent, & ulterius sanguinem non sitirent. \* *Et dicit eis: Ecce homo*, id est, Ecce ille, cui vobiscum humana saltem natura communis est: q. d. Ecce in quem statum redactus est ille, quem persequimini, cujus saltem ut hominis, tam miserabili spectaculo commoti miseremini. Quæ verba mysteriosa expendens Aug. Si Regi, inquit, invidetis, jam parcite, quia dejectum videtis, flagellatus est, spinis coronatus est, ludibriosâ veste amictus, amaris convitiis illus, alapis cæsus est: fervet ignominia, frigescat invidia.

6. \* *Cum ergo vidissent eum Pontifices*, metuentes, ne populus benefactorum memor ad misericordiam flecteretur, primi eruperunt in clamores, ut populo essent duces, \* *& ministri*, qui pro dominorum voluntatibus, à quibus stipendium accipiunt, & promotionem sperant, zelare solent, clamabant: \* *Crucifige, crucifige*: quâ repetitione animi ardorem, & aversionis magnitudinem significant. \* *Dicit eis Pilatus*, offensus videlicet, tum quod tam immani supplicio nondum placati essent, tum verò quod se vi cogere vellent, ut tam injustæ necis author esset. Itaque dicit eis: \* *Accipite eum vos*, ipsi, si tam injusti estis, \* *& crucifigite*, si videtur. Est enim non concedentis, sed horrentis crimen: quia, ut Chrysost. notat, itemque Cyril. sunt verba indignantis, monentisque, ut ipsimet rem tam illicitam perpetrent, in fontem occidendo. \* *Ego enim non invenio in eo causam*, & proinde non faciam id, quod petitis.

7. \* *Responderunt ei Judæi: Nos legem habemus*: q. d. Situ non invenis in eo causam, juxta leges Romanas, nos invenimus maximam, quam hactenus suppressimus, ut intelligas nos non odio, sed veritate niti. Nam \* *secundum legem nostram debet mori*, id est, mortis reus est, \* *quia Filium Dei se fecit*, ac proinde blasphemavit: quemadmodum concordi sententiâ culpam Christo imputatam ad blasphemiam apud cæteros & Evangelistas retulerant. Blasphemis autem decernitur pœna capitis, Levit. 24. v. 16. & Deut. 13. v. 5. 9. 10. Postulant ergo mortem juxta Legem, quia Judæi permitti erant à Cæsare suis legibus vivere.

8. \* *Cum ergo audisset Pilatus hunc sermonem*, quod scilicet Filium Dei

5. (Exiit ergo Jesus portans coronam spineam, & purpureum vestimentum.) Et dicit eis: Ecce homo.

6. Cum ergo vidissent eum Pontifices, & ministri, clamabant, dicentes: Crucifige, crucifige eum. Dicit eis Pilatus: Accipite eum vos, & crucifigite: ego enim non invenio in eo causam.

7. Responderunt ei Judæi: Nos legem habemus. & secundum legem debet mori, quia filium Dei se fecit.

8. Cum ergo audisset Pilatus hunc sermonem, magis timuit,



asseruisset, \* *magis timuit*. Hactenus enim territus fuerat innocentia ejus, nunc religione; ne non solum injustus in hominem, sed & impius in Deum esset, Ethnicis enim assuetus fabulis, facile Jesum esse, vel Deum aliquem credidit, quemadmodum Act. 14. v. 10. Lycaones Paulum & Barnabam, vel certè deorum filium. Quo maximè jurabant notissima ejus miracula, sapientia, & in tantis tormentis & ignominiiis præferendis tam inusitata æquanimitas & constantia. Quamquam aliundè etiam dici possit, eum magis timuisse, quod scilicet, vel eum flagellasset, sicut timuit Actor. 16. v. 39. Magistratus Philippensis, audito, quod Paulus & Barnabas flagellati, cives essent Romani, Itaque rem non carentem fundamento accuratius exploraturus, forum,

9. Et ingressus est pratorium iterum, & dixit ad Jesum: Unde es tu? Jesus autem responsum non dedit ei,

9. \* *Ingressus est pratorium iterum, & dixit ad Jesum: Unde tu es?* id est, quæ origo tua, seu de quibus parentibus, cælestibus, an terrenis? Videtur enim magis de patre, quam de Patria quærere. \* *Jesus autem responsum non dedit ei*, tum quia Pilatus satis noverat innocentiam ejus, quod ad absolvendum sufficiebat: tum quia didicerat etiam, quantum satis erat, id ipsum, quod quærebat, cum audiverat, *Regnum meum non est de hoc mundo*: nam profundioris explicationis, quod esset Filius Dei ab æterno, incapax erat. Pilatus se contemni ratus:

10. Dicit ergo ei Pilatus: Mihi non loqueris? nescis quia potestatem habeo crucifigere te, & potestatem habeo dimittere te?

10. \* *Dicit ei, cum stomacho: \* Mihi non loqueris?* Judici videlicet tuo? Nam quid illud, *Mihi*, involvat, statim explicat: \* *Nescis, quia potestatem habeo crucifigere te, &c.* potestatem non æquitatem, inquit Aug. in Psalm. 118. Spirant enim hæc verba tyrannidem, quia significant eum habere potestatem pro libitu utrumlibet faciendi, vel crucifigendi, vel dimittendi; quam potestatem judices non habent. Itaque Pilatus, quamquam de cætero prudens, hîc apparet impius, dum latroni se parem facit; & insipiens, dum nemini putat judices etiam supremos reddere debere sententiæ suæ rationem.

11. Respondit Jesus: Non haberes potestatem adversum me ullam, nisi tibi datum esset desuper, id est, supernè de cælo, peculiari scilicet Dei consilio permittentis. Agitur enim de illa potestate, de qua dictum fuit Judæis, *Hæc est hora vestra & potestas tenebrarum*: Quæ potestas per illam Dei permissionem non abstergit peccatum in eo, cui datur. \* *Propterea qui me tradidit tibi*, populus videlicet Judaicus, ut est, cap. 18. v. 35. \* *majus peccatum habet*, scilicet quàm tu, quia illi invidendo, tu timendo; illi intentione occidendi, tu consulendi, & li-

11. \* *Respondit Jesus*, comprimere volens Pilati jactantiam, quæ præ se ferebat, penes se esse vitæ & necis ejus arbitrium: \* *Non haberes potestatem adversum me ullam*, neque crucifigendi, neque flagellandi, neque juris, neque facti, in me tamquam in Filium Dei, \* *nisi tibi datum esset desuper*, id est, supernè de cælo, peculiari scilicet Dei consilio permittentis. Agitur enim de illa potestate, de qua dictum fuit Judæis, *Hæc est hora vestra & potestas tenebrarum*: Quæ potestas per illam Dei permissionem non abstergit peccatum in eo, cui datur. \* *Propterea qui me tradidit tibi*, populus videlicet Judaicus, ut est, cap. 18. v. 35. \* *majus peccatum habet*, scilicet quàm tu, quia illi invidendo, tu timendo; illi intentione occidendi, tu consulendi, & li-

beran-

berandi injuriam contulisti : quorum illud isto longè gravius est. Ita plerique. Quamquam videatur notari peccati excessus ex parte potestatis : nam Judæi qui Jesum tradiderant Pilato occidendum , longè certius noverant , quàm ipse Pilatus , neque se , neque Pilatum habere ullam adversus eum potestatem. Non excusat igitur hîc Jesus Pilatum , sed indirectè accusat peccati , licet minoris , quod tamen directè ab eo intelligi volebat.

12. \* *Et exinde*, Græcè *ἐκ τούτου*, *ex hoc* : quod exponi potest ex illo tempore , vel etiam propter hoc , ut Syrus , seu ex hac causa , ut Augustinus , quod scilicet Pilatus animadverteret eum non negasse quod esset Filius Dei , sed potius asseruisse : & insuper repressisse intrepide arrogantiam suam ; nec illâ Dei permissione , vel consulendi intentione excusatum esse peccatum suum : \* *quarebat Pilatus dimittere eum* , seriò scilicet multoque magis quam antè. Quod propositum suum statim prætorio egressus palam declaravit. Nam hac de causa animadvertentes Judæi Pilatum omnibus hætenus allatis argumentis invictum esse , ex parte Cæsaris eum aggrediuntur , ubi minùs munitus erat. Sicut enim hostis clausos obsidens mûres , explorat ac tentat omnem aditum ; ita diabolus omnium discuit consuetudines , ventilat curas , scrutatur affectus , & ibi causas quærit nocendi , ubi quemque viderit studiosius occupari , ut S. Leo serm. 7. de nativitate. Itaque \* *clamabant Judæi* : *Si hunc dimittis , non es amicus Cæsaris* , id est , declaras te inimicum Cæsari , cujus locum tenes , & cujus jura tueri debes : plus enim significant , quam dicunt , tacitèque accusationem perfidiæ apud Cæsarem minantur. Quo sanè nihil apud Pilatum terribilius dici poterat , cujus & status , & vita indè pendebat. \* *Omnis enim , qui se Regem facit* , non concedente Cæsare , in provinciis Romani Imperii , \* *contradicit Cæsari* , id est , hostis est Cæsaris , & perduellionis reus , utpote lædens majestatem & auctoritatem ejus. Neminem enim patiebantur Cæsares usurpare Regiam potestatem in Judæa , imo nec nomen nisi suo concessu. Quam ob causam Archelaus , filius Herodis Magni , graviter accusatus fuit , quòd vel passus esset se Regem haberi à militibus ante Cæsaris permissum : & ad nomen illud obtinendum Herodes Tetrarcha Romam profectus est.

13. \* *Pilatus autem cum audisset hos sermones* , de læso Cæsare , cui eum suspectum facere minabantur , \* *adduxit foras Jesum* , prorsus succumbens timori , qui omnibus clamoribus Judæorum infractus fuerat ; similis videlicet illis , qui tamdiù pro justitia fortiter certant , quamdiù nullum imminet fortunarum , aut honoris , aut statûs , aut vitæ periculum : \* *& sedit pro tribunali* , id est , habitu Judicis con-

12. Et exinde quarebat Pilatus dimittere eum. Judæi autem clamabant dicentes: Si hunc dimittis, non es amicus Cæsaris: omnis enim, qui se regem facit, contradicit Cæsari.

13. Pilatus autem cum audisset hos sermones, adduxit foras Jesum: & sedit pro tribunali, in loco qui dicitur Lithostrotos, Hebraicè autem Gabbatha.



scenso tribunali sedet ad ferendam sententiam, \* *in loco, qui dicitur* Ἀδὲς γὰρ Græcè, *lapidibus stratus*, quodd pavementum esset stratum lapidibus, \* *Hebraicè autem*, hoc est, Syriacè, quâ linguâ tunc Hebræi utebantur tamquam vernaculâ, quæ non est purè Hebraica, sed mixta Chaldaicæ, discrepans multum dialectis ab utraque, \* *Gabatha*. Quod si deducatur à Syriaco, ܓܒܬܐ *Gab*, significabit, ut Græcum, viam lapidibus stratam: sin autem ab Hebraico, ܓܒܬܐ *Gavach*, & *Gavoach*, significabit altum, seu eminentem locum. Erat enim porticus in modum pontis lapidei frequentibus arcubus supra plateam publicam extructa, ac subdialibus inambulationibus ornata; per quam à Pilati palatio in Antoniam arcem, & inde in templum transitus erat, ut Adrichomius in suo Theatro Terræ sanctæ, ubi dicit peregrinis adhuc ostendi arcum lapideum, cum hac inscriptione: *Tolle, Tolle, Crucifige*. Ex hoc loco populum Præsides Romani alloqui solebant, ut commodissimè ab omnibus videri & audiri possent. In hoc ergo etiam tribunal portatile positum fuit quod Pilatum aliquando in stadio collocasse, pro re nata, notat Josephus lib. 18. Antiquit. cap. 4. & Florum ante Regiam lib. 2. de bello Judaico c. 14.

14. Erat autem  
Parasceve Pa-  
schæ, hora quasi  
sexta, & dicit  
Judæis: Ecce rex  
vestr.

14. \* *Erat autem Parasceve*, quæ est dies præcedens sabbatum, seu feria nostra sexta, *Parasceve* dicta quasi præparatio, quòd eâ die præparentur pro sabbato sequente ea, quæ ipso sabbato præparari non poterant. \* *Pascha*, id est, incidens in Pascha, seu Paschales dies, \* *hora quasi sexta*, id est, circiter sexta: quod quo pacto congruat Marco, qui dicit, *erat hora tertia, & crucifixerunt eum*, ibi latius diximus. \* *Et dicit Judæis: Ecce Rex vester*. Quæ verba videntur esse irridentis, partim Judæos, si esset iste Rex ipsorum Christus; partim Jesum, si non esset: simulque misericordiam commoventis tali ipsius spectaculo, qui tam male tractatus erat, videlicet, ut ita, siue esset Rex ipsorum, siue non esset, liberaretur.

15. Illi autem cla-  
mabant: Tolle,  
tolle, crucifige  
eum. Dicit eis  
Pilatus: Regem  
vestrum crucifi-  
gam? Responde-  
runt Pontifices:  
Non habemus  
Regem, nisi Cæ-  
sarem.

15. \* *Illi autem clamabant: Tolle, tolle, crucifige eum*. Spirant verba odium acerbissimum omnisque moræ impatientes animos: quasi dicerent id, quod est Sap. 2. *Gravis est nobis etiam ad videndum, aufer eum ex oculis nostris*. v *Dicit eis Pilatus: Regem vestrum crucifigam?* Tantæ præsertim innocentæ, & tam bene de vobis meritum? Quæ verba ponderans Cyrill. Tantæ, inquit, apud vos opinionis eum crucifigam? Quid enim ei exæquari potest? Imo verò quid in eo minus Filio Dei atque Rege? Et expositionem complens Aug. Adhuc, inquit, timorem, quem de Cæsare ingesserant, superare conatur, de ignominia eorum volens eos frangere, quos de ignominia Christi mitigare non potuit: sed timore mox vincitur. \* *Responderunt Pontifices*, qui ad omnia ista

ista insana responsa populo duces fuerunt: \* *Non habemus Regem, nisi Cæsarem.* Itaque ex odii magnitudine renuntiant hîc publicè Messiae sibi divinitus promisso, & innumerabilibus beneficiis commendato, in quo tota ipsorum religio fundata erat, & consequenter renuntiant Moysi & Prophetis, dum nativæ suæ libertati ethnici hominis servitutem præferunt. Ut meritò prædixerit Daniël c. 7. v. 26. *Non erit ejus populus qui eum negaturus est:* & Olee 1. v. 9. *Non populus meus vos, nec ego Deus vester.* Quam ob rem jure, quod Cyrill. notat, in Cæsaris, quem elegerant, potestatem traditi sunt, & in innumerabiles belli calamitates præcipitati.

16. \* *Tunc ergo tradidit eis illum, &c.* Non ausus ultra resistere, quia, ut Aug. apertissimè contra Cæsarem venire videretur, si Regem se non habere, nisi Cæsarem, profitentibus, alium Regem veller ingerere, dimittendo impunitum eum, quem propter hos ausus ei occidendum tradiderant. Porro tradidisse eis dicitur, cum tamen Romanis militibus traditus sit, quia videlicet tradidit eum voluntati eorum, seu adjudicans fieri petitionem eorum, ut Lucas. De crucifixione, tituli que verbis, vide Matthæum. Cum ergo crucifixissent eum; imposuit titulum,

20. \* *Hebraicè, Græcè, & Latinè.* Lucas Græcam linguam primo loco posuit, neglecto scilicet vero ordine, quem talem fuisse, ut hîc adscribitur, asserunt qui eum viderunt Romæ. Itaque Latina, tamquam quæ dignior Romano Præsidi videretur, capiti proxima fuit, in medio Græca, postremò Hebraica à capite remotissima: ad præfigurandum, quòd Latini, seu Ecclesia Latina futura esset Christo proxima tamquam Ecclesia principalis, ut loquitur Cyprian. & caput ejus: Græci medii, Hebræi remotissimi, ac tandem ultimis temporibus Ecclesiæ accersendi. Interim ex illius tituli dignitate tres istæ linguæ divinis officiis consecratæ sunt.

21. \* *Dicebant ergo Pilato, &c. Noli scribere, Rex Judæorum.* Duplex petitiæ mutationis causa fuit: una, ignominia sua; sentiebant enim sibi apertè exprobrari, quòd Regem suum Messiam crucifixissent, quemadmodum reverà hoc eis Pilatus exprobratum videtur voluisse: altera, gloria Christi, cui & morienti invidebant; titulus enim iste speciem potius trophæi, quàm damnationis præ se ferebat. Itaque scribi volunt: \* *quia ipse dixit; Rex sum Judæorum*, hoc est, quòd sibi illam dignitatem usurpaverit. Talem enim crucifixisse fuisset vice versà Judæis gloriosum, Jesu ignominiosum.

22. \* *Respondit Pilatus, quod scripsi, scripsi*, hoc est, nolo immutare, maneat scriptum, quod scripsi. Perstitit ergo Pilatus, tum ex natu-

16. Tunc ergo tradidit eis illum ut crucifigeretur. Susceperunt autem Jesum, & eduxerunt.

17. Et bajulans sibi crucem, exivit in eum, qui dicitur Calvarie, locum, Hebraicè autem Golgotha:

18. ubi crucifixerunt eum, & cum eo alios duos, hinc & hinc, medium autem Jesum.

19. Scripsit autem & titulum Pilatus: & posuit super crucem: Erat autem scriptum: Jesus Nazarenus, Rex Judæorum.

20. Hunc ergo titulum multi Judæorum legerunt: quia propè civitatem erat locus, ubi crucifixus est Jesus. Et erat scriptum Hebraicè, Græcè, & Latinè.

21. Dicebant ergo Pilato Pontifices Judæorum: Noli scribere, Rex Judæorum: sed quia ipse dixit: Rex sum Judæorum.

22. Respondit Pilatus: quod scripsi, scripsi.



naturali iudicio, quia non licebat hoc ei, nam ut Apuleius in Floridis, Proconsulis tabella, sententia est, quæ semel lecta, neque augeri litterâ unâ, neque minui potest: tum divino instinctu, quia Spiritus S. voluit indelebilem illam veritatem toti mundo innotescere. Ut enim Cyrill. Stabile & super calumniam est Christi regnum: &, ut Hieron. Invitis etiam Judæis, Jesus est Rex Judæorum, hoc est, Imperator credentium & confitentium.

23. Milites ergo eum crucifixis-  
sent eum, acceperunt vestimen-  
ta ejus, (& fecerunt quatuor  
partes. unicuique  
militi partem) &  
tunicam. Erat au-  
tem tunica in-  
confutilis, desu-  
per contexta per  
totum.

23. \* *Milites ergo acceperunt vestimentum ejus, & fecerunt quatuor partes*, non tot integra vestimenta dividendo, sed ea scindendo: \* *unicuique militi partem*. Unde apparet, inquit Aug. quatuor fuisse milites, qui in eo crucifigendo Præsidi paruerunt. \* *Et tunicam*, interioriorem, supple, acceperunt: nam vox *χιτών*, propriè vestem corpori adhærentem significat. \* *Erat autem tunica inconsutilis*, unde nec dissui poterat, \* *desuper contexta per totum*, id est, à summo ad imum usque uno continuo ductu texta. Opus fuisse B. Virginis Euthym. tradit, & apud plerisque receptum est. Cujusmodi tunicis pauperes Galilæos indui solitos, utpotè ex vulgari materia, docet Isidorus Pelusiota lib. 1. epist. 74.

24. Dixerunt ergo ad invicem: Non scindamus eam, sed sortiamur de illa cuius sit. Ut Scriptura impleatur, dicens: Partiti sunt vestimenta mea tibi: & in vestem meam miserunt sortem. Et milites quidem hæc fecerant.

24. \* *Dixerant ergo: Non scindamus eam*, ne prorsus fiat inutilis; vestis enim texta scissione in fila dissolvitur: \* *sed sortiamur de illa cuius sit*, ut vel unus saltem commodum inde sentiat. Hoc autem eos re ipsa fecisse declarat allato vaticinio: \* *Ut Scriptura impleatur*, id est, ita ut impleatur. Non enim significatur causa, quam spectaverint milites, sed eventus: nam ipsi ex avaritia, Deo tamen occultè dirigente, scindi eam noluerunt. \* *Partiti sunt vestimenta mea*, cætera, \* *& super vestem meam*, id est, super unam vestium mearum, tunicam scilicet, \* *miserunt sortem*. Ex quo non sequitur, sortem esse missam super cætera vestimenta (nam ex Marco constat hoc esse factum) sed super istam ita sortem esse missam, ut divisa non fuerit. Prædicta sunt ista minuta, ne quis scandalum ex tanta Christi nuditate & ignominia pateretur. Agebantur autem occultiori instinctu Dei ad mysteria præsignanda. Nam *Tunica* significabat, authore Aug. in Psal. 21. & epist. 171. charitatem, quæ verè desuper est contexta per totum, quia ex charitate Dei charitas proximi gignitur, nec ipsa dividi potest, ut charitas Dei sit sine charitate proximi; nec scismata aut divisiones in Ecclesia facit, aut fieri sinit. Unde Cyprian. per illam eandem tunicam intelligit significari Ecclesiam, quæ velut vestis adhærens Christo, sic una est, ut dividi nequeat: sed qui eam deserit, non tam eam scindit in partes, quàm ab ea seipsum abrumpit; eam integram relinquens. Nec magno mysterio caret, quod dicitur, *Sortiamur*

tiamur de illa, cujus sit; charitas enim, & esse de Ecclesia, forte obtingunt, quia sicut sortis eventus non est in nostra potestate, sed eum calus adfert, sic gratia Domini charitatem adferens, & Ecclesiæ inferens, non quasi ex mercedis merito, sed ex Dei voluntate defertur, ut Ambr. Exhortatione ad Virgines.

25. \* *Stabat autem juxta crucem Jesu mater ejus.* Ex quibus verbis colligitur primò amoris ardor, quo incitata per medias insolentium hominum turbas usque ad ipsam crucem secuta sit filium, neque se- xum morata, nec opprobria insultantium tamquam matri crucifixi, neque periculum: quæ parata erat, inquit Ambr. lib. 10. in Lucam, & suâ morte publico muneri redemptionis mundi aliquid, si Deo pla- cuisset, addere. Secundò, animi constantia, ut quæ non deliquio ceciderit, quemadmodum pictores nonnulli fingunt, sed viriliter ste- terit. Stabat enim, inquit idem Ambr. fugientibus vir's intrepida. Stabat non degener mater spectaculo, priis spectans oculis vulnera Fi- lii, quia expectabat non pignoris mortem, sed mundi salutem. Ter- tiò, doloris magnitudo ex compassione tormentorum filii nata, prop- ter quam plerique Patres, Cyrill. & alii, hîc impletum volunt Si- meonis vaticinium, *Tuam ipsius animam pertransibit gladius*, id est, do- loris magnitudo, \* *Et soror matris ejus*, ita propter affinitatem dicta, quia soror Joseph, mariti B. Virginis; quæ soror vocabatur, \* *Maria Cleopha*, Ubi subaudiri potest, vel *filia* vel *Mater*, vel quod verifimi- lius est, *uxor*. Hæc vocatur à Matth. & Marco *Maria Jacobi*, & *Jo- seph*, scilicet mater. \* *Et Maria Magdalene*, quæ quidem mulieres di- cuntur apud Matthæum longè stetisse, hîc autem juxta crucem: sed utrumque successivè fieri potuit, ut primò propè steterint, deindè recesserint.

26. \* *Cum vidisset ergo Jesus matrem, & discipulum stantem, quem diligebat*, propter virginitatem & sapientiæ profundum, ut Hieron. contra Jovinianum, & in cap. ult. Zachariæ. Adde, ut alii, propter morum suavitatem, verecundam ætatis teneritudinem. Nam dile- ctio ista major videtur significare majora familiaritatis & benevolen- tiæ indicia, quæ exhiberi illis subindè solent, qui minori dilectionis æstimatione diliguntur. \* *Dicit matri suæ*, hoc ipso se genuinum fi- lium ejus declarans, quòd ipsius curam non deserat, ut Paulinus No- lanus notat epist. 38. \* *Mulier*, non matrem vocat, tum ne altiùs viscera dilectionis & doloris conciteret, tum quia alium ei jam filium adoptabat, \* *ecce Filius tuus*, erit iste tibi deinceps meo loco, qui sci- licet tuis obsequiis obstrictus erit eo jure, quo filius maternus. Vide- tur autem nutu oculorum vel capitis Joannem designasse, sicut statim simili nutu matrem, quando

25. Stabant au- tem juxta cru- cem Jesu mater ejus, & soror matris ejus Ma- ria Cleopha, & Maria Magdale- ne.

26. Cum vidisset ergo Jesus ma- trem, & discipu- lum stantem, quem diligebat, dicit matri suæ: Mulier, ecce fi- lius tuus.

27. \* De-



27. Deinde dicit discipulo : Ecce mater tua. Et ex illa hora accepit eam discipulus in sua.

27. \* *Deinde dicit discipulo : Ecce mater tua*, cujus scilicet deinceps curam geres tanquam matris tuæ, eadem videlicet dilectione, sollicitudine, ac reverentiâ. Joanni ergo præ cæteris matrem commendat, tanquam puram puro, virginem virgini, sapientissimam sapienti. Cum quo enim virgo habitare debebat, nisi cum eo, quem filii hæredem, integritatis sciret esse custodem ? inquit Ambr. lib. de institut. Virginum. Qui notat epist. 82. Christum hîc condidisse domesticum testamentum, exemplo suo nos instruendo, ut à filiis impendatur cura parentibus : tanquam lignum illud, ubi erant fixa membra morientis, etiam cathedra fuerit magistri docentis. \* *Et ex illa hora accepit eam discipulus in sua*, Græcè ἐκ τῆς ἰδίας, in propria (est quarti casus pluralis numeri) hoc est, in domum suam, in qua habitabat, & consequenter in curam suam, tanquam matris suæ. Unde aliqui exponunt, *in sua*, id est, in rerum suarum numerum, tanquam adoptans eam sibi in matrem suam. Unde non miror, inquit Ambr. eodem loco, Joannem præ cæteris locutum divina mysteria, cui præsto erat aula cælestium Sacramentorum.

28. Postea sciens Jesus quia omnia consummata sunt, ut consummaretur Scriptura, dixit : Sitio.

28. \* *Postea Jesus sciens, quia omnia consummata sunt, omnia*, quia maxima pars. Unde Aug. omnia, quæ fieri oportebat, antequam Dominus acciperet acetum ac traderet spiritum, \* *ut consummaretur Scriptura*, illa scilicet quâ Psaltes in persona Christi verbis præteriti temporis prædixerat futurum, *Et in siti mea potaverunt me aceto* ; \* *dixit*, cui verbo jungendum est illud adverbium, *postea*, quod præcessit. \* *Sitio*, verâ scilicet ac naturali siti, quæ sanguinem exhaustum, doloresque & cruciatus sequi solet, ut Cyrill. quia humor consumitur. Indicatam eam voluit, non ut solamen potus obtineret, quod sibi negatum iri præsciebat, sed partim ut humanæ naturæ, supplicii que veritatem patefaceret, cujus naturales effectus patiebatur : partim ut etiam istud, quod Pater ex prævisa Judæorum malitia ei patiendum decreverat, pateretur, cujus occasionem eis iusta de causa offerre voluit.

29. Vas ergo erat positum aceto plenum. Illi autem spongiam plenam aceto, hyssopo circumponentes, obtulerunt ori ejus.

29. \* *Vas ergo erat positum aceto plenum*. Pro, *Vas*, Hilarius legit *Concham*, quod certum est genus vasis. Loquitur autem Evangelista tanquam de re usitata : poni enim solebat *acetum*, non ad potandum, sed partim ad addendas vires, si quis in illis tormentis animo deficeret (quem usum etiamnum habet : ) partim ad sistendum sanguinem, ex vulneribus defluentem, quâ vi pollere acetum, tradit Dioscorides, & alii passim. Eundem usum habet *spongia*, quæ aderat non solum ut vehiculum esset aceti, sed in primis quia & ipsæ sanguinem sistunt; de quo Plinius lib. 31. c. 11. Recentes spongiæ discutiunt, molliunt,

liunt, mitigant; veteres conglutinant vulnera. Item sanguinis profluvium sistunt, ex aceto, aut frigida. Illi autem Romani milites abutentes illis instrumentis ad illudendum morienti \* *spongiam plenam aceto, hyssopo circumponentes*. Locus est perdifficilis, cui enodando sex aut septem expositiones adhibentur. De spongia plena aceto, juxta prædicta non est difficultas; sed quomodo hyssopo circumposuerunt? Guilielmus Estius suspicatus est pro *ὁσῶτα* Græcè legendum esse *ὁσῶ*, pro quo Latini ex Græco *Gessum* dicunt, & significat pilum seu jaculum; & sic idem esset *ὁσῶ circumponentes*, quod Marcus dixit, *circumponentes Calamo*, & Matthæus, *imposuit arundini*: sed nulla exemplaria, nulli veteres suffragantur. Alii igitur putant *hyssopum*, licet sit herba perquam humilis, fuisse in Palæstina tam magni caulis, ut instar arundinis servire potuisset ad admoventam spongiam ei circumpositam ori sitibundo. Conjectura ista videtur nimis audax, & sine fundamento ullius qui de herbis istud præscripserit. Quare alii censent hyssopum simul cum spongia fuisse calamo circumpositam, & simul admotam ori, prout satis apertè sentiunt Chrysostomus, Theophyl. & ante illos Hilar. sive ipsa herba per hyssopum intelligatur, quæ unâ cum spongia calamo circumligata fuerit, ut Aug. sive succus ex illa herba aceto mixtus, ut putavit Nonnus; quæ tamen postrema sententia verbis scripturæ difficulter aptari potest. In tantoloci obscuritate non improbabile esse puto illud, *Hyssopo*, Græcè *ὁσῶτα* positum esse pro *ὁσῶτα*, quod significat lanam succidam, hoc est, sudore & fordibus ovium plenam. Quæ succida eundem planè usum habet, quem spongiæ, ut Plinius loco citato, in vulnerum curatione, & succidæ lanæ vicem implent. Et lib. 29. c. 2. Succidæ plurima præstant remedia ex oleo vinoque aut aceto, prout quæque mulceri morderique opus sit. Porro *Hyssopum* pro *Oisypo* poni, vitio scriptorum, frequentissimum est apud omnes penè Medicos, Latinos & Græcos, Celsum lib. 5. c. 19. apud Gallenum sæpius, apud Trallianum cap. de Podagra, Paulum Æginetam, & alios.

30. \* Cum ergo accepisset *Jesus acetum*, non suâ causâ, ut qui inde non esset refocillandus, sed propter nos, ut pro nobis ista tormenti acerbitate satisfaceret. Undè Ambrosius in Psal. 118. Meam amaritudinem bibit Christus, ut mihi gratiæ suæ refunderet suavitatem. \* *Dixit: consummatum est*. Græcè *τετέλεσται*, *perfectum est*, quidquid scilicet in scripturis prædictum est, ita ut nihil remanserit, quod antequam moreretur fieri adhuc oporteret, inquit Aug. Nam mors, de qua non loquitur, adhuc supererat: q. d. Quidquid mihi in hac mortalitate consilium Dei decrevit aut faciendum aut tolerandum, completum est,

30. Cum ergo accepisset Jesus acetum, dixit: Consummatum est. Et inclinato capite tradidit spiritum.



non est quod diutius vivam, superest nunc ut moriar. Itaque tamquam ad hoc expectaret, ait Augustinus lib. 3. de consensu c. 18. ut perfectum in illo esset, quod de illo prophetatum erat qui utique, cum vellet, moreretur \* *inclinato capite*, in pectus quâ parte liber erat, Græcè ἀκλινῶς τὴν κεφαλὴν, *inclinans caput*, scilicet ipsemet vi activâ, antequam moreretur, quod in cæteris morientibus & pendentibus post mortem contingit pondere naturali, \* *tradidit spiritum*, in manus Patris, cui spiritum suum commendaverat; nam ad illa verba Christi alludi videtur. Utrâque clausulâ, & inclinationis & traditionis, significatur potestas mortis, non necessitas; eumque esse vitæ ac mortis dominum, qui suâ voluntate moreretur, simul atque impletis omnibus non amplius necesse erat vivere, prout hæc animadvertunt Chrysost. ac Theoph. in primisque Aug. Quis, inquit, ita dormit, quando voluerit, sicut Jesus mortuus est, quando voluit? Ad quod significandum jam olim prophetaverat Jacob Patriarcha de Jesu in persona Judæ: *Catulus leonis Juda ad prædam fili mi ascendisti*, crucem: *requiescens*, à laboribus & doloribus mortalitatis, *accubuisti ut leo*, quia ut fortis tuâ voluntate, non infirmus necessitate mortuus es. Quod maximè demonstratum fuit illo clamore magno, de quo alii Evangelistæ; nam iste contigit post verba, *consummatum est*, & immedie antè inclinationem capitis.

31. Judæi ergo, (quoniam parasceve erat) ut non remanerent in cruce corpora sabbato, (erat enim magnus dies ille Sabbati) rogaverunt Pilatum ut frangerentur eorum crura, & tollerentur.

31. \* *Judæi ergo* (quoniam *parasceve* erat, id est, dies proximè precedens sabbatum tamquam præparatorius) \* *ut non remanerent in cruce corpora sabbato* sequente, si videlicet diu vitam protraherent, ut plerumque fiebat. Non enim, ut Aug. crucifigi, hoc erat occidi, sed diu vivebatur in cruce: non quia longior vita eligebatur, sed quia mors ipsa protendebatur, ne dolor citius finiretur \* (erat enim magnus, id est, percelebris, \* *dies ille sabbati*) propter concursum secundæ feriæ Paschalis & Sabbati; nam Pascha durabat septem dies. Ne ergò tantus dies deformitate cadaverum pendentium, vel inquietudine sepelientium dehonestaretur, præsertim quia Deuter. 21. v. 22. generaliter præceptum erat, ne permaneret cadaver in ligno, sed eadem die sepeliretur, \* *rogaverunt Pilatum, ut frangerentur eorum crura*, quo citius morerentur, tum doloris magnitudine, tum sanguinis exundantiâ, ut Cyrill. tum denique quia ut tradit Plinius lib. 11. c. 45. in utriusque genu commissurâ, dextrâ levaque à priori parte gemina quædam buccarum inanitas inest, quâ perfossâ, seu jugulo, fugit spiritus. Crurifragium istud distinctum à cruce supplicium erat, non pars vel appendix ejus: undè extra ordinem apud Judæos adhibebatur accelerandæ mortis causâ propter dictam rationem.

32. \* *Venerunt ergo milites : & primi quidem fregerunt crura*, id est, <sup>32. Venerunt ergo milites : & primi quidem fregerunt crura & alterius qui crucifixus est cum eo.</sup> ejus, qui primò crucifixus erat, quem Euthymius & alii à dextris fuisse volunt : post quem venerunt ad secundò crucifixum, ac denique ad Jesum, qui ultimò affixus fuerat, ut scilicet, eodem ordine extinguerentur, quo crucem adierant, & sic in mora patiendi essent pares.

33. \* *Ad Jesum autem cum venissent, ut viderunt eum jam mortuum*, <sup>33. Ad Jesum autem cum venissent, ut viderunt eum jam mortuum, non fregerunt ejus crura :</sup> prævento videlicet carnificis officio, inquit Tertul. in Apologet. \* *non fregerunt ejus crura*, quia causa crurifragii deerat : quod significatum fuit per illam causalem orationem, *ut viderunt*, id est, quia viderunt eum mortuum,

34. \* *Sed unus militum*, subdubitans fortassis num mortuus esset, <sup>34. Sed unus militum lancea latus ejus aperuit, & continuo exivit sanguis, & aqua,</sup> inquit Cyril. & ita hoc ictu perficere volens, si non esset, \* *lancea latus ejus aperuit*, Græcè ἐνέξε, *pupugit*, id est, pungendo perforavit & aperuit. Quod pictores notant dexterum; sed quo fundamento, certè nescio. Non absimile vero est, fuisse sinistrum, militemque cor petiisse, ut ictu lethali moreretur, siquid vitæ superesset : \* *& continuo exivit sanguis & aqua*, utrumque magno miraculo, nam sanguis, ut Ambr. post mortem in nostris corporibus congelascit. Unde & Euthym. A mortuo homine, etiamsi millies quis eum pupugerit, non exhibit sanguis, multò verò minùs aqua vera : nam proculdubio veram fuisse declarat Innocentius III. in decretalibus de celebrat. Missarum. Quod enim hæretici quidam dicunt in pericardio aquam contineri, falsum esse docent Medici peritissimi, qui asserunt humorem esse colore flavum, sapore amarum, adeòque biliosum.

35. \* *Et qui vidit*, id scilicet quod proximè narratum est, \* *testimonium perhibuit*, seu perhibet, \* *& verum est testimonium ejus*, tamquam testis oculati, & sancti Spiritus impulsu istud litteris commendantis : quâ periphrasi in tertia persona, modestiæ causâ seipsum describit. \* *Et ille scit, quia vera dicit*, id est, benè sibi conscius est se vera dicere, ideoque hoc testatur, \* *ut & vos credatis*, id, quod narravit. Quâ tantâ inculcatione indicat, se rem reverà valde solitam & miraculosam narrasse, quæque magnum mysterium contineret. Quod explicans Hieron. in cap. 48. Isaïæ, putat aquâ & sanguine, Baptismum & Martyrium significari, Tertull. Carm. contra Marcionem lib. 2. cap. 4. *Aquâ* Baptismum, *Sanguine* Ecclesiam; sed rectiùs, Cyrill. Chrysost. & in primis Augustinus notant, *Aquâ* exprimi Baptismum, *Sanguine* Eucharistiam. Per aquam, inquit Chrys. regeneramur, sanguine & carne nutrimur. Et quia illud Sacramentum est maximè necessarium, hoc verò præcellentissimum, hinc sub



duobus illis omnia reliqua intelliguntur. Ut rectè Augustinus dixerit ex Christi latere Sacramenta Ecclesiæ promanasse ; itemque Ecclesiam Christi conjugem, ex ejus mortui latere originem traxisse, sicut Evam ex latere Adæ dormientis.

36. Facta sunt enim hæc, ut Scriptura impleatur : Os non comminuetis ex eo.

36. \* *Facta sunt enim hæc*, non temerè, non casu, non militum consilio, sed profundiore Dei directione, \* *ut Scriptura impleatur*, quæ de Agno Paschali figuraliter prædixit: \* *Os non comminuetis*, Græcè *οὐ σφραγισεται*, *comminuetur*, \* *ex eo*, agno, quem manducabitis. Quo significabatur, ita Christum à Judæis malè tractandum, ut tamen nullum ossium ejus confriingeretur, ut causa mystico sensu subtraheretur iis, qui Ecclesiam cupiunt in partes discindere, ut ait Athanas. tract. de corporali adventu Verbi.

37. Et iterum alia Scriptura dicit : Videbunt in quem transfixerunt.

37. \* *Et iterum alia Scriptura dicit*, quæ etiam ex parte aliqua per istam lateris apertionem implenda erat: \* *Videbunt in quem transfixerunt*. Ubi prædicitur & transfigendus & videndus : primum hîc, alterum in die judicii implendum erit, prout satis indicatur Apocalypsis 1. v. 7. Unde & Aug. hinc docet promitti, Christum in ea, quâ crucifixus est, carne venturum. Quamquam satis aptè quoque intelligi possit prædictum, quòd Judæi videbunt oculis fidei Christum transfixum in die Pentecostes, & postea quando super eos effusus est spiritus precum & pœnitentiæ, quo planxerunt eum planctu quasi super unigenitum, prout habetur Zachariæ 12. unde locus iste sumptus est.

38. Post hæc rogavit Pilatum Joseph, &c. discipulus occultus, hæc enim videlicet, quem tamen Lucas testatur fuisse virum bonum & justum : ut intelligamus eum sic occultasse discipulatum, ut non peccaverit. Hic ergo tot mirabilibus in morte factis, & ipsâ passionis jun peractæ virtute roboratus, è latebris prorupit, nec detrectavit odiis exponere animam suam in obsequium Domini. Reliqua de ipso vide apud Matthæum.

39. Venit autem & Nicodemus, qui venerat ad Jesum nocte primum, ferens mixturam myrrhæ & aloës, quasi libras centum.

39. \* *Venit autem & Nicodemus*, corpore jam deposito prout indicatur v. præcedenti, quo dicitur Joseph tulisse corpus Jesu. \* *Qui venerat ad Jesum nocte primum* : quo insinuatur & postea sæpiùs venisse, ut discipulus fieret, quod notat Aug. Hic ergo sumptâ simili audaciâ venit, \* *ferens mixturam myrrhæ & aloës*, id est, myrrham & aloë mixta, ea scilicet aromata, quæ maximè corpora servare solent, inquit Chrys. Nam *myrrhæ* lacryma, quæ *Stacte* vocari solet, & *Aloë* summâ suâ amaritudine maximè resistunt putredini. Videtur hoc tamen juxta Judæorum consuetudinem magis pompæ causâ factitatum, quàm ut diu corpus servaretur. Nam ad hoc exenteratio, aliaque magna cura necessaria est, \* *quasi libras centum*, ut quasi unguentis corpus involu-

40. Acceperunt ergo Corpus Jesu. & ligaverunt illud lineis cum aromatibus, sicut mos est Judæis sepelire.

41. Erat autem in loco, ubi crucifixus est, hor-

tum

um fuisse videatur. Quā copiā demonstravit ipse sui affectus magnitudinem, sed Christus servavit sine aromatum subsidio corpus incorruptum, gloriosæ resurrectionis acceleratione. Sepelierunt autem Christum in horto propinquo, \* *propter Parasceven Judæorum*, jamjam scilicet desinentem in sabbatum, quo operari non licebat, corpus remotius transferendo. Cætera alibi dicta sunt.

tus : & in horto monumentum novum, in quonondum quicquam positus erat. 42. Ibi ergo propter Parasceven Judæorum, quia juxta erat monumentum, posuerunt Jesum.

## CAPUT VIGESIMUM.

1. \* **U**Na autem sabbati, id est, primâ die septimanæ, quæ est Dominica, \* *Maria Mag'alene*, unâ cum cæteris mulieribus. Illa tamen hic sola exprimitur, quia ut Cyril. ipsa ferventior, cæterisque dux fuit, & princeps ad opus pietatis. Nam alias simul adfuisse insinuat ipsa v. 2. dum dicit, *Nescimus*, &c. \* *Venit manè, cum adhuc tenebræ essent*, non illæ densiores, sed quales in crepusculo matutino, cælo jam albescente : quod Marcus dixit, *valde manè*, Lucas *valde diluculo*, \* & *vidit lapidem sublatum à monumento*. Modus expositus est apud Matth.

2. \* *Cucurrit ergo*, quia scilicet vidit lapidem sublatum, monumentum vacuum, & Angelos dicentes eum vivere, sicut narrant illi, qui in Emaus proficiscebantur. Ex quo liquet, Magdalenam & mulieres narravisse quidem Apostolis resurrectionem, non tamen ex propria sententia, sed tamquam ex ore Angelorum. Et cum verba ista visa essent Apostolis sicut deliramentum, ut ait Lucas ibid. c. 24. v. 11. mulieres eis consentientes, suam sententiam apertè protulerunt, dicendo : \* *Tulerunt Dominum de monumento*. Hoc autem Magdalena præcipuè ad Simonem detulit, quia de illo dictum eis fuerat ab Angelis apud Matth. *Dicite discipulis ejus & Petro* : ad Joannem verò quia cum ipso juxta crucem steterat ; putabat enim hæc illis duobus majoris curæ futura ad corpus amissum requirendum. Cum ergo præ ardore rei cognoscendæ currerent simul,

4. \* *Ille alius discipulus præcucurrit citius*, Petro, tamquam ætate junior, corpore agilior ac robustior.

5. \* *Et cum se inclinasset*. Apud Lucam vertitur idem verbum *procumbens* ; ostiolum enim erat perquam humile, ita ut sepulchrum ab homine erecto, inspicere non posset. Quod faciliè intelligitur, consideratâ monumenti formâ, quam descripsimus Matth. 18. \* *vidit postea linteamina*, quibus corpus totum involutum fuerat ; luce per ostiolum istud se nonnihil diffundente. \* *Non tamen introiit*, sive præ timore, ut Euthymius, sive præ reverentia.

6. \* *Venit ergo Petrus*, & audacior atque curiosior, ut rem tantam penitus exploraret, \* & *introiit in monumentum*, speluncam scilicet,

1. Una autem sabbati, Maria Magdalene venit manè, cum adhuc tenebræ essent, ad monumentum : & vidit lapidem sublatum à monumento.

2. Cucurrit ergo, & venit ad Simonem Petrum, & ad alium discipulum, quem amabat Jesus, & dicit illis : Tulerunt Dominum de monumento, & nescimus ubi posuerunt eum. 3. Exiit ergo Petrus, & ille alius discipulus, & venerunt ad monumentum.

4. Currebant autem duo simul, & ille alius discipulus præcucurrit citius Petro, & venit primus ad monumentum.

5. Et cum se inclinasset, vidit postea linteamina, non tamen introiit.

6. Venit ergo Simon Petrus, sequens eum, & introiit in monumentum, & vidit linteamina posita.



\* & vidit linteamina posita, Græcè *χιλωνα*, jacentia tamquam exuvias, certissimaque testimonia corporis absentis.

7. & sudarium, quod fuerat super caput ejus, non cum linteaminibus positum, sed separatim involutum, in unum locum.

7. \* Et sudarium, &c. separatim involutum, seu complicatum, \* in unum locum, quasi ex professo aliquis omnia sic ordinasset, in argumentum videlicet, ut Chrysost. notat, quod non perturbatè & festinanter à furibus ablatum esset, relictis sindonibus pretiosis, sed quod cum autoritate, omnique securitate Dominus reverà surrexisset, nullisque terrenis ampliùs exuviis indigeret.

8. Tunc ergo introivit & ille discipulus, qui venerat primus ad monumentum : & vidit, & credidit :

8. \* Tunc ergo introivit & ille discipulus qui venerat primus ad monumentum : & vidit, & credidit, oculis scilicet suis. Sed quid vidit, quid credidit ? Respondet Aug. cui Theophyl. consentit. Vidit inane monumentum, & credidit id, quod dixerat Magdalena, eum de monumento sublatum esse argumentis veræ resurrectionis adversùs eam detortis. Hoc autem eos credidisse, rectè probat Aug. ex eo, quod sequitur,

9. nondum enim sciebant Scripturam, quia oportebat eum à mortuis resurgere.

9. \* Nondum enim sciebant Scripturam, quia, seu quod, oportebat eum à mortuis resurgere. Nam ista ignorantia non causat fidem resurrectionis, sed potiùs infidelitatem. Et ideo quando resurrectionem ab ipso Domino audiebant, quamvis apertissimè loqueretur, ex ignorantia tamen Scripturarum, & consuetudinè audiendi ab illo parabolas, non intelligebant, & aliquid aliud eum significare credebant.

10. Abierunt ergo iterum discipuli ad semetipsos,

10. \* Abierunt ergo iterum discipuli ad semetipsos, ad domicilium ubi habitabant, & unde ad monumentum currerant, ut Aug. inter se scilicet mirantes, quod factum fuerat, ut est apud Lucam. Cum ergo rediissent Apostoli domum, & cæteræ mulieres essent à sepulchro remotiores,

11. Maria autem stabat ad monumentum foris, plorans. Dum ergo flet, inclinavit se, & prospexit in monumentum :

11. \* Maria stabat ad monumentum, infirmiore enim sexum fortior fagebat affectus. Stabat autem \* foris, extra monumentum, in modum quærentis & identidem cogitantis quò tandem ablatum esse posset corpus Domini sui, \* plorans, non quòd interfectus esset, sed quòd corpus inveniri posse desperaret, ut cujus non solùm vita jam subtracta esset, sed nec memoria remaneret, ut August. Itaque satagens, \* inclinavit se, & prospexit in monumentum, iterum scrutans locum, in spem contra spem, nec Apostolis nec oculis suis credendum putans, sicut evenire solet iis, qui anxie rem amatam perditamque quærunt.

12. Et vidit duos angelos sedentes in albis, unum ad caput, & unum ad pedes, ubi positum fuerat corpus Jesu,

12. \* Et vidit duos Angelos, in præmium illius constantis desiderii : quos Apostoli non viderant, ut Chrysost. notat, \* in albis, vestibus, plenos scilicet splendoris ac lætitiæ, \* sedentes, unum ad caput, &c. in ipso nempe sepulchrali lapide, quasi mensa, in qua corpus Domini jacerat, tamquam excubitores, ut sub tanta custodiæ dignitate non crederet

deret Magdalēna Dominum ab hominibus potuisse furto tolli, ut Hieron. epist. ad Hedibiam quaest. 5.

13. \* *Dicunt ei illi: Mulier, quid ploras?* Quasi dicerent, Noli plorare, quæ gaudere potius debeas, ut Aug. & Cyril. Sunt enim verba mixta objurgatione & consolatione. \* *Dicit eis*, quasi nescientes, interrogassent: \* *Tulerunt Dominum meum*, id est, corpus Domini mei, parte pro toto posita, ut vulgò fieri solet: & quod majoris causa doloris est, \* *nescio ubi posuerunt eum*, ubi mira apparet affectus vehementia, quod nihil territa talibus viris, tali loco, tali veste, intrepidè eos alloquatur.

13. Dicunt ei illi: Mulier, quid ploras? Dicit eis: Quia tulerunt Dominum meum; & nescio ubi posuerunt eum.

14. \* *Hæc cum dixisset*, huc atque illuc faciem convertens, nihil aliud nisi Dominum suum quærens, \* *conversa est retrorsum*, vel ut à tergo etiam circumspectaret: num quod vestigium quærendi extaret, vel strepitum Domini accedentis audiens, vel certè, ut Chrysost. eo quod Angeli vultu, motu, gestu, surrectu se Dominum videre significarent. \* *Et vidit Jesum stantem*, à tergo: sed \* *non sciebat quia Jesus est*, non quod alia esset ejus quam vera forma & vultus, sed quod oculi Mariæ tenerentur, ne eum agnoscerent, quatenus vera forma Jesu imperfectè in oculos ejus ferebatur; eo ferè modo, quo fieri solet, quando à longè, vel per tenebras moderatas hominem etiam notum spectamus. Idem judicium de voce. In qua apparitione accomodavit se Christus statui ejus, ita ut quidem appareret primùm Mariæ Magdalēnæ, ut Marci 16. v. 9. quia vehementissimè amabat: sub specie tamen incognita, quia eum vivere non credebat. Cum ergo Jesus suaviter ei se insinuare vellet, rogavit;

14. Hæc cum dixisset, conversa est retrorsum, & vidit Jesum stantem: & non sciebat quia Jesus est.

15. \* *Quem quæris?* q. d. Nonne me vides præsentem? \* *illa existimans, quia hortulanus esset*. Non quòd sarculum aut ligonem haberet, ut vulgò pingitur, sed ex vulgari vestitu, & ex loco, in quo erat, arbitrata est hortulanum esse, qui, ut Tertull. curam ibi gereret, ne lactucæ suæ frequentia comitantium læderentur. \* *Dicit ei: Domine*, pro more gentis honorans hominem, inquit Aug. à quo beneficium postulabat, \* *si tu sustulisti eum*, de quo jam dixi, *tulerunt Dominum meum*: vel enim putabat eum audivisse sermonem præcedentem, ut qui à tergo stetisset; vel amoris vehementiâ existimabat omnem hominem hoc cogitare, quod ipsa cogitabat: \* *Dicito mihi, ubi posuisti eum*, ut cui fortè non placuit mortuum in horto tuo sepultum fuisse. Dicito itaque mihi, \* *& ego eum tollam*, sine tuo sumptu, labore, vel horti noxâ alio loco eum conditura.

15. Dicit ei Jesus: Mulier, quid ploras? Quem quæris? Illa existimans quia hortulanus esset, dicit ei: Domine, si tu sustulisti eum, dicito mihi ubi posuisti eum; & ego eum tollam.

16. \* *Dicit ei Jesus*, voce consuetâ, ut familiaris familiarem compellans proprio nomine: \* *Maria*, q. d. Non agnoscis me, à quo ag-

16. Dicit ei Jesus: Maria. Conversa illa, dicit ei: Rabboni (quod dicitur Magister.)

nos-



nosceris? Itaque solitâ voce aures, & gratiâ cor feriente, quasi de somno excitata, & ad ipsum \* *conversa*, à quo iterum corpore averfa fuisse videtur aliò, postquam non statim optatum responsum retulisset; respondit ei solitâ quoque nuncupatione: \* *Rabboni*, id est, magister seu magister mi. Est vox erumpens ex vehementia irruentis subito lætitiæ: q. d. Itanè præfens ades, ad quem tantopere anhelos? Nam talem vim subito rapiendi animam habent verba Christi, quæ intus etiam in cordibus loquitur.

17. Dicit ei Jesus: Noli me tangere, nondum enim ascendi ad Patrem meum: vade autem ad fratres meos, & dic eis: Ascendo ad Patrem meum, & Patrem vestrum; Deum meum, & Deum vestrum.

17. \* *Dicit ei Jesus*, cum amplecti vellet vestigia seu pedes ejus, quem agnoscebat, ut ex his verbis rectè colligit D. Greg. homil. 25. \* *Noli me tangere, nondum enim ascendi, &c.* Ratio illa difficilis est prohibiti contactûs, præsertim cum paulò post mulieres eum tenuerint, & Apostolis palpandum latus ipse obtulerit. August. significari putat vetari contactum ejus, eo quod nondum in corde Magdalensæ ascendisset, ut eum Patri æqualem esse crederet; sed hoc mysticum videtur. Recentiores aliqui sensum rationis illius esse volunt: Nondum enim discedo à vobis, sed per totos dies quadraginta, antequam ascendam amplexibus meis satiari poteris. Ratio facilis, sed vetustis ignota, & plausibilior vereor, quàm verior. Rectius, ut arbitror Chrys. cum suis discipulis, qui hunc sensum exsculpunt: Noli me tangere solitâ illâ tuâ corporalis amplexus familiaritate: jam enim excellentioris sum conditionis, quam olim: nondum enim ascendi quidem ad Patrem meum in cælos, sed jamjam immortalis & gloriosus ascensurus sum, quod te fratribus meis renuntiare volo. Pendet enim ratio à sequentibus. Tacite itaque & sine jactantiæ specie docet, quod non ampliùs tactu corporis, vel mortali terrenoque more excipiendus & colendus sit, sed more spiritali ac cælesti, animo videlicet in cælestem ejus dignitatem translato. Quamvis vero non absimile sit, quod quidam addunt, & quod rem magis explicat, Mariam fidentiùs in ipsos non pedum, sed corporis amplexus irruisse, agentem tamquam mortalem cum mortali, qualis frater ejus Lazarus resurrexerat. Hoc itaque compescuisse Dominum, eo modo, quo diximus, ideoque doctiorem paulò post cum cæteris mulieribus pedes ejus tenuisse. \* *Vade autem ad fratres meos*, discipulos; quos non confunditur Fratres vocare, ut ita solaretur pusillanimitatem eorum, qui eum deseruerant: \* *Et dic eis: Ascendo ad Patrem meum*, id est, renuntia eis me non solum resurrexisse, sed simul me brevi ascensurum in gloriâ Patris mei. Nempè ut sic mens Apostolorum non minùs, quam Magdalensæ paulò antè, ad immortalem cæliisque dignam resurrectionem atque excellentiam cogitandam transferretur \* *ad Patrem meum, & Patrem vestrum.*

*vestrum*. Non dicit, *ad Patrem nostrum*, eò quòd alià ratione esset Pater Christi, alià ipsorum: Christi quidem naturà, ipsorum adoptione, ut Aug. & plerique veterum notant, ideoque ex præsèntia Filii naturalis apud Patrem, vivacissimam spem conciperent. \* *Deum meum*, ipsius divinitatis ejus conjunctione, \* & *Deum vestrum*, solius gratiæ impetratione. Nam cùm Deus aliquorum esse dicitur, respectus habetur ad singularem ejus erga ipsos providentiam.

18. \* *Venit Maria Magdalene*, secundò scilicet. Nam primo itinere nuntiaverat corpus Domini sublatum, nunc verò eum sibi visum, locutumque, quæ duo itinera cæteri Evangelistæ in unum contrahunt.

19. \* *Cum ergo sero esset*, Græcè *ὅσπας ὥρας*, *vespera*, ne putes medià vel profundà nocte ista contigisse; nam contigerunt statim ab adventu redeuntium ex Emaus. Eadem est enim hæc apparitio cum ea, quæ narratur Lucæ 24. v. 36 & seq. itemque Marci 16. v. 14. undè constat recumbentibus Apostolis hæc accidisse. Vide multa dictis locis. \* *Die illo*, quo Magdalena præcedentia nuntiaverat, videlicet \* *una sabbatorum*, id est, illà eadem die primâ hebdomadæ, seu ipsa die resurrectionis, \* & *fores essent clausæ*, &c. Ordo verborum est: *Et fores, ubi erant discipuli congregati, essent clausæ* \* *Propter metum Judæorum*, omni videlicet aditu accuratissimè ad securitatem obstru-cto. Nam hoc notatur ad designandum miraculum, quo Jesus intra- vit, non conniventibus, sed clausis ex metu magno ostiis. Indica- tur enim Christus ea non patefecisse (Græcè est enim *ἄρῳν κεικλει κλειων*, *januis clausis*, sicut & infrà v. 26.) sed penetrasse, quemadmodum agnoscunt hîc contra novatores nostros, Hilar. lib. 3. de Trinit. Epi- phan. hæresi 64. Cyrill. Ambr. lib. 10. in Luc. & in primis August. Moli, inquit, corporis, ubi divinitas erat, ostia clausa non obstite- runt. Ille quippè eis non apertis intrare potuit, quo nascente virgi- nitas matris inviolata permanfit. Quia, ut ait epist. 148. valet Deus de ista visibili, atque tractabili natura corporum, quibusdam manen- tibus auferre quas voluerit qualitates. Exemplo itaque tacitè docuit Apostolos simili modo, clauso sepulchro se surrexisse. Cætera vide locis citatis: versum verò sequentem Lucæ 24. v. 40. & 41.

21. \* *Dixit eis iterum: Pax vobis*, quæ salutatio explicata est Matth. 10. v. 12. Repetit eam secundò, ut turbatos ad primum aspectum ani- mos confirmaret. \* *Sicut me misit Pater, & ego mitto vos*, id est, quem- admodum Pater meus divinâ suâ auctoritate me hominem, amplissimâ facultate instructum, misit in mundum ad salutem hominum procu- randam; ita & ego eadem auctoritate mitto vos, ad eundem finem. Significatur ergo similitudo in missione, & in potestate missorum, non

18. Venit Maria Magdalene an- nuntians discipu- lis: Quia vidi Do- minum, & hæc dixit mihi.

19. Cum ergo se- ro esset die illo, una sabbatorum, & fores essent clausæ, ubi erant discipuli congre- gati propter me- tum Judæorum: venit Jesus, & stetit in medio, & dixit eis: Pax vobis.

20. Et cum hoc dixisset, ostendit eis manus, & la- tus. Gavisus sunt ergo discipuli, viso Domino,

21. Dixit ergo eis iterum: Pax vo- bis. Sicut misit me Pater, & ego mitto vos,



æqualitas : ita ut hisce verbis eos ordinet , quemadmodum Cyrill. ait , orbis doctores & divinorum mysteriorum ministros , hoc est , non solum eos mittit ad evangelizandam pacem , quod jam ante fecerat ; sed etiam ad eam ministerio suo applicandam , seu ad peccata remittenda. Nam Pater misit Christum non solum evangelizare pauperibus , sed etiam dimittere contractos in remissionem , ut est Luc. 4. v. 18. & 19. Contracti autem sunt homines ex ruina peccati. Datur igitur hic Apostolis potestas jurisdictionis in orbem universum , tamquam prærequisita remissioni peccatorum , sequentibus verò dat ipsam potestatem remittendi peccata.

22. Hæc cum dixisset, insufflavit: & dixit eis: Accipite Spiritum sanctum:

22. \* *Hoc cum dixisset, insufflavit*, id est, sufflavit in eos. Externum enim symbolum adhibuit ad significandum id , quod reipsa operabatur , quando mox adjecit : \* *Accipite*, mediante flatu isto, \* *Spiritum sanctum*. Cum autem Spiritus sanctus sit quasi status quidem Patris ac Filii , significatum hic voluit , insufflando Spiritum sanctum non solum Patris esse spiritum , sed & suum , ut his verbis , ait Aug. & notavit etiam Cyril. ac Hilar. lib. 4. de Trinit. Atque ita eundem Spiritum à se quoque dari ; quorum utrumque Isaias indicaverat c. 57. v. 16. Ut verò ostenderet Spiritum hic eis dari , non illimitatè secundum quælibet ejus dona , sed ad certos tantum effectus , addit :

23. quorum remiseritis peccata, remittuntur eis: & quorum retinueritis, retenta sunt.

23. \* *Quorum remiseritis peccata*. Non dicit , quorum remissa declaraveritis , vel per fidem remittenda annuntiaveritis , prout Hæretici volunt , sed quorum remiseritis. Nam remissio non est nudum ministerium annuntiandi Evangelii vel declarandi , sed instar actus judicialis , quo à ministro tamquam à judice sententia pronuntiatur , ut ait Trid. sess. 14. c. 6. \* *remittuntur eis*, scilicet judicio Dei in cælis: quod aliter dicitur apud Matt. *Erunt soluta & in calo*. Itaque his verbis insinuat , ad illam remissionem etiam Deum concurrere , cui est proprium supremâ potestate remittere , Apostolorum verò vicariatim seu vicariâ potestate tantum. Unde rectè Ambros. lib. 1. de pœnit. c. 2. Aiunt se Domino deferre reverentiam , ut soli remittendorum criminum potestatem reservent. Imo , inquit , nulli majorem injuriam faciunt , quam qui volunt ejus mandata rescindere , &c. Nam cum ipse dixerit , *quorum remiseritis, &c.* quis est qui magis honorat , utrùm qui mandatis obtemperat , an qui resistit , &c. ? \* *Et quorum retinueritis*, id est , quibus remissionem negaveritis , seu quibus non remittenda censueritis. Plus enim significatur , quam nuda negatio : quod apud Matt. verbo *ligandi* exprimitur. *Quorum ergo retinueritis* vel ad tempus , propter pœnitentiæ immaturitatem , ut paulatim perficiatur , sive omninò propter impœnitentiam , \* *retenta sunt* , judicio Dei in cælis.

cælis. Utroque membro significat, non inanem esse potestatem, sed effectum habere conjunctum. Cum ergo & remissio & retentio Apostolorum censuræ & judicio committantur, palàm est eos judices constitui; atque ita rectè præcipi omnibus fidelibus, remissionem confectui satagentibus, ut peccata Sacerdotibus confiteantur, quatenus auditâ peccatorum varietate & qualitate sciant, cui remittenda, cui retinenda, quis aut quomodo ligandus aut solvendus. Hoc autem est judicium discretionis, quo discernitur, quis ad beneficium absolutionis admittendus, quis repellendus. Sed hoc sternit viam ad aliud judicium justitiæ, quo peccata quâdam expiatoriâ castigatione & vindictâ plectuntur: quod quia præcipuum est in hoc tribunali, hinc fit, ut poenitentes peccata sua non per modum narrationis ad Sacerdotis informationem tantùm exponere debeant, sed magis ad sui accusationem, ad confusionem, ad compunctionem, denique ad poenæ taxationem.

24. \* *Thomas autem unus ex duodecim*, electis olim ad Apostolatam, \* *quid dicitur Didymus*, nomine græco idem significante quod Hebraicum *Thomas*, scilicet gemellum, \* *non erat cum eis, quando venit Jesus*, aliquâ occasione inde digressus, antequam appareret Christus, ut vult Aug. 3. de consensu c. 25. Spiritum Sanctum tamen videtur cum cæteris ad remittenda peccata accepisse, sicut olim Eldad & Medad eum absentes acceperunt, quia erant inter designatos à Moyse, Num. 11. v. 26. & seqq. Cum ergo Thomas non crederet Dominum resurrexisse, dixit aliis:

25. \* *Nisi videro in manibus ejus fixuram clavorum*, Græcè τὸν ὥρον τῶν ἁλῶν, *typum clavorum*, id est, formam seu figuram, quam clavi manuum perforando fecerunt, \* *& mittam digitum meum* (digitis enim foramini, quod clavus fecerit, feræ qualis) \* *in locum clavorum*, id est, ubi fuerant clavi, Græcè est eadem vox quam *fixuram* verberat. \* *Et mittam manum meam in latus ejus*, manus enim expansa refert figuram cuspidis latioris hastæ: nam hinc colligitur tantæ latitudinis fuisse vulnus, quod in latere accepit, & Apostolis ostendit. Thomas quippe ex eis intellexisse videtur, quod eis ostendisset manus & latus, ut est v. 20. scilicet vulnerum cicatricibus seu foraminibus insignia. Non enim erant propriè dictæ cicatrices, quæ cum reliqua carne coaluerant, sed veræ aperturæ vulnerum, sine tamen læsione, dolore, deformitate, ideoque præcipuam vulnerum rationem amiserant. Voluit autem istas vulnerum cicatrices certæ dispensationis gratiâ in redivivo corpore servare, ut eis, quemadmodum Aug. ait epist. 43. quos ædificabat in fide non ficta, non aliud pro alio, sed hoc, quod crucifi-

24. Thomas autem unus ex duodecim, qui dicitur Didymus, non erat cum eis quando venit Jesus.

25. Dixerunt ergo ei alii discipuli: Vidimus Dominum. Ille autem dixit eis: nisi videro in manibus ejus fixuram clavorum, & mittam digitum meum in locum clavorum, & mittam manum meam in latus ejus, non credam.



xum viderant, resurrexisse monstraret. Eaque de causa Thomas rem accuratiùs explorandam censuit, utrum essent vera foramina, quæ in solido veroque corpore fieri solent, ne qua forè subesset illusio oculorum. Voluit & cælo eadem Christus inferre, ut summus Sacerdos noster Deo Patri suo pretia nostræ libertatis ostenderet, ut notat Ambrosius lib. 10. in Luc. \* *non credam*, Græcè repetitur negatio *οὐ μὴ*; q. d. Nequaquam credam tam leviter, ut vos, nisi visu tactuque rem exploravero. Et adhuc tunc non promittit se crediturum, sed non antè: quod præfracti sanè & cervicosi animi videtur, fidei argumenta pro suo arbitrato exigentis, non obstantibus tot oculatis testibus.

26. Et post dies octo, iterum erant discipuli ejus intus; & Thomas cum eis. Venit Jesus januis clausis, & stetit in medio, & dixit: Pax vobis.

26. \* *Et post dies octo*, id est, octavo post die; iterum ergo primâ sabbati seu die Dominicâ, quam Apostoli jam tum videntur honori Dominicæ resurrectionis & congregationibus suis deputasse: & hanc ob causam jure octavo die congregationes in Ecclesiis fieri notat Cyrillus. \* *Iterum erant discipuli ejus intus, & Thomas cum eis*, quia quamvis non crederet, non tamen se à credentibus tamquam illis separabat. \* *Venit Jesus januis clausis*, quod frustrâ diceretur, si vel alius aliunde introitus patuisset, vel januæ venienti Domino fuissent resecræ. Itaque conditioni ferociter sibi positæ Dominus humaniter & clementer se accommodans, post omnium salutationem.

27. Deinde dicit Thomæ: Infer digitum tuum huc, & vide manus meas, & affer manum tuam, & mitte in latus meum: & noli esse incredulus, sed fidelis.

27. \* *Dicit Thomæ: Infer digitum tuum huc, & affer manum tuam, &c.* Quibus verbis suadetur id quod de forma & latitudine vulnere istorum in manibus & latere diximus, & apertissimè convincit non cicatrices, sed vera foramina Dominum à resurrectione servasse, non carne repleta, ut feruntur stigmata S. Francisci fuisse, sed aperta. Quia verò Thomæ incredulitas non ex defectu argumentorum, quæ credibilitatem faciunt, sed voluntatis nascebatur, hinc eum paternè hortatur, \* *Noli esse incredulus*, pertinaciter rei tam contestatæ reluctando, \* *sed fidelis*, Græcè est pulchra allusio, *μὴ γίνῃ ἀπίστος, ἀλλὰ πιστός*, qualis Latine, si diceretur, Noli esse infidelis, sed fidelis.

28. Respondit Thomas, & dixit ei: Dominus meus, & Deus meus.

28. \* *Respondit Thomas*, fractus rei evidentia, & puffedactus Domini humanitate; videtur enim Domino eum urgente non solum vidisse manus & latus, sed etiam tetigisse & pertractasse, prout sentit Aug. & Cyrill. \* *Dominus meus, & Deus meus*, supple, *tu es*. Est enim trunca oratio præ affectus vehementia, quâ agnoscit & veneratur eum, tamquam qui sit Dominus suus. Græcè *ὁ κύριός σου*, ille Dominus, idem videlicet ipse, quem in corpore mortali versantem secutus fuerat, & patientem viderat. \* *Et Deus meus*, id est, qui me creavit, Itaque simul humanitatem ejus veram ac divinitatem profitetur in unam coeuntes personam: utrumque pleno reverentiæ & pietatis affectu, ut

Ambr.

Ambr. quod insinuatur voculâ, *meus*, nam, ut Aug. in Psal. 49. Deus suus ei dicitur propriè, quem familiariùs habet Deus, tamquam in mancipio suo, tamquam in peculio suo.

29. \* *Dicit ei Iesus : Quia vidisti me Thoma, credidisti*, id est, quia sensibus visus, auditus, ac tactus curiossimè me explorasti; visus enim quodammodo sensus generalis est, ut Aug. \* *credidisti*, scilicet me resurrexisse à mortuis, de quo potissimùm agebatur, & consequenter me esse Dominum tuum, & Deum tuum, seu verum hominem ac Deum : quæ duo hîc Thomas credidit. Sed quomodo credidit primum eorum, si viderit, cum fides sit argumentum non apparentium ? Respondetur, etiam indubitatè visa credi posse, si concurrat divina autoritas. Deinde non vidit resurrectionem fieri, sed factam esse certis indiciis collegit. Denique etiam visa resurrectione, & contrectato Christi resuscitati corpore, existimare poterat, se phantasma vel visum videre. Nam Petrus Angelum coram se cernens, & ab eo contrectatus, nesciebat quia verum est, quod fiebat per Angelum : & Domino super mare ambulante dicebant discipuli, quia phantasma est. Rerum enim similitudines subinde tam similes sunt ipsis rebus, ut difficulter possint à rebus ipsis discerni, maximè si animus adsit pervicax : quam pervicaciam credulitas compescit ac domat, divinâ autoritate nitens. Veram ergo fidem Thomæ probavit quidem Christus, sed modum improbavit, quo eam concepit. Quamvis enim & Apostoli cæteri visum habuissent concipiendæ fidei ducem, non tamen conjunctam illam palpationem curiosissimam redivivæ carnis, quam Thomas, non Apostoli, tamquam conditionem necessariam postulaverat. \* *Beati qui non viderunt*, non nudè, sed cum adjuncto, \* & *crediderunt*, id est, qui tametsi nullo sensu me exploraverint, tamen crediderunt resurrectionem ac divinitatem meam. Quibus verbis commendat non Apostolos cæteros, quod quidam putant ; nam & illorum incredulitas & cordis duritia increpata fuit, Marci 16. v. 14. quod iis, qui viderant eum resurrexisse, non credidissent : sed eos, qui ad prædicationem Apostolorum credituri erant, ut Greg. hom. 26. nempe quia Deus illum sibi honorem habere cupit, ut simplici suæ assertioni (hoc est, veritati revelanti) acquiescamus : in quo natura & meritum fidei situm est. Hoc longè perfectiùs facit, eximièque, ut Cyril. ait, eum in quem credit, honorat, qui prævium sensuum suorum usum, vel demonstrationes naturales, vel signa sensibilia non exigit. Tales itaque beati dicuntur, quia beatiores aliis : fides enim illorum magis spontanea, magis non apparentium, & magis fides.

30. \* *Multa quidem & alia signa*, præter ea, quæ toto hoc volumine

29. Dixit ei Iesus : Quia vidisti me Thoma, credidisti : beati qui non viderunt, & crediderunt.

30. Multa quidem & alia signa



na fecit Jesus in conspectu discipulorum suorum, quæ non sunt scriptæ in libro hoc.

31. Hæc autem scripta sunt, ut credatis, quia Jesus est Christus Filius Dei: & ut credentes, vitam habeatis in nomine ejus.

mine conscripta sunt, \* *fecit Jesus in conspectu discipulorum*, tum antequam post passionem, \* *quæ non sunt scripta in libro hoc*: q. d. Ne quis putet se hic accuratam omnium eorum historiam habere, quæ Jesus gessit, sciat ille multa à me esse prætermissa.

31. \* *Hæc autem scripta sunt: ut credatis*, sed ista pauca scripto tradidi, tamquam quæ sufficiant, \* *ut credatis*, quod iste homo, qui vocatur \* *Jesus, est Christus Filius Dei*, id est, sit verus ille Messias, qui expectatur Redemptor mundi, ac verus Filius Dei. In quo articulo balis ac summa fidei Christianæ continetur; quique validissimè signis, non solum à resurrectione patratæ, sed toto libro narratis, adstruitur, \* *& ut credentes*, fide scilicet illâ charitatem generante sanctificati, \* *vitam habeatis*, id est, vitam æternam assequamini, reportantes videlicet finem fidei vestræ, salutem animarum, \* *in nomine ejus*, id est, per eum & propter eum, sive sanguine, merito, & gratiâ ejus, juxta quod ipse dixit sup. c. 10. *Oves meæ vocem meam audiunt, & ego vitam æternam do eis*. Hoc ergo epilogo quasi claudens Evangelium suum significat se publicæ utilitatis, non ambitionis causâ scripsisse, utpotè qui plura præclara prætermiserit, ut Chrysost. observat.

## CAPUT VIGESIMUM PRIMUM.

Cum ergo Joannes ita conclusisset Evangelium suum, quantum ad primarium scopum suum, asserendi videlicet Jesum esse Christum Filium Dei: hic quasi alio assumpto exordio, adjungit aliqua quæ spectant visibilem ejus in terris vicarium. Nam ut Jesus est fidei & Ecclesiæ fundamentum principale, cui nituntur; ita vicarius ejus ministeriale & secundarium. Maximè autem fidelium intererat de utroque rectè instructos esse. Itaque

1. Postea manifestavit se iterum Jesus discipulis ad mare Tiberiadis. Manifestavit autem sic:

2. Erant simul Simon Petrus, & Thomas, qui dicitur Didymus, & Nathanaël, qui erat à Cana Galiliæ, & filii Zebedæi, & alii ex discipulis ejus duo.

3. Dicit eis Simon Petrus: Vado piscari. Dicit ei Venite, & nos tecum. I-

1. \* *Postea*, id est, post manifestationes duas superiori cap. descriptas; nam ideo v. 14. huc respiciens, addit, *hoc jam tertio manifestatus est: \* manifestavit se iterum*, id est, manifestè se redivivum præbuit videndum, \* *ad mare Tiberiadis*, quia jam Apostoli in Galiliæm concesserant prout moniti fuerant ab Angelo.

3. \* *Dicit ei Petrus: Vado Piscari*, non lucri, sed vel otii vitandæ causâ, vel potius victûs comparandi. Nec eis vitio vertendum, quod ad piscatum redeant, quia, ut Tertull. lib. de Idololatria, repetunt illud, quod sine peccato exercetur. Non enim prohibebantur, inquit hic Aug. arte suâ, licitâ scilicet atque concessâ victum necessarium querere, Apostolatûs sui integritate servatâ, quando unde viverent, aliud non haberent. \* *Et ascenderunt in navem*, quæ fuit non Apostolorum præsentium, utpotè qui omnia dereliquerant, sed vel aliorum disci-

discipulorum, qui aderant, vel à notis commodatò accepta, \* & illa nocte, quâ piscatio feliciùs succedere solet, quam die, eo quod propter majores noctis tenebras, ac tranquillitatem, pisces minùs videant ac turbentur & aufugiant. \* Nihil prendiderunt, ut magnitudini miraculi daretur locus.

4. \* Mane autem factò stetit Iesus in littore, tum ne stando in aquis spectrum esse putaretur, tum ad significandum se hujus vitæ tempestates evasisse, \* non tamen cognoverunt discipuli, propter dubiam adhuc lucem vel distantiam, itemque quia non ex forma sua, sed ex miraculo suaviùs innotescere voluit.

5. \* Dixit ergo eis Iesus, ut fermocinandi familiaritate eorum intentionem ad se converteret, & congruè ad miraculum delaberetur : \* Pueri, quod aliqui nomen ætatis esse volunt, ut idem sit quod juvenes, alii innocentie; fortassis est nomen conditionis, ut idem sit quod famuli : videtur enim homines serviliter laborantes tamquam vir majoris notæ alloqui : \* numquid pulmentarium habetis? Venale scilicet. Nam, quod Chrysost. notat, loquitur ut proxeneta, qui empturus esset aliquid ab eis, quod meridie in foro distraheret. Porro pro pulmentario, Græcè est *πρωτόγειον*, id est, obsonium, seu ut verbum sonat, id, quod comedi solet cum pane: quo nihil aliud intelligit, nisi pisces. Quid enim obsonii à piscatoribus noctu piscando occupatis quæras, nisi pisces? Quod etiam patet ex responso Jesu. Cum enim respondissent ipsi, \* non, subjicit :

6. \* Mittite in dexteram navigii rete, & invenietis, scilicet pulmentarium, quo caretis. Est autem dextera navigii dexterum navis latus homini in puppe stanti : quod latus exprimit, tum ne fortuitò locutus videretur, tum ut ista piscatio figuram gereret piscationis illius, quæ erit in fine sæculi respectu bonorum tantum. \* Miserunt ergo & jam non valebant illud trahere, id est, in navim sursum attolere, \* præ multitudine piscum.

7. \* Dixit ergo discipulus, &c. id est, Joannes conspectâ tantâ piscium multitudine, & perpensâ veritate istius prædictionis, idque ex solo jactu ad dexteram : \* Dominus est, cujus apparitiones nunquam, itemque similibus miraculorum memoria ei inhærebat : forte & hinc motus speciem ejus attentius consideravit, & agnovit. Quo audito Petrus, \* tunica succinxit se, Græcè pro tunica est *ἱματιον*, genus vestis, quod supernè seu super alias vestes injiciunt & induunt, ut pallium, tunica exterior, vel simile quid. Hoc ergo injecit sibi Petrus honestatis causa, \* quia nudus erat, non toto corpore, quod à verecundia Apostolica prorsus alienum, sed reliquo corpore præter ventrem,

tenderunt in navim: & illa nocte nihil prendiderunt.

4. Manè autem factò stetit Iesus a littore : non tamen cognoverunt discipuli quia Iesus est.

5. Dixit ergo eis Iesus: Pueri numquid pulmentarium habetis? Responderunt eis: Non.

6. Dicit eis: Mittite in dexteram navigii rete; & invenietis. Miserunt ergo; & jam non valebant illud trahere præ multitudine piscum.

7. Dixit ergo discipulus ille, quem diligebat Iesus, Petro: Dominus est. Simon Petrus cum audisset quia Dominus esset, tunica succinxit se (erat enim nudus) & misit se in mare.



trem, quemadmodum ab operariis fieri solet: vel nudus comparatione vestium, quas in communi conversatione ferebat. Hanc enim tunicam volunt fuisse vestem lineam, ut Syrus & Nonnus seu cannabinam, ad genua pertingentem, quâ supernè homines illius conditionis induebantur super subuculam seu indusium. \* *Et misit se in mare*, impatiens desiderii, negligens captionis, immemor periculi, non tamen immemor reverentiæ, inquit Ambr. in Luc. periculoso compendio, religiosum maturavit obsequium, serum æstimans, si cum cæteris navigio perveniret. Itaque Chrysost. hic notat Petrum & Joannem proprios referre mores: Ille, inquit, terventior, hic altior erat, ille vehementior, hic perspicacior: ideo Joannes prior agnovit Jesum, Petrus prior ad eum pervenit.

8. Alii autem discipuli navigio venerunt, (non enim longè erant à terra, sed quasi cubitis ducentis) trahentes rete piscium.

8. \* *Alii discipuli non projecerunt se in mare, sed \* navigio venerunt, versus terram.* Cujus quasi excusationis duplex ratio hic datur. Prima, \* *non enim longè erant à terra, sed quasi cubitis ducentis*, hoc est, trecentis pedibus: q. d. \* *Quia* tam propè erant, ut mora illa perexigua videretur. Altera, \* *trahentes*, versus terram, \* *rete piscium*, navigio funibus alligatum, quia scilicet ponderosius erat, quàm ut in ipsam navim attolli posset. Itaque significat, non eis negligendum fuisse rete, piscibus plenum, ne miraculi gloria obliteraretur.

9. Ut ergo descenderunt in terram, videntur prunas politas, & piscem superpositum, & panem

9. \* *Ut ergo descenderunt, viderunt prunas positas*, operà videlicet Angelorum, qui & in desertum acceperunt & ministrabant Christo, Matth. 4. \* *& piscem, & panem*, id est, pisces & panes (singulari posito pro plurali) quot scilicet opus esse videretur, ad reficiendos prandio defatigatos, quod eis Dominus pro sua humanitate præparabat.

10. Dicit eis Jesus: Afferte de piscibus, quos prendidistis nunc.

10. \* *Dicit eis Jesus: Afferte de piscibus.* Quod eis dixit, ne totum phantasma aut illusio videretur, dum ipsimet pisces captos vident, contrectant, assant, comedunt.

11. Ascendit Simon Petrus, & traxit rete in terram, plenum magnis piscibus centum quinquaginta tribus. Et cum tanti essent, non est scissum rete.

11. \* *Ascendit Petrus, & traxit rete*, hoc est, cum nonnihil intrasset in mare, ascendendo versus terram traxit rete \* *plenum magnis piscibus*, ideoque traxisse dicitur, quia præfectus totius piscationis, cæteris adjuvantibus. \* *Et cum tanti essent*, id est, tot & tam magni (Græcum enim *τοσούτων ὄντων*, & ad multitudinem & ad magnitudinem referri potest) \* *non est scissum rete*, Deo scilicet rete tam fragile contra impetum piscium ac trahentium roborante. Alludit autem ad aliam piscationem, quâ ante resurrectionem rete scissum fuerat, ut narratur Luc. 5. Nam duabus istis piscationibus tamquam valde mysteriosis, Aug. significari tradit duos Ecclesiæ status; unum in hoc sæculo, alterum in fine sæculi. Nam ideo illa contigit ante resurrectionem Christi, quasi tempore vocationis humani generis; hæc post eam: ibi retia non mittuntur ad dexteram, sed indifferenter in quodcum-

cumque latus, quia colliguntur nunc in Ecclesiam boni & mali: hinc ad dexteram, quia soli boni: ibi scissio retium, schismata Ecclesiarum significans; hinc integritas eorum summæ illius futuræ concordie imperturbabilem unitatem: ibi pisces trahuntur in naviculas duas, id est, in Ecclesiam Gentium & Judæorum, ita ut multitudine pene mergantur, quia multitudo est causa dissolutionis disciplinæ, quæ Ecclesiæ deprimuntur; hinc trahuntur in litus, id est, in stationem stabilem æternitatis: ibi capiuntur parvi & magni; hinc soli magni, quia soli electi, qui quamvis impares futuri sint meritis, omnes tamen propter beatitudinis complementum magni erunt. Plura vide præclare apud Aug. tract. 122. in Joan. Ubi & multa de illo numero piscium, *centum quinquaginta trium*, quo significari putat universitatem beatorum, qui legem per gratiam impleverunt. Alii putant tot pisces captos, quia, ut Oppianus tradit, tot sunt genera piscium diversorum; quem modum & alii tradunt, tot esse genera animalium terrestrium, exceptis reptilibus: ut significetur quod Dominus per novissimam piscationem redimet electos ex omni tribu, & linguâ, & populo, & natione. Nec illud caret mysterio, quod post hanc piscationem sequatur prandium, quia refectio æternitatis collectis piscibus consequetur. Vide cætera apud Aug. etiam in Psalm. 49. & lib. 83. quæstionum q. 57. Cum ergo Jesus eos ad prandium invitasset,

12. \* *Nemo audebat discumbentium interrogare eum: Tu quis es?* Non quod timerent importunitate eum offendere, sed. \* *scientes, quia Dominus est*, hoc est, propter nimiam evidentiam veritatis, inquit Aug. quæ nec dubitare quinquam sinebat: interrogatio enim supponit ignorantiam, vel dubitationem. Dubitando ergo verebantur ei injuriam facere: tam erat evidens ex forma, voce, præcedenti miraculo, & ex modo agendi esse Jesum.

12. Dicit eis Jesus: Venite, prandere. Et nemo audebat discumbentium interrogare eum: Tu quis es? scientes, quia Dominus est.

13. \* *Et venit Jesus*, postquam cæteri accubissent, adjunxit se postremum, & tamquam hospes convivas suos excepturus: \* *Et accipit panem & piscem*, singulis distribuens quantum satis. Simul Jesum comedisse circumstantiæ videntur postulare, maxime spectatis locis Actuum Apostolorum c. 1. v. 4. & c. 10. v. 41.

13. Et venit Jesus, & accipit panem, & dat eis, & piscem; similiter.

14. \* *Hoc jam tertio manifestatus est*, id est, hæc jam tertiâ vice apparuit, \* *discipulis suis*, scilicet in unum congregatis. Primum quidem c. 20. v. 19. unâ sabbatorum, quâ resurrexerat, idque absente Thomâ. Secundò verò post dies octo ibid. v. 36. Denique hinc. Seorsim verò singulis multis apparuerat, Mariæ Magdalenzæ, mulieribus, Petro, duobus euntibus in Emaus, &c.

14. Hoc jam tertio manifestatus est Jesus discipulis suis, cum resurrexisset à mortuis.

15. \* *Cum ergo prandissent, dicit Simoni Petro Jesus*, nempe illi tamquam prandissent, dicit Simoni Petro Je-

15. Cum ergo prandissent, dicit Simoni Petro Je-



fus: Simon Joannis diligis me plus his? Dicit ei: Etiam Domine, tu scis quia amo te. Dicit ei: Pasce agnos meos.  
 16. Dicit ei iterum: Simon Joannis, diligis me? Ait illi: Etiam Domine, tu scis quia amo te. Dicit ei: Pasce agnos meos.

quam particulari personæ, quam propterea Evangelista, & nomine gentilitio & alio per Christum imposito, conjunctim vocat *Simonem Petrum*. Christus verò adhuc distinctius addit nomen Patris, dicendo, \* *Simon Joannis*, supple, *fili*, quod prorsus idem est cum eo, quod Matt. c. 16. dixit, *Simon Bar-Jona*, pro *Johanna*, id est, *fili Joannis*. Unde & hoc loco Syriacè est *Bar-Jona*. Tot cautionibus Christus nos munire voluit, ne, ut Hæretici fingunt, omnibus discipulis commune esse putaremus id quod hîc Petro tribuit. Dicit ei itaque adhuc eum separando à reliquis: \* *diligis me plus his*, assidentibus? Voluit enim eum amoris vicarium constituere, inquit Ambr. in Luc. nempe in pascendo docendoque grege suo: à quo tot offendicula pastoribus ingeruntur, dum alii infirmi, alii tardi, alii segnes, alii lenes, alii protervi, alii duri, ac procaces adversus pastorem sunt, ut nemo constanter ista sit superaturus, nisi in quo amor Christi multum superaverit. \* *Dicit ei: Etiam Domine*. Putaretur interrogationi Dominicæ omni ex parte annuisse, nisi adderet, \* *tu scis quia*, seu quod, \* *amo te*. Quod Ambros. putat esse jusjurandum: sed verius est, Petrum ita loqui, quod sibi diffideret, totumque judicium Christo committeret. Supprimat autem, \* *Plus his*, quia hoc respondit, quod de seipso sciebat, qui cor alterius nosse non poterat, inquit Aug. tract. 124. Noluit ergo iterum esse mendax de se præsumendo, ut ante passionem. Suffecit ei, testimonium perhibere cordi suo; non debuit esse judex cordis alieni, ut idem ait serm. 24. de Sanct. \* *Pasce igitur*, infert enim hoc Christus ex responsione Petri: q. d. Si diligis me, pasce, ut notat Aug. Quid est autem aliud *Si diligis me, pasce oves meas*, inquit idem, quam si diceretur, Si me diligis, non te pascere cogita, sed oves meas: sicut meas pasce, non sicut tuas: gloriam meam in eis quære, non tuam: dominium meum, non tuum: lucra mea, non tua: ne sis in eorum societate, qui pertinent ad tempora periculosa, seipsum amantes. Porro nomine actus designat potestatem, *Pasce*, id est, pastorem age, sicuti dicimus, *Rège provinciam istam*, id est, sis rector aut gubernator ejus. *Pascere* autem non est solum cibum præbere seu docere, sed præesse, præire, tueri, compescere, castigare, hoc est, regere, quod Græcâ voce *ποιμαίνω* apertè significatur, & ita vertitur Matth. 2. *Qui regat populum meum Israel*, & Psalm: 2. & Apocal. 19. *Ipse reget eos in virga ferrea*. Unde & Aug. Christus oves pascendas, hoc est, docendas regendasque, committit. \* *Agnos meos*, sic & secundo loco textus Latinus repetit *Agnos meos*, pro quo Græci videntur legisse *Oviculas*, ut colligitur ex Ambr. in Luc. quamvis nunc legatur *Oves*, amisso uno jota, *οἰσβάλα* pro *οἰσβάλα*. Itaque per *Agnos*, bis repetitos, significatur

tur duo populi, Judaicus & Gentilis: per *Oves* verò Episcopi & Pastores tamquam matres agnorum. Vel commodius *Agni* primo loco significant simplices fideles; *Ovicula* secundo loco Presbyteros, velut minores pastores; *Oves* verò Episcopos. Quod autem non dicit, *Pasce has aut illas oves*, sed absolute & indiscrete *meas*, universas intelligit; omnes videlicet quæ quoquo modo dicuntur *mea*, ut notat Bernard. 2. de considerat. c. 8. Cui non planum, inquit, non designasse aliquas, sed assignasse omnes? Nihil excipitur, ubi distinguitur nihil. Itaque illud, *pasce agnos & oves meas*, idem est ac si diceret. Sis pastor universi gregis seu ovilis mei, hoc est, totius Ecclesiæ meæ, tam filiorum, quam patrum; tam fidelium, quam omnium Pastorum, seu Episcoporum. Quod officium cum sit ordinarium, ac tamdiu necessarium, quam erit ovile; profectò iisdem istis verbis eandem potestatem omnibus Petri legitimis successoribus tribuit. Trinum verò illud examen amoris alludit quidem ad trinam ejus negationem, ut notat August. & Cyrill. sed tamen significavit incenso, stabili, ac perfecto Christi amore ad pascendum opus esse: terna enim inculcatio perfectionis indicium est. Unde etiam ter committit ei gregem suum, ut indicit commissæ rei magnitudinem, ac definitum committentis consilium.

17. \* *Contristatus est Petrus, quia dixit ei tertio, &c.* verens videlicet, ne fortè etiam hîc falleretur, sicut ante passionem, quando multa de se promiserat. Quam rationem tristitiæ videtur notare Aug. serm. 49. de verbis Domini: *Contristatus est*, inquit, quasi ille, qui videbat conscientiam negationis, non videret fidem confitentis, timendo scilicet, quod illa deesset conscientiæ suæ. Nam de omni scientia Christi nullo modo dubitabat, dicendo, \* *Domine tu nosti omnia*, tamquam Deus meus, etiam secreta cordium: proinde \* *tu scis quia amo te*, prout mea mihi dictat conscientia. Cum ergo Petrus valdè sibi diffideret, consolatur eum Christus, declarando se non diffidentem interrogasse, sed veram esse responsionem ejus, ut notat Cyrill.

18. \* *Amen, amen dico tibi, cum esses junior, ætate, cingebas te, & ambulabas ubi volebas*, expeditus videlicet ac liber: \* *cum autem senueris*, quo Græci observant significari eum tunc fuisse mediæ ætatis, prout etiam ex annis, quibus supervixit, colligitur. \* *Extendes manus tuas*, in crucem, hoc est, crucifigeris, inquit Aug. \* *Et alius te cinget*, id est, cingulis cruci adstringet. Tunc enim Petrus ab alio cingitur, cum cruci adstringitur, inquit Tertull. in fine Scorpiaci. Quo indicare videtur magis funibus in cruce suspensum, quam clavis affixum fuisse.

\* *Et ducet quo tu non vis*, ad mortem scilicet, propter naturalem mortis

17. Dicit ei tertio: Simon Joannis, amas me? Contristatus est Petrus, quia dixit ei tertio, Amas me? & dixit: Domine tu omnia nosti: tu scis quia amo te. Dixit ei: Pasce oves meas,

18. Amen, amen dico tibi: cum esses junior, cingebas te, & ambulabas ubi volebas: cum autem senueris, extends manus tuas, & alius te cinget, & ducet quo tu non vis,



abhorrescentiam, quam tamen constantia voluntatis vicit. Unde Aug. Ad mortis molestiam nolens ductus est, sed ab ea volens eductus est: nolens ad eam venit, sed volens eam vicit, & reliquit hunc infirmitatis affectum, quo nemo vult mori, usque adeò naturalem, ut eum B. Petro nec senectus auferre potuerit. Propter nos autem consolandos, etiam hunc in se affectum Christus ostendit, quando dixit, *Pater, si fieri potest, transeat à me calix iste*: sed affectus ille virtutis magnitudine superari debet. Unde idem: Sed molestia quantacumque sit mortis, debet eam vincere vis amoris. Nam si nulla esset mortis molestia, non tam magna esset martyrum gloria. Qua de re præclare Tertull. in fine Apolog. Planè, inquit, volumus pati, (martyrium) verum eo more, quo bellum miles. Nemo quippe libens patitur, cum & trepidare & periclitari sit necesse: tamen & præliatur omnibus viribus, & vincens in prælio gaudet, qui de prælio querebatur, quia & gloriam consequitur, & prædam.

19. Hoc autem dixit, significans qua morte, hoc est, quo mortis, seu interfectionis genere, \* clarificaturus esset Deum, hoc est, glorificaturus, extensione scilicet manuum & cinctione, hoc est, cruce. Nam ille est hominis crucifixi habitus: quod quia fiebat propter solam fidem & pietatem in Christum Deum, hinc mors ista in magnam Dei claritatem seu gloriam cessit. \* Et cum hoc dixisset, finiendo in istis verbis, ducet quo non vis, ne Petrus per suum non velle detrearet passionem, surrexit Christus, & progressus quasi ad abitum se parans, \* dicit ei: Sequere me, tamquam discipulus doctorem, nunc quidem gressu corporali, sed tamquam symbolo, quo intelligas tibi sequendum esse exemplum meum. Nam, ut Cyrill. ænigmaticè ostendit vestigia Christi, id est, passionem crucis Petro sequendam esse, ut quamvis duceretur quò non vellet, appetitu carnis, simul tamen voluntariè procederet ad supplicium, sicut Christus suis persecutoribus obviam processit. Unde & Petrus ex Romano elapsus carcere, cum ex Christo sibi obvio audivisset, Venio Romam iterum crucifigi, quo crucem sibi subeundam esse Petrus monebatur, sponte suà ad carcerem reversus est, ut Ambr. Orat. contra Auxentium.

20. \* Conversus Petrus, id est, retrò respiciens, an & cæteri sequerentur, \* vidit illum discipulum sequentem, quem diligebat Jesus, præ cæteris tenerius & familiarius, ut Aug. tract. 119. Itaque curiosus sciendi, quid etiam Joanni tam dilecto esset obventurum, & arbitratus Joannem hoc velle quidem, sed non audere sciscitari, ut Chrysost. notat.

20. Conversus Petrus vidit illum discipulum, quem diligebat Jesus, sequentem: qui & recubuit in coena super pectus ejus & dixit, Domine quis est qui tra-

21. \* Dixit Jesus: Domine, hic autem quid? supple, facturus, aut passus.

21. Hunc ergo

passus.

*passurus est?* Satis enim intellexerat quid Christus sibi innuisset : q. d. Num & istum similiter ducet alius, quo non vult, an verò ut filius dilectus tenereque dilectus suaviori viâ ad te migrabit ?

cùm vidisset Petrus, dixit Jesu : Domine, hic autem quid ?

22. \* *Dixit ei Jesus : Sic eum volo manere.* Textus Syriacus & Græcus & plerique Commentatores Græci, itemque quinque aut sex exemplaria Latina legunt, *Si eum volo manere*, & tunc sensus clarus est. Nostri Vulgata editio eundem sensum habet, ut sit sermo conditionalis non affirmativus, hoc modo : Esto, vel ita sit, vel statuamus, quod eum sic velim manere sine morte, \* *donec veniam*, ad judicandum, \* *quid ad te*, pertinet hoc curiosius inquirere ? Retundi enim curiositatem ejus notat Chrysost. Ita solemus tractare eos, qui impertinenter rogant, ut vel taceamus, vel eos ambiguos relinquamus. Quo pacto nonnulli exponunt & istud Matth. 20. *Volo & huic novissimo dare, sicut & tibi*, ut non significet se dispares merito æquare velle præmio, quod Deus non solet facere, etsi possit, sed tantum adductione alicujus casus ostendere libertatem suam : q. d. Quid si velim huic novissimo dare, sicut & tibi, quid habes quod conqueraris ? An non licebit mihi quod volo facere ? \* *Tu me sequere*, hoc est, tuum est mortem, exemplumque meum cogitare & sequi, non aliena scrutari.

22. Dixit ei Jesus : Sic eum volo manere donec veniam, quid ad te ? tu me sequere,

23. \* *Exiit ergo sermo iste*, seu rumor iste percubuit, \* *inter fratres quia discipulus ille non moritur*, id est, numquam moreretur. Cùm enim Petri mortem à Domino prædictam esse sentiret, Joannis verò suspensionem ; videbatur Christus insinuasse, eum immortali ter viturum, utpote usque ad secundum adventum Domini superstitem, & consequenter semper. Quod multò pronius erat judicare, si Christus verbis affirmativis usus fuisset ; *sic eum volo manere &c.* Hinc autem opinionem refellit Evangelista : \* *Et non dixit ei Jesus : non moritur ; sed sic eum volo*, &c. *quid ad te ?* hoc est, verbis istis reliquit rem suspensionem, utpote non absolvens orationem in istis verbis, *donec veniam*, sed coërens Petri curiositatem per hoc, quod insuper adjecit ; *quid ad te ?*

23. Exiit ergo sermo iste inter fratres, quia discipulus ille non moritur. Et non dixit ei Jesus : Non moritur ; sed sic eum volo manere donec veniam, quid ad te ?

24. \* *Hic, de quo iste sermo percubuerat, est discipulus, qui testimonium perhibet de his, & scripsit hæc*, id est, est ille discipulus, qui testatur paulò antè, in d. toto libro narrata esse vera suumque testimonium scripto consignavit, tacitè indicans sine expressione proprii nominis illum, de quo exierat ille sermo, esse scriptorem hujus Evangelii. Vult enim coronidem imponere, fidemque conciliare toti libro. \* *Et scimus*, non ego tantum, sed & alii, qui cum Domino versati sunt, \* *quia verum est testimonium ejus*, quod scripsit : sic enim scriptor est, ut simul testis sit, non famâ auditæ, sed oculis perspectæ veritatis.

24. Hic est discipulus ille, qui testimonium perhibet de his, & scripsit hæc : & scimus, quia verum est testimonium ejus.

25. \* *Sunt autem & alia, præter narrata, multa, quæ fecit Jesus*, supple, bros.

25. Sunt autem & alia multa, quæ fecit Jesus : quæ si scribantur per singula, nec ipsum arbitror mundum capere posse eos, qui scribendi sunt, libros.



supple, sicut supplevit superius c. 20. v. 30. quæ non sunt scripta in libro hoc, sed ab aliis Evangelistis memoriæ tradita, vel omninò prætermiſſa: \* *quæ si scribantur per singula*, seu sigillatim, \* *nec ipsum arbitror mundum capere posse eos, qui scribendi sunt, libros.* Locutio est hyperbolica, ut Euthymius & Cyrill. & ante illos tradit Aug. quo significatur ingentem futurum librorum numerum, & consequenter factorum Jesu. Nihil enim totâ vitâ mortali dixit, aut fecit, quod non esset divinum, & scripture dignissimum. In talibus autem hyperbolis non est mendacium, quia tametsi locutio fidem rerum excedat, non tamen hoc volumus significatum, quod verba sonant, sed tantummodò rem, quam ita augemus aut minuímus, esse vehementer magnam aut parvam. Sic sup. c. 10. v. 19. Pharisei dicunt, *Ecce mundus totus post eum abít.* Unde Aug. hoc loco rem explicans, at: Salvâ rerum fide plerumque verba excedere videntur fidem: quod fit quando aliquid augetur vel extenuatur, nec tamen à tramite veritatis aberratur: quoniam sic verba rem, quæ indicatur, excedunt, ut voluntas loquentis nec fallentis appareat; qui novit quousque credatur, à quo ultrà quàm credendum est, vel minuitur loquendo vel augetur.

F I N I S.



# S E R I E S V I T Æ J E S U C H R I S T I J U X T A O R D I N E M T E M P O R U M.

**H**Actenus explicuimus singulorum Evangelistarum contextum, nullâ habitâ ratione temporis vel ordinis quod singulæ res gestæ sint : nunc operæ pretium me facere existimavi, & utile gratumque Lectoribus studiosis, si, quàm brevissimè fieri potest, seriem rerum gestarum juxta ordinem ætatis Christi ob oculos ponam, ut una historiæ facies appareat, quæ alioquin non mediocriter confusa & intricata est. Ætatem autem distinguemus in puerilem, quæ se extendat usque ad Baptismum; & in virilem : & hanc rursus in præludium prædicationis usque ad primum Pascha; & in quatuor annos prædicationis & conversationis usque ad ascensionem in cælum.

## *Ætas Puerilis.*

1. **I**Taque Deus, cum Verbum, quod erat in principio, & ab æterno, Deus apud Deum, etiam carnem fieri decrevisset, ut narratur Joan. 1. v. 1. & seqq. regnante Herode misit Angelum Gabriëlem, qui nuntiaret Zachariæ parituram Elisabeth filium Joannem, præcursores Christi : & sexto mense post ad Mariam Virginem; quæ gravida visitat Elisabetham. Paritur Joannes & circumciditur; usus linguæ redit Zachariæ, qui benedicit Deum, prout hæc narrantur Lucæ 1. à v. 5. usque ad 79.

2. Hinc Joseph docetur ab Angelo uxorem esse gravidam de Spiritu sancto Matth. 1. v. 19. & seqq. Nascitur paulò post Christus in Bethleem, Luc. 2. v. 1. Et genealogia ejus pertextitur per Salomonem, Matth. 1. v. 1. & alia per Nathan, Lucæ 3. v. 23.

3. Natus annuntiatur Pastoribus, & circumciditur octavo die, Luc. 2. v. 1. usque ad 22. Sex diebus interjectis, adoratur à Magis, Matth. 2. v. 1. & post impletos adhuc viginti sex dies purgationis Mariæ, sistitur in Jerusalem in templo, Lucæ 2. v. 22. usque ad 39.

4. Hinc



4. Hinc Joseph ab Angelo admonitus fugit cum eo in Ægyptum, & post infantes occisos, & aliquot annorum moram redit in Nazareth Galilææ, Matth. 2. v. 13. usque ad finem.

5. Quotannis cum parentibus ascendit Jerosolymam, & annos natus duodecim manlit inter Doctores in templo. Reversus obedit parentibus crescens ut ætate, ita & sapientia usque ad annum ætatis ferè trigessimum, Lucæ 2. v. 41. usque ad finem capitis.

*Ætas Virilis ante primum Pascha post Baptismum.*

1. **I**nstante tempore prædicationis Christi, anno xv. Tiberii Cæsaris, Joannes præcursor prædicatione & baptismo poenitentiae excitat omnium animos ad expectandum Christi adventum, ipsumque Christum baptizat, voce Patris eum Filium suum declarante, Matt. 3. v. 1. usque ad finem, Lucæ 1. v. 1. & seqq. Joan. 1. v. 6. 7. 8. Baptizatus itaque ducitur à Spiritu Sancto in desertum, ubi jejunit quadraginta dies luctaturque cum diabolo, Matth. 4. v. 1. & seqq. Marci 1. v. 12. & Lucæ 4. v. 1. Interea Joannes Phariseis ad se missis profitetur se non esse Christum, Lucæ 3. v. 15. & fusius Joan. 1. v. 19. & seqq.

2. Postridiè Jesu ex deserto reversus digito ostenditur à Joanne, esse Agnus Dei. Repetit hoc testimonium postridiè. Jesum sequitur Andreas, qui adducit Simonem. Sequenti die occurrit Philippo, qui Nathanaëlem attrahit, Joan. 1. v. 29. usque ad finem capitis.

3. Hinc tendit in Canam Galilææ, ubi aquâ in vinum mutatâ descendit Capharnaum cum suis. Inde Jerosolymam instante Paschate, ubi cientes vendentesque templo pellit, Joan. 2. v. 1. usque ad 23.

*Annus primus Prædicationis à primo Paschate sequente Baptismum, usque ad secundum.*

1. **H**oc ipso primo Paschate prædicanti Jerosolymis multi credunt, propter signa, quæ faciebat. Quo tempore Nicodemus noctu instituitur, Joan. 2. v. 23. & c. 3. usque ad v. 22. Hinc in Judæam discedit, baptizans per discipulos suos: cumque hominum affluxum moleste ferrent discipuli Joannis, docet eos Joannes Christum crescere debere, se autem minui, Joan. 3. v. 22. usque ad finem capitis.

2. Non multò post, Herodes reprehensus à Joanne, conjicit eum in carcerem: quod tres Evangelistæ incidenter narrant, Matthæus 14. v. 3. Marcus 6. v. 17. & Lucas 3. v. 19. sed nullus suo loco. Quo audito Jesus secessit à Judæa in Galilæam, Matth. 4. v. 12. Marci 1. v. 14. & Joannis 4. v. 1. Transiens autem per Samariam, mulierem Samaritanam,

nam, & populum per biduum docet. Inde digressus post biduum à Galilæis honorificè excipitur, & in Cana filium reguli febricitantem sanat, ibid. Joan. 4. à v. 4. usque ad finem capitis.

3. Ex Cana declinans patriam suam Nazareth, habitaturus venit Capharnaum. Hinc peragrat Galilæam prædicando, vocans ad mare piscantes Petrum & Andream, itemque Jacobum & Joannem, edito captorum piscium miraculo, Matth. 4. v. 13. usque in finem, Marci 1. v. 15. & Luc. 5. v. 1. & seqq. Cum istis ingreditur Synagogam Capharnaum, ac dæmonium ejicit, Petri quoque socrum febricitantem liberat, crescenteque famâ vesperi ad januam plurimos sanat, Marc. 1. v. 21. Lucæ 4. v. 13. & aliquid Matth. 8. v. 14. Manè descendit Capharnaum in desertum: hinc in Galilæam, prædicando atque sanando, Marc. 1. v. 35. & Luc. 4. v. 42.

4. Pressus turbis jubet fretum trajici, rejicitque quemdam à discipulatu suo, Matth. 8. v. 18. Inter trajiciendum obdormit, ortamque tempestatem verbo sedat, ibid. v. 24. & Marc. 4. v. 36. & Luc. 8. v. 23. Freto trajecto duos dæmoniacos apud Gerasenos à dæmonibus liberat, quibus porcos invadere & in stagnum præcipitare permittit, ut Matthæus & Lucas ibid. consequenter, Marcus verò c. 5. v. 1. & seqq.

5. Rediit manè ad Capharnaum, ubi paralyticum per tectum demissum sanat, unde digressus vocat Matthæum à telonio, & in convivio discipulos Joannis & Phariseos docet, Matth. 9. v. 1. & seqq. Marc. 2. v. 1. Lucæ 2. v. 18. Deinde à Jairo ad filiam curandam vocatus, in via sanat tactu fimbriæ Hemorroissam, & domi filiam à morte suscitatur, Matth. 9. v. 18. Marc. 5. v. 22. & Lucæ 8. v. 4. Et inde divertens duos sanat cæcos, ex alio mutum ejicit dæmonium, quod Matth. c. 9. v. 27. consequenter narrat.

*Annus secundus Prædicationis à secundo Paschate usque  
ad tertium post Baptismum.*

1. **P**ost hæc ascendit Jesus Jerosolymam ad diem festum Paschatis ubi ad probaticam piscinam sanat eum, qui triginta octo annos infirmus fuerat, factumque in Sabbato latè tuetur, Joan. 5. v. 1. usque ad finem capitis.

2. Hinc cum discipulis per sata transit, cumque sabbato spicas illi vellerent, & ipso paulò post manum aridam sanasset, utrumque reprehendentes Phariseos refellit, Matth. 12. v. 2. Marc. 2. v. 28. usque ad finem, & initio cap. 3. itemque Lucæ 6. v. 1.

3. Cum propterea eum vellent perdere, secedit ad mare, turbam è



mari docens : morbosque curans , Matth. 12. v. 15. Marc. 3. v. 7.

4. Paulò post turbis relictis ascendit in montem, in oratione pernoctat, eligit ex discipulis duodecim Apostolos; ad quos ac turbam longum unum sermonem habet, Christianæ perfectionis compendium, qui dicitur *Sermo Domini in monte*, Matth. toto cap. 5. 6. & 7. Marc. 3. v. 13. Luc. 6. v. 12. usque in finem capitis.

5. Descendens è monte in agrum Capharnaum, mundat leprosum; Matth. 8. v. 1. Marc. 1. v. 40. Luc. 5. v. 12. Urbem ingressus paralyti liberat servum Centurionis, Matth. 8. v. 5. Luc. 7. v. 1. Unde digressus ad oppidum Naim, suscitatur filium unicum mulieris viduæ, Luc. ibid. v. 11.

6. Interim Joannes è carcere mittit discipulos suos ad Jesum, qui Joannem ex multis capitibus laudans, taxat impœnitentiam Judæorum maximè Corozain, Bethsaidæ, Capharnai, Matth. 11. v. 2. usque in finem capitis, Luc. 7. v. 18. usque ad 36. Hinc pandens apud Simonem Pharisæum peccata dimittit Magdalenæ, Luc. 7. v. 36.

7. Capharnai sanat dæmoniacum cum & mutum : quâ occasione calumniantes opera Spiritûs Sancti Pharisæos, & signum de cælo querentes latè refellit, Matth. 12. v. 22. usque ad 46. Lucæ 11. v. 14. usque ad 33. & Marci 3. v. 22. usque ad 31.

8. Interea cognati advolant, ut eum tamquam furiosum tenerent, Marc. 3. v. 21. Cumque nuntiaretur eorum adventus, ut eum convenirent, docet omnes facientes voluntatem Dei esse matrem & fratres suos, Matth. 13. v. 46. Marc. 3. v. 31. Luc. 8. v. 19.

9. Hinc ad mare egressus multis parabolis, seminis, zizaniorum, sinapi, fermenti, thesauri, margaritæ, sagenæ, docet turbas, Matth. 13. v. 1. usque ad 53. Marc. 4. v. 1. usque ad 35. Lucæ 8. v. 4. & c. 13. v. 18. Inde in Nazareth proficiscitur, ubi scandalizantur in ejus conecione, imo ejiciunt eum è civitate, Matth. 13. v. 53. Marci 6. v. 1. usque ad 7. Lucæ 4. v. 16. usque 31. Pergit deinceps circuire vicos Galilææ, suppeditantibus vitæ necessaria mulieribus, quas sanaverat, Lucæ 8. v. 1.

10. Apostolos præceptis instruit, mittitque binos ad prædicandum, qui prædicant, sanant, unguunt infirmos oleo, Matth. toto cap. 10. Marci 6. v. 7. usque ad 14. Lucæ 9. v. 1. usque ad 7. Interea & ipse Jesus Galilæos docendo peragrat, Matth. 11. v. 1. & Herodes ad famam Jesu putat Joannem à se occisum, effere suscitatum, Matth. 14. v. 1. Marc. 6. v. 14. Luc. 9. v. 7.

11. Reversis à prædicatione Apostolis, secedit cum eis Jesus in desertum, trans mare Galilææ, ubi pascit quinque milliavirorum quin-

que panibus ac duobus piscibus. Sub vesperam jussis Apostolis transfretare ipse fugit in montem, unde quartâ vigiliâ veniens sedat tempestatem, Matth. 24. v. 13. Marc. 6. v. 30. usque ad 53. Lucæ 9. v. 10. Joan. 6. v. 1. usque ad 22.

12. Exiens navim, in terram Genesareth sanat omnes malè habentes etiam simbriæ tactu, Matth. 14. v. 34. Marc. 6. v. 53. alterâ verò die in Synagoga Capharnai occasione patrati miraculi de panibus, longo sermone docet se esse panem vitæ, carnem & sanguinem suum esse manducandum & bibendum, Joan. 6. v. 22. usque ad finem capituli.

*Annus tertius Prædicationis à tertio Paschate sequente  
Baptismum usque ad quartum.*

1. **H**oc Paschate, quod Joannis 6. v. 4. indicatur, Christus vel non ascendit Jerosolymam, eò quòd eum Judæi quærerent interficere, vel certè continuò reversus est in Galilæam, Joan. 7. v. 1. ubi Scribæ cum eo disputant de lotionem manuum atque observationem traditionum. Unde digressus in fines Tyri & Sidonis filiam Cananææ liberat à dæmonio: & ad mare rediens multos infirmos sanat, atque inter cæteros surdum simul ac mutum, Matth. 15. à v. 1. usque 32. Marc. toto cap. 7.

2. Mox septem panibus, paucisque piscibus quatuor millia virorum cibant. Post quod miraculum venit in partes Magedan & Dalmanuthæ, ubi Pharisei signum de cælo petunt: quibus repulsis transfretans monet cavendum à fermento Phariseorum ac Sadduceorum, Matth. 15. à v. 23. usque ad v. 13. cap. 16. & Marci 8. à v. 1. usque 22. ubi Marcus consequenter addit, apud Bethsaidam cæco extra vicum educto lumen esse restitutum.

3. Hinc apud Cæsaream Philippi Petri fidem exquirat & laudat, ædificandæque Ecclesiæ Petram futurum pollicetur: sed mox passionem ac mortem Jerosolymis prædicit sibi subeundam, unicuique verò subeundam esse crucem suam. Octavo post die transfiguratur in monte: unde descendens ejicit dæmonium è lunatico, quod discipuli non potuerant. Inde digressus in Galilæam prædicit iterum passionem suam ac resurrectionem, quæ omnia consequenter narrantur Matth. 16. à v. 13. usque ad v. 23. cap. 17. & Marci 8. à v. 27. usque ad v. 32. cap. 9. & Lucæ 9. à v. 18. usque ad 46.

4. Ingressus Capharnaum pro se & Petro didrachmum solvit, Matth. 17. v. 23. Unde ortâ contentione de primatu inter discipulos, eorum ambitionem comprimit, advocato puero, multa que prædicit de scandalis



dalo pusillorum cavendo, peccatisque condonandis, exemplo Regis adducto, ineuntis rationem cum servis, Matth. 18. toto cap. Marc. 9. v. 32. usque ad finem, Luc. 9. v. 46. usque ad 51. & quædam cap. 17. v. 1. usque ad 5.

5. Scenopegia instante noluit cum cognatis in Judæam ascendere, sed paulò post occultè ascendit à Galilæa in Judæam., Matth. 19. v. 1. Marc. 10. v. 1. & latius Joan. 7. v. 2. In itinere cùm Samaritani negassent ei hospitium, reprimit in discipulis vindictæ cupiditatem, imò Samaritanum obvium cum novem aliis à lepra sanat, eumque laudat, Luc. 9. v. 51. & c. 17. v. 11.

6. Festo Scenopegiaë mediante intrat Jerusalem, tantâ docens efficaciam, ut ministri ad eum capiendum missi ipsi caperentur. Undè cùm in montem Oliveti vespere recessisset, reversus manè mulierem in adulterio deprehensam è Judæorum manibus in terra scribens liberat: quâ occasione docet, quis ipse sit, & qui Judæi; an eorum pater Abraham, an diabolus: undè jam jamque lapidantibus, manibus eorum elabitur. Mox verò præteriens cæcum à nativitate, luto oculis illito; die sabbati eum sanat, multaque de pastore bono, de mercenario, de ovibus suis differit, prout hæc omnia narrantur consequenter per Joan. toto c. 7. v. 8. 9. & 10.

7. Egressus Jerosolymis peragrat Judæam designans alios septuaginta duos discipulos, quos binos præmittit in omnem locum quo venturus erat, instruens eos ferè similibus, quibus aliquantò ante Apostolos instruxerat: reversos docet modestiam, Patrique suo gratias agit, Luc. 10. v. 1. usque ad 25. & aliquid Matth. 11. v. 25. usque ad finem.

8. Hinc Scribam arrogantiorem docet, quis ejus proximus sit exemplo Samaritani. Paulò post in Bethania hospitio exceptus, Mariæ otium Marthæ negotiis præfert. Deinde discipulos orare docet, *Pater noster* &c. maximeque perseverantiam orationi esse adhibendam, Luc. 10. à v. 25. usque ad v. 14. cap. 11.

9. Invitatus ad prandium à Phariseo carpit eorum præposterum munditiæ studium, hypocrisin, aliaque vitia, sæpiùs *Væ* ingeminans, Luc. 11. v. 37. usque ad finem. Deinde hereditatis divisionem à se rejicit, ab avaritia & sollicitudine rerum temporalium revocans multis argumentis, Luc. 12. à v. 13. usque 53. Quæ verò usque ad finem capit ibid. sequuntur, eodem tempore subjuncta videntur, quamvis & aliis locis & occasionibus pleraque dicta sint.

10. Deindè cùm ei nuntiatum esset de Galilæis à Pilato occisis, provocat omnes ad poenitentiam, ne instar ficus infructuosæ excidantur: mulierem octodecim annis inclinatam erigit, murmurantemque com-

primit

primit : cæteros verò auditores instruit parabolis grani sinapis , ac fermenti. Indè per castella Judææ tendens in Jerusalem , cùm rogaretur , an pauci essent salvandi , docet per angustam portam nitendum esse , cujus ostio semel clauso frustrà pulsarent. In ipsa die monitus , ut ab Herode sibi caveret , respondit mortem sibi in Jerusalem esse subeundam : quam sæpè voluerit instar gallinæ congregare , Luc. 13. toto capite.

11. Ad prandium vocatus à principe Phariseorum , curat hydropicum , quod similitudinibus sibi licere ostendit , docens convivas non aucupandum esse primum locum , nec invitandos esse divites , sed pauperes ac debiles. Subjicit parabolam cœnæ magnæ , ad quam vocati excusant se variis prætextibus. Denique exemplo ædificantis turrim explicat , quantum requiratur in eo , qui velit esse discipulus suus , Lucæ 14. toto capite.

12. Murmuranibus deindè Phariseis , quòd reciperet peccatores , tribus parabolis ovis , drachmæ & filii perditio eos refellit : quorum deindè taxatà avaritiâ provocat eos ad eleëmofynam , adductis exemplis villici diffamati ac divitis epulonis , Lucæ toto c. 15. v. 16.

13. Deinde hyeme in Æncaniis disputat in porticu Salomonis cum Judæis se circumstantibus : cumque vellent eum lapidare & apprehendere , abiit trans Jordanem , Joan. 10. à v. 22. usque ad 40.

14. Confluentibus hic ad eum Judæis , docet ac sanat terbas , disputatque cum Phariseis de conjugii firmitate , divortio , cælibatu , Joan. 10. v. 41. & 42. Matth. 19. à v. 1. usque 13. Marci 10. à v. 1. usque ad 13. Ibidem vetat à se arceri parvulos , quibus manum imponens benedicit. In via verò dives adolescens , à sequendo Christo deterretur propositâ paupertate : quâ occasione tradit , quanta divitibus sit difficultas intrandi in regnum Dei , quanta felicitas futura eorum , qui propter Christum omnia dereliquerint , Matth. 19. à v. 13. usque ad finem , Marci 10. à v. 13. usque 32. Lucæ 18. à v. 15. usque 31. Eodem verò tempore adductâ parabolâ operantium in vinea discipulos docet , sæpè primos fieri novissimos & contrà , ut Matthæus attexit initio capitis 20.

15. In finibus adhuc Judææ constitutus accipit nuntium de infirmitate Lazari , quem cùm sciret esse mortuum tendit in Bethaniam , ubi eum quatrIduanum suscitavit. Quo miraculo multis credentibus mors ejus decernitur à Pontificibus & Judæis. Itaque Jesus abiit in fines Judææ juxta desertum in civitate Ephrem , Joan. 11. à v. 1. usque ad 55.

16. Instante Paschate tendit Jerosolymam præmonens discipulos de cruce & morte ibidem subeundâ , & secuturâ resurrectione. Quo

audito



audito regnum instare putantes duo filii Zebedæi, per matrem petunt ut concessum à dextris ac finistris sibi concederet. Stomachantes illam ambitionem Apostolos humilitatem docet, tempus notat Joan. 11. v. 55. historiam verò Lucas 18. v. 31. Matth. 20. v. 17. usque 29. & Marcus 10. v. 32. usque 46.

17. Pergens Jesus ingreditur Jericho: ubi excipitur hospitio à Zachæo, & salutem domui factam annuntians, adjungit parabolam de servis negotiantibus, Lucæ 19. v. 1. usque 28. & mox egressus, duobus cæcis restituit visum, Matth. 20. v. 29. Marci 10. v. 46. Lucæ 18. v. 35. Hinc venit Bethaniam ante sex dies Paschæ Joan. 12. v. 1. Postridie fit eis cœna in domo Simonis leprosi, Lazaro simul accumbente, Marthâ ministrante, Mariâ unguentum effundente, quam ob causam discipulorum murmur compescitur, Matth. 26. v. 6. Marci 14. v. 3. Joan. 12. v. 2.

18. In crastinum, hoc est, die Dominicâ è Bethania profectus asello per montem Oliveti turbis acclamantibus, *Hosanna in excelsis*, tendit Jerosolymam, Matth. 21. v. 1. Marci 11. v. 1. Lucæ 19. v. 29. Joan. 12. v. 12. Civitati proximus desilet ac prædicit excidium ejus, Lucæ 19. v. 41.

19. Ingressus urbem, templo vendentes ejicit, cæcos claudosque sanat, & indignantibus Phariseis os obturat, Matth. 21. v. 12. Marci 11. v. 15. Lucæ 19. v. 45. Interim Judæis freudentibus gentiles desiderant videre Jesum: quâ occasione glorificatur à patre voce cælitus delapsâ, & ipse nonnullâ ad Judæos differit, Joan. 12. v. 20. usque ad finem cap.

20. Vespere urbe egreditur in Bethaniam, manè verò die sequente, id est, feriâ secundâ rediens maledicit ficui. Die in docendo transactâ redit iterum vesperi in Bethaniam, Matth. 21. v. 17. Marci 11. v. 11.

21. Postridiè, hoc est, feriâ tertiâ cùm rediret Jerosolymam, discipuli mirantur ficum aruisse. Itaque docet eos vim fidei & orationis Matth. 21. v. 20. & seqq. Marci 11. v. 20. In templum veniens, ac de potestate, quâ ista faceret, interrogatus, perstringit Judæos, quòd eum scientes nollent agnoscere, propositisque parabolis translationem regni Dei à Judæis ad Gentes prædicit, Matth. 21. v. 23. usque ad finem, & initio capitis 22. usque ad v. 15. Marci 11. v. 27. usque ad finem, & initio cap. 12. Lucæ 20. v. 1. usque ad 20.

22. Hinc irati cùm manibus eum capere non auderent, conantur capere in sermone, obtundendo eum vaftris quæstionibus, de censu Cæsari solvendo, de conjugio post resurrectionem, de mandato maximo in lege: quibus solutis proponit eis & ipse quæstionem de Christo, an esset


effet Filius David, Matth. 22. v. 15. usque ad finem, Marci 12. à v. 13. usque ad 38. Lucæ 20. à v. 21. usque ad 45.

23. Tunc, cum jussisset Phariseos tamquam super cathedram Moy-  
sis sedentes audire, gravissimè invehitur in eorum vitia, vindictam  
comminatus divinum, & octies *væ* ingeminans, latè toto cap. 23. Matth.  
breviter verò Marci 12. v. 38. & Lucæ 20. v. 45. Post quem sermo-  
nem sedens contra gazophilacium, præfert eleëmofynam viduæ pau-  
peris, duos scilicet minuta, muneribus divitum, Marci 12. v. 41. Lucæ  
21. v. 1.

24. Templo egressus sub vesperam discipulis structuram ejus mirantibus, prædicit excidium ejus; unde in montem usque progressus Oliveti, cum sedisset ex adverso, dat signa consummationis tam Jerusalem, quàm totius sæculi: addens tamen esse incertum diem adventûs sui, adeoque omnibus vigilandum esse, quod declarat parabolis decem virginum, fervorumque negotiantium, Matth. 24. toto cap. & 25. usque ad 31. Marci toto cap. 13. Lucæ cap. 21. à 25. usque ad finem: quibus deinde formam judicii generalis subjungit, Matth. 25. v. 31. usque ad finem.

25. Feriâ quartâ manè prædicit post bîdium Pascha futurum, & se agendum in crucem, Matth. 26. v. 1. Marci 14. v. 1. & Lucæ 22. v. 1. & 2. Eâdem verò die paciscitur Judas cum Principibus Sacerdotum, & cum Judæis magistri sui proditorem, Matth. 26. v. 3. itemque 14. Marci 14. v. 20. Lucæ 22. v. 2.

26. Feriâ denique quintâ discipulos duos mittit ad parandum sibi Pascha, dans eis indicium inveniendæ domûs hominem amphoram aquæ bajulantem, Matth. 26. v. 17. Marci 14. v. 12. Lucæ 22. v. 7. usque ad 14. Atque hîc sequitur quartum Pascha prædicationis, in quo & mortuus est : ita ut elapsi fuerint à baptismo ejus usque ad mortem tres anni completi, & ferè tres menses.



QUARTUM PASCHA.

SERIES PASSIONIS CHRISTI,

*Mors , Resurrectio usque ad Ascensionem ejus.*

i. **F**eriâ quintâ sub vesperam, quâ incipiebat dies primus Azymorum seu festum Paschatis, comedit cum discipulis in cœna Agnum Paschalem, Matth. 2. v. 6. 20. Marci 14. v. 16. Lucæ 22. v. 14. quâ



quâ cœnâ absolutâ lavit eorum pedes, Joan. 13. v. 1. usque ad 21. Et mox instituit, ac tradit eis Sacramentum Corporis & Sanguinis sui, Matth. 26. v. 26. Marci 14. v. 22. Lucæ 22. v. 17.

2. Deinde prædicit ab uno eorum hâc ipsâ nocte se prodendum esse, quod Matth. c. 26. v. 21. & Marcus 14. v. 18. anticipando velut ante cœnam narrant: Lucas verò c. 22. v. 21. & Joan. 13. v. 21. ordine recto post cœnam. Itaque Judas buccellâ intinctâ designatus præceps egreditur, Joan. cit. c. 13. v. 26. Hâc prædictionis occasione discipuli contendunt inter se, quis eorum videretur esse major, & consequenter à prodicione alienior: quorum studium præposterum commendatâ eis humilitate reprimit, Lucæ 22. v. 24. usque ad 31. additoque mandato novo mutæ dilectionis, Joan. 13. v. 34.

3. Hinc pro Petri fide se orasse dicens, jactanti constantiam suam prænuntiat trinam negationem, Lucæ 22. v. 31. usque 38. Joan. 13. v. 36. usque ad finem. Post hujusmodi triste vaticinium humanissimè consolatur & erigit eorum animos prolixo sermone, Joan. toto cap. 14. v. 15. 16. quem complevit oratione ad Patrem fusâ pro Apostolis, & pro omnibus credituris, ibid. toto c. 17.

4. Dehinc egressus domo versùs montem Olivarum, omnes scandalum eâdem nocte passuros prædicit, Petroque arrogantius iterum gloriant, eum cæteris gravius peccaturum, Matth. 26. v. 31. usque 36. Marci 14. v. 27. transitoque torrente Cedron venit in hortum villæ Gethsemani, Matth. 26. v. 36. Marci 14. v. 32. Lucæ 22. v. 39. Joan. 18. v. 1.

5. Hic assumptis tribus Apostolis summam animi tristitiam patefacit, ter orat, sanguinem sudat, de cælo confortatur, dormientes excitat, prædicit adesse proditorem, obviam ei procedit, Matth. 26. v. 36. usque ad 50. Marci 14. v. 22. usque ad 45. Lucæ 22. v. 39. usque ad 47. Cum totam turbam prodicioni adjunctam uno verbo prostravisset, Joan. 18. v. 5. excipit osculum Judæ, vetat Apostolos capi: capitur ipse, Petrusque Malchi auriculam amputans, atque ipsi Judæi reprehenduntur, Matth. 26. v. 49. usque usque ad 56. Marci 14. v. 45. Lucæ 22. v. 47. usque 54. Joan. 18. v. 10. Quibus visis fugiunt discipuli, atque adolescens aliquis tumultu excitatus abjectâ sindone profugit nudus, Matth. 26. v. 50.

6. Captus Jesus Annæ primùm sistitur, hinc ad Caipham ducitur, quo & Petrus eum secutus per alium discipulorum intromittitur. Hic primùm examinatus Jesus de doctrina & discipulis, liberèque respondens alapam accipit à ministro, Joan. 18. v. 13. usque 25. Deinde falsis testibus impetitus, & Pontificis admiratione confessus, se esse Christum,

rum, reus mortis decernitur, Matth. 26. v. 39. usque 66. Marci 14. v. 55. usque 65.

7. Dum hæc fiunt, Petrus ad ignem agnitus ab ancillis ministrisque ter splendide negat se nosse Christum, donec gallo cantante ad se reversus flevit amarè, Matth. 26. v. 69. usque ad finem, Marci 14. v. 66. usque ad finem, Lucæ 22. v. 55. usque 63. Joan. 18. v. 17. Jesus verò jam condemnatus variis ludibriis exagitur, Matth. 26. v. 67. & 68. Marci 14. v. 65. Lucæ 22. v. 63.

8. Manè iterum sistitur concilio, & persistens in confessione quòd esset Christus, iteratò condemnatur, Lucæ 22. v. 66. usque ad finem, atque ita interficiendus & vinctus à toto concilio ducitur ad Pilatum, Matth. 27. v. 1. Marci 15. v. 1. Lucæ 23. v. 1. Joan. 18. v. 28.

9. Videns ergo eum damnatum esse Judas, & pœnitentiâ ductus, laqueo se suspendit, abjectis priùs in templum argenteis, quibus ager figuli emitur in sepulturam peregrinorum, Matth. 27. v. 3.

10. Cùm verò Judæi Jesum accusare detrectarent, ut qui iudices ejus fuissent, Pilatus autem nollet eum occidere nisi causâ cognitâ, Joan. 18. v. 29. usque 33. tandem accusant eum de variis, & potissimum quòd se Christum Regem esse diceret, Lucæ 23. v. 2. De quo latius & seorsim à Pilato interrogatus fatetur se Regem esse, non tamen quales sunt Reges hujus mundi, Matth. 27. v. 11. Marci 15. v. 2. Lucæ 23. v. 3. & maximè Joan. 18. v. 33. usque ad 38.

11. Egressus Pilatus renuntiat se nullam invenire in eo mortis causam, Lucæ 22. v. 4. & Joan. 18. v. 38. Cùm verò adhuc obtunderent aures Præsidis accusando, semel fassus Jesus nihil amplius respondit, non sine magna Præsidis admiratione, Matth. 27. v. 12. usque 15. Marci 14. v. 3. Tandem novâ calumniâ clamant esse turbatorem populi à Galilæa usque Judæam. Quo audito, quod esset Galilæus, ut Pilatus à causa molesta se expediret, mittit eum ad Herodem Tetrarcham Galilææ, qui spretum albisque indutum remisit ad Pilatum, Lucæ 23. v. 5. usque 13.

12. Rursus igitur Pilatus eum innocentem esse etiam Herodis iudicio denuntiâns, profitetur se eum dimissurum adhibita nonnullâ castigatione, Lucæ 23. v. 13. antequam tamen alium liberandi modum tentat, componendo eum cum Barabba homine facinoroso, vix dubitans innocentem præ latrone ex eorum votis esse liberandum: sed multum licet remittente. Præsidi ac disputante, Barabbas præligitur, Jesus ad crucem postulatur, Matth. 27. v. 15. Marci 15. v. 6. Lucæ 23. v. 17. Joan. 18. v. 39.

13. Spe itaque frustratus Pilatus Jesum jubet flagellari: quo facto



à tota militum cohorte exuitur, spinis coronatur, illuditur, populo à Pilato ostenditur, ut misero illo spectaculo flecterentur, Matth. 27. v. 26. Marci 15. v. 15. Joan. 19. v. 1. Sed indomitâ ferociâ pergunt eum succensente Pilato, ad crucem poscere. Ut verò clamores suos etiam ratione fulcirent, dicunt eum esse mortis reum, eo quod se Filium Dei fecisset. Quo examinato cum Pilatus eum ex timore vellet dimittere, invidiam læsæ majestatis Cæsaris ei concitant: quâ fractus Pilatus tandem injustitiâ dedit manus, sedens pro tribunali, ut eum damnaret, Joan. 19. v. 7. usque 14.

14. Sedens igitur jam in procinctu ad ferendam sententiam moneatur ab uxore, ut à negotio justî istius abstineret, Matth. 26. v. 19. Itaque Pilatus iterum disceptans pro ejus liberatione, ut est Joan. 19. v. 14. & 15. tandem nihil proficiens lavat manus coram omni populo: quo sanguinis ejus reatum sibi filiisque suis imprecante, adjudicat fieri petitionem eorum, tradens eum crucifigendum, Matth. 27. v. 24. 25. Lucæ 23. v. 24.

15. Damnatus ducitur à militibus cruce onustus extrâ civitatem: quò cum venissent, crucem, ut expeditius incederet, Simoni Cyrenæo imponunt, Matth. 27. v. 31. Marci 5. v. 20. & 21. Lucæ 23. v. 26. Cum verò turba populi, ac mulierum lamentantium sequeretur, ad eas conversus prædicit ultionem ipsis ac earum filiis imminentem, Lucæ 23. v. 27. usque 33.

16. Ad montem Calvariæ ubi venit, propinatur ei vinum myrrhatum felle mixtum; gustatum verò quale esset, noluit bibere, Matth. 27. v. 33. 34. Marci 15. v. 22. 23. Hinc crucifigitur, oratque pro crucifixoribus, Lucæ 23. v. 33. 34. Cruci additur titulus causæ, Matth. 27. v. 37. Marci 15. v. 26. Lucæ 23. v. 38. Joan. 19. v. 19. quem scriptum Pilatus non vult mutare, Joan. 19. v. 20. & seqq. Ut verò major esset ignominia, crucifiguntur cum eo hinc & inde duo latrones, Matth. 27. v. 38. Marci 15. v. 27. Lucæ 23. v. 33. Joan. 19. v. 18.

17. Milites partiuntur inde coram ipso vestimenta ejus, Matth. 27. v. 35. Marci 15. v. 24. Luc. 23. v. 34. Joan. 19. v. 23. 24. Populus verò spectans, & Pontifices, & milites ei insultabant morienti, variaque exprobrabant, Matth. 27. v. 39. usque 44. Marci 15. v. 29. usque 33. Lucæ 23. v. 35. Cum verò & alter latronum hoc faceret, alter eum reprehendit. Jesum agnoscit Dominum suum, & ab eo paradisi promissionem impetrat, Luc. 23. v. 39. usque 44. Hinc matrem adstantem cruci commendat discipulo præsentî, quem diligebat, Joan. 19. v. 25. & seqq.

18. Interim dum hæc fierent, ab hora sexta, quâ crucifigebatur, factæ

Et sunt tenebræ usque ad horam nonam, Matth. 27. v. 45. Marci 15. v. 33. Lucæ 23. v. 44. circa quam horam exclamavit, *Eli, Eli*, Matth. 27. v. 46. Marci 15. v. 34. Cumque eodem tempore dixisset, *Sitio*, Joan. 19. v. 28. milites hoc in risum vertentes, acetumque offerentes, interpretantur eum *Eliam* invocare, Matth. 27. v. 47. Marci 15. v. 35. Lucæ 23. v. 36. Accepto aceto dixit, *Consummatum est*, Joan. 19. v. 30. Iterum verò clamans voce magnâ, *In manus tuas commendo spiritum meum*. Inclinansque caput expiravit, Matth. 27. v. 50. Marci 15. v. 37. Lucæ 23. v. 47. Joan. 19. v. 30.

19. Interim velum templi scissum est, terra mota, petræ disruptæ, sepulchra aperta sunt: ex quibus Centurio agnoscit Filium Dei: cæteri tundentes pectora revertuntur, Matth. 27. v. 51. usque 55. Marci 15. v. 38. & 39. Lucæ 23. v. 45. & iterum 47. & 48. Judæi verò propter instans Sabbatum impetrant, ut crucifixorum crura frangerentur: quod fit latronibus, non Jesu, quia jam mortuo: sed lanceâ aperitur latus ejus, Joan. 19. v. 31. usque 38.

20. Itaque jam vespere Joseph ab Arimathæa obtentâ veniâ deponendi corporis, illud condit aromatibus, sindone involvit, adjutus à Nicodemo sepelit in horto in monumento suo novo, observantibus locum mulieribus, Matth. 27. v. 55. Marci 15. v. 42. usque ad finem, Lucæ 23. v. 50. usque ad finem, Joan. 19. v. 38. usque ad finem. Postridiè, hoc est, ipso die Sabbati, cum consensu Pilati, Pharisei sigillo muniunt os sepulchri, & custodes apponunt, ne furto sublati resurrexisset diceretur, Matth. 27. v. 56. usque ad finem.

### *Resurrectio.*

21. **V**Esperi finito Sabbato mulieres parant aromata, & postridiè primâ Sabbati, hoc est, die Dominicâ summo mane albescente jam cælo veniunt ad monumentum, ut corpus ungerent, Matth. 28. v. 1. Marci 16. v. 1. Lucæ 24. v. 1. Joan. 20. v. 1. Appropinquantibus Angelus descendens cum terræ motu tollit lapidem à sepulchro, & sedit super eum: quod custodes exterriti sunt velut mortui, Matth. 28. v. 2. Marci 16. v. 3.

22. Mulieres jubet animo securo esse, nuntiansque Jesum surrexisse hortatur ingredi (quod & fecerunt) ut videant locum corpore vacuum, & hoc discipulis annuntient, Matt. 28. v. 5. Marci 16. v. 5. Luc. 24. v. 3. Illæ consternatæ egrediuntur monumento, & mox inveniunt duos Angelos, qui eis idem dicunt, easque increpant paulò durius, Lucæ 24. v. 4. usque ad 9. Nuntiant illæ Apostolis, corpus esse sublatum, & Ange-



# 854 SERIES VITÆ CHRISTI JUXTA ORD. TEMP.

Jorum visionem sibi apparuisse, qui dicunt Jesum vivere. Quare Petrus & Joannes currunt, ut rem explorent, & non invento corpore verè illud sublatum esse credunt, Lucæ 24. v. 9. usque 13. Joan. 20. v. 2. usque ad 10.

23. Maria cum Apostolis reversa perstat plorans in quærendo corpore, videt duos Angelos, & mox ipsum Dominum, putans esse hortulanum, Marci 16. v. 9. Joan. 20. v. 11. usque 18. Quod cum Apostolis narratura in urbem cum cæteris mulieribus festinaret, obvium habuerunt omnes Jesum, Matth. 28. v. 9.

24. Interea custodes in urbem veniunt, acceptaque pecuniâ spargunt corpus à discipulis furto sublatum, Matth. 28. v. 11. usque 16. Cum verò necdum crederent Apostoli mulieribus, apparet Dominus Petro, Lucæ 24. v. 34. nec non duobus discipulis euntibus in Emaus, Marci 16. v. 12. & fusius Lucæ 24. v. 13. usque 36. qui cum reversi in Jerusalem Apostolis congregatis apparitionem illam narrarent eadem illà die, primâ Sabbati seu Dominicâ vesperi, stetit Jesus in medio eorum absente Thomâ, ostenditque eis manus ac latus, denique comedit cum eis ac bibit, Marci 16. v. 14. usque 19. Lucæ 24. v. 36. usque 50. Joan. 20. v. 19. usque 24.

25. Cum autem Thomas Apostolis non crederet, octavo post die eisdem apparet, ac Thomæ manus ac latus palpandum offert, Joan. 20. v. 24. usque 30. Deinde discipuli in Galilæam ex mandato Domini profecti vident eum piscantes ad mare Tiberiadis: prændunt cum eo; & Petrus totius ovilis, hoc est Ecclesiæ, curam accipit, Joan. 21. v. 1. usque 24. Denique vident eum in monte sibi per eum constituto in Galilæa, Matth. 28. v. 16. ubi docet eos omnem potestatem sibi esse traditam. Baptismi formam tradit, signaque credentes secutura, ibidem v. 16. & Marci 16. v. 15. usque 19.

Ad extremum conversatus cum eis per dies quadraginta locutusque de regno Dei, die tandem quadagesimo educit eos in Bethaniam, montemque Oliveti, & repressâ eorum curiositate de tempore quo restitueretur regnum Israël, elevatis manibus benedicens eis ascendit in cælum, Marci 16. v. 19. Lucæ 24. v. 50. Act. 1. v. 6. & seqq. Ubi jam sedet ad dexteram Patris cooperans prædicatoribus Evangelii sui, sermonemque confirmans sequentibus signis, Marci 16. v. 19. & ultimo.

F I N I S.

INDEX

# I N D E X.

## A

**A** B præpositio pro *pro*, Luc. 18. v. 14.  
 Abilina ab Abila civitate dicta, Luc.  
 3. v. 1.  
 Ab Abraham cur inchoetur genealogia  
 Christi, Matth. 1. v. 2.  
 Abraham pater credentium, Luc. 16. v. 22.  
 Abraham quomodo diem Christi vidit,  
 Joan. 8. v. 56.  
 Abundantia bonorum affectuum profert  
 fructum convenientem, Matth. 12. v. 35.  
*Abnegare seipsum* diversimodè sumitur,  
 Matth. 16. v. 24.  
 Abominationem desolationis quidam pu-  
 tant Antichristum, Matth. 24. v. 15.  
 Aliæ opiniones, *ibid.*  
 Absolutio sacramentalis non est pura decla-  
 ratio peccati remissi, Joan. 20. v. 23.  
 Est actus judicialis præsupponens confes-  
 sionem accusatoriam, *ibid.*  
 Accusationem accusatione graviore pellit  
 Christus, Matth. 15. v. 2.  
 Acetum cur paraverant, & cur quæritur au-  
 dito *Eli, Eli, &c.* Matth. 27. v. 48.  
 Adam quomodo Dei Filius, Luc. 3. v. 38  
*Adar* mensis. cui mensi nostro respondeat?  
 Joan. 10. v. 22.  
 Adolescens quis secutus Christum, Marc.  
 14. v. 51  
 Adomini latrocinii celebre, Luc. 10. v. 29.  
 Adoptivus filius non odit naturalem, Joan.  
 8. v. 42.  
*Adorare* pro sacrificare, Joan. 4. v. 20 & 23.  
 Adventus Christi toti mundo erit conspi-  
 cuus, Matth. 24. v. 27.  
 Adventus Christi duplex. Matth. 17. v. 12.  
 Adventus Christi duplex à Judæis confusus,  
 Joan. 1. v. 21.  
 Adventus Christi ad iudicium particulare in  
 morte universi, Joan. 14. v. 3.  
 Adultera ad Christum adducitur, Joan. 8. v.  
 2 & seqq.  
 Adulterium non est causa sufficiens ad ux-  
 orem dimittendam, & aliam ducendam,

Matth. 19. v. 9.  
 Egypto quid profuerit confugium Christi,  
 Matth. 2. v. 13. Quamdiu ibi manerit  
 incertum, Matth. 2. v. 15.  
*Æs* vocatur omnis pecunia, Marc. 12. v. 41.  
 Affectare signa præcellentie non decet, Mat.  
 23. v. 6.  
 Affectum dantis potius respicit Deus, quàm  
 rei datae magnitudinem, Matth. 10. v. 42.  
 Affectus terreni mala, Matth. 13. v. 15.  
 Affectus vitæ melioris per sollicitudinem  
 sæculi extinguitur, Matth. 13. v. 22.  
 Affectibus propriis valedicendum, Matth.  
 16. v. 24.  
 Affectus humanos cur Christus assumpserit,  
 Matth. 26. v. 38  
 Affirmandi modus modestus, Matth. 26. v. 25.  
 Afflictiones parato animo non suscipiens  
 non est dignus nomine Christiani, Matth.  
 10. v. 38.  
 Agnus vespere solitus comedi, Matth. 26. v.  
 20. Immolari verò circiter horâ tertiâ  
 pomeridianâ, *ibid.*  
 Agnus paschalis præfigurabat Christum,  
 Joan. 1. v. 22.  
 Per *Agnos* bis repetitos designantur duo po-  
 puli, Judaicus & Gentilis: per *Oves* Epis-  
 copi & Pastores. Joan. 21. v. 15.  
 In agro cur passus est Christus, Matth. 27. v. 31  
 Alabastrum non à mensura, sed à materia di-  
 ctum, Luc. 7. v. 37.  
*Alapa* & *Colaphus* qui differant, Joâ 18. v. 22  
 Albedo vestium Christi in transfiguratione  
 erat fulgor transparentis luminis, Matth.  
 17. v. 2.  
 Alienam infirmitatem tolerare & curare  
 Christus docet, Matth. 26. v. 43  
 Aliis faciendum quod nobis fieri volumus,  
 Matth. 7. v. 12  
 Allegorica explicatio sanctorum cæcorum,  
 Matth. 20. v. 31. Ficus, Matth. 21. v. 19.  
 Culicis & camelus, Matth. 23. v. 42  
 Aloe suâ amaritudine resistit putrefactioni,  
 Joan. 19. v. 39  
 Qqqqq



Altare Thymiamatis in sanctuario, non in Sancto sanctorum fuit, Luc. 1. v. 9.  
 Amare animam suam in hoc mundo, quid? Joan. 12. v. 25.  
 Ambitionis cupiditas taxatur & amputatur Luc. 14. v. 7. & seqq.  
 Ambitiosa contentio discipulorum, Matth. 18. v. 1. Quæ ejus causa? *ibid.* Ejus repressio v. 3. Matth. 20. v. 24.  
*Amen, Amen*, pro certo certius, Joan. 1. v. 15. & Joan. 8. v. 34.  
 Amicitia sincera non quarit proprium commodum, sed amici, Joan. 14. v. 28.  
 Amicus vocatur amico animo invitatus, Matth. 22. v. 12.  
 Amor Christi erga suos electos, Joan. 13. v. 1.  
 Amor sui impedit amorem Christi Matth. 10. v. 39.  
 Amor divitiarum quàm periculosus? Matth. 19. v. 28.  
 Anabaptistæ refelluntur, Marci 16. v. 16.  
 Andreas frater Petri, Matth. 10. v. 2.  
 Andreæ Apostoli auctoritas apud Jesum, Joan. 12. v. 22.  
*Angariare* quid? Matth. 5. v. 41.  
 Angelum custodem habent homines, Matth. 18. v. 10.  
 Angeli custodis officium, Matth. 18. v. 11.  
 Angeli Christo ministrant, Matth. 4. v. 11.  
 Item Joan. 21. v. 9.  
 Angelorum ministerium circa animas justorum, Luc. 16. v. 22.  
 Angeli ministerio lapis revolutus à sepulchro, Matth. 28. v. 2.  
 Angeli cur mellores? Matth. 28. v. 20.  
 Angelis in quo erunt homines similes in celo, Matth. 22. v. 30.  
 Angelus cur in templo, juxta altare, & à dexteris apparuit Zachariæ? Luc. 1. v. 11.  
 Inter bonorum & malorum Angelorum apparitiones discrimen, Luc. 1. v. 13.  
 Anima hominis non est proprii, sed alieni juris, nempe Dei, Luc. 12. v. 20.  
*Anima* sumitur pro vita temporali, Matth. 6. v. 25. Aliæ ejus acceptiones, Matth. 10. v. 39.  
 Anima diligens justitiam & dominans passionibus est spiritalis regina, Luc. 17. v. 21.  
 Anima desolata comparatur viduæ, Luc. 18. v. 3.  
 Animæ humanæ immortalitas, Luc. 13. v. 46

ex hac colligitur resurrectio, Matth. 22. v. 32.  
 Animi dantur Apostolis, Matth. 28. v. 20.  
 Animus hominis Deo semper inhærere debet, Joan. 8. v. 29  
 Annas Pontifex quinque filios habuit Pontifices, Luc. 3. v. 2.  
 Annas Iocæ Caipha Pontificis, Joan. 18. v. 13  
 An simul cum Caipha Pontificatum gesserit, Luc. 3. v. 2.  
 Annæ Prophetissæ castitas virginalis, conjugalis, & vidualis, Luc. 2. v. 36. & 37.  
 Annorum Christi computus vulgaris æquo brevior, Luc. 3. v. 23.  
 Annus Julianæ correctionis quo natus est Christus, *ibid.*  
 Annulus ornatus hominis liberi & locupletis, Luc. 15. v. 22.  
*Ante mundi constitutionem*, pro ab æterno, Joan. 17. v. 24.  
 Antequam quid importet, Matth. 1. v. 18.  
 Antichristi adventus prædicitur, Joan. 5. v. 43.  
 Apex de lege non cadit quin impleatur, Luc. 16. v. 17.  
 Apostolus quid significet, Matth. 10. v. 1.  
 Apostoli cur duodecim, Matth. 10. v. 2.  
 Eorum nomina, *ibid.* & vers. seqq.  
 Sustinent personam Christi, Matth. 10. v. 40.  
 Constantia probatur, Matth. 14. v. 24.  
 Quæ ratione Christus iis omnia nota fecerit, Joan. 15. v. 15.  
 An elegerint Christum? Joan. 15. v. 16.  
 Non erant de mundo, & qua ratione? Joan. 17. v. 14. & 16.  
 Sunt lux mundi duobus modis, Joan. 17. v. 18.  
 Turbantur ex verbis Christi, Matth. 15. v. 14.  
 Ordinantur orbis doctores, & Mysteriorum Dei ministri, Joan. 20. v. 21.  
 Ordinantur sacerdotes, Luc. 22. v. 19.  
 Comparantur ovibus, serpentibus, columbis, Matth. 10. v. 16.  
 Datur illis potestas jurisdictionis quoad forum poli; Joan. 20. v. 21.  
 Prohibeantur arma ferre, Matth. 10. v. 10.  
 Eorum munus & officium, Luc. 24. v. 48.  
 Apostolorum præcipui, cæterisque capaces, Matth. 17. v. 1. Fides eorum imperfectior quàm esse debuisset, Matth. 17. v. 18  
 Magis

Magis Christo familiares, Matth. 26. v. 37.  
 Apostolorum piscatio, Joan. 21. v. 11.  
 Apostoli interrogant arcana ratione familiaritatis, Matth. 24. v. 3.  
 Apostolus quisque suum thronum habebit, Matth. 19. v. 28.  
 Apparitionum ordo, Matth. 28. v. 5.  
*Apud*, prepositio distinctionem saltem personalem importat, Joan. 1. v. 1.  
 Aquæ in vinum per Christum conversæ allegoria, Joan. 2. v. 11.  
 Aqua & latere Christi profluens, vera fuit, Joan. 19. v. 34.  
 Aquæ & sanguinis fluxus à cadavere miraculosus est, *ibid.*  
 Aquæ & sanguinis è latere Christi fluentis allegoria, Joan. 19. v. 35.  
 Arbor bona & mala quæ dicatur? Matth. 7. v. 17.  
 Arcana ad regnum cælorum spectantia clarè cur Apostolis exposita? Matth. 13. v. 11.  
 Archelaus quando regnavit in Judæa? Matth. 2. v. 22.  
 Archisynagogus pro synagoga præfecto, Luc. 13. v. 14.  
 Architrictinus convivii præfectus, quod ejus officium? Joan. 2. v. 8.  
 Ardor desiderii in cæcis clamantibus, Matth. 20. v. 31.  
 Argumenta septem inducentia ad permanendum in Christo, Joan. 15. v. 11.  
 Argumentatur Christus à majore, Matth. 12. v. 4 à Minori, Matth. 12. v. 12. item v. 36. & cap. 18. v. 14 à concessis, Matth. 12. v. 27. à simili, Matth. 12. v. 29 ex illo principio, *propter quod unumquodque est tale*, Matth. 23. v. 17.  
 Argumentum Christi ineluctabile ex naturis rerum petiit, Matth. 12. v. 33.  
 Argumentum Christi pro resurrectione ex Scriptura desumptum examinatur, Matth. 22. v. 32.  
 Arrogantia non ita cavenda ut veritas relinquatur, Joan. 8. v. 55.  
 Arti magicæ impurant Pharisei expulsiōnem demoniorum, Matth. 5. v. 34.  
 Articulus vocis, *Deus*, additus indicat eam sumi pro persona, Joan. 1. v. 1.  
 As, quid? Matth. 10. v. 29.  
 Asinum cui queri curaverit Christus? Matth. 21. v. 3. Simul etiam habuit asinum, *ibid.* v. 5.

Ascensio Christi cum aliquot circumstantiis describitur, Luc. 24. v. 51.  
 Assumptio pro ascensione, Luc. 9. v. 15.  
 Assumptus ad cælum cur dicatur Christus? Marc. 16. v. 19 quo finè? *ibid.*  
 Astutia est vitiosa prudentia, Luc. 16. v. 8.  
 Atrium gentium in templo Jerosolymitano, Joan. 12. v. 20.  
 Avaritiæ cunctatio amputatur, Luc. 6. v. 38. & Luc. 12. v. 15.  
 Avarus quis dicendus? Luc. 12. v. 15.  
 Auctoritatem & fidem conciliaturum se Apostolis Christus promissit, Marc. 16. v. 17.  
 Auctoritatem publicam judicis Christus non contemnit, Matth. 26. v. 63 & c. 27. v. 14.  
 Audire pro obedire, Joan. 5. v. 24. & c. 10. v. 27.  
 Audire & discere, quomodo differant? Joan. 6. v. 45.  
 Ave qualis saluatio, & quid significet, Luc. 1. v. 28.  
 Aures audiendi sunt ipsum donum obediendi, Luc. 14. v. 35.  
 Austeritas Joannis adscribitur dæmoni, Matth. 11. v. 18.  
 Auxilium Dei adest crescente periculo, Matth. 14. v. 27.  
 Azymorum dies septem, Luc. 2. v. 43.  
 Azymis Christus usus est instituendo SS. Sacramentum, Matth. 26. v. 17.

## B

**B**aptismus pro martyrio usurpatur, Joan. 12. v. 27.  
 Baptismus Joannis, Matth. 3. v. 11. is in magna opinione apud Judæos, Joan. 1. v. 25. Ejus inefficacia ad spiritualia dona conferenda, Joan. 1. v. 26 & 33.  
 De baptismo Joannis questio, Mart. 21. v. 25.  
 De baptismo Joannis & Christi contentio, Joan. 3. v. 11.  
 Baptismi materia & forma, Matth. 28. v. 19.  
 Baptismi aqua in regeneratione subit vicem matris, spiritus Sanctus patris, Joan. 3. v. 5.  
 Baptismus parvulorum, Marc. 16. v. 16.  
 Baptismus pro passione usurpatur, Luc. 12. v. 50.  
 Bartholomæi eumologia, Matth. 10. v. 3.  
 Barus mensura decimam partem Cori continens, Luc. 16. v. 5. 6. 7.



# I N D E X.

Beatitudo consistit primariò in fruitiva visione Dei, Joan. 17. v. 24. Cur vita dicatur, Matth. 25. v. 46.  
Beatitudines Evangelicæ, Matth. 5. v. 3.  
Beatitudo æterna cur cœna appelletur, Luc. 14. v. 17.

Beelzebub unde dicatur, Matth. 10. v. 25.  
Bellum duplex prædicitur, Matth. 14. v. 6.  
Quæ bella præcesserint excidium Jerosolymitanum, Matth. 24. v. 7.

Belli seu dissensionum non causa, sed occasio fuit Christus, Matth. 10. v. 34.

Belli filia pestis & fames, Matth. 24. v. 7.

Benedictio Christi, Matth. 21. v. 9.

Benedictio panis est ipsa consecratio, Matth. 26. v. 26.

Benefactores etiam invitos laudare debemus, Marc. 7. v. 36.

Ben placitum Dei est lex omnis æquitatis, Matth. 11. v. 26.

Benignissima via primò tentanda, Matth. 18. v. 15.

Benignitas summa Dei sibi factum reputantis, quod Ecclesiæ membris factum est, Matth. 25. v. 35. & pro fratribus pauperes agnoscentis, etiam dum sedet in throno Judicis, *ibid.* v. 40.

Bethania duplex, quarum una dicitur Bethabara, Joan. 1. v. 28.

Bethania castellum Mariæ & Marthæ quantum distet à Jerosolyma, Joan. 11. v. 18.

Bethleem domus panis interpretatur, Luc. 2. v. 4.

Bethphage villula Sacerdotum, Matt. 21. v. 1.

Bethsaida ubi sita, Joan. 1. v. 44. Matth. 11. v. 21.

Bizæ errores notantur, Matth. 3. v. 1. 2. item cap. 10. v. 2.

Binarius numerus superfluitatem denotat, Luc. 3. v. 11.

Binarii numeri allegoria, Luc. 10. v. 1.

Bini cur Apostoli enumerentur, Matt. 10. v. 2.

Blasphemia Spiritus quæ non remittetur, Matth. 12. v. 31.

Blasphemis decreta fuit poena mortis, Joan. 19. v. 7.

Boni & mali pastoris discrimen, Joan. 10. v. 11.

Bonus naturâ suâ unus est Deus, Matth. 19. v. 16.

Brachium Domini, pro Christo usurpatur, & cur, Joan. 21. v. 38.

Buccella Judæ porrecta, non fuit Eucharistia, Joan. 13. v. 26.

Byssus molliem denotat, Luc. 16. v. 19.

## C

Cæci divulgant miraculum Christi contra ejus præceptum, Marc. 9. v. 31.

Cæcitas cordis peccatum est, poena & causa peccati, Matth. 13. v. 15. Differt ab obduratione cordis, *ibid.*

Cæcus sanatur, Matth. 20. v. 29.

Cælum pro Dei memoria seu libro vitæ sumitur, Luc. 10. v. 20.

Cœna Paschalis stando, usualis recumbendo peragebatur, Joan. 13. v. 2.

Cœnaculum, in quo Christus celebravit Pascha, postmodum conversum in Ecclesiam Apostolorum, Marc. 14. v. 15.

Cæremonia Ecclesiæ in Extrema Unctione, Marc. 6. v. 13.

Cæsari an solvendum tributum, Matth. 22. v. 21.

Cadaveri cur se Christus comparet, Matth. 24. v. 18.

Cain occidendo fratrem, diabolum imitatus est, Joan. 8. v. 44.

Cainan an in Christi genealogia interferendus, Luc. 3. v. 36.

Caiphas Pontifex Annæ Pontificis gener, Luc. 3. v. 2. Ejus prophetia expenditur, Joan. 11. v. 51.

Caiphas est cognomen Principis Sacerdotum, à quo Pontificatum acceperat, Matt. 26. v. 3. adjurat Christum, v. 63. proponit duo gravia accusationis capita, *ibid.*

Calceamenta quid allegoricè significant, Luc. 15. v. 22.

Calceos, non sandalia prohibet Christus, Matth. 10. v. 10.

Calix in Scriptura quid? Matth. 2. v. 22.

Calvinus exploditur, Matth. 13. & 14. v. 26. 28. 29. 36. Item 21. v. 19. Item 22. v. 11. Item 26. v. 26. & 39. Item 27. v. 46. Marci 5. v. 33. & 34.

Calvini iustitia imputativa exploditur, Luc. 1. v. 6. Temerè Apostolos carpit, Luc. 9. v. 55. Temerè etiam reprehendit Ecclesiam, Luc. 11. v. 8. Ejus dogma de desperatione Christi impium, Luc. 23. v. 46.

Ejus error circa Baptismi materiam refellitur, Joan. 3. v. 5.

Item

Item ejus error de præsentia Christi in Eu-  
charistia, Joan. 6. v. 53.  
Calumnix Judæorum, Matth. 27. v. 42.  
Cana duplex, una minor, alia major, propè  
Sidonem, Joan. 2. v. 1.  
Canes misericordiores hominibus impiis,  
Luc. 16. v. 21.  
Capharnaum, Matth. 4. v. 13. quare vocetur  
Christi civitas, Matth. 9. v. 1. ubi sita,  
Matth. 11. v. 21.  
Capillorum custodiam Deus habet, Matth.  
10. v. 30.  
Capitalis supplicii potestas Judæis ablata,  
Matth. 27. v. 2.  
Caput Joannis dimidio regni Herodiadi po-  
tius, Marc. 6. v. 23. in convivium allat-  
tum, v. 27.  
Caro quo sensu dicatur nihil prodesse, Joan.  
6. v. 64.  
Caro Christi quomodo verè cibus, & sanguis  
verè potus, Joan. 6. v. 56. & seqq.  
Caro pro homine integro usurpatur, Joan.  
1. v. 14.  
Casleu mensis cui mensi nostro respondeat,  
Joan. 10. v. 32.  
Castitas nuptiis præfertur, Matth. 19. v. 12.  
Castratio sui quæ bona, quæ mala, Matth.  
19. v. 12.  
Cathedra Moysi quid, Matth. 23. v. 2. non  
permittibat Phariseos docere aliena à ra-  
tione, v. 3.  
Cedron torrens unde fluat, Joan. 18. v. 1.  
Centurio fuit gentilis, Matth. 8. v. 10. Con-  
fiteatur Christum Filium Dei, Luc. 23. v. 47.  
Charitas facilis est, & omnia faciliat, Matth.  
11. v. 30.  
Charitatis refrigerium quæ causabunt, Matt.  
24. v. 12. Ejus venenum spes tempora-  
lium, Matth. 19. v. 21.  
Christus numquam benedixit cibis, nisi cum  
singulare miraculum operari vellet, Matt.  
26. v. 26.  
Christum se esse multi mentiti sunt, & ad-  
huc mentientur, Matth. 24. v. 25.  
Christus non tribus guttis sanguinis circa cor  
Virginis, sed in utero virginali conce-  
ptus, Luc. 1. v. 31.  
In Christi conceptione Deus supplebat, vices  
virì, Luc. 1. v. 35.  
Illa cur Spiritui Sancto appropriata, Luc. 1.  
v. 35.  
Christus cur fructus ventris virginalis dica-  
tur, Luc. 1. v. 42.

Cur *Oriens* appelletur, Luc. 1. v. 78. & 79.  
Quot diebus in utero hæserit, Luc. 2. v. 6.  
Christus minor ætate S. Joanne, major in  
regno cælorum, Matth. 11. v. 11.  
Cur dictus Emmanuel, Matth. 1. v. 23.  
Qualiter plenus veritate, Joan. 1. v. 14. Item  
cap. 3. v. 34.  
Acquisivit successu temporis notitiam ex-  
perimentalem, Joan. 4. v. 1.  
A Patre, sicut essentiam, ita sapientiam &  
doctrinam accepit, Joan. 6. v. 16.  
Christus Filius Dei naturalis, unigenitus,  
Matth. 3. v. 17.  
Ductus à spiritu in desertum, Matth. 4. v. 1.  
Cur jejunavit quadraginta diebus, *ibid.*  
Cur exiit, v. 2. verè transiatus à diabolo,  
v. 8.  
Sanat omnem morbum, Matth. 4. v. 21. & 24.  
Perfecit legem veterem, Matth. 5. v. 32.  
Docuit sicut potestatem habens, Matth. 7.  
v. 29.  
Cur terigit leprosum, quem mundavit, Matt.  
8. v. 3.  
Sedat tempestatem, Matth. 8. v. 26.  
Sanat dæmoniacos, v. 28. paralyticum,  
Matth. 9. v. 2.  
Comparatur medico, Matth. 9. v. 12. Sponso,  
v. 15.  
Resuscitat filium Archisynagogi, v. 25.  
Sanat duos cæcos, v. 30.  
Item unum cæcum, Marci 8. v. 24.  
Cæcum & mutum, Matth. 21. v. 22.  
Mutum & surdum, Marci 7. v. 32.  
Lunaticum, Marci 9. v. 17.  
Manum aridam, Matth. 12. v. 10.  
Cæcum à nativitate, Joan. 2. v. 6. & seqq.  
Sanat ab epilepsia seu morbo comitiali,  
Marc. 9. v. 17.  
Christus cur à Joanne baptizatus, Matth. 3.  
v. 13. 15.  
Christus excellenter præ aliis unctus, Luc.  
2. v. 11. & 26.  
Maternum nomen in comparisonem cælestis  
propinquitatis abjecit, Matth. 12. v. 50.  
Pro Christo qui se venditarint, Matth. 24.  
v. 5.  
Quos discipulos baptizavit, Joan. 3. v. 5. & 6.  
Lavavit pedes discipulorum à Petro incipien-  
do, Joan. 13. v. 5. & 6.  
Digito scripsit in terra, quid & cur ita scrip-  
serit, Joan. 12. v. 35. & seqq.  
Est ostium ovis, & qua ratione, Joan. 10.  
v. 7. & 9.



Pastor bonus, *ibid.* v. 11. & 14.  
 Via, veritas & vita, Joan. 14. v. 6.  
 Comparatur gallinæ, Matth. 23. v. 37.  
 Fulguri, Matth. 24. v. 27.  
 Cadaveri, v. 28.  
 Est caput Martyrum, Matth. 26. v. 66.  
 Christus aliter in ruinam, aliter in resurrectionem multorum positus, Luc. 2. v. 34.  
 Est lux gentium, & gloria Israelitæ, *ib.* v. 32.  
 Ejus divinitas ex arcanorum notitia ostenditur, Joan. 2. v. 24.  
 Non profecit sapientiâ aut gratiâ habituali, Luc. 2. v. 40. & 52.  
 Libere & spontaneè passus, Joan. 10. v. 18. & c. 14. v. 31.  
 Pro Judæis persequentibus oravit, Luc. 23. v. 34.  
 Illius orationis efficacia, *ibid.*  
 Clavis non funibus fuit crucifixus, Matth. 27. v. 35.  
 Et cum corona, *ibid.*  
 Item facie versus occidentem, dorso in Judæam, *ibid.* 27. v. 35.  
 Et nudus, *ibid.*  
 Cum eo crucifixi duo latrones, *ibid.* 38.  
 Corroborat Apostolos, Matth. 28. v. 20.  
 Factus est mons magnus implens totam terram, Daniel. 2. relatus, Joan. 3. v. 30.  
 Hominiбус aperuit portas cæli, Joan. 14. v. 2.  
 Passus est teriâ sextâ primo die azymorum, Joan. 19. v. 14 & 31.  
 Est Ecclesiæ sponsus, Joan. 3. v. 29.  
 Caput Ecclesiæ ex Judæis & Gentilibus collectæ, Luc. 24. v. 48.  
 Est redemptor, mediator, & caput fidelium, Joan. 16. v. 23.  
 In Galilæam bis profectus, & quando, Joan. 4. v. 3. & 54.  
 Appellatur salus, quia salutis author, *ib.* v. 22.  
 Est salvator non Israël tantum, sed totius mundi, *ibid.* v. 42.  
 Est Filius Dei non adoptivus, sed naturalis. Joan. 5. v. 18.  
 In Emmaus coniecit post resurrectionem, Luc. 24. v. 30.  
 Cibus non ex natura sua inquinat hominem, sed per accidens, Matth. 15. v. 11.  
 Circumcisio transit in legis Sacramentum, Joan. 7. v. 22.  
 Poterat fieri domi & extra templum, Luc. 1. v. 59.  
 Cives civibus invidere naturale, Matth. 13. v. 57. Luc. 2. v. 4.

Civitas David duplex, Luc. 2. v. 4.  
 Clamor immundi spiritus ex duabus causis, Marc. 1. v. 23.  
 Per *Claves* intelligitur suprema potestas, Matth. 16. v. 19.  
 Cæli quomodo aperti, Matth. 3. v. 16.  
 Cogitationes terrenæ ascendere, cælestes descendere dicuntur, Luc. 24. v. 38.  
 Cognatorum Christi infirmitas, Marc. 4. v. 21.  
 Cohors facillè fuit quingentorum militum, Matth. 27. v. 27.  
 Communio sub utraque specie non omnibus præcepta, Joan. 6. v. 54 & 58.  
 Complacere quid, Matth. 3. v. 17.  
 Concilium Judæorum, Matth. 40. v. 17.  
 Concilium universum constabat 72. Judicibus, Matth. 27. v. 1 ejus nequicia, Matth. 28. v. 12. infelix astutia v. 13.  
 Conciliorum autoritas, Matth. 18. v. 20.  
 Conciliantur Evangelistæ, Matth. 20. v. 19.  
 Item 21. v. 41. item 28. v. 17. Marc. 9. v. 39. item 15. v. 25.  
 Concordia commendatur, Matth. 18. v. 19.  
 Consentitum Deum præmium, Matth. 10. v. 32.  
*Confiteri* & *proferri* fidem diversa, *ibid.*  
*Confiteri* pro laudare, Matth. 11. v. 25.  
 Confessionis fidei ante Reges & Præsides exemplum, Matth. 26. v. 3.  
 Conjugium a Deo institutum, Matth. 19. v. 4 & quidem ita, ut unus unam uxorem habeat, *ibid.*  
 Conjunctio conjugalis arctissima, Matth. 19. v. 5.  
 Conjuges una caro, *ibid.* v. 5. & 6.  
 Conuges, quo um ætates junctæ centenarium numerum excedunt, nequeunt filios præcreare, juxta August. Luc. 1. v. 7.  
 Coniunguntur vocantur fratres, Joan. 7. v. 3 & 7.  
 Conscientia quoque bona trepidabit in extremo judicio, Matth. 25. v. 4.  
 Conscientiæ munditiæ primò studendum, Matth. 23. v. 26.  
 Consolatio pauperum, Marc. 12. v. 44.  
 Consolatio electorum, Matth. 24. v. 33.  
 Consolatio pro servis Christi, Matth. 27. v. 63.  
 Conscientiæ donum da Deus, & quomodo, Matth. 19. v. 11.  
 Contumeliæ gravissima spueri in faciem aliquis, Matth. 26. v. 67.

Convivia celebrant antiqui in cœna, Matth.

23. v. 6.

Corbona quid? Matth. 27. v. 6.

Correctio fraterna, Matth. 16. v. 15.

Quomodo instituenda, *ibid.*

Correctionis 4 gradus, Matth. 18. v. 16.

Cor totum opponitur cordi diviso & languido, Matth. 22. v. 37.

Quomodo distinguatur ab anima & mente, *ibid.*

Per creaturam jurans hoc ipso Deum testem citat, Matth. 23. v. 22.

Cornu potentiam & robur designat, Luc. 1. v. 69.

Coronatio Christi non est facta jussu Pilati, Matth. 27. v. *ibid.*

Cor mundum, Matth. 5. v. 8.

Corpus & caro quomodo differant, Joan. 6. v. 51.

Corpus pars vilior, Matth. 10. v. 28.

Corvi trans maria sentiunt cadaver, Matth. 24. v. 28.

Corus mensura continens decem cados seu ephi, Luc. 16. v. 5. & 6.

Creaturæ in Deo sunt vita ab æterno, Joan. 1. v. 3.

Credendi verbum dupliciter usurpatur Joan. 2. v. 24.

Credendorum de Christo summa, Joan. 8. v. 13.

Crimina tria à Judæis Christo objecta coram Pilato, Luc. 23. v. 2.

Crux Christi est omnium benedictionum fons, Luc. 24. v. 50.

Crucem sibi bajulavit Christus, Matth. 27. v. 32. idque ad ludibrium & mysterium, *ibid.*

Crucis supplicium quibus decerni solitum, Matth. 27. v. 23. Quare hoc petierint Pontifices, *ibid.*

Crucifragium non fuit ordinaria pœna crucifixorum, Joan. 19. v. 14. & 31.

Crucis signum cur apparebit in extremo judicio, Matth. 24. v. 30. eam videntes qui lamentabuntur, *ibid.*

Crudelitas conservi debitum exigentis, Matt. 28. v. 23.

Culpabilis ignorantia taxatur, Matt. 24. v. 39. A curiositate futurorum revocantur Apostoli, *ibid.* v. 3. & 30.

## D

Dæmon quomodo mutus dicatur, Matt. 9. v. 32.

Dæmon cur cæli volucris comparetur, Matth. 13. v. 19.

Fit occultissimus per hæreses, v. 25.

Dæmonibus tormentum est, eos relinquere, quos eligunt, Matth. 8. v. 29.

Cur petierint mitti in gregem porcorum, v. 30.

Dæmonis confessio & testimonium verum, sed adulatorium, Marc. 1. v. 24 ei etiam vera dicenti non est credendum, v. 25. ejus rabies, v. 26.

Dæmonis maleficio cæcus & mutus sanatur, Matth. 12. v. 22.

Dæmones nequissimi non ejiciuntur nisi per orationem & jejunium, Marc. 9. v. 28.

Dæmones septem eieci ex Maria Magdalene, Marc. 16. v. 9.

Dæmones per ordines distributi, Luc. 13. v. 11.

Dæmonum ministerium circa animas reproborum, Luc. 16. v. 22.

Damnati an diligant vivos carnaliter propinquos, *ibid.* v. 28.

Dare gloriam Deo, quid? Joan. 9. v. 24.

Datum & Commendatum quomodo differant, Luc. 12. v. 48.

David excusatur, Matth. 12. v. 4.

Davidis filius Christus cur specialiter dictus, Matth. 1. v. 1.

Emphaticè bis consequenter Rex dicitur, *ibid.* v. 5.

De pro Ex, *ibid.* v. 20.

Non defendit se Christus, & quare, Matth. 16. v. 54.

Delectus ciborum malè reprehenditur ab hæreticis, *ibid.* v. 11.

Delictis terrenis immerfus animus cœcos reddit homines ad res divinas, Matth. 13. v. 15.

Demonstrare, pro generare, & videre, pro nasci, Joan. 5. v. 10.

Denariorum duplex genus, Luc. 7. v. 41. Item Joan. 6. v. 7.

Deprecatio parum impetrat, nisi operum accessione farciatur, Joan. 15. v. 7.

Descendenti fidem non habuissent, qui resurgenti credere noluerunt, Matth. 27. v. 42.

Def-



Descendere de cruce cur noluit Christus,  
Matth. 27. v. 42.  
Descriptio adventus Dei ad iudicium, Matt.  
28 v. 5.  
Desperatio non fuit in Christo Matt 27 v. 46  
Dei proprium nomen est, *Esse*, Joan 13 v. 19.  
Deus est in mundo per essentiam, potentiam,  
& præsentiam, Joan. 1. v. 10.  
Deus non deserit, nisi deseratur, Joan. 15. v. 4.  
Dei unitas exponitur, Joan 17. v. 8.  
Deus non amittit dominium rerum, quas  
aliis dat, *ibid.* v. 10.  
Deus inæqualiter inhabitat iustos, Joan. 14.  
v. 23.  
Deus quo sensu peccatores non audiat, Joan.  
9. v. 31.  
Deus vocat ea, quæ non sunt, tamquam ea  
quæ sunt, Joan 11. v. 43.  
Deus continuè operatur conservando & gu-  
bernando mundum, non tamen violat  
sabbatum, Joan. 5. v. 17.  
Deus multis titulis dicitur verus, Joan 7.  
v. 28.  
Deus solus novit abscondita cordis humani,  
Joan. 16. v. 30.  
Dei permissio non abstergit peccatum per-  
missarii, Joan. 19 v. 11.  
Deus magis timendus, quàm homines,  
Matth 10 v. 18.  
Deus si falli aut mentiri posset, omnipotens  
non esset, Luc 1. v. 37.  
Deus Israël opponitur Diis gentium, v 62.  
Deus cur dicatur Dominus virtutum, exer-  
citiuum, Sabaoth.  
Deus feneratori & creditori comparatur,  
Luc. 7. v 41.  
Deus appellatur homo, quia hominum ama-  
tor, Luc. 14. v. 17.  
Deus poenitentibus blanditur, Luc. 15 v. 20.  
Deus vult sua dona in se refundi, Luc. 17 v. 18  
Dextrum navigii quid? Joan 21. v 6.  
Diabolus primum hominem seducendo, to-  
tum genus humanum occidit, Joan 8. v. 44  
In veritate fuit, sed in ea non stetit, *ibid*  
Est pater mendacii, & quâ ratione, *ibid*.  
Tentat Christum, Matth. 4. v. 3.  
Cur petiit lapides in panes converti, *ibid*.  
Spiritualiter facit homines mutos & cæcos,  
Matth. 12. v. 22.  
Majori fervet odio contra eos, ex quibus pul-  
sus est, *ibid.* v. 44.  
Cur princeps hujus mundi appelletur, Joan.

12. v. 31. & c. 14. v. 30.  
Examinat statum vitæ ejusvis hominis  
circa mortem, Joan. 14. v. 30.  
Ei cur dicatur ignis præparatus, Matth. 25. v. 41  
Dicere & loqui, qui differant, Joan. 12 v. 49.  
Dies, pro tempore vitæ præsentis, nox, pro  
morte sumitur, Joan 9 v. 4.  
Dies Christi, pro tempore, quo vixit hic  
mortalis, Joan 8 v. 56.  
Dies cœtus sive collectæ celeberrimus, Joan.  
7. v. 37.  
Dies festi incipiebant à vespere in vespem,  
Matth. 26 v. 17.  
Dies festus Juætorum sumitur antonomas-  
tice pro Paschate, Joan 5. v. 1.  
Diem qualiter Romani dividebant, Matth.  
20 v. 2.  
Diffidentia sollicitudo amputatur, Luc. 6.  
v. 38.  
Dilectio amicorum & dilectio inimicorum  
comparantur, Joan. 15 v. 13.  
Dilectio eximia Pastoribus Ecclesiæ neces-  
saria, Joan 21 v. 15.  
Dilectio quâ Christus dilexit Patrem est he-  
roica, Joan. 14 v. 31.  
Dilectio quâ Christus dilexit oves suas,  
quàm eximia, Joan. 10 v 15.  
Dilectio Dei nullum à se rivulum extra se  
duci patitur, Matth. 22. v 37.  
Dilectio fraterna est symbolum discipula-  
tus Christi, Joan 13 v 35.  
Dilectio perit, nisi in opus erumpat, Joan.  
14 v 15  
Dilectionis mutua præceptum cur dicatur  
novum, Joan 13 v 34.  
Dilectionis modus & finis, Joan. 15 v 12.  
Dilectio divina est fons omnium beneficio-  
rum, Joan. 17. v. 24.  
Dilectionis proximi mandatum præfertur  
omnibus sacrificiis, Marc. 12. v 33.  
Dilectio alia prior, alia posterior collatione  
beneficii, Luc 7. v. 42.  
Dilectio sui non propter Deum, non est vera  
sui dilectio, Matth 22. v. 39.  
Diligendi amici & inimici, Matth. 5. v 43 44.  
Diligendus super omnia cur Deus? Matth.  
22. v 37.  
Dionysiana Epocha non planè exacta, Luc.  
3 v. 23  
Discipulatus Christi quid postulet, Luc. 14.  
v. 23.  
Discipuli Christi baptizant baptismo non  
Joannis.

Joannis, sed Christi, Joan. 4. v. 2.  
 Vocantur Galilæi, Joan. 7. v. 52.  
 Sal terræ, Matth. 5. v. 13.  
 Lux mundi, v. 14.  
 Civitas supra montem posita, *ibid.*  
 Lucerna, v. 15.  
 Oves inter lupos, Matth. 10. v. 16.  
 Cur ita esurirent, Matth. 12. v. 1.  
 Cur non jejunarent ut discipuli Joannis,  
 Matth. 9. v. 15.  
 Comparantur panno rudi, & utribus anti-  
 quis, v. 16.  
 Fiunt Apostoli, Matth. 10. v. 18.  
 Contenti esse debent, si sint sicut magistri,  
*ibid.* v. 24.  
 Eorum ruditas, Matth. 15. v. 32.  
 Cor obcæcatum, Marc. 6. v. 52.  
 Discipuli Christi nomen non meretur, qui  
 patrem doctrinæ Christi præfert, Matth.  
 10. v. 37.  
 Discipuli Joannis narrant miracula Christi  
 cum quadam emulatione, Matth. 11. v. 3.  
 Eorum infirmitati consulit S. Joannes, *ibid.*  
 Eorum incredulitas prudenter dissimulatur  
 à Christo, v. 4.  
 Discipuli proficiscentes in Emaus cur Chri-  
 stum non noverint, Luc. 16. v. 24.  
 Fide in Christum & spe exciderant, Luc. 24.  
 v. 21.  
 Discipulus verus est qui finem discipulatus  
 assequitur, Joan. 15. v. 8.  
 Dispensationis divinæ fuit Christi appre-  
 hensionis, non necessitatis aut infirmitatis,  
 Matth. 25. v. 46.  
 Ditiorebus magis datur, pauperibus semper  
 aufertur, Matth. 13. v. 12.  
 Divinitas Christi variis prodigiis significata  
 in morte ejus, Matth. 27. v. 53.  
 Agnita multis, v. 54.  
 Divitiæ quare fallaces, Matth. 13. v. 22.  
 Non possidentur à nobis pleno jure, Luc. 16.  
 v. 12.  
 Divites invitare an prohibitum, Luc. 14. v.  
 12. & seqq.  
 Divitibus quare difficile intrare in regnum  
 cælorum, Matth. 19. v. 23. 24.  
 Divitis epulonis & Lazari historia, Luc. 16.  
 v. 19. & seqq.  
 Docendi regendive officio præcellens non  
 existimet se cæteris præstantiorem, Matt.  
 23. v. 11.  
 Doctrina Evangelica comparatur grano si-  
 napi, Matth. 13. v. 31.

Fermento, propter virtutem, v. 33.  
 Thesauro abscondito propter inestimabile  
 pretium ejus, v. 44.  
 Ea non est jactanter ostendenda, Matth. 13.  
 v. 44.  
 Comparanda est cum rerum etiam charissi-  
 marum jactura, *ibid.*  
 Doctrinam Christi obstupescunt turbæ, Mat.  
 7. v. 29.  
 Dominari in malam partem fumitur, Matt.  
 20. v. 25.  
 Dominicus dies ab Apostolis sanctificatur,  
 Joan. 20. v. 26.  
 Dominis duobus servire nemo potest, Matth.  
 6. v. 24.  
 Dominus messis est Christus, Matth. 9. v. 38.  
 Dominus cur absolute vocari voluit Chri-  
 stus, Matth. 21. v. 3.  
 Donum Dei, quo auditur, non omnes ha-  
 bent, Matth. 11. v. 15. & c. 13. v. 9.  
 In quo consistat istud donum, *ibid.*  
 Dona Dei quæ lege dentur, Matth. 25. v. 20.  
 & seqq.  
 Dona hujus vitæ quamvis sint maxima, par-  
 va tamen sunt respectu futuræ, Matth. 25.  
 v. 20.  
 Donis auctis augentur rationes donorum,  
 Luc. 12. v. 48.  
 Dormitare & dormire quomodo differant,  
 Matth. 25. v. 5.  
 Dotes corporis gloriosi in se expressit Chri-  
 stus Matth. 17. v. 2.  
 Drachma quid? Matth. 17. v. 20.  
 Didrachmum quid? *ibid.*  
 Dubium Apostolorum explicatur, Matth.  
 28. v. 17.  
 Duodenarius numerus universitatem signi-  
 ficat, Matth. 19. v. 28.  
 Duplicia vestimenta & calceamenta prohi-  
 bentur portare Apostoli, Matth. 10. v. 10.  
 Duritiam Judæorum increpat Christus,  
 Matth. 11. v. 16.

E

Ecce rem novam ferè indicat, Matth. 1.  
 v. 20. & miram, Matth. 3. v. 16.  
 Ecclesia super Petrum ædificanda promitti-  
 tur, Joan. 1. v. 42.  
 Comparatur vineæ, Matth. 20. v. 2.  
 Sponsæ, Matth. 22. v. 1.  
 Impletur Gentibus, v. 10.

R r r r r

Sem-



- Semper diabolo invidiâ erit, Matth. 16. v. 13.  
 Numquam à fide deficiet, Luc. 18. v. 8.  
 Ejus v. sibilitas, Matth. 28. v. 20.  
 Aliquando ex undis hujus sæculi ad littus educetur, Matth. 13. v. 48.  
 Orationes ad Deum fufas concludit cum particula, *Per Christum Dominum nostrum*, aut æquivalentem, Joan. 16. v. 24.  
 Ecclesiæ Latine præ cæteris principalitas figuratur, Joan. 19. v. 20.  
 Ecclesiastica potestas, Matth. 18. v. 17. 18.  
 Eclipsis quæ contigit patiente Christo ex quatuor capitibus miraculosa, Matth. 27. v. 47.  
 Duravit tribus horis continuis, *ibid.*  
 Effigies Christi qualiter manserit eadem, Marc. 16. v. 12.  
 Electi ad regnum cælorum pauci, Matth. 20. v. 16.  
 Suis viribus relictî fallerentur in fine orbis, Matth. 24. v. 24.  
 Vocantur *Oves*, Matth. 25. v. 32.  
 Electio discipulorum Christi ab ipso facta, Joan. 15. v. 16.  
 Eleemolynæ quâ consideratione fieri debeant, Matth. 5. v. 40.  
 In abscondito, Matth. 6. v. 2 & seqq.  
 Ut à Deo pendentur, Marc. 12. v. 43.  
 Earum obligatio ex duobus capitibus nascitur, Luc. 3. v. 11.  
 Sunt optimum remedium avaritiæ, Luc. 11. v. 41.  
 Quomodo omnia faciant munda, *ibid.*  
 Etiam pro *Eli* intellexerunt milites, Matth. 27. v. 47.  
 Elizabeth cognata Virginis Mariæ, & quoto gradu, Luc. 1. v. 36.  
 Emmanuel non est proprium nomen Christi, Luc. 1. v. 31.  
 Emaus castellum postea Nicopolis dictum, Luc. 24. v. 13.  
 Encæniorum festivitas, Joan. 10. v. 22.  
 Ephrem civitas, quæ, & ubi sita, Joan. 11. v. 45.  
 Episcopi & doctores Christiani figurantur per Scribas & Phariseos, Matth. 23. v. 2.  
 Episcopis & Superioribus præcipuè vigilandum, Matth. 24. v. 45.  
 Episcopi aut Presbyteri officio nihil in hac vitalaboriosius, periculosius, Matth. 24. v. 46.  
 Eremitarum Princeps Joannes Baptista, Matth. 3. v. 1.  
 Errores Judæorum circa Messiam ut Filium David, Matth. 22. v. 42.  
 Errores vulgi circa personam Christi, Matth. 16. v. 14.  
 Est quid significet, Matth. 26. v. 26.  
 Est, est; non, non, quid significant, Matth. 5. v. 37.  
 Esuriit naturaliter Christus, Matth. 21. v. 18.  
 Esurire justitiam quid? Matth. 5. v. 6.  
 Et pro quia, Luc. 3. v. 6.  
 Et conjunctio casualiter sumpta, Joan. 1. v. 14.  
 Evangelistæ qui dicantur, in Præfat.  
 Frequenter disjuncta tempora conjungunt, Luc. 2. v. 39.  
 Non erraverunt, Matth. 2. v. 6.  
 Eorum diversitas ad quid conducatur, Matth. 3. v. 11.  
 Evangelica doctrina est falx, quâ Deus purgat palmites vitis, Joan. 15. v. 3.  
 Evangelium quid significet, in Præfat.  
 Cura pluribus scriptum, *ibid.*  
 Habet initium à denuntiatione pœnitentiæ, Marc. 1. v. 1.  
 Ejus prædicatio comparatur sagenæ in mare missæ, Matth. 13. v. 47.  
 Ejus progressus à parvis initiis in prodigiosam magnitudinem, Matth. 13. v. 32.  
 Evangelium Joannis quâ occasione conscriptum, & ubi, Præfat.  
 Prima verba ejus à Platonico aureis litteris scripta, *ibid.*  
 Quo idiomate primitiùs evulgatum, *ibid.*  
 Frequenter continet repetitionem vocis *Amen*, Joan. 16. v. 20.  
 Eucharistia quid significet? Matth. 26. v. 26.  
 Unde dicta, *ibid.* v. 27.  
 Instituitur à Christo, Luc. 22. v. 19. & seqq.  
 Cur in fine cœnæ instituta, Matth. 26. v. 26.  
 Cur sub bina specie, panis azymi, & vini, *ibid.*  
 Cur Christus primus sumplerit, *ibid.*  
 Ejus excellentia supra Manna, Joan. 6. v. 50. 51.  
 Est vivorum spiritualiter, non mortuorum cibus, Joan. 6. v. 54.  
 Præceptum eam sumendi, *ibid.*  
 Ejus sumptio causat immortalitatem, *ibid.* v. 55.  
 Sub unica specie sumpta vivificat, *ibid.* v. 58. 59.  
 Ejus effectus, ut est sacrificium, & ut Sacramentum, Matth. 26. v. 28.  
 Eunuchorum tria genera, Matth. 19. v. 12.  
 Exci-

# I N D E X.

Excidentes à iustitia comparentur Nazaræis  
contaminatis, Joan. 15. v. 3.  
Excidium Ierusalem typus fuit excidii or-  
bis, Matth. 24. v. 3.  
Excommunicatio, Matth. 18. v. 17. 18.  
Excusatio omnis cessabit in extremo judi-  
cio, Matth. 22. v. 12.  
Excusatio pigritiæ, Matth. 25. v. 24.  
Exemplo suo hortatur Christus Apostolos  
ad patientiam, Matth. 10. v. 25.  
Ad mansuetudinem, Matth. 11. v. 29.  
Exercitus Herodis propter occisum Joan-  
nem Baptistam deletus, Marc. 6. v. 14.  
Expectatio perpetua ferventiores ad piera-  
tem facit, Matth. 24. v. 36.  
Expostulatio Christi de injurioso secum  
agendi modo, Matth. 26. v. 55.  
Exprobratio gravissima Dei in die iudicii,  
Matth. 25. v. 41.  
Expulsio dæmonum, quæ in Apostolis pro-  
batur, in Christo reprehendi non potest,  
Matth. 12. v. 27.  
Extra Synagoram fieri, Judæis idem, quod  
Christianis excommunicari, Joan. 9. v. 21.  
Extremæ Unctionis materia, & minister,  
Marc. 6. v. 13.  
Sacramentum insinuat, *ibid.*

**F**

**F**abrem exercuit Christus, Matth. 14.  
v. 55.  
*Fabulari*, pro colloqui, Luc. 24. v. 15.  
*Faciem firmare*, pro firmiter proponere,  
Luc. 9. v. 15.  
Faciem videre quid? Matth. 18. v. 10.  
Facienti quod in se est per vires naturæ non  
debetur gratia, Luc. 19. v. 6.  
*Factus ante*, pro præpositus, &c. Joan. 1. v. 45.  
Faminiæ, præsertim hæredes familiarum,  
censibus subjectæ, Luc. 2. v. 5.  
Faminiæ quatuor cur intextæ genealogiæ  
Christi, Matth. 1. v. 45.  
Fama Christi ad gentes vicinas permanavit,  
Matth. 15. v. 22.  
Fama resuscitæ filiæ Archisynagogi cur  
narratur diffusa per totam regionem,  
Matth. 9. v. 36.  
Familiaritas contemptum parit, Matth. 13.  
v. 57.  
Familiaritas Christi cum Apostolis, Matth.  
26. v. 29.

Factus gloriandi in titulis reprimatur, Matth.  
23. v. 8.  
*Fesluca & Trabis* nomine quid intelligatur,  
Matth. 7. v. 3.  
Festum Paschale durabat septem diebus,  
Matth. 26. v. 5.  
Fictio Christi, simulantis se longius ire, non  
fuit mendacium, Luc. 24. v. 28.  
Ficus infructuosa populum Jerosolymita-  
num designat, Luc. 13. v. 6.  
Mansit sterilis per triennium predicationis  
Christi, *ibid.* v. 9.  
Anno quadragesimo à passione Christi per  
Romanos excisa, *ibid.*  
Cur in ficu fructus quæsierit Christus extra  
tempus, Matth. 21. v. 19.  
Et quare ei maledixerit, *ibid.*  
Fides est credere quod non vides, veritas vi-  
dere quod credis, Joan. 8. v. 32.  
Fides inchoata & perfecta, otiosa & opera-  
toria, Joan. 1. v. 12.  
Fides sincera & vera, facit quod faciendum  
credit, Joan. 3. v. 16. 18. 36.  
Fides indubitata est via ad filiationem Dei,  
Joan. 12. v. 36.  
Fides in Christum est necessaria ad salutem,  
Joan. 3. v. 18. 19. & 36.  
Otiosa non sufficit, Matth. 19. v. 16. Marc.  
16. v. 16. Joan. 15. v. 2.  
Fides discipulorum an Christo moriente de-  
fecerit, Joan. 14. v. 29.  
Fidem divinitatis amiserunt Apostoli, Matt.  
26. v. 31.  
Fides à Deo perficienda, Marc. 9. v. 22.  
Fides impetrat miraculum, Marc. 5. v. 34.  
Per fiduciam illud operatur, Marc. 9. v. 22.  
Fides patris miraculorum quid includat,  
Matth. 17. v. 18.  
Fides per lampades significatur, Matt. 25. v. 1.  
Cur grano sinapis comparetur, Matt. 17. v. 19.  
Quæ conjuncta habere debeat, v. 20. Item  
c. 21. v. 21. & 22.  
Ante fidem nemo bonus, Matth. 22. v. 10.  
Est magis necessaria quam baptismus, Marc.  
16. v. 16.  
Fides Centurionis, Matth. 8. v. 9.  
Fides magna mulieris, Matth. 15. v. 28.  
Fidei cur potius tribuatur sanitas, quam aliis  
virtutibus, Matth. 8. v. 19.  
Fidem nullius nisi Gentilium admiratus est  
Christus, Matth. 15. v. 28.  
Fidei meritum unde potissimum oriatur,  
Joan. 20. v. 29. Rrrrr 2 Fides



Fides & visio ejusdem objecti non repugnant, *ibid.*  
 Fideles ante baptismum, & post eum, mores docendi sunt, Matth. 28. v. 20.  
 Quâ ratione faciant opera majora quàm Christus, Joan. 14. v. 12.  
 Sunt membra mediatoris tamquam capitis, Joan. 17. v. 26.  
 Fidelis & prudens cur debeat esse dispensator, Matth. 24. v. 45.  
 Ejus merces, Matth. 25. v. 20.  
 Fidelium comparatio est infidelium vituperatio, Joan. 16. v. 8. & 9.  
 Fieri pro nasci, Joan. 8. v. 58.  
 Filiatio legalis in genealogiis attendenda, Luc. 3. v. 23.  
 Filius dicitur creatione, generatione, adoptione, aut imitatione, Joan. 8. v. 44.  
 Filius sub ratione filii cognosci nequit non cognito Patre, Joan. 12. v. 45.  
 Filius Dei quâ ratione Verbum dicatur, non Sermo, nec Ratio, Joan. 1. v. 1.  
 Ejus à Patre distinctio personalis, *ibid.* v. 3. Item cap. 5. v. 18.  
 Ejus cum Patre consubstantialitas, *ibid.* c. 5. v. 19. & seqq.  
 Non est verbum verbi, splendor splendoris, imago imaginis, Joan. 1. v. 2.  
 Filius Dei naturalis Christus, Matt. 14. v. 33.  
 Filius τὸ ἀνθρώπου, id est, hominis, cur Dicitur Christus, Matth. 8. v. 19.  
 Filii Dei, pro prædestinatis etiam nondum iustificatis, Joan. 11. v. 52.  
 Filius Dei venit ad iudicium instar furis, Matth. 24. v. 42. 44.  
 Filius Dei quomodo nesciat diem iudicii, Matth. 24. v. 36.  
 Filii Abraham qui verè censendi, Joan. 8. v. 39. & 40.  
 Quomodo fiant, Matth. 3. v. 9.  
 Filius prodigus reversus peccatorem conversum designat, Luc. 15. v. 24.  
 Ejus parabola exponitur allegoricè, Luc. 15. v. 32.  
 Filius hujus sæculi quis dicatur, item quis Filius lucis, Luc. 16. v. 8.  
 Filii sapientiæ pro sapientibus, Matt. 11. v. 19.  
 Filius dicitur & nepos, Matth. 1. v. 1.  
 Filios Judæorum vocari Apostolos, Matth. 12. v. 27.  
 Filiis curam parentum Christus suo sacro commendavit, Joan. 19. v. 27.

Fimbria, quid? Matth. 23. v. 5.  
 Fimbriam vestimentorum Christi tangentes non sunt superstitiosi, Matth. 14. v. 36. Marc. 5. v. 27.  
 Fixuris clavorum jungunt Judæi tela lineæ, Matth. 27. v. 40.  
 Flagellatio Romanis pro criminibus non capitalibus adhibebatur, Luc. 23. v. 16.  
 Flagellatio Christi immanis fuit, Matth. 27. v. 26.  
 Facta à Romanis, *ibid.* v. 27.  
 Fontis & putei discrimen accidentale, Joan. 4. v. 6.  
 Forisquare staret B. Virgo, & Christi cognati, Matth. 12. v. 46.  
 Forma Eucharistiæ explicatur, Matth. 26. v. 26. 28. Ejus verba apertissima, *ib.* v. 26.  
 Forma salutandi Hebræorum, Matt. 10. v. 12. Item c. 28. v. 9.  
 Forsitan non semper dubitationem importat, Joan. 4. v. 10.  
 Forum in parabola quid significet, Matth. 20. v. 4.  
 Fractio panis usum Eucharistiæ designat, Luc. 24. v. 30. Matth. 26. v. 26.  
 S. Francisci stigmata fuerunt carne repleta, Christi non, Joan. 20. v. 27.  
 Frater fratrem tradet in mortem, Matth. 10. v. 21.  
 Fratres sumus naturâ & doctrinâ, Matth. 23. v. 8.  
 Fratres dicuntur omnes cognati, Matth. 12. v. 56.  
 Fratres Christi quatuor, Matth. 13. v. 55.  
 Fratres suos vocat Christus Apostolos, Matt. 28. v. 10.  
 Fratre sine liberis defuncto alter debebat semen suscitare, Matth. 22. v. 23.  
 Eremitus, quid sit? Joan. 11. v. 33.  
 Fructus centesimus, sexagesimus, trigessimus quibus attribuendus, Matth. 13. v. 23.  
 Fructus poenitentiae, Matth. 3. v. 8.  
 Fructus defectu non à labore desistendum est Matth. 4. v. 26.  
 Fructus iustitiæ quò uberior, eò majorem præbet fiduciam, Joan. 15. v. 16.  
 Fruitiva visio humanitatis Christi est beatitudo secundaria, Joan. 17. v. 24.  
 Fugâ cur Christus sibi consuluerit, Matth. 27. v. 13.  
 Fuga Apostolorum, Matth. 26. v. 56.  
 Non fuit sine causâ, Marc. 14. v. 52.

Quando.

Quando eis licita, imò præcepta, Matth. 10. v. 23.  
 Quanta festinatione fugiendum, Matth. 24. v. 17. & 18.  
 Fulgor faciei Christi in transfiguratione venit ab intrinseco, Matth. 17. v. 2.  
 Fur & Latro quomodo differant, Joan. 10. v. 1.

## G

**G**abbatha quid significet, & unde derivetur, Joan. 19. v. 13.  
 Gabriël quid significet? Luc. 1. v. 26.  
 Mariam alloquitur, Josephum admonet, pastores instruit, Luc. 2. v. 9.  
 Galilæa duplex, superior, & inferior, Luc. 1. v. 26.  
 In Galilæa potius quàm in Judæa cur Christus post resurrectionem apparuerit, Matt. 18. v. 7.  
 Galilæorum dogmata, Luc. 13. v. 1.  
 Galilæi ab Herode inter sacrificandum perempti, *ibid.* & c. 23. v. 5.  
 Galilæus vocatus est Christus contemptus causâ, Matth. 26. v. 69.  
 Gallicinium quid? Matth. 26. v. 34.  
 Gallina cur pullos tegat, Matth. 23. v. 37.  
 Cur ei Christus comparetur, *ibid.*  
 Gaudium fidelium impletur adeptione beatitudinis, Joan. 15. v. 11.  
 Gaudium cur majus supra una ove inventa, Matth. 18. v. 13.  
 Gazophylacium quid? Marc. 12. v. 41.  
 Gehenna vallis filiorum Ennom prope Jerusalem, Luc. 23. v. 43.  
 Gehennæ nomen unde deductum, Matth. 5. v. 22.  
 Geminata dictio apud Hebræos æquivalet superlativo, Joan. 8. v. 34.  
 Gemitus Christi, Marc. 7. v. 34.  
 Genealogia Christi apud Luc. & Matth. diversa, Luc. 3. v. 23.  
 Genealogia Joseph quomodo ad Christum pertineat, Matth. 1. v. 16.  
 Generatio carnalis & spiritualis, Joan. 1. v. 13.  
 Generationem Dei æternam nemo novit nisi Pater, Matth. 11. v. 27.  
 Generatio Judæorum non transibit, quin veniet dies Judicii, Matth. 24. v. 33.  
 Genesareth stagnum vocatur mare Galilææ & Tiberiadis, Joan. 6. v. 1.

Gentes & Judæi significantur per duos filios Zebedæi, Matth. 21. v. 32.  
 Gentium vocatio prædicitur, *ibid.* v. 43.  
 Item c. 22. v. 9. Rursum c. 26. v. 13.  
 Genua perfossa mortem adferunt, Joan. 19. v. 31.  
 Geraleni, qui? Matth. 8. v. 28.  
 Gerisemani hortus ad latus occidentale montis Oliveti, Joan. 8. v. 1.  
 Gladii potestas Judæis adempta per Romanos, Joan. 18. v. 31.  
 Gladius pro bello, Matth. 10. v. 34.  
 Gladius unde Petro, Matth. 26. v. 51.  
 Studiosè ab eo gestatus ad defensionem Christi, *ibid.*  
 Gladius qualis Mariæ animam pertransiverit, Luc. 2. v. 35.  
 Gloria Dei est finis miraculorum Christi & Sanctorum, Joan. 14. v. 13.  
 Gloriam Dei noluit celari Christus, Marc. 5. v. 30.  
 Glorandum non est homini, quòd Deus ei loquatur, Luc. 12. v. 20.  
 Græcorum nomine Gentiles omnes intelliguntur, Joan. 7. v. 35.  
 Grani sinapis conditiones, Matth. 13. v. 31.  
 Grano frumenti Christus se assimilat, Joan. 12. v. 24.  
 Gratia pro gratia rependitur, Joan. 1. v. 16.  
 Gratiâ plenâ dicitur Maria aliter, quam alii Sancti, Luc. 1. v. 28.  
 Gratia Dei præveniens, Joan. 15. v. 16.  
 Gratiæ gratis datæ dantur hominibus, ut eis profectum faciant, Marc. 25. v. 14.  
 Gratia secundum propositum, commendatur, Joan. 18. v. 37.  
 Gratia Christi efficax facit ut faciamus, Joan. 15. v. 5.  
 Gratiæ Christi efficacitas frangit cordis duritiam, Joan. 6. v. 1.  
 Gratiæ necessitas ad benè operandum, Joan. 15. v. 5.  
 Gratiæ interioris cor mollientis necessitas, Joan. 18. v. 7.  
 Gratis aliquem odisse, quid? Joan. 15. v. 25.  
 Gratitude ultra internum affectum postulat externa officia, Luc. 17. v. 18.

## H

**H**ædi reprobos cur significant, Matt. 27. v. 33.



- Heres qualiter sit Christus, Matth. 12. v. 38.  
 Hæresis prima circa Eucharistiam tempore Christi, Joan. 6. v. 67.  
 Hæreses variae circa incarnationem Verbi refelluntur, Joan. 1. v. 14.  
 Hæretica machinatio comprehenditur sub portis inferi, Matth. 16. v. 18.  
 Quæ adhuc? *ibid.*  
 Hæretici ante finem mundi exoriturum designantur, Matth. 24. v. 11.  
 Non sunt audiendi cum Ecclesiam apud se esse dicunt, v. 27.  
 Sunt falsi Prophetæ, Matth. 7. v. 15.  
 Refutantur, Matth. 3. v. 1. 4. 5. c. 4. v. 6. c. 6. v. 6. c. 7. v. 16. c. 11. v. 21. c. 15. v. 9. & 11. c. 16. v. 19. c. 17. v. 12. c. 26. v. 26. & 27. Marc. 9. v. 37.  
 Hæreticorum mira discordia, Matth. 26. v. 26. Ineptia v. 27.  
 Hebræi frequenter utuntur conjunctione &, pro autem, Joan. 18. v. 24.  
 Ex sola traditione Pharisaica non introiunt in prætorium, *ibid.* v. 28.  
 Hebræica vocabula cur retinuerunt Evangelistæ, Matth. 27. v. 46.  
 Herba miraculosa ad statuat æneam Christi, Marc. 5. v. 34.  
 Herodes cur vulpes appellatus, Luc. 13. v. 32.  
 Herodis reverentia in Joannem, Marc. 6 v. 20  
 Ejus crudelitas occasio Joanni Baptistæ secedendi in desertum, Luc. 1. v. 80.  
 Ejus, & uxoris, & saltatricis funestus exitus, Marc. 6. v. 27.  
 Herodes plures fuerunt, Matth. 2. v. 1.  
 Sub quorum primo conceptus est Joannes Baptista, ab altero decollatus, Luc. 1. v. 5.  
 Ut unus Rex fuerit, Marc. 6. v. 14.  
 Herodes Magnus novem uxores simul habuit, Luc. 3. v. 1.  
 Herodes Tetrarcha Galilææ, Antipas dictus, Luc. 23. v. 7.  
 Tentavit Deum petendo signum à Christo, *ibid.* v. 8.  
 Illosit Christum altâ veste indutum, *ibid.* v. 10.  
 Factus est Pilato amicus, & unde, *ibid.* v. 12.  
 Herodias qualis fuerit, Marc. 6. v. 17.  
 Occasionem captabat occidendi Joannem, v. 19.  
 Hoc non designat panem, Matth. 26. v. 26.  
 Hodie & cras, pro exiguo tempore, Luc. 13. v. 32. & seqq.
- Homo ad imaginem Dei factus, Joan. 1. v. 4.  
 Sumitur pro vitio, Luc. 12. v. 14.  
 Homines avidissimè desiderant præscire futura, Joan. 16. v. 13.  
 Hominum salus, proprii corporis commodis præferenda, Joan. 4. v. 34.  
 Homines quâ ratione dicantur plantatio Dei vel diaboli, Matth. 15. v. 13.  
 Honor sequitur fugientem, fugit sequentem, Matth. 23. v. 12.  
 Sub honore omnis externus cultus intelligitur, Matth. 15. v. 8.  
 Honor parentibus debitus qualiter deferendus, Matth. 15. v. 4.  
 Horarum diversâ acceptio, Matth. 20. v. 2.  
 Hora accipitur pro tempore, Matth. 26. v. 40.  
 Hora septima apud Judæos, est prima post meridiem, Joan. 4. v. 50.  
 Qua hora Christus crucifixus, Marc. 15. v. 25.  
 Horror passionis in Christo, Matth. 26. v. 39.  
 Eum supprimit, v. 45.  
 Hospes Apostolorum, dignus esse debet illis morum integritate, Matth. 10. v. 11.  
 Non mutandus, *ibid.*  
 Cur intrando salutari debeat, v. 12.  
 Honor ejus & fructus, v. 40.  
 Hospitalitas ut exercenda in Prophetas & justos, Matth. 10. v. 41.  
 Hostia pro peccato in purificatione immediate offerebatur pro immunditia matris, mediatè pro originali peccato prolis, juxta Aug. Luc. 2. v. 24.  
 Hostiæ Paschales celsæ numero 250600. Matth. 21. v. 12.  
 Humana judicij parvi facienda, quia sæpè falsa, Luc. 16. v. 15.  
 Humanæ naturæ conditio, Matth. 14. v. 30.  
 Humanæ naturæ signa probativa, Luc. 24. v. 41.  
 Humilitas & mansuetudo addiscenda exemplo Christi, Matth. 11. v. 29.  
 Illæ duæ virtutes sunt magna pars jugi Christi, *ibid.*  
 Humilitas necessaria, Matth. 18. v. 4.  
 Humilitate prosapiæ Christi, offenduntur Judæi, Matth. 13. v. 57.  
 Humiles hospitio excipiendi, & quâ mercede, *ibid.* v. 5.  
 Humilium contemptus graviter punietur, *ibid.* v. 10.  
 Hyperbolica locutio mendacium non continet, Joan. 21. v. 25.

Hypocrisin præcipue exprobrat Christus  
Pharisæis, Matth. 23. v. 12.  
Cur præfente turbâ, *ibid.*  
Hypocrita quis dicendus, Luc. 13. v. 15.  
Hysopus quid, & quomodo ei circumposita  
spongia aceto plena, Joan. 19. v. 29.

I

Jacobus quis fuerit præfens transfigura-  
tioni, Matth. 17. v. 1.  
Jacobus Zebedæi filius cur major dicatur,  
Matth. 10. v. 3.  
Jacobus Alphæi filius cur dictus minor, fra-  
ter Domini, Jerosolymorum Episcopus,  
Author unius Epistolæ ex Canonicis,  
Matth. 10. v. 3.  
Jactantiam fugere docemur à Christo, Marc.  
7. v. 33.  
Janitoris officium in Ecclesia, Marc. 13. v. 34.  
Idiomatum communicatio in Christo,  
Joan. 3. v. 13.  
Jechonias idem cum Eliacim & Joachim,  
Matth. 1. v. 11.  
Jeiunium commendatur, Matth. 6. v. 16.  
Jeiuniis Deus colitur contra Calvinum,  
Luc. 2. v. 37.  
Jerusalem civitas sancta, Matth. 4. v. 5. Item  
c. 27. v. 53.  
Sæpius expugnata, Matth. 24. v. 15.  
Jerosolymitana cædes per Romanos illata, à  
Christo prædicta, Luc. 19. v. 43 & rur-  
sus c. 23. v. 29. & seqq.  
Jesu etymologiam tradit Angelus, Matth.  
1. v. 21.  
Jesús Magister fuit & Dominus, Joan. 13. 26.  
Habuit perfectum dominium suarum pas-  
sionum, Joan. 11. v. 33.  
Reddit se invisibilem persecutoribus, Joan.  
8. v. 59.  
Quo sensu dicat, se in occulto nihil locutum  
fuisse, Joan. 18. v. 20.  
Coronatur coronâ spinæ, Joan. 19. v. 5.  
An lignem gestaverit apparens Magdalenæ,  
Joan. 20. v. 15.  
Cur non permiserit se ab ea tangi, v. 17.  
Penerando ostiū intravit ad discipulos, v. 19.  
Januis clausis, intrat ad Apostolos, v. 26.  
Post resurrectionem cum Apostolis mandu-  
cavit, Joan. 21. v. 13.  
Ter apparuit Apostolis congregatis, v. 14.  
Apparuit Petro elapso è carcere Romano,  
prædicitque se iterum Romæ crucifigen-  
dum in Petri persona, v. 19.

Ignis maximè penetrantis est activitatis &  
pro quo ponatur, Matth. 25. v. 41.  
Usurpatur pro charitate, Luc. 12. v. 49.  
Ignis æternus damnatos affligit, & urit, Joan.  
15. v. 6.  
Igne saliri damnatos, quid sit, Marc. 9. v. 48.  
Ignorantia affectata valet in commiseratio-  
nem, non in excusationem, Luc. 23. v. 34.  
Ignorantia Judæorum Christum crucifigen-  
tium crassa & supina, *ibid.*  
Illuminationis & excæcationis consilium  
quomodo scrutandum, Matth. 11. v. 26.  
Illusio Christi ad summum crudelitatis &  
contumeliarum omnium fastigium per-  
venit, Matth. 27. v. 30.  
Imitandus Christus non tantum in ferenda  
cruce, sed etiam in modo ferendi, Matth.  
10. v. 38.  
Immortalitas animæ, Matth. 22. v. 32.  
Impedimenta charitatis, Matth. 19. v. 21.  
Imperativus pro futuro, Matth. 13. v. 14.  
Item Joan. 2. v. 19.  
Imperiosa potestas in Gentilibus, Matth. 20.  
v. 25.  
Imperium Christi absolutissimum, Matth.  
22. v. 44.  
Impii omnes vocantur hypocritæ Hebraicâ  
propriate, Matth. 24. v. 51.  
Impii & iniqui homines sunt cæci corde,  
Joan. 1. v. 4.  
Impositione manûs sæpè usus Christus,  
Marc. 7. v. 32. Item 8. v. 23.  
Incarnationem Filii Dei nulla opera merue-  
runt, Joan. 15. v. 9.  
Incredulitas hominum fidem Dei non eva-  
cuat, Joan. 1. v. 11.  
Incredulitas Judæorum, Marc. 9. v. 18.  
Increpatus à Domino cur Amicus vocetur,  
Matth. 22. v. 12.  
Inebriatus pro exhilaratione in Scripturis  
usurpatur, Joan. 2. v. 10.  
Inexpectatum subito irruens etiam magnos  
turbat, Joan. 16. v. 1.  
Infernalium pœnarum gravitas, Marc. 9.  
v. 47.  
Infernus per tenebras cur designetur, Matth.  
8. v. 12.  
Infirmitas Apostolorum erigitur, Matth. 26.  
v. 31.  
Ea qualiter vincatur, v. 41.  
Ingratitudo Judæorum, Matth. 11. v. 20.  
Ingredi & Egredi pro conversari in hoc  
mundo, Joan. 10. v. 9. Ini-



- Inimici diligendi, Matth. 5. v. 43. Item c. 26. v. 49.
- Injurix tolerandæ & remittendæ, Matt. 5. v. 41. Item c. 18. v. 35.
- Earum tolerantiam & oblivionem docet Christus, Matth. 26. v. 25.
- Innocentia Christi mirabilis, Matth. 26. v. 61.
- Integritas animi mater est honestatis corporalis, Matth. 23. v. 26.
- Interpretandum nihil est in deteriore partem, Marc. 9. v. 39.
- Interrogat Christus ea, quæ sciebat, & quare? Matth. 22. v. 20.
- Interrogatio dubitationem plerumque supponit, Joan. 21. v. 12.
- Interrogatio non supponit ignorantiam interrogantis, Joan. 6. v. 6. Item c. 11. v. 34.
- Invenire animam suam, quid? Matth. 10. v. 39.
- Invenire gratiam apud Deum, Luc. 1. v. 30.
- Invidia Scribarum, Matth. 21. v. 16.
- Invitati ad nuptias, qui? Matth. 22. v. 3. Et qui invitantes, *ibid.*
- Joannes Baptista in utero sanctificatus, Luc. 1. v. 15. Quo anni tempore conceptus, *ibid.* v. 24.
- Ejus exultatio in utero, v. 41. Sex mensibus Christo senior, Luc. 1. v. 26. Tam per paternam, quam maternam lineam fuit de stirpe Sacerdotali, *ibid.* v. 5.
- Ejus encomium, Joan. 1. v. 6.
- Est lucerna ardens & lucens à Deo accensa, Joan. 5. v. 35.
- Ejus cum Elia comparatio & similitudo, Luc. 1. v. 26 & Joan. 1. v. 21.
- Quo sensu negaverit se Prophetam esse, *ibid.*
- Quomodo Christum nescierit, Joan. 1. v. 31. & 33.
- Tria ipsius de Christo testimonia, Joan. 1. v. 35.
- Ipsius habitatio, Matth. 3. v. 1. Vestitus, esca, v. 4. Cur eum non laudet Christus in præsentia discipulorum, Matth. 11. v. 7.
- Certatim in deserto invisitur, *ibid.* Ejus constantia, *ibid.* Cur plus quam Propheta, v. 9.
- Cur comparetur Angelo, Matth. 11. v. 10.
- Totidem mensibus cœpit ante Christum prædicare, quot ante Christum natus est, *ibid.*
- Nuullus eo major, & quoad quæ, v. 11.
- Quomodo sit Elias officio, Matth. 11. v. 14. Item c. 17. v. 12. Ejus laus, Matth. 11. v. 15. Ejus austeritas, v. 18.
- Vitâ irreprehensibili præ se ferebat justitiam, Matth. 21. v. 32.
- Orandi formulam discipulis præscripsit, Luc. 11. v. 1.
- Est terminus Legis & Prophetarum, Luc. 16. v. 16.
- Joannis Evangelistæ parentes, patria, vocatio, virginitas, ætas, &c. Præfat.
- Ejus & Petri nativa indoles describitur, Joan. 21. v. 7.
- Specialiter à Christo dilectus, & cur, Joan. 13. v. 23. c. 19. v. 26. c. 21. v. 20.
- Ei Christus proditorem insinnavit, Joan. 13. v. 26.
- Ei matrem Virginem moriens commendat, & cur, Joan. 19. v. 27.
- Edoctus à B. Virgine circa nonnulla mysteria, *ibid.*
- Falsò creditus non moriturus, Joan. 21. v. 23.
- Jonas columbam significat, & sumitur pro Joanne, Joan. 1. v. 42.
- Joseph quomodo filius Heli & Jacob, Luc. 3. v. 23.
- Jure conjugii pater Christi, Luc. 2. v. 33. 48. Non naturâ, Luc. 3. v. 23.
- Ejus prompta obedientia, Matth. 1. v. 24.
- Ante Christi passionem & prædicationem mortuus, Luc. 2. v. 34.
- Joseph ab Arimathæa occultando discipulatum non peccavit, Joan. 19. v. 38.
- Affectus sui magnitudinem demonstravit effectu, v. 39.
- Ira quantum peccatum, Matth. 5. v. 22.
- Iracundia Dei in Judæos, Matth. 24. v. 22.
- Israëlitæ verus quis censendus, Joan. 1. v. 47.
- Iter sabbati, quid? Matth. 21. v. 1.
- Judææ situs altior, quam Galileæ, Luc. 2. v. 4.
- Eam vestigalem quis primus fecerit, Matth. 22. v. 17.
- Judæi cur usurpent nomina Græca, Matth. 10. v. 3.
- Iis cur primò prædicandum, v. 4.
- Quare vocentur oves pascuæ Dei, & quare perditæ, v. 6.
- Eorum errores circa Messiam, Matt. 22. v. 42.
- Cur comparentur calamo quassato & ligno fumiganti, Matth. 12. v. 20.
- Ligno arido, Luc. 23. v. 31.
- Liberatis à dæmoniis, Matth. 12. v. 45.
- Filiis & Gentibus canibus, Matth. 15. v. 26.
- Abeis auferetur regnum Dei, Matt. 21. v. 43.
- Eorum negligentia & ingratitude, Matth. 22. v. 4 & 6. Quo-

# I N D E X.

Quomodo periti fuerint, v. 7.  
 Eorum delicto salus facta est Gentibus, v. 8.  
 Habent velamen super cor, Joan. 5. v. 39.  
 Eorum concilium adversus Christum congregatur, Joan. 11. v. 47. & seqq.  
 Eorum grave peccatum incredulitatis, Joan. 15. v. 22. 24.  
 Christum occidendo Deicidii peccatum perpetraverunt, *ibid.*  
 Permissi sunt suis legibus vivere, Joan. 19. v. 7.  
 Gravidus peccaverunt in Christum, quam Pilatus, *ibid.* v. 11.  
 Publicè renuntiaverunt Messiae sibi promisso, *ibid.* v. 15.  
 Sub finem mundi convertendi, Mat. 23. v. 39.  
 Judas cur vocetur Iscariotes, Mat. 10. v. 4.  
 Murmurat de effusione unguenti, Joan. 12. v. 6.  
 Fuit oeconomus collegii Apostolici, seu familiaris Christi, *ibid.*  
 Peculium sibi parabat, ex quo aliquando à Christo separatus viveret, Mat. 26. v. 8.  
 Ejus cor ut intraverit satanas, v. 14.  
 Vult compensare iacturam, quam credebatur fecisse in effusione unguenti, v. 15.  
 Ejus imprudentia, v. 24. 50.  
 Vocatur à Christo diabolus, Joan. 6. v. 71.  
 Filius perditionis, & cur, Joan. 17. v. 12.  
 Sumpsit Eucharistiam cum aliis, Joan. 13. v. 26.  
 Cur se suspenderit, Mat. 27. v. 5.  
 Judas Thaddæus scriptor Epistolæ Catholicæ, Joan. 14. v. 22.  
 Judicis officium, oppresso subvenire, judicare pupillos, &c. Luc. 18. v. 4.  
 Judicium novissimum & universale, Joan. 5. v. 28 & seqq.  
 Judicium aliud generale, aliud particulare, Luc. 12. v. 36.  
 Generale conjungitur resurrectioni mortuorum, Mat. 12. v. 41.  
 Tempus ejus incertum, Mat. 24. v. 36. 42. & 50. Item c. 25. v. 5.  
 Quomodo Filio ignotum, Mat. 24. v. 36.  
 Ad illud semper parati esse debemus, *ibid.* v. 42.  
 Judicium omne Christo à Patre datum, Joan. 5. v. 22.  
 Judicium auctoritatis habebunt, qui Christum sequuntur, Mat. 19. v. 28.  
 Judiciorum Dei altitudo in Tyriis & Sidoniis, Mat. 11. v. 21.

Judiciorum seu tribunalium tria genera apud Hebræos, Mat. 11. v. 21.  
 Judicium malignum & temerarium vetatur, Mat. 7. v. 1.  
 Jugum Dei ferre quid, Mat. 11. v. 29.  
 Portatu facile, v. 30.  
 Juramentum turpe non obligat, Marc. 6. v. 26.  
 Juramento omnino abstinendum, Mat. 5. v. 34. Ejus usus quando bonus, v. 37.  
 Juramentum aliquid per creaturas, juxta Phariseos obligabat, & quod? Mat. 23. v. 18.  
 Jurans per templum & altare non tenebatur juxta Phariseos, Mat. 23. v. 18.  
 Secus qui jurabat per pecuniam oblatam, *ib.*  
 Justificati subinde relabuntur in peccata, Joan. 15. v. 4.  
 Justificationes & mandata an differant, Luc. 1. v. 6.  
 Justitia pro omnium virtutum perfectione sumitur, Luc. 1. v. 75.

## L

**L** Abor & onus hominis in quo consistat, Mat. 11. v. 28.  
 Lacus Galilææ vocatur mare, Mat. 8. v. 24.  
 Lampades accensæ quid significant, Mat. 25. v. 1. Quomodo aptabuntur, v. 7.  
 Lana succida eundem habet effectum, quem spongia, Joan. 19. v. 29.  
 Lapis qui est caput anguli, Christus, Mat. 21. v. 42.  
 Lapis offensionis quando sit Christus, Mat. 21. v. 44.  
 Latrones duo cum Christo cur crucifixi, Mat. 27. v. 38.  
 Ambo in initio convitiati sunt, v. 44.  
 Latronis boni fides & caritas commendatur, Luc. 23. v. 40. 41. 42.  
 Paradisus à Christo ei promissus quis? v. 43.  
 Latus Christi perfossus, dextrumne fuerit, an sinistrum, Joan. 19. v. 34.  
 Laus humana non potest quæri tamquam merces bonorum operum, Mat. 6. v. 1.  
 Lazarus Marthæ & Mariæ frater ægrotat, Joan. 11. v. 1.  
 Moritur in Bethania, v. 14.  
 Resuscitatur à Christo, v. 43 & seqq.  
 Quot diebus manserit exanimis, v. 17.  
 Ipsi sepulchrum qualiter constructum, & an



- an nunc extet, v. 38.  
 Quomodo processerit è monumento ligatis  
 pedibus, v. 44.  
 Cur per alios solvi jubeatur, *ibid.*  
 Eum cum Christo occidere voluerunt Ju-  
 dæi, & eür, Joan. 12. v. 10.  
 Legio sacra prædicationi præmitti solita,  
 Luc. 4. v. 1.  
 Legatio S. Joannis Baptiste, Matth. 11. v. 2.  
 Legationis Apostolicæ summa, Matth. 10. v. 7.  
 Legio quid, Matth. 26. v. 53.  
 Lepra Judaica coloris magis quàm valetu-  
 dinis vitium, Luc. 17. v. 14.  
 Leprosus cur vocaretur Simon, Matth. 26. v. 6.  
 Leprosi extra commune hominum confor-  
 tium, Luc. 17. v. 11.  
 Cur ad Sacerdotes missi à Christo, Luc. 17.  
 v. 14.  
 Novem peccarunt ingratitudine, Luc. 17.  
 v. 18.  
 Eorum mundatorum historia allegoricè ex-  
 ponitur, *ibid.* v. 19.  
 Levare calcaneum, Joan. 13. v. 18.  
 Lex pro universa Scriptura veteris Testa-  
 menti, Joan. 10. v. 34. & c. 12. v. 34.  
 Lex nova ut facilis, Matth. 11. v. 30.  
 Lex urgens & premens Judæorum, Matth.  
 21. v. 33.  
 Promittebat temporalia, Evangelium spiri-  
 tualia, Luc. 16. v. 16.  
 Legem adimplevit Christus quadrupliciter,  
 Matth. 5. v. 17.  
 Leges positivas interpretandi ratio, Matth.  
 12. v. 8.  
 Legis doctor, legis peritus, Matth. 22. v. 35.  
 Tentat Christum de lege, Luc. 10. v. 25.  
 & seqq.  
 Libelli repudii forma, Matth. 5. v. 31.  
 Liberalem fecit Herodem temulentia & li-  
 bido, Marc. 6. v. 23.  
 Libertas à peccato in quo consistat, Joan. 8.  
 v. 34.  
 Libertati Judaicæ favebant Pharisei, Matth.  
 22. v. 16.  
 Liberum arbitrium fons omnis coinquina-  
 tionis & sanctitatis, Matth. 15. v. 18.  
 Libido quam sit crudelis, Marc. 6. v. 25. 26.  
 Librorum sacrorum divisio in legales, pro-  
 pheticos & hagiographos, Luc. 24. v. 44.  
 Limbus Patrum ab inferno damnatorum di-  
 stat, Luc. 16. v. 26.  
 Lingua Latina, Græca, & Hebraica divinis  
 officiis consecratæ, Joan. 19. v. 20.  
 Illarum trium, quibus expressus est crucis  
 titulus, allegoria, *ibid.*  
 Lites fugiendæ, Matth. 5. v. 40.  
 Lithostroton significat locum lapidibus stratum,  
 Joan. 19. v. 13.  
 Loculorum custodiam Christus Judæ com-  
 misit, Joan. 12. v. 6.  
 Locus & tempus nativitatis Christi accuratè  
 exponitur, Matth. 2. v. 1.  
 Locus novissimus pro humillimo, Luc. 14.  
 v. 8. 9. 10.  
 De eo pertinaciter contendere vitiosum est,  
*ibid.*  
 Locus judicii, Matth. 25. v. 32.  
 Locustæ quid? Matth. 3. v. 4.  
 Longanimitas Dei, Matth. 21. v. 36. & c. 25.  
 v. 19. Item c. 26. v. 10.  
 Loqui ex seipso, quid? Joan. 7. v. 17. 18.  
 Loquendo cur Christus sanaverit manum  
 aridam, Matth. 12. v. 13.  
 Lotio pedum usitata hospitibus, Joan. 13. v. 5.  
 Ejus allegorica expositio, *ibid.* v. 14.  
 Lubenter redit diabolus ad eos, quos semel  
 possedit, Marc. 9. v. 24.  
 Lucas Evangelista patriâ Antiochenus, arte  
 medicus, & pictor egregius, pinxit Chri-  
 stum, Mariam & Petrum, Lucæ Præfat.  
 An fuerit ex LXXII. Christi discipulis, *ibid.*  
 Ubi, & quo idiomate scripsit Evangelium, *ib.*  
 Quando, & quâ occasione scripsit, *ibid.*  
 Cur ejus Evangelium Paulus sibi appropriat,  
*ibid.*  
 Quibus gentibus Christum annuntiaverit, *ib.*  
 Suam diligentiam in conscribendo Evange-  
 lium commendat, & pseudo-evangelista-  
 rum negligentiam taxat, Luc. 1. v. 2.  
 Luciferi splendor ex oriente Sole minuitur,  
 Joan. 3. v. 30.  
 Lucitibicines adhibebant antiqui, Matth.  
 9. v. 23.  
 Ludibriis mordacissimis impetitur Christus,  
 Matth. 26. v. 67. 68. Item c. 27. v. 39.  
 Lumbi præcingendi, & lucernæ accenden-  
 dæ, Luc. 12. v. 35.  
 Lugentes consolabuntur, Matth. 5. v. 5.  
 Lunaticus quis dicatur, Marc. 9. v. 17.  
 Lupi in vestimentis ovium sunt Hæretici,  
 Matth. 7. v. 15.  
 Lupis comparantur persecutores Apostolo-  
 rum, Matth. 10. v. 16.  
 Lux vera quid? Joan. 1. v. 9.  
 Lyfania non fuit Herodis filius, Luc. 3. v. 1.  
Mag.

M

**M** *Agnoscere* pro magnum prædicare, Luc. 17. v. 15.  
 Magdalene pœnitentia, Luc. 7. v. 38  
 Fides & dilectio, *ibid.* v. 47. 50.  
 Magdalu castellum Galilæe juxta mare Tiberiadis, Luc. 8. v. 1.  
 Magi qui, undè & quando venerint, Matth. 2. v. 1.  
 Invenirent Christum in stabulo, v. 11.  
 Magicam artem in Christo convincere tentant falsi testes, Matth. 26. v. 61.  
 Magistratus Ecclesiasticus & Civilis curavit apprehendi Christum, Matth. 26. v. 47.  
 Magister qualiter, quis sit & vocetur, Matth. 23. v. 8.  
 Magistros probos vix imitamur, improbos etiam improbitate superamus, Matth. 23. v. 35.  
 Majorum facta tribuuntur filiis, Matth. 23. v. 35.  
 Majorum peccata quando & quàm justè puniantur in filiis, Matth. 23. v. 35.  
 Maledictio parentum super filios, miros effectus habet, Matth. 27. v. 25.  
 Maldonatus refellitur, Matth. 12. v. 1.  
 Maledictum quid sit? Joan. 9. v. 28.  
 Per *Malum* antonomasticè intelligitur diabolus, Matth. 13. v. 19.  
*Mammona iniquitatis* pro divitiis injustis, Luc. 16. v. 9.  
 Mammona quid? Matth. 6. v. 24.  
 Mandata Dei transgredi gravius est, quàm traditiones Pharisaicas, Matth. 15. v. 3.  
 Mandata hominum qualia improbet Christus, Matth. 15. v. 9.  
 Mandata II tabulæ cur sola adolescenti proponit, *ibid.* 19. v. 16.  
 Mandatum maximum dilectio, *ibid.* 22. v. 37.  
 De dilectione proximi in quo simili priori, *ibid.* 22. v. 39.  
 Cur mandatum non sit homini ut se diligat, *ibid.*  
 Mandata Præpositorum observanda, *ibid.* 28. v. 20.  
 Mandatum moriendi Christo datum, & ab eol' berè acceptatum, Joan. 10. v. 18.  
 Manducatio spiritualis Sacramentali præmittenda, Joan. 6. v. 51. 55.  
 Manducatio vera absque vera nutritione, Luc. 24. v. 43.

Manichæorum & Platoniorum error refellitur, Joan. 1. v. 3.  
*Manere in Christo*, quid? Joan. 15. v. 5. & seqq.  
 Manna in deserto datum Judæis à Deo, Joan. 6. v. 31.  
 Cur vocetur panis de cælo, Joan. 6. v. 32.  
 Mansiones variæ tam in cælo, quàm in inferno, Luc. 16. v. 23.  
 Mansuetudo Christi, Matth. 26. v. 49.  
 Mansuetus Christus, Matth. 21. v. 5. ejus signum, *ibid.*  
*Manus*, pro potestate, Joan. 10. v. 28.  
 Manum mittere ad aratrum, Luc. 9. v. 62.  
 Manipulus spicarum offerri solitus secundo die azymorum, hoc est, in die festo Paschatis, Matth. 12. v. 1.  
 Manum emortuâ Christus sanat, *ib.* 12. v. 10.  
*Manus Domini*, pro potestate, Luc. 1. v. 66.  
 Manuum elevatio benedicientibus familiaris, Luc. 24. v. 50.  
 Marcus Evangelista quis fuerit, in Præfat.  
 Probabilius est fuisse discipulum Petri, *ibid.*  
 Scripsit Græcè, *ibid.*  
 Mare Mediterraneum ab occasu Judææ, Luc. 12. v. 55.  
 Mare quomodo cesserit vestigiis Christi, Matth. 14. v. 25.  
 Maria antonomasticè Virgo, Luc. 1. v. 27.  
 Maria quid significet, *ibid.*  
 Cur dicatur desponsata Josepho, cum fuerit nupta? *ibid.* & Luc. 2. v. 5.  
 Quo sensu Dominus erat cum ea? Luc. 1. v. 28  
 An & quando virginitatem perpetuam voverit? Luc. 1. v. 34.  
 An interfuerit parvi Elizabethæ, Luc. 1. v. 56  
 Mariæ prudentia, modestia & taciturnitas, Luc. 2. v. 19. & 51.  
 Mariæ Virginis constantia, compassio, & amor, Joan. 19. v. 25.  
 Maria Cleopha unde sit dicta, *ibid.*  
 Maria Magdalena aditæ cruci, *ibid.*  
 Mariæ Virginis majores cur non apertè recenseantur in genealogia Christi, Matth. 1. v. 16.  
 Maria & Joseph ex eadem familia, *ibid.*  
 Cur desponsata fuerit, v. 18.  
 Cur eam Joseph dimittere voluerit, v. 19.  
 Magis beata, quia mente quàm quia carne Christum tulit, Matth. 12. v. 49.  
 Maria Magdalena soror Lazari & Marthæ, *ibid.* 26. v. 7.  
 Ejus opes & effectus, v. 9.



Humanitas, fides, charitas, v. 10.  
 Ejus cum Christo familiaritas, v. 12.  
 Pias in Christum, Matth. 27. v. 56.  
 Dux cæterarum piarum mulierum, *ibid.* 28. v. 1.  
 Martyrem Christi facit non poena, sed causa, *ibid.* 10. v. 39.  
 Martyrium, sicuti bellum, dulce inexper-  
 tis, *ibid.* 20. v. 22.  
 Matthæus scripsit Hebraicè in Præf. Matth.  
 Ante omnes alios, *ibid.*  
 Postponit se Thomæ, *ibid.* 10. v. 3.  
 Matthæi vocatio, *ibid.* 9. v. 9.  
 Martha senior Mariæ Magdalenæ & Lazaro,  
 Luc. 10. v. 38.  
 Maxilla altera quomodo præbenda percu-  
 tenti unam, Joan. 18. v. 23.  
 Maxillam dextram percutienti quomodo  
 præbenda & altera, Matth. 5. v. 4.  
 Medico comparatur Christus, *ibid.* 9. v. 12.  
 Medium seu intimum terræ cur appelletur  
 cor terræ, inferiora terræ, *ibid.* 12. v. 40.  
 Medico credere est ejus præcepta sequi, *ibid.*  
 21. v. 32.  
 Memoria judicii à Christo commendata, *ib.*  
 24. v. 42.  
 Merita Christi non obscurantur nostris me-  
 ritis, Joan. 16. v. 27.  
 Mercenarius quis dicendus, Joan. 10. v. 12.  
 Sine meritis præparatur, sed non datur reg-  
 nam cælorum, Luc. 12. v. 33.  
 Mensibus lunaribus utebantur Hebræi, Matth.  
 26. v. 17.  
 Mendacium loquitur, qui voluntate fallendi  
 contra mentem loquitur, Joan. 8. v. 44.  
 Mendax & Mentiens quomodo differant,  
 Joan. 8. v. 44.  
 Mensura bona conferta, coagitata, superet-  
 fluens exponitur, Luc. 6. v. 38.  
 Messis apud Judæos circa mensem Maium,  
 Joan. 4. v. 35.  
 Messis multa populi Judaici, Matth. 9. v. 37.  
 Metreta mensura æqualis batho in liquidis,  
 vel ephi in aridis, Joan. 2. v. 6.  
 Æquivaler amphoræ Romanæ, *ibid.*  
 Merempsychosis, Marc. 6. v. 14.  
 Militum circa Christum petulantia, Matth.  
 27. v. 27. sævitia 29.  
 Militum crucifigentium Christum nume-  
 rus, Joan. 19. v. 23.  
 Milites instruit salutariter, Luc. 3. v. 13. 14.  
 Mina seu mna quot drachmas quotque sicos  
 continet? Luc. 19. v. 13.

Miraculosa piscium captura, Joan. 21. v. 7?  
 & seqq.  
 Ejus allegorica expositio, Joan. 21. v. 11.  
 Miraculorum Christi multitudo & excel-  
 lentia, Joan. 15. v. 24.  
 Miraculorum examinatores, de ægritudinis  
 veritate inquirunt, Joan. 9. v. 19.  
 Miraculo falsum approbare non potest Deus  
 Joan. 5. v. 36.  
 Miracula sine necessitate non operatur Deus,  
 Matth. 15. v. 32.  
 Miracula sigilla veritatis, Marc. 16. v. 17.  
 Cur non semper fiant, *ibid.* Apostolorum  
 miracula non terribilia, sed benefica, v. 18.  
 Miraculo um vana est fiducia, si fidei non ad-  
 dit vita proba, Matth. 7. v. 22.  
 Miraculis confirmat Christus suam doctri-  
 nam, *ibid.* 8. v. 1.  
 Miracula refuscitæ filiz archisynagogi;  
 sanatæ hemorroissæ, cæcorum & muti  
 exposita allegoricè & tropologicè, *ibid.*  
 9. v. 22. Sanatorum cæcorum, *ibid.* 20.  
 v. 31.  
 Miraculorum virtutem dat Christus Apo-  
 stolis, *ibid.* 10. v. 1.  
 Miracula Apostolorum sunt magis benefica  
 quàm terribilia, *ibid.* 10. v. 8.  
 Miratur Christus, *ibid.* 8. v. 10.  
 Misericordia præfertur omni externo Dei  
 cultui, *ibid.* 12. v. 7.  
 Miseretur Christus populi Judaici, *ibid.* 9.  
 v. 36.  
 Misericordiam volo non sacrificium, *ibid.* 9.  
 v. 13.  
 Miseratio Dei summa erga peccatores, *ibid.*  
 18. v. 27.  
 Missio pastorum Ecclesiæ quænam legiti-  
 ma, Joan. 10. v. 7.  
 Misericordiæ operibus cur specialiter salus  
 tribuatur, Matth. 25. v. 35.  
 Miseriæ humanæ condolet Christus, Marc.  
 7. v. 34.  
 Missio in divinis supponit processionem,  
 Joan. 15. v. 26.  
 Mites qui possidebunt terram futuræ vitæ,  
 Matth. 5. v. 4.  
 Modus quo Deus fideles suos probat, *ibid.*  
 14. v. 27.  
 Modesti Christi in voce & moribus, *ibid.* 12.  
 v. 19.  
 Modus recumbendi ad mensam apud Orien-  
 tales, Joan. 13. v. 23.

Mola asinaria quid? Matth. 18. v. 6.  
 Monumenta cur inhabitabant dæmones,  
*ibid.* 8. v. 28.  
 Montana Judææ & montana Galilææ, Luc.  
 1. v. 39.  
 Mons Oliveti, Matth. 21. v. 1. distabat à Je-  
 rusalem mille passibus, *ibid.*  
 Ad montes cur fugiendum, *ibid.* 24. v. 16.  
 In montibus orare solitus Christus, *ibid.* 17.  
 v. 1.  
 In quo monte contigerit transfiguratio, *ibid.*  
 17. v. 1.  
 Mors Christi extremis tribulationibus vin-  
 dicata, *ibid.* 24. v. 21.  
 Mors cur somnus appellatur, *ibid.* 22. v. 32.  
 & Joan. 11. v. 11. 13.  
 Mors Christi consummatio appellatur, Luc.  
 13. v. 32.  
 Mors alia temporalis, alia æterna, Joan. 8.  
 v. 51.  
 Mortalia delicta non omnia æqualia, Joan  
 19. v. 11.  
 Morientibus pietatis exemplum præbuit  
 Christus, Matth. 27. v. 50.  
 Mortui tres à Christo resuscitati, ejus rei al-  
 legoria, Luc. 7. v. 15.  
 Mortui sciunt ea, quæ à vivis geruntur, Luc.  
 16. v. 25.  
 Mortua puella cur dormire dicatur, Matth.  
 9. v. 24.  
 Morti adjudicati ligantur, *ibid.* 27. v. 2.  
 Mortuorum corpora condiendi mos, *ibid.*  
 26. v. 12.  
 Moyses autoritate Dei instituit cathedram,  
*ibid.* 23. v. 2.  
 Moyses & Elias cur præ cæteris apparuerint  
 in transfiguratione, *ibid.* 17. v. 3.  
 Cur de morte & passione Christi tunc dis-  
 seruerint, *ibid.*  
 Moyses Dei essentiam in hac vita non vidit,  
 nec alius purus homo, Joan. 1. v. 18.  
 Moyses & Prophetæ fuerunt satores, Apo-  
 stoli messorum, Joan. 4. v. 36 & seq.  
 Moyses de Christo prophetavit passim, Joan.  
 5. v. 46.  
 Mulier nomen sexus, non corruptionis, Joan.  
 2. v. 4.  
 Mulieres morientem Christum non dese-  
 ruunt sicut Apostoli, Matth. 27. v. 55.  
 Earum studium commendatur, *ibid.* Ingres-  
 se sunt monumentum, *ibid.* 28. v. 8.  
 Mulieribus primò nuntiata resurrectio, *ibid.*  
 28. v. 9.

Mulier pro corrupta sumitur, *ibid.* c. 11. v. 11.  
 Multa pro infinitis, *ibid.* 10. v. 30.  
 Multiloquium inane fugiendum in oratio-  
 nibus, *ibid.* 6. v. 7.  
 Pro multis cur se moriturum dixerit Chri-  
 stus & non pro omnibus, *ibid.* 20. v. 28.  
 Item 26. v. 28.  
 Mundus totus in tenebris ignorantie sub ad-  
 ventum Christi, Joan. 12. v. 46.  
 Mundus sumitur pro mundi dilectoribus,  
 Joan. 14. v. 17. Item 15. v. 19.  
 Mundus multitariam sumitur, Joan. 17. v.  
 14. & 15.  
 A mundo affligi non est malum, Joan. 17.  
 v. 15.  
 Mundi fraudulenta indoles, Joan. 2. v. 10.  
 Mundus peccato perditus Salvatore indi-  
 git, Joan. 4. v. 42.  
 Mundus mari cur comparetur, Matth. 13.  
 v. 47.  
 Munerum à Magis oblatores significatio,  
*ibid.* 2. v. 11.  
 Munus filiorum quomodo prodesse paren-  
 tibus, *ibid.* 15. v. 5.  
 Mutilatio membri divinâ lege prohibita,  
*ibid.* 19. v. 12.  
 Mutuum dandum absque usura aut spe par-  
 is beneficii, Luc. 6. v. 35.  
 Myrrha à putredine præservat, Joan. 19.  
 v. 39.  
 Mystica explicatio sanati surdi & muti,  
 Marc. 7. v. 33.  
 Mystica expositio irrisorum & pænarum  
 Christi, Matth. 27. v. 30.  
 Mysticè explicata miracula Apostolorum,  
 Marc. 16. v. 18.

N

N Aaman Syri fides & gratitudo, Luc. 4.  
 v. 27.  
 Naim civitas ubi sita? Luc. 7. v. 11.  
 Nardum spicatum & foliatum, Matth. 26.  
 v. 7.  
 Nativitas Christi duplex, una æterna, alia  
 temporalis, Luc. 1. v. 35.  
 Natura corrupta renititur divinæ tractioni,  
 Joan. 6. v. 44.  
 Naturæ unitas cum personarum pluralitate  
 in Deo, Joan. 10. v. 30.  
 Natum pro concepto ponitur, Matt. 1. v. 20.  
 Navium & retium allegoria, Luc. 5. v. 11.  
 Navis,



- Navis, venti, pavor discipulorum allegoricè explicata, *ibid.* 14. v. 33.
- Nazaræorum abstinentia, Luc. 1. v. 15.
- Nazarenus unde dictus Christus, Matth. 2. v. 23.
- Necessitas non habet legem, *ibidem* 12. v. 3.
- Negationes Petri omnes in domo Caiphæ contigerunt, Joan. 18. v. 24.
- Negare Christum quid, & ejus pœna, Matth. 10. v. 33.
- Negligentia Apostolorum taxatur, Matth. 26. v. 40.
- Necomenia quale festum, Matth. 12. v. 1.
- Nesciri à Deo quid? Matth. 25. v. 12.
- Nestorii hæresis exploditur, Luc. 1. v. 43.
- Nicodemus ad Christum de nocte accessit, & cur? Joan. 3. v. 1. 2.
- Nicodemus furorem Judæorum in Christum mitigat, Joan. 7. v. 50 & seqq.
- Nihil in animæ facultatem irrepere debet quod ejus erga Deum dilectionem excludat, Matth. 22. v. 37.
- Nimis lata vix creduntur, Luc. 24. v. 41.
- Ninivitarum quomodo condemnabunt Judæos, *ibid.* 12. v. 41.
- Nisi, sæpè non est exceptivum, sed adversativum, *ibid.* 12. v. 39.
- Noctis postrema pars quæ, *ibid.* 14. v. 25.
- Dividebatur in quatuor partes, *ibid.*
- Noctibus morari solebat Christus in monte Oliveti, *ibid.* c. 24. v. 1.
- Noctè congregati Scribæ & Seniores, *ibid.* 26. v. 57.
- Nomen pro auctoritate, jussu, & vice, Luc. 24. v. 47.
- Nomen Dei quomodo sanctificetur, Matth. 6. v. 9.
- Nomen Dei per Christum hominibus manifestatum, quod? Joan. 17. v. 6.
- Nomina à Deo imponuntur rebus consentanea, Joan. 1. v. 42.
- Nathanæel in Scripturis eruditus, Joan. 1. v. 45.
- Christus confitetur Filium Dei, Joan. 1. v. 49.
- An idem cum Bartholomæo Apostolo, Joan. 1. v. 51.
- Nomine proprio compellat diabolus Christum, Marc. 1. v. 24.
- Noscendi verbum sæpè pro dilectione & approbatione usurpatur, Matth. 7. v. 23.
- Novo in sepulchro cur positus Christus, *ibid.* 27. v. 60.
- Erat illud instar cubiculi quadrati, *ibid.*
- Nubes cur tres personas gloriosas texerint in transfiguratione, *ibid.* 17. v. 5.
- Nubibus tamquam curru triumphali vehetur Christus in extremo judicio, *ibid.* 24. v. 30.
- Numero denario universitas exprimitur, Matth. 25. v. 1.
- Numerus certus pro incerto, *ibid.* 18. v. 22.
- Item c. 19. v. 29 *ibid.* 12. v. 45. Item c. 13. v. 23. Luc. 3. v. 11.
- Nummi signabantur imagine Principis, *ibid.* 22. v. 20.
- Numismata magna vel parva cudebant Romanis pro ratione centus, *ibid.* 22. v. 19.
- Quantus fuerit denarius qui Romanis persolvebatur, *ibid.*
- Nuptiale convivium, quo homines spiritaliter pascuntur, Matth. 22. v. 1.
- Ad nuptias spirituales venire est credere, *ibid.* 22. v. 3.

## O

- Obedientia absolutissima injungitur respectu Phariseorum, Matth. 23. v. 3.
- Obedientiæ promptissimæ exemplum in Matthæo, Matth. 9. v. 9.
- Obedire Christi mandatis est eum confiteri, Matth. 10. v. 32.
- Oblationes templo & altari non sunt sanctiores, *ibid.* 23. v. 17.
- Obscure loquitur Christus in pœnam incredulitatis, *ibid.* 13. v. 13.
- Obscuriora per clariora exponi debent, non contrà, Luc. 22. v. 20.
- Observatio sabbati incipiebat post occasum, Matth. 27. v. 57.
- Obsessiones diabolicæ non semper contingunt propter actualia peccata obsessorum, Marc. 9. v. 20.
- Obstetrix in Christi nativitate nulla præter matrem intervenit, Luc. 2. v. 7.
- Obstinatio maxima Judæorum, Matth. 11. v. 25.
- Obumbrare, Luc. 1. v. 35.
- Occasio ad quærendam causam & fructum mortis Christi, Matth. 27. v. 46.
- Quâ occasione Jesus per Judam proditus, *ibid.* 26. v. 6.

Occidendi Christum causæ, Matth. 21. v. 38.  
 Occisio puerorum, *ibid.* 2. v. 16.  
 Fuerunt numero, quatuordecim millium, v. 18.  
 Occulta vitia non mox detegenda, Matth. 26. v. 10.  
 Octavius cur Cæsar dictus, & cur Augustus, Luc. 2. v. 1.  
 Oculi Apostolorum beati & quare, Matth. 13. v. 16.  
 Oculis corporis videntes miracula non semper vident oculis cordis, *ibid.* 13. v. 13.  
 Oculorum sublevatio inter orandum frequens, & cur, Joan. 17. v. 1.  
 Oculorum apertio non præsupponit omnimodam cæcitatem, Luc. 24. v. 30.  
 Oculi malus Hebræis significat invidiam, Matth. 20. v. 15.  
 Oculi pro mente ut intellectum & voluntatem continet, Luc. 11. v. 36.  
 Oculi scandalizans erudendus, Matth. 5. v. 29.  
 Oculi pro oculo emendus, v. 38. si sit nequam, *ibid.* 6. v. 23.  
 Odium mundi sustinendum ad exemplum Christi, Joan. 15. v. 18.  
 Offensæ hominum in homines incomparabiliter minores, quàm offensæ in Deum, Matth. 18. v. 28.  
 Oleo charitas comparatur, *ibid.* 25. v. 2. vel bona opera, *ibid.*  
 Oleum lenit, fovet, sanat vulnera, Luc. 10. v. 34.  
 Oliveti mons inter Jerusalem & Bethaniam medius, Luc. 24. v. 50.  
 Omniscentiam suam manifestat Christus, Matth. 21. v. 3.  
 Onus incumbens principatui Ecclesiæ, *ibid.* 20. v. 26.  
 Opera bona quomodo occultanda, *ibid.* 9. v. 31.  
 Opera miraculosa Christi clarè probant ejus divinitatem, Joan. 14. v. 11.  
 Opera omnia Christi redundant in miserorum utilitatem, Marc. 7. v. 37.  
 Opera præcepta possunt esse meritória, Luc. 17. v. 10.  
 Opera superogationis consuluntur cum spe mercedis, Luc. 6. v. 38.  
 Opera Trinitatis ad extra sunt indivisa, Joan. 14. v. 10.  
 Operarii pauci qui Evangelium prædicent, Matth. 9. v. 37.

Operarios bonos mittere & facere est Christi, *ibid.* 9. v. 38.  
 Ex operibus cognoscendi Pseudo prophetæ, *ibid.* 7. v. 16.  
 Orandum in abscondito, *ibid.* 6. v. 5. & 6. Item c. 26. v. 36.  
 Orandum ut fugæ necessitas non veniat hyeme vel sabbatho & quare, *ibid.* 24. v. 20.  
 Orandum sine intermissione, Luc. 18. v. 1.  
 Oratio ad Patrem dirigenda per Christum, Joan. 14. v. 14.  
 Oratio Christi pro Apostolis & eorum successoribus, Joan. 17. v. 20.  
 Oratio cum religione mutatur, Luc. 11. v. 1.  
 Oratio Dominica exponitur, Matth. 6. v. 9.  
 Oratio & jejunium fidei adjungi debent, *ibid.* 17. v. 20.  
 Orationes à Christo funduntur in cælis pro fidelibus, Joan. 16. v. 26.  
 Orationis conditiones, Luc. 11. v. 9.  
 Orationes necessitas, Matth. 6. v. 8.  
 Orphanus denotat filium parentibus orbatum, Joan. 14. v. 18.  
 Osanna quid significet, Matth. 21. v. 9.  
 Ostendere, pro facere, Joan. 10. v. 32.  
 Osculi signum cur elegerit Judas, Matth. 26. v. 48.  
 Otio paratur aditus diabolo, Matth. 12. v. 44.  
 Est ornamentum ei gratissimum, *ibid.*  
 Otium punitur, Matth. 25. v. 18.  
 Otiosum verbum quid, Matth. 12. v. 36.  
 Oves à pastoribus pascendæ ex amore Christi, Joan. 21. v. 15.  
 Oves Christi universum subjiciuntur Petro tamquam pastori, *ibid.*  
 Oves, pro Episcopis: *Ovicula*, pro minoribus Presbyteris, *ibid.*  
 Oves pastorem suum cognoscunt, Joan. 10. v. 14.  
 Oves pro solis electis subinde in Scriptura sumuntur, Joan. 10. v. 6. 26.  
 Ovibus nihil simplicius, innocentius, Matth. 10. v. 16.

P

Pacifici cur filii Dei, Matth. 5. v. 9.  
 Pallia cur posita super asinum, Matt. 21. v. 7.  
 Palmitem ferentem fructum Deus purgat, & qualiter, Joan. 15. v. 2.  
 Panis à Christo benedictus, Matth. 26. v. 26.

Panum



Panum multiplicatio quomodo à Christo facta in deserto? Joan. 6. v. 11.  
 Panis nomine quid intelligatur, Matth. 6. v. 11.  
 Panis pro cibo quocumq; sumitur, Luc. 14. v. 1.  
 Panes propositionis, Matth. 12. v. 4.  
 Parabola de filio prodigo, Luc. 15. v. 11. & seqq.  
 Parabola de villico iniquitatis exponitur, Luc. 16. v. 1. & seqq.  
 Parabola de Phariseo & Publicano orantibus, Luc. 18. v. 10 & seqq.  
 Parabola de drachma perdita, Luc. 15. v. 8.  
 Parabola invitatorum ad cœnam, Luc. 14. v. 17. & seqq.  
 Parabola de decem virginibus, Matt. 25. v. 1.  
 De talentis, v. 14.  
 Parabola de ove perdita allegoricè exponitur, Luc. 15. v. 2. & seqq.  
 Parabola incidentis in latrones in via Hierichontina, Luc. 10. v. 29.  
 Applicatur lapsui generis humani, Luc. 19. v. 37.  
 Parabola quid? Matth. 13. v. 3.  
 Cause utendi parabolicis sermonibus, *ib.* & v. 35.  
*In parabolis loqui*, id est, obscure, Matth. 13. v. 3.  
 Parabola de semine & verbo Dei, *ibid.* 19.  
 De bono semine & zizania, v. 24.  
 De grano sinapis, v. 31.  
 De fermento, v. 33.  
 De thesauro abscondito, v. 44.  
 De margarita & sagena missa in mare, v. 47.  
 De homine rege, *ibid.* 20. v. 1.  
 De denario diurno, *ibid.* 21. v. 21.  
 De duobus filiis, *ibid.* 21. v. 28.  
 De patrefamilias, v. 3.  
 De homine rege, *ibid.* 22. v. 1.  
 De servo fideli, *ibid.* 24. v. 45.  
 De semine, *ibid.* 4. v. 27.  
 Paracletus consolatorem denotat, Joan. 14. v. 15.  
 Paradisus locum voluptatis & amenitatis denotat, Luc. 23. v. 43.  
 Bono latroni à Christo promissus, quis? *ibid.*  
 Parasceve quid significet, Matth. 27. v. 62.  
 Parvulos benedicendi consuetudo, *ib.* 19. 13.  
 In quo imitandi, *ibid.*  
 Parentes quomodo odio habendi? Luc. 14. v. 24.  
 Parentum erga Christum reverentia & veneratio, Luc. 2. v. 50.

Parvulis in quo debeamus esse similes, Matt. 16. v. 3.  
 Pascere quid importet, Joan. 21. v. 15.  
 Pascha celebrandi ritus, Matth. 26. v. 17.  
 Vox Pasche explicatur, *ibid.* 26. v. 1.  
 Pascha primum post Christi baptismum & jejunium, Joan. 2. v. 13.  
 Pascha secundum post Christi baptismum, Joan. 5. v. 1.  
 Pascha tertium à baptismo Christi, Joan. 6. v. 4.  
 Pascha quartum à baptismo Christi, Joan. 11. v. 55 & 13. v. 1.  
 Pascha transitum sive transitum significat, Joan. 13. v. 1.  
 Pascha pro diebus paschalibus, qui erant septem, Joan. 2. v. 23.  
 Pasche festum pro primo die azymorum, *ibid.*  
 Pascha usurpatur pro victimis tempore paschali offerendis, Joan. 18. v. 28.  
 Passionem Christi & nostrarum discrimen, Matth. 26. v. 38.  
 Passionem suam cur prædixit sapius Christus, Matth. 26. v. 1.  
 Passeres & abjectissimæ quæque res divinâ providentiâ reguntur, Matth. 10. v. 29.  
 Passionem suam cur & quando palam prædixit Christus Apostolis, Matth. 16. v. 21.  
 Pastoris veri indicia, Joan. 10. v. 3. 4. 6.  
 Pastoribus Ecclesiæ semper aderit Christus, Matth. 28. v. 20.  
 Pater & Spiritus S. an cum Christo judicaturi, Joan. 5. v. 22.  
 Pater est major Christo, ut homine, non ut ur Deo, Joan. 14. v. 8.  
 Pater æternus docuit Filium, quatenus sciens scientem genuit, Joan. 8. v. 28.  
 Pater multis modis glorificavit Christum, *ibid.* v. 54.  
 Pater cur vocetur Deus, Matth. 6. v. 9.  
 Pater æternus principium Filii & Spiritus sancti, Joan. 1. v. 1.  
 Pater noster qualiter nominetur Deus, Matt. 23. v. 9.  
 Patientia Christi admirabilis, Matth. 26. v. 8.  
 Patientia Christi divinitatis argumentum, Matth. 27. v. 40.  
 Patientia commendatur, Matth. 5. v. 41.  
 Petrem & matrem plusquam Christum amans non est dignus nomine discipuli Christi, Matt. 10. v. 37.

Patres tam in lege naturæ quàm Moyſaica  
per Chriſtum juſtificati anticipativè, &  
ex limbo per ejus deſcenſum liberati,  
Luc. 1. v. 72.

Patria Chriſti triplex, Matth. 13. v. 54.

In ea pauca fecit miracula, v. 58.

Erat iis indigna, *ibid.*

Paulus Apoſtolus quâ ratione plus omnibus  
laboravit, Joan. 4. v. 38.

Pauperibus factum, & reputat Deus ſibi fa-  
ctum, Matth. 25. v. 40.

Pauperibus promittit regnum, *ibid.* 11. v. 5.

Pauperibus opes diſtribuendæ, *ibid.* 19. v. 21.

Pauperes cur ſemper ad manum habebimus,  
*ibid.* 26. v. 11.

Paupertas ſpiritus in quo conſiſtit, *ibid.* 5. v. 3.

Pax à Chriſto commendatur, Marc. 9. v. 49.

Pax Chriſti & pax mundi qualiter differant?  
Joan. 14. v. 27.

Pax finis omnium deſideriorum, Matth. 10.  
v. 12.

Pace dignus ſi quis ſit, illam recipiet; ſin-  
minus, ea ad Apoſtolos redibit, *ibid.* 10.  
v. 13.

Pax mundi nequitia impunita, Matth. 10.  
v. 34.

Pax ſumitur pro omni proſperitate mentis  
& corporis, Marc. 5. v. 34.

Peccantium in Chriſtum poena in hoc ſe-  
culo & futuro, Matth. 21. v. 44.

Peccatum dimittendum ſemper & quo-  
modò, *ibid.* 18. v. 22.

Peccata crefcere in immenſum non finit  
Deus, *ibid.* 23. v. 32.

Ubi peccatum abundavit, ſuperabundavit  
gratia, Marc. 16. v. 9.

Peccatum antonomatiçè appellatur malum  
Joan. 17. v. 15.

Peccare in cælum, Luc. 14. v. 14.

Peccata iterata propter ingrati tudinem gra-  
viora, Joan. 5. v. 14.

Peccatrix pro meretrice, Luc. 7. v. 37.

Pecuniam in oculis ferre prohibentur Apo-  
ſtoli, Matth. 10. v. 9.

Pedes allegoricè ſignificant humanos affe-  
ctus, Joan. 13. v. 10.

Pelagianorum error circa Baptiſmi neceſſi-  
tatem, Joan. 3. v. 5.

Pœnitentiam in Juda quid excitaverit  
primò, Matth. 26. v. 50.

Pœnitentiam non agit qui indulgentiam  
non ſperat, Luc. 24. v. 47.

Pœnitentia eſt plus quàm nova vita, Matth.  
11. v. 21.

Pœnitentiam prædicat Joannes, Matth. 3. v.

8 ab ea incipit etiam Chriſtus, *ibid.* 4. v. 17.

Pœnitentiæ Judæ quid deſuerit, *ibid.* 27. 3.

Pergrini non ſolum invitandi, ſed & co-  
gendia ad hoſpiti um, Luc. 24. v. 29.

Peræa Herodi ſubjecta, Luc. 13. v. 31.

Perſectio Chriſtiana in quo conſiſtat, Matt.  
19. v. 21.

Pericula vitanda ubi charitas non poſtulat  
viram proſundi, Joan. 7. v. 1.

Perjurium vetitum, Matth. 5. v. 33.

Perſeverantia ſola coronatur, *ibid.* 10. v. 22.

Perſeverantia commendatur, *ibid.* 24. v. 13.

Perſonarum divinarum una ſine reliquis  
cognoſci nequit, Joan. 14. v. 7.

Petenti dandum, Matth. 5. v. 42.

Petite & dabitur vobis, quomodò intelli-  
gatur, Matth. 7. v. 7.

Petrus & Andreas vocantur, Matth. 4. v. 18.

Quare piſcatores hominum, v. 19.

Petrus cur nominatim exprimatur, Matth.  
28. v. 7.

Ejus humilitas & timor, Luc. 5. v. 8.

Cur primus Apoſtolorum dicatur, Matth.  
10. v. 2.

Collegii Apoſtolorum caput, Joan. 6. v. 69.

Ejus ætas, Joan. 21. v. 18.

Junior Andreæ fratre ſuo, Joan. 1. v. 41.

Baptizatus à Chriſto, Joan. 3. v. 22.

Fit paſtor Eccleſiæ, Joan. 21. v. 15.

Ferventioris fidei quàm alij, Matth. 16. v.  
16. Item 26. v. 33.

Alia ipſius encomia *ibid.*

Ejus confeſſio quàm perfectæ, *ibid.*

Myſterium iſtius nominis, v. 18.

Fundamentum ſecundarium totius Eccleſiæ,  
*ibid.*

Ejus primatus, v. 19.

Aſperius à Chriſto reprehenditur, Matth.  
16. v. 23.

Cur voluerit fieri tria tabernacula, Matth.  
17. v. 4.

Ejus triplex peccatum, *ibid.* 26. v. 33.

Fervor, v. 51.

Obedientia, v. 52. Audacia, v. 58.

Negat diſcipulatum Chriſti, & fidem Chri-  
ſtianam, v. 70.

Mendacio adjectum perjurium, v. 72.

Galli cantu admonet pœnitentiæ, v. 75.

Ei è carcere Romano fugienti apparet Chri-  
ſtus,



Itus, Joan. 11. v. 19.  
 Immeritò à Calvino reprehenditur, Matth.  
 14. v. 28.  
 Laudatur à SS. Patribus, *ibid.*  
 Ardor dilectionis ejus, *ibid.*  
 De quo dubitaverit, v. 31.  
 Phœnicia duplex, Matth. 15. v. 22.  
 Phares & Zoram cur ambo memorentur,  
*ibid.* 1. v. 5.  
 Pharisei hypocritæ ex duplici titulo, *ibid.*  
 15. v. 7. Item 22. v. 10.  
 De iis bene prophetavit Isaias, *ibid.*  
 Eorum opera contraria voluntati Dei, v. 8.  
 Tentant Christum, Matth. 19. v. 3.  
 Pharisei & Sadducei sectæ capitaliter inter  
 se contrariæ, Matth. 16. v. 1.  
 Eorum doctrina cur fermento comparetur,  
*ibid.* v. 6.  
 Cum debuissent primi credere Joanni, ne-  
 quidem secuti sunt exemplum publica-  
 norum & meretricis, *ibid.* 21. v. 32.  
 Pharisei & Scribæ plerique fuerunt simul  
 ex ordine Levitico ac Sacerdotali, *ibid.*  
 23. v. 2.  
 Iis ferè incumbere gubernare populum &  
 magistratum gerere, *ibid.*  
 Pharisei ne minimum conatum faciebant  
 ad observanda præcepta legis, *ibid.*  
 Gloriam humanam semper aucupabantur,  
 v. 5.  
 Phylacteria amplioribus utebantur, quam  
 cæteri, *ibid.*  
 Affectabant primaloca inconviviis, v. 6.  
 Paratos credere in Christum revocabant,  
 v. 12.  
 Hypocritæ, v. 15. Cæci seu ignorantes, v.  
 16. Avari, v. 18.  
 Stulti, v. 17. Pleni fraudibus & injustitiâ,  
 v. 25.  
 Calumniantur, Matth. 9. v. 34 & 12. v. 3. & 24.  
 Disputando vexant discipulos Christi, Marc.  
 9. v. 13.  
 Vanæ gloriæ cupidi, Joan. 5. v. 44.  
 Pharisei Christum imitantis multiplex ig-  
 norantia, Luc. 7. v. 39.  
 Phariseis pietatis larva detrahitur, Matth.  
 23. v. 1.  
 Gravissimè perstringuntur, *ibid.*  
 Interrogant non ut discant, sed ut carpant,  
 Matth. 12. v. 10.  
 Eorum adulario, *ibid.* 22. v. 16.  
 Nequitia, v. 18.

Philippus ante alios Apostolos ad individuâ  
 sequelam à Christo vocatus, Joan. 1. v. 43.  
 Phylacteria quid? Matth. 23. v. 5.  
 Piger servus quomodo puniendus, *ibid.* 25.  
 v. 26.  
 Pilatus gubernator Judææ à Tiberio consti-  
 tutus, *ibid.* 27. v. 2.  
 Ejus impietas & insipientia taxatur, Joan.  
 19. v. 10.  
 Fuit Judææ Præses per annos decem, Luc. 3.  
 v. 1.  
 Anno tertio præfecturæ ejus Christus præ-  
 dicare cœpit, *ibid.*  
 Suberat Præsidi Syriæ instar procuratoris,  
*ibid.*  
 Voluit Christum absolvere, Joan. 18. v. 38.  
 & 19. v. 4. 5.  
 Excusabat Christum de affectata Regis dig-  
 nitate, Matth. 27. v. 12.  
 Aggravat ea, quæ objiciebantur, ut respon-  
 sum & defensionem eliceret, v. 13.  
 Miratur vehementer mæsuëtudinem Chri-  
 sti, v. 14.  
 Conatur Christum liberare, v. 17. 18. 19. 20.  
 26.  
 Idem conatur ejus uxor, v. 19.  
 In quo peccaverit, v. 22.  
 Populum facit testem innocentie, v. 23.  
 Non potest excusari, v. 24.  
 Cur manus laverit, *ibid.*  
 Non tulit sententiam mortis in Christum,  
 v. 26.  
 Piscatores hominum ferari, & poenitentiae  
 vacare subindè debent, Luc. 5. v. 2.  
 Piscina probatica Jerosolymitana, Joan. 5.  
 v. 2.  
 Plautus & fama ex beneficiis non quærenda,  
 Marc. 7. v. 36. 8. 26.  
 Plenilunium erat moriente Christo, Matth.  
 27. v. 45.  
 Eo tempore naturaliter non potest fieri  
 eclipsis Solis, *ibid.*  
 Plenitudinem spiritus habuit Christus, *ibid.*  
 12. v. 18.  
 Plenitudo gratiæ Christi, Joan. 1. v. 14.  
 Porphyrius Christum inconstantie arguit  
 sed perperam, Joan. 7. v. 8.  
 Porticus Salomonis, *ibid.* 10. v. 23.  
 Parasceve quid? *ibid.* 19. v. 14. 31.  
 Præcepta antiquæ Legis quatenus importa-  
 bilia, Matth. 23. v. 4.  
 Præcepta Dei quomodo facilia, *ibid.* 11. v. 30.  
 Præ-

Præceptor plus importat quàm Doct̃or, Luc. 17. v. 13.  
 Præceptorum asperitas temperatur spe promissionis, Matth. 10. v. 40.  
 Præceptum de non conferendis perâ, calceamentis, quò pertineat, *ibid.* 10. v. 10.  
 Precibus nullus erit post iudicium locus, *ibid.* 25. v. 10.  
 Prædestinationis mysterium, *ibid.* 11. v. 21.  
 Prædestinationis certitudo, Joan. 6. v. 37.  
 Ea cognita debet esse causa diligentia, Mat. 24. v. 25.  
 Est gratuitum Dei donum, *ibid.*  
 Prædictur Petri martyrium, Joan. 21. v. 18.  
 Prædicabitur Evangelium in universo orbe, antequam finis mundi veniat, Matth. 14. v. 14.  
 Prædicatores Evangelii digni sunt sustentatione sua, *ibid.* 10. v. 10.  
 Prælati Ecclesiæ qualiter præesse debeant, *ibid.* 20. v. 26.  
 Præsentia realis corporis Christi in Eucharistia, Joan. 6. v. 51.  
 Præsidibus tradentur Apostoli, Matth. 10. v. 18.  
 Præsumptio quid sit, & unde oriatur, *ibid.* 4. v. 7.  
 Præsulum Ecclesiæ præcellens beatitudinis gradus, *ibid.* 24. v. 47.  
 Non debent abuti sua potestate, v. 49.  
 Nec patrimonium Christi prodigere, *ibid.*  
 Eorum autoritas, *ibid.* 18. v. 17. 18.  
 Præteritum pro futuro prophetice usurpatum, Luc. 1. v. 68. 2. 31.  
 Prætorium non intraverunt Judæi, Matth. 27. v. 11.  
 Quid sit, v. 27.  
 Ejus ingressus an manducaturis Pascha prohibitus, Joan. 18. v. 28.  
 Pretium sanguinis non poterit converti in usum templi, Matth. 27. v. 7.  
 Prima sabbathi cur vocetur dies Dominicus, *ibid.* 28. v. 1.  
 Primo-genitus non respicit secundo-genitum, Luc. 2. v. 7.  
 Primus locus pro honoratiori sumitur, *ibid.* 14. v. 8. 9. 10.  
 Principes Sacerdotum suo facto arguit Judas, Matth. 27. v. 4.  
 Principes Sacerdotum apparatu, & pompâ suâ putabant Christum terrere, *ibid.* 21. v. 23.

Eorum mendacium, v. 27. Autoritas, v. 23.  
 Principes sacerdotum qui, Matth. 2. v. 14.  
 Prodigia in Christi passione multa significant, *ibid.* 27. v. 51. 52.  
 Proditionem sui cur prædixit Christus, *ibid.* 26. v. 21. Cur Prophetæ, v. 56.  
 Profectus quem faciunt homines; cur & unde diversus, Matth. 13. v. 23.  
 Profectus hominis sit paulatim, Marc. 4. v. 28  
 Proles in utero matris 276. diebus, id est, mensibus novem & diebus sex, Luc. 2. v. 6.  
 Promulgari non vult Christus ab Apostolis sublimen de sua divinitate fidem, Matth. 16. v. 20.  
 Nec transfigurationem, *ibid.* 17. v. 9.  
 Propheta cur sine honore in patria sua, Luc. 4. v. 24.  
 Prophetæ non tantum futura, sed & præsentia arcana vident, Joan. 4. v. 19.  
 Prophetæ omnes de Christo prophetaverunt, Luc. 1. v. 70.  
 Prophetam non perire extra Jerusalem quo sensu verum, Luc. 13. v. 38.  
 Propheta pro doctore Evangelii, Matth. 10. v. 41.  
 Prophetia tribus modis impletur, *ib.* 2. v. 15.  
 Propositio operatoria quid demonstret, *ibid.* 26. v. 26.  
 Proverbium & parabolâ quomodo differant, Joan. 10. v. 6.  
 Profelytus quis? Matth. 23. v. 15.  
 Providentia divina cur citius bello Judaico finem imposuerit, *ibid.* 24. v. 22.  
 Provisio rerum futurarum quatenus permixta, *ibid.* 6. v. 34.  
 Proximus quis dicendus, Luc. 10. v. 36. 37.  
 Psalmos quinque legere solebant Judæi post comestum agnum Paschalem, Matth. 26. v. 30.  
 Pseudo-Evangelistæ ante Lucam conati sunt Evangelium scribere, sed non potuerunt complere, Luc. 1. v. 1.  
 Pseudo-Christi habebunt suos Pseudo-prophetas, Matth. 24. v. 24.  
 Pseudo-prophetarum nomine comprehenduntur hæretici, *ibid.*  
 Edunt pseudo-miracula, *ibid.*  
 Pseudo-pastores non audiuntur ab ovibus, Joan. 10. v. 8.  
 Publicani qui? Matth. 5. v. 46.  
 Publicani & meretrices præcedent Scribas & Phariseos in regno calorum, *ib.* 21. v. 31.



Publicanos & peccatores Christus recipit, Luc. 15. v. 1.  
Publico latroni postponitur Christus, Matth. 27. v. 21.  
Publicos defectus publicè reprehendit Christus aliàs non, Marc. 9. v. 28.  
Pugillarium frequens usus apud veteres, Luc. 1. v. 63.  
Pulmentarium quid? Joan. 21. v. 5.  
Pulverem de pedibus cur excuteret Apostoli, si non recipiebatur Evangelium, Matth. 10. v. 14.  
Purgationis lege non obligabatur Virgo Deipara, Luc. 2. v. 22.  
Purgatorium adstruitur, Matth. 12. v. 32.  
Purpura cultum externum designat, Luc. 16. v. 19.  
Pusillus grex fidelium Christo pastori subditus, Luc. 12. v. 32.  
puteus Jacob in latere montis Garisim, Joan. 4. v. 20.

Q

Quadrans idem quod teruncius, & quanti valeat, Marc. 12. v. 42.  
Quasi dubitative, pro circiter, Luc. 3. v. 23.  
Quasi, non semper similitudinem, sed subinde proprietatem denotat, Joan. 1. v. 14.  
Quarta vigilia noctis quid, Matth. 14. v. 25.  
Quatuor generibus beatorum, totidem genera miserorum opponuntur, Luc. 6. v. 24. & seqq.  
Sine querela incedere, non excludit culpas veniales, Luc. 1. v. 6.  
Querimonia naturæ derelictæ, Matth. 27. v. 46.  
Quæstionibus captiosis conantur Pharisei Christum tentare, *ibid.* 22. v. 15.  
Quia, in Scripturis frequenter redundat, Luc. 4. v. 21.  
Quia, phrasi Hebraicâ quandoque redundat, Matth. 16. v. 7.  
Quies Christi post labores, *ibid.* 24. v. 3.  
Quinquaginta annos non habuit Christus, contra Irenæum, Joan. 8. v. 57.

R

Rabbi honoris ac dignitatis nomen à scientiâ & virtute desumptum, Joan. 1. v. 38.  
Rabboni quid significet, Joan. 20. v. 16.  
Racha quid? Matth. 5. v. 22.

Rachelis nomine intelligitur regio Bethlehæm, *ibid.* 2. 18.  
Rama an nomen proprium, *ibid.*  
Ramos de oleis & Palmis cur cædunt Judæi, transeuntè Christo, *ibid.* 12. v. 8.  
Ratio reddenda etiam verbi otiosi, *ibid.* 12. v. 30.  
Rebus & verbis Christus docuit, *ibid.* 18. 2.  
Redemptio captivitatem respicit, & soluto pretio peragitur, Luc. 1. v. 68.  
Regem se dicere Christus poterat in Romano imperio sine læsâ Majestate, Matth. 27. v. 11.  
Regem terrenum expectant Judæi, *ibid.* 22. v. 42.  
Regeneratio triplex, *ibid.* 19. v. 28.  
Reges impii *vulpes* appellantur, Luc. 13. 32.  
Regiâ authoritate utitur Christus, Matth. 12. v. 12.  
Regiam magnificentiam plebeîâ humilitate temperat Christus, *ibid.* 21. v. 3.  
Quomodo fecerit ne ridicula videretur, *ibid.*  
Regina Sabæ quanta, *ibid.* 12. v. 42.  
Gessit typum Ecclesiæ gentium, *ibid.*  
Regio Judæorum in vastitatem redigenda, *ibid.* 23. v. 38. Subtrahente Christo gratiam & protectionem, v. 39.  
Regis titulum apud Judæos nulli licebat assumere abique Romanorum concessione, Joan. 19. v. 12.  
Regnum cælorum quomodo vim pati dicatur, Matth. 11. v. 12.  
Regnum Dei quid? *ib.* 3. v. 2. c. 6. v. 10. c. 13. v. 24. 31.  
Regnum Christi inchoatum, propagatum, completum, Luc. 1. v. 33. 34.  
Regnum Christi quo sensu non fuerit de hoc mundo, Joan. 18. v. 36.  
Regnum Dei statim manifestandum putabant Judæi, Matth. 21. v. 9.  
Regnum Christi stabile, & super calumniam eis, Joan. 19. v. 22.  
Regulus venit ad Christum pro sanitate filii, Joan. 4. v. 47.  
Reprehenditur ejus incredulitas, v. 48.  
Reliquiarum cultus stabilitur, Matth. 14. v. 36. Marc. 5. v. 33.  
Repetitio nominis attentioni excitandæ servit, Luc. 22. v. 31.  
Repetitio constantiam denotat, Joan. 1. v. 20.  
Reprehensio odium parit, Joan. 7. v. 7.  
Reprobi significantur nomine *mundus*, Joan. 17. v. 9.

Re-

Repudii libellus cur permissus, *Matt. 5. v. 31.*  
 Ejus causæ, *v. 32.*  
 De repudio uxorum controversia, *ib. 19. v. 3.*  
 Est contra naturam & legem, *v. 6.*  
 Permissum propter duritiam Judæorum, *v. 8.*  
 Reprobatorum condemnatio, *ibid. 25. v. 41.*  
 Reprobatio propter negligentiam utendi  
 donis Dei, *ibid. 25. v. 29.*  
 Rerum similitudines difficulter à rebus dis-  
 cernuntur, *Joan. 20. v. 29.*  
 Reverentia Herodis in Joannem, *Marc. 6.*  
*v. 20.*  
 Populi in Christum, *Marc. 9. v. 14.*  
 Discipulorum, *ibid. 10. v. 32.*  
 Respondere, pro sermonem ordiri vel profe-  
 qui, *Matth. 11. v. 25.*  
 In resurrectione corpora integrè resumenda,  
*Joan. 6. v. 39.*  
 Post resurrectionem missi multi Prophetæ  
 ad prædicandum, *Matth. 23. v. 34.*  
 Multi doctores, *ibid.*  
 Resurrectionem imperare Dei est, postulare  
 hominum, *Luc. 7. v. 14.*  
 Resurrectionis signum in Jona præfiguratum  
*Matth. 12. v. 49.*  
 Resurrectio mortuorum moriente Christo,  
*ibid. 27. v. 52.*  
 Resurrectionis Christi futuræ fama, *ibid. 27.*  
*v. 63.*  
 Eam conati sunt impedire vel obscurare Ju-  
 dæi, *v. 64.*  
 Ejus fidem quomodo adstruat Angelus, *ibid.*  
*28. v. 6.*  
 Ejusdem illustre ab inimicis testimonium,  
*v. 11.*  
 Resurrectionis fides erat apud Judæos, *Marc.*  
*6. v. 14.*  
 Circa resurrectionem error, *Matth. 22. v. 29.*  
 Eam cur quidam non crederent, *Marc. 16. v. 13.*  
 Retium resurrectio quid significet, *Matth. 4.*  
*v. 21.*  
 Rete Apostolorum piscantium post Christi  
 resurrectionem non scinditur multitudine  
 piscium. Ejus rei allegoria, *Joan. 21.*  
*v. 11.*  
 Rex & regnum correlativa sunt, *Joan. 18.*  
*v. 37.*  
 Rex qualis fuerit Christus, *Matth. 12. v. 17.*  
 Cur se Regem vocet, *ibid. 25. v. 34.*  
 Romani Consules, sub quibus natus est Chri-  
 stus, *Luc. 3. v. 23.*  
 Romani Imperatores vocantur Cæsares &

Augusti: sicut apud Syros solent Principes  
 appellari Antiochi: apud Persas Arsacidae:  
 apud Phylisthæos Abimelech: apud Æ-  
 gyptios Pharaones & Ptolomæi, *Luc. 2. v. 1.*  
 Romanus Pontifex succedit Petro in munere  
 pastorali, *Joan. 21. v. 24.*  
 Ejus in fide indefectibilitas, *Luc. 22. v. 32.*

## S

Sabbati rigidi observatores non fuerunt  
 Pharisei, *Matth. 27. v. 62.*  
 Sabbatinis diebus Christus potissimum mi-  
 racula patrabat, *Joan. 9. v. 14.*  
 Sabbato licet homini cujusvis rationis bene-  
 ficium præstare, *Matth. 12. v. 12.*  
 Sabbaton secundo primum, quid? *ibid. v. 1.*  
 Sabbaton significat quietem, *ibid.*  
 Aliæ ejus significationes, *ibid.*  
 Ejus dominus est Christus, *v. 8.*  
 Sabbato offerebantur & præparabantur sacri-  
 ficia, *Matth. 12. v. 12.*  
 Sabbato quæ opera fieri licitè poterant, *Luc.*  
*13. v. 15. 16.*  
 Sabbato spicas vellere an licuerit, *Luc. 1. v. 2.*  
 Sabbatum paschale vocatur magnus dies sab-  
 bati, *Joan. 19. v. 31.*  
 Sabbatum pro septimana, *Luc. 18. v. 12.*  
 Sabbatum violabant in templo Sacerdotes  
 mactando animalia, ligna ferendo, *Matth.*  
*12. v. 5.*  
 Sabellianorum hæresis refellitur, *Joan. 14.*  
*v. 9. c. 16. v. 15.*  
 Sacerdotes honorare Christum exemplo suo  
 docuit, *Joan. 18. v. 23.*  
 Sacerdoti cur se ostendere debuerit sanatus à  
 lepra, *Matth. 8. v. 4.*  
 Sacerdotio an & quomodo fungi potuerint  
 pater & filius, *Marc. 1. v. 26.*  
 Sacramentarii refutantur, *Matth. 26. v. 26.*  
 Sacrificia judæica merè carnalia, & typica,  
*Joan. 4. v. 23.*  
 Sacrificia olim in montibus offerri consue-  
 ra & cur? *ibid. v. 20.*  
 Sacrificium novæ Legis in spiritu & veritate  
 offertur, *ibid. v. 23 & seqq.*  
 Sacrificium novæ Legis instituitur, *Luc. 22.*  
*v. 20.*  
 Sacrificium novæ Legis stabilitur, *Matth. 26.*  
*v. 18.*  
 Sadducæi cum corpore simul extinguebant  
 animas, *Matth. 22. v. 32.*



Sadducæi tentant Christum, *ibid.* v. 23.  
 Oppugnant resurrectionem, *ibid.*  
 Salim seu salem oppidum, distinctum à Jerusaleme, Joan. 3. v. 23.  
 Sal infatuatum ad nihil utile, Luc. 14. v. 35.  
 Salis qualitates, Marc. 9. v. 48. 49.  
 Sapientie symbolum, *ibid.*  
 Sal symbolum sapientie, Matth. 5. v. 13.  
 Salutare, pro salvatore, Luc. 1. v. 47. Item pro salute, Luc. 2. v. 30.  
 Samaria inter Judæam & Galilæam media, Joan. 4. v. 4.  
 Samaria, urbis & provincie nomen, *ibid.*  
 Samaritani erant Gentiles, Matth. 10. v. 5.  
 Samaritani origine Babylonii, Joan. 4. v. 8.  
 Volebant videri Judæi, Joan. 4. v. 9.  
 Judæis ob duas potissimum causas invisi, *ib.*  
 Samaritanorum cum Judæis discordia, Luc. 9. v. 53. c. 10. v. 33.  
 Sanctificare pro immolare, Joan. 17. v. 19.  
 Sanctum non licet dare canibus, Matt. 7. v. 6.  
 Sanedrin concilium de novis Prophetis exorientibus judicabat, Joan. 4. v. 1.  
 Sanedrin quid, Matth. 10. v. 17.  
 Sanguinis profluvio laborans mulier, Marc. 5. v. 25.  
 Fimbriam vestimenti cur tetigerit, v. 27.  
 Maxima ejus fides, v. 28.  
 Eam celari noluit Christus, v. 30. 32.  
 Sanitatem conferunt Apostoli, Marc. 6. v. 13.  
 Sapientibus hujus mundi quomodo abscondita mysteria regni cælorum, Mat. 11. 25.  
 Satanus quid? *ibid.* 4. v. 10.  
 Satanus juratus hominum adversarius, *ibid.* 12. v. 26.  
 Avidissimus conservandi sui regni, *ibid.*  
 Satum genus mensuræ, *ibid.* 13. v. 33.  
 Scandali vitandi causâ pari oportet jacturam temporalium, *ibid.* 17. v. 26.  
 Scandalizare quid? *ibid.* 18. v. 6.  
 Ejus mala, v. 7.  
 Scandalizari in Christo quid? *ibid.* 11. v. 6.  
 Scandalizati in quo fuerint Apostoli, *ibid.* 26. v. 34.  
 Scenopiegiæ festivitas durabat per septiduum Joan. 7. v. 2.  
 Scillio vestimentorum significabat doloris magnitudinem, Matth. 26. v. 65.  
 Verità summò Sacerdoti, *ibid.*  
 Scribæ & Pharisei comparantur pueris in foro, &c. Matth. 11. v. 16.  
 Eorum morositas, v. 17.

Scribæ & Pharisei per omnia loca dispersi habitabant, *ibid.* 15. v. 1.  
 Cum non possent Christum carpere, carpunt discipulos, *ibid.*  
 Cur acrius tuerentur traditiones Seniorum, quam leges Dei, *ibid.*  
 Inter manducandum crebrò lavabant manus v. 2.  
 Cæci erant & duces cæcorum. *ibid.* 15. v. 14.  
 Scribæ Judæorum qui & quales, *ibid.* 2. v. 4.  
 Scripturarum intelligentia est Spiritus Sancti donum, Luc. 24. v. 45.  
 Sectæ tres apud Judæos, Matth. 3. v. 7.  
 Securis ad radicem, *ibid.* v. 10.  
 Securitas supina salutis ante judicium, Mat. 24. v. 37.  
 Etiam in medio maximorum malorum, v. 39.  
 Sedere ad dextram quid? *ibid.* 22. v. 44.  
 Sedere Christo proximum quid esset, nesciebat mater filiorum Zebedæi, *ibid.* 20. v. 22.  
 Semipelagianorum error circa gratiæ necessitatem, Luc. 12. v. 57.  
 Semitæ Domini quomodo rectæ fieri dicantur, Matth. 3. v. 3.  
 Sententia Dei nunquam mutanda, *ibid.* 25. v. 46.  
 Separatio Christi à discipulis, *ibid.* 11. v. 1.  
 Separatio electorum à reprobis, *ibid.* 25. 31.  
 Sepelire patrem quid? *ibid.* 8. v. 21.  
 Septuaginta duo discipuli eliguntur, Luc. 10. v. 1.  
 Eorum munus Apostolico inferius, *ibid.*  
 Dæmonia expellunt & morbos sanant in nomine Christi, Luc. 10. v. 17.  
 Sepulchra Judæorum è saxi excisa plerumque erant super terram, Matth. 23. v. 26.  
 Sepulchra Prophetarum & justorum cur magnificis structuris ornarent Pharisei, *ibid.* 23. v. 29. Quid per hoc viderentur velle, v. 31.  
 Sepulchrum cur ab Angelo mulieribus apertum fuerit, *ibid.* 28. v. 2.  
 Eo clauso & sigillo inviolato inde exivit Christus, *ibid.*  
 Sepultura apud Judæos extra urbem ad vitandas immunditias, Luc. 7. v. 12.  
 Sequenter Christum merces, Matth. 19. v. 28.  
 Sequi pro imitari, *ibid.* 10. v. 38.  
 Sereptanæ viduæ fides & charitas commendatur, Luc. 4. v. 27.

- Sermo Christi operatorius, Joan. 4. v. 50.  
 c. 11. v. 43.  
 Sermo divinus quàm efficax, Luc. 24. v. 32.  
 Sermo Domini in monte, Matth. 5. v. 1.  
 Serpens æneus in deserto exaltatus figura Christi crucifixi, Joan. 3. v. 15.  
 Serpentina prudentia in Apostolis, Matth. 10. v. 16.  
 Serpentina prudentiæ est subtrahere se persequentibus per fugam, *ibid.* 10. v. 22.  
 Servus piger privatur suo talento, *ibid.* 25. v. 28.  
 Sessio tranquillitatem & auctoritatem Judicis significat, *ibid.* 19. v. 28.  
 Severitas magna Dei in Judicio, *ib.* 25. v. 11.  
 Sexus femineus non est virium, *ibid.* 22. v. 30.  
 Sexuum diversitas erit in resurrectione, *ibid.* *Sicera*, quid sit? Luc. 1. v. 15.  
 Sichar olim dicta Sichem Metropolis aliquando Samariæ, Joan. 4. v. 5.  
*Sicut*, non importat æqualitatem, sed similitudinem, Joan. 17. v. 11 & 21. c. 20. 21.  
*Sicut*, significat similitudinem non æqualitatem, Matth. 5. v. 48.  
 Non habet vim accuratæ similitudinis, Mat. 6. v. 12.  
 Sidon primo-genitus Chanaan, *ibid.* 15. v. 22.  
 Sigilla, quibus confirmanda est prædicatio Apostolorum, sunt miracula, *ibid.* 10. v. 8.  
 Sigillo publico obsignatum sepulchrum Christi, *ibid.* 27. v. 66.  
 Sigillum, quo Deus signavit Christum quale? Joan. 6. v. 27.  
 Signa de cælo quæ sint, Matth. 12. v. 38.  
 Peruntur à Christo, *ibid.*  
 Signa præcessura excidium Jerusalem & totius mundi, Matth. 24. v. 5. 6 & c.  
 Signi crucis formatio à Christo instituta, Luc. 24. v. 50.  
 Signum & Miraculum in quo differant? Joan. 2. v. 11.  
 Signum instantis everfionis Jerusalem, Mat. 24. v. 15.  
 Silentium diabolo vera dicenti cur imponat Christus, Marc. 1. v. 25.  
 Siloë fons ad radices montis Sion, Joan. 9. v. 7.  
 Siloë interpretatur missus, *ibid.*  
 Simeon non fuit Sacerdos, sed Laicus, Luc. 2. v. 25.  
 Simon Cananæus unde sic dictus, Matth. 10. v. 4. Cur zelotes, *ibid.*
- Simon Phariseus an à leproso diversus, Luc. 7. v. 36.  
 Simplicitas columbina in Apostolis, Matth. 10. v. 16.  
*Sindon* quid sit? Matth. 27. v. 59.  
 Sinus Abrahæ sive limbus Patrum, Luc. 16. v. 22.  
 Sinus Patris quid? Joan. 1. v. 18.  
 Sion mons prope Jerosolymam, Matth. 21. v. 5.  
 Sitis Christi morientis vera fuit & naturalis, Joan. 19. v. 28.  
 Situs corporis in comedendo apud veteres, Matth. 26. v. 20.  
 Sodoma exemplum celebratissimum scelestum & suppliciorum, Matth. 11. v. 23.  
 Solemnitates tres, quibus omne masculinum apparere debebat coram Domino quotannis, Luc. 2. v. 41.  
 Soli summi Sacerdotes poterant concilia congregare, Joan. 11. v. 47.  
 Solitudinem amat oratio, Matth. 14. v. 23.  
 Solitudo querenda ad desinenda peccata, *ibid.* 26. v. 75.  
 Sollicitudo nimia vetatur circa vitam, victum & vestitum, *ibid.* 6. v. 25. & c.  
 Sol, luna, stellæ, mysticè explicatæ, *ibid.* 24. v. 29.  
 Sol retraxit radios patiente Christo, Matth. 27. v. 45.  
 Solus cur voluerit esse Christus, *ibid.* 14. v. 22.  
 Somnus qualis & à quo immisus uxori Pilati, *ibid.* 27. v. 19.  
 Soror pro affine usurpatur, Joan. 29. v. 15.  
 Sors an super omnia Christi vestimenta à militibus missa, Joan. 19. v. 24.  
 Spelunca Bethleemitica, Luc. 2. v. 7.  
 Speculatores qui & unde dicti, Marc. 6. v. 27.  
 Spinea corona juxta Christi tempora, Matth. 27. v. 29.  
 Spiritualia dona vendi non possunt, *ibid.* 10. v. 8.  
 Spiritui Sancto appropriantur amor & favor, Joan. 14. v. 16.  
 Spiritui Sancto cur attribuat conceptus Mariæ, Matth. 1. v. 18.  
 Cur in specie columbæ, *ibid.* 3. v. 16.  
*Spiritus blasphemæ* quid sit, *ibid.* 12. v. 31.  
 Spiritus Sancti accessus & recessus hominibus occultus, Joan. 3. v. 8.  
 Spiritus Sanctus ante Christi glorificationem quomodo non datus, Joan. 7. v. 39.



Spiritus Sanctus appellatur donum & aqua viva, & cur, Joan. 4. v. 10. 12.  
 Spiritus Sanctus Christo sine mensura, reliquis per mensuram datus, Joan. 3. v. 34.  
 Spiritus Sanctus cur Spiritus veritatis dicatur, Joan. 14. v. 17 & c. 6. v. 16.  
 Spiritus Sanctus est status Patris & Filii, Joan. 20. v. 22.  
 Spiritus Sanctus non est factus. Joan. 1. v. 3.  
 a Filio procedit, Joan. 15. v. 26. & c. 16. v. 13. 14.  
 Spiritus Sanctus quomodo docuit Apostolos omnem veritatem, Joan. 16. v. 13.  
 Ei adscribuntur ea quæ Apostoli ipso inspirante patrarunt, Joan. 16. v. 14.  
 Spongia sistsit sanguinem, Joan. 19. v. 29.  
 Sponto juvenes, Sponsæ virgines honoris causâ addebantur, Matth. 25. v. 1.  
 Sportæ capaciores cophinis, Matth. 15. v. 32. unde tot in deserto, *ibid.*  
 Spuere in faciem alicujus contumelia gravissima, Matth. 26. v. 6.  
 Stadium continet 125. passus, id est, octavam partem miliaris, Luc. 24. v. 13.  
 Stare cum Christo, quid? Matth. 12. v. 24.  
 Stater idem quod *Siclus*, Matth. 17. v. 26.  
 Stella Magorum, Matth. 2. v. 2.  
 Non apparuit eis per totum iter, *ibid.* v. 9.  
 Non fuit vera stella, *ibid.*  
 Sterilitas apud Judæos probrosa, Luc. 1. v. 25.  
 Stola prima, pro toga pristina, Luc. 15. v. 22.  
 Sudor Christi sanguineus an naturalis, Luc. 22. v. 44.  
 Sugillare, pro obloqui aut infamare, Luc. 18. v. 5.  
 Sumptionis Eucharistiæ utilitates varæ, Joan. 6. v. 64.  
 Superbè aliquid sibi tribuens à Deo deprimetur, Matth. 23. v. 12.  
 Superbiâ & asperitate nihil inquietius, Matth. 11. v. 19.  
 Superbia debet cæcitate & peccatis inde consequentibus frangi, Matth. 13. v. 13.  
 Superbia impedit rerum divinarum intelligentiam, Joan. 3. v. 10.  
 Superbia singularitatem appetit, Luc. 18. v. 9.  
 Superstitiosè minima observabant Pharisei & sine conscientia remorsu gravissima præteribant, Matth. 23. v. 24.  
*Supra*, pro juxta, Joan. 4. v. 6.  
 Suspensos voluit Christus esse omnes de die judicii, Matth. 24. v. 33.

Sustentatio qualiter debeatur Evangelii ministris, Matth. 10. v. 10.  
*Sycomorus* species fici moro similis, Luc. 19. v. 4.  
 Symbola minimæ & maximæ rei apud Judæos, Matth. 23. v. 24.  
 Synagogæ cura Michaëli & Gabriëli demandata, Luc. 13. v. 7.  
 Synedion ex quibus constiterit, Matth. 26. v. 2.  
 Syriaco sermone locutus Christus, *ibid.* 18. v. 6.

T

Talentum quid? Matth. 18. v. 24.  
 Tau denotat signum crucis, Luc. 24. v. 50  
 Tauri & altitia quid potent, Matth. 22. v. 4.  
 Telonium quid? *ibid.* 9. v. 9.  
 Tempestas à Christo sedata tropologicè & allegoricè exposita, Matth. 8. v. 27.  
 Templi atrium triplex, *ibid.* 21. v. 12.  
 In templo quæ enderantur, *ibid.*  
 Templi & Synagogæ distinctio, *ibid.* 4. v. 22.  
 Templi eximia pulchritudo ejusque descriptio, Matth. 24. v. 21.  
 Ejus structura penitus destructa, v. 2.  
 Templi Jerosolymitani sanctitas & veneratio etiam apud gentes, Joan. 12. v. 20.  
 Templi immanis profanatio, Matth. 24. v. 2.  
 Templo major est Christus, *ibid.* 12. v. 6.  
 Templum ab Herode ædificatum per annos 46. Joan. 2. v. 20.  
 Templum à Samaritanis extructum in monte Garisim, Joan. 4. v. 8.  
 Quando illud destructum fuerit, Joan. 4. v. 20  
 Templum Jerosolymitarum bis terve defensum, Matth. 24. v. 15.  
 Templum Judæorum typus Ecclesiæ novi Testamenti, Matth. 21. v. 12.  
 Quomodo fieret spelunca latronum, v. 13.  
 Templum non verò arcem Sion cur intret Christus, Matth. 21. v. 12.  
 Templum pro Christi humanitate Deitatis habitaculo, Joan. 2. v. 19. 21.  
 Temporalia quæri possunt, Matth. 6. v. 33.  
 Temporibus diversis cur invitentur homines ad nuptias, *ibid.* 22. v. 4.  
 Tempus novæ legis appellatur annus Domini acceptus, Luc. 4. v. 19.  
 Tempus vitæ Christi à Deo definitum, Joan. 11. v. 10.

Tenebræ crepuscularès, Joan. 20. v. 1.  
 Tenebræ patiente Christo toto orbe fuerunt,  
 Matth. 27. v. 45.  
 Triplex in illis miraculum, *ibid.*  
 Tentari Christum & tentationes ejus quid  
 significent, *ibid.* 4. v. 11.  
 Tentari plerumque utile, *ibid.* 6. v. 13.  
 Tentationi non succumbere effectus oratio-  
 nis, *ibid.* 26. v. 21.  
 Ter cur Christus oraverit, *ibid.* 26. v. 43.  
 Terra bona triplex est, sicut & mala. Terræ-  
 motus descendente Angelo, *ibid.* 28. v. 2.  
 Terræ-motus magni ante captam Jerusa-  
 lem, Matth. 24. v. 7.  
 Terrenarum rerum amore neglexerunt Ju-  
 dæi credere, *ibid.* 22. v. 4.  
 Terret Christus ingratos & impoenitentes  
 Judæos, *ibid.* 12. v. 43.  
 Tertulliani error de tempore passionis  
 Christi, Luc. 3. v. 1.  
 Testamentum duplex celebre, Matt. 26. v. 27  
 Vetus non est propriè testamentum, *ibid.*  
 Testamentum dupliciter sumitur, Luc. 22.  
 v. 20.  
 Testes falsi, sed qui veri apparent, contra  
 Christum quæruntur, Matth. 26. v. 59.  
 Testimonium Christi de se ipso qualiter non  
 sit verum, Joan. 5. v. 31.  
 Testis non pro se, sed pro aliis fert testimo-  
 nium, Joan. 18. v. 21.  
 Tetrarcha & Tetrarchia quid? Marc. 6. v. 4.  
 Tetrarchia pro quartæ regni parte, Luc. 3. v. 1  
 Thadæus aliàs vocatus Judas & Lebbæus,  
 Matth. 10. v. 3.  
 Theophylus cui Lucas Evangelium & Acta  
 dedicavit quisnam, Luc. 1. v. 3.  
 Thesaurizandum in cælo, Matth. 6. v. 20.  
 Thomas Apostolus an absens acceperit pote-  
 statem absolvendi, Joan. 20. v. 24.  
 Ejus tarditas in credendo resurrectionem,  
 Joan. 20. v. 25. An vulnera Christi con-  
 treclaverit manu, Joan. 20. v. 28. Christi  
 humanitatem & divinitatem cum perso-  
 næ unitate, credidit, *ibid.*  
 Thomas & Didymus synonyma sunt signifi-  
 cantia gemellum, Joan. 11. v. 16.  
 Thomæ etymologia, Matth. 10. v. 3.  
 Tiberias urbs ab Herode in honorem Tiberii  
 Cæsaris condita, Joan. 6. v. 1.  
 Tiberius ab Augusto adoptatus, ei in impe-  
 rio successit, Luc. 3. v. 1.  
 Timor & gaudium mulierum excupium

de monumento unde ortum, Matth. 28.  
 v. 8. & 10.  
 Timor reverentialis, Luc. 7. v. 16.  
 Titulus crucis Christi triplici idiomate con-  
 scriptus & quo ordine, Joan. 19. v. 20.  
 Torcular quid designet, Matth. 21. v. 33.  
 Totum pro parte, *ibid.* 12. v. 40.  
 Trachonitidis regio aspera & saxosa, Luc. 3.  
 v. 1.  
 Tractio divina non fit foris in corpore sed  
 intus in corde, Joan. 6. v. 44.  
 Tractio omnium ad Christum & per Chri-  
 stum exaltatum, Joan. 12. v. 32.  
 Traditiones afferuntur, Matth. 28. v. 30.  
 Traditiones divinæ agnoscendæ, Luc. 1.  
 v. 2.  
 Traditiones Ecclesiasticæ afferuntur, Matth.  
 15. v. 9.  
 Traditiones seniorum, onera importabilia,  
 Matth. 23. v. 4.  
 Qui per templum jurat, etiam jurat per  
 Deum, Matth. 23. v. 21.  
 Traditionum Pharisaicarum origo & autho-  
 ritas, Matth. 15. v. 3.  
 Multæ frivolæ, turpes & contra verbum Dei,  
*ibid.* Procedebant ex ignorantia, Matt. 23.  
 v. 16.  
 Traditum Christo imperium tamquam ho-  
 mini, *ibid.* 11. v. 27.  
 Vel per generationem æternam, *ibid.*  
 Traducere quid significet, *ibid.* 1. v. 19.  
 Transfiguratio fuit mutatio externæ speciei,  
*ibid.* 17. v. 2.  
 Tribulationis signe saliendo sunt justî, Marc.  
 9. v. 48.  
 Pro Tribunali sedere quid? Joan. 19. v. 13.  
 Tribunus quot milites sub se haberet, Joan.  
 18. v. 12.  
 Tribus linguis cur scripta causa supplicii  
 Christi, Matth. 27. v. 37.  
 Tributis cur faveret Herodes, *ibid.* 22. v. 16.  
 An liceret ea solvere, controversum, v. 17.  
 Triclinium quid sit, & unde dictum, Joan.  
 2. v. 8. & Luc. 7. v. 38.  
 Trinitatis mysterium exprimitur, Luc. 4.  
 v. 18.  
 Tripudium filiz Herodiadis in convivio.  
 Marc. 6. v. 22.  
 Tristitia in gaudium convertenda, Joan. 16.  
 v. 20.  
 Tristitiam cur Christus in se excitaverit  
 Matth. 26. v. 37.



Non turbavit ea gaudium beatificæ visionis, v. 38.

Tristitia somnum provocat, *ibid.* 26. v. 43.

*Triticum* sunt boni, *palea* mali, *ibid.* 3. v. 12.

Tumultus quare timebatur in die festo, Mat. 26. v. 5. quomodo evitatus etiam in die festo, v. 1. 6.

Tunica Christi allegoricè significat charitatem & Ecclesiam, Joan. 19. v. 24.

Tunica Christi inutilis à B. Virgine contexta, *ibid.*

Tunica interiorem vestem significat, Joan. 19. v. 23.

Tunica Petri fuit exterior chlamys seu palium, Joan. 21. v. 7.

Ex qua materia fuerit confecta, *ibid.*

Tunso pectoris pœnitentibus familiaris, Luc. 18. v. 13. c. 23. v. 48.

Turris in Siloë corruens nonnullos oppressit, Luc. 13. v. 4.

Tyrus & Sidon numquam in potestatem Hæbræorum venerunt, Matth. 15. v. 21.

Tyrus ubi sita, Matth. 11. v. 21.

## V

VAnitatis cupiditas vitanda, Luc. 4. v. 42.

Væ æternæ miseriæ comminationem denotat, Luc. 6. v. 24.

A vestigali cur immunis Christus, Mat. 17. v. 25.

Velum duplex in templo, *ibid.* 27. v. 51.

Ejus scissio quid significet, *ibid.*

Venia danda iis, qui nos offenderunt, ex animo, *ibid.* 18. v. 35.

Venire ad Christum pro credere in Christum, Joan. 6. v. 37. & seqq.

Ventrem quod intrat qualiter non inquinat animam, Matth. 15. v. 17.

Ventilabrum quid significet, *ibid.* 3. v. 12.

Verba Christi in nobis manere quid? Joan. 15. v. 7.

Verba Dei audiens & faciens similis viro sapienti, qui ædificat domum suam super petram, Matth. 7. v. 24.

Verba imperativa interdum sumuntur permissivè, Joan. 13. v. 27.

Verbi divini consubstantialitas cum dicente, Joan. 6. v. 46.

Verbi divini æternitas ostenditur, Joan. 1. v. 1. 3.

Verbum Dei suscipientes comparantur viæ

publicæ, petræ, terræ spinosæ, terræ bonæ; Matth. 13. v. 19. & seqq.

Verbum divinum non est instrumentum aut minister Patris in creando, Joan. 1. v. 3. quâ ratione illuminat omnem hominem, Joan. 1. v. 9.

Verbum phrasi Hebraica usurpatur pro redicta, Luc. 1. v. 37. & c. 2. v. 15.

Veritas divinationis probatio est divinitatis, Joan. 14. v. 29.

Veritas per se omnibus amabilis per accidens odibilis malis, Joan. 3. v. 20.

Veritas quomodo per Christum facta, Joan. 1. v. 17.

Veritatis cognitæ prævaricatio gravis, Luc. 12. v. 47.

Veritatis & sinceritatis amans Christus, Matth. 22. v. 16.

Vermis corporeus damnatos torquebit, Marc. 9. v. 47.

*Vespera* pro nocte, Matth. 28. v. 1.

Vestes plures præter tunicam gerebat Christus, Joan. 13. v. 4.

Vestigia pedum Christi ascendentis impressa petræ, Luc. 24. v. 51.

Vestimenta quæ & quare straverint occurrentes Christo, Matth. 21. v. 8.

Vestis nuptialis in quo consistat, *ib.* 22. v. 11.

*Vestitus mollibus* quis? *ibid.* 11. v. 8.

Vetus lugendi & pœnitendi ritus, *ibid.* 11. v. 21.

Vexatio dat intellectum, Luc. 15. v. 17.

Via plana mysticè exponitur, Luc. 3. v. 5.

Via salutis arcta, Matth. 7. v. 14.

Via Sanctorum pro Christo propalata, Luc. 14. v. 17.

Via virtutis vocatur angusta porta, *ibid.* 13. v. 24.

Victorias suas Deo Titus adscribebat, Matth. 24. v. 22.

Videre, & audire apud Deum idem sunt, Joan. 3. v. 32.

Viduarum facultates exhauriebant Judæi, Matth. 23. v. 14.

Circa viduas hypocritæ negotiari solent & felicius aucupantur, *ibid.*

Vigilare quomodo debeant Christiani semper, Matth. 24. v. 44. & c. 25. v. 13. Marc. 13. v. 35. & 37.

Vigiliæ noctis tres horas singulæ continent, Luc. 12. v. 38.

Villicus & villicatio, Luc. 16. v. 1.

Villi-

Villicus iniquitatis, Luc. 16. v. 8.  
*Vinculorum* nomine quid intelligatur, Matt. 16. v. 19.  
 Vindicare pro defendere, Luc. 18. v. 3. 7. 8.  
 Vineam quid significat, Matth. 21. v. 33.  
 Vini in vulneribus grandis efficacia, Luc. 10. v. 34.  
 Vinum acetosum Christo datum, Matth. 27. v. 34. Quod tamen optimum solebant dare damnatis ad mortem, *ibid.*  
 Vinum aqua temperatum, Matth. 26. v. 27.  
 Sumitur metaphoricè, v. 29.  
 Viperae sunt haeretici, Matth. 3. v. 7.  
 Pharisei, *ibid.* 12. v. 34.  
 Virgines decem, Matth. 25. v. 1. imprudentia quarundam, v. 2. earundem anxietas, sed sera, v. 11.  
 Virginitatis laus, Matth. 22. v. 3.  
 Viribus propriis non fidendum, *ibid.* 26. v. 35.  
 Vir mysticè denotat rationem, quatenus regit appetitum, Joan. 4. v. 16.  
 Virtus & majestas Dei ad judicium venientis in quo consistat, Matth. 24. v. 3.  
 Virtus sola defunctorum comes Luc. 12. v. 20.  
 Virtutis Christi magnitudo, Marc. 9. v. 19. & 25.  
 Visitatio Dei facienda in die judicii, Matth. 22. v. 11.  
 Visitatio subinde in bonam, subinde in malam partem sumpta, Luc. 1. v. 68.  
 Visus est sensus generalis juxta Augustinum, Joan. 20. v. 29.  
 Visus porta luxuriæ, Matth. 5. v. 28.  
 Vita activa & contemplativa, Luc. 20. v. 42.  
 Vita æterna acquiritur duobus potissimum mediis, Joan. 17. v. 3.  
 Vita æterna hæreditas & præmium, Matth. 25. v. 34.  
 Vita sola æterna, est dicenda vita, Matth. 19. v. 16.  
 Vita temporalis postponenda confessioni nominis Christi, Matth. 10. v. 39.  
 Vitis veræ appellatio quam congruè Christo competat, Joan. 15. v. 1.  
 Vitulus saginatus occisus Christum immolatum denotat, Luc. 15. v. 23.  
 Una sabbati primam diem post sabbatum significat, Joan. 20. v. 1.  
 Unctio Christi in conceptione peracta, in baptismo demonstrata, Luc. 4. v. 18.  
 Unctione sanant Apostoli, Marc. 6. v. 13.  
 Unctio Regum Sacerdotum & Prophetarum

Christi unctionem figurabat, Joan. 1. v. 47.  
 Unguentum multiplex, Matth. 26. v. 7.  
 Profusio ejus non maculabat, *ibid.*  
 Cur caput Christi eo perfusum, & pedes? *ibid.*  
 Per Unicum ejectum ex convivio nuptiali quid significetur, Matth. 22. v. 14.  
 Unione hypostatica rerum omnium imperium Christotraditum, Matth. 11. v. 27.  
 Unitas Christi cum Deo, communicatur Christianis, Joan. 17. v. 22.  
 Unitas Dei in Trinitate personarum, Matth. 28. v. 19.  
 Universales locutiones conditionem implicitam plerumque imbibunt; Joan. 6. v. 55.  
 Vocari pro esse, Matth. 1. v. 3.  
 Vocatum esse non sufficit, nisi quis vocatione sua dignè se gerat, Matth. 22. v. 11.  
 Voce magna cur Christus clamaverit emitendo spiritum, Matth. 27. v. 50.  
 Vocis Dei loquentis effectus, Matth. 14. v. 27.  
 Volo pro præfero, Matth. 12. v. 7.  
 Voluntas signi, & voluntas efficax, Matth. 23. v. 37.  
 Voluntatis malitia est causa ignorantiae & cæcitatibus, Joan. 5. v. 40.  
 Vox Christi, *ego sum*, turbam prostravit, Joan. 18. v. 6.  
 Vox magna toto mundo personabit, ministerio Angelorum in extremo judicio, & quare? Matth. 24. v. 31. & 25. v. 6.  
 Ut, eventum non causam significat, Matth. 1. v. 22. & 2. v. 15. & 5. v. 16 & 8. v. 17. & 13. v. 13. & 21. v. 3. Joan. 12. v. 38.  
 Vulnera passionis manserunt in Corpore Christi glorioso, Luc. 24. v. 39.  
 Vulnerum Christo infligatorum quantitas & figura, Joan. 20. v. 25. 27.  
 Manserunt in corpore glorioso, & manent etiam nunc in cælis, *ibid.*  
 Vulvam adaperire, periphrasis est primogeniti, Luc. 2. v. 23.  
 Uxorem dimittere, aut dimissam ducere moechari est, Luc. 16. v. 18.  
 Uxorem fratris sui viventis duxit Herodes, Marc. 6. v. 18.  
 Uxoris Loth in statuam salis commutatae allegoria, Luc. 17. v. 32.  
 Uxor quatenus pro Christo deferri posset, Matth. 19. v. 29.



Z

Zacharias pater Joannis Baptistæ non fuit summus Sacerdos, Luc. 1. v. 5. 9.

Peccavit dubitando de testimonio Angeli, & ob id loquela & æditu multatus ad tempus, Luc. 1. v. 20. 22. & 62.

Zacharias quis occisus? Matth. 23. v. 35.

Zachariæ prophetia, quomodo ex Jeremia, Matth. 27. v. 9.

Zacharus à munditiæ dicitur, Luc. 19. v. 2.

Ejus statura pusilla, ejus ascensus in sicomo-

rum, Luc. 19. v. 4.

Zelus Apostolorum pro quiete sui Domini, Matth. 19. v. 13.

Zizania sunt hæretici, Matth. 13. v. 25.

Similia sunt tritico, v. 29.

Posunt eradicari, quando de stabilitate frumentorum securitas manet, *ibidem*.

Cur permittenda sunt crescere usque ad consummationem sæculi, v. 30.

Cur in fasciculos alliganda, *ibid.*

Zorobabel & Salathiel apud Lucam & Mat-

thæum diversi, Luc. 3. v. 27.

Zuinglius refutatur, Matth. 26. v. 26.

## SUMMA PRIVILEGII.

CAROLUS II. Dei gratiâ Hispaniarum & Indiarum &c. Rex Catholicus, Archidux Austriæ, Dux Burgundiæ, Brabantiae &c. Diplomate suo sanxit, ne quis præter FRANCISCI T'SERSTEVENS, Bibliopolæ Bruxellensis, voluntatem, Librum cui titulus, JANSENIUS IMPRENSIS IN EVANGELIA, intra novennium imprimat aut alibi locorum impressum in hanc Provinciam importet, venalemve exponat. Qui secus faxit, confiscatione dicti Libri & aliis gravibus pœnis multabitur: sicuti latius patet in Litteris datis Bruxellæ, die 23. Aprilis. 1694.

*Signat*

L O Y E N S.

